







Johannis Baptistæ du Hamel  
O P E R Û M  
P H I L O S O P H I -  
C O R U M  
T O M U S I.

*In quo continentur tractatus hi sequentes:*

- I. Astronomia Physica.
- II. De Meteoris & fossilibus libri duo.
- III. De Consensu veteris & novæ Philosophiæ.



N O R I M B E R G <sup>M</sup>,  
*Sumptibus* JOHANNIS ZIEGERI, Bibliopola.  
*Licentia* CHRISTOPHORI GERHARDI.

ANNO M DC LXXXI.

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY  
1215 EAST 58TH STREET  
CHICAGO, ILL. 60637

THE UNIVERSITY OF CHICAGO  
LIBRARY  
1215 EAST 58TH STREET  
CHICAGO, ILL. 60637

THE UNIVERSITY OF CHICAGO  
LIBRARY  
1215 EAST 58TH STREET  
CHICAGO, ILL. 60637



I.

*Johannis Baptista du Hamel*

# ASTRONOMIA PHYSICA,

*Seu*

De Luce, Natura & Motibus Cor-  
porum coelestium

## LIBRI DUO.

In priori libro de Lumine & Colori-  
bus agitur. In posteriori universa Astronomia tum spe-  
culatrix, tum practica Physicè & Geometricè,  
citra Euclidis opem demonstratur.

*Accessere*

Petri Petiti Observationes aliquot Eclipsium Solis & Lu-  
næ cum Dissertationibus : De Latitudine Lutetiæ, declina-  
tione Magnetis, nec non de novo Systemate Mundi,  
quod Anonymus dudum proposuit.



## PRÆFATIO.

**P**HILOSOPHIAM naturalem, non quidem re-  
stituere, (neque enim adeò frontem polui, ut istuc  
mihi arrogem) sed tamen non mediocriter illustrare,  
atque eam omnibus suis partibus absolutam tradere  
mihi est in animo. Diu est quòd in id opus seriò incumbo, &  
quantum ego auguror, non nisi post multum laboris exhausti, su-  
premam manum imponam. Quæ sit mihi mens, quod consilium,  
breviter aperiàm. Non Physicam modò, sed etiam omnium scien-  
tiarum, quæ cum illâ quâdam societate junguntur complexum (si  
Deus mihi usuram hujus lucis concesserit) pertractare institui.  
Hæc enim scientia cum sit latissimè fusa rerum ferè omnium  
cognitionem sibi vindicat, reliquis artibus, ac disciplinis, quas suâ  
ubertate complet, modum & fines præscribit. Verùm cum pleri-  
que circa verborum controversias molestissimâ diligentia perversi-  
tate hærent, Mathematici, Medici, Alchimistæ potiores Physi-  
cæ partes occupant, & tanquam in vacuas possessiones irrum-  
punt. Philosophi autem quasi in pistrinum detrusi exilibus, & an-  
gustis disputationibus illigati, circa res tenues, & jejunas versantur.  
Non id mihi assumo, ut adversus prærapidum consuetudinis,  
quæ quotidie magis invalescit, torrentem brachia dirigam: at si  
nostra repetere fas non sit, licebit saltem quæ ad hujus scientiæ  
splendorem conferunt, ab ijs, à quibus expilati sumus, mutuari.  
Mirus

Mirus sanè omnium quasi consensus scientiarum , concentusque reperitur : nulla ferè à cæteris avulsa per seipsam constare potest , nulla alterius subsidio non indiget , nec tam videntur fontibus , quàm rivulis diduci. Omnem denique doctrinam artium liberalium uno quodam societatis vinculo contineri , atque ex Physicâ , tamquam ex communi stirpe præcipuas Mathesecos , & Medicinæ partes oriri , nemo nisi in rerum contemplatione parum versatus negaverit. Cæterum eam Philosophiæ naturalis partem nunc tractandam suscipio , quæ cum reliquis minùs est conferta , & colligata , eaque separatim tradi facilè potest. Duobus libris universam Astronomiam complectimur ; in priori naturam , causas , & motus luminis inquiremus ; atque ut hæc disputatio sit plenè cumulatèque perfectâ , de essentiâ & varietate colorum fusè differimus. Posterior liber naturam , & motus corporum cœlestium explicat : ubi celeberrimæ controversiæ , de maculis Solis & Lunæ , cometarum generatione , telluris motu , & mundi systemate excutuntur ; sphæra cœlestis , planetarum Theoria , & praxis Astronomica evolvuntur. Occurrent nonnulla è Geometriæ fontibus paululùm difficiliora , quorum tamen partem inaximam ad libri calcem rejecimus , ne iis , qui huic generi demonstrationum minùs sunt assueti aliquam moram objiciant. Nihilo tamen secius licebit nobis , sine Elementorum Euclidis adminiculis Astronomiam non physicè modò , sed etiam Geometricè demonstrare : adcò ut vel tyronibus constare possit quâ arte , quâve ratione Astronomi motuum cœlestium leges , & periodos definire ; eclipses prænuntiare ; ac siderum à terrâ distantiam , & magnitudinem potuerint dimetiri. Nihil magis affecto , quàm eruditam brevitate cum perspicuitate conjunctam : utrum id perfecerim , malo in aliorum opinione relinquere , quàm quid sublatius de me effutire. Dedi etiam operam , quoad ejus fieri potuit , ut seriâ utilitatem ingenuâ dele-

# P R Æ F A T I O.

Etatione temperarem. Quocirca hoc opus in dialogos digessi,  
 qui suâ varietate Lectoris animum demulceant. Nam jucunditate  
 aliquâ ducti libentiùs addiscimus ea, quorum jejuna & arida tra-  
 ditio avertit animos legentium, & aures præsertim delicatas ra-  
 dit. Mihi tamen religio est in digressiones ex præparato quæsitæ  
 evagari, vel in longos sermones me diffundere, aut denique ordi-  
 ne tumultuario (quo nihil in dialogis solennius) atque ut ad ma-  
 num venêre quæque pertractare. Nullam porro disciplinam im-  
 probo, ex omnibus delibo quod similis veri mihi videtur. Male-  
 dictis, & conviciis velitari infra Philosophi dignitatem puto. Abo-  
 litas, atque abrogatas opiniones retinere insolentiæ cujusdam,  
 & minutæ ambitionis mihi videtur: quamquam, ut præclare sen-  
 tit Tullius, non hominum interitu sententiæ quoque excidant, sed  
 lucem auctoris fortassis desiderant. Profecò hîc, si usquam aliàs,  
 temperamentum quoddam moderatióque tenenda est: nec Philo-  
 sophus nimius sit antiquitatis admirator, aut recentiorum inventa  
 omninò contemnat. Non enim rogationibus, aut plebiscitis san-  
 cta sunt veterum decreta: nec nos tarditatis natura damnavit,  
 ita ut nulla scientiis fieri possit accessio. Cavendum tamen est,  
 ne gratiâ novitatis capti juniorum opinionibus ultrà quàm par sit  
 indulgeamus. Quare non dubitabo Philosophos, tum veteres,  
 tum recentiores sequi, sed libero incessu: hoc enim sum solutor,  
 & liberior, quòd nullius auctoritas me adstrictum tenet. Antiquo-  
 rum gloria satietate quâdam non debet languescere; nec recen-  
 tiorum operibus obesse debet, quod adhuc vivunt. Hoc, inquit  
 Plinius, pravum malignumque est non admirari homines admira-  
 tione dignissimos, quia videre, alloqui, adire, complecti,  
 nec laudare tantum, verum etiam amare  
 contingit.

ASTRO-

# ASTRONOMIA PHYSICA.

SEU  
DE LUCE, NATURA ET MOTIBUS  
CORPORUM COELESTIUM  
DIALOGI.

## LIBER PRIMUS.

*De lumine, & coloribus.*

### CAPUT PRIMUM.

*De naturâ luminis.*

Tres præcipuè de luminis naturâ sententiæ expendantur. I. est Peripateticorum, qui lucem & lumen inter qualitates numerant. II. Epicuri & Gassendi, qui lumen esse putant effluvium quoddam substantiale, à corpore lucido jugiter dimicans. III. Cartesii, qui lumen æthereæ substantiæ, quam secundum elementum vocat, impulsus definit, ab agitatione corporis lucidi profectum. Rejæctis aliis, Aristotelis sententiæ defenditur.

*Menander, Theophilus, Simplicius.*

*Men.*



Uisiste quæso mi Theophile, te ipsum volumus. Satin salva sunt omnia? nescio quid subtristis mihi videre.

*Th.* Tot nunc sollicitor rebus, tot negotiis distrahor, ut mihi vix aliquid temporis vacui concedatur, quod Philosophiæ studio impendam.

A

*Men.*



*Men.* Idem mihi usuvenit; sed subcissiva quædam incurrunt tempora, quæ perire non patior. Cum igitur hic dies nobis ad rusticandum datus sit, negotia civilia paulisper facessant. Quò id fiat magis, juvat in rerum cælestium contemplatione versari: nisi quid Simplicio videtur secus.

*Simp.* Mihi consilium perplacet; atque hoc ipsum agamus. Unde porro nisi à lumine incipiemus, quod res cælestes cum terrenis conciliat, ac vinculum universi, flos, decor, & cæli pulcritudo jure vocitatur? Ante omnia quid sit, substantia an accidens, vel etiam motus, inquirendum nobis est.

*Lumen esse qualitates.*

#### I. ratio

- Th.* Altè verò, & ut oportet à capite repetis quod discutendum est. Vetus opinio est, eaque omnium ferè Philosophorum firmata consensu, lumen nihil esse quàm accidens: nam qui lumen corpus esse, vel substantiam dixerit, idem necesse est ut vacuum in naturam inducat. Duo quippe corpora ex eodem loco sese mutuo extrudunt. Audio vos Epicuræ philosophiæ assertores; non ægrè inane disseminatum admittitis, & quod ipsa natura vacuum averfatur, non horretis. Velim tamen ut luminis per aëra trajectionem mihi explicare dignemini. Ad poros undeque rectos confugitis. Verùm cum lumen ex aëre in aquam incidens refringitur; cur omnes radii perpendiculari excepto franguntur, atque à recto tramite deflectunt? Jam hoc argumentum alias, ubi de calore agebatur, sumus profecuti, cujus hæc ferè summa est. Quòd si pori corporum ex omni parte in lineas rectas, instar quincuncis, porrigantur, nullus radius, ne obliquus quidem, frangetur. Contra, si meatus corporis diaphani, per quos lumen trajicitur, non sunt undeque recti: nihil est causæ cur radii etiam perpendiculares non refringantur. Omnes quippe incurvari, & à recto itinere deviare necesse est. Sed de corpore diaphano suo loco dicendum.
3. Addámne, quòd si lumen corpus sit, vel substantia, nullâ mentis contentione instantanea illius diffusio comprehendi poterit? An idem corpus simul, & in eodem momento in pluribus locis existet, cælum, & terram pervadet? Quomodo tanta luminis moles indefinenter generatur, & corrumpitur? quid ex illius corruptione procreatur? quæ causa effectrix adeò potens cælestem illam substantiam tam citò destruit? quâ porro ratione fieri posse credam, ut ex Sole lumen jugiter dimanet, citra ullum corporis solaris dispendium. Jam si ad fidem nostram provocare liceat: cum lumen, & color ejusdem sint speciei, ut fortè aliquando demonstrabimus; cumque lumen sit substantia, erit itidem & color, Quid igitur dicturi sumus



lumen de sacrosancti Sacramenti speciebus? an aliquid substantiæ ibi remanet. Hæc sanè cum religionis nostræ decretis non conveniunt, imò nec pura puta Philosophia ea probabit: novit enim, non substantiam sed qualitates sub sensu cadere, cum sensus ipse sit in qualitatum censu; cumque sit facultas quædam, & potentia operatrix; non ergo lumen, vel color aliud erit quàm qualitas. Quæ quidem demonstrationi proxima mihi videntur, nec ullâ ratione infringi posse puto.

*Simp.* Non is sum, qui à receptâ Philosophorum opiniohe facile recedam: sed neque Philosophum decet temerè, & quasi inaudita causâ proferre sententiam; nec ut puto Epicureorum opinio, qui lumen esse tenuissimam flammam existimant, ad eò absurdum est, ut plerique omnes Peripatetici arbitrantur. An illud corpus non erit, cui omnes corporis affectiones apprimè conveniunt? nunquid lumen suâ mole, suâ extensione, figurâ, motu denique suo donatur. Dimensiones sibi proprias, neque à subiecto mutatas habet; in omnes partes diffunditur; figuræ suæ ad eò tenax est, ut si lumen solis per foramen quadratum transierit, circularem tamen figuram in chartâ oppositâ delineet. Quid de motu luminis dicam, quod resilit ex occurso corporis, & refringitur non secus ac globus impactus, ubi ex aëre in aquam incidit. Postremò lumen calefacit, urit, vapores attollit, quæ perfectò in purum accidens non cadunt. Quòd si lumen nihil sit quàm accidens, quodnam est illius subiectum, quod illius vehiculum? numquid aër? sed agitato aëre, lumen minimè movetur. Quot faces lumen suum per angustissimum foramen, sine confusione trajiciunt; nec tamen plura ejusdem speciei accidentia in eadem sede morari possunt? Cætera quæ sunt accidentia in subiecto quiddam imprimunt, quod non statim extinguitur: sed lumen ad eò leviter aërem afficit, ut subducto corpore lucido, nullum sui vestigium relinquat. Mirum si accidens à subiecto suo minimè dependeat, ac de subiecto in subiectum commeari possit? idem quippe radius cælum, aëra & aquam pervadit. At negas duo corpora in eodem loco simul posse consistere. Hoc ipsum in vacui disseminati argumentum, trahunt Epicurei. Eadem certè ratione ignem non esse corpus conficies, est enim flamma in fumo, uti lumen in aëre. Quid porro lumen nisi flamma tenuissima? nam ut aqua in vapores, sic flamma in lumen circumfusus extenuatur, atque uti aqua in vaporem rarefacta minùs madefacit, sic lux ita attenuata minùs calefacit, quàm flamma, quæ solidior est & compactior, Denique ut vapor in superiore alembici parte,

*Sententia  
Epicureorum  
proponitur.*

1.

2.

3.

4.

te, præ frigore condensatur, ac pristinam aquæ formam induit; sic lux dispersa, in speculis concavis iterum coalescit, & comburit; adeo ut lumen esse caloris vehiculum, nemo dubitare possit. Quod funebas de instantanea luminis effusione, magis me movet; neque enim corpus tantum spatium in momento potest occupare. Sed nisi me fallit animus, in eodem luto hæsit; nec facile explicabis quomodo accidens, vel qualitas in puncto temporis propagari possit. An lux à Sole, huc usque pervenit? sed accidens de loco in locum non migrat. An potius lux, quæ in Sole est, propagatur, atque aliud lumen sibi cognatum, & simile procreat, quod subinde aliud diffundit? At obstat tam præcept, atque ut putant momentanea luminis effusio. Magnum quiddam putant se afferre, cum ajunt luminis propagationem in instanti perfici, quod lumini nihil advesetur, nihil illius effusionem remoretur. Quasi verò corpus in vacuo constitutum, ubi nulla esset resistentia, in momento moveretur? quasi sonus, cui nihil contrarium est, in instanti diffundatur? quis tot luminis propagationes seu novas productiones simul perfici concipiat? hic igitur nodus utrisque communis solvendus est. Nec facile concessero lumen in instanti propagari. Quemadmodum enim quod oculis nostris instar puncti apparet, non utique punctum est, sed innumeris constare partibus, ex microscopio deprehendimus; sic quod raptim movetur, in momento ferri credimus. Lumen quidem perniciosissime movetur: nam inter corpus & spiritum quasi ambigit; quo verò res magis à materiâ secernitur, eo mobilior est, & ad agendum efficacior, ut videre est in spiritibus animalibus, qui subtilissimi sunt, atque vivacissimi, omnis adeo motus, vel actionis principia. Sed ne tibi parum liberalis videar: concedam luminis propagationem in puncto temporis perfici: quid hinc colliges, lumen nihil esse quam accidens? imò hinc conficio lumen esse tenuissimum corpus, quod Soli indivulsè adhæret, unà cum Sole circumagitur, nec de novo gignitur, adeo ut necesse non sit causam inquirere, quæ tantum corpus destruat. Manet, inquam, idem lumen, quod in mundi conditione fuit procreatum; radii solares tanquam virgulæ subtilissimæ Soli affiguntur, atque illius comam, vel potius coronam efficiunt. Neque ut puto aliâ ratione luminis effusio explicari potest. Quocirca lumen reflectitur quidem, & refringitur; sed à suo fonte nunquam separatur; generationem vel corruptionem nescit. Quod de naturâ perspicui addebas, id separatum, & distinctius alibi expendemus; neque dissimulandum est, omnium quas in medium adduxisti rationum, eam esse adversus

Epi-

Epicurorum sententiam longè maximam. Postremò, quod ad fidem nostram provocasti, atque ex Sacramento altaris lumen substantiam non esse, demonstrare conatus es: multa occurrunt, quibus hanc hæreseos notam abstergant Christiani Philosophi. Primum enim lumen est quid extraneum, nihil ad panis substantiam pertinet; quid igitur refert, substantia sit, vel accidens? Quemadmodum si quid pulveris adhæreat speciebus hostiæ consecratæ, nihil ad panis substantiam attinebit. At inquires, color panis est ipsi intrinsecus, & tamen nihil aliud quàm lux est. Utrumque in quæstione versatur; an color nihil à luce differat, atque ut hoc verum sit, rectè inquirimus an color sit quiddam à lumine extraneo distinctum: nam recentiores ferè omnes sentiunt colorem nihil esse quàm lumen variè reflexum, vel infractum. Verùm hæc omnia ab hac quæstione, quæ in manibus est, separantur. Habes ô Theophile, non quid mihi, sed quid Epicureis probetur.

*Men.* Jam si ita tibi videtur, non quid alii, sed quid tu ipse sentias, dic apertè: nescis quantâ cum attentione sumus te auditori.

*Simp.* Quando soli sumus, licet verum exquirere sine invidiâ; Vix animum induco ut lucem substantiam, vel tenuissimam flammam esse putem: nam Theophili disputatio, si non penitus hanc opinionem sustulit, certè non parum labefactavit. Maximè ratio illa, quam à refractione deprompsit, lumen nihil esse quàm qualitatem, jam ferè mihi persuasit. Sed quodnam est illud qualitatis genus, quod à subiecto suo non pendet, neque unà cum illo movetur? quâ etiam ratione producit? nunquid de potentiâ subiecti eruitur? quis hoc crediderit? Corpora quæ sunt opaca cælestem illam qualitatem non possunt ex se fundere. Accidentia quæ nihil sunt quàm corporum modi, ut humiditas, & siccitas, raritas, perspicuitas, è subiecti potentiâ eruantur; non item cætera qualitates, nedum ipsum lumen. An fortè à corpore lucido propagatur? sed illa propagatio, quæ in momento perficitur, nec explicari potest, nec concipi. Ubi radius in speculum incidit perpendiculum, atque in seipsum reflectitur, nunquid fortasse radius qui resilit, ab eo qui incidit procreatur? at duo accidentia ejusdem speciei, in eodem subiecto non possunt existere. Quorsum quæso te, radius ille in speculum eadens, alium producet? an sibi subiectum aërem ut asimet? sed ante reflexionem, jam illam adeptus fuerat similitudinem. Frustra ergo reflectetur. Hæc atque alia ferè innumera, quæ circa luminis naturam tenebras nobis offundunt, cum divinâ propè mentis acie meditatur singulari vir ingenio Chambræus, novum,

*Vera sententia illustratur; & objecta diluuntur.*

ac ni fallor verisimillimum luminis systema ponit ob oculos, quod ut vobis explicem, necesse est ut rem ab altiori deducam exordio. Lumen, quod per aërem diffunditur, ejusdem esse speciei cum luce, quæ in Sole fulget, nemo, ut puto, ibit inficias. Cum enim visus sit proprii sui objecti arbiter, ac nullam differentiam inter lucem Solis, & ejusdem in speculo refulgentis imaginem; nec inter lucem stellarum, quæ proprio micant splendore, ac Planetarum mutuatum lumen animadvertat: quis lumen à luce specie disjungi crediderit? maximè cum unius facultatis unum sit objectum; cumque lumen in aëre exceptum, sit ut plurimum lucis solaris effectus univocus: atque adeò ut calor calorem, sic lux lumen ejusdem secum speciei procreabit. Imò lumen ab ipsâ luce, ne quidem numero distingui contendo: non enim lumen est lucis effectus, ut plerique omnes Philosophi sibi persvadent: illam quippe lucis propagationem esse impossibilem, jam sermè evicimus. Quid igitur restat, nisi ut radii luminis ad corpus lucidum pertineant, atque eandem veluti lucis massam constituent; adeò ut lumen sit quædam qualitas, eaque permanens, nec ab aëre, in quo excipitur, sed à Sole ipso dependeat. Neque recens procreatur: est enim lux ipsa Solis in omnes partes diffusa; non igitur lumen est lucis effectus; sed illius quædam appendix. Hinc non mirum est si lumen unà cum Sole circumferatur, ac recedente Sole, nullum sui vestigium relinquat: non enim aëri tanquam subjecto inest, ab eo dumtaxat sustinetur; principio autem suo adhærescit, à quo divelli non potest. Excipiat aliquis: nulla qualitas de subjecto in subjectum migrat; nulla est à subjecto suo independens. Hæc larva est, quæ nos ab inveniendâ veritate deterret. Accidentia quidem, quæ è sinu sui subjecti eruntur, sine illo non possunt consistere, ab eo quoque multum dependent; non item accidentia, quæ ab alio fluxerunt principio. Exemplo sit vis magnetica (si tamen est qualitas) imò omnes aliæ vires specificæ de subjecto in subjectum comincare possunt. Universi ordo id quoque videtur exigere: nam ut quædam sunt accidentia, quæ sine subjecto, nec esse, nec concipi queunt, ut raritas, & densitas; alia, quæ non nisi virtute divinâ, separari possunt, & separata existere, ut videre est in speciebus sacrosancti altaris Sacramenti: sic quædam à subjecto sustinentur, à quo tamen nec quoad eorum productionem, nec quantum ad conservationem dependent. In quo censu lumen esse, tam certum est, quàm quod maximè. Non enim lumen suam extensionem, vel motum à subjecto repetit. Hoc habet cum naturis spiritualibus commune, ut totum sit,

fit, vel in minutissimâ sui subjecti portione. Nullum est punctum in aëre, in quo tota Solis imago non colluceat. Videmus etiam lumen juxta corporum lucidorum varietatem multiplicari, per angustissimum foramen citra confusionem, fermè instar rerum spiritualium trajici; tot umbras projicere, quot faces accenduntur. Ex quibus facillè colligitur lumen non à subjecto, sed à corpore lucido unitatem suam, vel naturam repetere. Quid tibi videtur, Menander?

*Men.* Pulchrè quidem, & sapienter dicis: unus tamen superest mihi scrupulus, quo facillè me liberabis. Ubi lumen ex officio corporis opaci reflectitur, non sine aliquo motu refilit: locum quippe, & situm mutat. Neque hunc tamen motum à corpore lucido mutuatur, ut patet; sed ipsi radio proprius est. Jam si radii luminis nihil sunt quàm lineæ stabiles, non assequor quomodo possint resilire. An motus ille instantaneus est? sed nullum corpus, nulla qualitas in instanti locum mutat. Ergo hic motus in tempore perficitur: quod si ita sit, quantum temporis radius exiget ut à Lunâ, vel alio planeta ad nos usque reflectatur. Præterea, extrema pars radii lucidi, corpus opacum seriens, reflectitur: non igitur radius erat linea stabilis, ultra corpus opacum portectâ. Jam ubi radii solares elausâ fenestrâ ab ingressu cubiculi arcentur; tum certè resiliunt, nec quicquam de suâ longitudine deperdunt. Quid enim lumen potest destruere? An opacitas, quæ ut sit qualitas quædam, ut plurimum passiva crit, non activa. Nulla est causa, quæ lumen in aëre producat, nulla quoque afferri potest, quæ illud possit extinguere. Nunc apertâ fenestrâ quomodo radii reflexi subire poterunt? id profectò non assequor, ne cogitatione quidem; seu lumen tenuissimam flammam; seu qualitatem statuas, in radios stabiles, & corpori lucido cœvos diffusam. Quidquid attigeris, ulcus est. Quanto probabilius mihi videtur sentire illustris Cartesius, qui lumen nihil esse quàm motum tenuissimæ substantiæ poros aëris replentis existimat; adeò ut vera sit Aristotelis sententia lumen esse actum, sive motum corporis perspicui; cum enim nec qualitas sit, nec substantia; quid restat nisi ut motus censeatur? Neque hoc mirum videri debet. Nihil quippe sensu percipitur nisi motus. Quid sonus nisi motus aëris? quid ergo lumen nisi motus substantiæ cælestis retinam serieñtis. Quo verò res fiat illustrior, lucem à lumine discernamus; illa est in corpore lucido, lumen in aëre, vel in aliis corporibus excipitur. Lux adeò nihil est quàm particularum insensibilium primi elementi, seu ignis purissimi celerissima agitatio; quâ quidem globuli ætherei (quibus secundum elementum constat)

*Opinio  
Cartesii.*

*I. ratio.*

stat) unde quaque premuntur, & ad rectas lineas impelluntur. Hic igitur cælestium globulorum impulsus lumen vocitatur. Neque verò illam partium corporis lucidi agitationem temerè inducimus: nam & manifestè se prodit, ubi liquorem tanto impetu ignis disjicit, atque in vaporem, vel fumum explicat, quod sine motu, ne concipi quidem potest; uti nec lapis sursum fertur, nisi à projiciente impellatur. Præterea, omnia lucis, ac luminis phænomena hinc facillimè explicantur. Adeò ut nemo, nisi idem occupatæ opinionis præjudicio laboret, ultrò in hanc non concedat sententiam. Hinc sanè planum fit, cur lumen in momento diffundatur; non secus ac si quis extremo baculi vel cælum ipsum tangeret, eodem instanti hunc motum manu perciperet. Nōne cæcus baculi adminiculo lutum à lapide discernit? Imò duritiem, figuram, molemque corporis baculo dignoscit; neque necesse est ut species à lapide per baculum transmittatur. Sic ubi corpus lucidum suâ agitatione globulos cælestes per totum aëra diffusos premit, eodem tempore visus hunc motum percipit, atque illius beneficio omnes calores dijudicat, ut quàm mox dicturi sumus. Cùm verò corpus lucidum recedit, tum lumen evanescit: nihil perit tamen; nam ubi Sol radios emittit, nihil novi generatur. Hinc etiam liquet, cur moto aëre, lumen non agitur: siquidem baculi motus à movente duntaxat pendet. Opaci corporis occurso lumen resilit, atque sublato impedimento radii luminis pristinam rectitudinem sibi restitunt; quæ quidem omnia facillimè juxta nostra principia exponuntur. Ut semel finiam, non possunt globuli ætherei Soli propiores moveri, premi, vel impelli, quin uno, & eodem tempore, cæteri secundum lineas rectas dispositi propellantur. Nec plura lumina per angustissimum foramen trajecta confunduntur: quemadmodum ubi vas vino impletur, ac fundum ejus uno, & altero foramine aperitur, nulla est vini guttula, quæ per illa foramina non sibi quarat exitum, ac per rectas lineas, partes omnes vini erumpere moliantur; nec tamen tam variæ ad motum inclinationes sese mutuo præpediunt: sic cùm lumen nihil sit quàm motus, vel potius inclinatio, & determinatio ad motum, non mirum est, si plura lumina idem foraminulum inconfusa pertranscant. Hæc est, nō fallor, Cartesii sententia, cui non subscribit Theophilus, huic philosophiæ infensissimus.

*Refellitur  
Cartesii  
sententia.*

*Th.* Ego hæc commenta meo calculo comprobarem? an eo persuadebis, lumen nihil esse quàm motum? Itaque cùm in prima rerum institutione lux creata est, nihil quàm motus quidam, qui



qui nec concipi potest, nec enarrari, è tenebris emerfit. Non satis sibi constat Cartesius: nam lumen aliquando motum, nonnunquam in-  
 clinationem ad motum definit. Si motus sit, quænam est illius effectrix 2.  
 causa, qui motor? materia, inquit, corporis lucidi: sed materia cum  
 nihil sit, quàm triplex dimensio, quid agere, quid moliri potest? Quòd  
 si lux nihil est quàm inclinatio, seu nisus ad motum; quomodo sen-  
 sum ferit? quâ ratione comburit, atque alios effectus innumeros ex-  
 erit? Sive sit motus; sive inclinatio ad motum, non erit quid absolu- 3.  
 tum; sed relatio duntaxat quædam. Quis ita mente captus, ut hoc  
 vel somniet? sed pulchrè exemplo baculi, luminis perceptionem, &  
 propagationem nobis explicat. Est dissimile totum. Nunquid fortè ra- 4.  
 dii luminis solidi sunt, ac rigidi instar bacillorum, ut uno, atque eo-  
 dem tempore omnes partes moveantur? Cùm duo lumina eidem op-  
 ponuntur foramini; profectò illi globuli contrariis motibus agitati, 5.  
 mutuo sibi occurrent, atque alii alios disjicient; nec duo homines  
 poterunt simul sese intueri; neque eodem momento oculos alter in  
 alterum defigere, quin globuli ætherei perturbentur, & collidantur. 6.  
 Quis etiam intelligat, quâ ratione imago Solis tota per angustissimum  
 foramen trajiciatur, citra ullam radiorum confusionem? Quâ fieri po-  
 terit, ut tot globuli in idem punctum cogantur? Ubi ær, vel cœ- 7.  
 lum celerrimo motu agitur, quomodo globuli ætherei à rectis li-  
 neis non aberrant? Viden quæ & quanta tuam sententiam sequantur  
 absurda.

*Men.* Non equidem difficile factu puto has nebulas, quæ nos à *Effugia*  
 libero lucis intuitu impediunt, disjicere. Negas lucem nihil esse quàm *Cartesii.*  
 motum, quòd primo die creatam fuisse sacri testentur codices. Nun-  
 quid eadem ratio tuæ opinionis jugulum petit? Nam si lux qualitas  
 est, an solitaria, atque ab omni subiecto secreta prodiit è tenebris?  
 Ergo necesse est ut communi solutione utamur, & utrique fateamur, in  
 principio creatum esse mundum, qui sex diebus in suas partes distin-  
 ctus, atque ornatus fuit. Quòd anceps ac lubricus tibi videatur Car-  
 tesius, qui aliquando lumen nihil esse quàm nisum, seu propensionem  
 ad motum existimat: aliquando motum esse illud definit. Facile ab  
 hac levitate animi eum liberabo. Lux semper cum aliquo motu con-  
 jungitur, uti & calor; lumen verò nihil est quàm quædam pressio glo-  
 bulorum cœlestium, quæ sine motu rectè potest consistere. Quemad-  
 modum duo pugiles, qui sic colluctantur, ut neuter alteri prævaleat,  
 minimè moventur; vel si quis aliquod pondus manu sustentet, nec  
 cedat tamen; nihil movebitur. Quæris causam effectricem hujus mo-  
 tus. Deus est, qui corpori lucido eum impressit. Times tu quidem, ne

si lumen nihil sit quàm motus, non aliquid absolutum, sed relativum duntaxat futurum sit; hoc ipsum quod motus, nihil est: quid enim mihi, dummodo lumen visu, ut calor tactu, percipiatur? Sed ne subterfugere videar, tibi respondebo, omnem motum cum impetu esse conjunctum; sive impetus sit quædam qualitas à motu distincta; sive nihil aliud sit, quàm motus; constat eum ad relationem non pertinere, sed esse quid absolutum. Cætera quæ de baculi rigore, radiorum confusione, & occurso, objicis, plusculum difficultatis habent. Paucis respondeo, totum hoc intervallum, quod inter nebulosum aërem, & Solem intercedit, substantiâ æthereâ esse completum. Solidi sint an fluidi cælestes globuli, nihil moror. Id unum mihi certum est, quod si vel minimum à corpore lucido premantur, uno & eodem tempore subjecti globuli impellentur: non secus ac si concipias ingentem tubum instar syphonis inflexum, ubi repletus aquâ fuerit, si vel paululum aquæ adjeceris, quæ altero tubi brachio continetur, statim attolletur, atque effluet. Nec est quod vereare, ne subtilis illa materia, quæ à corpore lucido continenter premitur, ac visum ferit, huc illuc à ventis impellatur: nam motus ille à ventorum agitatione profectus, quantus quantus sit, longè tardissimus est, si cum motu æthereæ substantiæ conferatur: crassiores duntaxat aëris partes, non cælestem illam materiam discutit. Finge animo vinum ingenti vase conclusum, per aliquot foraminula diffuere; agitetur vinum, vel manu, vel quocumque voles modo; nihilo tardius dilabetur, atque à perpendiculari lineâ non descendet,

*Simp.* Doleo eximium Cartesium tantam sui irridendi facultatem Philosophis dedisse. Quis enim non rideat illud opinionis monstrum? Nihil, inquit, à corpore lucido ad nos usque, præter motum transmittitur: ergo solus videbitur motus. Non, inquires; sed per motum videntur quæque corpora, ut motu baculi lapidem discernit cæcus: nam & similibus abundatis. Jam quod videtur lumen est, vel color; utrumque, si vobis credimus, in motu positum est: nihil igitur præter motum percipimus. Sed hæc fuerit tanquam levis armaturæ prima disputationis excursio. Nunc cominus agamus. Cedo qualis sit ille motus, quo corpus solare totam materiam cælestem tanto impetu propellit; neque enim (ut video) satis vobis constatis. An quædam Solis quasi palpitatio, seu motus similis systoles, & diastoles cordis? Sol igitur radios emittit, & retrahit, neque jugi effluxu eos ad nos transmittit. Nihil, ut puto, absurdius dici potest. An potius Sol circulari motu circa suum centrum agitatus, substantiam ætheream undequaque premit? Sed hunc motum in face accensâ non animadvertimus, quæ



quæ tamen radios in orbem vibrat. Nec video quâ ratione Sol, qui circa suum centrum contorquetur, magis premat corpora sibi proxima: non enim locum mutat, nec majorem extensionem adipiscitur, Non etiam satis assequor, quomodo Solis ambitum visu percipiamus; nec, ut puto, alia pars Solis sub obtutum cadet, quàm ea, quæ inter Solis centrum, & visum nostrum directè interjacet, Postremo, quid causæ est, cur globuli ætherei crystallum penetrent, non item papyrus, quæ laxior est, & magis pervia? Sed de his jam nimis.

*Th.* Pudet me, non tui, Menander, cujus ingenium admiror; sed Cartesii, Regii, & aliorum, qui has nugas tanquam oracula venditant, ut soli sapere videantur: jam abeamus à fabulis, ac veri propiora videamus. Verumtamen de motu luminis nobis iniecasti scrupulum; hunc ergo, si tibi ita videtur, Simplici, nobis exime.

## CAPUT SECUNDUM,

### *De luminis motu.*

- I. Lumen in orbem diffundi, adeo ut singula corporis lucidi puncta in omnes partes radiant. II. Occursu corporis opaci ita resilire, ut angulus incidentiæ equalis sit angulo reflexionis: quæ sit hujus equalitatis causa. III. Cur lumen refringatur ad perpendicularum, cum è raro corpore in densius incurrit. Cartesii rationes discutuntur. IV. De refractionis legibus multa.*

### *Simplicius.*

**S**Equar igitur, ut institui, eximium virum nostro hoc sæculo Philosophiæ facilè principem, atque ex illius sententiâ de variâ luminis emissione, directâ scilicet, reflexâ, & refractione (qui locus patet latius) disseram. Nec profecto nobis delectatio decrit, aliud ex aliis quærentibus.

*Men.* Jam ergo, quæso te, ordine nobis exponere, quæ fieri possit ut radii luminis, lineæ stabiles cum sint, atque à corpore lucido circumferantur, interjectu corporis opaci resiliant. Quod si id perfeceris, ne dubita, me in tuam iturum sententiam.

*Simp.* Quid ergo, si dixerit aliquis lumen à corpore lucido non aliter propagari, quàm ignis in pulvere pyrio accenditur? Ego sanè malim ad hanc luminis effusionem confugere, quàm absurda tuæ opi-

*Quomodo lumen refiliat.* nioni subscribere. Sed in has nondum coarctamur angustias, quas sanè patiuntur, qui lumen esse tenuissimam flammam putant. Nos qui lucem nihil quàm qualitatem esse arbitramur, faciliè totum hoc negotium absolvimus. Negamus enim qualitatem, quæ corpus inter, & spiritum ambigit, item uti corpora fluxu continuo, & successivo moveri. Angelus certè, qui punctum loci occupat, potest in momento majori spatio applicari: neque illius motus, temporis successionem ullam exigit. Sic lumen, quod instar spiritus totum est in minimâ sui subiecti parte, (nullum enim est punctum in aëre, in quo tota Solis imago non cernatur) occurso corporis opaci reflectitur, & subducto corpore, pristinam rectitudinem suam recuperat. Radius quippe luminis totus est in singulis partibus; non secus atque anima in corpore. Jam ubi manus abscinditur, nunquid anima aliquâ sui parte mulctatur? Sed partibus caret. Quid sit igitur? in seipsam redit; nec tamen mole augetur. Quòd si peritissimi Chirurghi arte manus abscissa restituitur, iterum ab animâ vegetabitur: idque citra aliquem motum fieri non posse verisimile est, quidquid reclament Philosophi. Cessat, inquit, anima manum amputatam vegetare. Hoc certè nihil est; pars quippe illa animæ, quæ manum informat, non perit: quandoquidem partium expers est animus: nec superstes manet in manu abscissâ, ut cuique manifestum est: restat igitur, ut anima in seipsam quodammo- do revertatur, quod sine aliquo motu concipi non potest; qui quidem motus, neque attractio est, neque impulsus; sed majorem cum motu elastico, per quem res quæque suam sibi extensionem restituit, videtur habere cognationem.

*Th.* Credo hercè ita esse; atque huic responsioni potissimum assentior: sed redde cætera, & varias luminis emissiones, ita uti illustreras, nobis expone.

*Simp.* Reddam, & si potero brevi: sed antè præmunienda sunt quædam disputationi nostræ, de naturâ, & actione radiorum, de quibus cum perpauca dixerò, tum ad ipsam luminis emissionem descendam. Radius luminis nihil est (si benè auguror) quàm punctum corporis lucidi in rectam lineam continuatum; adeò ut radius puncti illius, à quo dimanat, imaginem ac splendorem secum vehat. Neque enim ulla ratio adduci potest, quæ imaginem puncti lucidi ab ipso splendore separare nos cogat. Radius quippè luminosus punctum, ex quo fluxit, non exhibet, nisi quatenus id reddit sensibile: sensu autem percipitur per splendorem radio congenitum. Non igitur necesse est, ut in radio imaginem à splendore discernamus; quid enim imago quædam (ut loquuntur) intentionalis efficeret, quod ipse splendor per

*Quid sit  
radius.*

per se non præstet? quid stultius quàm lumen inter qualitates intentionales, quales fingunt esse species visibiles, recensere? nonne visus organum lædit, ignem accendit? quæ certè in qualitates illas spirituales non cadunt. Certum est splendorem, atque imaginem in ipso corpore lucido minimè discerni. Quòd si opaca quæ sunt, & aspera corpora Solis imaginem non reddunt, licèt illius splendore colliceant, id evenit; quia radii luminis nimio plus dispersi, ac diffusi, Solis imaginem confundunt. Sic minutissimæ stellæ minùs fulgent. Sed subtile quiddam putant se dicere, cùm identidem reponunt, lumen non formaliter, sed tantùm eminenter calidum existere, nec posse ex calore concludi, illud non esse in qualitatum intentionalium censu. Unde ergo ille calor? an fortè ex luminis motu? sed proprio motu lumen non cietur, nisi cùm resilit, vel refringitur.

*Men.* Neque etiam lumen urit, nisi cùm reflectitur in speculis concavis, vel frangitur per vitra convexa transmissum, atque in uno quasi puncto colligitur.

*Simp.* Concedam hoc ipsum si vis; etsi magnam jacturam causæ fecero. Quis enim ignorat lumen ad perpendicularum incidens, ante omnem reflexionem calefacere? Sed tamen eo concessio; quid hinc consequitur, nisi quòd radii luminis minùs calefaciunt dissipati, quàm uniti? nunquid illa unio calorem ingenerat? An sonus reflexus ex unione calorem procreat? Nec mirum si qualitas illa simplex & unusmodi illuminet simul, & calefaciat: cùm vis magnetica duo saltem munera obeat: nam & ferrum ad se rapit, & illud ad mundi cardines dirigit. Neque verisimile est ex motu luminis calorem proficisci: non enim motus virtute suâ calorem accendit: nam corpora fluida quæ sunt, vel spirabilia, minùs calent, quò magis agitantur, ut videre est in aère, qui frigus ex motu concipit. Lumen verò non est solidum quoddam corpus, ex cujus motu calor procreari possit. Est nonne-  
mo qui existimat, lumen nihil esse quàm calorem modificatum. Hinc duplicem calorem distinguit: alter est tactu, alter visu sensibilis: ille in ferro candente copiosior, minor est in spiritu vini accenso; hic è contrà uberior in flamma, parcius in ferro candente: ille tactum magis ferit, quòd unà cum partibus ignis extrà prorumpentibus percipiatur; unde calor ignis sensum fortius afficit, quàm Solis calor; hic tamen purior, & fortior est; nam radii solares collecti adurunt, non item radii caloris, quos ignis emittit, etiamsi in speculo tereso, & polito reflectantur. Quare lumen à luce, lux ab igne prodit, & omne lucidum, idem calidum esse necesse est. Sed jam fortassis nimis digredior: eò igitur redeat, unde fluxit oratio. Radios luminis à corpore

lucido, tanquam à centro dimanare, dubitat nemo: adeò ut quò longius à suo fonte recedunt, eò magis inter se distent, ac subinde minus illuminent, aut calefaciant. Non enim radius secundum suam longitudinem sit languidior, cum ubique sit sui similis, & omnis latitudinis saltem physicæ expers; sed tota radiorum veluti massa, quò longius excurrit, debilior efficitur; quia radii magis à se invicem distident, ac disperguntur, pluraque relinquunt interstitia lumine vacua. Hinc multæ facies eundem locum uberiore lumine collustrant: siquidem spatia, quæ ab unius facis lumine sunt intacta, ab alterius radiis occupantur. Hæc sanè obvia sunt, & omnibus notissima: nunc ad abstrusiora veniam, ac quomodo imago Solis tota in speculis innumeris colluceat, & ab infinitis propè oculis percipiat, tentabo etiam

*De luminis diffusionem.*

dicere. Profectò id nec fieri potest, nec concipi, nisi unumquodque punctum corporis lucidi radios in orbem emittat: ita ut non modò corpus lucidum sit quasi commune centrum, & fons inexhaustus totius luminis, quod nemini non est manifestum; sed præterea necesse est, ut quodlibet punctum corporis lucidi, sit centrum, & quasi apex pyramidis radiosæ undequaque diffusæ, hoc est, ut à singulis punctis ipsius corporis solaris, lineæ, & radii innumerabiles quaquaversum producantur; quod nō ita esset, idem punctum corporis lucidi à multis oculis inter se distitis simul percipi non posset. Sunt igitur innumeræ pyramides, quarum vertices in corpore lucido, bases in corporibus illustratis sitæ concipiuntur. Sunt item aliæ innumerabiles, contrario modo inversæ, quarum apices in singulis punctis corporis illustrati constituuntur; his una communis basis, Sol nimirum, vel aliud corpus lucidum substernitur: nullus quippe locus est, in quem radii à Sole prodeuntes non concurrant; atque adeò tot sunt radiosæ pyramides, quot sunt in aëre puncta, in quibus radii à toto Sole prodeuntes colliguntur; ita ut nihil opus sit species intentionales, vel alia Philosophorum figmenta comminisci, ut suo loco discutimus, Jam verò nihil necesse est edisseri à nobis, quid lumen visibile efficiat: nam hic locus satis à doctissimis viris quæsitus, ac disputatus est.

*Quid lumen visibile efficiat.*

*Men.* Nemo nescit lumen videri, cum satis copiosum est, ut retinam, seu visus organum afficiat; quod tum accidit, cum plures radii ab eodem puncto exeuntes, in idem oculi punctum confluunt, cumque lumen satis est validum, ut visum sistat: hoc enim omnis facultas exigit, ut ab objecto suo terminetur; quod præstare non potest lumen in aëre exceptum: unde necesse est ut ab opaco reflectatur. Sic lumen Solis, quod etiam de nocte cælum irradiat, minimè perspicimus; non enim sub visum cadit, nisi à solidiori corpore ad oculos

oculos reflectatur; vel in suo fonte, seu in corpore lucido percipiat; tum enim nimio fulgore visum sistit. Quare si extra cubiculum undequaque clausum, candela accensa juxta foramen, cui aliud è regione sit oppositum, constituitur; qui in cubiculo existent, lumen candelæ per utrumque foramen transmissum nullatenus cernent: lumen quippe visum non afficit, nisi ab aliquo opacior corpore sustineatur. Sed hæc sunt planiora, quàm ut in illis immoremur. Cætera, quæ ad luminis directam emissionem pertinent, in alium locum differamus, ubi Optices arcana scrutabimur. Nunc nisi tibi molestum est, Simplici, de luminis reflexione perge dicere.

*Simp.* An mihi quidquam potest esse molestum, quod tibi gratum futurum sit? Quæ sit reflexionis causa, non facilè dictu est: nec potest antè decerni, quàm in quo sita sit perspicui natura, constiterit. Interea loci dixerim opacitatem, quæ corporibus inest, causam esse reflexionis proximam: fortè quia corporis opaci foraminula, vel meatus non sunt quaquaversum recti, atque adeò lumini transitum non permittunt. Nam corpus diaphanum, cum sit luminis sedes, atque in eo liberè exspatiatur; quid mirum, si lumen corpus opacum horreat? Nulla enim forma in subjecto malè disposito excipi postulat. Nontamen sola corporis opacitas; sed etiam superficierum asperitas, vel ipsius corporis divisio, aut scissura lumen resiliire compellit; ut videre est in vitro comminuto. Ubi vitrum scissum est, lumen primam quidem superficiem penetrat; sed hæret in proximâ, atque ut suæ unitatis, ac naturæ dispendium non patiatur, resiliire cogitur. Nam res quæque ita sunt à naturâ comparatæ, ut quæ sibi sunt infensa, fugiant, & propriam unitatem, vel naturam studeant conservare. Cumque radii luminosi alii aliis sint fortiores; nonnulli vitrum penetrant, reliqui reflectuntur: quantumvis tamen debiles sint radii reflexi, nihil de suâ longitudine, nihil de suis viribus deperdunt: quandoquidem lineæ sunt stabiles, quas nullius corporis opacitas minuere potest, vel extinguere: non enim opacitas quidquam agere, vel moliri potest, cum sit qualitas passiva, ac penitus iners, neque ullam cum lumine contrarietatem exerceat. Nihil autem minuuntur radii, quia reflexio in instanti, non secus ac recta emissio perficitur. Unde uterque motus eadem vi, & quasi eodem impetu indiget, tum ut radii luminis resiliant, tum ut directè vibrentur. Non ibo tamen inficias, totam radiorum massam, ac congeriem, ex opaci corporis occurso, non parum debilitari; cum enim nullum sit corpus adeò tersum, aut politum, quod multum asperitatis non habeat; hæc superficierum inæqualitas quantulacumque sit, radios reflexos non mediocriter dissipat, atque

*Qua causa reflexio-  
nis.*

adco

adeò eos languidiores efficit. Hæc mihi visa sunt de reflexionis causâ præmittere, quæ si approbatis, pergam ad reliqua: sin quid requiritis, id explicemus priùs.

*Th.* Nos verò nihil: nisi quod non satis liquet, cur in reflexione angulus incidentiæ æqualis sit angulo reflexionis; hoc est, ni fallor: cur radius luminis in corpus opacum incidens, eandem servet cum plano inclinationem, cum reflectitur, quam habet tum cum incidit.

*Angulum  
incidentiæ  
æqualem  
esse angulo  
reflexionis,*

*Simp.* Rem tibi ponam ob oculos. Sit speculum CBD, in quod radius A B ab objecto A cadit, & per lineam B E reflectitur ad oculum E. Angulus DBE dicitur angulus reflexionis; continetur enim lineâ EB, quæ à speculo reflectitur, & lineâ BD, quæ speculum nobis exhibet. Angulus verò cum nihil sit, quàm unius lineæ ad alteram inclinatio, tribus literis designatur, quarum media ipsum anguli punctum, seu linearum concursum indicat. Sic A B C incidentiæ angulus vocitatur. Itaque duos angulos ad B existentes A B C, & E B D inter se æquales esse contendimus. Neuter enim est altero major, vel minor. Idque probatur. Objectum A, & oculus E locum commutent, adeò ut oculus jam in A, & objectum in E constituentur, recta B E tum erit radius incidentiæ, & B A radius reflexionis. Constat autem experientiâ, quòd objectum adhuc videbitur, atque per easdem lineas, & eosdem angulos; nisi quòd qui erat angulus incidentiæ, jam est angulus reflexionis, & vice versâ. Non igitur alter est altero major: alioquin idem angulus esset seipso major. Nam si quis fortè contenderit angulum incidentiæ majorem semper existere: ubi oculus & objectum situm, & locum permutarunt, qui priùs erat incidentiæ, sit reflexionis angulus; & idem manet. Non igitur verum erat, angulum incidentiæ semper majorem existere. Eâdem quoque ratione evincam, minorem non esse. Quid restat, nisi ut ambo æquales stantur.

*Men.* Optimè demonstratum à te fuit, angulum incidentiæ æqualem esse angulo reflexionis: quod sanè in omni motu reperitur. Nam pila oblique in parietem impacta, ad æqualem reflexionis angulum resilire jam ostensum alibi est. Non igitur rem ita esse dubitamus: sed cur ita se habeat, ut Philosophos decet, meritò inquiremus. An quia, si radius incidentiæ speculum penetrasset, æqualem cum speculo effecisset angulum? nam posito objecto in E, anguli C B N & E B D ad verticem constituti, sunt inter se æquales. Cum igitur non minore vi, atque impetu radius à speculo resiliat in A, ac si illud irreflexus penetrasset ad N, non mirum est, si æqualem cum speculo angulum efficiat.





perimitur, vel saltem impeditur; posterior manet integra. Radius neq; ad C, neque ad F pervehit; sed per medium tramitem AB incedit, & reflit in punctum E; ita ut duo anguli ABC, & EBD sint æquales. Cum enim punctum A motu suo attingit punctum B, jam ad F vi secundæ determinationis pervenisset: quemadmodum virtute prioris ad punctum C descendisset: cumque posterior determinatio intacta maneat, radius luminis à puncto B reflit ad punctum E, ad eò ut linea FE sit æqualis lineæ AF: atque ad eò radii AB, & BE æqualiter distabunt à speculo, & æqualem cum illo inclinationem obtinebunt. Siquidem ubi radius luminis confecit spatium AB, eodem tempore propter secundam determinationem, rectam AF percurrisset. Ergo ubi lineam BE æqualem AB remetiatur, eodem tempore rectam FE decurret.

*Cartesii &  
aliorum  
demon-  
strationes  
excutimur.*

*Simp.* Multa sanè Cartesius (pace tanti viri dixerim) comminiscitur; multa supponit, quæ nemo à Philosophiâ instructus concesserit. Existimat lumen, eodem prorsus modo moveri, ac gravia corpora. Optare hoc quidem est, non demonstrare. Præterea, motus luminis simplex est, non compositus, ut falsò supponit. Accedit etiam, quòd ubi radius reflectitur, non movetur totus; sed punctum illud duntaxat, quod in speculum incurrit; nec duplici illâ determinatione impellitur: cum idem radius, qui obliquè speculum ferit, perpendicularis esse possit, si speculum ita disponatur, ut in id radius ad pares angulos incidat. Ergo ut res eadem citra sui mutationem sit dextra, aut sinistra; sic idem radius obliquus est, & perpendicularis, quatenus in planum aliter, atque aliter inclinatum incurrit. Cartesium igitur dimittamus, & totum hoc negotium paucis absolvamus. Natura quàm minimo potest, agit compendio: siquidem nihil superfluum, nihil inutile molitur. Hinc gravia deorsum cadunt ad perpendicularum, & radii luminis secundum rectas lineas diffunduntur; qui cum ad æquales angulos reflectuntur, longè breviorè viâ procedunt, quàm si ad angulos inæquales resiliant; idque nobis demonstrare in proclivi esset, si res exigeret.

*Men.* Multa sunt, quæ hujus rationis vanitatem produnt. Primum enim concipiamus speculum CBD non planum, sed concavum; tum certè geometricâ demonstratione evincam, lineas quæ æquales efficiunt angulos, longiores esse iis, quæ inæquales angulos constituunt.

*Simp.* Assentior planè, neque ullâ demonstratione tibi opus est, quòd id mihi persuadeas. Sed concedes quoque, radios in speculo concavo, eodem prorsus modo reflecti, ac si à speculo plano concavum in eodem reflexionis puncto tangente, resiliant, ut alibi demonstrabimus.



bimus. Hinc radius à speculo concavo reflexus, quandam vim patitur, nec liberè ut illius fert natura reflectitur. Quemadmodum corpus grave funi appensum, non eadem prorsus libertate movetur, neque ad perpendiculum eadem facilitate decidit, ac si esset solum, & funi minime alligatum.

*Men.* Est aliud quod magis me movet. An stellarum radii à speculo usque ad oculos nostros repercussi per inæquales angulos, futuri sint sensibilibiter longiores, quàm si ad pares angulos resilirent? Profectò differentia quantulacumque sit, in tanto intervallo penitus evanescit. Quorsum amabo ad ingenium naturæ inversæ confugis, ubi propria, & quasi materiales rationes, ex ipsis Geometriæ legibus depromptæ occurrunt? Hac quidem ratione Vitellio, & Alhazen abutuntur, in reflexione radiorum: sed quare eam ad refractiones non adhibent. Jam superius veram huic effectui causam reddidimus; quòd eadem vi, eodemque impetu radius repercutitur, ac si recto itinere ulterius processisset: æqualem enim angulum cum plano effecisset. Constituamus objectum in puncto E, angulus EBD æqualis est angulo CBN ad verticem opposito: quandoquidem radius EBN æqualiter cum plano CBD inclinatur, & quantum punctum E ad punctum D accedit, tantundem punctum N puncto C vicinum est. Sed eadem vi reflectitur in A, ac si speculum penetrasset.

*Simp.* Planè intelligo. Hinc concludis, angulos EBD & ABC æquales existere, cum ambo æquantur uni tertio CBN. Cujus ni fallor hæc est physica ratio, quòd eadem sit virtus, quæ radium ad punctum B appellit, atque eum in oppositum punctum A repellit: est enim una & eadem vis in conspectu, seu reflexionis puncto: sed virtus æqualis æqualem itidem motum exigit, qui tum evenit, cum æquales sunt anguli. Sic pulchrè philosophatur Keplerus. Hæc angulorum incidentiæ, & reflexionis æqualitas principium est, cui tota Catoptrica innititur; quare fusiori stylo illam demonstrare conati sumus. Jam proximum est, ut de luminis refractione pauca subnectam. Digna res est, in quam seriò incumbamus. Tum radius refringitur, cum cæptum iter non rectà pergit, quod semper contingit, ubi radius è corpore rariore in densius, ut ex aëre in aquam; vel vicissim, ex aqua in aërem incurrit. Eà lege sit refraction, ut si ex aëre in aquam radius trajiciatur, fractus ad perpendicularem magis accedat; ut radius AB, qui irrefractus ad punctum I pervenisset, per radium BL refractum, punctum L attingit perpendiculari vicinius. Contrà eveniet, si ex aqua in aërem incurrat, nam in rectam BM refringitur, quæ longius à perpendiculari BO removetur. Refractionis autem leges ex iis sunt rebus, quarum eventa magis arbitròr, quàm causas quæri oportere.

*Causa re-  
fractionis  
num ex  
Cartesio.*

*Men.* Rationes tamen rerum à te Philosopho debemus accipere, & ne quid obtendas; quæ mihi videatur esse refractionis causa, prior aperiam; tuum erit illam ad rectæ rationis iudicium exigere. Quantumvis reclames, mihi certum est lumen citra aliquem motum explicari non posse. Seu tenuissima sit flamma; seu in qualitatum censu habeatur; seu denique nihil sit quàm cælestis materiæ impulsus; quod cum in aliis luminis ipsius phænomenis, tum maxime in refractione manifestum est. Non enim lumen refringitur, nisi quia facilius vel difficilius per corpora diaphana diffunditur. Nunquid fortè liberiore motu per aërem, quàm per aquam traducitur? Rem aliter se habere puto: idque ex refractionis legibus conjicio. Nam ut globus eburneus in præduro, & polito corpore facilius, quàm in molliore, & magis cedente, ut in marmore liberius quàm in luto volvitur: sic meo quidem iudicio, lumen longè facilius per crystallum, quàm per aquam, & per hanc liberius, quàm per aëra diffunditur. Quare ubi ex aëre in aquam incidit, ad perpendicularum refringitur; quod ne tibi paradoxum videatur, demonstratione persuadeam. Sit radius  $AB$ , qui ex aëre in aquam incurrat, frangatur in puncto  $B$ , constet fore ut versus perpendicularem desceat in  $BL$ . Quò res sit lucidior, supponamus duplo citius per aquam transmitti quàm per aërem. Cum igitur punctum  $A$  pervenit ad  $B$  per lineam  $AB$  obliquam, duplici quasi determinatione, in diversas partestrahitur, ut superius dictum est: ex ipsius quippe Mechanices legibus, motus per rectam  $AB$  quodammodo compositus est ex motu perpendiculari  $AC$  & horizontali  $AF$ . Cum autem ex  $B$  ad punctum  $L$  duplo citius moveri ponamus: prior determinatio  $AC$  mutatur, & quodammodo fit celerior: sed determinatio posterior versus  $F$  intacta remanet. Cumque lumen duplo velocius decurrat spatium  $BL$ , quàm  $AB$ , sumenda est recta  $LR$  dimidia  $AF$ . Siquidem cum lumen percurrit lineam  $AB$ , tum propter determinationem horizontalem acquisivit rectam  $AF$ , ut sæpius dictum est. Ergo ubi duplâ celeritate decurret rectam  $BL$ , ex horizontali determinatione, non totam  $TI$  æqualem  $AF$ , sed tantum dimidiam  $RL$  obtinebit. Itaque, ubi lumen ex corpore rariore in densius incidit, radius ad perpendicularum refringitur. Contrarium eveniet, si radius  $AB$  ex aquâ per aërem diffundatur: tum enim longius à perpendiculari declinabit, & in radium  $BM$  degenerabit. Vides, quàm pulchrè Philosophiæ Cartesianæ principia sibi consentiant.

*Refelluntur.*

*Simp.* Perseveras tu quidem, & in vetere sententia permanes. An fortè tibi excidit lumen instar corporum non moveri, nec citius per aquam, quàm per aërem transmitti posse; cum ubique in puncto tem-  
poris

poris moveatur. Nec mihi persuadebis unquam radios ex aëre in a-  
quam trajectos, sibi novas vires acquirere, ac velocius diffundi per  
corpus majori densitate vel opacitate donatum. Sed quàm fœlivè lu-  
minis motus à vobis describitur, ex duplici determinatione composi-  
tus; quasi duplici impetu, instar rerum gravium descenderet. Omit-  
to quod jam suprà urgebam, radios non posse dici obliquos, nisi qua-  
tenus cum plano, in quod incidunt, comparantur; adeo ut pro vario  
corporis illustrati situ, idem radius, & obliquus, & perpendicularis es-  
se possit.

*Th.* Facessat, quæso te, illa Cartesii Philosophia, ardua quidem,  
& difficilis, sed jam tamen fracta, & convicta. Nunc quid tibi ipsi vi-  
deatur, audire gestio.

*Simp.* Res est tota in conjecturis posita. Sunt qui poros corporum, *Probabilis*  
per quos lumen trajectur, unde quaque rectos esse putent; ita ut radi- *causa re-*  
us omnes meatus ejusdem corporis irrefractus pervadat; sed ubi in *fractio-*  
aliud corpus diversæ densitatis incidit, sæpe in partes solidiores offen- *num.*  
dit; tumque resiliere cogitur, atque per aliam meatuum seriem transire *1.*  
compellitur. Hujus rationis vanitatem faciliè intelligitis. Quorum *Confusa-*  
enim radius ex rariore corpore, in densius incurrens ad perpendi- *tur.*  
culum refringitur? sed cur ex densiore in rarius incidens frangitur?  
an quia in partes solidas impingit? ergo tum etiam ad perpendiculum  
infringetur. Præterea, certum est, idem vitrum varias efficere refra-  
ctiones, pro diversitate figurarum, quas induit: nihilo tamen fecius,  
quacumque figura afficiatur, eodem semper modo illius pori dispo-  
nuntur; atque adeo eadem prorsus refractione continget. Probabilius *2. Opinio.*  
alii existimant lumen in corpus densius impactum, refringi ad per-  
pendiculum, quòd angustiores meatus in eo corpore offendat: quare  
tota luminis massa coarctatur, atque ad perpendicularem lineam ma-  
gis videtur accedere: contra, ubi in corpus rarius incidit, tum qua-  
si sui juris facta, liberè expatiatur, & à perpendiculo recedit. Non  
quòd sola densitatis, vel raritatis diversitas, omnium refractionum sit  
causa: multum enim confert figura corporis. Crystallus v. gr. con-  
vexa, radios colligit, concava dispergit, ut suo loco reddemus. Ne-  
que etiam à solâ figurâ pendet refractione. Aër quippe easdem semper  
patitur refractiones, quacumque figurâ afficiatur. Solida igitur dun-  
taxat corpora varias efficiunt refractiones, juxta figurarum diversita-  
tem. Hæc sanè magnâ verisimilitudine dicuntur: multa tamen in con-  
trarium occurrunt. Primum enim radii luminis, cum sint lineæ phy-  
sicè saltem insectiles; quomodo tam angusti sunt meatus, ut eos pe-  
netrare nequeant? quomodo colligi, aut coarctari possunt? Non

*Hæc quo-  
que opinio  
refellitur,*

- ergo solus refringitur radius, sed tota massa luminis. Verum si nullus radius frangitur, non adeo ipsa luminis massa, seu radiorum congeries refringetur. Sunt qui de refractione veri propiora sentiant; nempe quod cum omne accidens suam extensionem à subiecto quodammodo repetat; necesse est ut lumen in subiecto densiore contrahatur; quod in illo corpore plures sint partes, seu puncta, quæ lumen excipiunt: quocirca id inflectitur, contrahitur, & perpendicularem vicinus petit. Cum verò lumen ex aquâ in aërem migrat, tum dilatatur, atque à perpendiculari deflectitur: non enim tot sunt in aëre puncta, quot in aquâ reperiuntur. Ergo necesse est ut lumen in aëre majorem locum occupet, seu liberius diffundatur. Quæ quidem opinio multum mihi arridet, atque ad veritatem multum propendit: nec contemnenda tamen est eximii Archiatri sententia, quâ statuit refringi luminis radios, ubi ex aëre in aquam, vel vicissim commeant: propter diversitatem materiæ, quæ in aëre & aquâ invenitur. Cum enim lumen ad res spiritales accedat quàm maximè, nihil perinde ac materiam averfatur. Hinc quanto magis corpus ex materiâ est concretum, eo quoque magis transitum luminis impedit. Cum igitur lumen ab aëre in aquam incidit, tum vires suas colligit, ut se ab insensissimò hoste tueatur: unde ad perpendicularem deflectitur. Hoc enim rebus omnibus commune est, ut quantum possunt, vires suas cogant, ubi res sibi infestas fugiunt. Sic præ timore, cor, artus, & spiritus ipsi contrahuntur. Eodem prorsus modo radii luminis fiunt confertiores, ubi in corpus densius incurrunt, quod fieri nequit, nisi à recto tramite deflectant. Quare eo major est refractione, quo corpus majori est opacitate præditum; quòve radii sunt obliquiores: tum enim sunt debiliores. Non quod lumen, & materia aliquam inter se contrarietatem exercent (res enim sunt penitus disparatæ, non adversæ) Sed quia materia non est subjequm luminis excipiendi idoneum. Hinc debiles radii æqualem cum validioribus refractionem patiuntur: non enim radii à facie accensâ emissi, aliter ac solares radii refringuntur: nam utrique æqualiter materiam averfuntur. Cumque lumen inter, & materiam, sit quædam oppositio duntaxat disparata, non contraria; planum est, non eâ proportionem augeri, vel minui refractiones, quâ densitas, vel raritas augentur, aut minuuntur. Aqua quidem corpus est homogœneum, ejusdem ubique consistentiæ: quare luminis radii, in primâ illius superficie refracti, non amplius à suscepto itinere aberrant. Nec alia fit refractione in trigonis vitreis, cujuscumque sint molis, aut profunditatis. Postremò, non obest quidquam figurarum diversitas: nam eodem prorsus modo fit refractione in globo vitreo, atque in plano globum

contingente, ut suo loco dicetur: neque enim omnia sunt hujus loci, vel temporis. Mitto radium perpendicularem non frangi, quia nulla est ratio, cur potius in unam, quàm in alteram partem deflectat.

*Th.* Hæc quidem non ægrè concessero: sed cùm asserit vîr illustris solum lumen refringi, non item cæteras qualitates: res mihi paulò videtur secus. Quòd si enim qualitates bene multæ, imò & corpora reflectantur; quidni & refringantur? Sanè quidem, ubi globus ex aëre in aquam obliquè projicitur, constat cum à rectâ lineâ non parum declinare. Aliter tamen atque in lumine id evenit: nam globus à perpendiculari deflectit: siquidem aqua nonnihil resistit, ac globum sursum quodammodo repellit; fit enim quædam reflexio, atque adeò ipsa determinatio mutatur. Sic globus bombardilis, ad horizontem explosus, ter quaterve aliquando emergit. Imò aves per aërem volitantes, subinde attolluntur, ac deprimuntur. Lapis in aëre, ut in aquâ crebrò subsultat. Sagitta scopum horizonti parallelum attingit; cùm tamen præ innato impetu deberet inferiùs descendere. Hæc sanè ex refractione, quæ cum aliquâ reflexione semper conjuncta est, oriuntur: idem enim in his omnibus contingit, quod in dubiâ luce, quæ ante Solis ortum ex solâ refractione proficiscitur. Nam radii solares, obliquè in spheram vaporum, quæ vulgò Atmosphæra vocitatur, impacti, ad nos usque insectuntur; quod non fit sine aliquâ reflexione: atque idem ferè accidit, quod in lapillis aliquantulum complanatis, qui obliquè aquam perstringentes, identidem resiliunt,

## CAPUT TERTIUM.

### *De causis luminis.*

- I. *De natura perspicui potissimam disseritur; varia recentiorum opiniones reselluntur.* II. *Veri propior adfertur.* III. *Quæ sit effectrix causa luminis, quæ finalis?*

### *Simplicius.*



Aud equidem assentior, sed ad reliqua pergamus, & ad eam partem sermonis, ex quâ egressi sumus, revertamur. Multa de natura luminis diximus, in qualitatum numero eam esse constitutam ostensum est. Sequitur ut illius specificam differentiam, si fieri potest, consequamur. Cùm autem omni accidens suam differentiam, non aliunde quàm à proprio desu-

*Quod sit  
luminis  
subiectum*

desumat subiecto, per quod definitur, & distinguitur; ut Dialectici nobis tradiderunt; quodnam sit illud subiectum luminis, nobis inquirendum. Neque inventu arduum videretur. Quid enim aliud quàm perspicuum est, cùm nihil perinde horreat atque opacitatem. Nam ubi in corpus opacum offendit, statim reflectitur; vel si penetret, frangitur ad perpendicularem, quo se ab hoste defendat. Sed cùm corpus diaphanum ipsi cognatum occurrit, tum dilatat se, quasi in libertatem asseratur. Ergo ut humor oleosus, & sulphureus flammæ pabulum est; nihil enim omnium est, quod flamma magis affectet, quod illam citius concipiat, & fortius conservet: sic perspicuum esse luminis subiectum, insiciari nemo potest, cùm lumen in perspicuo liberè exspatiatur, atque opaca corpora ut sibi insensa aversetur. Nullum quoque est corpus lucidum, quod idem si cominus spectetur, aliquo modo diaphanum non sit. Sic flamma licet visum præ fulgore deberet sistere, non parum tamen perspicuitatis habet, cùm ellychnium videndum exhibeat. Imò opaciora quæ sunt, ut carbo, adeps, lignum putridum, cùm lucent, nonnihil perspicuitatis adipiscuntur; nec superficiem modò, sed etiam profundiores partes oculis pandunt. Sic oculus, qui præter cæteras corporis partes magis diaphanus est, idem quoque lucidior existit. Ex quibus colligitur, perspicuitatem esse lucis comitem individuum, illius adeò proprium subiectum existere. Sed in quo posita sit perspicui natura, major nos manet difficultas.

*De natura  
perspicui  
opinio Gas.  
sendi &  
Cartesii.*

*Men.* Atque ut ego arbitror, res non est adeò difficilis. Cùm enim diaphanum illud sit, quod luminis est pervium, non aliter diaphanum, & opacum inter se differunt, quàm quòd illud poris in omnes partes hiat, per quos lumen transmittitur; sed in opaco corpore, hi meatus non patent luminis trajectiōni, quia in omnem partem recti non sunt, at confusè, & quasi tumultuario ordine disponuntur; adeò ut particulæ solidiores meatus occludant. Vitrum aliquod vel purissimum radiis solaribus oppone. Tum quidam radii vitrum penetrabunt, ii nempe, qui per foraminula, secundum rectas lineas disposita trajectiuntur. Alii verò resiliunt, ii nimirum, qui in solidas vitri partes impingunt. Unde si chartâ solares radios per crystallum trajectos excipias, tum videbis umbram crystalli tenuem, & dilutam, quemadmodum si eidem chartæ obtenderes tenuissimam telam; nam ut telæ fila luminis transitum prohibent, sic & partes vitri solidiores lumen arcent. Hinc aqua multis radiis transitum quidem permittit: sed plurimos etiam reflectit. Unde phiala vitrea, ubi aqua impletur, longè nigriorem, & obscuriorem umbram projicit, quàm si aqua foret vacua.

*Simp.*



*Simp.* Vereor ne hîc quoque à te dissentiam. Illos enim meatus in omnem partem, secundùm rectas lineas dispositos, non modò comprehendere animò, sed ne suspicione quidem possum attingere. Primò nullum est punctum in superficie sphæræ crystallinæ, in quod radius luminis non possit incidere, ac crystallum penetrare. Quod si ita sit, crystallus erit porosa tota, & vacua. Quis etiã mente concipiat poros secundùm infinitas lineas, easque rectas aptatos, ut luminis, quod in omnes partes diffunditur, transitum præbeant. Sanè quidem corpora, quæ pluribus poris hiant, ut spongia, charta, medulla sambuci, eadem non sunt diaphana: quin etiã aqua, vitrum, aër nullos vel paucissimos meatus admittunt.

*Confutatur.*

1.

2.

*Men.* Hæc sanè non tanti sunt, ut sententiam nostram labefacerent. Nihil enim necesse est, ut poros in vitro, vel aqua, secundùm rectas lineas penitus excavatos admittamus. Satis erit nobis, si non sint interrupti. Unde licet materia cœlestis non adeò religiosè secundùm rectas lineas propellatur à corpore lucido; saltem illius nixus, impetus, propensio ad motum (sive quod aliud nomen est, quo planius explicem id quod volo) secundùm rectas lineas trajicitur, per poros à rectis lineis parum descedentes. Plures globulos, vel poma in aliquod rete conjice, atque ita comprime, ut jam veluti unum corpus constare videantur: quòd si minutissimam arenulam inieceris, illa profectò per interstitia globulorum subibit, ac tota ferè diffuset. Quanto magis subtilissima materia per meatus corporis diaphani exitum inveniet, maxime cum omne corpus perspicuum, vel liquidum sit; vel ex aliquo liquore concreverit? Liquidum verò omne à subtili materiâ continenter agitur, quæ poros sibi facillè accommodat. Aër ex. gr. cum ex particulis tertii elementi inter se disjunctis constet, illæ globulorum cœlestium motui facillè obsequuntur, ac lumen trajiciunt. Vitrum autem, crystallus, glacies ex materiâ liquidâ, in quâ substantia cœlestis sibi poros excavavit, prodire, ac meatus eosdem servant quos subtilis materia, tum primi tum secundi elementi perforavit. Hinc quædam corpora, seu liquida sint, seu concreta, pellucunt, ut vitrum & aqua, quorum particulæ plerumque molles sunt, & flexiles: alia verò ubi liquor seunt, sunt diaphana: sed ubi concrevere, opacitatem induunt; ut cera, & butyrum, quorum particulæ sunt ramosæ, ac tenaciores, quæ ubi inducere, cœlestis substantiæ motui magis sunt rebelles; minùs, cum ignis vi agitantur, & liquidæ existunt. Alia denique sunt corpora, quæ ex partibus adeò crassis, & terrestribus compinguntur, ut sive concreta sint, sive liquida, luminis transitum negent, ut metalla, quorum pori omnes occluduntur, maxime

*Responsio.*  
*Carsesii.*

mè ubi concrevere. Spongia, vel suber, tametsi multis, & amplis pateant poris, lumen non transmittunt; quia pori non sunt continui sed interrupti, & tertii elementi, liberius quàm primi, aut secundi particulas excipiunt. Charta autem lumen trajicit, sed confusum, & instar vitri, rerum figuras non reddit. Quid ita? nisi quòd poros habeat inflexos, qui luminis radios incurvant. Vitrum quod attinet, meatus habet angustiores, sed in rectas lineas dispositos. Hinc quo tenuius est vitrum, eo quoque lumini magis est pervium; quo verò spissius existit, eo plures reflectit radios; ita ut illud visioni directæ, hoc reflectæ magis accommodatum videatur. Nam illud plures radios transmittit, hoc plures regerit, quòd plurimæ partes solidiores occurrant, quæ radiis sint inviæ. Hinc nubes, fumus, nebula non pellucet, quia innumeris constant partibus inter se disjunctis, quarum singulæ quosdam luminis radios admittunt, alios reflectunt, adeò ut omnes ferè radii tandem reflire cogantur: neque enim illæ partes malè colligatæ, ullum ferè radium transmittunt.

*Effugia  
Cartæ  
occludun-  
tur.*

*Simp.* Jam ergo placet cominus agere; atque experiar si possim cornua commovere disputationis tuæ. Negas tu quidem poros, qui in corpore diaphano lumini transitum præbent, esse undequaque rectos: cur igitur lumen secundum rectas lineas diffunditur? Si vobis credimus, ideo charta minus est quàm vitrum perspicua, licet poris sit magis pervia; quòd meatus habeat obliquiores, quibus radios inflectit. Cur idem in aqua non evenit, cum fieri nullatenus possit, ut omnes pori undequaque, instar quincuncis, recti sint? Quod de minutissimâ arenulâ, quæ per interstitia globulorum diffuit, adducebas, nihil tibi suffragatur: nam si minutissimum sabulum in acervum milii, vel crassioris arenæ injicias: rogo te an subire poterit, atque acervi poros, qui satis conspicui sunt, penetrare? Subtilis materia, si quæ sit, tenuissima quidem existit: sed innumeri sunt pori, quorum alii alios obstruunt: nec possunt omnes adeò exactè in rectas lineas coninnari. Mitto etiam quòd vix explicari possit, quid subtilis materia partes aeris, vel aquæ, ut viam sibi paret, in momento movere queat. Nec demum refractio ulla futura est, si pori, qui vitro insunt, in omnes partes recti constituantur. Cur enim frangatur radius, qui à recto tramite non deflectit? Cur major erit refractio, quo radii sunt obliquiores? cur denique refractio semper fiat ad perpendicularum, ubi ex medio rariore, in densius, fit transitus? quòd si meatus illi recti non sunt, cur radius perpendicularis non frangitur, cum ut cæteri, propter obliquitatem meatuum, incurvetur. Sed de his jam nimis. Dicendum igitur est mihi in quo natura perspicui posita sit: sed ita ut nihil

*De natu-  
ra perspi-  
cui.*



nihil tanquam certissimum affirmem. Satis erit, si quod verisimiliter mihi videtur, vobis exponam. Rem verò ab altiori principio, & velut ab intimo capite repetamus. Perspicuum cum sit luminis subiectum, ejusdem sanè videtur esse conditionis cum lumine. Lux porro tantum non spiritalis, subiectum postulat à materiæ concretionem, quantum fieri potest, liberum. Materia quippe, & lux, naturæ corporeæ quasi extremos margines occupant; illa iners, & stupida, omni actione destituitur; hæc subtilissima cum sit, tota in motu, & actione versatur. In momento cuncta penetrat. Materia quàm minimum essentiae obtinet, quia tota ferè est potentia, nihil actu. Actio verò essentiam rei cujusque indicat. Quo res quæque est perfectior, hoc fortius agit. Quid enim actio, quàm ipsius essentiae quasi quædam progressio, & effusio. Ergo unumquodque perfectius operatur, quo plus habet essentiae. Quamvis enim naturæ rerum specificæ sint indivisibiles, ut & numeri: nihilo tamen secius ut numerus alius alio perfectior est; sic essentiae aliæ sunt aliis præstantiores: atque ut numerus major minorem continet; sic nobilior species, alias inferioris notæ suâ virtute complectitur. Essentiae verò quantitatem, ut diximus, metitur actio. Cum igitur lux præ cæteris qualitatibus celerius, & vehementius agat, cuncta calore ac vitâ compleat, atque innumeros effectus procreet, tametsi simplex sit, & uniusmodi, nulla est sensibilis natura, quæ majorem essentiae portionem obtineat. Quid enim in rerum corporearum censu potentius, vel præstantius esse potest quàm lumen, cujus virtutes penè innumeræ, in naturâ simplicissimâ radices habent. Est quidem in Deo essentiae plenitudo, quia unitatis apicem tenet, cum infinita virtute conjunctam. Quid enim fortius ipsâ unitate; quod divisum est, idem quoque infirmum existit. Hoc igitur titulo lux ipsa inter res corporeas supremum gradum perfectionis occupat. Id etiam habet cum primâ causâ commune, quod effectus producat ætatisimè cum suâ causâ unitos, atque ab eâ maximè dependentes. Ex quibus conficitur, quod nihil perinde horret lumen, ac materiam. Quare subiectum exigit, quantum fieri potest à materiâ defæcatum. Ergo cum perspicuum sit subiectum excipiendi luminis capax, illius natura in hoc videtur constituta, ut quàm minimum habeat materiæ sub magnâ extensione; quod ipsa comprobatur experientia. Nam cælum summum perspicuitatis gradum implet, quod aër excipit, tum aqua; sed terra inter elementa ut est maximè compacta, sic & opacissima existit. Ut semel liniam, corpora quæque, ut graviora, ita & opaciora sunt. Id videre est in metallis, quæ nihil ferè perspicuitatis habent, neque unquam lumini sunt pervia, quan-

tumvis in laminas tenuissimas extendantur. Quod argumenti satis est, ut ex pondere, materiæ quantitate, atque ex materia opacitatem metiamur. Non quod perspicuitas, & opacitas, ex sola raritate, aut densitate oriantur. Id enim falsi revincitur ex vaporibus, qui aqua sunt rariores; sic vitrum comminutum quamvis nihilo sit densius, perspicuitatem tamen suam exuit. Quocirca corpora quæ sunt perspicua, licet in duo genera partiri. Alia sunt paululum crassiora, ut aqua, vitrum, adamas, quæ quidem minus materiæ nacta sunt, quam metalla, ac proinde essentialiter sunt diaphana; tamen forte per accidens opaciora videantur, ut adamas non politus, aqua perturbata, & vitrum comminutum: hæc quippe omnia nisi habeant superficiem tersam, ac politam, lumini invia sunt; quod si poliantur, lumen admittunt: nam illa æqualitas majorem materiæ proventum quasi commendat, & lumen sibi conciliat; id quidem in prima superficie refringitur, sed postea à recto itinere non deflectitur, eum corpus sit homogeneum, & uniusmodi. Itaque hæc corpora crassiuscula æqualitatem superficiiei exigunt, secus lumen reflectetur, ac dispergetur. Alia verò corpora, quæ longè sunt subtiliora, ut cælum, & aër, quantumvis agitentur, motum radiorum nihil impediunt: lumen quippe tantillum materiæ faciliè superat. Vapor autem, fumus, nubes, propter maximam superficiem inæqualitatem, & aliorum corporum admixtionem, lumen non transmittunt. Addámne quod omne perspicuum quandam lucem habet in se reconditam, quæ ubi corpus condensatur, manifestè se prodit: sic aër candorem nivis, spumæ, & aliis innumeris impertit. CrySTALLUS comminuta albedinem quoque suam ob oculos ponit. Quod si astra nihil sint quam partes cæli condensatæ, ut veteres crediderunt, sequitur cælum totum esse luminosum; adeo ut sola materiæ raritas impediat, quominus sub obtutum cadat, sic spiritus vini tenuissimus visus aciem fugit, atque ignis eo est conspicuior, quo materiæ crassiori adhærescit. Hæc ita esse ratio ipsa persuadet. Nam si lumen non alium in subiecto apparatus exigit, quam parum materiæ sub magnis dimensionibus, ubicunque hæc dispositio occurrit, ibi quandam lucem inesse par est. Siquidem nunquam materia omnibus suis dispositionibus adornata, carere suâ formâ, aut vacua esse potest, ne in rerum & specierum ordine aliquod inane natura admittat. Hæc summi Philosophi, & Archiatri meditamenta fusiùs exposui, dulcedine argumenti abreptus.

*Th.* Intelligo quem hoc elogio designes. Neque huic opinioni intercedo, atque omne perspicuum minus habere materiæ puto. Sed quasdam præterea conditiones exigo, quæ nisi adsint, corpus minimè perspicuum futurum est.

*Simp.*

*Simp.* Cedo quæ sint illæ conditiones, quibus pellucidum omne circumscribis.

*Qua sine  
conditio-  
nes ad per-  
spicuita-  
tem requi-  
sita.*

*Th.* Rem paucis absolvo. Primum, superficiem lævigatam, non asperam habeat, necesse est; ne radii luminis distrahantur. Nam ubi corpus multis superficiebus exasperatur, singulæ facies quosdam radios reflectunt; adeò ut parum vel nihil luminis transmittant. Hinc vitrum comminutum perspicuitate suâ excidit; cumque aliquo colore tingitur, jam minùs diaphanum evadit. Admixtione quippe coloris, seu pigmenti, quo multi meatus obstruuntur, superficies vitri fit asperior, sed de hoc quoque dixisti. II. Corporis perspicui partes sint homogeneæ densitatis, aut raritatis: secus radii varias patientur refractiones, quibus tandem fessi, resilire compellentur. Hinc vinum distillatum, aqua maris percolata, sunt limpidiora. Vinum quoque album, primò opacum est; cùm magis perspicuum evadit; quod enim impurum existit, vel alterius naturæ, ultrò subsidit. Ex plantis, lapidibus, & metallis vitrum pellucidum conficitur, quia ignis calore, quod alienæ naturæ est, secernitur. Non dissimili ratione nix calore liquefacta, fit perspicua, quòd ex illius poris aër extrudatur. Hinc etiam lac, sanguis, atramentum, cùm non sint puri liquores, & partibus consistent crassioribus, nunquam pellucet. Ubi cornu adurit, ex diaphano opacum evadit; fortè quia partes præ calore inflantur, asperæ, & inæquales efficiuntur. III. Ad perspicuitatem requiritur, ut partes, quæ sunt raritatis, vel densitatis homogeneæ, situm rectum obtineant. Non equidem poros undequaque rectos exigo: neque enim lumen corpus esse puto; sed tamen, cùm in rectas lineas semper diffundatur, æquum est, ut partes etiam corporis diaphani secundùm rectas lineas porrigantur: quod ubi evenit, tum pori quoque, & meatus in rectum disponuntur. Id forsitan Epicureis, & Cartesians erroris occasionem dedit, qui perspicui naturam in illâ meatuum rectâ positione constituerunt. Omnia ferè diaphana faciliè franguntur, quòd partes eorum secundùm rectas lineas aptentur. Vitrum lucem transmittit puram, non item charta, quæ tamen ubi oleo est illita, magis pellucet, sive quòd olei particulæ meatus papyri obstruant, ac superficiem æquabiliorem reddant; sive quòd filamenta chartæ inflectant, ac poros rectiores efficiant. Eadem ferè ratione globus niveus ubi paulò vehementiùs comprimitur, vel aquæ immergitur, quandam perspicuitatem acquirit. Illud præterire non possum, quòd omne corpus quantumvis sit opacum, aliquid tamen habeat perspicuitatis. Hinc lamina metalli tenuissima quosdam radios transmittit. Hæc igitur mihi videntur ad naturam perspicui conspirare.

nam materia sedes est tenebrarum, ac luci infensa. II. Puritas, & uniformitas substantiæ. Hinc nullum est corpus mixtum adeò perspicuum, quod non aliquid habeat opacitatis. III. Superficiæ æqualitas, maximè in corporibus substantiæ crassioris : unde omnibus coloratis hæc conditio deest. Quare succinum licet vitro sit levius, non tamen pellucet; color quippe, illius perspicuitatem impedit. Postremò demonstratum à nobis est, quòd situs partium rectus non parum ad perspicuitatem conferat. Addit Keplerus perspicuum omne, cùm sit corpus simplex, & uniusmodi, vel fluidum esse, vel ex aliquo fluido constare: cujus eam rationem esse putat, quòd lumen solà longitudine, ac latitudine contentum sit, omnis soliditatis expers: cumque res ab alia pati non possit, nisi ejusdem sit secum generis, radii lucidi nihil à soliditate corporum impediuntur. Quid ergo moram illis objicit? superficies. Quo igitur plures sunt in corpore superficies, vel plura in superficie puncta, eo magis lucis effusio arcetur: nam lux majorem extensionem affectat, quo longius à suo fonte progreditur. Unde ex occurso corporis densi colligitur, atque ad perpendicularum magis videtur accedere. Hæc est vera refractionis causa, ut superius ostensum est. Sic etiam ubi in corpus asperum lumen incurrit, non quidem refringitur, sed resilire cogitur: nam unaquæque superficies motum radiorum sinit: corporis verò fluidi una est superficies: siquidem partes singulæ non propriis, sed alienis terminis circumscribuntur: quocirca luminis transitum nihil impediunt, unica duntaxat vincenda est superficies, tota soliditas radiorum propagationem nihil moratur. Opacum igitur erit, vel quod multis superficiebus est asperum, vel quod multam obtinet densitatem, quæ plus satis radios colligit. Adde quoque colorem medii, quo lucis diffusio non mediocriter impeditur: sunt enim lux, & color ejusdem naturæ: quare unum ab altero pati potest. Hinc lux medii colore tingitur, & vicissim color à luce quasi accenditur. De perspicui natura tot dicta fuerint; ex quibus definitio luminis ab Aristotele adducta omninò confirmatur; nempe lumen esse actum corporis perspicui, seu qualitatem, quæ excipitur in corpore perspicuo.

*Men.* De naturâ, & subjecto luminis, nec non de illius motu, tum reflexo, tum refracto, uberrimè disputatum à te fuit, mi Simplici; reliquum est, ut perpauca de finali, & effectrice illius causâ subjicias: quibus perfectis absoluta erit tota luminis tractatio.

*De causâ  
effectrice  
luminis.*

*Simp.* Huc non invitus declinabam. Ac primum quod effectricem lucis causam attinet, ea non alia mihi videtur esse, quàm effector omnium, molitorque Deus: quæ enim causa tam potens, tamque effi-

cax

ex fingi potest? an substantia corporis lucidi? sed præterquam substantia nil nisi mediis facultatibus operatur, (cùm actus, & potentia eodem genere contineantur; operatio autem accidens est; ergo & potentia operatrix in genere accidentium censeretur debet) accedit etiam, quòd lumen per propagationem non diffunditur, sed unà cum corpore lucido producitur, ipsique cœvum existit. Nec faciliè animo comprehendi potest, quomodo formæ omnes procreentur, nisi ad primam rerum omnium causam confugiamus. Qualitates, quæ materiæ conditionem consequuntur, nec quidquam agunt, ut humor, siccitas, densitas, è sinu materiæ eruantur: sed quæ sunt efficaces, & activæ, è materiâ educi nequeunt; nedum lux, quæ cum materiâ nullam habet cognationem. Quod in rerum naturâ effectus intuemur, qui nulli, nisi primæ causæ tribui possunt? ut nihil dicam de animalibus, quæ ex putredine nascuntur, quorum ortus nec elementis, nec cœlo, neque etiam Angelis acceptus referri potest. Quid de individuorum determinatione existimare par est? Quare ex infinitis hominibus, qui procreari possunt, hic potius quàm alius gignatur? Quid dicam de impetu productò in lapide sursum emisso, quid illum conservat, nisi primum agens? Quid denique de animalium instinctu, an aliunde quàm à Deo proficisci potest? Verùm hæc quæstio cum aliâ de formarum origine confunditur, quem locum satis ut opinor, aliàs expressimus. Neque necesse est multa à nobis edisseri de finali causâ

*De causâ  
finali luminis.*

luminis; cùm hæc non minùs perspicua sit, quàm ipsum lumen. Nihil quippe est in hoc mundo adspectabili, quod potentiam, sapientiam, & bonitatem Creatoris magis commendet. Motus ille celerissimus; vis cuncta penetrans, & per omnia commeans; diffusio propè immensa; radiorum subtilitas cum tantâ virtute, ac stabilitate conjuncta: adeò ut flecti quidem, & infringi, non disrumpi, aut separari possint: hæc, inquam, omnia omnipotentiam Creatoris prædicant. Sed nihil est, in quo divina sapientia magis clucescat. Quid enim totius universi partes adeò discordes conciliat, quàm lux ipsa, cujus natura simplex quidem, & pura existit; sed virtute rerum penitus dissimilius imprægnatur, quò faciliùs omnia concedat. Profectò forma cum materiâ, vel anima cum corpore vix uniri posset, nisi naturâ quâdam lucidiore, & perspicua, quam Platonicus spiritum vocant, necerentur. Nunquam extrema quæ sunt, citra aliquod commune vinculum natura consociat. Quid materiæ dissimilius quàm forma? nec aptiori glutine inter se devinciri queunt, quàm spiritu: hic enim minimam materiæ portionem sub magnâ mole nactus est; unde luminosus, ac perspicuus existit, est igitur corporis & animæ aptissimus

nexus

nexus, utriusque functionum commune instrumentum. Namque, ne id fortè mihi excidat, omnis spiritus quasi essentialiter lucidus est, uti & ignis; cætera quæ sunt lucida, horum participatione splendent. Hinc micant oculi percussi: feles in mediis tenebris objecta contuentur, scilicet spirituum ope, quos eorum oculi ejaculantur: lampyrides noctu lucent beneficio spirituum, quos præ timore contrahere, & litem suam subducere quidam perhibent. Ligna putrida, adeps, & alia id genus de nocte micant, cum putrescunt; quòd spiritus liberati à crassiorum partium mole, in unum confluant: non secus ac partes ignitæ præ vehementiori motu unà coeunt, atque ignem accendunt. In squamis piscium spiritus sunt tenaciores, nec facile dissipantur: unde & diutius splendent. Verùm id lumen, quo spiritus nostros fulgere diximus, oculis non perspicitur. Id sanè evenit propter summam eorum tenuitatem, uti jam insinuatum à nobis est: sed tamen anima hunc fulgorem percipit: nam ubi spirituum animalium conceptacula, quæ cerebro insunt, tetro aliquo vapore obnubilantur, quas tenebras ipsa sibi fingit anima? Sed longius dilabor, retinebo itaque me.

*Men.* Libenter tecum, cum istà oratione prolaberer, ut hoc Ciceronis verbum usurpem.

*Simp.* Ne aliena mihi sumam; hæc quæ nunc fundo philosophiæ secretioris oracula, non ex meo pectore, sed ex summi illius viri, quem potissimum hodie sequendum mihi proposui, monumentis prodire. Atque ut è semitâ in viam redeam: lux est quasi horizon naturæ spiritalis, & corporæ; substantiæ, & accidentis; vinculum est totius universi, quod luce destitutum nihil foret præter materiam indigestam, corpus exanime, confusionis abyssum: est quippe lumen omnium elementorum virtute fecundatum, ac cælestes influxus ad nos transmittit. Accidens quidem existit, sed à suo subiecto non pendet; adeò ut inter substantiam, & accidens; inter corpus, & spiritum ambigat. Lux dividitur, & manet individua; stabilis est, & movetur; cælum terræ, corpori animam, formas materiæ, objecta visui conciliat. Neque etiam ullum est in totâ rerum corporearum universitate præstantius donum nobis à Deo concessum, quod illius inexhaustam, & in omnia exuberantem bonitatem magis exprimat. Cuncta suo calore vegetat, vitâ implet, lætitiâ perfundit, ac variis coloribus adornat, ut quàm mox dicturi sumus.



CAPUT QVARTUM

De naturâ, & diversitate colorum.

- I. Colores omnes ejusdem esse generis, & vanam esse colorum in veros & apparentes distinctionem. II. Omnes à luce dimanare, nihil esse quàm lumen modificatum. III. Utrum colores ab externâ, vel ab insitâ luce corporibus prodeant? IV. Tandem ab extrariâ luce non proficisci concludimus. V. De numero & serie colorum, nec non quâ lucis gradus singulis competat.

Menander.



Agno te oramus opere, ut de naturâ, & varietate colorum paulo uberius differas: nam & vacui sumus, & nisi ine ratio fugit, color nihil est quàm lumen quoddam dilutum & modificatum.

*Simp.* In longum sermonem me revocas, Menander, quem tamen libenter suscipiam: quid enim agamus potius, aut in quo melius consumamus diem? Sed ut in re adeò obscurâ lux aliqua nobis interluceat, quæ mihi certa sunt, & explorata proponam prius, tum ad ea quæ magis sunt controversa, gradum faciam. Atque ut ad citiora veniam, & notiora nobis; omnes colores ejusdem esse generis, dubitari nûllatenus potest. Quòd enim usus scholæ obtinuit, colores *veros & apparentes* alios esse reales, alios duntaxat apparentes, & quasi umbratiles, id nullo solidiore nititur fundamento; cùm tota coloris natura in hoc posita sit, ut appareat, & visibilis fiat. Quasi verò objectum, quod sensum realiter afficit, & movet, non sit quid reale, atque in rerum naturâ *eiusdem esse generis.* non exiit. Nónne Iridis colores, quos inter apparentes recensent, suas imagines in specula transmittunt? Quid igitur obstat, quo minus inter veros colores numerentur? Profectò, cùm objectum visus proprium sit color; neque ullum discrimen inter veros, & apparentes animadvertat; cumque facultas circa proprium objectum falli non possit, optimè concluditur, omnes colores ejusdem naturæ, ejusdem esse conditionis: maxinè cùm accessu alicujus coloris, ut rubei, per triangulum vitreum transmissi, color itidem rubeus panno insidens fiat vegetior; quòd si in alium diversæ speciei inciderit, alium quoque colorem, qualis fermè ex præmitione pigmentorum nasci solet, procreabit. Quòd argumento est, colorem rubrum, qui per vitreum trigonum producitur; licèt apparens, & umbratilis duntaxat vulgò



cenſeatur, ejusdem tamen eſſe ſpeciei, ac naturæ cum rubro colore, qui altiùs corporibus inhæret. Tametiſi non inſicior, colores alios eſſe fugaces, quales ſunt in Iride; alios fixos, & tenaciores; ejusdem tamen utroſque eſſe ſpeciei, non ſolùm ipſa colligit ratio; cùm unius facultatis unum ſit objectum; ſed etiam ipſe ſenſus dijudicat. Quòd ſi ita ſit, colores omnes à lumine proſiciſci rectè concluditur: cùm Iridis colores, quidquid per vitreum trigonum trahuntur, atque apparentes vulgò vocitantur, nihil ab ipſo lumine, certà quâdam ratione modificato differant. Quid enim hos colores tam aptè efformaret? an nubes, vel murus, in quo Iris delineatus cernitur? At nihil aliud quàm recipit; nihil ipſe operatur. An fortè trigonus vitreus? ſed eſt omnis expers coloris. Reſtat igitur ut lux in colores degeneret: atqui fixi, & fugaces, veri ut ajunt, atque apparentes ejusdem ſunt naturæ; atque ad eòd iſdem prodeunt cauſis: ergo colores omnes nihil ab ipſo lumine diſcrepant.

*Th.* Hactenus tecum mihi convenit: & ſanè quilibet ſpecierum viſibilium, & colorum naturam diligentius perpendet, utraque nihil à lumine differre comperiet. Nam ſingula cujuſque objecti puncta in orbem diſfunduntur; eodem prorſus modo, ac radii luminis refringuntur; ad æquales angulos reſiliunt. Quòd ſi per vitrum aliquo colore tinctum trahantur, non aliter ac lumen eodem colore imbuuntur. Denique inſtar luminis, in punctum contrahuntur, citra ullam conſuſionem; principio ſuo indiviſè adhærent, à quo unitatem, vel diſtinctionem ſuam; non à ſubjecto, uti cæteræ qualitates, repetunt.

*Utrū colores omnes ex lumine externo emergant. Affertur ratio.* Ad ſummam, omnes luminis affectiones his ſpeciebus, ac coloribus apprimè conveniunt. Quod non modò evincit, colorem nihil à luce diſſidere; ſed etiam (quod rem maximè cauſamque continet) colores omnes à luce exteriori proſiciſci, & cum eâ conſundi; ad eòd ut rebus omnibus auferat nox atra colorem. Id jam patebit, ſi revocare in memoriam volueris ea, quæ ſunt à te demonſtrata: nempe colores fixos ejusdem eſſe ſpeciei cum iis, qui fugaciores ſunt, quos ſanè à luminis variâ reflexione, ac refractione prodire certum eſt. Nihil enim unum uni tam ſimile, quàm lumen lumini, color colori. Quòd ſi à luce color differat, quare ſine illâ videri nequit? numquid ſonus vel odor quodam alio odore, vel ſono indigent ut percipiantur? Denique ſi color eſt quâdam qualitas ab exteriori lumine diſtincta, quænam eſt illius cauſa, quas exigit diſpoſitiones? exemplo ſit albedo nivis, undenam prodiit? numquid ab aquæ ſubſtantia? ſed ubi ſolvitur, candorem ſuum deperdit. An fortè à frigore? ſed aqua congelata frigidiffima eſt, nec candida. Forſitan ab aëre ſuam repetit albedi-

bedinem. Verùm aër omnis est coloris expers. Nulla quoque assignari potest dispositio intrinseca, ex quâ albedo dimanet: non calor, aut frigus; non durities, aut mollities; non humor, aut siccitas; non demùm gravitas, aut levitas: cum lac, marmor, spuma, nix, cerussa, calx, & alia innumera sint candida: tametsi vix in ullâ qualitate conveniunt.

*Men.* Hæc sanè rationi consentanea mihi videntur: neque ut ar- *Opinio*  
bitror multùm abhorrent ab iis, quæ illustis Cartesius tradidit: existi- *Cartesii.*  
mat enim colores nihil esse præter lumen modificatum. Lumen verò cum sit motus, vel pressio globulorum cœlestium à materiâ subtilissimâ primi elementi in rectas lineas directus: hi quidem globuli uno & eodem tempore duplici motu, centri scilicet, & orbis feruntur: nam circa suum centrum in orbem aguntur, atque à corpore lucido in rectas lineas quasi vibrantur. Cum ergo uterque motus æqualis est, tum lumen nullo colore imbutum oculos afficit: sed ubi ex occurso corporum diversæ densitatis, aut consistentiæ motus orbis fit velocior vel tardior: jam globuli cœlestes retinam aliter movent, ac varios colores imprimunt.

*Th.* Facebant quæso te illa vigilantis cerebri somnia, quæ jam aliàs abundè refellimus. Veri propria sunt, quæ non Epicurei modò; sed etiam eximii Peripatetici, ac præter cæteros doctissimus Fabry de naturâ & varietate colorum tradidere. Et quamvis longa fortasse nostra futura sit oratio, non tamen satisfieri putem huic loco, qui nunc est in manibus, nisi distinctè, & articulatim, non de omnibus; hoc enim infinitum foret; sed de præcipuis coloribus disputemus: indu- *De albedine.*  
cto ab ipsa albedine exordio, quæ, ni fallor, non alibi, quàm in continentate radiorum luminis non interruptâ, posita est. Hinc flamma quo purior, eo quoque candidior est. Cera alba, quia sincerior est, flammam reddit candidiorem: nam (si fortè nescis) cera veris tempore irrigata Soli exponitur, cujus calore humor extraneus exhalatur, atque unâ secum humorem nativum educit, quo extracto, non aliter ac pannus elutus in lixivio, dealbatur. Sic plantæ ficiore puriorem flammam præbent, quia partes omnes simul accenduntur: sed in viridiori ligno multus humor unâ cum flamma erumpit, qui radios luminis intercipit, ac colorem subrusum exhibet. Eadem ratione vitrum nigro, & rariore velo obtectum, lucem subrubram transmittit; quod radii luminis bene multi quasi extinguantur. Nix verò, spuma non aquæ modò, sed etiam atramenti, lac, calcinata ferè omnia, farina, ereta, cerebri medulla, ovi putamen, charia, quoddam marmoris genus, saccharum, & alia innumera albescunt; quorum omnium una mihi

videtur ratio, quòd lumen sine ulla ferè interruptione radiorum ad oculos reflectant; id autem accidit, quòd pleraque omnia particulis sphæricis consent, quæ microscopii adminiculo ponuntur ob oculos: ut videre est præsertim in nive, & spumâ. Quocirca singuli globuli aliquos luminis radios ad oculum emittunt, qui colorem luci affinem, nempe candorem, simul congesti efficiunt: nulla quippe sit interruptio, nulla est pars, quæ lucem non reflectat. Sed quò minùs dubitari possit, hanc esse veram colorum originem, juvat ire per singula. In nive hi globuli sub visum cadunt, beneficio omphaloptri, quo sæpe objectum centuplo majus cernitur. Spuma verò innumeris constat sphæculis, quia interclusus aer æquo nisu pellit undique membranulas, quibus interceptur; & quanto illæ bullæ minores sunt, ut in spuma equi, vel cremore lactis macerato, tantò majorem candorem præbent: nam plures radios regerunt. De calcinatis nihil attinet dicere, cum aliàs ostensum fuerit terræ atomos sphæricam figuram esse sortitas. In ovi putamine, granula sphærica sensu deprehendimus: in chartâ hujusmodi granula sæpe calamum stridentem, ac luctantem morantur. Medulla cerebri, salium ferè omne genus, in quorum censu est saccharum, ossa denique, multâ terrâ abundant, quod ex ipso pondere dignoscimus. Sic adeps concretus albedinem quandam præ se fert: quòd illius partes instar spumæ in orbem concrecant. Non dissimili modo oleum à lixivio dealbatur; quædam enim humoris aquei partes dum rarescunt, tenacis olei membranulis conclusæ, in bullas abeunt: denique hi globuli in lactis coagulo sensu percipiuntur. Sed cur quoddam marmoris genus album, aliud nigrum existit? an quia illud ex granulis sphæricis constat, hoc non item? unde album tam perfectè poliri nequit, ac nigrum, & quò magis politur, minùs album redditur; gravius etiam est nigro, neque illius globuli faciliè dividuntur: hinc asperius, & minùs læve, vel cæcus ipso tactu percipit. In alabastrò hæc granula sphærica sunt magis conspicua, quare minùs poliri quàm marmor potest. Pili albescent defectu humoris. At cerussa cur adeò candida? quia plumbum aceti acrimoniâ solvitur; humor ferè omnis educitur, terrestres particule solæ remanent, quarum figuram esse globosam identidem monuimus: nam cerussa gravior est, nec ductilis ut plumbum. Vitrum, & glacies contrita albescent: cum enim priùs una esset eorum superficies, eaque plana, & æquabilis, pauciores radii resiliebant: sed ubi fuerunt comminuta, innumerabiles factæ sunt superficies, infinitæ adeò reflexiones prodierunt. Jam cur albedo visum disgregare perhibeatur, cum quo affigat? an quia multam lucem emittit, cujus calor humorem crystallinum urit, ac lædit? hinc pupil-

pupillam contrahimus, quod fieri nequit, nisi tunica vvæ dilatetur, idque citra divisionem aliquam, vel dolorem non accidit. De albedine hæcenus; nunc de nigredine, quæ in paucitate radiorum, ac multis interruptionibus consistit. Ubi nulla est radiorum reflexio, tum *De nigredine.* meræ sunt tenebræ; sed cum pauca admodum est, tum nigredo positiva, & realis existit. Sic omnis cavitas nigrum colorem præ se fert: sic quæ tersa sunt, & posita, ut aqua, vitrum, (quod singula puncta singulos duntaxat radios reflectant) subnigra apparent: quæque nigra sunt, eadem ferè concava videntur. Hinc feles ubi nigrum orbem in janua depictum vident, sæpius in eum impingunt: apparet quippe illis velut ostiolum apertum. Colores ferè omnes eminus spectati, subnigri cernuntur, quod pauciores radios ad oculum transmittant. Quæ nigra sunt, quo magis poliuntur, hoc magis nigrescunt; ratio ex dictis plana est. Sic argentum antequam poliatur, magis albicat: nam ubi læve effectum est, propter æqualitatem angulorum incidentiæ, & reflexionis, pauciores radii in oculos incurrunt. Cur ergo vasa quædam fistilia, & polita adeò candida existunt? an quòd membranulâ pellucidâ obtegantur, sub quâ quædam granula sphaerica figuræ delitescunt? idem forsitan in lacte contingit. Humor verò aqueus nigredinem invehit: unde herbæ, quo plus humoris continent, eo quoque subnigriores videntur. Lutum multo, & diuturno humore persusum, quale Lutetiæ plurimum est, nigrius evadit. Saccharum cum æduritur, nigrescit, quòd humor calore educatur. Sic etiam nix aquæ immersa nigrorem contrahit: nam aqua globulos nivis complanat, ac multas radiorum interruptiones facit. Humor denique omnis affusus corporibus nigredinem inducit, quia cavitates occupat, & superficiem lævigatorem efficit. Sed cur carbo extinctus, fuligo, pix tantâ nigredine obscurantur? propter frequentes, & ferè continuas radiorum interruptiones: multis quippe partibus præ calore resolutis, cavitates, striæ, & rugæ innumerabiles ligno accenso succrescunt, quæ creberrimas luminis interruptiones inducunt. Hos sanè veluti sulcos, ex carbonum affricu faciliè conjicimus. Hinc semivista ferè omnia atro colore inficiuntur; nam exhausto humore, superficies corrugantur; cumque innumerabiles propè partes acuminatæ, & striatæ unâ cum humore erumpant, in atram fuliginem facestant, quæ oculis vellicat, & camino tenaciùs adhærescit, quia ex partibus acuminatis constat. Hinc pix adeò nigra efficitur: succus enim est ex ligno resinifero ignis ardore expressus, ex quo magnus fuliginis proveniunt exhalatur: unde non mirum si atro fuliginis colore pix imbuatur. Sed cur atramentum adeò nigrum; dilutum quippe calchanti, & gal-

*De rube-  
dine.*

larum, si seorsim accipiat, neutrum nigro colore tinctum apparet? quid igitur causæ est, ut utrumque simul mixtum, in atramentum degeneret? an quia calchantum, & gallæ particulis striatis, & in mucronem desinentibus constant, aut potius, ubi simul coeunt, in acumina efformantur? Calchantum enim ex oleo vitrioli, & aquâ stygiâ, quibus ferrum dissolvitur, constat: hinc atramentum ita tenaciter chartæ adhæret. Nigredo autem minus visum delectat, quod pupillam maximè dilatat, atque vixam contrahat? idque non sine aliquo dolore perficitur. Pupilla distentitur, quò plures radios excipiat. Albedine, & nigredine excussis; sequitur ut reliquos colores decurramus. Occurrit primò rubeus color, album inter & nigrum medio constitutus intervallo; prodit enim ex alternis radiorum reflexionibus, & interruptionibus. Hinc carbo accensus, quò omnes partes simul non accendantur; ferrum candens; sol per medias nebulas radios vibrans; lucernæ flamma cominus visa; flamma itidem ligni viridis, ex quo multus erumpit aqueus vapor, rubescunt. Nam in his omnibus sit quædam albi nigrique permixtio: hinc color rubeus emergit, qui flammam albi, & horrorem nigri præ se fert. Lucerna verò eminens spectata, tota videtur candida, quod illæ radiorum interruptiones, ac veluti umbræ ex fumo prodeuntes, præ nimia distantia sub visum non cadant. Sic Mars de nocte visus, rubet; sed aurorâ luceſcente, apparet candidior, quia minor: pauciores quippe radiorum interruptiones percipiuntur. Sic Luna subrubra videtur, propter macularum nigredinem, quæ illius candorem adulterant. Simili ratione pannus nigrior, ubi multâ luce perfunditur, subrubrum, aut purpureum colorem exhibet. Quòd si per cancellos citato cursu, aream à Sole illustratam propicias, nil nisi colore rubeo infectum cernes, propter alternas albi nigrique interruptiones. Cumque è multâ luce in obscuriorem locum ingrederis, tum fulgorem quemdam rubeum vides: nam retina, quæ in fundo oculi constituitur, quæque visus organum existit, multâ luce adhuc perfusa alternas subit luminis, & tenebrarum, seu albi nigrique impressiones. Sed unde cersusa in minium, quod adeò rubet; chylus in sanguinem facessunt? aut cur fumus hydrargyri rubeus est, cum idem sublimatus tanto candore niteat? An quia cerussa, chylus, hydrargyrus sphericis constant particulis, quæ calore dividuntur, atque in colorem medium inter album, & nigrum degenerant? Hinc etiam liquet, cur caro candida cæsarie nigrâ obiecta, vel humor crystallinus bovis, itidem albus, processibus ciliaribus obvolutus; vitrum denique nigriori, & quasi capillari velo testum, rubeant. Candela quoque extincta, & fumans, ubi accensæ candelæ

admo-

admovetur, fumum emittit rubeum. Siquidem in his, & aliis innume-  
ris, sit quædam albi nigrique tempesties, ex qua rubeus oritur color,  
qui nec continuam lucem postulat, ut candor; neque continuas ra-  
diorum interceptiones, ut nigredo; sed mediâ forte contentus est.  
Quocirca ubi paululum accensus est, perstringit oculum: nam maio-  
ri contentione opus est, ut visus has luminis interruptiones alterna-  
tim dispositas discernat. Hinc fortè tauros, & leones in furorem a-  
git. Tametsi id quoque potest accidere, quòd hic color speciem san-  
guinis præbeat. Sequitur ut de flavo colore, nec non de cæruleo, vi-  
ridi, ac purpureo pauca subijciam. Flavius inter album, & rubrum  
medius est; uti cæruleus nigrum inter, & rubrum, medium locum ob-  
tinet. Flavius itaque pro singulis interruptionibus, duos radios nactus  
est; unum ab albo, alterum à rubro, cum una interceptione mutuatur.  
Cæruleus è contrâ, duas interruptiones unico radio temperatas for-  
titus est. Quòd si funiculum ex albis rubrisque filis contextum in-  
spicias, idem flavo-colore tinctus apparebit. Fors est ut aër cæruleus  
videatur, propter varias luminis reflexiones, quæ ex solidioribus ato-  
mis procedunt. Cinereus color ex rudi, & imperfectâ albi nigrique  
mixturâ, ut rubeus ex accuratiori permissione proficiscitur; in illo  
quippe partes sunt crassiores; in rubro minutiores: hinc cinereus co-  
lor fortiori lumine collustratus, si procul spectatur, rubeus apparet,  
ut videre est in nubibus sub ortum, vel occasum Solis. Aureus color  
medius est inter flavum, & rubrum, ut solaris inter album, & flavum  
medio loco consistit. Ex rubro, & cæruleo purpureus, ut ex flavo,  
& cæruleo viridis temperatur. Rem ita se habere, ex perfectâ colo-  
rum mixtione comperies. Vel si plura vitra diversis imbuta coloribus  
simul jungas, hanc, de qua diximus, colorum varietatem obtinebis;  
sed unde flavus, ac cæruleus sunt oculis gratiores? an quia magis  
temperati? Certè nullus color magis oculo blanditur, quàm viridis;  
quia ex flavo, cæruleoque emergit; utriusque enim amœnitatem pos-  
sidet; nec lumen albi oculos perstringens; neque horrorem nigri, qui  
cæruleo plurimus inest; nec denique rutilum fulgorem rubri præfert,  
qui majorem attentionem postulat. Viridis color quasi negligentior est,  
hinc gratissimus; tum enim jucundè agimus, cum faciliè. Jam quoque  
planum sit, cur colores compositi magis arideant, ut purpureus rubro,  
& cæruleo; aureus rubro & flavo est amœnior; scilicet quia compo-  
situs color unus excessum, & alterius defectum temperat. Sic purpu-  
reus rubri fulgorem, & cærulei livorem castigat, neque aureus, ut fla-  
vus pallescit, vel ut rubeus rutilat. Ex flavo, rubro, & cæruleo, color  
lividus prodit visui, minimè gratus: nam rubeus viridem colorem scē-  
dat,

*De flavo,  
cæruleo, &  
aliis colo-  
ribus.*



dat, qui ex flavo, & cæruleo emerſurus erat. De ſorum, lapidum, ac metallorum variis coloribus, nec non de Iride, dabitur aliàs commodior dicendi locus. Hactenus demonſtraſſe ſufficiat colores omnes à varia luminis reflexione, aut reſractione originem ſuam ducere; adeò ut color nihil ſit præter lumen modificatum. Non quòd varia luminis intensio, aut remiſſio, diverſos colores procreet; ſed radorum duntaxat continuitas, vel interceptio. Neque ea ſententia Ariſtotelis diſplicet, qui cauſam colorum eſſe variam lucis, & umbræ temperationem, tradit. Non inſiciamur tamen rei cuique ſuum eſſe nativum colorem, ut loquuntur, in actu primo; ſeu eam eſſe partium diſpoſitionem, ex quâ taiis color exurgat; ſed negamus rem eſſe in actu ſecundo coleratam, niſi eadem ſit exteriore lumine illuſtrata. Res enim omnis colorata, viſibilis exiſtit; nec tamen ſub viſum cadit, niſi aliquo lumine perfundatur; ita ut certiffimum ſit, quod docet Ariſtoteles, lumen eſſe colorem perſpicui, & colorem eſſe actum corporis perſpicui ſuâ opacitate terminati. Nunc de his quid ſentias, optime Simpliçi, & quibus ea rationibus inſerms, audire ſanè velim; res enim digna eſt, cui nonnihil operæ, ac temporis impendas.

Prior ſententia con-  
futatur,  
atque colo-  
res fixos  
ab interna  
luce emanare oſten-  
ditur.

- Simp.* Huic opinioni neque poſſum accedere, neque intercedere poſſuſe: fateare enim oportet, innumeros colores ex varia reflexione, ac reſractione luminis emergere: de iis, qui apparentes vulgò dicuntur, nullus eſt dubitationi locus. Imò id in plerisque coloribus qui ſubjectis ſuis altiùs inſident, ſerè conſtat, ut in nivis, ſpumæ, vitri, vel glaciis comminuſcæ albedine. Sed nunquam poſſum animum inducere, ut contra ſenſus iudicium, omnes de nocte colores deleri putem. Non equidem inſicias ibo, colorem nihil eſſe præter lucem diminutam, & certâ quâdam ratione modificatam; id enim jam demonſtratione conſecuti ſumus. Verùm ſi bene auguror, colores non ab extranea, ſed ab interna luce proſciſcuntur; ita ut nullum ſit corpus, ſeu perſpicuum ſit, ſeu opacum, quod aliquam lucis ſcintillam re-
- conditam non habeat. Quidni rem ita eſſe putem? cùm omne corpus aliquâ perſpicuitate donetur: perſpicuum verò idem omne eſt lucidum: non enim alium apparatus lux exigit præter perſpicuitatem, quàm lux ipſa, ut forma materiam optimè diſpoſitam conſequitur; ne in rerum ſerie aliquod vacuum natura patiat. Nam ut locus corpore deſtitutus, ſic ſubjectum optimè adornatum, ſi formâ ſuâ careat, inane futurum eſt: nullum igitur corpus exiſtit, quod idem non radiet,
  - quodque tanquam ſidus minoris notæ lumen non emittat. Nix ipſa in mediis tenebris fulget, quòd ſanè argumento eſt albedinem non ab extrariâ, ſed ab interiore luce dimanare. Unde ergo, inquies, de nocte colo-



colores non videntur, cum sint lumina quæ magis noctu, quam diu fulgere oporteat? Nam stellæ in meridie aciem oculorum fugiunt, quæ in tenebris aded micant. Respondere possem stellas de die non videri, quia sunt remotiores: quod si propiores forent, sub oculos caderent, ut omnia corpora suis distincta coloribus. Accedit etiam quod non omne lumen visu percipitur, sed necesse est ut retinam validè satis afficiat: hinc colores nisi fortiore luce aspergantur, visum non movent. Quamquam hinc non discutio, utrum in tenebris colores paululum dilutiores, suos radios, suas species emittant. Fortè debiliores sunt, quàm ut solitarii prodire possint: quemadmodum calor naturalis, qui membra nostra vegetat, sæpè indiget extrario, & adventitio calore, ut sua munia obire queat. Keplerus vir impensè doctus existimat colorem nihil esse præter lucem potentialem, quæ externâ luce eget, ut calor zingiberis indiget humore, quo excitetur, & in actum prorumpat. Hinc color in materiâ delitescit, non uti lumen solam superficiem afficit; & quantumvis corpus colore imbutum poliatur, in omnes partes radios vibrat, qui non ex solâ superficie, sed quasi ex rei corporeæ penetralibus erumpunt. Utut sit, lucem ipsam, quemadmodum & cæteras qualitates, in varios gradus dispertiri licet; ita ut in quibusdam corporibus sit fortior, ac vegetior, in aliis debilior; in Sole summum sui generis gradum impleat, in stellis non parum degeneret; in cælo uberior sit quàm in aëre; parcior in mixtis corporibus, ubi sensu percipi nequit, nisi majori luce roboretur. Sannè quidem colores apparentes nihil esse præter lumen modificatum nemo negaverit; & tamen in ipsâ meridie optimè discernuntur: quidni ergo colores fixi, etiamsi nihil aliud sint quàm lux dilutior, non in tenebris, sed de die erunt conspicui. Denique forsitan colores fixi, licet specie non differant à lumine, diverso tamen modo visum afficiunt. Sed ea fumebas ad concludendum, quorum tibi nihil conceditur. Duxisti enim omnes colores à tribus rebus; à reflexione radiorum; à varietate figurarum, quibus atomi seu corpuscula terminantur; atque à diversâ radiorum continuitate, vel interruptione. Singula excutiamus. Ac primum evinces nunquam, ex solâ radiorum reflexione colores generari. Objicies, scio, colores Iridis, qui teste Philosopho ex reflexione oriuntur. Adde radios solares per ramos arborum, vel plumas pennæ anserinæ trajectos; in saponis bullâ; in convexo perispeculorum reflexos; in aquâ quæ ore, adverso Sole dispergitur; in collo columbino, in nubibus, in tenuissimis aranearum filis repercussos, tantam colorum varietatem exhibere. Sed in his nego solam reflexionem intercedere. Verùm hæc suo quaque loco.

Hic tantum te monitum velim radios in varia specula incurrentes, tametsi sex, aut septem reflexiones pati possint; nullos tamen colores parere. Quis autem ignorat, singulis reflexionibus radios luminis non parum debilitari? adeo ut affirmare non dubitem, nullum colorem, ne apparentem quidem, ex sola reflexione nasci; nedum colores, qui aliis corporibus inhaerent, quique nihil immutantur, quamvis ipsa reflexio infinitis propè modis varietur. Quod verò colores omnes ex diversis atomorum figuris prodire putas: nã tu mihi videre Epicureis plus satis indulgere; neque mihi sit verosimile, ex atomis tantam colorum varietatem proficisci. Quis credat marmor nigrum non ex iisdem corpusculis constare, atque album. Verum, inquis, quod album existit, idem ex atomis sphaericis compingitur, ut videre est in nive, & spumâ. Quid si respondeam albedinem nivis, ac spumæ, ex nativo aëris candore, non ex illis globulis dimanare. Hinc cera & pannus, quò dealbentur, aëri exponuntur: lux quippe, ut diximus, perspicuitatem consequitur. Cælum lucidum est, quia maxime pellucet; aer colorem suæ perspicuitati attemperatum obtinet; unde albicat, ubi condensatur, vel visum terminat: obscurus quidem est, & quasi atro colore infectus, cum luce solari non irradiatur: sed lux Solis hanc obscuritatem castigat: hinc cæruleus apparet. Jam quis erit aquæ color? niger fortasse? sic visum est Aristoteli: nam & aqua stagnans nigrior fit. Atrum hunc colorem carbo non aliunde repetit, quàm ab humore condensato, quo exhausto, omnis evanescit nigredo. Ut nihil dicam de lapidibus, ac lignis, quæ ab aquâ continenter decidente nigrescunt. Placet aliis viridem colorem aquæ competere: nam aqua maris, & stagnorum hunc colorem exhibet. Quod si mare cæruleum videatur, id accidit, quia instar speculi, aëris, vel cœli reddit imaginem. Hinc omnes herbæ, ac plantæ luxuriantes, verno colore tinguntur: nam humore aquoso abundant, quo deficiente, in alios colores degenerant. Sed longius evagamur. Demus tibi spumam, & nivem, non propter inclusum aërem, sed quod infinitis propè globulis consent, albescere. An protinus saccharum, arsenicum, cremor tartari ex iisdem atomis compinguntur? cur igitur sapor adeo diversus? enimverò sapor ipse atomorum figuram magis prodit, quàm color, ut suo loco dicemus. Cum pigmenta in minutissimas partes conteruntur, eundem servant colorem. Numquid easdem corpusculorum figuras retinent? Quod si in floribus tam varii colores, ex diversâ percolatione humoris per varios fibrarum ductus oriantur: ita ut sub initium virecant, quod humor ille nondum sit perfecte subactus; sed tractu temporis color mutatur,

tatur, quia figuræ corpusculorum subindè variantur : quomodo pigmenta in marmore confusa suam figuram adeò tenaciter conservant; nam pigmenta comminui necesse est, ut per lanæ tubulos, & vasculatas subire possint. Humida quoque esse oportet; humor quippe est quasi eorum gluten, ac vehiculum. Imò & calore opus est, qui poros aperiat. Sed neque vos rectè calculum posuistis: nam si color flavus album inter & rubrum medius existit, duos radios cum unâ interruptione, hoc est duas albedinis portiones, & unam nigredinis obtinebit. Jam supponamus in candore duodecim gradus lucis reperiri, ex his sex ad rubrum colorem pertinebunt, & eodem jure sex gradus nigredinis illi competent. Cùm verò flavus inter album, & rubrum medius intercedat, novem gradus albedinis, & tres nigredinis sibi vindicabit: tres igitur radii luminis cum unâ interceptione, flavum colorem procreabunt. Sic tua sententia malè sibi constat. Esto, inquires, error in calculum irrepsit; hinc non sequitur colores, ex variâ luminis, & umbræ mixtione, seu ex continuitate, & interruptione radiorum non prodire. Ne hoc quidem tibi concedam, lucem eum obscuritate, tanquam sonum cum silentio, formam cum privatione permisceri posse; neque ex illâ mixtione ullus color, sed lumen quoddam diutius, qualis est umbra, emerget. Sed neque ulla ratio, neque experientia huic opinioni suffragatur. Nunquam vel cæco persuadeas, colores omnes à luce extrariâ pendere; ita ut nix de nocte non sit candida. Ergo intendamus ultra animum, ac videamus quo id fiat modo, ut colores fixi, ex luce diminutâ, cum tantâ varietate dimanent. Quid porrò lucem debilitet, inquirendum. Si de luce exteriori ageremus, totum negotium paucis absolvi posset: radii quippe quo longius à suo fonte progrediuntur, eò sunt debiliores; quia rariores, ac magis inter se dissidentes. Neque tamen lux illa tenuissima in colores degenerat, nec radii debilitantur, sed tota luminis massa, ut extensior, sic debilior evadit: hæc quidem lux adeò diffusa radios suos emittit, sed qui percipi amplius nequeant, nisi speculi concavi, vel vitri convexi adminiculo rursus colligantur. Sic tubo optico innumeras stellulas deprehendimus, quæ visus aciem fugiunt. Verùm cùm radii luminis à recto tramite deflectunt, & corporis densi oecursu franguntur, ac pristinæ rectitudinì restitui amplius nequeunt; jam propria eorum natura vim quandam patitur, ac certo quodam modo modificatur, ut in colores abeant. Non quòd solâ refractione lux in colores facessat; nam baculus in aquâ fractus videtur, neque ullo tamen colore tingitur. Objecta quæ perspicilliorum, vel tubi optici beneficio intuemur, nullo quidem colore imbuuntur. Quid ita?

f.

6.

*Unde fixi  
colores.*

nisi quod nec sola reflexio, nec sola luminis refraction, sed reflexio cum refractione conjuncta, colores, qui apparentes vocitantur, procreat: ab utrâque enim sic lumen imminuitur, ut in colores commigret, nec amplius nativum candorem recuperet. Sed de coloribus, qui apparentes dicuntur, suo loco uberius differendum: nunc de fixis coloribus, qui ut à luce quadam interiore emergant, nullam tamen refractionem patiuntur. Quid igitur lucem illam ingerit? An fortè opacitate quâdam subiecti debilitatur? propria luminis sedes perspicuum existit; atque lux purior, & uberior majorem perspicuitatem consequitur: quo verò materiæ densiori, aut majori opacitati lux immergitur, eo quoque fit debilior ac minus sincera. Ad summam, lux & color subiecti pelluciditatem, vel opacitatem sequuntur. Quod maximè diaphanum est, ut cœlum, idem quoque totum lucidum existit. Hinc veteres credidere astra nihil esse præter partes cœli densiores; quòd si perspicua non sunt, id ipsis accidentarium existit: sic vitrum comminutum, non ex se quidem, sed ex accidenti est invium lumini: sic flamma omnis est diaphana, sed sui splendore, densitate, non verò opacitate suâ (hæc enim non confundimus, densitatem, & opacitatem) visum terminat. Aer colorem vegetiorem quàm aqua nactus est: est enim ille candidus, hæc viridis. Nullum denique est corpus adeò concretum & opacum, quod aliquâ perspicuitate, atque adeò quâdam luce non donetur. Est igitur color obscurior, quo res minus lucis, aut pelluciditatis habet. Unde ergo, inquires, aurum, argentum, & alia metalla tanto fulgore nitent? unde marmor aliud candidum, aliud nigrum invenitur; cùm æqua utriusque materiæ portio contigerit? uno verbo hæc diluitur objectio. Sunt corpora, quæ alteratione quâdam tinguntur, ut herbæ, flores, & fructus. Hæc quidem colores suos non mutant, nisi quandam in suâ substantiâ mutationem subeant, quatenus humorem fortita sunt magis vel minus coctum, ac subactum. Alia verò sunt, quæ non proprio, & congenito colore, sed mutuatitio, & extrinsecus accedente imbuuntur, ut lapides, & metalla, quorum generationem suo loco reddemus. Hæc quippè coloribus adventitiis, non aliter tinguntur, atque aqua aliquot atramenti guttis infecta, atrum colorem induit. His de coloribus in universum pro nostrâ facultate tractatis, sequitur ut præcipuas eorum species persequamur; tum si vobis ita videbitur, quo ordine inter se disponantur dicemus.

*Men.* Nobis verò, ut pro utroque respondeam, ordo iste rerum placet.

*Simp.*

*Simp.* Quòd si omnes colorum species prosequi volumus, nec finem reperiemus, ac frustra laborabimus. Color quippe viridis in mille & amplius species secatur, cùm nulla ferè sit planta alteri colore non dissimilis: simplices ergo, & quasi primitivos colores, ex quibus cæteri multiplici sobole succrescunt, investigemus.

*Th.* Non alios primigenios colores agnoscunt Philosophi præter album & nigrum, & quorum variâ præmitione reliqui omnes emergunt: quod vel pueri didicimus.

*Simp.* Multa ejusmodi dicuntur in scholis, sed credere omnia, *Omnes co-* vide ne non sit necesse. Cedo enim quâ arte, quâve industriâ rube- *lores ex al-* us, ac cæruleus, ex albi nigrique mixturâ prodire possint? Duo vi- *bi & nigri* tra, quorum alterum sit candidum, alterum nigrum, simul jungantur; *misturâ* lux ea penetrans neque rubrum, neque alium colorem, nisi fortè ci- *non pro-* nereum exhibebit. Si rubrum nigro temperes, rubeus color, quamvis *deunt.* obscurior semper consistet. Quocirca album, nigrum, rubeum, ac cæ- *I,* ruleum inter primitivos colores numeratos oportet, quibus addemus *2,* flavum, quidquid reclames Theophile: non enim ex albo rubroque, ut tu sumebas exurgit: nam funiculus ex tenuissimis filis albis rubrisque contextus, non flavum, sed rubrum colorem paulò dilutiorem, à flavo toto genere seclusum præfert. Sed nihil prohibet quominus in eodem censu viridem, ac purpureum colorem reponamus; quamvis enim viridis ex flavi & cærulei permitione, ut purpureus ex rubro cæruleoque dimanet, nihilo tamen seciùs in Iride viridem, ac purpureum conspiciamus, qui ex flavo cæruleoque non prodeunt. Quid enim color nisi lux quædam diminuta? quid simplicius luce, quid cum ipsâ misceri potest? an calor calori accedens quiddam compositum, ac concretum efficit? profectò non alibi quærere oportet colores omnium primos, quàm ubi lux ipsa sincera est, nulloque infecta corpore, ut in Iride. Atqui in duplici Iride, quarum una per reflexionem radiorum, altera per refractionem efformatur, omnes hi colores conspicui sunt: ut taceam de albedine, & nigredine, quæ omnium colorum extremi sunt velut margines, atque nemine repugnante inter simplices colores recensentur; cùm lux ipsa candida appareat: unde candor supremum gradum inter colores obtinet: albedo quippe in tenebris lucet. Nigredo qualis in pice, & carbone conspicitur, aliquam lucis quamvis tenuissimam portionem adepta est; Tenebræ quidem hæc atro colore quasi imbutæ apparent: sed tamen pix nigrior nobis videtur, quòd visum fortius afficiat; cùm hæc nigredo sit realis, illa duntaxat privativa. Forsitán spiritus, qui ab oculis continenter emittuntur, nonnihil de atro tenebrarum colore

destrahunt, & quâdam tenuissimâ luce diluunt. Cæteri colores, flavus, rubeus, viridis, cæruleus, ac purpureus in Iride, quam Sol in nube, vel in pariete per trigonum crystallinum effingit, tantâ arte delineantur, ut hos esse colores purissimos, ac simplicissimos dubitari nequaquam possit. De numero colorum ex Chambræo hæc breviter perstrinximus: eorum seriem, atque ordinem, nec non quod difficilimum est, quem lucis gradum singuli sortiti sint, eodem duce indagamus. Nemo felicius, atque uberius hoc pertractavit argumentum.

Albedo, & nigredo summum infimumque inter colores locum sibi vindicant. Quid enim lucem à candore discriminat, nisi solus splendor? Hinc stellulæ, quæ viam lacteam nobis exhibent, remotiores vel in pariete per trigonum crystallinum effingit, tantâ arte delineantur, ut hos esse colores purissimos, ac simplicissimos dubitari nequaquam possit. De numero colorum ex Chambræo hæc breviter perstrinximus: eorum seriem, atque ordinem, nec non quod difficilimum est, quem lucis gradum singuli sortiti sint, eodem duce indagamus. Nemo felicius, atque uberius hoc pertractavit argumentum.

*De singulis coloribus.* Quid enim lucem à candore discriminat, nisi solus splendor? Hinc stellulæ, quæ viam lacteam nobis exhibent, remotiores vel in pariete per trigonum crystallinum effingit, tantâ arte delineantur, ut hos esse colores purissimos, ac simplicissimos dubitari nequaquam possit. De numero colorum ex Chambræo hæc breviter perstrinximus: eorum seriem, atque ordinem, nec non quod difficilimum est, quem lucis gradum singuli sortiti sint, eodem duce indagamus. Nemo felicius, atque uberius hoc pertractavit argumentum.

*De quo ordine di-* ter colores infimum gradum obtineat, nullus dubitandi locus relinquitur. Album flavus color exæipit, qui candori, ac luci vicinior est. Hinc flavo colore lux ipsa exprimitur. Non enim, ut dictum est, commodius alibi quàm in Iride seriem colorum intueri licet, in quâ lux sincera, puros itidem colores efficit; cumque in Iride, quæ per trigonum crystallinum efformatur, flavus color supremum teneat locum, cui rubeus succedit, ac cæruleus tandem infimo loco subsidit; manifestum est rubeum colorem esse flavo debiliorem, ac minùs lucis obtinere: quemadmodum rubeus est cæruleo vegetior. Quare flavo rubeus succedit: nam & rutilum quemdam fulgorem vibrat; atque in Iride cælesti summo loco consistit. Verùm de cæruleo, & viridi, uter utri præponatur, major nos manet controversia. Viridem colorem cæruleo anteponebam, quòd ex flavo, & cæruleo exurgat: est igitur luci atque albedini vicinior. Quòd si duo vitra, quorum unum flavo, alterum cæruleo colore sit imbutum, simul jungas, lux Solis per utrumque transmissa pulcherrimum virorem induet. Præterea, in Iride, quæ per trigonum conspicitur, colores sunt uno gradu vegetiores iis quos in Iride cælesti intuemur: nam hîc rubeus, illic flavus color summum locum occupat; hîc cæruleus rubro, illic viridis flavo succedit; ergo ut flavus rubrum, sic viridis cæruleum colorem superat. Ex quo licet concludere, purpureum colorem cæruleo esse postponendum: nam in cælesti Iride purpureus; in illâ verò quam per trigonum contuemur, cæruleus infimo subsistit loco. Excipiat aliquis: purpureus ex rubro cæruleoque generatur; ergo cæruleum inter ac rubrum medius consistit. Fateor equidem ex rubro, & cæruleo obscurioribus purpureum exsurgere, sed cum quærimus, quo loco singuli colores sint collocandi, quoque ordine digerendi, perfectissimi quique, atque



atque in suo genere præstantissimi, quales in Iridè cernimus, spectantur. Neque enim ignoramus esse quoddam purpurei genus, aliquo cæruleo lucidius. Non demum colorum series ex eo colligi potest, quòd unus facilè in alium degeneret. Videmus quippe ceruisiam candidam, ignis calore in minium rubrum, ut lignum album in nigrum carbonem facessere. Sic fructus virides statim purpurei aut nigri evadunt. Nec desunt tamen qui cæruleum viridi, imò & rubro præferant. *Obiit.* Aër, inquit, purissimus cæruleo colore imbutus apparet: vapores verò qui sunt crassiores, vel nubes subobscuræ, rubrum colorem produnt: flamma candelæ proxima videtur cærulea, quòd eadem sit purissima, cum superior flammæ pars, quæ minùs sincera est, subrubra cernatur: spiritus vini accensus cæruleam flammam emittit, cum ferum candens, & carbo incensus rubrum colorem exhibeant. Ex quibus intelligitur, rubrum in corpore crassiore excipi, ac cæruleum colorem, subjectum magis perspicuum exigere. Addunt quòd quæ sunt cærulea, ubi non ad Solis, sed ad candelæ lucem inspiciuntur, viridi colore tincta cernantur: indicio est cæruleum in viridem degenerare; ubi tenuiori luce perfunditur. Hæc sanè magnâ probabilitate dicuntur; neque tamen tanti sunt, ut viridem colorem de suo loco deiciant. Negamus quippe cæruleum aërem videri, quòd sit purissimus: sed fortè profunditas aëris tenebrosa lucis candore diluta, hunc ipsi colorem confert. Neque etiam flamma lucernæ proxima, purior existit; imò partes aquosæ, unà cum oleo inflammabili simul accenduntur: quocirca humor ille aqueus nondum bene edomitus cæruleum colorem prodit. Idem evenit in sulphure, vel spiritu vini incenso: nam phlegma unà cum oleo simul incenditur, atque in tam præcipiti inflammatione, unum ab altero separari nequit: sed quæ summè sicca existunt, atque hoc humore aquoso carent, flammam candidiorem, quo sinceriores reddunt. Quod de cæruleo colore, qui exiguâ luce illustratus, viridis apparet, subjiciunt, id verò concedimus; sed non idcirco illis procedit, quod volunt: imò contrarium hinc colligimus. Debilior enim lux cum sit, lucidiores duntaxat objectorum imagines educit, atque ob oculos ponit; sic quæ flavo tinguntur colore, in dubiâ vel tenuiori luce apparent candida. An continuo flavum albo præponendum? Exposui quàm brevissimè potui numerum, & seriem colorum; reliquum est, ut quæ singulis particulis lucis portio contingat, excutiamus. Quod ut facilius assequamur discedendum est parumper à coloribus, ad quos mox revertemur, & pauca de vocum harmonia sunt dicenda. Præclare quidem Aristoteles eandem inter colores, quæ inter sonos, ac numeros invenitur, esse



*Quæ sit in-*esse proportionem tradit. Quid enim suavem concentum efficit, nisi *ter colores* gravis, & acuti soni certa proportio, quam non in sonis modò, sed *proportio.* etiam in coloribus, & cæteris sensuum objectis, animus expetit? Diversa namque objecta aliter, atque aliter organa afficiunt; sed eundem jucundi aut molesti, grati vel ingrati sensum imprimunt. Idem quippe effectus ab eadem causa proficiscitur. Neque solus sensus hujus voluptatis, vel molestiæ est arbiter, cum ægris oculis sæpe jucundus sit colorum, quibus læduntur aspectus: nec bruta, quibus iidem sensus, & sæpe acriores vigent, aut colorum amœnitate, aut vocum modulatione delectantur. Soli homini à naturâ concessum est, ut pulcritudinem quâ soni, & colores asperguntur, percipiat. Unde ergo illa pulcritudo? ex proportionem. Cur verò una præ alterâ delectet animum, longior sit si explicare suscipiam, præstat in alium differre locum. Hic solum quæ sint illæ proportionem, ex quibus colorum pulcritudo prodeat, delibasse sufficiat. Et certè multò illæ notiores sunt, & magis obviæ in sonis, quàm in coloribus. Nam sonus vel nihil est, quàm æris motus, vel sanè cum motu conjunctus est; motum verò dimetitur, & quasi numeris suis persequitur Mathematicis. Quærendum igitur nobis est, quæ proportio ad sonorum suavem concentum exigatur; sic enim præmuniatur via ad perfectiorem colorum notitiam comparandam. Jam proportio alia est simplex; alia composita: inter simplices prima est dupla inter 2. & 1. hanc excipit sesquialtera inter 3. & 2. cum major minorem, & dimidiam ejus partem continet. Tertio loco collocanda est proportio sesquitertia inter 4. & 3. ubi major minorem includit, & tertiam præterea illius partem. Quare prima proportio est inter 1. & 2. secunda inter 2. & 3. tertia denique inter 3. & 4.

*Th.* Quorsum hæ numerorum minutæ?

*Simp.* Non hoc de nihilo est, sed non possum unâ omnia dicere. Ad rem igitur. Cum citharæ alicujus chorda magis vel minùs tenditur, graviorem, vel acutiorem sonum reddit; atque acutiores sonos emittit, quo magis intenditur; quia frequentiores edit vibrationes, quibus ærem verberat. Quæcirca duæ chordæ æquales, & æqualiter tensæ, sunt unisonæ. Si una duplo magis quàm altera intendatur, seu duplum illi pondus appendatur, duas excursions, cum altera unam duntaxat, conficiet. Igitur illa erit altero tantò acutior; adeò ut hi nervi concentum efficiant omnium longè gratissimum, qui diapa-son, seu octava vocitatur. Idem eveniet si dimidiæ chordæ idem pondus appendatur: nam duplo velociore futura sunt vibrationes. Jam si alterius chordæ tertia pars rescindatur, eodem appenso pondere, sonum

sonum acutiorem edet, cā proportionē, quæ sesquialtera dicitur, ex quā concentus exsurgit, qui diapente, seu quinta nominatur. Denique si quartam partem chordæ adimas, fiet proportio sesquitertia, ex qua diatessaron, seu quarta prodit. In modulatione, quæ diapason dicitur, alternis duntaxat vicibus duo soni simul concurrunt, atque ad aures unā appellantur: siquidem una vibratio est altera duplo tardior. Hinc fortē harmonia gratissima oritur. In diapente duo soni solitarii aurem feriunt: sed in tertio ictu, seu vibratione ambo utriusque chordæ soni simul uniuntur. Tandem in concentu, qui diatessaron appellatur, quarto quoque ictu, uterque sonus simul auditus tympanum percutit. Quod si fides magis intendamus, aliæ succrescent proportionēs, quas si explicare volumus, necesse est ut longius evagetur. Amoeniores sunt duodecima, & decima quinta, hæc disdiapason, quia ex duplici octava coalescit; illa diapapente, quia ex octavā, & quintā componitur, nomen accepit; in hac proportio est quadrupla, in illā tripla existit. Nam si tres numeros sumas, 4. 8. 12. adeo ut secundus sit primi duplus, & tertius sit primi numeri triplus; proculdubio inter secundum, & tertium erit proportio sesquialtera; quæ quidem proportionēs in duodecimā manifestē se produnt, quæ ex octavā seu duplā, & diapente, seu sesquialterā constatur. Unde si nervus citharæ triplo, vel quadruplo magis quā alius sibi æqualis tendatur, duodecimam, vel decimam quintam efficiet. Undecima verò eandem proportionem exigit, quæ inter 8. & 3. reperitur; nam 8. bis continent 3. & præterea  $\frac{2}{3}$ . Brevius, ex octavā, & quartā componitur: hinc diapapotesaron appellatur. Hæ sunt, si bene memini, proportionēs, ex quibus potissimi, & gratissimi concentus oriuntur, quas ad colores transferre non erit difficile. Cum omnium colorum series albo nigroque claudatur, visus, qui sincerus colorum omnium est arbiter, eo maximè delectatur, qui inter album, & nigrum medio loco consistit: nam extrema quæque sensus lædunt; nec summus calor, vel summum frigus tactum, nec gravior, vel acutior sonus auditum juvat; sed sonus, vel calor temperatus, auditui, vel tactui arridet. Quocirca ille color medium locum adeptus est, qui præ cæteris visui maximè blanditur; is sanè viridis est, ut supra monuimus: nam in Iride medium locum sibi vindicat. Jam quò res omnis fiat illustrior, 24. lucis gradus albo tribuamus, ex quibus certè 12. ad viridem colorem pertinebunt; adeo ut inter utrumque sit dupla proportio diapason similis, quam natura maximè affectat: nec potest enim viridis color medium locum inter album nigrumque usurpare, quin ex 24. gradus lucis, qui albo competunt, 12. sibi vindicet. Rubeus verò color lon-

gè gratior est oculis quàm flavus; nam & mediũ vicinĩus petit. Sit igitur inter album rubrumque proportio sesquialtera, seu diapente, gratissimus post diapason concentus: sic inter flavum, & album proportio sesquitertia, seu diatessaron invenitur; ita ut rubro 16. flavo 18. gradus luminis convenient: namque intra octavam, hi soli concentus reperiuntur; diatessaron scilicet, ac diapente. Infra viridem caruleus, purpureus, & niger consistunt; qui diapason-tessaron, seu undecimæ; diapason-pente, vel duodecimæ; & disdiapason, sive duplici octavæ respondent. Cum itaque caruleo plus insit lucis, quàm purpureo; illi novem gradus lucis concedamus, qui ad 24. comparati eam rationem habent, quam 3. ad 8. quæque concentum diapason-tessaron efficit: siquidem 9. bis in 24. continentur, ac 6. supersunt, nempe  $\frac{3}{2}$  ipsius novenarii. Sic purpureo octo gradus tribuimus, seu tertiam partem totius lucis, quæ in albedine invenitur; hæc ratio in sonis modulationem efficit, quæ diapason-pente vocitatur. Nigro demum colori 6. duntaxat gradus dantur, quartam ipsius lucis proportionem, quam albedo complectitur. Est igitur inter hos colores extremos proportio similis disdiapason, vel octavæ duplici. Neque hîc excutio, cur una proportio sit altera nobis jucundior; hoc enim longiorem exigit disputationem, quam in alium locum rejicimus.

*Th.* Præclare intelligo; nec dum tamen mihi satisfactum putem, quousque nobis exposueris quæ sit inter lucem ipsam, & albedinem proportio: hinc enim quot cuique colori gradus lucis competant, constare poterit.


*Simp.* Huc ibam, lux ab albedine solo differt splendore, ut subinde monuimus: luci splendorem detrahe; nihil erit præter candorem. Jam illud quod dicturus sum, paradoxon fortè videbitur; dicam tamen, tantum ab albedine lucem dissidere, quantum albedo ipsa differt à nigredine. Nam inter lucem purissimam, atque albedinem tot colores splendidi interjacent, quales in trigono vitreo Soli adverso conspiciuntur, quot inter albedinem, & nigredinem intercedunt: ergo inter albedinem, & nigredinem cum sit proportio quadrupla, eadem inter lucem, & albedinem ratio invenietur; cumque albedini 24. gradus lucis insideant, in ipsâ luce 96. gr. reperiuntur. Eadem quoque manebit inter alios colores proportio; adde ut color splens quadruplum lucis, quæ in dilutiore inest, complectatur. Atq; ut in musica, quantumvis octava duplicetur, eandem semper efficit modulationem: tametsi intervalla sonorum augentur, idem concentus manet, quod ipsi octavæ peculiari quodam jure convenit, neque in ullam aliam cadit harmoniam; sic lux quantumvis fulgeat, semper videtur candida;

dida: nec rubeus, nec viridis, aut alius color ipso splendore in alium com-  
 meat. Non temerè mihi excidet mirabilis proportio, quæ sonos  
 inter & colores occurrit. Album, & nigrum cum cæteris coloribus  
 benè cohærent: sed optimè albo cum viridi convenit: nam simul  
 juncti procreant octavam; tum album cum nigro disdiapason, cum  
 rubro diapente efficit. Minus benè album cum flavo, vel cæruleo  
 concinit, cum illo diatessaron, seu quartam, cum cæruleo undecimam  
 facit; flavus, & cæruleus pulchrè conveniunt; est enim inter eos pro-  
 portio dupla; sic flavus cum viridi diapente efficit; sed cum rubro mi-  
 nimè consentit. Rubeus color cum purpureo optimè consonat, est  
 enim inter rubrum, & purpureum dupla, ut inter rubrum, & cærule-  
 um proportio sesquialtera, quod faciliè ex iis, quæ diximus, colligitur.  
 Ne sim longior, non aliæ proportiones ad suavam sonorum modu-  
 lationem, atque ad gratum colorum aspectum conspirant; nec aliis  
 modis colores, ac soni simul uniuntur; eadem utrobique vel  
 blandiuntur sensibus, vel eos offendunt. At inquires, soni non soli-  
 tarii considerantur, sed cum aliis uniuntur, ut quendam efficiant con-  
 centum: quid igitur efficit, ut solus color viridis, aut rubeus oculis  
 arrideat? An fortè cum viridem intuemur colorem, albedo semper  
 incurrit, cum qua octavam seu diapason facit? quidni albedo ipsa  
 cum aliis coloribus nunquam non misceatur, cum nihil sine lumine  
 intueri liceat? An non lux ipsa candor est sincerus, ac purissimus?  
 an quicquam sine lumine contuemur? sed de his tantum est. De co-  
 loribus Iridis dicitur aliàs pluribus, Eccum puerum, qui nos ad  
 prandium vocat. Pomeridianis horis quæ ad Astrono-  
 miam Physicam pertinent discutiemus.

*Objeccio.*

*Resp.*





## LIBER SECUNDUS.

De natura &amp; motibus corporum cælestium.

## CAPUT PRIMUM.

Quæ sit cæli, &amp; siderum materia.

I. Stellaris à planetis secerni, quòd ille propriâ luce fulgeant: planeta verò sint opaca corpora, & lumine emendicato reluceant. II. Causa scintillationis stellarum adferuntur. III. De Solis natura & maculis varia opiniones excutuntur. IV. Agitur de cometarum loco, & generatione. V. Cælum esse instar aëris spirabile & liquidum concludimus.

Menander, Simplicius, Theophilus.

Men.



Atis datum est valetudini, juvat reliquum diem Philosophiæ consecrare.

Th. Nihil equidem repugno. Quin igitur ad illa spatia nostra, sedesque pergimus, ubi cum satis erit deambulatum, liceat considerer Hic summâ cum voluptate Simplicium de naturâ, & motibus corporum cælestium differenter audiemus,

Simp. Dicam sanè non quæ vera, sed quæ ad veritatis similitudinem mihi propensiora esse videantur: neque enim ignoras, me probabilia tantum conjecturâ sequi: atque ut nihil confusè, aut perturbatè moliamur; primùm quæ sit materia cæli inquirendum nobis est; tum de variis siderum motibus agendum; postremò, si vobis ita videatur, quæ ad praxin Astronomicam pertinent excutiemus.

Th. Optimè viam, quam nos tenere oporteat, ingrederis. Perge quæso, nihil te interpellabo, nisi quid fortè necesse erit.

Simp. Quando ita jubes, aggrediar, primùm de siderum, tum de Quid stel- cæli materiâ differere. Non equidem à receptissimâ Philosophorum  
lm à pla- sententiâ recedam, qui stellas à planetis sejungunt, quòd planetæ e-  
nem dis- mendicato duntaxat lumine, stellæ verò propriâ, atque ingenitâ luce  
criminet, fulgeant. Corpora quippe omnia sunt vel lucida, vel diaphana, vel  
opa-

opaca; hoc est, vel lucem ex se mittunt; vel extra se remittunt; vel denique in se transmittunt. Itaque Sol & stellæ lucent, planetæ re-  
lucent, expansum verò illud, in quo sidera veluti suspenduntur, sive  
aër, sive cœlum, sive æther, aut quocunque alio nomine signetur, tra-  
lucet. Sic non ita pridem amicus noster, quem meritò Menander,  
laudibus ad cœlum usque efferre soles, totum hunc aspectabilem mun-  
dum in tres quasi gradus, te coram distinguebat.

*Men.* Virum narras singulari doctrinâ, ingenio planè mirabili,  
atque omni genere laudis excellentem.

*Simp.* Nunc ad exorsa revertamur. Cùm fixarum lux sit vege-  
tior, planetarum verò lumen sit placidius ac debilius; palam est fixas  
ingenitâ luce fulgere, planetas verò mutuatitio duntaxat lumine re-  
lucere. Hinc stellæ scintillant, planetæ non item; quòd fixarum lux  
purissima visus aciem perstringat, pupillam contrahat, nervulos, ex  
quibus retina contexitur, compungat: sic enim motum illum scintil-  
lationis tremulum imprimit; adèò ut Sol & stellæ intremiscere vide-  
antur. Secùs accidit in planetis, quibus nulla, vel parva admodum  
scintillatio competit, quòd sint corpora aspera, & opaca, quæ lucem  
quidem regerunt, sed reflexione debilitatam, ac pluribus umbellis  
temperatam. Profecò tanta est stellarum à Sole distantia, ut Sol ex  
earùm loco visus, vix major mediocri stellulâ appareret. Non igitur  
lux fixarum adèò vehemens, ex lucis solaris reflexione proficiscitur,  
sed ipsis propria est, & congenita. Quòd verò Sol, & fixæ pupillam  
magis contrahant, & retinam (sic vocamus membranam in fundo  
oculi existentem, in quâ rerum imagines depinguntur) vehementiùs  
quàm planetæ percellant, longè evidentius est, quàm ut probatione  
indigeat: nam lux illa Solis, & fixarum purissima oculos illabens,  
immodico calore vel motu fortiori crystallinum humorem, aut reti-  
nam lædit, & fortè adurit. Hinc pupillam contrahimus, ne lux ube-  
rior oculos offendat. Id videre est in felibus, quorum pupilla de die  
est angustissima, noctu verò multùm apertior. Hinc qui de tenebris  
in lucem prodeunt caligant oculis, quòd uberiorem lucem, quan-  
tior pupilla admittit, sustinere non possint. Sic nocte accensæ faces e-  
minùs visæ, longè majores quàm revera sint, apparent: latior enim  
pupilla majorem quoque objecti lucidi imaginem admittit. Quare  
stellæ, lucescente aurorâ multùm imminuuntur, & noctu longè majo-  
res, quàm par sit, cernuntur: tum quòd lux illa tremula, & scintil-  
lans, plures retinæ nervulos percutiat; tum etiam, quia de nocte pu-  
pilla magis explicatur. Accedit denique capillitium, seu coma quæ-  
dam lucidis corporibus adhærescens, quæ eorum imagines non pa-

*Stellas  
propriâ lu-  
ce fulgere:  
planetæ  
non item.*

1.

2.



tum auct, quòd radii corporis luminosi vel in crepidine palpebrarum dispergantur, vel in humoribus oculi refringantur. Indicio est, quòd stella per angustissimum foramen conspecta, hoc veluti capillitio exuatur. Quæ cum ita sint, dubitari nullatenus potest, stellas propriâ luce gaudere, & ejusdem cum Sole esse naturæ, & conditionis. Siquidem tum Solis, tum fixarum, non vagus, sed certus est motus; adeò ut Sol una sit ex fixis, sed nobis vicinior, & fixæ totidem sint Soles, qui tanto à nobis distant intervallo, ut si exuto capillitio cernerentur, vix tanquam puncta lucida nobis apparerent: ita ut Gassendus affirmare non dubitet, omnes stellas in unum quasi globum congestas, non majores visas iri, si uti æquum est cernerentur, quam nunc stella primi ordinis conspiciatur, adeò capillitium illud quod in humoribus oculi sibi accersunt, pupillæ dilatatio, ac denique vegeti illius luminis scintillatio, stellarum imagines longè quàm par sit majores efficiunt. Nec me fugit quosdam planetas aliquantulum scintillare; quidquid aliter crediderint cum veteres, tum recentiores ferè omnes Philosophi: illud tamen ipsa demonstrat experientia; neque auctoritate, vel ratione, sed oculorum arbitrio hæc lis dijudicanda est. Præter cæteros planetas Venus scintillat: nam si per rimulam cubiculi undequaque clausi radios illius admittas, imaginem suam in pariete depinget, quasi flammam fumo permixtam, & non sine quodam horrore undulantem: quod cum in Lunâ minimè observetur, creditur Keplerus planetas omnes, si Lunam exceperis, propriâ, & congenitâ luce splendere. Verùm ille fallitur ut qui maximè. Nam Venus easdem ferè quas Luna subit phases, & luminis incrementa, ut tubo optico deprehendimus. Neque hîc excutio, quæ sit illius scintillationis causa. An fortè ex diversâ Solis illustratione prodeat? Sic enim adamas ex diverso aspectu scintillat. An potius, non Venus modò, sed etiam omnes stellæ, circa proprium centrum torquentur, quæ quidem rotatio scintillationis causa est; atque in ipso Sole ex motu macularum deprehenditur. Sed antequam de his maculis, ac Solis circa proprium axem conversione dicere aggrediar, quid mihi de natura Solis videatur, paucis aperiam. Primum, quod figuram illius attinet, eam esse globosam dubitat nemo: sic enim facilius movetur, & commodius in omnes partes radiat. Jamque melioris notæ Philosophi cum actu, atque, ut loquuntur, formaliter calidum esse non inficiantur. An calorem igni tribuimus, Soli verò detrahemus? neque hoc loco expectandum est, dum rem omnibus notissimam, ac sensu ipso perceptam, longâ oratione demonstrarem. Nulla ratio ignem esse calidum evincet, quam ad Solis calorem comprobandum transferre

*Stellarum  
cum Sole  
affinitas.*

*Planeta  
exceptâ  
Lunâ  
scintillans.*

*Causa  
scintillationis.*

*Solem esse  
actu calidum.*



ferre non liceat. Imò quid obstat, quominus Solem nihil esse quàm ignem constanter asseramus? quod enim impensè calidum existit, ac lucidum, quid aliud, quàm ignis esse potest?

*Men.* Bene actum nobiseum puto, quòd in Cartesii nostri sententiam concedere non dubites. Ille quidem existimat Solem, ac Rel. *Cartesii de Solis & stellarum natura sententia.* Vorticem vocat totum illud spatium, quod septem v. gr. planetas complectitur; cujus pars media citissimè rapitur, cætera eo tardius, quo longius à centrò sunt remòtiores. Nostri hujus vorticis medium Sol occupat, qui rapidissimè circa suum centrum agitur. Cœlestis quippè illa materia cessare non potest, aut motu vacare. Hunc adeò motum Sol spatio 26, vel ad summum 27. dierum absolvit. Quod ex maculis solaribus observatur. Maculæ porò nihil sunt, quàm partes Solis obscuriores, quas non multis abhinc annis, post Galilæum, & Scheinerum innumeri ferè Astronomi, tibi optici beneficio deprenderunt. Atque, ut videtur Cartesio, nigriores illæ maculæ ex particulis striatis, & instar concharum intortis, quæ per polos cujusque vorticis ultrò citroque commeant, exsurgunt: namque ut postea dicturi sumus, Cartesius tot vortices, quot stellas constituit; cumque singuli vortices circa proprium centrum torquentur, motus vel nullus est, vel tardissimus circa polos. Quare materia striata per partes polis finitimas facilè ingreditur: nam idem ferè in Sole evenit, quod in liquore ad ignem effervescente, cui spumia ex particulis diversæ ab aliis naturæ supernatat: illæ enim partes ad motum minùs accommodatæ, ab aliarum partium ebullientium agitatione expelluntur, & in unam molem satis crassam assurgunt. Sic minutæ illæ striatæ cum sint nimis angulosæ, minùs sunt ad motum idoneæ, quare à materiâ subtilissimâ, ut quidam obices expelluntur; & quia tantam agitationem refugiunt, facilè sibi mutuò adhærent, & in magnas sæpe moles coeunt; Solis tamen motui instar spumæ, quæ liquori innatat, participant, & cum eo in orbem moventur, licet aliquanto tardius. Hinc liquet, cur illæ maculæ ab ortu in occasum ferantur, nam Solis motum circa proprium centrum consequuntur. Postquam verò à cœlesti, & subtilissimâ Solis substantiâ quasi subactæ sunt; vel penitus dissolvuntur, cum Sol eas instar spumæ reforbet; vel in partes quasdam lucidiores, quæ faculæ appellantur, facessunt. Ex quibus concludimus, cælum non esse adamantinum, ac solidum, Cælum est sed liquidum, & spirabile, in quo multa quotidie nova generantur, se liquida multa itidem corrumpuntur: Solem verò esse ignem purissimum, qui dum sum-

summum caloris, ac lucis gradum obtinet, nostri hujus vorticis seu mundi planetarii centrum non prorsus immobile.

*Simp.* Ego nec Cartesio, nec ipsi Aristoteli juratus esse velim; sed ut integra mihi judicandi potestas detur, postulo. Est enim certè servitus, ad certas opiniones se adstringendi, atque omnia, quæ præscripta, & quasi imperata sint, defendendi. Quòd igitur Solem ignem esse putas, nihil repugno: dummodo purus ignis, qualem ad usus nostros adhibemus, non censeatur. Numquid ignis adeò tenuis, & quasi liquidus, suæ figuræ, ac magnitudinis tenax ita futurus est? Summa hæc raritas ad motum minimè videtur accommodata. Est igitur ignis in solido corpore insitus, quod illius calorifica vis acerrima tam longè diffusa planè demonstrat. Nam ignita quæ sunt, eo vehementius urunt, quo sunt densiora. Neque adeò absurdè eximius Fabry Solem nihil esse quàm ignem in auro purissimo quasi implantatum, existimat; neque enim metuit ferrum candens, quòd impensè sit calidum, ignem appellare. Nihil quippè interest, utrum ignis in tenuiori fumo accendatur, vel corpori solidiori insideat, dum summum caloris obtineat gradum. An carbo minùs quàm flamma, ignis dicendus est? Jam si rerum cœlestium naturas, ex iis, quæ sub sensus cadunt, divinare liceat; nullum aliud corpus præ auro inveniri potest, quod magis accedat ad Solis similitudinem. Nihil est cujus natura vel purior, vel densior, vel corruptioni minùs obnoxia existat; unde nec extingui poterit, nec dissolvi. Hinc etiam Sol aureo fulget colore. An verendum est, ne suo pondere in terram præcipitetur? Sed Luna, quæ omnium ferè consensu, instar terræ est solidissima, in medio æthere suspenditur, nec deorsum ruit. Sidera quæque suum centrum gravitatis secum vehunt, atque, ut ait Plutarehus, omnes partes, ex quibus constant, ad se convertunt; cumquæ à terrâ non fuerint avulsa, quid prohibet, quin seorsim subsistant suis partibus compacta & constricta. Addit egregius ille Philolophus, quòd singulæ hujus mundi partes, non necessitate, sed ratione disponente suis locis collocantur. Nam neque oculus levitate suâ in caput compulsus, neque cor suâ gravitate in pectus delapsus est: sed utrumque ita collocatum, quia hoc modo erat convenientius. Summa hujus responsionis est, quòd cum gravitas, seu pondus nihil aliud sit quàm partis à suo toto revulsæ quædam, ut in id redeat inclinatio: Luna verò, & reliqua sidera nequaquam à terrâ avulsa fuere: quare nihil est causæ, cur in illam gravitate quâdam insitâ propendeant. Verùm, ut ingenuè quod res est dicam, si rerum terrestrium, quæ nobis sunt in conspectu, naturæ tantis sunt obstructæ difficultatibus, ut eas evolvere nemo possit;

*Opinio P.  
Fabry de  
natura  
Solis.*

quantò major in cœlestibus obscuritas invenitur? Tametsi non infior, multa nos habere probabilia, quæ sequi faciliè, affirmare, vix possumus.

*Th.* Nunc si placet, redeamus ad illas Solis maculas. Profectò vercor ut satis sint firmæ observationes Astronomorum, inter quos etiam non parva dissensio est: cum alii nihil eas esse præter quædam sidera, quæ circa Solem, ut minutiores planetæ à Galilæo deprehen- *De maculis solari-*  
circa Jovem obambulant, crediderint. Nonnulli autem arbitrentur *bus diver-*  
has maculas nubes esse, aut crassos vapores, quos Solis calor evexit. *sa opinio-*  
Finge animo, te vi quâdam majore usque ad cœlum lunare sublatum: *na.*  
hinc certè terram despicias nubibus, ac vaporibus tanquam maculis infestam. Quòd si terra, ut placet Copernico, ab occasu in ortum diurno motu circa suum axem vertitur, eundem motum nubibus affinges, quæ tamen propter diversos ventorum status, aliquando in magnas cogentur moles; nonnunquam distractæ, ac dissipatæ cernuntur. Non dissimili, inquirunt, ratione, solares maculæ, cum æquabili motu circa Solem progredi videantur, hunc motum ab ipso Sole mutuuntur. Nec mirum, si quandoque in medio Solis disco subito emergant, vel plures in unam coalescant, vel una in plures distrahiatur, aut etiam penitus evanescant. Ex quibus id concluditur, has maculas non esse in planetarum censu, nec partes esse Solis eminentiores, quales sunt lunares maculæ, ut suo loco dicendum. Sed cur obscuræ, & quasi atramenti guttæ appareant? an quia ex aversâ Solis parte illas cernimus, non ex eâ quæ irradiatur? Placet aliis Solem instar flammæ pabulo egere, maculas verò esse instar fuliginum. Et quia liberum est suo cuique jure uti, & quid ipse sentiat expromere: sunt qui negent Solem totum esse lucidum, sed partes quasdam illius esse obscuriores, instar ellychnii, vel olei quo nutriatur, quæ tanquam maculæ appareant. Fingunt alii sibi Solem, ceu quoddam ferrum candens aquæ immersum, densissimos vapores ex circumfuso æthere exhalare. Forsitan illæ maculæ sunt in mediâ, vel supremâ aëris regione à corpore solari longissimæ distatæ. Fors item est ut telescopii vitra defectu aliquo laborent, ac nobis imponant, aut visus error obrepat. Quidvis aliud malim, quàm credere Solem maculis esse inquinatum.

*Simp.* Defendat quod quisque sentit; sunt enim judicia libera: *Maculae*  
nunquam tamen in animum inducam, telescopii vitia nobis illudere: *in Sole*  
circumactò enim tubo, eadem maculæ iisdem in locis videri nequa- *ipso, non in*  
quam possent: nec plures diversis in regionibus, imò ne in eodem aëre *aëre exis-*  
quidem loco constituti easdem observarent maculas. At fortè in ipso *stere.*  
aëre longè infra Solem maculæ efformantur. Dic igitur cur in medio

2. duntaxat Sole, & quasi in illius eclipticâ, nunquam prope polos corporis solaris conspiciantur? cur tamdiu perseverant? quare plures Astronomi tantis locorum intervallis inter se disiti, eandem prorsus
3. maculas eodem tempore observant, ut fusissimè demonstrat Scheinerus in magno illo opere, quod hâc de re, quæ nunc est in manibus, conscripsit, ubi innumerabiles profert observationes adeò accuratas,
4. ut nihil suprà. Omitto quòd omnes maculæ eâdem insistant viâ, nec tam æquabili motu ferri possent, nisi eidem sphæræ, nimirum corpori solari adhærescerent. Extra Solem formari nequeunt, quandoquidem extra illius horizontem nunquam cernuntur. Denique circa illius extremos margines graciliores, & compressiores cernuntur, cum in medio Sole majores appareant, râtio ex opticâ colligitur: nam quæ
5. sub majori angulo cernuntur, majora quoque apparent. Non igitur aliundè quàm è corpore solari ebulliunt: neque inter sidera censerì debent, ut pulchrè demonstraſti; quamvis uniformi periodo, atque in eâdem semper serie, ceu stellæ in firmamento, moveantur, quòd unâ cum Sole vertiginem suâ conficiant. Vix unquam eadem macula post integram Solis conversionem revertitur: non igitur sunt montes in Sole assurgentes, vel sidera ei affixa. Sæpe evenit ut color ater maculæ paulatim imminuatur, & tanquam umbra dilutior videatur, deinde abeat in luculam, sic enim vocant maculas, quarum margines sunt illustriores, quòd priùs accendantur; atque ubi tota macula sit lucidior, tum facula nominatur. Quocirca umbræ sunt tenuiores maculæ, quæ lumen Solis penitus non obtundunt; luculæ extremas partes graciliores obtinent, ac lumini magis pervias; faculæ verò sunt partes Solis lucidiores, seu ex macularum veluti cineribus, seu ex aliâ occultiore causâ prodeant. Nam satis verisimile est, maculas similes esse iis sordibus, quas fluviis innatare post inundationem cernimus; easque ex variis halituum corpusculis constare, quæ propter celerrimam Solis turbinationem, vel in unam coeunt molem, vel in plures disperguntur: atque in luculas transeunt, cum earum limbus citiùs, quàm partes mediæ; in faculas, cum omnes partes penitus accendantur. Sed minimè necesse est, ut quæ sit macularum natura, quomodo accendantur, vel extinguantur, longâ disputatione inquiramus. De his enim nihil certum, nihil omnium consensu probatum afferri potest. Id unum satis liquet, eas non in aère, sed in ipso solari corpore, vel saltem quàm proximè generari. Neque verò opus est, ut cum visus periculo maculas intueamur: nam commodè licebit eas cernere in cubiculo undequaque clauso, excepto foramine, per quod radii solares admittantur, iique per exquisitum telescopium excepti, Solis imaginem amplam quidè & distin-

*Ista inferius  
fient  
dilucrio-  
ra,*

ctam

Quam in chartâ oppositâ reddent, in quâ omnes Solis tum maculas, tum etiam faculas, non sine aliquâ voluptate contueri juvabit. Sol tibi aliquando nullis maculis obvolutus, non rarò quasi densâ caligine circumfusus apparebit: adeò ut sæpè per aliquot dies triste, & pallidum lumen præbeat. Habes quid de maculis solaribus sentiam: nunc de ortu, & loco cometarum pauca subijciam.

Cometæ sunt maculis finitimi, & fortè ejusdem naturæ, ac conditionis. Illud quippe observatum est, nullam in Sole maculam visam fuisse toto illo tempore, quo cometa anno 1618, apparuit. At longa erit oratio, longæ ambages, si de cometarum generatione ac naturâ disputare volumus: nam Philosophi qui de iis conscripserunt, tantâ sunt in varietate constituti, ut infinitum sit omnes eorum annuere sententias. Sed tamen in tam patenti campo non exspatiari difficillimum est; maximè cum hæc inquisitio non parum lucis ad corporum cœlestium naturam investigandam afferat. Dicam igitur non omnia, sed quæ mihi verisimiliora videantur. Ac primùm, quid Philosophorum princeps senserit non ignoratis. Statuit ille quidem cometas nihil esse præter halitus siccos, pingues tamen, & viscosos, atque in supremâ aëris regione inflammati, Eâ potissimùm ratione persuasus videtur, quòd postquam cometa apparuit magnæ siccitates consequuntur, ac diuturni, & insalubres venti aërem inficiunt; quòd sulphureæ, & venenosæ exhalationes in cometes pabulum, è terrâ continenter ebulliant. Accensus enim cometa eo ferè nutritur modo, atque novos halitus evexit, quo videmus extinctæ candelæ fumum ab alterius flammâ rapi; vel ignem per longam pulveris pyrii seriem serpere. Jam tamen plerique Philosophi Astronomorum observationibus non parum commoventur, quibus cometas in cœlo generari demonstrant. Illud etiam non parum momenti obtinet adversus Aristotelem, quod à Senecâ obijcitur. Quæcunq; aër creat, brevia sunt, nascuntur enim in re fugaci, ac mutabili: sed cometæ vel senis mensibus continuis manent. Fieri igitur non potest, ut certus, & constans ignis in corpore vago sedeat, & ita pertinaciter hæreat. Quòd si illa exhalatio sulphurea densa, & compacto insideat corpori, tantò citiùs absumetur, quantò fortior erit inflammatio: sed si exhalatio sit materiæ tenuioris, ac rarioris, momentanea quoque futura est. Quid igitur causæ est, cur cometa tamdiu perseveret? sed, inquit, accensus cometa pabuli sui venam sequitur, ac novos subinde halitus quibus nutriatur è terrâ penetralibus evocat. Enimverò cometa non eodem loco consistit, sed instar siderum movetur: ergo necesse est, ut in diversis terræ regionibus, novus halituum proventus indefinenter erumpat. Illud omninò supra fidem est, exhalationem sulphuream, & bituminosam in aëre accensam, adeò religiosè

*De cometarum generatione*

*Opinio Aristotelis.*

*Refellitur.*

*Responsio Peripatet.*

*Refellitur.*

2. primi mobilis sequi motum; ubique terrarum apparere, ac nullam ferre paralaxim, seu aspectus diversitatem subire. Quamvis Luna plusquam 80000. leucarum à nobis distet intervallo, eodem tamen tempore è diversis terrarum partibus, Constantinopoli v. gr. & Parisiis, sub iisdem stellis non conspicitur; neque eodem in loco cernitur, ac si à terræ centro videretur, quæ quidem diversitas è sensibili telluris

*Cometas  
in ipso  
athere for-  
mari,*

inole orta, paralaxis vocitatur. Omnes cometæ, qui centum ab hinc annis visi sunt, atque ab Astronomis peritissimis observati, longè minorem, quàm Luna paralaxim habuere: ergo necesse est eos Lunâ multò sublimiores fuisse. Cùm càm sensibilis terræ moles illam de quâ loquimur efficiat aspectus diversitatem; quo astrum longius à nobis distat, eo minùs paralaxeos obtinet. Sic stellæ in iis prorsus videntur locis, in quibus à terræ centro spectarentur, quòd terra firmamento comparata, instar puncti obtineat. Sedenim, inquiunt, quàm incerta est & obscura paralaxium doctrina? neque hinc ullum satis firmum duci potest argumentum. Id verò suo loco excutiendum erit. Profectò id constat, ipsius cometæ caput, globum terrestrem magnitudine suâ saltem adæquare, cùm ubique, & in eodem prorsus loco

*Effugium  
adversari-  
orum,*

videatur. Quanta igitur futura est cauda, quæ aliquando quartam cœli partem occupat? unde tanta sulphuræ exhalationis copia sup-  
 1. Cartesii. peditari potest? quocirca cometas in cœlo efformari nemo nisi idem Astronomiæ imperitus inficiabitur: tametsi cujus sint naturæ, vix audeam affirmare. Nam meritò dubitari potest utrum inter æterna naturæ opera censerì debeant; an sint quidam veluti planetæ, qui

*De come-  
tarum na-  
turâ varia  
sententia.*

ex uno in alium vorticem commigrent, ac sub aspectum nostrum ca-  
 2. Blancani. dant, cùm nobis sunt viciniore: sic videtur Cartesio: adeò ut inter planetas, & cometas hoc discriminis intercedat, quòd illi semper in eodem vortice, & quasi in eadem statione permaneant; cometæ verò

*1. Cartesii.  
2. Blanca-  
ni.*

sint tanquam ingenui homines, qui nulli civitati addicti per omnes  
 3. Kepleri. divagantur. An fortè, ut putat Blancanus, stellæ sunt, quæ cùm ad pe-  
 4. Kepleri. rigæum pervenire, sub obtutum veniunt? Ultraque tamen sententia mihi displicet, cùm stellæ vel planetæ nec comam, vel capillitium ge-

*3. Kepleri.*

stent, nec caudam trahant. Numquid ergo in Kepleri sententiam con-  
 5. Kepleri. cedemus, qui cometas nihil esse putat præter cælestem auram vi quâ-  
 6. Kepleri. dam occultiore condensatam, quæ radios Solis colligit, certis colori-  
 7. Kepleri. bus tingit, imò & unitos dispergit? hinc cometæ cauda Soli semper  
 8. Kepleri. averfa projicitur. Idem enim evenit quod in globo vitreo, quem si  
 9. Kepleri. aquâ compleveris, & foramini cubiculi ex omni parte clausi sic apta-  
 10. Kepleri. veris, ut radii Solares dimidiam duntaxat globi partem collustrant;  
 11. Kepleri. tum certè radii luminis in quodam puncto collecti, rursus dispergen-  
 12. Kepleri. tur,



tur, atque in opposito pariete speciem cometes suâ caudâ instructi, exhibebunt. Fieri etiam potest, ut materia, quæ caudam efficit, rarior existat, adeò ut solares radii eo ferè modo dissipentur, quo per nubium hiatus, sub ortum vel occasum Solis transmissi ac dispersi, lucidiores quasdam virgulas exprimunt. Fors item est ut caput cometæ accensum, quendam veluti fumum continenter expiret, quod effluvium ubi terram contingit, totum aëra veneno inficit. Nec mirum si radii solares caudam cometæ rariorem in oppositam partem expellant; nam vim quandam motricem habent, cum nubes ipsas discutiant: atque ut rami arboris faciliùs, quàm truncus ipse à ventis agitantur; sic pars illa cometes minùs compacta, & magis diffusa quàm facillimè à solaribus radiis instar capillitii dispergitur. Postremò, cauda nonnihil à capite declinat, neque in rectam lineam porrigitur, sed aliquantulum incurvatur, quod parallaxi acceptum referri minimè potest; non enim efficit parallaxis ut quæ recta sunt, curva appareant. Forsitan id accidit, quòd cum cœlestis materia densior facta, cometes caput efficiat, cumque non sit uniusmodi, & ejusdem densitatis, non tota radios solares transmittit; quare in alterum latus deflectuntur. Accedit etiam quòd radii luminosi, propter diversam materiæ dispositionem, alii longiores, alii sint breviores, quòd vel citiùs coeant, vel latius spargantur, atque universi simul juncti caudam in arcum curvatam exhibeant. Eadem certè est causa declinationis, atque inflexionis caudæ, in quamcunque enim partem declinet, in eandem incurvatur. Hactenus de cometarum loco, & naturâ, quid alii sentiant exposui: ego verò ut ingenuè quod mihi videtur dicam, cometas ex iis rebus esse puto, quarum eventa magis quàm causas quæri oporteat.

*Th.* Quanquam vix dissentire audeam ab Aristotele, qui aperte negat cometas in cœlo generari; tamen ipsa me experientia cogit recentiorum Astronomorum sententiæ accedere; non quòd existimem cum plerisque, cometas Sole semper esse sublimiores: id enim quandoque accidit; sed & Sole depressiores non rarò cernuntur; imò cum Cartesio putem cometas nonnunquam ex uno in aliud cœlum commeare, quod præter cætera parallaxis demonstrat. Sed nego cometam in censu planetarum esse reponendum: cum enim sub sole conspicitur, nunquam falcatus instar Lunæ, aut Veneris apparet. Quocirca non abhorret à verò, cometam esse exhalationem sulphuream, eo ferè modo in ipso æthere, quo fulmina in aëre, accensam. Hinc sensim imminuitur, ac sæpe instar flammæ subsultat, imò aliquando è cometa scintillæ tanquam fulgetra emicant. Eadem forsitan

*De natura  
& loco co-  
metarum  
verisimi-  
lia.*

est, ut pulchrè dicebas, macularum Solis, & cometarum materia, ac diversos colores induunt, pro materiæ diversitate; sensim decreescunt, quòd materia accensa paulatim exhaletur; nec ullis maculis Sol involvitur, cum aliquis cometa apparet, quòd in utrisque eadem sit materies, quæ ab inflammato cometâ rapitur. Sed unde illud capillitium, illa in longum porrecta cauda? an quòd sulphurea flamma cum sit impurior, Solis radios frangat? Color ille lividus, quem præ se fert cometa, magnum sulphuris proventum demonstrat: sic sumus plurimus, quem cauda exhalat, fortè ex bituminosâ materiâ proficiscitur. Radii solares per sulphuris flammam trajecli, atque in obscuro cubiculo per foramen excepti, cometes caudam apprimè delineant. Quòd si cometes flamma, vel nulla sit, vel purior existat, quàm ut radios solares infringat, tum nullam caudam trahit, in nullam effunditur comam. Sæpe evenit, ut caudâ præeunte, cometa moveatur, ut quando circa auroram matutinam apparet; unde quidam colligunt caudam non esse flammam cometes; hæc enim cum sit levior, partem crassiorem semper consequitur, ut videre est in flammâ facis accensæ, quæ facem motam consequitur. Itaque caudatus est cometa, quia radii Solis in flammâ tenuiori, vel potius in fumo refringuntur. Caput cometæ medium sæpius locum obtinet, quòd radios à Sole directiores, & consertiores excipiat. Denique cometa crinitus aliquando apparet, quia flamma inæqualis est, & interrupta. Ex quibus certè concluditur cælum ut aërem, esse generationis, & corruptionis sedem, quidquid aliter senserit Philosophiæ princeps: sed uni veritati litandum est, nec sine ratione valere debet auctoritas.

*Cælum esse liquidum & spirabile.*

- Facessant igitur qui cælum solidum, ac veluti ferreum esse, ne Peripateticæ Philosophiæ desertores, ac transfugæ videantur, contra rationem ipsam, atque experientiam pertinaciter defendunt; atque astra in cælo, ut clavos in rotâ moveri putant; innumeris epiciclis cælum perforant, & confundunt. Sanè quidem, si multa vitra etiam purissima simul jungas, multum opacitatis habeant necesse est.
1. Quantâ igitur opacitate totum cælum obduccetur, quantas refractiones patietur, si solidum sit, & compactum? Jam quâ ratione cælum inferius à superiori rapi possit, ne suspitione quidem comprehendunt.
  2. Quòd si, ut solares maculæ demonstrant, Sol circa proprium centrum vertitur, quid est cur astra extrinseco, non proprio, & insito motu in liquido æthere ferantur? Illud quoque silentio præterire non possum,
  3. quòd cum cælestes globi sint politi, & tersi, inferiores, & sibi subiectos premere, & abripere non poterunt. sed de motibus corporum cælestium mox dicemus: hîc demonstrasse sufficiat, cælum non esse
- gene-

generationis, & corruptionis expers, sed liquidum, ac spirabile instar  
 aëris existere. Nec me multum movet, quod subinde opponunt, nullam *Objecta.*  
 in cœlo esse contrarietatem, nullum adeo generationi, vel corruptioni 1.  
 locum; idque ex motu circulari, cui nullus alius adversatur, demon-  
 strari posse existimant. Elementa quippè cùm motus habeant oppo-  
 sitos, ac deorsum vel sursum recta ferantur; nihil mirum si corrupti-  
 onem inducant. Sed cœlum corpus est simplicissimum, at perfectissi-  
 mum, liberum adeo est ab omni corruptionis veneno; non enim con-  
 trariis motibus agitur, ut elementa. Hinc Sol, & stellæ, quam in sui 2.  
 conditione naturam accepere, integram hætenus conservant. Nulla 3.  
 stella tot retrò sæculis vel penitus extincta est, vel mole diminuta.  
 Jam incorruptibile corruptibili longè præstantius est; quid porro cœ- 4.  
 lo nobilius? Hæc sanè soluti minimè sunt ardua. Quid enim, si ne- *Resp.*  
 gem motum rectum, vel terræ, vel aliis corporibus convenire, nisi 1.  
 quatenus sunt à suis locis revulsa, ut per brevissimum tramitem eò 2.  
 revertantur unde prodiere. Quod verò asserunt nullam generatio-  
 nem hætenus in cœlo fuisse animadversam, id certè falsi revincitur,  
 tum ex cometis, tum etiam ex solaribus maculis. At nulla, inquit,  
 in cœlo est contrarietas, idipsum est quod in quæstione versatur. 3.  
 Numquid densitas, & raritas, quas in cœlo esse nemo negaverit, in-  
 ter se opponuntur? Sed omnes stellæ, quæ in prima rerum conditio-  
 ne productæ fuerunt, adhuc perseverant, nec mole, nec motu multatæ.  
 Idem prorsus de terrâ dicemus, quæ tamen est sedes, & quasi matrix  
 omnium generationum. Addamne quod novæ quandoque stellæ emer-  
 gunt, ut quasdam nonnunquam aboleri certum est. Notissima est stel-  
 la, quæ in Cassiopæa sub finem anni 1572. usque ad initium anni 1574.  
 toti orbi apparuit. Sic vicissim olim septem plejades numerabantur;  
 nunc sex tantum recensentur. Aliæ quoque majores, aliæ minores,  
 quàm à veteribus Astronomis notatæ fuerint, nunc visuntur. Non quòd  
 existimem stellas, quæ telluris globum magnitudine vincunt, corruptas  
 vel extinctas fuisse; sed fieri potest, ut quædam crassissimis maculis ob-  
 ducantur, atque nobis occultentur; ut vice versâ novum sidus effulge-  
 bit maculis dissipatis, quibus antea tanquam corticibus fuit involutum.  
 Quo tempore stella nova in Cassiopæâ apparuit, quandam in viâ lacteâ  
 plagam defecisse, ac manum veluli hiatum In eâ regione visum esse no-  
 bilissimum Tycho observavit. Hinc conjecit vir doctissimus ex illâ ma-  
 teriâ, vel stellulis, quæ lacteum candorem exhibent, novum Cassiopææ  
 sidus emerisse: neque enim longè ab illâ regione distabat. Postremò, 4.  
 quod aiunt incorruptibile esse corruptibili præstantius, non facile con-  
 ceditur. Nec sterile aurum terræ feracissimæ præferendum puto, si ad  
 rectam

rectam rationem rem totam exigimus. Quòd si terra nihil procrearet, nihil profectò foret quàm vasta solitudo. Numquid melior est, ac præstantior, cum in omnis generis stirpes, atque animantes se resolvit? Non quòd ita insaniam vt in cælo novos incolas, vel animalia inesse putem: præterquam enim ex Scripturâ contrarium facilè colligitur, nullâ ratione id potest persuaderi. Ex his ergo quid sequitur, nisi ut taceam? nam conclusio ipsa loquitur, cælum non esse solidum, & incorruptibile, sed fluidum potiùs ac spirabile. Primò enim, cometæ in cælo solido generari quì possent? nec facilè concipitur quomodo ab inferiori cælo in sublimius conscendere queant. Deinde quâ ratione fieri potest, ut cælum Iovis Martis orbem abripiat, nec Mars motu Iovis proprio feratur. Profectò tot orbes excentrici innumeras refractiones inducerent; nec unquam sidera in propriis locis liceret observare; neque adeò perspicui erunt, quin præ soliditate multum luminis ad nos usque reflectant; ita ut nunquam nox Solis lumen nobis eripiat. Denique Sol, ut diximus, circa suum axem torquetur, quod ne concipi quidem potest, si suo cælo affigitur. Hîc plura adderem de Marte, quem Sole inferiorem recentiores Astronomi post Tychonem Braheum observarunt; quare necesse est ut cælum Martis, Solis orbitam intersecet, quod cum soliditate cæli non convenit. Sed hæc vobis sunt notissima, mihi ad commemorandum non necessaria. Omitto etiam Solem quinque planetarum motus regere, ac moderari, quod explicari minime potest, nisi cælum fluidum, ac liquidum statuamus. Sed de natura cæli, ac siderum satis multa: nunc motuum cælestium tractationem aggrediamur.

\*\*\*\*\*

## CAPUT SECUNDUM.

### *De motu diurno.*

- I. Problema de telluris motu vel quiete solvitur. II. Quadam ex Euclide, & Theodosio demonstrationes, ad sphaera cælestis explicationem necessariae exprimuntur. III. Circularum qui in sphaera delineari solent, usum percurramus.

### *Menander.*



Eritò te amo, mi Theophile, quòd apud te plus ratio possit, quàm auctoritas: quid enim nobis cum Aristotele, vel Platone, si à veritatis semitâ desistant. Nunc verò quis tam imperitus, quis tam procul à Philosophiâ, ut cælum solidum, ac veluti adamantinum esse pertendat, atque astra ut

ut clavos in rotâ moveri existimet. His etiam rationibus, quas fusè exposuisti sphærarum cœlestium distinctio penitus destruitur, ac primum mobile de medio tollitur, quod nullâ mentis agitatione concipi potest, si cœlum instar aëris spirabile constituamus.

*Simp.* Cum sidera duplici saltem motu ferantur, diurno nimirum, qui omnibus communis est, & alio quodam motu singulis proprio, quem Luna menstruo, Sol aëno spatio emetitur; necesse est, ut ex his duobus alterum concedamus, vel eidem corpori cœlesti duos motus, etiam sibi adversos, & repugnantes tribuamus; vel primum mobile, quod omnes abripiat sphæras, esse fateamur.

*Men.* Quid si ego contendam diurnum motum, quem tu primo mobili affingis, ad terram ipsam pertinere? Profectò cum eadem prorsus phænomena contingant, seu terra, seu cœlum moveatur, cumque natura compendio, quanto potest maximo operetur; quis non fateatur terram potius, quam cœlum quotidianâ conversione ab occasu in ortum moveri? Hanc rationem non prætervolant, sed multum dilatant Copernicani. Quis, inquiunt, credat stellas incredibili celeritate torqueri, adeò ut intra arteriæ pulsus multa milliarium millia conficiant, cum natura eundem finem per terræ motum consequi possit. Idem hîc usu venit, ac si quis urbes & montes circum se moveri jubeat, ne oculos vel caput circumagere cogatur. Addunt illud mœstri esse simile, cœlestes globos eò velocius ferri, quoterræ sunt viciniore. Nam Luna intra mensem, Sol unius anni intervallo, Mars biennio, Iupiter 12. annis, Saturnus 30. Firmamentum 36000. annis suas absolvunt revolutiones; quod verò omnem ordinem conturbat, primum mobile spatio 24. horarum, inæstimabili celeritate gyrat, inferioresque sphæras etiam renitentes, imò ipsum aërem rapit. Hujus enim aëris motum perpetuum, ac minimè interruptum experiuntur qui sub æquatore navigant, ac longè facilius ab ortu in occasum, quam vicissim ab occasu in ortum devehuntur. Quis autem ignorat terram in medio aëre pensilem, atque ad motum, vel quietem prorsus indifferentem, totius mundi agitationi non posse resistere? quid enim est cur tam præceps impetus tellurem non abripiat? An illius pondus obsistit? Sed quàm minimo impetu de loco suo depelli potest, cum in ipso aëre suis liberetur ponderibus. Quid igitur obstat quominus instar rotæ, quæ horizonti ad perpendicularum insistit, & parvo momento impellitur, circa suum centrum agitur? Est quippe terra tamquam globus exquisitæ & libellatæ planiciiei impositus, unde quàm minimo appulsu cieri debet. Numquid Luna, & cœteri planetæ, majorem cum terrâ quàm cum Sole, & fixis, quæ propriâ luce fulgent, atque ignis, vel flammæ naturam referunt, cognationem ha-

*Rationes  
pro terra  
motu di-  
urno,*

1.

2.

3.

4.

bent? Siquidem planetæ inter corpora opaca recententur: jam lex planetas non stare immobiles constat; de terrâ, Sole, & fixis controversatur. Quis non potius telluris globo, quàm Soli, & stellis firmamento infixis, hunc motum concesserit? Nisi quòd Sol etiam & fixæ circa suum centrum volvuntur, quem motum solares maculæ demonstrant; stellarum scintillatio, atque earum cum Sole affinitas, eodem illas motu agitari faciliè persuadent. Fluxum verò aëris ab ortu in occasum, qui sub tropicis percipitur, potius terræ motui quàm primi mobilis rapiditati tribuendum puto: nam globus terrestris velocissimè circa æquatorem agitur, atque huic celeritati minùs aër obsequitur, unde in contrariam partem videtur reflueret. Accedit illud etiam minimè contemnendum, quòd stellæ novæ, atque ipsi cometæ, de quibus supra diximus, diurno motu feruntur, cujus causa non faciliè reddi potest: nam primum mobile jam expunximus, atque omnis violentia, vel motuum contrarietas procul à cælo abest; nec cometæ ulli cælo sunt affixi. Quare subductis omnibus rationibus, restat ut diurnus terræ motus ab occasu in ortum, cometis affingatur; ita ut ab ortu in occasum ferri videantur; quemadmodum qui in navi pervehuntur, arbores in partem oppositam agi putant; juxta illud Poëtæ,

*Provehimur portu, terræque urbésque recedunt.*

Hic non disputo utrum terra in medio mundi constituta, circa suum vertatur centrum, ut placet Origano, & Longomontano. An potius Sol in medio mundi consistat, terra verò ut planeta non ignobilis Martem inter & Venerem, in magno orbe circa Solem spatio annuo revolvatur, ut Copernicus & alii bene multi contendunt. In præsentia mihi satis fuerit, telluris motum diurnum firmissimis rationibus stabilivisse, quem si, ut æquum est, admiserimus, nulla in motibus cælestibus contrarietas negotium nobis facesset. Atque, ut quod res est loquar, terra Sole, & stellis indiget, non Sol terrâ. Quidni ergo terra potius quàm Sol moveatur. Nec Solis ignea natura cum motu annuo bene convenit: maximè cum circa se jam duplici motu torqueatur; alterum intra mensem, alterum intra annum absolvit, ut ex solaribus maculis colligitur. An duos insuper motus his adjiciemus, diurnum unum, & alterum annum, ut nihil dicam de motibus apogæi. His rationibus instructi in aciem prodeunt Copernicani, ut opinionem suam ab illâ, quam præ se fert, absurditate vindicent.

*Th.* Nihil sanè dici potest inconsideratius; nec quicquam magis à communi sensu abhorret, quàm Soli motum detrahare, ut terræ tribuatur. An qui ita sapiat, non prorsus infaniam? quid terrâ gravius, quid stupidius, quid ad motum ineptius? Horum alterum concedant



neceſſe eſt, vel terram in medio mundi circa ſuum axem gyrare, quæ ſententia minùs abſurda mihi videtur, (quamvis ea ſit centri conditio ut quieſcat) vel inter planetas loco Solis ſubſtitui, ut magnum orbem circuitu ſuo perlufret, in quam ſententiam præcipites eunt recentiores ſerè omnes Aſtronomi. Sed ſacræ Scripturæ auctoritas eos erroris convincit. *Terra*, inquit Eccleſiaſtes, *in æternum ſtat*, Sol 2. *Exſcritur, & occidit*. Et apud Joſue, *Sol contra Gabaon ne movearis, ſtepiura antitque Sol in medio cæli*. Hinc Plaltes Regius, *Qui fundavi terram æſtate. ſuper ſtabilitatem ſuam, non inclinabitur in ſeculum ſæculi*. Alia paſſim occurrunt loca, quæ hujus novellæ opinionis jugulum petunt. Quod de Plarone dieit Cicero, id ſanè meliori jure de Scripturâ divinitus inſpiratâ pronuntio. Etiamſi nullam rationem afferre poſſem, quâ illam defenderem, tamen ipſâ auctoritate me frangeret. Verùm, inquiunt, Scriptura ſeſe ad captum noſtrum accomodat, non quid ſit, ſed quid videatur docet: maxime cùm hæc ad morum institutionem non pertineant. Sic Angelos, qui Abrahæ & Apoſtoliſ apparuere, viros aut juvenes identidem appellat. Sic Lunam, luminare vo-ocat, cùm inter ſidera, ſit ſerè mole minimâ. Crede mihi, præſtat ignorare, quod ſacræ reticet Scriptura, quàm impugnare quod docet. Non ignoro ſæpè eam inſirmitatî noſtræ blandiri, atque ad vulgi captum ſeſe deprimere: ſed ubi vel nulla demonſtratio, vel nulla contrarium perſuadet experientia, quid eſt cur verbo Dei non credamus? Lunam, inquiunt, vocat luminare majus. Quid tum? nōne majus quàm reliqua ſidera nobis lumen affundit? Non inſicior tamen quas hædenus contra terræ motum rationes adduxerunt, vix ullius eſſe momenti: nam ſive terra ceſſante Sole, ſive Sol & fixæ moveantur quieſcente terrâ, eadem prorfus phænomena apparent: exemplum navis quod uſque ad nauſeam regerunt, ſatis pulchrè rem totam explicat. Primum enim, lapſi è pede mali ſurſum emiſſus, in eundem locum relabitur, ſive navis quieſcat, ſive moveatur: tam facilè verſus proram quàm verſus puppim ambulabis: piſces in pelvi reſoſiti, in omnes partes æqua facilitate natant: aves in magnâ navis camerâ exiſtentes, non ægriùs in unam, quàm in alteram partem volitant: neque etiam bombardæ longiùs verſus puppim, quàm verſus proram exploditur. Hæc ad terram facilè transferunt, quæ licèt citato curſu promoveatur, nihilominus eadem prorfus accidunt, ac ſi immota conſiſteret. Nam gravia ad perpendicularum cadunt: in omnem partem liberè ambulamus: nec motus illæ terræ vel animalium inceſſum, vel avium volatum quicquam moratur, quod communis motus imprimatur terræ, aëri, & omnibus quæ terrâ, atque aëre continentur. Duo ſunt tamen, quæ Copernicani non facilè expediunt.

*Vulgata  
contra ter-  
re motum  
rationes  
non ſatis  
firma vi-  
dentur.*

1. Primum quidem, vix obtinebunt aërem eodem cum terrâ motu agitari. An terra suum motum aëri imprimit? an potius utrique corpori, diversæ licet naturæ, hic motus congenitus est? nemo facile crediderit universam aëris molem à terrestri globo abripi: nam illius partes malè sunt colligatæ, ac motum reluctantis aëris, non sub æquatore modò, sed etiam in aliis regionibus nullus non perciperet. Quod asserunt Solem circa suum centrum contorqueri, atque hoc motu totum expansum æthera movere, quo agitato terra, & cæteri planetæ tanquam naves in mari cientur, eo tardius quo longius à Sole distant; quod volunt somniant. An motus aëris, qui nequidem percipitur, tam ingentes moles, tantâ celeritate impellet? Sol intra mensem circa se vertitur; terra spatio diurno revolvitur: quid hunc terræ motum adeò concitatum procreat? Sed fortè terra in medio aëre pensilis, quàm minimo momento impellitur. Præclare quidem. Nullum tamen corpus movetur, nisi ab impetu per omnes partes diffuso. Quid hunc impetum efficit? An insensibilis materiæ cœlestis, vel aëris motus? Deinde cùm objectiones Ptolemæi diluunt, nescio an satis aptè respondeant. Opponit quidem Ptolemæus, quòd si terra spatio 24. horarum circa suum centrum ageretur, ædificia corruerent, ac terra ipsa tanto impetu agitata dissolveretur. Respondent, ædificia unà cum terrâ deferri; nec globi terrestris motui resistere, qui cùm sit naturalis, non violentus, nihil est quòd metuamus ne terra dissipetur, nisi fortè in corpus aliquod solidum offenderet, vel repentè si-deret. Cùm etiam stellarum motus sit saltem quinquagies milles velocior, cur timet Ptolemæus ne terra propter diurnæ conversionis perniciatatem dissolvatur, non autem metuit stellis fixis, aut firmamento. Hæc sanè rationem Ptolemæi minimè infringunt. Nam ut rota citissime agitata globulos sibi impositos procul expellit; sic terra tantâ incitatione acta turres, & ædificia excuteret: non secus ac qui secundo flumine, & velis passis in navi pervehuntur, hunc motum minimè sentiunt; sed ubi navis in orbem gyrat, tum qui stant, vacillare incipiunt, & sæpissime cadunt. Quod descensum gravium attinet, bellè explicant quâ ratione terræ motus nullatenus obstat, quominus ad perpendicularum decidant: sed tamen ne quid dissimulem, lapis è summo navis malo demissus, aliquantulum tardius delabitur, quàm si immotè navi descenderet, quod hic lapidis motus jam compositus, & quasi curvilineus existat: tametsi iis, qui navi vehuntur, rectus, & perpendicularis appareat. Quantò etiam celerius navis promoveatur, tantò tardius lapis decidit, quia diagonalis, seu transversa linea, quam motu suo describit, longior existit. Siquidem lapis duplici im-

petu

petu in diversas partes actus ( nam & navis motum horizontalem consequitur, & proprio pondere deorsum ruit ) mediâ insitit viâ, ut suo loco cumulatè demonstravimus. Nec difficile est hæc omnia ad terram traducere, ubi gravia non perpendiculari motu, sed composito & curvilineo deorsum ferrentur, quòd non ægrè admittitis; sed negatis illum curvilineum motum percipi posse. Cum verò terræ motus sit celerrimus, longè tardiùs decidant necesse est, quàm si immota terra supponatur. Jam utrum hæc cum experientiâ & ipsius mechanices legibus bene conveniant, ipsi videritis; nobis hæc commenta non placent.

Nunc videamus quæ contra ab his disputari solent. Sol, inquit, tantâ incitatione fertur, ut celeritas ejus quanta sit, ne cogitari quidem possit: quanta ergo firmamenti pernecitas futura est? Quàm metuendum erit, ne stellæ fixæ tam præcipiti motu actæ, penitus dissolvantur; cum immensa propè sit earum à nobis distantia, ac nullam patiantur parallaxim. Illud scilicet est omnium, qui sese in Copernici familiam tradidere, formidolosum argumentum. Et quo magis motus ille incredibilis appareat, distantiam fixarum ambitiosè augment, ut firmamenti motus pernecitas nullam fidem obtineat. Quibus id unum repono, ne omnipotentia divina terminos præscribant, neque illud impossibile definiant, quod facilè animo non comprehendunt. Quis nescit circulum eo faciliùs, ac celerius moveri, quo major existit? Hinc firmamentum incredibili celeritate agitur, quia longissimè à centro distat. Nec major subest difficultas in tanta pernecitate concipiendâ, quàm in æstimandâ firmamenti mole propè immensâ. Negant stellas omnes in gratiam hominis fuisse conditas, atque eas esse quasi totidem Soles arbitrantur; adeò ut si è firmamento Solem intueri liceret, is non major, quàm stella videretur. Illud quidem rectè consequitur, si tanta sit firmamenti à nobis distantia, quantam ad libidinem fingunt. Quòd si locis non rationibus pugnandum foret, non difficile esset ex sacra Scripturæ inconcussa auctoritate demonstrare, stellas propter hominem creatas fuisse, ut essent in signa, & tempora. Sed occurrunt. Nunquam natura per ambages operatur, quod paucis expedire potest: cur igitur tanta sphaerarum coelestium machina moveatur, cum ex telluris motu iidem consequantur effectus? hæc sanè opponi non possunt ab iis qui cælum, ac terram moveri concedunt. Non enim Copernicani idem cum Nicetâ Syracusio censent; cælum, Solem, Lunam, stellas, supra denique omnia stare: neque præter terram, rem ullam in mundo moveri, quæ circum axem se summâ celeritate convertat, & torqueat. Imò Cartesius tot vortices, seu mundos

*Objecta delinuntur.*

1.

2.

constituit, quot sunt stellæ fixæ; ita ut Sol sit stella in centro sui vorticis existens, quæ circa suum axem vertitur, ac totum hunc planetarium mundum circumagit, æthere verò agitato, planetæ tanquam naves in medio mari deferuntur. Hinc negat terram, vel planetam ullum moveri, cum motus ille ad expansum æthera, non ad terram pertineat. Quemadmodum navis secundo fluvio delata, nullisque ventis, aut remis impulsæ, non movetur, si propriè, & ad veritatis legem loqui volumus; cum motus ille non navi, sed aquæ præterfluenti sit tribuendus. Simili ratione terra in agitato æthere deferatur quidem, non movetur: maximè, cum à vicinâ corporum non recedat. Quidquid autem movetur, & locum mutat, & à corporum circumjacentium vicinitate sejungitur. Stellæ autem (si Cartesium audimus) circa suum centrum se convertunt, ac singulæ instar Solis suum vorticem agitant, & irradiant. Quanquam præ nimiam distantiam planetæ stellis finitimi non non videantur, sed tamen cum ibi sint corpora lucentia, stellæ nimirum, cumque sint etiam translucencia, & pellucida, nempe æther in quo fluitant; ordo, & series universi id videtur postulare, ut ibi quoque corpora relucencia, & opaca, quæ planetæ dicuntur, occurrant. Hos quidem, ut diximus, planetas stella quæque circumagit. Nec mirum, si corpora adeo crassa à subtilissimo æthere loco moveantur: cum enim in medio cælo suspendantur, necesse est, ut lanx imposito pondere deprimitur, sic eos minimo appulsu moveri. Hæc fortè sint somnia Cartesii non docentis, sed optantis: hinc tamen concludimus totum cælum agitari, seu quiescat, seu moveatur terra. Profectò tantum paradoxum, quantum majus fingi non potest, non levissimis conjecturis probatum, sed certissimis rationibus demonstratum oportuit.

*Menz.* Motus terræ diurnus probari aliter non potuit, cum in utraque hypothesi eadem appareant phænomena: sed motum annuum, qui vulgò Soli tribuitur, firmissimis demonstrationibus ab Astronomiâ repetitis ostendunt ad terram pertinere, quas ubi de vero mundi systemate differemus, uberius prosequemur. Nunc tuz sunt partes, mi Simplici, libratæ in utramque partem argumentis, tuam proferre sententiam.

*Quæ sit  
nostra de  
terra mo-  
tu, vel qui-  
ete persua-  
sio.*

*Simp.* Quòd si me arbitro, hæc lis dijudicaretur, paucis eam dirimerem, eamque totam in caput unum, ac summam conjicerem. Nam Solem moveri, terram quiescere, nulla, ut mihi videtur, ratio evincit, credo tamen: tum quòd sit velut communis notio omnium animis infixæ; tum etiam quòd in hanc partem Scripturæ auctoritas multum propendeat, Quid respondeant motus terræ assertores non ignore,

ro, nihil tam esse vulgare, quàm nihil sapere, ac Philosophiam paucis esse contentam iudicibus: hinc multitudinem consulto ipsa fugit, elique ipsi, & suspecta, & invisa est. Scripturæ auctoritatem putant se solvere alia Scripturæ loca proferendo, ex quibus terræ motus colligi videatur. Illum imprimis obijciunt, *Qui commoves terram de loco suo.* Neque tamen sacri codices pugnantia loquuntur; sed quid videatur, quid appareat omnibus exprimunt. Scriptura, inquit, viam, quâ in cœlum conscendamus, tradit; quanto autem à nobis distet intervallo; quibus item machinis moveatur, non docet. Hæc sanè mihi non probantur; nec globum terrestrem moveri ex sacra Scripturæ auctoritate colligi potest. Partes quidem terræ propter sulphuream exhalationem in illius visceribus accensam, nonnunquam de loco suo commoventur; non verò terra ipsa circa Solem immotum obambulat: sed contrarium planè Spiritus sanctus insinuat. Potest quidem multa, quæ ad naturæ contemplationem spectant, reticere, sed cur quod falsum est, toties inculcaret. Qui terram in medio mundi mobilem constituunt, faciliùs hanc notam abstergunt: fatentur quippe Solem cum terrâ moveri. Cùm verò clamat Ecclesiastes quòd terra in æternum stat; id ita ferè interpretantur; terra in æternum permanet. Præmiserat enim, *generatio transit, generatio præterit; terra in æternum stat;* hoc est, *Utriusque partis argumenta librantur,* cùm sit omnium ferè generationum locus ac sedes, tamen in eodem statu perseverat. Sed fortasse in his jam sum nimius. Quod verò Theophilus metuit, ne si terra moveatur, ædificia excutiat; id Copernicani nimè reformidant. Nam ut rota celerrimè agitata, globulum sibi impositum secundum lineam contingentem expellit; sic terra, etiamsi foret accuratissimè rotunda, secundum contingentia lineam corpora gravia excuteret, quæ plusquam 500. passus cum tellure conficerent, antequam ad unius digiti altitudinem elevari possent. Jam quis non videat à proprio illa pondere deprimi, atque impediri ne subsultent. Sed negabas aërem eodem cum terrâ motu posse abripi. Quidni? cùm cœlum, & planetæ eodem motu deferantur. Quare mirum non est si aër unà cum terrâ moveatur. Luna autem circa telluris globum, ut Jovis satellites circa Jovem torquentur. Jam verò tot rationes pro terræ motu Menander attulit, ut velle cæteris, sibi autem persuasisse videatur. Illud imprimis urgebat, motus omnes cælestes perturbari, si terra immobilis supponatur. Nam globi cælestes eo tardius feruntur, quo longiùs à terra recedunt. Unde ergo primum mobile omnium supremum raptissimè cietur? quid etiam ferat hanc cælestium motuum contrarietatem? Ego verò crediderim primum mobile de medio potius esse tollendum, quàm terræ motum contra Scripturæ oracula, asserendum.

Th.

*Th.* Sublato primo mobili vereor ut possis phænomena cælestia explicare. Nam uni corpori unus competit motus: stellæ fixæ duplici saltem motu cientur, diurno scilicet ab ortu in occasum, & proprio ab occasu in ortum tendente, qui quidem motus post longa sæculorum volumina observatus fuit. Imò cum inæqualis videatur, cumque cælestes motus sint æquabiles, atque uniformes, plerique Astronomi alium titubationis motum adstruunt, quem nonæ sphæræ concedunt. Cum denique maxima Solis declinatio longâ annorum serie mutetur, atque uni corpori cælesti unus duntaxat conveniat motus; æquum est ut decimam sphæram, quam alii cælum crystallinum vocitant, agnoscamus: hoc cælum primum mobile involvit. Quocirca undecim cælos omnino mobiles admittere compellimur: quibus cælum empyreum beatorum sedem, si uti par est, adjeceris, duodecim cælos (nam hoc verbum usus Latinum fecit) obtinebis. Quod Menander non ægrè feret; cum Cartesius mundum infinitum, vel certè indefinitum constituat, cujus nulla figura, nulli termini assignari queant: adeo ut Divinæ Majestati injurius videatur, qui totum hoc universum circumscribit, & instar globi concipit. Sunt quippè fixæ innumerabiles, ut ex sacris codicibus deducitur, ac novæ quotidie per telescopium deteguntur. Nemo etiam nescit viam lacteam, quam Aristoteles inconsideratius Lunâ longè inferiorem constituit, nihil esse quàm stellarum congeriem, quarum lux debilior hunc lacteum candorem efficit; quod jam Democritus, teste Plutarcho, animadvertenterat; nuncquæ illæ stellæ beneficio tubi optici conspiciuntur. Cum igitur stellarum numerus sit indefinitus, ac singulæ stellæ (si Cartesio credere dignum est) totidem sint systemata suis planetis instructa: quis huic universo limites præscribat, cum nullâ ratione, nullâ item revelatione nitatur?

*Cartesii opinio de motu stellarum, & calorum numero.*

*Men.* Optimè tu quidem, mi Theophile. Adde etiam stellas esse totidem Soles: nam, ut diximus, propriâ luce fulgent, nec uti planetæ huc illuc errant, sed instar Solis vel constantissimo, vel nullo feruntur motu. Nec verisimile est omnes stellas eidem circumferentiæ esse affixas; sed aliæ aliis sunt longè remotiores; cælum quippè esse fluidum jam evicimus: nec bene fax aliqua in extremo, melius in ipso medio collocatur, ut in omnes partes radiet. Quòd si stellæ sint immobiles, unaquæque sui vorticis, vel cæli centrum obtinebit. Negamus tamen stellas penitus esse imotas, cum motus sit corporis naturalis quasi appendix & proprietas; at instar flammæ perpetuo motu, non quidem centri, & progressivo, sed orbis, & in seipsum reflexo, ac turbinationi simili, agitantur. Cum autem quærunt, an sidera

ut



ut clavi in rotâ, vel ut pisces in mari ferantur, hoc est, utrum cœlo cessante astra moveantur; an vice versâ, sidera unâ cum cœlo rapiantur; perfacile hanc controversiam dirimimus: nec cœlum quiescit, nec sidera. Cùm enim cœlum sit liquidum, moveri affectat; planetæ autem, ut naves, motu centri, & progressivo deferuntur; Sol, & stellæ motu orbis circa suum axem rotantur. Quot verò sint cœli, quis numerabit? unum est; cùm totum sit fluidum, & uniusmodi: innumerabiles quoque existunt, si unaquæque stella suum sibi cœlum, aut vorticem vindicet. Aptissimè tamen tres cœli numerantur. Primum est, in quo degimus, cujus medium Sol occupat; planetæ autem, & terra in circumfuso aère suis quique locis disponuntur, atque eodem vortice continentur. Illum dicimus vorticem, cujus partes centro propiores velocius contorquentur. Sol quippè spatio 27. dierum circa se gyrat: Mercurius serè infra quatuor menses; Venus 9. mensium; terra unius anni spatium circa Solem revolvitur. Quòd si Sol una ex fixis, & fixæ totidem Soles censeantur; secundum cœlum dicamus quod omnes stellas, atque innumerabiles complectitur vortices, cum quo si nostrum quod incolimus componatur, vix erit sensibile. Tertiū denique est nobis penitus incognitum, idque latissimè ultra stellas fixas patet, ac propè immensum illud esse existimo. Qui verò 12. cœlos recondent, nullâ probabili ratione ducuntur. Quòd enim de anticipatione æquinodiorum, vel de stellarum motu, ab occasu in ortum; nec non de maximâ Solis declinatione afferunt: id præclare per telluris motum Copernicus explicat, cujus axis declinationem suam paululùm mutat. Sed hæc alterius sunt loci, ac mihi videor jam plus satis evagari.

*Simp.* Facile patiebar te ab eo, quod erat propositum, aberrare. *Cartesii*  
Nec tibi tamen, nec Theophilo planè assentior. Primum, mirari satis *sententia*  
nequeo, quomodo Cartesius, cujus meritò summa est apud me aucto- *excusatur.*  
ritas, hunc mundum, nec finitum esse, nec infinitum, sed indefinitum statuatur. Quòd si suâ continetur figurâ, finitus; sin secùs, erit infinitus. Quod nisi in Physicâ plumbei sumus, nunquam concedemus. At quis illius terminos præscribat? nemo homo, sed Deus, qui cuncta in pondere, numero, & mensurâ disposuit. Jam quod Theophilus de motu firmamenti tardissimo adduxit, nihil contradico, nisi quòd non necesse est, tot cœlestes sphæras multiplicare. Enimverò corpus unico motu cietur, detur id tibi: at multi negant motus ab ortu in occasum, atque ab occasu in ortum, esse diversos. Unus fortè, & idem est, qui non penitus absolvitur. Imò nec motus Solis annuus ab occasu in ortum nititur, sed à Septentrione in Austrum, & vicissim com-  
K meat.

meat. Motus itaque zodiaci apparens tantum est, non realis: quem admodum & sphaerae circuli, quos commentum sunt Astronomi, ut facilius motus caelestes explicare possent, ac numeris persequi.

*Men.* Quando fortè sphaerae mentionem fecisti, illius circulos breviter nobis exponere non graveris: antequam ad planetarum motus majoribus tenebris involutos progrediamur.

*Simp.* Dissimulare non possum id mihi molestum esse ad hæc quasi incunabula revocari; neque illa Astronomiae rudimenta vos fugiunt; neque hanc decent ætatem.

*Men.* Ego verò id primum artis esse puto, ex principiis, quæ omnibus sunt recepta, quasi manu ad occultiora deduci.

*Simp.* Agam igitur Mathematicorum more, ac primum definitiones quasdam, tum certa theoremata, quæ omnium consensu probantur, exponam, ex quibus omnia phaenomena demonstrare aggrediar. Numquid Theodosii Tripolitæ de sphaericis elementis tres libros ante omnia evolvemus? sed longa mora erit, atque hæc demonstrationes non rudem elementorum Euclidis notitiam exigunt. Præstat igitur vel omnino iis supersedere, vel quæ ad institutum nostrum magis necessaria sunt seligere. Et quidem memini me, cum admodum essem adolescens, Theodosii tres libros, unâ vel alterâ figurâ, ac paucissimis lineis complexum fuisse, atque ut viam ad Astronomiam sternerem, scientiam illam, quæ Trigonometria vocatur, eadem brevitate exposuisse; tumque libellum in lucem emisi, quod me fecisse seductum juvenili cupiditate gloriae fateor: cum certè tot mendis, & erroribus typographi refererunt, ut vix usui esse possit. Ex illo igitur opusculo, quod nobis utile futurum est, excerpam. Intento quidem opus est animo; non ita tamen, ut omnia dilabantur, quæ infra dicturi sumus, si unum aliquod ex his effugerit. Primum, quid sit sphaera, quid polum, quid axis, dicendum. Sphaera est solidum unâ superficie contentum, in cuius medio punctum est, à quo omnes rectæ lineæ ad superficiem ambientem ductæ sunt æquales. Brevius certè & elegantius finitur, figura cujus extremitates paribus à medio radiis attinguntur. Poli sphaerae dicuntur puncta, in superficie immobilia, circa quæ volvi concipitur sphaera. Recta linea utrumque polum connectens, axis nominatur. Polus verò circuli est punctum in superficie sphaerae, à quo, tanquam à centro, circulus describitur. Hinc liquet omnes lineas à polo circuli, ad illius circumferentiam productas æquales existere. Nunc quædam ex Euclide non supponere, sed demonstrare convenit, ut, quæ deinceps dicturi sumus, fiant dilucidiora.

*Definitio-*  
*nes,*

1.


2.

3.

4.


Pri-

Primum illud tanquam fundamenti loco sub-  
sternamus, quod cum recta in aliam incidit, cum  
illâ angulos efficit vel rectos; quando nimirum  
cadit ad perpendicularum, ut recta FB in lineam  
CD, vel si obliquè incurrat, ut EB in CD line-  
am, duos quidem angulos inæquales ad B effi-  
cit, quorum major obtusus, minor & contractior



*Protheore-  
mata.*  
I.

acutus dicitur; utrumque tamen contendo duobus rectis æquari.  
Angulus quippe EBD est quidem acutus, & minor recto FBD: sed  
tantumdem obtusus EBC, recto FBC & major & apertior existit.  
Quantum igitur acutiori EBD angulo deest, tantum obtusiori EBC  
accedit, atque ambo simul sumpti duobus rectis æquantur. Angulum  
verò (ut jam monuimus) dicimus inclinationem unius lineæ cum al-



tera

terâ : hunc tribus literis exprimimus, cujus media ipsius anguli apicem signat. Illius quoque quantitatem non metitur linearum, quibus comprehenditur, magnitudo : quantumvis enim augeantur vel minuantur EB, & BD, idem tamen manet angulus EBD.

*Th.* Quid igitur anguli magnitudinem dimetitur?

*Simp.* Huc ibam. Circuli ab apice anguli descripti arcus, v. gr. EH, est mensura anguli EBD. Quare æquales sunt anguli, quorum lineæ æquas circuli portiones interceptant; angulus DBE æqualis est angulo DBI, quia arcus EH æquatur arcui HI. Ubi verò major est angulus, majorem quoque arcum exigit.


*Th.* Perge, quæso te, atque illas Geometriæ minutias quàm poteris brevissimè decurre.

2. *Simp.* Faciam, & paucis. Cum duæ sese intersectant lineæ angulos oppositos ad verticem æquales constituunt. Ex. gr. AI, & EN sibi mutuò occurrunt in puncto B. Angulus igitur ABN, & EBI æquales futuri sunt.

*Men.* Ratio in medio est. Cum enim recta EB cadens in rectam AI, duos angulos ad B, duobus rectis æquales efficiat : nempe EBI, EBA; atque eodem jure EBA, & ABN æquantur duobus rectis, quod linea AB incidat in lineam NE. Tolle angulum communem ABE, remanebunt anguli ABN, & EBI penitus æquales. Juxta illud axioma usu contritum, & pervulgatum : si ab æqualibus æqualia demas, quæ remanent sunt æqualia.

3. *Simp.* Scitò tu quidem. Addam & illud, licet fortasse ordine præpostero. Si duo triangula, ut ABN, & EBI habeant duo latera unius, æqualia duobus lateribus alterius; scilicet AB, & BN æquantur EB, & BI, sintque duo anguli ad punctum B his lateribus contenti, æquales : erunt duo triangula omnino inter se æqualia. Unum enim alteri superpositum concipiatur, adeo ut latus BE, lateri BA, & latus BI lateri BN, ac denique angulus EBI, angulo ABN congruant : quare punctum E in punctum A, atque punctum I in punctum N cadet : basis igitur EI basi AN, ac totum triangulum, EBI, toti triangulo ABN conveniet. Jam placet ab Euclide ad Theodosium divertere. Illud tamen prius assumam, quod Geometriæ concipiunt corpus, sive solidum ex superficiebus, & superficiem ex lineis constare. Quocirca si loco sphaeræ circulum POP, & vice circulorum, eorum diametros sumas, neutiquam aberrabis,

Vide figuram subsequenter.




*Th.*

*Th.* Detur id tibi, sed quid tum?

*Simp.* Rogas? hinc omnia ferè, quæ Theodosius tribus libris *Theore-*  
complexus est, possunt demonstrari. Atque ut è multis pauca, sed ne-  
cessaria seligam. Circuli sphaeræ maximi, ut PO, & GH, sese, & 1,  
ipsam sphaeram in partes æquales dividunt. Cùm enim per medium  
sphaeræ transeant, in centro communi B se mutuo dirimunt: nam in  
circulo diametri, & sese, & circulum ipsum in æquas partes dister-  
minant.

Quo circuli centrum sphaeræ viciniùs petunt, majores existunt, 2.  
ut PO major est AN: quique à centro æquis distant intervallis, in-  
ter se æquantur, ut AN, & EI: duo quippe triangula ABN, & EBI  
inter se sunt æqualia, ut mox demonstravimus, cùm anguli ad B sibi  
ad verticem oppositi sint æquales, & æqua sint latera AB, & BN



lateribus EB, & BI; sunt enim ejusdem circuli radii, vel semidiametri: ergo bases AN, & EI sunt æquales.

3. Polus circuli in sphaerâ maximi distat ab illius circumferentiâ, quadrante circuli. Sit punctum P polus circuli GH. Per definitionem poli, sunt PG, & PH arcus æquales; cumque GPH sit semicirculus; palam est polum P à peripheriâ sui circuli per quadrantem distare. Quare cum circulus omnis in 360. partes, quæ gradus dicuntur, distributus intelligatur; inter polum, & circumferentiam circuli 90. gradus intercedunt, ac totidem gradus angulum rectum metiuntur: nam PBG rectum angulum, quadrans circuli GP mensurat, hoc est, angulus rectus 90. gradus complectitur. Quandoquidem quatuor sunt anguli recti ad punctum B, quos efficiunt lineæ PBO, & GBH, atque hi anguli totam circumferentiam 360. graduum interceptiunt, ac veluti exhauriunt.

4. Hinc colligitur, quod ubi circulus per polos alterius transit, illum ad pares, seu rectos angulos dispescit; ut circulus GBH transit per G, & H polos circuli PO. Ergo duos angulos GBP, & GBO rectos efficit. Quandoquidem ostensum est GP, & GO esse quadrantes circuli; cum sint distantia poli à circumferentiâ circuli PO: ergo omnes anguli ad B existentes sunt recti, ac singuli 90. gradus continentur.

5. Cum verò omnes circuli sint æquidistantes, & paralleli, qui ab eodem polo, tanquam ab eodem centro delineantur, ut AN, & PO: circulus maximus, qui per polos alterius transit, omnes illius parallelos in æquas portiones determinat, atque ad pares secat angulos. Sic GBH circulus dividit circumulum ACN bifariam in puncto C, atque angulos ibidem rectos efficit; idque faciliè colligitur. Supponimus enim punctum G esse polum circuli ACN, unde & æquales sunt arcus GA, & GN, qui æquales itidem angulos ABC, & CBN metiuntur. Sunt igitur duo triangula ABC, & CBN penitus æqualia; nam duo anguli ad punctum B, ac latera BA, & BN sibi æquantur, latus etiam CB est utrisque commune: ergo rectè concluditur bases quoque AC, & CN, angulos denique ad C positos, æquales existere, quod demonstratum oportuit.

6. Eâdem planè ratione si maximus sphaeræ circulus minorem in æquas partes, vel ad angulos rectos dividat, per illius polos transibit. Quod si enim CA, & CN sint æquales, erunt quoque duo arcus GA, & GN itidem æquales. Quorsum enī alter altero major existeret? ergo punctum G erit polus circuli ACN. Jam circulus maximus non transeat per polum minoris, ex. gr. VBL secat circumulum AE,



A E, nec transit per illius polum P: ergo illum in partes inæquales dirimit, ac major erit portio, in quâ circuli A E centrum F reperitur. Quod ex dictis clarius est, quàm ut demonstratione indigeat. Sed circulum oppositum æqualem, & parallelum N T I, in partes itidem inæquales dispescit; ac major futura est portio N S, in quâ centrum T continetur.

Postremo ex his concluditur, quòd circulus, qui non transit per alterius polos, obliquè eum fecat, & eo magis, quo longius à polis recedit. Sic circulus V B L obliquè dividit circulum G B H: non enim anguli V B G, & V B H sunt æquales, cùm inæquales ponantur arcus V G, & V H, nec punctum V sit polus circuli G H. Omnes quoque parallelos A E, & N I in portiones tanto magis inæquales dirimit, quanto longius ab eorum polis discedit: sed in iis Geometriæ dumentis nimis immoror.

*Men.* Ita me Deus amet, nihil me adeò delectat, ac geometricæ demonstrationes, quæ non persuadent, sed cogunt.

*Simp.* Hæc non æquè sapiunt Theophilo: quare, si vobis videtur, aliò pergamus, ac cœlestis sphæræ tractationem ingrediamur.

*Th.* Tuo verò id quidem arbitrato.

*Simp.* Sed quædam quasi præambula exponenda sunt antè breviter, quibus non constitutis, vix fides iis, quæ demonstrare volumus, haberetur. Hæc adeò ad tria, vel quatuor veluti axiomata reduci possunt. Cælum esse rotundum; motu æquabili ferri; terram & aquam nullam obtinere sensibilem molem, si cum cœlo conferantur; denique terram esse figuræ sphæricæ, & cum aquâ unum globum efficere. Singula breviter transcurrenda, cùm trita sint, atque omnibus obvia. Non cælum modò, sed etiam omnia hujus mundi corpora sphæricam figuram adepta sunt: nam cujusque corporis partes ad suum totum conspirant; unde terra, Luna, & reliqui planetæ suum centrum in se habent, quod partes omnes quasi uno consensu æqualiter premunt. Quæ figura potuit mundo competere, vel capacior, vel ad motum magis accommodata, quàm rotunda, quæ sola omnes alias suo complexu continet? Stellæ, quæ circa polum nobis conspicuum nunquam oriuntur, vel occidunt, & quo magis à polo distant, eo circulos ampliores delineant, globosam mundi figuram palam evincunt. Id etiam præter cætera eclipses Lunæ satis demonstrant; quid enim Lunæ eclipsi, nisi umbra terræ, quæ Lunam obscurat? atqui umbra ejusdem figuræ est cum corpore, à quo projicitur: est igitur terræ figuræ rotundæ, atque cum aquâ unum efficit globum.

Cælum,  
terram &  
sidera esse  
globosa,  
1.

2.

3.

Non

*Terram*

*& aquam  
num glo-  
bum effi-  
cere,*

1. Non enim, ut plerique fingunt, aqua maris est elatior, ac supra terram intumescit. Quòd si ita esset, cum aqua semper petat decliviora, proculdubio terram inundaret. Imò eam esse aliquantulum terrâ depressiorem, longè probabilius mihi videtur; cum omnia flumina in mare influant, neque hinc nisi per loca subterranea resiliant. Accedit etiam corpora gravia in mare, ut in terram ad perpendicularum incidere, ac commune utriusque centrum petere. Quòd si terra non sit sphaerica, sed plana, contrarium eveniet. Sit quippe terra AFE plana; corpus grave à puncto V ad centrum B devolutum obliquè in telluris superficiem, non ad pares angulos incurret. Imò eodem momento totam terræ superficiem AFE, si plana sit, non globosa, Sol irradiabit. Omnia demùm instrumenta, quibus siderum motus explicantur, sunt rotunda, atque unus terræ gradus, uni item gradui cœli respondet. Omitto diversitatem dierum, & noctium explicari nequaquam posse, nisi cœlo, ac terræ globosam figuram tribuamus.

*Terram*

*instar cœli  
punctum  
esse.*

- Quòd verò terra ad universi cœli complexum quasi puncti instar obtineat, hinc manifestè concluditur, quòd dimidium cœlum conspectui nostro pateat: ex duodecim quippe zodiaci signis, sex supra horizontem attolluntur, reliqua deprimuntur. Imò terra cum cœlo, in quo Sol versatur, comparata, punctum est: nam in horologio solari extremum styli horam indicantis, centrum telluris exhibet, ut suo loco dicemus: quòd si terra molem haberet sensibilem, nullius horologii umbra exactam horam redderet. Viden quàm crassum sit illud punctum, quod inter tot gentes ferro & igni dividitur.

*Æquabi-*

*lem esse si-  
derum  
motum.*

Sed mihi exciderat de æquabilitate motuum cœlestium verba facere: hoc sanè est totius Astronomiæ fundamentum. Omnia quidem sidera statis temporibus eò revertuntur, unde profecta sunt: quamvis nonnunquam stare, aliquando regredi videantur; atque in id tota insumbit Astronomia, ut quidquid inæquale, ac disforme in conversione siderum apparet, nobis exponat, salvâ motuum cœlestium æquabilitate, quam sactam esse oporteat: quare circulares esse globorum cœlestium motus necesse est. Quod enim movetur motu recto, & locum mutat, & alia corpora de loco depellit, neque ille motus uniformis esse potest; naturalis quippe acceleratur, violentus minuitur: unde non competit nisi partibus à suo toto avulsis: sed corpora quæque cœlestia suis locis sunt disposita, nec locum mutare affectant. Non igitur recto motu impelluntur, sed circulari, qui ubique suum principium habet, & finem, ac maximè æquabilis exillit. Neque hîc executendum puto, utrum sidera ætheris motui obsequantur, ut navis secundo flumine promota; an cœlo immoto fermè instar turbinis in disco,

disco, propter impetum sibi in principio conditionis imprellum, tor-  
queantur; id enim alium locum postulat. Hoc igitur posito, atque  
omnium consensu approbato, cælum esse figuræ sphaericæ, & suos  
motus in orbe agere, rationes omnes horum motuum per minorem  
globum iisdem instructum circulis, quos cælo affingimus, faciliè ex-  
ponuntur.

Decem porro circulis distinguitur, quorum sex maximi, quatuor *Sphæra*  
minores existunt; è magnis duo sunt immobiles, Horizon & Meridi- *artificialis*  
anus: ille cælum quasi medium dividit, & aspectum nostrum definit; *explicatio.*  
hic per utrumque mundi polum & verticem nostrum transit, ad quem *Horizon*  
cùm Sol quotidianâ conversione pervenit, tum medius effluit dies. *Or Meri-*  
Polus horizontis in meridiano existit, scilicet in eo puncto, quod ver- *dianus.*  
tici nostro imminet. Poli itidem meridiani circuli in horizonte con-  
sistunt; nempe iis in locis, in quibus Sol exoritur, & occidit, cùm di-  
es æquantur noctibus. Sex quippe puncta ut in cælo, sic in hac sphæ-  
râ, quam habemus præ manibus, sicut intelligere, ex quibus omnes  
ferè circuli delineantur. Primum, occurrunt duo mundi cardines, qui  
poli dicuntur, quod circa eos mundi machina quotidianâ vertigine  
volvatur. Polum nobis conspicuum vocant Arcticum, vel Septentri-  
onalem, propter septem stellarum congeriem, seu quandam constella-  
tionem, quæ Ursa minor nominatur. Hic polus supra horizontem  
tantum attollitur, quantum oppositus, qui & Meridionalis, & Antar-  
cticus dicitur, sub horizonte delitescit: quemadmodum ex iis, quæ su-  
perius sunt demonstrata, faciliè colligitur. Nam inter utrumque polum  
dimidia circuli portio interjacet.

Jam in medio utriusque intervallo æquator describitur, qui di-  
urni motus partes, seu tempora dimittitur; adeo ut 15. gradus intra  
horæ spatium, & 360. gr. spatio 24. horarum decurrant. Hinc stella,  
quæ medio inter utrumque polum loco affigitur, hunc circulum sin-  
gulis diebus delineat. Quo verò stellæ ab æquatore longius disce-  
dunt, eo minores circulos absolvunt; ita ut omnium sint minimi, quos  
polis proximæ diurnâ revolutione conficiunt. Quocirca hæ stellæ  
polis finitimæ nunquam oriuntur, vel occidunt, sed semper nobis sunt  
in conspectu. Duo sunt alia in meridiano circulo puncta, quorum u-  
num vertici nostro impendet, id Zenith Arabes, ut alterum opposi-  
tum, Nadir dixerit. His polis horizon describitur. Duo denique sunt  
in horizonte puncta, quorum jam meminimus, in quibus finitor seu  
horizon æquatorem secat, atque ab iis meridians circulus ducitur,  
qui horizontem ad rectos vel pares angulos dirimit, cùm per illius *per 4. the-*  
polos transeat. Eodem jure meridianus æquinoctialem circulum, & *or.*  
omnes

*Per pri-  
mam the-  
orema ex  
Theodosio  
deprom-  
ptum.  
Æquator.*

*Quid sit  
latitudo  
loci.*

*Quid lon-  
gitudo.*

omnes illius parallelos, ad pares angulos, & in æquas portiones dispescit. Hinc liquet cur Sole ad meridianum appellente, jam dimidius dies praterierit; sed de his postea. Cæterum cum terræ suus sit æquator, qui cœlesti subjicitur; suus itidem meridianus, vel horizon: mirum quot & quantos usus hi circuli, non ad Solis modò, vel stellarum motus certis numeris metiendos; sed etiam ad varios terrarum situs dignoscendos, ad ipsius demùm Geographiæ scientiam, obtineant. Cum enim ut cœlum, sic terram in longum, & latum liceat distribuere: in cœlo siderum ab æquatore distantias, quas declinationes vocant, beneficio meridiani circuli cognoscimus, eo quo dicemus alibi modo. Sed latitudo alicujus loci, vel urbis, nihil est quàm portio meridiani, inter æquatorem, & locum ipsum intercepta. Quare, qui sub æquinoctiali lineâ degunt, nullam habent latitudinem; maximam verò sortiuntur, qui longissimè ab æquatore, sub ipsis polis versantur: hæc Parisiis existit 48. gr. & 40. minutorum. Nam gradum in 60. minuta, & minutum in 60. item secunda partiuntur. Longitudo autem in ipso æquatore desumitur: est quippè æquinoctialis circuli portio, inter meridianum loci, ex. gr. Parisiorum, & alium meridianum, quem consensus hominum primum assignat, interjacens; is meridianus per insulas, quas Fortunatas vocant, duci solet. Quâ verò methodo, quâ arte longitudinem, aut latitudinem loci invenire liceat, dicemus ubi ad praxim Astronomicam pervenerimus. Astra in horizonte oriuntur, & occidunt: stellæ fixæ iisdem ferè in locis exoriri cernuntur.

*Zodiacum.*

*hic minuta  
signantur.*

Verùm Sol, & reliqua sidera, alio motu quàm diurno feruntur, qui illa nonnunquam in Aquilonem adducit, aliquando in Austrum abducit, atque per signiferum orbem, qui Zodiacus dicitur, quasi retro-aguntur. Hic sanè motus paululum obscurior est. Itaque zodiacum Sol intra annum spatium conficit, cuius polos ab utroque mundi cardine, vel æquatoris circuli polis diversos existere necesse est, ac tanto ab iis intervallo dissident, quanta est zodiaci ab æquatore declinatio maxima, hoc est, 23. gr. cum 30. Cumque intra annum Sol totum signiferum perlustrat, unoquoque die fermè unum gradum, atque unum signum intra mensem peragrat: in signa quippè duodecim zodiacus dispertitur, quæ duplici hoc versiculo continentur.

*Sunt Aries, Taurus, Gemini, Cancer, Leo, Virgo,*

*Libraque, Scorpius, Arcitenens, Capri, Amphora, Pisces.*

Hæc sunt totidem constellationum nomina, quibus quorundam animalium figuras assignant. Cum Sol ad principium Arietis pervenit, ubi zodi-

zodiacus æquatorem secat, tum motu diurno æquinoctialem delineat, ac dies nocti æquatur; quod horizon æquinoctialem in partes æquas dividat. Sed paulatim cursum suum ad Septentrionem inflectit, ac singulis diebus parallellos æquatori describit, quos horizon non amplius in partes æquales dirimit: major quippe eorum portio super horizontem incumbit.

Horum ultimus dicitur Tropicus Cancrī, quem Sol ineunte æstate describit. Illius maxima portio supra horizontem eminet, quod horizon per æquatoris, & omnium parallelorum polos non transeat. Quocirca illos in æquas partes non determinat. Hic quidem circulus Tropicus vocatur; tum enim Sol largâ luce eam terræ partem, quam incolimus, complet: dies artificialis, qui definitur mora Solis supra horizontem, est omnium longissimus; hæc demum est Solis velut meta, ultra quam progredi non potest: sed inde ad æquatorem paulatim revertitur, quousque exactâ æstate, cum principium Libræ attingit, circulum æquinoctialem diurno motu rursus describat, ac dies nocti libretur. Id est autumnī initium; ac jam deinceps Sol parallellos conficit, quorum pars major sub horizonte delitescit, quia polos eorum sub horizonte deprimitur. Illorum omnium postremus circulus, quem Sol motu suo absolvit, Tropicus Capricorni vocatur, quo peragrato ad æquinoctialem convertitur, ac circuitum suum complet, cum ad principium Arietis revertitur. Sic Sol cursum suum inflectens, tum ad Septentrionem, tum ad Meridiem, æstates, & hiemes efficit, atque ea duo tempora, quorum alterum hiemi senescenti adiunctum est, alterum æstati; illud ver, hoc autumnus dicitur. Quatuor igitur sunt præcipui cardines, in quibus mutationes temporum fiunt; duo æquinoctia, ac duo itidem solstitia. In his Sol aliquantulum in eadem statione perseverat; ita ut dies vel noctes, vix augeri, aut minui videantur: cujus adeo ratio paululum abstrusior est, ea tamen ex obliquitate zodiaci repetitur, ut suo loco reddemus. Quatuor illa puncta, quæ Cardinalia vocantur, sunt inprimis observanda. Hinc duo circuli maximi per illa ducuntur, quorum alter colurus æquinoctiorum, alter solstitiorum dicitur: ille per polos mundi & æquinoctiorum puncta; hic per maximos Solis ab æquatore excursus, seu per solstitia transit. Cum Sol alterum ex nodis æquinoctialibus obsidet, tum nullam habet declinationem; sed maximam obtinet, cum ad alterum tropicorum pervenit. In tropico quidem Cancrī, nostro vertici proximus est, in tropico Capricorni remotissimus. Declinatio autem illius citissime crescit propè puncta æquinoctialia, vix sensibilibiter augetur circa solstitia. Sed de his aliàs. Reliqui sunt in spherâ duo circuli.

*Per 6. &  
7. theor.  
Tropici.*

*Coluri.*

*Polares  
circuli.*

*Per 3. th.*

culi omnium minimi, quos motu diurno poli zodiaci describunt, hi Polares dicuntur, atque ab utroque mundi cardine 23. grad. & 30. distant, quanta nimirum est Solis maxima declinatio. Nam polum à circulo maximo, quadrantis circuli seu 90. grad. intervallo diffidere jam ostendimus. Unus ex omnibus sphaerae circulis zodiacus suam latitudinem donatur: non enim Solis modò, sed etiam cæterorum planetarum, qui nunquam à zodiaco desciscunt, circuitus exhibet. Sol autem à mediâ zodiaci lineâ, quam eclipticam vocant, nunquam deflectit, à quâ cæteri planetæ hinc & inde octo & amplius gradibus possunt aberrare. De circulis sphaerae, quàm potui brevissimè dixi, magis ut nihil omittere viderer, quàm ut vos quicquam docere præsumerem. Ubi pauca de diversitate dierum, & noctium addidero, totam sphaerae tractationem absolutam iri existimo, cui rei plerique alii non libros tantum, sed etiam ingentia volumina destinant; opus enim quaerunt. Ad rem igitur.

*De quinque  
Lævis.*

Totum terrarum orbem in quinque partes, quas veteres Zonas dixere, distribuunt. Primam quæ inter utrumque tropicum interjacet, torridam appellant: nam radiis solaribus ad perpendicularum vibratis adurit; hanc ex utraque parte excipiunt duæ mediæ, ac temperatæ, inter tropicos & circulos polares comprehensæ; harum alteram, quæ ad Septentrionem vergit, incolimus. Reliquæ sunt duæ frigidissimæ, quæ circulis polaribus concluduntur. Qui sub zonâ torridâ degunt, vix ullam dierum, & noctium diversitatem experiuntur. Nam qui in ipso æquatore verticem habent, iis dies omnes noctibus æquantur, ac sphaeram rectam habere dicuntur, quod æquator horizontem ad pares angulos dividat: uterque enim per alterius polos transit: neque opus est, ut vos admoneam eorum, quæ superius sunt demonstrata, circulum nempe, qui per alterius polos ducitur, cum ad rectos angulos dividere, atque omnes illius parallelos in æquas secare partes. Quocirca Sol tamdiu supra horizontem, quamdiu infra commoratur. Bis uno quoque anno eorum verticibus imminet; atque ad eam ætatem habent duplicem; nempe cum Sol ad æquinoctiorum puncta accedit. Circa solstitia Sol quàm potest maximè ab eorum vertice recedit. Iis etiam omnes stellæ oriuntur & occidunt: nam quæ sunt vel polis finitima, sub horizontem deprimuntur. Qui inter tropicum, & æquatorem versantur, jam aliquam dierum inæqualitatem obtinent, eo majorem, quo longius ab æquinoctiali discedunt: tum quippe horizon non amplius ad pares angulos æquatorem, neque illius parallelos in æquas portiones dispescit, cum per eorum polos non transeat. Umbras habent in omnem partem porrectas: Sol enim

*De nocti-  
um & die-  
rum di-  
versitate.  
Per 4. &  
5. theor.*

*Per 6. th.*



enim exoriens in occasum, ubi occidit in ortum; cum versatur in signis, quæ ad Austrum vergunt, in Septentrionem; cum denique existit in 6. signis, quæ inter æquatorem, & Septentrionem defleunt, umbras versus Austrum porrigit. Nullam verò umbram projiciunt corpora, ubi Sol eorum zenith in ipsâ meridie attingit, quod semel unoquoque anno evenit. Nos qui zonam temperatam incolimus, umbras in meridie semper in Septentrionem, nunquam in Austrum projiciamus, quòd Sol ad verticem nostrum nunquam perveniat, & ubicunque existit, magis ad Austrum vergit, quare in oppositam partem umbras dirigit. Contrarium usu venit iis, qui meridionalem plagam inhabitant, atque inter tropium Capricorni, & circulum polarem interjacent; his enim umbræ in ipsâ meridie ad Austrum tendunt, atque illis etiam hiems eo tempore, quo nobis æstas contingit. Utrisque dies sunt noctibus inæquales, & eo magis, quo longius recedunt ab æquinoctiali, quòd horizon æquatoris parallelos in partes magis inæquales dividat, quo polus magis super eorum horizontem attollitur. Hinc etiam terrarum in varia climata veteres distribuerunt. Clima vocant tantum terræ spatium, quantum satis est, ut maximus æstatis dies per semihoram varietur. Primum ergo sub æquatore constituitur; postremum sub altero zodiaci polo: ita ut 24. climata, non septem modò, ut veteres credidere, incolantur. Qui verticem habent in circulo polari, cum Sol ad tropicum Cancrì pervenit, tum diem artificialem 24. horarum obtinent; cum enim idem sit illis circulus horizon, qui zodiacus; nam ab eodem polo describuntur: ubi Sol principium Cancrì attingit, totus super eorum horizontem extat, nec sub illo delitescit. Sed si qui sint, qui verticem habeant sub ipso æquatoris polo, diem continuum sex mensium habeant necesse est; cum idem sit illis circulus æquator, & horizon: quamdiu Sol in sex signis, quæ ad Septentrionem declinant, versatur, tamdiu ab illis conspicitur, nec unquam, nisi toto vertente semestri, sub eorum horizonte deprimi-  
tur. De ortu, & occasu siderum solent hîc disputare, commodius in alium locum differemus. Piget profectò minutius diutius immorari,

*Quid sit  
ma terra.*



## CAPUT TERTIUM.

## De Splis theoriâ.

- I. *Quæ sit anni magnitudo definitur, ubi de emendatione anni Juliani. II. varii Solis motus, juxta omnium serè Astronomorum hypotheses explicantur.*

## Menander.



Nunc nisi fortè alienum est, planetarum Theoricas aggre-  
dere. Id mihi constat per esse paucos è Philoso-  
phorum turbâ, qui hanc materiam, ita ut par est, tra-  
daverint; Astronomi verò sic eam tradunt, ut sibi  
solis scribere videantur. Quotus enim quisque in-  
terpretis operâ non indiget. Quòd si totum Simpli-  
cium exculleris, mihi persuasum est, fore ut hanc sublimem scienti-  
am non Physicâ modò restituas, sed etiam pronam, & facilem omni-  
bus exhibeas.

*Simp.* Quàm vellem dluclidè mentis cogitata enunciare: id cùm  
in omnibus philosophicis disciplinis, tùm maximè in scientiis physico-  
mathematicis arduum est, quarum demonstrationes acriorem ani-  
mi contentionem postulant. Quo magis mihi veniam dabitis, si in re  
difficillimâ, quædam vobis subobscura videantur. Unde porro exor-  
diar, nisi à Sole, qui inter sidera principatum obtinet, ac cæterorum  
planetarum motus regit, qui diem noctemque, nec non vicissitudines  
anniversarias conficit? Ante omnia de anni magnitudine pauca per-  
stringam necesse est: hinc enim cætera, quæ dicturi sumus, quasi re-  
ligantur. Annum in civilem, & tropicum partiuntur. Civilem diver-  
sæ nationes diversum constituunt; alii ad Lunam annos describunt,  
cujus 12. menses, 354. dies & 8. horas cum 48. continent: sed de an-  
no lunari postea. Civilem itaque annum dicimus, qui ad popularem  
usum accommodatur. Ex eo genere est Julianus, qui diebus constat  
365. horis 6. quæ quidem horæ diem unum efficiunt, quarto quoque  
vertente anno; hic Bisextilis nominatur, quòd vigesimus quartus Fe-  
bruarii bis sexto ante Kalendas Martii eo anno usurpetur. Tropicus  
annus est tempus, quo Sol circuitum suum absolvit, atque cardine ad  
eundem revertitur. Non enim hoc nomen obtinuit, quòd ab altero  
solstitio annum veteres inchoarent: siquidem facilè est demonstrare  
cum Petavio *novas* non solum pro solstitiis, sed etiam pro æquinoctiis  
accipi. Sic igitur dictus est, quòd ab aliquo ex quatuor cardinibus  
inci-

*Quid an-  
nus civi-  
lis.*

*Quid tro-  
picus an-  
nus.*

incipiat. Jam quæ sit illius magnitudo, mirum quantum inter se digladiantur. Id unum constat, Julianum annum, cujus recipiendi Julius Cæsar Romanis auctor fuit, quemque ad usum suum Romana adhibet Ecclesia, paulò majorem, quàm par sit, existere. Ptolemæus quidem 300. Copernicus verò 130. annis uno die abundare existimat. Quocirca annus tropicus erit dierum 365 horarum 5. 49. Est igitur annus Julianus tropico major 11. ferè minutis. Hæc scrupula post multa annorum volumina effecere, ut æquinoctium vernum, quod tempore Concilii Nicæni 21. diem Martii obtinebat, post 1300. annos undecimum ejusdem mensis obsideret, ac decem saltem diebus anteverteret: cum Julianus annus in eodem loco consisteret, tropici initium post 130. annos versus principium mensis recurrebat. Hinc Gregorius XIII annum 1582. decem diebus multavit, jussitque ut dies quintus Octobris, illius anni decimus quintus haberetur: sic æquinoctia & solstitia suis locis restituit: quod certè permagni fuit momenti in ipsis festorum temporibus obfignandis, Nam Paschatis festum præstituto tempore celebrari non poterat, quod Judæis, & infidelibus nostri irridendi facultatem præbebat. Sentis, mi Theophile, quantum Astronomiæ cognitio ipsi Ecclesiæ profuerit. Jam ut in posterum quatuor cardines in suâ statione permaneant, jussit Gregorius, ut centesimo quoque anno unus dies bisextilis expungatur: & quia non 100. sed 130. ferè annis, Julianus tropicum uno die superat, statuit quoque, ut quadringentesimo vertente anno, dies bisextilis non præteratur. Summus itaque Pontifex certo quodam judicio, frementibus licet hæreticis annum emendavit, cavitque ne deinceps hic error minime contemnendus obreperet. Nunc ad Solis phænomena accedamus.

*Th.* Uberiùs ista quæso: non enim mihi constat, quâ ratione Ptolemæus, & Copernicus, & alia Astronomiæ lumina, solarem annum tam exactè defuerint.

*Simp.* Rem totam paucis dabo. Hipparcus Rhodius anno ab obitu Alexandri 177. circa mediam noctem diei ineuntis 27. mensis Septembris, æquinoctium autumnale; Ptolemæus anno 463. Alexandri, die 26. ejusdem mensis, idem quoque æquinoctium observavit. Inter utramque observationem anni Ægyptii 285. dies 70. horæ 7. 12. min. 12. intercedunt: atqui si annus foret dierum 365 & sex horarum, 71. dies, & sex horæ abundarent; ergo eo temporis intervallo defuit anno tropico horæ 22. & 48. hoc est 300. annis dies integer deficit. Eadem arte Albategnius conclusit tropico anno centesimam sextam unius diei partem deesse, Nam anno Christi 882. die Septembris

Anni Ju-  
liani e-  
mendatio.

Quæ rati-  
one anni  
magnis-  
do comper-  
fuit.

bris 18. æquinoctium autumnale observavit. Inter Ptolemæum & Albategnium interjacent anni 743. dies 178. cum tamen deberent dies 185. incedere. Itaque redondat annus Julianus, si Albategnio Arabi credimus, septem serè diebus in 743. annis: ita ut 106. annorum spatium, uno die abundet. Copernicus acerrimo vir ingenio, & Astronomiæ instaurator egregius, anno 1515. & 1516. idem æquinoctium observavit, & cum veterum observationibus suas comparans, deesse anno vertenti, seu tropico nonnunquam partem 116. aliquando 128. comperit: res est adeò lubrica, & incerta, ut tropici anni exacta magnitudo definiri prorsus nequeat. Tot enim occurrunt inter observandum impedimenta, partim ex visus deceptione, partim instrumentorum vitiis, vel denique ex ipsis refractionibus, ut mixtum non sit, si præstantissimi Astronomi aliquot minutis aberrent.


*Men.* Nec dum planè assequor, cur inter Hipparchi & Ptolemæi observata æquinoctia, anni ut vocas Ægyptii 285. & dies 70. interjaceant, cum tamen dies 71. intercedere deberent. Cur enim dies illi superfluant non video.

*Quid sit  
annus Ægyptius.*

*Simp.* Redè tu quidem interrogas: quid enim esset annus Ægyptius, & in quo à Juliano dissideret, exponendum mihi antè fuit. Julianus itaque annus semper ab eodem die, nempe à Kalendis Januariis ducit initium; cum Ægyptius principium habeat instabile, & defultorium; constat enim 365. diebus præcisè, neque ullo bisextili intercalatur. Hinc quarto quoque anno, die uno Julianum anticipat. Si hoc anno 1658. Kalendis Januariis incipiat; anno 1662. die 31. Decembris; anno 1666. die 30. ejusdem mensis, atque ita deinceps inchoabitur: adeò ut post annos 1461. illius ad Kal. Januarii fiat reversio. Quocirca hic annus Juliano minor est quartâ parte unius diei, & in 1000. annis 250. dies deficiunt. Hinc igitur liquet, cur non modò 285. anni Ægyptii inter Hipparchum, & Ptolemæum, sed præterea 70. dies numerentur. De civilis, ac tropici anni differentiâ, tum de utriusque magnitudine, hæc sint statuta. Sequitur ut varia solaris motus phænomena paulò diligentius contemplerur.

*Duplex  
Solis motus, orbis, & centri.*

Sol duplici motu orbis & centri agitur: motum quippe orbis matulæ demonstrant, quæ ab ortu in occasum spatio serè menstruo, totum Solis ambitum absolvunt. Circulus GPOG in superiori schemate Solem nobis exhibeat, cujus ecliptica sit GBH, maculæ à puncto G in C, tum in B, atque ita deinceps spatio 27. dierum deferuntur. Circa punctum B majores, ac celeritè promoveri videntur, quàm versus utrumque limbum, quòd ibi sub majori angulo cernantur. Sol quippe licet globosus existat, planus tamen apparet, & circulus, qui per medi-



medium Solem ducitur, quem eclipticæ nomine signamus, tanquam Disci solaris  
 recta linea accipitur. Sed si arcus æquales  $OI$ , &  $I H$  sumantur, his ecliptica  
 respondebunt rectæ lineæ in Solis diametro prorsus inæquales  $BD$ ,  $GBH$  recta  
 &  $DH$ , quarum  $BD$  est longè major. Nihil igitur mirum est, si ma- quidem no-  
 culæ propè centrum  $B$  velocius ferri videantur, licèt motu æquabili sed in Sole  
 promoveantur. Nullæ maculæ propè utrumque polum corporis solaris semicircu-  
 $P$ , &  $O$  visuntur: sed saltem  $45$ . graduum intervallo, hinc inde distant, lus est, nec  
 quòd Solis motus sit tardior versus polos, ac propè eclipticam con- facile exhi-  
 citator. Quidquid sint illæ maculæ, seu instar spumæ Soli innatent, beri potest.  
 quas tandem Sol ipse resorbeat, seu nubes à calore Solis sublata; ad Hic tamen  
 eas semper partes expelluntur, in quibus motus est concitator, ne per  $GOH$   
 que unquam circa polos  $P$  &  $O$  abripiuntur. Non etiam  $GBD$  lineam, eam expri-  
 mus.

vel illius parallelam circuitu suo delineant; sed hujus motus poli V, *Motus or-* & L ab eclipticæ solaris polis P, & O, septem vel circiter gradibus *bis annu-* recedunt. Quemadmodum poli zodiaci circa utrumque mundi cardinem motu diurno rapiuntur; sic motus menstrui macularum poli V, & L circa polos eclipticæ solaris P, & O, spatio fere annuo vertuntur. Quod quidem longo observationum usu compertum est: nam motus macularum curvilineus nunc sursum versus P, nunc deorsum versus O, convexitatem suam obvertit. Jam ad motum centri solaris annum revertamur.

*De motu* Annus, ut dictum est, conversione Solis finitur, ac 365. dierum, *centri an-* 5. horarum 49 min: absolvitur. Necesse igitur est, ut Sol singulis diebus 59. min. & 19. secunda, vel circiter in propriâ orbitâ progrediat. *nno,* Motum illum esse æquabilem, ac regularem, jam superius conclusum est. Sive enim cælum ab Angelis rapiatur, sive naturale, & intimum sui motus principium obtineat; motus ille non potest non esse æquabilis, cum causam habeat constantem, & æternam, cumque nullis obicibus retardetur. Nihilo tamen fecius, magna difformitas in hoc, ut in aliis motibus corporum cælestium apparet. Nam Sol juxta Ptolemæum quartam zodiaci partem à principio Arietis, usque ad principium Cancri spatio 93. dierum, decem horarum, & 24. minut. decurrit. Æstivalem verò portionem, quæ usque ad principium Libræ extenditur, diebus 93. horis 13. min. 36. peragrat: adeo ut in signis borealibus, diebus fere 187. immoretur; cum sex reliqua signa diebus 178. cum quadrante conficiat. Hæc sanè minus videntur eum uniformitate motuum cælestium convenire.

*Ptolemæi* Quo igitur ea difformitas ad certam redigatur æqualitatem; *hypothesis* ponit Ptolemæus Solem moveri in circulo nobis excentrico, in quo *per circum-* æquis temporibus, æqua spatia conficit; quanquam nobis extra illius *ex-* circuli centrum constitutis, motus solaris non parum inæqualis appareat. Rem totam ponam ob oculos. Sit circulus DCD centro M *centrum,* descriptus, in quo Sol singulis diebus 39'. & 19". decurrat. Sit mundi centrum in quo stamus S, principium Arietis T, initium Libræ I. Itaque recta linea IST zodiacum in duas partes æquales, Solis verò excentricum in portiones penitus inæquales dirimit; majorque est TCI, quàm TEL. Ergo majus temporis spatium Sol insumet, in peragranda portione TCI boreali, quàm in reliqua parte IET. \* Punctum C, quod longissimè à terra abest, Ptolemæus Apogæum vocitat: ibi Sol tardissimè ferri videtur, quæ enim longius à nobis distant, tardius moveri apparent: ut manifestum est in volatu avium, qui principio lentissimus, deinde cum capitibus nostris imminet, citissimus

cen-

\* Licet enim intelligere zodiacum centro S descriptum, quanquam hunc non expresserimus.





comperit, atque hinc quanta esset excentricitas  $MS$  geometricis demonstrationibus investigavit, quod quâ arte compererit, dicetur à nobis, ubi ad partem Astronomiæ practicam pervenerimus. Credidit itaque excentricitatem  $MS$  esse vigesimam quartam ferè partem radii  $MC$ , atque apogæum Solis esse immobile existimavit. Rem aliter se habere, atque apogæum secundum signorum zodiaci seriem, seu, ut loquuntur, in consequentia paulatim promoveri, recentiores compererunt. Quod enim Ptolemæi tempore sextum Geminorum gradum obtinebat, Copernicus ad sextum grad. Cancrî pervenisse deprehendit.

*Secunda  
hypothesis.  
per circel-  
lum, qui  
epicyclum  
vocatur.*

Ptolemæus quidem per excentricum circulum solaris motus anomaliam, seu inæqualitatem explicat, eamque alii æquè commodè per epicyclum exponi posse putant. Sit enim centrum mundi  $M$ , à quo Solis orbita describatur  $DBD$ . Ponamus epicyclum  $HFH$ , cujus centrum spatio annuo zodiacum  $DBD$  perlustrat, eâ lege, ut cum centrum epicycli erat in puncto  $C$ , tum Sol supremam partem epicycli  $H$  obtineret. Promoto quidem epicyclo ad punctum  $D$ , ubi quartam sui circuitus partem confecit, Sol eodem tempore, & æquali motu ad punctum  $G$  perveniet. Supponimus quippe eodem prorsus tempore Solem suum epicyclum percurrere, quo centrum epicycli zodiacum peragrat, sic tamen ut Sol in epicyclo contra successionem signorum, atque ut loquuntur in præcedentia ab  $H$  per  $G$ , in  $F$  deferatur. Cum igitur centrum epicycli punctum  $E$  obtinebit, tum Sol in  $F$  nobis proximus existet, atque eadem prorsus, quæ in excentrico evenient, cum radius epicycli  $HD$ , æqualis excentricitati  $MS$  supponatur. Ubi Sol in utraque abside, seu apogæo, vel perigæo consistet, tum medius seu æquabilis motus, ab apparente, seu vero neutiquam dissidebit. Medium verò motum dicimus, quem centrum epicycli describit, hunc inæqualem reddit alius Solis motus in epicyclo, qui ubi ad  $D$  pervenerit, tum utriusque motus maxima differentia futura est. Sol quippe existet in  $G$ , medius motus erit  $CD$ , verus seu apparens  $CG$ , differentia utriusque  $DG$ , seu angulus  $DMG$ , quem prosthaphæresim maximam Ptolemæus, maximam æquationem recentiores dicunt: æquatio enim est differentia veri, & medii motus. Ex iis liquet, eadem omnino phænomena per epicyclum, ac per excentricum explicari: nam hi duo motus epicycli in zodiaco, & Solis in epicyclo, seorsim quidem sumpti sunt æquabiles; simul juncti motum apparentem penitus inæqualem exhibent. Hinc Sol apogæum occupans contrariis motibus in diversa trahitur. Nam in epicyclo ab ortu in occasum, seu in præcedentia, centrum verò epicycli ab occasu in

*Quid sit  
medius  
quid verus  
motus,  
quid æ-  
qualis.*

ortum

ortum, seu in consequentia nititur. Ex illâ veluti pugnâ tardio-  
rem motum sequi necesse est. Sed cum in perigæo versatur, & centrum  
epicycli, & Sol ipse in epicyclo, in easdem partes conspirant: quare  
hic celerior erit motus. Hinc faciliè colligitur, Solem in sex signis,  
quæ ad boream declinant, diutius, quàm in reliquis australibus com-  
morari.

Sol igitur iis motibus cietur. I. Ab ortu in occasum quotidianâ  
vertigine abripitur. II. Sub zodiaco ab occasu in ortum spatio an-  
nuo circumducitur, sive in excentrico, sive in epicyclo, nihil mo-  
ror. III. Illius apogæum in consequentia motu tardissimo defertur, ut  
nihil loquar de duplici motu orbis, tum menstruo, tum annuo.

Copernicus tres alios motus non quidem Soli, sed terræ (quod *Alii Solis*  
eodem recidit) assignat. Primum, aliam esse excentricitatem Solis, *motus ex-*  
quàm tempore Ptolemæi existimat. Tum enim vigesima ferè quarta *mente Co-*  
pars fuit totius radii M C, sed successu temporum paulatim imminu- *pernici,*  
tam esse, ex suis & Arabum observationibus deprehendit: adeo ut 1. *Excen-*  
nunc temporis vix trigesima pars existat. Quare centrum excentrici *tricitatis*  
Solis M, in parvo circulo M P M tardissimo motu circumagi putat. *variatio.*  
Quod si terram in puncto A sitam esse intelligamus, excentricitas  
maxima fuit circa tempora Hipparchi, A P & centrum orbitæ Solis  
in P, minima tempore Copernici, A N centro excentrici ad punctum  
N delato.

Declinatio Solis maxima sensim quoque imminuta est: nam ab 2. *Varia-*  
Hipparcho deprehensa fuit 23. grad. & 52'. ab Albategnio 23. grad. *tio obliqui-*  
38'. à Copernico 23. grad. 18'. nunc demum 31. gr. 30'. invenitur. *tatis zodi-*  
Quod quidem ut explicet recentiores decimam, & undecimam sphæ- *aci,*  
ram commenti sunt, ac si Deo placeat, brevi novum aliquod cælum  
excogitabunt. Copernicus orbitam terræ à Septentrione in Austrum,  
hinc inde librari putat, ut ab H ad F, adeo ut aliquando in H, ali-  
quando in F post longam annorum seriem excurrat, neque H D F  
amplius quàm 24. minuta complectitur. His sunt enim maximæ, & mi-  
nimæ declinationis velut extremi limites.

Postremo, æquinoctia non iisdem in locis fixa permanere, atque 3. *Antici-*  
anni magnitudinem non esse constantem observarunt Astronomi: ita *patio a-*  
ut æquinoctia hinc inde motu quodam librationis ab ortu in occasum, *quinoctio-*  
& vicissim fluctuent. Æquinoctium autumnale sit in puncto D, post-  
quam aliquot annos excurrat in G, tum revertetur in D, atque hinc in I  
deflectetur: sic ut uno gradu 14'. 16". à medio æquinoctio D possit e-  
vagari, illiusque periodus H G H annis 1717. absolvatur. Motus ob-  
liquitatis zodiaci seu maximæ, & minimæ declinationis duplo tar-  
dior

dior existit ; huic æqualis est motus centri M in parvo circulo M M P.

*Opinio Copernici rejicitur.* Ignoscant mihi Astronomiæ principes, si nullam fidem eorum observationibus adhibeam. Quid enim ? adeone exactè siderum loca, ac statas periodos definire potuerunt, ut aliquod minorum error non irrepserit ? Solæ refractiones à veteribus Astronomis neglectæ, minus accuratas, & suspectas eorum observationes reddunt. Copernicus ipse tamen adeo religiosè motus cœlestes persequitur, in explorandâ tamen altitudine poli Frueburgensis, si Tycho credimus, non parum hallucinatus est : eam quippe statuit 54. gr. & 19'. Tycho verò illuc misit discipulum cum sextante ( id est instrumenti nomen ) ac reperit in eâ civitate polum 54. gr. 22'. elevari. Hincque natos esse Copernici errores circa Solis motum, acerrimè contendit. Declinatio quippe Solis maxima esse debuit 23. gr. 31'. cùm Copernicus suppositâ minore poli altitudine, illam 23. gr. 28'. constituat. Hæc erunt planiora, ubi Astronomiæ praxim exponemus. Quocirca verisimillimum puto, nec Solis excentricitatem, nec æquinoctia, nec demum zodiaci ipsius obliquitatem, vel declinationem maximam variari : sed omnis illa diversitas ab observationum defectu ducitur.

*Th.* Hic vetus illud proverbium usurpare liceat ; habeo quos fugiam, quos sequar non habeo. Quod si res mei arbitrii foret, explosis omnium Astronomorum sententiis, unum duntaxat motum sideribus concederem, ut tu ipse nos superiùs monuisti : omnia quippè ab ortu in occasum feruntur : sed stellæ fixæ celerius suas revolutiones conficiunt ; planetæ eò tardius, quò longius à stellis recessere. Luna nobis finitima tardissimo motu convertitur ; unde in ortum celerimè regredi apparet, Sol igitur spatio 24. horarum, non totum circulum, sed tantum 359. gr. vel circiter peragrat, ac singulis diebus non circulos integros, sed spiras delineat, eò majores, quò æquinoctiali circulo sunt viciniore. Motus verò spiralis ex duplici motu recto scilicet, & circulari componitur, ut videre est in cochleis, quæ in orbem circumductæ, pondera sursum attollunt. Quo major est motus rectus, eò spiræ sunt laxiores. Contrà ubi circularis motus rectum superat, spiræ sunt confertiores : Illud licet cernere in funiculo circa digitum vel baculum involuto : nam ubi evolvitur, non circulos, sed spiras delineat, tanto majores, quanto radium habent longiores ; adeo ut ultima sit omnium maxima. Quid igitur obstat, quominus Solis motum ex circulari ab ortu in occasum, & recto à Septentrione in Austrum, seu à tropico ad æquatorem, compositum statuamus ?

Ea certè est circularis motus conditio, ut naturaliter neque accelerari, neque retardari possit; secùs vel in immensum cresceret, vel in infinitum minueretur. Contrà accidit in motu recto, qui nunquam est uniformis, & sui similis, sed paulatim intenditur, aut remittitur, ut ex motu rerum gravium constat. Itaque Solis motus ab ortu in occasum semper est æquabilis, & uniusmodi; rectus à tropico Canceri ad æquatorem sensim crescit, atque ab æquatore ad alium tropicum minuitur: nec citiùs minores spiræ quàm majores absolvuntur. Idem propè usuvenit, atque in calamo volatili, cui duo motus competunt; alter centri & rectus; alter orbis, & circularis: quantò ille major est, tantò hic debilior existit. Calamus quidem de motu centri, seu progressivo plus obtinet; pennæ verò in orbem gyraunt, & calami motum sistunt, eodem tamen tempore calamus, & pennæ suos orbis, aut potiùs spiras absolvunt. Sed vereor ne in re ludicrà seriò desipiam. Id unum volebam, rectum modum circulari nonnihil repugnare: tametsi non sunt duo motus, sed duæ determinationes, quarum una alteram castigat, & impedit. Quòd si declinatio Solis maxima, excentricitas, & anni magnitudo, huc usque aliquantulum imminutæ fuerint, id certè accidit propter motum rectum, qui sensim minui potest; non item circularis, qui constans est, & perpetuus. Hinc facilè accedo sententiæ doctissimi Fabry, qui censet sidera impetu ab Auctore naturæ impresso cieri. Id enim aliàs ostendimus motum omnem corporum ab impetu dimanare. Impetus verò ille sideribus impressus non exstinguitur, quia non est inutilis: nihil porrò destruitur, nisi quòd frustra existeret: ut calor frigus perimit, quòd frustra esset frigus, ubi summus calor est, Quòd si turbo propter impetum à puero impressum, tamdiu in glacie torquetur, & tot millia gyrationum agit; quid de impetu sideribus impresso existimare par est, ubi nihil adversatur? An necesse est ad motrices intelligentias confugere, ubi principium naturale, & intrinsecum in promptu est? sed quâ ratione hunc impetum Sol accepit? non abhorret à verosimili Solem in apogæo, ac tanquam in summâ epicycli abside conditum fuisse, ita ut motu recto, & accelerato, eam velocitatem, quam nunc obtinet, acquisiverit. Quemadmodum si globus ex aliquot pedum altitudine in planum exquisitè politum decidat, inter descendendum comparabit impetum, quo satis diu in plano volvetur. Quòd si terra foret lævis, & tersa instar sphæræ crystallinæ, nescio an globus in illam impactus motum suum unquam sisteret. Quid enim productum impetum destruat? Sic funependulum, seu plumbum funi appensum semel agitatum, vibrationes suas, sive itus,

Opinio P.  
Fabry.

ac reditus nunquam intermitteret, nisi moles æris, ac funis gravitas obssisterent. Rota denique, quæ ad perpendicularum horizonti insistit, semel mota non cessaret, nisi attritus, vel collisio partium hunc motum paulatim infringeret. Quid igitur dicturi sumus de motu siderum, quem nulla partium collisio, nulla corporum resistentia, vel gravitas imminuit? Quocirca Sol unico quidem motu, ex triplici tamen composito cietur: duo sunt recti, alter declinationis à Septentrione in Austrum, qui quatuor anni tempora dispensat; alter ab apogæo in perigæum, quasi deorsum tendens; tertius denique est circularis, qui dies noctesque efficit. Declinationis motus, apogæi motu aliquantulum celerior est: hinc apogæum quasi in consequentia ferri nobis apparet. Hæc sanè mihi verisimilia videntur, tametsi scio me in alieno foro peregrinari, atque extra territorium jus dicenti posse non pareri.

## CAPUT QVARTUM.

### De Lunæ theoriâ.

*I. Corpus lunare non esse tersum & politum, sed asperum & terræ simillimum. II. Lunam collustrari lumine à terrâ reflexo, & eandem terram subire phasæ, quas in Lunâ deprehendimus. III. In corpore lunari, ut in terra montes assurgere, valles deprimi, lacus & maria diffundi. IV. De Lunæ influxibus, de mense atque aliis, quæ ad calculum Ecclesiasticum pertinent, agitur. V. Lunares motus juxta omnium ferè Astronomorum hypothèses explicantur. VI. De Solis & Lunæ defectibus multa speculatione digna proponuntur.*

### Simplicius.



Horte ita est ut dicis; quique rem, ut physicum decet, seriâ æstimatione perpenderit, facilè tuæ opinioni accedet, atque omnes epicyclorum rotas, vel motuum varietates è cælo depellet. Sed veniet Astronomus, qui te dicat desipere; neque ullâ ratione statas siderum periodos definiri, vel phænomena explicari posse, nisi multiplici motu, tum Sol, tum etiam planetæ deferantur. Quis motus cælestes certis numeris persequi queat, nisi circulares eos esse constituerit? quod in Lunâ longè evidentius liquet. Hæc enim unâ cum



cum reliquis sideribus diurnâ conversione abripitur, ac motu sibi proprio menses efficit. Aliquando longius abest à terrâ, nonnunquam viciniôr est, ut nihil dicam de motu latitudinis, quo ab eclipticâ, seu Solis viâ, modò in Austrum, modò in Septentrionem deflectitur. Imo non eodem tenore, sed aliquando tardiùs, nonnunquam celerius promovetur. Verùm antequam de horum motuum diversitate tractare aggrediar, quid mihi de naturâ corporis lunaris videatur, explicabo brevi.

Pulchrè quidem Beda Lunam terram ætheream esse arbitratur. Non enim corpus est instar speculi læve, ac politum, ut sibi fingunt plerique Philosophi. Corpus quippe tersum, ac politum unicâ superficie continetur; quare ab uno puncto in unum duntaxat locum radios luminis reflectit. Soli convexum speculum exponere, id nonnisi in unam partem lucem regeret: quòd si quis in eo loco consistat, vix luminis reflexi fulgorem sustinebit; extra hunc locum existenti speculum obscurum, ac subnigrum appareat necesse est. Non ergo Luna *Corpus lunare esse* sub visum cadet, si sit instar speculi polita; cumque ex omni parte sub obtutum veniat, corpus obtinet innumeris superficiebus asperum, & *asperum,* inæquale. Hoc igitur habet Luna cum terrâ commune, quòd utraque *non ter-* magnâ inæqualitate partium, & opacitate donetur; adeo ut singula *sum & la-* puncta in omnes partes radient, nec minùs Luna à telluris globo, *ve.* quàm vicissim terra à corpore lunari collustratur. Quòd si quis ex editissimo monte terram aspiciat, eam certè non tenebrosam, sed splendidam, & fulgentem contuebitur. Quid, si totum terrarum orbem intueri liceret? unde obsecro lux illa debiliôr, quæ per Lunæ silentis, ac novæ orbem dispersa conspicitur? Non enim modò extremus Lunæ circulus micat, sed tota etiam facies, quæ nobis obvertitur, hac tenui luce aspergitur.

*Th.* Ratio in promptu est: Luna quippè proprio sibi, & congenito gaudet lumine, quod non modò in noviluniis, sed etiam in mediis eclipsibus prodit. Tum enim luce solari destituta, rubro, & terribili quodam colore infecta cernitur.

*Simp.* Sit ita sanè, Luna proprio fruatur lumine, quod nunc non *Lunam à* discuto. Jam cedo, cur lux illa, quâ pars Lunæ tenebrosa perfunditur, sit maxima, cum Luna viciniùs Solem petit, ac tenuiter est *terra non-* falcata; cur Lunâ crescente paulatim minuitur: sed ni fallor, cum nocte *nihil illu-* intempestâ oritur, ac longius à Sole discedit, multo clariùs hanc lucem debiliorem contueri liceret. Non ergo lux illa est Lunæ insita, sed mutuatitia tantùm existit, atque à terrâ reflectitur: easdem enim (si fortè nescis) phases terra subit, quas Luna, nisi quòd silente Lunâ, *strari.*

*Phases Luna  
na & terræ  
similes.*

globus terrestris pleno orbe lucet & è contrâ. Tum verò nobis nova, vel sitiens videtur Luna, cùm inter Solem, ac terram interjacet: sic enim Sol partem Lunæ nobis averfam irradiat: sed cùm Soli opponitur, tum hemisphærium Lunæ nobis conspicuum illustratur. Luna silens unâ cum Sole oritur, & occidit: in pleniluniis Sole occidente oritur. Cumque Luna celerius versus Orientem promoveatur (circuitum enim suum spatio inenstruo perficit) secundo à novilunio die, tardiùs Sole occidit, atque ita deinceps: unde jam sinuatur in cornua, eaque in Orientem dirigit. Ex Lunæ quippè hemisphærio nobis obverso, jam aliquam partem Sol irradiat, atque à nobis tum cava cernitur, quousque medio orbe luceat; tum enim partis illustratæ, & tenebrôsæ confinium in rectam ferè lineam porrigitur. Cumque circa mediam noctem super horizontem emergat, lux illa, quam Lunâ insitam, & congenitam esse arbitraris, vix percipitur: adedò ut Lunâ gibbosâ existente, atque ad plenum orbem antecedente, pars tenebrôsâ, hac tenui luce nequaquam perfusa videatur. Unde hoc? nisi quòd novâ existente Lunâ, tum telluris facies Lunæ obversa lumine compleatur. Quòd si enim aliquis à lunari corpore terram spectaret, totum hemisphærium à Sole collustratum intueretur. Lunâ crescente terra veluti senescit; ita ut in plenilunio iis, qui in Lunâ degerent, terra sitiens appareret. Quid igitur mirum, si crescente Lunâ, lux à terrâ emendicata paulatim minuatur? Imò longè clariùs senescente Lunæ, biduo aut triduo ante utriusque luminaris congressum, quando Luna manè cadit sub obtutum, id lumen conspicitur, quàm post novilunium, quando nempe post Solis occasum Lunam contuemur: tum enim lumen excipit à parte telluris orientali, ubi terræ est plurimum, aquæ perparum: totam enim Asiam ea plaga complectitur. Sed ubi Luna sit occidentalis, totum mare Atlanticum respicit; hinc parciore luce perfunditur. Abundè ergo ex iis, quæ diximus, judicatum est, Lunam, & terram sibi mutuas operas tradere, atque unam ab alterâ collustrari; easdem prorsus habere phases, ejusdem esse naturæ. Non enim Luna corpus est pellucidum, sed opacum, solidum, & inæquale. Quod primus omnium demonstravit Plutarchus, ex eo maxime, quòd partis lucidæ, & tenebrôsæ confinium non sit rectæ lineæ simile, sed lacèrum, & discerptum. Hinc manifestè probat corpus lunare non esse politum, & læve, sed asperum & inæquale. Addit etiam ibi & maria, & lacus, & montes, & insulas existere. Argumentum dabo, si fortè dubitas, certissimum. Quid enim sunt ingentes illæ maculæ omni ævo cognitæ, quæ obscuriores apparent, nisi quædam maria vel paludes, quæ Solis lumen non regerunt, sed ferè extinguunt, & absorbent?

unde

*Lunam  
esse monti-  
bus aspe-  
ram,*

unde per has maculas umbræ sectio traducta, planissima est, & æquabilis; ac partes etiam littorales recedente, vel accedente Sole, tardius quàm subjecta maria illustrantur, & quasdam dilutiores umbras in partes oppositas projiciunt. Multa præter cæteros addit Gassendus, inprimis longas series umbrarum plerumque nigrescere. In iis quoque maribus esse quasi vada, vel scopulos candidiores. Quid etiam esse possunt innumerabiles maculæ, quæ tubo optico, non solum in eâ quæ illustratur, sed etiam in tenebrosâ parte deprehenduntur? cùm enim umbras in adversam Solis partem densissimas projiciant, cumque illarum juga sint illustriora, quàm partes depressiores, nihil aliud esse possunt quàm montes: nam umbræ Lunâ crescente paulatim minuuntur, quousque in plenilunio penitus evanescent. Idem videre est in montium jugis, quæ Sol exoriens irradiat, horum quippe umbræ sensim deerescunt, donec Sol ad Meridiem pervenerit: tum enim vel nullæ sunt, vel minimæ: inclinato Sole, augentur, atque in oppositam partem porriguntur. Sic pars illa maculæ, quæ crescente Lunâ obscurior fuit, senescente illustratur; quæque antè lucidior erat, jam apparet obscurior. Quare eadem redeunt umbræ, sed in contrarias partes diriguntur. Observat etiam Gassendus varietates terrarum (ut ita loquar) silvarum, stagnorum, & similia diversum alborum creare, & in medio Lunæ disco areas quasdam ex ordine humilioribus collibus obseptas videri. Sunt item profundiores valles, quæ in pleniluniis multum candidæ, Sole verò accedente, vel recedente obscuriores apparent. Est insignis versus Orientem cuspis, quâ illustratâ nihil est candidius; sic aliæ sunt partes adeò lividæ, & pallescentes, sive sint lacus, sive tractus terræ nigrioris, ut nullâ luce candidiores videantur.

*Th.* O delirationem incredibilem! non enim omnis error stulti-  
tia est dicenda. Exspecto ut cum Xenophane habitari in Lunâ doce-  
atis, eamque esse terram multarum urbium, & montium. Quid enim,  
si in Lunâ paludes, maria, & continentes existant, necesse est ut plu-  
viæ & nubes identidem Solis calore evehantur, quæ Lunam subinde  
occultabunt, eamque aspectui nostro subducent. Crassiori quoque  
aëre, & veluti atmosphærâ instar terræ vallabitur. Id si ita esse fate-  
beris, fateare simul necesse est, Lunam in proprio loco observari nun-  
quam posse. Nam præter cætera obstabunt refractiones, quæ Lunam  
semper ultra quàm par sit altam exhibebunt. Facebant igitur cum  
istis portentis Astronomi: profectò hoc genere hominum nihil est  
arrogantius.

*Simp.* Luna non sit terra, sed quiddam terræ simile; nulla in corpore lunari aqua restagnet; sed quiddam mari analogum; non sint in Lunâ montes; sed partes duntaxat quædam aliis elatiores assurgant, quæ certè sub obtutum cadunt: nec demonstrationis fides major aliundè esse possit. Sic velut scopuli vel insulæ è maculis nigrioribus, & perpetuis, atque in mediâ planitie quasi rupes attolluntur: ibi & aræ visuntur, in quarum meditullio assurgunt monticuli. In parte tenebrosâ quot puncta lucidiora conspiciuntur, quæ paulatim augmentur, cum Luna impletur lumine. Jam ubi tenuissimè est falcata, nonnullæ partes lucidæ prope cornua visuntur ab ipso margine sejunctæ; hæ forsitan nihil sunt quàm montium cacumina à Sole collustrata. Est quædam macula à cæteris sejuncta, quam idcirco mare Caspium vocitant, quæ aliquando extremo margini vicinior est, nonnunquam remotior; sive Luna aliquo librationis motu agitetur; sive propter diversos Solis aspectus, & varios in zodiaco situs, id accidat, An ideo in Lunâ habitari putem? nihil potest dici inconsideratius; quòd si zona torrida vix incolitur, quid de Lunâ existimare par est? nam totos quindecim dies eidem Lunæ hemisphærio Sol incumbit.

*Nullos esse  
in corpore  
lunari in-  
solas.*

An si quæ sint plantæ, vel animantes, non exurentur? eumque Luna s. duntaxat gradibus ab ælypticâ, hinc inde excurrat; vix decem gradus minimam inter & maximam Solis altitudinem meridianam intererunt: cum nobis Sol æstate 47. grad. altior existat, quam hieme: hinc dierum, & noctium inæqualitas, & quatuor anni temporum vicissitudo. At in Lunâ dies dimidium mensam contineret, atque intra mensam Sol totum zodiacum perlustrare videretur. Quocirca minùs absurdè quis fingeret hunc locum lustrandis animabus destinari. Quamquam id quoque divinare est; & magno conatu magnas nugas ago, qui in his resellendis tempus impendat.

*De Luna  
influxi-  
bus,*

Nihil quoque ut puto necesse est hîc de Lunæ in hæc inferiora influxibus disputare. Quis enim ignorat Lunam crescentem corporibus humorem affundere, quem senescens quasi resorbet? unde qui interlunio nascuntur, vel concipiuntur, imbecilliores esse solent, præ humoris defectu. Hinc docet Plinius, quòd omnia, quæ cæduntur, earpuntur, tenduntur, innocentius decresciente Lunâ, quàm crescente sunt: adeo ut utilissimè in coitu luminarium sternantur ligna. Nam quæ crescente Lunâ dejiciuntur, præ nimio humore fabricis minùs apta sunt: quæ igitur vis ut sicca permaneant, ea deficiente Lunâ colligas; quæ humidiora cupis, ea crescente Lunâ conficias. Quare purgatio optimè instituitur in plenilunio, quòd tunc corpora laxiora existant, ac sicciora semina longè oportunius in plenilunio terræ mandantur,

dantur. Post plenilunium utilius metitur quàm feritur. Omitto conchyliis, oſtreisquè omnibus contingere, ut cùm Lunâ crescente pariter, pariterquè decreſcant; ac corpora noſtra uberiore ſanguinis copiâ perfundi, Lunâ tumente, quàm cùm ſitiens exiſtit; aut denique formicam interlunio ceſſare. Hæc quippe nimis trita ſunt, & vulgata. Utrum æſtum maris reciprocum motus Lunæ moderetur, alio loco excutiendum erit. Atque hæc, ut ego arbitror, veteres rerum magis eventis moniti, quàm ratione ducti probaverunt. Non enim fortaiſſe Deus nos iſta naturæ arcana ſcire, ſed his tantummodo uti voluit.

*Men.* Quantum ego conjecturis aſſequi poſſum, idcirco Lunâ crescente corpora ſublunaria humidiora ſunt, quòd radii ſolares in Lunæ maculas, quas nihil eſſe quàm aquas dixiſti, impingantur, & ad nos uſque reflexi rebus omnibus humorem affundant, ac proliſci exiſtant. Eſt quippe lunaris humor quaſi fermentum, quo humidiora corpora ſolvuntur. Radii ſolares per aquam trajecti vermes, & alia id genus procreant. Nihil igitur mirum, ſi iidem radii à lunari- bus maculis huc uſque repercuſſi, tantam rebus terrenis fœcundita- tem impertiant. Luna igitur multos humores excitat, corporum po- ros laxat, & aperit, unde ægris multum obeſſe, vel prodeſſe perhibe- tur. Ptolemæus quidem Solem vitalis potentiæ, Lunam verò faculta- tis naturalis fontem eſſe exiſtimat: illius quippe lumen calidum eſt, & vivificum, Lunæ autem humidum. Nec dubito, quin ex Lunæ va- riis coloribus tempeſtates facilè prænuntientur. Hinc pallida Luna pluit: vapor enim plurimus hunc Lunæ pallorem conciliat: rubicun- da ſtat, quòd multa exhalatio interjacens radios luminis, ſi tibi cre- dimus, mi Theophile, interrumpat, ac Lunam rubeo colore tingat: ſic enim flamma fumo permixta, ſubruba videtur. Alba ſerenat: tum quippe vel nulli, vel pauciſſimi vapores illam obſcurant: nullâ quoque exhalatione aër inſicitur. Sed parum eſt Lunam eſſe tempeſtatum in- dicem, niſi ſit & cauſa, quod ipſa comprobât experientia. Plinius oſtonis ſcrè annis, vel centeſimâ revolvente ſe Lunâ, non modò æſtu- um maris, ſed etiam ventorum, ac tempeſtatum varietatem contineri arbitrat; quòd utrum verum ſit, ipſe viderit. Illud verò eſt ſimilius, æſtate Lunam ſilentem eſſe calidiſſimam, plenam verò gelidam exi- ſtere: contrâ hieme interlunium friget, plenilunium tepidius exiſtit. Ratio in promptu eſt. Luna quippe æſtate cùm ſilet, in eodem cum Sole gradu moratur; quare ad verticem noſtrum quàm proximè ac- cedit: ſed plena longiſſimè abeſt à Sole, ac circum tropico Capri- corni finitimum motu diurno deſcribit. Hinc ſolet eſſe frigiduſcula, ſecus hyeme uſuvenit, contrariam ob rationem; nam interlunio lon-

longissimè abscedit, à nostro vertice: hinc & gelidior existit. Cùm plena est lumine, nobis est finitima: unde & calore suo noctem tepidiorem efficit. Hæc quidem omnibus in ore versantur: neque tamen indigna esse puto, quæ à Philosopho diligenter excutiantur. Nunc nisi quid tibi aliter videatur, de variis Lunæ motibus quàm dilucidè poteris, nobis ediffere.

*Quid periodicus,  
quid synodicus  
men-  
sis.*

*Simp.* Discedam igitur parumper à Physicâ, ad quam mœx revertar; neque enim multum me delectat Astronomica illa subtilitas; sed tibi mos gerendus est, & rem satis arduam paucis expediam. Quemadmodum Sol circuitu suo annum, sic Luna mensē conficit, qui periodicus est, vel synodicus; ille nihil est quàm temporis intervallum, quo Luna integram revolutionem absolvit, ac diebus 27. horis 7. min. 43. sec. 7. perficitur. Synodicus verò est spatium, quod inter duo novilunia intercedit, constatque diebus 29. horis 12. min. 44. sec. 3. cùm enim Luna suum orbem peragrat, Sol interim circiter 27. gr. in zodiaco promovetur. Quò igitur Luna eum assequatur, duos dies, & aliquot horas infumit. Mensis itaque synodicus is est quem definivimus; tametsi illa minuta soleant negligi, ut ad usum popularem adhibeatur; quare menses alternis 29. & 30. diebus constant. Quæ superflunt scrupula in horas colliguntur, donec post aliquot annorum volumina, unius diei summam efficiant. Hic mensis duodecies repetitus lunarem annum producit 354. dierum, 8. hor. 48'. 38". ita ut solari anno diebus undecim, vel circiter minor existat, qui tertio quoque anno intercalantur, atque annum 13. mensium lunarium efficiunt. Dies aliquot abundant, qui certis annis accrescunt; adeò ut post 19. annorum circulum, septies intercalare oporteat; tumque lunaris anni solaribus satis accuratè exæquantur. Hæc est periodus Metonica, decemnovalis, seu *διεκάκαινετος* adeò decantata, vel cyclus aureus à Metone excogitatus, qui Græcis sic placuit, ut in foro cujusque urbis insignioris præfigeretur. Quocirca novilunium hoc anno 1658. in quintum Martii incidit; exactio 19. annorum circulo, hoc est, anno 1677. in eundem prorsus diem incurret: cujus rationem, & calculum paucis absolvit Petavius hoc modo. Anni 19. solares, 6939. dies, 18. horas complectuntur, seu menses 238. continent: totidem anni lunares constant 6732. hor. 23. 24'. 5". seu mensibus 228. His igitur defunt septem menses, qui certis annis intercalantur; scilicet dies 206. horæ 17. 8'. 22". quos si 6732. diebus addideris, jam 6939. dies, 16. horas, 32'. 27". seu 235. menses obtinebis: quare cyclus Metonicus minor est 19. annis Julianis, unâ ferè horâ 27. min. 32". Non igitur præcisè ad eum locum Luna revertitur,

*Cyclus decemnovalis.*



tur, sed horâ ferè cum semisse antevertit. Quod quidem discrimen neglectum fuit: atque à tempore Nicænæ Synodi post 1300. circiter annos, jam quadriduo novilunia anticipabant, quòd noviluniorum, & pleniluniorum calculos, Paschatis, & festorum mobilium loca omnino turbabat; sed ut suprâ monuimus, Gregorius XIII. ea restituit, & fastos emendavit. Cùm antè in Martyrologio consueto more novilunium prænuntiabatur, jam quartus pænè dies Lunæ effluerat.

*Men.* Quid esset numerus aureus, seu Metonica periodus planissimè nobis exposuisti: nunc quid cyclum solare vocitent, quæque sit illius ratio, nobis explicare ne gravèris.

*Simp.* Quamvis mihi ad majora properanti hæc minutæ non ardeant, tamen quo tu me cumque duces, sequar. Annus 365. diebus, & *Quid cy-*  
senis horis constat, qui hebdomadas 52. efficiunt, diesque unus *sol-*  
perest. Cùm igitur septem dies, qui hebdomadam constituent, 7. literis *ris.*  
ABCDEFG exprimantur; nisi dies ille abundaret, unaquæque feria  
suam literam, vel charactèrem constanter retineret: sed hic dies su-  
perfluous efficit, ut quæ litera hoc anno primam feriam, seu diem Do-  
minicum designabat, anno proximo alium indicet diem; ac nisi quid  
aliud obstar, hic circulus septem annis absolveretur. Ut si hoc an-  
no litera, quæ Dominicum diem notat, sit A, sequenti erit G, tum F,  
ita ut post orbem 7. annorum, ac idem caput litera quæque reverta-  
tur. Verùm bisextilis dies, qui quarto quoque vertente anno inseri-  
tur, hanc seriem interpellat, efficitque, ut non nisi exacto 28. annorum  
circulo, idem literarum tenor recurat. Nam quater septem 28 pro-  
ducunt. Sit ex. gr. hic annus bisextilis, cujus literæ Dominicales  
sint GF, hoc est, ante sextum Kalendas Martii, litera G fuit Domini-  
calis: post bisextilem intercalatum succedit litera F: quare anno se-  
quenti erit E, tum D, post C, tum BA, & ita deinceps. Neque literæ  
GF, nisi absoluto 28. annorum circuitu revertentur. Jam ut nihil *Quid in-*  
videar omittere, tertius est quoque magnus in usu cyclus, qui Indi-  
ctionis nomen obtinuit, hic 15. annorum spatio perficitur. Quocir-  
ca cyclus 1. 2. 3. Lunæ est primus, vel secundus, vel tertius annus  
decemnovalis circuli. Idem de cyclo solari, vel indictionis dictum  
puta. Sic Christum natum esse dicimus cyclo Lunæ 2. Solis 10. indi-  
ctionis 4 quòd si Lunarem cyclum in solarem ducas, 19. in 28. pro-  
dibunt, anni 532. qui rursus in 15. seu indictionis circulum multipli-  
cati efficiunt 7980. hæc est Juliana periodus à Scaligero excogitata,  
obsignandis temporibus, & epochis perutilis. Cùm enim tanta sit opi-  
nionum varietas de numero annorum ab orbe condito; nec veteres *Juliana*  
iisdem uterentur annis: alii quippe lunares, alii solares adhibuerunt:  
*periodus.*  
cumque

cumque non eadem essent annorum exordia. Siquidem alii ab æquinoctio verno incœperunt, ut anni urbis Romæ: nonnulli ab æstivati solstitio, ut Olympiades, quæ quatuor annis integris constabant, sic dictæ, quod quinto inçunte anno ad Olympiam urbem Peloponnesi, ludi committerentur; alii ab autumno, ut anni Judaici cœpti sunt; alii demum à brumali solstitio, ut Juliani, quibus Latini omnes scriptores nunc utuntur. Quando res acta suo tempori reddetur, longum erit inquirere quo anno ab orbe condito contigerit; quod genus annorum auctor usurpet, quod denique sit illius anni exordium: sed omnes epochæ, seu annorum radices in periodo Juliana suum locum obtinent. Illius quippe primus annus mundi originem præcedere supponitur, ac cyclum Solis 1. Lunæ itidem 1. indictionis quoque 1. obtinet. Præter hunc annum nullus in totâ periodo Julianâ reperitur, in quo tres hi cycli simul concurrant. Sic Christi epocha incidit in solarem cyclum decimum, lunarem secundum, indictionis quartum, atque tres cycli in nullum alium quàm in 4714. annum Julianæ periodi incurrunt. Nam si hunc annorum numerum 4714. per cyclum solarem 28. partiatis, divisione peractâ, residui erunt 10. sic distributo per lunarem cyclum 19. restabunt 2. denique diviso per circulum indictionis Romanæ 15. supererunt 4. hac arte cujusque anni Julianæ periodi cycli proprii invenientur; divisâ annorum summâ per unumquemque cyclum; residui, quotus sit cujusque circuli annus ostendunt. Sed non longius evagabor, atque ad propositum revertar.

Quod si Luna æquabili cursu suum orbem perlustraret, ac singulis diebus æqua spatia decurreret; dicam planius, si medius motus cum vero & apparenti exactè conveniret, nihil esset opus excentricis, vel epicyclis, quò illius motum explicare, ac certis numeris dimetiri liceret. Nam si spatium 29. dierum, 12. hor. 44. min. à Sole digressa, eum assequitur; singulis diebus 13. gr. & decem minuta conficiet. Cumque Sol eodem tempore circiter 59'. in easdem partes promoveatur, Lunam motu diurno à Sole gr. 12. min. 11. elongari necesse est. Quare singulis horis dimidium fere gradum peragrabit: neque erit arduum conjunctiones omnes medias, vel oppositiones, vel demum ipsam Lunæ ætatem dignoscere. Sed hæc fortè ad præxim pertinent. Quid igitur hanc scientiam adeò difficilem, & spinosam reddit? Idem scilicet in Lunâ, quod in Sole usu venit: aliquando tardius, nonnunquam celerius promoveri apparet; neque in pleniluniis, ac neomeniis tanta occurrit diversitas, quanta in quadraturis, cum Luna est dividua; nam in oppositione, vel conjunctione, inter verum medi-  
umque

umque motum differentia maxima, vix ad 5. grad. exsurgit, cum in quadraturis ultra 7. gr. excurrat. Quæ quidem phænomena, atque anomalias ut explicet Astronomiæ princeps Ptolemæus, supponit *Ptolemæi hypothefis.* Lunam moveri in circulo nobis excentrico D B D, cujus centrum M, terræ centrum S, summa absis C, infima, seu perigæum E, non aliter atque in Sole. Centrum epicycli lunaris à puncto C, in D, juxta signorum successionem progrediatur; atque eodem tempore apogæum C, contra seriem signorum, seu ut loquuntur, in præcedentia à puncto C, versus B, eâ lege deferatur, ut in singulis conjunctionibus vel oppositionibus centrum epicycli apogæum occupet. Quare motus Lunæ diurnus, qui centro epicycli competit, futurus est 13. gr. 10'. 35". motus item diurnus apogæi erit 11. gr. 12'. 19". Sol vero inter centrum epicycli, & apogæum medio semper loco consistet. Sic periodus centri epicycli diebus 27, hor. 7. apogæi verò revolutio diebus ferme 32. hor. 3. min. 4. absolvetur. Mensis synodicus diebus 29. hor. 12. min. 44. perficitur. Quapropter ubi Luna cum Sole congregitur, vel ei opponitur, necesse est, ut medius Solis motus, nec non & motus centri epicycli, atque apogæi in unam lineam conspirent E C. Sed primo die à novilunio centrum epicycli 13. gr. & ampliùs versus sinistram progreditur in K, tumque apogæum C in dextram versus occasum excurrit, ac circiter 11. gr. peragrat, Interea Sol uno ferè gradu in ortum promovetur. Quare Luna 12. tantum gr. à Sole digreditur, atque apogæum tantundem à Sole discedet; adeo ut centrum epicycli ab apogæo 24. gr. vel circiter recedat: Sol igitur Lunam inter, & apogæum medium locum obtinet. Cùm autem Luna quadrantem zodiaci lustraverit, & ad punctum D pervenerit, quod accidit cùm est *syzygia*; seu dividua, jam toto semicirculo distabit ab apogæo, quod tum in puncto B existit, atque adeo Luna in perigæo, seu terræ finitima futura est. Sed ubi ad plenilunium pervenerit in E, eodem tempore apogæum eundem locum attinget. Itaque Luna bis unoquoque mense in apogæo; bis in perigæo invenitur. Sic in quadraturis cum sit terræ proxima, inæqualitas apparet maxima. Accidit etiam ut in noviluniis, ac pleniluniis enim locum sæpè non occupet, quem ex medio, & uniformi motu debet obtinere. Unde præter circulum excentricum addidit Ptolemæus epicyclum H F H: quem Luna spatio 27. dierum, 13. hor. 18. min. perlustrat, eâ conditione, ut ab H versus G, quod vocant in præcedentia, & contra signorum successionem moveatur. Quocirca ubi superiorem epicycli partem Luna peragrat, tardiùs ferri videtur. Nam duo illi motus, & Lunæ in epicyclo, & epicycli in excentrico in contrarias nituntur partes, ac



Duplicem igitur in Lunâ inæqualitatem deprehendimus. Prima ab excentrico proficiscitur, quâ fit ut Luna in quadraturis propior sit quàm in neomeniis, vel pleniluniis, hicque minores sint prostaphæreses, quàm cum Luna est dividua. Secunda irregularitas, ut ita dicam, per epicyclum exponitur, quæ efficit, ut Luna etiam cum nova est, vel plena, minori aliquando, vel longiori à nobis distet intervallo: nec medius motus cum vero ubique conveniat.

*Duplex in lunari motu inæqualitas.*

Hæc quidem hypothesis Copernicum offendit, nec immeritò. Ptolemæus supponit quippe Ptolemæus epicyclum in excentrico circa centrum mundi S, uniformi, & regulari motu ferri; irregulari verò circa punctum M, quod orbitæ lunaris medium obtinet. Id si ita sit, motus illius tantum secundum quid, non simpliciter erit æquabilis; quod quidem est contra ipsius artis principia. Supponit quippe Astronomia omnem motum corporum cælestium esse regularem, atque tota in id incumbit, ut qui difformes nobis, & inæquales videntur, uniformes, & semper sui similes esse demonstret. Cum igitur motus Lunæ in epicyclo, & epicycli in excentrico difformes esse, & inæquales in propriis circulis contendat Ptolemæus, in ipso offendit limine, atque ut ait Copernicus, ansam præbet iis, qui huic arti detrahunt. Præterea, hæc hypothesis non rationi modo, sed etiam ipsi repugnat experientiæ; cum enim maxima Lunæ à terrâ distantia 64. semidiametros terræ contineat; cumque excentricitas MS juxta Ptolemæum sit 10. semid. & 8. min, ubi Luna ad perigæum pervenit 43. semid. circiter abest à nobis. Nam duplici excentricitate vicinior terræ est. Jam si cuiusque infimam epicycli partem occupet, cujus radius quinque, & amplius integri semid. completitur. Necesse est ut in quadraturis Luna vix aliquando do 33. semid. terræ à nobis elongetur. Tum igitur, inquit Copernicus parallaxim duplo majorem obtinebit, ac Luna ferè quadruplo major videbitur, quod experientiæ omnino repugnat. Sed ipse quoque hic nonnullo errore labitur. Nam quæ propiora sunt, majora quidem cernuntur; non tamen in eâ ratione, quâ propiora existunt, ut suo loco dicemus. Id certè evincit Copernicus Ptolemæicam Lunæ theoricam cum sensu, & ratione pugnare; neque enim corpus lunare circa quadraturas sensibilibiter majus observatur. De parallaxi alibi.

*Men.* Viri potius accedendum putas Ptolemæo, an Copernico?

*Simp.* Utriusque apud me summa est auctoritas; sed tamen longè probabilius de motu Lunæ sentire mihi videtur Copernicus. Statuit quidem Lunam in circulo nobis concentrico æquabili motu deferri. Verum hic motus propter duplicem epicyclum, multum inæqualis nobis apparet. Sit epicyclus major H F H, cujus centrum D spatio

*2.  
Hypothesis Copernici.*





urnus, qui anomaliz dicitur, quod efficiat ut prior motus inæqualis appareat, sit. 13. gr. min. 3. sec. 53. tardior videtur cum semicirculum HGF decurrit. Tertiò, Luna minorem epicyclum bis unoquoque mense lustrat, simili motu in præcedentia nitente; ita ut prope quadraturæ sit in apogæo minoris epicycli versus I, & maximam efficiat prosthaphæresim 7. gr. 40'. quæ angulo DMI continetur. Sed in conjunctione, vel oppositione futura est æquatio minima, tum enim est Luna in perigæo minoris epicycli R, ac centro majoris D proxima. Distantia Lunæ maxima, cum plena vel nova existit, erit semidiametrorum terræ 65. cum semisse, minima 55. cum verò est  $\delta\chi\acute{\alpha}\sigma\omicron\mu$ , elongatio maxima est 68. semid. minima 52. Non igitur mirum, si Luna ejusdem ferè molis ubique videatur.

*Th.* Quod si diligentissimo examine hanc quoque hypothefim libraveris, forsitan rationi minùs convenientem reperies. Quid enim stultius quàm epicyclum epicyclo insertum fingere? Quod si cælum liquidum sit, magnus ille machinarum apparatus ne concipi quidem poterit.

*Simp.* Nec mihi, ut ingenuè aperiàm quod sentio, illæ rotæ, vel epicycli probantur. Nescio an Lansbergii hypothefis sit ad veritatem propensior. Orbitam Lunæ nobis excentricam DBD licet concipere, 3.  
Lansber-  
gii. cujus centrum M, punctum terræ medium A, maxima excentricitas sit AP, minima AN, Luna autem in suo orbe singulis diebus Solem 12. gr. 11'. antevertat, atque à puncto B in C, tum in D promoveatur; cum interim centrum lunaris orbitæ M versus P, duplo celeriori motu in consequentia, nempe 24. gr. 22'. conficit. Sic igitur apogæum Lunæ continenter variatur, & bis unoquoque mense Luna in apogæo versatur. Postremò orbis Lunæ à puncto D in G, & vicissim à G in D hinc inde libretur; qui motus idem efficit quod minor epicyclus, quem Copernicus admisit. Sit igitur arcus DG duorum gr. atque illius motus, seu anomalia in circulo HFI numeretur ab H versus G, adeò ut intra mensem synodicum hic circulus quater absolva-  
tur. Addit etiam Lansbergius quartum motum, quo medium apogæum C versus K, singulis diebus septem ferè minuta progreditur. Id sanè mihi est miraculo omnes omnium temporum observationes tam aptè cum hæc hypothefi consentire, ut non aliam esse lunaris motus æconomiam jurare possis. Sed de Lunæ theoria satis multa.


Id tamen præterire nequeo, quod Luna non eandem insilit vi-  
am cum Sole; sed illius orbita eclipticam in duplici puncto secat, Morum ca-  
pessæ &  
canda  
Draconis. quemadmodum zodiacus æquatorem in punctis æquinoctialibus dirigit. Interfectionum altera similis est æquinoctio verno, ac nodus ascen-

ascendens à Ptolemæo, Caput Draconis à recentioribus vocitatur; tum Luna ad verticem nostrum ascendit, & in Boream descendet. Declinationem seu latitudinem maximam, Ventrem Draconis nominant. Sectio altera Nodus descendens appellatur. Neque amplius quàm quinque gradus, Luna hinc inde in Boream, vel Austrum excurrit. Tamet si nonnulli circa quadraturas majorem quàm in noviluniis, vel pleniluniis latitudinem esse autumant. Excessum verò 16', definiunt; ac novum proinde librationis motum inducunt, meo quidem judicio prorsus inutilem. Fieri enim potest, ut Luna nobis vicinior, ab eclipticâ aliquantulum magis declinare videatur: nam quæ nobis sunt propiora, eadem majora cernuntur. Quod si nodi, seu mutæ orbium Lunæ, ac Solis intersectiones, in eadem statione permanerent; profecto eclipses tum Lunæ, tum Solis semper iisdem in locis contingerent. Quis enim ignorat Lunam eclipsim pati, quando terræ umbram ingreditur, quod tum accidit, cum Soli è regione opponitur, atque ambo luminaria utrumque nodum obsident. Sol verò nobis videtur deficere in ipso novilunii puncto, cum Luna illius nos aspectu fraudat. Sed quando ab itinere solari exorbitat, tum nec Solem occultat, nec ab umbrâ terræ obscuratur.

*Quid eclipsis, & quando contingat.*

Sit Sol in H, Luna in F, terra, seu oculus M, planum est interjectu corporis lunaris terram radiis solaribus orbari. Tum igitur non Sol, sed terra ipsa deficit, ac tenebris involvitur; idque evenit cum Sol, & Luna propè nodos versantur. Nam si Luna in Austrum, vel Boream declinet, circa punctum G, tum Solem aspectui nostro minime subducat. Ex iis etiam liquet, cur eclipsis solaris nunquam ferè integra, & totalis existat, neque unquam toti terrarum orbi appareat. Cum enim Luna longè celerius in Orientem quàm Sol progrediatur; adeò ut intra horæ spatium, dimidium ferè gradum conficiat (quantum scilicet diameter Solis in proprio cælo occupat.) Vix evenit ut totum Solem obtegat, ac nocturnas tenebras inducat: vel si id quandoque accidat, ut historiarum monumenta tradunt, intra paucissima momenta, aliquam Solis partem nobis aperit. Jam oculo in M existenti, Sol H interjectu corporis lunaris F, totus videatur deficere. Qui in P futurus est, vix ullum eclipses vestigium percipiet. Nulla ergo solaris eclipsis universo orbi apparet. Secus de lunari eclipsi sentiendum est. Sit enim Solis globus H F H, terra V, Luna M, quæ interpositu terræ solari luce privatur; cum ipsa omni lumine careat, toti terrarum orbi simul obscurata apparet. Hinc certè colligimus Solem esse terrâ majorem, cum terræ umbra in mueronem definat. Lunam quoque terrâ longè esse minorem concluditur, cum ab umbrâ terræ

*Sol terrâ longè major, & terrâ lunam superat.*



terræ tota sæpè obscuretur; cumque illius umbra figuræ sit conicæ & pyramidi similis, necesse est ut terra V, quæ locum basis obtinet, multò sit amplior, quàm Luna M, quæ tota umbræ immergitur, & micro- ni proxima est.

*Th.* Sed quâ ratione evinces umbram terræ in conum desinere.

*Simp.* Rem ab altiore principio deducamus. Corpus lubidum, & sphericum, aliud opacum, & ejusdem figuræ collustrans, vel eo majus erit, vel minus, vel demum æquale. Corpus luminosum minus supponatur, ut M, & opacum sit V, tum vel oculis patet minorem corporis opaci portionem illustrari, atque umbram majorem existere, quo longius progreditur. Siquidem MG, & MI sunt extremæ linæ umbram terminantes, quæ ab eodem veluti puncto M digressæ, quo longius procedunt, eo magis inter se distant. Contrarium eveniet, si corpus luminosum H FH majus constituatur: nam & majorem corporis opaci portionem collustrabit, atque contrariam ob rationem, umbram

ih.

in conum projiciet. Quòd si ambo corpora ponantur æqualia, umbra parallela in infinitum protrahetur. Non enim ulla est ratio cur vel in mucronem acuatur, vel magis, magisque ampliatur. Jam verò certissimum est terræ umbram in infinitum non protrahi: non enim Lunam modò, sed etiam cæteros planetas obscuraret. Restat igitur ut pyramidi similis sensim minuatur. Unde quo Luna longius à terrâ abest, eo minor est eclipsis, nec tamdiu durat, nec totum lunare corpus umbrâ terræ opprimitur. Idem accidit cùm Luna aliquantulum latitudinis obtinet, nec præcisè alterum ex nodis occupat. Tum enim minùs directè Soli opponitur, atque umbram terræ vel omnino eludit, vel partem duntaxat illius ingressâ, non tota deficit. Jam nescio quid volui dicere, ac mihi excidit.

*Men.* Nempe ut puto, utrumque nodum non esse immobilem, sed desultorium; idque hinc probare occæperas, quòd eclipses tum Solis, tum Lunæ, nec iisdem in locis, nec penitus æquales contingant.

*Simp.* Idipsum est: atque hic motus fermè 19. annis absolvitur; adeò ut caput Draconis, vel nodus ascendens unoquoque die uniformi, & æquabili motu, tribus ferè minutis in præcedentia, seu in occasum deferatur. Hanc adeò periodum Astronomi ex duobus Lunæ defectibus omninò inter se æqualibus, tum in morâ temporis, tum in parte Lunæ obscuratâ, collegerunt, adeò ut Luna in eodem, vel opposito loco, atque inæquali à terrâ distantia consisteret. Hinc enim manifestè evincitur eandem fuisse utrobique Lunæ latitudinem, ex quâ utriusque nodi motum colligere in proclivi fuit. Sed de eclipsibus seorsim aliàs pluribus.

*Varia hypotheses  
discutuntur.*

*Th.* Hæc sanè quæ de eclipsium causis attigisti, longè sunt verissima. Quod verò hypotheses lunares motus attinet, ne veri quidem similes mihi videntur. Quis enim in animum inducat suum, tot motibus oppositis corpus cæleste distrahi? Ptolemaica quidem hypothesis ipsa Astronomiæ principia convellit; quemadmodum ex Copernico pulchrè demonstrasti. Epicyclorum machinæ, quas Copernicus & Tycho Braheus struunt, cum cæli naturâ liquidâ, & spirabili minimè cohærent. Vix etiam crediderim cum Lansbergio orbitæ lunaris centrum in parvo circulo torqueri, adeò ut totum, in quo Luna versatur, cælum modò attollatur, modò deprimatur. Ingeniosè quidem hæc fingitur, sed vide an sit necesse omnia credere. Satis est Astronomo, si motuum cælestium æquabilitate suppositâ, omnes inæqualitates conciliare possit; tabulas hypothese suæ, & corporum cælestium motibus convenientes concinnet, ex quibus eclipses præfagiat; & quem


quisque planeta in zodiaco obtineat locum, cū libuerit, invenire  
 queat. Neque adeo difficile fuit medios & æquabiles motus definire.  
 Hipparchus v.gr. contulit suas eclipsium observationes cum iis, quas *Quā arte*  
 à Chaldæis acceperat, isque comperit intra 345. annos Ægyptios, *medii Lun.*  
 dies 82. & unam horam, omnes anomalias (sic vocamus motum sice-  
 ris cujusque ab apogæo) & mensium circuitus, ad eundem locum re-  
 verti; quō quidem temporis intervallo 4267. menses, & 4573. ano-  
 malia circuli explicantur. Quocirca necesse est mensem synodicum  
 juxta Hipparchum esse 29. dierum, 31. min. unius dici, 50'. 8". adeo  
 ut diurnus à Solē motus sit 12. gr. 11'. 26". diurnus verò anomalie  
 motus, qui cum periodico serè convenit, futurus est 13. gr. 3'. 53".  
 Cum Hipparcho Ptolemæus, & Copernicus sermè consentiunt. Hinc  
 minimè arduum fuit tabulas mediorum motuum in omne ævum dispo-  
 nere. At illud artis caput erat apparentem Lunæ motum, quem ve-  
 rum dicunt cum medio, seu æquabili conciliare. Cnr Luna velocior-  
 i, & quasi præcipiti cursu quandoque feratur; vix aliàs locum suum  
 per aliquot horas commutet. Cū enim perigæum sui epicycli (si  
 quem habeat) peragrat 14. gr. si Reinholdo credimus, unoquoque die  
 decurrit; sed ubi apogæum obsidet, vix duos gradus cum semisse u-  
 no die conficit. Atque eam esse potissimam causam existimat Reinhol-  
 dus, cur quandoque Luna nascens ocius sese proferat. Ita ut eodem *Cnr Luna*  
 die nova ac vetus videri possit; idque maximè si ad Boream cursu *nascens*  
 suum inflectat; tum enim majorem parallelum quotidianā conversio-  
 ne describit, celeriusque oritur, & tardius occidit. Quare si Solis, & *que citius,*  
 Lunæ congressus circa meridiem contingat, mane veterem, vespere *quando-*  
 novam, præsertim è loco editissimo, atque ab aëris crassitie liberiore, *que tardi-*  
 licebit observare. Multum quippe circumfusi aëris claritas obstat, ne *us viden-*  
 sidera de die intueamur. Unde quæso te ex fundo putei stellas cons-  
 tuemur, vel in ipsâ meridie, nisi quia fulgor ille aëris circumstantis  
 arcetur? Multum quoque latitudo borealis momenti obtinet: efficit  
 enim ut tenuissimam lunaris disci partem Sol irradiet; atque in ipso  
 luminarium coitu, terra Lunam non mediocriter illustrat, quæ hac lu-  
 ce à terrâ reflexâ fruens, circumfusi aëris fulgorem faciliè superat;  
 nec mirum, si possit sub aspectum cadere. Hinc si velimus *ἀκρίβως*  
 nullum unquam vel novilunium, vel plenilunium contingit. Luna  
 quippe semper aliquâ donatur latitudine, sive Soli opponatur, sive cum  
 illo jungatur; ac necesse est, ut saltem uno gradu, & aliquot mi-  
 nutis, vel ab ipso Solis loco, vel ab opposito distet; nisi umbram  
 telluris delibet, aut Solem abscondat. Cū etiam Sol plusquam dimi-  
 diam Lunam collustrat, apertissimè colligitur in omni novilunio por-  
 tio-

tionem aliquam Lunæ nobis obversam collustrari; quemadmodum in plenilunio, tota illius facies luce solari non completur, cum præ latitudine suâ partem aliquam licet exilem, nobis aversam, solaribus radiis collustratam habeat; sed illud quantumcumque est merito contemni possit. Ex his liquet, cur Luna nascens vix secundo, aut tertio die nonnunquam emergat: vel quia in Austrum desceditur, ac parallelis tropico Capricorni vicinos delineat; unde tardius oritur, & citius occidit, uti Sol hiberno tempore; vel quod tardissime procedat. Sed nescio quo impetu abreptus, longius quàm par erat excurri; illic ergo redeam quò cœperam.

Vix quicquam curæ est Astronomis, quæ sit natura corporum cœlestium; utrum multiplici motu, an unico ex multis composito rapiantur; dummodo hypotheses suas siderum motibus accommodent, atque eorum certas leges præscribant; quid ampliùs ab iis desiderari possit, non video. Sed Physicus in has hypotheses inquirat diligentius, quæque rationi & naturæ magis consentanea videantur, accuratius expendit. Quod si mihi in re obscuratissimâ divinare liceat, Lunam ut Solem uno motu ex tribus confato circumagi putein. Nam ab ortu in occasum tardissime cietur, tum ab Austro in Septentrionem intra mensem, quòd minus spatium habeat decurrendum; postremo sursum deorsumve fertur, ab apogæo in perigæum, eo quo de Sole diximus modo; ita ut non circulum, sed ovalem serè figuram circuitu suo describat. Et sanè nescio quid Astronomis in mentem venerit, ut tot circulos excentricos comminiscerentur, & tantis difficultatibus cœlestes motus implicarent; cum unâ ellipsi totum negotium absolvi possit. Diu est quòd Erasmus Reinholdus Lunæ motum ad ovalem serè figuram accedere subolsecerat. Keplerus propius vero accessit, nam in tabulis Rudolphinis planetarum motus per ellipsim explicari posse demonstrat. Nuperrimè verò illustrissimus Comes Paganus quasi ultimam manum Astronomiæ imposuit, & planetarum theoricis adeò accuratè iuxta hanc hypothesin explicuit; ut nullum dubitandi locum reliquerit, orbitas planetarum non circulares, sed ellipticas existere. Rem totam oculis subjiciam. Sit ellipsis BCB, cujus centrum A, major diameter BC, minor DE hæc porro figura non unico centro instar circuli, sed duobus F, & G, quæ foci dicuntur, solet delineari. Funiculi GDF, extrema duo in punctis F, & G affixa concipe; & ita duo radii FD, & DG, stylo, vel digito circumducti ellipsim describunt. Ubi radii mobiles in punctum H transferuntur, in radios GH, & FH abeunt, qui simul juncti prioribus GD, & DE æquantur. Nam quantum crescit GH, tantum minuitur FH, quo-

*Quomodo  
motus lu-  
naris ina-  
qualitas  
per ellip-  
sim ex-  
plicetur.*





quousque stylus ad B pervenerit : tum enim FB fit omnium radiorum minimus, & GB maximus. Jam licet mente concipere planetam non in circulo excentrico, sed in ellipsi BCB, eâ lege deferri, ut æquali motu circa focum F promoveatur; adeo ut nobis in foco G constitutis, inæqualis motus appareat. Fingamus enim Solem in puncto H versari, angulus BFH distantiam illius ab apogæo B, seu anomaliam mediam in zodiaco ostendit; angulus verò BGH, qui multò minor existit apparentem, seu veram anomaliam demonstrat. Angulus de-

mum GHF utriusque anomalie differentia æquatio futura est, eo quidem minor, quo majori diametro BC, sive utrique absidi propior existet: aded ut Sole vel Lunâ in punctis B, & C commorante, nulla æquatio futura sit; sed in punctis D, & E minoris diametri, quæ puncta mediæ longitudinis dicuntur, æquatio FDO maxima contingit. Quod si Sol v. gr. superiorem suæ orbitæ partem decurrat, tardius ferri videbitur; ut cum versatur in puncto H: sic enim angulus BFH, longè major existit angulo BGH: ille medium, hic verum seu apparentem Solis motum exhibet. Contrarium evenit cum Sol inferiorem suæ orbitæ portionem perlustrat, ut si in puncto K constituitur, celerius progredi apparebit, sive quod terræ G sit vicinior, sive quod angulus CGK, qui apparentem Solis motum dimetitur, longè major sit, & apertior angulo CFK, qui medium seu æquabilem motum exhibet. Taceo superiorem focum F non esse prorsus immobilem; neque enim apogæorum loca in eadem statione fixa permanent. Itaque licet concipere circulum radio GF, & centro G descriptum, quem focus F lento quidem motu juxta seriem signorum peragrat; ac tardissimè incedit in Solis orbitâ, non enim absolvitur, nisi expleto 21029. annorum spatio. In Lunâ citius promovetur: nam 79. annis ac 7. mensibus perficitur. Id quidem omnibus planetis commune est, ut focus superior F sit centrum medii, & æquabilis motus; in Sole verò, ac Lunâ globus telluris inferiorem ellipseos focum obtinet. Reliqui planetæ cum circa Solem moveantur, inferiorem cujusque orbitæ focum Sol occupabit. Nec metuendum est, ne hæc hypothesis in ipsa Astronomiæ principia impingat, cum ellipsis sit figura simplex, uti circulus, nisi quod duplici centro ac radio delineetur. Neque id absurdum futurum est, si planetæ motus circa inferiorem focum inæqualis, circa superiorem æquabilis existat, non enim æquabilis esse potest, si cum utroque comparetur. Omitto centrum epicycli Lunæ in ellipsi lunari deferri, & unoquoque die 13. gr. 10'. 35". conficere, cum duplo velociore motu Luna proprium epicyclum percurrat, ac singulis diebus 24. gr. 22'. 54". progrediatur. Sed tamen hoc epicyclo nihil offendor, atque optarem, ut omnes illæ rotæ ab Astronomiâ exularent. Mirum profecto quàm pulchrè vir illustris siderum rationes ex his principiis deducat; quàm subtiliter locum cujusque planetæ in suâ ellipsi inquiret; quàm accuratè æquationes, seu medii, & veri motus differentias investiget. Nec clam mo est, Simplici, quin mecum sentias, si doctissimi illius viri Astronomiæ, & Geometriæ libros evolvere non graveris. Quod ad me attinet, cum eruditum illum Geometriæ pulverem vix attigerim, sæpius offendo, & magis me physicæ scien-

scientiæ delectant, quàm mathematicæ, quæ mihi spinosiores videntur, ac nimîâ subtilitate asperiores. Nec displicet tamen Astronomorum diligentia, dummodo usque ad supervacuum laborem non sit occupata. Mihi quidem inter virtutes Philosophi habebitur aliqua nescire; & quod Fabius de Grammaticâ, idein de Mathematicis licet pronuntiare; non obstant hæ disciplinæ per illas euntibus, sed circa illas hærentibus.

*Simp.* Dissimulare non possum, me in nobilissimi illius viri Astronomiam incidisse, quæ certè plus habet operis, quàm ostentationis; nec facitè percipi poterit, nisi ab iis, qui jam interiora velut sacri hujus adierunt. Sed ne nimium excurramus, ad eclipses revertamur. Cum Luna terræ est finitima, tum profundiori umbræ immergitur; unde & diutius laborat, quàm cum apogæa existit, & umbræ mucronem viciniis petit. Addámne quòd Luna apogæa, atque à nobis remotissima, rubrum illum colorem, cujus jam meminimus, apertius prodit, *Unde rubens color,* qui in eclipsi paulatim diluitur, atque in omnes Iridis colores sensim *qui in Luna* degenerat. Sed ubi perigæa deficit terribilem illum colorem non præse fert, ut Reinholdus scitè observat; quòd sanè illius, & tuam de Luna laborante per-  
cipientur, Hinc de nocte splendidior Luna cernitur, quando à solaribus radiis ejus fulgor minus opprimitur. Unde ergo color ille prunis accensis non dissimilis, quem Luna tum, cum laborat, exhibet? Non aliunde, si benè auguror, proficiscitur, quàm à radiis solaribus per atmosphæram, seu potius crassum aërem, qui circa terram diffunditur, refractis. Radii quippe cum à densiori medio ad perpendicularum infringuntur, citius coeunt, unde non mirum si partem umbræ remotiorem diluant. Hinc colores Iridi similes Luna sustinet; ut si quis cubiculi tenebrosi rimulæ, quam Solis lux subit, globum vitreum aquâ plenum objiciat; radii per globum transmissi colores Iridis in pariete opposito delineabunt: sic solare lumen per densum & humidum aëra trajetum varios colores in Lunâ, tanquam in adverso pariete depingit; quod, ut ego arbitror, primus omnium animadvertit, Keplerus. Multum ergò fallitur Tycho Braheus, cum putat Lunam deficientem hunc colorem à Venere mutuari. Quasi verò semper Venus in eo situ existat, in quo possit Lunam suâ luce aspergere. Sed habet vir ille doctissimus etiam sua deliquia. Non inficior tamen fieri posse, ut reliqua sidera tenuissimâ luce corpus lunare perfundant. Quòd verò jam *Quid pen-* pallefcere incipiat priusquam terræ umbram subeat, id ab atmosphæ-  
râ Lunæ, ut plerique putant, neutiquam oritur; at quòd solaris dis-

seus non subito, sed paulatim abscondatur. Hunc Lunæ laborantis pailorem, penumbram Astronomi dixerunt. Tametsi non abhorret à verò Lunam, ut terram crassiore & nebuloso quodam aëre involvi. Hinc fortè cum Sol totalem patitur eclipsim, illius limbus aliquando, tanquam extremus lucis circulus apparet, ut semel à se observatum fuisse anno 1567. testatur Clavius. Cumque anno 1560. totum Solem obscuratum, ac terram densissimis tenebris involutam tradat; adeò ut omnes stellæ sub obtutum caderent, & quædam aves præ horrore in terram ruerent: (quod sæpius contigisse ex historiarum monumen-

*An Luna totum possit Solem obscurare.*

tis constat) planum sit diametrum Lunæ visibilem æqualem saltem esse Solis diametro visibili: quidquid reclamet Tycho Braheus. Unde ergo in alio Solis deliquio circulus ille lucidus circa Lunam à Clavio observatus? Fors est ut utriusque luminaris centra non accuratè conjuncta fuerint, tum cum eclipsim Clavius observavit. Videndum quoque est an Luna perigæa fuerit, vel apogæa? Nec mirum si totum Solem non absconderit, si in maximâ à tellure distantia extiterit; tum enim minorem arcum in suo cœlo obtinuit. Sed tamen Luna tum apogæa non fuit. Necesse igitur est, ut vel aër densior globo lunari circumfus, lucem Solis instar exilis circuli infregerit; vel aër terræ finitimus, qui præ densitate suâ, & albedine quâdam insitâ, crepusculorum est causa, umbræ lunaris corporis non imersus, solares radios ad nos usque inflexerit. Quid tandem prohibet, ne Lunæ ut aquas & insulas, sic atmosphæram quoque tribuamus, quæ radios Solis infractos ad nos usque deducat. Tycho Braheus negat interpositu Lunæ, adeò obscurari posse Solem, quin extremi illius margines illustres appareant; quòd diametrum Solis visibilem majorem diametro Lunæ constituat. Keplerus contra Lunæ diametrum aliquantulum majorem apparere existimat; atque adeò quotiescunque amborum luminarium centra coeunt, densissimâ caligine aliquam terræ partem obvolvi arbitratur. Keplero magis favent eclipses plurimæ, quas historiarum scriptores memoriæ prodiderunt. Quamquam fieri possit, ut stellæ de die appareant, etiam cum Sol totus à corpore lunari non tegitur. Maxime si Luna sit aliquantulum supra horizontem magis quàm Sol elevata, & utrumque sidus horizonti vicinum; Solisque infima portio appareat; tum enim aër superior ab umbrâ Lunæ magis obscuratur: quare nox major capitibus nostris imminet. Hinc fortè ante medium eclipses matutinæ, majores quàm post, tenebræ offunduntur; lux enim crepera tum exstinguitur. Contrarium evenit in eclipsi vespertinâ, in qua post medium eclipses nox densior ingruit. Cum verò eclipsis sit Sole, & Lunâ ad verticem nostrum accedentibus, tum sanè

*De eclipsibus multa.*

res omnes colorem mutant, idque maximè æstivis, ac serenis diebus videre est, quòd oculos majore antea luce perfosus subita obscuratio fortius offendat; unde species, quæ visus imbuitur, lucem cum obscuritate miscens, flavum, vel rubeum colorem exhibet: quod non evenit cælo nubibus obducto; vel cum eclipsis horizontalis exit sit, quamvis majores tenebræ incurrant, rebus tamen proprium colorem non aufert; quia nihil insolitum patitur visus. Ita quidem Keplero videtur. Hæc sanè pluribus quàm par fuit tractavimus, si cogites ea, quæ hodie nobis evolvennda restant: paucissimis tamen perstrinximus, si rem spectes, & argumenti fecunditatem.

\*\*\*\*\*

## CAPUT QUINTUM.

### *De reliquorum planetarum theoriâ, ubi fusè de vero mundi systemate.*

- I. *Sistema Copernici proponitur, phasæ Veneris, stationes, directiones, & regressus planetarum, juxta hanc hypothesein explicantur. II. Tria Ptolemæi, Tychois, & Copernici systemata refelluntur. III. Expositis omnibus phaenomenis novum P. Fabry systema expenditur.*

### *Theophilus.*




Equitur disputatio copiosa illa quidem, sed paulò abstrusior de motibus quinque stellarum, quas errantes, seu planetas dixere; at nonnulla de corporum cælestium coordinatione, seu de vero mundi systemate dicenda sunt antè breviter, quòd facilius oratio progressi possit longius. Nisi enim prius inter nos conveniret, quibus locis quæque sidera aptata fuerint, quoque ordine disposita; nihil certi de eorum motibus definiri potest. Neque res esset adeò difficilis, si recentiores Astronomi antiquorum decretis acquiescere maluissent, quàm nova portenta fingere. Nam quid naturæ convenientius, quid intellectu facilius, quàm Ptolemæi systema, ubi terrâ *Systema mundi* immobilis medium universi occupat, tanquam vas cælestibus influxibus excipiendis destinatum. Terræ finitima est Luna, quam naturæ Ptolemæi conditor voluit perpetuum esse quoddam, & manifestum quasi calendarium, ut ubique gentium ipsa accretione, vel diminutione luminis sui, tanquam factorum dies notaret. Cum & terræ umbram subeat,

& Solem sæpe obscurer, illam telluri esse proximam & longè humilio-  
rem Sole, apertissimè constat. Plusculum difficultatis est in Mercurio,  
& Venere: nam eodem ferè motu cum Sole progrediuntur; nec Ve-  
nus longiùs quàm 48. gr. Mercurius verò 27. gr. ad summum, hinc  
atque inde à Sole digreditur. Quare Mercurius rarò sub conspectum  
cadit: nam & minimus existit, & solaribus radiis opprimitur. Lunam  
Mercurius, hunc Venus, Sol Venerem excipiat, ut medium inter pla-  
netas locum obtineat. Mars Sole sublimior est, cui succedit Jupiter,  
Saturnus denique inter errantia sidera supremum locum sibi vindi-  
cat: idque ex eorum motibus colligitur. Quo enim cælum aliquod  
sublimius est, eo tardiùs ab occasu in ortum motu proprio cietur; seu  
potiùs ab ortu in occasum majori celeritate fertur. Sic Luna spatio  
menstruo; Mercurius, Venus, & Sol ferè intra annum circuitus suos  
absolvunt: hinc forsitan in eodem cælo versantur. Mars biennio;  
Jupiter 12. annis; Saturnus denique 30. annorum intervallo suos cir-  
culos explicant, stellæ fixæ non nisi post 36000. annorum volumina  
revolutionem suam conficiunt. Quocirca stellæ celerrimè ab ortu in  
occasum rapiuntur. Quid igitur in mentem venit Copernico, ut hunc  
pulcherrimum naturæ ordinem perturbaret, clarissimis rebus tenebras  
obduceret, & Sole in centrum mundi relegato, terram inter sidera  
consecraret; adeò ut Luna circa telluris globum, tanquam in epicyclo  
circumferatur; ut in schemate jam à te, mi Simplici, delineato cernere  
est. Sole enim in puncto M constituto, terra motu aëno magnum orbem  
DBD percurrat. Cùm in D existit v. gr. in principio Libræ tum Sol sub  
puncto B, seu in principio Arietis apparebit. Jam telluris globus ad E,  
sive ad initium Capricorni perveniat, tum Sol per radium EMC, sub  
puncto C, vel primogradu Cancrì videbitur. Et ita tellure motà in zo-  
diaco, Sol ipse quamvis imotus progredi apparet. Luna verò circa ter-  
ram D in propriâ orbitâ HFH convertitur. Cùm in puncto F existit,  
tum nobis Soli conjuncta apparet: nam ambo sidera per eundem ra-  
dium DF M cernuntur; ubi ad punctum H pervenerit, pleno orbe luce-  
bit; quicquid in terra D versamus Soli oppositam intuebimur, ac totam  
illius faciem à Sole collustratam videbimus. Postremò, cùm in punctis  
2. G, vel I futura est, tum  $\delta\chi\theta\sigma\mu$ , seu in quadraturis apparebit. Jam  
cedo quid Lunam terræ sic alligat, ut circa eam torqueatur; atque an-  
nuo telluris motu rapiatur. Cæteri quidem planetæ circa Solem, si Co-  
pernico credimus, aguntur; adeò ut Mercurii orbis Solem proximè am-  
biat, tum Veneris cælum, tum magnus terræ orbis, cui Mars, Jupiter,  
& Saturnus eodem quo diximus ordine succedunt; sed firmamentum  
stat immobile. Cùm enim, inquit, cælum stellarum omnia contineat,  
tan-

Systema  
Copernici  
pervelli-  
tur.

1.






tanquam locus universalis, cur continenti potius quàm contento motum tribuamus? Egregiam verò demonstrationem! quasi centro potius quàm circumferentiæ motus conveniat. Jam non quæro cur Sol & stellæ quotidie oriri, atque occidere videantur: id enim satis ingeniosè ex motu terræ diurno explicat: quamvis obscurior sit dicrum, & noctium diversitas. Sed cur polum eidem loco affixum contuemur? quid causæ est, ut motum annum stellis ipsis, ut Soli & reliquis planetis non affingamus? cum terra motu annuo ad certas stellas vel propius accedat, vel longius abscedat, quid est cur semper æquales, & eodem tenore ferri videantur? quæ propiores sunt, celerius moveri, & aliquantulum majores appareant necesse est. Mitto innumera, quæ hanc sententiam sequuntur, incommoda, ut mirum sit omnes ferè Mathematicos, qui se profitentur cogere non persuadere, in

in tam absurdam opinionem non concedere modò, sed etiam quasi præ ipites ire. Verùm nullum æquè adeor, ac Cartesium, cui parum fuit hoc systema Copernici amplecti, nisi alia quoque absurdiora fingeret. Nescio quos vortices comminiscitur, qui ne concipi quidem possunt. Totum hoc universum in alios minores, atque innumerabiles mundos fecit. Nec cognovi quemquam, qui majori auctoritate nihil diceret. Sed vereor ne hîc Menander Cartesio juratus dicam injuriæ, & quidem atrocioris mihi impingat.

*Men.* Desipiunt scilicet omnes, qui tecum non sapiunt. Liceat igitur mihi cum furentibus paululum insanire; & videamus an aliquâ saltem probabili conjecturâ luaderi possit Solem in medio mundi, non quidem stare; sed circa suum axem torqueri. Quid quæso te, naturæ convenientius, quàm illud Copernici systema, ubi Sol fons luminis, & caloris, mundi centrum occupat, ut planetas omnes suo lumine collustrat. Quis, inquit Copernicus, in hoc pulcherrimo templo lampadem hanc in alio meliore loco poneret, quàm unde totum possit illuminare: ita profectò tanquam in solio regali Sol residens gubernat astrorum familiam. Non igitur aptius locari potuit, quàm in medio universi, ut cuueta suo lumine, & calore perfundat. Hinc planetæ quo Solem viciniùs petunt, eo sunt illustriores, ut Mercurius, qui Solem proximè ambit, splendidior est Venere; Venus Marte, & ita porrò. Jam in systemate Ptolemæico omnes planetæ tumultuario quodam ordine disponuntur. Luna citissimè circa terram immobilem torquetur, tum Mercurius, Venus, & Sol eodem ferè passu incedunt; cumque Mercurius, & Venus à Sole quandoque exorbitent, ingentes ipsis epicycli aptati sunt in quibus deferantur, Venus ferè 48. gr. huc illuc excurrit: quocirca eam immani cuidam epicyclo illigatam volunt, cujus diametrum major sit quartâ cæli sui parte. Quid absurdius fingi potest? sed vide quàm aptè omnia in Copernici systemate cohereant. Sol circa suum centrum spatio 26. dierum volvitur: Mercurius tribus ferè mensibus; Venus novem; terra annuo spatio; Mars biennio; Jupiter 12. annis, Saturnus 30. suas periodos absolvunt. Sed, inquires, cur Mercurius, & Venus aliquot duntaxat gradibus à Sole excurrunt; neque unquam ei opponuntur? id sanè explicatu minimè arduum est.

Sit Sol in medio mundi T, cujus centro describantur plures circuli, *Veneris et Mercurii phænomena.* S G S, qui Veneris aut Mercurii orbitam exhibeat, L N L orbem telluris magnum exprimat: circulus denique C E C superioris planetæ orbem, vel ipsam eclipticam demonstrat. Cùm Venus in puncto G versabitur, tum in eodem cum Sole loco, atque à nobis remotissima vide-



videbitur, si telluris globum in puncto L constituamus: proxima appa-  
rebit in puncto S, iterum cum Sole conjuncta. Circa puncta H, & F, lon-  
gissimè à Sole excurren, nobis videbitur: nam per radium LH in pun-  
cto eclipticæ K eam conspiciemus 48. gr. à Sole, qui sub puncto E cer-  
nitur.

*Phases seu  
luminis  
incrementa  
in Veneris  
ferè  
ut in Luna  
observantur.*

nitur, diffitam. Quocirca bis cum Sole conjungitur, atque in eodem loco nempe in puncto E apparet, cum scilicet in G, & S commoretur. Bis quoque maximè à Sole digreditur, nimirum in punctis H, & F. Quo autem Veneris orbita major statuetur, eo longiùs à Sole excurreret. Cum itaque Mercurius vix 27. gr. à Sole discedat, minorem circa Solem circulum, ut Venus majorem describit. Verùm meo quidem judicio nihil æquè Copernici hypothefim confirmat, quàm Veneris phases. Nam ubi prope punctum S versatur, nobis in L existentibus maxima videtur, & tamen tubo optico tenuissimè falcata appareret, quod Sol in T collocatus partem Veneris nobis averfam illustret. Cum autem puncto G vicinior est, tum quidem pleno lucet orbe; sed nihilò seciùs longè minor apparet, quòd ferè sexies longiùs à terrà distet. Jam si Venus Sole sublimior foret, nunquam dimidiata vel falcata videretur; uti nec superiores planetæ lumine diminuti unquam cernuntur. Quòd si Sole inferior instar Lunæ existeret, circa utramque conjunctionem falcata cerneretur. Postremò, si terra centrum foret Veneris orbitæ, nonnunquam Soli, uti & Luna opponeretur. Nec clam me est fore ut vos epicyclum confugiatis, adeò ut idem sit motus Solis, & Veneris, idem utriusque medius motus; nisi quòd Venus in epicyclo suo obambulans, longiùs quandoque à Sole discedat. Sit ita sanè. Jam quæro utrum ille epicyclus Sole sit sublimior, an depressior? quòd si humilior constituitur, nunquam vel plena, vel dimidiata saltem Venus cerneretur: quandoquidem ne quadrante quidem circuli à Sole unquam Venus recedit. Manifestum est, Lunam tenuiter esse falcatam, atque exilem lucis circulum exhibere, cum minùs quadrante circuli à Sole distat: at tubo optico Venus non *δυστομος*, tantùm, sed etiam plena conspicitur. Superior igitur Sole hic epicyclus statuatur. Quod si ita sit, Venus instar Martis, vel Jovis pleno orbe ubique fulgebit. Mirum etiam si tam immanis epicyclus fingi possit, ut Venus supremam illius partem percurrens sexies à nobis sit remotior, quàm cum infimam partem peragrat, ac nobis citima est. Restat igitur ut Veneris orbita ipsum Solem ambiat; sic enim quandoque superior Sole, quandoque inferior futura est; cumque terræ orbis tum Veneris, tum Mercurii cælum contineat; nihil mirum si hi planetæ non multùm à Sole digrediantur. Nam è quocumque loco spectentur, semper in eadem cum Sole partes directi videntur, nobis quippe in puncto L versantibus Venus in H existens, in puncto K & Sol T, sub puncto E, scilicet ex eadem parte conspiciuntur, quamvis tum Venus quàm potest longissimè à Sole discedat. Nescio an hæc ulrà tergiversatione eludi queant. Keplerus quidem cum cerneret Venerem

nerem in superiore cum Sole congressu, circa G, diutius latere, ac lumen debilius spargere; descendente verò, & vicinam puncto S, longè clarius lumen vibrare; adeò ut in ipso conjunctionis puncto instar majoris stellæ cerni queat; existimavit eam propriâ, & congenitâ luce fulgere. Verùm post telescopii inventionem nemo amplius in dubium revocat Venerem emendicato lumine relucere: nam easdem serè cum Lunâ phases, & luminis incrementa sustinet. Tycho quidem observavit Venerem in ipsâ cum Sole conjunctione; sed necesse fuit, ut Venus tum maximâ latitudine donaretur, & Sol forsitan tum temporis multis maculis obscuratus fuisset. Illud certè est mirabile, quòd oculorum judicio Venus in utraque conjunctione, in G, & S, sibi serè æqualis appareat; cum tamen tubi optici beneficio maxima videatur, dum nobis in puncto L existentibus, ipsa puncto S vicina, tenuiter est falcata. Minima verò dum plena cernitur in puncto G. An fortè quòd plena existens lucido capillitio refulgeat, quod omnes stellas, tum fixas, tum errantes longè majores quàm revera sint exhibet? quin etiam sæpe interdum videtur cum terris est finitima: quamquam sit in cornua tenuiter sinuata; fortiorem nihilominus lucem reflectit, quòd pars Veneris illustrata, & nobis conspicua sit majoris circuli portio. Mercurius nunquam falcatus cernitur: nam & minor, & Soli propior est; adeò ut vix observari possit; neque enim sui copiam facit.

Orbis terræ cælum Veneris complectitur: quid est enim cur terram inter planetas non censeamus; cum suas habeat phases, nec minùs quàm cæteri planetæ reluceat; cum opaca sit, solida, & aspera, omnes denique conditiones ad luminis reflexionem requisitæ in illam cadant. Copernico quidem placuit telluris globum triplici motu cieri; annuo, diurno, & tertio quodam, qui efficit, ut illius axis ubicunque versetur, sibi parallelus existat: nempe ut poli terræ eundem semper in cælo situm obtineant. Sed, ut ingenuè fatear annuus, & diurnus motus planè sufficiunt, ita ut terra serè instar rotæ in curru moveatur, nam ut rota, sic terra motu diurno circum se agitur. Axis quidem terræ per motum annum de loco in locum migrat; sed cum sibi semper parallelus constituatur, in eadem cæli plagam dirigitur. Finge trochum, quem in magno circulo puer contorquet; hic majorem circulum, ut terra magnum orbem lustrat; circa suum centrum & ubique sibi æquidistat: ita ut ad eundem cæli locum convertatur. Rogabas tu quidem cur stellæ aliquando majores non appareant, cum ad eas propius accedimus? nec attendis non terræ modò globulum; sed etiam totum in quo desertur orbem, puncti instar habere, si cum

firmamento conferatur. Hoc tibi monti simile videbitur, non item nobis, qui nullum divinæ potentiae terminum præscribimus. Quod si stellæ propriâ, non mutuatiâ, luce splendeant, ejusdem cum Sole sunt conditionis, ejusdem forsitan & molis: ac Sol è firmamento visus ceu stella cerneretur, nec magnus ipse terræ orbis Sole major appareret. Corpus enim lucidum in speciem ampliorem spargitur, ut videre est in lucernæ flammâ eminens spectatâ. Sic Jupiter æqualis videtur extremo circulo, quem ultimus satellitum motu suo describit.

Longum est si velim diversitatem dierum, & noctium, ac varias anni tempestates juxta hypothesim Copernici explicare: imò & frustra tempus teram. Cum enim axis terræ, atque adeò illius æquator sibi sit ubique parallelus, eundem semper in cælo situm obtinet, ad eandem stellam dirigitur, ac prorsus immobilis apparet; seu terra, seu Sol ipse moveatur, eadem prorsus contingent phænomena. Idque evidentissimè in sphærâ Copernici, si nunc haberem præ manibus, demonstrarem; in quâ horizon, & meridianus unâ cum terrâ in magno orbe promoveantur; sed propter axis parallelismum, & orbis magni cum firmamento collati insensibilem magnitudinem, immobiles prorsus apparent. Ecce tibi vulgarem sphæram, in cujus medio globus terrestris, suis circulis instructus collocatur. Hunc globulum eximam, eumque sub zodiaco sic manu circumducam, ut ubique sibi parallelus existat. Jam Solem in medio existentem fingamus, atque primo gradui Arietis globum telluris supponamus. Tum certè hic globulus circa suum centrum gyrans, dies ubique terrarum noctibus æquales exhibebit. Cum enim Sol dimidiam terræ partem collustrat, & uterque telluris polus in partis illustratæ, ac tenebræ confinio versetur, æquo temporis spatio omnes terræ incolæ luce ac tenebris fruantur. Nulla enim est ratio, cur dies sit major vel minor nocte. Quare qui zonam torridam inhabitant, tum radios Solis directos, ac perpendiculares excipiant, atque illis æstas maxima continget. Jam paulatim terræ globum versus principium Cancrî promoveo. Vides ut sensim axis terræ à Sole digrediat. Sol quidem in parte oppositâ circa initium Capricorni cernitur, ac polus nobis conspicuus, seu axis terreni, vel mundani extremum tum longissimè à Sole declinat, qui radiis maximè obliquis nostras regiones collustrat. Nam polus arcticus hemisphærio terræ tenebroso altè immergitur. Nobis adeò huic polo vicinis dies brevissimi contingunt. Sed qui Australem plagam incolunt, & æstate, & diebus longissimis gaudent; quod eorum polus ad Solem maximè inclinât, atque in partem telluris irradiatam multum sit

pro-



progressus. Jam globo terrestri ad principium Libræ accedente, solus nobis conspicuus paulatin ad Solem accedit, ac tandem in partibus illustratæ & obscuræ confinio existens, dies rursus nocti æquatur; tumque Sol in principio Arietis cernitur. Denique cùm globus telluris ad principium Capricorni pervenit, tunc polus arcticus maximè ad solem inclinatur, atque in partem irradiatam altissimè provectus est. Hinc Sol radios directiores vibrat, & dies longissimus efficitur. Siquidem pars terræ in quâ degimus, motu diurno describit parallellum, cujus major portio solaribus radiis collustratur. Ut semel finiam, Systema Copernici nihil à Ptolemæico differt, nisi quòd Sol, & terra locum commutent, ac Luna terram circumeat. Nam teste Aristotele maximam cum terra cognationem habet. Jam verò sensuum iudicio definiti nequit, an Sol, vel terra moveatur. Cùm enim duo corpora, à se mutuò divelluntur, visus minori motum affingit, in illud quippe aciem dirigit: hinc nubes aliqua, si vento in occasum rapiatur, tum Luna ipsi obviam versus ortum ire, nobis apparet. Cùm igitur terra, & nos cum ipsâ ab occasu in ortum promovemur, hunc motum sideribus ab ortu in occasum tribuimus. Imò si ad visus iudicium rem exigimus, nec Solis nec stellarum motum percipit: nam oculus totum hemisphærium in momento lustrat, quod Sol duodecim horis percurrit; adeò ut hic motus sit penitus insensibilis, si cum oculorum & capitis agitatione conferatur. Sol quippe quatuor horæ minutis in eodem gradu moratur: hinc nobis videtur planè quiescere; ac solo discursu, non visu corporis hunc motum percipimus. Sic enim ferè colligimus, modò illic erat, jam hic existit; ergo huc promotus est. Atque ut optimè animadvertit Keplerus, non motum modò, sed etiam varias illius species, ut ortum, & occasum, ascensum, & descensum sideribus affingimus; neque his appellationibus abstinere possumus. Sive cessent sidera, sive reipsa moveantur; quique in Lunâ existeret, necessariò iisdem vocibus uteretur, nec motum Lunæ perciperet, sed eum terræ tribueret. Cùm autem scripturæ Solem moveri asserunt, necessariam visus nostri affectionem insinuant; nec falsum dicunt, sed quid oculis appareat, vel ex visu colligatur, verissimè affirmant, atque ad institutum suum accommodant.

Sequitur Martis orbita, quæ orbem terræ magnum cingit. Siquidem Mars suum circulum longiore temporis intervallo absolvit, nec Soli conjunctus, falcatus apparet. Tame si circa quadraturas minus fulgeat, & pars Soli obversa iongè illustrior videatur, quòd lumen suum à Sole, ut cæteri planetæ, mutuetur. Sed cur Soli oppositus, & cùm vespere oritur, octies fermè major, quàm cùm mane emergit con-

*Superiorum planetarum phaenomena.*

Vide superiorem figuram

conspicitur, quando scilicet cum Sole conjungitur? Necessè profectò est, ut Soli oppositus, nobis sit multò vicinior. Solem in T, terram in S, Martem in L concipiamus. Numquid palam est tum Solem per radium ST in puncto eclipticæ E, & Martem per radium SL sub puncto vel stellâ C, & Soli oppositum conspici, tumque Martem terræ longè esse propiorem, quàm si terrâ manente in S, idem Mars existens in N, ex eadem cum Sole parte videatur: idem prorsus per viginti annos in Jove & Saturno observavit Galilæus; sed cum longiore à nobis distent intervallo, vix citra tubum opticum, hoc discrimen apparebit. Mars verò Soli oppositus aliquando Jovem magnitudine æquat, cùm in ipso cum Sole congressu, vix stellam secundi ordinis superet. De Marte hæcenus, Jupiter Marte superior 12. annis zodiacum lustrat; quatuor sideribus seu satellitibus circumdatur, qui circa Jovem eo celerius feruntur, quo ipsi sunt propiores. Intimus, & Jovi proximus, 40. ferè horarum spatio, hunc alius excipit, qui 84. horis; tertius diebus ferè septenis; extremus demum diebus sexdecim circuitus suos complet. Fontana quidam Neapolitanus duas itidem stellulas Veneris velut pedisequas deprehendit. Omnes hi satellites non immeritò lunulæ vocitantur: nam ut Luna circa terram, sic minutiora illa sidera circa Jovem, vel Venerem contorquentur; atque easdem phases sustinent, ac Luna; defectiones itidem patiuntur, ubi Jovis umbram subeunt; parte duntaxat Soli obversâ collustrantur, ac Solis lumen in ipsum Jovem regerunt. Ultimus planetarum est Saturnus, qui 30. annis orbem suum emetitur, ac duobus quoque satellitibus stipatus creditur; sed verisimilius est nihil eos præter partes quasdam Saturni eminentiores existere, quæ per certas cavitates, planetæ eohærent; nec possunt illæ valles sub aspectum cadere, quòd sint depressoires. Rem ita se habere argumento est, quòd à Saturni lateribus nunquam discedant, nec instar Jovis satellitum circa eum gyrent. Unde Saturni stella non perfectè sphærica videtur, sed ad ellipsim magis accedit. Sic macula quædam in Martis meditullio subnigra cernitur, quam non esse montem atro colore infectum, ut placet Campanellæ, existimo; sed cavitatem potius quandam esse, qualis in Venere deprehenditur conjicio. Hæc quidem non ægrè conceditis, sed impudentes sumus, qui terram inter Martis & Veneris orbitas mobilem constituimus. Rem tamen ita esse cùm multa demonstrant, tum maximè quinque planetarum motus,

Cur planetæ stare aliquando, & regredi videantur,


Neque ignoras, Theophile, planetas omnes, si Solem & Lunam exceperis, nobis aliquando in consequentia ferri, (tumque directi & regredi appellantur) nonnunquam stare, sæpe in contrarias partes retroagi appa-

apparere. Quodque magis mirere, superiores qui sunt planetæ, Mars, Jupiter & Saturnus semper retrogradi videntur, cum Soli opponuntur; directi prope conjunctionum loca; contrarium in Venere, & Mercurio experimur. Nam in superiore conjunctione, seu cum faciem à Sole irradiatam nobis obvertunt, directi; circa inferiorem cœli retrogradi cernuntur. Unde hæc miracula? Stellæ omnes æquali motu cidentur; quid illis cum Solis motu commune est? Cur Saturnus sæpius regreditur, quàm Jupiter, & hic frequentius Martem? An rursus ingentibus epicyclis cœlum onerabimus? Quàm primum est hos planetarum errores explicare, si terram moveri phænomenis convicti fateri volumus. Nam quæ eadem celeritate cum oculo feruntur, stare credimus; quæ tardius oculo incedunt, in contrariam ferri partem; quæ celerius, præcurrere videntur. Hæc est nî fallor propositio 54. Optices Euclidis, quam ipsa comprobatur experientia. Finge duas naves in eandem partem agitari. Quod si illa in qua verheris celerius promoveatur; jurabis alteram retrocedere: si ambæ æquali passu incedant, utraque immotam putabis. Denique si navis, quæ te vehit, tardius feratur, alteram quàm citissime agi credas. Cum igitur terra in puncto S consistet, Jovi vel Marti in puncto L existenti proxima, tum Jupiter Soli oppositus conspicietur; cumque in eadem partes ambo ferantur, & terra velocius moveatur versus H, quàm Jupiter versus I, hic regredi à puncto C, in Q videbitur. Nunc Jove in eodem puncto L remanente, aut paululum progresso, fingamus terram prope punctum G existentem; aded ut Sol & Jupiter coire videantur. Nōne terra versus F, & Jupiter versus I, in contrarias nimirum partes nituntur. Quare tum velocissime Jupiter progredi in consequentia, & maxime directus apparebit. Nam qui in tellure versamur, motum terræ, quem non percipimus, Jovi & aliis planetis assignamus. Hæc sanè pulchrè cum phænomenis conveniunt: nam circa oppositiones, cum planetæ superiores vespere oriuntur, atque in L versantur, terrā in S constitutā, tum retrogradi; circa ortus matutinos, quando cum Sole congregiuntur, directi; in medio ferè inter utrumque limitem intervallo stationarii cernuntur, ut circa puncta H, & F, terrā in G vel S existente. Hinc jure Plinius miratur Martem sæpius mensibus sæpe in eodem zodiaci signo commorari, quod duorum mensium spatio debet percurrere.

Jam Venus quoque ac Mercurius suas stationes, suos habent recessus. Solem itaque in T, Venerem in S, terram in N constituamus, hæc cum motu annuo versus M progreditur, tum Venus versus H motum suum accelerare apparet; directā igitur, ac veluti præcipiti

R

motu




motu lata conspicitur, quando pleno orbe fulget. Idem usuvenire so-  
 let, cum navi delati, aliam velis passis in contrarium actam offendi-  
 mus; nos quidem stare, illam verò raptissimè ferri credimus: siqui-  
 dem in illam nostræ navis motum transferimus. Quando Venus ad  
 punctum

punctum H pervenerit, si terra in eodem quo prius loco scilicet in N permanere concipiatur; tum nobis Venus multum promotâ, sub stella R, hoc est in maximâ à Sole digressionem videbitur. Sed ubi inter H & G consistet, jam nobis in N collocatis, versus C regredi apparebit. Hæc sanè phænomena cum terræ motu optimè conveniunt; vix aliter explicari posse putem. Dic obsecro cur Sol, & Luna nunquam, cæteri verò planetæ sæpius retrogradi videantur? Cur Saturnus frequentius quàm Jupiter, & hic crebrius quàm Mars retroagantur; Mercurius sæpius unoquoque anno, Venus vix semel sit retrograda? Cur in Marte arcus retrogradationis (dabitur enim perfectò, ut in rebus inusitatis utamur interdum verbis non auditis) major sit quàm in Jove, atque in Jove major quàm in Saturno? Horum omnium causæ nobis in promptu sunt; vos sudare oporteat, ut vel unam proferatis. Sol quidem retrogradus nunquam existit, est quippe veluti centrum, circa quod terra vertitur: unde tellure motâ ipsum progredi nobis appareat necesse est. Nec Luna unquam regreditur; quia circa terram, ut centrum gyrat; motus terræ annuus, Lunæ communis est; diurnus ipsi non competit, hunc adeò corpori lunari affingimus. Saturnus verò singulis ferè annis fit retrogradus: cum enim vix 12. gr. in propriâ orbitâ unoquoque anno circuficiat; quando telluris globus circuitum suum complevit, brevi eum assequitur; adeò ut terra à Saturno digressa, post duodecimum mensem cum semisse ad eum revertatur, tumquæ Saturnus sit iterum retrogradus, nempe cum terræ est proximus, & Soli quasi oppositus videtur. Sic Jupiter decimo tertio quoque mense retroagi nobis apparet; cum enim 30. gr. intra annum decurrat, terra post 13. menses, & aliquid amplius, eum assequitur. Eadem quoque ratione Mars non nisi exacto biennio fit retrogradus: tantum enim temporis exigit ut ad illum redeat, Mercurii frequentiores sunt quàm Veneris regressus, quòd ille 80. ferè diebus suum orbem perlustrat: hinc sæpius cum terrâ vel Sole conjungitur. Mars quòd terræ sit vicinior majorem arcum retrogressus in firmamento exhibet. Terrâ quippe inter S, & H constitutâ, Mars existens in L regredi nobis videtur; adeò ut sub stella Q appareat, & arcus CQ retrogressus, tantò major existat, quantò punctum L nobis est vicinius. Unde stellæ fixæ nunquam retroagi apparent, quòd immenso à nobis distent intervallo. Nec aliunde planetarum loca, nisi ex fixis dignoscimus; quocirca si Mars antea sub primâ Tauri stellâ visus, jam sub primâ Arietis appareat, illum uno signo regressum fuisse arbitramur; sed nihil ultra stellas fixas contuemur, cum quo earum vel directiones, vel stationes, vel regressus metiamur. Sæpius igitur Sa-

*Quare Sol & Luna nunquam regrediuntur.*

*Quare in Marte arcus retrogr. major est quàm in Jove.*

turnus retroagitur quàm Jupiter, & Mars; sed pauciores gradus in suo regressu percurrit, non modò quia motu tardiori fertur; sed etiam quia sublimior existit. Bis unusquisque planeta videtur stare, circa puncta I, & M prima statio sequitur conjunctionem cum Sole, quando scilicet directus planetæ motus paulatim decrevit, atque ab illa statione jam fit retrogradus; altera post oppositionem contingit; cùm planeta cursum suum paulatim accelerat. Hæc sanè multo illustrius systema Copernici demonstrant, cùm ad calculum, & numeros exiguntur: nam stationum, & retrogradationum loca, tempora, arcus denique ipsi pulchrè adeò cum planetarum distantiiis, & motibus conveniunt, ut qui rem accurato examine perpenderit, aliter eam se habere non posse constanter asseveret.





Non equidem ignoro, pleraque id genus phænomena cum Tychoonis systemate utcunque consentire : nam repetito schemate, quod nobis, Simplici, in Solis theoricâ delineasti, terra centrum mundi M occupet, quo Lunæ, Solis, & firmamenti orbes describantur. Centro verò Solis, ubicunque sit, puta in D, Mercurii, Veneris, & aliorum planetarum circulos descriptos concipe, unus nobis sufficiat H F H, qui Veneris orbem exhibeat. Hinc liquet primò, cur Sol quinque planetarum motus gubernet, cum illorum centrum occupet ? II. Cur Venus, & Mercurius ne ad sextilem quidem aspectum, vel 60. gr. à Sole digrediantur : nobis enim in puncto M existentibus, quocunque in loco Venus versetur, semper Soli finitima apparebit. Dissimulare tamen non possum multa in hoc systemate rationi minus esse consentanea. Illud imprimis, quòd epicycli planetas aliquando nobis proximos admoveant, aliquando longissimè à tellure efferant ; quomodo enim aliter explicari posset, cur Venus ferè quadragies minor, tubo optico deprehendatur, cum faciem à Sole illustratam nobis exhibet, quàm cum à nobis eandem avertit. III. Extra fidem est Solem quinque planetarum orbes secum rapere, & circa terram convertere ; maxime cum totum cælum sit liquidum ; atque orbis, in quo Sol movetur, quantus quantus sit, vix orbis Saturni decima pars existat. IV. Cælum Martis juxta hanc hypothèsim Solis orbitam intersecat : nam & Martem Tycho observavit Sole nobis longè propiorem. Quare per eundem locum Mars & Sol transeant necesse est ; ac fieri poterit, ut aliquando sibi occurrant. Jam quæ collisio horum corporum futura est, quàm toti terrarum orbi metuendum erit Martis incendium ! Sed in rebus tam severis non est jocandi locus.

*Quibus  
rationibus  
systema  
Tycho-  
nicum infir-  
metur.*

Ptolemæus ut planetarum excursiones, & varias à nobis distantias explicet, ad epicyclos identidem confugit, quos libentissimè Tycho amplectitur, ut planetas terræ admoveant. Imò ut stationum, & retrogradationum negotium conficiant : supponamus enim Martem in suâ orbitâ D B D existentem deferri in epicyclo H F H ; adèò ut ambo motus cum centri epicycli D, tum planetæ in epicyclo H F H, annum Solis motum adæquent. Cum igitur Mars punctum H obtinebit, tum centrum epicycli, & planeta in epicyclo in eadem partes versus E, seu in ortum ferentur : celeriori ergo motu tum planeta agetur. Jam ubi Mars à puncto I in F progreditur, tum incipit retrogradi, nam velociùs in epicyclo, quàm epicyclus in magno orbe, planeta defertur, atque ambo motus in contrarias partes distrahuntur. Verùm non immeritò epicyclorum machinas è cælo depu-

*Rationes  
adversus  
Ptolemæum.*

listi, Theophile : quantus quæso erit Martis epicyclus, qui illum terræ tam propè admovent, & tantum retrogradationis arcum efficit? sed plura peccat Ptolemæus, qui omnium planetarum (Sole excepto) motus inæquales super proprium centrum existere, contra ipsius artis principia decernit. Nec dissimulat Copernicus quinque planetarum motus occasionem ipsi præstitisse, de telluris mobilitate cogitandi, quò, inquit, principia artis permaneant; & ratio inæqualitatis apparentis reddatur constantior. Hoc certè systemate posito atque concesso, quinque planetarum theoricæ minimè sunt obscuræ. Nam singuli orbem Soli excentricum percurrunt. Finge Solem in puncto A constitutum. Jupiter excentricum suum CDC, duodecim fermè annis peragrat; dum centrum M minorem circulum MPM duplo velociùs decurrit. Atque interim apogæum medium C lentissimo motu incedit in consequentia: vix enim singulis diebus 9<sup>ta</sup>. conficit. Eadem est cæterorum ferè theoria, nisi quòd Mercurio aptetur, quòd præ reliquis majorem inæqualitatem præferat. Ptolemæus quippe minimas illius à Sole digressiones, in signo Libræ, majores in Ariete, maximas in Geminis, & Aquario contingere observavit. Vix tamen sub conspectum cadit, quòd Soli sit finitimus: nonnunquam instar maculæ in disco solari visus est.

*De latitudine planetarum.*

Latitudo porro eadem ferè in omnibus planetis manet, quamvis major appareat, cum planeta perigæus terram viciniùs pctit, minor cum apogæus longissimè à nobis distat: id enim juxta leges Optices fieri necesse est, cum quæ propiora sunt, eadem majora videantur. Quòd si excentrici orbes tibi displiceant, nihil repugno, quin ellipses planetis decernas; eâ lege ut Sol inferioris foci locum occupet, quemadmodum scitè ex illustri Pagano superiùs exposuisti: nam & ipse nobiscum sentit, & systema Copernici amplectitur, de quo fusiùs quàm institueram, disserui, quòd tibi, Theophile, nimis quàm absurdum, & à communi sensu penitus abhorrere videretur.

*Systema Copernici refellitur.*

*Th.* Jam si placeat disputationis tuæ rationem incamus, quæ mihi quidem hoc syllogismo contineri videtur. Illud systema cæteris est anteponendum, quod cum phænomenis optimè consentit; sed nullum adeo omnibus experimentis satisfacit, ac Copernicæum: quid igitur impedit, ne illud cæteris explosis amplectamur. Eâdem ratione mihi liceret contorquere, ac concludere: nullum ferè systema cum phænomenis non convenit: ergo nullum est rejiciendum: quasi ex falso verum concludi non posset? An oblitus es illius regulæ, quam Arithmetici tradunt? hanc si benè memini, falsarum positionum vocitant; nam falsis quibusdam positis, ipsum qui quærebatur numerum soler-

ter inveniunt. Quidni ergo falsissimæ hypothesei phænomena congruent? ingeniosè quidem Copernicus, cur stare, & retrogradi videantur planetæ, ex motu telluris explicat: sed cum orbem ipsum, in quo terra devehitur, nihil quàm punctum esse cum firmamento comparatum asserit; illud sanè mihi ~~ægè~~ *ægè* videtur. Multa quoque, quæ dubia sunt, pro certis atque concessis Copernicæi assumunt. Neque adeò certum est Martem infra Solem descendere; neque rationes ex parallaxium doctrinâ depromptæ satis firmæ sunt, ut illis credere sit necesse. Non etiam satis compertum est, an superiores planetæ directi semper existant, cum in apogæis versantur. Enimverò quàm concinnè Copernicus planetarum orbitas non eodem, sed diversis centris describit; ac nescio quo modo nihil tam absurdè dici potest, quod non dicatur ab aliquo ex his recentioribus Astronomis.

*Men.* In meâ quidem hæresi persevero, donec aliquid probabilius nobis attuleris.

*Th.* Rectè hæresim vocas hoc opinionis monstrum: non enim modò sensui, & rationi, sed etiam sacrarum scripturarum auctoritati repugnat.

*Men.* Bona verba. Quòd si loeis scripturæ pugnandum foret, sexcenta proferrem, quibus eam sæpe non quid sit, sed quid nobis appareat, docere comprobarem. Nisi fortè illos hæreticos appelles, qui negant veras aquas supra firmamentum existere, aut contendunt stellas quas intuemur, non esse innumerabiles, sed vix ultra 500. sub aspectum cadere.

*Simp.* Obsecro te, dulcissime Menander, terram & Solem suis locis restitue. Quòd si pertendis Soli quietem, terræ motum tribuere, universa, & Theologorum, & Philosophorum manus in te impetum faciet. Næ tu mihi ipsam Astronomiæ urbem prodere videre, dum castellum ejus tam pertinaciter defendis, cumque terram moveri contendis, totam Philosophiam pervertis. Ecquid tandem fidei causâ affers? Optimè, inquis, huic systemati phænomena, nulli verò alteri concinunt. Id certè tibi non concedam: nam si terram in medio mundi, ut par est, constituamus, circa quam Lunæ, Solis, Martis, Jovis, & Saturni orbitæ convertantur; Venus autem & Mercurius circa Solem, ut sidera Medicea circa Jovem, torqueantur: omnium phænomenon rationes hinc apertissimè constabunt.

*Men.* Adde etiam omnia sidera unico motu ex variis compositis agitari, quæ quidem est P. Fabry sententia. Sed multa sunt quæ te de hac opinione retrahant, quæ libens præmitto, ne longâ ligitiosa-  
*Th.*

*Novum  
systema ex  
P. Fabry  
proponi-  
tur.*

*Th.* Cedo quæ sunt illa incommoda, quæ hanc sequuntur hypothesisum? quid hoc mundi ordinis concinnius? stellarum errantium Sol motus moderatur; superiores habet Martem, Jovem & Saturnum, qui celerius quidem ab ortu in occasum progrediuntur, hinc tardius versus ortum promoveri apparent. Luna verò Sole semper est inferior, & præter omnia sidera, tardissimo motu in occasum nititur. Venus demum & Mercurius, modò ocyus, modò tardius quàm Sol ciantur, eoque nonnunquam superiores, aliquando inferiores existunt; sunt enim velut Solis satellites.

*Men.* Jam omni verborum prolixitate concisâ, dic nobis quibus motibus quinque illi planetæ ferantur, quam figuram sibi uniuscujusque orbita vendicat.

*Th.* Jam alias diximus Solem motu ex tribus aliis conflato, nimirum circulari, qui quotidianâ conversione finitur; recto, seu transverso à Septentrione in Austrum, quique declinationis motus appellatur; alio denique recto ascensus, & descensus, ab apogæo in perigæum agitari: atque ex his duo ultimi annuo ferè spatio circumscribuntur. Idem planè in omnibus planetis usuvenit, & quo motus declinationis est tardior, eo circularis fit celerior. Uno verbo, motus diurnus omnium planetarum est contorta spiræ similis, non in orbem perfectum circumductus, & omnes ferè planetæ ellipticam potius figuram, quàm circulum motu suo delineant.


*Men.* Quid porro causæ est, cur planetæ in apogæo sint directi, in perigæo retrogradi?

*Th.* Ratio in promptu est: cum enim circa apogæum versantur, tardius ab ortu in occasum deferuntur, quòd majus habeant spatium decurrendum, & motus sit omnino æquabilis: hinc magis in ortum promoveri videntur. Contrà, cum perigæi sunt, tum celerius ab ortu in occasum rapiuntur, quòd æquabili motu minorem circulum citius percurrant. Quocirca tum stellas quasi à tergo videntur relinquere, ac retrogradi vocantur, quòd non in ortum, sed in occasum remeare nobis apparent. Jam ubi in medio ascensus, & descensus intervallo morantur, tum in eodem loco consistere creduntur, quòd eodem temporis spatio cum stellis fixis diurnam revolutionem perficiant, atque iisdem stellis per aliquod tempus subiciantur.

*Men.* Pulcrè tu quidem; sed quare frequentiores sunt Saturni quàm Jovis, & Jovis quàm Martis regressiones?

*Th.* Quòd Saturnus celerimè in occasum moveatur, hinc citius Solem assequitur. Nihil addo de motu latitudinis, quem ex iis, quæ dicta sunt, in Lunæ theoriâ colligere est expeditum. In Venere latitudo

do maxima ad Boream, in Mercurio ad Austrum deflectitur : & quia Venus suas spiras, seu declinationis motum tardiùs quàm Sol ; Luna autem longè celeriùs conficit ; hinc evenit, ut in Luna caput, & cauda Draconis in occasum, seu in præcedentia ; nodi autem Veneris, sive interfectionum loca in ortum, hoc est, in consequentia ferri appareant. Postremò, Venus ab apogæo ad perigæum 583. dies, 22. horas ; Mercurius verò dies 115. horas 21. impedit ; non secùs atque Astra Medicea tardiùs feruntur, quò longiùs à Jove discedunt. Sed *De ortu et occasu s. planeta-* cur Venus ab apogæo recedens sit vespertina, seu vespere emergit, cum verò à perigæo discedit, fit matutina ? idem de Mercurio dictum *rum,* puta. Quò id fiat illustrius, terram in puncto M, Solem in D, Venerem perigæam in F concipiamus. Tum igitur præcipiti cursu ab ortu in occasum fertur ; unde & retrograda nobis videtur, quò citiùs in occasum tendat ; sed hunc motum, cùm ad apogæum H properat,



paulatim remittit; quare celerius in ortum niti nobis apparet; cumque citius Sole orietur, Solem percurrit, & matutina vocatur. Jam ubi ad apogæum H pervenit, manè occultatur; nam unà cum Sole oritur. Verum ab apogæo egressa, atque ab H in I tendens, tardiùs Sole conficit, cum sit directa: ergo manè nobis non oritur, quòd eam Sol abscondat; sed vespere Solem sequitur. Tandem ubi ad perigæum F rediit, vespere occultatur, quia unà cum Sole occidit; sed postquam ex hoc loco eluctata est, & sursum contendit, non vespere, sed manè emergit. Circa utriusque stationis puncta G, & I longiori tempore sui copiam facit. Superiores verò planetæ cum Sole congressi, sunt orientales, seu matutini; Solem quippe præcurrunt, cum celerius Sole ab ortu in occasum rapiantur; cumque de nocte supra horizontem ascendant, manè emergunt, & vespere Solem antevertunt. Vespertini autem sunt cum à perigæo, seu ab oppositione ad apogæum eluctantur; tum enim de die oriuntur, atque ante Solis occasum emergunt: contrarium enim in his atque in Lunâ evenit, quæ cum ocyùs Sole ab occasu in ortum promoveatur, post interlunium vespere; post plenilunium manè apparet; illic Solem sequitur, hîc præcedit. Sed in his minutiis diutius quàm par sit immoror.

## CAPUT SEXTUM.

### *De stellarum fixarum theoriâ.*

- I. *Systema Cartesianum proponimus.* II. *Multis illud oppugnatur rationibus.* III. *Exposito firmamenti motu, quædam ex Euclide theoremata præmittuntur.* IV. *Trigonometria ferè universa, seu triangulorum Analysis ad praxim Astronomicam necessaria paucis demonstrationibus absolvitur.*

### *Menander.*



ponam.

Bsecro te, mi Theophile, istos omnes aculeos, ac tortuosum hoc disputandi genus relinquamus; quòd sit universale mundi systema, quem locum unaquæque stella sibi vindicet, quæ tandem sit motuum cælestium causa, placidè armis depositis inquiramus: ac primum quid illustri Cartesio videatur, breviter ex-

Th.



*Th.* Sentit verò Cartesius nihil unquam elegans.

*Men.* Ego qui nihil quàm probabilia sequor; & refellere sine pertinaciâ, & refelli sine iracundiâ paratus sum. Meministi tu quidem, Simplici, quòd paucis abhinc annis unâ cum aliquot ex amicis nostris te conventum venimus; cumque, ita ut sit, varios sermones inter deambulandum caderemus, in hanc quæstionem, quæ nunc nobis est in manibus, incidimus. Forte quadam unus qui tum aderat, in Cartesium accerrimè invehit: negavit ullâ mentis agitatione hanc turbinatam (ut ipse loquebatur) Philosophiam concipi posse. Tum amicus noster, vir sanè omni laude major, disertè, ac copiosè; ut est summus sandi artifex, non quid ipse sentiret, sed quid Cartesio videretur exposuit. Ad eundem, inquit, ferè modum, tota mundi machina vertitur, quo cernimus in hoc flumine aquam in se contortam varios effigere vortices; in quibus non rarò alii minusculi reperiuntur; quì omnes circa sua centra torquentur, dum communi vertigine à majoribus rapiuntur. Aliquando usuenit, ut folia arborum, vel palcæ horum minusculorum vorticum centro inhæcant, & circumactæ sa-  
pius gyrent, dum majores vortices gyrum suum semel absolvunt, *Systema Cartesiana*  
Vortices demùm circularem motum affectant, sed vix perfectos orbes describunt, nec parùm in longitudinem, vel latitudinem excurrunt. Non dissimili, inquebat, modo totum hoc universum, si Cartesio credimus, in varios vortices, tanquam in diversas provincias distinguitur, centrum uniuscujusque Sol, vel stella obsidet. Solem efficit materia primi elementi tenuissima, quæ cùm sit quietis impatiens, & motum ab auctore naturæ sibi impressum pertinaciter conservet, raptim, sive circa se vertitur, atque eodem prorsus motu cælum, & planetas omnes circumagit, eo majori impetu, quo centrum vicinius petunt. Alii autem vortices minoris notæ circa terram, Jovem, & Venerem, torquentur: adeò ut terra 365. vicibus circa se volvatur, dum semel communi vertigine circa Solem circumducitur. Sic Venus, Jupiter, & alii forsitan planetæ circa suum centrum gyrent: quemadmodum ex eorum scintillatione colligimus. Astra Medicea cùm Jove peculiarem vorticem constituunt: sic Luna circa terram duodecies volvitur, cum telluris globus semel circa Solem gyrat. Quid enim prohibet quominus terram inter majores planetas, qui suum habeant peculiarem vorticem, majori licèt contentum, reponamus. Postremò, planetarum motus non erunt accuratè in orbem circumducti; nec spatium, in quo deferuntur, erit perfectè sphericum; sed instar ovi ex parte alterâ latius, & obtusius existet, sub quâ cælum expansum lentius fluat, quàm ubi est angustius, necesse est. Eum verò locum planetæ

quisque sortitus est, qui ejus soliditati magis congrueret; adeò ut satis verisimile sit planetas eo majores, vel certè solidiores existere, quo longiùs à Sole recesserunt. Quo magis credibile est partem Lunæ nobis obversam, minùs habere soliditatis; argumento sunt nigriores illæ maculæ, quas liquidas; & fluxiles esse satis compertum est. Id verò, quod jam subinde insinuavi ex mente Cartesii, magnos vortices esse ferè innumerabiles, pulchrè hinc demonstrabat, quòd eorum numerus, stellarum numero exæquetur. Nam si unaquæque stella propriâ luce fulget, nihil à Sole, nisi fortè solâ magnitudine, dissidet; adeò ut singulæ fixæ proprium suum systema habere videantur. Non enim ut plerique sibi persuadent, stellæ omnes eidem sphaeræ affiguntur. Cælum quippe solidum non est, sed fluidum; nec necesse est, ut stellæ eidem circumferentiæ inhæreant: nam corpus lucidum optimè in medio constituitur, ut undique fulgeat: nec commodè in extremâ superficie collocatur, ubi media lucis portio pereat necesse est. Quòd si igitur Sol una ex fixis censeatur, atque omnes sint immobiles, meliùs in centro sui vorticis, quàm in circumferentiâ, unaquæque stella instar Solis consistit. Totum etiam cælum cùm sit spirabile, in perpetuo motu versatur, atque in eo planetæ, ut naves secundo flumine devehuntur. Nec terra, nec ullus planeta propriè movebitur, sed sui vorticis motum consequetur: tum enim res movetur, cùm à vicinâ aliorum corporum divellitur, quod terræ, vel aliis planetis non convenit; quamvis motui totius cæli obsequantur. Quâ quidem ratione omnem de terræ motu invidiam amoliri in proclivi est. Cælum porrò quàm minimo impetu convertitur, quòd nihil ei resistat, ac motum maximè affectet. Quocirca totum hoc universum non instar globi concipiendum est, & licèt finitum sit, nullis tamen terminis illud circumscribere possumus. Non equidem Infinitum, sed indefinitum decernimus; atque in eo complura sunt centra, in quibus totidem fixæ, tanquam faces accenduntur, atque ingens æther, seu expansum circa suum Solem celerrimè agitur. Dubitari quoque non potest, quin stellæ immenso à nobis distent intervallo: quandoquidem cometæ mole maximi inter Saturni cælum, & fixarum vortices excurrunt. Nec minùs supra fidem est stellarum à nobis distantia, quæ ab omnibus Astronomis statuitur, quàm quævis alia major. Denique metuentum non est, ne Dei opera ambitiosè augeamus, & majora quàm par sit, aut divinam deceat omnipotentiam fingamus. Addebat, quòd cùm stellæ fixæ immobiles existant, nequaquam mirum est, si eandem inter se distantiam servare videantur, quamvis aliæ aliis nobis sint viciniore; tanto tamen à nobis sunt sejunctæ intervallo, ut discrimen nullum

*Hac jam  
superius  
attigimus,  
sed hic fu-  
sius expli-  
cantur.*

nullum percipi queat. Tandem magni illi vortices, sic inter se sunt coaptati, ut unius poli partes alterius à polis remotissimas contingant; sic enim mutua inter se commercia exercebunt: cumque vortex rapidissime circa suum axem contorqueatur, illius materia quantum potest à centro recedit, atque per partes à polis remotiores erumpit, quòd ibi motus sit concitator. Quare necesse est ut in proximum vorticem ingrediat, nec subire poterit commedius, quàm per partes polis finitimas, ubi motus est placidior, minor adeò resistentia invenitur. Materia verò cum sit tenuissima, meatus satis amplos quibus excipitur offendit. Sic partes totius universi præcipuè in se se mutuò agunt, & velut nundinationes suas exercent. Hæc serè amicus noster, sed majori facundiâ de systemate Cartesiano differebat; quæ quidem nec me ut assentiar cogunt, nec vera esse putem, sed suâ probabilitate non carent: pleraque verò hujus generis omnia latent crassis occultata, & circumfusa tenebris.

*Th.* Hæc tamen vobis tam sunt defendenda, quàm moenia: hinc enim Philosophia Cartesiana velut religata pendet; ea sunt inconcussa novæ, & hæcenus inauditæ Philosophiæ fundamenta: neque hæc de terminis, sed de totâ possessione agitur; ex his laticibus tria Cartesii elementa fluxerunt. Primum constat ex tenuissimâ in centro cujusque vorticis accensâ materiâ, quæ fons omnis caloris, lucis, & motus existit. Secundum ex innumeris globulis cælestibus constat, qui cælum, vel expansum æthera componunt. Tertium denique ex partibus crassioribus, & ramosis compingitur, ex quibus planetæ omnes prodire. Atque illud est prorsus mirabile, quòd tenuissimæ substantiæ agitatio totum æthera, & solidissimos planetarum globos inæstimabili celeritate, & nunquam fatiscente motu abripiat. Jam quis ferat mundos illos innumerabiles, planetas commentitios stellarum affectas, qui nec sensu, nec ratione deprehenduntur. Sed illud palmare est tenuissimam materiam in centro vorticis agitatum, globulorum cælestium, sive ætheris expansi pressione lumen & calorem efficere; adèd ut simul, & eodem tempore globuli cælestes in rectas lineas, seu radios diffundantur, ac totum cælum in orbem, ipsos etiam planetas, nè terrâ quidem exceptâ, contorquere; gravia deorsum protrudere, atque infinitos propè alios effectus solo motu, qui nec concipi nec enarrari queat, procreare valeant. Quæ, malum, ratio evincet motum à centro ad circumferentiam propagari, cum ex Mechanices legibus constet, motum longè facilius à circumferentiâ ad centrum, quàm vicissim diffundi. Jam omitto præclaram vorticum compagem, cerè necesse est ut alter alterius sibi contigui motum im-

*Quibus  
rationibus  
hoc syste-  
ma oppu-  
gnetur.*

1. ratio.
- 2.
- 3.
- 4.
- 5.

pediat, atque aliorum inflectat. Imò si Cartesio credimus, quandoque evenit, ut vortex minor à vicinis, & majoribus absorbeat. Hinc quædam stellæ tractu temporis obliterantur. Id scilicet contingit, cum stella maculis crassioribus involuta expansum circa se æthera movere amplius non potest, unde in alios vortices commeat; stella vero ut motu, sic luce suâ excidit, atque in planetam vel cometam degenerat. Planeta fit cum altius medio vortici immergitur; tumque sui turbinis motu agitur; at verò in cometam abit, dum extremis vorticibus insidet, & faciliè ex aliis in alios migrat. Num igitur me cogis etiam fabulis credere? Profectò hominis est intemperanter abutentis otio, & literis, ea scribere, quæ nec demonstrari, nec ratione persuaderi possunt. Atque ego prorsus ineptire videar, si in his fabulis refellendis diem consumam.


*De motu* Illud magis ad institutum nostrum pertinet, quòd ut Solem, sic  
*firmamen.* *ii.* stellas immobiles constituitis. Quòd si vos rogem, unde ergo oriri, & occidere nobis appareant? statim ad terræ motum diurnum, tanquam ad aram confugietis. Sed terra quidem moveatur; est enim factis agilis, atque ad motum accommodata. At quid efficit ut stellæ paulatim versus ortum progredi videantur; Nam spicam Virginis Timocharis Alexandrinus in vigesimo secundo gradu Virginis, anno ab obitu Alexandri trigesimo observavit; eandem Ptolemæus anno Alexandri 462. in 26. cum semisse Virginis deprehendit. Copernicus denique anno Christi 1525. spicam Virginis à principio Libræ gradibus 17. scrupulis 21. recessisse comperit. Sunt inter Timocharidem, & Copernicum anni 1819. quo temporis intervallo spica Virginis 27. gr. juxta signorum seriem promota est. Idem prorsus constat ex aliis observationibus Timocharidis, Hipparchi, Menelai Geometræ, Ptolemæi, Albategnii, & Copernici inter se collatis; nisi quòd à Timocharide usque ad Ptolemæi tempora, stellæ tardiori motu, quàm à Ptolemæo ad Albategnium, & longè celerius ab Albategnio, ad nostra usque tempora progressæ videantur. Nam Hipparchus observavit eam stellam, quæ Regulus, seu Cor Leonis dicitur, ab æstivo solstitio fermè signo integro distitam. Ptolemæus post 266. annos vix tres gradus progressum fuisse deprehendit. Albategnius post 740. años ferè duodecim gradus promotam invenit; adeo ut 44. gr. ab æstivo solstitio distaret. Postremò Copernicus post 645. annos eandem stellam 9. gr. 11'. confecisse reperit, ita ut ab eadem metâ 53. gr. jam distaret. Unde ergo ille motus? Numquid fortè cum Nicolao Copernico terræ axem paulatim declinare, ac locum mutare contendes? Sed hoc effugium ne ipsis quidem Copernicæis placeat, Lansbergius enim  
 id

Id fieri posse negat, quòd annis labentibus, ipsa terræ climata situm commutarent; quæque olim erat zona torrida, nunc temperata existeret: necesse igitur est, ut hic motus non telluris globo, sed fixis competat; secus enim eundem motum reliquis planetis assignemus. Ego verò crediderim stellas unico motu ex duobus constato, instar Solis & aliorum planetarum agitari. Sed motus declinationis eo est tardior, quo circularis velocior existit. Quare stellæ spiras describunt adeò confertas, ut citra errorem pro circulis perfectis usurpari queant.

Jam quod stellarum locum attinet, quis definire potest, utrum eidem cælo inhæreant, an aliæ aliis sint à nobis remotiores? Hæc si quæ alia, sunt densissimis tenebris obducta, ac licebit Cartesio quidquid libuerit fingere; dummodo deliria sua, & cerebri vigilantis somnia, tanquam æternæ, & inconcussæ veritatis principia non venditet: dum enim generosiores illi animi vitant humum, & communes opinioniones spernunt, nubes sæpè & inania captant.

*Men.* Morosior es, & ultrà quàm par sit à Cartesio alienior. Quòd si illius scripta evolvas, aliud sentias. Hypotheses suas ut multum probabiles, non ut indubitatæ fidei oracula proponit. Abundè satisfecerit, si omnia phænomena cum systemate quod exposuit, aptissimâ consequentiâ consentiant. Jam si tibi placet, Simplici, excussis planetarum, & stellarum theoricis, ad ipsius Astronomiæ praxim descendamus.

*Simp.* Dies antè nos deficiet, quàm omnia, quæ ad usum sphæræ, & tabularum calculos pertinent, possim evolvere. Quid, si nobis viam, quàm Astronomi tenuerint in motibus corporum cælestium definiendis, vel tabulis construendis, demonstrare aggrediar; & scientiam parallaxium, ex quibus siderum à terrâ distantias industriâ mirabili scrutantur, atque observationum defectus, qui plerumque solent occurrere, velim, uti par est, pertractare, in immensum protrahetur oratio. Sequar igitur summa rerum fastigia, & dabo operam, ne affectata brevitatis perspicuitati, vel accuratæ rerum tractationi quid obsit. Verùm antequam rem ipsam agamus, pauca è Geometriæ fontibus, quæ ad triangulorum resolutionem spectant, non quidem demonstrata supponere, sed utcumque demonstrare nobis incumbit; ac libenter utar eâ quam tu, Menander, nobis delineasti figurâ. Sint igitur rectæ linæ AS, & DT parallelæ, quæ scilicet in infinitum produ- *Qua sine*  
ctæ, nunquam concurrunt; vel ut definit Posidonius; quæ neque an- *linea pa-*  
nuunt, neque abnuunt; sed lineas omnes perpendiculares, quæ utra- *rallela,*  
que connectunt (quales sunt TS, & OP) ubique æquales sortiuntur:  
atque



*Postulatum.* atque hæc sit linearum æquidistantium notio. Jam inter ea, quæ sibi concedi vult Euclides, illud tanquam naturali lumine notum, quodque nullo modo demonstrari possit, postulat; nimirum si linea  $PO$  incurrens in rectas  $TO$ , &  $SP$ , duos efficiat angulos ex eadem parte posi-



positos; nempe  $SPO$ , &  $TOP$ , minores duobus rectis, fore ut ex illâ parte productæ lineæ  $PS$ , &  $OT$  tandem concurrant. Quo enim sunt angustiores anguli  $P$ , &  $O$ , eo magis annuunt, & quasi coire gestiunt rectæ  $PS$ , &  $OT$ , atque adeò protractæ aliquando tandem coibunt. Id sanè mihi non ægrè dabitis, quod ipse Euclides demonstrare non præsumit. Nec vobis excidit, quod superius demonstratum est, scilicet rectam  $OP$ , quæ cadit in lineam  $SPA$ , duos angulos ad  $P$ , vel rectos, vel certè duobus rectis æquales efficere; atque eodem prorsus jure, duo anguli ad punctum  $O$  existentes duobus item rectis æquantur: adeò ut quatuor anguli ad puncta  $O$ , &  $P$ , ex utraque parte constituti, vel quatuor sint recti, vel quatuor rectis sint penitus æquales. His igitur positis, atque concessis, nunc quid demonstrare velim attendite,


Primum hinc colligitur duos angulos  $P$ , &  $O$ , ex eadem parte collocatos; vel ut clariùs loquar, angulos interiores  $SPO$ , &  $TOP$  duobus rectis angulis æuari. Non enim minores fingi possunt, quia ex parte  $S$ , &  $T$ , si rectæ  $PS$ , &  $OT$  producerentur, procul dubio coirent, quod est contra hypothesim; supponimus quippe lineas  $PS$ , &  $OT$  esse parallelas, & nunquam concurrere. Sed neque prædicti anguli  $O$ , &  $P$  majores duobus rectis dici possunt. Siquidem anguli  $DOP$ , &  $OPA$ , ex alterâ parte collocati, duobus rectis minores forent: quòd tantum his decedat, quantum illis accrescit. Hoc est, cum quatuor anguli ad  $P$ , &  $O$  positi simul sumpti sint quatuor rectis æquales; si contenderis duos  $SPO$ , &  $TOP$  duobus rectis esse majores, necesse est ut duo reliqui  $APO$ , &  $DOP$  duobus rectis esse minores existant; atque adeò lineæ  $SP$ , &  $TO$  productæ tandem coibunt ex parte  $A$ , &  $D$ , quod rursus pugnat cum hypothesi. Cum igitur duo anguli  $SPO$ , &  $TOP$ , ut majores, sic minores dici nequeant, restat ut duobus rectis æquales sint. Quod nobis probatum oportuit.

Secundò, ex iis, quæ concessa sunt, colligo duos angulos  $SPO$ , &  $DOP$ , qui alterni dicuntur, inter se omnino esse æquales. Cum enim à duobus, quæ sibi æqualia sunt, quiddam commune aufero, quæ restant adhuc sunt æqualia. Atqui duo anguli interiores, & ex eadem parte  $SPO$ , &  $TOP$  duobus rectis æquantur, ut quàm mox demonstravimus. Sunt itidem duo anguli  $POT$ , &  $POD$  duobus rectis æquales; nam linea  $PO$  cadit in lineam  $TD$ : ergo sublato communi angulo  $POT$ , remanebunt anguli  $SPO$ , &  $DOP$ , alternatim dispositi inter se prorsus æquales.

Jam propius ad institutum accedam; quæque ad triangulorum scientiam attinent, brevi expediam, non ut omnia, sed ut magis necessaria demonstrem. Ac primum duo triangula  $TSP$ , &  $TOP$  mutuo inter se sunt conferenda. Supponamus quod latus unius æquale sit lateri alterius, vel utrique commune, ut  $TP$ , atque duo anguli unius huic lateri vicini, æquentur duobus angulis alterius. Illos majoris lucis gratiâ designabo. Sit angulus  $OTP$  angulo  $TPS$ ; nec non  
 3. angulus  $TPO$  angulo  $PTS$  æqualis. Quid futurum est? Duo triangula erunt inter se omnino æqualia. Quæ enim sibi superposita congruunt; adeo ut neutrum alterum excedat, sibi sunt æqualia. Atqui si duo triangula, quæ descripsimus, sibi mutuo superponantur; ita ut angulus  $T$  unius cum angulo  $P$  sibi æquali alterius conveniat; latus  $PO$  cadet in latus  $TS$ , & latus  $TO$  cadet in latus  $PS$ ; ergo punctum  $O$  puncto  $S$  conveniet; & triangulum  $TOP$  toti triangulo  $PTS$  congruet, & penitus æquabitur. Quod nobis erat demonstrandum. Sequitur ut unius trianguli anatomem aggrediamur, & nobis ante omnia demonstrandum est tres angulos unius trianguli duobus rectis æuari.

4. Sit triangulum  $TOP$ . Intelligamus ductam parallelam  $PS$  ipsi  $TO$ ; &  $TS$  ipsi  $PO$ . Ita ut fiat quadrilaterum, cujus quatuor anguli  $S, T, O, P$ , quatuor rectis æquantur; ut ex iis, quæ demonstrata sunt, liquet. Duo quippe anguli interiores  $O$ , &  $P$  duobus rectis sunt æquales; & eodem jure duo anguli  $T$ , &  $S$  duobus itidem rectis æquantur. Atqui duo triangula  $TOP$ , &  $TSP$  sunt inter se æqualia. Idque nobis demonstrandum est. Linea  $TP$  cadit in rectas parallelas  $TO$ , &  $PS$ : igitur facit angulos alternatim dispositos  $T$ , &  $P$  inter se æquales: ita ut angulus  $SPT$  sit æqualis angulo  $OPT$ : angulus item  $STP$  æquetur angulo  $OPT$ . Duo igitur triangula habent latus commune  $PT$ , & duo anguli unius sunt æquales duobus angulis alterius: quare sunt inter se penitus æqualia. An necesse est concludere tres angulos trigoni  $TPO$  duobus rectis æuari? Cum jam ostenderit quatuor angulos quadrilateri  $T, S, P, O$ , quatuor rectis æquivalere. Illud verò quadrilaterum in duos æquales trigonos divisum est. Quid igitur restat nisi ut tres anguli  $T, P, O$ , trigoni  $TPO$ , duobus rectis æquantur; quemadmodum tres anguli alterius trianguli  $TSP$ , duobus itidem rectis æquales sunt. Nam omnes utriusque trigoni angulos quatuor rectis æuari ostensum est.

Hinc etiam licet colligere, quod si trianguli  $TPO$  unum ex lateribus  $TO$  producat in  $D$ , fiet angulus  $POD$  exterior duobus internis  $T$ , &  $P$  trianguli  $POD$  simul sumptis omnino æqualis. Nec ardua



dua demonstratio futura est. Nam Linea  $PO$  cadens in rectam  
 $TD$ , duos efficit angulos ad punctum  $O$  duobus rectis æquales. Sed  
 mox ostensum fuit tres angulos ejusdem trianguli  $PTO$  simul sumptos  
 duos.

duobus rectis æquari. Tolle igitur communem angulum  $POT$ , duo restabunt anguli  $T$ , &  $P$  simul juncti æquales uni angulo  $POD$ : quod nobis erat probandum.

- Postremò nihil necesse est ut vos admoncam in omni triangulo majorem angulum majori quoque lateri opponi. Sic in triangulo  $POT$ , angulus  $O$ , cum sit major angulo  $T$ ; latus  $PT$ , quod majorem subtendit angulum, longius est latere  $PO$ , quod minori angulo  $T$  opponitur. Quid enim est angulus, nisi duarum linearum in eundem velut apicem conspirantium inclinatio, seu apertio, quæ quo major erit, necesse est ut majore itidem latere subtendatur. Nam quo angulus  $O$  est apertior, eo quoque duæ lineæ, quæ illum efficiunt, majori lineâ  $TP$  connectuntur. Hinc sequitur æquales esse angulos, cum æqua sint latera: ut in triangulo  $TPY$ , æqua sint latera  $TP$ , &  $TY$ , æquales esse angulos  $P$ , &  $Y$  manifestum est. Nam si alter major foret, majori quoque lateri opponeretur. Sed æqualia supponimus latera. Æquales igitur anguli futuri sunt.

*Men.* Numquid ex iis liceat concludere, quòd in omni triangulo eadem est unius anguli ad alterum, quæ lateris ad latus proportio. Hoc est, trigoni  $POT$  angulus  $P$  sit duplus anguli  $T$ , latus  $TO$ , quod subtendit angulum  $P$ , duplum quoque lateris  $PO$  oppositi angulo  $T$  futurum est. Nam si æqua sint latera, æquales erunt anguli; & majus latus majori angulo subternitur, minus minori. Ergo eadem inter angulos, quæ inter latera invenitur proportio.

*Non ad-* *Simp.* Ut falsus animi es. Ponamus enim angulum  $O$  æquari du-  
*deme est in-* obus angulis  $P$ , &  $T$  simul sumptis: numquid fortè latus  $TP$  duo la-  
*ter latera,* tera  $TO$ , &  $OP$  adæquabit? Hoc certè esse impossibile nemo non vi-  
*det: nam duæ lineæ*  $TO$ , &  $OP$  in unam rectam productæ majores  
*angulos* lineâ  $TB$  evadent? Id verò te fallit, quòd anguli & latera, quibus  
*proportio,* constat triangulum, non sunt ejusdem generis, nec adeò aptè inter se comparari possunt. Anguli quippe magnitudinem metitur circuli circumferentia, ut supra monuimus; & quo major est angulus, eo majorem aream intercipit. Sed illa circumcurrens linea, quæ circumlum efficit, specie non convenit cum rectis lineis, quibus triangulum clauditur. Quòd si eadem ratio esset angulorum, quæ laterum, nihil foret facilius quàm triangulum resolvere, ac tribus datis reliqua invenire.

Sit triangulum  $TOP$ , ejus anguli dentur cum uno latere  $PO$ , reliqua investigare oportet. Si tibi credimus, quoties angulus  $P$  angulum  $T$  continet (quod ignorare non possum, cum supponamus notos esse angulos) toties latus  $TO$ , alterum latus  $PO$ : non igitur ignota erit recta  $TO$ .

*Men.*

*Men.* Quâ igitur arte, quâve ratione cognitis trianguli omnibus angulis cum uno latere; vel duobus lateribus cum uno angulo, reliqua invenientur?

*Simp.* Hæc sunt majoris operis, & spiritus. Cogniti quidem anguli inveniendæ est chorda, vel sinus.

*Men.* Quæ sunt hæc verborum monstra?

*Simp.* Faciam ut intelligas. Sit angulus P T Y, quem metitur arcus P M Y, cujus chorda vel subtensa erit recta P O Y, hujus dimidii sinus arcum P O Arabes sinum vocant. Est igitur P O sinus dimidii anguli P T O, vel dimidii arcus P M; ac perpendiculariter cadit in semidiametrum T M. Eâdem prorsus ratione recta P S est sinus arcus P L, vel anguli S T P, Quare optimè definitur sinus, dimidium chordæ duplum angulum, vel arcum subtendens.

Quocirca in triangulo P T O, si dentur omnes anguli cum uno latere P O, reliqua facile invenientur: nam eadem est inter latera, quæ inter sinus angulorum proportio. Hoc est, quoties latus P T continet latus P O, toties sinus anguli P T completitur sinum anguli T. Dantur ex hypothefi anguli O, & T, quorum sinus in tabulâ facile inveniuntur. Ergo minimè nos latebit, quoties recta linea P T contineat rectam P O; atque eâdem facilitate obtinebis latus T O. Igitur datis trianguli omnibus angulis, cætera facile inveniuntur. Quod in trigono rectangulo, seu qui rectum angulum habet, qualis sit conficiendus P O T, planum est. Siquidem latera sunt sinus ipsi angulorum, quibus substernuntur. Ut P O est sinus anguli T, & T O est sinus anguli T P O. Denique radius T P est sinus anguli recti O: nam diameter L N est chorda semicirculum, sive 180. gr. subtendens: radius T L, cui æqualis est T P, erit sinus quadrantis circuli, qui angulum rectum O mensurat.

*Men.* Jam si angulum O, rectum non statuamus, an eadem proportio recurrit?

*Simp.* Eadem prorsus: nam æquales anguli æquales obtinent sinus; majoris anguli major est sinus; minoris minor: nec licuit nobis angulos cum lateribus componere, ut quantò angulus est altero major, tantò unum latus alterum excedat; quòd anguli, & latera sint res penitus disparatæ, & non ejusdem generis. Nunc si loco angulorum sumantur eorum sinus, vel chordæ: palam est æqualibus angulis, æqualia latera, & æquales chordas, vel sinus; majoribus quoque angulis, majores sinus, & majora latera; minoribus minora respondere. Ergo eadem est inter chordas, vel sinus angulorum proportio, quæ inter latera invenitur. Clariùs dicam, ut se habet unum latus ad

Principi-  
um totius  
trigono-  
metria.

ad aliud, v. gr.  $TO$  ad  $OP$ , sic se habet sinus unius anguli  $P$  ad sinum alterius anguli  $T$ . Illud quippe axioma à Philosophis usurpatum, ut se habet simpliciter ad simpliciter, ita magis ad magis; in rebus ejusdem generis, vel speciei longè est verissimum, atque ipso naturali lumine notum. Hæc igitur totius trigonometriæ quasi duo fundamenta substernamus. Primum, dati anguli sinus in tabulâ huic rei destinatâ; & vicissim cognito sinu facillimè angulus obtinetur: ut si trigoni  $PTO$  angulum  $T$ , 30. gr. noveris; sinus quoque  $PO$ , in tabulâ sinuum statim occurret: ac si notus tibi fuerit sinus  $PO$ , seu illius proportio ad radium  $PT$ , sitque ex gr. 20. partium quarum radius, vel semidiameter  $TP$  est 60. anguli  $T$  quantitatem in tabulâ statim offendes. Alterum fuit à nobis identidem inculcatum: nempe eandem esse inter angulorum sinus, ac inter latera trianguli proportionem.


2. Quare cognitis unius trigoni omnibus angulis, latera quidem non idcirco innotescunt, sed certè proportio, quæ inter ea intercedit, non ignorabitur. Addâmne quòd perspectis duobus angulis  $P$ , &  $O$ , tertius  $T$  facile elicietur? cùm enim tres simul sumpti duobus rectis, sive 180. gr. æquantur, si statuamus angulum  $O$  rectum, vel 90. gr. & angulum  $P$  60. gr. necesse est, ut residuus  $T$  30. gr. complectatur; quòd tres simul juncti anguli summam 180. gr. efficiant. Datis verò angulis, dantur eorum sinus; atque adèò quantum unum latus trianguli alterum excedat exploratum habebimus; cùm eadem sit inter latera, quæ inter sinus, proportio.

Per 3. th.

3. Quinetiam si unius trianguli  $TPO$  (ne ab eodem exemplo recedamus) detur nobis angulus  $O$ , & proportio anguli  $T$  ad angulum  $P$ , facillimè inveniemus angulorum  $P$ , &  $T$  mensuram. Sit enim angulus  $O$  rectus, & 90. gr. duo reliqui 90. idem gradus complectentur. Sit porro angulus  $T$  subduplus anguli  $P$ : ergo angulus  $P$  60. gr. atque angulus  $T$  30. gradus continebit, ut ex utroque summa 90. gr. prodeat. Pergamus, ac totam trigonometriam, in quâ Astronomiæ studiosi adèò fatigantur, paucis decurramus.

4. Sæpè usuvenit, ut unus trianguli  $POT$  dentur duo latera cum uno angulo ab iis comprehenso; ut si detur angulus  $O$ , cum lateribus  $PO$ , &  $OT$ ; ac reliqua sint nobis indaganda. Cognitis lateribus  $PO$ , &  $OT$ , non quidem habentur anguli  $P$ , &  $T$ , sed quæ sit inter eos proportio obtinebimus. Supponimus enim angulum  $O$  rectum, ac proinde duo anguli  $P$ , &  $T$ , simul juncti, uni recto æquantur: & utriusque seorsim sumpti sinus habebuntur, cùm  $TO$ , &  $OP$  sint explorata. Ergo anguli facillè innotescunt.





Longè tamen compendiosiori via latus  $TP$  per 47. lib. i. Element.  
 Euc. consequemur, quo cognito, angulos statim habebimus: & si li-  
 beret hæc ad praxim redigere, auctor forem, ut latus  $PT$  juxta Eu-  
 clidis demonstrata quareretur. Sed nolui quicquam ab Euclide de-  
 mon-

*Quid tan-  
gens, quid  
secans li-  
nea.*

monstratum supponere; hæc enim mihi à vobis lex præscripta fuit, quam transilire mihi religio est. Neque etiam ignoro longè adhuc expeditiorem fore calculum, si tangentium, & secantium tabulis utamur: ut si radio  $TO$ , centro  $T$  delineatum circulum intelligas, hunc tanget recta  $OP$  in puncto  $O$ . Secabit verò linea  $TP$ : cognitâ igitur, ut supponimus, tangente  $PO$ , statim in tabulâ angulus  $T$  innotescet; atque eâdem operâ secantem  $TP$ , quam barbarâ voce hypothensam vocant, perspectam habebis.

*f.* Quod si duo latera habeantur  $TP$ , &  $PO$ , cum angulo  $O$  (rectus sit vel obliquus, mihi perinde est) facillimè reliqua obtinebo. Nam ut eandem cantilenam sæpius occinam, quantum latus  $TP$  majus est latere  $PO$ , quod mihi ex hypothese notum est; tantumdem sinus anguli  $O$  major erit sinu anguli  $P$ : atqui non me fugit sinus anguli  $O$  per tabulam sinuum. An igitur ignorare potero sinum anguli  $P$ , vel ipsummet angulum? jam cognitis angulis cum duobus lateribus, statim reliquum latus  $TO$  innotescet, ut jam ostensum à nobis est. Sed alia forsitan obscuriora.

Offeratur nobis triangulum omnes habens obliquos angulos  $TPY$ , & licet hæc æqua sint latera  $TP$ , &  $TY$ , finge tamen esse inæqualia, ut ipsa trianguli resolutio plus habeat operis; dentur verò latera  $TP$ , &  $PY$ , cum angulo  $P$  ab illis comprehenso: cætera reperire nobis incumbit. Datum igitur triangulum in duo minora bipartitum concipiam, ductâ perpendiculari  $TO$ , ac prioris quidem trianguli  $TPO$  rectanguli resolutionem aggrediar. Jam illius duo anguli  $O$ , &  $P$ , cum latere  $TP$  innotescunt: ergo per primum problema, reliqua faciliè habebuntur. Notum igitur mihi est latus  $TO$  cum latere  $OP$ , & subducto  $OP$  à toto latere  $PY$  noto, non ignorabo reliquum latus  $OY$ . Quare in triangulo  $TOY$  rectangulo, jam obtinui duo latera  $TO$ , &  $OY$ , ac angulus  $O$  rectus cum sit, mihi est cognitus. Quocirca ex iis, quæ mox demonstravimus, reliquum latus  $TY$ , cum angulo  $Y$  consequar; atque adeò tota latera, tum anguli trigoni  $TPY$  habebuntur. Non morabor in hac parte ampliùs; & quidem volui in hanc rerum tenuitatem descendere, ne quid ad Astronomiæ intelligentiam necessarium viderer omittere. Nec dissimulandum est, quod illis minutis instructa Geometria ad rationem usque mundi se tollit, & non solum stellarum errantium certos, constitutosque cursus numeris docet, sed etiam siderum moles, eorumque à terrâ distantias industriâ mirabili dimetitur.

*Th.* Multa tu quidem, quæ non nisi per longas ambages, & morosas demonstrationes ab aliis traduntur, quàm brevissimè exposuisti;  
id

id unum tamen tecum quasi exoptulo, quòd ad sinuum tabulas præ-  
vocaveris; nec dum nos quâ methodo digerantur, edoceris.

*Simp.* Non temerè id, quòd à plerisque tractatum est uberrimè,  
omittendum putavi: nam si Geometricâ subtilitate exquirere volu-  
mus, quam cujusque arcus chorda, vel sinus cum diametro habeat  
proportionem, in immensum protrahetur oratio, atque longa demon-  
strationum series ex Euclide erit retexenda. Hoc quidem argumen-  
tum ante annos sexdecim, cum animum seriò ad Mathematicas scien-  
tias adjungerem, quantum potui (nihil enim magno opere meorum mi-  
nor) breviter & dilucidè exposui. Hipparchus olim de subtensis in  
circulo lineis 12. libros conscripserat: idem postea Ptolemæus facili-  
ori viâ aliquot demonstrationibus, licet paululum obscurioribus, ex-  
pediivit. Nunc satis fuerit, si praxim quasi mechanicam paucis aperi-  
am. Circulo itaque in 360. gr. distributo diametrum IM in 120. par-  
tes veteres diviserunt. Unde posito circini pede immobili in puncto  
M, facile erit dignoscere quot diametri partes unaquæque chorda, vel  
sinus contineat. Sed ut calculus foret accuratior, placuit recentiori-  
bus semidiametrum, seu radium TM in 10000. partes divisum suppo-  
nere; singulos quoque gradus in tres partes secuerunt, quarum sin-  
gulæ viginti minuta complectuntur. Imò licebit & radium minutius  
concidere, atque in 100000. partes divisum fingere; sic gradus sin-  
guli commodius in sex partes secabuntur. Quocirca si radium TM  
in centum partes distribueris, unaquæque centum, vel mille contine-  
bit, quarum radius TM 10000. vel 100000. complectitur; nec diffi-  
cile erit cujusque arcus chordam, aut sinum invenire. Chordis verò  
cognitis, sinus non ignorantur. Detur chorda POY subtendens, vel  
connectens extrema arcus PMY, illius dimidia PO erit sinus dimi-  
dii arcus PM, ut jam subinde monuimus. Circulo autem in suos gra-  
dus, & diametro in partes suas divisus, beneficio circini cognoscetur  
chorda POY, & quota sit pars totius diametri IM. Atque ad hoc cu-  
jusque arcus sinum non ægrè obtinebimus; ac tabulam sinuum hoc  
serè modo digercmus, Partes circumferentiæ, seu gradus primo loco  
constituemus, quibus sinus è regione collocabuntur.

Quæres ex. gr. quantus sinus respondeat arcui unius gradus &  
viginti minuterum, è regione invenies sinum 2327. quarum radius  
circuli erit 100000. partium. Jam si velis scire quis sinus respondeat  
V  
arcui

Circumferentiæ		Diffe-	
Grad. Scrup.		rentiæ.	
Specimen tabulæ finium:	10	291	291
	20	582	
	30	873	
	40	1163	
	50	1454	
	60	1745	
	10	2036	
	20	2327	
	30	2617	

arculi unius gr. & 25. min. vide in columnâ differentiæ, quot partes debeantur decem minutis unius gradus. Ecce tibi 291. Igitur dimidium hujus numeri nempe 145. addam sinui prius invento 2327. summa erit 2472. Tantus igitur dati arcus, sinus futurus est.

*Mex.* Profecto me beasti: nunquam enim hæcenus istam sinuum, & triangulorum spinosissimam doctrinam assequi potui, in quam tamen plerique omnes Astronomi tota volumina impendunt.

*Simp.* Nunc si placet, in aliam diem, quod superest differamus; nam diu est quod vestra facilitate nimis intemperanter abutor.

*Th.* An tu cum nos in summam expectationem adduxeris, tam cito deferis; pedem hinc non referes, donec promissa exolvās; quæque ad praxim Astronomicam spectant penitus absolvas.

## CAPUT ULTIMUM.


### De praxi Astronomicâ.

I. Inchoatam capite secundo de sphaerâ celesti tractationem absolvi-  
mus; quibus utantur instrumentis Astronomi; quâ methodo line-  
am meridianam, Solis & aliorum siderum altitudines; poli ele-  
vationem, locorum longitudes aucupentur; quæque ad sphaerâ,  
vel globi celestis usum pertinent, compendiosè exponuntur. II.  
Quâ industriâ Solis, & aliorum planetarum excentricitates in-  
vestigant; tabulas Astronomicas conscribant, atque ex iis motus  
cælestes, & siderum loca explorata habeant, uno item ex altero  
problemate edocetur. III. Doctrina parallaxium, ex quibus pla-  
netarum à terrâ distantias colligunt, nec non quâ arte eclipses præ-  
nuntiari & delineari possint, aperitur. IV. Agitur de variis  
defectibus observationum, veterum & recentiorum erroribus ubi  
de refractionibus & crepusculis nonnulla; ac demùm Astrologia  
conjecturalis pervellitur, & vanitatis revincitur.

*Simplicius.*



Atis pol pro imperio loqueris; sed apud te sumus, tibi  
mos gerendus est. Ac primò mihi dicendum esset, quæ  
instrumenta Astronomi ad observationes suas adhibeant;  
quæve arte construuntur, nisi hæc vobis forent notissima,  
atque



atque ad machinatricem potius, quàm ad Philosophiam attine-  
rent. Nemo nescit rotundis instrumentis plerumque eos uti, qui si-  
derum motus circulares dimetiuntur; sive integrum circulum in 360.  
gr. distributum abhabeant; sive quadrante circuli in 90. gr. partito  
V 2 utan-

utantur. Sit igitur majoris lucis gratiâ circulus  $CEC$  in 360 gr. seu partes æquales; vel quadrans circuli  $CD$ , in 90. gr. dispersitus; quod compendiosissime fieri potest beneficio alterius circuli, puta  $SGS$ , jam antè distributi, cujus medium centro  $T$  applicetur: ac regula  $TB$  per singulos distributi prius circuli gradus ducta, gradus itidem in majori circulo  $CEC$  delineandos indicabit. Sed parum est Astronomo circulum in gradus dividere, nisi singuli gradus in 60. scrupula, vel saltem in sex partes, quatum unaquæque decem scrupulis respondeat, minutius concidantur. Quocirca non exiguis, sed amplioribus instrumentis uti solent. Quò verò uniuscujusque sideris locum exploratum habere possint, tenuissimam adhibent regulam, aliquantulum latam, cujus una extremitas centro  $T$  insigitur, altera  $B$  per omnes circuli gradus circumdueitur. Optarem equidem, ut puncto  $B$  arcus  $BA$  unius gradus in sua scrupula distributi apponeretur, quem regula  $TB$  secum deveheret; tum enim necesse non foret totum circulum operosè in minuta partiri, neque instrumentum ipsum tantam exigeret molem. Prætereo utrique regulæ extremitati  $T$  &  $B$  duo pinnæculia, vel laminias perforatas, aut rimulis pervias affigi oportere, ut per illa foraminula, vel siderum radii excipiantur, vel ipsa sidera contueri liceat. His breviter delibatis totum opus in certa problemata digeramus. Neque hic est locus, in quo exultare possit oratio, sed in Mathematicorum angustias, & dumcta est compellenda.

*Men.* Ut voles, non enim quærimus abundantem rerum, aut verborum copiam, quæ cumulum tantum habeat, atque congestum: sed scientiam viâ, & ratione pertractatam volumus. Cum in cæteris scientiis, tum præsertim in Mathematicis mirificè capit animum meum erudita brevitatis cum aptâ rerum dispositione conjuncta.

*Simp.* Qui ordinis ac methodi in hujus disciplinæ tractatione nullam rationem habuerit, hic sanè audientes obruet, non docebit; licet amœnâ forè garrulitate deleat. Præclaras quidem sententias fundat, quæ si non cohæreant, ac demonstrationum munitione destituantur, nihil quàm nugæ egerit: nam laboratur etiam intemperantiâ rerum optimarum. Quò igitur viam ingrediamur eamque planam, atque ad demonstrandum expeditam, à facilioribus ducamus exordium, ex quibus ad extrema occultiora quasi per gradus deducemur. Nobis ante omnia methodus, quâ linea meridiana (sic dicimus lineam, quæ directè meridiano circulo subjacet) inveniatur, proponenda est.





PROBLEMA I. Lineam Meridianam indagare.

**Q**uod si acus chalybea, quæ vi magneticâ imbuitur, ad utrumque mundi polum extrema sua citra ullam deviationem dirigeret; illius ope lineam meridianam invenire expeditum foret: cum acus ipsa versoria, quam quærimus, lineam exhiberet; atque omnes rectæ versorio quiescenti ductæ parallelæ totidem essent lineæ meridianæ: hinc qui vulgò horologia solaria delineant, hac methodo lineam Meridianam exprimunt. Verùm satis compertum est acum versoriam ad utrumque mundi cardinem non adeò religiosè extrema sua convertere, quin aliquot gradibus hinc, atque inde defleat. Quare vel illius deviationis ratio habenda est, vel aliam viam paulò difficiliorem insistere oportet. Centro *T* plures circuli describantur, erecto ad perpendicularum cylindro, seu baculo *TS*, aliquot ante meridiem horis, ut horâ nonâ, diligenter inspicere cujus circuli peripheriam, quodque punctum attingat extremitas umbræ à baculo projectæ; quod sit ex, gr. 9. idque punctum signa. Eâdem serè post meridiem horâ, tertiâ scilicet revertere, atque expecta quousque ad eundem circulum extremitas umbræ contingat, ut in puncto 3. Jam arcum 389 in duas partes æquales divide in puncto *S*, & per centrum circuli ducta *STG* lineam Meridianam præbebit. Nam si umbra circa horam nonam secundum rectam *T9*, & horâ tertiâ in rectam *T3* porrigatur, necesse est ut in ipsâ meridie lineam *TS* describat, ut ab utraque æquo distet intervallo. Neque opus est ut vos admoneam styli, seu baculi extremitatem in mucronem esse acuendam, atque eandem operationem sæpius esse repetendam; est quippe hæc linea omnium serè observationum quasi fundamentum.

PROBLEMA II. Solis & aliorum siderum altitudinem reperire.

**I**nstrumentum vel annulo liberè suspendatur in puncto *C*, si sit integer circulus, cujus generis est Astrolabium; vel ad perpendicularum erigatur, si sit quadrans circuli *DC*. Regula verò *TB* versatilis tantum moveatur, quousque radii solares per utriusque pinnacidii rimulas trajiciantur; vel astrum ipsum per foraminula conspiciatur. Sit v. gr. regula *TB*, inter *D*, & *C* medio intervallo constituta, tandem numerabis gradus inter *D*, & *B* interceptos, ea est quippe Solis vel alterius sideris supra horizontem elevatio. Cum enim instrumenti punctum medium *T*, à centro terræ sensibilibiter non differat, si per lineam *DT* Sol radios suos vibret, palàm est eum supra horizontem non attolli, sed illius superficiem duntaxat radere, ut cum oritur, vel occidit. Quod si per radium *TC* conspiceretur, tum vertici nostro immineret,

Eadem figura ubique consuetudina.

ac toto quadrante circuli DC super horizontem assurgeret. Eodem quidem jure cum Solem per radium TB contuemur, tot gradibus attollitur, quot in arcu DB numerantur. Non dissimulandum est esse alium inveniendæ Solis altitudinis modum, citra ullum instrumentum, per solius baculi erecti umbram.

Sit stylus seu baculus PO, cujus umbra OT, radius solaris BPT. in triangulo TPO nota sunt duo latera, nimirum PO baculi altitudo, & OT ipsius umbræ longitudo. Angulus quoque O, cum sit rectus, ignorari non potest; est quippe 90. gr. ergo juxta ea, quæ superius de triangulorum resolutione diximus, innotescet angulus OTP, quæ est ipsissima Solis supra horizontem elevatio. Hæc quidem subtili, & Geometricâ planè methodo veteres usos fuisse non ignoro; sed tamen incerta est, & lubrica, nisi stylus PO sit portentoſæ longitudinis. Nam difficile est lucis & umbræ confinium discernere, & facile unius, vel alterius gradus error in hac operatione irrepsit.

*PROBL. III. Altitudinem poli, seu latitudinem loci indagare.*

**I**N hac operatione infinitum propè momentum est; eaque sic potest satis accuratè perfici. Cum Sol alterum æquinoctiorum obtineat, altitudo illius meridiana observetur, sit v. gr. DB, 41. gr. & 10'. tanta erit altitudo æquatoris BT supra horizontem TD, hæc à quadrante circuli DC subducatur, remanebit BC distantia æquatoris à puncto verticali C 48. gr. 50'. quæ quidem est latitudo hujus loci æqualis omnino altitudini poli quæſitæ VR, quod faciliè demonstrabitur. Est quippe arcus RB quadrans circuli 90. gr. cum sit distantia poli ab æquatore; est itidem CV circuli quadrans, cum sit distantia puncti verticalis ab horizonte; ergo sublato communi arcu CR, remanebunt BC latitudo loci, & RV altitudo poli penitus æquales.


Nec minùs præcisè, beneficio alicujus stellæ, quæ polo vicinior neque oritur, neque occidit, eandem poli altitudinem obtinebimus. Nam si maxima stellæ altitudo meridiana diligenter observetur, quæ sit ex. gr. 60. gr. & post 12. horas, vel alio die, minima quoque stellæ altitudo exploretur, quæ sit 40. gr. utriusque differentia erit 20. gr. cujus dimidium à maximâ altitudine subductum, vel minimæ additum dabit poli ipsius altitudinem 50. gr. vel utramque tum maximam, tum minimam stellæ altitudinem in unam summam congere, prodibunt 100. hujus numeri dimidium sume, nimirum 50. hæc erit altitudo poli. Hanc si semel consecutus fueris, declinationem Solis ab æquatore faciliè inveniēs.

Dato

Dato enim die observetur Solis altitudo meridiana, & quanto æquatoris altitudinem jam compertam superabit, vel ab eâ superabitur, tanta Solis declinatio futura est. Sic Parisiis cum Sol principium Cancris subit, 64. gr. & 50'. in meridie attollatur, (nam alii polum 48. gr. 40'. alii 48. gr. 50'. supra horizontem assurgere existimant) ex quibus si æquatoris altitudinem 41. gr. & 20'. deduxeris, remanebit maxima Solis declinatio 23. gr. & 30'. Contrâ evenit, ubi Sol hieme Capricornum ingreditur, tum enim in meridie non amplius quàm 17. gr. & 50'. attollitur; adeò ut æstivo solstitio 47. gr. nobis, quàm hiberno vicinior existat. Hinc tanta dierum inæqualitas.

Petrus Gassendus altitudinem poli Massiliæ per umbram gnomonis, vel erecti perpendiculi exploravit, viâ quidem paululum difficiliore, sed quâ nulla accuratior hæctenus excogitari potuit. Collegii Massiliensis tecto æream laminam circello resecto perforatam, sublata tegulâ, sic aptavit, ut Solis meridiani radios posset excipere. Jam de foramine perpendiculum demissum est octo orgyis longum, cui prælonga, & lævigata tabula subjecta fuit, & ad libellam composita, in quâ lineam meridianam ex ipsius perpendiculi casu, quàm potuit exactè, opè versorii cujus declinatio nota fuit, produxit. Fingamus itaque foramen in puncto P appositum, ac situm pendulum P O in 1000. partes distributum, quarum unamquamque in plures alias dispescere licebat. Tabula libellata fuerit T O; Sole in solstitio æstivo versante expectatum est, donec illius radii per foramen transmitterentur, atque imaginem suam, quam instar ellipseos solet depingere, sic in tabulam T O projiceret, ut à meridianâ lineâ in partes æquas divideretur: tum enim judicatum est Solem circum meridianum obtinere. Jam ex proportionem perpendiculi P O cum umbrâ T O, meridiana Solis altitudo, tum cum æstivum solstitium occupat 70. gr. 11'. cognita est, eo quo superius dictum est modo. Nunc sublata maximâ Solis declinatione 23. gr. 31'. scilicet minorum ab illâ Solis altitudine, remanet æquatoris elevatio 46. gr. 40'. quæ à quadrante circuli subducta, exhibet urbis Massiliensis latitudinem 43. gr. 20'. hæc tamen ut in cæteris observationibus magnâ opus fuit cautione.

Primo enim filum pendulum cum sit ductile, & tensile, nonnullum errorem faciliè potuit inducere, cui incommodo ut occurreret Gassendus regulam ligneam P O adhibuit. II. Rationem quoque habere oportuit semidiametri Solis 15. scilicet minorum, quam necessarium fuit ab inventâ altitudine subducere, ne major quàm revera esset haberetur. III. Penumbra etiam (sic vocamus lumen debile, quod  
inter



inter ipsum lucis nucleum, & nigram perpendiculi umbram interja-  
cet) negligenda non fuit, atque ab inventâ Solis altitudine subducendam  
oportuit. Aequalis porro erat semidiametro foraminis P, seu circelli  
in laminâ arcâ resecti. Non enim solum pendulum centrum forami-  
nis

ut par erat, sed infimam partem attingebat. Taceo ipsum Gassendum nonnihil à vero aberrasse, quòd supposuerit acum versoriam quinque gradibus à mundi cardine defecere, ut ante aliquot annos deprehenderat; sed illa versorii declinatio minimè constans existit, quemadmodum ubique ferè terrarum observatum est, unde nunc temporis vix duobus gradibus Massiliæ, & Aquis-Sextiis à mundi polo declinat. Hæc paulò uberius disserui, ut hinc constet quâ arte, quâve diligentia Astronomi siderum motus dimetiantur. Nulli quidem auctor fuerim, ut in iis artibus ætatem suam consumat, atque ad minutissima Astronomiæ opera descendat; sed fruamur aliorum laboribus, iisque studiis liceat donare quædam velut temporum subsidia.

*PROBL. IV. Gradum zodiaci in quo Sol versatur investigare,*

**L**iterarii penè ista sunt ludi, & trivialis scientiæ; neque observationibus, neque instrumentis opus est; duo duntaxat versiculi memoriæ sunt infigendi:

*Livor mente latens insultat honoribus, horret  
Grandia gesta, hærens insigni laude notatis.*

Duodecim sunt dictiones, quas in duodecim menses sic tribue, ut prima Martio, secunda Aprili, & ita porro singulæ singulis mensibus ex ordine respondeant. Nunc vide quotâ in Alphabeto sit prima cujusque dictionis litera, totidem ex 30. unitates detrahe, residuus numerus indicabit diem, quo Sol signum zodiaci ingreditur. Exemplo res fiet illustrior. Mensi Aprili secunda dictio (mente) respondet, & prima ejus litera in Alphabeto undecima est: quare ex 30. auferam 11. restabit 19. Sol igitur decimo nono die Aprilis signum Tauri ingreditur. Sed quiddam aliud inquirimus, in quo scilicet gradu Sol versetur quolibet mensis cujusque die. Addendus est ad diem propositum numerus literæ primæ dictionis designatus: quòd si numerus minor 30. prodierit, is gradum quæsitum indicabit. Ut die 12. Aprilis scire volo, quem gradum Arietis Sol occupet, Dictionis (mente) prima litera est M, in Alphabeto ordine undecima. Addam igitur 11. numero dierum, nempe 12. summa erit 23. quo circa eo die Sol vigesimum tertium Arietis gradum obtinet. Jam si quæras quem gradum Sol occupet die 28. ejusdem mensis, adde ut prius 11. dierum numero 28. & prodibunt 39. detrahe 30. restabunt 9. his adice unitatem. Itaque Sol eo die in decimo gradu Tauri commoratur. Meminisse igitur oportet detrahenda esse 30. quoties abundant, & residuo numero unitatem esse adjiciendam.

PROBL. V. *Longitudinem loci invenire.*

**N**ihil adeo Mathematicorum ingenia exercuit, atque ipsa longitudinum scientia, quæ cum sit navigationi, & Geographiæ necessaria, non mirum est si summi viri impensam hujus arcani inquisitioni operam dederint. Quærimus igitur quâ methodo inveniri possit arcus æquatoris inter duos meridianos interceptus; seu quantum citius in uno loco, v. gr. Byzantii, quàm Parisiis Sol orietur: hæc enim eodem recidunt. Veteres ex Lunæ eclipsibus id inveniri posse crediderunt: nec quidem sine causâ. Cum ubique terrarum eclipsis Lunæ appareat, si horâ sextâ Constantinopoli; Lutetiæ verò non nisi horâ octavâ defectionis initium conspiciatur: rectè colligimus Byzantium duabus horis, seu 30. gr. magis ad Orientem vergere. Verùm multa occurrunt, quæ hoc negotium difficilium reddunt. Obstant inprimis Lunæ parallaxes, & refractiones, quas accuratè dignoscere citra magnum laborem non possumus. Deinde vix horam satis præcisè habere contingit: nisi fortè stellarum fixarum beneficio. Cum enim Sol aliquantulum tardiùs quotidianâ conversione ab ortu in occasum, quàm stellæ deferatur; adeo ut intra antiquum spatium integrò circulo stellæ ceteriùs progrediantur, quantum scilicet Sol in ortum remeat. Hinc sequitur singulis mensibus stellam non errantem duabus horis citiùs Sole ad Meridianum pervenire: sic una è stellis illustrioribus minoris Ursæ, circa octavum diem Novembris in circulo meridiano unâ cum Sole reperitur; nimirum circa mediam noctem, & revolutione suâ easdem cum Sole horas metitur. Ergo die 8. Decembris horâ decimâ ad eundem circulum revertetur, & ita deinceps, unoquoque mense duas horas antecipabit. Quocirca ex altitudine stellarum horam satis præcisè de nocte colligi posse non inficior. Sed aliud quiddam est, quod nobis negotium facessit; nimirum in defectione confinium lucis, & umbræ, vel penumbræ finis ab ipsius umbræ nigrioris principio ægrè admodum discerni potest, & rarò Astronomi in obsignandis deliquorum Lunæ momentis, vel durationibus inter se consentiunt. Ante aliquot annos Joh. Bapt. Morinus Regius Mathematicus, tum cum viveret mihi amicus, multum desudavit, ut toti orbi persuaderet illud arcanum: tot retro sæculis quæsitum à se feliciter detectum fuisse. Verùm ut ingenue quod res est loquar, multa quidem supposuit, quæ vix obtineri queant. Nempè tabulas Astronomicas, quæ corporum cœlestium motibus perfectè concinerent; parallaxium, & refractionum accuratissimam scientiam; quod citra ullum errorem siderum loca habeantur. Ut nihil dicam de tem-

poris



poris mensurâ exactissimâ; quæ omnia vix sperare liceat. Multa quidem exposuit speculatione digna, & Geometricis demonstrationibus munita; sed nescio an eâdem facilitatē, quâ demonstrantur, ad praxim reduci possint. Fateor tamen optimam esse inveniendarum longitudinum methodum, quam per Lunæ stellarum motus Morinus, & alii exposuere.

Nec demum contemnenda est ratio inveniendæ longitudinis, quam vir eruditus & profundæ meditationis Joannes Darcosius per æstum maris reciprocum satis dilucidè explicat. Cum enim eodem momento Oceanus ubique exæstuet; observare licet quâ horâ, quovē Lunæ die in aperto mari æstus contingat. Suppono longitudinem loci, ex quo solvisti esse 17. gr. atque æstum unâ horâ & 8. minutis post meridiem accidisse. Quare Sol tum in primo meridiano, qui per Insulas Fortunatas transit, versabatur. Nam unâ horâ, & 8. minutis 17. gr. percurrit. Jam ignorari non poterit, quem longitudinis gradum Sol obtineat, cum secundus recurret æstus, nimirum post 12. horas, & 24. min. atque tabulam si libeat conficies, per quam faciliè cognosces, quem singulis æstibus Meridianum Sol occupet. Nam si fluat Oceanus Sole existente in primo Meridiano, refluet post sex horas, & duodecim minuta; quo quidem tempore Sol motu diurno 93. gr. longitudinis conficiet. Cum iterum æstus redibit, Sol 93. gr. itidem promovebitur. Quaecumque igitur in plagam, vel ipsâ tempestate delatus fueris, ex æstu maris reciproco, quem Sol Meridianum obtineat, exploratum habebis, nec te fugiet, sub quo Meridiano existas.

Jam ubi latitudinem, & longitudinem duorum locorum cognoveris, faciliè quæ sit inter ea distantia digosces; cum uni gradui 30. *dustrâ* distantiæ respondeant. Verùm hæc ad Geographos *stantia* pertinent, qui etiam locorum tum longitudine, tum latitudine per *ter duo* spectis, eorum situs in globo terrestri, vel Mappâ mundi designant, *terra loca* Prætereo quoque ipsius terræ ambitum hinc perfaciliè definiri posse. *haberi pos.*

Sumanter enim duo loca, quæ eidem Meridiano subiaceant, ac *fit.* solâ latitudine differant, posus item duobus gradibus magis in uno *De terra* loco, quam in altero attollatur; ita ut 60. leucarum intervallò inter *ambien.* se distent. Sunt verò in circulo terræ maximo 360. gr. quocirca 10800. vel circiter leucas terræ ambitus complectitur. Hujus numeri sexta pars (nempe 1800 leucæ, dabit distantiam centri à superficie terræ,



PROBL. VI. Globum cœlestem, vel sphaeram in debitâ positione collocare.

*Hoc problemate totius sphaerae, vel globi cœlestis usus continetur.*

*Quomodo stella dignosci possint.*

*De ortu & occasu stellarum.*

**N**ON equidem recusabo ad minora illa, atque ab omnibus tractata, sed quæ si negligas non sit majoribus locus, descendere. Inventâ lineâ Meridianâ globum cœlestem sic aptare convenit, ut huic lineæ circulus Meridianus apprimè respondeat; tum polos tot gradibus supra horizontem globi est attollendus, quanta est loci in quo degis inventa latitudo. Parisiis 48. gr. 40'. vel ut aliis placeat 50'. attollitur. Sic globus optimè cœlo congruet, atque illius polus si productus concipiatur, in ipsum mundi cardinem nobis conspicuum desinet. Jam si gradum, in quo Sol versatur, in horizonte ex parte occasus constituas, licebit cernere in globo cœlesti, quem tenes præmanibus, quæ stellæ Sole occidente oriantur, vel occidunt, quæque medium cœlum teneant. Hac demum arte ex stellis in tuo globo depictis stellas firmamento infixas discernere expeditum erit; maximè si jam aliquas antè noveris. Sed tamen expectandum erit, quousque stellæ radiis solaribus prius oppressæ, tandem emergant, atque ut cum Astronomis loquar, oriantur heliacè. Quæ verò cum Sole super horizontem assurgunt, dicuntur oriri cosmicè; sed cum Sole occumbente oriuntur, tum ortus earum vocatur Achronicus. Hic notare convenit sidera, quæ Sole velocius in ortum promoventur, eadem vesperè oriri heliacè, & manè occidere, quòd Solem manè assequantur, vesperè deferant: nam celerius Sole in ortum nituntur. Sic Luna radiis Solaris manè subit, cum vesperè ex iis emergat. Reliqua verò sidera vesperè occidunt, manè oriuntur; quòd Sol velocior ea vesperè assequatur. Sic stellæ fixæ & superiores planetæ vesperè radiis solaribus opprimuntur, atque heliacè solent occumbere.

Nunc quæ sit Solis declinatio, vel ascensio tum recta, tum obliqua, quàm facillimè invenies, posito gradu quem Sol occupat sub circulo Meridiano; numerabis gradus Meridiani inter æquatorem, & Solis gradum interceptos; tanta quippe erit Solis declinatio, quæ addita, vel subducta ab altitudine æquatoris, meridianam Solis altitudinem exhibebit. Circuli porro declinationis innumerabiles concipi possunt, qui per utrumque mundi cardinem & per omnium siderum loca, quasi totidem meridiani ducuntur. Circuli verò latitudinis per polos zodiaci transeunt; est quippe latitudo Astri distantia illius ab orbitâ Solis, seu eclipticâ; quemadmodum declinatio est elongatio sideris ab æquatore: longitudo quoque stellæ penes zodiacum accipitur; ita ut stella æquinoctio verno proxima nullâ longitudine donetur: major futura est, quo longius à principio Arietis removetur.

Est

*Quid sit declinatio, quid latitudo, vel longitudo stellæ.*

Est igitur longitudo arcus zodiaci inter duos latitudinis circulos comprehensus, quorum unus per locum sideris, alter per principium Arietis ducitur. Cognitis verò tum longitudine, tum latitudine Astri, facile in globo cœlesti id depingitur: quemadmodum in terrestribus, urbium situs cognitis earum tum longitudine, tum latitudine artificis delineantur. Ascensio autem recta, vel gradus zodiaci, vel aliquis sideris, similis est longitudini loci alicujus, qualem Geographi definiunt. Est enim arcus æquatoris inter duos circulos declinationis, tanquam duos Meridianos comprehensus, quorum primus per sectionem æquinoctialem, seu principium Arietis; alter per gradum zodiaci, vel locum sideris ducitur. Ut semel finiam, quod est in globo terrestri latitudo, idem planè in cœlesti declinatio existit, distantia nimirum ab æquatore; quod ibi est longitudo, hinc ascensionis rectæ nomen usurpat. Quamobrem qui sphaeram rectam obtinent, iis Sol, & omnia sidera rectè ascendunt; sed in obliquâ sphaerâ variatur ascensio, eoquæ est obliquior, quo polus magis elevatur. Sic in sphaerâ recta gradus duodecim Arietis cum undecimo æquatoris gradu ascendit; verum ubi polus 49. gr. elevatur, vix sextus gradus æquatoris cum duodecimo Arietis super horizontem emergit. Cum Sol versatur in 6. signis, quæ ascendunt dicuntur: nempe cum à principio Capricorni usque ad principium Cancrî progreditur, tum ascensiones minuuntur, in reliquis eadem proportionem crescunt. Lutetiæ v. gr. Parisiorum primus gradus Cancrî ascendit cum 61. gr. æquatoris: nempe quatuor ferè horarum intervallo. In sphaerâ autem rectâ cum 90. gr. æquinoctialis ascendit. Quare utriusque differentia est ferè 30. gr. seu duarum horarum: ergo cum Sol principium Cancrî subit, citius nobis oritur duabus ferè horis, quàm iis, qui sphaeram rectam obtinent; cumquæ eadem proportionem tardius descendat, liquet tum diem artificialem nobis longiorem esse quatuor ferè horis, quàm illis, qui sub æquatore degunt. Differentia igitur inter rectam, & obliquam ascensionem, dierum efficit inæqualitatem; adeò ut si illa differentia sit 15. graduum, diem artificialem duarum horarum intervallo majorem, vel minorem 12. horis exhibeat. Imò plerumque hæc ascensionum obliquitas efficit, ut planetæ diutius, vel citius quàm par sit à radiis solaribus emergant. Quædam Gassendus exempla profert, contemplatione digna. Scripsit olim Cardanus Regi Christianissimo Jo-  
*Quare*  
 vem per duos menses delituisset, adeò ut sui copiam non faceret; idq; *Jupiter*  
 præter communem naturæ ordinem evenisse falsò credidit. Tum enim *aliquando*  
 Jupiter in signis ascendentibus unâ cum Sole versabatur, & propter *per duos*  
 obliquitatem ascensionis diutius horizonti detentus hæsit, ac luce *menses de-*  
*cres-* *lueris,*


creperâ obductus non apparuit. Sic quidam Philosophi anno 1617. cum viderent Martem à Sole distantem 40. gr. nondum tamen comparere, illi epicyclum addiderunt, quo supra Jovem efferretur. Id verò tum accidit, quod Mars Apogæus in signis descendentibus (sic vocant sex signa à principio Cancrî ad principium Capricornî numerata) moraretur: Unde idem ex parte Occalus, quod Jupiter tempore Cardani ex parte Orientis præstitit. Nimirum obliquè descendens diutius horizonti adhæsit, nec faciliè è solaribus radiis potuit expediri. Venus verò tum temporis sub aspectum venit, quamvis 20. Augusti Mars cum illâ congressurus erat: nempe quod Venus præ suâ magnitudine sese videndam exhibuerit; Mars non item, qui Apogæus existens visus aciem faciliè elusit. Anno 1634. cum Venus multum in cornua extenuata vix cernebatur; ita ut illam amplius visam iri spes nulla foret: altero tamen die ante congressum cum Sole, hoc est 17. Februarii, apparuit quasi specie aucta; quod evenit non modò propter ascensionis obliquitatem; sed etiam propter latitudinem 8. vel 9. gr. quâ in Boream declinabat. Ascensionum porro & declinationum tabulas digesserunt Astronomi hoc ferè modo.

V

Canon declinationum, & Ascensionum.				
Zod.	Declinatio.		Recta Ascensio.	
Gr.	Gr.	Scrup.	Gr.	Scrup.
1	0	24	0	55
2	0	48	1	50
3	3	12	2	45
4	1	36	3	40
5	2	0	4	35
6	2	23	5	30
12	4	22	11	0
18	7	4	16	34
24	9	19	22	10
30	11	29	27	54

Eadem arte ascensionum obliquarum ad quâcunque Poli altitudinem tabulas concinnant, in quibus illud notatu dignum est, quod circa æquinoctiorum puncta declinatio Solaris citissime crescit, aut minuitur; non item circa solstitia, ubi declinatio in eodem ferè statu diu permanet. Sic primo gradui Arctis 24. declinationis respondent; secundo gradui 48. cum tamen ultimus gradus Geminorum vix uno minuto magis declinet ab æquatore, quam 29. gradus ejusdem signi.

Quod in causâ est, cur circa solstitia altitudo Solis Meridiana diutius eadem perseveret, nec tum temporis dierum sensibilis differentia appareat. Contrâ evenit ubi Sol prope æquinoctia versatur; tum enim dies



dies citissime crescunt, vel minuuntur. Sed quâ arte, quâve industria  
Astronomi tabulas tum ascensionum, tum declinationum adeò accu-  
ratas fabricare potuerunt? Id scilicet ut cœtera beneficio Trigonome-  
triæ consecuti sunt. Nam in superiori schemate circulus C E C meri-  
dianum

dianum nobis exhibeat, ut T D partem æquatoris, T B portionem, seu quadrantem eclipticæ, punctum T principium Arietis, Solem concipiamus in P, ex. gr. in duodecimo gradu Tauri: quærimus quanta sit ejus declinatio P O, quanta sit ascensio recta T O. Nam concipimus P O, tanquam portionem circuli declinationis, qui cum transeat per polos æquatoris, illum ad angulos rectos dirimit in puncto O. Quocirca in triangulo T P O noti sunt duo anguli, O rectus, & T, quem mensurat maxima Solis declinatio D B jam cognita 23. gr. 30'. datur etiam latus T P longitudo Solis, seu distantia illius à principio Arietis, quam supponimus esse 42. gr. ergo reliqua faciliè habebuntur, nimirum P O Solis declinatio, quæ futura est 15. gr. 27'. & T O ascensio recta, quæ erit 39. gr. 35'. Illud addam, quòd beneficio tabularum, de quibus jam multa diximus, quacunque horâ faciliè cognoscitur quis gradus zodiaci super horizontem emergat, quis deprimatur, vel occidat, quis demum sub meridiano existat: res brevissimo pateat exemplo. Cum Sol duodecimum gradum Tauri obtinet, scire juvat, quis zodiaci gradus horizontem tangat, horâ post meridiem secundâ. Ex tabulâ ascensionum mihi liquet duodecimum gradum Tauri ascendere in sphaera rectâ cum 39. gr. 35'. his addo 30. gr. quòd horâ post meridiem secundâ, quis gradus meridianum obtineat inquiram: tantum verò spatii nempe 30. gr. Sol duabus horis percurrit. Summa efficitur 69. gr. 35'. itaque tabulam ascensionum rectarum adibo, cum hoc numero 69. gr. 35'. cui è regione respondet undecimus gradus Geminarum, qui tum temporis Meridianum occupat. Jam scire volo quis gradus eclipticæ tum oriatur, ubi polus 54. gr. attollitur, ut Frunburgi (nam tabulis Copernici nunc utimur.) Igitur prædicto numero 69. gr. 35'. quanta est ascensio recta jam reperta, addo 90. gr. seu quadrantem circuli. Prodibit summa 159. gr. 35'. cui numero in tabulâ ascensionum obliquarum è regione respondet gradus 16. Scorpionis, qui quidem tum super horizontem emergit, eumque Astrologi conjecturales horoscopum vocitant. Jam si velim omnia, quæ ad longitudinum, latitudinum, & ascensionum, non eclipticæ modò, sed etiam fixarum scientiam pertinent, ut par est, exponere, in multam noctem protrahetur oratio. Id unum tamen non omitam, quâ scilicet arte fixarum loca designare, atque earum ab æquinoctio distantias dimetiri potuerint, cum veteres, tum recentiores Astronomi. Et quidem si stellæ unâ cum Sole sub obtutum caderent, earum à Sole distantias venari in proclivi foret; cumque Solis locus nunquam ignoretur, non utique nos lateret quantum fixæ ab æquinoctiis, vel solstitiis recederent. Verùm stellæ solaribus radiis obducuntur, nec de die videri possunt,

*Quomodo  
ascensio  
per trigo-  
nometri-  
am obline-  
atur.*

*De horo-  
scopo.*

*De locis fi-  
xarum ob-  
signandis.*



possunt. Itaque Menelaus Geometra, Ptolemæus, & alii veteres stellarum loca beneficio Lunæ assecuti sunt. Unicum Ptolemæi observationem referam, cujus meminit libro septimo Almagesti. Anno secundo Antonini Pii Imperatoris, seu anno salutis 139. die Februarii 23. cum Sol in tertio gradu & tribus minutis Piscium versaretur, quinta post meridiem hora, reperit Lunæ à Sole distantiam 92. gr. & octo ferè minutorum, adeo ut tum Luna obtineret gradum 5. 10'. Geminorum. Post mediam horam, Sole jam sub horizonte depresso, stella, quæ est In pectore Leonis, quæque Regulus vocitatur, cœpit apparere, cujus à Lunâ distantiam invenit graduum 57. 6'. & quia tum temporis jam Luna quadrantem unius gradus confecerat: nam spatium unius horæ dimidium gradum peragrat. Colligimus locum stellæ tum extitisse in 11. gr. 30'. Leonis, atque ab æstivo solstitio 32. gr. 30'. remotam fuisse. Jam ubi situm illius stellæ exploratum habuit, faciliè fuit reliquis sua loca designare, neque amplius cum Sole, vel Lunâ eas conferre necesse erat; sed ad stellam, cujus situm prius compererat, cæteras comparavit, ut earum tum longitudinem, tum latitudinem scrutaretur. Forsitan majori compendio ex lunari eclipsi fixarum loca aliquis exquireret; maximè si Luna circa meridianum existens laboret: tum enim immunis est ab omni refractione, nec tantam parallaxim sustinet. Quæ duo Ptolemæi, & veterum observationes suspensas reddunt, refractiones inprimis, quarum nullam habuere rationem. Locus verò Lunæ ignorari non potest, si acri studio medium defectus observatur; tum enim Soli directè opponitur. Nec difficile erit distantiam stellæ à Lunâ invenire. Sed tamen quia Luna quocunque in loco existat, magnam subit parallaxim, nec facile est medium deliqui tempus adeò religiosè observare: idcirco Tycho, & Keplerus non Lunam, sed Venerem elegerunt, cujus distantiam à Sole exactam sumpserunt; tum post Solis occasum fixæ alicujus à Venere distantiam, non Astrolabio Ptolemæi, sed instrumentis vastæ magnitudinis accuratissimè deprehenderunt. Minimam enim parallaxim Venus subit, nec tantum spatium intra horam, quantum Luna conficit. Quare major fides Tychoni, Keplero, Cassendo, & aliis recentioribus, quàm Ptolemæo vel Copernico est adhibenda.

*PROBL. VII. Horologium solare describere.*

**Q**Uandoquidem circa res tenues adhuc moramur, non verebor pauca de principiis Gnomonices attexere. Æquator, ut jam diximus, est æquabilis, & constans temporis mensura; atque illius 15. gr. spatio unius horæ decurrunt. Concipimus verò duodecim

*Perpausa hic de principio Gnomoni-* cum circulos tanquam totidem meridianos, qui per utrumque mundi cardinem ducti, æquatorem, atque adeò totam sphaeram in 24. partes æquales dirimunt. Quòd si globum in 24. partes per istos circulos, qui horarii dicuntur, distributum in apta positione constituas; profecto hæc horologii solaris loco futurus est. Nam axis illius, mundi axis, quòd axem exhibebit. Quocirca axis istius globuli productas horas suas sit iri apice indicabit. Quòd si horologium æquinoctiale, seu æquatori parallelum conficiendum erit. Stylus in medio erigetur ad perpendicularum: axis quippe mundi, plano æquatoris ad pares insistit angulos.

Duplex verò ejusmodi horologium delineari solet, quorum unum superius est, alterum inferius; ut utroque semestri horas exhibeant. Mitto de hujus horologii inclinatione dicere, cum ipsi æquatori parallelum supponatur; unde in 24. partes æquales dividitur, quòd circuli horarii æquatorem in partes æquas dissepiscant, quia per illius transeunt polos. Horizontem verò non in partes æquas partiuntur; sed minores sunt arcus, quo meridiano sunt propiores. Neque etiam stylus in centro horizontalis horologii erigiur ad perpendicularum; sed eandem habet cum plano horizontali inclinationem, quam axis mundi cum ipso horizonte; ac Parisiis angulum 48. gr. & 40'. efficit. Verùm in iis diutius non morabor, quòd usu facilius quàm doctrinâ percipiantur. Illius duntaxat scientiæ, quam Sciotericam, vel Gnomonicen vocant principia delibare placuit. Nunc aliò pergamus.

*PROBLEMA VIII. Excentricitatem Solis, & locum Apogai invenire.*

**I**stud sanè problema plus habet in recessu, quàm in fronte promittit: hinc enim tota Solis pendet theoria. Resumenda verò figura est in planetarum theoricis toties à nobis usurpata. Sit orbita Solis DBD, cujus centrum M, terræ medium A, excentricitas erit MA, locus apogæi K; utrumque inquirimus. Hac ferè methodo procedit Ptolemæus. Ab æquinoctio verno I, ad æstivum solstitium Q, dies numerantur 94. cum semisse. Cum autem Sol æquabili motu in sua orbita feratur, ac singulis diebus 59'. cum 8". conficiat; necesse est ut arcus IQ 93. gr. 9. complectatur. Jam ab æstivo solstitio Q ad autumnale æquinoctium T, dies recensentur 92. cum semisse. Quocirca arcus QT erit 91. gr. & 11'. cum quæ IQT, arcus sit semicirculo major, ibi erit centrum excentrici Solis M. Sed major quoque est IQ, quàm QT; ergo necesse est ut in arcu IQ Solis apogæum reperiat, nimirum in K. Jam ICT est 184. gr. 20'. illius igitur dimidium IC 92. gr. & 10'. futurum est; quare sublato circuli quadrante



Solis nunc 7. gradum Cancrī obtinet. Singulis annis, si Gassendo credimus, dodrante unius minuti progreditur in consequentia. Excentricitas verò  $AM$  est pars 28. radii  $MK$ , inventa semel excentricitate, differentia medii, seu æquabilis motus à vero, sive apparente facile colligitur. Ponamus Solem in puncto  $I$  versari recta,  $MI$  produeta medium Solis motum in zodiaco designabit; nobis verò in puncto  $A$  existentibus Sol per rectam  $AI$  superior videbitur. Hinc recta  $AI$  verum, seu apparentem Solis motum exprimit. Angulus  $AIM$  utriusque motus differentia, æquatio, vel prosthaphæresis vocitatur. Medium Solis motum obtinere in proclivi est, cum sit æquabilis, & ubique sui similis. Hinc angulus  $IMK$  distantia Solis ab apogæo, non potest ignorari: notus adeo erit angulus  $IMA$ : nam duo anguli ad  $M$  sunt æquales duobus rectis, seu 180. gr. ille est cognitus v. gr. 70. gr. unde angulus  $IMA$  residuus erit 110. gr. quare in triangulo  $AMI$  nota sunt duo latera  $AM$ , &  $MI$ , seu proportio unius ad alterum; scimus enim  $AM$  esse vigesimam octavam partem radii  $MI$ . Notus etiam est angulus  $IMA$ : dantur ergo & reliqua, scilicet angulus  $IAK$ , qui verum Solis ab apogæo motum, seu Anomaliam dimetitur; angulus quoque  $AIM$  innotescet, qui est æquatio quæsitæ. Hinc Astronomi duas tabulas digerunt; unam medii motus, æquationum alteram; ut cum libuerit vera tum Solis, tum aliorum siderum loca liceat invenire. Jam ut excentricitate cognita per triangulorum analysim omnes dignoscuntur æquationes; sic vicissim maximâ æquatione data, invenitur excentricitas. Nam in triangulo  $AIM$ , si noveris angulum  $I$ , unâ cum angulo  $M$ , qui medium motum metitur, non ignorabis proportionem lateris  $IM$  ad excentricitatem  $MA$ . Hocque modo Astronomi omnium præter Solem planetarum excentricitates investigant.

*PROBL. IX. Vera siderum loca ex tabulis Astronomicis eruere.*

**H**Oc problemate Astronomicæ praxeos pars non ignobilis continetur. Sed plerique omnes hujus scientiæ principes infirmitatem discendum onerant obscuritate præceptorum; & quamvis mihi res sit cum viris eruditissimis, nec mihi necesse sit vires temperare; quàm potero tamen dilucidè rem totam oculis subjiciam. Tabulæ Astronomicæ, ut subinde diximus, in duplici sunt differentiâ: aliæ medios planetarum motus; aliæ ipsas æquationes exhibent. Exemplo sit Luna, cujus multiplices motus indagare difficile est. Primum majoris epicycli centrum duodecim ferè gradibus 11. 26. à Sole dimovetur: ita ut vertente anno Ægyptio post integrum circulum

lum peragratum, 129. gr. 37. decurrat. Hinc primo loco tabula hoc titulo disponitur.

<i>Motus Luna in annis &amp; sexag. an.</i>				
Anni	Sex.	Gr.	Min.	Sec.
1	2	9	37	22
2	4	19	14	45
3	0	28	52	7
4	2	38	29	30
5	4	48	6	53
6	0	57	44	15
7	3	7	21	38
8	5	5	16	59
9	1	26	36	23
10	3	36	13	46
11	5	45	51	8
12	1	55	28	31

<i>Radix seu Epocha Alex.</i>		
Sex.	Grad.	Min.
5	10	44

<i>Epocha Christi.</i>		
Sex.	Grad.	Min.
3	29	58

Itaque primo anno Luna orbe suo decurso 2. sexagenas graduum 9. gr. 37'. à Sole discedit. Alia quoque tabula diebus & sexagenis dierum deputatur.

<i>Motus Luna in diebus, &amp; sexagenis dierum.</i>				
Dies	Sex.	Grad.	Min.	Sec.
1	0	12	11	26
2	0	24	22	53
3	0	36	34	20
4	0	48	45	46
5	1	0	57	13
6	1	13	8	40

Cum verò hunc Lunæ motum æquabilem perturbet motus minoris epicycli in majori, huic motui qui Anomaliz vocitatur aliam quoque tabulam destinant.

<i>Motus Anomaliz lunaris in annis, &amp; sexagenis annorum.</i>					
Anni	Sex.	Grad. Min. Sec.			
1	1	20	43	9	
2	2	57	26	18	
3	4	26	9	27	
4	5	54	52	36	
5	1	23	35	45	
6	2	52	18	54	

<i>Epocha Christi.</i>		
Sex.	Grad.	Min.
3	27	7

Huic subnectunt alteram pro diebus, & dierum sexagenis. Ut nihil dicam de motu medio latitudinis, cujus tabula utilis est ad calculum eclipseon; hujus tabulæ beneficio motum Lunæ à capite Draconis dignoscimus, qui nonnihil diversus est à motu medio corporis lunaris, quòd nodus ille, seu caput Draconis nonnihil in præcedentia moveatur. Hæc quidem de mediis seu æquabilibus Lunæ motibus.

Quocirca ubi quem Luna locum obtineat scire voles: primum medius Lunæ à Sole motus, tum motus Anomaliz tibi inquirendus est; & quo res sit lucidior, utamur exemplo ex tabulis Copernici deprompto. Hipparchus anno ab obitu Alexandri 197. die 17. mensis Pauni, qui est decimus Ægyptiorum, horâ nonâ, & triente, Lunæ à Solis distantiam 48. gr. & 6. invenit; adeò ut Luna foret in vigesimo octavo gradu 37. Leonis: tum enim Sol decimum gradum 40. Cancri obtinebat. Itaque sunt ab obitu Alexandri anni Ægyptii completi 196 dies 286. horæ 3. 20. min. hoc est, annorum sexagenæ 3. anni 16. dierum sexagenæ 4. dies 46. scrupula dici 8. secunda 20. Primo igitur loco radices seu epochæ collocantur; in ipso obitu Alexandri per tabulas invenimus Lunam à Sole sexagenis graduum quinque, & decem gradibus, 44. recessisse. Sic motus Anomaliz radicem, seu epocham notabis, Tum adibis tabulam cum 3. sexag. annorum, qui



qui ab obitu Alexandri usque ad Hipparchi observationem effluxerunt. Invenies 28. infra graduum notam collocata; itidem 52. minutis; & 7. secundis subjecta. Scribes verò 28. sexag. graduum, & loco 52. minutorum accipies 52. gradus, ut vice secundorum 7. totidem minuta fumes, quòd hîc non anni, sed sexagenæ annorum quarantur, atque adeò loco graduum, sexagenas graduum, & vice minutorum, gradus ipsos usurpare convenit. Tertiò, cùm 16. annis adi tabulam, atque occurrent 4. sexagenæ, & 33. gradus, ut minuta præteream. Superfunt dies 286. seu quatuor sexagenæ, & præterea 46. dies. Quatuor sexagenis in tabulâ dierum respondent 48. sexagenæ graduum, & 45. gr. omiſſis scrupulis. Tandem diebus 46. respondent 9. sexag. & 20. gr. idem de horis faciendum. Omnes hi numeri in unam sumam colliguntur; atque ubi 360. vel sex graduum sexagenæ abundant, expungendi sunt. Quare si bene calculum posueris, prodibit summa sexag. o. id est nulla, 45. gr. 4'. 40". hoc est tum Luna à Sole 45. gr. 4. min. motu suo medio diffidebat. Non dissimili arte motum Anomalix, seu Luna in majori epicyclo locum obtinebis, sexag. 5. 33. gr. 2'.

Radix.	Motus Luna.				Anomalia Luna.			
	Sex.	Gr.	Min.	Sec.	Sex.	Gr.	Min.	Sec.
3. sex. ann.	5.	10.	44.	0.	1.	25.	41.	0.
16. ann.	28.	52.	7.	49.	26.	9.	27.	21.
4. sex. die.	4.	33.	58.	2.	5.	39.	30.	26.
46. dies.	48.	45.	46.	46.	52.	15.	35.	46.
Scrup. 8.	9.	20.	46.	28.	10.	0.	59.	21.
Sec. 20.		1.	37.	31.		1.	44.	31.
			4.	4.			4.	21.
Summa	0.	45.	4.	40.	5.	33.	2.	46.

Jam nihil necesse est vos monere, plerosque Astronomos annis Ægyptiis uti, adeò ut anni Juliani sint ad Ægyptios reducendi. Videntur quoque est in tabulis longitudinum, quæ ubivis atque in omnibus libris Astronomicis reperiuntur, quo longitudinis gradu, seu quo meridiano tabulæ fuerint compositæ. Nam si sub eodem degas meridiano, nihil addere debes vel subtrahere; sed si locus, in quo versaris, 15. gradibus magis ad occidentem, vel Orientem vergat, tum unam horam adjicere vel subducere oportet, eadem proportionem in cæteris servatâ, quò tempus & Lunæ locum præcisum obtineas.

Hactenus de mediis motibus tum Lunæ, tum reliquorum planetarum indagandis, satis superque dictum est: sequitur ut artem quâ appa-

apparens, seu verus Lunæ locus exploratus haberi possit, breviter, & apertè proponamus. Neque res adeò est difficilis, ut plerique putant. Invenisti Lunæ mediam à Sole distantiam 45. gr. & 5. ferè minutorum: cum hoc numero duplicato, nempe 90. gr. & 10'. ingredere tabulam prosthaphæreseon, quæ nunc præ se fert titulum.

		Tabula prosthaphæreseon lunarium.			
Numeri communes.	Grad.	Epicyc. minoris prosth.		Epicyc. majoris prosth.	
		Gr.	Scrup.	Gr.	Scrup.
		0	51	0	14
	3 357				
	6 354	1	40	0	28
	9 351	2	28	0	43
12	348	3	15	0	57
	15 345	4	1	1	11
18	342	4	47	1	24
	21 339	5	31	1	38
24	336	6	13	1	51
	27 333	6	54	2	5
30	330	7	34	2	17
	33 327	8	10	2	30
36	324	8	44	2	42

Primo loco occurret prosthaphæresis minoris epicycli graduum 12. min. 12. hæc addenda est Anomalix prius receptæ sex 5. gr. 33. min. 2. & dabit æquatam Anomaliam sex, 5. gr. 45. min. 15. seu grad. 345. min. 15. cum istâ Anomaliâ coæquatâ ad eandem tabulam, ut majoris epicycli prosthaphæresim consequaris. Hæc erit unus gradus, & minutorum decem, quam addere oportet medio Lunæ motui. Docent verò tabulæ quando prosthaphæreses sint addendæ, vel subducendæ à medio motu. Quocirca rationibus omnibus subductis, Luna ab Hipparcho observata distabat à Sole 46. gr. & aliquot minutis. Tum verò Sol ab æqui-


noctio verno recesserat sex, 1. gradus 42. min. 3. Igitur Luna ab eodem æquinoctio jam promota erat sex, 2. gr. 28. ferè cum semisse, ac vigesimum octavum gradum Leonis obsidebat.

Cum autem novilunium inquiritur solâ majoris epicycli prosthaphæresi opus est, iis de rationibus, quæ superius allatæ sunt. Nec difficile est media quæque novilunia invenire. Ponamus enim primo die mensis Septembris anni 1624. motum Lunæ à Sole compertum fuisse 360. gr. Igitur primo die illius mensis, circa meridiem (siquidem Astronomi à meridie ipsius diei ducunt exordium) factum est novilunium. Quod si inventus sit motus medius sex, 5. gr. 46. 26. min. hic numerus ex toto circulo 366. gr. subducatur, reliqui erunt 13. gr. 34. Luna verò dietim 12. ferè gradibus, & 11'. à Sole elongatur. Ergo die secundo mensis Septembris, circa horam à meridie secundam cum semisse, futura est media Solis & Lunæ syzygia, vel conjunctio. His adde

adde dies 14. horas 18. min. 22. & tempus plenilunii proximi obtinebis ; quòd si idem dierum spatium pergas adicere, faciliè tabulam concinnabis, quæ in multos annos novilunia, ac plenilunia declarabit. Nunc de eclipsis dicam, sed quædam de parallaxium doctrinâ sunt antè præmunienda,

*PROBL. X. Parallaxes & siderum à terrâ distantias scrutari.*

**Q**uòd si terra nihil quàm punctum foret cum orbe lunari composita, haud dubiè Lunam in proprio loco cerneremus, ac si in ipso terræ centro versaremur. Est quippe parallaxis differentia veri loci ab apparente. Recta linea à centro mundi per astrum deducta, verum illius designat locum; visum seu apparentem exhibet linea à superficie terræ in qua sumus per astrum ad zodiacum usque directâ. Si quod sit discrimen inter verum, & apparentem locum sideris, id omne ex terræ magnitudine proficiscitur. Quare in stellis fixis nulla omnino est parallaxis; in Saturno & Jove ferè est insensibilis; major in Marte, Sole, Venere, & Mercurio; in Lunâ demum est maxima, quòd sit terræ finitima. Verùm illud omnino est mirabile, quod Astronomj ex parallaxeon cognitione, planetarum ceterorum à terrâ distantiam dimetiantur;



*Admovere oculis distantia sidera nostris,  
Ætheraque ingenio supposuere suo.*

Digna adeo res est cui propriam destinemus figuram. Sit punctum A mundi centrum, nosque in puncto G constituti Lunam F sub zodiaci puncto, vel stellâ D intucamur: linea igitur GFD locum Lunæ à nobis visum demonstrat, ut recta AFB verum illius locum indicat, nempe punctum B; utriusque loci differentia BD parallaxis vocitatur.

Nunc palam est Lunæ F parallaxim BD maiorem esse parallaxi Solis longè remotioris, atque in puncto E constituti, quæ sit ex. gr. DC: nam angulus F, quem metitur arcus DB, major est angulo E, quem mensurat arcus DC: idque jam supra à nobis demonstratum fuit.

II. Quo astrum vicinius est horizonti, eo maiorem subit parallaxim; adeo ut nulla sit, cum vertici nostro imminet; maxima, cum horizontem stringit; idque ex figuræ inspectione manifestè colligitur: cum enim astrum ad verticem pervenit, tum una atque eadem est veri, & visi loci linea, nulla adeo est parallaxis.

III. Parallaxis locum astri semper deprimit. Hinc visus Lunæ locus est in D, verus in B, ab horizonte remotior. Cumque Luna nunquam nostrum attingat verticem, sed versus Austrum semper declinet, visus Lunæ locus semper est Australior vero.

IV. Cognito viso sideris loco, seu distantia illius à nostro vertice, quod per observationes faciliè consequimur; dato etiam per exquisitas tabulas vero ejusdem Astri loco, seu angulo FAG, qui verum locum, cum FGA, qui visum demonstrat: non poterit ignorari parallaxis GFA, seu arcus DB. Siquidem tres anguli ejusdem trianguli æquantur duobus rectis. Jam ne aliquis vobis obstrepat scrupulus, supponimus zodiacum HBK, non à terrâ modò, sed etiam ab orbe Lunæ, vel Solis, immenso distare intervallo. Quare ne id vos offendant, quod diximus arcum DB mensurare angulum F, quasi punctum F ipsius mundi medium obtineat, nec sensibiliter à puncto A differat.

V. Cognitâ parallaxi distantiam sideris à terrâ consequemur. Siquidem in triangulo FAG dantur omnes anguli: ergo proportio inter latera cognoscitur; & quoties latus AF, seu distantia Lunæ à centro terræ contineat latus AG, sive telluris semidiametrum, faciliè innotescet. Quod si angulus F sit 53', cum semisse, distantia FA 64. semidiametros terræ complectetur, Angulus verò E ponatur trium

trium minutorum; hinc colligitur distantia Solis A E 1210. semid. terræ.


VI. Parallaxis efficit ut citius, vel tardius Solis, & Lunæ congressum, quam contingat, cernamus. Quando in nonagesimo zodiaci gradu, seu medio inter ortum, & occasum intervallo conjunguntur, tum coitus verus in eundem locum, ac tempus cum viso, vel apparente incidit: sed ubi inter ortum & nonagesimum gradum coeunt, tum apprensus congressus verum præcedit, quia parallaxis locum Lunæ deprimit; sed in altero quadrante versus occasum, contrà evenit, & vera conjunctio apparentem antecedit: idque ex figuræ contemplatione satis apertum est, atque in solari eclipsi magnum habet momentum, ut mox dicturi sumus.

*PROBL. XI. Eclipses Lunæ, & Solis prænuntiare.*

**M**agnus hic locus, atque à totâ Astronomorum familiâ uberissime tractatus, de quo quidem dicam non omnia, quæ ab iis fuisse differuntur, sed quæ utiliora nobis videbuntur. Jam ostendimus, quâ arte medias syzygias, vel etiam oppositiones consequi liceat. Quotiescunque Luna in plenilunio non amplius quàm 15. gr. & 12'. ab altero nodorum, quos caput, vel caudam Draconis vocitant, recedit; toties umbram telluris delibat, & defectionem patitur, eo majorem, quo nodo vicinior est. Motus verò ille latitudinis, seu distantia Lunæ à nodis per tabulas facillimè invenitur. Lunæ porro diameter in 12. partes æquales distributa intelligitur, quas digitos vocant. Cum pars Lunæ dimidia, umbræ telluris immergitur, tum sex digitorum definitur eclipsis. Jam ut lunare reliquum possumus delineare, (quod in hac arte caput est) notatum oportet latitudinem Lunæ ab eclipticâ impedire, quominus singulis laboret mensibus. Cum igitur latitudo illius minor est umbræ terrestris, & Lunæ semidiametris in unam summam collectis; necesse est ut corpus lunare terræ umbram subeat. Diameter verò Lunæ est dimidii ferè gradus, ad quam diameter umbræ (si Ptolemæo credimus) ferè se habet ut 13. ad 5. quocunque Luna Loco existat, eadem manet proportio. Nam si terræ propior est, major quidem illius diameter apparebit: sed terrestris umbræ circulus eadem quoque ratione crescet. Quo longius à terrâ recedit Luna, eo minor cernitur; sed terræ umbra, quæ sensim in mucronem desinit, eadem proportionem coarctatur. Cum Sol existit in apogæo, minorem terræ partem irradiat, longiorem verò, & crassiorem umbram projicit, quàm ubi versatur in perigæo.

His ita constitutis si eclipsim centralem, ut loquuntur, & plenam, quæ tum accidit, cum in altero ex nodis luna reperitur, delineare velis, qualem describit Erasmus Reinholdus, accidisse anno 1555. die 4. Junii. Tum semidiameter apparens Lunæ erat 16'. & 4". semidiameter umbræ 41'. & 44". aggregatum ex utraque 57'. & 48". vera latitudo Lunæ Borealis vix erat unius minuti, aded ut negligi possit. Centro M describatur circulus DCD, vel potius ex superiori schemate repetatur, cujus radius MD concipiatur 58. ferè partium, quantum scilicet est aggregatum ex umbræ terrestris, & Lunæ HFFH semidiametris. Nam centro D, intervallo DF, 16. partium describitur circulus HFFH, qui corpus lunare exhibet. Sic centro M intervallo MF, 42. partium, seu minorum, circulus describi intelligitur, qui terræ umbram repræsentat. Hanc Luna contingit in F, tumque prin-

*Eclipses  
delineare.*






principium est defectionis ; atque ubi punctum H pervenerit ad F, tum Luna tota umbræ immergetur. Tempus illud inter principium eclipseos, & totalem obscuracionem, quod tempus incidentiæ vocant, hîc erit unius horæ, & 3. min. cùm Luna spatio unius horæ citius quàm Sol in Orientem dimidio gradu, quanta ferè est ipsius Lunæ diameter HF promoveatur. Quod si Luna in totali obscuracione nihil moraretur, vix defectio esset ultra duas horas duratura, tumque illius 12. digiti definirentur. Sed in hac hypothesi antequam centrum Lunæ D ad punctum M perveniat (quod tempus appellant dimidiam moram) 50. unius horæ minuta insumit ; quia tantumdem ferè temporis exigit, ut percurrat reliquum semidiametri umbræ, quod semè 26. minuta continet. Quare tum temporis Luna circiter quatuor horas laboravit, ac defectus fuit 21. digitorum, & paulo amplius. Poteris, si lubeat, quinque Lunas delineare. Centrum primæ erit in D, ubi jam umbram telluris attinget ; secundæ medium erit inter F, & M, ubi tota deficit ; tertiæ in M, & ita deinceps.

Quò verò res tota fiat illustrior, adjiciamus exemplum particularis defectus, ubi Luna interventu terræ tota quidem obscuratur, sed non moratur in illâ caligine. Exemplo sit eclipsis anni 1563. die quinto Julii, cùm Luna esset ferè perigæa. Illius semidiameter fuit 17'. & 44". semid. umbræ 46'. 5". aggregatum ex utraque 63'. 49". centro B describatur circulus AEA, cujus radius BA sit 64. partium, quantum ferè continet constatum ex utraque Lunæ & umbræ semid. sit quoque A principium defectionis, F medium, E Finis : BF sit latitudo Lunæ 29. ita ut GBH viam Solis, AFE Lunæ semitam demonstret. Quamobrem in trigono ABF nota sunt duo latera AB, & BF, illud 64. hoc 29. partium, cum angulo F recto : igitur reliquum latus AF innotescet 57. partium : hoc est tempus à principio eclipseos usque ad medium ; quod integram horam, cum 49. complectitur : tanto enim tempore Luna celerius quàm Sol 57'. conficit. Jam ubi Luna punctum F attingit, tota deficit ; quòd latitudo BF detracta ex BP aggregato ex semid. Lunæ, & umbræ, relinquat 35. qualis est ferè diameter Lunæ apparens. Nam, ut semel finiam, si aggregatum illud, de quo jam sæpe loquimur, æquale sit latitudini Lunæ, tum corpus lunare umbram quidem telluris leviter attinget, sed nullâ sui parte sensibili obscurabitur ; & quanto minor erit latitudo, tantò deliquium majus futurum est, cujus adeò magnitudo innotescet, subductâ latitudine ab utriusque semidiametri, tum umbræ tum Lunæ summâ.

Ponamus latitudinem BF 59'. ut in eclipsi anni 1542. primo die mensis Martii. Demus hanc latitudinem ex aggregato utriusque se-



midiametri 64'. supererunt 5'. jam si 36'. (quantum credidit Erasmus continere apparentem Lunæ diametrum) præbent 12. digitos eclipticos, quot dabunt 5'. inuenies per regulam auream unum scèrè digitum cum semisse. Tumque dimidia mora AF (post resolutionem trianguli AFB, cujus duo latera AB, & FB nota sunt, ut mox diximus) prodibit 24'. cum semisse. Hæc dicuntur minuta incidentiæ, atque à Lunâ Solem præcurrente intra 44. minuta unius horæ decurruntur. Licebit tibi tres Lunas in punctis A, F, & E depingere, quæ principium medium & finem eclipsos demonstrabunt.

Reliquum est, ut de solaribus defectibus pauca subnectam. Ubi aggregatum ex semidiametris Solis, & Lunæ majus est Lunæ ipsius latitudine apparente, tum Solis aliqua portio interjectu corporis lunaris

naris obscuratur. Id verò accidit, cum in congressu luminarium Luna à boreali nodo, vel limite, non amplius quam 20. gr. & 40', vel ab Australi nodo 11. gr. & 22'. elongatur. Hic enim latitudinis visæ habetur ratio, quòd Sol nihil patiatur subeunte Lunâ; sed nos tantum illius luce fraudamur. Quare cum latitudo visa Lunæ præ parallaxi minor est, quàm vera, major sit eclipsis. Verùm exemplo res fiet illustrior. Atque, ut à dilucidissimo auctore Erasmo Reinholdo non discedamus: Anno 1545, die Junii nono, tertiâ à meridie horâ, Sol aliquâ sui parte defecit. Latitudo Lunæ Borealis vera fuit 48'. 26". parallaxis 27'. 30". quæ semper ad Meridiem vergit, ut supra monuimus. Hinc demenda erit à verâ latitudine, ut supersit apparens latitudo semè 21'. aggregatum ex utraque semidiametro Solis & Lunæ 30'. sitque ut prius B A: lunam in B concipiamus, viam solarem A F E, principium eclipsios A, medium F, finem E: faciliè nobis innotescet A F, per analysim trianguli A B F, eo quo supra diximus modo; comperiemus itaque A F minuta incidentiæ (ut loqui solent) 21'. 16". quæ Luna percurrit intra 47. minuta unius horæ. Sublatâ igitur latitudine visâ B F ab aggregato utriusque semidiametri B P, comperiemus tres Solis digitos cum semisse obscuratos. Sed cur eclipsis solaris accidit cum Luna à Boreali limite minùs 20. gr. ab Australi minus 11. gr. abest? id oritur ex parallaxi Lunæ, quæ semper ad Austrum declinat, ut jam subinde diximus. Atque, ut mihi videtur, Astronomicæ praxeos præcipua capita vobis exposui.

*Men.* Ita me Deus amet, & breviter, & dilucidè referasti Astronomiæ penetralia: id unum tamen ex te requiro, quid causæ sit, cur recentiores Astronomi neque inter se, neque cum veteribus consentiant: sive stellarum obsignent loca; sive Solis, & Lunæ diametros apparentes aucupentur, vel eorum à terrâ distantias metiantur, vel denique Solis excentricitatem, aut anni magnitudinem definiant.

*Simp.* Ego verò consensum Astronomorum, & solertiam admiror, qui res adeò abstrusas, atque ab ipsâ naturâ involutas, acerrimâ vi ingenii consequantur, & vix aliquot minutis inter se dissideant. Non salunt quidem demonstrationes Astronomicæ: sed multa inter observandum occurrunt, quæ nisi caveantur, in errorem inducant necesse est. Ut taceam de vitiis instrumentorum, quæ nisi accuratè distribuuntur, atque optimè disponantur, stellarum loca designare non possunt. Veteres quidem usi sunt quadrantibus circulatorum, quorum singulos gradus vix in tres partes distribuebant: nonnunquam parvos adhibuere gnomones, in quibus difficile fuit confinium lucis, & tenebrarum discernere. Quidam stylum in centro hemisphærii erigebant,

*De observationum defectibus*

bant, ex cuius umbrâ, Solis coniciebant locum; ubi error unius gradus faciliè potuit obrepere. Semidiametrum quoque Solis addere, vel subtrahere ipsius altitudini neglexerunt. Plerique numeris rotundia utebantur, neque minorum, vel secundorum adeò solliciti erant. Postremò, instrumenta lignea adhibebant, quæ temporum decursu, vel detorqueri solebant, vel situm suum in meridianâ lineâ commutare. Hæc atque alia id genus multa eorum observationes incertas, ac lubricas effecere; nonnulla etiam ex parte visus, quædam ex siderum luce; pleraque ex interjecti spatii variis affectionibus incurrunt, quæ nonnihil de observationum certitudine detrahunt. Dicam de singulis quàm potero brevissimè,

Sæpe usuvenit, ut intervallum, quod inter duo sidera interiacet, nobis dimetiri incumbat. Instrumentum adhibemus, quod suprà descriptum à nobis fuit, atque ex angulo  $ABV$ , quot gradus inter stellas  $A$ , &  $V$  intercedant, dignoscimus. Eodem prorsus modo diametrum Solis, vel Lunæ apparentem  $AV$  indagamus. Verùm hæc obstant, quo minùs adeò exquisita sit observatio. Centrum instrumenti  $B$  non est ipsum oculi punctum, in quod radii  $AB$ , &  $VB$  confluunt: atque adeò angulus  $B$  plus æquo est apertus, & maiorem siderum distantiam, vel etiam maiores diametros Solis, & Lunæ, quàm revera sint exhibet. Accedit etiam quòd non eodem modo oculi in omnibus conformantur; aliis pupilla est apertior; aliis contractior; crystallinus humor in quibusdam est rotundior; in nonnullis magis complanatus: hinc rerum imagines vel contrahit, cùm globosus est; vel dilatat, ubi planior existit. Quapropter vix duo Astronomi, qui eodem observant tempore, omninò inter se conveniunt; ut in Tychois observationibus videre est. Lux etiam ipsius sideris amplior in oculo efformat imaginem, & lucidi corporis speciem mirificè auget. Nam quæ candida sunt, & illustra, ultra quàm par sit majora cernuntur. Quòd si Lunam in primâ, vel ultimâ phasi consideres, lucidum illius cornu videbis longè majori circulo circumscribi, quàm reliquum corpus à tellure collustratum: quocunque id modo accidat: sive ut suprà diximus, lux vehementior retinæ nervulos fortius percellat; sive lucis species in spiritibus visoriis imprimatur, & ampliatur, ut placet Keplero; sive id efficiat corporis lucidi capillitium, quod fortè à circumfuso & splendente æthere mutuatur; nam ipsum æthera luce combibit nonnihil collucescere, satis verisimile est. Hinc Luna in eclipsi minor apparet, quàm cùm est orbe plena. Hinc etiam cùm vicinus ær splendescens discerni non possit, à face lucidâ, huius species de nocte augefcit ex intervallo. Inventa verò est Dioptra,


quam

Vide superiorem figuram pag. 182.

quam Hipparchi vocant, in quâ per tenuissimum foramen oculo proximum stella conspicitur, ut circumfusâ exuatur comâ, & radii in illo foramine coire possint, antequam ad fundum oculi perveniant. Non secus ac per cubiculi undequaque clausi tenuissimum foramen radii solares admitti, sese ibi interfecant, atque in oppositâ tabellâ Solis effingunt imaginem, quæ quidem minor est, quàm cum acie directâ Solem contuemur.

Hæc arte diameter Solis apparet AV (non enim vacat aliam figuram delineare) radios per foramen B vibrans scilicet in chartâ oppositâ exhibet; ita ut pars superior V per radium VBS in infimâ parte S, ut pars inferior A, in puncto I superiori depingatur. Angulus verò IBS æqualis angulo VBA, qui apparentem Solis diametrum p. r.

*Quā arte  
apparens  
Solis dia-  
meter, at-  
que hinc  
Solis ma-  
gnitudo  
dignosci  
queat.*



metitur, faciliè innotescet. Siquidem in rectangulo  $TBI$  dantur duo latera  $BT$ , (distantia tabellæ à foramine) &  $TI$  longitudo tabellæ, vel chartæ cum angulo recto  $T$ . Igitur angulus  $TBI$ , seu  $ABP$  ad verticem oppositus habebitur. Eadem methodo in trigono  $TBS$  invenies angulum  $TBS$ , cui æquatur  $VBP$ , hic subductus ab angulo  $TBI$ , relinquit angulum  $SBI$  quæsitum; est enim æqualis opposito ad verticem angulo  $VBA$ , quem supponimus, mensurare diametrum Solis apparentem. Nobilissimus ille Danus Tycho hac viâ comperit Solis Diametrum ferè 30. minutorum; ita ut Sol dimidium sui cœli gradum occupet. His bene constitutis faciliè utriusque luminaris magnitudo invenitur.

Vide figuram paginæ 187.


Repetitâ enim figurâ toties à nobis delineatâ, sit punctum terræ medium  $M$ , Sol, vel Luna  $HFH$ : in triangulo  $IMG$ , dantur latera  $MI$ , &  $MG$ , nimirum distantia sideris à terrâ per parallaxes explorata, cum angulo  $M$ , qui diametrum apparentem metitur. Ergo obtinebimus diametrum  $IG$ ; atque adeo totum Solis, vel Lunæ ambitum  $HFH$ . Est quippe proportio diametri ad peripheriam ferè, ut 7. ad 22.

Vide figuram superiorem, pag. 171.

De refractione.

Restat ut defectus observationum, qui ex spatio interjecto oriuntur, attingamus. Jam subinde monuimus radios luminis refringi, cum ex medio rariore in densius, vel vicissim permeant. Cum autem aer, in quo degimus longè sit crassior ipso æthere; palam est radios ex æthere in hunc aëra incurrentes, ut  $AB$ , non rectâ progredi in  $I$ , sed refringi ad perpendicularum, atque in punctum  $L$  divertere; ita ut refractionis astrum sublimius quàm sit, nobis exhibeat. Videtur enim quasi in puncto  $V$  constitutum, & radius  $ABI$  degenerat in  $LBV$ ; quæ quidem refractionis circa horizontem maxima est, & Solem quandoque 34'. altiores quàm sit, nobis repræsentat. Causam refractionis esse duplicem satis liquet, obliquitatem nimirum radiorum, & spatii interjecti diversam consistentiam. Siquidem ultra 30. gr. insensibilis est; neque ut Tycho existimat, idcirco radii siderum prope horizontem adeò infringuntur, quòd in eâ parte vapores temerè oberrantes hanc efficiant refractionem. Constantior quippe est refractionum causa; neque alia, ut mihi videtur, quærenda est, quàm crassioris aëris superficies: quamvis vaporum uberiore copiâ refractionem augeri non inficiet. Hinc major est in locis depressioribus, & mari finitimis, ubi aer existit profundior, & vaporibus magis inficitur. Quocirca Rothmannus contendit refractiones longè esse minores in Hassiâ, quàm quæ à Tychone in Daniâ sunt observatæ: quòd illic aer sit humilior, & terra magis assurgat. Nam hæc regio finitima est Visurgis  
son.





fontibus, quod quidem flumen sese in mare Balthicum depressius ex-  
 onerat. Quòd verò Landgravius Hassiæ Princeps vidit Venerem per  
 horæ quadrantem horizonti inhærere; quasi motu primi mobilis non  
 raperetur, cum duobus jam gradibus sub horizonte foret depressa;  
 quodque Mœstlinus anno 1590, die 7. Julii Tubingæ deprehendit  
 Lunam aliquot digitis jam deficientem, ac duobus ferè gradibus ele-  
 vatam, centro Solis super horizontem emergente: cum tamen cen-  
 trum umbræ telluris Soli è diametro oppositum jam occidisse necesse  
 foret. Hæc sanè non aliundè potuerunt, quàm ex refractionibus in-  
 solitis proficisci, propter crassum vaporem subito erumpentem. Nec  
 dubito in locis polo vicinioribus majores esse refractiones, non quòd  
 major ibi sit aëris altitudo; quo enim est calidior, eo quoque altior  
 existit: sed major illius densitas vel crassities refractionem quoque

maiores efficit. Hinc Batavi cum anno 1596. in novâ Zemblâ, ubi polus 76. gr. attollitur, diu in mari congelato hæssissent, tertio die Novembris Solem postremum viderunt; quem ante undecimum Februarii juxta leges Astronomicas rediturum non sperabant, vigesimo quarto Januarii conspexere, cujus ratio non aliundè quàm ex refractionibus constare potest, ut fusè demonstrat Keplerus.

Nullam porro veteres refractionum habuisse rationem inter observandum jam identidem monuimus. Quamobrem nihil mirum est, si aliquantulum aberraverint, tum in alijs observationibus, tum in magnitudine anni finiendâ. Nonnunquam bis in uno die æquinoctium deprehendebant, quòd manè Sol nondum æquatorem attigisset, quamquam præ refractione sub ipso æquinoctiali jam videretur; quia refractione attollit sidera, ut parallaxis deprimit. Circa meridiem verò, ubi refractione est insensibilis, rursus in æquinoctiali Solem conspiciabant. Quare nihil est, cur ex eorum observationibus, vel excentricitatem Solis imminutam, ut vult Copernicus; vel anni magnitudinem immutatam; vel maximam Solis declinationem variatam; vel denique motum stellarum in æqualem suspicemur. Inutiles omnino sunt motus obliquitatis zodiaci; vel anticipationis æquinoctiorum; vel trepidationis stellarum. Hæc sanè omnia infirmis conjecturis, atque incertis observationibus nituntur. Illud porro silentio minimè prætermittam, Solem in ipso exortu, figuræ ellipticæ apparere, quòd diameter horizonti parallela præ refractione nihil quidem minuat; cum diameter horizonti ad perpendicularum insilens aliquantum decreseat, ac decimâ ferè parte multiplicata videatur: at postquam quinque, aut sex gradibus supra horizontem Sol elatus est, illa evanescit differentia.

*Cur Sol  
horizonti  
proximus  
major appareat.*

Sed cur Sol horizonti finitimus major cernitur? quæ in aquâ contuemur, majora quidem apparent; sed tum radii ex densiore in rariis medium progrediuntur: Sol verò versatur in æthere puriori. An fortè vapores densi Solis imaginem ampliorem reddunt, atque idem efficiunt, quod vitrum convexum in telescopio. Verùm per instrumenta Sol minor deprehenditur; tum etiam latior umbram preiicit; quod argumentum est diametrum Solis à vaporibus non augeri, sed imminui. Imò interjecta nubecula Solis diametrum aliquantum coarctat, atque efficit, ut Sol umbram spargat latiorē. Nam quæ lux contingit umbram, debilior est, quod ab extremâ tantum orâ, non à toto corpore solari prodeat; ita ut jam penumbra vocari possit: unde vel nubeculæ interpositu degenerat in crassiorem umbram. Cur igitur Sol oculis nostris major apparet? an quòd pupilla apertior

major

majorem Solis excipiat imaginem? an foris eum sub eodem angulo plura objecta contuemur, ea esse ampliora judicamus, quæ nobis videntur longius distita: Sol verò horizonti vicinus longè majori intervallo à nobis distare creditur, quàm eum circum Meridianum attingit, unde multis partibus eum esse majorem arbitramur. Sed hæc sunt alterius loci.

Neque hic necesse est accuratius expendere; utrum eadem sit crepusculorum, quæ refractionum causa: plerique volunt esse diversam. Materia quippe, quæ crepuscula accendit 12. saltem milliaria Germanica à tellure distat, & videtur esse halitus siccus, vel fumosus, qui manè radios Solis citius excipit, vesperè tardiùs, eosque refractos ad nos transmittit. Si purus esset aer, fieret transitus à purâ luce ad meras tenebras; at illi fumi in altum sublatis illam dubiam, seu creperam lucem efficiunt, quæ non subito, sed sensim extinguitur. Sole 18. gr. sub horizonte depresso, jam crepusculum incipit: hi verò gradus numerantur in circulo verticali, qui per verticem nostrum, & gradum, in quo Sol versatur, transit. Alius item circulus verticalis, qui per horizontis punctum, in quo Sol exorturus est, ducitur; Sol verò dictum parallelum circumulum describit. Quo autem arcus illius circuli paralleli inter utrumque verticalem interceptus, est prolixior, vel obliquior, eo longius est crepusculum, quod nobis in solstitio æstivo contingit. Vapor verò humidus, & pellucidus, qui terræ vicinior, vix ultra milliare Germanicum attollitur, ut ex triangulorum analysi Tycho demonstrat, refractiones parit. Sunt, qui non absurdè existimant, crepuscula ex radiis solaribus non refractis, sed potius reflexis in hujus crassi aeris superficie procreari. Idque eo ferè modo evenit, quo videmus in navali certamine globos bombardiles ad horizontem explosos, in superficie maris identidem subsultare, nec rectâ progredi: sic radii solares densum ærem horizonti vicinum stringentes, non eum rectâ perrumpunt, sed inflexi ad nos usque resiliunt.

De naturâ & motibus corporum cælestium hætenus: ex quibus certò dicimus, nihil esse inordinatum, atque fortuitum. An illa cæli conversio, Solis, Lunæ, siderumque omnium distinctio, varietas, pulcritudo, ordo denique, & motuum æqualitas, nullâ providentiâ, nullâ mente gubernantur? quis adeò absurdus est, ut ea, quæ vix summa ingenii ratione comprehendat, nullâ ratione moveri putet. Nulla igitur, ut pulcrè colligit Tullius, in cælo nec fortuna, nec temeritas, nec erratio, nec vanitas inest: contraque omnis ordo, veritas, ratio, constantia: nam planetæ falsò vocantur errantes, nihil quippe errat, quod in omni æternitate conservat progressus, & regressus,

reliquosque motus constantes, & ratos. Sed nimis secus videtur evadere.

*Th.* Præclarè, mi Simplici, nunc à te verba summi Oratoris usurpantur. Sed expectabam disputationem tuam de Astrologia conjecturali & quam tu fidem huic scientiæ tribuas, audire sanè velim.

*Que sit  
nostra de  
Astrologia  
conjectu-  
rali sen-  
tentia.*

*Simp.* Magnus hic locus est, atque à doctissimis viris vexatus, qui uno ferè consensu artis vanitatem proscribunt. Nam illud clementiæ est proximum ex diversis siderum aspectibus futura prædicere. Illa quidem influxus quosdam in terras demittunt, sed nihil sunt quàm causæ generales, ex quibus nihil certi concludi possit, nihil futurum prænuntiari. Jam quid absurdius, quàm aspectus stellarum quosdam benignos, alios infestos; quædam amica, nonnulla nobis infensa sidera comminisci; atque ex iis ingenia, mores, animum, corpus, vitæ munera, cujusque casus & eventus deduci. An tantùm licet stellis, ut voluntatis nostræ actus moderentur, & liberum hominis arbitrium omninò perimant? quis enim libertati locus relinquitur, si omnia ex stellarum fati suspendantur? Absit, inquit, ut stellæ vim inferant libertati; in corpora quidem influunt, sed animum non attingunt: quare Astrologi conjiciunt quæ quisque sit naturâ, quo temperamento, & ad quam maximè rem aptus futurus sit; de affectionibus verò, & motibus voluntatis nihil possunt judicare. Quod dant, accipiunt; tametsi de omni vitæ statu, & fortunis nostris sæpe decernant. Sed ne hoc quidem concessero, corporibus astris dominari, atque ex variis eorum aspectibus temperamenta, & mores effingi. Nam ut taceam de geminorum moribus dissimillimis: num omnes, qui eodem tempore in diversis oriuntur regionibus eadem sorte, & conditione nascuntur? nonne diversitas locorum dissimiles hominum procreations habet? Præclarè Tullius interrogat, an omnes, qui Canensi pugna ceciderunt, sub uno astro fuerint. Exitus omnium unus, & idem fuit, ortus planè diversus. Quis nescit & formas, & mores, & plerosque motus effingere à parentibus liberos, quod non contingeret, si hoc non vis, & natura gignentium efficeret, sed temperatio Lunæ, cœlique moderatio. Mirum etiam quòd Genethliaci nullam conceptus, sed nativitatis duntaxat habeant rationem: & tamen si quid alstra possint, in ipso conceptionis momento, longè fortius vires suas exerunt. Scilicet ignorant illud momentum; quique se futura prævidere falsò jactitant, ne id quidem, quod jam effluxit, perspectum habent. Sed hujus artis levitas confutata à multis, & inprimis ab illusterrimo Mirandulæ Comite, qui 14. libris Astrologos expugnavit, non desiderat orationem meam. Nescio quo pacto viri nobiles, & magna

gnâ ingenii, atque eruditionis famâ, gaudent hujusmodi commentis deludi. At multa, quæ prædixere, vera evadunt. Quid, quòd multò plura falsa? Quis est (inquit Tullius) qui totum diem jaculans, non aliquando collimet. Quantam volent exemplorum copiam colligant, testibus utantur aut falsis, aut fictis; nunquam tam commodè dicent, ut eam artem (si rerum incognitarum ars dicenda est) quæ nullâ ratione ducitur, & libertatem nostram labefactat, veram esse mihi persuadeant. Quid enim hoc est nisi fatalis, & ineluctabilis necessitas, si omnia vitæ nostræ officia, opes, damna, connubia, mortem ipsam, morbos denique, & casus omnes, ex certis siderum positionibus, vel aspectibus colligant. Quid fortunæ nostræ cum Mercurio, aut Venere, quibus fictorum deorum nomina, & commentitias vires tribuunt? quantulus est Mercurius, si cum Sole componatur? Petrus Gassendus anno 1631. die 7. Novembris Mercurium in medio Sole, tanquam nigricantem maculam observavit: vix tertiam unius minuti partem, vel nonagesimam diametri solaris portionem occupabat. Quòd si res ad calculum redigatur, Mercurius ter millesima pars terræ futurus est. Sic Veneris diameter, quam Keplerus putat esse 7. minutorum, vix unum minutum sub Sole obtineret. Si quas igitur vires habent tam minuta sidera, haud dubiè ab imensâ Solis luce extinguuntur; nec probabile est hominum fata ex tam tenuibus filis contexti, adeò ut mihi permirum videatur quènamquam exstare, qui etiam nunc credat iis, quorum prædicta quotidie videat re, & eventis, & rationibus refelli. Quodque olim Cato de Haruspiciibus, id meritò de Genethliacis mihi licet usurpare. Vehementer admiror, quòd non rideat Astrologus, Astrologum cùm viderit.

*Men.* Papæ, quantam rerum varietatem, quantam vim complexus es, quantis ex angustiis ipsam Astronomiam educere ausus es! Nihil æquè vereor, atque ista è memoriâ dilabantur; quare si mihi per tempus licuerit, quæ hodiernâ dissertatione nobis tradidisti,

litteris consignabo, ne illa fugitiva deleat oblivio.

F I N I S.



# INDEX PRIMUS

## CAPITULUM.

### LIBER PRIMUS.

#### *De lumine & coloribus.*

#### CAP. I. **D**E naturâ luminis. I

Tres precipuæ de luminis naturâ sententiæ expendantur.

I. Est Peripateticorum, qui lucem & lumen inter qualitates numerant.

II. Epicuri & Gassendi, qui lumen esse putant effluvium quoddam substantiale, à corpore lucido jugiter dimanans.

III. Cartesii, qui lumen æthereæ substantia, quam secundum elementum vocat, impulsum definit, ab agitatione corporis lucidi profectum. Rejectis aliis, Aristotelis sententia defenditur.

#### CAP. II. De luminis motu. II

I. Lumen in orbem diffundi, aded, ut singula corporis lucidi puncta in omnes partes radient.

II. Occursu corporis opaci ita resistere, ut angulus incidentiæ æ-

qualis sit angulo reflexionis: quæ sit hujus æqualitatis causa?

III. Cur lumen refringatur ad perpendicularum, cum è raro corpore in densius incurrit? Cartesii rationes discutiuntur.

IV. De refractionis legibus multæ.

#### CAP. III. De causis luminis. 23

I. De naturâ perspicui potissimum differitur: variæ recentiorum opiniones reselluntur.

II. Veri propior adfertur.

III. Quæ sit effectrix causa luminis, quæ finalis?

#### CAP. IV. De naturâ, & diversitate colorum. 33

I. Colores omnes ejusdem esse generis, & vanam esse colorum in veros & apparentes distinctionem.

II. Omnes à luce dimanare, colorem nihil esse quàm lumen modificatum.

III. Utrum



III. Utrum colorores ab externâ,  
vel ab insitâ luce corporibus  
prodeant?

IV. Tandem ab extrariâ luce non

proficisci concludimus.

V. De numero & serie colorum,  
nec non quis lucis gradus sin-  
gulis competat.

## LIBER SECUNDUS,

### De naturâ & motibus corporum cælestium.

CAP. I. **Q**uæ sit cœli, &  
siderum mate-  
ria. 52

I. *Stellas à planetis secerni, quòd  
illa propriâ luce fulgeant: pla-  
netæ verò sint opaca corpora,  
& lumine emendicato reluce-  
ant.*

II. *Causa scintillationis stellarum  
adferuntur.*

III. *De Solis natura & maculis  
varia opinioniones excutiuntur.*

IV. *Agitur de cometarum loco,  
& generatione.*

V. *Cælum esse instar aëris spira-  
bile & liquidum concludimus.*

CAP. II. De motu diur-  
no. 64

I. *Problema de telluris motu, vel  
quiete solvitur.*

II. *Quadam ex Euclide, & The-  
odocio demonstrationes, ad spha-  
ra cælestis explicationem ne-  
cessaria præmuniuntur.*

III. *Circularum, qui in sphaera  
delineari solent, usum percur-  
rimus.*

CAP. III. De Solis theo-  
riâ. 86

I. *Qua sit anni magnitudo defi-  
nitur, ubi de emendatione an-  
ni Juliani.*

II *Varii Solis motus, juxta omni-  
um ferè Astronomorum hypo-  
theses explicantur.*

CAP. IV. De Lunæ theo-  
riâ. 96

I. *Corpus lunare non esse tersum  
& politum, sed asperum &  
terra simillimum.*

II. *Lunam collustrari lumine à  
terrâ reflexo, & eadem ter-  
subire phasès, quas in Lunâ  
deprehendimus.*

III. *In corpore lunari, ut in terrâ  
montes assurgere, vales de-  
primi, lacus & maria dif-  
fundi.*

IV. *De Lunæ influxibus, de men-  
se, atque aliis, quæ ad calcu-  
lum Ecclesiasticum pertinent,  
agitur.*

V *Lunares motus juxta omnium  
ferè Astronomorum hypothesès  
explicantur.*

Bb

VI. De

*VI. De Solis & Luna defectibus multa speculatione digna proponuntur.*

**CAP. V. De reliquorum planetarum theoriâ, ubi fusè de vero mundi systemate.** 119

*I. Systema Copernici proponitur, phasæ Veneris, stationes, directiones, & regressus planetarum, juxta hanc hypothesein explicantur.*

*II. Tria Ptolemæi, Tychonis, & Copernici systemata refelluntur.*

*III. Expositis omnibus phænomenis novum P. Fabry systema expenditur.*

**CAP. VI. De stellarum fixarum theoriâ.** 138

*I. Systema Cartesianum proponitur.*

*II. Multis illud oppugnatur rationibus.*

*III. Exposito firmamenti motu, quadam ex Euclide theorematibus præmittuntur.*

*IV. Trigonometria serè universæ seu triangulorum Analysis ad præxim Astronomicam necessaria paucis demonstrationibus absolvitur.*

**CAP. ULT. De præxi Astronomicâ.** 154

*I. Inchoatam capite secundo de sphaerâ cælesti tractationem*

*absolvimus: quibus utantur instrumentis Astronomi; quâ methodo lineam meridianam, Solis & aliorum siderum altitudines; poli elevationem, locorum longitudes aucupentur; quæque ad sphaera, vel globi cælestis usum pertinent, compendiosè exponuntur.*

*II. Quâ industriâ Solis, & aliorum planetarum excentricitates investigent; tabulas Astronomicas conficiant, atq; ex iis motus cælestes, & siderum loca explorata habeant, uno item & altero problemate edocetur.*

*III. Doctrina parallaxium; ex quibus planetarum à terrâ distantias colligunt; nec non quâ arte eclipses prænuntiari & delineari possint, aperitur.*

*IV. Agitur de variis defectibus observationum, veterum & recentiorum erroribus; ubi de refractionibus & crepusculis nonnulla; ac demum Astrologia conjecturalis pervellitur, & vanitatis revivitur.*

**PROBLEMA I. Lineam Meridianam indagare.** 157

**PROBL. II. Solis & aliorum siderum altitudinē reperire.** *ibid.*

**PROBL. III. Altitudinem poli, seu latitudinem loci indagare.** 158

**PROBL. IV. Gradum Zodiaci, in quo Sol versatur, investigare.** 161

**PROBL. V. Longitudinem loci invenire.** 162

**PROBL.**

PROBL. VI. Globum cælestem, vel  
spheram in debitâ positione  
collocare. 164

PROBL. VII. Horologium solare,  
describere. 169

PROBL. VIII. Excentricitatem  
Solis, & locum Apogæi invenire.  
170

PROBL. IX. Vera siderum loca  
ex tabulis Astronomicis eruere.  
172

PROBL. X. Parallaxes, & siderum  
à terrâ distantias scrutar.  
177

PROBL. XI. Eclipses Lunæ, & Solis  
prænuntiare. 179

# INDEX SECUNDUS RERUM PRÆCIPUARUM.

A.

**Æ** Quator. p. 81.  
Æquatio. 92.  
Albedo. 35. 36. 45. 46.

Altitudo siderum. 157. poli. 158

Angulus reflexionis æqualis est  
angulo incidentiæ. p. 16. cau-  
sæ hujus æqualitatis ex Carte-  
sio. p. 17. refellitur. p. 18. alia  
Vitellionis itidem rejicitur. *ibid.*  
verior affertur. p. 20.

Anni magnitudo. p. 86. & seq.

Anni Juliani emendatio 87.

Annus Ægyptius. 88.

Aristotelis opinio de naturâ & lo-  
co comætarum. p. 59. refellitur.  
p. 59. 60.

Ascensio recta, & obliqua. p. 165.  
& seq. illius tabula. 166.

Astrologia conjecturalis impugna-  
tur. 222.

B.

**B** issextilis. 86. & 103.

C.

**C**œlum esse liquidum. p. 62. &  
seq. non esse generationum  
expers. 62. 63.

Cæruleus color. 39. 46. 47. 50.

Cartesii sententia de naturâ lumi-  
nis. p. 8. & 9. refellitur. p. 10.  
& 11. ejusdem opinio de natu-  
ra perspicui. 24. & 25. ejusdem  
de colorum naturâ. p. 34. 35.  
ejusdem de maculis solaribus.  
p. 55. ejusdem de motu, & nu-  
mero colorum. p. 72. & seq.  
ejusdem systema. p. 138. & seq.

Chambrai sententia de luminis  
systemate. p. 5. 6. objectiones.  
p. 7. respons. p. 11. & 12. ejus-  
dem de naturâ, & varietate co-  
lorum opinio. p. 40. & seq.

Clima. 85.

Colores à lumine non specie dif-  
ferre. p. 34. omnes à lumine  
prodire. p. 34. sententia eorum,  
qui colores omnes ab extrariq  
lumine proficisci putant, illu-  
stra-

Bb a

stra-

stratur. p. 34. *Et sequentibus.*  
ubi de singulis coloribus. re-  
fellitur. p. 41. *Et seq.* ubi singu-  
li colores perstringuntur. de  
colorum serie. p. 46. *Et sequent.*  
eandem esse proportionem in-  
ter colores, quæ inter sonos  
invenitur. p. 47. 48. hæc assi-  
gnatur proportio. pag. 48. 49.  
*Et seq.*

Cometarum natura, locus, figura,  
& phaenomena. p. 59. *Et seq.*

Crepuscula. p. 59. *seq.*

Cyclus decemnovalis. pag. 102.  
solaris 103.

## D.

**D**Eclinatio Solis. 82. stellarum  
164.  
Distantias siderum invenire. 178.

## E.

**E**clipsis. 110. *Et seq.* 118.  
Eclipses prænuntiare, & de-  
scribere. p. 179. *Et seq.*

Epocha Christi. 104.

Euclidis quædam theoremata. p. 8.  
*Et seq.* item p. 145. *Et seq.*

Excentricitatem Solis, & Apogæ-  
um invenire. 170.

## F.

**F**abry opinio de naturâ Solis.  
p. 56. ejusdem de colorum  
natura, 35. *Et seq.* novum il-  
lius systema. p. 136.

Flavus color 39. 46. 49.

## C.

**G**lobi cœlestis debita positio,  
& usus 164. *Et seq.*

## H.

**H**orizon. 81.  
Horologium solare. 169.  
Horoscopus 168.

## I.

**I**nditio. 103.  
Influxus Lunæ. 110.  
Instrumenta Astron. p. 182.  
Iovis phaenomena. 128. *Et seq.*  
Iuliana periodus. 103. 104.

## K.

**K**epleri opinio de causis refle-  
xionum. p. 19. ejusdem de  
naturâ perspicui. p. 30. e-  
jusdem de naturâ cometa-  
rum. p. 60.

## L.

**L**atitudo loci. 82. 158.  
Latitudo Lunæ. 110.  
Latitudo planetæ. 134.  
Linea meridiana. 157.  
Longitudo p. 82. qua arte inveniri  
possit. 162.  
Lumen non est substantia, sed ac-  
cidens. p. 2.  
Lumen esse tenuissimam flammam  
placet Epicureis. p. 3. & 4. 5. re-  
felluntur. p. 6. 7.  
Lumen esse motum ex Cartesio,  
p. 8. refellitur. p. 9. & 10.  
Luminis systema. p. 5. & 6.  
Lumen diffundi in instanti. p. 7.  
Lucis & luminis discrimen. p. 8.  
Luminis phaenomena ex Cartesii  
sententia explicantur. p. 8.  
Lumen non est qualitas intentio-  
nalis, sed realis. p. 13.  
Lux est formaliter calida. p. 13.  
in

in orbem radiat. p. 14. & 15. quid  
lumen visibile efficiat. p. 14. 15.  
luminis causa tum effectrix,  
tum finalis. p. 31. 32.

Luna corpus est non tersum, sed  
terræ simillimum, montibus  
asperum, lumen quoddam à ter-  
râ mutuatur. 115. & seq.

Lunaris motus explicatur juxta  
hypoth. Ptolemæi. p. 103. Co-  
pernici. 107. Lansbergii. 109.  
Comitis Pagani. 114.

M.

**M**aculæ solares. p. 55. & seq.  
Cartesii opinio. *ibid.* ob-  
ject. contra Solis maculas.  
p. 57. resp. p. 58. macula-  
rum phænomena. 57. 58. &  
seq. earum motus. p. 88. &  
seq.

Mensis. p. 102.

Martis phænomena. 131. 132. 133.

Mercurii phænomena. 122. 123.  
seq. sub Sole visus. 177.

Meridianus. p. 81.

Motus cælestes esse æquabiles. p.  
80. motus medius, & verus. 92.

Motus terræ diurnus variis ratio-  
nibus adstruitur. p. 65. 66. re-  
fellitur. p. 66. & seq. motus an-  
nuus terræ. 125. & seq.

Motus spiralis siderum. p. 94. 95.

Motus capitis, & caudæ Draco-  
nis. 109. 110.

Motus firmamenti. p. 142.

N.

**N**igredo. p. 37. 38. 45. quot lu-  
cis gradus participet. pag.  
50. 51.

O.

**O**bservationum defectus. 184.  
Opacitas. 27. 28.

Ortus & occasus planetatum p.  
137. 138.

Ortus & occasus stellarum. 164.

P.

**P**arallaxes siderum invenire.  
177.

Perpicuum est luminis subjectum,  
in quo sita sit ejus natura. p. 24.

Cartesii opinio impugnatur. p.  
25. & 26. verior ex Chambræo.

p. 27. 28. variz conditiones ad  
perpicuitatem requisitæ. 29. 30.

Planetarum phænomena. p. 122.  
& seq.

Polares circuli p. 84. poli mundi.  
81. 82.

Primum mobile. p. 62. & seq.

Proportio. 47. 48. & seq.

Puncta singula corporis lucidi in  
orbem radiant. 14. 15.

Pupilla ex forti luce contrahitur,  
p. 53. & seq.

Purpureus color. 46. 58.

Pyramides radiosæ luminis. p. 14.

R.

**R**adius luminis quid sit p. 12.  
13. nec differt à splendore.

p. 13.

Reflexio luminis explicatur. p. 12.  
reflexionum causæ. p. 15. &  
seq.

Refractionum causæ ex Cartesio,  
p. 20. impugnatur. p. 20. 21. a-  
liæ conjecturæ afferuntur. 21. 22.

Refractiones siderum. 186.

Rubedo. 38. 39. 46. 49. 50.

Bb 3

Sa-

- S.  
**S**aturni phænomena. p. 128.  
 Schoëneri de Solis maculis opinio. 57. 58.  
 Sinus Anguli. p. 149. 154  
 Solis figura, calor, & maculæ. p. 54. *seq.* Sol & stellæ circa centrum gyrañt. 55. item p. 88. motus annuus Solis juxta Ptolemæi hypoth. p. 90. *et seq.* ex Copernico, 93. *et seq.* ex P. Fabry. 96. illius altitudo 157. illius diameter. 185.  
 Sphæræ circuli. 81.  
 Stationes & regressus planetarum. 127. 128. *et seq.*  
 Stellæ congenito, planetæ mutatio fulgent lumine. 53. Stellarum scintillatio. *ibidem et sequent.* majores videntur, quam videri debeant. 53. 54.  
 Stellarum capillitium. p. 53. 54.  
 stella nova Cassiopeæ. 63. 64.  
 Stellæ discernere. 164. earum loca designare. 168.  
 Systema mundi Ptolemaicum. p. 119. 120. Copernicæum. 120. *et seq.* Ptolemaicum infringitur. p. 133. Copern. rejicitur. p. 134. *et seqq.* aliud verisimile proponitur. p. 136.  
 Systema Cartesianum. p. 138. *et seq.* refellitur. 141. 142. *et seq.*  
 T.  
**T**abulæ Astronomica. 173.  
 Terræ & cœli figura. p. 79. 80.  
 Terræ & Lunæ phæsces similes. p. 98. *et seq.* Sol major terrâ 110. 111. 112.  
 Theodosii elementa spherica. p. 74.  
 Triangulorum resolutio, seu trigonometria. 149.  
 Tropici. 83.  
 V.  
**V**eneris scintillatio. p. 54. illius phænomena. p. 122. 123. 124. phæsces. 124.  
 Z.  
**Z**odiacus. 82.  
 Zodiaci gradum à Sole occupatum invenire. 161.  
 Zonæ. 84.





PETRI PETIT  
MONLUCIANI

REGIS ARCIBUS MUNIENDIS  
PRÆFECTI

OBSERVATIONES ALIQVOT  
ECLIPSIUM SOLIS ET  
LUNÆ

DISSERTATIO

DE

LATITUDINE LUTETIÆ, ET  
MAGNÆTIS DECLINATIONE.

NOVI SYSTEMATIS

AB

ANONYMO PROPOSITI  
CONFUTATIO.

*Ad Clarissim. V. D. DE LA CHAMBRE  
Regis Christianissimi Archiatrum ordi-  
narium.*



CLARISSIMO VIRO D.

PETRO PETIT

EQVITI DOMINO DU PORTAIL

REGIIS ARCIBUS MUNIENDIS

PRÆFECTO

IOANNES BAPTISTA DU HAMEL

S. P. D.



*l*teras tuas accepi, VIR CLARISSIME, effusissime  
 humanitatis, & benevolentia plenas: ac subinde vereor  
 ne plus a quo mihi placeam, quod opuscula nostra tam  
 honorifice approbes. Non enim ignoro quantum apud  
 eruditos pondus habeat iudicii tui auctoritas: nec fere  
 quisquam est, cui hac nostra probari impensius stude-  
 am, cum vix ullus in scientiis Physicis, & Mathematicis, nec non in cri-  
 ticis te exercitior, vel acutior occurrat. Quod verò me benignè iden-  
 tidem admonuisti in definiendâ latitudine Parisiorum minus accura-  
 tum, aut constantem fuisse; cum illam interim 48. gr. 40. min. inte-  
 rim 48. 50. min. præscribam; quod nimis leviter, aut persunctoriè  
 Saturni phases, & phenomena (qui locus cum sit illustris, fusius tra-  
 ctari debuit) transcurrerim; quod Arcontii opinioni de longitudine  
 loci ex astu maris reciproco inveniendâ, nimium indulgere videar:  
 cum tamen nihil absurdius, nihil hoc commentò vanius fingi possit.  
 Astus quippe in alto, & placido mari non percipitur, neque ad litora  
 eodem tempore, ne sub eodem quidem Meridiano, recurrit; venti quo-  
 que, & recessus terrarum, atque alia causa particulares, quæ pluri-  
 mum habent momenti, astus persapè accelerant, vel remorantur. Nec  
 tibi etiam probatur, quod Solis maxima declinatio immota, & stabilis  
 à me constituatur, & veterum observatis nimis diffidam; cum verisi-  
 mile non sit viros peritissimos 24. scrupulis aborasse. Postremò, cum  
 lati-

latitudinis horum indagande methodum propono, tempus æquinoctii seligo minimè ad id opus idoneum: siquidem cum temporis delinatio Solis quàm citissimè minuitur, vel crescit; adeò ut lubricam, & incertam observationem efficiat. Contrà evenit in solstitio æstivali, ubi minor parallaxis, nulla refraction, nec declinatio est adeò desultoria. Ad omnia accipe.

Non clam te est, VIR CLARISSIME, me hunc laborem suscepisse, ut Philosophis, qui Geometriâ, & aliis Mathematicis disciplinis non sunt initiati, (nostri quàm hac studia sint per paucorum hominum) prodessent. Cumque integram, & absolutam Physicam tradere, eique restituere Astronomiam, Machinatricem, Opticam, Alchimiam, Medicorum Physiologiam, & alius si qua sint scientiis à suo velut corpore revulsas, in animum induxissem: placuit, ut bonâ fide agere viderer, ab Astronomiâ, quæ omnium iudicio difficillima, & spinosissima habetur, auspicari, eamque quantum mihi liceret, ac materies ipsa pateretur, propterea, & facilem reddere, atq; in illius penetralia Philosophos non prorsus hebetes, vel à bonis artibus penitus abhorrentes inducere. Vidi enim plurimos huius scientiæ amore deperire, quos difficiles aditus omnino deterrebant. Quicquid expectari à me non debuit illa Mathematicis usurpata à Philosophis, aut limata Geometrarum subtilitas: cum labores meos Philosophis destinaverim, qui rationes rerum, & causas physicas, magis quàm exquisitum calculum consectantur. Profectò malè, & nominis, & pudori meo consuluissem, si Astronomiam, ac potissimum planetarum Theoriam, cum à veteribus, tum à recentioribus, inter quos Keplerus, Gassendus, illustrissimus Comes Paganus, & doctissimus Bullialdus principatum tenent, accuratissimè pertractatam, non Philosophico, sed Mathematico more explicare voluissem. Quamobrem de Philosophis, quibus non erat unde scire possent ea, quæ ignorare minimè decet; non de Astronomis bene mereri cogitavi: ac tentavi efficere, ut illis nota essent, quæ ab his peti non poterant. Hinc quantum potui, hilaritate quadam conspersi scientiam, quæ proculdubio plus aloës, quàm mellis habet. Enimverò ne prævaricari videar, hoc opus ipsius Mathematicis non injucundum, vel inutile fore confido; & licet pleraque non inventa per me, sed ab aliis tradita contineat, non idcirco minorem inibi gratiam, cum omnia, quæ ad siderum motus, aut phenomena explicanda sunt magis necessaria, complectatur: profectò nisi in meâ causâ parum sum idoneus iudex, non supinè, & oscitanter, sed satis accurate, ne dicam superstitiosè, minutis Astronomicis mihi videor persecutus. Quod si autem quadam scrupula nonnunquam negligam, id sanè Philosopho imputari non debet, qui tabulas Astronomicas non conte-

xere instituit, sed methodum duntaxat, qua concinnari soleant, aperire. Hinc aliquando viam faciliorem, licet minus exquisitam comministro, ne difficultate præceptorum infirmitas discipulorum oneretur. Sic polæ elevationem, seu latitudinem loci, ex meridianâ Solis altitudine tempore æquinoctiorum exploratam haberi posse insinuo: tametsi hanc à veteribus usurpatam inveniendæ latitudinis rationem minus esse accuratam non ignoro, cum declinatio tum temporis multum crescat, aut minuatur. Sed eodem loci alias rationes erroribus minus obnoxias non prætermitto, ut doctis juxta, & indoctis satisfaciam: utrisque enim placere; hos jurare, illis probari affecto. Nec Lucilio assentior, qui dicere solebat ea, qua scriberet, neque se ab indoctissimis, neque à doctissimis lege velle, quod alteri nihil intelligerent; alteri plus fortasse quam ipse de se. Ego contra nihil æquè, ac semidoctos (dabis mihi hanc vocem) reformido, qui sibi similes magnis viris videntur, ac tumescunt inani scientiæ persuasione; cumque nihil aliud quam barbaras voces, & jejunas concertationes didicerint, illud probant quaecumque ingressi sunt iter, atque eos dedocere gravius est, quam docere. Nec facile de præjudicatis opinionibus decedunt, quia nemo non didicisse mavult, quam discere: sed non longius evagabor, atque ad institutum revertar meum.

Videor tibi, VIR DOCTISSIME, in assignandâ Parisiorum latitudine fluctuare. Id facile mihi ignoscas, cum peritissimi Astronomi nequaquam inter se consentiant. Nec mihi in mentem venerant, quæ ex tuis, & aliorum observatis in illa dissertatione, quam de latitudine Parisiorum scripsisti, pulchrè disputas, telluris videlicet axem nonnihil de loco suo dimoveri; idq; ex declinatione Magnetis, quæ in dies minuitur, optimè demonstras. Quanquam non deerunt, qui malint veterum observationes cavillari, quam tuæ sententiæ accedere. Dabis hoc nobis, veteres Astronomos in observando non adeo solertes, & religiosos fuisse. Quot amabo ex instrumentorum vitis, neglectis refracti-  
onibus, oculorum situ, & varietate, ex circumfusâ denique sideribus luce errores potuerunt irrepere. Verum de his jam alibi à me dictum est, & malim in tuo judicio acquiescere, quam opinionem meam pertinaciter defendere.

Venio jam ad Saturni phases, quas certè leviùs, quam rei dignitas postulabat, me attigisse non ibo inficias: cum hic locus esset Astronomiæ Physicæ proprius, & acerrimâ contemplatione dignissimus. Sed adeo incerta erant, & malè sibi constantes Astronomorum observationes, ut eas referre noluerim, ne artem ipsam infamare, & traducere viderer.

Qui-

Quidam enim Saturnum duobus satellitibus stipatum depinxere; alii velut ansulas hujus planeta lateribus inherentes; alii brachia in longum porrecta affinxerunt. Sunt, qui hoc sidus figura elliptica à se conspectum affirmant; negant alii; quidam ansas cum Saturno connectunt; nonnulli separatas exhibent. In tantâ opinionum varietate quam potissimum sequerer non habebam; nec conciliari omnino poterant. Vix excussa erat Astronomia nostra, cum ex te accepi, clarissimum Hugenum de Saturni systemate librum edidisse, eumq; ad te amicitia jure misisse: hujus adeo præclari operis copiam mihi fecisti, quod intento animo perlegi, illudque eruditione plenum judicavi. Major certè doctissimo viro, quam cæteris debetur fides, quod telescopio optimo, & 23. pedibus longo, quod Saturnum centies nobis propiorem quàm sit, admovent, usus fuerit, nec tanto viro, industria, doctrina, & diligentia defu-erint. Fuvat ergo præcipua hujus sideris phenomena ex peritissimi Astronomi observatis decurrere.

Anno 1655. die 25. Martii Saturnum brachiis in rectum porrectis vidit, cum nigricante zonâ, quæ tum brachiis paululum superior planetam in partes inæquales dirimebat. Anno 1656. die 16. Januarii Saturnum planè rotundum, & sup. brachiis velut multatum, usque ad mensem Junium deprehendit. Hinc brachia sensim restituta sunt, quæ mense Octobri distincta sub conspectum venerunt; ac zona nigricans, quæ ante superior fuerat, inferior facta est. Anno 1657. die 17. Decembris brachia aperta, & tanquam ansa cum Saturni corpore conferta, visa sunt; ac sensim diduci capere usque ad finem anni 1658. & initium 1659. ubi apertissima, atque instar Ellipsis, cujus maxima diameter ad minimam eam ferè habebat rationem, quæ est 9. ad 4. efformata apparuerunt.

Jam verò ex plurimis observationibus liquet tum brachia, vel ansulas destitutum videri Saturnum, cum circa ea puncta, in quibus Saturni orbita æquatorem secat, nempe prope vigesimum gradum Virginis, aut Piscium versatur. Tum autem diductis ansis, & apertis sub obtutum cadit, cum circa solsticia seu maximam ab æquatore declinationem, videlicet circa vigesimum gradum Geminorum, aut Sagittarii commoratur. Nec demum major Ellipseos diameter ipsi ecclipticæ, sed æquatori est parallela; atque eundem penè angulum cum ecclipticâ, quem æquator efficit, scilicet 20. gradibus majorem; adeo ut Saturnus diurnâ vertigine abreptus nitatur in easdem partes, in quas illius brachia porriguntur. Quod telescopio in Saturnum converso tibi manifestum fiet, dummodo centrum vitri, seu convexa lentis ad brachiorum

lineam dirigas ; tum enim eadem linea tubi immoti diametrum motu diurno sensim decurret ; ita ut eandem rectam, vel semitam diurnâ conversione planeta signet : atqui motu diurno unumquodque astrum æquatori parallelum circulum delineat : brachia igitur Saturni erunt itidem æquatori parallela. Quod quidem ad suam hypothesim stabiliendam plurimum momenti obtinere meritò existimat Hugenius. Sed priusquam istam hypothesim explicare ingrediar, variae sunt nobis ante mittende conjecturae. An fortè Saturnus, ut quibusdam placet, figuram sortitus est ovi similem, cum duplici appendice ? diversas verò subis phases, quòd circa minorem axem orbita sua ad perpendicularum erectum volvatur, eumque gyrum spatio 30. annorum, uti centrum ipsius planeta, absolvat : ita ut utrique motus, & centri, & orbis inter se aequentur. Hinc certis in locis planè rotundus cernitur, & suis exiit an-sulis ; cum scilicet oblongum axem ad nos convertit. Ansulas verò explicatas habet, ubi minor axis in nostras partes dirigitur. Spatium denique ansis comprehensum, nihil fortassis erit præter nigras, & obscure maculas. Quòd si ita sit, cedo cur illa macula, cum Saturnus globosus apparet, penitus expungantur ? quare hic planeta cum sit oblongior, sphaericam figuram interdum exprimit ? formam non mutavit suam, neque altitudine suâ fuit imminutus : oblongioris igitur semper figura, nec lunulis suis privatus videri debet. Quid igitur ? an potiùs nobis in eximii, atque in omni Matheseos genere propè singularis Robervallii sententiam est concedendum, quâ fingit, referente Hugenio, Saturni phases non aliunde, quàm ex densis vaporibus, quos Sol è mediâ, & velut torridâ illius sideris zonâ in sublime effert, prodire. Cum vapor interfusum æthera occupat, tum Saturnus figura elliptica, uti & Sol exoricens apparet. Cum autem usque ad Saturni corpus circumfusi vapores non perveniunt, sed velut nubes in aëre pensiles manent, tum radios ex ea parte, qua nubes sunt consertiores, nimirum ab extremis limbis (nostrî habitâ ratione) ad nos usque reflectunt. Enimverò hoc ingeniosum videtur Hugenio commentum : quòd nunquam Saturnus nisi minori, & debiliori tubo Ellipticus appareat ; quòd non sit verisimile maiorem vaporum copiam è mediâ Saturni zonâ, quàm ex partibus poli finitimis attolli : siquidem terra regiones polis viciniore densiori caligine, & majori vaporum proventu obsidentur. Phases denique Saturni constantiores, & certiores habeant causam necesse est, cum in iisdem, vel oppositis locis eadem planè recurrant.

Quare dispunctis aliis, sola superest Hugenii hypothesis, qua licet quandam primo aditu præ se ferat absurditatem, (neque enim quicquam



quam in aliis sideribus simile occurrit) pulchrè tamen cum phenomenis convenit. Placet illi Saturnum globosæ, uti alia sidera, figuræ, quodam circulo tanquam annulo cingi, sic tamen, ut ille circulus planeta non cohereat, sed instar fornicis eundem situm, eandem perpetuò servet ab ipso planeta distantiam. Ut sit, Saturnus cum sua corona circa suum axem, qui plano annuli ad perpendicularum insistit, rotatur: quemadmodum ex Copernici mente terra circa suum centrum gyrat. Axis Saturni telluris axi, planum annuli plano æquatoris ubique erunt parallela. Quare illud planum eodem ferè modo cum eclipticæ superficie, atque ipse æquator inclinatur, nempe angulo 23. gr.  $\frac{1}{2}$  vel circiter. Itaque concipio Saturnum ipsum non aliter annulo suo, quam spheram artificialem Horizonte, circumdatum: sed spheram intelligo parallelam, qualem habent ii, qui sub polis degunt. Cum igitur Saturnus maxime ab æquatore declinabit, tum brachia latissima, atque Ellipsim non pessime exprimentia cernentur: tunc enim visus noster, qui in æquatoris centro constitutus concipitur, non stringit planum illius annuli, sed satis altè, nempe angulo 23. gr. super illud attollitur; atque adeò annulus latior videatur necesse est: idq. tum evenire diximus, cum Saturnus vigesimum Geminorum, aut Sagittarii gradum cum semisse occupat. Quo autem longius ab iis punctis discedit, hoc angulus fit angustior, & latitudo annuli magis coarctatur: donec post septimum ferè annum, cum Saturnus circuli quadrantem peragravit, & sectioni orbitæ suæ cum æquatore vicinus est, oculus in centro æquatoris positus annuli planum ipsi æquatori parallelum radit, tumque omnis latitudinis expers cernitur: nihil enim præter lineam videri potest, quæ præ distantia maximâ omnino evanescit: tum igitur Saturnus globosus conspicitur. Postquam verò ex iis locis est eluctatus, sua brachia recuperat, quæ paulatim in ansulas, tum denum in ellipsim abeunt. Circulum mente concipio supra oculos elevatum, & Horizonti parallelum; is profectò mihi recedenti, atque ex obliquo spectanti, ut ellipsis videbitur, cujus major diameter Horizonti ubique parallela apparebit; sed eo angustior ellipsis futura est, quo magis ex obliquo spectabitur; donec oculo ita constituto, ut circuli planum, si produceretur, in ipsum concurreret, tum nulla ellipsis, sed exilis quadam linea videatur. Idem fortasse in Saturni annulo evenit, cujus diversa phasæ ex variâ Solis illustratione, & radiorum visualium obliquitate dependent. Quocirca cum Saturni locus ab assignatis æquinoctiorum punctis non longius, quam sex gradibus disidet, tum globosus, & brachius privatus sub aspectum venit, quod annulus radius à Sole non directos, sed maxime obliquos excipiat: vix enim

duobus gradibus supra annuli planum assurgunt, quanta scilicet est Saturni in eo loco existentis declinatio. Non ignoro, apparentem cuiusque planeta locum nonnihil ab eo, quem in suo excentrico occupat, differre: sed ubicunque appareat, & quanta sit visus supra annuli planum altitudo, si reipsa Saturnus obliquioribus radiis à Sole illustretur, & debiliori luce perfundatur, nunquam sui copiam faciet. Major quidem, vel minor visus altitudo, seu loci planeta apparentis declinatio efficit, ut latior, vel angustior ellipsis cernatur; sed declinatio à Sole fortior, aut debiliorem irradiationem præstat, & saltem duos gradus cum aliquot minutis obtinere debet illa declinatio, secus ipse annulus visus aciem eludet. Sic anno 1612. circa solstitium æstivale apparebat Galileo Saturnus in 18. gr. Piscium, hoc est, duobus gradibus cum semisse ab æquinoctio suo disidere videbatur; ita ut declinatio, seu altitudo visus vix esset unius gradus, & tamen duo, ut tum existimabat Galileus, visi sunt satellites, vel potius brachiorum extrema, quæ cum eminus, & exiliori tubo cernerentur, speciem duorum siderum præbebant. Saturnus quippe longius quam appareret, ab illis punctis sæpius nominatis distabat; non igitur sola visus obliquitas efficit ut brachia, vel ansula penitus evanescant. Contrà eodem anno circa mensem Novembrem cum Saturnus esset stationarius apparebat, in gr. 11. 10. min. Piscium, adeo ut ab æquinoctio suo 9. 20. min. distare videretur, quibus ex vulgatis declinationum tabulis 3. 42. min. respondent, & tamen annulus sub obtutum non veniebat; quod revera longè propior foret æquinoctio suo, quam videretur, & altitudo Solis esset duntaxat 1. 36. min. Non ergo apparentis, sed veri loci ratio habenda est: Nam superficies quæque eo illustrior conspicitur, quò radios excipit directiores, ex quocunque spectetur situ. Quod si tamen nulla esset visus declinatio, seu altitudo supra annulum illustratum, tum circulus ille non cerneretur. Contingit aliquando, ut superficiem annuli nobis aversam Sol colustret; cum nempe ejusdem annuli planum inter Solem, & visum nostrum incurrit; tuncque aspectum nostrum fugit, & Saturnus planè sphericus apparet. Jam ulterius intendamus animum, & videamus, quanto tempore globosus, ac brachiis suis carens Saturnus sub oculos cadat. Cum sex gradibus ante & post vigesimum Piscium, aut Virginis id ferè contingat, atque unius mensis spatium unum itidem gradum in propria orbita Saturnus perlustret; necesse est ut toto vertente anno sine ansulis, aut brachiis conspiciatur. Hoc itaque in unâ revolutione bis, nimirum in utroque suo æquinoctio usurvenit. Hinc Galileus sub finem anni 1612. & initium anni 1613. Saturnum suo satellitio, ut credebatur,

nudatum, & figura sphaerica observavit. Idem post triginta annos Gasendus, nempe sub finem anni 1642. ac decimo quinto post anno nempe 1656. idem denique comperit Hugenius. Idipsum anno 1671. recurreti: Quomodo anno 1664. ellipsis latissima futura est, quando Saturnus alteri solstitorum erit finitimus. Illud quoque non indignum est quod observetur, illustriori luce Saturnum fulgere, quando ansas habet apertissimas, quod à circumducto annulo, ut terra à corpore lunari lumen mutuatur. Neque tamen annulus est instar Lunae mobilis; sed immotus consistit, quamvis forte circa suum centrum, unà cum Saturni globo instar turbinis volvatur. Multum quoque in eam sententiam, licet dissentiat Hugenius, propendeo, annulum cum ipsius planeta corpore committi: nam interjectus fortasse liquor radios non quaque versus regerit; hinc sub obtutum non cadit, nisi instar zona nigricantis, non secus ad lunares maculae; quid enim aliud est cingulum illud subnigrum, quod medium fere Saturnum dirimit, maxime ubi globosus cernitur, nisi extremus annuli limbus? Zona quoque nigriores in aliis planetis, ut in Marte, visuntur; in Jove quadam lucidiores deprehenduntur; quae cum sint variae, & inconstantes, vel nihil quam maculae existant; vel circumfusi vapores; aut nubes nostris non dissimiles fingi possunt. Trilateram verò Martis rupem, nigram in medio ejusdem planeta corpore maculam, atque alia ejusdem generis à Fontana confecta rejicit Hugenius, qui primus omnium lunulam circa Saturnum tribus fere scrupulis ab eo distitam deprehendit. Haec 16. dierum circa spatia Saturnum, ut Luna circum terram gyrat. Hoc autem à Lunâ differt, quod in plano aequatori, & annulo Saturni parallelo, Luna verò in zodiaco, vel orbita propria non amplius, quam quinque gradibus ab eclipticâ declinante moveatur. Quocirca si quatuor Jovis satellites, & Saturni comitem septem planetis ab omni ævo cognitis adjungamus, duodecim planetae exsurgent. Sed quid causa est, cur observationes Astronomorum circa Saturni brachia adeo inter se dissideant? An quia plerique telescopia non satis exquisita, & ampla adhibuerunt? Hinc quidam extrema brachia ut globulos lucidos; alii ut ansas cum Saturni corpore non cohaerentes videre sibi visi sunt: quia debilius brachiorum lumen à fortiori planeta luce obscuratum minoribus tubis discerni non potuit.

Non mihi excidet in ense Orionis, ubi tres stellas Astronomi signant, 14. Hugenium deprehendisse, quarum septem trans nebulam candidiorem fulgent. Ejusmodi verò nebula nusquam nisi in hac firmamenti regione conspicitur. Omnium porro stellarum diametri nullâ donantur latitudine, sed quasi puncta lucida exhibentur, cum telescopii vitrum

oculo proximum fuligine leviter aspergitur, ut circumfusi radii, qui si-dera in ampliores species spargunt, penitus arceantur: secus lux illa ascetititia semper nobis imponet, quantumvis vitra tegantur, & vel minimâ aperturâ radii excipiantur. Nihil hic necesse est de arcano longitudinum ex astu maris inveniendarum prolixam disputationem texere? Nihil quoque opus est, periodum Julianam à Scaligero excogitatam, uberius expendere, de quâ te coram quid mihi videretur, aperui; neque aliorum opiniones, quâ veras quâ falsis tueri velim. Jam diu est, quod in dissertationibus tuis Chronologicis hanc Scalgeri periodum pervellisti, eique epochas, quæ aram vulgarem, vel antecedunt, vel subsequuntur, præposuisti. Nec fortassis immeritò illam periodum inter difficiles & inutiles nugas referre soles. Verùm ista sunt alterius loci: ac video jam me Epistola modum excessisse.

Nunc vehementer te oro, ut ad me mittere non graveris observationes tuas eclipsæon accuratissimas, neque non dissertationes de latitudine Parisiorum, magnetis declinatione, novo & fictitio quodam mundi systemate memoriâ posteritatis dignissimas, quas mihi non ita pridem, cum apud te essem, amantissimè obtulisti. Non eâ tantum causâ postulo quod Astronomia nostra magno sint ornamento futura: sed prospectò è re literariæ dignitatîs, ut tam præclara opuscula in apertum proferas, neque iis lucem diutiùs invideas. Vale, VIK EXIMIE, & nos amare porro per se vera.





ERUDITISSIMO VIRO D.  
IOAN. BAPTISTÆ DU HAMEL  
P. PETIT MONLUCIANUS  
S. P. D.



*Ardua haud dubiè res est (VIR CLARISSIME) veritatem sedulo inquirere & ingenuè profiteri, siue obvis errorum tenebris, vel hominum ignaviâ implicetur, siue rara sit temporum felicitas, ubi sentire quæ velis, & quæ sentias dicere liceat. Hinc mihi primus ad Philosophiam gradus esse videtur, genera rerum & proprietates discutere, ut quid in singulis verum sit attentè perpendat Physilogus; alter ut quod sibi compertum fuerit, sincerâ fide palam fateatur, nec sibi plus ipse, aut aliis quàm par sit arroget, aut quàm rati ferat. Sed quàm pauci sint, qui hoc ritè agant, & qui in intima nature penetralia sibi factò aditu posteris proficere studeant, norunt omnes: sunt enim nonnulli, qui veritatis adipiscenda negotio deterrentur, nec sine causâ: in hoc enim studii multum & industria plurimum adhibendum est: alii hanc vel experientia duce, vel ratiocinio partam scriptis consignare desides negligunt: cæteri tandem sibi quid ab imperitiorum dictariis metuentes, neve insanabili scribendi cacoëthe teneri viderentur, à scriptis abstinent. Nihil enim novi aut ex se proferre, quod aliud est quàm libellionem, aut amanuensem agere in exscribendis atque apographis, aut ipsas digitorum prurigne laborare? De re autem nova certa vel conjecturali, imò critica, vel leve quidem opusculum & cruditis viris præferri solet immensis voluminibus tot commentis, quæ & interpretum, in quorum libris si ipsius authoris textum extiterit, nihil nisi verba, & voces ipsosq; sapius obscuriores continentur. Hinc est, quod tua scripta meo quidem iudicio nunquam obliuiscuntur, in iis enim te criticum seriò ludentem, aliorum errata future à te genam, & in abstrusis Philosophia referandis mysteriis*

omni demum scientiarum genere versatissimum universa posteritas commendabit. Si autem Varronis scripta, quæ doctrinâ potius quàm eloquentiâ probabantur, ceteris omnibus anteposenda censuerit Orator Romanus, quid non præstabunt ii, qui solidâ eruditione potius quàm specie verborum adducti, in evolvendis tuis codicibus, ponent operam: iique, qui in illis Latini sermonis nitorem & pura putaque Latinitatis elegantiam (Philosophia vulgaris in scholas ablegatâ barbarie) perspiciant? Utrique proculdubio tibi grates agent, imò solertiam tuam, sagacitatem & industriam condignis efferre laudibus satagent, quòd in enodandis difficilioribus Matheseos & Physica locis (putâ Fossilibus, Meteoris, Lumine, & Astronomiâ) ita te geras, ut allatis ab interlocutoribus tuis, quotquot hæcenus de re qualibet fuerunt opinionibus, dubia discutiantur, & abjectis improbabilibus, vera tandem acquiri mentis trutina expensa, solidis rationum fundamentis stabiliantur. Hinc fiet ut sicut non uno & eodem tramite per vastum mare navigia feruntur, ita variantia studiosorum ingenia diversimodas habeant veritatis inresliganda semitas, ut quæ sibi magis arvideant amplectantur: & sic emenso longioris tractus itinere, tutò tandem & feliciter portum obtineant. Hocque unum magis demirabuntur, qui scripta tua lustrabunt, quòd in iis aberrantium placita citra invidiam resellas, probationum quorumvis sententias religiosè narres, tuâque sincerè & secluso tumentis animi fessu aperias, nec mordicus tuearis: imò ea revocare, sis semper paratus, quoties mentem subierit verisr cogitatio, si te tua si ve aliena. Hoc igitur in te perspecto animi candore, non est quòd mireris, cur communicatâ mihi, adhuc sub prælo versante, Astronomiâ tuâ, liberè te monuerim de nonnullis, quæ in Epistola tua commemoras. De quibus si quid verius liberali quadam audacia protulerim, uti à te veniam deprecor, sic ab omnibus liberalis disciplina studiosis gratiarum actiones, jure quodam compensationis, sperare ausim: præsertim quòd hac eadem scripta uberiori Epistolâ tuâ quasi auxiliario locupletaverim, in qua præter consutationem, tot gladiis quot verbis jugulum petentem, doctrina longitudinum ex reciproco maris astu ab Arconso proposita, & à te bona fide relata, novum insuper Saturni systerma à Clarissimo Huggenio nuper divulgatum, sed contractum in epitomen profers, ut nihil desit Astronomia tua. Quod à me porro humanè rogas, ut ad te mittam



*mittam Opuscula, quæ tibi me officiosius inrisenti videre contigit, Observationes nempe nempe nonnullarum eclipsæ, cum animadversionibus nostris; dissertationem item de latitudine Parisiana, & variatione magneticæ declinationis: tum novi cujusdam Mundani systematis explanationem, quod anno M. DC. XLV. anonymus quidam Illustrissimo Gallia Cancellario obtulit, paucisque abhinc annis perperam rursus asseruit, cuius eo iubente castigationem susceperam, & Clariss. illius Medico, utriusque nostrum amantissimo, D. Chamberæo scriptis consignatam tradideram. Lubenter exequor, eoque securius, quo te fidejussorem meum & vadem erga posteros habeam, utilis iis futuras res nostras, quas monumentis etiam tuis adjungi vix & commendari. Adde quod Appendicis instar, Astronomiæ tuæ propter argumenti similitudinem, adjici non prorsus est alienum, præsertim Solis & Lunæ eclipses, de quibus capite ultimo sic aû: non fallere quidem demonstrationes Astronomicas, sed multa inter observandum occurrere, quæ nisi caveantur, in errores inducunt, observationesque incertas ac lubricas efficiunt. His autem cautè devitandis non leves (ut spero) monita nostra ferent suppetias, præsertim investigando tempore vero eclipsæ Luna, in quo majorem (ut est revera) difficultatem constituis, quam ex pendulorum horologiorum nuperrime inventorum usu penitus tolli, fusiùs ibi & accuratius demonstravi. Ad stabiliendam verò elevationem Poli Parisiensis, in qua statuanda, ut & in variatione magneticæ declinationis, dubius hæreas, non parum lucis & utilitatis afferet fragmentum Epistolæ nostræ ad cl. Sauvallam, ea de re scripta; ut hæc impostèrum latitudo rata sit & fixa, saltem inter 52. & 54. minuta præter 48. gradus, indeque facilis & expedita methodus cujuslibet loci latitudinem ritè observandi Astrophilis innotescat: quâ si rectè utantur, ne in Astronomica praxi quidpiam verius frustra desiderent. Porro de dissertatione illa novi systematis mundi, quam à me flagitas, abundè habeo si im quod expleat, imò quo gratissimam mihi fuisse super ea re perconatationem tuam palam & apertè testificer: Primum, quod authoris amicis & fautoribus etiamnum illud arrideat, licèt de hoc dici possèt, quod bellè & festivè de alio commemoras, meram esse fabulam, & vigilantis cerebri somnia, hominisque otio & literis intemperanter abu-*

tentis deliria, qui ea scripserit, quæ nec demonstrari, nec ratione suaderi possint. Præterquam quòd etiam si hac opinio ridicula emendatione non egeret, oportunam tamen dederit occasionem, restituendi locum quendam Ptolomæi, (quem graviores authores perperam hucusque & oscitanter intellexerunt) uno solo jota mutato in omega, & ex  $\eta\mu\omega\nu$   $\omega\mu\omega\nu$ : quem etiam si magnus ille Scaliger avi sui Criticorum Princeps advertisset, (ut me fecisse gloriari possum) ejusdem Ptolomæi Geographiam & Almagestum iteratis typis excudendum curasset, ut in fronte gestaret editio, nova locum emendatum cum hac epigraphe, PALMARIA CORRECTIO, uti fecit, cum verba illa apud Q. Curtium, de curru Darii Nini & Beli gerentis effigiem, eruditè detractâ unâ literâ & alterâ additâ restituisset. Mitto ergo ad te lubens, quæ peramanter à me rogasti Opuscula, tum ut ea ab interitu vindices, tum ut propensè in te animi mei benevolentiam & obsequium hoc Epistolio significem: quæ enim te velle, quæque ad te & ad tua pertinere arbitrabor, omnia studiosè diligentèrque curabo. Vale, VIR ERUDITISSIME, & me amare perge. Dabam Lutetia Parisiorum, ipso intercalari die anni M. DC. LX.



OBSERVATIONES ALIQUOT  
ECLIPSIUM SOLIS ET  
LUNÆ  
CUM NOTIS AD ID PERTINENTIBUS.

*Observatio Eclipsis Solis anno æræ vulgaris  
1659. Novembris die 14. Parisiis.*



Misis quæ de varietate calculi luminarium secundum has aut illas hypothesas, & super his extructas tabulas præmitti possent, tum quæ ex differentia visæ, & ex variorum Ephemeridibus, & tabulis præsignificatæ eclipseos eruditi adnotabunt Astrophili, rem ut se habuit sigillatim recensere, eamque posteritati consulentes scriptis consignare conabimur, studiosam inde amicis obsequentiam, exteris verò ingenuam, imò gratam (ut censemus) operam testificaturi.

Qui per oëdium ob densissimas nubes & caliginosum cœlum vix apparuerat Sol, tandem 14. Novembris circa nonam matutinam eum spe serenitatis affulsit. Consectim apparare instrumenta, telescopia nempe cum globulis illa, chartas & asseres speciem Solis excipientes circumducantibus, attollentibus, & deprimentibus; sextantem pedum sex diametri, & quadrantem trium, utrumque æneum in minuta exquisitè divisum cum pinnacidiis, perpendicularis & volubili suspensorio; horologia dentata tria, illaque pendulorum ope accuratissima, scrupula prima, & secunda exhibentia, quorum unum clariss. D. Huggenius (novæ istius fabricæ inventor) mihi nuperri-  
mè confici curavit Hagæ Comitum, alia duo ad exemplar istius, hic me dirigente fabricata: quibus, sicut aliis hujus fabricæ horariis, nihil unquam certius & expeditius ad momenta temporum designanda exoptari potest, modò ad Solem diebus, aut saltem horis aliquot antè, ritè dirigantur. Quod peropportunè factum fuit horâ meridia-

nā ipsius dici 14. Novembris ad murale leiotericum septempedale, & serè meridianum, quod ego ipse in ædibus meis summā eura, & omni gnomonices & *apideia* aliās delineavi; cujus ope, durante eclipsi differentias temporum (si quæ cum horologiis dentis, & altitudinibus Solis interfuisent) converſis duntaxat oculis explorandis cuilibet patebat facultas. Hoc tandem apparatu, his machinis instructi ad ritè peragendam observationem omnes accingimur.

Sed quoniam ex variarum tabularum calculo, initium eclipsis 20. aut 30. minutis post horam à meridie secundam futurum indicabatur, & cum sub hanc ipsam horam agitatis hinc inde nubibus Sol delitesceret, ideo de tempore parum solliciti, minusque ad machinas attentii fuimus, colloquiis & controversiis (ut verum fatear) circa telescopia & funependula utique distracti; interim adstantium quidam per densissimum vitrum jam temperatum Solem transpiciens, ad nos conversus, inquit, abstinete à rixis quæso, & observate, Luna jam discum Solis multum obscuravit. Illico ad instrumenta currere. Hic ad tubospicilla, isti ad quadrantes, alii ad horologia, unaque omnes munere suo fungi; ille duobus digitis cum semisse Solem defecisse, hi 16. gradibus & 30. minutis altum, isti duas horas cum 15. minutis, & 25. secundis simul conclamarunt. Ita hoc inexpectato casu initium eclipsæ à nobis prætermisum fuit, ex subsecutis tamen phasibus (quas unicuique observatorum quantum per nubes interfusas, importunos item adstantium itus & reditus, & instrumentorum volubilitates venari licuit) posthac sarcendum. Ut sequens observationis series uno prospectu distinctius exhibebit.

Digitus eclipsæ.	Hora ex horo- logiis.	Altitudines Solis.	Tempera ex altit.	Arcus Solis ob- servati.
2	2 13' 40"	16 30'	2 13' 20"	
2 ½	2 16 25	16 15	2 16 15	
3	2 19 50			
4	2 26 30			
5	2 33 20			
5 ¾	2 35 15	14 25	2 35 11	
5 ½	2 37 20	14 17	2 36 32	115
6	2 41 0	13 37	2 41 25	119
7	2 50 40	12 40	2 51 11	130
8	3 1 50	11 20	3 3 44	140

Obstiteret nubes capiendis phasibus majoris obscuritatis, medio item eclipsis adipiscendo, attenuatis tandem & rarefcentibus emergentem Lunam serenae cœli status in hunc modum nobis exhibuit.

<i>Digit.</i>	<i>Hora ex horolo.</i>	<i>Altitudo Solis.</i>	<i>Tempora ex altitudinib.</i>
1	3 49' 40"	1 38'	3 50' 44"
2	3 56' 0"	1 0	3 55' 16"
3 ½	3 59' 0"	4 35'	3 57' 0"

Reliquas phases, uti finem eclipses ob ingruentes nubeculas, occasum Solis intervenientem, ejus item occultationem pone fastigium porticus regiae luparæ, observare non licuit. Hora tamen 4. 20', horologiorum nulla in eo amplius nudis oculis visa est obscuritas, (nec enim tubos ulterius adhibendi superfluit locus) unde Lunæ emersionem concludere vox una fuit, simulque valedicere.

Sicuti verò ex observatis temporibus incidentiæ digitorum 3. 4. *latium Eclipsis* 5. 6. 7. & 8. ipsorumque differentiis proportionaliter, & accuratissimam mechanices rationem ritè continuatis, initium eclipses citra lapsum sensibilem per retrogradationem statui potest horâ 2. 2' præterpropter: ita medium illius & maxima obscuratio (digitorum circiter 8. cum semisse) contingere debuerunt horâ 3. 12'. Cum enim ab observatione digiti quinti incidentiæ, ad digitum quintum emersionis fluxerint ferè 76. minuta, ex eorum dimidio nempe 38'. addito tempore digiti quinti prodibit eadem hora 3. 12'. quam ideirco ratam & fixam habemus pro tempore medietatis. Finem autem pari ratione venamur collatis temporibus incidentiæ & emersionis, ut enim *Medietas* ex prædictis ab initio eclipsis ad digitum quintum fluxere 31. minuta temporis, ita à digito quinto emersionis ad finem defectus fluere, debuerunt totidem minuta 31. quæ si addantur horis 3. 49'. 40'. exarget hora 4. 20'. 40". quâ Sol debuit esse penitus liber à Luna, ut *Finis* vera talis apparuit.

Per quod autem punctum à vertice disci solaris Luna sit ingressa, vel egressa, nihil equidem certi definiendum habeo, præsertim cum initium & finis defectus nobis exiderint, nec satis perspectæ fuerint phases ipsius tam crescentes, quàm decrescientes; hoc nobis invidit variantis cœli lubrica facies, istud prohibuit tenebrosus aer intercurrentibus nubeculis undequaque obductus, utrique obscurit nimius spectantium concursus, qui, debito apparatu institutæ & rectius (ut decretum erat) peragenda observationi remoram fecit intempestivis consabulationibus, & vagante interim turba, instrumentorum utrumque peni-

penitus ademit: quam jacturam nullis in posterum artibus restitue-  
dam non parum dolemus.

*Quanta  
Lunæ dia-  
meter.*

Quoad verò Lunæ diametrum attinet, solari minorem apparuisse ostendunt observationes digitorum 5. 6. 7. 8. quarum præcipua sexti, Lunæ arcum exhibuit per Solis diametrum transeuntem, nec 120. gradus circumferentiæ illius comprehendente, sed tantum 119. incirca. Unde concluditur peripheria Lunæ apparens minor solari: in qua autem proportionē calculus exhibebit certiorē, cui octava & otium fuerit omnes supputandi, nos ex 7. & octava comperimus, illis ad Lunæ diametrum visibilem fuisse ut 1000. ad 992. Si non concordant aliæ, oritur differentia ex varietate imaginis, quæ tam certò & æqualiter ex utraque parte circuli hanc excipientis, propter mobilitatem continuam radioꝝ Solis & telescopii, momentanea inspectione notari non potest, quin committatur aliquis error. Ex omnium tamen comparatione certi aliquid elici potest, quod de aliis etiam observationibus & præcipuè altitudinibus Solis intelligendum est.

*Nunquam  
sibi con-  
gruunt  
omnes ob-  
servatio-  
nes.*

Nec enim potestas unquam fuit exactissimo cuicunque observatori suas omnes horas ex altitudinibus syderum, sibi, horologiis, & veritati ad amussim congruas invenire, cum nullus sit variis vicibus idem tentandi locus ob inquietam cæli conversionem. Quæ præcisio seu exacta ratio, desideranda, etiam si deficiens in minutis aliquibus, non obstat tamen certitudinē totius observationis, & fructui eliciendo in posterum, ad emendationem tabularum & hypotheson.

*Unde ori-  
tur diffe-  
rentia  
tempo-  
rum.*

Hoc unum addam Apologeticum pro differentiis temporum ex altitudinibus Solis elicitorum, & ab horologiis designatorum. Quamquam parum sensibiles sint, nec aliter aut exactius quibuscunque modis obsevari soleant, ut prædixi; quæcunque tamen sit illa discrepantia, oritur ex minutis aliquibus quarundam elevationum, (quod vitare in duobus instrumentis, & à duobus observatoribus sibi tactum, ut cuique videtur taxantibus, plusquam humanum esset; cum interrim dentata horologia pendula numero tria, ne uno quidem minuto temporis per mensem discrepantia, ac proinde simul incedentia, toto decursu eclipsis intervalla phasium æqualiter proportionaliter sic discriminarent; ut si quæ intercedit differentia, ea tota procedat ex æstimatione arbitraria phasis alicujus seu digiti jam existentis, qui

*Horologia  
cum pen-  
dulis mi-  
lissima.*

forſitan nondum erat vel præterierat. Unde rectè & seriò concludendum videtur, nova ista automata, dummodo pluries comprobata inter se collata, & alicui sciatherico grandi & exquisito seu lineæ meridiane, aut aliæ certissimæ aliquot horis ante observationem adæquata sint, quibuscunque aliis instrumentis licet ingentibus præferenda



da esse, quibus si Tycho, Lantgravius, Keplerus, Wandelinus, Gassendus, Bulialdus, Hevelius, & alii non caruissent, quot & quantos profectus in rebus Astronomicis egissent, & ad nos transmisissent, nec fortasse jam hæreremus in eligendis tabulis exactioribus ad calculum planetarum & præcipuè eclipsium, quarum aliæ 15. & 20. aliæ 30. & amplius minutis, tempora defectuum, vel anticipant, vel subsequuntur. Et quod mirum videri debet, & notatu dignum, in observatione eclipsium solaris anni 1652. die Aprilis 8. quam etiam typis mandavimus, ut omnium quotquot ob orbe condito scriptis consignatæ sunt maximè insignem, & diligentissimè observatam à compluribus iisque nominis Mathematicis, vel in minuto concurrentibus etli loco dissitis, & in observando diversis. In hac, inquam, descriptione eclipsium adnotavi hujus calculum ex Longomontani & Eichstadii tabulis deductum præcessisse initium visi defectus plusquam 10. minutis. Ex Philolaicis plusquam 15. ex Copernicæis plusquam 25. Ex Lansbergianis plusquam 37. & ex Rudolphinis plusquam 45. Hanc autem, de qua nunc agimus, eclipsim tabulæ supradictæ, & novæ, subsecutæ sunt pluribus minutis, ita ut fallente calculo initium defectus incautos præterlaberetur, cum nequidem ad instrumenta parati essemus. Calculus enim ex tabulis illustriss. nec satis mirandi Comitæ Pagani illud statuebat tantum, hora 2. 23'. cum æquatione temporis additiva 15. minutorum, vel hora 2. 8. minuta sine æquatione jam dudum à Wandolino rejecta, totamque durationem horarum 2. 15'. Ex Alphonsinis Muleri initium hora 2. 21'. durationem 1. 57'. ex Tychonici initium 2. 14'. durationem 2. 13'. ex Rudolphinis 2. 30'. & 2. 6'. Cum tamen inceperit hora 2. 2'. & finierit hora 4. 20'. Cujus diligentæ lunaris in hac eclipsi, pigritiæve in illa rationem reddere, ut & magnitudinum durationumque in aliis, ex ritè & rigidè nunc temporis observatis, & in posterum observandis sperare nostrum erit, & posteritatis assequi.

Ne quid verò prætereat notatu dignum, sensimus deficiente lumine Solis, deficere etiam calorem tam sensibilibiter, ut unusquisque nostrum brumales optaret vestes, quod idem observaveram año 1652. Sol ele- unde magis ac magis in ea mente confirmor, ut existimem, quidquid contra sentiat vulgus, nullum aliud esse elementum ignis, præter principium illud luminis & caloris, primumque calidum & Solem converti, ut dicitur in scholis, sicut ex mea sententia frigidum primum, est aer ipse, qui purns & non affectus ab extrinseco seu Sole, aut alia causa externa nobis & ubique terrarum semper est frigidus, idque per consequens obtinet à natura, quod aliàs alio loco à me fusiùs est disputatum.

*Eclipsium  
contraria  
ex tabulis  
eisdem  
prædictis.*

De maculis porro solaribus nil hîc dicendum habeo, nullæ enim tum observatæ sunt, sed ab omni labe deterfus si nubes excipias visus est Solis discus. At colores, identidem apparentes in charta, & in confinio lucis & umbræ ipsius limbum variegantes, cur negligere scriptis mandare tempore eclipsæ, rogatus à viro alioquin eximio, sed dioptrices ignaro inhi adstante ac referente ad portentum hoc spectaculum; cum nec locus aut voluntas esset hominem tunc docendi, conticui: sicut & aliàs coram ejusdem Ingenii Consulari viro, qui in eclipsi memoranda anni 1654. me vehementer sollicitabat ut illi ostenderem caput illud Draconis tam formidandum, in quo luminaria concurrere dicebantur, & tot atroces eventus ipsumque mundi interitum certò præfagire, (quis enim cordatus moveatur his ineptiis?) Circa colores inquam rogatus quid sentirem, hac animadversione satisfacisse putavero, & rem fortasse non inutilem indicasse rerum Astronomicarum, Physicarumque amatoribus, cum monuero colores istos, ab omnibus eruditis eclipsæ observatoribus Gassendo, Bulialdo, Hevelio, & aliis, vulgò neglectos ut minus ad rem pertinentes videri existere ab aëre quicunque ille sit Lunam ambiente, vel etiam nostrate, sed præcipuè ex refractione radiorum Solis in convexum vel concavum vitri, satis oblique incidentium ad pingendos illos, ut dioptrices periti norunt, & sub quibus angulis unusquisque color appareat, quod in Iride spherâ crystallinâ & prisma vitreo experimur. De quibus non est hoc loco ut fusè disputemus, sed doceamus potius ad rectè instituendam observationem imaginis

*Unde colores circa discum Solis.*

*Monitum ad visitandos ipsos in observatione.*

*Qualis debeat esse telescopium ad observandum.*

solaris in charta, sive ad eclipses, sive ad maculas: opus esse telescopio quinque aut sex pedum longo cum suo concavo oculari ad obiecta communia deprehendenda, quod ex globulo duorum circiter digitorum diametri efformatum erit, si patietur bonitas objectivi. In cujus vitri concavi locum substituatur in debita distantia aliud minus concavum, & ad spheram 3. digitorum tantum diametri excavatum, quod ea de causa minus quidem amplum repræsentabit orbem Solis in charta, sed sufficientem & satis magnum nempe unius pedis diametri, & longè nitidiorem minusque coloratum, siquidem non erit tam obliqua radiorum incidentia & refractione: ad quod accedit etiam aliud ingens commodum, nempe diuturniori tempore fixa & immobilis totius machinæ positio, quæ secus continuò mutanda & circumvolvenda si velis imaginem Solis in charta limpidam & sine colore excipere. Tum enim decet axem pyramidis radiofæ sic transire per centrum vitri concavi, ut æquales hinc inde sint partes basis illius, nec una plus vergat ad extrema vitri quàm alia, sed ambæ cir-

cumferentiæ, Solis scilicet, & dicti vitri sint semper concentricæ & parallelæ. Quod obtinere cum difficile sit propter continuum motum Solis, fere semper apparent colores varii secundum varium radiorum incidentiam & refractionem; quod non eveniet in vitro parum concavo, id est minoris concavitatis; optarem porro vitrum istud minus concavum in majorem habere amplitudinem, seu circumferentiam magis concavo, tum ad vitandos colores ut dictum est, tum ad consistendum diutius in eadem phasi & observatione, dum interea Sol percurrit amplam illam concavi circumferentiam, in cujus ingressu forsitan colores aliqui sed diluti, in medio nulli, in egressu pauci conspiciuntur. Quoad tubum verò quo firmior erit & rectior, eo melior, dummodò pollicis unius saltem sit diameter interior, seu orificium illius circa concavum, & apertura seu amplitudo foraminis ad convexum ferè eadem, & quàm fieri potest rotunda.

Omitto quæ prælagire solent Apotelesmatici ex diagrammatibus eclipsium, quæ quo grandiores notantur ab Astronomis, eo portentosiores ab Astrologis prædicantur, ita ut præcipuè metus esse debeat penes regna, provincias, urbes ac populos, quibus incumbit signum, in quo deliquium contingit. Quod quidem credi si oporteat, Deus bonæ, quàm felices Gallia & Hispania, quibus sinistri nihil ex Solis hoc deliquio in Scorpione signo virulento, minari ausit Astrologus auidax licet, post confectam pacem pactumque hymenæum. Hos igitur malos effectus (nec enim unquam bonos, si fides judiciariæ, producere consueverunt eclipses) metuant per me licet Norvegia, Suecia, Syria, Armenia, Cappadocia, Algerium, & aliæ tum provinciæ, tum civitates signo tam tristi & violento suppositæ. Neve frustra Sol defecisse videatur in signo Meridionali triplicitatis aqueæ; esto, magnos & inexpectatos imbres cieat cum plebis & ignobilium interitu, dummodo nos ab iis immunes cladibus salvi vivamus & incolumes, verso Turcicum in imperium toto duntaxat periculo. Ita enim superiore sæculo conjecit Leovitius in prædictione eclipsidis anni 1556. his verbis: *Expertus sum cum eclipsidis aliqua Solis, in Scorpione facta est, Turcicum tunc Imperium in discrimine constitutum fuisse, ac cladem insignem accepisse: anno enim 1547. 1548. &c.* Quod omen Deus Opt. Max. veritat in bonum Reip. Venetæ orbique Christiano. Sed quid ita excurro, & facem in alienam messem seu tribulos immitto? meminisse debere quid produxerit Apotelesma ad finem observationis eclipsidis anni 1652. à me ludendi causa additum: odium videlicet ac procacis convitia linguæ, sed contemnenda ut ejus hominis, qui ab eruditis ne nominari quidem dum viveret, aut redargui mereba-

*Prædictio-  
ne ex hac  
eclipsi.*

*Venetis  
bonum  
omen.*

rebatur, licet omnes lacerasset, ac præcipuè artem Genethliacam, aut doctrinam longitudinum Phrisii & Appiani ab ipso renovatam impro-  
bantes: de quo plura dicere manes vetant cum pridem ejus malevo-  
lentiam terra obtegat.

*Cur alia  
eclipses  
subjun-  
guntur.*

Finem hæc feceram cum rogatus à plurimis tum præclaræ spei ju-  
venibus, tum aliis Uraniæ & Mathematicum cultoribus eximiis, adhuc  
pergendum intellexi in iis exponendis, quæ locus & occasio postula-  
re videntur: aliis scilicet eclipsibus à me observatis paucis abhinc  
annis, omiſſis antiquioribus tum anni 1636, quam Trahonæ in Valte-  
lina vidimus, tum aliis, quas Thesaurus observationum Gassendi no-  
bis dum viveret amicissimi & æternum observandi posteritati com-  
mendavit. Sufficiat quippe hæc meminisse earum, quæ contigerunt an-  
nis 1652. 1654. 1656. & 1657. Quarum primam anni scilicet 1652,  
licet tunc typis mandatam, sed ob exemplarium paucitatem parum  
divulgatam, & à multis nunc expetitam, tum propter rerum, quas con-  
tinet, diversitatem, tum propter insignes aliquot eventus, bellaque Sc-  
ptentrionalia, quæ inibi me invitum & veluti jocantem prædixisse  
gloriantur Astrologi, & iterum prælo committo: sed alia sanè men-  
te, nimirum ne pereat profus labor multorum illustrium virorum, qui  
unà mecum & separatim ei observandæ variis in locis regiæ hujus  
urbis incubuere. Hæc igitur & eadem hoc loco, licet extra ordinem,  
publici juris iterum fiat.

## OBSERVATIO ECLIPSIS SOLIS,

*quæ contigit Parisiis anno 1652. die 8. Aprilis  
ante meridiem, facta in adibus Petri Petit Regiis arcibus muni-  
endis Præfecti, ab ipso & à Dominis Jacobo Alexandro le Ten-  
neur in Aquitanico vectigalium Senatu Consiliario Regio, Adria-  
no Auzotio Rothomagensi, & Jacobo Buotio Aquilensi, coram  
Eminentissimo Cardinale de Rets, & innumero cætu Illustriss.  
simul & Doctiss. virorum, Præsulum, Abbatum, Religiosorum,  
Præsulum, Senatorum, Physico-Mathematicorum, &c. Cui sub-  
junctæ sunt insigniores ejusdem defectus observationes Clarissimo-  
rum Virorum.*

**T**Empus verum prodiit ab altitudinibus Solis per quadrantes in  
gradus & minuta divisos acceptis, ostensum etiam ex duobus ho-  
rologiis dentatis & imminso sciatherico murali horæ minuta exhi-  
bente

bente adequatis, sed excedentibus verum & observatum 36. aut 40. secundis huc illuc.

Initium Eclipsis ex Solis altitudine exactissima 38. grad. declinatione 7. 33'. 42". & poli elevatione 48. 52'. erutum, constanter maneat hora 9. 29'. 32". Quoad finem verò acquiescendum potius horologiis ad proportionem initii reductis, quàm tempori ex observatione altitudinis circa (meridiem parum sensibilis) elicito. Nec fuit possibile tunc Angulos Azimuthales, ut consilium erat, observare, sicut nec omnes incidentiæ & emersionis digitos per instrumenta, propter nimium expectantium concursum. Sit ergo finis Eclipsis hora 11. 51'. licet ex altitudine Solis observata 48. 41'. circiter, & ipsius loco in 19. 21'. 12". Veruatur solùm hora per calculum 11. 50'. 39". medium vero ex observatis & consequentiis hora 10. 40'. 40".

<i>Digitus Eclipses observati.</i>	<i>Hora Min. S. ex Horologiis.</i>	<i>Hora Min. S. ex observationibus.</i>	<i>Altitud. So- lis observata</i>	<i>Locus Solis in V ex tabb. Rud.</i>
Initium 0	9 30' 8"	9 29' 32"	38 0'	19 1 8 4
1	9 33' 0"			
2	9 36' 8"	9 35' 25"	38 44"	
3	9 40' 45"	9 40' 6"	39 20"	
4	9 46' 3"	9 45' 20"	39 56"	
5	9 52' 20"	9 51' 53"	40 42"	19 16 26"
6	10 1' 3"			
7	10 9' 12"			
8	10 19' 28"	10 18' 28"	43 30"	19 17 27'
9	10 29' 0"			
10	10 38' 36"			
Medium 10. 20.	10 41' 20"			
10	10 44' 50"			
9	10 53' 0"			
8	11 0' 10"			
7	11 7' 2"			
6	11 13' 4"			
5	11 20' 52"			
4	11 27' 30"			
3	11 33' 35"			
2	11 39' 24"			
1	11 45' 15"			
Finis 0	11 15' 43"	11 50' 39"	48 41"	19 21' 12"

Imago Solis per bina 4 pedum insignia telescopia refracta fuit, & expansa in circulum, cujus diameter pedis unius in 12. digitos divisa & subdivisa, circumferentia verò in 360. gradus tam incidentiæ quàm emerfionis scrupula, & Lunæ diametrum exhibebant, ut conjicere licuit modo in præcedenti pagina scripto.

Luna Solem ingressa est à parte Occidentali ut solet, ferè per diametrum Solis horizonti parallelam, egressa autem ex parte Orientali, inter gradus 40. & 45. super dictam diametrum.

Eclipsis fuit 10. digitorum & 20. aut 25. circiter minorum, totaque duratio hor. 2. 21'. 30".

Posita diametro Solis apparente 100. partium, Lunæ diameter visa est 102. Nullæ maculæ in disco Solis à nobis conspectæ fuerunt.

Initio Eclipsis speculum Parabolicum magnitudinis 15. pollicum, globulum plumbeum facillimè liquefaciens, sub medium Eclipsis, in ligno tenui & sicco vix fumum excitavit: nulla tamen obscuritas, sed ob lumen solummodò pallidum & debile, ut ingruente tempestate imminutum, frigoris aliquantulum passa est Atmosphæra.

*Ejusdem  
Eclipsis  
observationes  
aliæ  
clariss. vi-  
rorum,*

Ex altera autem observatione facta à DD. Ægidio Personerio de Roberval Regio Professi. Math. & Claudio Milon Parisinò, in hortu Ill. D. Bruffart Abbatis Sanmartiniani Regi à Consiliis, mediantibus Azimuthis & Calculo, initium apparuit hora 9. 29'. finis autem hora 11. 51'. neglectis secundis: diameter Lunæ, Solis diametro major: maxima obscuratio fuit 10. digitorum cum quadrante circiter, quæ secundum calculum ex supplemento Ephemeridum Magini debebat esse 11. digitorum: & medium defectus hora 10. 33'. circiter, unde sequitur differentia inter calculum & observationem 5. aut 6'. tantum, qualis ferè observata est in Eclipsi Solis mensis Junii 1630. cum ex alijs tabulis pleræque 30. & 40'. à vero recedant. Hæc illi.

Alteram etiam ejusdem Eclipsis observatio facta fuit in Collegio Claromontano Societatis Iesu à R. P. Petro Bourdin Mathem. Professi, adjuvante D. Fran. Gaynot Philomothem, coram Sereniss. Principe Henrico à Sabaudia Duce & Archiepiscopo Rhemenfi, per planum Æquinoctiale 9. pedum diametri in horæ minuta distinctè divisum, quod exhibuit initium Eclipsis hora 9. 29'. 42". finem verò hora 11. 51'. 22". medium autem & singulos incidentiæ & emerfionis digitos propter exiguitatem disci solaris in chartâ fortasse non adamussim reductos, & à quibusdam superscriptis, per aliquot minuta huc & illuc discrepantes, nec inter se cohærentes hic inserere supervacaneum duxi.



Ex observatione Clariss. Ismaëlis Bullialdi facta in ædibus Illustrissimi Præsidis Thuani, initium fuit hora 9. 32'. finis verò hora 11. 48'. in quibus nesciretur quo fato solus à tot & tantis observationibus uno aut altero minuto discreparet, nisi ipse ingenuè fateretur jam incepisse obscuracionem cum observavit, & prius desisse observare quàm Sol obscurari, unde verisimilius statuit initium hora 9. 30'. finem verò hora 11. 50'. Rationem semidiametri Solis ad Semidiametrum Lunæ ut 100. ad 101, vel 102. Digitos Eclipticos 10. 25'. Lunæ ingressum in discum Solis per 88. gradum, & exitum per 44. grad. à puncto verticali Solis. Cæteras observationes cum calculo ejusdem Eclipsis ex Tabulis suis Philolaïcis deducto, & ab ipso typis mandato, ut videre licebit, ideo prætermitto.

Ejusdem deliqui observatores fuere in Collegio Navarrae per maximum sextantem Ioan. Bechet Mathematicum Professor, D. Picart, & alii hora 9. 29. 30'. initio, quod nobiscum exactissimè consentit, medium digitorum 10. 28'. finem verò non observarunt.

In Palatio Serenissimi Principis Ducis Aurelianensis Regis Patru, Nobiliss. Eques Marchio de Villenes, Ioan. Baptista Morinus Mathematicum Professor Regius, D. Agaratus, & in plerisque urbis ædibus alii etiam Mathematici, eandem Eclipsim observarunt, quorum observationes si ritè factæ fuissent cum instrumentis diligenter examinatis, & pinnacidiis debite collocatis, cum superioribus coincidissent: sed ex eo, quòd sub finem Eclipsis, alitudinem Solis referunt majorem maximà sive meridianà, posità elevatione poli 48. 53'. satis liquet, ipsos in aliis etiam altitudinibus tribus aut quatuor minutis ob defectum Instrumenti aberrasse: ipsi juris publici facient si viderint.

Hæc ego, qui nusquam gentium exactius observatam Eclipsim facile persuaserim posteritati, cum à tot viris Illustribus omni supellectile Mathematica instructis, cælo serenissimo, ab omni refractione libero, utpote Sole admodum sublimi, viis & locis differentibus, idem minutum primum, cum discrepantia solum aliquot secundorum nati sunt, quod ex diversa polaris elevationis, vel loci Solis suppositione, vel instrumentorum lubrica dispositione, nec infallibili divisione, oriri potuit.

Eandem Eclipsim observavit Dinia, quæ est Orientalior Lutetiâ 25. horæ minutis & sub elevatione poli 44. 6'. Clariss. & hujus sæculi Tycho, Petrus Gassendus cum Bernerio, per umbras rectas & versas, à quadrato Geometrico, cujus utrumque latus in 1000. partes divisum erat, exhibitas, & altitudinis variationi circa meridiem insen-

sensibilis, opem ferente horologio sciatherico : de cujus tamen fine contendere nolens, ut habetur in ipsius Epistola ad Bullialdum & amicos scripta, initium statuit hora 9. 43'. cum deviatione diametri à perpendiculo grádum 75. medium hora 10. 51'. finem hora 11. 58'. cum deviatione à perpendiculo grádum 45. dígitos Eclipticos 9. 24'. diametrum Lunæ 15'. 50". circiter & Solis 15'. 20". hoc est ferè ut 100. ad 103. ut ex præcipuis defectus phasibus diligentissimè observatis, & inter se collatis, conicere potuit.

Placuit mantissæ loco, & publicæ utilitatis gratiâ, calculum ex variis Tabulis Astronomicis ad longitudinem & latitudinem Parisiensem factum, & observationi supradictæ comparatum hîc subungere, ut unicuique pateat, quænam propius ad verum accesserint, & quibus utendum deinceps, dummodo compluribus eodém recidant, nec enim satis erit bis aut ter pene scopum attigisse : cum nullæ extent hypotheses ex iis tabulæ, quibus ad aliquot Eclipses & Planetarum loca observata satisfactum non fuerit, his enim ut postulatis superstructæ sunt. Sed omnibus & singulis, futuris & præteritis, ad minutum respondere, hoc opus hic labor est nondum ad finem perductus, quod ex Lunæ motibus variis & irregularibus nec satis hæcenus comperitis manare certum est.

	Eclipsus ap- paruit Parisi- is 1652, die 8. Aprilis.	Ut apparere de- bebat ex Longi- tudin. & calculo Eclipticæ.	Ex Philolaici & calculo 1. Bullialdi.	Ex Co- pernicio D. Petri Gii.	Ex Lami- bergianis cum aqua- tione temp. Tychois.	Ex Ru- dolphinis Medice- æ.
	Ho. Min. Sec.	Hor. Min. Sec.	H. M. S.	H. M.	H. M.	H. M.
Initium.	9 29 30	9 18 52	9 13 39	9 4	8 52	8 44
Finis.	11 51 0	11 53 38	11 32 43	10 8	11 20	0 44
Duratio.	2 21 30	2 34 46	2 19 4	2 4	2 28	2 0
Digit.	10 20	10 42 38	10 36	11 20	11 52	10 46

\*\*\*\*\*

## APOTELESMA.

Certo certius est infaustos & insolentes per varias mundi partes eventus Eclipsim hanc subsequuturos. Timeant Reges, Principes, Magnates, subditorum clamores, defectiones, rebelliones: timeant proceres & Magistratus, civium contumaciam, plebis furo-  
rem,

rem, & Regum iras: timeant Ecclesiastici & sacrorum cultores, nova dogmata, schismata, & impietates: timeant cives dissidia, lites, seditiones, & deliria, quibus plestantur: Mensularii & Trapezitæ fraudes & versuras: Nautæ, tempestates, turbines & naufragia: Rustici grandines, gelu, siccitates, sterilitates, pecudum & jumentorum interitum: Populi denique omnes, bella, famem, pestes, incendia, inundationes, febres, vastationes, ruinas urbium, depopulationes, terræ motus, & quidquid asperum contingere solet hominibus, nec enim aliter nunc quam olim, mundus ab infortuniis securus esse potest. Timeant Hispani, Lusitani, Galli, Veneti, Allobroges, Rhæti, Itali, Angli, Scoti, Hiberni, Belgæ, Dani, Sueci, Poloni, Moscovitæ, Germani, Turci, & quotquot in Europa, populi deliquium hoc observarunt. Verum non extimescant, si quæ mihi fides, quasi effectus Eclipsis & influxus errantium & fixarum in hac aut illa domo, angulis, detrimentis aut dignitatibus collocatarum, tot & tantas divinæ potentiae ludentis in rebus humanis dispositiones. Nec Martem Eclipsis dominum, cum Veneri in undecima constitutum, nec Mercurium culminantem & luminaribus adstantem, in signo Ecliptico intercepto & æquinoctiali: nec Saturnum in aquatico mobili & ascendente, ipsis ad quadratum configuratum, & Jovi cadenti & subterraneo oppositum; nec ipsum Solem obscuratum, seu veriùs à Luna nobis creptum in domo & signo Regiis, loco & tempore suæ exaltationis & medio cæli: nec quidquid infaustum Arabes, Chaldæi, Græci & Latini minantur ab Astris, reformident: nec suis laboribus defectionem sideris adsimilantes, ut cum Tacito loquar, rationum ignari omen præsentium accipiant, & dies minaces & in scelera erupturos sibi prædici putent. Sed vereantur hæc infortunia propter vicissitudines rerum & proximas ad hos eventus causarum dispositiones, ex quibus certius quàm ab Astris Politici & speculatores futura prænoscere consueverunt, quæ Deus ut averruncet hoc metro Boëtii ad rem, mores & tempora appposito, compellandum hortatur,

*Petrus Petit, Reg. Arcib.  
muniendis Præfatus.*

**O** Stelliferi conditor orbis,  
Qui perpetuo nixus Solio,  
Rapidò cælum turbine versas,  
Legensque pati sidera cogis,  
Ut nunc pleno lucida cornu,

Totis fratris & obvia flammis,  
Condat stellas Luna minores, &c.  
Omnia certo sine gubernans,  
Hominum solos respicis actus  
Merito rector cohibere modo.

Ff

Nam

*Nam cur tantas lubrica versat  
Fortuna vices? premit infantes,  
Debita sceleri noxia pœna,  
At perversi resident celfo  
Mores Solio, sanctâque calcant  
Injustâ vice colla nocentes.  
Latet obscuris condita virtus  
Clara tenebris, justusque tulit  
Crimen iniqui.  
Nil perjurâ, nil nocet ipsis  
Fraus, mendaci compta colore.*

*Sed cùm libuit viribus uti,  
Quos innumeri metuunt populi  
Summos gaudent subdere reges.  
O jam miseras respice terras  
Quisquis rerum fœdera nectis.  
Operis tanti pars non vilis  
Homines, quatimur fortuna salo.  
Rapidus rector comprime fluctus,  
Et quo cælum regis immensum  
Firma stabiles fœdere terras.*

Apud PET. LAMY, in Palatio 1652.

Hujus tam insignis Eclipsis observationi quatuor adjicio, duas nempe solares, lunaresque totidem, annorum consequentium, quas penes me servabam.

Prima sit mensis Augusti 1654. quæ nescio quo fato toti Europæ terrorem tantum incussit, ut crederetur

*tandem adfore tempus*

*Quo mare, quo tellus, correptâque regia cæli  
Ardeat, & mundi moles operosa laboret.*

de qua tunc lusi Gallicè metro & oratione soluta, quod hîc nolo nesciri.

Secunda sit item solaris, mensis Januarii 1656. quæ licet æquè exactè, & cum eadem cura per quadrantes, spicilla & horologia (exceptis pendulis) observatæ fuerunt, ut hæc anni 1659. & illa 1652. Ne tamen sim prælixior in describendis stylo historico singulis earum phasisibus, &c. quod est in utraque præcipuum, placet referre paucis, earum scilicet initium, finem & quantitatem.

Anni 1654.

Illius igitur tam memorandæ eclipsis, quæ nescio quo contagio, non plebem solum, sed magnates & summos alioquin viros rerum physicarum ignaros, per totam Europam affecerat. Initium extiit Parisiis 1654. die 12. Augusti Sole elevato 31. 34'. unde colligitur ex ejusdem loco in 19. 30'. 38". & elevatione poli 48. 53'. qualem sæpius experti sumus, incepisse præcisè hora ante meridiem 8. 4'. 20". fuit ejusdem medium hora 9. 17'. 30". finis hora 10. 30'. 40". Sole elevato 51. 29'. digiti ecliptici numerati sunt 9. 17'. Ingressa est Luna discum Solis per 10. gradum à Zenith, egressa verò per 50. Nadir, visa est uterque diameter Solis & Lunæ ad sensum æqualis.

Eodem

Eodem mense & anno die 27. initium eclipsis lunaris apparuit, cum stella, quæ in dextro scemore Bootis elevaretur ad occasum 20. 25' ex cujus ascensione recta 218. 16'. & declinatione boreali 28. 48'. emergit hora 10. 12'. 56". finis eclipsis cum fulgens in dextro latere Persei ad Orientem elevaretur 45. 28'. ex cujus ascensione recta 44. 46'. & declinatione boreali 48. 53'. elicitur hora 11. 42'. 32". Observati sunt tres ferè digiti incidentiæ & totidem emerfionis, sed medium propter nubes observari non potuit, sicut nec insigniorum stellarum altitudo.

Anno 1656. faventibus iisdem instrumentis, telescopio scilicet *Anni 1656.* sextante & quadrante, dentatis horologiis & sciatherico septem-pedali supra descriptis, opemque ferentibus eximiis viris & rerum cœlestium cupidis ac peritis, observata fuit altera eclipsis Solis die 26. Januarii, cujus phases omnes hæc describere, ut supervacaneum foret, sic præcipuas omittere piaculum. Ipsi igitur initium contigit Sole post meridiem alto 22. 17'. ex quo emerfit hora 12. 18'. 26", quam styli automatum & sciatheri, 20'. post meridiem demonstrabant, quibus hæc ad tempus magis videndum, quam exquisitissimis quibuscunque instrumentis altitudinum, tum propter exiguam elevationem refractionesque hyemales, tum propter insensibilem illius variationem circa meridiem, ubi minuta pauca altitudinis plurima temporis anticipare aut retardare consueverunt, ut est prænotatum. Initium igitur statuimus hora 12. 20'. finem verò Sole elevato 9. 53'. unde concluditur hora 3. 5'. 20". satis consentiens ipsis horologiis: digiti ecliptici observati fuerunt 7. 55'. ingressa est Luna per gradum 100. à verticali Solis, egressa verò per 10. diameter ipsius minor solari ad sensum, sed quæ ad amussim non potuit taxari propter variantem charactem, quæ discum Solis excipiebat, nec telescopio satis firmiter adhærebat, ut unà cum illo moveri facile posset, cui incommodo ut remedium adhiberetur, nec densa corona circumstantium, nec tempus patiebatur.

Aliam Lunæ eclipsim anno 1657. mense Junio die 25. cum ob- *Anni 1657.* servaturi essemus, tot nubes cœlum obturbarunt, ut neque Lunam, neque aliud sydus deprehendere liceret, donec tandem emergens, per triontem adhuc esset obscurata, quod annotavimus (deficientibus tunc horologiis dentatis) cum Arcturus esset ad Occidentem elevatus, 50. 45'. unde colligitur hora 10. 17'. 30". Finem verò eclipsios, spicâ Virginis altâ 16. 40'. cui competit hora 10. 40'. 10". Sed huic & similibus lunarium eclipsium observationibus, quas noctu exequi necesse est, ingenuè fateor non tam esse fidendum ob multas in ob-


## 228 *Observ. aliquot Eclips. Solis & Luna.*

*Observationes ecliptice Luna incerta.* servando tempore difficultates, vel ex parte pinnacidiorum, vel ex parte visus aut luminis deficientis alteriusve causæ, quàm bene spectandum imposterum nos habituros accuratiores. Pauca enim admodum sibi congruentes in uno eodemque loco, longitudinibus etiam aliarum civitatum per tabulas exhibitis proportionales, observata referuntur: ex quo parum hæcenus emolumenti ab iis eclipsibus in Geographiam & Astronomiam derivatum est ad longitudes, quæ tamen ex iis solis certius innotescere deberent, quàm alio quovis modo, quandoquidem uno eodemque instanti videntur earum initium & finis ab omnibus, quovis loco disitis, quibus tunc Lunam videre contingit.

*Quomodo certiores fient.* Sperandum, inquam, posthac lunarium istorum defectuum, sicut & solarium aliorumque cæli phænomenon, tam exactas fore observationes, ut ne uno quidem minuto à vero aberrare possint, ope scilicet pendulorum à non satis laudando & posteritati commendando Huggenjo Zulichenfi dentatis horologiis adhibitorum ad quævis intervalla temporis exactè designanda, nullam varietatem iis asserentibus calore & frigore, humore vel siccitate, quod vix unquam putassem, aut ex Huggenii scripto publico, aut ex ejus privatis ad me literis, nisi tandem experimento doctus, affabrè facta & semel æquata ejusmodi horologia, Solis esse æmula & ideo falli nescia, sæpissimè probassem. Sciant quippe omnes, quibus hæc legere contigerit, tribus abhinc mensibus continuis, horologia quatuor ejusmodi, quorum duo cum pendulis plusquam tripedalibus, alia cum minoribus, omniaque, minuta & secunda minutorum exhibentia, in uno eodemque cubiculo me asservasse, ac semper uno tenore eandem præcisè horam, & minutum inter se representasse, nec discordasse tantillum à scilatherico meo septempedali quoties Sol affulgeret. Quod mihi & in automatis cuicunque docto miraculi instar esset, obvium si non esset. Unde sperare licet nos habituros in posterum ex hoc invento non modò eclipseon, sed aliorum quoque syderum ac phænomenon observationes accuratiores, tum parallaxium refractionum, longitudinum terrestrium, magnitudinum Solis, Lunæ & astrorum, diurnarum inæqualitatum, seu temporis æquationum, reliquarum denique

*Quæ sunt certissima.* rerum etiam difficiliorum absofutissimam, omnique ex parte perfectam cognitionem.

*Ipsorum utilitates.*





# DISSERTATIO DE LATITUDINE PARISIENSI EAQUE IN URBE MAGNETICA DECLINATIONE,

Adductis pluribus argumentis, quibus suspicari licet utramque subinde variare.

*Excerpta ex Epistola scripta ad D. Sauvallam,  
& operi quod de Lutetia novo-antiqua  
edere parat, annexâ.*



Irae latitudinem Lutetiæ Parisiorum, de qua me rogas, ut scribam, id primò habeo dicendum: ita inter se discordes esse authores & Geographos in illâ assignandâ, ut si omnes diversæ sententiæ ad calculum vocentur, tot censi possint, quot à gradu 47. ad 49. scrupula interjacent. Cujus tantæ varietatis multiplex est ratio, atque hæc præsertim: quòd authores Græci, Arabes, Latini, Germani, Angli, Batavi, Hispani, Itali, Galli quæ ipsi, qui de sphaera, vel Geographia, vel Astronomia disseruerunt, ipsiusque latitudinem assignarunt, aut Lutetiam nunquam viderint, aut nullâ satis accuratâ observatione usi, priorum duntaxat vestigiis insulerint, aut ipsi novi erroris fuerint antesignani. Quod cum ita sit, uti constat, prorsus incumbit modò, ut super ea re celeberrimi alicujus authoris teneatur sententia, vel certè audiantur hi, qui exquisitis instrumentis nec mediocri eruditione instructi ipsam Poli altitudinem accuratius observarunt. Quamcunque porro sequamur viam non est valdè facile sese hinc expedire. Quòd si enim Ptolemæum, qui inter veteres Geographos primatum obtinet, consulas hoc loco: multum à scopo aberrabis. Is quippe secundi Geographiæ suæ libri capite 8. docebit nos, longitudinem Lutetiæ Parisiorum ab Insulis Fortunatis esse 23. grad. cum semisse, latitudinem verò seu poli elevationem 48. grad.

*Unde ori-  
atur di-  
versitas  
latitudinis  
Parisio-  
rum.*

*Ptolemæi  
sententia.*

*Plurimum  
rū lapsus,*

30. min. atque hanc secuti sunt ferè omnes, quibus contigit ea de re disputare ante postremum sæculum: & recentiorum quoque nonnulli religioni ducunt ab hac tanti viri sententia facillè recedere. Et certè non abhorret à vero Ptolemæum, qui summo studio scribendæ Geographiæ incumberebat, dedisse operam, ut viri periti & industrii situm hujus urbis tum satis claræ ac florentis explorarent, cum id temporis, inter Ægyptum, & Gallias, Nilum & Sequanam, sub uno & eodem Romano imperio majus fortè commercium quàm nunc, intercedebar. Non me autem fugit alios antiquiores Ptolemæo nec indiligentes Geographos extitisse, quos inter Strabo, Augusti & Tiberii temporibus scriptor clariss. Gallorum ingenia nostrosque mores mirificè depinxit, sed terrarum situs silentio omnino prætermisit; ut & Solinus, Pompon. Mela, Plinius, aliique ferè coætanei, qui de locorum longitudine, aut latitudine nihil tradiderunt. A Ptolemæo igitur ad proximè elapsum sæculum non immeritò apud doctos ipsius valuit authoritas, quam cepit sensim revocare in dubium ætas majorum, sed infelici ut plurimum successu. Sunt enim, qui hanc urbem sub 47. gradu constituent, alii sub 48. cum 10. min. alii sub 48. cum 20. quanquam pars melior & major Astronomorum Ptolemæum sequi maluerit, quàm obscurioris nominis authores secundæ notæ, qui aut malè concinnatis tabulis, aut observatoribus imperitis, iisque Astrolabio chartacæ, vel exiguis duntaxat instrumentis utentibus, fidem adhibuerant. Utcumque se res habeat, in hunc errorem lapsi sunt non infimæ classis authores alioquin celebres, Mercator, Ortelius, Bertius, Gemma Phrisius, Scaliger, Mætius, Longomontanus, Stoflerus, Reinholdus, & plerique alii, qui Parisiensem latitudinem in inorem Ptolemæica censuerunt, cum potius addi ad eam oportuerit, ut mox sum breviter demonstraturus.

*Observatio Ferneli.*

Constet interim ante observatam ex professo poli Parisiensis elevationem nihil pro certo admittendum, jamque esse opus ut variorum variæ observationes strictim discutiantur: è quibus esto prima Ioan. Fernelii Ambianensis Medici & Philosophi præstantissimi, quam libro, cui titulus est Cosmotheoria, dato in lucem anno 1528. his verbis refert. *Electa die perquam serena, qua fuit Augusti 25. hic Parisiis Solis in meridie constituti elevationem per regulas deprehendi esse grad. 49. min. 13. Cum igitur Sol undecimum Virginis gradum terneret, cujus declinatio borealis 7. grad. 51. min. judicavi æquatoris elevationem partes 41. min. 22. continere, quare Parisiorum latitudinem esse 48. grad. 38. min. Viden Fernelium hanc latitudinem jam 8. min. ampliorem quàm Ptolemæum facere?*

Oron-

Orontius Finæus, Fernelio coævus, & Regius Matheseos hac in urbe Professor, in Cosmographia sua & aliis passim libris elevationem hanc 48. grad. 40. min. statuit, variasque Solis altitudines, & umbras ex ipsa & ad ipsius usum computavit, tametsi aliquando in Ptolemæi sententiam revolvitur cum civitatum catalogum contexit. Nec multum à Fernelio abhorret Orontius, cui major est habenda fides, ut Mathematicis scientiis magis exulto, easque publicè docenti, quàm isti alteri professione Medico & admodum juveni soliusque oblectationis causâ colenti hanc disciplinam, cum alius contra totus in eam, incumberet, nec quidquam ipsi deesset ad exactas observationes instituendas, Francisco Primo Rege Christianissimo, & Cardinali à Lotharingia ipsius Orontii Mæcenate, sumptus largiter suppeditantibus, Cujus rei fidem facere possunt à me visâ instrumenta duo ex ipsius mente & industriâ fabricata: quorum primum fuit quadratum Geometricum ex ære, in quo circuli quadrans duorum circiter pedum semicimetri rectè divisus cernebatur, sicut latera ipsius quadrati in partes 1000. æquales: alterum verò fuit horologium dentatum 3. circiter pedes altum, & septem æquis superficiebus circumscriptum, quarum singulæ uniuscujusque planetæ motum exhibebant. Quod quidem automa, ex mandato prædicti Cardinalis fabricatum, ut ex ipsius symbolo argumentor, hederâ scilicet pyramidem ambiente cum hac epigraphæ, *te stante virebo*, fidem facit quantâ solertiâ & ingenio fuerit Orontius. Adeò ut nec exquisita instrumenta, nec quidquam aliud ad accuratas observationes perficiendas ipsi defuerit, neque ullum contradicendi locum reliquisset, si observationum suarum modum, diem, & annum tradidisset; quo non præstito nos idem dubium manet, quod in observatione Fernelii, & summo viri ingenio Francisci Vieta suspiciamus.

Siquidem Vieta in lib. 8. Responsorum, ipsa die æquinoctii Parisiis altitudinem Solis meridianam ex umbræ rectæ longitudine observasse, ex eaque poli elevationem grad. 48. min. 49. collegisse testatur. Sed demoror, quòd & annum omiserit, & cum diem elegerit erroribus maxime obnoxium, cum citissimè varietur declinatio; ita ut nisi Sol ipsum æquinoctium terat in ipso Meridiano (quod nequidem semel intra ducentos annos forsitan evenit) vix citra errorem altitudo æquinoctialis deprehendi possit. Ex eâ igitur sumpta poli elevatio licet sit veræ propior quàm reliquæ omnes, valde mihi suspecta foret, & examini subicienda, nisi aliâ methodo viâque certiori illustrissimum virum hanc obtinuisse existimarem. Istud verò, in exemplum eò tantum attulisse, quò triangulorum analysin suam illustraret.

Quod

*Fernelii  
observatio  
dubia si-  
dei.*

*In globi  
terramen-  
sura.*

*In latitu-  
dine Lu-  
tetia in-  
quirenda.*

*Observa-  
tiones hu-  
jus saculi.*

Quod attinet Fernelium, is mihi videtur rudem admodum & imperfectam observandi rationem tenuisse in opere supradicto, quod Ioan. III. Regi Lusitaniae dedicavit; cum tamen id ageret, ut globi terrestris magnitudinem definiret. Cujus voti ut fieret compos, multa milliaria sub eodem Meridiano se confecisse ait, quousque latitudinem, *qua magis uno gradu quam Parisi vergit in boream* deprehendisset, sic enim loquitur. *Cujus loci distantiam à Parisiorum Lutetia perquirens, vulgi testimonio accepit, intercapedinem esse 25. leucarum. Nec tamen vulgi supputatione satiat, ex revolutionibus rotarum vehiculi, vallibus & montibus ad aequalitatem propè redactis,* ait se collegisse *passus 68096. qui milliaria sunt Italica 68. cum passibus 96. &c.* Atque hic Fernelii in isto pulvere est labor, cujus conatus potius laudandus, quam eventus probandus est, ita ægrè omnia isto in opere cohererent. Omissis enim erroribus, quos videtur commisisse circa terræ mensuram, collium & vallium obliquitatem viarumque anfractus divinando & in lineam rectam contrahendo, aliisque hujusmodi, quæ non sunt hujus loci; in sola poli altitudine commorabor, in quâ etiam examinandâ, ista non requiram, quæ ab accuratioribus negligi non solent, sed querar solummodo ipsum reticuisse annum observationis suæ, imitatum in hoc Genethliacos circulatores, qui ne mensem quidem & annum nativitatis inquirent ad erigendum thema cœleste. Hinc porro constare posset, an rectè progressus fuisset Fernelius, an verum Solis locum explorasset, an declinationem maximam supposuisset 23. 28', quod sanè credibile est, (cum tamen Tycho eam deprehenderit illo sæculo 23. 31'. 30".) an refractionum & parallaxium tabulis usus esset, ut taceam de vitiis, quibus non fortè caruit ligneum instrumentum, & de ipsa, quam elegit, anni tempestate circa æquinoctia, ubi Solis declinatio citissimè mutatur, ideoque erroribus est maximè obnoxia. Quæ omnia si acriori judicio contempleris, haud mirum videbitur nostras ab Orontii, Fernelii, ac Vietæ observationibus dissentire. Et quod molestius est, illorum nemo tempus ejusmodi observationum indicavit, unde forsitan discriminis earum causas nobis colligere liceret; nostræ tabulæ quippe longè sunt accuratiores, ex quibus Solis in Zodiaco locus certior, declinatio ipsa compertior, parallaxes denique & refractiones magis cognitæ. Quamobrem subductis omnibus præteriti sæculi observationibus, quæ minùs videntur accuratæ, modò superest, ut ex recentioribus nostris quiddam magis constans in medium proferamus. Primus ex iis occurrit Henrio Mathematicarum scriptor & professor non contemnendus, qui Cosmographiæ suæ pag. 325. refert, se anno

1614. ex maxima & minima stellæ polaris elevatione latitudinem Parisiorum invenisse grad. 48. min. 55. & pag. 328. ex Solis varia elevatione ipsam collegisse 48. 54'. Midorgius & Gassendus noster ut ipse refert ad annum 1625. Observationum Astronomicarum, eandem latitudinem 48. 52'. deprehenderunt. Becherus in suis tabulis de theoria planetarum hanc altitudinem poli 48. 52'. 30". definit. Quod si, ut accepi, Alcalmus, Merfenus, Bourdinus doctissimi aliqui viri, non censuerint majorem 48. 40'. hinc liquet eam vel ab iis haud fuisse observatam, aut fortè oscitantiùs. Nobilissimus Comes Paganus, Morinus, & Duretus in suis tabulis hanc fecere 48. 50'. Doctissimus Bulialdus mihi retulit eandem se deprehendisse 48. 51'. Robervallus tandem Regius Mathematicum Professor, & in practicis vel ad scrupulum exactus, hanc definit 48. 54. min. Ego verò in utroque solstitio tum æstivo, (ne declinationis inconstantia in errorem induceret) tum hyberno, ut tentarem an parallaxium & refractionum tabulæ Tychonianæ, quæ in hanc latitudinem incurrunt, cum observationibus æstivis convenirent, diligenter observavi.

Anno 1652. die Junii 23. beneficio quadrantis ex ære conflati, cuius diameter sex pedes æquat, meridianam Solis altitudinem 64. 37. min. deprehendi. Cumq[ue] Sol tunc 2. grad. 24. min. Cancrì obtineret, ipsius declinatio fuit 23. 30. min. 16. sec. quâ detractâ ex Solis altitudine, superest æquatoris elevatio 41. 6. min. 50. sec. quam si à quadrante circuli subduxeris, supererit latitudo quæsitâ, graduum scilicet 48. 53. min. 10. sec. Cùm prostridie eandem observationem iterassem, meridianam Solis altitudinem 64. 36. min. inveni, cumq[ue] Sol 3. 21. min. Cancrì obsideret, ipsius declinatio fuit 23. 28. min. 51. sec. quare elevatio æquatoris 41. 7. min. 3. sec. & Poli 48. 52. min. 57. sec. hoc est 48. 53. min. neglectis utrobique secundis scrupulis tum loci solaris, tum declinationis.

Anno 1654. die 23. Junii observata Solis altitudine meridia 64. 38. min. ac Solis loco in grad. 1. min. 54. Cancrì juxta Argolum supposito declinatione itidem posita 23. 30. min. 41. sec. æquatoris elevatio 41. 7. min. 19. sec. concluditur, ex qua Poli sublimitas 48. 52. min. 41. sec. Cùm verò anno 1657. circa brumale solstitium aëris serenitas ad observandum me impulsisset, die 25. Decembris altitudinem Solis meridianam 17. 43. min. offendi, cui additâ parallaxi 2. min. 52. sec. & sublata refractione 6. min. vera Solis altitudo remanet 17. 39. min. 52. sec. Cumq[ue] ejus locus ex tabulis esset in 4. 16. min. Capricorni, ipsaq[ue] declinatio 23. 27. min. 20. sec. elevatio æquatoris elicitur 41. 7. min. 14. sec. ipsaq[ue] adeo latitudo 48. 52. min.

Gg

46. sec.

46. sec. quæ quidem cum aliis æstivis observationibus satis exquisitè conveniunt, ac præterea tabulas tum parallaxium, tum refractionum, nec non Poli altitudinem esse 48. 53. min. potius quàm 52. min. confirmant: quanquam alibi ne à Midorgii, Gassendi, Bulialdi, & Becheta estimatione dissentirem, eandem latitudinem 48. 52. min. duntaxat definierim, ratus unius scrupuli errorem inter observandum, aut mihi, aut illis, seu ab instrumentis, seu à loco Solis diversimodè computato obrepere faciliè potuisse.

*Ipsum su-  
spicio de  
latitudinis  
variatio-  
ne.* Age verò? ex his variis observationibus inter se collatis quid nunc inferam, quidve coniecter, paucis aperio. Videtur mihi latitudo Lutetiæ, seu Poli elevatio à Ptolemæi temporibus ad nostra usque, aucta semper fuisse, adeò ut à 48. 30. min. usque ad 48. 53. vel 54. min. increverit. Quòd si ab Orontii & Fernelii ætate 12. aut 13. min. à Viæ verò ad nostram 4. aut 5. minutis aucta fuerit, quis scit an retroactis sæculis idem subierit incrementum, aut variatio saltem aliqua intervenerit? Quis affirmare audeat, vetustiores omnes in observando hallucinatos fuisse? Superiùs quidem veterum observata quòd à nostris non mediocriter dissentirent, ut dubiæ fidei perstrinximus, sed tamen tantorum virorum doctrinæ & industriæ prorsus est aliquid concedendum: atque ut nostris quoque fidem haberi à posteris postulamus, sic nos utique decet illorum observationibus acquiescere, secus in discrimen ipsa vocetur Astronomia, dirutoque hoc fundamento nullus in hac scientia progressus verus, aut fuerit, aut futurus sit. Quocirca nihil prohibet, meâ quidem sententiâ, quominus aliquam in Poli elevatione varietatem, ac mobilitatem suspicemur.

*Veterum  
observati-  
onibus ac-  
quiescen-  
dum.* Quòd si licuit Copernico, Tycho, atque aliis, ex Hyparchi, Ptolemæi, Albategnii, & suis propriis observationibus, Zodiaci obliquitatis librationem colligere ex aliquot minorum differentia, neque ausi sint veterum hac in parte iudiciis obstreperere, tametsi Tycho, ni perfacile fuisset declinationem maximam 23. grad. 31. min. cum semisse uti deprehenderat, constantem affirmare; nullique unquam mutationi obnoxiam fuisse contendere, præcorum monumenta abrogando, cum de 20. duntaxat scrupulis ageretur. Quidni ex veterum, & nostris inter se collatis observationibus, latitudinis mutationem sit fas quoque concludere? Cum aliunde major sit differentia, quàm ut in vitia instrumentorum refundi possit, 23. scilicet minorum: in quo nec Astrolabia nautarum, nec Papyracei tyronum quadrantuli tam enormiter peccare consueverunt. Atque hæc fortè est ratio, cur Tycho, Fruenburgum misso discipulo, ut Poli altitudinem exploraret, illam 54. 22. min. compererit, quam Copernicus 54. 19. min. 30. sec. circa



circa annum 1500. offenderat. Unde tamen Tycho occasionem arripuit, injustam sanè, Copernicum reprehendendi, quòd refractiones atq; alia id genus ad exquisitas observationes necessaria non adhibuisset, quasi probabile sit Copernicum Tychone longè peritiorum in observanda sui loci latitudine obdormiisse, vel ex ipsius Solis æstivi, vel stellarum, quæ nulli refractioni essent obnoxie, vel circumpolarium altitudine, methodum inveniendæ latitudinis ignorasse. Certè cum non fugiebat refractionum scientia, cum Vitellionis & Alhazeni libros evolvisset omnes, Walterumque legisset, cujus observationibus utitur identidem. Quid porro Walterus? *Notandum*, inquit, quòd circa *Horizontem* astra apparent, propter radios refractos, supra *Horizontem*. Cum secundum veritatem sunt sub eo, quod instrumento armillarum sensibilibiter sæpius mihi apparuit, &c. Quare effectus refractionum Copernico innotuere, ut etiam ex ejus libro 5. Revolutionum, cap. 30. apertè colligitur, ubi insinuat, Ptolemæo Alexandria serenitytatem & aeris puritatem plurimum fuisse, cum ipse locum incoleret fœdum nebulis, & Vistulæ vaporibus præpinguem. Itaque non video cur Copernicus in Poli sui elevatione exploranda erroris sit infirmulandus, ex eo, quod 90. post annis eadem, major reperta fuerit 2. min. cum semisse. Quòd si quis nunc Fruenburgi eidem observationi incumberet, forsitan nonnihil adhuc auctam reperiret, atque utinam eruditi alicujus & industrii viri has partes incolentis, Hevelii videlicet aut Eichstachii id animo insideret. Tum enim latitudo loci tam celebris, cui explorandæ isti duo tanti nominis Astronomi diligenter insudarunt, notior sanè foret. Nec minùs optandum nunc esset, Alexandria latitudinem quam nemo negarit accuratè observatam fuisse à Ptolemæo, ritè id temporis explicari: ut hinc tandem colligi posset, an tot labentibus sæculis immutata fuerit. Quemadmodum in plerisque civitatibus Italiæ aliarumque regionum contigisse suspicamus, quarum latitudines longè nunc sunt aliæ in tabulis & libris recentiorum, quàm in Ptolemæi Geographia olim sunt obsignatæ. Ac ne procul exempla petam; si qua profectò latitudo debuit esse diligenter observata, Romana maximè, eo quòd hæc civitas tum orbis & imperii foret caput: atqui ejusmodi latitudo, quam olim Ptolemæus esse voluit 41. 40. min. Clavii temporibus ipso teste in sphaera sua observata fuit graduum præcisè 42. Keplerus autem in tabulis suis Rudolphinis, quas dat pro accuratis, eandem statuit 42. 2. min. Oportuit ergò à tempore Ptolemæi ad hanc usque nostram ætatem, Romæ latitudinem 22. minutis saltem auctam fuisse, quod ipsum de Parisiensi demonstravimus, quandoquidem optimis experimentis modò constat

Copernicus vindictus contra Tycho-nem.

Latitudo non alia nunc quam olim.

Roma & Lutetia

Ex motu  
axis terre-  
ni.

exæquare saltem 43. 52. min. E certioribus autem sæculi superioris intelligamus vix 48. 49. min. attigisse. Nec verò fieri potest, ut in eo genere observationum, tam veteres omnes, quàm recentiores aberraverint: unde porro latitudinum talis varietas existat hîc non pro certo definitio: tantum dico videri adscribendam cælo terræ nostræ; quod posterius mihi longè probabilius videtur, cum suspicer aliunde, (ut infra videbitur) terram peculiari quodam motu circa proprium suum centrum gyrare, & axem suum nonnihil ad cæli cardines inclinare, ob idque mutare paulisper situm longa successione temporis ac valde lentè. Nec est propterea cur negetur immobilis saltem ad sensum, cum longè sit alius Copernici motus diurnus annuusque, quo vult eam converti: de quo ut aliquid pronuntiem, nihil modò pertinet ad quæstionem, in qua versamur. Quare, ab eâ ne divertam, esto sanè variationis latitudinum causa, nunc obscurior; an minùs propterea credamus oculis doctorumque plurimorum observationibus accuratis, illam de facto variationem asserentibus? Sed erit fortasse tempus cum hæc veritas clariùs innotescet. Interim liceat motum hunc, quem dixi, terræ tribuere, sicut in pari causa similem finxit Copernicus, aut potiùs eundem, lib. 3. Revol. cap. 3. quanquam alio finè scilicet rationem redderet obliquitatis Zodiaci, excentricitatis Solis, & anticipationis æquinoctiorum, cum ait, *Telluris Polos loco moveri, ac processu temporis lineas quasdam describere corollæ similes*: ex quo motu non minùs rectè sequitur (quod nec ipse, nec alius, quod sciam, advertit) latitudinis loci, quam obliquitatis Zodiaci variatio, ut ex legibus Geometriæ facillimè demonstrari potest. Si ergo post centum annos poli Parisiensis elevatio 5. aut 6. minutis major à nobis quàm nunc temporis inveniat, num rectè suspicari possum eam esse mobilem? Sed si abhinc annis totidem alia reperiatur, nonne hæc mea conjectura firmari poterit in apertam demonstrationem, sicut ex variis Astronomorum observationibus, aliquot inter se minutis, nec pluribus quàm nos discrepantibus, inclinationis eclipticæ mutatio jam antè rata fuit? atque eo tantum consilio meas & aliorum observationes hîc referri placuit, ut sint usui posteris easque eum suis componant ad eliciendam veritatem quantum potest.

Sicut ecliptica incli-  
natio,

Declinatio  
axis ma-  
gneticæ  
variatio,

Sed ut quoquomodo mihi persuadeam, ad illius variationis causam indagandam, non temerè à me aliquem motum terræ adscribi (ut fileam de annuo aut diurno, quem doctissimi quique animo spectant, quamvis sua sensa evolvere non ausing, ne vulgò insanire videantur, juvat quoque hoc loco occasione declinationis magneticæ, quid ab hinc annis ferè 30. fuerit deprehensum, pavis significare. Ego cum  
semper

ſemper illi Philoſophiæ, quæ Gilbertum principem agnoſcit, addiſſus  
 ultrò fuerim, atque ut multi teſtari poſſunt, cum P. P. Merſenno, Fur-  
 nerio, Kirkerō, & Grandamico, qui jam id ipſum ſcriptis vulgaverunt,  
 tot mirabilium virtutum, quæ hoc in lapide deprehenduntur, jam olim  
 fuerim perſtudioſus, illasque percunctarer, contigit aliquando, ut Lu-  
 tetiæ, acus magneticæ declinationem vellem explorare; quòd ut ma-  
 jori diligentia præſtare, lineas tres meridianas quàm fieri potuit ac-  
 curatè, in variis hujus urbis locis delineavi; quibus verſoria, ſeu va-  
 rias acus diverſæ longitudinis applicui, quæ plures magnetes, & in  
 diverſis quidem à Polo punctis contigerant (ut mihi liqueret an ex  
 illa diverſitate lapidum & contractuum, aliqua in declinatione vari-  
 etas emergeret) ubique conſtanter & eandem 4. graduum cum ſemiſſe  
 à Septentrione in Orientem animadverti: quam hæcenus credide-  
 rant omnes 9. aut 10. graduum, ex obſervationibus Orontii & Caſtel-  
 franci (qui magnum hac de re volumen conſcripſerat, longitudines-  
 que locorum, ex declinationis magneticæ differentia fuerat pollici-  
 tus) adeò ut horologiorum ſolarium & pyxidum conſectores, acus  
 magneticæ locum inter duodecimam & primam horam medium vulgò  
 depingerent. Hanc meam obſervationem vix evulgaveram, cum in  
 plerisque Galliæ regionibus idem à multis exploratum fuit, neque  
 ulla declinationis diverſitas apparuit, quantumvis loca longitudine  
 multum diſſiderent, ut ipſe ego ab ultimis Armoricæ litoribus, uſque  
 ad lacum Comenſem in Valletelina expertus ſum. Tum fuimus omnes  
 in ea ſententia, ut putaremus ab antiquis peccatum hîc fuiſſe, nec ali-  
 à declinationis magneticæ aliam extitiſſe poſitionem. Cùm ecce  
 nobis ab Anglia allatæ ſunt literæ, quibus accepimus, hanc dubio pro-  
 cul haud eſſe conſtantem; quandoquidem olim anno ſcilicet 1580. *Et Londi-*  
 Bourroſius in Mathematicis eximius, ex obſervationibus Solis Azi-  
 muthorum accuratiſſimis menſe Octobri prope Londinum, acum ma-  
 gnete illitam à Meridie in Ortum 11. grad. 15. min. deſcendere com-  
 pererit; anno verò 1622. menſe Junio Gontherus Matheſeos Profeſ-  
 ſor, in eodem loco, declinationem multum imminutam, nempe 6. grad.  
 tantum invenerit, poſtremò annis 1633. & 1634. Gelibrandus Gon-  
 theri ſucceſſor eandem obſervationem, eodem in loco, atque eadem  
 prorsus methodo inſtituens, cum acus 12. digitis longas adhibuiſſet,  
 4. duntaxat gradus à Meridie deſcendere cognovit. Quæ omnia cum  
 in lucem is dederit nullus dubitandi locus reſt. nquitur, Magnetis de-  
 clinationem variari, quod & nos experti ſumus, & quivis alius ex-  
 periri facile poteſt.

*Suspicio  
causa va-  
riationis  
illius.*

Unde sequitur necessariò vel axem terræ seu lineam meridia-  
nam cujusvis horizontis subinde mutari, si axis magnetis inmotus  
consistit; vel hunc esse mobilem si terræ axis loco suo non dime-  
veatur; vel utrumque mutationi esse obnoxium, ut accessus & recessus  
utriusque ratio reddi possit. Cum verò longè probabilius videatur,  
hanc varietatem prodire potiùs ex telluris axe, qui situm mutat,  
neque semper ad eadem cœli puncta dirigatur; quàm ex axe magnetis,  
qui velut sub jure ac dominio globi terrestris, extra controversiam,  
positus est. Vix credo meliorem proferri causam posse istius variati-

*Ex motu  
axis terræ.*

onis, quàm quæ sumi potest à motu polorum terræ, immoto centro  
illius, præsertim cum sit eadem, quæ mutabilitatis latitudinum. Nec  
enim audiendi sunt, qui variationem hanc magnetis, autumant ori-  
ri ex mutatione superficiæ terræ versus polos, quæ per accessum ma-  
ris ad unam illius partem, & recessum ab alia faciem variavit, & acus  
declinationem, quod nulla relatione probatur, aut ex ferri fodinis,  
quæ subinde generantur de novo: quasi verò una deficeret, aut ex  
se se desineret esse ferrea, & acuum motrix cum altera constaret. At  
id præterquam quòd fieri non est probabile, ne fingi quidem potest, ni-  
si ab iis, qui planè credent insulas esse & litora, quæ navium ferra-  
menta ad se trahant, aut saltem versoria, quod experientia jamdudum  
falsi convixit. Quæ quidem omnia, uti sperandum, post aliquot an-  
norum decursus longè illustriora fient; si locorum latitudines mutari  
comperiantur; si lineæ meridianæ in eodem plano horizontis, eoque  
stabili, delineatæ, non sint constantes; si versoria varias ac varias  
declinationes exhibeant. Quæ tria vel duo saltem concurrere si-  
mul si deprehendantur, hæc fortè prærogativâ gaudebo, quòd primus  
dederim, huic suspicioni locum, unde post idonea sequatur hypothe-  
sis, præsertim elevationis poli & magnetis inconstantia, quorum, ut  
verbis utar Copernici loco citato, *nemo meliorem adferet rationem  
quàm axis terræ & polorum ejus deflexum quemdam* Ut mihi  
videtur.

*Linea me-  
ridiana  
delineatio  
Bononia.*

Cum verò supradicta hæc inter scribendum amico cuidam, &  
earum rerum perito communicassem, is mihi retulit, se duobus abhinc  
annis in Bononia Italiæ miratum fuisse professores Mathematicarum  
tam celebres Academiæ, consensu aut jussu superiorum lineam meri-  
dianam accuratissimè observasse; neve aut injuriâ temporis, aut suc-  
cessorum incuriâ vitaretur, hanc secundum longitudinem templi va-  
stissimi S. Petronio sacri, marmoreâ fasciâ descriptam in pavimento  
porrexisset; credo ut explorarent, ac posteris explorandam relinque-  
rent, seu lineæ meridianæ, seu declinationis Magneticæ varietatem  
si

fi quæ subesset, ipsis enim sat compertam credimus Gelibrandi observationem. Quæ revera sedulitas nunquam satis laudanda, & ad *Optanda* exemplum commendanda posteris, mihi videtur, atque equidem tan- *Gallia &* *ubique.* *tò* impensius, quanto rariores existunt Principes & Magistratus, qui harum artium studiosis favcant, vel ipsas artes promovere studeant. Quòd si jam olim præstitum fuisset apud nos, ab iis, qui Galliam nostram parentem ingeniorum, his præclaris factis exornare possunt: quot progressus in Physicis & Physico-Mathematicis nunc faceremus, & quot facturi sunt nepotes, si vias illis sternimus ad veritatis indagationem?

Sed ut eò redeam, unde tantisper digressus sum, & in summam *Summa* conferam sparsa hinc inde superius. Cum extra controversiam sit, de- *dissertatio.* *ab*hinc annis gradus 4. excedebat vix duos superare (quod experiri utique licet:) quæ, rogo, assignari potest alia causa, quam terræ len- *De ma-* *gnetis va-* *riatione,* *ut* aliquis motus ut exposui? siquidem inter omnes, qui de virtute *gnetis va-* *riatione,* magnetica differuere, utique conveniat, hunc lapidem vires suas omnes & proprietates à terra mutuari; cujus proinde axis tantam in versoriis inducere mutationem & potuit & debuit fortasse solus. Nec dubito quin intra 50. annos multo apertior evadat hæc variatio, cum nulla tunc futura sit magnetis declinatio, vel si declinet acus, à Septentrione in occasum defluxura sit. Quamobrem si terrestris globi motum, magnetis varia declinatio non obscure demonstrat, quid est cur dubitemus eundem confirmare per varietatem elevationis Poli? Verùm si hæc Lutetiana post longam annorum seriem, 4. aut 5. mi- *Et latitu-* *dinis va-* *rietate.* *nutis* major eâ, quam nunc certissimis experimentis deprehendimus, observetur, nonne ad id explicandum tutò concludi poterit cælum aut terram mota loco fuisse? cumque præstet in solam terram refundi motum istum, ut satis evincit acus magneticæ deviatio, colligamus *Ex motu* *terra.* *sanè,* nostri hujus mundi nihil eodem statu permanere, sed omnia in perpetuo motu versari, si primum motorem excipias,

*qui tempus ab ævo*

*Ire jubet, stabilisque manens dat cuncta moveri.*

Atque hæc sunt, quæ de latitudine Lutetiæ, declinationeque magnetis scribenda duxi, dum venio ad ultimam tuarum petitionum, quæ est de positione ac situ veterum basilicarum; an scilicet spectent Orientem æstivum, aut brumalem, aut verum, &c.

Hactenus pars Epistolæ. Idib. Jan. 1660.



DE NOVO  
SYSTEMATE MUNDI,  
QUOD ANONYMUS DUDUM  
PROPOSUIT,  
DISSERTATIO

*Ad Clariss. V. D. DE LA CHAMBRE, Regis  
Christianiss. Archiatrum ordinarium.*

**U**T obtemperem mandatis Illustrissimi Cancellarii, tibi-  
que morem geram, VIR AMANTISSIME, suspicio  
examen libri illius Gallici, cui titulus est *Abregé de l'  
Astronomie inferieure*, &c. Epitome Astronomiæ infe-  
rioris explicans systema Planetarum, duodecim signa  
Zodiaci, aliasque constellationes cœli Hermetici, cum  
specimine Astronomiæ naturalis adversus Ptolemæum, Copernicum,  
& Tychohem: quo demonstrantur illorum errores circa distantiam,  
magnitudinem & motum astrorum, cœlumque Solis constitui supra fi-  
xas & errantes per I. D. B. Parisiis apud Senleque & Remy 1644.  
Quod opus antequam aggrediar, pauca præloqui mihi licere postulo,  
& mirari etiam nunc aliquos reperiri post adultam Philosophiam, qui  
perinde cum ea versentur, ac si adhuc esset in cunis. Nam quò nos  
amandat isthæc hominis Astronomia tam infans egenaque? Inventus  
est aliàs, qui solius famæ cupidine Dianæ templum incenderet, ut  
vel insueto facinore notus esset, sed ne per scelus assequeretur quod  
ambiebat, Ephesii providerunt indicto supplicio, si quis eum nominas-  
set. Hic author, qui non templum Dianæ tantum violavit, sed ipsamet  
solia Saturni, Jovis, Apollinis, Martis, Mercurii, Veneris, omniumque  
Numinum susquedeque evertit, contrarium effecit, noluitque appa-  
rere, ut ille sibi ipsi providens tacendo, sive ut lateret multis quibus  
poterat esse contemptui, sive ut insecitiam suam nominis silentio vela-  
ret. Quidquid sit, fateor, me ad aspectum hujus tituli magnifici & am-  
pullofi



pulliosi non parum motum fuisse: sique de *Cælo Hermetico* prima pars illius sistsset, secunda mihi potuisset bilem excitare. Sed cum utramque conjunctam vidi ut rivulos ab uno fonte manantes, eoque Chymico, risi & conjeci ambabus aquis eundem inesse colorem, saporem, odorem, fictionis, vaniloquentiæ & mendacii, nec me fefellit opinio. Postquam enim librum evolvi, primam illius partem à fumivendulis seu pyrothecnicæ scientiæ cultoribus, aliisque, quos novitas materiæ ac verborum lenocinia delectarent probatum iri haud dubiè mox intellexi: secundam verò, doctis & rerum cœlestium studiosis nullo fore in pretio judicavi, cum destitutum veris Astronomiæ principiis hominem Chymicum, & mediocri duntaxat sphaeræ doctrina tinctum in altum cœli pelagus sese dare, præcipitem viderent. Quod si à divino Platone eruditissimè dictum est, solius Astronomiæ causa oculos nobis datos esse, quod innuit etiam ingeniosissimus Poëta, *os homini sublime dedit, cælumq; tueri jus sit.* Quis non stomachetur hunc Anonymum oculis gaudere? Comitem verò de Pagan hujus scientiæ peritissimum his orbari nec posse erectos ad sydera tollere vultus. Sed jam tempus est, ut aggrediar tum Hermeticam seu inferiorem, tum naturalem seu superiorem, ut ipse loquitur, Astronomiam. Ab illa igitur ut nobiliori, suo quidem judicio, opus orditur suum, & demonstrare nititur nomina, figuras, ordinem, & proprietates inditas tum *Summa planetis*, tum signifero, tum reliquis cœli constellationibus originem *prima* fumpsisse ab Alchymia; neque aliud esse duodecim signa & domos *partis libri* Zodiaci, quàm duodecim præcipuas magni operis seu Philosophici *Anonymi.* lapidis conficiendi rationes. Caput autem & caudam Draconis, Cepheum Cassiopeam, Andromedem, Perseum, caput Medusæ, Pleiades, Ursam & Orionem præcipuè, aliasque configurationes, ortum habuisse ex divinis Chymiciæ mysteriis, Astronomosque & Poëtas suas fabulas omnes hausisse ex veritatibus Hermeticis, ænigmatibus his involutas. Nec aliunde fluxisse illam celebrem Aristarchi de motu terræ sententiam, quàm ex dictis Pythagoræ malè intellectis. Cum enim hic, illius magister, conficiendi auri artem probe callens (quod probat Anonymus ex aurea coxendice, de qua ipse gloriabatur Pythagoras, ut ajunt fabulatores) doctrinæ suæ Hermeticiæ mysteria vellet involvere Geometriæ figuris aliisque Mathematicarum præceptis, suosque auditores scientiam illam docere sub ænigmatibus sex corporum Geometricorum, variisque Astronomiæ involucris: contendit Anonymus Platonem & Aristarchum fictis his verbis circumventos, ipsius placita ad litteram non ad sensum interpretatos fuisse. Platonemque figuris illis inhæsisse, Aristarchum verò ex hoc effato, *Ter-*

*ram esse velut unum ex astris*, ipsi motum & locum in cœlo non in mundi centro tribuisse. Et sic omnia à Pythagora, aliisque veris Hermeticisque Philosophis verè sed emblematicè, ad artem Chymicam & Chrysopœiam dicta, ab illius ignavis Geometris & Physiologis à vero sensu detorta fuisse: hincque natas fabulas omnes tum Poëtarum, tum Astronomorum, quod non illepidè, sed eleganter & ingeniosè sanè probat hic author, cœ tamen modo & iis argumentis, quibus sui similes venditare consueverunt suas ineptias, nugas & fatuitates. Sic enim voco libros illorum, qui nescii tam profundæ scientiæ, quam non impugno ex proposito, de illa tamen adèdè audaciter & confidenter loqui prætendunt, ac si Hermes ipsi aut Geberi concionarentur. Atque hæc est prima pars libri propositi, cujus intentum refellere, aut approbare non est hujus loci nec instituti nostri. Venio itaque ad secundam, quæ est


*De Astronomia naturalis contra systemata Ptolemæi, Copernici & Tychonis, in qua ipsorum errores circa motum, situm, magnitudinem, & distantiam deteguntur, terræque immobilitas in centro mundi, Solis verò locus supra planetas omnes & fixas certò statuitur.*

Ad fastum hujus tituli, quis non exclamet: O curvæ in terras animæ, & cœlestium inanes! Ptolemæi, Copernici, Tychones, Landgravii, Kepleri, Galilei, Gassendi, Bulialdi, Riccii, Vandelini, Helvelii, Huggenii, vos denique quotquot estis miseri Astronomi, quantum olei & operæ hastenus perdidistis! Repertus est unus, qui rem omnem acutè tetigit, & cœ usque progredi parat, donec perspicuè intelligatur, an cœlestium globorum, mundique visibilis machinæ inconcinne & monstruosè ab antiquitate conficta, tot sæculorum consensu tradita, omnium applausu recepta, ab eximio illo ingenii plusquam humani Copernico, Tychone, aliisque omnibus correctæ planeque reformata sit: an verò adhuc supersint aliqua subtilius trutinanda, adhibitis scilicet veræ Astronomiæ lancibus præcipuis, sensibilibus nimirum experimentis, & demonstrationibus, quibus intellectus rerum veritatem perpendat, ipsaque ratio leges sensibus præscribat, quibus si pareant, ab ipsa certitudine nusquam declinent. Quæ tandem omnia præstare se, gloriatur Anonymus, hac secunda parte distinctâ in quatuor capita, è quibus primum ita de motu tractat, ut eum hastenus incognitum fuisse & pessimè ab Astronomis & contra ipsorummet phænomena stabilitum, author iste pugnet. Cùm enim, inquit, supponunt alii pro primo mobili nonum cœlum, alii decimum ab Oriente in Occidentem circumvolutum intra horas 24. reliquis inferiores sphaeras unâ secum trahens, quæ præter motum illum violentum, alium sibi pro-

Cap. I. de  
motu cœ-  
lorum,


proprium & peculiarem habent, neque hi cœli sint visibiles; fieri non potest experientia motus illius, ac proinde est imaginarius, ut & ipsi cœli. Quoad octavum verò seu sphaeram fixarum, quam antiqui ma- *Quem p-  
sat inob-  
servabile*  
jori cum verisimilitudine statuerant pro primo mobili, ut ait, non pos-  
test etiam esse regula motus diurni, cum stella quævis in conficiendo  
suo circulo insumat tantum 23. horas 56. minuta. De Sole autem, *quoad  
tempus.*  
quem hæcenus omnes agnoverant temporis indicem horarumque ve-  
rum demonstratorem hic negat: cum intra 2. horas totum, inquit,  
circulum conficiat motu raptò sen primi mobilis, & præterea gradum  
unum sui circuli ab Occidente in Orientem, qui gradus impedit accu-  
ratam Solis revolutionem à Meridiano in Meridianum spatio 24. ho-  
rarum. Lunam autem ad tempus id metiendum minimè idoneam esse,  
cum singulis diebus præter circulum ab Oriente ad Occidentem, con-  
ficiat in orbita propria 13. grad. & amplius ab Occidente in Orien-  
tem. Ex quibus omnibus tam ruinosis & intricatis suas firmat con-  
clusiones, affingendo Astronomis, quæ vera, nec intelligendæ, quæ  
vulgaria, ut ipse etiam ineptire videar, si in his refutandis hærec ve-  
lim. Plus ultra igitur progrediendum, & eò usque, donec aliquid no-  
tatu dignum occurrat, quod tyrones morari possit.

Capite secundo de distantia Solis & Lunæ à centro terræ disserit *Cap. 2 de*  
iis argumentis. Deus omnia disposuit pondere, numero, & mensura, *distantia*  
ita ut in rerum natura nil sit superfluum, nil redundans, atqui nulla es-  
set proportio, si stellæ fixæ tantum distarent à terra & tantæ magni-  
tudinis essent, ut vulgò docent Astronomi, cum adeò parvæ appare-  
ant: frustra quæ viderentur tot milliaribus distatæ ac tantæ molis esse,  
quæ respectu nostri orbis nonnisi puncta cernuntur. Hinc igitur So-  
lem, quem certum est præesse reliquis astris etiam fixis, iisque lumen  
impertiri, his esse majorem vult, & in ea ab orbe nostro adeò medi-  
ocri distantia, ut sit tantum 12. diametrorum alta mundi suprema re-  
gio, cœlique summus apex. Atque ita, Maximi creatoris opera ma-  
xima, quæ alii ad ipsius gloriam & potentiam prædicandam quantum  
possunt amplificat, in exilitate & angustis iste collocat, ut probet à  
Deo fabricata esse omnia in numero, pondere, ac mensura, quasi ve-  
rò etiam cum ingenti mole operum stare ista non possint. Cui fragili  
syllogismo & nihil ex nihilo concludenti sufficeret respondere, quod  
ipsi Iob de similibus discurrenti fuit dictum, *Quis est iste involvens Iob. c. 37.*  
sententias sermonibus imperitis, ac si cum Deo fabricatus esset? Cum Eamque  
tamen hanc distantiam seu mundi visibilis magnitudinem debite pro-  
portionatam esse statuatur 27. semidiametrorum globi terrestris ad sal-  
vanda phænomena, idque Geometricè probare velle se dicat, ut fun-  
damentum



damentum suæ novæ Astronomiæ: hunc audiamus. Super centro A & intervallo AK unius digiti, inquit, describatur circulus ABK terram representans, & ex eodem centro A & intervallo 27. digitorum super eadem AK producta describatur alius circulus SN cælum Solis referens, ipsaque æquinoctii puncta sint S & ei oppositum è diametro, si ab uno eorum in S, ad punctum superficiei B in linea perpendiculari super AS, ducatur linea recta SB, tanget inquit circumferentiam circuli BK in puncto C nec secabit: unde concludit, Solem S à terra sufficienter recedere per lineam AS 27. semidiamentorum, ut ab homine constituto in B medietas sui cursus seu circuli perspiciatur, quemadmodum experimur in æquinoctiis, cum Sol duodecim horis super terram & totidem infra commoratur. Quod si minor esset circulus hic Solaris verbi gratiâ in G, nunquam sub æquatore vel tempore æquinoctii dies appareret 12. horarum, sed tanto minor, nox verò major, quo minor esset circumferentia, quia inquit *Ex figura non videretur semicirculus per lineam tangentem DC: & contra si mechanicè major esset peripheria quàm SN, dies etiam sub æquinoctiali excedere deberet duodecim horas, nox verò minueretur, quia plusquam circuli medietas videretur.* Et sic nulla essent æquinoctia, ut eadem figura des. demonstrat ad sensum, ut ait, etiamsi in infinitum augeatur, servatis iisdem proportionibus. Unde concludit *nec augendam, nec minuendam Solis à terrâ distantiam ultra 27. semidiámetros, nisi ab iis, qui frustra aliquid factum à Deo velint contendere.*

En hominis acumen, en ratiocinium, quo tamen ad eò gloriabundus exultat, ut quæ ipsius Alchimedidis *εὐρηκα*, aut Pythagoræ hecatomben meruere demonstrationes, isti infinities cedant. Ne verò hic ostentator aliis imponat, ut sibi ipsi imposuit, ignorantia Geometriæ, quanquam tota res altò sperni posset, hanc tamen ad sui defensionem huc advocare placet, & momentum aliquod temporis insumere in hoc paralogismo seu crasso errore detegendo, cum alioquin nihil probent intellectui ejusmodi figuræ mechanicæ, etiamsi oculis & sensibus sint manifestæ: neve etiam decipiantur amplius ipsius fautores, aut alii, quibus similes sufficiunt demonstrationes, neque alias à Geometris perhiberi certiores autumant, quàm quæ per sensus ope circini & regulæ, veræ reperiuntur ut ista: dicere aliquid necesse est, & notus hic non Gordii, sed novitii enodandus, ne si propter contemptum rei tacuero, sibi ipsis forsitan ex nostra taciturnitate complacant. Hic igitur sisto & demonstro, supposito systemate & figura illius, lineam DS quam vocat tangentem globi terrestris in puncto verbi gratia C, & quam asserit duci ad altitudinem hominis supra punctum probatur.





B in superficie terræ; ab eo distare seu altius evahi plus quàm 13330. pedibus: ita ut si Sol non longius abesset à terra quàm 27. semidiametris terrenis, non posset videri in S, nisi ab oculo supra punctum B erecto plusquam 13330. pedibus, seu miliaribus duobus cum besse, quod calculo constabit cuicunque hunc volet inire post me.

Esto igitur linea SCD ducta à puncto S tangens circulum BK, seu terram in C, & secans in D diametrum AB productam & perpendicularem lineæ AS: ut sciatur distantia ipsius D ad B in superficie terræ, ducatur à centro A linea AC perpendicularis ipsi DS, ideoque ad punctum contactus C. Tunc fient duo triangula ACD, ACS rectangula & æquiangula, in quorum magno ACS duo latera, nempe AC semidiameter unius pedis verbi gratiâ, & AS 27. ped. ex hypothefi, angulusque ad se rectus data sunt. Ideoque si ex quadrato hypotenuse AS quod 729. æquale duobus quadratis laterum rectum angulum ambientium, auferatur quadratum lateris AC, quod est 1, remanebit quadratum lateris CS 728. nunc in triangulo ACD æquiangulo ACS, ut quadratum lateris CS quod est 728. ad quadratum lateris SA quod 729. ita quadratum CA ad quadratum AD, ex cuius quadrati radice si auferatur radix CA, quæ est semidiameter globi terrestris, restabit altitudo quæsitæ DB. Semidiameter autem globi illius ex mensura & observationibus Snellii omnium accuratissimis, ut videre est in suo Eratosthene, continet 19. 591. 160. pedes Rhinlandicos, qui si auferantur à radice quadrata lateris AD, residuum erit altitudo quæsitæ DB, quæ reperietur 13333. pedum ferè æqualium Parisiensibus

*Quantitas  
globi ter-  
reni.*

Sed ne fastidio sit radicum extractio, facilius expeditur calculus hic per trigonometriam. In triangulo enim rectangulo ACS ut latus AC 1. ad latus AS 27. ita sinus totus ad secantem anguli CAS 87. 53. min. nunc in triangulo minori CAD æquiangulo, ut sinus anguli CDA 87. 53. min. ad latus AC seu semidiametrum terræ 19. 591. 160. pedum, ita sinus anguli recti DCA ad latus DA 19. 608. 493. à quo si auferatur semidiameter AC remanebit altitudo quæsitæ DB ut supra 13333. pedum: tot ergo oporteret hominem attolli à superficie terræ, ut videre posset medietatem circuli Solis, si distaret tantum à centro mundi 27. semidiametris. Cum tamen hic author pro certo & comperto det sufficere altitudinem hominis supra punctum B ad videndum S, non obstante globi terreni convexitate.

Addit etiam se mirari veteres & novos Astronomos non advertisse majorem aut minorem dierum longitudinem consequi necessariò, ex majori aut minori Solis à terra distantia suppositâ: de qua

*Erroris in-  
numeri.*

cum

*Circa Solis  
excentrici-  
tatem &  
distanti-  
am,*

cum interdum discrepant per ducentas aut trecentas semidiametros, deberent dies esse multo longiores ex una sententia & breviores ex alia, nec omnino constare ut revera constant. Unde concludit ridiculas esse has differentias sicut ipsius excentricitatem, cum ne totus quidem mundus æqualis sit decimæ parti illarum. De quibus cum aut nihil omnino dici debeat, aut non parum saltem, tacendum videtur consultius, pergendumque. Subjungit observatum fuisse ab Astronimis totalium Solis eclipsium durationem esse trium horarum, ac proinde ab initio ad medium illarum incurrere temporis horam unam & semis. Unde sic arguit post intricatam verbis æquivocis aut malè intellectis circumlocationem: si eo momento quo Sol totus deficere videtur ab homine quovis in aliquo loco constituto, duo essent observatores, huic pericæci hoc est sub eodem parallelo degentes, & ab illo per 11. gradus 15. min. æqualiter hinc inde distantes, unus ad Orientem alter ad Occidentem, unusquisque istorum videret tantum mediam partem Solis obscuram aliam lucentem. Quandoquidem enim intra tempus unius horæ 30. min. (quod respondet 22. grad. 30. min. dicti paralleli) Sol totus à Luna tegi visus est, ergo ab ipsius itineris medietate, quæ est 11. graduum 15. min. videbitur etiam media pars Solis obscurata & alia splendens ab uno observatore Orientali, simile verò ab Occidentali, & sic ab ambobus simul & conjunctim totus Sol à Lunâ tectus, & totus liber. Inde verò quot errores? Hos numeret, qui volet, mireturque hominem sanum tanta cerebri vertigine laborare potuisse ut contendat Lunam occupare in suo circulo spatium æquale 10. gradibus globi terreni, Solis verò diametrum visibilem æquari distantia duorum istorum observatorum seu 22. grad. 30. min. circuli terrestres, atque adeò Lunam æqualiter distare à terrâ & à Sole: tum ex ipsius Lunæ motu diurno, quem 12. grad. 11. statuit, insert spatium illud, quod occupat in suo cælo æquale 10. gradibus globi terreni, continere 45. min. 44. sec. indeque semidiametrum totius circuli seu cæli Lunaribus æquari 13. semidiametris terræ. Ac præterea cum Luna sit media inter Solem & terram, confirmari quod jam dixerat de distantia Solis à centro mundi 27. semidiametrorum ad summum, contra sententias omnium Astronomorum, quorum plerique Lunam 64. semidiametris, Solem verò 1300. aut 1500. à terra fèmovent: quod si esset, inquit, dierum sub æquatore duratio esset plusquam 18. horarum. Sub his & aliis parallogismis, quos palam facere refutare est, crediderit licet Anonymus magnum esse aliquid, quod nos lateat, satis tamen sit hos eventilasse: sunt enim hæc omnia tam imperita, ut quisquis ea responso digna duxerit, ipse merito videri possit imperitior.

Capite

*Circa Solis  
& Luna  
magnitudi-  
nem,*

Capite tertio de magnitudine Solis & Lunæ disputat, & conten- *Summa*  
dit ex scripturâ sacrâ, duo creata fuisse luminaria magna, quorum *capitis*  
unum cum Luna sit, hanc necessario excedere debere reliquis omnes *terris*.  
stellas, quæ ab Astronomis majores etiam ipsâ terrâ censentur : de-  
monstratum verò fuisse cap. præcedenti Lunæ diametrum æquari 10.  
gradibus terrenis, ideoque ipsam Lunam esse satis magnam, imò ma- *Lunam*  
ximam cum totî Galliæ sit ferè æqualis, Sirium verò seu Canem, quem *esse majo-*  
multis partibus Lunâ majorem efficiunt, ipsâ minorem esse tot parti- *rem stellâ.*  
bus infra. Quoad Solem ultro fatetur illum esse terrâ majorem, & Et aqua-  
rectè probari ait ex umbra istius, quæ est Conica, sed negat illum ex- *lem Gal-*  
cedere terræ magnitudinem plusquam decies, quod probare seu poti- *lia.*  
us obturbare contendit ex calculo temporis motus Lunæ sub Sole,  
vel in umbra terræ in eclipsibus : tum ex ipsius visibilitate, ut ita lo-  
quar, à conjunctione Solis, & tempore, quo ipsa & stellæ occultantur  
à radiis, seu potius à nobis videri nequeunt per partem à Sole illu-  
minatam, quæ terræ adversa est. Illud autem intervallum temporis *Dia-me-*  
nescio quo calculo gradibus 12. & paulo plus metitur : unde con- *trum Solis*  
cludit, Solem occupare in suo circulo spatium plusquam 12. gra- *esse 12.*  
dum ejusdemque esse diametri : cum tamen, inquit, Astronomi, quos *grad.*  
ideo deridet, illum definiant solum 31. minutorum ; ipsamque adeo  
magnitudinem Solis, ait non excedere decies magnitudinem terræ.  
Quæ si animadversione digna essent, quid non agerem, ut hæc omnia *Falsa qua-*  
minutim falsi convincerem ? Quis enim ferat Lunæ diametrum 45. *hinc ori-*  
minuta 44. secunda, Solis verò, qui ad sensum æqualis illi est 12. gra- *untur.*  
dus continere ? Quis item ferat diametrum illam Lunarem æquari 10.  
gradibus circuli terreni, diametrum verò Solis decies superare dia-  
metrum terræ ? Cum tamen posita distantia illius 12. diametr. terr.  
& magnitudine 12. grad. hæc Solis diameter non tripla sit diam. terr.  
si verò statuatur ut est 32. aut 33. min. ipsâ terrâ minor erit multis  
partibus, quæ portenta, quis ferre potest ? Quis denique paralogismos,  
quibus hæc probasse sibi persuadet ? Quos omnes si refellere nunc  
interesset operæ pretium foret elementa Cosmographiæ in hanc palæ-  
stram revocare. Amandandus igitur hic author & sectatores ad Astro-  
nomiæ rudimenta & praxim instrumentorum, quibus, ediscent quan-  
ta sit inter 45. minuta, & 12. gradus differentia, ipsis oculis &  
sensibus vel testibus vel iudicibus, *qui nisi sint veri, ratio quoque*  
*falsa sit omnis.*

Capite 4. & ultimo de ordine & situ Astrorum differit contra *Summa*  
omnes, quotquot hæcenus fuerunt, Astronomos, ut ait, primumque & *capitis*  
superiorem locum Sôli ut nobiliori imperit, ut inde lumen & influxus *quartis.*

cæteris omnibus cæli & terræ corporibus tanquam è folio communi-  
cet, Lunam in inferiori sede sistere finit, stellas verò fixas inter utrum-  
que luminare loco infra dicendo collocari indubitanter asserit. Quod  
ad reliquos planetas attinet, silentio prætermittit, donec in systemate  
generali, quod pollicetur, aliquem determinatè locum illis assignet sub  
sole. Hæc porro tam audacter affirmata, & tam certò falsa quàm ipsa  
falsitas, dum probare conatur, aliquid verisimile pro medio assumit;  
quod nobis ansam dedit inquirendi ipsam veritatem, tam certum est  
nihil adeò malum esse, ex quo aliquid boni non possit hauriri. Vide-  
amus igitur quid ipse peccarit, & nos quid inde boni elicere possi-  
mus. Quotquot, inquit, huc usque fuerunt & sunt Astronomi, asse-  
runt indubitatè horizontem dividere cælum & præcipuè fixarum in  
duas partes æquales, hemisphærium scilicet inferius à superiore, ide-  
oquæ cùm totus circulus sit 360. graduum, ipsius medietas erit 180. &  
quarta pars, quæ est à Zenith ad horizontem 90. gradus exactè con-  
tinebit. Ita ut verum sit dicere, non videri mediam partem cæli ali-

*Horizon-  
tem non  
dividere  
cælum fi-  
xarum in  
bina me-  
dia.*

cujus, si non videantur de illo 90. gradus à Zenith usque ad horizon-  
tem: atqui de cælo fixarum non videntur isti 90. teste ipso Ptole-  
mæo: ergo falsum est videri medietatem circuli fixarum, quemadmo-  
dum videntur bina media cæli Solis ut supra dixit; unde rectè con-  
cluditur stellas esse propiores terræ, ipsarumquæ cælum jacere sub so-  
lio Solis. Minorem suam sic probat. Ptolemæus, inquit, asserit uti-  
limam fixarum, quæ stringunt horizontem Alexandriæ, & sunt ipsi  
visibiles, esse Canobum primæ magnitudinis in constellatione navis  
Argo: atqui Canobus ex ipsius Ptolemæi longitudine & latitudine  
reperitur declinare tantum ab æquatore ad Austrum 51. grad. 18. min.  
(Anonymus malè dixit 31. min.) æquator verò distat à Zenith Ale-  
xandriæ 30. grad. 58. min. æqualibus latitudini) quæ duo simul addi-

*Probatur  
ex stella  
Canobo.*

ta, efficiunt 82. grad. 16. ergo ex Alexandria & quovis alio loco in  
superficie terræ non videntur ex circulo stellarum plusquam 82. aut  
83. gradus à puncto verticis ad horizontem, adeoque media pars illi-  
us cæli non conspicitur ut cæli Solis, ergo propius illud est terræ  
quàm istud. Eandem conclusionem elicit ex historia itineris Ioan-  
de Lery in Americam, qua refert, se sub æquinoctiali linea constitu-  
tum neutrum polorum detexisse, ipsique procedendum fuisse hinc &  
inde per duos gradus ut alterutrum videret: unde concludit ambos  
cæli fixarum polos infra horizontem esse duobus ad minimum gra-  
dibus iis, qui sub æquinoctiali versantur, ideoquæ non videri semicir-  
culum. Quod si perspiciantur, ut ajunt Astronomi, Balilitium & An-  
tares diametraliter & per 180. gradus opposita, simul horizontem

*Ex histo-  
ria Ame-  
ricana lo-  
an. de Le-  
ry.*

frin-

stringere, id apparet, inquit, ex defectu instrumenti, sicut oriens Lunæ ab ipsius occidente distare videtur per totidem gradus 180. dum est in æquinoctiali, cum revera non distet; quodque eventurum semper asserit, etiamsi terræ multo vicinior esset Luna quam creditur. Quia, inquit, circuli, quibus utuntur Mathematici ad mensurandos illos gradus, sic divisi sunt, cum tamen habeant centrum diversum à centro cælorum, unde oritur fallacia visus, nec per dioptras unquam detegi possunt 180. gradus cujuscunque volueris circuli cælestis, etiamsi *Ex fallacia instru- mentarii,* regula fiduciæ dum est horizonti parallela tot in instrumento demonstrat, cum tamen ipsius diameter non sit eadem, quæ circulorum cæli, quorum centrum est in centro terræ, non verò in superficie illius. Unde concludit erratum in observando semper fuisse ad minimum uno terræ semidiametro, quod maximi est momenti, ut pollicetur ostendere in suo systemate: cum tamen ipsa fixarum globo comparata tantilla sit, ut ejus quantitas propemodum evanescat, eamque ob causam observationes quæcunque in superficie terræ institutæ nihil differant ab iis, quæ in ipsius centro fierent, si nobis hæc statio concederetur. Interim prosequitur intentum suum probare hac experientia, quam certus sum ab eo nunquam aut parum accuratè factam fuisse. Accipiat, inquit, stella quæcunque sub æquinoctiali circulo constituta, velut una ex cingulo Orionis, observeturque tempus, quod elabetur ab ortu illius usque ad occasum, non reperietur plusquam 11. horarum 50. minutorum, quæ conveniunt 177. gradibus 30. min. cum deberet esse 12. horarum seu 180. graduum, si semicirculum suum stella hæc absolvisset supra horizontem: ergo pars inferior illius circuli major est superiore, ideoque medietas cæli fixarum non videtur à superficie terræ, quia propius est ipsi quam cælum Solis. Quòd si fixæ supra Solem essent, & in distantia à terra 19000. semidiametrorum, ut quidam ajunt, multo diutius spectarentur supra horizontem quam Sol, ita ut sub æquinoctiali ab ipsarum ortu, inquit, usque ad meridiem interessent plusquam 120. gradus, & plusquam 16. horis essent conspicuæ, sphæræque ipsarum tertia pars tantum sub horizonte lateret, & duæ tertiæ ad minus semper visibiles essent. Quòd cum minimè verum sit, imò Solem diutius morari super horizontem quam *Stellæ viciniores esse terræ quam Solem.* stellas, sequitur, ut dictum est, ipsas terræ viciniores existere, Solemque omnium astrorum à terrâ maximè remotum esse, cum diutius super illam moretur. Idem etiam inculcat ex motu Lunæ, sed quam depravato, & iterat ab illa mora astri alicujus supra horizontem tutius judicari de illius à terra distantia, quam ex quocunque alio modo, ibidemque pro certo dat Lunam orientem distare à puncto verti-

*Probat  
etiam ex  
apparitione  
illarum  
à Sole.*


*Ex maculis  
Solaribus.*

*Contra  
terra motum  
in  
stantia.*

cali 87. gradibus; à quo tamen ex ipsius hypothefi minus abesse deberet, cum fit terræ vicinior quàm stellæ, quæ distant ab illo tantum 83. gradibus. Sed hæc & similia menda sibi etiam ipsis pugnantia tanta sunt in toto libro, ut si omnia emendare necessum foret, dissertatio hæc in volumen excrefecerit non exiguum. Cum autem major illorum pars ex se corruat, de iis solum fiet sermo, quæ censurâ aliquâ digna judicabuntur; cum addidero ultimam rationem, quâ stellas omnes infra Solem, Venerem & Mercurium esse concludit, ex apparitione scilicet illarum, cum è radiis Solis emergunt. Ait enim, si Venus videatur in distantia à Sole quinque graduum, & Mercurius duodecim etiam si perexiguus, quia Soli viciniore sunt, faciemque ab illo illuminatam nobis exhibent citius quàm si essent inferiores, cur stellæ primæ magnitudinis multo majores his planetis non viderentur, cum existunt in pari distantia à Sole, si à terrâ remotiores essent ipsis Mercurio & Venere, & ipso Sole altiores? Tunc enim pars illuminata stellæ alieius primæ magnitudinis terram citò respiceret & conspicuam se nobis exhiberet: cum tamen non videatur nisi in distantia 12. graduum à Sole, quod arguit ipso multo inferiores esse, imò etiam Venere & Mercurio. Addit porro ex maculis solaribus manifestè probari locum hunc sub Sole fixis rectè assignari, cum nihil aliud putet has esse quàm stellas ipsas, & à terrâ distas tantum 24. semidiemtris, ipsasque pluries millies globo terræ minores, ut verum perhibeatur Deum fecisse omnia in pondere, numero & mensurâ. Tandemque librum hunc concludit invehendo contra motum terræ diurnum & annum hoc præcipuè argumento. Si moveretur terra à solstitio australi ad borealem, idem eveniret ac si homo super illam immobilem eodem ferretur: atqui si hoc esset, singulis diebus mutaretur elevatio poli, novæ stellæ detegerentur, totumque fixarum cælum in anni decursu lustraretur. Quæ cum aliter habere seprehendantur, asserit motum illum, quem vertiginosum & helleboro dignum appellat, non reperiri nisi in capite Aristarchi, Copernici & sectatorum ob malè intellectam, ut præfatus est, Pythagoræ Hermeticam Philosophiam, *terram esse unum ex astris*. Sed quàm ipse malè intelligat hypothefim terræ motæ ex hac objectionem conicere licet, quâ se prorsus indicat ignorare terræ mobilis axem parallelismum futurum servare, idemque cæli punctum semper quoad sensum respicere, nec à polis fixarum per motum hunc annum sensibilibiter moveri. Quæ cum vulgaria sint, nec mereantur uberiorem disputationem, remitto ad impugnationes & Apologias doctrinæ illius; sicut & prætermitto absque responsionibus plerasque alias ab Anonymo allatas

ratio-





rationes & instantias ad suum systema stabilendum, nec enim est instituti nostri omnes recensere, cum id esset operis & otii longè majoris; proptero igitur ad eas, quæ præcipuæ sunt & notâ dignæ, postquam aliquid addidero de ipsius *additamento*.

Sciendum itaque Authorem hunc, longo post editum librum intervallo audaciorem factum, quod nullus publicè respondisset, sibi persuasisse doctrinam suam fere jam stabilitam esse, sed ampliores emissuram radices, si hanc novis argumentis fulciret; quod efficere præsumpsit quaternione in lucem emissio Appendicis instar, cum hoc titulo *Urania ad Astronomos Parisenses*. Hoc autem folio repetit, quæ jam dixerat cap. 4. stellas esse infra Solem, quia si essent supra, citius viderentur ab illius conjunctione quàm Venus & Mercurius, eo quod pars illarum à Sole illuminata terram respiceret, ut figura demonstrat; quam cum omisisset in libro, huic Appendici adjunxit, ut mantissa obsonium vinceret, tantum illi aridet hæc perfonata demonstratio. Sit igitur Sol S, Venus V, Mercurius M. Fixa verò aliqua F supra Solem in eadem linea D V M F, certum est, inquit, ipsam F majus ad nos lumen reflectere debere, & citius videri quàm Venus aut Mercurius, tum propter ipsius magnitudinem, tum quod major pars quantitatis illuminatæ terram respiciat quàm Veneris aut Mercurii, quorum ne quidem quadrans aut triens videri potest, cum tota stella videretur, si supra Solem esset. Quod cum minimè eveniat, imò contrarium ut supra dixit, stellas nempe videri non posse nisi distent à Sole 12. gradibus, cum tamen Venus radiet & videatur à quinque. Hinc sequitur, inquit, esse omnes infra Venerem ut in G. Quod autem ut confirmet, & pro demonstrato posteris relinquatur, utitur alio medio, eclipsibus scilicet fixarum & errantium. Audivit bonus vir, stellas & planetas aliquando à Luna eclipsim pati, cumque ipsa deficiat solum in umbra terræ, credidit etiam stellas occultari ab umbra Lunæ, dum in eam incurrunt: quam dum agnoscit conicam, nec apicem suum ultra terram seu Solem (in quorum est medio) protrahentem, concludit stellas aut planetas nunquam eclipsuros si supra Solem essent. Sit verbi gratiâ Sol in N, Luna in L, ipsiusque umbra umbra LY, clarum est, inquit, fixas aut errantes, quæ in eam incidunt deliquium pati. Cum autem hæc non extendatur ultra circulum Solis, etiam certum est ab illa nunquam passuras eclipsim, si Sole aut umbræ vertice superiores essent; atqui patiuntur, ut ex Astronomis liquet, ergo tam planetæ quàm fixæ sunt inferiores Sole, & Lunâ multo minores. Sed age quæso, quis ferre potest ratiocinationem tam putidam, & puerilem hanc hallucinationem in homine alio-

*Appendix  
Anonymi  
circa stellas  
inferiores  
Sole.*

*Venerem  
etiam &  
Mercurio  
ex illarum  
apparitione.  
Et eclipsibus à Luna.*

alioqui non imperito prorsus, & mediocriter saltem exercitato in sphaera & trigonometria. Proponit enim eo loco modum mensurandi fixarum distantiam per triangula, sed quam depravatè. Quidquid sit, nihil unquam inscitius dici, ne quidem cogitari potest. Sique novus hic Hermes, qui se profitetur intelligere *Astronomos inferiores & hermeticos, saltem naturales percepisset*, cum dicunt fixam aut planetam aliquem hoc aut illo tempore eclipsari à Luna, nihil aliud velle, quam occultari, obtegi, impediri, quemadmodum Sol, aut ab ipsa Luna, aut alio quovis opaco, imò & ipsa manu sic tegitur, ut omnino non videatur; in hunc miserandum errorem non incurrisset, ut crederet, eclipses has fieri debere ex umbra Lunæ, quas ex illius interpositione sive cujuscunque alterius densi stellas inter & oculos nostros fieri posse, præ oculis semper habebat.

*Malè intellectis,*

Venio tandem ad ultimas, quæ mihi præcipuæ fuerunt illius objectiones, testimonium scilicet Ioannis de Lery, & aliorum, qui sub linea æquinoctiali neutrum polorum visibilem asserunt; & Ptolemæi dicentis Canobum, stellam primæ magnitudinis in temone Argus, Alexandriae horizontem stringere, cum tamen à Zenith seu polo illius hemispherii non distet plusquam 82. gradibus, unde rectè concluditur, semicirculum cæli fixarum è terra non totum videri; majoremque ipsius partem sub horizonte latere. Quæ duo si vera sunt, actum est de Astronomia; pressius igitur examinandi sunt laudati duo testes de Lery, & Ptolemæus, quorum unus obscurus satis & tenuis, alter idoneus & gravis. Atque ut à primo exordiar, sciendum est, nec Physi-  
cum, nec Mathematicum, nec artis navigatoriæ gnarum fuisse authorem hunc, ut ex ipsius historia constat, sed privatum hominem ad Americam Meridionalem seu Brasiliam è Geneva cum 14. aliis missum anno 1556. cujus proinde relationi viginti post annos scriptæ fides adimi posset, aut saltem exigua deberi si quereretur effugium, aut testis vita inspicienda esset. Quid autem ille? Post descriptam in Historia sua Americana cap. 4. aëris intemperiem, ventis, pluviis, tempestatibusque difficillimam navigationem, quam circa æquinoctialem lineam experti fuerant, hæc ait. *Sic itaque navigavimus usque ad 4. gradus ultra lineam æquinoctialem, unde polum Antarticum primò vidimus, quem nauta stellam Meridionalem appellant, circa quam alias in crucem figuratas adverti, &c.* Et infra. *Dicam etiam non solum videri sub æquatore duos polos, ut quidam putant; & ex doctrina sphaera, fieri debere videtur, inò opus esse hinc aut inde duos gradus latitudinis habere ut videantur poli.* Ex quibus ultimis verbis apparet nullam fuisse tunc observationem factam sub æquatore, ex primis verò parum

*Testimoni-  
um Ioan.  
de Lery ex-  
penditur.*

*Ainsi nous  
cinglâmes  
jusques à 4.  
degrés, &c.  
où nous  
commen-  
çâmes de  
voir le pôle  
Antarcti-  
que, &c.*

accu-

accuratam, dubiumque manet, an per cœli serenitatem, de quâ hoc loco conqueritur, an per aliam causam stetit, quominus citius deprehenderetur polus Antarticus. Sed esto non viderint illi polum Meridionalem nisi sub latitudine 4. graduum, neque etiam visus sit Arcticus aliquando nisi sub latitudine Septentrionali duorum, ut ipse refert nullo autore: an ideo verum est, polos non fore conspicuos, si aliquo signo visibili notarentur, iis, qui sub æquinoctiali degunt? Minimè certè. Nec aded me movet vis hujus argumentationis ut reticere velim ipsius confirmationem, quam suggerit Epistola quædam ex insula Madagascar, à Mendoslo ad amicum scripta an. 1639. quæ subijcitur relationi, quam fecit Olearius, à secretis Legati Ducis Holstatiæ ad Moscoviam, Tartariam & Persiam: qua quidem Epistola

*Et confirmatur testimonio Mendosli.* monet hic nobilis, *se dum sub linea transiret in mari Indico neutrum polorum vidisse, imò borealem delituisse cum adhuc gradibus sex ab æquinoctiali distaret, nec Antarticum nisi sub octavo latitudinis gradibus conspexisse.* Quæ dissimulare nolui, etiamsi multò illustriora sint ad probandum id, quod impugnare proposui in Anonymo: de quo de Lery cum nihil aliud proferrem, quàm ipsum capite ultimo dixisse, Oceanum altiore esse terrâ, illiusque superficiem à centro mundi

*Utrumque infirmatur.* magis distare quàm superficiem terræ, & in Oceano ipso aquas, quæ sub æquinoctiali jacent reliquis esse eminentiores, unde oritur tota difficultas lineam illam superandi, ad quam cum naves magno cum periculo & labore ascenderunt, inquit, ex qua velis parte, facili negotio in aliam descendunt & libera navigatione gaudent. Abundè sufficeret hæc inscitia ad detrahendam fidem huic relatori parum religioso, qui nequidem dicit se observasse, nec observantem vidisse nauclerum, dum esset sub linea aut ultra lineam, sed solum non antè sibi apparuisse stellas poli Meridionalis, quàm sub quarto gradu latitudinis, nec liquet ex illius relatione an obtiterint nubes, pluviae, & tempestates, de quibus conqueritur, ut suprâ dixi, an fuerit ipsis liberum tunc temporis illas videre, nec tamen potuerint. Quod verò subjungit, ab aliis quibusdam referri neutrum polorum conspici posse sub æquinoctiali, sed à distantia solum duorum hinc aut inde graduum; sive ut scribit Mendoslo sex à parte Septentrionali & octo à Meridionali, me parum etiam tenet, nec detinebit, qui meminerint se vidisse aliquando stellas secundæ aut tertiæ magnitudinis horizontem stringere, aliquando nequidem conspexisse primas etiamsi multo lucidiores, Impediente scilicet aeris dispositione, aut radiorum Solis aut Lunæ nimio fulgore, qui stellas minores præcipuè circa finitorem offuscat, ut experiuntur æstate & nocte lucida, cum alioquin omnes vi-

dea-

dicamus in obscurissima. Quod idem demonstratur ex proposito à Ptolemæo toto cap. 6. lib. 8. Magnæ Construct. his verbis : *Sicut radii Solares ad diversitatem aeris disponuntur, sic stellæ quoque disponi necesse est, &c.* Fieri ergo potest, ut dum essent sub linea hi relatores, aut dies esset, aut crepusculum, aut nox splendida, qua stellæ secundæ, tertiæ & quartæ magnitudinis, cujusmodi sunt polares Arcticæ & Antarcicæ, conspici nequibant. Adde quòd fortasse ipsæ stellæ tunc essent sub horizonte, cum à navigatoribus quærerentur suprâ, nec ideo videri possent, nisi sub aliqua latitudine tantùm distante ab æquinoctiali, quantum polares istæ à polis mundi. Cauda verò Ursæ minoris, quæ stella est tertiæ magnitudinis polo Arctico vicinior, ab illo distat hoc sæculo per tres circiter gradus : unde non mirum est, si aliàs dum magis distaret videri non potuerit sub latitudine duorum grad, cum etiam nunc fieri possit, ut non videatur sub latitudine trium, dum Sol est in Tauro, Geminis, Cancro, aut Leone, tunc enim de noctu occultatur sub horizonte, vel à radiis Solis ab Atmosphæra refractis & albicantibus offuscatur.

Porro miraberis, Lector, cum dixerò totum illud testimonium *Et falsi Larianum* de polo Meridionali sibi viso per stellæ sub quarto grad. *convinctum* latitudinis falsum & supposititium esse, cum nullæ circum polares Ant-  
arcticæ sint conspicuæ, nisi sub octavo, aut nono latitudinis gradu cæloque commodissimo, tum propter illarum exiguitatem, tum à polo distantiam. Nec quidquam falsum magis est quàm quod refert hic de Lery, *se stellam polarem vidisse, & circa illam alias in crucem, &c.* In hoc similis Eudoxo apud Hyparchum lib. 1. dicenti, ex versione Petavii : *Est verò stella quadam in eodem semper consistens loco, quæ quidem polus est mundi.* Contra quem Hyparchus de falsitate præscribit his verbis, *in polo ipso stella nulla sita est, sed vacuum est locus, &c.* Quòd cum verè tunc diceretur de Septentrionali, de isto Meridionali verissimè nunc dici potest ; ex catalogo enim & descriptione fixarum, quæ circa hunc polum gyrantur, (quas Ioan. Bayerus in Astronomia sua anni 1603. refert ab Americo Vesputio, Andrea Corsalio, & Petro Medinensi observatas, diligentissimequæ à Pet. Theodori Naucle-  
ro peritissimo annotatas publiceque divulgatas) constat duas esse tantùm constellationes circa hunc polum, Hydram scilicet & Apim Indicam, quæ constantur ex stellis quartæ, quintæ & sextæ magnitudinis. Sicquæ viciniore polo, comprehensæque intervallo novem, aut decem graduum ab illo, sunt omnes quintæ & sextæ magnitudinis, una aut altera quartæ, sed extra decimum gradum, & tres aut quatuor magnitudinis tertiæ, sed quæ distant à polo plusquam 20. gra-  
dibus

*Nullæ enim sunt stella polo Antarcico vicina 8. grad.*

divis: ita ut australissima stella secundæ magnitudinis (sicut cauda minoris Ursæ seu nostra polaris) circulum Antarcticum tantum diurna conversione decircinet. Unde non mirum est, si nec Mendoslo, nec quispiam alius ullam viderit multò conspicuam sub latitudine octo graduum, cum reverà nullæ sint adeò vicinæ huic polo, sicut

*Nec nubes candida.* nec ulla *nubes candida prope polum, nec stelle in formam crucis*, ut à nostro de Lery, & aliis fabulosè refertur. Nubecula autem hæc ex observationibus supradictis distat à polo Meridionali plusquam 12.

*Nec stella in cruce.* gradibus, & alia major plusquam sexdecim: sed de illis neque de stellis polaribus Arcticis, & Antarcticis, visis aut non visis sub linea, aut citra lineam per duos aut tres gradus hinc inde, nihil quidquam perhibetur ab Andrea Thevet, qui anno ipso 1556. idem æquor confecerat, lineam transierat ad eundemque portum appulerat. ac de Lery: sicut nec ab innumeris aliis navium magistris & navigatoribus (quorum hæc relationes & nomina recensere longius esset) quidquam annotatur simile scripto Mendosli illius. Cujus rei non alios adducere

*Nec id refertur optima relationem.* testes velim, quàm scriptores Historiæ fluvii Amazonum, qui millies hac de linea loquuntur, cum totus fluvius aut sub ea sit, aut ea per eum declinet, nec tamen verbum faciunt de polis occultis aut detectis. Eximius verò nauclerus Ioan. le Tellier in diario sui itineris ad Indiam Orientalem, typis edito Dieppæ anno 1640. refert se, octies lineam æquinoctialem transfretasse in hac navigatione trium annorum, nec quicquam profert de viso aut non viso hoc aut illo polo, etiamsi in ephemerides redigat quidquid singulis diebus egerit, viderit, observavit, circa longitudines, latitudines, variationes acus, ventos, rhumbos & alia ejusmodi, quæ ab accuratioribus desiderari possunt; ipsique piaculum sit gradus quadrante à vera altitudine aberrare non tantum dum malacia est, sed etiam motis fluctibus. Nihili faciendum igitur quod scripsit Mendoslo, & multo minus Ioan. de Lery, cujus auctoritate nititur hic Anonymus ad confirmandum systema suum, & inferendum è terrâ videri non posse medietatem circuli fixarum, sicut videtur circuli Solis, ideoque cælum hoc esse remotius à terrâ quàm illud. Quod cum falsitatis arguatur evidentissimè à tyronibus Astro-nomiæ, nec probari nunc debeat, satis sit huic relationi temerè & perperam contra veritatem allatæ fidem derogasse.

*Ptolemæi testimonium examinatum.* Nunc restat Ptolemæi testimonium in jus vocandum, & conclusiones Anonymi ex illo elicite, amplectendæ. Quod ut agatur securius, producenda essent verba testis ipsius tam gravis & idonei, qui nec casu verus, nec credulitate falsus, nec ignorantia suspectus esse potest. Sed ubinam reperientur? Ignoro, cum locus allegatus non caput,



caput, non librum, non tractatum etiam præ se ferat. Opus igitur mihi fuit totum illius Almagestum transcurrere, quo perlecto & præcipue capitibus ad fixas attinentibus, cum nihil in iis reperissem, quod allegationi consonum esset, miratus sum audaciam scriptoris affingentis Ptolemæo, contra ipsum Ptolemæum, quod ne quidem pertigerat, imò contrarium docuerat, hoc est mediam cœli fixarum partem à terrâ videri. Siquidem libri primi cap. 5. demonstrat *sex sem-* Contrari-  
*per omnibus supra terram apparere signa, & sex reliqua non apparere um Ano-*  
*&c.* Et cap. 6. cui titulus est, *terram quasi punctum esse ad spheram.* nymo.  
*fixarum comparatam, concludit, hanc in partes æquales dividi semper,*  
*quod non fieret, si ad distantiam cœlestium sensibilis esset terræ magni-*  
*tudo.* Unde sequitur à Zenith ad horizontem 90. gradus semper in-  
 tercedere. Quæ cum prorsus contraria sint e mentis allegationi, qua  
 pro certo datur Ptolemæum alicubi dixisse non videri nisi 82; haud  
 parum fui commotus hac Anonymi falsitate, cuius prima fronte con-  
 jecturam hanc facere ausus fueram, potius quàm in dubio versari  
 tantum *σφαῖμα* in Ptolemæum cadere potuisse. Quomodo enim singu-  
 lari viro excidisset scribere, Canobum Alexandriae horizontem strin-  
 gere? cum ex illius longitudine & latitudine ab ipso exhibitis, eruat  
 declinatio ab æquinoctiali 51. grad. 18. min. quæ addita elevationi  
 poli 30. 58. min. efficiunt 82. grad. 16. min. quibus distat Canobus à  
 Zenith Alexandriae: ergo non stringit horizontem, sed ab illo ele-  
 vatur plus septem gradib. Quod etiam Cleomedes post Possidonium,  
 Geminus, & Plinius Ptolemæi ævo superiores scriptis mandaverant.  
 Quid illi porro? Cleomedes lib. 1. sic ait ex versione Balsei, *Stella*  
*Canobus appellata, longè lucidissima, ad meridiem in temone Argus na-* Ex Cleo-  
*vis, quæ quidem in Gracia omni non videtur, unde ejus Aratus non,* mede.  
*meminit in Phanomenis, sed ab Aquilone ad Meridiem euntibus pri-*  
*imum in Rhodo conspicitur, & in finiente conspecta repente mundi con-*  
*versione occidit, sed ubi à Rhodo Alexandriam versus quina stadiorum*  
*millia navigando trajecerimus, & pervenerimus Alexandriam, invenitur*  
*stella, quando in medio planè cælo est, supra finientem sublata quarta signi*  
*parte. Τίτατος ᾠδίου sive gradibus septem & 30. minutis.* Ex Gemi-  
 Rhodius scriptor eruditus & perantiquus idem planè ait in Elementis no.  
 Geographiæ cap. 2. interprete Hedone Hilderico, *sed insignis stella, quæ*  
*sita est in summo gubernaculo navis Argus Canobus dicitur, atque hæc*  
*Canobi stella in Rhodo difficulter videri potest, aut in locis planè ex-*  
*celsis apparet, at Alexandria prorsus hæc videri potest, nam ferè quar-*  
*ta parte signi Canobus ab horizonte elevatus apparet, in Alexandria δὲ* Ex Procla.  
*Ex Procla.*

ἔστιν παλαιῶς ἐμφανὲς, ἡμεῖς γὰρ τίταρτον μίρον τὴν ἑσθίαν ἀπὸ τοῦ δείξον-  
τος μεταχειρισμένον φαίνεται. Proclus verò in sua sphaera ipsissimis ver-

Ex Plinio. Cleomedi prorsus ad stipulatur his verbis : Ut Canobus quartam ferè  
partem signi unius supra terram eminere Alexandriae intuentibus vi-  
deatur, eadem à Rhodo terram quodammodo ipsam stringere, in ponto  
omnino non cernatur, ubi maxime sublimis Septentrio.

Quæ cum scripta fuerint ante Ptolemæum ipsique cognita, quo-  
modo potuisset iis contradicere si vera deprehendisset? vel si secus,  
quomodo tacere, nec illos ut Marinum, Hyparchum, Eratosthenem,  
& alios redarguere, & falsi incusare? Quod cum non reperissem fa-  
ctum in illius magna syntaxi, imò consensum exactissimum cum su-  
pradiëis, Canobum scilicet elevari ab horizonte Alexandriae plus-  
quam 7. gradibus: parum fuit quin irascerer in Anonymum, ipsius-  
que Codici dicerem saltem, vae tibi mendax & impostor, qui summis  
Astronomiæ antecessoribus Ptolemæo, Copernico, & Tychoi insul-  
tas, ac præ te istos cæterosque omnes contemnis, cum tamen ri-  
su vel miseratione digna sit hæc tui authoris hallucinatio. Verum-  
tamen cum in animum inducere non possem tantam fuisse hominis  
impudentiam & procacitatem, ut adscriberet Ptolemæo, quæ nusquam  
dixisset, aut simile quidpiam; aggressus sum etiam lectionem Geogra-  
phiæ illius, ut certus fierem, num aliquid ipsi excidisset, quod ab Ano-  
nymo malè intellectum occasione dedisset ejusmodi figmento. Et  
certè mihi benè cessit hæc conjectura, peropportuneque ad restitutio-  
nem loci inextricabilis huc usque. In primo enim libro cap. 7. sub  
finem in hæc verba incidi ex editione Bertii Græco-Latina. *Potest  
enim Canobus iis conspici, qui longè a strvo tropico sunt septentrionales,  
multaque stella, quæ semper apud nos sub terra sunt, in locis, qui no-  
bis sunt australiores, ac etiam iis, qui circa Meroëni habitant super  
terram.* QUEMADMODUM CANOBUS IPSE, QUI NOBIS BOREALIORI-  
BUS HIC MINIME APPARET. Ex quibus facili negotio conieci Ano-  
nymum hunc aut alium quempiam pro illo, malè etiam & contra ipsa  
verba quamvis mendosa, argumentari potuisse Canobum nequidem  
videri in horizonte Alexandriae, ubi hæc à Ptolemæo scribuntur κα-  
θ' ὅσον αὐτὸς ὁ κάμβος ἐταυθα τοῖς βορειοτέροις ἡμῶν μὴ φαινόμενος, quemad-  
modum ipse Canobus hic borealioribus nobis minime videtur. Nec enim  
alio modo ad verbum interpretari possunt. Ut autem res tota altius  
sumatur, sciendum est Ptolemæum capite hoc contra Marinum dispu-  
tare de distantia latitudinis terræ cognitæ, ipsamque ab eo proditam  
corrige phænomenis. Marinus enim indefinitè scripserat, *is, qui ab*  
*aqui-*

Falsa ita-  
que allega-  
tio Ptole-  
mai,

Sed alius  
occurrit  
Ptolemai  
locus inex-  
tricabilis.

æquinoctiali ad æstivum progrediuntur tropicum, polum borealem semper plus supra horizontem attolli, australem verò plus sub horizonte deprimi, qui verò ab æquinoctiali ad brumalem pergunt tropicum, iis polum australem supra horizontem elevari, borealem verò sub horizonte mergi. Ptolemæus verò addit, non solum de polis & de habitantibus intra tropicos hoc verum esse, sed etiam astra quedam apud alios indiscriminatim apparere, quæ apud nos ne nominantur quidem. Potest enim, inquit, Canobus iis conspici, qui longè æstivo tropico sunt septentrionaliores: multæque stellæ, quæ semper apud nos sub terra sunt, in locis, qui nobis sunt australiores, ac etiam iis, qui æquinoctiali sunt borealiores velut iis, qui circa Meroën habitant, super terram fiunt. QUEMADMODUM CANOBUS IPSE, QUI NOBIS BOREALIBUS HIC MINIME APPARET. Ex quibus verbis tota Ptolemæi ratiocinatio nihil aliud concludit, quàm stellæ ex uno horizonte conspicuas esse, quæ latent ex alio: sed an exemplum ab ipso allatum de Canobo constans sit & consonum argumentationi difficultas est, Potest enim esse ratum & verè dictum Canobum hic minime videri, Ipsique sed non à Ptolemæo de horizonte Alexandriæ, siquidem hic quarta Ptolemæo signi parte à finitore elevatus apparet, ut supra demonstratum est, contrarium Quod ut verum esset, oporteret alium quempiam à Ptolemæo hæc ut scripserit, & de alio Hic. Veluti Marinum Eudoxum, aut alium de horizonte verbi gratiâ Byzantii, Romæ, aut Athenarum, quibus in locis æquum fuisset dicere, stella quadam sunt, quas non videmus, quemadmodum Canobus ipse, qui nobis borealibus hic Romæ, Athenis, &c. minime apparet. Apparet autem Australioribus veluti Cypro, Egypto, Syenæ, &c. Sed Ptolemæo in Alexandria degenti & scribenti nequidem licitum fuit hoc cogitare salva veritate experientiæ, cum ipse & ante illum plerique alii contrarium jam docuissent: si enim videretur Canobus elevatus supra horizontem Alexandriæ, plus septem gradibus, quomodo verè scribere potuit hic minime apparere. His igitur accuratè perpensis suspicatus sum mendosum fuisse codicem Græcum, quo usus esset Bertius, etiamsi dicat Franciscum Sylburgum varias ipsius lectiones Palatinorum ope sua manu curiosè admodum annotasse. Itaque alios consulere tum Græcos, tum Latinos cufos, aut manu exaratos operæ pretium duxi, Maginum ad hoc adi, qui non mediocriter in editione sua laboraverat: hanc similem Bertianæ compositionem consuli, nec quidquam ex illius notis edoctus sum. Munsterum consuli, Ortelium, Mercatorem, Montanum, & quotquot hujus libri exemplaria Latina nancisci tunc potui, omniaque ferè innumera (nullus enim liber pluries editus) inter se eadem, & uni versioni à Bilibaldo

Pickermanno exarata prorsus consentientia reperi. Græcum item ab Erasmo, anno 1533. Basileæ primò publicatum Bertiano simillimum inveni, ait enim αὐτὸς δὲ καθ' ἑαυτὴν τὴν βορροειότητα ἡμῶν μὴ φανερὰν. *Canobus ipse borealioribus nobis hic minimè apparet.*

*Suspecti  
menda.*

Quid inter tot authores Græcè & Latine scientes agerem ipse nescius, ratiocinio solo ductus & edoctus in animum constanter induxi reluctantibus & invitis Bilibaldo, Erasmo, Bertio, Munstero, Magino, &c. imò Scaligero (qui lib. 4. de Emendat. temporum, omnes sæculi sui Astronomos arguit oscitantia in legendo Ptolemæo textu- que illius intelligendo) reliquoque cœtu Criticorum hujus & præte- riti ævi, qui locum hunc intactum & incorrectum præterierunt, prorsus mendosum esse & castigatione dignum. Hæcque nixo mihi certi- tudine, & rem omnem accuratiùs expendenti, tandem subiit in men- tem occasionem errori factam esse mutatione unius litterulæ in pro-

*Locus hic* nomine personali, quæ sensum non solum variat, sed contrarium effi- *Ptolemæi* cit, & ex vero falsum, ac proinde emendandum vocalis illius resti- *castigatum.* tutione. Scribatur enim βορροειότητα ἡμῶν comparative in genitivo cum

omega, non verò ἡμῶν conjunctivè in dativo cum jota, tunc fiet bore- alioribus quàm nos, non verò borealioribus nobis. Et sic quod falsè di- citur de istis borealibus, dicetur verè de aliis magis borealibus, tunc- que sensus erit omnino diversus & verax in hunc modum, *multa sunt stella, quæ semper apud nos latent, quæ in locis, qui nobis sunt australes super terram videntur, quemadmodum Canobus ipse, qui borealio- ribus quàm nos hic, minimè apparet.* Sicque oportuit necessariò

*Uti sibi &  
veritati  
constet,*

Ptolemæum loqui, ut sibi ipsi & veritati constaret, hincque sequeretur Alexandriæ stellam hanc videri, non autem ab aliis, qui Alexandriâ essent multo borealiores. Hanc autem vocalis unius mutationem, faci- lè factam fuisse ab amanuensibus, quis dubitare poterit in illo authore exscribendo, in quem plura fortè menda irrepsertunt quàm in quem- cunq; alium. Non animadversum autem hoc ab Erasmo, Bertio, Mercatore, Magino, Munstero, cæterisque illustribus Geographis, Mathe- maticis, & linguæ Græcæ principibus etiam non miror: cùm ad illud nulla occasione aut ratiocinio adducti fuerint, ut mihi contigit. In hocque solo argumento rei literariæ profuit Anonymus, nec in po- sterum uti sperandum est cùm typis mandabitur textus, aut versio Ge- ographiæ Ptolemæi ampliùs errabit in hoc loco, ab iis, qui viderint hanc exercitationem. Sed ut tota res hæc conficiatur, nec ullus du- bitationi scrupulus relinquatur, ecce quid secutum sit felicem illi- us loci castigationem. Cùm vidissem in præfatione Gerardi Mercato- ris alias atque alias tum versiones, tum editiones Latinas Ptolemæi

exti-

extitisse, quarum quinque præcipuas numerat, quibusque usum se dicit: has omnes querere & videre si possem vehementer cupii, ut explorareman sibi congruerent, & mihi adversarentur, an aliqua pro me & veritate contra alias staret. Prima itaque, quam vocat antiquissimam, anno 1409. à Jacobo Angelo Florentino ex Græco sermone in Latinum conversa fuit, & Alexandro III. Papæ dedicata. Cujus exemplar ex ipsomet authoris autographo mandato Nic. de Cusa Cardinalis exscriptum natum se dicit Mercator. Secunda fuit ejusdem, sed typis mandata Romæ anno 1490. Tertia ex versione Bilibaldi Pyckermeri à Michaële Villanovano ad Græcæ & præca exemplaria recognita Lugduni 1535. quam cæteris præfert. Quarta ex versione Ioan. Noviomagi Coloniae 1540. Quinta denique Josephi Moletii, qui versionem Bilibaldi rursus cum multis Græcis codicibus contulit, huc usque Mercator. Quæsitis igitur quotquot nancisci potui Ptolemæis, plures reperi à Bilibaldo traductos, & ab aliis innumeris recognitos ut aiebant & emendatos, sed omnes hoc in loco depravatos ut Pyckermerus; Villanovano, scilicet, Moletio, Munstero, & aliis; quorum hic ultimum cum parvi faceret versionem Angeli Florentini, Græcè quidem, ut aiebat, callentis, sed Mathematica imperiti, exiguam spem reposui in illius translatione, omnesque contra me unum pugnatu-ros non dubitavi: res tamen aliter profecto se habuit. Inventa enim editione illa Romana 1490. aliisque 1507. 1511. 1515. itemque aliâ Argentoratensi 1513. quam Picus Mirandulanus ad Jacob. Euseb. mandaverat suppressio traductoris nomine, aliisque etiam Venetiis an. 1480. & Ulmæ 1486. quæ cum prioribus haud absimiles essent, præ se tamen ferebant à domino Nicolao Germano translatas fuisse, & Papæ Paulo II. dicatas. Collectisque hinc inde & collatis inter se his omnibus editionibus, & manuscriptis Bibliothecæ Regiæ Angeli Florentini, conjecturam meam non parum suffulsi: sic enim loquuntur, Pluresq; ex fixis, quæ apud nos semper latent, in locis magis quam non australibus, ac magis etiam septentrionalibus quam æquinoctialis, ut circa situm Meroës, supra horizontem videri possunt. QUEMADMODUM IPSE CANOBUS, HIC SUPRA TERRAM ELEVATUR, MINIMEQUE AB HIS VIDETUR, QUI MAGIS QUAM NOS SEPTENTRIONALES EXISTUNT. En quantum differat hæc versio à Bertiana, & aliis? Sed cum in illam incidi, quam Mercator loco quarto reponit ex versione Ioan. Noviomagi Coloniae 1540. amplius non dubitavi aliter legisse hunc & Florentinum, Bilibaldum, Erasinum, Mercatorem, Munsterum, Bertium, & sectatores: sic enim Noviomagus, Et multa sunt inerrantes stella, nunquam ex subterraneo loco in conspectum nostri orbis emergentes,

gentes, quæ etiam in locis magis australibus quàm nos sumus, magisq; septentrionalibus quàm est æquator, velut circa Meroë situm accidunt exorientes emergunt. Quemadmodum Canobus ipse, in locis vicinioribus quàm nos sumus Septentrioni, super terram non exoritur. Ex quibus indubitatè colligitur aliud fuisse exemplar istius & Florentini, (cujus tamen facilè crederem verba tantum mutata fuisse à Noviomago) quàm aliorum, aut istos rationem sequi maluisse quàm textum, quo duce decepti sunt Bilibaldi, Munsteri, Bertii, Magini, alique omnes. Manceat igitur ratum fixum in Ptolemæo legendum esse loco citato, τοῖς βορειοτρίτοις ἡμῶν μὴ Φαειδῆμονος, non verò ἡμῶν, unde tantum abest ut sequatur ipsum dixisse stellam Canobum non videri ab Alexandria, ut potius constet ipsum docuisse hanc ibi videri, non verò ab aliis locis septentrionalioribus Alexandria. Quæ cum ita sint, nullus profectò hæere debet scrupulus falsitatis Astronomiæ istius, everso Anonymi præcipuo fundamento, quo summis antecessoribus Hyparcho, Ptolemæo, Copernico, Tycho, & aliis insultabat. In quo etiam funditus evertendo, & confutandis erroribus ex illo deductis, nonnullum operæ pretium feci; ne qui fortè systemata mundi ratione & observationibus stabilita non nossent, putarent ab Anonymo contra Astronomorum placita probabile, aut saltem tolerabile aliquid esse confectum. Cætera commenti illius περὶ μαθῶ, & confectaria, quæ non excussi (cùm risu potius & commiseratione digna judicarem) iis evulsis ac disiectis, quæ præcipua sunt, & ex quibus ducuntur, sublapsa per sese ac labefacta concidunt. Finem itaque disputandi facio, tibi quæ, VIR CLARISSIME, nescio an gratulari debeam, quòd me ad hoc impuleris, nec tam jucundum, nec tam facile, quàm tibi & mihi visum fuerat. Gratulor tamen & amari cupio, qui eximia tuæ virtutis sum observantissimus: fac igitur ut soles, & æternum vale, qui curas ut alii valeant. Authorem verò tam fastuosi & inficeti operis sinamus

*Discipulorum inter posthac plorare cathedras.*

P. PETIT.



IOAN.



II.  
JOAN. BAPT. DU HAMEL  
DE  
METEORIS  
ET  
FOSSILIBUS  
LIBRI DUO.

IN PRIORE LIBRO mixta imperfecta, quæque  
in sublimi aëre vel gignuntur, vel apparent, fusè per-  
tractantur.

POSTERIOR LIBER mixta perfecta complecti-  
tur; ubi salium, bituminum, lapidum, gemmarum, &  
metallorum naturæ, causæ, & usus inquiruntur.



## PRÆFATIO.

**N**on me fugit, Physicam à multis tum gravissimis, tum doctissimis viris diligentissime tractatam fuisse; adeò ut nostram operam, fortassis non desideret: sed, quod Philosophicà libertate dicere liceat, plerisque ex recentioribus non ingenium, non eruditio, at propositum defuit. Quidam enim unius ex veteribus auctoritatem secuti, id habent ratum, quod ab eo quem probant, judicatum vident. Alii novas munierunt vias, atque in suam quisque induxit sequentes; adeò ut jam ex ipsis sectæ, & disciplinæ habeant vocabula. Plerisque Philolophia non aridet, nisi exilis, & squalida: neque aliquà delectatione lectorum animos volunt allicere, nec quæ sentiunt ornate, & concinnè eloqui. Postremò nonnulli partem duntaxat Philosophiæ, velut onus totius corporis veriti tractare maluerunt. Experiri itaque ingenium placuit, & tentare infinitos propè, qui de singulis hujus scientiæ partibus conscripti sunt, libros possem contexere, & optima quæque selegere: ita ut si minùs nova invenire, certè de aliis liceret judicare. Quæ porrò à multis vel neglecta, vel contempta jacuerunt; seu quòd ad alias scientias pertinere arbitrentur; sive quòd iis religio fuerit ab inolitâ consuetudine recedere; seu denique quòd adolescentum ingenia tot & tantis rebus percipiendis non sufficere crediderint, hæc potissimum.

tissimùm explicanda, & tractanda suscepi: nihil enim tam Philosophiæ proprium esse cognovi, quàm quod plerique ut alienum aspernantur. Nunc quid causæ fuerit, cur hanc Philosophiæ naturalis partem seorsim à reliquis edere in animum induxerim, verbo dicam. Quanquam admirabilis quædam sit scientiarum connexio, ut omnes inter se aptæ colligatæque videantur: hæc tamen, quam nunc tradere instituimus, illam habet prærogativam, ut cæteris disciplinis lucem inferat, neque ab iis ullatenus dependeat. Magnam quoque rerum copiam, & varietatem complectitur: nam quæcunque in sublimi aëre, atque in terræ visceribus gignuntur, sibi vindicat. Quidquid suo sinu pretiosum terra foveat, atque omnes naturæ divitias explicat; reconditiora scrutatur arcana: nulla ferè ars vel ad salutem corporis, vel ad vitæ usus destinata ex hujus scientiæ fontibus non manat. Quare non verebor Chymicos, Metallurgos, Aurifices, Medicos ipsos in subsidium vocare, ut Philosophiæ tanquam Principi famulentur. Medicis magnam remediorum ubertatem suggerit: artium verò pars maxima circa res fossiles occupatur, quarum intimas rationes, causas, & usus (rem sanè magis magnam, & uberrimam, quàm arduam, & difficilem) persequi volumus. Quos verò auctores potissimum sequar, quo ordine, quæve methodo procedam, nihil necesse est hîc attexere: quantum enim judicare possum, optimam hî philosophandi rationem insistant, qui nulli sectæ serviliter, & superstitiosè addicti, ex omnibus quod sibi rationi maximè consentaneum videntur, decerpunt, & concinnè distribuunt. Hæc ego non eo consilio differo, ut illos redarguam, qui unum aliquem me-

lioris notæ Philosophum, ut ducem, ac præmonstratorem sequuntur: sed ii reprehensione non carent, qui præjudiciis abrepti, non enucleato judicio sese in Aristotelis, Galeni, vel Paracelsi familiam tradidere, atque auctoritate magis, quàm ratione ducuntur: quæque probanda sunt, non tam rationis staterâ, quàm populari quâdam trutinâ examinant. Omninoque in hoc omnis est error, quòd existiment unius effectus unam causam esse oportere: cum tamen nihil ferè sit in rerum naturâ, quod ex pluribus causis non prodeat. Singuli verò Philosophi in varias rationes animum intendunt, & universas plerumque contemplari nolunt. Hinc plures secari cœptæ sunt viæ, ac multiplices disidentium Philosophorum familiæ sunt profeminatæ, quæ tamen non tam contrarias, quàm diversas opiniones sequi videntur. Eòdem enim omnes tendunt, tametsi non eandem viam terant. Quòd si in quosdam auctores stylus noster interdum liberius incurrat, non obtrectandi studio (quod à me plurimum abest) id feci; sed hoc scribendi genus liberum à Platone, Cicerone, Fernelio, & aliis usurpatum, salibus aliquando & non intempestivis amœnitatibus est aspergendum; excitandus nonnunquam lector, ne indormiat, acres denique nos esse, non tristes oportet. Jam mihi, ut arbitror, deprecanda non est invidia, quòd Alchimiam ferè universam hoc opusculo complecti voluerim. Hanc enim scientiam non ut artifex, sed ut Philosophus pertractavi: neque nobis interdictum puto Chymicorum uti laboribus, & experimentis, quò major Philosophiæ naturali lux accedat.

DE  
METEORIS  
ET  
FOSSILIBUS  
DIALOGI.

LIBER PRIMUS.

*De Meteoris.*

CAPUT PRIMUM.

De mixtis imperfectis, vel Meteoris in universum; &  
de communi eorum materiâ.

- I. Quæ sit materia, ex quâ omnia fiunt Meteoris, ubi de triplici halitu; vapore, fumo, & exhalatione. II. Varia de terra fremitu sententia proponuntur. III. Ex igne subterraneo, non solum terra motus, sed etiam plerasque aëris impressiones oriri concluditur.*

*Theophilus, Simplicius, Menander.*

*Tb.*



Multum me, optime Simplicii, hesternâ disputatio commovit; ac jam incipio Aristoteli aliquantulum diffidere. Is meo quidem iudicio, Philosophorum omnium est longè princeps; sed ut omnia, quæ ab ipso præscripta sunt, defendamus, nullâ necessitate cogimur. Illos tamen odi pessimè, qui longa tollunt supercilia, & præ cæteris multum sapere

arbitrantur, si à summo Philosopho, quà benè, quà malè dissentiant. Quòd si eos iudices adhibeamus, virum propè divinum è choro Philosophorum brevi sustulerint. Quin etiam, si Deo placet, Aristoteli Cartesium, vel quosdam alios minutiores Philosophos anteferre non erubescunt.

*Men.* Audire sanè velim, quid sit cur Cartesium nostrum oderis; vel certè minùs probes; quem unum arbitror vera rerum omnium principia sic exposuisse, ut illius Philosophia ex ipsius naturæ fontibus hausta videatur.

*Th.* Multa sanè probanda in Cartesio, multa etiam admiranda sunt: neque omninò velim eum è manibus adolescentium excutere: sed potioribus præferri non sino. Quod illius principia attinet; pleraque mihi videntur commentitia; multa à veteribus deprompta: si quæ in iis voluit corrigere, deteriora fecit. Formas & qualitates exterminat, ut motui, figuræ, & magnitudini omnia referat accepta. Democritum, & Epicurum ferè sequitur, atque cum iis etiam labitur. Nam ut præclare Tullius, cum in rerum naturâ duo quærenda sint, unum quæ materia sit, ex quâ res quæque efficiatur; alterum quæ vis sit, quæ quidque efficiat; isti Philosophi de materiâ disserunt quidem; vim & causam efficiendi, nec non & formas omnes relinquunt.

*Men.* Rectè, an secùs formas & qualitates expunxerit Cartesius, erit aliàs proprius differendi locus. Id unum in præsentia contendo, aptissimè eum rerum materiam exposuisse. Quid enim naturæ magis consentaneum, quàm totum hoc universum ex tribus componi elementis. Tria quippe cum sint corporum genera, totidem quoque esse prima rerum elementa, non abhorret à verisimili. Corpora quæ sunt lucida, ex materiâ subtilissimâ, quæ omnis motus, caloris & lucis fons existit, prodire. Quæ verò sunt summè perspicua, ut aer, vel cælum ipsum, ex particulis constant paululum crassioribus, & rotundis; hi cœlestes globuli, ab ignitâ primi elementi substantiâ continenter agitantur, ac secundum efficiunt elementum. Corpora denique densiora, ut terra, & planetæ omnes, ex partibus longè crassioribus compinguntur Cœlestis substantia, tum primi, tum secundi elementi, omnium corporum poros subit, in iis motum procreat & calorem. Ex his itaque principiis, quæ mixta dicuntur corpora coaluere; sive ea sint perfectâ, sive imperfectâ. De imperfectioribus dicam primùm in universum, tum de singulis quoad utile videbitur. Mixtum voco imperfectum, vel in quo ex elementis unum prævalet, vel cujus principia malè conferta & colligata separari facile possunt.

Sic

*Tria esse  
ex Cartesio  
rerum  
omnia  
principia.*

*Quid sit  
mixtum  
imperfectum.*



Sic quæ dicimus elementa, terra quam incolimus, flamma, seu fumus accensus, aqua etiam, vel aër ex hoc genere censentur: sed usus obtinuit, ut inter rerum primordia numerentur. De his jam alias copiosè differuimus: hunc ea tantùm mixta persequar, quæ vulgò Meteora dicuntur, quòd pleraque in sublimi appareant: & nisi fortè tibi aliter videatur, mi Simplici, perpetua oratione uti malim, quàm illis interrogatiunculis, quæ pungunt magis quàm persuadeant.

*Simp.* Tuo id quidem arbitratu: atque ut viâ & ratione procedat disputatio, primùm de iis, quæ in terrâ gignuntur, tum de aqueis, aëreis, & ignitis impressiõibus ex ordine agendum.

*Men.* Placet iste dicendorum ordo: sed priùs tamen, quæ sit communis velut materies, ex quâ Meteora prodeunt, intuendum puto, Mixta quæ sunt omnia ex vaporibus coalescere, tam certum est quàm *Quæ sit communis materia, ex quâ Meteora formantur.* quod maximè; miscibilia enim uniri nequeunt, nisi antè in minutissimas partes comminuantur; quod fieri non potest, nisi calor partes illas exagitet, atque in vapores resolvat. Vaporis hîc nomine tanquam communis generis abutimur. Ne me fugit vapores propriè ex aquâ, exhalationes è terrâ, vel succis terrestribus attolli. Hinc Vaporis particulæ sunt longæ & lubricæ, ac facillimè è corporibus separantur; non item fumi & exhalationes, quarum partes ramosæ, & irregulares, vi caloris ægriùs attolluntur: quæ igitur ex aquâ prodeunt, vapores; quæ ex terrâ, & succis oleaginosi, fumos; quæ de succis acrioribus exhalantur, spiritus appellemus. Spirituum particulæ instar cuspidum acuuntur. Oleaginosæ sunt molliores; sed aliæ aliis magis implicantur, quàm aquæ. Hinc plus nocet valetudini exhalatio, quàm vapor; quòd illa particulis terrestribus, & acrioribus abundet. Sed quid illos excitat tum vapores, tum halitus, nisi calor ipse, seu materia subtilissima, semper mobilis, ac quietis impatiens, quæ angustissimos complet corporum meatus, ac partes faciliè separabiles, huc & illuc movet, atque in orbem agit? Hinc majorem exigunt locum, quòd motu suo alias particulas extrudant: quemadmodum funis baculo alligatus, ubi rotatur, majus itidem spatium postulat. Quocirca licet mente concipere aquæ particulas, alias aliis priùs incumbentes, atque instar anguillarum repentes, quæ cùm subtilis materiæ, vel caloris impetu agitantur, tum in aëre volitant, ac gyris suis magna occupant loca. Neque idcirco sursum efferuntur, quòd sint aëre leviores, vel quòd à Sole attrahantur, ut visum est Scaligero: vis enim illa attractrix fictitia est, nec potest explicari: sed quòd vaporibus non alius pateat liberior locus. Nam ut frenula longè gravior, motu pedum in altum evchitur: sic sublimem aërem crassi

crassi vapores perrumpunt, quos radii Solis diu terræ & mari incumbentes indefinenter attollunt. Atque ut magna equitum turma nubem pulveris excitat altiore; ita radii solares undique in totum hæmisphærium, & die toto vibrati, sola percussione vi, halitus in sublime agunt. Quo minùs mirum sit, si quandoque in fundo vasis, ubi pluvia vel nix subsederit, terræ ipsius crassiores particule appareant. Nec dubium est, quin æstate major vaporum, atque exhalationum copia exsurgat, cum paludes, & lacus exsiccati hoc tempore videamus: sed quòd fortius agitentur, sub aspectum non cadunt; nullamque luminis motui obijciunt moram. Simili prorsus ratione halitus ille quem expiramus, quique nihil est quàm vapor, cordis fuligine permixtus æstate non videtur, quòd præ calore rarior sit; hic me verò instar nebulae densatur, ac frigore concrescit. Nullum porro esse corpus, quod halitus quosdam occultos non emittat, iam alio loco diximus. Hinc tanta canum sagacitas, quâ leporis vestigia sectantur: hinc secretus illo amor sæpe exoritur, de quo vir eximius Chambræus, & gratæ posteritatis memoriâ dignus, tractatum edidit adeò elegantem, ut nihil supra. Hinc etiam morbi innumerabiles ex halitu venenato propagantur; quòd fumus ille quibusdam spiritibus, seu corpusculis mortiferis, tanquam morborum seminariis inficiatur, quibus tota sanguinis massa faciliè corrumpitur. Cùm è succis mineralibus illi efflantur fumi, majorem edunt stragem. Unde venenatus aër è subterraneis locis multus exhalari solet; ut in agro Puteolano Avernus lacus fumos emittit sulphureos avibus perniciosos. In eadem ferè regione spelunca est angusta, in quam animalia coniecta omni motu, & sensu privantur, donec vicinæ paludi immerfa spiritum & vitam recipiant. Prope Baias antrum existit, ex quo halitus adeò fervidus erumpit, ut ceram liquefaciat. Sic multis in Campaniæ locis, ex antris subterraneis fumi sulphurei aut bituminosi exhalantur, vel mortiferi, vel salutares. Mons quidam est in Campaniâ, Tritulum vocant, in cujus medio spelunca existit in multas divisa partes, quæ aërem continet adeò fervidum, ut pro sudatorio usurpetur: nam distillationes pituitosas, podagram, atque alios ejusdem generis morbos curat. In Vesuvio foveas excavant eidem usui destinatas. Sic lacus, atque antra innumera pestilentes halitus expirant; multa enim mortifera in terræ profundo latent. Aër ipse, qui pigritiâ & æternâ nocte torpescit, gravis haurientibus est. Aura illa serotina, quæ magis experienciâ, quàm ratione percipitur, quid aliud esse potest, quàm halitus tenuis, in aquæ guttulas modico frigore concretus. Æstate quidem minor est, & longè tardius post Solis occasum delabitur,

tur, quàm vere, vel autumnò : quia æstate major est calor, quàm ut iste vapor possit in aquam condensari : hieme autem non satis est caloris, ut vapor subtili exhalatione permistus sursum efferatur. Flante quoque vento dissipatur ; pluvio cœlo vix illa aura, uti nec ros decedit. Sub æquinoctia malignior est : nam temperato calore magna vaporum copia evahitur, maximè in locis palustribus, ex quibus perniciosi vapores erumpunt ; qui cùm corpusculis acrioribus abundant, nihil mirum, si facilè subeant capitis poros, dentium doloribus, & humorum distillationibus viam aperiant, ac demum fibras cerebri vellicent. Hinc sanguinem nonnunquam exprimunt, somnum arcent, caput fatigant. Verùm in re apertâ, & minimè reconditâ nimis moror.

Jam ut ad propositum propiùs accedam ; quid aliud est terræ motus, De terra quàm halitus inclusus, qui calore dilatatus majorem suo motui locum *motu vaporum* vaxigit, & sui vasis latera concutit. Quo id modo accidat, non excutio ; *via sententia.* sive, ut ex Archelao explicat Seneca, ventus in concava terrarum densatus, & novo superveniente spiritu densatus, omnes angustias dimoveat ; & elaustra sua conetur effringere : sic enim evenit ut terra spiritali luctante, & fugam quærente moveatur. Sive, ut placet Aristoteli, exhalatio ab infimo edita, & in quantum potuit elata, cùm ulteriorem locum, in quem exeat, non habet, retrò fertur, atque in se revolvitur ; dumque rixa spiritus reciprocantis jactat obstantia ; sive interclusus, sive per angusta elisus est, motum ac tumultum ciet. Stratonis sententia magis arridet Agricola, quòd frigidum & calidum cùm unâ esse non possint, eò frigidum confluit, unde vis calida discessit. Quidquid igitur in terræ penetralibus calidi latet, frigori cedens abit in angustum, & magno impetu agitur : quia non patitur utriusque natura concordiam, nec in uno moram. Fugiens ergo, & omni modo cupiens excedere, proxima quæque remolitur, & jactat. Hæc sanè longè sunt probabiliora, quàm quæ Anaxagoras, vel Anaximenes de causis terræ motuum commentati sunt : partes terræ ruere, quas aut humor solverit, aut ignis exederit, aut spiritus violentia excusserit. Nam terra humore diluta, *Anaxagoras* vel nimium exsiccata paulatim dissolvitur, nec subito corrui, neque *ra opinio* flammæ fremitus terræ comitari solent, & rarò magni strepitus eos *refellitur.* sequuntur : tametsi cùm movetur terra, mugitus aliquando audiri non inficior, ventis in abiduo tumultuantibus. Quòd si spiritus nec rimam quidem, per quam effluat, invenit, conglobatus ille furit, & huc, atque illò circumagitur. Sæpe evenit, ut ventus non exiguo tempore è terræ hiatus erumpat, neque ulla ignis scintilla appareat. Non igitur ignis subterraneus ; non collecti torrentium impetus, non re-

conditi lacus, terræ motum procreant; sed interclusus aër, qui cæca sub terrâ spatia latus obtinet; quamdiu non impeditur, placidè fluit; cum offenditur, & retinetur, insanit, & moras suas abruptit. Non enim, ut pulchrè Seneca, ventum tenet ulla compages: indomitâ naturæ potentiâ liber existit. Fremitus quidem terræ in locis maritimis sunt frequentiores, quòd ibi sit uberior vaporum copia. Nonnunquam præ terræ motu mare intumuit. Fors est ut tum temporis multi halitus è fundo maris erumperent. Postremò, hi motus vere, atque autumnò sunt crebriores, quòd eo tempore vaporum, atque exhalationum copia sit uberrima, calor itidem moderatus, qui iis attollendis planè sufficiat. Quanquam meritò neget Agricola calore Solis terræ fremitus excitari: nam Sol magis vapores terræ attrahit quàm repellat. Hinc metallarii, cum venas metallicas fundunt, sub ipsis vasis ampliores fossas effodiunt, ne humor, quem è terrâ calor ignis attollit, cum metallis permisceatur, sed in depressiora loca dilabatur: nec demùm radii solares terræ profunda penetrant, ac spiritum terræ visceribus conclusum potiùs attrahunt, quàm exasperent. Sed jam sentio me longiùs esse provecum.

*Qua sit  
probabili-  
or terra  
fremitu-  
um causa.*

*Simp.* Cætera quidem assentior; id unum vix concessero, terram ab aère, vel incluso halitu tantâ vi concuti, ut montes etiam subsidere, valles assurgere, novas insulas emergere, alias absorberi videamus. Nec conclusus aër tantas strages edere; neque ita coerceri potest, quin faciliè prorumpat. Præterea, quomodo halitus ille terræ concava subbit, an fortasse per patentes meatus? Quid igitur obstat quominus per eadem spiracula revertatur. An potiùs in ipsis terræ penetrabilibus spiritus procreatur, cumque nullum habeat exitum, necesse est ut magnas terræ moles disjiciat. Nam ubi crepta est discedendi facultas, & undique obstititur, tunc

— — — *magno cum murmure montis  
Circum claustra fremit.*

Jam cedo quid istum spiritum resolvit; quæ causa illius incendii, nisi ignis subterraneus, ex quo terræ fremitus proficiscitur, non ex aère intercluso, cui tantum non licet ut latè fusas provincias concutiat, montes atque urbes integras solo æquet. Hinc nusquam frequentiores sunt terræ motus, quàm in locis, quæ therinis, vel balneis tepent, ut in Campaniâ & Siciliâ, ubi montes sunt ignivomi. Sæpe priùs terra tremit, quàm ignes illos evomat. Aquæ putcorum ante fremitum terræ, sulphureo halitu inficiuntur; quòd spiritus illi motores sulphurei sint, ac nitrosi. Quare loca maritima his motibus plurimùm sunt obnoxia, quòd ibi aqua meatus & venas excavare soleat, ac ve-

luti

luti cuniculos agere. Quòd si crebriores & apertiores sint meatus, tum spiritus accensus faciliè exitum sibi parat. Hinc Delos, quòd cavitibus rupibus imposita sit, non tremit. Ægyptus è contra, quòd nullos habeat patentes meatus, vix quatitur. Addit Fromundus Flandricas insulas, quæ Tercera dicuntur, serè quotannis tremere; tumque vicinus aer veluti flagrans apparet, quòd ignis sit hujus tremoris causa. Sæpe altissimè defossus latet; unde & magnas regiones exagitat, quæ eidem cavernæ centro telluris propiori, atque adeò arctiori, tanquam eidem fornici incumbunt; sive id accidat ob nexum unius terræ cum alterâ; vel quia halitus sulphureus, per cæcos meatus diffunditur, & instar fulminis discurrit. Quid enim, ut optimè Plinius, aliud est in terrâ tremor, quàm in nube tonitruum. Nam mugitum edit huc & illuc discurrentem; atque in terrâ fremitu solet

*Sub pedibus mugire solum, & jugâ celsâ moveri.*

Quòd spiritus terræ motor per aspera cavernarum sese verset; cumque ad dura corpora alliditur, tum sonitum edit, ululatu similiorem quàm tonitruum bombo. Jam ignes accensos per venas subterraneas instar aquarum longius serpere, satis verisimile est. Hinc Petrus Gassendus in vitâ Peireskii, refert eodem tempore incendium in Semo Æthiopum monte, quo Vesuvianum in Campaniâ circa annum 1633. contigisse; ita ut Vesuvius cum Æthnâ, hic cum Syriâ, quæ cum Arabia felice, ista demùm cum Semo monte communicet. Sive series quædam incurvatarum rupium canales faciant, sive ipsi ignes in rimas subeuntes, vias sibi aperiant, & canales creent; nam visi sunt montes eruptione ignium creari, ut Puteolanus, quem modernum vocant, anno 1538. Sic Therasia insula inter Cycladas, circa Senecæ tempora emerfit. Nonnunquam terræ motu flumina siccantur, nova succrescunt; quòd lapsu terræ, vel meatus obstruantur, vel novi aperiantur. Tempore Vesuviani incendii litus Neapolitanum aliquantisper resiccatus fuit, ut idem Gassendus commemorat, revomente interrim monte absorptas hiatibus aquas, sed admissâ materiâ combustibili ignescentes. Longior sim, si omnes terræ motuum differentias, & effectus velim persequi. Septem illius species Damascenus enumerat; duarum duntaxat meminit Aristoteles, pulsus & tremoris, quibus addit Seneca inclinationem.

Cùm exhalatio sulphurea & accensa cavernæ fornici sursùm ejaculatur: adeò ut instar arteriæ erigatur, ac subsidat; pulsus est, *Varia terra motu quo terra succutitur, hunc alii rhestem, seu effractorem vocant, genera.*  
Cùm autem latera cavernæ, quæ spiritum captivum retinet, alternatim & celeriter vibrantur, tremor est, qui inclinata citò resituit. Sed ubi

non ita libratur hinc, atque inde terra, ut suis locis celeriter reddatur; inclinatio est ædificiis pernicioſa: nam parietes, & tecta extræ fundamenti perpendicularum ſuſpenſa collabuntur. In tremore aliquando juga montium videntur concurrere, mox diſcedere, & quaſi arietare, quòd exhalatio fremens unam terræ partem attollat, quæ ſuo pondere relapſa mox vibratur. Tanta motuum varietas non aliunde oritur, quàm ex diverſâ cavernarum conformatione. Spiritus enim magnâ cavernâ inclufus, illius latera concutit & graviorem edit ſonum: ubi oblongâ, & arctâ coërcetur, tum incumbentem terram elevat, ac deprimit. Tremor minùs nocet, quia ſpiritus in multas partes diſtrahitur: ſed ubi in unam nititur partem, tum maximum periculum creat. Arietatio rarò montes loco movet: tum videtur accidere, cùm terra ex tranſverſo contrariis motibus agitur. Inclinationo verò eſt longè periculoſior, quando terra in latera nutat navigii more. Niſi enim celeriter ex alterâ parte properet motus, qui inclinata reſtituat, ruina ſequitur. Quando ventus per anguſtos meatus eluſciatur, furum terram movet, quæ ubi ſolida eſt, & fortiter reſiſtit, nullum eſt periculum; ſecùs ſi mollis ſit, & rara: tum enim novus ſubinde collis aſſurgit. Quòd ſi cavernæ intùs ſint ampliores, tum urbes integræ abſorbentur, nullo ſui veſtigio relicto. Nonnunquam accidit, ut ſpiritus in vorticem actus terræ loca commutet, quod ultimo Neronis anno contigiffe refert Plinius. Omitto quòd terræ motus plerumque peſtes & morbi ſequuntur: exhalationes quippe venenatas in terræ abditiſ latere ſciunt, qui in ſodinis profundioribus laborant: nam omnes ſerè phthiſi & juvenes moriuntur; neque ultra quatuor horas poſſunt ibi commorari, quin ſurſum identidem aſcendant & puriorem auram ducant. Verùm unde tantæ vires huic exhalationi ſulphuræ accedunt, ut montes dejiciat, novas inſulas erigat? Numquid ad cuniculos conſugiam, quibus propugnacula in ſublime abripiuntur, nec mœnia modò, ſed etiam impoſitæ rupes exſcinduntur? eadem profeſſò, ut mihi videtur, eſt terræ motuum, & cuniculorum, & fulminum cauſa, accenſa nimirum materia, quæ amplius clauſtris arceatur. Unde quæſo te, tantus in pulvere pyrio impetus, niſi quòd ſingula hujus pulveris grana accenſa, dilatantur? Globum plano impoſitum, vel levi ictu percutit, is tardiſſimo quidem progredietur motu, ſed novos ſubinde ietus imprime; motus itidem augebitur, ac tandem velociſſimus evadet. Hinc enim, ut aliàs monuimus, corpora gravia motum ſuum accelerant, quòd novi velocitatis gradus continenter accreſcant; ſic pueri tantâ vi per tabos vi-

treos



treos pisa levi flatu jaculantur, eoque longius, quo longiores sunt tubi; quamdiu enim status perseverat, novi ictus accedunt, qui productum augent impetum. Non dissimili ratione tormenta bellica globos bombardiles eo fortius explodunt, quo sunt longiora. Neque enim in momento temporis pulvis pyrius accenditur, sed successione quâdam, licet imperceptibili, unde & flamma reluctanti globo novas subinde plagas inurit. Nec globum modò emittit, sed & bombardæ fundum concutit: nam ex utraque parte quærit exitum. Nitrum quidem instar follis sulphur incendit, atque inflammationem promovet, quam admixtus carbo remoratur, nec citius quam par sit, accendatur. Quare in majoribus tormentis major itidem carbonum portio admiscetur. Huc adde ignem sese in orbem dilatare, ut videre est in bullis, quas in aquâ, lacte, & aliis viscidis liquoribus conclusus ignis effingit. Cum igitur pulvis pyrius incenditur, innumerabiles ejusmodi bullæ repente formantur; singularum quidem impetus meritò contemni potest, at simul junctæ vel solidiora effringunt corpora. Nam ut scitè monet nobilissimus juxta & doctissimus Digbæus, solida quæque citius franguntur, si repentino impetu, tempusque cedendi minimè permittente, verberentur. Vis itaque illa pulveris incensi in multitudine ignitarum partium, & motus celeritate consistit.

Ququam vereor ne nimius in hoc genere videar, dicam ta-  
men illum subterraneum effetricem esse causam non modò terræ mo-  
tuum, sed omnium ferè, quæ in terrâ gignuntur. Imò, si credimus  
Agricolæ, vapores, fumi, atque exhalationes non à Solis calore, sed  
ab igne, quo terræ ardent viscera, evchuntur. Neque enim radii so-  
lares ultra decem pedum altitudinem penetrant; neque hinc omnes  
venti, imbres, atque alia meteora proficisci possunt. An mediâ hieme  
calor Solis tantam vaporum copiam attollit? Non tamen is sum, qui  
putem Solis radios vapores, atque halitus Meteoris gignendis, non re-  
solvere; cum vere, & autumnò, copiosior imber decadat, quòd tum  
temporis multos vapores Sol evchat, quos temperatus calor dissipare  
non potest. Imò tot nebulæ è locis humidioribus sublatæ; ros matu-  
tinus; perennes pluvix, quæ cum Sol æquinoctia obtinet, in zonâ  
torridâ uberrimæ delabuntur, non aliunde quàm à Solis calore oriun-  
tur. An ubique ignis subterraneus latet? habent hæc sanè & bene  
longam, & satis litigiosam disputationem. Quid enim? Sol quidem è  
sumâ tellure multos halitus efferat, longè tamen plures ignis subterra-  
neus attollat necesse est. Hinc cum repente mare intumescit, ac mediâ  
hieme crassi vapores attolluntur, vel in zonis frigidis copiosus imber  
decidit; probabilius existimo calorem subterraneum esse horum cau-  
sam

*Detripar-  
tia terra  
divisione.*

fam principem, quàm Solem ipsum, cujus lumen tam altè non pervadit. Neque tamen omninò accedo Morini sententiæ, quâ terram, uti aërem in tres regiones dispertitur; prima alternis friget & calet; hieme calida, æstate frigidior, usque ad 400. hexapedas, vel orgyas patet: hanc excipit secunda regio, quam semper fervere ipse expertus est in fodinis Hungaricis. Tertiam centro mundi proximam jugi frigore algere conjicit; quemadmodum media aëris regio perpetuò frigida est, ac suprema & cælo finitima semper calet. Sed de his nihil certi constare potest. Imò ignem in centro terræ accensum existere, quo damnati torqueantur, longè est verissimum. Quod verò putat mediam telluris regionem à radiis solaribus eò reflexis, calorem suum mutuari; nescio an cuiquam persuadeat? An tanta profunditas corporis opacissimi radiis solaribus pervia esse poterit? Vix calor à Sole productus ultra decem pedum altitudinem diffunditur, & radii in rectas lineas porrecti tam altè pervadent? Sed fumi, inquit, & exhalationes è terræ penetralibus evchuntur, quantò magis radii luminosi longè subtiliores terram porosam, & foraminulis undique perviam irreflexi subibunt? Est dissimile totum. Nam fumus per anfractuosa meatus paulatim sese insinuat; nec mirum si tantas perrunipat moles; non item radius Solis, qui rectitudinem suam pertinaciter tuetur, atque ex ocurso opaci corporis statim resilit. Non ibo tamen inficias mediam terræ regionem jugi æstu fervere: adeò ut qui in fodinis laborant, vel in mediis aquis nudi anhelent. Jam unde ille calor? non certè à radiis solaribus, sed ab igne subterraneo diinatat, vel saltem à spiritibus, quos venæ sulphuris, bituminis, aut vitrioli jugiter exhalant. Sed de his jam nimis. Nam quæ perspicua sunt, longa esse non debent. Nunc prolixiorum de fontium, & thermarum origine, maris falsedine, atque æstu reciproco disputationem ingrediamur.



## CAPUT SECUNDUM.

De fontium & thermarum origine, Oceani  
æstu, & maris fælsedine.

- I. Fontium originem ex calore subterraneo potissimum duci. II. De  
qualitatibus, effectibus, & examine thermarum, nec non de variis  
aquarum tum simplicium, tum medicatarum differentiis agitur.  
III. De æstu maris reciproco diversa expenduntur sententiæ, &  
probabiles conjecturæ adferuntur. IV. De maris fælsedine quid  
nobis videatur, brevissimè proponitur.

Theophilus.



Hætor equidem cum Empedocle ignes multis locis  
terrâ opertos tegi, quibus aquæ præterfluentes inca-  
lescunt; atque hinc thermarum originem deduci non  
infcior. Neque enim iis possum accedere, qui aquas  
allisione ad rupes subterraneas, vel vehementi motu  
tantum caloris contrahere; vel istum fervorem à ra-  
diis solaribus proficisci arbitrantur. Radii solares, ut jam subinde di-  
ximus, non eo usque penetrant; neque agitatio ulla intensum calo-  
rem aquæ impertitur: cum in locis subterraneis, teste Agricolâ, frigi-  
das aquas præcípites ruere experiantur metallarii. Quid igitur re-  
stat, nisi ut ille calor ex igne subterraneo dimanet? Verùm, inquiunt,  
nihil necesse est, ignem accensum in terræ penetralibus conclusum.  
fingeri; cum satis sit ibi cæcum, & potentialem ignem, qualis in sul-  
phure, & bitumine plurimus inest, agnoscere? nam omnes ferè a-  
quæ tepentes, sulphur, aut bitumen redolent. Sed tamen nec bitu-  
men, nec sulphur, neque alia substantia, si calcem exceperis, poten-  
tiâ solum calida, etiamsi vitriolo, halinitro, aliisque hujusmodi mine-  
ralibus turgescat, aquam tractam calefacit.

*Men.* Age nunc, dic nobis quod illius ignis subterranei jure pa-  
bulum esse possit, unde tantus scateat sulphuris aut bituminis proven-  
tus, ubi potissimum æterni illi ignes ardent: an ipsis canalibus, & alia ob-  
terræ venis, unâ cum aquâ præterlabente continentur? Mirum si a-  
qua eos non possit extinguere. An extrinsecus tantum venas & re-  
ceptacula aquarum calefaciunt? Quid igitur est causæ, cur illos ca-  
nales tandem non disrumpant?

*Th.*

Resp.

*Th.* Quòd si, ut convenire debet inter nos, calidi fontes, & balnea sulphur aut bitumen plerumque sapiant, atque in locis flammivomis thermæ sint frequentiores; dubitari minimè potest, vel subiecto, vel circumposito, vel demum concluso igne aquas fervere. Nihil horum omnium absurdum erit, quodcunque statuerimus. Nam & bitumen accensum aqua non extinguit; in agro Parmensi thermarum aqua, quòd bitumine & naphthâ abundet, ignem ultro ad se rapit, nec facilè extinguitur. Cùm fontes calidi bituminis, vel sulphuris odore imbuuntur, haud dubium est, quin hæc ignis pabula cum aquâ labantur. Quòd si nullum aquæ odorem spirent, per varios anfractus ac mæandros ductæ, extrinseco duntaxat & circumjecto igne incalescunt; qui quidem calor diutius durat. Nec canales, per quos aqua dilabitur, dirumpit: fors enim est ut eorum materia adversus ignem sit contumacior, vel aquæ frigus ignis calorem retundat. Quæris unde tanta sulphuris, aut bituminis copia? Novum fortasse sibi alimentum ignis continenter rapit; aut potius novum semper gignitur. Nam & Carbones fossiles; & metalla ipsa post aliquot annorum volumina reparari novimus. Profectò rem ita se habere testantur montes, qui flammam eructant; nec tamdiu ignis perseveraret, nisi novum subinde alimentum ad se traheret. Negant citra ignem actuale (ut loquuntur) aquas fervere. Sed calcem aquâ persusam incalescere, fugit neminem. Oleum tartari aquæ stygiæ infusum; butyrum antimonii frigidâ aspersum, ebulliunt: cur non simile quiddam in thermis possit contingere? Si Cardano credimus, ex sulphure, bitumine, & calce sit quædam mixtura, quæ spūto accenditur.

*Simp.* Est ita ut dicis: nec thermarum modò, sed etiam omnium ferè fontium origo, ex illo subterraneo calore ducitur. Quid enim aquam è terræ penetralibus, in illius superficiem, vel in montium cacumina possit attollere, quàm calor subterraneus, de quo tam multa diximus? Non equidem dubito quin fontes, qui ad radices montium scaturiant, ex collectis pluviarum, vel nivium aquis per tubulos, & rimas dilabentibus plerumque oriantur, ii maximè quos æstate exsiccari videmus: sed alii sunt innumerabiles, qui & continenter fluunt, atque in montium jugis scatent, quos solus calor illuc evexit. Hinc metallarii ultra fontium capita, nihil quàm terram humidam, vel rupes rore madidas offendunt; adeò ut post longos & tortuosos anfractus, aquarum guttulæ sensim colligantur, ut plenior venâ fluant. Nihil igitur necesse est ad vim terræ emulgentem, & attracticem confugere; vel cælestes influxus, cum Connimbricensibus obtendere; vel cum Bodino aquam maris longè terrâ altiorem fingere, quæ idcirco

ad

ad suæ originis altitudinem contendat : vel cum Valesio ad æstus maris recurrere. Multò minùs credibile est aquam elidi à terrâ comprimente, ut Scaliger autumat. Quid enim minùs verisimile dici potest, quàm astra vi quâdam occultâ hîc potius quàm alibi aquas attollere ? Virtus quoque illa magnetica, & quasi suctoria, si quæ sit, eadem ubique existit. Nec concedimus Bodino, aquam maris esse terræ superficie elatiorem ; ne dum montium juga æquabit, cum ipsis litibus sit humilior. Non clam me est, *omnia flumina intrare in mare*, ut clamat Ecclesiastes, & *mare non redundare ; ad eum locum, unde exeunt reverti, ut iterum fluant*, hocque Spiritus sancti oraculum principii loco nobis statuendum est. An fortè aqua maris in vapores, extenuata colligitur in pluvias, ex quibus omnium fontium origo repetitur ? Unde ergo fontes, qui in rupibus, & in ipsis montium jugis continenter fluunt ? Nulla est pluvia tam magna, inquit Seneca, quæ terram ultra decem pedes in altitudinem madefaciat : omnis humor intra primam crustam consumitur, nec in inferiora descendit. Quidam fluvii è saxis & rupibus toto anno fluunt, quos pluvix, atque imbres non implent. Quocirca si flumina è mari exeunt, necesse est id per venas subterraneas, longo quidem circuitu perfici : sunt enim duo velut omnium fontium & fluminum capita ; Pluvix deorsum delabentes, atque aqua in terræ penetralibus restagnans ; quæ in locis etiam siccissimis, vel ultra quingentas orgyas occurrit, & vi caloris subterranei, per laxiores venas, vaporis specie sursum effertur, & quasi in alembici capite concrefcit : hinc Jacob benedixit Joseph, *Benedictionibus cæli desuper* (propter pluvias, quas opportuno tempore effundit) & *benedictionibus abyssi jacentis deorsum*. Non igitur ut optimè colligit Seneca, pluvialis aqua vastissima flumina à fonte statim magnis apta navigiis replet, cum per hiemem æstatemque par sit à capite dejectus. Pluvia potest facere torrentem, non potest autem fluvium æquali inter suas ripas tenore labentem. Nec difficile erit ipsum Aristotelem in hanc sententiam trahere : quod enim aëra terræ visceribus contentum in aquam densari putat ; id fortè non de ipso aëre, qui tot fontium laticibus non sufficeret, sed de vapore intelligi par est. Vapores autem vi caloris, quo media telluris regio semper æstuat, sublati per terræ meatus, facîle conscendunt : cum per ipsum aërem liquidum & semper mobilem usque ad nubes efferantur. Siquidem in terrâ meatus angusti sunt, qui sursum eluctantes halitus meliùs sustinent, nec relabi sinunt. Ubi in summâ tellure præ frigore densantur, fontes aperiunt. Ne illud quidem Aristoteli concedam, aërem in aquam & vicissim aquam in aërem facessere. Omnium, inquit

Seneca, elementorum alterni recursus sunt. Quidquid alteri perit, in alterum transit, & natura partes suas velut in ponderibus constitutas examinat, ne portionum æquitate turbatâ, mundus præponderet. Hæc quidem magnificè dicuntur; sed nego elementa in se invicem commicare, id jam aliàs falsum esse conclusimus. Quotò igitur proclivius est apertos sub terrâ meatus agnoscere, per quos mare tantum reddat, quantum illi fluminum illapsu accedit: ita ut aqua in terrâ venis, non aliter ac sanguis in corpore nostro jugiter fluat & refluat; nihil enim deficit quod in se redit. Miramur, inquit Stoicæ Philosophiæ princeps, quòd accessionem fluminum maria non sentiant: æquè mirandum est, quòd detrimenta exeuntium aqua non sentit. Occulto enim itinere subit terras, & palàm venit, secretò revertitur; colaturque in transitu mare, quod per multiplices anfractus terrarum verberatum, amaritudinem ponit.

*Men.* His equidem vehementer assentior, quòd rationi, ac principiis nostris consentanea prorsus videantur. Cum enim partes aquæ sint flexiles & lubricæ, non ægrè in vapores explicantur, & subeunt angustissimos terræ meatus. Contrà salis particulæ rigidæ cum sint & duræ, in altum evehi, vel terræ poros transire non possunt; nam proprio pondere relabuntur. Itaque particulæ, ex quibus aqua constat, vehementius vi caloris motæ, atque ab invicem disjunctæ, usque ad montium juga conscendunt. Unde aquileges, qui aquarum latices scrutantur, ante Solis exortum observant, an tenuis vapor è terrâ assurgat. Cum enim oculis terram radentibus, tremulos vapores, vel nebulam incumbentem conspexerint, ibi fontem delitescere non dubitant. Alia sunt latentis venæ argumenta, quæ Vitruvius perstringit, lana defossa, vel linteum noctu extensum manè factum madidius; ros uberior; tussilago, & aliæ luxuriantes herbæ, quæ loca humidiora amant: maximè si earum viror magis in nigrum colorem degeneret; solum minùs firmum ac stabile; vel tenue murmur, quod aure propius admotâ percipitur. De aquarum origine hætenus. Nunc de fontium miraculis nihil attinet dicere; pleraque enim sunt vanitatis plena.

Novimus quosdam fontes æstu reciproco agitari, quòd cum mari per occultos meatus communicent. Alii citra ullum ordinem æstuant, ut in Sabaudia nonnulli: quòd nunc major, nunc minor vaporum copia sursum evehatur. Interim puteorum aqua, vel fontium salina invenitur; sive aqua maris per patentès rimas subeat; nec rigidas salis particulas exuat; seu potius salis mineræ delitescant, quas præterfluens aqua exsoluit. Hinc omnium fontium, qui medicati vocantur,

*Qua sint  
latentis a-  
qua indi-  
cia.*



tur, una est origo; succis quippe mineralibus aqua præterlabens im-  
buitur. Solent verò aquæ medicatæ vel qualitatibus, vel effectis di-  
gnosci. Aluminis, sulphuris, vel lapidis calcarii admistio colore la-  
ro rubiginem contrahunt, sapor etiam, & odor alieni corporis misti-  
onem produunt. Aluminosæ adstringunt, dentes obtundunt, & conge-  
lant; nitrosæ amarum saporem præ se ferunt. Atramentum futurium,  
seu vitriolum aquas nigro colore tingit, atque iis saporem acriorem  
communicat. Multis in locis acidæ inveniuntur, ut in Bohemiâ pro-  
pe aquas Carolinas, quæ ebulliunt, nec calent tamen, hinc stultæ &  
furiosæ vocitantur, fors est ut hanc aciditatem ex vitriolo mutuen-  
tur. Quanquam Cæsalpinus existimet acidulas, quales sunt Aretii,  
ex subtilissimâ bituminis substantiâ hunc saporem trahere; quod in  
alveo lapides inveniantur bituminosi: nihilominus tamen bitumen  
instar olei aquæ solet innatare. Hinc fontes petrosi ex subtilissimâ  
bituminis portione scaturiunt. Mirum sanè, quod cum eadem ferè sit  
sulphuris & bituminis natura, nunquam tamen sulphur, specie olei  
aquis medicatis superfusum extat. An fortè sulphuri multum inest  
salis volatilis, bitumen verò sale fixo abundat; quare illud in oleum  
non distillatur, sed concresecit in flores. Bituminis verò sal in fundo  
fixum remanet, purissima pars in oleum abit. Hoc etiam discrimini-  
inter aquam simplicem & medicatam intercedit, quod illa sit pura, per-  
spicua, levis, subtilis, nullo colore tincta, nullum odorem spiret, nul-  
lum saporem præferat. Contrà aquæ medicatæ plerumque sunt gra-  
ves, nec omnis saporis expertes, maximè, cum salibus imprægnan-  
tur; multum fortent, si bitumine, vel sulphure inficiantur: crassiores  
sunt, quæ salium aliqua genera recipere, quam quæ succos combu-  
stibiles admiserunt; sed hæ plerumque fervent, & thermarum vel bal-  
neorum nomine insigniuntur. Sæpe evenit, ut aquæ medicatæ non  
sint aquis simplicibus graviore, nec distillatæ ullum exhibeant mi-  
nerale, ex quo virtus earum dimanet; limus aliquando restat distil-  
latione peractâ, sed omnis virtutis expers. Quare probabile est,  
tantas vires non in mineralium corporibus, sed in spiritu volatili  
esse constitutas. Hinc ubi aquæ diutius Soli exponuntur, vir-  
tus earum plerumque evanescit. Aquæ omnes ardentes, ut jam dixi-  
mus, ex sulphure, & bitumine prodeunt: nam ignis subterraneus  
quandiu terræ visceribus intercluditur, flammam non concipit; quod  
flamma perseverare diu non possit, nisi libero fruatur aëre, ut fumos  
expellat, & quod maximè affectat, dilatetur. Sed ubi liberum na-  
tus est aërem, speciem flammæ præbet. Refert Agricola quem-

*Cur sul-  
phur in-  
star bitu-  
minis a-  
quis non  
innatet.*

*De ther-  
ma.*



habentur. Sulphureæ superfluas humiditates exsiccant, ventriculum solvunt; sed balnearum usus tutior existit; nervos enim exsiccatos emollit, dolores mitigat; articulare morbum, scabiem, vitiliginem, seu maculas cuti insperlas curat. Intus potæ, hepatis, ventriculi, & bituminis dolores sanant, tumores resolvunt. Balnea ex bituminosis aminosa, quæ parata, nervis frigore penè enectis, vel exsiccatis profunt: sed caput tentant, oculis nocent. Quæ argenti, plumbi, vel stibii fodinas proluunt, minùs salubres censentur: nam viscera multo humore complent. Quæ cum hydrargyro miscentur, caput multâ pituitâ gravant. Nonnulli fontes alumine & sale temperantur, si sal abundet, ventrem conturbant, intestina non exedunt, siquidem alumen salis vires inhibet. Idem esto iudicium de cæteris aquis cum diversis mineralibus permixtis. Quamobrem quid in uno fonte medicato dominetur ex effectibus rectè conijcimus. Unum vel alterum exemplum proferamus: quasdam reperiri aquas, quæ vini saporem præferant, multi testantur. Cæsalpinus eas esse bituminosas arbitratur, quòd bitumen spirituosam esset substantiam, spiritui vini non dissimilem. Fontem esse in Æthiopiâ, qui colore vinum rubrum referat, & furiosos efficiat, nonnulli perhibent. Haud dubiè hoc aquarum genus bitumine quoque inficitur: nam illius vapor cerebro est insensissimus. Scribit Plinius Albulæ aquas in agro Romano vulnera sanare, ratio obscura non est, multo alumine & sulphure abundat; hinc color lacteus. Aquæ Ciceronianæ in Campaniâ oculis erant salutare, quòd æris mineras præterfluerent. Alias commemorat, quæ sterilitati medebantur, vel infantiâ liberabant; utræque nitrosæ fuere. Quæ partum retinebant, vel cutem vellicabant, cum tamen nervis, stomacho & toti corpori forent salutare, aluminosæ fuerunt; acetosæ erant, quæ quartanam & calculum curabant. Atramentosæ, quæ equos, atque alia animalia atro colore tingebant. Habetis de fontibus medicatis quid sentiam. Perpauca mihi restant de variis aquarum differentiis. Est nonnemo, qui thermarum originem ex sale quodam, quem hermeticum vocitat, deducit; atque aquam hoc sale prægnantem cum sulphure permixtam incallescere existimat, idque ex resolutione ejusmodi aquarum se comperisse ait. Fortè hic sal nitrosus est, ut suo loco dicemus. Ignis verò particulæ in sale coercitæ, ubi humore diluuntur, quasi solutæ erumpunt, & unâ secum humorem in vaporem resolutum abripiunt. Ut evenit in linò vel sæno madido, ubi erumpentes ignitæ atomi incallescunt, idem in calce aquâ perfusâ, vel in misturâ tartari cum vitrioli spiritu videre est.

Varia a-  
quarum  
differen-  
tia.

Quo purior est aqua, eo quoque est salubrior; levitate & perspicuitate eam dijudicari jam diximus; eandem quoque citò efferverescere, ac pristino frigori restitui palàm est: paululum illius aquæ multum vini diluit; nec gelida sit, nec tepida: hæc enim ut plurimum est medicata, non simplex; vel sanè quiddam ab ignis violentiâ passa est. Gelidior verò gravis est, cruditate suâ officit, status generat; diutius quàm par sit, inoratur in visceribus, ibi putrescit atque morbos innumerabiles procreat. Postremò, non commodum est alimenti vehiculum, nec faciliè egeritur: quare illius cruditas est coctione minuenda. E faxis & montium verticibus plerumque frigidiores manant, lutulentæ verò & cænosæ aquæ, quibus terra vel arena mollior substernitur, viscera obstruunt, febres intermittentes procreant, nam humores ventilatione prohibitâ brevi putrescunt. Quocirca hujusmodi aquæ crebrò ex uno vase in alterum sunt transferendæ, ut crassiorem deponant limum. Meritò laudat Hippocrates eos fontes, qui Orientem spectant; crudiores sunt, qui ad Septentrionem obvertuntur. Aqua pluvialis, cum levis sit & perspicua, atque ipsius naturæ artificio jam distillata, omnibus videtur anteponehda: nisi fortè terrenis exhalationibus inquinetur. Hinc cisternarum aquæ nisi cessarent, optimæ judicarentur. Paludes & lacus aquam præbent minimè salutarem; nam partes subtiliores Sol evellit, crassiores remanent. Hinc viscera obstruunt, & morborum illiades procreant. Cum jecur, vel emulgentes venas occludunt, hydropem; ubi venas, quæ alimentum perferunt, maciem inducunt. Si lienem indurant; adeò ut atram bilem non valeat ampliùs attrahere, quot morbi inde succrescunt? hinc quartanæ & aliæ febres oriuntur: hinc mania, ubi atra bilis sublata cerebrum petit; quæ cum ad ima delabitur, hæmorrhoides suâ acrimoniâ, & varices, seu tumentes venas suâ impuritate efficit. Aqua fontana, quæ liberiore fruitur cœlo, longè salubrior est, quàm putealis; istam enim nunquam aura liberior verberat. Hæc tamen eo minus nocet, quo sæpius extrahitur: aqua enim hoc pejor, quo senior.

De aqua-  
rum exa-  
mine.

Jam non explico quibus artibus aquæ explorentur. Saxorum aut venarum inspicienda natura est; quid in fundo castellorum subsidat, quid concreascit in fistulis considerandum: leni calore sunt excoquendæ: vel potiùs æstivo Soli exponendæ: Sol quippe quicquid salis, vel nitri, vel aluminis inest, condensat; quod sulphureum latet, illustrius reddit. Nec faciliè per distillationem mistio deprehenditur; tenuis enim substantia unà cum humore aqueo evolat: sed cum radiis solaribus exsiccat aqua, tum partes tenuiores vario colore se pro-

produnt; crassiores verò ignis subjiuntur examini: quod enim aquæ deponunt, certam milionem indicat. Verùm hæc prætereo, ne in re notâ & pervulgatâ multus, & insolens sim. Sed neque id suscepi, ut omnium, quæ circa fontium & fluminum naturas observantur, rationes aperiâ. Quis enim explicare possit, cur flumen illud Syriæ, cunctus meminit Josephus, septimo quoque die cessaret; unde & Sabbaticum à Judæis dictum fuit? Cur fontes quidam senis horis pleni, senisque sicci appareant? Hunc quidem nodum solvit Seneca more suo, hoc est, gravissimis sententiis, & verbis illustribus. Quemadmodum, inquit, quartana ad horam venit; quemadmodum podagra ad tempus respondet; quemadmodum præsto est ad mensem suum partus; sic aquæ intervalla habent, quibus se retrahant, & quibus redeant. Et quid hoc mirum est, cum videas ordinem rerum, & naturam per constituta procedere? Hiems nunquam aberravit; æstas suo tempore incaluit. Sunt & sub terra minùs nota nobis jura naturæ, sed non minùs certa. Crede infra, quicquid vides supra.

*Men.* Fateor equidem hæc omnia dicta esse præclarè, ac licet eandem omnibus ferè naturæ miraculis causam reddere. Nam ut de æstu maris reciproco, qui omnium Philosophorum mentes adeò exerceat, dicere incipiam; nonne eodem penè modo bis de die intumescit mare, ac videmus febres per certa intervalla recurrere. Quæcunque sit illa causa, tum febris, tum æstus maris; utriusque certè similes sunt paroxysmi, sive ex accenso fomite, seu ex fermentatione quâdam oriantur. Omnis enim fermentatio spiritu & sale perficitur. Jam alio loco, optime Simplici, exundationem Nili ex hac causâ dixisti, secutus illustris Archiatri sententiam. Quid igitur, eidem causæ similem effectum non reddemus? Egyptii ex limi nitrosi pondere, *De Nili exundatione.* quanta futura sit Nili inundatio prælagiunt. Quantum verò crevit Nilus, tantum spei in annum est (ut loquitur Stoicus noster.) Is arenoso & sitienti solo, & aquam inducit, & terram: illato enim limo crenas saturat, ac jungit. Nusquam alibi uberius nitri copia reperitur; nec quicquam feracius est nitro, in quo, ut placet chymicis, spiritus terræ vitalis delitescit. Verùm de Nili incremento nihil pugno: atque ultrò communi sententiæ accedo, Nilum circa 27. Junii intumescere ex niyibus, quas Sol in Atlantis jugis liquefecit, ubi ad principium Cancris pervenit. Sic fluvius Niger, qui inter æquatorem & tropicum Cancris sese in Oceanum exonerat, iisdem de causis, atque eodem tempore exundat. Accedunt etiam imbres, qui circa Nili fontes, prope Lunæ montem, ultra tropicum Capricorni copiosissimi decidunt, cum Sol in Ariete, Tauro & Geminis commoratur: neque

illæ ex imbribus aquæ, quas Nilus volvit, tanta locorum spatia, emetiri queunt, nisi post longa temporum intervallo. Nam duo lacus, ex quibus originem suam Nilus ducit, quos vocant Zatham, & Zemram, ab ostiis ejus fluminis ferè 4000. milliaribus distant; ex altitudine verò incrementi, futura terræ fecunditas portenditur, quòd multum limi, & nitri longo decursu secum trahat. Si ultra 20. pedes non asfurgat, argumentum erit magnæ sterilitatis: quòd si ad 22. aut 23. pervenerit, non mediocris futura est fertilitas: sed si usque ad 24. intumescat, futuram pestem conjiciunt, quòd restagnans aqua corrumpat aërem. Quadraginta diebus crescit, totidemque decrescit: sed nimis secus evado. Redeo igitur ad æstum maris. Illum adeò ex quâdam fermentatione oriri mihi persuadeo: sed unde illud fermentum? an quòd accessu Lunæ multo spiritu mare turgescat, quo consumpto detumescit? Ille verò spiritus excitatur, cum Luna circulum meridianum attingit, ubi directis radiis mare verberat. An potiùs ad subterraneos ignes iterum confugiemus: adeò ut bitumen accensum, ut salsedinem, sic motum mari imprimat? Verùm æstus maris constantiores causas exigit, nec suspendi potest à spiritu, vel incendio, quorum causæ adeò sunt instabiles & lubricæ. Quæ fieri potest ut terrestres halitus tantas aquarum moles attollat? nec vapores sub aquâ evehantur, sine magno navium discrimine. Quid ergo futurum, cum pleno agmine totum mare exagitant, quantum incendium requiritur, ut Oceanus exæstuet? an fortè rarefcit mare, cum tumet? Non poterit ergo naves onerarias sustinere; vel certè multò altius quàm antè deprimentur. Quis concipiat tantam spirituum copiam, tam citò consumi? quid aquas poterit rarefacere, nisi calor? Quantò igitur maior æstus futurus est in zonâ torridâ, quàm in utrâque temperatâ? atqui nullus ferè percipitur sub æquatore: quin etiam Sol potiùs quàm Luna æstuum causa existet: nam illius calor longè est maximus, si cum lunari conferatur. Postremò, cur mare Caspium, cur Mediterraneum fluxus & refluxus nesciunt? an desunt spiritus motores? an Luna iis non dominatur? Circumscriptis ergo his sententiis, quid verissimile afferri queat, paulò attentius intueamur. Ac primum illud longè verissimum mihi videtur, Lunam æstus maris temperare: nam simul atque Luna horizontem attingit, paulatim intumescit mare: cum illa ad meridianum pervenit, tum Oceanus incipit refluerè: donec Lunâ ad occasum vergente, iterum fluat; tandem ubi ad Meridianum Antichthonum descenderit, tum aquas retrahit; ac singulis diebus æstus, ut Luna 48. minuta, seu  $\frac{1}{4}$  unius horæ tardius recurrit. Mirum si æstus reciprocus cum lunari motu adeò sit colligatus,

*De æstu  
maris re-  
ciproco di-  
versa opi-  
niones.  
1. opinio.*

2.

*Refellun-  
tur.*

3. opinio.



tus, & confertus, nec tamen ab illo, ut effectus à causâ dependeat. Cum videmus umbras ad motum Solis loca commutare, illas à Sole projici non dubitamus. Cum igitur fluxus maris Lunæ motum tam religiosè consequatur, quo jure illius effectum esse negabimus? Verum non facilè occurrit, quâ ratione, quoque modo Luna motus maritimos possit moderari. An mare vi quadam magneticâ à corpore lutinari attollitur? at quantò fortius intumescet inter tropicos, quam propè utrumque polum: nam illic Luna radiis directis, & confertis, mare percutit; quare longè altius aquas attollet, nec patietur ut verum mundi cardines refluant. Sed tamen contrarium experimur: maximi enim sunt æstus propè polos, minimi inter utrumque tropicum contingunt. Fors est ut ex Lunæ maculis effluvium quoddam corpusculorum in mare defluat, idque ab ortu in occasum protrudat; hoc quidem in principio tardiùs ascendet, quòd extrario motui magis resistat, sed sensim aucto impetu, motus quoque maris intenditur; donec præ majori resistentiâ tandem languescat, ac per declive mare refluat. Itaque in pleniluniis majores futuri sunt æstus, quòd facies Lunæ telluri obversa, atque à Sole collustrata majorem humoris copiam affundat. In quadraturis verò æstus erunt minimi, quòd valdè oblique Sol Lunam, ac Luna terram aspiciat; perparum adeò humoris à Luna in mare defluit. Sed cur majores æstus in noviluniis, quam cum Luna dimidio orbe luceat? an quòd interlunio Sol Lunæ proximus humorem resolvat uberiorem. Hinc sub æquinoctia æstus in pleniluniis, & noviluniis sunt maximi, quòd tum Sol, tum Luna in æquatore versentur; atque adeò Sol fortius agit in hemisphærium Lunæ nobis obversum. Sed cur senis horis mare fluit, atque eodem spatio refluit, constanti & indefatigabili lege? quæ vis in istis corpusculis esse potest, quâ Oceani, non Mediterranei maris aquas attollant? an quòd latius pateat Oceanus, & latior aqua faciliùs agitur; sic pondus quò longiori funi appenditur, eo plures & majores edit vibrationes. Hæc quidem subtiliter dicuntur ab amico nostro, ac mare esse veluti inversum funependulum ingeniosè fingit. Quare ob minorem aquæ latitudinem, tum in lacubus, tum in mari interno, nullus ferè æstus contingit. Siquidem aqua faciliùs in lubrico fluit, & quo latius patet, & profundior existit, eo magis agitur. Hinc circa brumale solstitium majores in iis regionibus sunt æstus maritimi, quòd aquæ sunt uberiores. Non possum tamen animum inducere, ut existimem, tam certum & constantem effectum à causâ adeò infirmâ & stabili prodire. Nescio quid illud tenue, quòd sentiri nullo modo, intelligi autem vix potest, ex infinito propè intervallo à corpore lunari profuens,

fluens, tam validè, tam æquabili motu totum Oceanum ciere non potest.

Revertar igitur eò, unde sum progressus, nihil enim probabilius dici posse arbitror, quàm Oceanum præ spiritu nitroso intumescere: non quidem per rarefactionem: nihilo enim rarior sit aqua: sed per motum localem, novarum aquarum accessu. Spiritus vero ille à corpore lunari excitatur: unde citius medium mare, quàm extrema, intumescit. Uno tamen atque eodem tempore ejusdem Oceani diversa litora, quorum unum ad ortum, alterum ad occasum dirigitur, alla-bente æstu proluuntur. Quapropter ut motus omnis animalium à spiritu proficiscitur; sic verisimile est totum Oceanum à spiritu nitroso, quem in se recondit, agitari. Cùm partes universi inter se connexæ sint & colligatæ, nihil mirum si Luna, quæ in res humiditas vim suam potissimum exercet, illos spiritus stimulet, atque æstus maritimos gubernet. Siquidem inferiora à superioribus reguntur. Jam verò quid causæ est cur stagna, fluvii, lacus, internum ipsum mare non fluant ac ressuant? An quòd angustioribus alveis coërcentur? an potius spiritibus motoribus destituuntur? hinc mare Bæthicum minores æstus agitant, quòd magnorum fluminum appulsu illius falsedo retundatur, ac minorem habeat spirituum copiam. Nec omnis humor, sed spirituosus duntaxat, & turgidus Lunæ accessum sentit, quòd majorem, cum Lunæ cognitionem habeat, Ostrea quippe & conchilia, offium & arborum medullæ in pleniluniis turgescunt. Imò ostrea si longissimis terrarum spatiis à mari absint, fluxu Oceani accedente valvas aperiunt. Quid nisi vis quædam occulta Lunæ hæc admonet, ut hiatu valvarum aquam vitalem hauriant? quidni & Luna mare sollicitabit, atque reciproco æstu commovebit? non aliter ac magnes vasi suppositus, ferri ramenta eidem vasi imposita huc atque illuc movet.

*L. ncr, l. 6.*

*Exultare etiam Samothracia ferrea vidi,  
Et ramenta simul ferri furere intus ahenis  
In scaphiis, lapis hic magnes cum subditus esset.*

Hæc, ni fallor, est de fluxu & refluxu maris, eruditissimi Fromondi sententia; nisi quòd, ut falsedinem, sic æstum bitumini; ego nitro potius, quod naturæ flabellum à Chymicis vocitatur, ac totum spirituosum existit,tribuendum esse putem.

*4. opinio  
refutatur.*

*Men.* Jam tua, vide, ne desideretur constantia. Negabas modò aquam maris per æstum rarefcere: quid igitur opus est illo spiritu, quo turgeat? quid causæ est, cur inter tropicos minores sint æstus, quàm versus utrumque mundi cardinem? huc denique omnia redeunt in-

com-

commoda, quibus aliorum opiniones mox premebas. Et quod caput est, cur senis horis fluit mare, atque eodem tempore relabitur? cur Luna sub horizonte depressa non minùs attollit mare, quàm cùm vertici nostro imminet? an rursus ad magnetem vasi suppositum, tantum ad ignorantia azylum te referes? mirum si vis Lunæ magnæ globum telluris pœnetrat. Expecto ut cum Fromondo novum astrum quod Antisilenem, seu Antilunam vocat, quodque oppositum semper Lunæ locum occupet, nobis fabrices. Illud quidem sidus sub visum non cadit, sed ex effectibus colligi posse putat: non enim liquet cur Lunâ sub horizonte depressâ, mare exæstuet, nisi virtute alterius Lunæ iisdem viribus imbutæ attollatur. Hoc scilicet optare est, & svavissimè nugari. Huc atque illuc te verses, mi Theophile, nunquam veram huic effectui causam reddes, quousque terram moveri fatearis. Neque enim aqua naturaliter fluit, nisi per declivia: nec moveri potest, nisi vase, in quo continetur agitato. Id certè præter cæteros perpulerè Galilæus exposuit. Quòd si terra uno & æquabili motu ab occasu in ortum tenderet, aqua quæ huic motui non adeò religiosè obsequitur, in occasum semper resueret. Unde qui sub zonu in occasum, quàm è contrâ ab Americâ in Africam promoventur. Verùm terra duplici motu annuo & diurno circumagitur: cùm igitur ambo illi motus in easdem conspirant partes, necesse est, ut motus ex utroque compositus sit multò celerior: idque semel in die usuvenit; semel item contrarium accidit, atque ambo telluris motus in oppositas partes nituntur: ex duplici illâ inæqualitate Oceanus quasi concussus & agitatus bis de die fluit, resluitque. Jam quis nobis explicet omnia æstus reciproci phænomena: cur circa polos longè sit maximus, sub æquatore vix possit percipi? An fortè idem evenit, quod in vase agitato: nam aqua circa vasis margines altiùs subsultat, quàm in medio? sic maris Mediterranei elationes majores sunt Venetiis quàm Anconæ. Sed cur ipsum mare Mediterraneum non uti Oceanus fluit, ac resluit? An quòd fretum Gaditanum angustius sit, quàm ut tantam aquæ copiam ab Oceano profluentem possit excipere, illique vicissim reddere? Quid demùm est cur æstus maris ad Lunæ motum alligetur? quare in pleniluniis & interluniis existit maximus? cur bis unoquoque die mare æstuat? hæc atque alia id genus innumera Galilæus non expedit: sed Cartesiani hanc mentibus nostris offusam caliginem discutiunt. Terra & Luna in eodem quasi vortice, vel cælo continentur, quod spatio menstruo Luna conficit. Cùm igitur ad meridianum circulum Luna pervenit, tum æther in-

s. Sententia ex telluris motu assummaris deducit.

terjacens inter duorum corporum, terræ nimirum & Lunæ angustias, fluit vehementius: cumque omnia corporibus sint plena, neque ullum inane admittat natura; necesse est ut globus telluris de loco suo dimoveatur, atque in oppositam partem aliquantulum cedat: quod sine ullo negotio perficitur, cum sit in æquilibrio constitutus, atque in medio aëre pensilis, instar funependuli, quod minimo momento huc atque illuc impellitur. Quare æther interfusus inter illas angustias rapidius agitur, & subjectum aëra, necnon mare ipsum vehementius premit, idque versus litora attollit. Jam ubi præ terræ motu diuno longius à nobis abscedit Luna, tumque aër ex iis angustias expeditus, maria non amplius premit, aquæ ultrò relabuntur. Bis unoquoque die æstus recurrit, quod idem terræ punctum motu diurno ad illas cœli angustias bis de die revertatur; primum, cum id Lunæ obvertitur; deinde quando ad locum Lunæ oppositum pervenit; quocirca senis horis mare fluit; senis itidem recedit, atque omnibus sub eodem Meridiano constitutis, eodem prorsus momento æstus contingit. Hic porro singulis diebus, unâ ferè horâ tardius recurrit, quod Luna vigesimam ferè octavam sui orbis partem diem peragret; unde &  $\frac{1}{2}$  unius horæ tardius ad Meridianum accedit. Cum autem lunare cœlum non circularem obtineat figuram, sed ellipticam, vel ovali proximam: ita ut partes Soli obversæ sint angustiores & circa latera laxiores: non mirum, si æstus marini majores sint in pleniluniis, vel interluniis, quàm in quadratis aspectibus. Siquidem illæ majores angustiae majorem quoque aëris pressionem, & maris agitationem efficiunt. Hic contra cum partes cœli sint latiores, corporis lunaris interjectu, minùs aër comprimitur. Sed cur stagna & lacus, mare Internum, Caspium, Pontus, non æstuent? id verò accidit, quod lacuum superficies sint angustiores, nec corporis lunaris objectu pars una magis, quàm altera prematur: neque etiam aquæ ab Oceano per fretum Gaditanum exundantes Mediterraneum mare replere possunt. His ita constitutis aliò si vobis videtur pergamus.

*Simp.* Nondum confecta res est, neque ad exitum perducta questio. Nam videris ea sumere, quæ non concedantur, aut ea, quæ etiam concessa, nihil te adjuvant. Profectò telluris motum jam hesternâ disputatione profligatum puto? sed neque ex illâ terræ vertigine æstus maris reciprocus concludi potest; Idque unicâ demonstratione evincam. Aqua vase contenta cum ipso vase unâ movetur, nisi fortè vel motus vasis repente sistatur, vel subito acceleretur; hocque principii loco supponitis. Sed motus terræ est æquabilis: ergo nihil est causæ cur mare singulis diebus bis fluat & recurrat. Audio equidem

*Refellitur  
ultima  
opinio.*

dem Galilæum, qui magnoperè contendit, terram duplici motu diurno, & annuo cieri, qui quidem motus cùm in easdem conspirant partes, velociorem; cùm in oppositas partes nituntur, motum ex utroque compositum reddunt tardiozem. Optimè quidem. Verùm in iisdem prorsus punctis, atque eadem penitus horâ æstus maris recurrere oportet, cùm certa sint & fixa loca, in quibus telluris motus velocior contingit, vel tardior. Neque à Lunæ motu æstus reciproci suspentur: non enim Luna terræ motum vel accelerat, vel remoratur. At Cartesius Galilæo quasi in subsidium venit: placet illi interjectum aëra à corpore lunari comprimi; Oceanum verò ab aëre attolli existinat. Sed cur ab ipso Sole, atque aliis sideribus maria non utique premuntur? Cùm in eodem hæmisphærio totus simul Oceanus exstuet, profectò motus ille à corporis lunaris compressione non proficiscitur. An fortè Luna simul tam vastam aëris molem sic urget, ut subiecta maria attollat?

Non equidem inficior, æstum maris vix explicari posse citra aliquem telluris motum; non enim aqua naturaliter fluit, nisi vas, in quo continetur, huc atque illuc agitur; neque hunc motum efficit Luna; quo enim modo, quibus machinis illum perficiat? an fortè ad vim magneticam, & occultam, tanquam ad ignorantiaæ aram confugiemus? Cur Luna sub horizonte delitescens mare attollit? quare æstuum periodus 15. diebus absolvitur: neque ut vulgò credunt, æstus in pleniluniis, vel interluniis sunt maximi, sed die tertio à novilunio maximi contingunt, qui usque ad decimum cum semisse diem, sensum minuantur; hinc usque ad 18. crescunt; ac rursus usque ad 25. cum semisse detumescunt: hinc demùm usque ad tertium proximæ Lunæ augmentur. Non igitur æstuum periodus cum revolutione Lunæ consentit: cùm hæc diebus 29. vel circiter; illa 15. ad summum diebus perficiatur. Quæcirca, cùm rem omnem ad ipsius rationis trutinam exigo, multum in Cæsaris Arconfilii opinionem propendeo, æstum maris à motu quodam insensibili terrestris globi proficisci. Motus quippe Oceani, si quis alius, est maximè naturalis, cùm sit constans, & æquabilis: aqua verò naturaliter non fluit nisi per declivia. Necesse igitur est ut terra sursùm deorsùmve moveatur, ut aqua fluere ac relabi possit. Id verò luculentius est explicandum.

Sit mundi centrum A, in quo medium terræ constituamus. Globus ex terrâ & aquâ compactus erit circulus GHG, quòd si terræ centrum ibi prorsus staret immobile, nihil foret causæ, cur Oceanus GHG, qui terram cingit, moveretur: cùm delabi non possit, nisi ut medium mundi viciniùs petat. Centrum itaque terræ hinc inde fertur

*Probabiles  
de æstu re-  
ciprocò  
conjectu-  
ra.*



in L, vel R, seu à Septentrione in Austrum & vicissim. Cùm fuerit in puncto L constitutum, circulus G M G, seu telluris globus partes quasdam altiores, vel à centro mundi remotiores; alias quoque depressiores obtinebit. Igitur aqua, quæ decliviora quærit, per G & I in punctum M delabetur; & vicissim, ubi terræ centrum punctum R occupabit, aqua refluet à puncto S per G & I, in T: centro terræ in L existente, altitudo maris in his regionibus minuetur longitudine H N, & tantundem in altero hemisphærio intumescit, nimirum rectâ SF. Mirum sanè quàm pulchrè hæc hypothesis cum experientiâ ipsâ consentiat.

*Æstus marini phaenomena.*

- Primùm enim, longo observationum usu compertum est eâdem prorsus horâ, in eodem hemisphærio aquam maris intumescere. Centro quippe telluris ad R translato, aquæ in nostro hemisphærio attolluntur, ac simul ultra æquatorem minuuntur. 1. Æstus sunt maximi circa utrumque polum. Sic maximus æstus erit NH, cum AN sit omnium rectarum maxima, ut AM minima. 3. Propè æquatorem

GI



¶ G I nullus ferè æstus contingit. Quocunque enim terræ centrum transferatur, puncta G & I à medio mundi A æquis distant interval-  
lis. Unde mare ibi nunquam altius attollitur, vel humilior deprimi-  
tur; nullus adeò ibi fluxus aut refluxus. Imò eàdem proportionē  
æstus minuuntur, quo æquatori loca sunt viciniora. Unde ad Garum-  
næ ostium ubi polus 45. gradibus elevatur, æstus maximus OP est fe-  
rè tertiâ parte minor, quàm sub utroque polo. Cùmque OP sit fermè  
20. pedum, necesse est lineam NH esse circiter 30. pedum. Adeò ut  
non ampliùs quàm 30. pedibus centrum terræ à puncto A, hinc at-  
que inde, sursum vel deorsum libretur. Hæc verò libratio 12. horis  
absolvitur. Nam senis horis ab L in R, (tùmque æstus contingit) se-  
nis itidem horis ab R in L redit, & tum aqua relabitur. Nec mi-  
hi illud est miraculo, terram à Septentrione in Austrum librari; cùm  
hoc habeat cum omnibus sideribus commune, quæ hoc celerius suas  
librationes perficiunt, quo terræ sunt propiora. Nam minùs spatii ha-  
bent decurrendum. Cùm verò senis horis æstus omnes conficiantur;  
eodem prorsus tempore recurrerent, nisi terræ centrum 12. minutis  
in unoquoque suæ librationis termino commoraretur: idque unoquo-  
que die quater contingit: unde æstus 48. minutis singulis diebus tar-  
diùs recurrit. Tantundem Luna motu diurno impendit &  $\frac{1}{4}$  unius  
horæ seriùs ad meridianum regreditur. Hinc falsò credere æstum  
maris reciprocum à motu Lunæ proficisci: cùm tamen utriusque pe-  
riodi omninò sint diversæ. Nam, ut jam monuimus, aquæ vivæ, seu  
æstum incrementa circa decimum Lunæ diem usque ad decimum  
octavum contingunt: ita ut singulis diebus in elevatione poli 45.  
graduum, digitis ferè sexdecim, ac versus polum duobus pedibus au-  
geantur. Hinc usque ad 25. diem Lunæ, eàdem proportione decre-  
scunt, tum aquæ mortuæ vocitantur. Nec difficile est in litoribus, quæ  
alluit Oceanus, ad quam æstus quisque perveniat, altitudinem obser-  
vare. Quocirca æstum revolutio 15. ad summum diebus perficitur,  
eàque confectâ, centrum terræ 12. unius horæ minutis in medio mun-  
di A conquiescit, priusquam novam ineat periodum. Quo quidem  
tempore totus Oceanus in æquas distribuitur partes, non aliter, ac  
si terra omnino quiesceret: quemadmodum bis unoquoque anno  
dies æquantur noctibus, cùm Sol æquinoctialem circulum assequi-  
tur. Ut finiam, centrum terræ à medio mundi attollitur, tum aquæ Oceani in nostras  
regiones confluant, & æstus sensim augentur: sed sub initium hujus  
periodi, ac primis subinde diebus centrum terræ non longè à centrò  
mundi excurrit: primo die duobus duntaxat pedibus ab eo discedit;  
eàdem

eâdem proportionem crescunt æstus, quousque expletis 7. diebus cum semisse centrum terræ 15. revolutiones versus Austrum, 14. versus Septentrionem perficiat. Tumque aquæ vivæ dicuntur. Has excipiunt aquæ mortuæ eodem temporis intervallo decrecentes, nempe septem diebus cum semisse, quibus centrum terræ 15. in Boream, 14. in Austrum periodos absolvit. Sic motus ille librationis paulatim senescit, ac minimus tandem evadit. Hæc vera sint an falsa nihil puto, sunt certè verisimillima.

*Men.* Hic quoque tuam constantiam desidero, jam enim non semel nos monuisti, corpora gravia non in mundi ipsius, sed in terræ centrum niti. Nam quocunque telluris globus transferatur, illius medium gravia petent. Quemadmodum pars à corpore lunari revulsa, non mundi, sed Lunæ centrum affectaret. Quod si ita sit, frustra terram fictitio librationis motu exagitas, ut aquæ quasi suspensæ, proprio pondere dilabantur. Illud etiam admiror, hunc terræ motum esse naturalem, non ascititium, nec tamen esse continuum, cum in reflexionis puncto terra immota consistat, quasi exhaustas vires restauret. An cœlestes motus unquam cessant? Quæ causa novum impetum telluri imprimit, cum 12. minorum spatio conquievit?

*Simp.* Quasi tabellis obsignatis mecum agis, & quid aliquando dixerim mihi ipsi opponis. Nos, ut scitè Tullius, in diem vivimus, & quodcunque nostros animos probabilitate percussit, id dicimus. Verumtamen nondum mihi satis liquet, an gravia in mundi, vel terræ centrum propendeant. In eam sententiam magis inclinabam, corpora terrestria telluris, non mundi centrum affectare. Verùm æstus maris reciprocus in contrarium me retrahit. Vellem equidem terram hinc atque inde, à Septentrione in Austrum librari, nec de loco tamen suo commoveri; vel solum Oceanum ab intelligentiâ quâdam agitari fatendum est. Vetus est opinio terram sursum ac deorsum extra mundi centrum attolli, ac deprimi. Nec satis validis rationibus hæc sententia à Fromondo impugnatur. Negat ullam rationem reddi posse, cur fluxus & refluxus maris sint inæquales. Sed causam huic effectui jam reddidimus, nempe æstus esse majores, quo terræ centrum longius à mundi centro discedit. Sed cur hic motus cum Lunæ motu adeo confertus existit? Quod si fortè eadem causa omnes naturæ motus æquabiles temperet. Quicquid sit, hæc hypothesis cum experientiâ adeo convenit, ut quicquam probabilius afferri posse planè desperem.

*Men.* Vis igitur amici tui sententiam collato pede tueri.

*Simp.* Quidni ego velim?

*Men.*

*Men.* Ad resistendum igitur te compara. Totum Oceanum simul  
& eodem tempore à Septentrione in Austrum, ac vicissim, moveri pu-  
tas. Id verò falsum est: nam & mare Indicum, & alia benè multa, ab  
ortu in occasum cientur. Imò eodem æstu, idem mare prope Orca-  
des à Septentrione in Austrum, & juxta Caletum ab Austro in Septen-  
trionem nititur: in medio autem inter utrumque extremum spatio, vix  
æstus percipitur. Sic mare Britannicum non eodem tempore intume-  
scit: sed longè citiùs in confiniis Normaniæ & Armoricæ, quàm ver-  
sus Belgium recurrit. Addis quoque, vix ad 20. pedum altitudinem  
Oceanum intumescere: contrarium experientia demonstrat. Nam  
juxta sancti Michaëlis fanum, usque ad 60. pedum altitudinem æstus  
assurgunt; hæc sanè cum vestris principiis non cohærent. Libet et-  
iam inquirere, cur mare Rubrum, Mediterraneum, vel ipsa flumina,  
hunc librationis motum non sentiant? Fatearis ergo necesse est vel  
nullam hactenus æstus reciproci causam allatam fuisse; vel si quæ sit,  
aliam esse non posse, quàm eam, quæ à Galilæo & Cartesio tam dilu-  
cidè exposita, omnium ferè Doctorum consensu recepta est.

*Simp.* Necdum de hac opinione, quæ tibi adèò absurda videtur,  
conclamatum est. Quæque objicis, dilui facillimè possunt. Atque ut  
præpostero ordine respondeam, fluvii instar Oceani æstus non reci-  
procant, quòd prono & declivi alveo fluant, atque in ipsâ origine  
multò sint altiores, quàm cum in mare delabuntur. Quòd si ingens  
aliquis fluvius foret ab uno in alterum polum porrectus, fortè instar  
Oceani æstuar. At nullus tam latè fusus invenitur, omnes si unum  
vel alterum exceperis, eodem hemisphærio continentur: quocirca,  
etiamsi per devexa non fluerent, vix sentirent terræ librationem.  
Hinc enim, ut ad aliam objectionem veniamus, Mediterraneum mare  
æstus suos, ut Oceanus non recipiat. Nam si pars illius citra, pars  
altera ultra æquinoctialem lineam excurreret, nonnullos æstus, licèt  
minùs perceptibiles obtineret: nam parte Australi sursum sublata, aquæ  
in Boream confluerent, & vicissim. Sed res non ita se habet, ac totum  
illud mare, quod Mediterraneum vocant, cum terra in Austrum attol-  
litur, simul intumescit; illius verò elationes eo sunt majores, quo lon-  
giùs ab æquatore mare discedit. Sic mare Rubrum vix ullos sensibiles  
æstus obtinet; est enim illius eadem planè, quæ interioris maris ra-  
tio. Sed, inquis, Oceanus huic sinui finitimus, ab ortu in occasum,  
non à Septentrione in Austrum cietur. Ratio obscura non est: Oce-  
anus ad litorum, quibus circumscribitur, situs sese accommodat;  
idem enim hîc usuenit, quod in fluminis exundatione. Licet tibi  
mente concipere Rhodanum undas suas à Boreâ in Meridiem vol-  
vere:

vere: sed ubi exundat, ab ortu in occasum diffunditur. Sic Oceani motus ab uno in alterum polum dirigitur, sed in sinus etiam & freta exundat; unde accidit ut eodem tempore æstus maris in diversis locis non recurat. Hinc citius ad sancti Maclovii, vel divi Michaelis fanum, quàm ad Caleti portum pervenit, quòd Caletum magis sit in recessu, & longius ab ipso velut Oceani alveo disseat. Cum autem mare Britannicum, & Germanicum efficiant duos sinus in eodem velut angulo prope Caletum concurrentes: nihil mirum, si Oceanus per oppositas ferè partes, in utrumque hunc sinum illabens, contrariis motibus ferri videatur, & in medio intervallo immotus ferè appareat; in diversas enim partes distrahitur. Ne illud quidem est miraculo, Oceanum ubique eodem tempore non æstare, vel in eodem sinu; non potest enim, cum exundat, & quasi ad latera effunditur, in momento temporis ex, gr. 400. & amplius milliaria percurrere, sic ipsa flumina non uno eodemque tempore æstus complet. Sed quid est cur in fluviis majus tempus insumat æstus, quàm ipse refluxus? Unum duntaxat proponam exemplum, quòd res fiat illustrior. Garumnæ æstus usque ad 120. penè milliaria diffunditur; tantum spatii emittitur horis 18. non amplius verò quàm 12. horas in ipso refluxu impendit. Idque ad calculum exigere facile est. Siquidem circa novilunium, æstus tertiâ horâ à media nocte incipiat; senis horis ad quinquagesimum milliaria perveniet; nimirum horâ nonâ ante meridiem. Hinc rursus senis horis perveniet Burdegalam; atque adeò ibi tertiâ de meridie horâ naves gyraunt, ac puppes obvertent, quod est argumentum æstus adventantis. Tandem ad sancti Macarii, horâ fermè nonâ jam languidior advenit; neque ibi moratur, sed eum statim refluxus excipit, quem idcirco senis horis minùs, quàm æstum durare necesse est. Nec mirum si aquæ proprio pondere celerius in mare delabantur, quàm à mari in flumina excurrant; ibi enim descendunt, hinc videntur ascendere: est quippe mare ipso flumine depressius: quantò longius aquæ propelluntur, tantò ægrius procedunt, cum fluminis alveum hoc altiore in offendant, quo suæ origini propiorem. Nam eò usque æstus progreditur, donec Oceani & fluminis aquæ veluti in æquilibrio constituantur. Multum quoque momenti affert situs, vel positio fluminis. Siquidem Garumna rectâ ferè in mare properat, non item Sequana; serpit enim hic fluvijs multiplex flexus. Hinc maris æstus multò longius in Garumnâ, quàm in Sequanâ excurrit. Mirantur eodem tempore æstum in Oceano, & in Garumnâ prope Burdegalam contingere. Ratio in proclivi est; nam si interlunio æstus ad Garumnæ ostium, tertiâ post mediam noctem horâ incipiat,

piat, idem post duodecim horas Burdegalam perveniet; tertiâ nimirum de meridie horâ, quo tempore æstus in Oceano iterum redibit, Itaque eodem tempore Oceanus & Garumna prope Burdegalam intumescunt; non uno quidem æstu, sed diversis. Atque ut nihil videar omittere eorum, quæ ab Arconsio præclare observata sunt; dicam quid in Sequanâ ingentem illum æstum, quem vulgò (*Labarre*) vocitant, efficiat. Tres sunt ejusmodi fluctus, qui sub æquinoctiâ & solstitiâ, imò post novilunia, & plenilunia, ad eò tument, ut obvia quæque sternant; & quod magis mirere, primus ad altitudinem quatuor ferè pedum assurgit, huic proximus 8. tertius 12. pedum altitudinem superat; & quatuor penè horarum spatio, 25. leucas Gallicas magno strepitu, impetu majore percurrunt. Idem ferè in Garumnâ, sed rarius accidit, nimirum sub mensis Augusti finem, vel Septembris initium; quòd tum temporis aquæ illius fluminis sint depressiores. Nec verò Garumna, uti Sequana tam sæpe exsiccat. Quo autem fluvius pleniore alveo fluit, eò minùs has Oceani exundationes experitur. Cum sub æquinoctiâ vel solstitiâ, nec non circa novilunia & plenilunia majores sint æstus, palàm fit cur iis temporibus decumani illi fluctus, & majores & frequentiores existant. Sed cur in Sequanâ ad eò effruantur, non item in Garumnâ? An quòd Sequanæ alveus instar infundibili extremum habeat latius, & apertius; ad eò ut æstus adveniens ibi tumentes fluctus non excitet, at sensim instar tubi coarctatur; quare necesse est ut aquæ ex Oceano, magno impetu in angustiorcm alveum irrumpant? Quemadmodum ingentis stagni aqua ruptis obicibus, vehementius per prona devolvitur; quòd si angustiorcm vallem, & saxis abrupta loca pervadat, quantum strepitum, quantas edet strages? nam, ut præclare Seneca, quamdiu flumini facilis & liber est alveus, primas quasque aquas explicat. Ubi saxa casu, vel manu illata pressere venientem, tunc impetum morâ quærit: & quo plura imposita sunt, plus invenit virium: omnis enim illa unda, quæ à tergo supervenit, & in se crescit, cum onus suum sustinere non potest, vim ruinâ parat, & prona cum his, quæ jacebant, fugit. Jam nihil necesse est hoc loco inquirere, quæ sit causa, cur in zonâ torridâ fluvii nullo æstu agitentur, cum in iis locis Oceanus ipse non æstuet, nedum flumina, quæ solius Oceani exundationibus tument. At in temperatis & frigidis zonis fluvii incrementa Oceani hoc magis sentiunt, quo polis sunt viciniore: nam ibi æstus sunt maximi. Verùm excipis, quid igitur est causæ, cur circa Normanix & Armoricæ confinia tanti æstus incurrant, quanti aliàs nusquam: ad eò ut non solum ad 30. sed etiam ad 60. pedum quandoque perveniant altitudinem? Hic

sanè nos sudare necesse est. Tametsi non absurdè responsum fuit ab hujus opinionis, quam nunc versamus, auctore. Idcirco id accidere, quòd Oceani aquæ à Meridie in Septentrionem agitatz Britannicarum insularum, ac potissimùm Hiberniæ occursum resilire compellantur. Atque ab Armoricæ & Normaniæ litoribus iterum repercussæ. In ipsum veluti angulum, & concursus angustias confluunt uberrimæ. Idem evenit in freto Magellanico, propter utriusque maris Æthiopiæ, & Pacifici concursum, & motus in diversa nitentes : quemadmodum in maris Britannici, & Germanici confiniis contingere diximus. Sed in his jam sum nimius, neque hanc opinionem velim ut certam & exploratam jactare sententiam, aut vobis inveniendæ veritatis occasionem intercipere ; eam duntaxat utcunque defendi posse contenderim.

*De maris  
falsedine.  
Aristotelis  
opinio con-  
futatur.*

Sequitur ut de maris falsedine perpauca subijciam. Existimat quidè Aristoteles exhalationes terrenas, & adustas, quæ calore Solaris attolluntur, hanc mari conferre falsedinem. Siquidem ex illius mente sal nonnisi per adustionem educi potest, ut in calce & cineribus videre est. Hinc Oceani aquæ sub zonâ torridâ multo sale inficiuntur ; contrarium evenit in mari Glaciali polis finitimo. Addit eximius Scaliger pro comperto veroque haberi, in fundo maris aquas esse dulces, superficiem non dulcem, quia dulce in levi, leve autem à Sole absumitur. Hæc sanè Aristoteles, si usquam aliàs errore labitur. Non enim sal per adustionem procreatur, ut alibi ostendimus, sed cùm in corporibus actu inesset, extrahitur. Atque ut ipsius quæstionis jugulum petam : Quod si exhalatio terrestris falsedinem mari impertitur ; quid est cur stagnantes aquæ falsæ non appareant ? nec faciliè tanta halituum copia, quanta inficiendo mari sufficit, vi caloris solaris educi potest. Maximè cùm radii solares fundum maris vix attingant. Accedit quòd exhalatio ipsa falsa neutiquam existit. Nimium verò Scaliger Aristoteli indulget, cùm asserit urinatores vitreis vasculis aquam è fundo maris dulcem extrahere. Contrarium non experientia modò, sed etiam ratio ipsa persuadet ; cùm aqua falsa sit dulci gravior. Nec difficile est id experiri, & aquam è fundo haurire beneficio vasis, cujus operculum funiculo alligatum aperiatur, cùm vas ad imum descendit. Quod autem de zonâ torridâ, & mari Glaciali obtrudunt, faciliè solvitur. Nam vel major aquæ copia in Glaciali Oceano, vel multorum fluminum influxus, ut in Ponte Euxino, & in mari Caspio contingit, aquas possunt diluere. Sub æquatore Sol ferventior majorem dulcis aquæ copiam extenuat in vapores, qui versus polos recidunt. Nemo ignorat, aquam coctione fieri salubriorem, quòd pu-  
rior



rior exhaletur. Quinetiam dulcis aqua longâ coctione falfedinem contrahit; non enim est omnis falis expers. Mare quoque falsius æstate, quàm hieme invenitur, iisdem de rationibus. Unde ergo falsedo maris? an fortè in principio suæ conditionis sale, nitro, & bitumine imbutum fuit: nec sal illud perit, cùm in vapores resolvi nequeat, siquidem illius particulæ proprio pondere relabuntur: sunt enim, ut Cartesio placet, graves, rigidæ, & instar cuspidum acutæ. An potiùs *De falsedine maris* fodinæ falis in mari, ut in terrâ sunt innumerabiles? at jam dissolventur, nisi fortè novæ succrescant. An falis, nitri, bituminis exhalationes vi caloris, vel ignis subterranei continenter erumpunt, quibus aquæ maritimæ inficiuntur? sic lacus Asphaltides, seu mare mortuum in Palæstina, non aliunde suam falfedinem, gravitatem, saporem denique mutuatur, quàm ex copioso quo abundat bitumine. Non alia, ut mihi videtur, causa est, cur mare nauscam, ac vomitum provocet, nisi quòd circumfusus vapor multo sale volatili inficiatur, cujus corpuscula ventriculi fibras vellicant: hinc aer maritimus oculorum dolores excitat. Fortè etiam bilem calidam item & siccam naturæ familiaritate attrahit. Hinc spiritus falis multâ aquâ permixtus huic incommodo remedium est: vel idoneo medicamine, purganda bilis, tum succo limonum ventriculus refrigerandus. Aliud *Cur mare vomitum,* remedium nuper edidit vir omni pietate ac doctrinâ præditus Alexander de Rhodes, nimirum pisciculum è majoris ventriculo extractum, & *nauseam provocet.* qui assatus permodico aceto, & sale conditus, hunc vomitum vi quâdam occultâ inhibet. Non ignoro jactationem maris multum conferre: nam plerique in rhedis vestri nauscant. Nec dubium est, quin omnes serè maris vires, & effectus ex eâdem causâ, ac veluti ex eodem fonte dimanent. Atram bilem purgat, quòd lienis meatus occlusos falis corpuscula aperiant, his reseratis atra bilis expurgatur. Scabiem sanat; quia exsiccat, & abstergit. Lintea, imò & ligna nisi pice oblinantur, adurit, quòd falis corpuscula linteorum filamenta disrumpant. Unde aqua marina extinguendis incendiis minùs est idonea, quòd quiddam gerat pingue & unctuosum; hinc sæpè è fluctibus in scopulos vehementius impactis ignitæ scintillæ emicant. Quòd verò mare cadavera, & naufragiorum reliquias in litora evomat, id à virtute quâdam secretâ & expultrice non oritur, sed ab æstuum aut fluctuum impetu: idem in exundante flumine cernere est; ubi refluxus imbecillior in alveum non revehit, quod fortior æstus expulit.



## CAPUT TERTIUM.

De aliis impressionibus tum aqueis, tum aëreis.

- I. De sale multa ex Cartesio. II. De glacie, nubibus, nebulâ, pluvîâ, rore, & pruînâ. III. De melle & mannâ fusè agitur. IV. De nive & grandine. V. De ventorum naturâ, causis, & effectibus, ac de reliquis impressionibus aëreis disputatur.

## Menander.



Eacis tu quidem, optime Simplici, ut bonum virum, & perurbanum deceat; nec quæ aliorum est perversitas, Cartesium nostrum maledictis insectaris: quinimò persæpe illius opinioni non dedignaris accedere. Nihil profectò absurdius fingi potest, quàm mare falsedinem suam à terrâ limo repetere: cum enim aqua marina ita pelluceat, ut fundum sæpe videndum exhibeat, terrenis exhalationibus non inquinatur. Neque, ut putant, falsedo qualitas existit, sed à sale dimanat in aquâ exoluta. Cum igitur in vellere, vel arenâ percolatur aqua, ibi non qualitatem, sed salis spicula deponit. Hinc aqua maris ubi distillatur, salem exuit; quòd corpuscula, ex quibus sal componitur, gravitate aliqua donentur, nec possint ascendere, nisi extremum alterum deorsum vergat: sed tum faciliùs recidunt, quàm sursum eluctentur. Figuram verò teretem & aciculis similem salis corpuscula esse sortita, ex sapore colligimus: siquidem linguam suis cuspidibus altè penetrant; hinc brutis sal adeò sapit, quòd linguam habeant asperiores, quam inflexibiles & rigidæ salis particulæ titillant. Hinc etiam sitim excitat, appetitum acuit, quòd linguæ & ventriculi fibras vellicet. Eandem ob rationem pruritus excitat & scabiem, quia fibras corporis dividit, & viam pravis humoribus aperit. Quid, amabo te, est causæ, cur sal à putredine vindicet, nisi quòd suis cuspidibus, & bacillis humorem corruptionis fontem, & fermentum expellat. Hinc caro salsa & siccior, & durior existit: nam humor si quis remanet, circum salis oblongas aciculas convolvitur, ne diffuat; atque his bacillis omnes carnis particulæ fortius constringuntur. Humor enim motu suo corpora dissolvit & emollit; sal verò humorem vel exprimit, vel retinet. Quamobrem qui sale non utuntur, gravem spirant anhelitum, quòd sal putredinem arceat. Illud quidem est friabile,

nam

De natura  
salis quid  
Cartesio  
videatur.  
Salis corpuscula  
esse instar  
spiculorum  
acuta.

Variis salis  
effectibus  
explicatur.

nam partibus constat rigidis, quæ faciliè separantur, nec flecti possunt, nisi summo ignis calore; tumque sal in aquam stygiam, seu fortem *Vnde aqua* abit, cum scilicet illius particulæ ex rigidis, & cylindricis, flexiles, *fortis tan-* planæ, & instar gladiatorum secantes efformantur. Hinc aqua stygia *ta vires.* penetrat, ac dissolvit metalla, linguam stringit, & sapore est acerrimo. Enimvero, si salis, ut ita loquar, atomi sunt crassiores, & graviore ipsius aquæ atomis, quæ sit ut proprio pondere ad imas partes non descendant, sed per totam aquam diffusæ jaceant? an quia aquæ par- *Cur sal in* ticularum sunt lubricæ, & flexiles, quod earum sapor dulcis demonstrat; *aquæ, ex-* unde circa rigida salis corpuscula faciliè advolvuntur. Et si credimus *solvantur.* Cartesio velocissimè circa ea gyrent, efficiuntque illam maris perspicuitatem. Quod enim fluidum est, idem in perpetuo motu versatur, nec luminis transitum adeò impedit, quia motui illius faciliùs obsequitur. Atque ea mihi videtur ratio, cur mare vix, aut nunquam congeletur; nam & calor salis nativus, & motus aquæ salis concitior ipsam impediunt congelationem, quæ in partium immobilitate consistit. Mare quippe Hyperboreum fortasse in glaciem non concrevit, sed nix copiosa, quæ tegitur mare, congelatur: vel si Oceanus ipse *De glacie.* congeletur, id accidit, quòd magnorum fluminum appulsu minorem habeat salis proventum. Quid igitur inter aquam, & glaciem interest? hoc scilicet, quòd aquæ particulæ à subtilissimâ materiâ agitentur, non secùs atque anguillæ in naviperforatâ existentes, ab aquâ subeunte huc & illuc inflectuntur: particulæ autem, ex quibus glacies constat, non ampliùs fluctuant, sed manent immobiles, atque aliæ aliis incumbunt; ferè ut anguillæ (ne ab eodem exemplo recedam) in fluminis ripâ exsiccata. Nec mirum si glacies dura sit, non item aqua; hujus enim partes jam motæ faciliùs moventur, quàm glaciei particulæ quiescentes. Quid enim aliud est frigus quàm motus imbecillior? Quòd autem aquæ corpuscula eam nata sint figuram; quòd longa *Ex quibus* sint & lubrica, & faciliè à se invicem separentur, sapor ipse indicat. *corpusculis* Non enim linguam, ut salis corpuscula compungunt, sed leviter allam- *aqua com-* bunt; accedit etiam quòd omnium corporum meatus non æquè sub- *ponatur.* eunt; quia certam obtinent figuram, quæ quibusdam corporibus, ut calci & arenæ accommodata est, aliis non item. Quod aqua madet, faciliùs exsiccatur, quàm id, quod oleo imbuitur. Siquidem olei partes sunt ramosæ, & tenaciùs inhaerent, partes verò, ex quibus aqua componitur, sunt flexiles & quàm minimo motu excutuntur. Sed de his jam aliàs copiosè diximus. Nunc longiùs, si placet, progrediamur. Ac de impressionibus aëris quid ego sentiam breviter explicabo.

Disimulare non possum Cartesii Philosophiâ acutâ & brevi mi-  
 rificè animum meum capi: Peripatetici enim nihil quàm lites, & con-  
 tentiones amant. Dum verba instar poetarum fundant, vel adversari-  
 os tortuosis argumentis involvant, magna tollunt supercilia. Sed, mi  
 Theophile, quid tuus Aristoteles de meteoris præclarum memoriæ  
 prodidit? de reciproco Oceani æstu altum silentium: quod falsedinem  
 maris attinet, quæ magis erat obvia, nihil vel verisimile sentit. Jam  
 ubi de Cometis, de viâ lacteâ tractare aggreditur, quàm absurda scri-  
 bit, atque ab ipso sensu penitus abhorrentia. Sed quàm breviter,  
 quàm enucleatè Cartesius hæc naturæ arcana nobis aperuit. Quod  
 si illum audimus, terra, aqua, ær ipse, ex eadem materiâ, quam terti-  
 tium vocat elementum, prodire. Aquæ & æris particulæ minùs inter  
 se cohærent, & facillimè huc illuc agitantur. Partes verò æris sunt  
 omninò disjunctæ, ac singulæ proprio motu gaudent, quem à subtilis-  
 simâ primi & secundi elementi materiâ, vel, si malis, à colore mutu-  
 antur. Quare particulæ, seu filamenta, ex quibus ær componitur,  
 majorem locum, vel circulum exigunt, quo majori motu cidentur:  
 imminutio illius motus, frigus dicitur. Cum oblonga illa stamina sibi  
 mutuo incumbunt, tum ærem esse crassiorem necesse est. Facile ær  
 comprimitur, quia illius particulæ sunt flexiles & disjunctæ; com-  
 pressus tamen magno impetu resilit: nam singulæ partes ab æthereâ  
 substantiâ, vel calore agitatæ, compuni nisi vasa disrumpunt. Atque  
 obices anoliuntur, quo majus occupent spatium, ac liberiores mo-  
 tum consequantur.

*Quare  
 nubes in  
 aëre su-  
 spendun-  
 tur.*

Quæ porrò causa nubes adeò crassas, & densas in mediâ æris  
 regione suspendit? an corpora minùs gravitant, quo longiùs à terra  
 discedunt? nix quippe jam efformata libratur in aëre, quo tamen den-  
 sior existit. Planetæ ejusdem vel similis sunt cum terra naturæ, nec  
 descensum affectant, quia longissimè à nobis recedunt. Aliæ forsitan  
 causæ subesse possunt; aut calor, qui inferiorem æris regionem di-  
 latat, ac nubes sursum repellit; aut frigus, quo superior æris plaga  
 constringitur; aut vapor, qui continenter è terrâ erumpit, & nubes  
 pensiles sustinet; vel denique ventus, qui nubium particulas disjun-  
 ctas, & malè colligatas, non evchit modò, sed sublatas retinet. Ta-  
 ceo, quòd minutissimæ nubium particulæ non satis habent virium, ut  
 ipsum ærem diducant, quòd pro mole suâ multum habeant superfici-  
 ei. Sic lamina auri tenuissima aquæ innatat; pulvis agitatus diu li-  
 bratur in aëre, Quid verò aliud est nubes, nisi vapor, qui in alto aëre  
 suspenditur, & præ opacitate suâ sub obtutum cadit? hinc opacita-  
 tem nacta mihi videtur, quòd singula corpuscula nonnihil luminis re-  
 flectant;

ascendant; unde simul congesta totam regerunt lucem, vix quicquam transmittunt: frigore autem densantur. Neque nubes quicquam à nebula differt, nisi quòd hæc terræ vicinior est, & frigoris vi citius concrefcit, nec altius evehi potest. Ingenito terræ calore, non radiis solaribus plerumque exsurgit: nam manè, vel vespere sæpius; raro Sole fervido terram obducit, subito totum horizontem complet, atque ex certis locis erumpit, quæ omnia in vapores à Sole attractos non cadunt. Cùm ex aqua putrescente expirat, tum foetet & tussim exci- *De nebu-*  
tat. Ubi manè recidit, serenum cælum promittit, nam si Sol non po- *la.*  
test tenuem illum vaporem attollere; nedum è mari aut fluminibus aquam evehet. Quòd si sursum attollatur, pluviam præfagit. Nam terra adhuc calens, novos vapores suppeditat, qui tandem in aquam abeunt, ex qua prodire. Cùm scilicet vapores insensibiles in alios subinde cadunt, quousque in guttas satis sensibiles crefcant, quæ hoc sunt majores, quo ex sublimiori loco delabuntur. Quapropter flante Austro guttæ sunt pleniores. Cùm ver cœpit, major, inquit Seneca, inclinatio aëris sequitur, & calidiore cælo, majora fiunt stillicidia, tumque nimbi graves magis, vastique, quam pertinaces deferuntur. Guttæ porro decedentes rotundam obtinent figuram, quòd pressus aër relictum à guttæ locum, quam potest compendiosiore viâ occupat; ac guttam globosam facilius radit, quam si aliam nacta esset figuram: vel materia subtilissima per poros aquæ commensans hos efficit globulos, nam in istis guttulis citius moveretur, & facilius, quam in molli aëre; unde circa illas gyrat.

Sed cur media aëris regio tanto frigore alget, ut nubes conglo- *Cur me-*  
meret? non certè id accidit, quòd radii solares reflexione solâ calo- *dia aëris*  
rem excitent: est quippe idem radius directus, qui reflexus. An regio adeò *frigida.*  
igitur radii à terra reflexi citò cœunt, & quasi in foculos, ut loquuntur Optici, vel in nodos colliguantur: unde calor aucto lumine itidem crefcit. Nullumque est infimi aëris punctum, in quo plures radii reflexi non iniantur, & eo plures, quo Sol verticibus nostris vicinior existit: tum enim radios directiores, & confertiores vibrat, qui quasi duplicati, in se ipsos ferè resiliunt. Hinc mediâ æstate uberrimi quidem vapores sursum tolluntur, sed Solis ardoribus dissipa- *De plu-*  
pantur, nec faciliè coguntur in pluviam, nisi vento frigidore densen- *viâ.*  
tur. Contrà hieme calor est debilior, quam ut vapores attollat. Vere & autumnò calor est moderatus, magna quoque diurni æstus, & nocturni frigoris inæqualitas: hinc pluviz uberiores. Nec denique omnes nubes concrefcunt in pluvias: vel quòd vaporum particulæ, nimium inter se distent, nec sese mutuò contingant; vel quia non

fatis est frigoris nubi constringendæ. Stillicidia, ait Seneca, quamvis jam inclinent se, & labantur, nondum tamen efficiunt lapsum; sed ubi plura coëre, & turba vires dedit, tum pluere dicuntur. Quinctiam sublatis vapores, potius in glaciales atomos, quàm in pluviam guttas concresecunt, nisi vento calidiore solvantur. Densantur verò nubes, tum vaporum ascendantium copiâ; tum vento Australi, vel occiduo; tum denique oppositis ventis, quibus sæpe vapor constringitur. Altissimæ nubes acerrimo correptæ frigore in nivem potius, quàm in pluviam concresecunt. Unde vel in zonâ torridâ, excelsorum montium juga inter tantos ardores, ut cum Tacito loquar, opæca sunt, fidaque nivibus. Sed de nive postea. Nunc quæ sit pluviam utilitas; quæ illius indicia, brevi expediam. Aquam esse elementum volatile norunt Chymici. Sublimatur, atque in mediam æris regionem evchitur, ut sæces exuat, purior recidat, tum ut terram humore supersfluo exoneret. Nam ut scitè auctor Physicæ restitutæ, hæc vaporis sublimatio quasi obstructions terræ amovet, & fastidientem illius stomachum sublevat, eumque digestionis aptiorem reddit. 2. Vapor sublimatus, non crescit in aquam, atque in terram demittitur, ut eam nectare, cœlestique potu perfundat; paulatim disillatur, non confertim ruit, ne uberior aqua intimum terræ calorem extinguat, & vivifico spiritui (jam cum Chymicis loquor) aditum præcludat: sic enim æquabiliter distributa terram fœcundat. 3. Pluvia in plantarum atque arborum alimentum facessit. Hinc radices arborum nunquam ferè ultra duorum passuum, seu decem pedum profunditatem porriguntur. Quòd, ut putat Seneca, nulla pluvia ultra decem pedes in altitudinem madefaciat terram. Hoc alimento extremæ, ac minutissimæ radices, vi quâdam occultâ, aut secreto igne in propriam convertunt substantiam. Sed nullo tempore pluvia plantis acceptior est, quàm circa mensem Majum, quo herbarum fibræ calore Solis laxantur, ac plantæ jam robustiores copiosius exigunt pabulum. Æstate autem pluvia nonnunquam obest, nisi eadem sit uberior, quòd humor ille alimentarius apertas fibras facilè peneiret, faciliùs exeat, unaque secum insitum & nativum humorem educat. Sæpè usuvenit ut pluvia mordaci, & acri exhalationi admixta segetes adurat, idque æstate plerumque accidit.

*Qua sunt  
ra pluvie  
indicia.*

Multa sunt pluviam adventantis indicia; ut Sol in ortu clarè affulgens, vel solito major, vel cæruleo colore infectus: nam vapor & Solis colorem immutat, & illius speciem auget; sic cum stellæ plus æquo scintillant, & lasciviant, pluviam prænuntiant. Idem vapor Lunæ colorem imminuit, ac pallidam exhibet. Flavæ circa exortum

Solis



Solis nubes pluviam portendunt, quod cum sint humiliores, calore Solis sursum tolluntur, & tandem in pluviam resolvuntur. Vespertinae verò crassinam serenitatem promittunt : nam frigore nocturno recident. Sol concavus oriens ( ut loquitur Plinius ) pluvias prædicat ; si ante illius ortum radii se ostendant, aquam & ventum significant ; si ante illius quoque pluviae futurae signa conjiciuntur. Priusquam enim vapores cogantur in pluviam, jam insensibiles guttulæ infimum aërem complent, & proprio pondere decidunt. Tumque vapor roridus subtilitate sua poros animalium subit, ac vellicat. Hinc ubi gallus gallinaceus crebro, & de die cantat ; cum boves extento collo cælum suspiciunt ; feles barbam detergunt ; equi celerius promoveantur ; pecora saltus edunt inconditos ; cum denique porci stramina ore disceperunt : tum pluviam imminere conjicimus. Accedit frequens ranarum coaxatio, quod humidior aëre gaudeant. Copiosos aliquando imbres ventus vehemens in terram ruens antevertit ; tum fortè nubes cadit, quæ hunc ventum ac pluviam efficit ; quæ quidem nubis præcipitatio muscas, & alia minuta animalia in terram deprimat, quas hirundines juxta terram prædam persequuntur. Quapropter cum hirundines juxta terram volitant, tum pluviam breviter futuram prædicimus. Quinetiam, ut optimè Fromondus animadvertit, res insensibiles illo subtili vapore, de quo mox diximus, persuasæ, imminenti pluviae, aut tempestatis nos admonent. Trifolium inhorrescit, & folia erigit, quod fibræ humido aëre intenduntur. Siquis corium vituli marini Austro flante sub dio exposuerit, tum pilos emicantes, & erectos videbit, sed flante Boreâ subsident. Eadem causa efficit, ut qui podagrâ laborant, acriori dolore urantur ; callum illud, quod pedum digitis succrescit, fortiùs pungit ; ligna in ignem conjecta crepitant ; fores magis strident. Quæ quidem ferè omnia ex eodem fonte, nimirum ex vapore rorido & subtili, qui pluviam solet præcurrere, dimanant. Hæc atque alia id genus indicia fallunt persæpe : nam idem calor, qui vapores attollit, potest eos dissipare, vel in ventos diffare.

Jam quid de rore, pruina, & manna, necesse est dicere, cum ea Ros, dem sit omnium materia, eadem prorsus effectrix causa ? Quid enim aliud ros, quàm vapor nocturno frigore concretus ? Hinc loca aridiora, ros nullus tegit, quod ibi humor deficiat : flante vento, vel cælo nubilo perparum roris concrevit : nam ventus vaporem dissipat ; ac pluvio cælo vel vapor nullus educitur ; vel filamentis exhalationum implicatus cum nube confunditur. Siquis rore manus frequentius ablueret, fortasse scabiem, vel lepram brevi contraheret ; quod acia

corpuscula habeat admista, quibus subtiliores fibræ dividuntur; hinc segetum rubigo, cum ros spicâ exceptus ardore Solis putrescit. Nec immeritò Chymici existimant nitrum subtilissimum rore contineri, quòd fortè erucarum, atque aliorum insectorum procreationi multum confert. Nitrum quippe vim prolificam in se recondit. Quid autem pruina, nisi ros acerrimo frigore congelatus. Hæc cuniculos intra paucos dies faginat, quòd instar roris perdulcis existat & nitrosa. Quod attinet illa filamenta, quæ Veneris capillitium vocant, & autumnò maximè, instar telæ aranæ volitant, nihil sunt quàm quædam nebularum veluti reliquiæ calore Solis exsiccata: hinc ductiles sunt & viscosæ.

*Pruina.*

*De melle*

*¶ manna,*

Jam, ut minutiora quæque persequar, quid aliud mel, quàm vares adeò omnes ab halitu tum florum, tum herbarum contrahit. Hinc flores odoriferi mel præbent suavissimum. Venenatæ herbæ mel quod reddunt venenatum, quod plerumque pondere dignoscitur; nam gravius est innoxio, sternutamenta excitat, nec faciliè densatur. Quo vapor melius digeritur, eò mel efficit præstantius. Manna species quædam mellis existit, ex pinguiori halitu æstivo calore sæpè concreseit in granula, & foliis quarundam arborum, ut abietum & cedrorum adhærescit.

*Simp.* Etsi minimè impediendus est interpellatione iste cursus orationis tuæ, ignosces tamen, si quid ego de melle, & mannâ sentiam, paulò uberius aperiarn. Tu vulgi opinione ductus illa inter Meteora censes, quæ mihi videntur ad mixta perfectæ referri oportere. Nam mel missionem constantem habet, & crasim stabilem; quin etiam fructus melle conditi diutius asservantur; in sua principia, ut mixta reliqua resolvitur, nutrit denique; quid igitur est, cur illud inter Meteora, quorum partes sunt malè colligata, recenseas? Idem prorsus de mannâ judico: sunt enim mel & manna congenera, atque ex iisdem ferè ducuntur causis, quas quidem nunc paulò diligentius inquirere non erit alienum. Vulgaris opinio est utrumque ex vapore rorido concrefcere: nam si æstivis diebus rorem colligas, eumque vitreo vase conclusum radiis solaribus exponas, is melleum saporem contrahet. Verùm hæc remotior mellis est, & mannæ materia; propiorem verò inquirimus; neque enim ros omnis vires mellis, aut mannæ obtinet; nec consistit, nec radiis solaribus induratur. An fortè hæc nihil sunt, quàm florum vel arborum succi? Siquidem mel non solum manè; sed etiam die toto ab apibus colligitur, idque ex profundis florum calicibus exsugunt, hinc etiam mel quoddam venenatum est, aliud

aliud amarum; est quod gratissimum odorem afflat, aliud autem foetet. Unde tanta diversitas, nisi ex florum, herbarum, & succorum varietate? Manna quod attinet, illud nihil esse, quàm succum & veluti lacrymam quarundam arborum existimat Altomarus Neapolitanus. Non enim alibi quàm in fraxinis, & ornus succrescit Calabriae manna: si ros foret aëreus, nihil esset causæ, cur in aliis quoque arboribus non nasceretur. Imò sunt quædam fraxini vicinæ, in quibus manna oritur nunquam, quòd steriles sint, & effoetæ; iussit ille arbores pannis tegi, ne ros deflueret; manna tamen sub pannis inventum est; non igitur illud ab aëre depluit; sed ex arboribus exsudat. Est gummi similis, quàm rori: hinc fraxini Calabriae incisis corticibus manna profundunt, idque foliorum pediculis adhærescit, quòd sit humor excrementitius; unde æstate, non hieme erumpit. An potius mel ac manna ex plantarum succis, & halituoso rore concresecunt; ita visum est olim Erasmo, & meâ quidem sententiâ immeritò reprehenditur à Libavio. Quid enim aliud quàm pinguis, & viscosus halitus, ex ipsis herbis, & floribus erumpens unâ cum rore aqueo & subtili permistus mel primigenium efficit? Illud apes ex omni genere florum decerpunt; os & ventrem onerant, ac nimium discentæ evolvunt, atque in alveolis recondunt; ibi post aliquot dies musti instar fermentatur, & ebullit. Quapropter ex tribus saltem ducitur mellis natura; ex vapore rorido, pingui florum, atque herbarum halitu, & peculiari quadam coctione, quam in apum ventriculis consequitur. Ut taceam de effluviis, quæ ex terrâ & aquâ jugiter dimanant; nam sal quoddam nitrosum continet, unde in locis mari finitimis copiosius invenitur. Ros ipse hoc nitroso sale non caret, ex quo vis illius acrior, & purgatrix exoritur: hinc fortè fermentatio in melle. Est igitur mel ros quidam, sed excoctus, viscidus & pinguis, in quo omnia insunt elementa. Ex vapore quidem & halitu conerescit, sed odorem, & pinguedinem ex ipsis trahit stirpibus; hinc aliud thymum, aliud absinthium redolet; pars quidem roris aquosior calore Solis dissatur; sed ros melleus & tenacior remanet, quem exorto Sole apes colligunt; ille tamen aquam refert, & perspicuus est, cum in ventriculis apum continetur, idque evisceratis apibus, cum è pastu domos redeunt, facile comperies; sensim flavescit, & crassiorem adipiscitur substantiam. Sæpe floribus, & foliis arborum guttulæ roridæ insident, quæ si digito leviter excipiantur, nihil ab aqua differre videbuntur; at si linteo deterferis, melleum saporem, & pinguedinem præ se ferent. Ros igitur est ipsius mellis materies, sed ille ex plantis surgentibus potissimum attollitur, atque ex iis pinguedinem, & visci-

ditatem depromit. Non succus est florum, vel arborum; nam sapor ille dulcis, vis acris & ignea, quæ in recessu latet, tenacitas, color, vires adeo omni melli communes, ex eodem principio, & communi origine dimanant. Sed tamen inficiari non possum, illud ab ipsis, ex quibus colligitur plantis nonnihil affici, atque alterari. Multum quoque confert peculiaris quædam elaboratio in apum ventriculis: non enim mel, quod vespæ conficiunt, ejusdem saporis ac naturæ est, cum eo, quod ex apum alvearibus colligitur.

Cum melle multum affinitatis habet manna, idem ferè utriusque sapor, neque origo multum diversa. Nec mihi placet Donati Altomari sententia, manna succum esse fraxini, vel orni; præterquam enim illæ arbores non sunt resinosæ, cur quædam fraxini in Calabria manna profundunt, aliæ his finitimæ steriles existunt? Quid est cur in aliis regionibus nullæ fraxini manna præbeant, cur sola Calabria hanc habet prærogativam? Succus, gummi, vel lacryma vires arboris continet, est enim purissima essentia, naturæ ingenio extracta; at folia fraxini sunt amara, fructus calidi & sicci, calculus comminuunt, hydropem sanant, succus vires habet alexipharmacas: nihil horum mannæ convenit; dulcem & nauseabundum obtinet saporem, bilem subducit, calculosos non juvat. His atque aliis rationibus Altomari & Clusii opinionem infringit doctissimus Magnenus. Jam quæ causa subesse possit, cur manna Calabriae solis fraxinis, vel ornis insideat? an quod istarum arborum folia non sunt bibula, ac manna subdulce respuunt, cum ipsa sint amiora? an cera primigenia, quæ mannæ compositionem ingreditur, ex iis arboribus copiosior educitur, cumque nihil sit præter lanuginem quandam fursuream, quæ ex plantis calore solari exhalatur, mannæ coagulationem multum promovet. Nam ros liquidus, ex quo manna componitur, siccis & minutis filamentis, quæ ceram efficiunt, incrassatur. Eam porro esse ceræ primigeniæ naturam tibi constare poterit, si apes onustas, & redeuntis omphaloptrâ diligentius intueri, atque acu os velis diducere; tum enim asperginem illam è floribus collectam videbis, ac magnum instrumentorum apparatus, quibus eam subigunt, & fortè cum succis arborum viscosis permiscet. Fors item est, ut multa ejusmodi arbores recremta profundant, eoque uberiora, quo major calor accesserit. Plantæ oleaginosæ, quæ diutius durant, & combustæ flammam candidiorem præbent, ex quarum censu sunt ornus & fraxinus, pinguiora ejus generis purgamenta effundunt, ex quibus non modò cera primigenia, sed etiam mannæ coagulum & concretio oritur. Sed cur ex inciso cortice fraxini in Calabria manna distillat? an quod cortex

bibu-

bibulus hunc rorem intus admisit, quem ob naturæ diversitatem respuit? Cur foliorum pediculis adhærescit? quia ob nodorum asperitatem ibi tenacius infigitur. Cur arbores linteis obstruæ manna præbuerunt? quod ros lintea & pannos faciliè subeat, ac penetret. Quare ros ille in alias arbores non delabitur? quod iis desit idoneum coagulum ad mannæ consistentiam. Unde illius dulcedo? ex melle primigenio. Quare bilem subducit? ob naturæ familiaritatem hanc attrahit: sal verò nitrosum, quo manna non caret, naturam ad secretionem exstimulat. Nitrosi salis argumento est, quod ubi inflammatur, multum edat strepitum, & spiritus nitrosi cum impetu dissiliant. Huc accedit, quod ex rore Chymici nitrum colligunt. Terra quoque Calabria nitrosa est; in aquâ manna exsolvitur, frigore nocturno concrevit, calore Solis induratur, friabile est, & dulce; combustum nullos relinquit cineres: quæ quidem omnia ex cerâ primigeniâ, melle, & sale volatili, seu nitroso proficisci est verisimile. Pingui quoque & oleoso halitu constat; nam flammam concipit. Ubi adurit, odorem spirat mellis ceræ admisti. Ex iis igitur licet concludere manna ex pingui halitu, sale nitroso, & volatili; cerâ, & melle primigeniis constari. Ceram ex apum cruribus avulsam, unâ cum melle ex earum ventriculis expresso commiscuit Magnenus; sub dio hanc materiam de nocte in ficus folio reposuit; ante Solis exortum, quiddam mannæ non dissimile concrevisse reperit; erat enim mistura friabilis, & mellei odoris. Sed fortassè longius progredior: quare, si tibi videtur, refer te ad illa, quæ nobis explicare occæperas.

*Men.* Pervulgatas res requiris, & tibi non incognitas: pergam tamen quoniam ingressus sum, de meteoris, quæ mihi nota sunt, dicere. Haud equidem scio cur mel, manna, & saccharum ipsum inter *Saccharum* mixta imperfecta recenseant: est enim saccharum quarundam arundinum succus alimentarius, qui salis naturam multum refert: siquidem in aquâ exsolvitur, & spiritibus ignitis abundat. Unde ex affricu ferri lucem igneam in tenebris vibrat. Sic persæpe aqua maris vehementius agitata scintillat: nam salis spicula ex particulis aqueis *Cur flum.* explicata, & magna agitatione vibrata, globulos æthereos secundi *Et in mari* elementi expellunt, ac subeunte primi elementi subtilissimâ materiâ, *ad rupes* ignis procreatur, eo quo diximus alibi modo. Neque omnes fluitus, *alibi scin-* sed decumani & maximi scintillant. Nec crassior & turbida aqua *silens,* ris scintillas emittit, quod illius particula non satis lubricæ existant, ut salis atomi ex iis sese expediant. Imò æstivo tempore cum aquæ filamenta salis particulas minùs arctè implicant, tum mare crebrius scintillare observamus. Est igitur saccharum quoddam salis genus; tam-  
et si

et si plurimum sapore differat, quod pinguiori succo temperetur: candorem suum, ut reliqua, ab atomis sphericis mutuatur, quæ lucem uberiores, atque in omnes partes regerunt. Neque aliud nisi tantum candorem conciliat: nam mille globulos in nive, microscopii beneficio licet intueri.

*Nix,*

Quid ergo nix nisi quædam vaporis spuma frigore concreta? non quòd existimem cum Plinio, ex mutua nubium collisione, & conflictu, nivem instar spumæ ebullire: sed aëre forsitan, vel spiritu quodam tepidior turgent innumcrabiles bullæ, quæ nivem componunt. Unde cum nix imminet, frigus aëris non mediocriter temperatur, ac plerumque caput gravedine laborat, distillationes cerebri excitantur. An quòd spiritus quidam tepentes, ac nivium prodromi, ut loquitur Fromondus, deorsum exprimuntur? ut ut sit, flocci nivis non decidunt, nisi vaporum filamenta frigore congelati, in unum veluti globulum plura conspirent; nec coeunt, nisi extrema velut fila calore modico liquata floccum reddant, & densiorem, & graviorem. Quòd si illi globuli priusquam terram attingant calore solvantur, non nix ipsa, sed pluvia quædam frigidior delabitur. Sed

*Grando,*

ubi inter cadendum flocculi calore liquantur, atque iterum frigore concresecunt, grandinem præbent. Est igitur grando, gutta pluviae acerrimo frigore congelata. Hinc perspicuitatem & rotunditatem suam obtinet. Verùm ubi nivem jam liquefcentem ventus frigidior corripit, ac multos flocculos in unum colligit, tum grando & maxima, & polygonæ præceps ruit. Hujus extrema sæpè tralucet, quòd extremitates prius liquefactas frigus occupaverit, neque intimas partes subierit: hinc nix quædam in medio opaca remanet. Æstate frequentior est: nam hieme non satis est calor, ut is ad nubes usque sublimiores perveniat: inferiores quidem attingit, sed citius nix soluta decedit, quàm frigore iterum congelari queat. Cùm igitur nix nondum liquata est, sed aliquantulum emollita, tum grando non pellucet. Sic nivis & grandinis figuras, tum venti, tum diversi halituum plexus, aut frigoris gradus, varias, ac prope infinitas exhibent. Alii grandinem ex nubis altioris in depressiore casu summo frigore concresecere autumant; neque enim verisimile est, æstate cùm aër infimus tepidior est, pluviam delabentem congelari. Nec prope terram, sed in mediâ aëris regione, ubi frigus intensissimum regnat, congelatur.

1. Mirari subit, quòd plerumque nivis flocculi instar stellarum sex radiis distincti appareant. Placet Cartesio plures globulos simul & in eodem plano agitados plerumque sic coire, ut sex globuli eundem circum efforment. An potius ad spiritum universi, & rationes seminales

cum



cum Platonici nos conferemus? rerum enim omnium semina suis fi-  
 guris instructa sunt; nec animantes modò, sed etiam res vitæ exper-  
 tes suas à naturâ figuras sortitas esse arbitrantur. Nivem ajunt ferti-  
 litatem terræ inducere: seu quia succum benignum instillat; seu quòd  
 terræ & plantarum halitus contineat, neque expirari sinat. Hinc in  
 montibus nive obductis, erumpentes halitus sibi fornicem, aut cru-  
 stam excavant, sub quâ læta exsurgunt gramina, An fortè fecundi-  
 tatem suam ab halinitro mutuuntur? Hinc facilè in aqua solvitur, &  
 dissoluta ventum frigidum spirat. II. Nix diu attrectata manus cale-  
 facit: nam primò calidum sanguinem arceat, qui postea copiosior &  
 uberior affluit; vel fortè nix ex innumeris sphæruleis compacta fibras  
 eodem modo agitat, ac calor. III. Nix est friabilis, quia globulis  
 constat, qui facilè separantur. Eandem ob rationem perstringit ocu-  
 los, quòd uberiorem lucem ex illis sphæruleis reflectat: unde qui me-  
 diis in nivibus habitant, plerumque debillioris sunt visus. IV. Nix  
 aquæ innatat, quòd multo aëre turgat. Sed cur grando citius, quàm  
 nix calore solvitur, cum grando acriore frigore concreverit? Id pro-  
 pter densitatem grandinis forsitan evenit. Quemadmodum libra  
 plumbi citius quàm butyri liquefcit; quòd ubi pars una calorem con-  
 cepit, statim cum proximæ communicat, & ita quasi per manus citif-  
 simè calor per omnes partes diffunditur. Prætereo alios effectus ni-  
 vis, quos Fromondus recenset; quòd bulimiam, ac quoddam virium  
 deliquium in iis excitet, qui nivali tempore iter faciunt; quia halitus  
 nivales subeunt corporis meatus præ calore apertos: atque adeò ce-  
 lor naturalis uberior expirat. Iidem halitus ventriculum, & pulmo-  
 nes malè afficiunt, ac vellicant; cui morbo remedio sunt, tum panis,  
 qui benigno spiritu ventriculum recreat; tum etiam vehementior tuf-  
 sis, quâ maligni halitus excutuntur. Cum ningit, campanarum soni-  
 tus, vel colloquentium ex proximo voces vix audimus, quia sonus in  
 flocculos nivis toties impingit, ut tandem dissipetur, nec per eorum  
 intervalla integer permeare possit. Nix itaque hoc à pluvîâ differt,  
 quòd illius corpuscula adeò sunt exigua, ut delabi nequeant. Nam  
 flocci nivis nihil sunt quàm veluti cineres conglobati, non continui,  
 hinc illius candor, ut sæpè monuimus. Nix porrò in loco sublimio-  
 re, quàm pluvia generatur; cum excelsorum montium juga nive per-  
 petuâ obducantur, neque ullâ pluvîâ solvantur. Mollis est, quia ex  
 tenuissimis compingitur atomis. Frigus aliquantulum remittitur, cum  
 nix imminet: quia nubes nive prægnans coarctat aërem terræ finiti-  
 mum, atque halitus è terrâ erumpentes repercutit, qui calorem au-  
 gent, postquam verò nix delapsa est, tum aër magis tepet: vel quia

Sol radios prius nubilo oppressos, jam liberius vibrat; vel quod nubes antè pendula frigore subiectum aërem infestabat. Ita quidem videtur Thomæ Anglo.

*De pluviis portensis.*

Hic nihil addam de prodigiosis pluviis, de quibus tam multa alii scripserunt. Nam & sanguinem, & lac, & lanam, imò & lapides pluuisse, Historiarum monumenta prodidere. Refert Agricola anno 1534. in Sueviâ pluuisse sanguine; ita ut vestes rubris & sanguineis crucibus tingerentur; idem in Germaniâ & Belgio anno 1501. contigit. Quoties Romæ lapidibus, & metallis pluit? hæc partim fuerunt divinæ providentiæ miracula, quorum tota ratio est omnipotentia facientis; partim etiam ex æditiis naturæ prodire. Vapores è terrâ rubrâ sublato pluviæ elati pristinum colorem exuunt, ut in aquis distillatis videre est. Nec aqua rosacea rutilum rosæ colorem servat. Quid igitur? an maculæ sanguinæ lapidibus ac parietibus adhærescentes, non ex pluviâ, sed ex crucis oriuntur; quæ in papilionibus abeunt, atque ubi spolia exuunt, guttas relinquunt sanguineas? Rem ita se habere clarissimus Peirescius anno 1608. observavit. Hinc cruentas illas maculas vix aquâ ablui posse, referunt historici, quod ipsa demonstrat experientia in illis papilionum excrementis; neque è cælo sanguineas guttas decidere, hinc constat, quod neque in ædificiorum tectis, nec ferè in oppidis: sed potiùs in agris, atque in foraminibus, in quibus nidulantur; neque in devexis, & cælo obversis lapidum superficiebus, sed in averfis, & concavis conspiciantur. Sunt quædam ex illis guttis satis illustres, quæ aliquando assis magnitudinem exæquant. Neque inficias ibo vapores multis corpusculis terrestribus vel succis permisceri, quæ lactis, vel sanguinis colorem præbeant. Nam terrestria corpora usque ad mediam aëris regionem attolli posse, hinc jam ostendimus, quod ubi nix, vel pluvia resedit, in fundo vasis multum limum liceat inspicere; imò & pili animalium grandinum gravis inclusi visuntur. Sed de his jam nimis. Per pauca adderem de ventorum origine, nisi longius me esse proVectum, quàm institueram, jam pœniteret. Nescio enim quo pacto omnia ferè meteo- ra, non solum ex Cartesii mente; sed etiam ex Peripateticorum fontibus exposui: nec potui pauca nisi è multis seligere.

*Simp.* Nihil est quod te pœniteat: res enim amplissimas, non jejuno quidem & exili stylo, sed tamen presso, & contracto conclusisti. Hæc sanè ratio, & via docendi multum Cartesio arridet: hinc plerisque subobscurus videtur. Profectò affectata illa brevitatis mirificè me delectat. Quid enim ineptius, quàm flexuosis ambagibus res minimè ob-

obscuras involvere. Perge igitur, quæso te, de ventorum naturâ, & origine, quid sentias expromere. Quicquid dicturus es, æquis & attentis auribus excipiemus.

*Men.* Quid senserit Cartesius, quæque acceperim, ex sermonibus, colloctionibusque amici nostri, cujus ingenium acerrimum & propè omnium rerum capax, meritò demiramur (nostri, mi Simplici, quem hoc elogio designem) paucis aperiam. Ventus nihil mihi videtur, quàm aëris majorem locum affectantis agitatio. Hic communis sermonis consuetudine abutimur: aërem quippe dicimus corpus, quod nec visu percipitur, nec manibus contrectatur. Quanquam ventus ipse non tam aëris sit, quàm vaporum agitatio. Neque utrumque confundimus, vaporem, & aërem; hic facilius comprimitur, ægrè dilatur; ille cum ex aquâ prodierit, multùm explicatur, vix coarctatur. Ventus verò ex dilatatione proficiscitur, non aliter atque in æolipilis aëri vapores subiecto igne irritati, suis gyris majorem quærunt locum, atque in patentem aërem magno impetu per foramen angustissimum prorumpunt. Non dissimili modo vapores ex aquis, nubibus, atque humidioribus terris sublatis, totum aëra exagitant; atque in eam maximè partem feruntur, ubi aër frigore vel aliâ de causâ densatus eos excipit. Cum verò exhalatio tantæ dilatationis non sit capax, ventus non tam halitus erit, quàm vapor. Quodd ea sit ventorum causa, ex æolipilis ipsis colligimus: nam ubi incaluerit, ventus ex iis tandem crumpit, quamdiu aqua suppetit. Sic plerumque ex antris spirant venti: aliquando ex imo mari prodeunt: interim per terræ meatus diffantur, ac sæpe post terræ fremitus spirant. Hinc liquet, cur venti, ac procellæ sint in mari, quàm in terrâ majores; quod uberiorem vaporum copiam mare suppetit. Exhalationes verò, quæ ex terrâ erumpunt, non tantùm valent, nec tantam sustinent dilatationem. Jam cur ortivi plerumque venti sub ortum Solis, occidui spirant vespere? Ratio in medio est, aërem noctu condensatum Sol exorians dilatat, & vapores uberiore excitat, qui utrimque in partes Soli oppositas cientur. Vespere & sub occasum Solis venti, qui in nostras partes refant, occidui; qui verò in eas regiones, ad quas Sol accedit, spirant, ortivi dicuntur. Dumque aër continuo fluxu in occasum labatur, siue id telluris motus, siue diurna cœli efficiat conversio: palam est, cur ortivi venti sicciores & vehementiores existant, nam duplici impetu aër propellitur, ac vapores subinde disjicit, nec coalescere permittit; sed occidui motu in contrarias partes nitente nubes sistunt, & condensant; hinc imbriferi sunt & humidiores. Huc accedit, quod aër noctu densatus Orientales ventos majori impetu ruentes excipit.

Siquidem sola aëris compressio ventum persæpe efficit. Sic nimbus eadens magnum ventum excitat. Nonnunquam evenit, ut nubecula delabens nullum sensibilem in patenti aëre ventum procreet; sed in caminorum tubis collecta cineres & paleas turbinet. Neque ulla, si bene conjicio, tempestatum ac turbinum causa afferri potest, quam nubium è sublimi aëre in terram lapsus: nam hinc copiosi imbres, & vehementes venti oriuntur. Densatæ quippe nubes dant pluviam, & suo lapsu aërem exagitant, non secus ac si velum expansum ad terram identidem allideres. Hæ quidem procellæ in mari & crebriores sunt & magis pertinaces. Nam maxima vaporum copia ex mari erumpit, & quo nimbi sunt vel densiores, vel graviiores, hoc majores excitant procellas. Verùm unde tam incertæ sunt ventorum tum vicissitudines, tum etiam affectiones? Ventus enim ex eodem spirans loco, nunc siccus, nunc humidus existit. Nunquid humidior erit, si ex proximo lacu, siccior, cum ex arenoso loco perflaverit? Quare in Ægypto Austro, qui ex Africæ arenis nascitur, siccissimus est, nec pluvias cogit. Nunquam adeò, vel rarò in Ægypto pluit, nam qui à Meridie flat ventus siccus est, nec vapores ab Oceano Australi ortos potest eò adducere, quia prius dissipantur, quam in Ægyptum perveniant. Boreales quidem venti, à Mediterraneo mari spirant, sed frigidiiores sunt, & ferociiores, quam ut vapores densare queant. Addunt nennulli igneos spiritus ex Ægypti solo continenter erumpere, qui nubes con crescere non sinunt. Indicium est soli fertilitas, vel corporum sepulchrorum quædam incorruptibilitas, nec non diuturna incolarum vita. Jam ut ad eam partem sermonis, ex quâ egressi sumus revertamur, sicciores venti vaporibus terrenis, qui multo aëre & halitu abundant, humidi verò aqueis constant. Tantam porro inæqualitatem ventorum causæ propè innumerabiles efficiunt. Multi credunt variam Lunæ illustrationem non parum in procreatione ventorum momenti obtinere. Ut taceam de calore subterraneo, montium, & vallium asperitate, & diverso cavernarum situ. Nonne hæc atque alia penè innumera tantæ ventorum inæqualitati sufficiunt? Quocirca ubi omnes, vel plurimæ ex his causis desunt, venti magis uniformes, & æquabiles spirant. Unde illud amplissimum mare, quod ad Austrum dirigitur, Pacificum dixere, non quòd tutum sit à tempestatibus, sed quia illud minùs irregulares venti perflant. Non omitam quosdam ventos penè anniverarios existere; ut in nostris regionibus Etesias, seu Boreales, qui quotannis post æstivum solstitium ferè spirant. An fortè Sol, ubi ad tropicum Cancris pervenit, ex locis Aquilonaribus vapores educit copiosos, quos efferre non potest, cum ver-

ſus Austrum longius abſcedit? Sic verno tempore procellæ ſunt crebriores, quòd Sol ad Boreales plagas nubibus, & nivibus opacas, tum declinet, & magnum vaporum proventum ſurſum tollat, qui nocturno frigore ſtatim denſantur; ſed diurno egent calore, quo dilatarì que-  
 ſcit, & in ventos diſſili: quare tum temporis venti Boreales & orti-  
 vi dominantur. Jam ne longior ſim, dicam, cur circa oras maritimas,  
 ventus de die à mari flare ſoleat; noctu verò à terrâ: hæc enim ca-  
 lorem pertinaciùs retinet, quàm aqua, unde propter calorem illum,  
 ſuperſtitem, terra etiam noctu vapores ventis procreandis ſuppedi-  
 tat, qui quidem venti ad mare diriguntur, quòd ibi nocturno frigore  
 aër condenſetur. Sed de ventorum origine ſatis ſuperque dictum pu-  
 to: nec tibi, mi Theophile, quantum ex vultu intelligo, magnopere  
 probantur.

*Th.* Non adeò moroſus ſum, ut omnes Carteſii, vel aliorum re-  
 centiorum opiniones, quâ bonas, quâ malas inſeſter: ſed nondum ita  
 me comparavi, ut tanti viri decretis, ut inconcuſſæ fidei oraculis pla-  
 nè acquieſcam. Sæpe uſu venit, ut illius inventiunculæ excuſſæ ri-  
 ſum habeant, quæ inventæ facie ingenii blandiuntur. Jam ut con-  
 tentiones, quantum potero, minuam, ſalis atomos rigidas, aqueas ve-  
 rò eſſe flexiles; nubes, pluvias, & alia id genus meteora, eo ſerè mo-  
 do fingi, atque expoſuiſti, non invitus concedam. Niſi quòd ſubſtan-  
 tiam illam ætheream adeò ſubtilem minimè arceſſendam putem, ut ex-  
 plicemus modum, quo glacies concreſcit: vel guttæ pluviarum con-  
 globantur. Malletm equidem ire in Franciſci Valleſii ſententiam, quâ  
 exiſtimat ſpiritum igneum, per fluida corpora diſfuſum, illius fluidi-  
 tatis cauſam exiſtere. Siquidem metalla ignitis particulis agitata li-  
 quantur. Tum igitur aqua, & cæteri liquores congelantur, cum calidæ  
 atomi præ frigore expelluntur. Nec multum diverſa eſt doctiſſimi Fabry  
 opinio, quâ putat ignitas particulas præ nimio frigore, in primâ a-  
 quæ ſuperficie dividi: hinc ne quid inane remaneat, partes aquæ con-  
 trahuntur, atque ſuperſtites ignis atomos implicant: unde aqua pu-  
 riſſima, ſi quæ foret, non poſſet congelari, uti nec vini ſpiritus, qui  
 uberiore igne abundat. Aqua jugiter fluens, non facile congelia-  
 tur: nam perennis motus contractionem partium arceat, & novas ſub-  
 inde ignis particulas ſibi comparat: eâdem ratione ſalis corpuscula  
 nativo calore frigori reſiſtunt. Hinc denique glacies levior efficitur,  
 nam poris & foraminulis magis hiat, majorem adeò exigit locum.  
 Illam eſſe intimam congelationis cauſam pertinaciter tueri nolim: eſt  
 certè verosimilis. Poſtremò nobiliſſimi Digbæi ſententia non abhor-  
 ret à vero; terrea, ſicca, & exigua corpuscula aquam ſubire, penetrare,

dividere, ac poris demum suis imbibere, cumque plena & satura fuerint, eorum lateribus reliquæ liquoris, vel aquæ particulæ adhærescunt, adeo ut glacies non aquæ refractione, ut visum est Galilæo, sed potius condensatione & novorum corporum ingressu concresecat. Majorem quidem locum aqua congelata obtinet, & videtur quasi intumescere, quod novi spiritus accesserint, qui cum sint aquâ leviores, nihil mirum, si glacies in aquâ non deprimi, sed magis extare videatur. Circa vasis latera dehiscit, ut viam novis atomis aperiat, quæ aquam altius congelabunt. Hinc qui aquam æstate congelant, nivem, vel glaciem, cum nitro, aut sale ammoniaco permiscent, ut salis calor cum siccitate conjunctus frigidas nivis partes protrudat, quæ subeuntes aquam lagenâ vitreâ conclusam sensim congelant. Nix fortè non dissimili modo concresecit, nisi quod in nive aquea corpuscula magis distrahuntur, in glacie sunt confertiora. Pluvia in guttas conglobatur, quod ab ambiente aëre stillicidia undique premantur æqualiter. Nubes verò in medio aëre sunt pensiles; non quod continuo vaporum ascensu veluti fulciantur; sed quia æqualis sunt cum medio aëre ponderis. Illud quippe staticæ leges exigunt, ut corpora, quæ sunt leviora, liquidis immersa sursum tollantur. Quare nubes eo sublimius efferuntur, quo sunt leviores. Sunt quidem aëre opaciores, sed non continuo graviore; ut lignum aquæ impositum extat, quam tamen opacitate vincit. Quod autem infimus aër, & densior, & gravior superiore existat, refractiones siderum, ubi horizontem stringunt, apertissime demonstrant: siquidem sereno & tranquillo cælo 34. minutorum refractionem patiuntur, tum cum oriuntur, vel occidunt; sed ubi ad 30. graduum altitudinem pervenire, tum ab omni refractione sensibili liberantur. Dixerit aliquis, nubes vaporibus & pluviam gravis ipsam aërem densitate superat, & pondere. Id verò non concedo, donec nubes frigore contracta pluviam guttas exprimat. Hinc nubes vaporibus & pluviiis sætæ longè sunt depressiores, quàm fumi terreni, qui usque ad supremam aëris regionem efferuntur, & ultra 50. milliaria conscendunt, ac crepusculorum faces accendunt. Media verò aëris plaga non ultra 4. milliaria porrigitur: hucusque enim vapores evehi possunt, ac tantum ferè altitudinis Etnæ vertici perpetuis nivibus obducto tribuit Abbas Maurolycus. Sunt quidem alii in Peruvia montes longè sublimiores, quorum juga nulli vapores obnubilant. Cum igitur nubes nobis finitimæ vix ultra dimidium milliare, vel 500. passus à nobis distent, (ut norunt ii, qui Alpium, & Pyrenæorum juga conscendere) necesse est mediæ regionis altitudinem trium ferè milliarium cum semine existere: non enim ultra 4.



milliaria vapores ascendunt, aut nives concrefcunt, Sed de his haftenus.

Nunc videamus quæſo, quid tandem novi de ventorum origine Cartefius attulerit. Diu eſt quòd Seneca nos docuit edi è ſpecu ventos, reſeſſuque interiore terrarum: tametſi non putat hanc ſolam eſſe ventorum cauſam. Addit aquarum, terrarumque evaporationes; ex his gravitatem aëris fieri, deinde ſolvi impetu; cùm quæ denſa ſteterant, ut eſt neceſſe, extenuata nituntur in ampliorem loeum. Sed nimium ingenio indulget ſuo, cùm docet aërem ſe ipſum movere, atque in aëre, ut in aqua eſſe quiddam vitale, omnis motus principium. Modo, inquit, aër ſpiſſat ſe, modò expandit & purgat: aliàs contrahit, aliàs diducit: hocque intereſt inter aëra & ventum, quod inter lacum & flumen. Quid enim ventus niſi aër fluens impetu, aut curſus aëris aliquò concitior? Hanc certè definitionem non aſpernamur: ſed quid illum impetum procreat? negamus aërem vivere, neque id ullà ratione probari poteſt. Quid igitur aërem incitat, niſi exhalatio multo vapore permiſta? nec tamen ſola ipſius halitus dilatatio magis ſpatium affectantis, ventum ciet: nam æſtate vehementiores flarent venti, quàm vere, & autumno: ſiquidem quo radios in terram rectiores Sol jaculatur, hoc aërem, & vapores magis extenuat. Quòd ſi ſolà rarefactione, vel condensatione ventus procreatur, neceſſe eſt, ut in omnes ſimul partes ſpiret; quandoquidem aër in orbem diffunditur. Hanc igitur vaporis, vel halitus extenuationem eſſe quidem in parte, ſed non ſolam ventorum cauſam exiſtimo. Nec mihi quorundam Peripateticorum ſententia arridet, exhalationem ſurſum nitentem nubium objectu repelli, quæ cùm præ levitate non poſſit deſcendere, nec ſurſum efferri, in tranſverſum movetur. Quod ſi ita ſit, neceſſe eſt, ut ipſas nubes ſingamus, tanquam corpora ſolida, quæ exhalationem adeò fortiter reſeſtunt: neque in eandem, ſed in omnes partes venti reſiliunt. Huc accedit, quòd media aëris regio longè foret gravior & ſolidior infimâ. Quæ igitur cauſa hunc vento motum imprimit? numquid terræ pulmones cum Keplero, vel Angelos cum Bodino obtendemus? ſed alterum vanum eſt, ac fabuloſum: alterum Philoſopho indignum videtur: tanta quippe ventorum inæqualitas cauſam habet minùs conſtantem & certam: atque ut flumina naturali impetu labuntur; ſic motum aëris à cauſâ naturali proficiſci par eſt. Non inficior tamen creaturam viſibilem per ſpiritus inviſibiles regi: verùm alias his rebus cauſas & propiores, & magis cognatas inquirimus. An ſingulis ventis, qui provinciales dicuntur, & in certis regionibus ſpirant, ſingulos quoque Angelos, quaſi præſe-

De ventorum cauſis, & natura.

Kepleri & Bodini ſententia reſeſta.

- Objectio.* Etos tribuemus? Sed, inquit, dæmones plerumque solent, & ventos, & tempestates excitare: sic magi unde libuerit ventos evocant. Addit Bodinus, quòd si cadaver ex Ægyptiorum sepulcris erutum navibus aliò transvehatur, violentissimæ tempestates tandiu navem jactant, quousque vel demergatur, vel cadaver in mare projiciatur. Unde qui Alexandriâ solvunt nautæ scrutantur onerarias naves, ne
- Responsio.* fortè quis mumiam imposuerit. Hæc atque alia id genus persuadent quidem multum Angelis, & dæmonibus licere in hæc inferiora, ac ventos posse undequaque excitare; multa extra naturæ ordinem operari: sed eos esse ventorum impulsores, & quasi æolos, vix homo sanæ mentis crediderit. Quid ergo ventos ciet? numquid ut placet Aristoteli, exhalatio sursum sublata à sublimi aère versus occasum cœli vertigine abripitur, & obliquè detorquetur? At necdum satis constat sublimem aërem primi mobilis conversione rapi: neque facilè concipitur, quòd hoc fieri possit. Altissimorum certè montium vertices nullo inquietari vento compertum est. Accedit quòd omnes venti ab ortu flarent, ac nubes in occasum propellerent. An fortè nobis in Fromondi sententiam concedendum est, quâ putat ventos in terram suo pondere delabi? At ventus non adeò gravitat, ut tanto impetu præceps ruat; maximè cum præ levitate suâ sursum sublatus fuerit. Unde ergo tantum virium sibi conciliat, ut arbores altis infixas radicibus evellat? id nobis discutiendum est. Sive ventus exhalatio quædam sicca; sive humidus vapor censeatur; vel quod mihi magis placet, exhalatio sit vapore permixta: suâ quidem levitate hunc crassum aërem perumpit; sed mediæ regionis frigore densatus, instar torrentis confertim fluit. Non quidem, ut imber, cadit ad perpendicularum; inferior enim aër resistit; sed movetur in transversum, hoc validius, quò major fuerit exhalatio. Nam quæ sequitur præcuntem urget, & instar fluctuum alia aliam pellit. Hinc sæpe venti vires acquirunt cundo; quo enim plures imprimuntur ictus, eo magis crescit impetus. Sed tamen cum longiorem tractum decurrunt, pars melior exhalationis plerumque dissipatur. Qui ex altiori loco decidunt, longius promoventur. Ventus Borealis cum densior sit, & gravior, quasi rectà deorsum propellitur. Non rarò ferocior est Austro: nam sæpius acriori frigore densatur. Austro verò, nisi imbris sit gravis, levior est Aquilone & magis in obliquum fertur. Hinc cessante Austro, fluctus, quos excitavit, non statim subsidunt: quemadmodum æstus quos Aquilo commovit, qui subito sternuntur, ubi ventus recederit. Nam Aquilo vehementior quidem est, sed deorsum ruit: non item Auster, qui fluctus ex transverso perstringit. Sæpe tamen evenit,

nit, ut ventus proprio pondere in terram præcipitatus, non statim frangatur; sed resiliat, vel propter impetum, quem sibi acquisivit, vel quòd una exhalatio aliam urgeat & insequatur; vel denique quòd crassior sit àër terræ finitimus, quem non facile perrumpit halitus ventosus. Nonnunquam in contrarias partes feruntur nubes: nam qui leviori halitu constat ventus, sublimior est, nec facile delabitur. Contingit aliquando, ut infimum aëra ne minimus quidem ventus sollicitet, cum tamen eodem tempore nubes celerrime promoveantur. Horum omnium una est communis causa, quam subinde attigimus: major aëris inferioris densitas, quem idcirco levior exhalatio non gravat. Quo verò aër magis densatur, eo minus vaporum minutissimæ atomi in unum coire queunt. Hinc stante Aquilone cælum serenum esse solet: sed ubi Austro spirat, tum aër calore laxatur, & vapor resolvitur; in majores adeò globulos colligitur. Ille est salubrior, quòd poros adstringat, calorem nativum contineat, nec facile exspirare patiatur: sed stante Austro caput gravedine laborat, quòd corporis meatus subtili & calidæ exhalationi pateant, quæ humoris fundit. Non easdem tamen ubique terrarum qualitates venti obtinent: nam Aquilo pluvias ac nubes vehit, cum à mari, vel lacu vicino spirat: Austro in Africa serenus est & siccus, quòd prodeat ab arenosis terris. Illud etiam constat, tenuem quandam auram à mari, & magnis fluminibus excitari: nam Sol vapores citius quàm exhalationes educit. Huc accedit quòd aër fluentis aquæ motui obsequitur. Sed cur venti solent maximorum circularum arcus decurrere? an quòd brevissimam affectant viam, quæ in spheræ superficie arcus circuli maximi? cur in unam potiùs partem, quàm in alteram spirant? an fortè id ex situ spiraculorum, ex quibus erumpunt, vel ex aëris resistantiâ dependet? quare alii sunt graves, alii leviores, nonnulli pluvias vehunt, alii cælum serenant, quidam salubres, alii sunt insalubres? hæc quidem dependent è terrâ, ex quâ educuntur, quæ si humida sit & frigida, densiores; si calida & humida, copiosos; si siccior, leviores procreat ventos; item ex calore, qui hos vapores effert, qui quo fuerit intensior, crassiores halitus educit. Denique reati eam sortiuntur naturam, quæ materiæ, ex quâ prodeunt, convenit. Postremò minuta illa corpora, quæ vel radiis solaribus, vel calore subterraneo turmatim prorumpunt, in ipso itinere alia offendunt corpuscula, cum quibus sæpè consociantur; quæ si fuerint humida, frigidioris venti occursum in nivem, aut grandinem densantur. Si ventus siccior fuerit, imminuentem arcet pluviam; nisi major sit vaporum copia, quàm ut à vento exsiccare possint, tum enim pulvis ille cum

impetu protrusus, quem ventum dicimus, inito cum humidis vaporibus foedere in pluviam concrefcit, atque effuso imbre ventus concidit.

De ventis anniverfariis nihil necesse est dicere. Etesias vocant, qui æstate à Septentrione quotannis flare solent; five concussæ magno calore nives (ut cum Seneca loquar) plus vaporis efflent; five quòd terræ exoneratæ nivibus, retectæque spirent liberius; nam probabile est spiritum nivalem sursum efferri, & frigore densatum recidere: quare Etesiarum ab Aquilone flatus in Meridiem dirigitur, quòd ibi aërem solutiorẽ, & calore jam dilatatum offendat. Neque alia mihi succurrit ratio, cur in zonâ torridâ Subsolanus ab ortu in occasum indefinenter spiret; nam eò ventus incumbit, quòd liberior exitus invitat, & loci laxitas: nocturno quoque frigore aër condensatur, quem Sol exorians dilatat, ac novos subinde vapores attollit, qui quærent quòd diffluant, & eò potissimum exeunt, ubi plurimum vacui est, & magna, & patens arca. Agnoscitis Senecæ verba, quæ facile est traducere ad perennem illum motum explicandum, quem in zonâ torridâ ab ortu in occasum flare experiuntur: nisi si quis fortè velit cum Keplero, & aliis Copernicanis insanire, huncque ventum terræ motui referat acceptum. Terra, inquit Keplerus, in illis regionibus velocissimè rapitur ab occasu in ortum; nec tam celestem motum aër consequi potest; unde in contrarias partes videtur refluerẽ. Quid igitur causæ est, cur circa vigesimum septimum gradum latitudinis Favonius ferè indefinenter spiret? Crediderim potiùs Solem ex his locis vapores continenter attollere, qui Sole recedente in ventum dissantur, hic ultra vigesimum septimum gradum occurfû litorum resilit; hinc Favonius decem subsequentes gradus occupat. Quòd verò Thomas Anglus ex illo æquabili motu æstûm Oceani deducat, vix addueor ut credam ventum tam leniter fluentem totum Oceanum abripere, qui occurfû litorum ad Orientem resiliat. Majores certè æstus sub æquatore, quàm versùs polos contingerent: cur unâ ferè horâ tardiùs recurrerent? Quod addit mare ab extrariâ causâ agitari, quia observatum est in locis non admodum profundis infra sextam orgyam contineri: adeò ut inferior aqua quieta sit, & placida; id si verum est, causâ, quam ex terræ libratione, mi Simplici, duxisti, non parum vacillat: sed longiùs excurro.

Jam quæ restant decurramus: diu noctuque in easdem partes perflat ventus, quòd Solis motum consequatur: nam Solis calor, quod sæpe dictum est, vicinum aërem dilatat; laxatus aër exhalationem ad se invitat. Nihil addam de procellis, quas Ecnephas vocant; nihil de  
tur-

turbinibus. Ecnephias nihil est quàm spiritus è nube disrupta ruens; acer est, & vehemens, quòd non susus, nec in apertum veniat, sed laborat, & iter sibi vi, ac pugna parat. (non ignoratis unde tam magnifica verba depromam) Ventus verò circumactus, & eundem ambiens locum, & se in ipsa vertigine concitans, turbo est. Nam ut flumen incurrens in aliquod saxum, retorquetur, & in orbem aquas sine exitu flectit, sic ventus quamdiu nihil obfistit, vires suas effundit; sed ubi aliquo promontorio percussus est, aut in tenuem canalem collectus, sapius in se volutatur, similemque aquis facit vorticem. Quòd si pugnacior est, ac diutius volutatur, inflammatur, & efficit quem *ἄνεμος* Græci vocant: hic est igneus turbo. Neque alia est, ut mihi videtur, fulminis & tonitruï causa, de quibus continuò agerem, nisi esset à cæteris separata ratio: hæc quippe ad ignita meteo-  
ra pertinent.

## CAPUT QUARTUM.

## De ignitis meteoris.

- I. De fulguris, fulminis, & tonitruï naturâ, causis, & effectibus.  
II. De reliquis impressionibus ignitis differitur.

## Menander.



St sanè quanquam diversarum rerum quædam vicinia; siue enim Ecnephias sit ventus sicca nube excussus, siue sit nubes magno impetu cadens; non aliter ipsa fulmina, & fulgura procreantur. Quid enim fulgur, nisi exhalatio sulfurea nubibus intercepta, & superiorum nubium casu, vel agitatione inflammata?

*De fulgure, fulmine, & tonitru.*

Superior quippe nubes calore solvitur, atque in inferiores non sine magno sonitu ruit, eoque major est fragor, quo nubes sunt crassiores. Sæpè evenit, ut exhalatio inflammabilis copiosa quidem sit; sed non satis densæ sint nubes; tumque citra tonitru micant fulgura. Contrà accidit, si densis, & solutis nubibus exhalatio sulfurea, & nitrosa desit: tum enim tonat quidem, non fulgurat. Fulguratio, ait tuus Seneca, mi Theophile, est latè ignis explicitus: fulmen est coactus ignis, & impetu iactus. Nubium in se compressarum angustiarum medium spiritum emittunt, & hoc ipso inflammant, & tormenti modo

ejiciunt. Quapropter fulmina exploduntur ferme, ut turbines: nisi quod turbo est cruda exhalatio cum nubibus in terram demissa, & sursum non sine magno impetu reflexa, quæ obvia quæque contortâ vertigine turbinat: sed fulmen exhalatio quidem est inflamabilis, quæ nubibus intercepta, & constricta, sæpe in lapidem concoquitur. Siccas quippe, & terrestres partes in mediam æris regionem attolli, & in fundo vasis ubi diutius pluvia resederit, terrenas sæces conspici, jam subinde monuimus: quæ quidem cum nitrosis, & sulfureis fumis permixtæ, & incensæ, in lapidem abeunt. Quid igitur mirum, si acres, oleosæ, & terrestres particule, in nube tanquam in fornace decoctæ, lapidem ceraunium conslent: tametsi nemo ex veteribus, ante Avicennam, hujus lapidis meminerit. Ex quâ igitur materiâ fulmen cuditur, nisi ex terrâ, nitro & sulphure? Communis quippe est pulveris pyrii, & fulminis materies; utriusque effectus omnino sunt similes. Quocirca nubes cava instar tormenti erit, cujus claustra dum sulfurea exhalatio dirumpit, & tonitru, & fulgur, & fulmen efficit: fulguratio ostendit ignem, fulminatio emittit; illa comminatio tantum est, ista jaculatio cum ictu; nec naturâ, sed impetu distant.

*Quare  
fulmen in  
terram de-  
jiciunt.*

Enimverò multa nos abeantes retrahunt. Primum quid fieri possit, ut sola fulminis flamma tanto impetu in terram usque dejiciatur? non enim flamma è tormentis bellicis tam longè prorumpit. An fortè exhalatio illa viscosa est, & tenax, nec facile dissipatur, quod non sulfurea modò, sed etiam bituminosa sit? Sulphur quidem ipso odore se prodit: bitumen verò non abesse hinc conjicimus, quod in aquâ non extinguatur. Multa profectò in chymicis operationibus, fulmini non dissimilia intuemur: nam calcem auri fulminantem, atque ingenti strepitu deorsum nitentem præparant: ut nihil dicam de croco antimonii, quem per detonationem eliciunt. Sic ubi æs Cyprium in puram excoquitur, si antequam perfectum fuerit, aliquantulum aquæ injeceris, prorumpit ex catino, non sine magno strepitu, ac prosternit quidquid attigerit. Sed quare fulmina deorsum potius, quàm sursum vibrantur; nam aer infimus, densior cum sit, plus resistit? An quod in illo conspectu densata nubes, vel confertus imber è sublimi aère rucens fulmen deorsum præcipitat? juvat etiam inquire-re, cur fulmen alta quæque feriat; cur aliquando illasâ vaginâ ferrum fundat; cur dolia intacta fulmine exhauriantur? Excelsa quæque fulmine ieiuntur, quod non rectâ deorsum; sed ex obliquo fulmen demittatur: unde excelsa quæ sunt, sæpius ex transverso occurrunt: nubes quoque in mediâ sui parte facilius dirumpitur, cum turris, vel montis cacumen subest, quia plus ibi resistitur.

*Varâ ful-  
minis effe-  
ctus.*

Cæte-



Cæterum non eadem semper est, & uniusmodi exhalatio, quæ fulmen accendit: si pinguis fuerit, & oleosa, mollia tantum corpora adurit; si penetrans, & subtilis, cedenti materiaz parcat, obstantia quæque perfringet. Sic aqua fortis dissolvit metalla, non ceram, vel lignum. Exhalationem verò, ex quâ fulmen cuditur, multum nitri, ac salis volatilis continere, jam identidem monuimus. Nihil igitur mirum, si manente vaginâ ensis lique scat; vel inviolato ligno circa pila ferrum omne distillet; aut oculis integris conflectur argentum. Illud mihi majori est miraculo, quod fracto dolio vinum incrustet, ac tam citò facem vini exsiccando, corticem obducatur; aut ipsum vinum congelat. Stat, inquit Seneca, in dolio vinum: nec ultra triduum rigor ille durat. An fortè spiritus nitri vinum congelat? Jam enim notum, & pervagatum est, quod nitrum glacie contritâ permixtum, ac lagenæ vitreæ obductum, aquam lagenâ inclusam congelat. Rationem idoneo loco reddidimus. Jam unde tantus tonitruus fragor? An quod in nube humidâ extinguatur ignis: nam ne ferrum quidem ardens silentio tingitur? Sed tamen ferrum aquâ extinctum, stridentem edit sonum, non tonitruus bombum. An fortè ex nubium collisione, vel exhalationis inclusæ luctâ, & ignis accenditur, & tantus fragor exoritur. Sic lauri, & juniperi folia, vel castaneæ non incisæ, atque alia id genus, non sine stridore incenduntur, quod spiritus conclusus, & rarefactus, magno impetu corticem disrumpat. Quod si ita sit, non sola collisio, sed etiam nubium scissio tonitruus sonum facit; præsertim cum vehementius crepat. Talia, inquit Philosophus, jam sæpè à nobis laudatus, eduntur tonitrua, cum globata dissolvitur nubes, & spiritum, quo distenta fuerat, emittit. Exemplum illustre habemus in pulvere pyrio, qui in tormentis rarefactus, magno fragore erumpit.

*Th.* Assentior planè, neque unum uni tam est simile, quàm *Objectio.*  
tormenti & tonitruus sonus: verumtamen non resonant mollia, nisi illisa duris; nec auditur fluctus nisi impactus. Jam quid nubes ipsâ mollius, quid ipsi cum ferreis, vel æneis bombardis communc?

*Men.* Tametsi nubium materia non sit ferrea, stringit nihilominus spiritum accensum, qui sibi vi atque impetu parat viam. Non dissimile quiddam videmus in fodinis Carbonariis: nam halitus bituminosus, si fortè in facem accensam inciderit, magnum edit strepitum; nec tamen ad durum corpus alliditur. Multum etiam confert aëris flagellatio: quid enim sonus nisi ictus aër? Cum verò nubes, non subito, sed paulatim effringitur, tum stridentem emittit sonum,

non aliter ac si pannum disruperis. Cum denique per nubem crassior exhalatio discurrit, tum grave murmur auditur: quando enim spiritum intra se claudere nubes, in concavis partibus earum volutatus aer similem agit mugitibus sonum. Nec demum inficiari possum nubium lapsu, & tonitru, & pluvias pleniores effici: nam ubi major crepitus insonuit, largior imber effunditur. Quid verò est causæ, cur fulmen obliquè feratur? An quia natura ignem sursum vocat, injuria deorsum premit (non potui hanc Stoici vocem omittere.) Interdum neutra vis alteri cedit, & ignis in superiora nititur, & in inferiora deprimitur; unde, ut jam dictum à nobis est, frequenter cacumina montium feriuntur; quia opposita sunt nubibus, & è cælo cadentibus per hæc transeundum est. Fervidis & æstivis diebus plerumque fulminat, quod oleosa, & pinguis materia, non nisi calore vehementiori attolli possit, ut videre est in distillationibus chymicis, ubi spiritus volatilis, & phlegma leni distillatione proficiuntur; olea verò non nisi aucto igne extrahuntur. Celerrimam rarefactionem volocissima nubes & vicini aëris compressio sequitur: hinc ingens oritur sonitus.

*Th.* Jam si placet quàm brevissimè poteris, de reliquis impressi-  
onibus ignitis perge dicere: ista enim omnibus sunt obvia, nec longam exigunt disceptationem.

*Men.* Sequar quò vocas; cumque omnia ferè meteora, quæ calore accenduntur, ex eodem fonte manent; nempe ex pingui & fumoso halitu: satis fortasse fuerit de his in universum dicere. Communis quidem eorum materies halitus est pinguis, & viscosus; sed quo incendatur modo, non ita est in promptu. Volutatio spiritus in nube conclusi valentissimum est accendendi genus. Hinc fieri potest, ut violenta agitatio vaporem ab exhalatione, ut serum à butyro secer-  
nat; cumque copiosa est exhalatio, & tenuis vapor, ac nulla nubes sub obtutum cadit, sulfureus halitus facilè sese expedit à vapore, & sine crepitu in stellæ, aut globuli ignei modum, è cælo in terram præceps ruit. Idem ferè hic, quod in pyrobolis accidit, nisi quod stellæ cadentes nullum vehementiorem edunt sonum, sed non sine magno strepitu charta toties replicata, & adstricta, perfringitur. Huc accedit, quod pyroboli sursum niantur, quia materia paulatim accensa ampliore exigit locum: nec deorsum potest tendere, vel quod apposita obstat virgula; vel quod projicientis impetus sursum ire compellat.

Stellæ discurrentes simili ferè modo non in supremâ aëris regione, sed propius terram incenduntur; videntur discurrere, quod aer  
his

*De stellis  
cadenti-  
bus.*

his exhalationibus sit refectus, & accensus halitus, pabuli sui venam sequatur. Interim velut igne continuo totum iter signant, quia visus nostri tarditas non subsequitur momenta currentis; sed videt simul, & unde exilierit, & quò pervenerit. Pleraque ejus generis meteora tempestates præfagiunt: significant enim aëra infici multâ exhalatione. Hinc postquam atrox tempestas sæviit, ignes ejusmodi navium malis adhærescunt; nec verisimile est ex fluctibus maris inter se collisis eos procreari. Crediderim potius vaporem vi tempestatis abripi, *De aliis* halitum solum pinguem & viscosum esse superstitem, *impressio-* *nibus igni-* *tis.* cujus flocci per aërem volitantes aliquando obviis navium malis tenaciter inhærent, atque ipso motu incendantur. Interim unus duntaxat apparet; hunc veteres nautæ Helenam dicebant, & tempestates portendere arbitrabantur: si duos conspicerent, Castoris, & Pollucis nomine eos insigniebant, felicioris, ut putabant, ominis. Nunc temporis nautæ secus augurantur, & quo plures contuentur, eo majorem fore tempestatem conjiunt.

Quid necesse est hîc de Dracone, Caprâ, Clypeo, & aliis bene multis, quæ figurâ tantum, non naturâ distant, lusiùs differere? Quando exhalatio accensa in mucronem acuitur, pyramidem dicunt: si teres sit, & cylindrica, columnæ; si latiori fastigio scintillet, facis; si rotunda sit & plana, clypei; si oblonga, & transversa, trabis; si mediæ partes intumescant, Draconis nomen sortietur. Quod si globus igneus circum se floccos pensiles, instar lanæ præferat, ac saltu incondito lasciviat, Capræ saltantis nomen obtinebit: tenuis quidem exhalatio hos efficit flocculos. Stipulæ dicuntur, cum globus igneus non apparet, sed exhalatio latè dispersa incensarum stipularum speciem præbet. In quâ porro aëris regione hæc meteora accendantur, difficile est decernere. Nam vix adducor ut credam, non ali- *Ubi hæc* *meteora* *generen-* *tur.* bi quàm in supremâ aëris regione illa generari; cum nulli vapores eò conscendant, nec sublimem aëra ullus ventus exagitet: quo igitur modo exhalatio ibi accendi poterit? sæpè hæc incendia ad terram usque perveniunt: non longè igitur à nobis procreantur. Cæterum cum ignes illi aërci materiæ tenui & subtili insideant, faciliè extinguuntur: nam si crassiori adhæreant materiæ, subito decident, nec proprio renitente pondere, in sublimi aëre diutius suspendentur. Quapropter cometas, imò & trabes, quæ aliquamdiu perseverant, (qualem se vidiſſe Aquis Sextiis, anno 1637. ab ortu in occasum prætervolantem testatur Gassendus, quæ eodem tempore per totam Occidentiam visa est) nec terrenis halitibus constare, neque in ipso aëre esse formari mihi persuasum est. Sed de Cometis alias pluribus.

Quod

De igne  
fatuo.

Quod ignem fatuum attinet, plerique existimant nihil esse quàm halitum pinguem, & tenacem, nullo igne flagrantem : sed instar lampyridum, vel ligni putridi lucentem. Ioannes Fluddus se aliquando hunc ignem assecutum fuisse testatur, ac comperisse illius materiam non igneam, sed viscosam, lubricam, & candidam, nigris maculis inspersam. Alii aliter sentiunt, nec probabile putant, materiam adeò crassam nullò igne accensam, in aëre tamdiu pensilem fluctuare. An Fluddo tanta fides debetur, quem ubique ineptire Philosophia Mosarica, titulo superba, re inanis satis demonstrat? Fieri etiam potest ut stellæ cadentis reliquias pro igne fatuo, manibus contrectaverit : nam illæ sunt viscosæ & lubricæ, ut experti testantur. Ejusmodi ignes circa cœmeteria, paludes, & cloacas frequentius discurrunt; quòd ex pingui halitu prodeant. In flumina deducunt insequentes : quia secundo flumine tenuis aura spirat, & contiguus aër ab aqua fluvii abripitur. Hinc ignis fatuus insequentem fugit, & fugientem insequitur : nam locum à moto corpore relictum occupat, & aëris fluxui obsequitur. Æstate & autumnno, imò & in regionibus servidis crebriores visuntur; quòd pinguis humor non nisi magno Solis ardore elici, & digeri queat. In præcipitia sæpe deducunt; nam ibi aër instar vorticis volutatur. Subsultant in aëre, quia fluctuantem aëra pro vehiculo habent; vel quòd à nocturno frigore, aut ab ipso rore cadente deprimantur, atque ingenuitè levitate resiliant. Ignis denique lambens nihil est, quàm spiritus tenuis, & pinguis, qui eorum sudantibus júbis insidet; vel circa hominum tempora, tanquam spiritus vini tenuissimus accenditur: neque urit tamen, propter raritatem maximam. Ex equis & felibus ejusmodi scintillas excuties, si adverso pilo affricueris. Spiritus enim lucidos esse jam hesterno colloquio demonstratum fuit. De mixtis imperfectis satis ut opinor multa: reliquum est, ut de Iride, & aliis impressionibus, quæ Emphaticæ, seu Apparentes vulgò dicuntur, quid sentias, optime Simplici, explicare non graveris.



## CAPUT QVINTUM.

De Iride, Coronâ, & aliis impressionibus  
apparentibus.

I. De loco, in quo Iris efformatur. II. De illius figurâ, magnitudine, & coloribus permulta. III. De coronâ & aliis emphaticis impressionibus. IV. De coloribus, qui per trigonum crystallinum apparent, varia mittuntur conjectura, ac pleraque explicantur ejusmodi phenomena.

## Simplicius.



Vid ipse de naturâ, & coloribus Iridis sentiam quær-  
ris, optime Menander. Res est tot difficultatibus ob-  
structa, & tantis circumfusa tenebris; ut qui in eâ in-  
dagandâ tempus omnè contriverunt, invenire se pos-  
se quod cuperent diffisi sint. Vide arcum, inquit Ec-  
clesiasticus, & benedic eum, qui fecit illum. Valde  
speciosus est in splendore suo. Gyrauit cælum in circuitu gloria sua:  
manus excelsi aperuerunt illum. Nec igitur mirum, si hoc divinæ ma-  
nus miraculum mentis humanæ infirmitas capere non possit; cùm mi-  
nutissima quæque nemo comprehendat. Quod non obscure innuit Ec-  
clesiastes: Intellexi quòd omnium operum Dei nullam possit homo in-  
venire rationem, eorum quæ sunt sub Sole, & quanto plus laborave-  
rit ad querendum, tanto minus inveniatur. Illud sanè cùm in aliorum  
naturæ operum, tum maximè in Iridis contemplatione contingit, de  
cujus loco, naturâ, & coloribus, summa est inter Philosophos con-  
tentio. Varias ac dissidentes eorum sententias nunc referre non va-  
cat, nec refellere: quæ ad veritatem magis mihi videntur accedere,  
breviter attingam: neque ab eximii Chamberzi decretis discedam.  
Nemo quippe, sive rectè judico, sive amore præcipui in Philosophia  
viri laboro, hoc argumentum diviniùs pertractavit. Primum, quòd  
Iridis locum attinet, plerique omnes Philosophi magno in errore  
versantur, dum putant illuc efformari, ubi se videndam præbet. Pro-  
fectò nubes non teresa est, & polita instar speculi; sed mollis & inæ-  
qualis: adeò ut nec radios Solis reflectere, neque eos variis possit  
coloribus tingere: præsertim cùm solâ reflexione lumen in colorem

non degeneret. Radii quippe luminis in diversis speculis, vel septice reflexi, nullum idcirco induunt colorem. Denique Iris in arcum curvari nequit, nisi ipsa nubes instar speculi concavi existat: ad eò ut si vel minimum ab hac figurâ desciverit, lumen Solis in arcum non flectat: atqui nubes nec cavæ sunt, nec satis solidæ, vel continuæ, ut

*Objeccio.*

*Responsio.*

speculi vices obeant. At, inquiunt, non solâ reflexione, sed quâdam etiam radiorum refractione Iris in nube toridâ & apparet, & gignitur. Quòd si ita sit, non in extimâ modò superficie, sed in intimis nubis penetralibus Iris conspicietur, siquidem radii refracti à recto tramite deflectunt; sed tamen corpus ipsum penetrant, atque ulteriùs progrediuntur. Verùm quid ago, sanusne sum, qui enixè laboro in confutandâ opinione, quam visus ipse erroris revincit? Quoties enim vidimus pluviam de cælo labentem, vel arbores ipsas Iridis coloribus imbutas? quod ne concipi quidem potest, si Irim Sol in nube sibi oppositâ effingat. Quid, cum è montis vertice Iridis cornua in vallem usque demissa conspiciamus, an eò usque nubes decidit? Quid denique, cum nubem in quâ Iris depingitur interruptam videmus; num continuò Iris evanescit? Hæc sanè nisi me mens fallit planè demonstrant Irim non in ipsâ nube, in quâ depictam intuemur; sed in aliâ quâdam Soli viciniore non aliter effingi, quàm Irides, quæ radiis solaribus per trigonum crystallinum refractis in adverso pariete delineantur; nam suis coloribus tingunt quicquid interjacet. Nubes quidem Soli opposita est instar parietis, qui suâ opacitate radios Solis refractos sistit, ac videndos præbet. Quare non immeritò concludit Keplerus his verbis: ergo materia aquea, quæ inter spectatorem, & Solem est; seu pluvia sit; seu pellucida nubes, seu nebula, (Vidi enim, inquit, Irides & in nebula) hæc, inquam, format & figurat refractiones radiorum Solis: quæ post spectatorem est, ea excipit hos radios Solis refractos. Nubes verò supersans obumbrat locum, & radios Solis directos avertit, ut colorati radii cerni queant. Itaque non est verum radios Solis, seu visus reperi, vel frangi in ita ipso loco nubis, quo Iris apparet.

*Utrum*

*centra So-*

*lis, oculi,*

*& Iridis*

*eandem re-*

*giã conne-*

*ctas.*

Scitè tu quidem Keplere; sed tamen nimis jejune rem tanti momenti menti explicas: cumque subnectis, centra visus, Iridis & Solis in eadem rectâ esse disposita, Cardani, Maurolyci, atque aliorum communem errorem laberis. Videtur enim vobis Iris per solam radiorum refractionem procreari: quasi nubes sit instar speculi chalybei, solida, & polita: aut guttæ toridæ penè insensibiles lumen solare tam valide possint regerere. Hinc tot Irides efformari, quot sunt spectatorum oculi, falso creditis: cum per trigonum crystallinum, una in oppo-

sito



sito pariete Iris delineatur, quam ex omni situ, & loco licet intueri; neque adeo necesse est, ut centra Solis, Iridis, & oculi in eadem rectâ lineâ constituamus. An Iris à Fromondo observata, cujus alterum cornu vix ultra 30. passus ab ipso distabat, cum alterum longissimè distitum apparet: vel duæ Irides à Fortunio Liceto visæ ad Austrum vergere, cum Sol occumberet, atque aliæ innumeræ à diversis spectatæ, centra sua, ut fingunt, sic disposita habuere? Quod si eadem rectâ linea tot centra conjungat; necesse est ut Iridis brachia æquo semper à nobis distent intervallo, cum Soli è regione arcus opponatur. Non multum abhorret à vero Fromondus, cum duplicem Irim ex Aristotele distinguit; unam quæ per ἀνάκλασιν, seu reflexionem; alteram quæ per ἀπέκλασιν, sive refractionem gignitur. Illius quæ per reflexionem efformatur, centrum cum oculi, ac Solis centris in eadem rectâ disponitur. Secus est de Iride, quæ per refractionem generatur, qualem prisinata, vel trigoni vitrei, vulgare etiam vitrum vinarium efficiunt: nam si in cubiculo subobscurò radios Solis per fenestræ rimulam admissos vitro aquâ pleno sic excipias, ut per summam, & tenuem ejus partem radii trajiciantur; tum in subjecto pavimento Irim suis coloribus distinctam affabrè depingent. Hæc quidem Fromondo concedimus, sed tamen multiplici nomine offendit.

Primum, quod radios Solis non in nube Soll finitimâ, sed in oppositâ, tot diversis coloribus tingi existimet; cum radii luminis hanc colorum varietatem ex proximâ nube, per quam refringuntur, hauriant: hinc pluviam decidentem iisdem coloribus induunt. An paries oppositus Irim, quæ per trigonum efficitur, tot coloribus distinguit? An potius vitrum ipsum cum radios infrangit, tum eos suis ordinat coloribus. Rem ita se habere non dubitabis, si oculo juxta parietem constituto, ubi arcus delineatus apparet, aciem in trigonum vitreum dirigas: hunc enim cernes jam Iridis coloribus imbutum, ipsumque arcum in facie trianguli Soli obversâ contueberis. Illud quoque mihi reprehendendum videtur, quod addit raras esse ejusmodi Irides, quæ per refractionem procreantur: cum omnes ita delineari in nubibus, ut altera sit instar trigoni vitrei, in quo formatur; altera instar parietis, in quo depingitur, tam certum sit, quàm quod certissimum. Neque tamen inficior, quosdam arcus iisdem in locis videri, in quibus effinguntur. Nam Halo, seu Corona, nihil est, quàm Iris, quæ totum suum implet orbem: sic in rore, vel adamante quiddam Iridi non dissimile efficitur. Hoc verò inter utramque Irim intercedit discriminis, quod hæc Sole adverso, illa averso spectetur: nam si oculum in pariete, ubi Iris per trigonum efformata depingitur, colloces;

in ipſo triangulo, ut mox diximus, Irim contueberis, quæ per ſolam refractionem efficitur.

Fateor equidem, Irim per reflexionem quandam apparere, ſed nego nubem, quæ illius imaginem excipit, eſſe inſtar ſpeculi politam: nam radii à corpore polito reflexi, non ex omni ſitu, neque ab omnibus; ſed certo quodam aſpectu, & ſub determinatis angulis oculos feriunt. Cùm igitur Sol horizontem ſtringit, radios à nube reflexos ſurſum reget, neque ullâ ratione poterunt ad nos pervenire. Finge animo ingens Speculum in nubis loco conſtitutum; id certè Solis imaginem ſurſum refle&et, neque illa ſub obtutum cadet: neceſſe eſt enim ut angulorum incidentiæ, & reflexionis ſervetur æqualitas. De loco Iridis ſatis ſuperq̃ue diximus; nunc quid illam tam aptè circumſcribat, quæ ſit illius figuræ cauſa, intueudum.

*De figurâ Iridis varia ſententia reſoluntur.* Hic ſanè Philoſophi plus ſatis ſudant, quantumvis Geometras vocent in ſubſidium. Quid enim obtuſius, quid abſurdius, quàm ad nubis cavitatem cum Scaligero conſugere? An nubes adeò figuræ ſuæ tenax eſt, ut eam non mutet, nec jugi aëris motu, nec ventorum ſtatibus? An Iris, quæ per trigonum conſpicitur, vel in guttis aquæ, quam ore ſpargimus, eſſormatur, ab ipſius vitrei trianguli, aut guttarum cavitare in arcum curvatur? Placet aliis Irim eſſe conſuſam Solis imaginem. Sed ubi eſt illud ſpeculum, quod imaginem Solis adeò diſſimilem, & enormem exhibet? Nubes erit, ſi Senecam audimus, quæ in modum concavi ſpeculi, & rotundi formatur: neque enim omnia ad verum ſpecula reſpondent: ſunt quæ facies torqueant, vel evertant. Quid ergo mirum eſt ejusmodi ſpeculum, quo Solis ſpecies vitioſa reddatur, in nube quoque fieri? Adde quòd Iris nunquam non adverſa Soli eſt, ſublimis aut humilis, prout ille ſe ſubmiſit, aut ſuſtulit contrario motu: illo enim deſcendente, altior eſt, alto depreſſior. Nec igitur dubium cuiquam relinquitur, quin arcus Imago Solis ſit malè expreſſi, ob vitium figuramq̃ue ſpeculi: nam & celerrimè naſcitur, & æquè celeriter aboletur. Nihil autem tam citò redditur, quàm à ſpeculo imago: non enim facit quidquam, ſed oſtendit. Ingenioſè quidem hæc dicuntur; ſed vix crediderim nubem eſſe ſpeculum concavum, vel Irim nihil eſſe quàm Solis imaginem: ſiquidem Sole laborante, vel Lunâ dividuâ viſæ ſunt Irides ejusdem proſus figuræ, ac ſi Sol, vel Luna pleno orbe illuxiſſent. Præterea, ſi arcus nihil eſt quàm Solis imago; quare nec circulum abſolvit ſuum, nec tota arca ſolari impletur lumine? Quid eſt cur Sol extremo duntaxat margini formam ſuam imprimat? Cùm enim radios per foramen vibrat, ac ſe ipſum in obſcurioris cubiculi oppoſito pariete depingit,

non

non dimidiatum, sed integrum exprimit circulum. Sic Parheli, & Coronæ totum orbem absolvunt. An cum Scaligero licet ineptire, ac totum illud spatium, quod inter Iridis cornua interjacet, à vaporibus liberum esse fingemus; neque ibi Solem exprimi, quod speculum desit, quod nubes non eo usque descendat? Nam si illum audimus, ubi duplex Iris cernitur, non nubes, sed aer inter utramque intercedit. Nónne, ut ipse loqui solet, hæc scuticâ digna sunt? quis illos hiatus nubium animadvertit? Nubes etiam, in quâ arcus depingitur, usque ad horizontem persæpe excurrit. Enimverò Scaligerum dimittamus, atque ad Senecæ opinionem revertamur. Cùm multa, inquit, stillicidia sint, totidem specula sunt: sed quia parva sunt, Solis colorem sine figurâ exprimunt. Deinde, cùm in stillicidiis innumerabilibus, & sine intervallo cadentibus reddatur idem color, incipit facies esse non multarum imaginum intermissarum, sed unius longæ atque continuæ. Nec mirum, si oculi nostri imbrum stillicidia non separent; ingenti spatio intuentibus minutarum imaginum discrimen interit. Hæc quidem facilè refelluntur; imò Seneca, qui gloriosè quidem, sed non constantissimè loquitur, multa adversus hanc opinionem objicit, quæ ipse non diluit. Quidnam est, inquit, tam dissimile, quàm Sol, & arcus, in quo neque color, neque figura Solis, neque magnitudo apparet: nullæ nubes habent similitudinem speculi, per medias sæpe transimus; nec in illis nos cernimus: singula stillicidia, singula specula sunt, concedo: sed illud nego, ex stillicidiis constare nubem. Habet enim quædam, ex quibus fieri stillicidia possunt, non ipsa. Nec aquam quidem habet nubes, sed materiam futuræ aquæ. Quid enim simile speculi habent nubes, cum illa non perluceant, hæc transmittant lucem: illa densa & coacta, hæc raræ sunt: illa ejusdem materiæ tota, hæc ex diversis temerè compositæ, & ob hoc discordes, nec diu cohæsuræ. Numquid hæc, quæ sibi objecit, priùs soluta oportuit, quàm sic concluderet: in eadem sententiâ sum, quâ Posidonius, ut arcum judicem fieri nube formatâ in modum concavi speculi, & rotundi, cui forma sit partis è pilâ sectæ. Pro me, ait, est repentina ejus facies, & repentinus interitus. Proprium enim est speculi hoc, quod non per partes struitur, quod apparet: sed statim totum fit: æquè citò omnis imago in illo aboletur, quàm componitur. Illud certè nemini persuadebit, nubem instar speculi, Solis imaginem reddere: nam arcus, qui per trigonum apparet, non per partes, sed totus statim exprimitur: numquid idcirco trigonus speculum est? Frustraque Geometrarum opem implorat, ut argumentis nihil dubii relinquentibus doceant, arcum Solis esse.

effigiem: quid enim argumenti promant? An quod radii à Sole manantes, atque à nube sic reflexi, ut æquales sint anguli reflexionis, & incidentiæ, circuli arcum exhibeant? Id verò non inficior: sed nego hos radios posse in oculos nostros incurrere, cum reflexi in omnes partes distrahantur. Verùm excipiunt, innumerabiles radii ab eadem gutta resiliunt, ex quibus aliquot ad oculos usque nostros pervenire nihil prohibet. Enimverò hæc stillicidia nimis sunt exilia, ut tot radios in omnes partes diffundant: & quod caput est, arcum non per reflexionem, sed per luminis refractionem produci jam confestim.

*Probabilior de Iris figura & apparet; sed ab ipsâ per quam trajicitur nube. Argumento est Iris, quam vitrum aquâ plenum exhibet: cum enim eadem figura, iidem penitus colores in utraque Iride conspiciantur; necesse est ut simili quoque modo gignantur. In aliis rebus, ait Seneca, vaga inquisitio est, ubi non habemus quod manu tenere possimus, & latè conjectura mittenda est: hîc verò apparet duas causas esse arcus, Solem, nubemque; quia nec sereno unquam fit; nec ita nubilo, ut Sol lateat. Quocirca licet nobis nubem Soli adversam, & finitimam cum vitro contendere; nubes autem, in quâ arcus depingitur, instar parietis erit: radii solares summam, & quasi convexam aquæ superficiem ex transverso subeuntes, in concavâ, vel infimâ vitri parte aliquantulum coguntur; & postquam è vitro exiere, citò in uno serè puncto colliguntur; ubi lucem Solis puriorem, & vegetiorem intueri licet. Hic est veluti focus, in quem omnes radii, qui vitrum pervasere, coeunt: ibique necesse est, ut sese mutuò interfecerent: adeò ut qui radius inter cadendum fuit sublimior, jam depressior evadat: ut cum per exiguum obscuri cubiculi foramen imagines Solis, vel hominum foris stantium chartâ foramini oppositâ excipimus: tum objecta situ inverso cernuntur, quod radii luminis per rimulam decussati transeant, ac situm adeò commutent. Idem planè in vitro evenit. Quorsum hæc? mox dicam, cum de coloribus Iridis sermonem instituam. Cum itaque solares radii sæpius fracti, ac debilitati, ex illo communi puncto quasi soluti & liberi procedunt longiùs, eandem retinent figuram, quam inducere, tum cum in summam vitri, vel aquæ superficiem inciderunt. Rotundum autem vitrum supponimus; unde nihil mirum, si in arcum curvantur radii. Quod si in pilam vitream ex omni parte, incurrant, Irim quoque exhibebunt, sed cujus integer erit, & absolutus instar coronæ circulus. Secus est de vitro aquâ pleno, cujus dimidium*

medium duntaxat orbem radii penetrant, arcum adedò, non circulum expriment. Arcus itaque figuram à nube, aut vitro mutuatur, ac rotundam nubem existere par est: alioqui non circuli arcum, sed virgas tantum exprimet. Præterea necesse est, ut nubes illa, cuius intersectu arcus efficitur, densitatem habeat sui ubique similem: nam partium difformitas, colores, & figuram Iridis turbabit: ut accidit in vitro vinario, cui crystalli fragmenta imponuntur. Hinc raro apparet Iris, cum graves spirant venti: nubes enim, in cuius utero Iris formatur, citò à ventis dissipatur, ac distrahitur. Nec plus satis crassa, vel ampla nubes existat, ne radii eam penetrare non valeant: hinc raro nubes sæpius vere, atque autumnò arcus cernitur: nec diuturnus, vel largior imber eum consequitur, nisi fortè infimam & rariorem nubis partem radii subeant. Sic ubi nubes vel minor, vel rarior intercedit, quàm ut solares radios satis copiosos possit excipere, (qui idcirco in nube, nec tingi coloribus queunt, nec quantum necesse est infringi) tum nullus sub oculos arcus cadit. Hinc Irides, quæ per vitra, aut triangula efformantur, cominùs tantum videntur, quòd pauciores radii per vitrum subeant, quàm ut eminus spectari possint.

Jam quid est causæ, cur Iris diameter ejusdem ferè ubique magnitudinis conspiciatur? Illius quippe altitudo, vel semidiameter, si Vitellionem, & Maurolycum audimus, 45. ferè graduum semper existit: nam Sole depresso, altior assurgit; Sole magis elevato, humilior quidem est: sed tamen sub angulo 45. graduum à nobis conspiciatur; centrumque Iridis tantum à circumferentiâ, quantum à visu nostro distat. Hæc pulchrè quidem explicantur, si arcum in nube tanquam in speculo per reflexionem radiorum, & formari, & videri fateamur: secùs nobis aquam hæere necesse est. Enimverò si interjectu nubis radii Solis infringantur, & paulo ulteriùs progressi decussentur, atque in nube oppositâ, tanquam in tabellâ Irim circinent, quo punctum intersectionis propius nubi soli aversæ futurum est, hoc minor erit arcus; major, quo longiùs distabit: quemadmodum suprâ diximus, radios per rimulam cubiculi, undequaque clausi vibratos majorem Solis imaginem in opposito pariete depingere, quo longiùs à foramine removetur: quia radii decussati, quo longiùs procedunt, eo magis distrahuntur. Unde ergo arcus ejusdem ferè molis aspicitur? An punctum intersectionis in eodem semper consistit loco? At nubes Solis radios infringens in eadem statione non permanet. Perfacilis tamen ac perexpedita responsio est, ubicunque Sol existat, radios è sublimiore loco emittit: quòd si vertici nostro sit vicinior, ac nubem ad Iridis procreationem offendat idoneam; Irim quidem

*De Iridis  
magnitudine.*

gene-

generabit, sed in oppositâ nube tanquam in pariete eam non exprimet, cum radii in terram delabantur. Hinc aliquando evenit, ut arcus conversis ad Solem cornibus, magno spectantium miraculo videretur: quod radios solares per obviam nubem refractos, lacus, vel mare, exciperet, à quo sursum reflexi, vel in nube mari proximâ, vel in stillicidiis pluviz cadentibus Irim inversam juxta reflexionis leges exhiberent. Sic nonnunquam accidit, ut Iris in foliis arborum, vel in nebulâ circumfusâ depicta videatur, quod priusquam radii in nube aversâ excipiantur, vel crassus vapor, vel arborum folia, vel denique pluviz stillicidia eos sistant. Sic Iris quam Fromondus à se observatam Lovanii testatur, cujus alterum cornu vix 30. passibus ab eo distabat, non alibi, quàm in cadente pluvia visa est: nam strictior apparebat quo propior; siquidem puncto intersectionis erat vicinior. Rem ita se habere indicio est, quod postquam cessavit pluvia, Iris in collem longè à spectatoribus distitum se recepit. Quare non immeritò concludit centra Iridis, Solis, & oculi non semper in eadem rectâ collocari: neque arcum per angulum 45. graduum necessariò spectari. Addit, arcum aliquando per refractionem radiorum interjectu nubis procreari. Verùm ignoscet, si arcum in nubibus non aliter effici formari pertendam. Quod enim toties inculcat Irim sequentes fugere, & fugientes sequi; quia radii per reflexionem ex determinato spatio, & certo angulo ad oculum revertantur: non quod eadem Iris locum mutet; sed quia aliam perpetuò, & diversam vides. Unde transferri de loco in locum apparet; quando ab uno ad alterum cornu progredieris, quod oculus ad centrum Iridis dirigatur: quare si quis locum mutet, aliam subinde videt Irim; tametsi priorem loco motam esse sibi fingat. Hæc sanè minimè concedimus: ostensum quippe fuit exemplo Iridis, quæ per trigonum effingitur, eandem ab omnibus conspici. Tametsi non inficior, quasdam per reflexionem sub obtutum cadere; ex hoc genere fuerunt illæ à Fromondo observatæ, quas pluviz stillicidia instar speculi reflectebant. Istæ quidem fugientes sequuntur, & diversæ à diversis conspiciuntur. Sed eò redeat, unde aberravit oratio. Quod fieri potest, ut arcus ejusdem semper magnitudinis exprimatur? Illud minimè admiror, cum nubium superficiem, & quasi fornicem iisdem temporibus, æquis à terrâ distare intervallis, nemo non ultrò fateatur. Quocirca cum Sol è sublimiori loco in nubem roridam, vel satis densam, radios suos vibrat, ii propter refractionem variis coloribus tinguntur, & in quodam puncto decussati, in nube Soli oppositâ sistuntur. Punctum illud intersectionis non eundem in aëre locum obtinet; nam Sole horizontem radente altius est: sed ta-



men eandem ferè ubique retinet tùm à nube, quæ radios infringit, tum ab eâ, quæ illos excipit, distantiam. Cùm igitur hoc, quod sæpius nomino radiorum intersectionis punctum, sit quasi arcus in nube delineati polus; non mirum si ubique ferè sibi æqualis arcus appareat: quanquam fortè Iris, quæ horizonti est vicinior, eadem quoque majoris circuli portionem efficiat. Nec dissimile quiddam evenit in vitro aquâ pleno, cujus sumnam superficiem si radii Solis directiores penetrent, majorem & illustriorem arcum præbebunt: nec solum amplioris circuli portio major futura est; sed etiam limbus suis coloribus distinctus, latior apparebit. Cùm igitur idem in arcu cœlesti observetur; utrumque eodem modo, atque ex eadem prodire causâ, non abhorret à verosimili: neque enim radiorum, qui per aëra crassiorem horizonti incumbentem transeunt, refraction, speciem arcus adeò augere potest. Sol quidem, & reliqua sidera cùm oriuntur, vel occidunt, videntur majora: sed tum radii è purissimo æthere in vaporum sphaeram incurrentes, multùm infringuntur. Iris verò paucis milliariis à nobis distat; nec intersecti vapores tantam refractionem possunt inducere, ut cornua ipsius arcus, quæ horizontem attingunt colores latius diffusos, quàm suprema illius portio, præferant. Quod magnitudinem Iridis attinet, cùm horizonti finitima est, illius radium, vel semidiametrum esse 45. graduum plerique Optici existimant: nonnulli aliquot subducunt gradus, alii adjiciunt, ut hinc constare possit, non ejusdem semper magnitudinis arcum effingi; neque ex illâ æqualitate, quam ubique Iris servare nobis videtur, sententiam nostram posse labefactari. Habetis de loco, & figurâ Iridis quid sentiam.

Sequitur paulò abstrusior de coloribus disceptatio, quam tamen magna ex parte excussimus, tum cùm de naturâ & varietate colorum *De coloribus Iridis.* agebamus. Meministis, ut opinor, non dubiis conjecturis, sed certis rationibus demonstratum à nobis fuisse, I. Colores, qui vulgò apparentes censentur, ejusdem esse generis cum iis, qui altius subjectis suis insident; adeò ut falsum sit, quod asserit Seneca, non esse in nube colorum substantiam, sed mendacium, & sine re similitudinem: Profectò, cùm speculum hos reddat colores, cumque ab omnibus sine discrimine spectentur; cùm tota denique coloris essentia in hoc posita sit, ut appareat, ac visibilis fiat; nihil absurdius dici potest, quàm hos colores videri tantùm, non esse: ac ridenda omnino est colorum distinctio inter fictitios, & reales: quasi objectum visus figmentum esse possit. II. Ulteriùs progressi ostendimus, colores ab ipso lumine ne specie quidem sejungi, cùm unius facultatis unum sit obje-

Atum, cumque Iridis colores nihil sint præter lucem multiplici refractione debilitatam. Quot cuique colori gradus luminis convenirent, ex doctissimi Chambræi meditamentis assignavimus; nempe quod si 24. gradus albo tribuamus, flavus 18. rubeus 16. viridis 12. purpureus 8. gradus decerpant; atque eundem ferè inter sonos, & colores concentum reperiri diximus: neque necesse est, quæ tum fusæ à nobis disputata sunt, nunc repetere. III. Insinuatum quoque à nobis est lumen variis modis debilitari posse: nam quo longius à suo fonte procedunt radii, hoc magis diffrahuntur, & minùs collucet: sed non idcirco in colores abeunt, cum eorum natura nullum patiatur dispendium: nam in speculo concavo, vel in vitro convexo rursus colligi possunt. Verum ubi à rectitudine suâ excidunt, sive obiectu corporis opaci resiliant, sive densioris occurso frangantur, tum sic debilitantur, ut hoc damnum sarcire amplius nequeant, atque in varios subinde degenerent colores, eo quidem illustriores, quo radii minùs detrimenti acceperunt. IV. Illud denique consecimus, colores Iridis non ex solâ luminis cum umbrâ, vel opacitate misturâ prodire: siquidem lux cum umbrâ, vel opacitate permisceri non potest, neque lucis & umbræ temperies tantam colorum varietatem efficeret. Quinetiam nec sola reflexio, vel refraction, sed utraque simul conjuncta lumen in colores commutat: non enim lux Solis sæpius à diversis reflexa speculis in colorem abit: nec radii per tubum opticum refracti, ullis imbuuntur coloribus. Neque mihi objicias similes Iridis colores, quos Sol exorians in foliis arborum pingit: tum enim crassi vapores radios Solis infringunt, eosque reflectunt arborum folia. Sic arancarum fila, licet tenuissima, suâ tamen perspicuitate donantur. Quod si aliquando per solam reflexionem lumen in colores com meat; tum id accidit, cum radii luminis tenuiores, vel debiliores sæpius hinc atque inde reflexi, eandem patiuntur imminutionem, ac si refracti fuissent; ut in subtilibus lincis statim insculptis videre est: nam latiores lineæ hanc colorum varietatem non præbent. Pili etiam subtilissimi, ac conferti lumen eâdem ratione in colores mutant: sic columbarum pennæ discolores apparent. Jam ut propius ad colores Iridis accedam, non assentior Senecæ, qui eorum varietatem, partim à Sole, partim à nube deducit: adeo ut humor nubis roridus, modò cæruleas lineas, modò virides, modò purpuræ similes, & luteas, aut igneas ducat: duobus coloribus hanc varietatem efficientibus, remisso, & intento. Neque etiam arcus idcirco efficitur discolor, quòd partes aliæ in nubibus tumidiore sint, aliæ submissiores; quædam crassiores, quàm ut Solem transmittant, aliæ imbecilliores, quàm ut

exclu-

excludant: ita ut hæc inæqualitas alternis lucem, ubramque permisceat, & exprimat illam mirabilem arcus varietatem. Non denique possum in Fromondi, & aliorum sententiam concedere, qui rubrum colorem ex forti radiorum reflexione, tum cum in primo ingressu refiliunt; viridem verò hinc oriri putant, quòd lumen paulò altius nubem penetret, ac multà opacitate fiat obscurius; purpureum depingit, cum lux altè immersa, nubis obscuritate ferè extinguitur, que effici, cum lux altè immersa, nubis obscuritate ferè extinguitur, Mirum si nubes tam diversam naturam, tantulo spatio obtineat, ut in supremo arcus circulo, statim radios Solis arceat, atque omnes ferè regerat; in infimo, ubi purpureus depingitur color, adeò rara existat, & mollis, ut meliorem luminis partem transmittat. Quòd si arcus duplici tantum colore distinctus foret, ex lumine & umbrâ forsitan hos colores desumeret: sed neutiquam probabile est, tot, & tam dissimiles colores ex luminis & opacitatis conjugio nasci posse. Quæ igitur colorum Iridis cristallini. Hic prisma à Geometris dicitur; mus ab exemplo trigoni cristallini. Hic prisma à Geometris dicitur; quinque enim superficiebus continetur, quarum extremæ duæ triangularem, tres verò reliquæ, & oblongæ quadrangularem figuram nunguntur. Cum per illum trigonum objecta contuemur, tum illa quidem mirâ colorum varietate distincta apparent: hinc stultorum paradisus, à nonnullis satis ineptè vocitatur. Radios quoque Solis sic infringit, ut arcum cœlestem in parietem opposito exprimat. Jamque ut puto id consecuti sumus, non solâ refractione lucem in colores commicare: siquidem objecta per vitrum intuentibus majora quidem videntur, sed natus manet color: accedat igitur quædam reflexio necesse est. Imò nulla ferè est refractione, quæ cum aliquâ reflexione non sit conjuncta: nam vitrum omne quosdam transmittit radios, & alios regerit. Cum itaque solares radii trigonum cristallinum subeunt, nonnulli primam superficiem penetrare non valent, sed statim reflunt; alii verò illam pervadunt, ex quibus rursus benè multi in tertiâ, seu ultimâ superficie sistuntur, & coguntur resilire, qui ut angulorum incidentiæ, & reflexionis servetur æqualitas, in secundam primò superficiem, tum in primam, per quam subiere, reverteruntur: adeò ut triplicem reflexionem, cum unâ refractione sustineant; tumq; adeò imminuuntur, ut in colores degenerent: tot reflexionibus fessi, trigonum penetrant, atq; alios radios puriores, qui tantas reflexiones non subeunt, suis tingunt coloribus. Mentior, ni rem ita se habere ultrò concedas, postquam oculos in ipso parietis loco, ubi arcus depingitur, collocaveris: tum enim Irim in primâ trianguli, seu prismatis superficie delineatam cernes, ubi radii ter reflexi, & semel refracti in colores



fit conclusa ratio; lumen in colores abire eo vegetiores, quo directioribus & confertioribus lineis vibratur: neque enim facis accensæ lumen per triangulum admissum Irim exprimet, quòd lux illa sit imbecillior. Lumen quippe per crebras tum reflexiones, tum refractiones debilitari quidem oportet; sed ut colores tam splendidos procreet, validum & confertum sit necesse est: secùs nec visum sistet, nec rutilos colores exhibebit. Hinc per refractionem radii quasi inflectuntur, atque ex iis multi resiliunt: sed qui vitrum penetrarunt, colliguntur, & illustriorem in aëre splendorem præbent.

Quocirca cum duæ Irides per vitrum aquâ plenum exprimi so- *De Iride*  
leant; altera est angustior, ac coloribus fortioribus imbuta; altera *secunda-*  
est quidem longè major, atque inversos exhibet colores: illam effi- *ria,*  
cit lux Solis, quæ summam aquæ superficiem ILM pervadit; hanc  
verò lux eadem effingit, quæ devexam vitri IF partem ex obliquo  
stringit. Radii ferè ad horizontem subeuntes, ut BP, & BF longè ul-  
trà vitrum decussantur, colores adeò debiliores procreant, & longè  
ampliori spatio sese explicant. Illud porro non omittam, rubeum co-  
lorem secundæ Iridis, minorem circulum, & vitri propiorem delineare,  
quòd radii à Sole vibrati, & rectiores, & fortiores superiorem vi-  
tri partem feriant: atque adeò decussati inferiores fiunt, & colorem  
vegetiorem in secundæ Iridis infimo circulo exprimunt. Contrà qui  
partem vitri inferiorem perstringunt, cum debiliores sint, sublimio-  
rem quidem sed languidiorem colorem, scilicet purpureum, post in-  
tersectionis punctum, refracti depingunt. Viridis ut par est, medium  
locum occupat. Sic radius BP superior extra vitrum decussatus in-  
ferior evadit: BF verò superior; ille fortior, hic inferior; ille in se-  
cundâ Iride colorem rubrum, hic purpureum depingit. Ac ne longè  
abeam, eodem planè modo secunda Iris in nubibus exprimitur, cum  
Sol devexam nubis portionem collustrat: quemadmodum priorem,  
Irim effingit, quando supremam nubis partem irradiat. Idem enim  
prorsus, atque in vitro contingit, ubi secunda Iris & circulis amplio-  
ribus, & inversis coloribus, & loco sublimiore delineatur. Neque ne-  
cesse est Irim secundariam, imaginem, ac veluti reflexionem primariæ  
comminisci: jam hoc ipsum absurdum est, nubem instar speculi ima-  
ginem arcus reddere, eamque simul in partes oppositas reflectere: si-  
quidem Iris, quam primariam vocant, simul, atque eodem tempore,  
in oculos, & in nubem superiorem resiliat. Sed, inquiunt, quid co- *Obiectio 1*  
lores permutat, nisi reflexio? Quòd si reflexione hæc Iris effingitur, *Disolvitur.*  
quid est cur illius cornua inversa non appareant? Illud quippe exi-  
gunt reflexionum leges. Numquid fortè Iris illa amplior, quam radii

per vitrum trajecti depingunt, prioris & vegetioris reflexio, vel imago exilit? Et tamen colores omnino inversos obtinet? nonne

*Obiectio* 2 similes effectus similem quoque causam agnoscunt? Verum excipit Fromondus: nunquam secunda Iris solitaria videtur, quod indicium est secundam Irim esse prioris imaginem, atque ab illâ dependere.

*Responsio.* Sed unde habes nunquam secundam Irim visam fuisse solam? Nonne aliquando id potuit contingere, quod nemo literis consignavit? An fortè cum 5. vel 6. visæ sunt Irides, ut Snellius se observasse testatur, aliæ aliarum erant imagines? nec quo ordine singuli colores essent dispositi, memoriæ quisquam prodidit. Sed demus illud tibi secundam Irim nunquam spectari solitariam posse. Numquid alia forsitan subest causa? Iris namque secundaria non effingitur, nisi cum Sol nubem ex transverso & radiis ferè ad horizontem parallelis pervadit: quòd si nubes sit densior, radii quidem eam penetrare non poterunt, sed illius obscuritate extinguentur: si tenuior sit & densitatis idoneæ, non secundam modò Irim, sed etiam primam Sol delineabit: tum enim nihil est causæ, cur supremam nubis partem radiis validioribus non trajiciat, si devexam lubit.

*Brevis recapitulatio.* Jam ut quæ fusiore stylo disserui in summam contraham: Iris non in nube, in quâ cernitur, sed in aliâ Soli viciniore efformatur. Exemplum habemus illustre in triangulo crystallino, vel in vitro vinario, per quæ radii solares transmissi, in pariete opposito Irim delineant. Arcum verò, non ipsius in quâ excipitur nubis concavitas, non Solis figura circularis: sed nubis interjectæ rotunditas circinat: non enim arcus imago Solis existit, nec nubes speculum concavum. Postremò, colorum varietatem non efficit nubis, vel vitri opacitas; cum triangula diversæ densitatis eodem prorsus exhibeant colores: sed neque sola refractione tot coloribus arcum distinguit: adeò ut certi, & determinati refractionis anguli certos colores procreent: id enim falsum esse hinc colligitur, quòd sub diversis angulis idem color conspiciatur: nam ab angulo 32. graduum, usque ad 78. iidem per trigonum colores spectantur: & quamvis inclinatum triangulum radii obliquiores perstringant, nihil tamen colores mutantur: non igitur sola radiorum obliquitas hanc varietatem inducit. An fortè major radiorum concursus colores item vegetiores procreat? Verum jam ostendimus per solam refractionem lumen in colores non degenerare: tametsi fiant dilutiores, & arcus magis ampliatur, quo magis triangulum inclinatur: speciem tamen idcirco non mutant. Unde ergo hæc tam grata colorum varietas? ex imminutâ & fractâ luce, quæ cum repetitis reflexionibus, non sine aliquâ refractione, tertiâ sui parte mul-  
tatur, in rubrum abit; cum dimidiâ parte minuitur, in viridem; cum  $\frac{1}{3}$ ,  
in



In purpureum degenerat. Opacitas verò, radiorum obliquitas, reflexio, refraçtio denique, non seorsim, sed simul junctæ lumen eâ proportionem debilitant, quæ ad colorum procreationem exigitur. Enimverò quid est, cur lumen in hos potius colores, quàm in alios facessat? Nemo homo hunc nodum solverit. Non equidem ignoro lucem cum rubro colore sesqui-alteram, cum viridi duplam, cum purpureo denique triplam habere rationem: natura verò istas præter cæteras affectat proportionem; quod in musicis concentibus experimur: nam facilè in diapente, tum in diapasone, tum denique in diapasopente sonus comineat: sic ubi Solem diutius spectaveris, si visus aciem in obscuriorem locum convertas, lucis impressio circulum rubrum oculis exhibebit, qui in viridem, tum in purpureum degenerans, tandem evanescet. Illud minimè dissimulandum puto, flavum sæpe colorem, rubrum inter & viridem, medium apparere: cum tamen supremum locum debeat occupare: siquidem luci vicinior est. An viridis, ac rubri commissura nos decipit, ac rubeus color viridis confinio splendidior videtur? Cur igitur extimus Iridis circulus nigriori nubi finitimus, flavo colore non suffunditur, cum nigredinis viciniâ illustrior futurus sit? Quare Iris per trigonum visa spatium illud, quod rubrum inter, & viridem colorem interjacet, adeò splendidum obtinet? An fortè splendor ille non est realis, sed visus duntaxat illusio? Quid igitur est cur Iride paulatim evanescente, puniceus color in flavum abeat, ac tandem extinguatur? Flavum rubro esse illustriorem, ac majorem lucis obtinere portionem, jam alibi collegimus: cur hîc locum & stationem suam deserit? An fortè cum Iris deletur, tum directiores radii per nubem trajecti flavum colorem luci finitimum depingunt; atque adeò flavus color in mediâ Iride, quasi extra suum ordinem collocatus, ex radiis in hanc partem directioribus emergit? At quid id fieri possit, cum obliquiores radii, viridem, & purpureum efficiant, qui flavo in Iride sunt viciniore, quàm rubro? Hæc sanè non pugnant: cum ab eodem Solis puncto innumerabiles radii in orbem spargantur, quorum medii directiores sunt, quàm extremi. Hinc nunquam flavus color apparet, nisi cum Iris est valde splendida; idque evenit, cum pluribus radiis ab eodem Solis puncto manantibus perfunditur: cum enim à diversis tantùm Solis partibus lumen vibratur, tum Iris efficitur debilior, nec flavo distinguitur color. Habes, mi Theophile, quæ de Iridis natura, & coloribus summus & Philosophus, & Medicus disputavit; ac meo quidem judicio nebulas omnes, quæ arcum hætenus obduxere, non dubiis conjecturis, sed certissimis rationibus discussit; & tamen præclare agi secum putat, si in his rebus à naturâ involutis aliquid verisimile invenerit.

(Cartesii  
sententia  
perstringi-  
tur,

*Th.* Ego verò hæc non verisimilia modò, sed etiam longè verisima esse arbitror: istas porro quæstiones hac arte tractatas oportuit, non à globulis cœlestibus circa suum centrum gyrañtibus præsidium petere. Jocularè enim quiddam mihi videtur Cartesius dicere, cùm asserit cœlestes globulos à corpore lucido rectà impulsos luminis sensum efficere; sed ubi circa suum centrum velociùs torquentur, aut tardiùs; varios colorum imprimunt sensus: quapropter radii per apicem trianguli transeuntes, rubrum in pariete depingunt colorem: tum enim circumvolutio, vel globulorum turbinatio longè celerior est, quàm rectus eorum impulsus: album verò, vel flavum inducunt colorem, cùm illa rotatio ferè æqualis est recto globulorum impulsui; atque hos fermè colores radii intermedii expriment: sed qui profundiores trianguli partes subeunt, tardissimo motu contorquentur: colores adèò magis fuscòs, & nigro propiores exhibent; quales sunt cæruleus, & purpureus. An radii possunt circa suum centrum tantà pernecitate rotari, ut rectam luminis emissionem, quæ in momento perficitur, longè superent? Nonne hæc fabulis quàm vero propiora sunt? Sed de Iride satis hoc loco dictum sit. Reliquas emphases, seu luminis impressiones raptissimè decurramus.

Occurrit primo loco fulgor ille, qui cingit sidera, Halonem Græci, nos Coronam dicimus; nec multùm ab Iride discrepat, nisi quòd plerumque unius coloris existat. Sæpius circa Lunam spectatur: nam in Solem ægrè aciem dirigimus, ac tenuis ille vapor, qui coronam efficit, vix radios solares sustinet. Contrà Sol Irim sæpissimè, rarò Luna exprimit; quòd in densiori nube procreetur, quam Luna vix, Sol faciliè suà luce pervadit; quòd si aliquando Irim Luna exprimat, variis ea coloribus non distinguitur: neque enim tantùm possunt lunares radii. Sic corona discolor Solem necit, quòd & nubes sit crassior, & lumen fortius: sed colores aliter atque in Iride disponuntur: nam puniceus Solem proximè ambit, quòd radii vegetiores illum exhibeant. Neque necesse est cum Cartesio fingere stellulas quasdam glaciales, quæ lumen Solis refringunt: mirum si tam faciliè in orbem disponantur, atque aliæ aliis tam citò succedant: nec lucernarum coronæ in stellulis congelatiis, sed in aère vapidò, & crassiore formantur: hinc crebriores in balneis, & flante Austro cernuntur. Neque audiendus est Thimon, qui contendit lucernarum coronas non alibi, quàm in oculi Iride effingi, non faces ipsas cingere, sed oculis illudre. Fateor equidem eas posse lippis oculis, vel à somno surgentibus apparere, quòd humidiores oculi lumen infringant: sed negari non potest, in crasso & pingui aère faciem cingente sæpius efformari:  
siqui.

siquidem circa summum apicem plerumque disrumpitur; ac si quæ fuligo fortè intercedat, ea puniceo colore rutilat. Displicet quoque mihi Senecæ sententia, quâ formari coronam putat, cum lux Solis, aut Lunæ in spissiore aëra incurrens, illum recedere in circulos cogit; quemadmodum videmus lapide in piscinam misso, aquam in multos orbes diduci. Quasi verò corona sensim dilataetur, & ampliores subinde describat circulos; quanto demum majores Sol coronas, & crebriores quàm Luna depingeret. Quod verò monet nunquam ullum sidus talem sibi effigiem circumdare, nisi cum aër est densus, atque immotus, & ob hoc custodiens incidentem in se rotundi lineam luminis; non valdè repugno, quòd ille, qui manet aër possit figurari; at qui rapitur, & currit non dei sui potestatem, & omnem istum venientemque formam exturbet. Quod verò subjicit de coronarum præfagiis, pulchrè Aristoteli succinit: nimirum ubi corona dilapsa fuerit æqualiter, & in semetipsâ evanuerit, apparet temperatum esse aëra & placidum; jam si facies non universa sublederit, sed ab una parte intercisa sit, apparet inde aëra incumbere, & idè illa regio ventum dabit; sed si pluribus locis disrumpatur, tempestas sit: manifestum enim est à pluribus partibus in illam impetum fieri, & inquietum aëra hinc, atque illinc assilire: Itaque ex hac in constantiâ cœli tam multa tentantis, & undique laborantis, futura tempestas, & ventorum prælium apparet. Non illud omitam, quod Petrus Gassendus de Halonc in suis commentariis memoriæ prodidit: rarissimè coronam lunarem ab extremo Maji, ad extremum Septembrem à se visam fuisse; nec ferè alio flante vento, quàm Coro, & Cæciâ leniter spirantibus: diameter semper fuit tum in lunari, tum in solari Halonc 45. graduum, crassitudo unius ferè gradus. Sexdecim solares observavit, quorum intimus color rubeus, medius flavus, ultimus subviridis: qui manè visi sunt, plerumque subsequenter pluviam habuerunt, contrà qui à meridie sunt observati.

Quid nunc de virgis dicam, quas Sol in nubibus, instar Iridis *De virg.* variis coloribus ornatas depingit? quid aliud sunt, quàm imperfecti arcus, qui in rectum jacent, quòd figura nubis radios Solis infringentis, ad arcus efformationem minùs sit idonea. Alia quidem est ratio virgarum, quas radii solares per angusta foramina nubium vibrati exhibent. Verùm major nos de Parheliis manet difficultas, cum plures Solis apparent imagines.

An nubes rotunda, & luce Solis splendida, illius imaginem mentitur? An nubes luce solari imbuta, nec Solem tam religiosè sequitur, nec tanto micat fulgore, ut vix à Sole secerni queat; neque si-

guram rotundam ita pertinaciter retinere solet: nec demum quatuor, vel quinque Soles tantâ luce fulgentes simul videri possunt, nisi nubes concava, & instar speculi terfa, multiplici Solem reflexione exprimat. Enimverò superius demonstratum à te fuit, mi Simplici, Solis imaginem à nube reddi non posse, quòd nec solida sit, nec continua. An fortè responsione Fromondi utendum est, vaporem eminens visum instar speculi esse posse? sic tenuis vapor manè pratis incubens, ubi procul conspicitur, exundantis aquæ speciem præbet. Nec parum conferunt terræ opacitas, atque ipsa distantia: sic nebula vix propè conspicitur, cum eminens densioris nubis instar appareat; nubes ipsæ eo videntur opaciores, quo longius à nobis recedunt. Quid igitur obstat quominus vapor Solis imaginem, tanquam speculum ad nos usque reflectat? nam opacitate suâ radios regerit. Quòd si Aristotelem audimus, ab omni levitate corporum visus aciem radios suos replicare testabitur: nam quidam hoc genere valetudinis laborant, ut ipsi sibi videantur occurrere, ubique imaginem suam cernant; quia infirma vis oculorum ne proximum quidem aëra potest percurrere. Tacco de illo Vitellionis familiari, qui cum de nocte, juxta paludem equitaret, alium quoque equitem videre sibi videbatur, qui unâ cum ipso progrediebatur, stabat, atque ad omnes illius nutus se componebat: sed cum in puriorem aëra se recepit, hoc spectrum statim evanuit. Quòd si tantum potest vapidus, & crassus aër, ut noctu imagines, ceu speculum reddat, an dubitabimus quin densior nubes Solis effigiem aliquando queat exprimere? Hinc parhelia sub ortum, vel occasum Solis frequentius apparent, quòd vapores, qui horizonti incumbunt, crassiores existant. Facies quippe Solis tam in sublimi potest, quàm in fonte, aut placido lacu reddi; si modò idonea est materia quæ reddat. Verùm ut cum Menandro in gratiam redeam, Cartesii sententiæ non invitus accedo, quâ existimat Solem nubi congelatæ, atque adèd politæ, & perspicuæ imaginem suam imprimere: nubis verò superficies congelatur, cum calore soluta repentino frigore corripitur. Sed quid glaciem illam in aëre suspendit? An vapores, qui continenter è terra erumpunt, aut venti, qui in sublimi vehementius spirant? Quid aliud dracones illos volantes, puerorum ludibria, tamdiu in aëre sustinet, nisi vis, & impetus venti? Ad extremum, nobis fatendum erit, corpora minùs gravitare, quo longius à terrâ discedunt.

*Men.* De arcu cœlesti, atque aliis impressionibus, quas lux Solis in nubibus effingit, vestra utriusque disputatio mihi fuit perjucunda, nisi quòd Theophilus Cartesio nostro paululum videtur iniquior, nec sibi

sibi potest temperare, quin virum sine controversiâ magnum, cui renascens Philosophia spiritum ac vitam debet, orationis libertate identidem perstringat: illud sanè mihi inhumanum videtur summi virum nunquam nominare, nisi in ea sermonis parte, in quâ à nobis reprehenditur.

Cartesius quidem colorem nihil esse quàm lumen certâ quâdam ratione modificatum existimat: isthuc non reprehendis; nec fortè tu diversa sentis: lumen motum cœlestis substantiæ definit; id verò tibi non ferendum videtur. At illud saltem inter nos conveniat, lucem citra aliquem motum nec percipi, nec propagari posse; sive ea sit qualitas primi corporis alterantis, ut Aristoteles decernit, (quanquam vix ullam qualitatis notionem à substantiâ discretæ, quæ propriâ fruaturs existentia, nec subsistat tamen, possim cogitatione assequi) sive nihil sit quàm ignis purissimus, è corpore lucido jugiter dimanans, ac summam adeptus raritatem, ut Gassendus, Digbæus, atque alii eruditissimi Philosophi statuerunt: dabis, ut opinor, lumen sine motu non diffundi. Neque enim tanta spatia potest decurrere; vel in angustum cogi, vel in latum effundi, vel refringi, resilire, atque omnes motuum servare leges, citra aliquam loci mutationem. Jam si lumen motus est, aut impulsio, ut placet Cartesio; vel certè cum motu conjunctum, ut fateri cogimur; color verò nihil à lumine diffidet; sequitur colorum varietatem, ex diversitate motionum, quibus lumen agitur, proficisci. Hinc lux reflexa, vel refracta in colorem degenerat: non quòd ipsius lucis radios immutatos, atque in aliam naturam commisse putem; sed visus organum, seu nervulos, ex quibus retina textitur, aliter feriunt & commovent, quàm si rectâ progressi, nullius corporis occurso fracti, aut debilitati fuissent. Jam ut quæ mihi dicenda sunt in compendium conferam: Colores Iridis ex luce solari, vel reflexâ, vel refractâ in globulis aqueis & roridis, non aliter, atque eximius Cartesius exposuit, emergunt. Mitto rationes ex secretiori Mathesi depromptas, solius visus testimonio contentus; sub exortum solis, virentia camporum gramina rore aspersa paulò diligentius intueri singuli roris globuli ex certo situ, & loco spectati omnes Iridis colores exhibebunt: sic aqua, quam Sole adverso, ore spargimus, Irim pulcrè exprimit. Est quidam in provinciâ locus, Sillantium vocant, ubi fluviolus è præcelsâ rupe magno impetu præcipitatus, & vapore rorido, tanquam minutissimo pulvere circumfusus, Irim perennem exhibet; illiusque dextrum cornu sibi proximum, sinistrum verò longissimè distitum Gassendus vidisse testatur: adeò ut centra visus, Iridis, & Solis eadem recta linea non connexeretur. Sed unde tanta colorum





quod ab eâ parte effluat, sed quia in eo loco apparet; tamen à remotiore puncto L dimanet, cum ea sit languidior, ac sub minore angulo percipiatur. Quorsum hæc evadant attendite. Primo, hinc liquet cur pars objecti candidi ceterior I cæruleo & obscuro colore infecta appareat: nam species distincta veli nigrioris puncto L vicini, evanidam & languentem objecti candidi imaginem opprimit, ac suo colore perfundit. II. Punctum L rubro vel flavo colore rutilat, quod ibi sincera objecti imago languidam, & quasi spurcam nigri speciem superet. Nam punctum L est albi nigrique confinium, falsa quidem atrii coloris species, tanquam capillare velum nonnihil candorem objecti adulterat, sed debilius cum sit, flavum, vel rubrum efficit colorem. III. Si tapeti albo atrum objectum imposueris, eisdem quidem colores, sed immutato situ videbis; punctum enim L flavum exhibebit, qui sensim in rubrum, tum in purpureum, denique in cæruleum colorem degenerabit; adeo ut nullus relinquatur dubitandi locus, colores omnes ex albi nigrique permissione exsurgere. Nec video unde Iridis colores deduci possint, nisi ex ipsius lucis imminutione; hæc verò ex radiorum obliquitate, & angulorum exiguitate desumitur. Radius enim BI oblique incurrens in punctum I, non penetrat vitrum, nisi porus I pateat, cumque angustissimi illius meatus latera, quæ in partem oppositam, nimirum versus L jacent, directam emissionem inhibeant, ac versus F reflectant, radius BI refringitur, atque ad perpendicularum propius accedit, non in istâ quâdam scientiâ, ut vires colligat, & majorem vincat opacitatem; sed quia repellitur à lateribus solidæ particulæ porum I contingentis: hinc refraçtio nulla sine reflexione perficitur. Radius porro infractus cum extra vitrum planum egreditur, iterum à puncto C repulsus in radium CO longius à perpendicularo diffusus comitat: nam ab eâ parte repellitur, cum quâ angustior emittit angulum: hanc enim magis premit, & vicissim magis ab eâ premitur; ac proinde non recto tramite cœptum iter pergit; sed in partem oppositam deflectit. Quo autem radius BI obliquior est, & acutiorem efficit angulum, hoc in egressu angulus FCO erit obtusior, ac lumen magis dispergetur. Quare prope trigonum lux cum sit vegetior, nativum candorem servat, donec longius effusa, atque umbræ opacitate temperata, varios colores exhibeat. Unde si radios jam dispersos, atque extra triangulum effusos lentè convexâ colligas, vix in colores facessent. Ubi radii solares per rimulam obscuri cubiculi subeunt, ac vitri convexi adminiculo coguntur; tum varii luminis coni efformantur, cum quidam radii propius, alii verò longius à foramine concurrant; extremi istarum pyrami-

dum margines, non lucidi, sed variis coloribus tincti apparent, qui hoc sunt illustriores, quo locus fuerit obscurior, Jam corporis opacitas ei & angustis interjectu breviorum conum ita separa, ut illius umbram lux ex utraque parte cingat; tum rubeus color in ipso pyramidis limbo emerget, quod lux vegetior umbræ opacitatem superet; contrarium experieris, si longiorem, ac proinde debiliorem lucis pyramidem corporis opaci interposito secueris; tum enim victrix umbra corporis, ipsius pyramidis margines cæruleo tinget colore. Ne sim longior, radii obliqui, fracti, ac dispersi in colores abeunt; qui trigoni extrema subeunt, acutiores angulos efficiunt: nam radius B L obliquiorem & strictiorem angulum cum vitri superficie procreat, quàm radius B I: ille in ipso exitu angulum apertiore efficit cum ultimâ vitri superficie; nam in ipso ingressu radii ad perpendicularum accedunt, in exitu recedunt & magis sparguntur: colorem adeò obscuriorem radius B L exhibebit. Verbo dicam, ubi lux umbræ dominatur, ibi splendidi apparent colores; cum umbra lumen superat, obscuriores & nigro propiores emergunt, Hæc fortè cum tuis principijs minùs conveniunt; sed, nisi me mens fallat, nihil afferri potest, quod magis cum ratione, atque ipsâ experientiâ consentiat.

*Simp.* Ego quidem videor debere non tam pugnare tecum, quàm quid ipse sentiam dicere. Colores Iridis ab ipsâ luce non oriri modo, sed etiam etiam nihil esse præter lumen imminutum, jam subinde monuimus; lucem eo modo refringi, quo tu exposuisti, refractione debilitari, radios esse languidiore, quæ sunt obliquiores, non equidem reprehendo, sed ante oculos posita, atque ab omnibus concessa esse dico. Lumen vegetius in flavum, vel rubrum colorem, debilius in colores obscuriores commcare, donec penitus extingatur, ne id quidem reprehendo. Quid enim? si colores ex lumine dimanant, fortius lumen colores itidem fulgidiore procreare necesse est. At verò illud non rebar lucem cum umbrâ, vel tenebris commisceri posse; atque ex illâ temperie, tot colorum species sobolescere; nec putabam ex albi nigrique mistura pictores rubrum, viridem, vel purpureum colorem procreare. Verùm ista sunt alterius loci: existimo quidem colorum rationes & causas in universum afferri posse; at definire quot cuique colori gradus luminis conveniant; quæ sit anguli refractionis mensura, ut rubeus color, potius quàm viridis emergat; hoc majus quiddam esse videtur, quàm ut hominum possit sensu, aut cogitatione comprehendi.





## LIBER SECUNDUS.

*De naturâ, causis & usu fossilium.*

## CAPUT PRIMUM.

De principiis &amp; causis fossilium in universum.

- I. De spiritu universi, quæ sit Platoniorum & Chymicorum sententia.  
 II. Variæ objectiones adversus spiritum illum cuncta permeantem, rationes seminariis, & vulgata Chymicorum principia proponuntur. III. Quid nobis videatur de rationibus seminariis, generatione fossilium, & tribus principis, sale, sulfure, & mercurio; Peripateticos cum Chymicis, quoad fieri potest, conciliamus.

*Menander.*

On gravaberis, ut opinor, mi Simplici, exædificare id opus, quod instituisti: nam otiosi sumus, atque ab omnibus negotiis vacui. Multa hætenus de corporum cælestium motibus, neque non de iis impressionibus, quæ in sublimi spectantur, & dilucidè, & satis copiosè disseruisti: sed cælestia procul sunt à cognitione nostrâ; meteora autem citissimè fugiunt, vix sui copiam faciunt; adeò ut nullâ serè scientiâ comprehendi queant: & si maximè cognita sint, nihil tamen ad vivendum conferant. Sed quæ terra sinu suo complectitur, quæque ad humanæ vitæ usum, & oblectationem tam liberaliter effundit, minus quidem habent ostentationis: sunt tamen inagis necessaria, & ad cognoscendum non illiberalia. Magna quoque est in iis subtilitas, quæ exercere vel altissimam eruditionem, ac scientiam possit. Quare nisi tibi molestum est, à sublimibus ad ima, & terræna, nostra delabatur oratio; neque ut arbitror Theophilo aliter videbitur.

*Th.* Mihi verò id pergratum fuerit: nec potes hanc disputationem defugere: cum præsertim partem illam scientiæ naturalis non ignobilem, quæ circa res fossiles versatur, Alchimiæ ut desertam occu-

occuparint: unde & Philosophorum nomen sibi insolentissimè arrogarunt: non enim Alchimistæ nomen jam in vulgus probatur.

*Simp.* Non equidem ignoro hanc scientiam pessimorum hominum infamiâ laborare: nam impostoribus, & circulatoribus jam diu prædæ fuit: sed non continuo ars ipsa infamis censenda, si nequissimi homines in pravos usus eam detorqueant: suas habet dotes & quidem maximas, quas nunc persequi nostri non est instituti. Pessimè actum cum rebus humanis erit, si nobilissimas quasque artes proscribi oporteat, quòd iis malè feriat homines abutantur. Nec dissimulare possum me nihil reconditum, nihil expectatione vestrà dignum de fossilibus vobis esse dicturum, nisi ipsa nobis Alchimia quasi in subsidium venerit: hæc enim non metalla modò investigat, & probat; sed etiam quæque corpora in sua revolvit principia; naturæ claustra, & quæ seras recludit, intimaque illius arcana scrutatur. Quo minùs ferendi sunt ii, qui hanc artem ut tenuem, ac jejunam cavillantur: cum summi eam Philosophi, & Medici coluerint: inter quos Avicenna, Albertus Magnus, Lulius, Fernelius atque alii eruditionis principes impensam huic scientiæ operam dederunt. Neque is sum tamen, qui Aristotelem, & Galenum præ Chymicis contempnam: sed utramque Philosophiam, & Peripateticam, & Spagyricam faciliè conciliari posse arbitror. Quod ipse Severinus Danus ultrò confitetur: nimirum Paracelsum cum asserit omnia constare ex sale, sulfure, & mercurio; non repugnare Aristoteli, qui rerum principia statuit materiam, formam, & privationem: nec Platoni dicenti Deum, exemplar & materiam esse principia omnium: singuli quippe diversas rerum æconomias scrutantur. Hæc quidem Severinus Paracelsistarum antesignanus, homo neque meo judicio stultus, & suo valde sapiens. Ego verò libentissimè concedam fossilia (nam de iis potissimum nunc agimus) ex materiâ, & formâ, nec non ex elementis compingi: sed quemdam præterea æthereum spiritum, qui formam cum materiâ conciliet, tria quoque principia mercurium, sulfur, & salem, tanquam virtutum, & actionum omnium fontes admitti oportere, jure meritoque contenderim.

*Th.* Ista quidem sumis à Platoniciis, & Chymicis: sed vide, ne plus eis tribuas, quàm res, & veritas ipsa concedat.

*Simp.* Metuebam, ne à tutoribus, & coquis diceres. Verùm de spiritu cælesti, qui materiæ, & formæ vinculum cum sit, meritò à Platoniciis natura cætya, archetypæ organum vocitatur, jam aliàs uberimè disputatum à nobis fuit, ac demonstratum apertissimè naturæ nomen nec materiæ, nec formæ, sed huic spiritui rationibus seminariis sæcun-

*Peripateticos cum Chymicis conciliari posse.*

fecundato convenire. Est quippe natura intimum motus principium, quæ à nascendo dicta est, quod generatio sit illius functio primaria; *De spiritum* *universi,* *vel quinquæ* *essentia,* *arqui forma non est intrinsecum generationis principium: non enim proprium subiectum præparat, sed in illud jam dispositum incurrit.* Sed neque materia augustum naturæ nomen debet usurpare, cum sit iners, atque omni actione destituta. Hæc est Aristotelis quinta essentia, ab elementis toto genere discreta; calidum innatum Hippocratis, quo cuncta perfunduntur; vitale principium Theophrasti; balsamum naturæ, & sulsur vitale Chymicorum, quod species individuum propagatione conservat. Illius spiritus substantiam respondere proportionem quâdam elemento stellarum; nostris elementis longè esse diviniorem, calorem continere non igneum, (nam ignis nihil generat) sed planè cœlestem, & vivificum: eo denique non semina modo, sed etiam animalium excrementa perfundi, quod ex iis res vitæ participes procreentur, disertissimè demonstrat Philosophorum princeps. Spiritus dicitur, quod idem sit tenuissimus, ac subtilissimus: quo enim res est à materiæ contagio solutior, eo quoque est ad motum promptior, atque ad agendum efficacior: sic lumen in momento diffunditur; vitales spiritus, quos lucidos esse jam alibi ostendimus, & fortè ejusdem sunt cum spiritu mundi naturæ, ut subtilissimi, sic vivacissimi existunt. Cœlestem porro vocamus spiritum, non quod cum Sol in terram unà cum formis demittat, ut plerique falsò existiment: sed quia purissimam, & quasi crySTALLINAM cœlestium corporum naturam, atque eorum stabilem durationem æmulatur: corruptis enim ac dissolutis corporibus, is integer conservatur. Illud intueri licet in grano tritici, quod terra gremio mollito, & subactò sparsum excipit, idque putrefacit, ac dissolvit: at balsamum radicale ab interitu vindicatur, ac novam elementorum mixtionem aggreditur: cessare enim non potest; ante omnia elementorum mixtionem aggreditur: quid enim aliud discordes elementorum qualitates conciliare posset? Profectò mirari subit, cur tantas de mixtione quæstiones moveant Philosophi: an miscibilia in mixto integra remaneant; an tota totis confundantur: an solæ qualitates destructis elementis sint superstites? nec inquirunt, quo motore mixtio perficiatur. An elementa ex conditò ad mixtionem confluant? quid tam iusta pondera, ac mensuras præscribat? nec tanta est in elementis scientia, nec tantæ vires terræ, aquæ, aëri, & igni competunt, ut ex iis omnes corporum facultates, & actiones deriventur. Nimiùm simplices sumus, si colorum, & saporum varietatem, ac venenorum vires propè incredibiles, ex nudis elementorum qualitatibus prodire arbitremur. Sed nihil est tam incredibile,

quod non dicendo fiat probabile. Elementa, inquit, propter qualitatum contrarietatem sese mutuò in minimas particulas comminuant; alia ab aliis retunduntur; ex illâ pugnâ nova crasis, vel temperamentum, novæ adèò qualitates exsurgunt. Jam cedo quid elementa committat; quo monitore, quo instigatore congregiantur? quid illis tam justas præscribit leges, ut ex eorum congressu triticum potius, quàm aliud gramen gignatur? quid elicit ex eo herbescentem viriditatem, quæ sensim adolescit, culmoque erecta geniculato, vaginis jam quasi pubescens includitur, è quibus cùm emerferit, fundit frugem spicæ? quid est cur potius ex discordiâ elementorum, quàm ex amicâ principiorum societate mixtionem perfici arbitremur? an sal cum aqua, vel metalla cum aquis stygiis, in quibus exsolvantur, inimicitias exercent? Terram quidem & aquam ad mixtionem conspirare non inficior; at quorsum ignem è cælo deducimus, qui molitur corporum ruinam? quibus claustris fugacissimum aërem coercimus? Sed dabo illud quoque, elementa omnia ad mixtionem confluere. Quid tandem secum afferent, nisi steriles qualitates, calorem, frigus, humorem, & siccitatem? at constantes rerum proprietates, vires sæcundas, & vitales ex aliis principiis dimanare necesse est: illæ ad materiam, istæ ad formam magis videntur pertinere; illæ terrenæ quidem, & elementares, hæ verò essentielles jure appellantur. Principia verò, & elementa spiritus ille vivificus, de quo jam diu loquimur, simul connectit, & stabili conjugii sædere confociat; ex illo tincturas suas, ut jam cum Chymicis loquar, vires, facultates denique omnes depromunt. Hinc formarum origo, quæ tamdiu Philosophorum ingenia fatigavit: hinc incredibilis illa specierum varietas, scilicet ex illo balsamo rationibus seminariis sæto proficiscitur. Nec necesse est ad mundi animam cum Platoniciis; vel intelligentiam, quæ sit formarum dispensatrix, cum Avicennâ; vel ad cælum ipsum cum Fernelio confugere. Nulla res in seipsâ non sua recôndit astra, & occulta gerit semina, quæ statis revolutionibus constantes siderum periodos imitantur. Ex iis, tanquam ex inexhaustis divinæ sapientiæ thesauris, formæ omnes multiplici sobole succrescunt. Nec credibile est, materiam primam è sinu suo tantas opes fundere; subjectum quidem, & quasi matrix formarum existat: sed ex illius gremio non eruantur, nisi ex quo alibi diximus modo. Hæc habui de spiritu universi quæ dicerem.

*Th.* Da mihi nunc, optime Simplici, satisne ista probas? an licet Philosophis quidvis ad libidinem fingere? an quicquam magis à Philosophiâ alienum fingi potest, quàm spiritus cuncta penetrans, qui  
nec



nec sensu percipi, nec ratione possit colligi? Veniat jam aliquis re- *Varia ob-*  
 censè Peripateticorum scholis, qui grandiloquentiâ Platoniciâ non *jectione*  
 dilatat argumenta; sed minutis interrogatiunculis, & quasi punctis,  
 opiniones tuas vellicet. Hic, inquam, roget te, quid sit ille Spiritus, 1.  
 substantia an accedens? Si substantia, forma sit vel materia, an ex u-  
 tràque compositus? tot & tantæ dotes in materiam non cadunt: sed  
 neque formæ rationem sibi vindicat, cum sit omnis corruptionis ex-  
 pers, cum ex illo formæ scaturiant, cum denique sit formæ, & mate-  
 riæ nexus. Nec demùm in accidentium censu repones, est enim  
 quiddam divinius, ac præstantius, quàm ut inter accidentia numeretur.  
 Urgebit ille forsitan, atque ex te requireret, an idem & uniusmo- 2.  
 di spiritus, an multiplex, & varius in tantâ rerum diversitate reperir-  
 atur? Si multiplex, unde illa distinctio, unde tot differentiarum repetun-  
 tur? non enim ex materiâ, & formâ compingitur; adeò ut materiæ  
 titulo, cum aliis spiritibus conveniat, per formam ab ijs dissideat.  
 Quòd si unus est, simplex, & ubique sui similis: quo pacto tantam  
 rerum efficit varietatem? an res eadem & uniusmodi tot functioni-  
 bus obeundis sufficit? Instabit acrius, & quæret, an ille spiritus sit vi- 3.  
 tæ expers, aut particeps? vitalem vocant; resque omnes vitâ per-  
 fundit: an eâ perfectione destituetur, quam omnibus tam liberaliter  
 impertit, adeò ut ipsi lapides & spiritus universalis, & vitæ compo-  
 tes existant? Quòd si enim Paracelsistas audimus: crescunt minera-  
 lia, sua maturitatis fortiuntur tempora, nutriuntur quoque, excre-  
 menta secernunt, quæ potentibus paroxysmis sæpe rejiciunt, magnæ  
 Metallurgorum pavore: nihil non vivit; ac sublimis illa philosophiæ  
 præcis temporibus inaudita in viventium anatomia tota occupatur.  
 Quæ cum ita sint, non dubitabunt hunc spiritum, vel mundi animam,  
 vel certè illius spiraculum cum Platonicis vocitare. Verùm hæc jam  
 inter ineptias evanuerunt; neque illa mundi anima à Christianis Phi-  
 losophis recipitur, sætus est profanæ philosophiæ, quam propè di-  
 missam frustra revocas. Non igitur ex mundi animâ, quæ cerebri vi-  
 gilantis somnium est, neque ex spiritu universi, qui nec concipi po-  
 test, nec enarrari, formarum origo repetenda est: sed fateri oportet è  
 sinu materiæ illas crui, & benedictione divinâ, quam in sui conditio-  
 ne res cunctæ accipere, propagari. Et quidem memini, quòd cum de  
 principiis rerum naturalium dissereres, negabas acerrimè formas in  
 materiâ delitescere, quòd alioqui nulla foret generatio, sed ejusdem  
 individui multiplicatio, vel reconditæ formæ manifestatio: nec proba-  
 bile esset formam pulli in ovo contineri: secùs duabus simul formis  
 ovum substerneretur: æque etiam anima alibi quàm in corpore suis

organis instructo reperitur: an muli forma in equo actu existeret? Hæc atque alia id genus multa disputabas acutissimè. Numquid repente factus transfuga, à Peripateticis ad Paracelsistas defecisti? nihil enim quàm rationes seminarias crepant; & magno supercilio reliquos despiciunt Philosophos, qui neglectâ illarum rationum contemplatione, privationes, informes materias, & mortuas qualitates sectantur.

Sed quid sunt illæ rationes, substantiæ an accidentiæ? nihil substantiale præter materiam & formam novimus: quod si materiæ dispositiones, & apparatus, aut vim causæ effectricis, quâ similem procreat effectum, hoc nomine insigniunt, ultro eorum sententiæ accedimus. Verùm in ea sunt hæresi, quæ formas in seminibus, non viget, aut potentiâ, sed adu contineri statuit; atque in eo summa Paracelsicæ Philosophiæ consistit. Negant generationem esse ex non ente ad ens processum; nisi fortè, inquit, non entia appellemus, sed semina in quibus vita, potestas, essentia, scientia vigent: nec quicquam aliud est generatio, nisi fluxus seminum: quæ nova in dies fieri videntur, in semine antè delitescunt, melioreque vitâ fruuntur.

*De forma-  
rum ori-  
gine, quid  
Paracelsi-  
sti videan-  
tur.*

Rursus quæ hîc corrumpi dicuntur, non festinant ad non ens, sed destinatis muneribus absolutis, ad fontes suos recurrunt. Jam semina in nocte Orphei, vel orco Hippocratis, vel in iliastro Paracelsi, atque in occultissimis elementorum abyssis latent, ut formæ in seminibus, quæ variis donis, ac scientiis instructæ, per spiritus mechanicos, & artificiosos corpora sibi fabricant, & infelici tum principiorum, tum elementorum conjugio copulatæ, in mundanam scenam prodeunt; tumque partium distantias, & extensiones admittunt, locorum insuetis clauduntur angustiis, & temporum tam tardas revolutiones mirantur. Auditis portentosa Severini deliria, qui pergit ineptire, cum magnificis verbis docet in semine omnia vigere, quæ hîc generationum, & corruptionum vicissitudine fluere, & refluxu videntur; adeoque formam uniuscujusque rei non extrinsecus accedere; non à datore formarum, post elementorum consentaneam mixtionem, infundi; non à stellarum momentaneo positu in inferiorem naturam derivari; non ex atomorum fortuito congressu integrari: sed in ipsis seminibus delitescere. Quid, si ista vera sunt, omnis generatio tollitur: nihil enim seipsum generat: formæ duntaxat emergunt ex elementorum abyssis, & tanquam spectra peregrinis corporibus vestita apparebunt. Formæ erunt suis corporibus longè antiquiores, ac semen canis, jam canem appellare nihil vetat. Potestne quisquam ista sentire, & literis consignare? nihil gignitur, sed occulta quæ sunt, manifestantur; nihil

*Refellitur.*

nihil quoque interit, nam formæ elementorum diversoria repetuntur: hinc rursus digestis temporibus suscitantur, & admirabili scientiâ, generationum corruptionumque fluxus, & refluxus moderantur. Sed quibus adminiculis generationum liturgias perficiunt, quibus organis elementa, ac principia permiscet? Spiritibus nempe mechanici, & architectonicis utuntur, qui amicâ societate dissentaneis co-<sup>Qui sint spiritus</sup> pulent naturas: sunt enim visibilibus, & invisibilibus, corruptibilem, <sup>mechanici</sup> & incorruptibilem vincula, atque artificiosè omnia operantur. Hinc ex Chymicorum sensu non ineptè mechanici nominantur; cùmque sint corporum, & spirituum nexus, ambigunt quodammodo, & corpora sunt, sed spiritualia; <sup>sensu</sup> sunt item spiritus, sed corporei: tincturis suis, & impressionibus sapores, colores, & alias signaturas, seu qualitates corporibus impertuntur: horum enim omnium perfectam habent notitiam: ne forte indoctos spiritus putes. Nec mirum si tantâ arte animantium, stirpium, imò mineralium partes conformet. Quid est enim, cur vitæ <sup>De vitâ mineralium ex Sen- verino.</sup> mineralium partes propagatione speciei non custodiunt, non continuò tamen seminibus destituuntur. Quot animantes, vel plantæ steriles existunt, an fortè idcirco carent semine? neutiquam: sed vitali eorum sulfuri altè insidet vis fermentaria; quod quidem sulfur, vel balsamum, digestionem, & fermentationem peractis, statim temporibus turget, & efflorescit. Non dissimili modo mineralia seminibus suis, licet infæcundis donantur, & sua maturitatis obtinent tempora; nec non paroxysmorum ratas periodos, venarum ordinatas progressionem, corporum consentaneas compositiones, saporum, & colorum efficaces virtutes, ætatem discriminationem, morborum, & mortis necessitatem. Nec majus est artificium in plantarum, vel animalium formis, & figuris, quàm in colorum, odorum, saporum, & proprietatum, quæ in mineralibus vigent, ordinatâ explicatione. Quin etiam in iis formæ naturales non sunt prætermisæ: alia namque est Adamantis, alia Crystalli forma; non igitur eorum semina vitæ, vel scientiâ destituuntur. Jam hoc ferè modo fossilium generatio perficitur. Semina in abyssi occultata, ubi digesta expleverint tempora, cum spiritibus conjugium ineunt, qui quanvis sint initio invisibiles, corporum tamen principia, elementa, & ornamentum omnem in se continent: cùm dispositiones aptas, & materiam attemperatam invenerint, tum donorum varietate, scientiæ abditam majestatem exerunt. Siquidem matricibus, & locis reperitis, corporum visibilibus, magisque concretorum admittunt commercium, tum elementa, & principia sibi idonea constituunt: sal nempe minerale, quod opportunam soliditatem tribuit; sed ne concretâ salium proprie-

prietate ligati spiritus mechanici actionum principes, officiorum in-  
iusta paterentur dispendia; adjunxit idcirco natura principium, quod  
copiosâ, pingui, viscosâque substantiâ salis congelationem benignâ  
commixtione temperaret: sulfuris officium id fuit. Sed desiderabatur  
tertium, quod assiduâ irrigatione duo priora soveret, fluidâque & la-  
bili substantiâ mixtionem facilem redderet: hinc salî & sulfurî adjun-  
ctus est mercurius.

*refellitur  
Severinus.*

- Hæc adeo sunt Severini & Paracelsistarum commenta, quibus  
veram Philosophiam evertunt funditus; ut difficile sit de eorum teme-  
ritate, perinde ut causa postulat, dicere. Primum, Philosophi non-  
satis habent magnifica verba fundere, sed rationibus progrediuntur,  
& incerta certis probant. Hic verò multa falsa occurrunt, pleraque  
dubia, nihil demonstratione stabilitum. Audio semina in orco Hippo-  
cratis quiescere, nullis dimensionum legibus adstricta, digestis tem-  
poribus fructus parere, ac sulfurî incombusibili, seu vitali balsamo  
insidere; addunt spiritus mechanicos scientiâ instructos variis orna-  
tos donis, hæc semina corporibus alligare. An nobis argumenta  
1. querenda sunt, quibus hæc opinionum monstra convellantur? Quis  
ignorat animantes, & plantas in seipsis sua semina possidere, non ex  
2. Jliastro Paracelsi, vel Orphei nocte arcessere. Terra verbo divino fœ-  
cundata plantas produxit, quæ semen in semetipsis haberent, non ex  
vacuis elementorum abyssis repeterent. Sed ilud perabsurdum, semi-  
na, & spiritus mechanicos scientiâ donare: nunquid cogitando re-  
rum imagines depingunt, aut de rerum veritate judicant, vel unum  
3. ex alio colligunt? Taceo spiritus in corpora degenerare, nihil inte-  
rire, nihil corrumpi; cum tamen Christus & Apostolus testentur gra-  
4. num tritici terræ sinu exceptum prius mori, quàm in novam frugem  
adoleseat. Jam quo fato semina, cum sint incorporea: corporum in-  
5. felix conjugium ambiunt? non ut propriam speciem individuorum  
multiplicatione conservent; sunt enim formæ spirituales, & morti  
non obnoxie: quid formis separatis, & spiritalibus cum caducis cor-  
poribus? Sed quis illa artem fabrilem edocuit, ut ex elementis cu-  
dant principia? si tamen principia dicenda sunt, quæ ex aliis prodi-  
6. ere. Mitto dicere de sulfure incombusibili, cui semina, astra, radices  
inhærent; cum sulfur, oleum, balsamum, vel quocunque alio signetur  
nomine, quo purius existit, hoc citius ab igne consumatur: nec quic-  
quam sit in hoc inferiori globo ab omni corruptione tutum. Jam hic  
locus non postulat ut de generatione animalium ac plantarum disse-  
ramus: pauca duntaxat de mineralium ortu delibemus; hic enim Pa-  
racelsistarum factio seriò triumphat.

Primum,

Primum, quod vitam fossilibus largiuntur, faciunt pueriliter: *Metalla* istuc enim non temerè assertum, sed probatum oportuit. Quod si vi-<sup>non vivit</sup> vunt mineralia, quid est cur non alia generent, uti plantæ, & animan-<sup>re</sup> tes? generantur, inquit, sed ex occultis naturæ thesauris. Hæc 1.  
quidem inconstantissimè dicuntur, cum Paracelsistæ, atque alii magni  
magisterii, seu lapidis Philosophici professores, aurum in seipso su-  
um semen recondere pertinacissimè defendant. Sed illa metallorum  
transmutatio meâ quidem sententiâ est impossibilis, neque ex semini-  
bus oriuntur metalla; sed ex terrâ & aquâ permixtis, ut placet Agri-  
colæ; vel ex vapore resolutio, qui frigore inlrat pruina concrescit, ut  
sentit summus Philosophiæ dictator. Verùm de his alius est nobis 2.  
sepositus locus. At crescunt metalla. Demus id vobis. An continuò  
aluntur? nisi fortè ignem vivere, quod pabulum exigat, stultissimus  
Paracelsita existimet. Jam quid absurdius, quàm fossilium semina  
elementis nutrire, atque illa ex orco Hippocratis evocare? an semi-<sup>3.</sup>  
na alimentis indigent? Quid demum illis deest? formæ sunt spirita-<sup>4.</sup>  
les (si vobis credimus) nec bene iis cum corporibus convenit. Sed  
neque corpora alibi, quàm in suis matricibus gignuntur: quis enim  
ferat stellas prægnantes fructus suos, pluvias scilicet, ac ventos in  
aëre; aurum, & gemmas in terrâ deponere? Unumquodque elemen-  
tum, inquit Severinus, non in propriâ, sed in peregrinâ regione par-  
turit. Atqui hoc falsum est, neque aqua in terram sua semina immit-  
tit, sed in seipsâ concipit, & concepta semina promovet: idem in ter-  
ra usuvenit. Falsum id quoque est, quasdam stellas ventorum genera-  
tionibus incumbere, in quibus spiritus mechanici, & scientiæ late-  
ant talium corporum productrices. Quis nescit pluvias ex vaporibus,  
quos è terrâ, vel mari Sol evexit prodire, non ex sideribus demitti?  
quasi ut Aristophanes de Jove jocatur, & Paracelsus de stellis seriò  
nugatur, sidera per cribrum mejerent. Quod si quædam stellæ austra-  
les ventos, aliæ boreales excitant, profectò in eodem terræ hemisphæ-  
rio, eosdem simul spirare ventos necesse est: nam eadem ubique stel-  
læ collucent. Verùm hæc otiosorum hominum, atque in Paracelsi  
lialstro somniantium deliria facessant.

Venio ad ea, quæ veri propria mihi videntur, nimirum ad prin-<sup>De princ-</sup>  
cipia, ex quibus Chymici omnia compingunt corpora. Ego quidem <sup>piis Chy-</sup>  
optarem, ut inter hujus scientiæ professores magis conveniret: magna <sup>micorum</sup>  
quippe est inter eos de numero, naturâ, & officiis principiorum dissen-<sup>diversa</sup>  
sio. Sunt qui principia ex elementis, tanquam ex fontibus deducant; <sup>opiniones</sup>  
aliis contrarium placet, ac negant prima rerum initia ab elementis  
prodire: nec desunt qui putent in rebus omnibus eadem non esse

principia: neque enim fit eis verisimile sulfur auri ejusdem esse naturæ cum aquâ ardente, seu vini sulfure: contrarium ab aliis defenditur, quòd plantæ ex mineralibus, animalia ex plantis nutriantur: unde apertissimè colligi putant eadem esse omnium corporum exordia. Jam utrum stirpes è terrâ, unâ cum succo, hæc quoque rerum primordia eliciant; an potius ex eodem humore diversa principia vitali facultate producaant, magnâ opinionum contentione certatur. Plerique posterius asserunt, cum ex maturis, & immaturis fructibus, eadem non eruantur principia: illa igitur humori, ex quo planta alitur, non inerant actu, sed potestate tantum, & sua habent coctionis vel maturitatis tempora. Reclamant alii, & prima rerum exordia non fieri, sed tantum secerni contendunt; cum ex eodem humore simplici & uniusmodi, tam diversa principia prodire nequeant: neq; idem agens ex eodem subiecto diversos effectus procreare possit. De numero principiorum nullatenus inter se consentiunt. Paracelsus à Basilio Valentino, & Isaaco Hollando sulfur, sal, & mercurium mutuatus est. Libavius quintam essentiam, seu ætheream substantiam, vel calidum innatum adjicit. Veteres Alchimistæ duo duntaxat metallorum principia, sulfur, & mercurium agnovere: Geber arsenicum his adjungit. Omnes hoc communi errore labuntur, quòd ea decernant principia, in quæ corpora mixta resolvuntur. Id verò concedimus, cum res naturali putrefactione dissolvitur: non autem cum vi quâdam per ignem destruitur: ignis quippe hæc principia generat, non educit: nam si varios ignis gradus adhibeas, diversos itidem effectus procreabis. Exemplo sit vinum, ex quo spiritum tenuissimum, phlegma seu aquam, acetum, aquam ardentem, oleum pingue, terram, salem denique tum fixum, tum volatilem eliciunt. Plura ex vitriolo proferunt: an tot principia statuenda sunt, quot res diversæ extrahuntur? Frustrâ nobis obtrudunt varias opii & vini qualitates, quas non nisi ex diversis principiis oriari falsò colligunt. Dlu multumque de opio dabitatum est, inquit Darius, quâ ratione in tantâ amaritudine stupefaciendi virtus excelleret: nos substantiarum factâ separatione, sulfur, vel oleosum quippiam deprehendimus planè narcoticum: ejusdem naturæ sulfura antea conspexeramus: eadem analysi in opio sal quoddam diaphoreticum deprehendimus, quod subtili resolutione penetrando sudores movet, cujus similitudinem in multis naturæ partibus similiter demonstrare possumus. Simili planè modo in vino oleum calidum cum multo phlegmate, & tartaro conjunctum deprehendimus: hinc minùs admiramur cur calidum cum sit, diuturnorum, & gravium morborum, calculi, podagræ, & colicæ causa esse possit. Hæc quidem magnâ verisimilitudine.



rifimilitudine dicuntur. Enimverò si quis ex te, Severine, requirat, cur opii sulfus somnum inducat, sal sudores excitet? neque enim hæ vires in sal, vel sulfur omne cadunt. Quid est cur spiritus vini inebriet, non item alia sulfura, vel olea? cur sal Rhabbarbari adstringat, cum oleum illius virtute purgatrice excellat? hærebis forsitan, nisi ad peculiarem crasin uniuscujusque corporis cum Galenicis, vel ad formas específicas cum Peripateticis te referas.

Sed non alio magis angor, quam quòd principia ipsa Chymici inconstantissimè designent: nam ut taceam de sale, & sulfure, nondum constare nobis potuit, quid per mercurium intelligant: an purissimum spiritum inflammabilem, & planè cœlestem? Verùm hic nihil est quam sulfur tenuissimum, vel solemnis illa non magis cognita, quam nominata quinta Aristotelis essentia. An spiritus acidus, & penetrans mercurii nomine insinuat: an multi negant hanc aciditatem aliunde, quam à sale volatili proficisci; quo quidem si acetosum liquorem spoliaveris, humor fatuus, & insulfus remanebit. Non inopè quidam mercurium nihil ab aquâ differre arbitrantur: sic enim commodius explicari potest: nunc ad te refero, quos sequar? Sed illud palmare est, omnes sapores sali, atque odores sulfuris tribuere: quasi ex eodem sale tanta saporum varietas proficisci queat. Nucem arborem in cineres redige, sale extrahe, cedo an sal ille omnes exhibeat sapores, qui in foliis, cortice, nucleis magnâ varietate discernuntur? an sulfur ipsum omni sapore destituitur? Verùm hæc ad vivum non refeco: jam aliàs de principiis Chymicorum disputatum à nobis est subtilius: hæc adeò placuit leviter perstringere, quo te ab Alchimistarum vanitate, si fieri posset, retraherem.

*Simp.* Non est quòd vereare, ne ad Paracelsi, vel Severini stultas opiniones dilabar: ipsam quidem Alchymiam amo, quòd naturas rerum quasi persecare, & aperire videatur: sed illos Chymicos odim malè, qui opinionum suarum monstra, tanquam certissima decreta Chymicorum venditant; fingunt omnia, probant nihil. Quocirca nobis hoc ipsum faciendum est, quod Alchimistæ profitentur, purum scilicet ab impuro, verum à falso est discernendum. Nec verò sum adeò mentis inops, ut cum Severino existimem formas rerum in seminibus actu esse reconditas; vel ex invisibilibus elementis, tanquam è latebris in lucem prodire: nec spiritus mechanicos scientiâ, & intelligentiâ præditos existere, mihi unquam persuadebunt illi sumivenduli. Vix credam metalla vivere, vel tanquam siderum fructus è cœlo in terram demitti: hæc qui sentiunt, prorsus desipere arbitror. Caterum, quæ tibi vehementissimè displicent; nimirum spiritus universi, quo cuncta per-

*Quæ sit  
nostra de  
placitis  
Chymico-  
rum sen-  
sentia.*

funduntur; rationes seminariz, ex quibus formæ omnes repetuntur; mineralium ex propriis seminibus procreatio; tria demum pervulgata Chymicorum, ex quibus rerum omnium vires ducuntur, principia: hæc inquam puto, probabiliter posse defendi; neque tamen ea sicut

*De spiritu  
universi.*

caput, & famam tueri necesse est. Verum captiosis interrogatiunculis tentas nos circumscribere: quæris an spiritus ille substantia sit, vel accidens; unus an multiplex; vitæ particeps, an secus? hos quidem cavillos nobis discutere in proclivi est. Itaque respondeo spiritum illum cœlestem tenuissimam esse substantiam ex materiâ, & formâ concretam, simillimam spiritui vitali, qui à corde per ateras in omnia corporis membra diffunditur; qui cum sit uniusmodi, varia tamen obit munera, quod animæ sit primarium organum. Adderet, Aristoteles, hunc spiritum esse veluti flammam purissimam, cujus oleum, & quasi pabulum sit humidum primigenium. Generantur, inquit, in terra animalia, & plantæ, quoniam humor in terrâ, spiritus in humore, calor animalis in universo inest: ita ut quodammodo plena sint animarum omnia. Calor igitur cœlestis, quem aliàs longè ab elementari diversum esse consecimus, huic spiritui insitus est: quemadmodum humidum radicale, quod spiritus ætherei est veluti pabulum, humori elementari longè præstantius existit: nam ut calor cœlestis blandus est, & suavis, non vorax ut igneus: sic humidum primigenium est vitæ fomes, materiæ, & formæ nexus, elementorum gluten, oleum purissimum: hoc humore cineres ipsi diluuntur, & vitro cœlestem planè naturam tribuit; neque enim vitrum posset fluere, si omni humore foret destitutum. Frustra interrogas an ille spiritus vivat, an suâ donetur animâ? nego eum vivere, quanquam sit corporis, & animæ vinculum: est quippe similis, vel ejusdem prorsus naturæ cum spiritu vitali animalium, qui instrumenti nomine vitales functiones obit; nec vivit tamen. Quanquam Alexander Alenfis huic spiritui vitam tribuere non reformidet; adeò ut spiritus vitæ sit particeps, non animæ: neque ineruditè vitam ab animâ discriminat, cum anima corpori inesse queat, tametsi vitam illi non impertiat: quidni etiam vitam sine animâ consistere posse fateamur? Sed utrum ista defendi possint, ipse viderit: nobis satis fuerit spiritui universi vitam, tanquam divinæ providentiæ organo, & naturæ cœtypæ concedere. Nec multum nos torquet alia interrogatiuncula, utrum unus sit, vel multiplex? utrumvis elegeris, mihi perinde est. Unus est, antequam ad rerum individuarum compositionem descendat; varius & multiplex, ubi naturam aliquam constituit; sic varias exercit actiones, quatenus diversis formis quasi famulatur. Unde ergo, inquebas, tanta rerum

*Responde-  
tur obje-  
ctionibus.*

L. 3 de  
gen. an.

varic-

[illegible]

*Men.* Nos autem à te potius. Nec clam me est, non Platonicos modò, sed etiam Augustinum, occultis illis rationibus acceptas referre. Sed quid sint istæ rationes, spirituales, an corporeæ; substantiæ, vel accidentiæ; formæ ipsæ, an formarum rudimenta, quod sit earum subiectum; effectrices, an formales sint causæ, quotusquisque explicat? Quare da nobis hanc veniam, ut ea quæ sentis audiamus.

Quare da nobis hanc veniam, ut ea quæ lentis audiamus.  
*Simp.* Ego verò tibi obsequi studeo: nec gravabor breviter, meo more, quid sentiam dicere. Ac primum, à seminum cognitione sensus ipsos removeamus; nam eorum censuræ nequiquam subjiçuntur. L. 3, de Trin.  
 Nam ut pulchrè Augustinus, rerum quæ corporaliter, visibiliterque nascuntur occulta quædam semina in istis corporeis hujus mundi elementis latent: alia sunt enim hæc jam conspicua oculis nostris, ex fructibus, & animantibus; alia verò illa occulta istorum seminum seminatilia, unde jubente Deo Creatore produxit aqua prima natatilia, & volatilia; terra autem prima sui generis germina, & prima sui generis animalia: neque enim tunc hujusmodi foetus ita producti sunt, ut in eis, quæ producta sunt, vis illa consumpta sit; sed plerumque desunt congruæ temperamentorum occasiones, quibus erumpant, & species suas propagent. Fateor equidem, mi Theophile, res omnes benedictione divinâ accepisse vim sui similis productricem: at quiddam est in rerum naturâ, quod jussu divinum exequitur, & generationis principium intimum existit. Docet quidem scriptura, Deum ab omni opere, quod creavit, die septimo cessasse: cuncta enim in seminibus suis tum creata fuerunt per generationem hæc semina in formas visibiles explicantur. Hoc ipsum apertissimè colligit Augustinus. In se- L. 3, de G. n. c.  
 mine ergo, inquit, illa omnia fuerunt primitus, non mole corporeæ, nisi ad lit. magni.

magnitudinis; sed vi, potentiaque causaliter: nam illa magnitudo copiam terræ, & humoris congesta est; sed illa in exiguo grano mirabilior præstantiorque vis est, quâ valuit adiacens humor commixtus terræ, tanquam materies verti in illius ligni qualitatem, in ramorum diffusivum, in foliorum viriditatem, ac figuram, in fructuum formas, & opulentiam, omniumque ordinatissimam distinctionem. Quid enim ex arbore illâ surgit, aut pendet, quod non ex occulto quodam thesauro seminis illius extractum, atque depromptum est. Eadem serè paulò superius præmiserat, cum exponeret locum illum Genesios: Fons ascendeat de terrâ, & irrigabat omnem faciem terræ. Omnia, inquit, primordia seminum; sive unde omnis caro, sive unde omnia fructu gignuntur, humida sunt, & ex humore conrescunt: insunt autem in illis efficacissimi numeri trabentes secum sequaces potentias de illis perfectis operibus Dei, à quibus in die septimo requievit. Verum non locis, sed rationibus pugandum, & quid sit illa ratio seminalis breviter est aperiendum.

*Quid sit  
ratio se-  
minaria.*

Nec substantiæ, nec accidentis nomen illi convenit, si exquisitè, atque ad scholasticorum regulam loqui volumus: non enim est quiddam completum, quod alicujus prædicamenti claustris arceatur; sed radix est tam substantiarum, tum accidentium. Nam rerum omnium numeri, & species in rationibus illis latent, non tumore locorum distanti, sed quasi complicati, atque eo serè modo (ut ab exemplo Augustini non recedam) quo omnes numerosi soni Luscinia imaginationi quasi spiritaliter imprimuntur: vel ut pulcrè alicujus carminis numeri in ipsâ arte delitescunt: non enim ars quâ versus fabricatur, sic temporis obnoxia est, ut pulcritudo ejus per mensuras morarum digeratur; sed simul habet omnia, quibus efficit versum non simul habentem omnia. At molestissimâ subtilitate inquiritis, utrum illæ rationes formæ sint, an formarum exordia? cum formis eas non confundimus: cum hæ sint fluxæ, & caduæ; rationes seminales non item: sunt igitur formarum potius effectrices, quàm formæ; rationem, & quasi vim plasticam rerum continent, non ut causæ principes, sed ut instrumentariæ: sic artem, quâ versus euditur, ab ipso versu discernimus. Nihil verò aliud est spiritus ratione seminali prægnans, nisi natura ipsa formarum radix. Quid autem natura, nisi ars Dei in materiâ? Cum igitur res gignuntur, numquid formæ prius in materiâ existerent? Responderet Albertus, formarum essentiam in materiâ ab ipso mundi exordio, sub existentia alienâ delituisse: sed cum res generatur, tum propriâ fruatur existentia. Huic opinioni neque omninò accedo, neque planè dissentio: sed ut omnem effugiam cavilla-

villationem, rationes seminales ut idearum vicarias, effectricis, non formalis causæ titulo rerum omnium formas procreare statuo. Nam ut scitè Augustinus, sicut matres gravidæ sunt foetibus, sic ipse mundus gravidus est causis nascentium. Jam ubi materiam idoneam natiæ sunt, tum quæ secreto naturæ sinu abdita continentur, erumpunt, & explicant mensuras, numeros, & pondera sua, quæ in occulto acceperunt. Idque eo serè modo perficitur, quo ratio mente concepta inflati pulmonis captat occasionem, ut voce sensibili induta, distinctè exprimat, quidquid antea indistinctum, & quasi convolutum gerebat. Nec dubito quin rationes seminarie, distinctione, si minùs reali, certè formali, ab ipsâ materiâ secernantur: nihil quippe sola materia molitur: atque alia est in semine ratio frondis, alia floris. Quid ergo sunt illæ rationes, corporeæ, an spirituales? Diu est, quòd Doctor eximius Alexander Alensis huic occurrit interrogationi: quòd nimirum elementis mundi indita sit quædam natura simplex, & incorporea, alia à naturâ elementari; quæ quidem virtus, seu seminalis ratio dici potest corporalis, quia radicatur in corporibus, seu in elementis; & spiritalis, quia mole caret corporali.

Restat ut iis respondeam, qui subjectum & sedem harum rationum demonstrari sibi postulant; quod quidem nobis est in promptu: non enim alibi quàm in ipso spiritu aethereo inhabitant. Custos verò hujus spiritus, ac seminarie rationis semen est visibile, quod potestate, non actu formam continet. Quare cælum ad generationem causæ universalis excitat, & corroborat: sed è cælo formæ non delabuntur, ut suo loco ostendimus. Unumquodque mediò semine tanquam instrumento, suum simile procreat. Hinc virtus generantis est principium, quo, (sic enim hodie rerum nomina obtinent) ratio verò seminalis principium erit ex quo res quæque gignitur. Existit autem hoc loco quædam quæstio subdificilis de animalibus, quæ ex putre. *De animalibus,* hinc nascuntur, ubi seminarie eorum rationes delitescunt? non alibi *qua ex putredine nascuntur.* profectò quàm in spiritu universi: aut dicant mihi, qui contrarium sentient, quæ sit effectrix causa istorum animalium? unde prodeant, quæ è terrâ nascuntur injussa gramina? Numquid fortè à cælo formantur? Sed cælum cum sit omni vitâ privatum, qui poterit vitam, & sensum largiri? nulla causa effectû suo deterior est, maximè si principis causæ nomine operetur. An necesse est ad intelligentias corporum cælestium motrices recurrere? at principium generationis intrinsicum, & naturale inquirimus. Cælum quidem ab Angelis moveatur, nihil repugno. Num continuò Angeli principales erunt generationum *causæ?*

causæ? Hanc ego subtilitatem Philosophiâ indignam judico. Influxus cœlestes his inferioribus fortasse applicent: non aliud præstabunt, quàm quòd cœli viribus est attemperatum. Non igitur spirituales illæ naturæ causæ sunt naturales eorum, quæ sine manifesto semine gignantur. An verò saltem ut artifices operantur? ne id quidem, quid enim est opus artefactum, nisi id quod ab ideâ artificis formam suam mutuatur? atqui res naturales non Angelorum, sed unius Dei ideas, seu formas originales participant. Structura, & conformatio animalium majus quiddam est, quàm ut ab ullâ creaturâ, tanquam ab artifice procreari queat. Aliud est, inquit sublimis Doctor, ex intimo, ac summo causarum cardine condere, atque administrare creaturam, quod qui facit solus creator est Deus: aliud autem pro distributis ab illo viribus, & facultatibus aliquam operationem forinsecus adhibere, ut tunc, vel tunc, sic vel sic exeat quod creatur. Ista quippe originaliter, ac primordialiter in quâdam texturâ elementorum cuncta jam creata sunt, sed acceptis opportunitatibus prodeunt. Quid igitur restat, nisi ut soli Deo tamquam omnipotenti artifice, & causæ principi omnium animalium, quæ sine semine nascuntur, ortus tribuatur. Sed fors est, ut Deus non sit immediata, & proxima generationis causa. Quamobrem reliquum est, ut spiritum cuncta permeantem, rationibus seminariis sæcundatum cum universâ Academico-  
rum familiâ agnoscamus.

Nec stirpes modò, vel animantes, sed lapides etiam, metalla, & cuncta fossilia ex iisdem causis procreantur; non ex fortuito elementorum concursu, vel ex sublati vaporibus, frigoris vi concre-  
scent: non enim frigus quicquam generat: neque ex terrâ, & aquâ permixtis aliud quàm lutum fieri potest. Corporum quædam affectio-  
nes, ut densitas, raritas, durities ab elementorum qualitatibus non absurdè repetuntur: at rationes, & naturæ corporum, ab intimo mo-  
tu, atque ab interiore principio oriuntur; quod quidem principium  
seminale res cunctas maturat, perficit, ac certis circumscribit figuris.  
Unde quæso te crystalli hexagonam figuram ubique sortiuntur? an  
fortè ex fluitantis materiæ concretionem? an potius ex spiritu archi-  
tectæ suis rationibus seminariis instructo? sed quid crystallos solas  
commemoro, cum natura vel in lapidibus arenaceis quiddam regu-  
lare affectet: nam cotes duplo longiores, quàm latæ esse solent: sic  
arenulæ, quæ ex vesicâ expelluntur, rhombi figuram imitantur: hinc  
fortè suis angulis tantos excitant dolores: sal gemmeus ex atomis  
cubicis exsurgit. Numquid hæc temerè & fortuito eveniunt? Quid  
igitur est, cur mineralia ex intimis principiis, vel seminis, uti plantæ



non oriantur? tametsi stirpes fecundæ esse soleant, non item fossilia. Non enim aurum aliud aurum gignit. Stirpium quoque semina terræ mandantur, ut multiplicata species suas conservent: semen verò fossilium in ipsis conclusum, & occultum manet: longâ temporum successione propriam materiam immutat, coquit, & perficit; non enim sequacem, ut in plantis materiam offendit. Ut semel finiam, fossilia maximam cum plantis, habent cognationem: nam instar arborum eriguntur, in ramos ac venas diffunduntur; pleraque exhausta ex seminis renascuntur; crescunt quodammodo, & nutriuntur: neque tantum à plantis intervallo, quanto stirpes ab animantibus, dissident; adeo ut infimum vitæ gradum obtinere videantur. Sed ne verbi controversia nos torqueat; fateor mineralia omni vitâ destitui; spiritu tamen æthereo perfundi, & suis rationibus seminariis instrui jure contenderim: cum iisdem ubique viribus, figuris, & coloribus donentur.

Venio jam ad principia Chymicorum, quæ tibi non probantur, *De principis Chymicorum*  
quod ne Chymici quidem de numero, naturâ, & officiis principiorum inter se consentiant. Nimis invidiosè hæc à te dicuntur: nonne & ipsi Peripatetici in multis, ne dicam in omnibus ferè dissentiant. *quid sentendum.*  
Nonnulli elementa actu in mixto, alii potestate tantum remanere contendunt. Quanta pugna est de elementorum qualitatibus; utrum integre, vel retusæ conserventur; an potius iis decedentibus novæ succrescunt? utrum ex earum pugna, nova eaque simplex qualitas exsurgat? quare Chymicos in invidiam vocas, quod negent omnes corporum vires ex elementis prodire, ac nova inducant principia, quæ ad intimam corporum mixtorum essentiam pertineant? minùs fortasse de numero principiorum inter eos convenit; at illud certè apud eos constat, qualitates omnes ab elementis non duci. Neque enim vis narcotica opii, aut facultas purgatrix Rhabarbari à terrâ, vel aquâ proficiscitur: nec tanta saporum, & colorum varietas ab elementis insipidis, atque omni odore, vel colore destitutis prodire potest. De sulfure quidem, & sale, magna est inter eos consensus; mercurius dubiæ magis & ancipitis naturæ existit. Nonnulli eum spiritum acidum definiunt: in hæc quidem sententiam multum olim propendebam, cui nunc planè non confido, cum nitrum, & sales quique volatiles istam aquæ aciditatem concilient. Imò spiritus salis cum lapide calaminari distillatus omnem ferè aciditatem exiit. Mercurium alii nihil esse putant, quàm liquorem aqueum corporis mixti virtute imbutum, qualis est aqua rosacea. Sed quid propriè sit mercurius, quia parùm refert, liberam opinaturis relinquo. Neque etiam hic discutien-

scutendum est, utrum principia actu (quod mihi probabilius videtur) an potestate tantum in mixto resideant: satis est, si revera inesse fateamur.

*Obiectio 1  
Responsio.*

At inquis, hæc sunt ignis artificialis, non naturæ opera. Mirum, si tantum arti liceat, ut essentias, quæ prius non erant, efficiat. Numquid ex vino spiritum ardentem eliciamus, quo extracto frustra tentaris alium prolectare? Quid causæ est, cur in ipsis essentiis eadem viresprehendantur, quæ in mixto inerant? quid ignis, nisi ignem procreat? quid demum est, cur ex eodem vitriolo, spiritum, oleum, sal, terram, & aquam producat? sed cur ex omni vitriolo idem spiritus elicitur? Cum fimi calore, vel balneo roris distillantur liquores, nunquid ignis violentiam, atque artificialem corruptionem obtendes? an potius eadem in artificiosis instrumentis, quæ in naturæ ipsius vasis eveniunt; nisi quod in illis diversa corporum principia facilius discernantur: non enim in auras abeunt, sed suis conceptaculis excipiuntur.

*Obiectio 2*

*Solutio.*

Falsa querela est non educi principia, sed produci. An terra ipsa, quæ in cineribus superest, vel aqua, quæ unâ cum spiritu distillatur, ab igne artificioso procreantur? Neque is sum tamen, qui elementa nihil esse quàm sordes, & excrementa corporum putem. Terram, & aquam, nihil ad mixti essentiam pertinere, sed esse capsulas, & involucra principiorum, sentiunt quidem impuri Paracelsistæ, quibus minimè accedo: non enim ex solis nutrimur essentiis, vel principiis: ex iisdem verò alimur, ex quibus constamus: non igitur sola principia compositionem rerum ingrediuntur. Sed neque ex elementis principia, vel vicissim elementa ex principiis prodeunt: nunquam enim terra in salem, vel sal in terram facisset. Elementa materię vices obeunt, principia magis ad formam videntur attinere: siquidem calor, frigus, humor, & siccitas, quæ ex elementis dimanant, materiam magis sapiunt, & qualitates sunt omnibus corporibus communes. Sed odor, sapor, vis purgatrix, & aliæ facultates, quæ ex principiis ducuntur, formales, propriæ, ac specificæ jure nominantur. Hinc Mesue eos sapientes vocat, qui quod occultum erat manifestant, & quasi speciem à materiâ separant, quæ quidem sunt Chymicorum partes. Hanc ipse Galenus olim optabat artem, quæ diversas mixtorum corporum partes secerneret. Verùm cum de principiis alio loco multa dixerimus, nunc mihi est perorandum.

Sed tibi quid tandem videtur, optime Menander?



## CAPUT SECUNDUM.

De mixtis terreis, &amp; variis terrarum generibus.

I. Principia Chymicorum ex Cartesii decretis exponuntur. II. De resolutione, & variis illius differentiis, nempe sublimatione, distillatione, calcinatione &c. agitur. III. De diversis terrarum generibus, & usu pertractamus.

Menander.



Israhor, cum hoc, tum illud probabilius mihi videtur. Principia quidem Chymicorum non planè rejicio; sed nego ea inter se aliter, quam partium subtilitate, vel crassitie; figurâ, vel situ differre. Primus enim *Principia Chymicorum ex Cartesii* isque tenuissimus humor, qui inter distillandum evahitur, mercurii nomen accepit; nihil est quam aqua *rum ex Cartesii* corporis tincturâ, vel essentiâ leviter imbuta: minùs censetur utilis, *placitis* quòd humor sit duntaxat alimentarius, nondum benè concoctus, vel *exponuntur* percolatus, qui facilè egreditur, quòd cum aliis partibus malè cohæreat. Hunc excipit oleosus humor intimus corporis mixti succus, *tur.* quem sulfur, vel spiritum vocitant: is majore calore attollitur: altiùs quippe rei ipsi, ex quâ elicitur, insidet. Salis demum nomine quidquid sursum efferri nequit, insigniunt: crassioribus enim constat particulis, quàm ut à calore evehi possint. Quare sæces illæ crassiores, nec caloris vi satis agitari queunt, ut liquecant; nec attolli, ut in humorem distillentur. Hinc omnia naturæ, & artis miracula calore, & frigore perficiuntur; calor movet, agitat, dissolvit, aperit, separat; frigore verò humores concresecunt, interim secernuntur, ut in sanguine videre est. Jam ubi fossilium, & rerum sensibilibus naturas, vel causas scrutamur, frustra recurrimus ad spiritus mechanicos, vel rationes seminarias, atque alia ignorantie nostræ patrocinia: hæc enim sunt densissimis circumfusa tenebris, neque ullâ ratione percipi possunt. Alia sunt principia magis obvia, & intellectu facilia, quæ magno errore inflati contemnimus. Placet mihi illustris Cartesii (cujus memoriam excipient omnes anni consequentes) sententia, quâ nulla corporum principia agnoscit, nisi eadem cum rebus ipsis consentiant, & sint explicatu facilia. Finge aliquem non planè impolitum, qui te ultrò percontetur, quæ sit causa illius aciditatis, quam in

A a a

spiritu

spiritu vitrioli deprehendimus; quare aquæ fortes metalla, & lapides dissolvant; cur è contrà pleraque olea quandam præ se ferant dulcedinem? numquid fortè ad materiam, vel formam, aut spiritum universi rationibus feminariis prægnantem te referes? Næ tu illi furere videberis: quid enim absurdius quàm rebus manifestis causas incertæ, & abstrusas reddere? Quòd si eum apertè docueris spiritum vitrioli, vel nitri ex particulis rigidis, oblongis, & duris compingi, quàm tantquam aciculæ linguam pungant, subeant, penetrent, ac tandem dissolvant metalla: olea verò ex particulis mollioribus, & flexilibus componi; hinc linguam non vellicant, sed leniter allambunt, ac pinguedine suâ demulcent. Profectò ille tibi vehementer assentiatur, atq; ultrò in tuam concedet sententiam. Sed redeo ad principia, & causas fossilium.

Omnis ut naturæ, sic artis operatio mixtione, & resolutione continetur. Cæterum eo ferè modo miscibilia natura permiscet, quocernimus Pharmacopolas in suis mixtionibus procedere: terunt corpora quàm fieri potest minutissimè; coctionem adhibent: nam calor dividit, resolvit, agit: humore tandem diluunt; est enim humor quasi vehiculum, & facilè subit mixti corpuscula, illaque separat, ut exquisitiùs inisceantur. Neque aliter, quantum augurer, metalla, & lapides ex tribus principiis, mercurio, sulfure, & sale optimè permixtis exsurgunt. Mercurium voco hydrargyrum, cujus atomi à subtili materiâ (non enim à Cartesii decretis facilè dimoveor) agitantur, nam licèt sint crassissimæ, malè tamen cohærent. Sulfur est succus oleosus, cujus particulæ flexiles, & ramosæ materiam omnibus bituminibus, quæ è terrâ exæstuant, suggerunt. Sales denique, ut vitriolum, alumen, nitrum constant ex rigidis, & acutis corpusculis. Omnia, ut jam dixi, mineralia ex iis succis compinguntur: nam liquida quæ sunt, facilè permiscuntur.

*De resolutione corporum, & earum differentiis.* Omnem verò mixtionem præcedit quædam resolutio, quæ variâ est, & multiplex. Exhalatio inter præcipuas illius species numeratur, & eaquæ nihil est quàm resolutio in halitus; illius adeò tres species revariius ejus censentur; sublimatio, distillatio, & calcinatio. Quòd si halitus in corpus durum concreseat, sublimatio dicitur: sic flores ex sulfure, stibio, & aliis mineralibus attollantur, ac superiori vasis, in quo incenduntur, parti, instar pruinæ adhærescunt: quo quidem modo metalla generari credit Aristoteles; rectè, an secus postèa viderimus. Plerumque autem sal volatile sublimari solet: hinc sublimata acria sunt & caustica, sæpe etiam & venefica, ut hydrargyrus sublimatus: corpusculis enim duris, acutis, & penetrantibus constant. Sic fuligo, quæ ex incensis lignis, vel succis pinguioribus attollitur, est acerrima; & quia

quia ex striatis particulis componitur, amarum præ se teri saporem, camino tenaciter inhæret, & præ illis particulis asperis faciliè infigitur: flammam tamen concipit, quòd omni oleo non destituatur. Illud quidem oleum non ignis violentiâ, sed quod magis mirere, summo extrahitur frigore. Fuligo multâ aquâ, vel urinâ, quæ huic negotio optima est, diluitur; coquitur, donec rubedinem quandam, quæ sanguinem referat, contraxerit; sub dio frigori intensissimo exponitur; contractâ glacie excipitur oleum fuliginis, quod in medium locum sese receperat, optimum (si Chymicos audimus) scabiei fœtidæ, atque aliis id genus morbis remedium. Omitto fuliginem uberiores esse, circa superiorem camini partem, quàm versus infimam: nam ubi nimio calore, vel flammâ agitatur, non faciliè potest consistere. Solet autem plerumque in floccos glomerari, quod omnis halitus in filamenta, & flocculos diducatur. Sic mucus in panc, & aliis corporibus putredini obnoxiiis, æstate præsertim, in filamenta floccescit; quòd nimio æstu multus halitus diffletur. Nec solus calor, sed etiam humor aëris immodicus mucum educit copiosiores, quòd halitum erumpentem crassities aëris, vel humiditas repellat, eumque in summâ panis superficie hæere compellat. Verùm ista ad putredinem spectant, de quâ jam aliàs diximus, eamque tum calore, tum humore perfici satis compertum est: sive quòd calor aëris ambientis intimum corporis mixti calorem unâ cum humore evocet, quo vinculo sublato, miscibilia dissolvi, & separari necesse est; sic enim placet Aristoteli: seu potius calor poros corporis subeat, & aditum præbeat corpusculis acrioribus, quibus fibræ jam calore dissolutæ laxantur, & subtiliores mixti corporis partes exhalantur. Humor verò eandem ferè ruinam affert corporibus: nam fibras solvit, ac subtilissimas rei cujusque partes secum educit.

Nunc ad secundam exhalationis speciem accedo, in quâ subla- *Distilla-*  
tus vapor concrevit in liquorem, distillatio nominatur. Hæc meo *tio,*  
quidem iudicio est præcipua naturæ rota, quâ omnes ferè suos perficit motus: huic tota incumbit Alchimia; modò vapores in Alembico sursum extollunt; aliquando per ignem rotæ, vel circularem carbonibus in orbem dispositis, & sensim admotis, humorem deorsum propellunt: sed ubi olea tenaciora sunt extrahenda, quoddam vasis genus, quod retortam vocant, adhibent; atque illius beneficio liquor magis rebellis ad latus, vel, ut loquuntur, per inclinationem elicitur. Nonnunquam distillatos liquores suo magmati, seu sæcibus remiscet, ut intimam essentiam, quæ plerumque in fundo vasis contumaciore residet, educant: nam humor affusus tritas, & excussas corporis di-

stillati partes solvit, laxat, & secum trahit. Humore resoluta, resiliant foli cineres; unde hæc operatio, quæ corpus mixtum in minutissimum pulverem, omni humore absumpto redigit, dicitur calcinatio, quæ terra est exhalationis species.

*Calcinatio.*

Cinis quidem è plantis, & animantibus; calx verò ex lapidibus, vel metallis potissimum educitur. Tum calces, cum cineres quandam præ se ferunt albedinem, quòd terrestres atomi, quibus maximè constant, globosæ sint, & rotundæ, & radios in omnes reflectant partes: hinc illa cinerum mollities; nam sphæculæ nullis angulis tactum offendunt. Corpuscula tamen acria, & caustica continent, quæ non ignis vi, sed solâ aquâ separantur: terrestres enim particulæ ignis calore non facilè excutiuntur, quòd crassiores existant, quàm ut eas subtilis materia, quæ omnium coporum meatus subit, & in perpetuo versatur motu, exagitet. Sed cum laxiores habeant poros, humorem facilè admittunt; is enim tenuiores partes secum educit, ut in ipsis vulgaris infusionibus usuvenit. Hinc lixivio sordes linteorum absterguntur: nam acria illa corpuscula humoris beneficio, linteï meatus subeunt, tenaciter adhærescunt, nec elui possunt, nisi sordes unâ secum abripiant. Non dissimili ratione calcis corpuscula caustica, corrosiva, & acerrima cum sint, corporum particulas penetrant, & citò dissolvunt: hinc absumunt cadavera, & arenam conglutinant. Si qua verò sit ratio seminaria, seu vis organica, & plastica, in ipsis delitescit cineribus. Hinc illa plantarum è cineribus renascentium à Chymicis adeò jactata phantasmata: infinita propè ab iis referuntur exempla. Quercetanus narrat, se lixivium ex urticarum cineribus confecisse, quod hiberno tempore congelatum urticas apprimè delineatas exhibebat. Idem refert, se vidisse Polonum, qui cum varia haberet vasa sigillata, & in singulis pulverem quandam debitè preparatum, moderato calore adhibito, quam quisque vellet plantam ostenderet. Nec memoro ex finis animalium easdem sæpe herbas oriri, quæ ipsis pecoribus pabulo fuere. Imò testatur Beguinus, plantas ex sparsis cineribus nonnunquam exsurgere. Ex cancri calcinatis & in aquam stagnantem projectis, alios subinde cancrios renasci, plerique se expertos dicunt. Multis quoque profuit plantarum radices cinerum dilutis perfundere; sive quòd sal spiritus vivifici, & rationum seminalium custos existat, ut Chymici omnes contendunt: sive ut existimat amicus noster, vir summo ingenio, & exquisitæ scientiæ, superfusus imber subtilia salium corpuscula secum evehat, quibus oclusi per hiemem fibrarum meatus, recluduntur. Satis, ut opinor, de præcipuis naturæ, & artis Chymicæ resolutionibus dictum est.

Nihil



Nihil addo de liquefactione, quâ partes duntaxat homogeneas, *Liquefactio*  
 & congeneres corporis mixti separantur, cum perfecta resolutio  
 etiam heterogeneas dividat. Hinc metalla facillè liquantur, vix re-  
 solvuntur, quod partes heterogeneas arctiori nectantur vinculo, quàm  
 ut dividi possint. Lignum verò non ægrè resolvitur, cum liquari non  
 possit, quod partes heterogeneas facillè separentur; humor caloris vi-  
 citò avolat, terra superest, quæ liquari nequit. Nihil etiam necesse est  
 de coctione dicere, quâ crudiores partes exhalantur, vel maturantur:  
 hinc cocta fiunt molliora: vinculis enim solutis, ac multis partibus  
 diffatis, reliquæ minùs dissentæ tacui cedunt. Quod frixum est,  
 elixato durius existit, quòd pinguis humor vix subeat angustos cor-  
 poris meatus: sed humor aqueus corporis elixati poros facillè ingre-  
 ditur: unde pisces priusquam frigi possint, persecandi sunt, quo alti-  
 us oleum penetret. Cum verò olei particule sint ramosæ, & tenaces,  
 nihil mirum, si corpora fortius agglutinent, & contrahant; unde spi-  
 ritus ventriculi, qui digestionem perficiunt, frixa corpora ægrius re-  
 solvunt, ac digerunt. Quæ assantur vel friguntur, intus humidiora  
 sunt, quàm quæ elixantur: siquidem in his ambiens humor fibras  
 laxat, poros aperit, atque intimum corporis elixati humorem evocat:  
 sed assata crudum, & mercurialem humorem efflant, quo absumpto,  
 sicciore crustâ obducuntur, ac meatus occluduntur; adeò ut succi  
 pars melior ad interiora revocetur. Alias quæstiones infinitas non  
 persequor; tametsi ad mineralium intelligentiam non parum lucis af-  
 ferant: sed hæc ipsa, quæ dixi, sentio fuisse longiora.

*Th.* Ista certè, quæ abs te breviter decursa sunt, jam copiosius ali-  
 bi tractavimus; nunc igitur quod cæperas, mihi *Simplici*, de ortu, na-  
 turâ, & causis mineralium perge dicere.

*Simp.* Dicam equidem, quoniam institui; simul ut vos pleniore  
 demerear obsequio, non modo de fossilibus disseram, sed etiam secre-  
 tiora Chymicorum arcana vobis aperiam. Indagatio ipsa rerum oc-  
 cultissimarum suam habet oblectationem: est enim, ut præclare Tul-  
 lius, animorum ingeniorumque naturale quoddam quasi pabulum,  
 consideratio, contemplatioque naturæ. Sed præclara res mihi vide-  
 tur, utilitatem cum delectatione conjungere: neque id infra Philoso-  
 phi dignitatem puto, ad ipsius Alchimie opera quandoque descende-  
 re: nam vera sapientia utilitate, non solâ contemplatione laudatur.  
 Nemini tamen auctor fuerim, ut in lis operibus consenesceat, vel curi-  
 osius, quàm par sit, inquiret in naturæ secreta: plerique enim, dum  
 huic studio nimis indulgent, in damna, & dedecora incurrunt; sæpe  
 etiam legum judiciorumque pœnis obligantur. Multos credendi fa-  
 cilitas

*Fossilium  
in tria ge-  
nera di-  
stributio.*

cilitas decipit: sed non morabor in hac parte diutius: nimium est quod intelligitur. Nunc ad propositum. Fossilia, quorum naturas, causas, & effectus inquirimus, in tria genera brevissimè dividi possunt; primum terras ipsas continet; sive sint communes, sive in pretio habeantur; alterum est succorum, qui vel pingues sunt, ut sulfur & bitumen; vel macri, ut sal gemmæ, alumen, & vitriolum: tertium denique mineralia propriè dicta complectitur, quæ iterum in tres veluti species diducuntur, lapides, metalla, & metallica, quæ nimirum inter lapides, & metalla ambigunt. Horum omnium ortus, naturas & usus investigare non erit injucundum.

*De variis  
terrarum  
generibus.*

Ac primum de terris ipsis dicendum, quarum facilis est, & expectanda distinctio: nam aliæ sunt steriles, aliæ pingues, & frugiferæ: illæ ut plurimum candidæ, leves, vel arenosæ existunt: quid enim arena, nisi minutissimorum lapillorum congeries cum permodicâ terræ portione conjuncta? hinc arenosa terra humorem non retinet, sed per laxiores poros trajicit, & quantumvis copioso imbri diluatur, non lutescit. Addit Gassendus corpuscula, ex quibus arena compingitur, esse angulosa, & vitreæ: sic enim perspicillii, quæ rerum species mirificè augent, deprehenduntur. Quare nihil mirum est, si terra arenosa sterilis existat: non enim humore exsolvi potest; neque illæ particulae, quibus constat, seminali, vel altrici facultati obsequuntur. Neque obscurum est, cur illæ arenulae vim habeant abstersivam, cur cotes ex iis compactæ ferrum exacuant; cur cæmentum ex caleæ & arenæ fiat tenacissimum. Ista enim omnia ex angulorum asperitate, & corpusculorum, quibus arena constat, duritie oriuntur: nam calcem viscidam hæc arenula suis angulis retinet. Fluvii omnes cum exuundant, fabulo obducunt terras: siquidem aqua corporum, quibus affluit,amenta exedit, & secum defert. Terra pinguis ut plurimum subnigra est; humore quippe perfusa hunc exhibet colorem: sed exsiccata albescit: candor enim, ut Strato Lampiscenus olim censebat, est nativus terræ color. Pinguis terra ubi aquâ diluitur, lutum facit; tenacior, & densior est quam arenosa; humore affuso, ac manibus subacta, vel agitata, non faciliè dividitur, aut dissolvitur: sterilis verò & inacra citò solvitur, cum illius partes nullo vinciantur glutine. Hoc quidem indicio Georgius Agricola pingues à sterilibus terris discernit. Est tamen quoddam solum argillosum, densum, tenax, & sterile: generatio enim, ac nutritio fieri non possunt citra resolutionem; terra illa cum sit tenacior, resolvi nequit; nec succum plantis suppeditare, cum nullos habeat meatus, quibus alimentum percoletur; quin potius plantarum fibras suo glutine implicat. Nec tenacitas omnis cum

cum pinguedine conjungitur : nam spiritus vini suo phlegmate pinguior existit, non tenacior. Quædam est argilla succulenta, & pinguis, quæ terris inspersa eas fecundat; Marzam Galli vocant, olim Margam, mutuata à Germanis voce, quod sit velut terræ medulla: alia est durior, lapidi similis, quæ longiore temporis tractu dissolvitur, eaque humidioribus terris habetur utilior; alia verò mollior ficioribus magis convenit. Ultraque suam fecunditatem sali nitroso refert acceptam: sal quippe fertilitatem inducere (quanquam sint, qui dissentiant) jam alibi demonstratum à nobis fuit. Huic creta ferè similis est, de cujus candore nihil necesse est dicere, cum hic locus non postulet, ut colorum causas indagemus. Omnes ex rationibus seminariis colores duci Severiniani existimant, quod mihi omnino non probatur; cum res eadem colores, non naturam mutet; cumque ex plumbo cerussa, vel minium conficiatur. Quis tantam colorum mutationem in rationes seminarias, vel spiritus mechanicos refundat? Vobis placet colores omnes, ex varia luminis reflexione proficisci; adeo ut cretæ candor ex corpusculis sphericis, quæ lumen solare in omnes partes regerunt, oriatur. Hinc mollis quoque est, & friabilis; ubi panno vel ligno affricatur, sui relinquit vestigia; vitro affricata non item, quod illæ particulæ sint facile separabiles, & panni rimulis ultro inhærescant: vitrum autem cum ejusmodi rimulas non habeat, vix cretâ inficitur. Hæc satis acutè concluduntur. Enimverò rubrica, carbo, atque alia ejusdem generis corpora sphericis non constant, facile tamen sui vestigia imprimunt corporibus. Quamobrem in meâ veteri sententiâ permaneo, atque omnes colores non à diversâ luminis reflexione, neque ab ipso temperamento, seu elementarium qualitatum conjugio, ut vult Agricola, sed ab insito, & nativo corporum lumine prodire arbitror. Non equidem ignoro, nullam ferè esse terram simplicem, sed plerasque cum succis, vel aliis mineralibus permixtas inveniri. Hinc diversum tum colores, tum sapor, diversæ adeo facultates oriuntur. Succus aluminosus adstringentem, atramentosus acrem, nitrosus amarum saporem conciliat: ubi terra succo pingui, vel bituminoso imbutur, flammam facile concipit. Vix adduci possum, ut credam, ex incendio falsedinem, ex moderato calore pinguedinem oriri; neque ignis calor acrem, vel frigus acidum semper procreat saporem: cum eadem persæpe terra sit pinguis, calida, & adstringens: nec quidquid acidum est, id continuo frigidum existit, nisi fortasse spiritum salis, vel sulfuris frigidum putes.

Non mihi diu laborandum est, ut ostendam, unde terræ pretiosiores oriantur. Numquid fortè, ut placet Agricolæ, superfluis imber telu-procreet.

*Margam**Creta**Unde colorum, & saporum in terris diversitas**Quæ can-**sa pretio-**sa terræ**telu-procreet.*

telluris meatus, & venas subiens, saxorum, vel lapidum ramenta vehit, quæ certis in locis colliguntur, & benigno calore digeruntur; tandem cum humor superfluus, vel frigore expressus est, vel calore absumptus, terra remanet. Hæc si minus vera sunt, formam quandam habent veritatis. Quod si tamen pluviae ultra decem pedum altitudinem non madefaciant terram, ut Seneca opinatur; necesse est ut terræ, quæ altius generantur, ex aquis subterraneis suam ducant originem; ac rupes illæ ad calcis naturam debent proximè accedere, quò prætercurrentes aqua faciliùs eas arrodant. Sed ne diutius disseram de re nobis penitus ignotâ; quæ ex telluris visceribus non effodiuntur, sed in ipsâ superficie passim occurrunt terræ, ex aquâ lapidum minutias secum deferente prodire nequeunt. Quemadmodum Aristoteles omnia ferè corpora ex vapore, & halitu effingit: sic Agricola, lapides, metalla, fossilia denique omnia ex terrâ & aquâ permixtis compingi arbitrat. Sed neutri sententiæ prorsus assentior; neque ex tenuissimo halitu metalla durissima conescere, neque ex terrâ simplici, & aquâ tam varia fossilium genera procreari possunt. Quocirca vel unâ cum saxis, & rupibus in ipsâ rerum conditione, terræ productæ sunt; vel ex elementis, & principiis Chymicorum in propriis matricibus gignuntur; vel denique ex terrâ diversis succorum genribus, infecta emergunt. Neque hic omnes terrarum species possum persequi: sunt enim infinitæ, ac pleræque varia fortitæ sunt nomina ab ipsis, ex quibus eruuntur locis. Sic creta, ab insula ejusdem nominis notissimâ; quanquam alibi passim inveniatur, nomen suum deduxit. Hæc, ut reliquæ omnes, variis usibus accommodatur: hinc Creta argentaria, argento expoliendo inservit; abstergit enim, & sordes eluit, vel propter arenularum asperitatem, vel quia salis abundat corpusculis. Terra Samia olim in pretio fuit, quòd ex illâ oculorum collyria pararentur: eam fuisse pinguem, mollem, candidam, & glutinosam ex Galeno colligimus. Terra Lemnia, vel sigillata præter cæteras est illustris, figurâ capræ, Dianæ sigillo olim signabatur; quemadmodum nunc temporis quædam literæ Turcicæ ipsi imprimuntur: pinguis est, densa, mollis, adstringens, rubricæ aliquando non dissimilis, nisi quòd manus contrahentium non inficit: oxycrate permixta sanguinem sistit ex ore profluentem; succo plantaginis diluta, sedat ventris tormina. Illud silentio non præteribo, quod clarissimus Busbequius de terrâ Lemniâ literis consignavit. Fuit, inquit, Græcorum institutum, ut non nisi sexto die Augusti festo transfigurationis Domini specus recluderetur, unde in Lemno terra, quam Agos sphragida vocabant, hauritur. Idem institutum hodieque

*Terra Samia.*

*Terra Lemnia.*

*Epistola 1.*

dieque servant Turcæ, & ut olim Sacerdos Græcus liturgiam ibi celebrabat, sic & illam hodie celebrari volunt, ipsi quidem sacrorum ex longinquo tantum spectatores. Terra Armena colore pallida, & *Terra Armena.* dura ferè instar lapidis vi exsiccante donatur, sanguinem inhibet, oris sanat ulcera, eamque contra pestis venenum non manifestâ, sed occultâ qualitate utilem prædicant. Quædam terræ ex mineris eruuntur, ac plerumque sunt acerrimæ, quod vitriolo abundant. Ochra non solum ex vitrioli, sed etiam ex propriâ effoditur minera. Ochra. râ, colore luteo tingitur, auri pigmento non dissimilis; aceto extinctâ magis purpurefcit; acerrima eum sit, vulneribus perutilis censetur; carnes luxuriantes reprimat, tumores colli vel inguinum curat. Ne sim longior, terræ ad varios usus à Medicis adhibentur: nam vel abstergunt, & mundificant; vel erumpentem sistunt sanguinem, vel medentur vulneribus: ut plurimum exsiccant, adstringunt, corrodunt: verum hæc ad Medicos; non enim artem medendi tractare suscepimus, sed cum in ordinem incurreret, inhonoratam transire noluimus. Hinc jam quibus terris alii utantur artifices tradere incipiam. Pictores macris, & raris utuntur; sic varia cretarum genera, albam, nigram, viridem; necnon rubricam, & ochram plerumque adhibent. Qui vestibus abstergendis operam impendunt, ii terras pinguiora, acres, & raras seligunt, quas Sardinia, & aliæ passim regiones præbent. Ne illud quidem quod admoncamus, indignum est, figulos, statuarios, plasticos denique omnes cretâ, vel argillâ pingui, viscosâ, densâ, molli, non terris aridis, & macilentis uti; cum enim argilla multo, ac pingui humore, & fibris tenacioribus consistet, ductilis est, ac figuras ultrò excipit. Terræ verò aridæ citius dissolvuntur; duræ vix subigi, & manibus tractari possunt; raræ igni admotæ liquores non continent. Sed tamen nisi ars, vel natura argillam sabulo miscuerit, vix catini, & alia vasa, quæ ignis ardore sustineant, effinguntur: sed arenulæ corpuscula, quæ dura, vitrea, & aspera esse diximus, suis angulis terram pinguiorem vinciunt, ne solvatur prohibent, meatus occludunt, & cæmenti vices obeunt. Ex terrâ minùs densâ figuli urceolos, discos, atque alia ejusdem generis vasa fingunt, sed arenâ, vel sabulo per cribrum trajecto prius commisceri oportet, ut ignis vim ferre queat: tum Soli antè est exponenda, & exsiccanda, quàm summo fornacis calore torreatur. Rariorem quoque terram postulant lateres, & tegulæ, ne tecta graventur nimio pondere; fragiles sunt humoris defectu; cum vasi aquâ pleno immerguntur, tum aqua videtur effervesce, quod aër, vel halitus laterum poris conclusus crumpat bullarum specie. Ne illud qui-

dem ignorare oportet, quas terras Chymici fornacibus suis, crucibulis seu catillis, & testis accommodent, quo luto vasa sua conglutinent, ne iis diffractis spiritus erumpant: hæc enim instituto nostro vicina sunt, atque ad ipsius Alchimie enchirion pertinent.

*De terris, ex quibus furnis compinguntur, & vasa Chymicorum parantur.*

Fornaces solent ex optimâ argillâ, vel lateribus benè junctis compingi: nec tamen laterculi ignis vehementioris patientes sunt; quare cum metalla funduntur, partem illam fornacis, quæ pyralterium, vel focus nominatur, ac destinatur carbonibus excipiendis, ex terrâ optimâ constructam oportet: illa verò idonea haberi potest, ex quâ testæ vel crucibula finguntur, quæ igni fortissimo cremata albescit, faciliè abit in lapidem, neque in pulverem fatiscit. Soli priùs exponitur, tum malleo ligneo contunditur, per cribrum trajicitur; cum alterius terræ in figulino furno crematæ, atque in pulverem comminutæ duplâ, vel triplâ portione eam permiscet, aquâ temperant, subigunt, denique beneficio typi lignei formant crucibulum, calore solis exsiccant; nec tamen sales retinebit, quousque in furno cremetur. Argilla verò, ex quâ fornax erigitur, nonnunquam muriâ, & arenâ diluitur; sic enim rimas non agit. Consulit quoque Glauberus, vir meo quidem judicio industrius, ex capite mortuo, vel sæcibus vitrioli, aut aquæ fortis, cum suppetunt, arenâ, & aquâ argillam temperare, atque ex ea fornaces compingere; idque optimum erit lutum, quo vasorum colla jungantur; retortæ, & cucurbitæ, cum opus erit, armentum: nam linteo madido id faciliè separatur; quod non evenit ubi argilla, neque muriâ, neque vitrioli sæcibus, sed aquâ tantum, & animalium pilis, vel equorum fimo permiscetur: tum enim sæpè accidit, ut pilis aut paleis combustis lutum fatiscat; nec faciliè separari potest; adeò ut necesse sit vasa, non sine dispendio confringere. Cum verò spiritus subtilissimi distillantur, si corrosivi existant, vasorum juncturæ non solum aquæ fortis capite mortuo, seu reliquiis committendæ sunt, sed etiam calce vivâ minutissimè contritâ, atque oleo lini dilutâ sunt obducendæ. Quòd si spiritus tenuissimi quidem sint, non corrosivi, satis erit vasorum collis amyllum aquâ dilutum, vel vesicam bubulæ albumine ovi madidam, vel denique argillam ovi item albumine temperatam, cum linteolis applicare. Ista quidem Philosophi, ut professione suâ minora despiciunt: his tamen neglectis, vix majoribus relinquitur locus: plerique omnes abstrusis, & interminatis quæstionibus oblectantur, neque iis ulla disputatio placet, nisi quæ magnam largiatur contradicendi libertatem: sunt enim contentiorum cupidiores, quàm veritatis, cum tamen nihil sit veritatis luce dulcius.



## CAPUT TERTIUM.

## De sale, &amp; nitro.

I. De salis naturâ & origine juxta Aristotelis principia, de salis & nitri vulgatâ in sua principia resolutione. II. Peripateticorum opinio de salis naturâ refellitur, & verisimilior adducitur. III. De nitri causis, usu, & præparatione: necnon de duplici salis petra liquo, fixo & volatili, permulta explicantur.

Theophilus.



Enè actum tecum puto, quòd Medici, Chymici, Figuli, atque alii artifices huic disputationi non intersint: nam universi impetum in te facerent, vel certè litem tibi intenderent, quòd in alienas possessiones irrueris. Quid amabo te, Philosophiz cum arte figulinâ, cum quâ ne minimâ quidem societate conjungitur? Quid est, cur eorum luto manus inquines? Et sane cum Medicis, vel Chymicis licet quodam jure postliminii agere, & veluti nostrum reposcere: nam & suas omiserunt, & Philosophorum partes occuparunt. Medici quidem quorum scientia non ipsius contemplationis, sed valetudinis causâ probatur; nihil ferè nobis reliquere: Physicam enim totam, Physiologiæ nomine pertrahant: Chymici verò Philosophorum nomen impudentissimè sibi arrogant, cum tamen extra fusoriam, vel distillatricem artem non debeant excurrere. Utrique fines suos honorint, neque in Physicorum ditionem temerè irrumpant. Verùm haecenus evagari satis fuerit: ad mineralia redeamus: quæ quidem Avicenna in quatuor genera brevissimè distribuit, sales, sulfura, lapides, & liquabilia: de singulis nonnulla dicemus. Ac primùm id omne salis nomine complectimur, quod in aquâ, vel humore exsolvitur; quo titulo nitrum, alumen, & vitriolum inter sales censemus. De sale communi, quo cibos condimus, in primis agendum. Illud quidem ex aquâ maris, fontium, ac puteorum, Solis ardore, aut coctione concretum scit; vel ex montibus, & mineris eruitur; quod ubi instar crystalli pellucet, ut Sarmaticum, & Hungaricum; tum sal gemmæ vocitatur. Neque hîc neesse est omnes salium persequi differentias, cum propè innumerabiles reperiantur: nam sal candidum passim occurrit, nigrum in Norvegiâ, croceum in Cappadociâ, purpureum in Hispaniâ

Ordo dicendorum.

De sale communi ex Peripateticorum principis.

& Siciliâ invenitur. Sal ammoniacum, quod in arenis Libyæ efflorescit, instar lapidis specularis tralucet. Illud verò sal melius sapit, quod ex aquâ falsâ excoquitur; non enim omni humore exuitur; minùs habet amaritudinis, & subtilius cum sit, citiùs liquefcit. Quod verò Solis calore exsicceatur, particulis constat aliquantulum crassioribus; hinc linguam acriùs vellicat; nec ita facilè solvitur. Sal demum fossile durius cum sit, magis quidem adstringit, & carnem à corruptione fortius vindicat, sed condiendis cibis minùs est idoneum: nam & dentes suâ asperitate offendit, nec facilè exsolvitur. Ne sim longus, id omni sali commune est, quòd humore solvatur, quia calore, & siccitate concrevit. Quamobrem optimè conservatur in locis siccioribus: nam siccitatem amat, quòd ex illâ suam ducat originem. Humiditatem verò ut sibi infestam averfatur: neque in humidiori loco citra aliquod sui dispendium, asservari potest. Multâ abundat terrâ; siquidem ex humore aquoso cum terrâ combustâ permixto coaluit: hinc adstringentem, & exsiccantem obtinet facultatem. Neque hoc loco expendam, utrum sal, quod ex mixtis corporibus in cinerem redactis, per aquâ calidâ affusionem elicitur, naturæ, an Chymicæ artis sit opus: id enim jam alibi excussimus; neque in iis controversiis Latii opes positæ sunt. Per me licet Chymicis insanire, & suum Aleali, (sic enim vocant salem, qui è corporibus extrahitur) inter elementa, vel principia recensere; atque ex illo omnium saporum differentias, fecunditatis, & coagulationis causas repetere: cum tamen salem ipsum in sua itidem dissolvant principia: nam & sublimatione salem volatilem, & minutissimum consequuntur; distillatione spiritum eliciunt, quem mirificè commendant.

*De salis in  
sua princi-  
pia resolu-  
tione.*

Ante omnia salem ab omnibus expurgant sordibus, quòd soluti-  
onibus, & coagulationibus repetitis perficitur: siquidem salem aquâ  
exsolvant, tum per filtrum trajiciunt, vel saltem percolant, ut terro-  
nas sordes deponant; aqua sale prægnans moderato calore exhala-  
tur, quæ salem in fundo, & candidiorem, & puriorem præbet. De-  
inde vasi fictili, & operto, igne circulari, vel rotâ (cum scilicet ca-  
tillus inter carbones sic collocatur, ut aliquo intervallo ab iis diffide-  
at, & carbonibus accensis calor per gradus paulatim intendatur) tor-  
rent ut humiditatem elementarem, & pinguedinem quandam terre-  
stem, necnon spiritus persæpè noxios exuat. Tandem terrâ lutosâ,  
vel argillâ figulorum salem permiscunt, & permodicâ aquâ tempe-  
rant. Ex quâ misturâ efformant globulos nucum juglandum ma-  
gnitudine, quibus blando calore priùs exsiccatis, dimidiam ferè  
retortam luto undique obductam complent; collocant in arenâ, igne  
per

per gradus adhibito spiritus distillatur; quousque sub finem retorta candeat. Sed ne vasa disrumpantur, excipulo (vas est quod recipiendo spiritui destinatur) aqua frigida, quam præmissoriam vocant, imponitur, ut spirituum turgentium frangat impetus: tum iteratâ distillatione, quam rectificationem nominant, in balneo phlegma separatur; balneum hæc voco, cum Alembicus, seu vas distillatorium aquæ fervidæ imponitur; deinde vase in cineribus collocato, spiritum acidum eliciunt; oleum in fundo remanet. Alii in vesicâ bubulâ salem exsolvunt, fragmenta ignitorum laterum, vel testas ollarum, candentes injiciunt, ut salis diluto imbuantur; hæc, ut prius, igne sensim aucto per gradus distillant; ultimo tandem ignis gradu terram ex sale dulcem, & candidam sublimant, quam fixam & saccharinam dicunt. Neque aliâ ratione salis ammoniaci, tartari, & nitri spiritus eliciuntur, nisi quòd hæc non duplam modò terræ, cum quâ permisceantur, (ut sal commune) sed triplam, vel quadruplam exigunt portionem, quòd magis effervescent. Jam verò spiritus salis optimè rectificatus metalla, si argentum exceperis, omnia, & lapides solvit; quinetiam si Chymicis credimus, omnes ferè morbos profigat; ventriculum liberat noxio phlegmate, comminuit calculum, hydropem sanat: sed multâ aquâ cum temperatum oportet, ne suâ aciditate quid obstit. Nec nihil, nec omnia credo: quotus enim quisque Chymicus imposturæ nomine suspectus non est; quis circulatoriæ jactationis infamiâ non laborat? Ac de sale quidem hæcenus: nunc de nitro perpauca dicemus; non quòd latus locus non sit, sed explicatâ salis origine, atque usu, simul ea, quæ ad nitri naturam spectant, aperui-  
mus: vix enim nitrum à sale differt.

Qui è solidioribus lignis quercu, buxo, guajaco, sal elicitur, is *De nitro,*  
nitrosus est: urina & recrementa animalium, sæces vini calcinatæ, calx ipsa viva nitrum præbent; adeò ut plerique Chymici nitrum esse rerum omnium principium essentiale arbitrentur; rectè an secus, ipsi viderint. Id porro uti & sal vel à naturâ, vel ab arte gignitur; illud vel est fossile, ac majorem præ se fert duritiem, atque ex propriâ venâ, uti & alia mineralia, eruitur; vel mollius est, & rarioris naturæ, atque in ipsâ terræ superficie efflorescit: hoc Halmiraga, quasi terræ florem nominant. Ex nitro fossili sit Borax, seu Chrysocolia Veneta, quâ aurifabri tanquam glutine utuntur, quo argentum cum auro compingant, vel ut citius fundant metalla. Nitrum sacitium olim ex aquâ Nili in scrobibus, vel nitariis exceptâ, non aliter atque sal ex aquâ marinâ formatum fuisse novimus: illius pars subtilior Aphronitrum dicebatur. Nitrum fossile, uti & Borax aliquantulum

pellucet; flos vel spuma nitri magis candicat, faciliè in aquâ exsolvitur, mundificat, aperit, exsiccat. Utroque infiores utuntur, ut ladanum imbuant coloribus: ubi nitrum deest, faeces vini adhibent. Quâdam rupes halinitrum, ut apud nos veteres muri, exsulant. Jam de nitri naturâ, mirum quantum, non Philosophi modo, sed etiam Chymici digladiantur. Sunt qui illud calidum & siccum instar ignis fingant: nam & flammam concipit, incedit, abstergit, corrodit: ita quidem Albërto Magno videtur. Aliis placet nitrum esse frigidissimum, nam salî & nîvi, vel glaciæ contritis admistum, ac lagenâ vitreâ aquâ plênâ circumpositum, ipsam aquam vel mediâ æstate congelat. Hinc Quercetanus in Chymiâ, & Medicinâ nobilis nitrum ex triplici sale componit, nempe ex fixo, nitroso, & ammoniaco; hic cum sit summè volatilis, in distillatione primus avolat; sequitur nitrosus: sed sal fixus, & marino similis in fundo remanet contumacior, atque ignis vires spernit. Vulgare halinitrum, ut venale prostat, ex sale constat, alumine, & nitro. Cum igni admotum dissilit, & crepitat, tum multo abundat sale; alumen verò faciliè discernitur; nam ignis ardore effervescit, neque ægrè calcinatur. Nitrum autem purum citissimè inflammatur, atque in prunas coniectum non exilit. Sic ubi nitrum calci vivæ admistum est, prunis admotum, ingratum odorem tetet; cum purum, & non adulteratum existit, nullum ferè odorem spirat. Copioso quidem turget spiritu; hinc vasa disrumpit, atque in multos halitus sese effundit. Lazarus Erkeras ignem quandam frigidum in salepetræ, portentosa opinione agnoscit, quod spiritus nitri frigidos lingua ipsa ac dentes experiantur: solent etiam plerique æstate injecto halinitro aquæ frigus intendere. Nec tamen nitrum expers caloris credimus: nam pinguedine quâdam sulphureâ donatur, quæ flammam concipit, quæque non modò in pulvere pyrio, sed etiam in salis prunellæ confectioe manifestè se exerit.

*Crystalli  
mineralis  
prepara-  
tio.*

Nitrum quippe purissimum, atque ab omni sale liberatum imponunt vasi fictili, ut ignis calore liquecat; tum flores sulfuris paulatim immittunt, & prunâ, vel ferro candente sulfur incenditur, quod unâ secum nitri pinguedinem rapit, ac multum fumi non sine strepitu exhalat; singulis porro unciiis nitri, singulæ sulfuris drachmæ apponuntur. Cum nitrum perspicuitatem debitam obtinet, tum ab igne remouent; refrigeratum in marmore contundunt in pulverem: aquâ simplici, vel quod longè erit optimum, aquâ rosacæ hunc diluunt, pulverem; trajiciunt per manicam lanceam Hippocratis; dimidia ferè aqua evaporatur, vel si sit rosacea, distillanda est, ne pereat; reliquæ in cellâ, vel caveâ frigori exponitur, donec crystalli, quas minerales

vocant,

vocant, aquæ innatent. Hac quidem arte omne salium genus aquâ dilutorum crystallos præbet: nec tamen tota aqua statim in crystallos abit; unde rursus excoquenda erit usque ad dimidiæ partis consumptionem, vel quouque appareat cuticula; frigori iterum exposita crystallos exhibebit, quæ ablutæ in sicciore loco conserventur. Nitrum sic præparatum, salem prunellæ vocitant, quòd linguæ atro colore infectæ, & instar prunarum accensæ, scabritiem abstergat, sitim immodicam in febribus restinguat; permagni quoque usus est ad anginam, & dysurias. Sed cautio est, ne summo frigore nativum opprimat calorem, ventriculo, & hepati noceat; neve humor tanto frigore impulsus obstructions gignat, atque in colicam, vel hydropem præcipitet. Cum bilis abundat, nescio an crystallo minerali uti oporteat: nam vi acerrimâ & mordaci instar salis donatur: quæ autem sunt ejusmodi cum bile malè conveniunt: siquidem acria simul permista intemperantiùs effervescent.

Jam nihil necesse est dicere quâ industriâ nitrum parari soleat: *Nitri præparatio.* id enim ab Agricola, Erkerio, atque aliis tractatum est uberrimè: atque ex ipsis officinis peti potest. Neminem fugit salem petræ ex terris nitrosis, fimo columbino, ex veterum murorum ruderibus, cellarum, & stabulorum pavimentis nullo stratis lapide confici. Terræ porro nitrosæ plerumque sunt argillosæ: sic lutum, ex quo veteres muri compinguntur, dummodò nimio imbre non diluantur; terræ animalium lotio identidem persusæ, vel in quas insectores tincturæ reliquias conjiciunt; cumuli cinerum quos saponarii, fullones, atque alii ejusdem generis artifices, seposuere, nitrum suggerunt; terra ipsa, vel alia materia nitro exhausta, quinto quoque anno novum salispetræ proventum suppeditat. Taceo de calce vivâ, quercus, vel fagi cineribus; de situ parietum, quisquiliis suburbanis, terrâ, in quam distillatores aquarum fortium fæces, vel aurifabri aquas mortificatas projiciunt. Nitrosam verò materiam multâ aquâ solent diluere, coquere, percolare: ubi nec dum aqua satis halinitro imprægnata fuerit, illam novæ materiæ cupis, vel doliis conclusæ infundunt, vel in vas mundum per lacinias trajiciunt, seu filtrant; aquam denique nitro divitem ad justam consistentiam, vel crassitiem, indefinenter despumantes, excoquant; tum exponunt cellæ frigori, quousque præbeat crystallos, quibus extractis, reliquum aquæ iterum igni admoveat, donec gustu acrior percipiatur; frigori itidem exponitur, & novæ subinde expectantur crystalli. Omnes demum crystalli aquâ dulci rursus diluuntur, & simili prorsus modo puriores procreantur: sal verò in fundo subsidit. Cum nitrum sine strepitu in igne funditur, &

& candela: calori admotum non exsilit, sed primò liquefcit, deinde flammam concepit, tum purum cenfetur. Verùm hæc Alchimiſtis reliquamus. Nolim ego Philoſophum his minutis illigari.

*Simp.* Quafi verò id Philoſophi majeſtate indignum ſit rerum, quæ ob oculos poſitæ ſunt, quæque vitæ humanæ commodis inſerviunt, principia, & cauſas contemplari. Qui rectam philoſophandi viam, & rationem inſiſtit, non nudâ ſpeculatione contentus eſt; nec etiam totus in diſtillationem incumbit: ut plerique Chymici, quos Artiſtas vocant, qui formulas ab aliis præſcriptas tanquam juſſi ſequuntur, atque omne vitæ ſpatium fornacibus adornandis, vel tractandis carbonibus miſerè conſumunt. Hi ſatis ſe inſtructos putant, ſi quem ex iis, qui circumferuntur artis ſpagyricæ libellum edidicerint, & velut decretis Technicorum ſe tutos credunt: nec ultra intendunt animum, ut rerum differentias, conſenſus, cauſas, effectus denique ſpeculentur. Fateor equidem Philoſophiam in cognitione, & æſtimatione rerum maximè eſſe poſitam: neque tamen ab actu, & opera omnino recedit. Quòd ſi Aſtronomia, quæ prorsus *dioptrici* videtur, quæque in rerum cœleſtium inſpectione verſatur, ipſo tamen actu, & obſervatione perfectionem conſequitur ſuam: nam ſiderum intervalla, & menſuras terræ, ac Solis colligit; eclipses prædicit; tempora definit, atque alia id genus præſtat innumera, quæ ſine obſervationibus fieri non poſſunt. Quantò magis hæc ſcientiæ naturalis pars melior, quæ circa foſſilia occupatur, quæque ut ex omnibus ſcientiis eſt noviffimè inventa, ita eſt longè utiliſſima; multo labore, aſſiduo ſtudio, pluribus conſtat experimentis. Quapropter ut Philoſophiæ ſtudioſo auctor non ſubrim, ut ſtatim furnulos erigat, & in laboratorio (quæ vox licèt dura videatur, tamen ſola eſt) conſeneſcat: ſic illi ut Chymicos, Docimaſtas, Aurifices, & Gemmarios adeat ſuadere non dubitabo. Mihi enim videtur hæc ſcientia ex omnibus ſerè artibus multum aſſumere. Quòd ſi id curæ foret Philoſophis, circa otioſas, & inutilis quæſtiones non hærerent, & rebus obſcuris majorem fortalſe lucem inferrent. Sed nescio, quæ pacto plerique cum veteribus errare malint, & eam ſententiam, quam ſemel adamaverunt, pugnaciſſimè defendere, quàm ſine pertinaciâ quid conſtantiſſimè dicatur, quid ſenſui & experienciæ conveniat, exquirere. Quod certè in hac ipſâ, de quâ nunc diſputamus, materiâ uſu venit. Multa enim à nobis te coram, mi Theophile, olim quæſita, & diſputata ſunt de ſalis naturâ, & origine: an inter elementa numeratum illud oporteret; an actu, vel poteſtate in mixtis corporibus deliteſceret; an denique ex terrâ combuſtâ prodiret? ac tota ſerè quæſtio tractata videbatur. Non potuiſti



tuisti tamen sententiâ desistere ; & in veteri tuâ persuasione manes, *De salis*  
 salem nihil esse quàm terram adustam, tenui humore persusam. Po- *naturâ &*  
 testne quisquam dicere integros salis montes ex incendiis prodiisse? *origine.*  
 Neminem latet è cineribus per aquæ calidæ affusionem salem extra- *Refellitur*  
 hi: sed cùm finus columbinus, atque alia animantium excrementa *opinio Pe-*  
 solius aquæ affusione nitrosum suum salem exhibeant; cùm terra, quæ *ripeteticor-*  
 sale exuta est, quantumvis ignis calore fatigetur, in salem non abe- *runt.*  
 at, nec vicissim sal in terram convertatur; cùm quædam herbæ suum  
 salem ipso sapore prodant, ut præter cæteras herba Kali ( sic enim  
 eam vocant Arabes ) ex quâ Alkali, vel Sodam conficiunt: quis salem  
 in mixtis actu contineri non ultro fateatur? Insaniunt scilicet Alchi-  
 mistæ, qui salem inter elementa numeratum volunt, quique ex illo  
 plerisque sapes ducunt. Non ignoro quosdam esse Chymicos timi-  
 diores paulò contra vestra convitia, qui salem in aliquibus mixtis actu  
 contineri; in alijs potentiâ duntaxat, ut loquuntur, proximâ & ex-  
 peditâ inesse putant. Verùm isti nullâ satis idoneâ ratione ducuntur.  
 Quid enim in rerum naturâ sale destituitur? neque extrahi potest,  
 quod antè non fuit; neque ignis unquam salem generabit; sed illum  
 allis elementis occultatum, & quasi oppressum liberabit. Quis nescit  
 ex terrâ pingui, & argillosâ; ex muris veteribus cellarum, citra ul-  
 lam combustionem nitrum elici? unde urinarum, & sudorum falso-  
 do, nisi ex sale, qui eibis inerat, quique blando animalis calore, non  
 ignis violentiâ resolvitur? illa quidem minimè ferenda est opinio Pa-  
 racelsitarum, quâ sapes omnes ex sale proficisci statuunt: cùm ex  
 eodem principio tanta prodire non possit saporum varietas. Certa  
 igitur cum illis, qui à te toti diversi sunt, noli mecum, qui sapes  
 omnes nego ex uno sale, sed ex variâ principiorum, atque ele-  
 mentorum mixtione arbitror dimanare. Quanquam ipsi Paracel-  
 sistæ facili sefe, ut mihi videtur, expedian: magnam enim sali-  
 um diversitatem agnoscunt: aliud quippe est fixum, aliud volatile, &  
 fugax; est quoddam acidum, est nitrosum, & sulfureum: hoc facili  
 sublatur, & magnum in Medicinâ usum obtingit: quædam herbæ a-  
 crimoniâ suâ penetrantem & mordacem ex eo mutantur: sic  
 persicaria, allium, sinapi, isto sale abundant, quod cum ammoniaco  
 nonnullam habet cognitionem. Sal acidum tartaro vini non dissimi-  
 le ex uvis ipsis, pomis sylvestribus, cerasis, atque omnibus plantis  
 acetosis copiosum elicitur. Hinc vina immatura, & austera multum  
 tartari, & phlegmatis, perparum spiritus ardentis distillata exhibent.  
 Contrâ, calidiora quæ sunt, ut Hispanicum, & Græcum spiritus ar-  
 dentis magnam copiam profundunt, & parum præbent tartari. Qua-  
 Ccc  
 propter

propter non absurdè quidam existimant acetum nihil esse præter aquam, vel phlegma vini, cui multum salis acidi, aut tartari admisceatur. Digna adeo res est, quam acriori studio expendamus.

Mustum ex uvis expressum plurimo quidem abundat sale, quod tamen ante fermentationem, vel ebullitionem nondum manifestè se exerit: quæ sit illius ebullitionis causa, sive loco dicendum. Fermentatione peractâ vinum partem salis tenuiorem exsolvit, quæ gratum ipsi acorem conciliat: pars crassior salis, partim lateribus dolii adhærescit, & tartarum vulgò appellatur, partim unâ cum sæcibus ad imum descendit. Sal quippe in humore calido non ægrè dissolvitur; sed ubi humor detepescit, salem ipsum quasi manumittit, qui vel vasis latera incrustat, vel instar crystallorum enatat; vel denique ubi crassior existit, ad fundum deprimitur. Quocirca in vino, ut in aliis liquoribus, duplex salis genus licet animadvertere: unum subtilius, quod per vini substantiam diffunditur; alterum crassius, quod in sæcibus fixum remanet. Quemadmodum spiritus oleosus, vel ardens, in duplici quoque invenitur differentiâ: alter quippe est fugax & maximè volatilis, qui ex vino distillato statim profilit, huic phlegma succedit sale dilutum, quod aceti donatur nomine: alter spiritus magis est oleosus, & pinguis, atque ex vini sæcibus multâ aquâ perfusus, vesicæ æneæ beneficio, suo alembico instructæ solet elici. Fæces verò tanquam inutiles projiciunt, quibus porci saginantur: ex iis magnam tartari copiam extrahi posse clarus in arte Chymicâ docet Glauberus.

*Qua arte  
multum  
tartari, &  
aceti, & a  
qua arden-  
tis ex vini  
sæcibus  
prolicia-  
tur,*

Fæces saccis concludit, ex quibus vinum prælo exprimit, quod in acetum vulgari methodo faciliè convertitur. Reliquum multâ aquâ perfundit, & spiritum ardentem per vesicam notâ arte exstillat: quæ aceti, & a. in vesicâ residua est aqua, per oblongum tubum in saccum prælo subiectum deducit: aquam prælo urget, quæ vasis idoneis excepta, tartarum sponte sua dimittit: idque vel in fundo vasis subsidit, vel lateribus adhærescit. Fæces in saccos superstites, exsiccatæ, & combustæ præbent cineres clavellatos, quibus insectores utuntur. Aqua quidem vase contenta non omne deposuit tartarum, sed plurimum adhuc continet, quod aciditate suâ se prodit. Hinc aliis vini sæcibus diluendis, ut spiritus ardens è vesicâ distilletur, optima futura est. Aliis quoque usibus inservit: nam cuprum dissolvit: ac viliores cupri Marcastitæ; vel inutiles scorix in istâ aquâ excoctæ, per ferri ramenta instar luti præcipitantur: quod quidem lutum aquâ dulci abluatur, funditur, & in cuprum non contemnendum facessit. Tartarum porro contritum aquæ incoquitur, & inter coquendum despumatur: aqua in vas mundum trajicitur: ubi refrigescit, crystallos tartari ad vasis

vasis latera deponit. Libra tartari cum 10. vel 12. aquæ libris permiscetur, quod si nimium aquæ apposueris, tardissime effingentur crystalli: si parcius, tartari pars non exsoluta perit. Crystalli iterum solvuntur, ut puriores fiant. Quod si cremorem tartari quæras, priusquam aqua refrigeret, eam baculo agita, tum enim ad fundum cremor tartari descendet. Ex iis profecto liquet aciditatem vini à sale tartareo proficisci. Multi, qui aceto conficiendo navant operam, in loco calidiore aliquot erigunt dolia, quorum singula mediis fundis, tanquam septis foraminibus perviis in duas partes discernunt: superiorem partem vinaceis implent, quibus jam incalcescentibus, vinum affundunt; dolia quàm possunt accuratè tegunt, vinum in partem inferiorem delaplum extrahunt; cumque vinacea aliis doliis conclusa jam incaluere, eductum prius vinum ipsis infundunt; quâ operatione identidem repetitâ, vinum in acetum convertitur: nam vinacea calore fermentata suum salem tartareum vino facile impertuntur. Non igitur vinum, cerevisia, pomacium, atque alii ejusdem generis liquores in acetum per solam corruptionem facessunt: sed istam aciditatem ex sale, fermentatione, atque ipsius aëris calore depromunt. Libram sacchari, vel mellis decem aquæ libris dilue, capido aëri per aliquot hebdomadas expone: tota aqua brevi in optimum acetum convertetur: vel quod calor aëris particulas salis, qui in melle, & saccharo inest, cum aquâ permisceat; vel quod mihi magis probatur, aër ipse abundet spiritu acido, & nitroso, qui rerum ortus promovet. Est quippe in nitro spiritus universi, præcipuum naturæ instrumentum, cuncta fecundans, & vitâ implens.

Non mihi exedit, spiritum acidum à nitroso distinxisse: neque hæc, quam nunc tueor, sententia priori diversa est. Sal quippe acidum in nitrosum facile commutatur. Nitrum enim dubiam, & quasi ancipitem sortitum est naturam; ignem & aquam; sulfuream, & mercurialem, sive acidam substantiam complectitur: hinc aqua ignea, & ignis aqueus merito vocitur. Intus calidum, foris existit frigidum: aciditate suâ cuncta permeat; pinguedine, ac sulfureâ visciditate rebus omnibus confert fecunditatem: ex fixo demum, & acido, seu volatili sale coalescit. Jam quid, & quale sit nitrum, non tam definitonibus, & argumentis intelligi potest, quàm usu, & experientia. Quantum ego quidem conjecturâ assequi possum, seminariæ rationes in spiritu universi, hic verò in nitro, tanquam in propriâ sede residet. Nitrum quippe è rebus detrahe, vim ipsam prolificam, generationem, & vitam simul auferas necesse est. Quare mihi est miraculo, quod veteres Philosophi rem tam latè fufam, vel silentio præterierint,

vel tam breviter perstrinxerint : hinc enim pendet totius ferè naturæ contemplatio. Unde terræ & mari tanta sæcunditas, nisi ex nitroso sale? Hinc solum mari finitimum uberius esse solet: nec tantam Ægypto Nilus exundans feracitatem largiretur, nisi nitro abundaret. In iis quoque regionibus pestis grassantis contagium Nilo exaltante sistitur, quòd nitri corpuscula ob omni putredine corpora vident. Arenosum solum omninò inutile foret, nisi aliquantulum salis petra contineret, quod instar glutinis aquam cum terra consociat. Jam alio loco ostendimus terram ex cineribus pælearum, & fruticum reddi uberiozem. Quis ignorat ossa vel cornua abrafa, aut coriorum ramenta, in quibus halinitrum copiosum est, terras in multos annos pingues & feraces reddere. Verùm hæc mitto; nam meminimus, me aliàs hoc argumentum vobis coram pertrastasse, & vereor, ne ista vobis, ut frigidi, & repositi cibi fastidium moveant. Nunc quæ sit nitri natura, quæ origo, qui effectus, paucis exequar.

Quod antea jeci, non muto, halinitrum, ex duplici sale pingui, & acido coaluisse; ex sulfure enim, & mercurio componitur, hinc illi amarus sapor: atque, ut suprà monuimus, acidum salem ex acetosis herbis elici; sic nitrum ex amaris, ut ex Absynthio, & Fumariâ copiosum educitur. Quòd si enim ex iis succum expresseris; & ex eo purgato phlegma sustuleris, quod reliquum est liquoris in frigido loco constitutum, nitrum purum, & inflammabile præbëbit. Eadem ratione sal, quod ex urinis, & excrementis animalium educitur, facili in nitrum abit, eo quidem citius, quo magis urinosum, sulfureum & fugax existit. Imò quidquid salis inest in animantibus, id totum ferè est nitrosum: adeò ut non ossa modò, pili, vel cornua; sed etiam caro ipsa, & sanguis salepetra abundant. Nam ut generationis, sic nutritionis est principium. Ac ne vobis videar verba tantum fundere, unum item & alterum exemplum, ex eo, quem suprà laudavi, Auctore subijciam. Vas aliquod sanguine bubulo impletum calidiori loco, quouque putrescat, & quasi in terram lutosam degeneret, colloca: aqua fervente hanc terram perfunde, lixivium extrahe, coque, donec cuticula appareat; frigido demum in loco reponere; crystallos nitrosas dabit: adeò ut ex centum libris sanguinis, sex salispetra libras non zgrè obtineas. Sic quodcunque animal calido loco ut putrescat expositum vermes procreat; quos si vitro oblongioris colli, & angustius, (quod postea charta occludatur) imposueris, & in tepidiore loco constitueris, in aquam abibunt: hæc vasi cupreo, stanno quidem obdueto, affusa, ovorum albumine, more aliorum succorum, ut loquuntur, clarificata, & usque ad cuticulam, ut prius, excocta, frigidiore loco

*Qua plan-  
ta nitro-  
sum salem  
habeant.*

loco reposita lapillos nitrosos exhibet. Omitto terram nitrosam, quæ ex antiquis cæmeteriis eruitur, magnum salispetræ proventum præbere. Quamobrem qui citra magnos sumptus ingentem salispetræ copiam parare volet, nihil necesse est, ut proximo incommodet, ac cellarum muris, vel pavementis abradendis operam impendat: sed profundiores foveas, quæ Solem, & ærem admittant, pluvias arceant, compleat materiâ nitrosâ: quo loco censeari possunt plantæ acriter, & amaræ, quas bruta respuunt; arborum folia, animalium cornua, avium plumæ, fuligo caminorum, cineres, & terra ipsa è cineribus post lixivium tanquam inutilis abjecta. Hæc atque alia id genus aquâ communi, vel potius urinâ, muriâ, boum, vel ovium sanguine per biennium identidem irrigentur, quousque putrescant: ex illâ enim materiâ exsiccata, salpetræ per lixivium eruitur, unde spes lucri non contemnendi metitur.

Halinitrum ex sulfureo, & acido sale exurgere jam ostendimus: fertilitas, quam rebus propè omnibus confert, pinguem illius naturam demonstrat; subtilitas verò, quâ metalla dissolvit, sapor ipse pungens, ac penetrans summam illius aciditatem, prodit: nam acetum in nitrum faciliè concrefcit, & vicissim nitrum, in spiritum acidissimum distillatur. Vulgarem tu quidem & usitatum distillandi modum nobis exposuisti, optime Theophile: sed longè compendiosior mihi videtur via, quam Glauberus ingreditur: non enim artificem per ambages fatigat, nec vasa discrimini fractionis obijcit. Unicum duntaxat vas requiritur, quod fornaci communi sic aptatur, & ut loqui solent, incameratur, ut tubus è vase, dèdrante pedis, vel novem digitis extra furnum promineat. Hoc instrumento non nitri solùm, sed etiam aliorum mineralium spiritus, atque olea distillantur: ac duo saltem ejusmodi vasa parari debent, unum ferreum; terreum alterum: nam quædam mineralia ferrum aggrediuntur, & corrodunt, quæ terrâ faciliè coërcentur. Tubus, qui extra furnum eminet, & ex lato sensim fit angustior, cum magno excipulo committitur, ne spiritus fugaces per rimulas diffentur. Cùm igitur salispetræ spiritus acidus eliciendus erit: partem unam nitri cum duabus aluminis, vel pulveris tegularum commiscebis, ne fusio nitri quid obstit: vasi jam candenti missuram ferreo cochleari impones: tum statim operculo vas claudetur. Interim è nitro accenso spiritus volatilis ruber, instar nebulae erumpet, quæ quidem nebula ubi evanuerit, tantundem nitri immittes: sic paulatim totum halinitrum in spiritum acidissimum faciescet. Nec necesse est, ut moneam vasis operculum suâ ansulâ instructum esse oportere, ut forcipe commodè auferri possit: atque ut quàm accuratissimè

mè vas occludat, cavendum est. Quo id modo fieri possit, norunt artifices. Vasis orificium in orbem excavant, sic ut hanc fossulam, vel cavitatem operculum parte sui prominulâ exactissimè impleant. Vasi recipienti tantum aquæ præmittitur, quantum nitri est distillandum, ut spiritus faciliùs concresecant. Tum leni calore balnei spiritus rectificatur, seu iteratâ distillatione phlegma à spiritu secernitur: nam cucurbitam cum suo alembico in aquâ fervente, vel cineribus collocant; tumque spiritus volatilis rubeus primùm egreditur; phlegma succedit, quod sublato recipiente exhalatur; tum iterum aptatur receptaculum, quo spiritus nitri acidus, & corrosivus excipitur. Hac quidem arte salis communis, vitrioli, & aluminis spiritus eliciuntur. Spiritum nitri volatilem ad gangrænâ commendant: spiritus acidus magnum in re metallica momentum obtinet: nam metalla dissolvit, & aquæ fortis vices obit. Solet quippe aqua fortis ex vitriolo, & nitro per retortam luto obductâ, seu armatâ distillari: sed vitriolum eâ tantùm ratione appositum plerique putant, ut nitri fusionem inhibeat; vix enim spiritus vitrioli unâ cum spiritu nitri, moderato calore sursum potest efferri. Huc accedit quòd vitrioli spiritus aurum ipsum invadat: quòd si enim cum nitri spiritu eum conjunxeris, aurum ab argento neutiquam secernes, quod tamen aqua fortis præstare debet. Hoc enim discrimine aqua fortis à regali discernitur, quòd illa argentum, non item aurum; hæc contrâ aurum, argento illâso dissolvat. Ex nitri spiritu acido regalem aquam conficies, si in illo salem communem calcinatum exsolveris, & per retortam igne violento distillaveris: tum enim aquam regalem consequeris solvendo auro idoneam. Hæc diutiùs forent dicenda, si veluti nova præciperem: sed omnes ferè Chymici de nitri naturâ & usu copiosè pertrahant, ac præter cæteros Glauberus plures de nitro conscripsit libros, quos nihil necesse est nunc contexere. Illud tanquam mundi miraculum, Philosophorum mercurium, & menstruum universale prædicat. Aliquando illud in fixum & igneum convertit liquorem, quo sulfurea quæque solvantur: interim distillat in spiritum acidum, qui cuncta mineralia, quæ mercurio abundant, penetrat: utroque res venenatas sic expurgat, ut in optima medicamenta convertantur. Quod liquor sulfureus & fixus exolvit, illud spiritus acidus præcipitat, & vicissim: nitrum enim ex rebus contrariis, (quod sapiùs dicendum est) nempe ex sulfureo, & acido sale, qui sese mutuò retundunt, componitur: salis quippe acidi vim corrosivam, & volatilem sal sulfureum elidit, sulfurei lentam, & fixam naturam acidum sal exacuit, & quod magis mirè, ubi liquor fixus cum acido conjungitur, uterque velut

*De aqua stygiâ.*

*Duplex igitur nitro liquor fixus & volatilis utriusque præparatio,*



velut inito fœdere in nitrum vulgare, tanquam in commune principium revertitur, & nitri vulgaris naturam induit. Hæc video, dum breviter volui dicere, dicta esse à me paulò obscurius: sed experiar, & dicam, si potero, planius. Maximam nitri vim esse in dissolvendis corporibus fugit neminem: quinetiam eluit, & abstergit; crudum quidem nitrum cuncta expurgat mineralia. Sic antimonium unà cum sa-  
lepetræ calcinatum noxios exhalat spiritus: nam stibii sulfur combu-  
stibile per salepetræ incensum diffatur. Eodem prorsus modo arse-  
nicum, & auripigmentum, atque alia ejus generis toxica nitri bene-  
ficio deponunt spiritus venenatos. Quanquam nemini nisi in hac  
arte peritissimo suaserim, ut ista tractet deleteria. Alios nitri in me-  
tallis fundendis, & separandis usus non illicenter prætereo, atque in  
aliis locum differo: neq; enim omnia simul tradi possunt. Plantæ verò  
& animantes crudo & simplici nitro expurgari, & parari nequeunt: il-  
lud quippe accensum eas penitus consumit, & redigit in cineres: nec  
vis purgatrix herbarum, vel animalium in cineribus, aut fixo sale;  
sed magis in sale, vel spiritu volatilium consistit. Hinc Chymici non im-  
merito vulgares coctiones irridunt, quòd tenuissimæ partes, quæq; vim  
totam herbæ continent, ignis calore pereant, solo phlegmate super-  
stite. Quòd si enim alembicum adhibeas, spiritus volatilium primus e-  
gredietur, cui cruda & insipida aqua succedet. Quare ii mihi videntur  
melius procedere, qui spiritus volatiles leni distillatione prolici-  
unt, quos recenti herbæ affundunt, ut vires efficaciores obtineant.  
Sed redeo ad nitri spiritum, quo res vegetabiles, vel ipsa animalia  
digeruntur, purgantur, atque in tota convertuntur medicamina. Ple-  
raque enim medicamenta venenis sunt finitima, ea maximè, quæ vi-  
res suas fortius exerunt: quare nisi optimè corrigantur, non sine alio-  
quo vitæ discrimine abhiberi solent. Quod ut brevissimo pateat exem-  
plo; quanta est in opio vis narcotica, vel somnifera? nam spiritus vi-  
tales ligat; nec rarò nativum extinguit calorem, atque in summum  
vitæ adducit periculum. Quà igitur arte medicamentum utile dolo-  
ribus leniendis, somno conciliando, viribus denique restaurandis e-  
vadet? Spiritu nitri digerendum est: hocque vasculum vitreum an-  
gustioris orificii ferè complebitur, cui papavera concisum sensim ap-  
pones, quousque dissolvatur: deinde per tenue linteum percolabis;  
fæces, quæ solvi non potuerunt, abjicientur. Jam illud caput artis est,  
herbam exsolutam instar pulveris præcipitare; id munus præstabit  
liquor nitri sulfureus: nam quæ spiritus acidus, & volatilium solvit, ea  
fixus liquor præcipitat, & vicissim. Quamvis enim ambo isti liquo-  
res sibi insensu videantur; cum tamen ex unâ radice, & veluti ex eo-  
dem

dem prodierint fonte, originis suæ non immemores, ultrò consociantur. Itaque spiritus acidus exsolutum opium dimittit, ac præcipitat, ut is cum fixo nitri humore conjungatur. Effusis humoribus colligitur pulvis papaveris, qui multâ ablatus aquâ, ut omnes salispetræ reliquæ abstergantur, chartâ bibulâ aliquoties complicatâ percolatur, exsiccatum pulverem in tutum atque opimum medicamentum commeari affirmant. Illud mirari subit, quòd ex utriusque liquoris acidi, & fixi conjugio nitrum iterum renascatur aliis usibus profuturum. Non deerant plura, quæ dicerem, nisi hæc à Glaubero jam tradita, verbosius fortassè, quàm necesse erat, exposuissem. Illud tamen non possum omittere, quâ industriâ liquor nitri fixus, vel sulfureus præparetur. Res est minimè ardua, atque inter maxima Alchimiz arcana meritò recensetur. Nitrum purissimum, hoc est, ab omni sale communi expurgatum, forti, & operto cubiculo, medios inter carbones imponitur: cum totum fluit, tum pulvis carbonum sensim in catillum conjicitur; hic pulvis flammam statim concipit; idque toties iteratur, donec injecti carbones inflammari amplius non possint, ac nitrum viridi vel cæruleo colore tinctum appareat: illud extrahitur; mortario jam candenti infunditur: nam si vasi frigidiusculo committeres, id in faciem involeret: contusum frigido collocatur in loco, ut in liquorem igneum, fixum, & sulfureum abeat: quod quidem & sulfur commune, & mineralia, quæ sulfure combustibili abundant, exsolvet. Sic animumonium, auripigmentum, arsenicum rubrum, cuprum, ferrum, & stannum dissolvit, non item argentum, in quo mercurius est copiosior; nedum aurum solvet, cui nullum inest sulfur combustibile. Argentum verò spiritus nitri acidus, qui per distillationem elicitur, exsolvit; idem spiritus, ne auro quidem parcat, si sale ammoniaco, vel sale communi imprægnetur. Quòd si cum spiritu nitri acido lapis calaminaris contusus permisceatur, hic quidem lapis spiritum acidissimum secum retinet, dum phlegma, seu aqua insipida ignis calore exhalatur: adeò ut spiritus nitri tantam aciditatem lapidis calaminaris, vel alterius cujusdam mineralis, quod Zinchum vocant, acquirat, ut aurum ipsum facile dissolvat. Quamobrem licet irrideat, si quis velit, mihi persuasum est, nitrum esse quasi naturæ clavem, quæ corporum omnium penetralia nobis referat. An difficile erit fossilium vires & naturas dignoscere, quæque mercurio abundant, vel sulfure discernere? cum liquor nitri fixus oleosa quæque, ut plantarum semina, pretiosos, & vulgares lapides, atque omnia bituminosa resolvat, quæ certè spiritus acidus non aggreditur. Contrà spiritus nitri aurum, argentum, & hydrargyrum, herbas acidiores corrodit; quæ liquor sulfureus relinquit illæsa.

illata. Stirpes igitur omnes oleosa semina ferè omnia, vel animalia venenata, quæque pinguem, & resinae similem naturam sortita sunt, liquore nitri sulfureo dissolvuntur: sive in pulverem comminuuntur, si sint aridiora; sive in frustula concidantur, si recentiora, atque humidiora fuerint; in illo liquore macerata, vel potius in balneo per 24. horas digesta, omne virus, atque inimicas exuunt qualitates. Quod si spiritus vini ab omni phlegmate liberatus affundatur, hic nitri liquori innatans essentiam stirpis, vel animantis extrahet. Effuso igitur vini spiritu, novum affunde, idque sæpius repete, donec omnem tincturam, vel essentiam eduxeris: tum leni balnei calore spiritum vini ardentem elice, oleosus remanebit liquor, quem herbae, seminis, vel animalis extractum vocant; neque is humor nitrosus peribit: nam vitreato tigillo impositus, ad siccitatem usque decoctus, & calcinatus, frigido demum loco constitutus liquefact, pristinae naturæ restituetur, atque aliis itidem operationibus inserviet. Mixta corpora, quæ nec mercurio, nec sulfure adeò excellunt, utroque nitri humore, tum sulfureo, tum acido æquè dissolvuntur. De his in universum dixisse sufficiat; neque enim opus est ad minutas rerum particulas descendere: ac verècundiùs de iis jamdudum loquor, quæ ad Medicæ, vel Chymicæ artis Professores videntur pertinere: quod si ipsi adessent, mecum fortasse ex lege agerent, vel interdicto contenderent. Quare moderabor ipse me, ac rerum fossilium principia duntaxat, & naturas inquiram.

De nitro ambigunt, calidum sit, an frigidum: ego aquam esse. *Nitrum igneam meritò contenderim.* Nec desunt argumenta, quibus calor esse igneum. igneus nitri asseratur: nam metalla penetrat, & fundit: spiritus quoque vini aquæ forti, vel nitri spiritui affusus flammam concipit: sic ferri, vel lapidis calaminaris frustulum eidem spiritui acido impositum, tantum procreat calorem, ut vas ipsum manibus vix contrectari queat. Quod si ferrum, vel lapidem calaminarem in eodem spiritu dissolveris, ac phlegma frigidum ignis calore sensim exhalaveris, restabit spiritus planè igneus, cui si aliquot aquæ frigida guttulas instilles, igneum suum calorem quasi laceffitus prodet: istà quidem arte calor in vase citra ullum ignem diutius conservari poterit, dum novæ aquæ guttulae identidem vasi affundantur. Idem planè efficit liquor nitri per antimonium, eo quo fortè aliàs dicturi sumus modo, fixati. Nescio an thermarum ebullientium fervor oriri possit ex spiritu nitri acido, qui ferri, vel calaminaris lapidis mineras præterfluit, easque arrodit; atque ubi cum aqua dulci permiscetur, cum calorem procreat, quem in calce vivæ aquæ affusione cernimus. Mecum facit ipsa

experientia : sæpe enim thermæ ferri, vel lapidis calaminaris fodinis  
 finitimæ occurrunt. Quapropter nullatenus dubito nitrum calidum  
 esse, & inflammabile : atque ipse me paululum in aliâ, quàm prius  
 habuerim opinione, nunc esse confiteor. Huc enim adducebar, ut  
 crederem, nitrum esse frigidissimum, nec flammam in pulvere pyrio  
 concipere, sed instar venti vehementioris sulfur duntaxat accendere  
 arbitrabar. Videbam enim in antimonii diaphoretici præparatione,  
 ubi nitrum cum Stibio permiscetur, injectâ prunâ misturam statim ac-  
 cendi; cumque cessasset detonatio, ac rursus tantundem nitri con-  
 jiceretur, ægrè tamen flammam concipiebat. Quod si tertio nitrum  
 apponeretur, nullum sequebatur incendium, nulla erumpebat flamma.  
 Hinc sanè conjiciebam, non ipsum nitrum, sed sulfur antimonii com-  
 bustibile accendi. Nec attendebam nitrum per antimonium adco si-  
 xum evadere, ut ignem amplius non reformidet. Cum tamen in omnes  
 partes cogitationem meam verso, vix quicquam causæ comminisci  
 possum, cur salpetræ, cum sit calidissimum, linguæ ipsius judicio frigi-  
 dissimum percipiatur : cur ipsâ æstate aquam congelet. An fortè non  
 igneos modò, sed etiam frigidos continet spiritus : hi quidem extrâ  
 prorumpunt, illi ad interiora sese recipiunt? An nitri, ut aceti phleg-  
 ma frigidiusculum est, quo ignita, & sulfurea substantia temperatur?  
 sed ubi hæc soluta, & libera existit, tum occultum, & quasi prius op-  
 pressum calorem exerit, maxime cum permodicâ aquâ irriatur. Res  
 enim serè omnes calcinatæ & nitrosæ solius aquæ affusione incale-  
 scunt, cum oleo potius extinguantur. Hinc simus equinus aquâ per-  
 fusus adco calet, ut plerisque distillationibus ac digestionibus Chy-  
 micis inserviat. Quod si quis contenderit, istum calorem persæpè  
 ex motu, & velut conflictu spirituum oriri, non admodum repu-  
 gnabo : nam calorem affricu corporum excitari satis compertum est.  
 An fortè ex illâ spirituum agitatione tantus musti calor, vel fermenta-  
 tio exurgit? frigus certè vini fervorem & fermentationem impedit.  
 Testatur Io. Bapt. de Porta, quod pumex, vel argentum vivum vitro  
 inclusum, atque intra dolium demissum, musti fermentationem inhi-  
 beat. Contrâ Georgius Valla memoriæ prodidit, quod si paululum  
 casei in dolium musto plenum injiciatur, tantum excitabit fervorem,  
 ut ipsi dolio periculum fractionis immincat. Eadem forsitan est ratio,  
 cur injectis lapillis quidam lacus tumultuentur. In Comitatu Fuxensi  
 inter Pyrenæa juga lacus est in montis cacumine constitutus, cui no-  
 men Fanum sancti Bartholomæi dedit; hic lapide coniecto nitrosos,  
 ac sulfurcos exhalat vapores, qui in mediâ aeris regione densati, cœ-  
 lum statim obducunt nubibus, & multum imbrem non sine tonitru  
 fragore

fragore effundat. Idem prorsus contingere in quodam Helvetiæ laca, in montis, qui ruptus vocitatur, vertice collocato testatur Ioannes Faber in arte Chymicâ eruditissimus. Effudi vobis omnia, quæ de nitri origine, & naturâ sentiebam: quâ methodo in fixum liquorem, & spiritum acidum cuncta permeantem convertatur, exposui. Restabat, ut vos itidem docerem, quâ industriâ spiritus acidus ex plantis & lignis distillatus, non sine emolumento concreseat in nitrum: sed si quantum de nitro dici potest, prosequamur, finis orationis non reperietur. Potestis Gläuberi libros consulere, ubi hanc artem, quâ spiritus acetosus ex omnibus lignorum generibus eliciatur, isque in nitrum abeat, tractat apertissimè; homo meâ quidem sententiâ est non multum oratione limatus, sed ingenio & solertiâ acutissimus.

## CAPUT QVARTUM.

## De aliis salium generibus.

- I. De nitri, & salis spiritus nonnulla præmittuntur. II. De alumine, III. De vitriolo, & variis illius generibus. IV. De vitrioli analysi, atque usu, ubi de medicamentis Chymicis perpaucæ.*

*Menander.*



Hoc ipsum ex te audire cupimus: nec vacat nobis Chymicorum libros evolvere; plerique enim obscuritatem affectant, & nihil quàm sinuosas, vel parabolicas descriptiones amant; mallem ut res nudas, atque inornatas proponerent. Nam Ciceroni facilè accedo: A Philosopho, inquit, si eloquentiam affectat, non aspernari; si non habeat, non admodum flagitem: nec me illius oratio offendit, qui complectitur verbis quod vult, & dicit plane quod intelligam. Jam verò Chymici non orationis modò ornamenta negligunt, (quod utique ferendum esset) sed latebras quærunt, nolunt intelligi; res dissolutas, & malè coherentes tradunt; abrupta quædam, ut fortè ad manum venire, jaculantur. Quapropter magnantibi habebimus gratiam, si optima quæque ab ijs tractata seligas, & illustres. Injurius sum, si illud à te postulem, ut interpretis tantùm fungaris munere, vel aliorum duntaxat dicta regeras: sed potes tueri

ea, quæ dicta sunt ab iis, quos probas, eisque tuum iudicium adungere. Quod si tibi materia tam latè fusa videatur, ut uno die absolvi non possit, quod tractandum supererit, in crastinum diem differemus.

*Simp.* Pergam igitur, quoniam institui, de nitro, sale, alumine, & vitriolo dicere: sed peto à vobis, ne has meas ineptias efferatis; neque enim Chymicus esse, vel haberi volo: non quòd ars illa me offendant; est enim liberalis, & jucunda: sed nobis difficile est huic studio seriò incumbere, quin labor noster in varias reprehensiones incurrat. Verùm ista facessant, & redeamus unde egressi sumus. Primum igitur, quâ arte spiritus acidus ex incensis lignis eliciatur, ostendam; tum quâ viâ ex illo spiritu nitrum colligatur, aperiam. Qui ex lignis incensis exhalatur fumus, multum habet aciditatis: nam oculos pungit, & lacrymas sæpe exprimit: itaque si frigore condensetur, non dubito, quin in spiritum acidum facillè concreascit. Neque ad hoc opus unâ pervenitur viâ; illa tamen mihi compendiosissima videtur, quam vir idustrius, & artifex eximius ingreditur. Furnum erigit ex laterculis, amplum quidem, & rotundum; adeò ut ex lato in angustum sensim desinat: tribus foraminibus instruitur. Primum in ipsius fornacis existit sagittio, per quod ligna conjiiciuntur, & cùm opus est suo operculo clauditur: est itèr aliud in infimâ fornacis parte, quo extrahuntur carbones. Tertio denique in latere furni constituto fistula terrea quatuor saltem hexapedas longa aptatur. Incensis lignis singula foramina, vel ostia quàm fieri potest accuratissimè occluduntur: ita ut fumus per oblongam fistulam cogatur erumpere, qui in acetosum liquorem densatur, atque in vas subiectum unâ cum oleo sensim defluit. Fistulâ ablata foramen ipsum, cui adhærebat, madefactis cineribus obducitur: sic enim carbones integros conservabis. Quòd si minutos ramulos, vel frutices incenderis, nihil aliud quàm pulverem carbonum, eumque inutilem obtinebis. Licebit quoque carbones apertâ fornace in cineres redigere. Priusquam lignum immittas, & acetum extrahas, operæ pretium fuerit lapides, ex quibus calx conficitur, in fornacem conijcere, vel cum ligno alternis ordinibus disponere: nam unâ cum carbonibus calcinati, atque aëri expositi; ita ut tamen à pluviâ tuti sint, in minutissimum pulverem citò fatiscunt. Denique poteris circa ullum furnum, vel in mediâ sylvâ hoc acetum elicere, si lignorum strues eo prorsus modo, quo solent carbones arte vulgari confici, cespitibus viridibus operiatur. Unâ igitur, atque eadem operâ spiritum acidum, oleum quod spiritui innatat, & salern lignorum consequeris. Acetum illud rectificatum, seu leni

distil-

Quomodo  
& spiri-  
tum, & ni-  
trum ex  
lignis in-  
censis edu-  
cantur.



distillatione à superfluo phlegmate secretum, eadem prorsus quæ acetum vini distillatum præstat: uniones, seu margaritas, neque non animalium lapillos, vel calculos dissolvit: aquâ calente temperatum, balneum scabiei, & fœtidis ulceribus curandis idoneum, atque ipsis fortasse thermis utilius exhibet; præsertim si ex quercu, & aliis nitrosis, vel solidioribus lignis proliciatur. Hoc enim balnei genus expurgat sanguinem, atque cum à putredine vindicat. Alios spiritus acidi usus prætereo. Quod si intus sumatur, noxios humores per sudorem expellit, viscerum reserat obstructions. Exteriùs verò balnei loco usurpatus inflammationes restinguit: proprio oleo admistus podagræ lenit dolores. Verùm ista Medicorum judicio relinquo. Addámne, ligna hoc oleo illita, etiam si aquæ immergantur, vix corrumpi. Imò si palorum, quos vites, vel lupuli complectuntur, extrema adurantur, & dum adhuc calent, isto oleo imbuantur, diutissimè durabunt, vix putrescent, & vites reddent feraciores. Spiritus quidem acidus multo diluitur phlegmate, quo faciliè liberabitur, si intus frigori hiemis tempore expositus congelaciatur; tum enim spiritus acidissimus unâ cum oleo ad interiora refugit: hinc longè acrior factus metalla ipsa corrodit, & dissolvit. Omitto ipsum oleum à spiritu, cui innatat, secretum, acri lixivio ex calce, & cineribus confiato solutum, & coctum, tantam terris arenosis ubertatem conferre, quanta ne vix concipi quidem potest. Sed ne longius exspatiemur, salempetræ faciliè obtinebis, si carbonum cineres, necnon lapidis unâ calcinati pulverem in spiritu acetoso (à quo tamen oleum proprium ne detrahas) exsolveris: huncque liquorem idoneis conclusum vasis, sub testò quatuor columnis fulto, sic aëri exposueris, ut radios quidem solares admittat, pluvias verò arceat, atque urinâ identidem perfuderis. Cum enim materia exsiccata fuerit, ante biennium optimum præbebit salempetræ, quem more solito extrahes: aqua nimirum fervida affunditur, excoquitur, in frigidiori loco reponitur, ac nitrosæ supernatant crystalli. Quæ relinquitur materia, tametsi omni nitro videatur exhausta, nihilo tamen seciùs in eodem reposita loco, atque urinâ, vel aquâ subinde perfusa, vertente biennio novam salispetræ copiam suppeditat. Quibus ex rebus optimè colligimus salempetræ ex duplici sale, fixo nimirum, & volatili coalescere: nam sal, qui in cineribus carbonum, & calce fixus invenitur, spiritum ligni acidum multo sale volatili prægnantem reddit fixiorem, & quasi compedes, ne avolet, ipsi injicit: ac vicissim spiritus acidus obtusum salem carbonum exacuit; ex utriusque confictu, & agitatione, longo temporis intervallo nitrum emergit. Non magna quidem præcipimus, sed

ea tamen, quæ ad Medicinæ, atque ipsius œconomix usum non prorsus inutilia videantur. Suspecti mihi sunt, qui nihil quàm Panaceas, aurum potabile, & Elyxir vitæ crepant: id enim circulatoriam iactationem omnino redolet. Perrarò accidit, ut promissis eventus respondere: quo enim quisque ingenio, vel arte minùs valet, hoc se magis attollere, & dilatare conatur. Magna sanè & stupenda est Chymicorum arçana consensio: sed optarem, ut Philosophus non in-eruditus, quæ usu probata, & expedita sunt, seligeret: nec solis contentus formulis, intimas rationes inquireret. Nisi enim ratio præluceat, atque ipsa dirigat opera, necesse est, ut sæpiùs offendamus, & in multis erroribus dilabamur. Hæc ferè sunt mihi de nitro comperta.

Quòd si lignorum, ac vegetabilium spiritus, vel olea eò tantùm desideres, quo quibusdam succurras morbis, nihil opus erit tam amplam struere fornacem; sed satis fuerit aliam minusculam, & ferè vulgarem adhibere, quæ duobus ostiis vel foraminibus pateat: unum in fastigio ipsius fornacis, ut moris est, apponetur, quod ubi necesse erit suo operculo accuratissimè ocludetur: alterum verò ostium, per quod non carbonibus modò, vel prunæ ardentes, sed etiam herbarum radices, semina, & ligna concisa imponantur, in mediâ velut fornacis fronte collocatur. Iniectis rebus, quarum spiritum acidum cupis extrahere, mox utrumque foramen ocludes, & spiritus unà cum oleo per fistulam fornacis lateri aptatam, quam alter tubus longior, instar gnomonis, vel recti anguli formatus excipit, in vas quoddam terreum deducitur. Quod quidem vas oblongum in labro aquâ frigidâ pleno constituetur, quò spiritus frigore citiùs concresecant. Hujus fornacis operâ brevissimo tempore magna spiritus salis copia educi potest. Sal in communi aquâ exsolvitur, prunæ ardentes in illâ extincti aquâ, sale imprægnantur: alii carbonibus priùs incensî conjiciuntur in furnum, quibus prunas sale imbutas adjicies: utroque foramine ocluso, spiritus salis sumi ipstar, per fistulam exhalatur, qui statim in liquorem densatur, & sensim in excipulum defluit. Quòd si istum liquorem leni distillatione rectificaveris, spiritum nitri utilitate vincet: non enim modò metalla, (argentum excipio) & lapides solvit: sed etiam magnis, & gravibus medetur morbis. Nam si Chymicos audiamus, illius spiritus aliquot guttulæ vino, vel aquæ instillatæ, ventriculæ noxiis liberant humoribus, obstructions aperiunt; icterum, & hydropem spiritus ille sanat, ventris sedat tormina, urinas promovet, arenulas disturbat, viscerum recludit meatus, vermes necat, podagræ dolores mitigat, maximè si oleo ceræ, vel terebinthinæ permistus adhibeatur. Hic quippe spiritus acidus, & penetrans tarta-

Vide, si libe-  
at, figuram  
huius fornacis  
apud  
Glauberum,  
parte 1. fur-  
norum.

De spiritu  
salis exstilla-  
ndo.

reos humores discutit, putredinem inhibet, exsiccat, solvit, & superflua quæque consumit. Verùm tot, & tam præclaræ dotes non cadunt in spiritum salis, nisi idem quantâ potest diligentia maximâ præparetur.

Nec dissimulare possum aliam hujus spiritus distillandi methodum, laboriosam quidem, sed usu optimam: & meâ quidem sententiâ præstat longiorem ingredi viam, quàm compendio periclitari. Salem itaque (ut rem ipsam aggrediar) benè purgatum, eo quo tu, mi Theophile, superius docuisti modo, in aquâ exsolve; percolatam aquam ut omnes deponat sordes, quousque cuticula appareat, excoque: globulos terræ lutosæ ab omni arenulâ vacuæ exsicca, tum vasi fictili impositi ad ignem admoveantur, ut omnis pinguedo consumatur: hos globulos candentes in diluto salis extingue, quibus dimidiam sèrè retortam implebis, subjecto igne, eoque paulatim, & velut per gradus aucto totum spiritum extrahes, donec nullus fumus appareat. Neque opus est ut moneam aquam in excipulo præmitti oportere: illud enim in omni spirituum distillatione observatur. Spiritum in breviori cucurbita repositum leniori igne iterum distillabis; tum aquâ insipida primùm egredietur, hanc verò excipiet spiritus salis sapore non injucundus, cujus aliquot guttulæ communi aquæ affusæ, gratiam illam & salubrem reddunt, ac putredinem inhibent. Taceo, quòd hic spiritus salis vini dolio affusus tartarum superfluum præcipitat; ventriculi quoque crudos humores digerit, aquam intercutem expellit, viscidam pituitam dissolvit. Piura ne dicam deterreor, ne fortè Chymicis nimium videar indulgere.

*Th.* Istuc est sapere: Alchimistarum nomen fugis, ut invidiæ atque infamiz subjectum, in eorum tamen opiniones ultro delaberis: hos si contempnis, & abjectos putas, quid est cur Aristotele neglecto, in eorum partes concedis? Professio seriò ringor paulatim elabi è manibus adolescentum tanti Philosophorum, quorum præcipua virtus est furnos adornare, carbones tractare, & magnifica verba funderè. Peripatetica quidem Philosophia minùs vanitatis, atque ostentationis fronte ipsâ prætexit, sed magna habet in recessu; ubique, & secum & cum ipsâ naturâ consentit. Verùm nec otium datur, nec *De alu-  
mine.* fert animus, ut Philosophiam tot retrò sæculis benè constitutam à calumniis recentiorum quorundam nebulonum vindicem: id fortassis plenius alio loco exequemur: nunc ad id, quod cœpimus, revertamur, & reliqua salium genera transcurramus. Nec diu nos morabuntur alumen & vitriolum, quæ magnâ inter se societate junguntur.

Utrum.

Utumque donatur vi adstringente, & stipticâ: utriusque eadem sunt in Medicinâ vires, atque ex eadem venâ interim eruuntur. Alumen quidem fossile est, vel factitium; liqudum item, vel congelatum existit: utriusque diversa sunt genera; aliud est scissile, quod in fibras, & veluti in capillos diducitur, idque sulfureum odorem foetet; aliud in laminulas, & quasi in foliola dividitur; aliquando instar spongiæ innumeris foraminulis pervium est; infinitis nonnunquam sphaerulis est asperum. Utuntur alumine aurifices, & quotquot rei metallicæ navant operam; insectores quoque in suum usum illud adhibent: nam lanæ soluto aluminis imbuuntur, quò facilius, & tenacius colores excipiant. Sic charta nisi aquæ aluminosæ immergatur, non retinet atramentum, sed transmittit. Jam verò præstantissimi Philosophi Agricola, Scaliger, Libavius, & alii bene multi quâ industriâ alumen è lapidibus, vel terris aluminosis extrahatur, apertissimè tradidere. Summa est, lapis crematur donec aëri expositus, & pluviâ identidem irrigatus ultro fatiscat; fit lixivium ex calcè vivâ, & cineribus betulæ, vel fagi, cui quarta pars lapidis in pulverem resoluti admiscetur; usque ad tertiam partis consumptionem excoquitur; liquor effusus percolatur; frigido loco collocatus alumen præbet, quod specie crystalli humori innatat.

De vitri-  
olo.

Vitriolum alumini est finitimum, illud Græci chalcanthum vocant, quasi æris florem, Latini atramentum dixere; nostri mutuatâ ab Italis voce cuperosam appellant. In varias secatur species, vitriolum Hungaricum dicunt, quod ex ære, vel ærugine conficitur; chalcitis æris colorem imitatur; misy flavo, & aureo; sory rubro; melanteria cineritio colore tingitur. Sory durissimum est, quâdam donatur pinguedine, & gravem odorem foetet; sæpè multis foraminibus hiat. Misy subtile est, & quasi flos tenuissimus. Chalcitis ut sory subtilior, sic misy crassior existit; quo æri similior, eo pluris ducitur; maximè si longas, & splendidas gerat fibras, nec ægrè fatiscat in pulverem. Laudatur misy cùm instar auri micat; melanteria aquam atro colore insicit. Neque hæc naturâ, sed accidentibus duntaxat differunt: nam unum facile in aliud commeat; colores quoque habent instabiles: hinc vitriolum cæruleum in viride, hoc verò in album sensim degenerat. Nunc minimè necesse est, ut ostendam, quâ arte vitriolum ex aquis chalcanthosis, terrâ, lapidibus, pyrite inprimis, & lapide fissili eruatur: non enim aliter atque in alumine, & halinitro procedunt. Postquam è pyrite sulfur per descensum (ut loqui solent) extractum fuit, quod reliquum est crematur, fit lixivium, quod percolatum in cortinis, seu vasis plumbeis excoquitur. Siquidem plumbum à vitriolo

non corroditur: est enim dulce, & porosum, atque omnem pinguedinem ad se trahit: quæ autem pinguis sunt, vel dulcia, corrosivis, & acribus resistunt: sic lacte, & butyro venenorum vires obtunduntur. Aqua excocta per lacus, seu cupas, vel alveolos ligneos distributa lapillos præbet. Consumptâ demum aquâ atramentum luteum in imo consistit. Ex terrâ cinereâ, quæque odorem præ se fert virulentum, & acerbum saporem, in agro Romano, eâ quam Cæsalpinus literis consignavit industriâ, vitriolum educitur. Terra non cuniculis, ne venenati halitus fossiles enecent, sed aperto solo eruitur, in cumulos congesta toto vertente semestri aëri exponitur, ut spiritus volatiles humore coerciti consistant: hinc alio semestri sub tecto asservatur, ut suam consequatur maturitatem, & fugaces halitus figantur: aquam affundunt; castellis, vel cupis eam excipiunt, tum in cortinis plumbeis excoquitur: sed addenda sunt æris, vel ferri frustula, secus non vitriolum, sed alumen concresecet; sic ubi ex lapide pyrite educitur, nisi quiddam æris, vel ferri adjiciant, quod illa, quæ in vitriolo sunt æris exordia, vel ramenta ad se trahat, vitriolum non prodibit. Idem ferè usu venit, cum argentum aquâ forti exsolvitur, & aquæ dulcis affusione præcipitatur; laminas enim cupreas supponunt, quæ argenti calcem colligant. Jam quæ sit vitrioli natura, ad quos adhibeatur usus intueundum puto.

Placet nonnullis, vitriolum ex alumine & sulfure potissimum constari. Multum certè cum utroque habet cognationis: nam cum alumine in eadem venâ conjungitur: nec facile est spiritum vitrioli à *De naturâ vitrioli.* spiritu sulfuris discernere; eadem sunt utriusque vires. Alii vitriolum ex tribus principiis, & quatuor elementis constituunt. Hic sanè Chymicorum de tribus principiis decretum vacillat: nam si vitriolum aquâ dilutam in loco calidiore, ut in fimo equino ad digestionem colloccetur, post aliquot dies sulfur volatile efflorescet; sæces crassiores subsident. Quod si liquor per lacinias trajectus, seu filtratus leni calore distilletur; primum spiritus volatilis, tanquam purissima vitrioli *De vitrioli in sua essentia prodibit, succedet spiritus vitrioli acidus, quem ut summum principis* merbis omnibus melancholicis, & pituitosis remedium præstitant, cum *resolutive.* quæ feliciter ad calculum, jecinoris & ventris atoniam, puerorum vermes, & quartanam se adhibuisse testatur Libavius. Alii tamen non infimæ notæ Medici hujus spiritus acidi vim causticam, & corrosivam reformidant: maximè cum res acidæ nervis infestæ esse soleant; hanc litem Medici ipsi dijudicent. Cæterum diversis ignis gradibus varia item spirituum genera eliciuntur, quorum alii alios aciditate vincunt. Mitiiores quæ sunt, & multo phlegmate diluti primi erumpunt, hos exdi-

excipiunt acriores, tum aucto igne oleum rubrum extrahitur; succedit oleum acerrimum, quo vel aurum ipsum dissolvitur. Restat velut calx vitrioli, Colcotar à Chymicis vocitatur, ex quo salem, oleum dulce, terram denique, quam virginicam vocitant, colligunt. Ecce tibi tria sulfuris genera; unum est superfluum, & volatile, quod in primâ digestionem efflorescit; aliud est item volatile, sed essenziale; tertium denique fixum, & vitriolo intimum existit. Nec pauciores sunt spirituum differentia; ut taceam de spiritu dulci, quem tamen Crolius negat se unquam vidisse; vel de spiritu, qui violam redolet, eumque ex quintâ vitrioli essentiali, seu ex spiritu volatili, subdulci, & penetrante, unâ cum spiritu acido conjuncto, per longas in pelicano digestionem conficiunt. Pelicanum vocant quoddam alembici genus, cujus rostrum in ipsum ventrem reflectitur. Quod si ea sint rerum exordia, atque elementa, in quæ ighis ardoribus resolvuntur; non tria tantum, sed duodecim saltem vitrioli principia censenda sunt. An potest quisquam dicere inter sulfur volatile, & fixum; oleum dulce, & acerrimum nihil interesse? quare frustra Chymici principia rerum ex artificiosâ distillatione colligunt: sed de his jam aliàs sæpe. Omnes verò summæ apud antiquos auctoritatis scriptores Aristotelem secuti hæc mineralia inter lapides & metalla ambigere consentiunt; ita ut ex vapore, atque exhalatione coalescant: nam metalla ex vapore humido, lapides ex halitu sicco prodire: ambo conspirant ad vitrioli, & aluminis generationem. Splendorem metallorum, inquit Albertus, & lapidum compositionem obtinent: siquidem instar lapidum facile comminuuntur. Quapropter non aliundè quàm ex terrâ, & aquâ commixtis, atque caloris accessu concoctis, ut cætera fossilia, oriuntur.

Nonnunquam præterfluens aqua materiam metallicam arrodit, quâ in vapores exhaustâ, sal, alumen, vitriolum, chryfocolla, cyaneum, seu cæruleum condensata restant. Unde ex pyrite artifices alumen, & vitriolum eadem serè arte, quam ipsa adhibet natura, eliciunt. Sic chryfocolla, ærugo, & cæruleum ex aquis acetosis fodinas æris arrodentibus emergunt: sive substantiæ adhæreant metallicæ, sive instar minuti pulveris, vel arenæ colligantur: graviora quippe illa corpuscula ab ipsis metallis abrafa in fundo aquæ subsidunt. Hæc quidem omnia vi quâdam acri, mordicante, & abstersivâ donantur: hinc chirurgis, pictoribus, atque ipsis insectoribus magno usui esse solent. Quis enim ignorat vitriolum sanguinem sistere, vel quod venarum meatus obstruat, vel quia extremum sanguinem coagulat. Neminem quoque fugit illud putrida ulcera abstergere, carnes luxuriantes exedere; atque ex ea collyria oculis parari.

Cæte-



Cæterum illud vehementer demoror, quod cum nec vitriolo, nec gallis ater color insideat, ex iis tamen aqua dilutis atramentum conficiatur. An forte corpuscula, ex quibus constat vitriolum, eam temporis successione figuram adipiscuntur, quæ per paucos luminis radios regerat, & nigrum adeo præferat colorem. Profecto vitrioli acuminatas esse particulas sapor ipse testatur: hinc atramentum tenaciter chartæ adhærescit. Sutores ipsi utuntur vitriolo, quod nigro colore coriæ imbuant; hinc atramenti sutorii nomen obtinuit. Ferrum vetus sero lactis solutum eidem quoque usui esse potest. Quare in veteri meâ persuasionem permaneo, colores omnes ex solâ luminis reflexione, atque ex corpusculorum quibus res quæque constant variis figuris emergere: nam terrea corpuscula candidum, fuliginosa verò, striata, & acuminata nigrum colorem exhibent: neque tanta colorum varietas ex ipso ducitur temperamento; cum ex ære flavo ærugo adeo viridis exsurgat; quod si spiritum ammoniacum addideris, caruleum emerget. Dicta sunt à me, quæ in promptu erant, à te autem, mi Simplici, reconditiora desidero.

*Simp.* De principiis Chymicorum nihil necesse est contendere, non quod rationibus tuis ex vitrioli analysi desumptis respondere, me posse dissidam. Nihil quippe in vitriolo præter terram, salem, oleum, spiritum, & aquam deprehendes: sed de iis nec certare pugnaciter velim, nec committam, ut dubia faciam defensionis sollicitudine. Verum, inquis, quanta salium, spirituum, & sulfurum varietas ex vitriolo educitur. Hoc ipsum in sententiâ nostrâ argumentum traho, cum fieri nequaquam possit, ut ex eodem corpore res adeo diversæ ejusdem ignis virtute prodeant. Sed neque vitriolum in extrema principia vulgari arte resolvitur. Meministi, ut puto, nos duplicem salem, *Ex quibus partibus constat vitriolum.* unum volatilem, alterum fixum; duplex item sulfur, unum fugax, & viscosum spiritale, quod distillatione primum elicitur, alterum tenax, & viscosum distinxisse. Hæc infinitis propè modis permisceri possunt: nam sal vitrioli fixum oleum acerrimum efficit, sal volatile phlegmati aciditatem conciliat: oleum corrosivum spiritu acido temperatum dulce evadit: acria enim quæ sunt ab acidis, & vicissim acida ab acribus, ut sales volatiles à fixis retunduntur. Imò res ipsæ acres sese mutuo jugulant: sic oleum tartari spiritui vitrioli affusum fervorem, & veluti *De fermentatione.* ti ebullitionem quandam excitat: sed ex utroque quiddam tertium, subdulce, & minimè corrosivum exsurgit. Hinc multi fermentationem plerique deducunt: nimirum ex salium fixorum, & acrium cum fugacibus mutuo coïctu: in illa verò ebullitione subtiliores spiritus exhalantur: sal fixum attenuatur; superfluum quod est, ad imum de-

scendit. Itaque omnis præcipitatio à spiritu acetoso, hic verò à sale volatili proficiscitur. Rem ita se habere, cum multa, quæ jam supra attigimus de musti fermentatione demonstrant, tum illud, quod oleum ex vitriolo calcinato, seu ex colcotare extractum certis temporibus intumescat, aliis autem decreseat. Vix credam Lunam tumentem novum chalcantho humorem affundere, sitientem resorbere. Probabilius est oleum, vel spiritum vitrioli statim temporibus fermentari, cum sal fixum à volatili superatur: subsidit verò, quando sal volatile à fixo quasi subactum figitur. Fieri etiam potest, ut gravi, & humido cælo aer ipse subeat spiritum, vel oleum vitrioli, quidquid est salis exsolvat, & suo ingressu augeat humorem: nam quæ extremos ignes sustinere, occultâ quâdam naturæ vi humidum aërem ultrò ad se invitant, quo summam siccitatem temperet, atque exhaustum humorem refarciat. Hinc illud chalcanthi oleum æstate plerumque minuitur, vere, vel autumnò intumescit. Interim tamen evenit, ut eodem tempore oleum vitrioli vase conclusum augeatur, cum alterum decreseat. Fors est ut alterum plurimo sale fixo abundet, aliud verò majore spirituum copiâ turgat. Ut ut sit, mihi certum est nitrum, & vitriolum aëri exposita, non modò intumescere, sed novos etiam spiritus, ac veluti vim novam prolificam haurire. De nitro quidem nullus est dubitationi locus: vitam enim suam, & quasi animam ipsi aëri debet; adeò ut certis temporum intervallis renasci videatur, cum exhaustæ terræ novum salempetræ suppeditent. Verùm de vitriolo nunc agimus, quod ex quibusdam lapidibus nullo serè labore elicitur. Nam contriti lapides aëri frigidiusculo per mensem expositi, humoris accessu aliquantò graviore deprehenduntur, atque in nigrum pulverem ultrò fatiscunt, qui post dimidium serè mensem fit candidior, & quiddam vitriolo simile sapit. Illos porrò lapides passim occurrere asserit Glauberus, qui hoc arcanum primus aperuit. Nigri & politi sunt lapilli, rarò ovi magnitudinem æquant, in lutosa, & candidiore terrâ plerumque inveniuntur; fracti aureum colorem instar marcastitæ aureæ exhibent. Itaque hi lapides primùm in atrum, tum in album facessunt pulverem; vitreis vasis conduntur, multâ persunduntur aquâ; ita ut duorum digitorum altitudinem emineat: hæc intra aliquot dies virorem contrahit, in vas alterum effunditur; nova subinde aqua pulveri adjicitur, idque toties iteratum oportet, quousque nullum ampliùs virorem contrahat. Quidquid aquæ viridis collegisti, per chartam bibulam trajice, tum usque ad cuticulam calore moderato exhaletur, in frigidiori loco reposita cæruleos præbebit lapides, qui nihil sunt quàm vitriolum purissimum. Reliquum aquæ iterum

iterum usque ad apparentem cuticulam excoque, in cellâ colloca, ut novos exhibeat lapillos, idque toties repete; quousque aqua nullum amplius chalcanthum suggerat, sed liquor tantum viridis remaneat, qui nec calore coaguletur, nec frigore congeletur. Illud esse oleum vitrioli dulce adeò quæsitum, & à veteribus Chymicis commendatum, Auctor jam sæpè laudatus asseverat: ita ut aliquot guttulæ unâ cum vino, vel alio vehiculo haustæ vitiosos & superfluos expellant humores, sanguinem expurgent, viscerum obstructions aperiant, epilepsiam, febres, pestem ipsam feliciter curent. Quæ si vera sunt, magna certè illi Chymico habenda est gratia, qui nos tanti arcani fecit participes. Hæc quidem mihi usu comperta non sunt: plurimum in unum duntaxat confero inventa, non ingenii, sed curæ testimonium meruisse contentus. Id genus secreta minimè repudianda puto: sed iis bono modo utendum est, tantum scilicet, quantum sanitati expedit; nihil sine prudentis Medici consilio audendum. Cum de vitæ summâ agitur, periculum facere grave est.

*Men.* Medicos narras. Numquid forsitan te latet, quanta sit inter eos dissensio: nec de terminis, sed de totâ possessione contentundum, cum alii medicamenta Chymica omnino ut venenata, & naturæ nostræ inimica proscribant; alii hæc remedia vulgaribus longè anteposant, quod morborum exstirpent radices, citò & jucundè vires suas exerant. Ad te nunc refero quos sequar.

*Simp.* Ista quidem aliàs excutiemus, neque hic locus negligenter à nobis transibitur. Vetera remedia majestas, & ut sic dixerim, religio quædam commendat: sed vel abolita, atque abrogata retinere, vel recens inventa damnare, insolentiæ cujusdam est, & pervicaciæ, non ferendæ. Neque me cujusquam sectæ, velut quædam superstitio-  
*De Chy- micis me- dicamen- tis.*  
ne imbutus addixi: neque has lites, quæ Medicos exercent, componere præsumo. Equidem optarem, ut Medici spagyricas medicamento- rum præparationes, vel remedia è mineralibus deprompta non aspernarentur: hæc ad Chirurgiam, & Pharmaceuticam plurimum momenti obtinere, ne inimici quidem artis Chymicæ negaverint. At timent, ne intus sumpta calorem nativum opprimant, si frigidiora sint; vel ipsa incendiant viscera, si calidiora existant; sed certè arrodat, si multo abundant sale. Hinc quondam Riolanus spiritus vitrioli usu omnino interdicebat: nam si ipsa corrodit metalla, quid non visceribus facturus est? Quæ si accipimus, nec aceto, nec limoniorum succis, quibus lapides solvantur, utendum est. In his certè eventus ipse optimus est controversiæ judex. Fateor equidem spiritum vitrioli, nisi quam optimè præparetur, uti & alia remedia Chymicorum periculosè adhiberi.

Quod si erretur, non ars ipsa, sed artifex in vitio erit. Quo morbi adversus Galenistarum medicamina contumaces existent, qui spagyricis remediis statim profligantur. Sed, inquit, mineralia plerumque vehementius operantur. Sit illud incommodum, (nam quid ferè undique placet) nos illud comparabimus commodis: noxios quippe humores fortius invadunt; minore dosi exhibentur; quæ languidiora Medicorum remedia non aggrediuntur, spagyrica expugnabunt; tenaces, & viscosos humores, ex quibus morbi ferè omnes scaturiunt, facilius discutient, & incident: cruda quæ sunt suo calore digerent. Hæc penè omnia unus vitrioli spiritus (ne longius divertam) præstat. Nec difficilis erit illius præparatio: nam eodem planè modo, quo nitrum distillatur; sensim in vas candens fornace jam superius à nobis descriptâ inclusum, conjicitur: statim operculo suo vas occluditur; spiritus unà cum oleo in amplum delabitur excipulum. Ubi fumus in liquorem resolutus fuerit, tantundem vitrioli, nimirum semuncia, vel circiter, operculo forcipe sublato, vasi immittitur. Istâ quidem arte magnam liquoris copiam facile eliciunt: sed cum novâ distillatione rectificatam oportet, secus nulli ferè usui futurus est. Quare quidquid humoris extraxisti in retortam effunde, quæ cum suo receptaculo quàm accuratissimè lutetur, & committatur: (nam utendum est vocabulis, quæ in unaquaque arte versantur) eaque in arenâ collocatâ, lentissimo igne spiritum volatilem primùm elicies; cum phlegma majoribus guttis se prodit, tum receptaculum subducitur; aliud sine luto apponitur; exhalato phlegmate oleum corrosivum superest. Sed cum spiritus volatilis multâ aquâ diluatur, poterit oleo corrosivo reddi, ac moderato calore iterum distillari. Quod si spiritum illum volatilem ab omni phlegmate solutum, & liberum eduxeris, næ tibi & temporis, & impensæ ratio optimè constabit. Spiritui vini admixtus magnus erit chirurgiæ thesaurus: nam extrinsecè adhibitus ulcera tum nova, cum vetera, cancerum, scabiem, & malè affectos nervos sanat, podagræ lenit dolores: pauculæ guttæ morbos omnes ab impuritate sanguinis, vel obstructionibus prognatos, epilepsiam, apoplexiam, & maniam expugnare perhibentur. Undè verò tanta spiritui volatili vis? nam totum corpus facile permeat? an fortè sulfure tenuissimo, & subtili sale abundat? Sanè quidem ubi acri & corrosivo oleo non redditur, ut iteratâ distillatione purior fiat, tractu temporis sulfur quoddam subrubrum in vasis fundo deponit; id enim debiliior spiritus, & uberiore aquâ dilutus retinere non valet. Nec sulfur tamen illud narcoticum pretio suo caret: nam egregium remedium est anodinum, & tribus, vel quatuor granis adhibitum acerrimos

mos dolores levat, blandum quoque somnum conciliat. Enimverò neque artem Chymicam tractare suscepimus, neque his artificum formulis nimium confidimus. Nescio quo pacto ipsius Philosophiæ meditationis ad spagyricos labores nostra identidem deflectit oratio: nec culpam tamen deprecor: nam vos hujus sermonis ordiendi principes fuistis: si quid peccatum est, maximam culpæ partem sustinetis.

\*\*\*\*\*

## CAPUT QUINTUM,

### De sulfure, & bituminibus.

*I. De sale, & aquis stygiis perpaucæ ex Cartesii principiis præmittuntur. II De sulfuris naturâ, origine, & variis effectibus, necnon de auripigmento, & arsenico differitur. III. De variis bituminum generibus, & potissimum de succini naturâ, analysi, & usu agitur.*

### Theophilus.



Acilem huic errato veniam dabimus, cā tamen lege, ut ejuratâ Alchymistarum pseudo-philosophiâ, in Lyceum totus concedas. Quid enim insulsius quàm extorquere ex animis nostris cognitiones tum rerum, tum verborum, quibus imbuti sumus, ac novas voces penitus barbaras, & inusitatas, obscuritate plenas, novæ ad eò & inaudita principia inducere. An qui sapiat, Aristotelem Paracelsò, & Severino non anteponat? vel error honestus est magnos duces sequentibus. Jam pridem desitum est contra Democritum, Epicurum, & alios magni nominis Philosophos disputare; nunc recentes, & minutissimi Philosophi cum ipso Aristotele de principatu contendunt. Mitto Chymicos, qui nec cum aliis, nec secum ipsi consentiunt, quique in infinitas propè hæreses scinduntur; & magno tamen supercilio non Galenistas modò, sed etiam suæ artis professores despiciunt. Quis ferat nunc Cartesii Philosophiam jejunam prorsus, atque aridam, ac densissimis tenebris involutam, omninò commentitiâ, non doceri modò publicè, atque omnibus, qui sibi de ingenii subtilitate blandiuntur, probari; sed, quod me magis animi angit, eam longè anteferrî Philosophiæ Peripateticæ, quam totius orbis consensus tot re-

trò

trò sæculis approbavit. Ille quidem, ut jam subinde diximus, Democriti, & Epicuri umbram secutus est, & quæ immutavit, ipse corripit.

*Men.* Define quæso his communibus locis; nobis ista domi nascuntur. Quòd si Democritum, & Epicurum sequitur Cartesius: an flagitium est ea sentire, quæ tu ipse nobilissimis Philosophis placuisse concedis. Sed pauca adjecit, & quæ immutavit, ipse corripit. Ista sanè nisi hîc in tuo regno essemus, non ferem. An ignoras Epicurum atomos, & inane, ut rerum omnium principia inducere; ita ut ex fortuitâ atomorum concursione efficiantur ea, quæ cernuntur omnia. Inane quoque infinitum, in quo nec ultimum, nec extremum sit, commentus est. Motum denique atomorum nulli principio refert, sed ab æterno tempore deducit. Jam vel teipso judice videamus utra Philosophia, Epicuri, an Cartesii cum rebus ipsis, & ratione magis conveniat. Cartesius nullum vacuum in rerum naturâ admittit: neque atomos inseparabiles, seu individua corpora inducit, tanquam rerum omnium primordia. Terram, aquam, aërem ipsum ex particulis ramosis, & crassiusculis componit: in terrâ sunt compactissimæ, & crassissimæ; in aquâ maximè flexiles, & lubricæ; in aëre tenues, & disjunctæ. Istarum partium, ut identidem monuimus, interstitia subtiliori quâdam complentur substantiâ, cujus particule sunt globosæ; neque unquam cessant, sed indefinenter moventur, eumque motum à supremo opifice in ipsâ rerum conditione accepere. Cumque ipsi globuli non possint seipsos contingere, quin vacua relinquant spatiola: hæc adeò subtiliori materiâ, & veluti minutissimo pulvere repleri necesse est; hanc substantiam primum elementum liceat appellare; secundum globuli ætherici, tertium ramosæ, & crassiusculæ partes component. Tenuissima substantia in Sole, stellis, atque igne est uberrima, lucem, calorem, & flammam irrequieto suo motu efficit; cœlestes globuli æthereum mundum constant, atque in aëre, & aquâ dominantur: non enim aquæ fluxilitas aliunde, quam ex motu secundi elementi deducitur; & corpus fluidum hoc solo à duro discrepat, quòd hujus particule sibi implicatæ & consertæ, nec moveri, neque à seipsis disjungi facile possint; illius verò partes fluxiles in perpetuo versantur motu, quæ ætherica efficit substantia. Quid igitur aër, nisi terrestres particule disjunctæ, & malè coherentes in cœlesti substantiâ, vel secundo elemento fluctuantes? Quid ignis, nisi terrestres particule in subtilissimâ materiâ, vel primo elemento innatantes, atque ab eo celerimè actæ. Sed cum hæc alio loco plura, nunc ad ea, quæ à te, mi Simplicii, de salibus dicta sunt.

*Philosophie Cartesiana fundamenta,*

*Aër.*

*Ignis.*

Vobis



Vobis quidem maximus est circa naturam salis, quasitates, & dif- *De sale*  
ferentias sudor : cur sal omne in aquâ exsolvitur ; unde tanta sapo- *juxta Car-*  
rum varietas ; nitrum calidum sit, an frigidum ; cur sales metallis fun- *tes placu-*  
dendis & dissolvendis adhibeantur. Hæc atque alia id genus infini- *ta.*  
ta vestrum acumen exercent, quæ nobis videntur facillima, & expe-  
dita. Sal ex multis corpusculis rigidis componi non semel diximus.  
Hinc friabile existit, quoddam particulæ inflexiles, & duræ, ex quibus  
constat, non ægrè separentur : statim in aquâ liquefit, quoddam aquæ  
corpuscula lubrica & flexilia circa salis spicula convolvantur, eaque  
secum abducant. Malim ego cum Cartesio salis atomos oblongas, &  
acuminatas, quam cubicas, vel angulosas cum Epicureis supponere.  
Hinc enim salis compungens sapor, atque illius in aquâ, vel ære hu-  
mido exsolutio facilius explicantur. Nec mihi sit vero simile, poros  
in aquâ esse inanes, eosque figuræ cubicæ, qui salis quadratas ato-  
mos ; item alios esse diversæ figuræ, qui vitrioli, vel aluminis corpu-  
scula alterius figuræ excipiant. Nullum quippe inane patitur natura,  
cum omne spatium trinâ dimensione constans, corporis notionem, &  
naturam obtineat. Ne illud quidem Epicureis concedam alias atomos  
esse calorificas, alias frigorificas ; sic enim (loquuntur) illas esse ro-  
tundas, has pyramidis similes, unde illæ discutiunt, & agitant, hæ  
verò constringunt, & condensant. Fateor equidem calorem & frigus  
inter qualitates male numerari ; sed nego à solâ figurâ atomorum pro-  
dire. Calorem tum percipimus, cum nervi tactiles fortius imponentur :  
hæc verò agitatio non aliunde ducitur, quam à motu vehementiore  
partium corporis quod contractamus, vel tangimus : istarum verò  
partium motus ab agitatione subtilis materiæ corporis meatus replen-  
tis proficiscitur. Itaque calor nihil erit, quam insensibile corpuscu- *Quid ca-*  
lorum major, & in omnes partes agitatio. Cœlestis autem materiæ, *lor.*  
ex quâ omnis motus oritur, corpuscula alia sunt aliis majora ; quæ-  
que cum aliis comparata sunt majuscula, eadem vehementiorem pro-  
creant calorem, quoddam fortioris agitationis sint capacia. Hinc frigi- *Quid fri-*  
diora censentur corpora, quorum angustiores sunt meatus, quam ut *gu.*  
majusculis pateant subtilis materiæ corpusculis ; ut marmor politum,  
& glacies ipsa, quæ nihil est quam aqua, cujus partes fluiditatem u-  
nâ cum motu amiserunt. Cessat porro motus, quoddam subtilis materiæ  
majusculæ partes avolarint : minores verò, quæ restant, non satis ha-  
bent virium, ut partes aquæ commoveant : hinc ille partes ex flexilibus  
sunt rigidæ ; ex fluidis duræ ; ex agitatæ immotæ. Imò sal ipsum ex  
crassioribus aquæ particulis constat, quæ cœlestis substantiæ motu,  
nec flecti possunt, nec cieri. Quoddam si ignis vehementiâ, vel mutuo  
con-

conficiū fiant planæ, & flexiles, tum metalla acie suâ dissolvent, & linguam sapore acerrimo compungent.

*De nitro.*

Frustrâ quærent, utrum sal, nitrum, & vitriolum frigida sint an calida; virtuale, an formale occultent calorem: cū his corporibus calor insitus non sit, sed à subtilis materiæ motu dependeat: ita ut idem corpus in aliis calorem, in aliis frigus procreet; nitrum enim carbones accendit, & linguam summo frigore percellit: sic vini spiritus extinguendis sæpe inflammationibus utiliter adhibetur. Ne illud quidein à me impetrabunt, nitruin, vitriolum, caustica omnia, venena demum ipsa virtutalem calorem continere: nam si ita sit, cur linguam, & viscera inflammant, cæteris verò parcunt corporibus? an potius idcirco censentur calida, quòd spiritus acerrimos concludant; qui humore diluti, & soluti nervorum fibras dividunt, atque eadem prorsus, quæ calor solet efficere, exerunt. Plura ne addam & res occultissimas aperiam deterreor, ne fortè Theophilus non ferat, si formis & qualitatibus explosis, ad motum, & figuram, rerum penè omnium virtutes, atque actiones referam.

*Th.* Tamenne in istâ pravitate perstabitis? & miror te hæc tam apertè, perspicueque, & perversa, & falsa sequi.

*Men.* Hæc certè mihi magis probantur, quàm fallaces quædam conclusiunculæ, quas Peripatetici ex obscuris, & incognitis principiis colligunt. Sed ista omittamus, & varias salium differentias prosequamur. Sal fixum (ut pauca delibem) à volatili secernitur, quòd illius corpuscula crassiora, hujus sint tenuiora. Sal ammoniacum præ cæteris maximè fugax, & penetrans existit, quòd desinat in cuspidem, quarum apicibus aliæ minutissimæ succrescunt: hinc linguam pungit, & cuncta permeat. Sal tartari oleo vitrioli admistum effervesceat, quòd isti liquores simul commixti sic aptatos habeant meatus, ut primi elementi subtilissimam materiam admittant, globulos verò cælestes excludant. Ignis autem, vel calor tum gignitur, cū subtilissima materia in corporibus regnat, & cælestes globuli exulant: id verò evenit, cū tenuissima primi elementi substantia satis valida est, ut dissecutiat corporum partes, atque æthereos globulos propellat. Hinc spiritus vini, cujus partes sunt tenuissimæ, meatus angustissimi, & primo duntaxat elemento accommodati, statim ignem concipit. Quòd si aquæ stygiæ, vel spiritui nitri instilletur, brevi incendetur; utriusque enim mixturâ globulis cælestibus occluduntur meatus, & soli subtilissimæ, vel ignitæ materiæ patent: hinc primum calor, tum ignis accenditur, quòd tenuissimæ spirituum partes facillè disjungantur, & cum impetu quaquaversum propellantur. Cū partes terreas

*Sal am-  
monia-  
cum,*

*De igne  
& calore,*

fires adeo sunt crassæ, ut dividi non possint, solus calor, non flamma  
 gignitur, ut in calce contingit, Sic metalla igne vehementissimo li-  
 quescent, sed inflammari nequeunt. Sales vero fundendis metallis ad-  
 junguntur: nam spiculis suis partes metallorum duriores aperiunt;  
 lapides autem nullo ferè calore funduntur, quia crassioribus constant  
 particulis, quàm ut possint separari. Quamobrem primum elementum  
 tenues, & oleosas partes movet, dividit, & magno impetu disjicit;  
 hinc flamma: metallorum corpuscula separat, & efficit fluida, sed so-  
 ras non expellit: unde nec ignis accenditur: marmoris verò partes  
 movet quidem, sed non disjungit; nimium quippe sunt ramosæ, & si-  
 bi mutuo implicatæ. Itaque partes tenuissimæ corporum in flammam;  
 crassiusculæ in fumum, aut fuliginem; crassissimæ in cineres abeunt.  
 Nam ubi corpus exurit, si tenuissimæ particulæ tantâ erumpunt  
 copiâ, ut globulos cœlestes è vicino aëre depellant, tum illud spati-  
 um flamma implet. Ex his porro liquet, cur sales fixi aquâ diluti ca-  
 lorem duntaxat, non ignem generent; spiritus verò volatiles, & te-  
 nues flammam concipiant. De spirituum collisione, & fermentatio-  
 ne nihil attinet dicere: nam palam est omnem liquorum misticionem, *Mistic.*  
 fermentationem, pugnam, præcipationem denique à subtilis mate- *Fermen-*  
 riæ motu dimanare: neque enim liquores seipsis permiscuntur; sed *ratio.*  
 cœlestes globuli corpuscula, tertii elementi sibi obvia exagitant, in  
 omnes movent partes, & tandem confundunt. Si quæ sint partes  
 crassiores, & magis rebelles, tamdiu de loco suo dimoveantur, donec  
 cœlestis materiæ agitationi, non magis quàm cæteræ partes resistant;  
 vel si id obtineri non possit, à reliquis separentur. Non dissimili rati- *Coagula-*  
 one caseus coagulatur; crassiores enim partes, ex quibus caseus com- *sum.*  
 ponitur, fluidis antè innatabant, atque unâ cum iis movebantur: sed  
 ubi calor fluidas partes congregat, vel separat; tum crassiores particu-  
 læ moveri desinunt, & tandem subsidunt. Quid attinet de his plura,  
 cum ex iisdem principiis omnia artis Chymicæ mysteria explicari  
 facillimè possint: calore enim & motu cuncta perficiuntur; motus  
 à cœlesti prodit materiâ, cujus majusculæ partes intensiorem calq-  
 rem, vel motum vehementiorem procreant: sed hæc plenius suo  
 loco exposuimus: nunc igitur seriem disputationis nostræ rete-  
 xamus.

*Th.* Rectè tu quidem admones: nam si volumus omnia, quæ  
 pro his, aut contra dici possunt, complecti, nunquam ad exitum dedu-  
 cetur oratio. Nec verò satis assequi possum quod sit vestrum consili-  
 um, aut quid velitis, cum materiam, formas, qualitates è medio tolli-  
 tis, ut ætheream substantiam omnium motionum effatricem, cuncta

permiscentem inducatis; quasi hæc materia invisibilis, atque omnis motus architecta facilius mente concipiatur, quam vulgaræ qualitates. Illa rerum omnium principia decernitis, quæ omnibus sint obvia, expedita, & summè perspicua: sed cum cuncta moveri, & misceri ab æthereâ substantiâ supponitis, cumque corpora in minutissimas particulas conciditis, ex quarum varietate, motu, & figuris, rerum ortus, naturæ, & differentię ducantur, in eandem inciditis obscuritatem, contra quam Philosophia vestra inventa est. Quidquid sit de veritate horum decretorum (neque enim hîc meam interpono sententiam) mihi certum est ab Aristotele, qui omnium serè doctorum consensum meruit, non discedere, ut minutos & obscuros Philosophos sequar, qui laudem sibi ex temeritate, & arrogantia quæsierunt. Recta quidem, & aperta philosophandi ratio plerisque nihil habere ex ingenio videtur: corruptam verò, obscuram, & vitiosam iudiciorum pravitate mirantur; & quod pejus est, propter hoc ipsum, quod prava sit, & à recto itinere deflecta, laudant. Verùm hæc omittamus, ut ad id, unde divertimus, post longos errores tandem revertamur. De illis quidem succis, qui calore concresecunt, atque humore solvuntur, fusius, quàm necesse erat, disseruimus; nunc de aliis succorum generibus, quæ majorem pinguedinem præ se ferunt, quæque calore liquefcunt, quod frigore coaluerint, pressiore stylo dicendum. Ante omnia occurrit sulfur, quod tanquam omnium fossilium commune principium Alchimiſtæ statuerunt; vix enim ulla marcaffita, vel vena metallica invenitur, ex quâ sulfur non eliciatur. Quibus verò modis ex pyrite, aut marcaffitâ sulfur, & atramentum per descensum soleant distillari, apertissimè ostendit Georgius Agricola. Pyritis, vel metallicæ venæ sulfure & atramento prægnantis per tabulam ferream multis perviam foraminibus, ignis incumbentis ardore, halitus in vasa supposita effluat, qui in aquam frigidiorẽ vasis contentam incurrens, statim concrefcit. Marcaffita quoque in minutiores partes concisa retortæ ferreæ, cujus rostrum in aquam descendit, vel ollæ, cujus tubulus prominens aquæ itidem immergitur, imponi solet; igne accensa sulfur subrubrum præbet. Nonnunquam sulfur integrum, & purum è mineris effoditur, præsertim propè montes Ignivomos: aliquando lapidibus adhærescit; sæpè ex aquâ sulfureâ; interim è glebis coctione educitur. Magnos habet in Alchimiâ usus: sulfur sublimatione expurgant; hinc flores è sulfure sub campanâ accenso colligunt: spiritum item acidum, quem mirificè commendant, arte non dissimili eliciunt. Neque eandem viam insistant omnes: ea mihi & tutior, & compendiosior videtur, quam Libavius describit. Sulfur in pulve-

De sulfu-  
re,

pulverem comminutum paropsidi, vel conchæ latiori, aut vasculo terreo imponit; retortam vitream fundo resecto ita suspendit, ut vapor incensi sulfuris per apertum retortæ fundum sursum enitens, in amplum ingreditur excipulum, cui aqua frigida immittitur, & medio septo in duas secatur partes, relicto in medio diaphragmate foraminulo, per quod sulfuris vapor subeat, & in frigidam aquam impingens citissimè densetur. Redificatione opus erit, ut spiritum acidum consequaris. Illud demiror spiritus acidus ex sale, vitriolo, & sulfure vix elici posse, nisi aqua frigidiusculâ in receptaculo præmissâ temperentur; quod fortasse spiritus alii sint humidiores, & insipidi; alii aeriores, & sicci, atque ex utrorumque societate aciditas emergit. Cæterum hic spiritus noxios humores ad partes extimas propellit, atque illius ope multi è ferro vitriolum viride, ex ære cæruleum, è cretâ alumen se facillè extracturos pollicentur.

De sulfuris naturâ omnes ferè consentiunt; calidum est, & siccum, ignis pabulum, terræ pinguedo, & quasi resina vocitatur. Cum purum est, citò incenditur: ubi alumine, & atramento inficitur, flammam ægrè concipit. Colores omnes instar chalcanthi induit; ex iisdem plerumque venis eruitur. Jam verò difficile est, omnes sulfuris vires atque usus enumerare: cum enim vi expultrice donetur, scabiem detergit, phthisim sanat; pulmonem exsiccat, & consolidat ulceram, aliisque medetur morbis, qui ex putredine scaturiunt: sed sulfur flavum, splendidum, & molle ad hos usus eligitur, idque variis modis antè defæcatum oportet. Nonnunquam unâ cum cerâ liquefactum in aquam effunditur, cera innatat, sulfur subfidit, quod si identidem id repetitur, sulfur & purius existit, & rubro colore tingitur. Mitto alios usus, quibus ab Alchymistis destinatur, nam rei metallicæ mirum quantum inservit. Ex illo quoque olea, balsama, spiritus, imò & lacteum succum eliciunt, sulfur enim cum lini oleo coctum, tum distillatum, liquorem lacteum præbet, cui oleum subrubrum innatat. Si quidem oleosa, & pinguis quæ sunt, cum aquâ permixta, lacteum persæpè candorem inducunt. Hinc aquæ sulfureæ aliquando albæ visuntur: licet enim sulfur non facillè aquam subeat, nibilo tamen seciùs cum eâ tandem miscetur, & lacteum colorem illi conciliat.

Hæc de sulfure: nunc de arsenico, sandarachâ & auripigmento perpaucâ: nam sulfuris sunt finitima; ex iisdem venis, & marcaffitis effodiuntur; nec tam naturâ, quàm accidentibus inter se dissident. Auripigmentum luteum est, auro non dissimile: in tenues squamas, *Auripigmentum* aut folia diductum, vel in minutissimum pulverem comminutum splen-

*Arsenicum,*

didiore colore invenitur. Glebosum quoque, & subrubrum, ac sandarachæ similis occurrit; est volatile, & vœnenum, nisi probè emendetur. Ubi halinitro, vel sale urinæ fixum, & correctum fuerit, non canceris modò, & externis ulceribus curandis accommodantur, sed etiam interioribus adhibent; & ita impunè de corio nostro ludunt. Vcteres solâ ustione purgabant sandaracham, & resinâ temperatam præbebant astmaticis. Colore tantùm rubeo ab auripigmento, vel arsenico differt: neque enim arsenicum ab auripigmento sejungimus: album quippe arsenicum factitium est, & solius additione salis per crebras sublimationes albescit. Sic testâ opertâ conclusum, ignis calore in sandaracham faecit; aded ut hæc omnia ejusdem speciei, & naturæ consecantur: eumquæ in omni ferè metallicâ venâ, maximè si auro, vel argento diteseat, soleat occurrere, credidit Geberus Alchimistarum princeps metalla ex sulfure, mercurio, & arsenico constari: nam multum arsenici, vel cadmiæ, aut realgaris exhalant venæ metallicæ, cum excoquuntur, idquæ è spiraculis fornacum colligunt, ad multos usus profuturum. Alii aliter opinantur; sed hæc posterius.

*Bituminum varia generis.*

Nunc de bitumine, quod in varias species diducitur, paulò uberius agendum est: nam de sulfuris, & arsenici usu multis in locis spargemus, præsertim cum ad metallorum tractationem pervenerimus: sed de bituminum naturâ differendi fortasse aliàs non recurret occasio. Magna est bituminum varietas: nam alia liquida, & oleo simillima aquis innatant: alia verò duriora, & compactiora è terræ faucibus eruuntur: illa diversis signantur nominibus. Bitumen candidum, & subtile, naughta vocitatur; nigrum, fœtens, & amarum bituminis nomen retinet: in Judæâ purpureum invenitur, illud asphaltum dicunt, quo mare mortuum, seu lacus Asphaltides abundat. Sic pissaphaltum dicitur, quod ex pice, & asphaltu compositum appareat; non quod sit mixtura ex pice, & bitumine: sed quia communem utrique odorem fœtet. Nonnunquam instar olei liquidum est, idquæ petroleum nominant; aliquando instar limi densum, & crassum existit, malthiam vocant. Bitumen fossile & durum varijs itidem donatur nominibus: nam gagates, lapis Thracius, obsidianus, carbo fossilis, lithantrax, terra ampelitis appellatur: quanquam fortasse tot diversis vocibus res eadem subjiciatur. Bitumen durum, & politum gagates dicitur, quod nomen à quodam Lyciæ, vel, ut placet alijs, Ciliciæ fluvio mutuatum est. Nec ferè differt à gagate lapis Thracius, qui è Thraciæ flumine colligitur: vel obsidianus, qui in Æthiopiâ à quodam Obsidio repertus fertur, cum tamen in Hispaniâ citeriore, Germaniâ

*Gagates.*



niâ, & alibi passim occurrat. Terra ampelitis, cujus pulvis vermicul-  
los, qui verno tempore vites arrodunt, enecat: pharmacitis, ex quâ  
multa parantur medicamina, carbonēs fossiles, & alia id genus vix in-  
ter se, nisi fortè diversâ coctione, & variâ partium tenuitate, aut craf-  
sitiē dissident: sed diversæ nationes diversâ itidem nominina illis indi-  
derunt. Itaque hæc nihil sunt, quàm bitumen nigrum, & fossile: nam  
accensa bituminosum odorem exhalant; contrita in pulverem, ut pin-  
guia quæque in oleo exsolvuntur: ignem facilè concipiunt; neque  
aquâ, sed olco extinguuntur. Eisdem quoque usus in Medicinâ ha-  
bent; exsiccant enim, & aperiunt: adde communem omnibus levita-  
tem, nigredinem, splendorem, magnam cum piceâ arboris carboni-  
bus, quam veteres omnes observant, affinitatem. Imò crediderim bitu-  
men liquidum ex fossili scaturire; utriusque enim eadem sunt vires,  
eadem ferè natura. Galenus quidem testatur, se in monte, qui mare  
mortuum cingit, quosdam lapides planos, & leves collegisse, qui sub-  
tilem flammam atque odorem bituminosum incensi reddebant: adeò  
ut verisimile sit illos lapides nihil esse præter bitumen durum, & fossi-  
le, quod ab aquis fervidis, & præterlabentibus dissolutum in mare  
mortuum devolvitur.

De succini naturâ, & origine multum ambigitur: quidam suc-  
cum arboris definiunt: nam sucini nomen à succo deductum putant.  
Alii, quorum nos sententiæ ascedimus, succum quidem esse, sed bitu-  
minosum, & fossilem contendunt. Qui succinum ex arboribus instar  
resinæ, gummi, vel lacrymæ exoriri sibi persuadent, in diversas di-  
strahunt sententias. Quibusdam placet succinum è populis arbo-  
ribus defluere, in quas Heliadas mutatas fuisse, dum Phaëthontis in-  
teritum deslerent, easque succinum pro lacrymis fundere Poëtæ fa-  
bulantur. Sed faciunt imperitè, qui ab Euripide, & Ovidio ut à testi-  
bus veritatem exigunt. Sunt qui à cedro, alii ab abietibus instar re-  
sinæ exstillari putant; atque ingentes sylvas ad litora maris Germa-  
nici, in quo succinum expiscantur, consitas fingunt. Mirum has ar-  
bores, vel sylvas nec dum à quoquam conspectas fuisse. Nec cedri,  
nec abietes in aliis regionibus hunc succum fundunt. Mitto ingen-  
tes electri massas ex lacrymis arborum consilari non posse. Non fa-  
cilè explicabunt, quâ ratione hoc resinæ genus in mare defluat; citi-  
ùs frigore congelabitur, quàm in mare dilabatur. Quamobrem mihi  
persuasum est succinum in mineralium censu esse reponendum. E fun-  
do maris Borussia propter peninsulam Sudinorum ebullit, idque fri-  
gore aquæ concretum, in recessu, seu refluxu maris incolæ retibus  
extrahunt. Jam utrum sit species quædam bituminis, vel quasi nos, &  
subti-

Succi-  
num.

subtilior pars sulfuris, quæque sint ele&tri differentia, ex quibus principiis coalescat, aliis excutiendum relinquo.

*Men.* Da nobis hoc, mi Simplici, & perface, ut quæ Theophilus coarctavit, & perangustè referat, de variis bituminum generibus dilates tu nobis, atque explices.

*Simp.* Quò me vocas, aut quid hortaris, ut in his diutius immorer, quæ conscripta sunt à multis diligenter, quæque sunt abjectiora, quàm illa, quæ à vobis expectari puto. Nec mihi auctor fueris, ut curiosius inquiram in ea, quæ parvum, vel nullum momentum asserunt. Quis enim non irrideat magnorum alioqui; & nobilium Philosophorum ludicra certamina de bituminum origine. Utrum gagati Lyciæ, vel Ciliciæ styviolum nomen dederit: utrum inter lapides, gemmas, aut bitumina referri debeat? an eadem sit gagatis, nigri succini, lapidis Thracii, gemmæ vel lapidis obsidiani, & lithantracis natura? an res eadem tot diversis vocibus signetur? an denique, quod Gesnero, & nonnullis videtur, variis duntaxat concretionis gradibus, & aliis quibusdam accidentibus discernantur? Naphta quippe liquidior est, quàm excipit bitumen limosum molli luto simile; pissaphaltum sequitur, quod aliquantulum crassius existit: sed tamen instar ceræ digitis cedit; asphaltum majorem præ se fert dyritiem: succinum nigrum, terra ampelitis, carbo fossilis, lithantrax, gagates, lapideam ferè dyritiem nasci sunt. Hæc quidem omnia ex bitumine concresecunt, sed varia terræ, & salium admistio, diversa item coctio, tot inducunt differentias. Gagates plus olei reddit, quàm amptra nigra; hæc sicci-or cum sit, non tantum fumi exhalat. Qui istarum rerum intimas differentias inquirat, distillatione utatur; ea verò nec exiguo potest tempore absolvi, nec institui, nisi præparato otio: nec mihi yacat in his rerum minutis tempus impendere. Quòd si Libavium, quem Theophilus cæteris Chymicis anteponit, audiamus, gagates distillatus primum aquam nitrosam, acrem, & albam exhibet. II. Oleum nigrum. III. Bitumen, quod initio liquidum, tum crassius est, & asphaltum simile elicitur. Caput mortuum nigerrimum, & naturæ rarioris in fundo superest.

*De succi-* Succinum itidem distillatione resolutum aquam lacteam, & acrem  
*ni analysi,* præbet, tum oleum primò album, deinde citrinum, quòd ultimò egreditur crassum est, & bitumini simillimum. Sal quoque candidum, quod pruina refert, è succino attollitur: illius sapor nitrosus est, & acutus, in candentem laminam coniectum, multum exhalat fumum. Succinum vitrioli acrem saporem, cum pinguedine quâdam ingrata videtur præ se ferre, quod argumenti satis est, ut inter mineralia censatur.

seatur. Bitumine quippe abundat, nec chalcanthi, & nitri deest com-  
mixtio. Arborum verò lacrymæ, vel gummi ubi distillantur, nec cine-  
res relinquunt, nec tot res adeò diversas præbent: non demùm in-  
ta durities in succum arboris cadit. Addit Gæbelius, se vidisse suc-  
cino adnatam melanteriam, vel chalcitim; Islebiæ inventam esse mas-  
sam succini, quæ capitis humani molem æquaret. Odor, sapor, vires,  
colorum varietas electri, & bitumini sunt communes. Nec mirum, si  
bitumen ex imo mari exæstuans concreascit in succinum, cum oleum  
stillatitium electri, vel succini bitumen in fundo relinquat. Gagates,  
bitumen, & alia id genus leviter incensa succinum olent; quòd si  
acriore flammâ torreantur, graviolem odorem fatent, qualis est ni-  
dor sulfuris cum electri permisti. Purissimum quoque oleum succini  
vix à petroleo discernes.

Sed perturbat nos Plinii, Cornelii Taciti, atque aliorum vete-  
rum auctoritas. Hos quidem placare cupit Libavius, refellere non au-  
det. Succinum aliud esse minerale, & quasi bituminis florem; aliud  
vegetabile & resinofum; tertium denique ex utroque temperatum es-  
se decernit. Nam Orientale, quod instar vini Falerni trahet, & Fa-  
lernum vocitatur, non succinum, sed quoddam aromaticum redolet.  
Hinc solvit argumentum eorum, qui electrum statuunt arboris suc-  
cum, quòd nimirum muscas sæpè, formicas, & alia animalcula visci-  
ditate suâ implicata exhibeat: quam rationem urget summo vir inge-  
nio C. Tacitus. Succum, inquit, arborum esse intelligas, quia terrena  
quædam, atque etiam volucris animalia plerumque interlucent, quæ  
implicata, humore mox durefcente, materiâ eluduntur. Accedit etiam  
permagna succini cum resinis, & pice affinitas. Si naturam, inquit  
Tacitus, succini admoto, igne tentes, in modum tædæ accenditur,  
alique flammam pinguem, mox ut in picem resinsamve lentescit. Pli-  
nius refert ex Indiis advectum electrum fuisse cum cortice. Sed quid  
obstat quominus muscas, vel alia animalia, imò & arborum cortices  
succino adhuc liquido, & oleaginoso involuta, ac veluti sepulta fu-  
isse fateamur? Præfertim cum pisces, & piscium ova inserta, atque  
implicata succino nonnunquam reperiantur. Neque necesse est va-  
ria electri genera comminisci; cum nullum nisi idem minerale oc-  
currat, cujus ut bituminis diversæ species numerantur. Primas qui-  
dem candido deferunt: est enim purissima bituminis portio, & odo-  
ris gratissimi. Illud excipit fulvum, seu Falernum, quod veteribus  
magno in pretio fuit; sequitur succinum variis distinctum coloribus;  
est quoddam oppacum, squalidum, nec colore, vel odore suave, quod  
nullo ferè habetur loco. Succinum, gagatem, ceram obfignatoriam,

*Objectiones dilu-  
ment.*

& alia id genus pingua, ac resinosa paleas attrahere fugit neminem : quæ sit hujus tractionis causa idoneo loco diximus. Spiritus acres, & oleosi affrictu, vel calore excitati res obvias facillè penetrant, & visceri cum sint, tenaciùs adhærescunt; frigore coagulati ad locum suæ originis revertuntur, & secum levia corpuscula, quibus erant implicati, abducunt : vel halitus pingues erumpunt apertis meatibus, & tanquam tenuissimi nervuli ducuntur, donec longo itinere tandem fatigati disrumpantur : undè altera extremitas, quæ succino adhæret, in originis suæ locum redit, ut evenit in funiculo vehementiùs tenso. Quamobrem nihil necesse est ad sympathiæ, vel antipathiæ miracula recurrere, ut electricas attractiones explicemus : nam tenuis, & viscosus halitus, qui ex succino prorumpit, leviora quæque corpora corripit, isque visco suo tenaciter adhæret ; frigore verdensatus in locum suæ originis unà cum prædâ revertitur. Hic nullus est qualitibus locus ; effluviis, & halitibus res tota perficitur. Nec doctissimè Cabæo assentior, qui ex electricis, & bituminosis corporibus effluvia tantâ vi putat erumpere, ut ventum excitent, quo aer verberatus interjecta corpuscula in electrum desert. Mirum si ventus illa corpora potiùs in ipsum succinum, quàm aliò propellat. Quid est cur palcæ & arida folia in electrum impacta, ipsi adhærescant ? nec verisimile est halitus pingues tanto impetu efflari, ut circumfusum aëra dimoveant. Quànto probabiliùs est illustri Digbæ, quam mox exposui sententia, halitus pingues è succis bituminosis calore extenuari, frigore contrahi, cumque sua spicula folio, vel palcæ infixere, tum illud corpusculum, non familiaritate quâdam naturæ, non occultâ & magicâ qualitate, sed glutine & oleosâ pinguedine irretitum in succinum ruit. Sed cur bitumina potiùs, quàm alii non minùs oleosi succi hac vi attractice donantur ? an quod dura hæc corpora halitus vegetiores emittunt, qui frigore contracti, non ab aëre dissipantur, sed in fontem suum reflectuntur. Quare affrictu lacescita fortiùs trahunt ? an quod spiritus copiosi motu excitantur ? an potiùs sordes frictione detergantur, & meatus aperiuntur ? Hinc politum succinum vim suam fortiùs exerit. Concretis etiam, & densatis halitibus occlusi meatus motu, & affricione referantur. Tenuissima illa stamina nimio calore disrumpi, moderato excitari satis compertum est. Vis quoque illa electrica humido cælo languidior est, sereno vegetior : nam humor aquosus ista effluvia reprimat, & poros obstruat.

Bituminosa quæque semel incensa vix frigidâ possunt restingui : non enim aqua facillè oleosa corpora penetrat, neque cum iis permisce-

miscetur: sed affuso oleo citius extinguuntur, quòd oleum suà densitate, ac naturæ familiaritate istorum corporum subeat meatus, & flammam opprimat.

*Men.* De naturâ, & origine succini, neque non de variis bituminum generibus satis ut opinor multa. Cum verò ad hominum commoditates tantam rerum ubertatem natura largita sit, si præcipuos tum succini, tum bituminum usus exponere non graveris, non mediocrem à nobis initurus es gratiam.

*Simp.* Expromam ut potero. Non equidem is sum, qui scientias *De usu succini.* omnes utilitate, & emolumentis metiar: neque ignoro illas esse longe diviniore, quæ in solâ inspectione & contemplatione sui objecti positæ sunt. Sed quorsum ad rerum minutissimarum cognitionem descendimus, si nolumus ex iis, quosdam veluti fructus decernere? Frustra mineralium, & plantarum anatomiam tam accuratè, & quasi superstitiosè persequimur, nisi hæc ad utilitatem nostram referamus. Succinum quidem, si retortâ conclusum, cui excipulus cum aquâ præmissoriâ aptetur, leni & moderato calore distillem: primum, oleum tenue, & album proliciam, cui statim succedet, quod mutato receptaculo excipiam: tandem rubrum seorsim quoque extraham. Numquid tantum his operibus laborem impendam, ut natura succini mihi explorata habeatur. Quòd si res omnes resolvere, & usque ad ultimas fibras refecare velim, quando finis? Quare longè consultius fuerit, ista olea ad corporis sanitatem, & morbos expugnandos convertere, quàm de eorum naturâ, & variis coloribus disputare. Quòd si Chymicis aliqua sit habenda fides, nihil est chordi, & cerebro tam amicū, atque oleum succini repetitâ distillatione rectificatum. Balsami loco esse potest, atque illi potissimum conveniunt omnia, quæ petroleo (quòd nihil est, quàm purissimum bituminis oleum) tribuuntur. Morbis serè omnibus, qui cerebrum, & cor invadunt, medetur; apoplexiam, vertiginem, paralysem curat; adversus venena, & pestem summum habetur remedium; pestis tempore naribus admovetur, ut venenatum aëra procul arceat. Oleum crassiusculum succini cum unguento idoneo permiscetur, eoque membra paralytica illinuntur; contractos sæpe nervos solvit; nec mediocriter ad strangulatum uteri calculum, & hydropem confert. Dentium doloribus utilissimum quoque habetur: nam sive spiritus acres hunc dolorem afficiant; sive humores è cerebro distillati; seu denique vermes quidam dentes arrodant: succini oleum tenue, & penetrans spiritus dissipat, humoribus viam aperit, vermes necat. Multis profuit camphora spiritu vini soluta: magna quippe est inter succinum, &

De cam-  
phorâ.

camphoram cognatio : hinc Averroes ambram sive succinum camphoræ speciem definit. Et certè oleum succini camphoram redolet; ita ut multum in Agricolaë sententiam propendeam, qui camphoram inter mineralia, non inter gummi, vel lacrymas numerat: nec ferè à Babyloniorum naphthâ differt, nisi solâ partium subtilitate. Imò quæ ex Indîâ in has regiones advehitur, factitia est, atque ex nativâ, seu ex bitumine Indico per sublimationem extrahitur. Nullus verò arboris succus sublimatione purior evadit: nam per arboris fibras, tanquam per tubulos elatus satis defæcatur. Sic thus, myrrha, bdellium nullâ arte elaborata ad nos perveniunt. Sed quæ è terræ visceribus eruuntur, operam, & laborem hominum exigunt, ut fiant puriora: ex multis enim succis promiscuè confusis coalescunt, quorum alii nobis sunt utiles, alii verò infesti: atque in hoc artis Chymicæ summa consistit, ut fossilia in suas partes dissecans, venenatas à salutaribus secernat. Sulfurea imprimis, & pingua vix pura, atque à noxiis mineralibus libera occurrunt: raro sulfur omnis arsenici, vel vitrioli expers invenitur: quantumvis in flores sublimetur, virus suum non deponet. Neque aliter quàm salis, vel nitri spiritu acidò expurgari omninò poterit. Florum sulfuris libra in cucurbitâ, seu vase vitreo unâ cum duabus libris spiritus salis collocatur; aptato alembico, ne spiritus pereat; primùm igne moderato, tum sensim aucto excoquitur, quousque sulfur instar olei spiritui salis innatet: post aliquot horas instar vitri pellucidum extrahitur magno usui futurum: nam spiritus salis quicquid in sulfure alienum, & impurum latebat, ex solvit.

Eâdem arte succini, bituminum, & omnium vegetabilium olea purgantur: nam rectificata cum spiritu salis, non modò puriora, sed etiam tutiora redduntur: suavem odorem assant; empyreuma, seu ignis impressionem exuunt; crassiores faeces in fundo vasis deponunt. Sic oleum succini & gagatis purissimum & gratissimum elicitur, crassum in imo subsidit, quod à spiritu salis secretum, instar balsami vulneribus externis utile futurum est. Cùm autem pleraque Chymicorum remedia vehementioris caloris vitio laborant, huic incommodo facîle possumus occurrere, si olea exstillata diversis vasis excipiantur: quod enim primum egreditur, purissimum quidem, sed idem impensè est calidum, interiores sonat affectus, qui ex nimio plerumque frigore, vel obstructionibus oriuntur: est quippe penetrans & subtile. Sequitur aliud, quod ut tenuitate, sic calore aliquantulum inferius est; ultimò tandem crassum oleum prolicitur, quod interioribus morbis minùs quidem commodum, sed vulneribus est optimum. Taceo spiritus salis beneficio ex rebus ferè omnibus oleum, non substantiæ modò



modò purioris, sed etiam odore, & sapore longè gratissimum, ac multò uberius quàm vulgari methodo nos posse consequi. Quod enim ex retortâ elicitur, ut plurimum redolet empyreuma: ignis quippe gravem rebus omnibus odorem imprimit, ut videre est in rosis per retortam distillatis. Neque illud ignis vestigium aliter deponunt, quàm spiritu acido, qui partes fuliginosas retinet. Major quoque ex rebus ferè omnibus olei copia hac arte educitur: neque enim seminum, & plantarum olea per vesicam vulgari methodo facilè attoluntur, cum aqua non satis habeat virium, ut delitescens in seminibus oleum solvat; nec sat caloris, ut id sursum efferat: hinc vesicæ cupræ beneficio perpaucum elicitur, quod etiam cupri vitriolo inficitur. Copiosius quidem per retortam prodit, sed adustum, nigrum, odore ingrato, & sapore injucundo. Quapropter optimam his operationibus munierunt viam, qui spiritum salis, vel nitri acidum adhibere: quâ quidem arte ex succino, gagate, & carbonibus fossilibus oleum album, tum flavum proliciunt, nigro in vasis fundo supersit, quod instar balsami vulneribus curandis esse potest. Album verò, & flavum spiritu salis rectificata odorem spirant suavissimum, & plerosque sanant morbos, qui ex venenato aëre, obstructionibus, atque aliis ex causis scatent. Non equidem mihi excidit, quod superius attingi, sulfur, & oleosa quæque fixo nitri liquore defæcari; atque hæc industriâ res venenatas in utilia commutare medicamina: sed aliâ instituit viâ, quam quidem vobis satis apertè commonstravi. Sulfur in pulverem comminuunt, qui alterum tantum nitri fixi adjiciunt: sulfuris libram cum duabus nitri fixi permiscent, quibus sex aquæ libræ affunduntur; in arena horæ spatium unum digeruntur, tum sulfur exsolvitur, per chartam bibulam trajectum, spiritu nitri acido in tenuissimum præcipitatur pulverem, quem elutum pulmonum morbis utilem prædicant. Nihil hæc opus est de spiritu sulfuris dicere: sed ne quid dissimulem, vix purum, & sincerum sulfuris oleum venale offendimus; Illius loco prostat vitrioli spiritus, non multum ab similibus, sed viribus longè impar: nam spiritus sulfuris jucundam præ se fert aciditatem, pulmones juvat, gangrænam curat, magnos denique & multiplices habet usus, tum in Alchimiâ, tum etiam in Medicina. Campanæ vitræ beneficio perpaucum eliciunt; citius enim incalcescit campana, nec possunt sublatis vapores concrefcere. Mihi cuncta rimanti nulla compendiosior succurrit ratio, quàm in vas distillatorium superius à nobis descriptum jam candens frustulum sulfuris ovi magnitudine conjicere; ocluso statim vase, spiritus unum cum floribus in receptaculum protruditur: idq; sæpius iterabis; spiritum à floribus per aquæ affusionem

secernes: aquam distillatione extrahes; ac reliquum erit optimum sulfuris oleum, vel spiritus: sed ista usu magis, quàm præceptis docebuntur.

## CAPUT SEXTUM.

### De lapidibus in universum.

*I. De communi lapidum materiâ, effectrice, & formali causâ ex communi Peripateticorum sententiâ disseritur. II. Quid nobis videtur de lapidum causis proponimus. III. De principio coagulationis. IV. De calculo disputatur.*

*Menander.*



Nobis quidem ista sunt pergrata, perque jucunda; & ut mihi videtur, de rebus obscuris à te dictum est, non modò dilucidè, sed etiam verbis ornatius, quàm plerique solent Philosophi. Non equidem in eâ sum sententiâ, ut Philosophus neglecta rerum copiâ, Latinitatis minutias capet; id enim puerile est, & frivola in parvis jaetantiæ. Præclarè dixerit, si res bonas planè & perspicuè expediat; neque abhorreat ab omni politiore elegantia, nec verborum argutias affectet: obscuritatem tanquam scopulum fugiat; nec verba aliquando parere, ac nova novis rebus nomina imponere reformidet. Nam ut pulchrè Tullius, ne opifices quidem tueri sua artificia possent, nisi vocabulis uterentur nobis incognitis, usitatis sibi. Verùm hîc quoque certus est adhibendus modus: Chymici enim nimis intemperanter hoc jure abutuntur; nec satis habent loqui more quodam suo, nisi etiam nova quotidie fingant vocabula; adeò ut non tam sint rerum inventores, quàm verborum. Illis tamen vulgares Philosophi ignoscant velim, quorum scientia magis terminorum, quàm rerum explicatione continetur: magna quidem professi, in parvis versantur. Fremant omnes licet, dicam quod sentio, unius Cartesii liber omnium Philosophorum bibliothecas, & rationum pondere, & utilitatis ubertate superat. Verbis utitur non privatis, non barbaris, sed usitatis, & communibus; rerum omnium principia, mundi structuram, siderum motus, atque omnia naturæ opera tam apertè tradit, ut post illum tacere modestissimum foret.

*Th.*

*Th.* Quam sit facilis, & cuique obvia Cartesii philosophandi ratio, illi viderint, qui ejus disciplinæ arrogantiam, quasi difficillima sit, ita subnixi ambulant. Præclare de rebus cœlestibus, & meteoris tractaverit, nihil enim pugno: certè res subterraneas & fossiles parcè, ac leviter attigit. Quare licebit nobis per Cartesium de naturâ, & generatione tum lapidum, tum metallorum diligentius inquirere. Id enim sequitur, ut postquam de terris, salibus, sulfure, & bituminibus, fusiùs fortasse, quàm necesse erat, tractatum à nobis est, de lapidibus primum in universum, tum de singulis separatim agamus. Atque ut viâ, & ordine progrediamur; quæ sit communis lapidum materia, quæ causa effectrix, quæ demum forma, intueundum puto; tum de lapidum perspicuitate, coloribus, figuris, duritie, atque aliis accidentibus agendum. Placet igitur, quoniam omnis disputatio de lapidibus futura est, antè definire, quid sit lapis. Nonnulli definiunt mixtum perfectum, durum, terrestre, frangibile, non ductile, nec per se liquabile: alii paulò aliter finiunt, corpus mixtum, maximè durum, nec ductile, quod in aquâ non exsolvitur. Non enim adeò constat lapides liquari non posse, ut id extra omnem sit controversiam. Nunc quæ sit materia lapidum videamus. An fortè, ut ex vapore aquoso metalla, ita ex halitu sicco lapides concresecunt? Sic videtur Aristoteli: an potius ex humido unctuosum, vel ex terrâ, & aquâ subtilissimè permixtis; vel denique ex succo lapidifico, per varios terræ meatus percolato lapides efformantur? Profectò eos ipsos, qui in hoc se aliquid certè habere arbitrantur, addubitare cogit doctissimorum hominum de re obscurissimâ tanta dissensio. Quòd si quid in his sequi oporteat, potior erit *Qua sit* apud me Avicennæ sententia, qui lapidum materiam, non tenuem ex- *Lapidum* *materia.* halationem cum Aristotele: non enim potest halitus siccus citra humorem in corpus durum commeare; nec solam terram, cujus partes, si omni humore destituantur, in pulverem fatiscunt; nec solam aquam, quæ frigore concresecit, calore solvitur; cum lapides vix, aut nunquam calore liqueantur; non demum terram aquâ leviter dilutam, ex qua nihil nisi lutum emergit; sed humorem viscosum & terrestrem esse putat; adeò ut continuitatem humor, terra largiatur soliditatem. Siccitas terræ humiditatem aquæ sinit, ne diffuat; humor minutissimas terræ partes commiscet, & necit: hinc lutum induratum atque à superfluo humore liberatum, ad lapidis soliditatem accedit. Quòd si humor viscosus non foret, calore citò avolaret. Hinc quæ lapides pervagantur venæ, nihil sunt, quàm terra quædam exsiccata, quæ facile in pulverem comminuitur, quòd ab his partibus omnis humor sit exhaustus. Aristotelis sententia vix potest defendi, nisi fortè ma-  
teriam

teriam lapidum, non quidem proximam, sed remotiorem adferat. Quamvis non sola exhalatio sicca, ex qua nihil nisi minutissimus pulvis potest emergere; sed halitus vapore permistus ad generationem lapidum conspiret: exhalatio tamen terrestris primas sibi partes sumit: nam terram magis, quam aquam in lapidibus abund. &c. hinc satis liquet, quod non, uti metalla, calore solvantur. Quod si sola in lapidibus regnaret aqua, nihil esset causæ, cur omnes fundum aquæ peterent: non enim glacies ad imum deprimitur, sed magis enatat. Quocirca lapides non aliundè, quam ex tenaci luto, vel succo lapidifico prodeunt: lutum est, ubi terra copiosior; succus, ubi aqua dominatur: nec succus lapidificus aliud est, quam aqua saxeis ramentis prægnans: hæc enim ubi calcis mineras præterfuit, calcem pulverem secum vehit, qui sæpe in gypsum, vel in lapidem specularem abit, cum exuberans aqua, vel percolata, vel calore diffusa fuerit. Quamdiu succus ille agitur speciem aquæ præ se fert, sed ubi consistit, lapidis duritiem statim contrahit. De materiâ lapidum hæc tenus; nunc quæ sit eorum effectrix causa, dicere experiar.

*De causâ  
effectrice  
lapidum,  
ex vulgari  
sententiâ.*

Non solus calor lapides fingit; ut placet Aristoteli: sed qui aquâ dissolvuntur, calore induruerunt; qui verò ignis violentiâ liquefunt, ut silices, frigore obriguere: calor quidem humorem superfluum exhalat, & tantum relinquit, quantum partibus uniendis satis est; frigus verò cum aërem expellit, tum humorem fortius congelat, & conglutinat: hinc lateres, & pumices, quos calor effinxit, multis poris hiant: silices, & gemmæ occlusos habent meatus. Frustra igitur Avicenna, & Albertus Magnus ad vim quandam mineralem & plasticam confugiunt; quasi lapides instar plantarum, vel animantium vi seminariâ, & formatrice donarentur. Lapis lapidem non gignit, & vis illa seminaria omnino commentitia est, & inutilis, cum solo calore, vel frigore lapidum materies transmutari possit. Sed de Alberti inconstantia longum est dicere: nam vim lapidum formatricem, in ipsâ materiâ aliquando collocat; modò illam stellis firmamenti assignit; interdum loco ipsi, qui materiam lapidis comprehendit, istam virtutem tribuit: quæ quidem vis lapidifica primò materiam alterat, tum illam apprehendit, seu terram unctuosam complectitur, & tandem superior facta terræ dominatur, & eam convertit in lapidem. Virtus vero formatrix à cœli motore, tanquam ab universali opifice dimanat, hanc stellæ determinant, atque ad certam speciem trahunt: nam ut ex planetis metalla, sic è stellis fixis varias lapidum species oriri putat. Elementa demum materiam suggerunt, & præparant; vis illa formatrix, quæ à primo motore defluit, est tanquam ars ipsius artificis, vel forma dirigens

dirigens : virtus stellarum similis est operationi manus ; sed elementa quasi instrumenta , quæ manus movet , & ars dirigit , famulantur . Hoc igitur fundamentum suæ opinionis præclare jactum Albertus existimat . Non equidem inficior Deum ut supremum opificem , rerum omnium ortus moderari ; cælum quoque causæ universalis nomine generationes promovere , non invitus concedam : sed variis stellarum affectibus , diversas lapidum species exoriri , nunquam in animum inducam meum ; & vehementer admiror , tantum Philosophum Chaldaeorum vanitate seductum , puerilibus fabulis suos libros referuisse : quasi eadem sidera non ubique radiarent , aut stella , quæ toti lucet orbi , in unum locum potius , quam in alium , influxus suos effunderet . An fortè cùm calculi in lumbis concresecunt , stellas fixas , non lentum , & viscosum humorem , vel exuberantem calorem accusabis ? Quorsum ad causas primas , universales , & occultas confugere , cùm proximæ , & continentes in promptu sint .

Omnes quippe lapidibus vel calor , vel frigus , vel succus denique lapidificus indurat ; sive hic corporum subeat meatus , sive plantas , vel animalia obducat , & incrustet ; seu demum intrinseco calore sensim concoctus , & densatus , ubi moveri cessat , statim cogatur in lapidem . Neque ulla vis lapidum effectrix ipsi loco inest : tamen si <sup>Unde lapidum figura.</sup> tametsi figuram fortè largiatur : nam succus lapidificus sui loci figuram inducit ; adeò ut necesse non sit ad spiritum lapidificum , vel rationes seminarias à loco duci oportere : sed partim loci , tanquam vasis figuræ materia lapidum sese accommodat ; partim à caloris , vel materiæ diversitate oriuntur . Ubi calor æquo nisu humorem expellit , & materiam ubique sui similem sumunt ; sive æquabiliter succus affundatur ; sive ex minutissimis compingantur arenulis . Cùm verò humiditas eximitur , non ipsius caloris vi , sed quia humor ipse sensim exhalatur , ac veluti languescit , tum lapides in diversos scinduntur angulos : idque eo ferè modò perficitur , quo videmus nitrum , atque alia salium genera in varias efformari cuspides : tum enim humore paulatim ad interiora confluyente , partes leviores ad exteriora , vel angulorum apices protruduntur . Multum quoque hîc fortunæ , & casui licet : nam materies lapidum exsiccata , sponte suâ finditur in varias partes ; ferè uti paludosa terra , ubi solis impulsu exarsit , ultro fatiscit , & variis linearum ductibus , diversas quoque delineat figuras , quarum rationes si curiosius investiges , nihil agas .

Non figuram modò, sed etiam magnitudinem, & distinctionem, tum à materiæ diversitate, tum à loci dispositione lapides mutantur : majores enim exsurgunt, cùm locus est solidus, & succi copia uberior : cùm autem locus multis meatibus hiat, tum calor per hæc spiracula diffusus ipsam dividit materiem, nec tantæ molis efformantur lapides. Sic arena, & minutissimi lapilli effingi solent : quanquam arena non rarò ex aquâ, quæ saxa præterfluit, colligatur,

*De lapidum perspicuitate, & coloribus.*

Hic quas tum perspicuitatis gemmarum, tum colorum causas esse putem, nunc dicere aggrederer, nisi hic locus jam alibi fusè tractatus à nobis fuisset. Interim illud monuisse satis fuerit, perspicuitatem non à terrâ, sed ab aquâ, vel succo purissimo dimanare. Nam terram sequitur opacitas, aqua verò pellucet, quam in pretiosis lapidibus dominari, hinc patet, quòd gemmæ ignis ardoribus solvantur, cùm saxa, quæ plurimum terræ obtinent, nullo liquentur igne. Crystallus itaque, beryllus, adamas, vitra sunt sincera, quæ naturæ elaboravit industria, & quam ars dare non potest durtitiam, vel firmam partium adhesionem, gemmis natura concessit. Ars quippe imitatur naturam, non assequitur. Mitto alias causas, ex quibus gemmarum perspicuitas duci possit ; præcipuæ tamen sunt substantiæ puritas, continuitas, partium homogenearum in eadem rectâ lineâ collacatio. Nec diu nos morabitur alia huic proxima disputatio, unde oriatur tanta in lapidibus colorum varietas : nam de natura & distinctione colorum subtilius suo loco disseruimus : quanquam rein nondum consecram esse, neque ad exitum venisse quæstionem putem. Vix enim tibi assentior, Simplici, colores omnes ex interno lumine emergere ; neque, ut ego arbitror, una omnium colorum causa, & origo existit : nonnulli ex elementorum qualitatibus exsurgunt ; quæ aduruntur, si paucò humore diluantur, nigrum contrahunt colorem : plumbum calcinatum, primò candidum fit, tum flavum, tum denique purpureum. Lapidis soli expositi plerumque virides, vel subnigri evadunt : sed qui in locis umbrosis, & opacioribus jacent, æruginosum quendam colorem præ se ferunt. Interim colores ex variâ corpusculorum figurâ, & diversâ radiorum interceptione prodeunt : nam mihi persuasum est, sæpissimè candorem ex multiplici reflexione, hanc verò ex multis corpusculis sphericis, oriri ; idque in spumâ & nive licet intueri, quæ innumeris constant globulis : sic albi marmoris corpuscula sunt spherica, & longè minora, quàm nigri ; unde illud crebriores radios regerit, hoc pauciores. Postremò lapides cum sæpè colorem servant, quem succi, ex quibus coaluere, antè obtinuerunt. Nonnunquam mineralium tinguntur halitibus. Quantum igitur complector animo, qua-



quatuor sunt potissimæ colorum in lapidibus causæ; temperamentum, varia luminis externi reflexio, quæ ex figuris corpusculorum, ex quibus compinguntur lapides, pendet; tinctura foris adveniens, quibus denique (ne tecum litigare videar) lumen quoddam intum, & secretum, ac perspicuitatem rebus omnibus congenitam adjungemus. De materiâ, & causâ effetrice, nec non de figuris, coloribus, & perspicuitate lapidum diximus; sequitur ut unde duritiem suam, & soliditatem repetant, inquiramus. In quo mihi magnum cum Spagyricis certamen ineundum est; ita ut verear, ne Simplicio Chymicorum patrono majorem largiar contradicendi libertatem, & licentiam.

*Simp.* Ego quidem nec Chymicis, sit certa quædam tuenda sententia. Quæsum, ut mihi, velim noli, sit certa quædam tuenda sententia. Quare ne verere quidquid istuc est, quod adversus Chymicos animo premis, nobis proponere.

*Th.* Accingor. Communis omnium Philosophorum sententia. *De lapidum concretionem.* est, non lapides modo, sed etiam mixta quæcunque sint omnia, suam firmitatem, soliditatem, atque, ut loquuntur, coagulationem à terrâ repetere: seu calor ea constringat, seu frigus congelet. Metalla quidem, quæque calore solvuntur, multâ aquâ abundare fugit neminem; verum illam concretionem non aqua sola efficit, sed aquæ cum terrâ exquisita commixtio. Quare, ut id verbo complectar quod volo, in rebus solidis terra dominatur; calor, & frigus illam concretionem, ut causæ effetrices promovent; humor pinguis, & tenax, fibrarum plexus, accurata denique terræ, & aquæ permixtio nihil esse, quam causæ adjutrices mihi videntur. Qui ex succo prodeunt lapides, & gemmæ, plerumque sunt duriores: nam ex terrâ, & aquâ, subtilissimè permixtis coaluere, oculos adeò, & angustissimos sortiti sunt meatus; ita ut humor exitum non habeat. Postremò lapides, qui neque ex tenaci luto, neque ex succo lapidifico indurere, ubi longum, & vehementiorem sustinent calorem, tum humor malè commixtus apertis meatibus facilè exhalatur, & sola remanet terra, plerumque instar cretæ alba, mollis, rara, friabilis, unde & in pulverem sponte suâ dissolvitur. Hoc lapidum genus fabricis est penitus inutile: nam Soli expositi statim humore privantur suo, vel cæmento suo distracti solvuntur: contrâ duriores, & densi ad Solem magis indurescunt; nam superflui duntaxat humor radiis solaribus extrahitur. Silices verò, quòd poros habeant angustissimos, nec calcis corpuscula possint admittere, neque ad regulam secari queant, ab Architectis rejiciuntur. Marmor quidem cum patentes habeat meatus, & rectè dispositos, ferrâ inciditur, nec calcem recusat. Ex his igitur manifestæ sunt,

concretionis, seu coagulationis, lapidum causæ: neque opus est ad salem cum impurâ Paracelsistarum factione recurrere: salem quippe in lapidibus & metallis delitescere, magis à Chymicis disputatum est, quam probatum. Sed ut minuam controversiam, rem ita esse, ut volunt, concedam: quibus tandem rationibus evincant rerum firmitatem, & duritiem ex sale potius, quàm ex terrâ duci oportere? Sal omne in aquâ exsolvitur, corpora quæque arrodit, ut in aquis stygiis videre est. Quomodo igitur figit, consolidat, ac rebus omnibus tribuit firmitatem, cum ipsum nec stabile, nec firmum existat? Quis unquam Chirurgus fractis ossibus sal adhibuit? Mallem ego ut oleosum, & bituminosum humorem coagulationis causam inducerent: nam & bitumina concresecunt in lapides, & viscosus humor conglutinandis corporibus magis erit idoneus, quàm sal omni tenacitate, & soliditate destitutum. Profectò si à sale quidquid terræ, & olei inest detraxeris, nihil supererit, quàm minutissimus pulvis, qui dissolvat quidem, non adstringet corpora. Mirum etiam Chymicos coagulationem principiis potius, quàm elementis tribuere; cum illa sint subtiliora, hæc crassiora; illa spiritibus, hæc corporibus viciniora. Totæ res vacillat, & claudicat, nec quicquam efferunt constantissimè. Modò spiritus quosdam inducunt mechanicos, qui figant, & coagulent corpora; interim sal esse omnis concretionis causam defendunt acerrimè: neque hîc, neque usquam alibi sibi constant. An fortè ossa, quæ initio mollia sunt, & cartilaginea, suam à sale postea mutantur soliditatem? An potius calore sensim exsiccata, hanc contrahunt duritiem? Quid est cur ossa, & cornua lixiviiis quibusdam emolliantur? Cur vitra candefacta aquis stygiis, vel cinerum clavellatorum dilutis immersa dissiliunt? An ex eodem fonte rerum stabilitas, & dissolutio manabunt? Multi corallium quamdiu in fundo maris jacet, molle esse, & tenerum, extra aquam putant statim lapidescere. Illud sanè mihi est miraculo, salem, qui mari plurimus inest, quam cæteris confert compactionem, ipsi corallio adimere. Sic ovorum testas statim indurescere, ubi excluduntur, autumant: numquid hanc duritiem à sale potius, quàm ab aëre sortiuntur? Imò sal exsolvitur, cum humidiori loco exponitur; non ergo ovorum putamina suam à sale duritiem desumunt. Sic laterculi, vel tegulæ ex terrâ pingui, & argillosâ, non salis vi, sed ignis calore induruerunt: nec salis copia, at terra pinguis, & tenax lapidibus materiam suppeditat. Sed enim, inquis, quores quæque sunt duriores, eo plus salis reddunt. Quem tibi hoc daturum putas? Mirum si tantum valeat ars Chymica, ut ex metallis, & lapidibus purum salem eliciat: nusquam eum mihi videre contigit.

Sed

Sed pugnare nolo, ad id enim quod agitur nihil interest, utrum calx illa, quæ ex metallis educitur, ejusdem sit cum sale generis, an potius, hoc unum habeat commune, quòd summis ardoribus exsiccata, dissolvatur in humido: id quidem mihi certum est, perparum salis ab omni terrâ expurgati ex iis educi corporibus: nec fortè ossa plus salis præbent, quàm mollis caro. Postremò, ut eundem locum sæpius urgeam, in ovi albumine tantum salis non inest, ut ex eo pulli ossa, membranæ, nervi, atque omnes partes compingantur.

Jam quid est, quòd minùs probari possit, quàm calculum in reni-*De calculo.*  
bus, vel vesicâ ex sale, aut tartaro concrelescere? An non monstri simile est, salem in aquâ non exsolvi, sed potius ibi lapidescere? Desipiunt scilicet Medici, qui aquas nitrosas & salsas, præscribunt iis, qui laborant calculo. An quisquam conqueritur, se ex falsidulis, vel aluminosis aquis calculum contraxisse; nec certè usus salis vel immodicus, hunc morbum procreat. Accedit etiam, quòd calculus arte spagyricâ resolutus, plus terræ, & pinguis sulfuris præbeat, quàm salis. Frustra recurrunt ad spiritum quendam salis, qui figat, & coagulet; cùm eundem soleant spiritum confringendo calculo præcipere: ita malè instituta ratio exitum reperire non potest. Quocirca ut, quid mihi videatur, paucis aperiam. Non una est calculi causa, sed varia, & multiplex: materia quidem est humor lentus, & pinguis, qui calore indurefcit: ex angustia meatuum; renum dispositione, & temperie; fibrarum ductu sensim coagmentatur. Sæpe ex arenulis viscoso humore conglutinatis prodit: arenæ verò unâ cum sero ad renes deferuntur, & prodeunt ex ciborum reliquiis, sanguinis vitio, vel hepatis ardore induratis. Neque una est omnium forma, vel natura; alii gypsum referunt, alii sunt marmorei, & duriores. Plerique adulti flammam alunt, ac tetrum spirant odorem; quod indicio est, non ex terrâ tantum vel sale, sed eos ex succo pingui, & bituminoso coaluisse: hinc persæpe bituminosum quid redolent. Libavius refert, quòd calculi contrafacti nucleus à se combustus, quiddam oleret sæci cerevisiæ non dissimile, cujus etiam colorem referebat: fors est ut ex illius alimenti reliquiis coaluerit. Jam verò non disputo, utrum pituita crassa, & viscosa, longo, & lento renum calore exsiccata, & concocta in calculum lapidescat, ut veteres crediderunt? An fortè terræna, & limosa substantia omni humore exhausto abeat in lapidem; adeò ut serum, seu salsus & acrior succus cum terrestri materia permixtus sit, vera lapidum materies, ut Platero visum est: Utrum arenulæ ex nimio hepatis calore, cum sero sanguinis ad renes deductæ materiam calculi suggerant: id enim, sabulum plerumque cum putri pituita

commiscetur, & nimium cunctando durefcit. Hæc Medici ipfi dijudicent: res fanè est magna, & diligenti contemplatione digniffima: fed mihi fitineptiendi modus, neque enim tam dicendi mihi habenda ratio fuit, quàm audiendi.

*Qua fit  
nofta de  
materiâ  
lapidum  
fententia.*

*Simp.* Sanè quidem, ut ego judico, de lapidum naturâ & caufis dictum eft à te, non modò eruditè, fed etiam ornatè, & fententiis copiofè: adeò ut nihil ferè quod de hâc re dici poffit, mihi reliqueris. Et quidem de materiâ lapidum, non potest inter nos effe magna contentio: nam ex tenaci luto, vel humore vifcofo, vel fucco lapidifico omnes lapides concrefcere, non ægrè conceffero. Tametsi putem, nec fale, cujus acrimoniâ terræ, & aquæ particulæ minutius conciduntur, & exquisitiùs permifcentur; nec oleofum & bituminofum humorem, qui partes diffipatas, & malè cohærentes conglutinet, excludi oportere. De fale quidem pofttea. De pingui & bituminoso humore nullus eft dubitandi locus. Quid enim aliud minutiffimas arenulas in unum corpus adstringeret? Quis ignorat, pulverem ex lapillis fluvialibus detritum lapidifcere, cum refinæ fufæ incoquitur. Sic lithocola, feu lapidifcens gluten ex calce, & adipe fuillo, vel ovi albumine effingitur. Neque extra fidem eft multos lapides bituminoso halitu, quem calor fubterraneus evexit, adunari. Hinc plerique molliores funt, quamdiu terræ conduntur vifceribus; fub dio autem durefcunt, non aliter atque ovorum putamina, & veficæ calculi. Interim calor vehementior gluten illud folvit, ut in Lybiæ regionibus; nec lapides ex his arenis nullo vinculo confertis compingi poffunt. Hæc fanè non invitus dabis, qui fuccinum, gagatem, & alia bituminofa in lapidem durefcere non ignoras; ac veficæ calculos multo bitumine abundare ex Chymicorum refolutionibus demonftrafti.

*De lapidum effe-  
ctrice cau-  
fâ.*

Sed illud moleftè fero, te nullam omnium lapidum effeetricem caufam, præter calorem, & frigus agnofcere. In quo quidem Agricola fecutus, illuftres Peripateticos, Avicennam, & Albertum Magnum deferis, qui præter jejunas, & fteriles elementorum qualitates, quibus etiam plus tribuunt quàm necesse eft, vim quandam admittunt lapidum formatricem. Hæc vis plastica materiem nafta commodam, fimiles ubique terrarum lapides effingit. Nec video, cur Agricola Albertum omnibus vexet contumeliis, quòd ex rationibus feminariis, non ex tumultuario elementorum concurfu lapidum formas deducat. Illud certè ne in cogitationem quidem cadit, omnium gemarum formas, figuras, diftinctiones, non aliundè oriri quàm ex vario elementorum temperamento, atque ex incertâ fluitantis materiæ concretione. Quòd fi mifcibilium formæ in mixto integrè conferventur, ut  
jam

jam alias apertissime collegimus, quid novam lapidis, vel mixti formam procreat, nisi ex inexhaustis naturæ thesauris, sive ex seminariis rationibus scaturiat? Quid illum calorem regit, quid frigus temperat, quid materiam colligit, quid tandem iisdem figuris gemmas ubique vestit, nisi constans, vegetus, & ubique regnans spiritus, rationibus seminariis prægnans, ac supremi artificis organum? Hinc rerum omnium varietas, & distinctio longè probabilius repetitur, quàm ex instabili materiâ, vel ex incertâ elementorum crassi. Neque continuo gemmis vitam vel animam affingimus; non enim individuorum propagatione species custodiunt suas; neque in seipsis, sed instar animalium, quæ ex putredine nascuntur, in naturâ communi, atque universali, sua habent seminia. Exhalatio quippe spiritu lapidifico facta, ubi locum idoneum, colorem attemperatum, materiam rectè dispositam offendit; lapidem, vel gemmam effingit; gemma quidem ex succo puro, & defæcato, lapis ex impurâ, & crassâ materiâ fingitur. Neque, ut tu sumebas, crystallus, granata, atque aliæ gemmæ figuram suam à loco, tanquam à vase mutantur: cum plures ex unâ succrescant radice; vel in eâdem matrice, ut grana in spicâ continentur; cum denique sæpe bulbosis distinguantur radicibus. Crescunt quidem in suis fodinis gemmæ, & quo magis mixere, aliæ aliis decedentibus succedunt. Neque tamen crediderim hanc veram esse accretionem, per alimentum intus susceptum: sed eas puto per appositionem, sive incrustationem auferere: nam quæ ex succo lapidescunt, non aliter augentur. Sic vidimus gypsum novi fluminis accessu intumescere: hinc aliquando ex gypsi mineris ossa humana eruantur, quod ante biennium his in regionibus visum est. Quapropter ut causas lapidum in summam conferam; materia plerumque est succus lapidificus, cujus puritas, perspicuitas, & nitor ex mixtione, tum elementorum, tum principiorum exquisitâ proficiscitur: ubi partes sunt crassiores & lutosæ, in lapides communes, & opacos degenerant. Opacitas verò non ex sola terra, ut ex solâ aquâ non oritur perspicuitas: neque enim in lapide speculari, nec fortè in adamante, atque aliis gemmis aqua præ cæteris excellit elementis: cum speculari lapide nihil siccius, neque adamante quicquam sit solidius. Quare gemmarum perspicuitas magis ex continuatâ, & nullis ferè poris interruptâ partium dispositione, quàm ex aquâ videtur proficisci: hanc porro continuitatem efficit miscibilium in minutissimas atomos resolutio. Siquidem cum terra, & aqua in tenuissimas particulas sunt comminutæ, & spiritu lapidifico adstrictæ, nulla relinquunt vacua spatiola; neque adeò luminis radios sistant, nec propriis, sed uno, & communi termino clau-

clauduntur. Jam alio loco insinuatum à nobis est vitrum comminutum, vel fractum, perspicuitatem unà cum sua continuitate deperdere: charta verò, quæ multis meatibus patet, opaca est, nisi oleum affusum poros occludat. Quid porro terræ, & aquæ particulas adeo minutim concidit, nisi sal, quod aqua dissolutum terram suâ acrimoniâ, ac veluti suis gladiolis perfecat, & humore exhausto in lapidem coagulat.

*Forma lapidum,*

Eormæ autem lapidum non aliundè, quàm ex rationibus seminariis hauriuntur: hinc vires promunt suas: hinc constantes, & ubique sui similes sortiuntur figuras: hinc demum, si Anshelmo Boëcio credimus, tanta colorum oritur varietas. Siquidem ut figuris, sic coloribus, tanquam notis, & characteribus ab ipsâ naturâ inustis, gemmæ discernuntur: neque abhorret à vero, non figuras modò, sed etiam colores ex naturâ seminiis prodire; maximè in iis gemmis, quarum constans figura, & certi sunt colores. In plantis quidem, & animalibus omnis colorum varietas non ab externi luminis reflexione, neque ab elementorum mixturâ; sed à virtute ipsâ formatrice, & plasticâ dimanat. Quid enim aliud fingi possit, quod Pavonis caudam tot coloribus illustrem exornet? Quid in illâ tot oculos vel orbes, ac veluti lunulas ita concinnè delineat? An fortè ex ipso exsurgunt temperamento? Quid igitur eandem pennam diversis tingit coloribus? Unde illa tam apta, & blandiens colorum proportio? An non eadem est elementorum temperies? Sed mihi non est animus de colorum origine longam disputationem texere. Redeo ad effectricem lapidum causam, quam spiritum lapidificum vocamus: nam spiritus latissimè fusus, cum in materiam duram, & minùs obsequentem incurrit, lapidem efficit, vel gemmam: atque omnis distinctio, & specierum diversitas, à seminariis rationibus, quibus natura gravida est, repetitur.

*De spiritu lapidifico.*

Hic spiritus lapidificus arenulas compingit: Unde enses, soleæ, atque alia id genus eruuntur è Rhodano, atque aliis fluminibus jam in lapides conversa: in montibus potissimum, & fluviis occultus ille regnat spiritus: hinc rarò in campis longè à fluviis, vel montibus dissitis, magna invenitur lapidum copia. Unde ergo, inquires, tot emerfere lapides, quibus Herculei campi (Crautiam vocant) propè Arelatem cernuntur? Existimat Gassendus, hanc lapidum portentosam congeriem non aliunde, quàm ex Rhodani, vel Druentinae exundatione, & longâ aquarum restagnatione prodiisse. Indicio est, quòd in extremis velut marginibus lapilli minutissimi, in medio jaceant majores. Quemadmodum sal in catino exsolutum, ubi aqua leni calore



calore exhalata fuerit, majora in medio, minora in extremis grana deponit. Illic quidem inter confertissimos lapides quoddam nascitur herbæ genus, quo pecora mirum in modum saginantur: non enim in iis locis deest spiritus nitrosus, & pinguis humor. An fortè spiritus lapidificus multo sale abundet necesse est? Id sanè mihi confiteandum erit, si omnem lapidum concretionem ex sale duci putem: verùm illud mœx videro: nunc effeetricem, & communem lapidum causam persequor, quæ spiritus lapidifici nomine insignitur. Non quòd ita insaniam, ut spiritus omnis magnitudinis expertes in corpora degenerare statuam; id enim perabsurdum est, atq; ab omni ratione alienum: sed spiritum voco tenuissimam substantiam, quæ ad certum corpus confirmandum destinatur. Quæ igitur abeunt in lapides, hoc spiritu correpta, tanquam aspectu quodam Gorgonco rigescunt, cum succus lapideus corporis poros illabens, atque intima penetrans, minima, quæque corpuscula occupat, & comprehendit. Sic arbores in Bohemiâ inveniuntur conversæ in lapides; sic calculi in vesicâ lamellatim incrustantur; sic visus est ante annos 55. Agendici Senonum embryo lapideus, quem 28. annorum spatio mulier gestaverat; sic denique quorundam fluviorum fundus lapidescit. Est in Arvernâ amnis, cuius alveus lapideus sensim intumescit, quòd aquæ germine lapidifico factæ indurescant. Unde, amabote, conchyliâ lapidea procul amari, vel in ipsis occurrunt montibus, nisi natura, vel spiritus universi, qui cunctis permeat, nusquam cessat, juxta ideas sibi impressas, vel seminarias rationes, quæ nihil sunt, quàm idearum vestigia, conchas è succo lapidescente effingat? An fortè terra magnis motibus concussa, nonnunquam dehiscit, tumque pisces, vel conchyliâ è subterraneis abyssis erumpunt, quæ spiritu, vel succo lapideo indurantur? Cùm in Cariâ, inquit Seneca, talis exilisset unda, periire quicumque illos ederant pisces, quos ignoto ante eum diem cœlo, novus amnis ostendit. Nec id mirum; erant enim pingua & differta, ut ex longo otio corpora; cœterum inexercitata, & in tenebris saginata, & lucis expertia, ex quâ salubritas ducitur. Nasci autem posse pisces in illo terrarum profundo, sit indicium, quòd anguillæ quoque latebrosos locis nascuntur: gravis & ipse cibus ob ignaviam; utique altitudo illas luti penitus abscondit. Hactenus de causa lapidum effeetricem, quam non absurdè spiritum mineralem Albertus nominat: nam hunc spiritum acutum esse, penetrantem, & salsum necesse est, ut instar cæmenti adstringat, & compagine: illum adeò spiritum nitrosum in omni fusum esse naturâ, jam supra ostendimus: ita ut in eo sit procreandivis, & causa gignendi: est quippe vi prolificâ, & sui assimilatrice præ-

ditus. Nonnunquam instar halitus effunditur, quò faciliùs subeat corporum meatus; interim pinguis est, & sulfureus, qui corpora bituminosa, & oleosa citius permeat; sæpius humori aqueo insidet, ut terrestrem materiam ex omni parte penetret: sed nisi acutus sit, & falsus, nec missionem exquisitam perficiet, nec poterit materiam pervadere, aut comprehendere.

*Sal est principium coagulationis, sed non solum.*

Quapropter sal tum effectricis, tum etiam materialis causæ nomine concurrat ad lapidum generationem, vel concretionem: materia quippe omni sale exhausta lapidescet nunquam: neque ex terrâ & aquâ permixtis, si salem detrahas, quicquam aliud quàm lutum prodibit. Nec conturbor subtilitate rationum, quas ex Libavio adversus Chymicorum sententiam protulisti. In quo quidem ipsius Libavii inconstantiam admiror: nam in Alchimia triumpho acrius certè, quàm Philosophum deceat, adversus Riolanum disputans, salem esse concretionis causam multis evincit argumentis. Quòd sal metallicas solutiones cogat, cuncta induret corpora; quòd ovorum testæ, & marina conchyilia ex sale suam repetant duritiem; quòd nitrum, & quædam lixivina lapidescant: ut taceam de falsidulis, quarum canalibus tophi, & lapides succrescunt. Quis ignorat ligna eo esse solidiora, quo plus salis continent? Sic plurimum nitri è quercu, fago, guajaco elicitur. Quid addam de salis gemmei, vel fossilis duritie lapideâ, de concretionibus item lapideis, quæ cortinis, tum cùm muria excoquitur, adhærescunt? Calculum denique, & articulorum tophos, ex falso phlegmate durefcere contra Riolanum decernit Libavius; quòd calculosi mucum sæpè reddant, qui falsus, corrosivus, & acerrimus cùm sit, linteo exceptus durefcit in lapidem; quòd gustatus liquor arthriticus nitro salior appareat. Postremò non irridet modò, sed etiam conviciis exagitat Riolanum, qui negabat quicquam esse salis in sanguine, quod illius concretionem efficeret, cùm sanguis triplici coctione, omni sale spoliatur. Quod si, inquit, natura salem separat: ergo in alimento priùs inerat. Accedit etiam rem eo falsiorem evadere, quo magis excoquitur: non igitur ars, vel natura multiplici coctione salem exuit. Atque hæc quidem tua sunt Libavi; sed soles in decretis tuis fluctuare. Huic equidem versatili ingenio facillè ignoscerem, nisi eos, qui à te dissentiant, contumeliosissimè vexares. Sed fortè ipsa veritate convictus, & coactus, à Chymicorum sententia destitisti: hoc ipsum excutiamus; atque ut opinor, unius, vel alterius argumenti conclusione tota causa comprehendere potest. Illud corpus consistentiam dare nequit, quod nec firmum est, nec fixum, nec compactum, quodque magis corporum vincula resolvit, quàm agglutinet:

*Objectiones.*

jam

jam sal est ejusmodi, ut terrâ spoliatum, nec consistentiam, nec soliditatem habeat ullam; corpora potius excedat, quàm vinciat: non igitur sal figit, vel compingit lapides, quin potius subtilitate suâ eorum compagem solvit; in aquâ vel humido aëre tabescit; nullamque nisi à terrâ habet firmitatem. Jam quid obtusius, quàm calculum ex sale compingere, cum sal in humido non soleat concrecere; cum resolutus calculus parum salis, plurimum præbeat bituminosi sulfuris; cum denique falsidulæ, & aquæ nitrosæ comminuant calculum, disturbent arenulas. An fortè ex eadem causâ contrarii manant effectus? Sal calculum gignit, eumque dissolvit: ista non coherent. Huc ferè redeunt omnia, quæ Libavius colligit adversus Chymicorum opinionem; & certè illius loquacitas habet aliquid argutiarum; neque tamen difficillimum erit ejusmodi captionibus occurrere: harum quippè omnium una depulsio est, salein esse coagulationis, & firmitatis principium, sed non solum. Verùm sal dissolvit corpora non compingit; quis hoc tibi dederit nullum sal figere, & coagulare? Quis nescit, sal aliud esse volatile, aliud fixum: illud corpora penetrare, & solvere, hoc vincere, & adstringere? Quid multa? Sal variè præparatum, diversa quoque obire munera ignorat nemo. Multo humore dilutum non concrescit; sed exhausto humore indurescit. At terra lapidibus duritiem, & firmitatem potius, quàm sal impartit: calor verò exprimit humorem, & limum, qui est lapidis, vel calculi materia, indurat. Nos quidem, nec terram, nec calorem excludimus; sed terra omni sale spoliata fatiscet, neque poterit in lapidem durescere. Sal terram cum aquâ confociat, & utriusque est quasi commune vinculum: mutuis auxiliis subsistunt: nam terra salein retinet, ne in aquâ exsolvatur; sal vicissim terræ atomos coercet, ne in minutum dilabantur pulvere.

Non inficior, calculos ex limo terrestri, seu ex alimentorum reliquiis, & quasi tartaro consari: at salein non abesse hinc conjicio, quòd calculi in renibus, vel vesicâ, non in aliis locis, nisi perrarò gignantur. Enimverò calculum ex humore pingui & viscoso, tanquam lutum in fornace vi caloris indurescere, summa est inter Medicos consensus: sit ita sanè. At Medici communem, & remotam duntaxat, non proximam causam adferunt. Quærimus enim, ex quibus elementis mucus ille coaluerit? An fortè ex solâ terrâ, & aquâ compingitur? Sed neque lutum in aquâ lapidescit; neque humor in lumbis, aut vesicâ deest. An calore induratur? Quid igitur est, cur senes calculo sæpius, quàm juvenes laborent; cum in his uberior sit calor? Cur urina reddita in matulis lapidescit, & calore, non facultatis expultricis imbe-

imbecillitate, coacervata induratur? Cur mucus in naribus, intestinis, atque aliis conceptaculis non cogitur in lapidem? Omitto renum, & vesicæ naturam, ac siccitatem, ad calculi generationem non mediocriter conferre: sic topi dentibus ex ciborum sordibus accrescunt, & unaquæque pars sibi familiare attrahit alimentum. Postremò generatio calculi multum pendet à certo fibrarum plexu, qui quidem à spermaticarum fibrarum texturâ, atque hæc à dispositione fibrarum in parentibus oritur: unde iste morbus à parentibus in filios traducitur. Non una denique est omnium calculorum natura, neque adeò una est eorum causa, vel origo: alii sunt arenosi, & scabri: alii politissimi, & teresi; alii demum gypsei, & friabiles: in nonnullis sal abundat, in aliis humor quidam pinguis, & bituminosus excellit. Quamobrem non una erit hujus morbi curandi ratio. Spiritus nitrosi & sulfurei utilius sæpè adhibentur dissolvendis calculis, quàm acetosi, & mercuriales. Multa facultatem expultricem irritant, & stimulant, quò arenulas, vel lapillos protrudat; ut locustarum, leporum, scorpiorum cineres, spiritus vitrioli, quique ex nitrosis lignis, fago, quercu, buxo, & aliis per descensum educuntur spiritus. Oleum è fraxini semine, vel si illius copia non adsit, ex ipsa arbore extractum, plurimum commendat Glaberus: verùm spiritu salis rectificatum, atque ab omni fæore liberatum oportet. Quod in fundo remanebit oleum crassum à spiritu salis secretum, cum cerâ permixtum, ut unguenti formam obtineat; linteo illitum, & lumbis extrinsecus appositum, non mediocriter ægrum juvare perhibet. Sed de his satis multa dicta sunt: nunc Menandrum de singulis scorsim lapidibus, si ipsi commodum est, differentem audiamus.



## CAPUT SEPTIMUM.

## De variis lapidum differentiis.

- I. De magnete juxta Cartesii sententiam. II. De lapidibus seorsim sumptis, ubi de eorum formis, coloribus, & viribus disseritur. III De variis saxorum, & marmorum generibus tractatur.

## Menander.



Eram tibi morem, & agam quambrevissimè potero; non enim mihi est animus omnes omnium lapidum species persequi, vel in opinionum, quæ diversissimæ fuerunt, inquisitione, tempus contere; quòd sanè foret longè difficillimum, & nescio an vobis futurum esset voluptati; sed illustriores duntaxat lapidum differentias percurram, eorumque originem, naturam, atque usus, cum res poscet, attingam; magis adeò, ut vobis obsequar, quam ut quicquam novi vos docere præsumam. Jam ne vagari, & errare cogatur oratio, quidquid communi lapidis notione comprehenditur, in quatuor veluti genera partiri licet; in lapides propriè dictos, saxa, marmora, & gemmas. Aliis alia divisio placet: nam lapides, vel ex arenis compinguntur, ut cotes; vel lamellatim concrelescunt, ut lapis specularis, aut talcus; vel contusi in frusta comminuuntur, ut silices, & marmora. Rursus quidam ex viventibus, alii ex vitæ expertibus erunt: illi vel ex plantis, ut corallium, vel ex animantibus prodeunt, ut bezoar ex caprâ indicâ: hi. verò vel certam, & quasi præscriptam habent figuram, ut granata & crystallus: vel nulli sunt additi figuræ, seu viles sint, & communes, seu rari, & pretiosi. Ego verò ab Agricola divisione, quam primo loco posui, non recedam, & nobilem secutus Philosophum, à Magnete, qui inter lapides principatum tenet, ducam exordium.

Quatuor  
lapidum  
genera,

Unde id nomen deduxerit, utrum à pastore quodam, qui primus De Magnete juxta Cartesii  
in Idæa monte eum reperisse fertur; vel à Magnesiâ finitimâ Macedoniæ regione, quemadmodum Heraclius, & Hercules dictus est, ita placita.  
quòd propè Heracleam urbem frequens reperiretur, non est quòd  
multum solliciti simus. Magnes, & ferrum ex iisdem fodinis eruuntur, adeo ut multi existiment, Magnetem esse ferri matricem, & ve-

nam; ut ferrum nihil est, nisi Magnes excoctus. Profectò in Germaniâ ferrum optimum ex Magnete elicitur, & maxima est inter utrumque cognatio. In veteri quidem meâ persuasione permaneo, terræ nucleum interiorem nihil esse quàm Magnetem purissimum, cujus furculi in extimam partem subindè diffunduntur: adeò ut vis magnetica in supremâ telluris regione sit obscurior, quòd aquis, metallis, atque ipso aëre infringatur: idque non levibus indiciis, sed certis argumentis olim confecimus. Primum enim, virga ferrea, & candens vim à terrâ, in quâ jacet, magneticam haurit; adeò ut acus versoria polum suum Borealem, ad virgæ ferreæ cuspidem Australem dirigat: sic cancelli ferrei, qui terræ ad perpendicularum insunt, eadem vi ad polos mundi directrice imbuuntur: versorium quippè ad partem cancellorum inferiorem, cuspidem suam Australem convertit. Jam quibus machinis Magnes ad se rapiat ferrum, cur ad utrumque mundi cardinem acus vi magneticâ imbuta suos obvertat polos: quare versorii polum Borealis, alterius itidem versorii polum Borealem, ut sibi infestum fugiat, Australem verò, ut amicum anxie insequatur, jam alio loco fusiori stylo sumus profecuti. Placet mihi Cartesii sententia, quâ putat materiam striatam, & instar cochlearum contortam, jam sæpius à nobis explicatam, ab uno terræ polo ad alterum commeare: sed eâ lege, ut quæ per Australem polum erumpit, per eundem regredi non possit, quòd meatus offendant egressui quidem accommodatos, non item reversioni: hinc cogitur per alterum terræ polum remeare. Cumque terra fibras habeat sibi, & axi parallelas, ex illis venulis striata materia indefinenter egreditur, quæ circa telluris globum innumerabiles circulos, & vortices agit. Subtilis quippe illa substantia poros in aëre minùs idoneos invenit: unde si in Magnetem vel ferrum incurrat, per utriusque fibrillas liberius, quàm per aërem it, reditque, & Magnetem ad utrumque telluris polum convertit. Nec mirum, si acus versoria, vel Magnes ipse ad terræ polos dirigatur; cum debiliior Magnes sese ad fortioris situm componat: terram verò nihil esse quàm Magnetem ostendimus. Vis maxima in polis Magnetis viget; quòd in hæc puncta omnium fibrarum meatus, & quasi oscula, desinant. Polus Septentrionalis acus versoriæ alterius polum itidem Septentrionalem fugat, quòd particulæ striatæ, & contortæ ab uno polo egressæ, per alium ejusdem generis subire nequeant; quare in eum impactæ, vel resiliunt, vel ipsum versorium circumagunt, quo Australem polum ita obvertat, ut per eum commeare possint. Itaque striata materia, quam sæpè nominamus, Magnetem permeans, in orbem circumducitur, & per unum egressa polum, per alterum revertitur, ac

secun-



secundum fibras Magnetis axi parallelas fluit, & refluit. Quod ut vobis persuadeam: ecce duos Magnetes, qui suo colore ferrum referunt. Scobs ferrea circa alterum Magnetem temerè effusa sese in modum vorticum componit. Quid illam scobem tam aptè disposuit, nisi striata materia jugiter à terrà dimanans, quæ magnetis fibrarum dudus sequitur, & per unum fibræ osculum egressa, per alterum regressi affectat. Neque hîc, ut jam aliàs monuimus, tractione, sed magis impulsu opus est. Jam polum ejusdem Magnetis Borealem eadem scobe chalybeâ obduco, quæ tanquam acicularum congeries illi ad perpendiculariculum insistit: huic alterius Magnetis consimilem polum admoveo; viden' ut scobem instar folliis, aut vehementioris venti difflet, ac separet: sed Australi polo alterius Magnetis adnoto scobs eadem contrahitur, & quasi amicum polum completi gessit: tum striatam materiam ultrò excipit, quam priùs repellebat. Hæc sanè fieri nequeunt citra aliquem impulsu, vel corpusculorum effluvium; nec solâ alteratione, aut occultis qualitatibus perficiuntur. Neque necesse est, ut longiori oratione demonstrum, quo pacto striata materia è Magnete turmatim erumpat, interjectum aërem magnâ vi expellat, quo extruso ferrum in Magnetem ruit; cujus fortè motum non mediocriter promovet contorta illa substantia, quæ postquam pervasit ferrum, in Magnetem reflectitur, & unâ secum ferrum desert. Jam vel ipsi judicent Peripatetici, utrum hæc naturæ miracula faciliùs per occultas qualitates, quàm per verum, & realem impulsu, explicari queant. Hîc quàm volent jocentur, plus apud me vera ratio valebit, quàm vulgi opinio: ac mihi certum est, è Magnete quiddam corporeum egredi: nam ferrum movet, impellit, trahit, densitatis, & raritatis est capax. Notum quippe est, Magnetem chalybe armatum multo majorem ferri molem ad se rapere, quòd radii confertiores, & densiores per chalybem erumpant. Tametsi dissimulare non possum, Magnetem chalybe instructum, non utique è longiore spatio ferrum attrahere, sed attrahendo tenaciùs adhærere; quòd plures ferri partes armatus tangat, quàm nudus. Quòd autem vis illa magnetica quiddam sit corporeum, non simplex qualitas, hinc constat, quòd odoris instar, vel temporis progressu, vel nimio calore evanescat. Addit Gassendus, effluvium quoddam tenuissimum è Magnete, & ferro indefinenter emitti; adèò ut Magnes radios in orbem jaculetur; qui per axem ducuntur, sunt directiores, & fortiores, reliqui sunt quasi refracti, & incurvati, hi reciproci radii à ferro exeuntibus implicati, ferrum ipsum stringunt, & attrahunt. Hæc sanè mihi non probantur, neque ullo prorsus modo intelligo, & quod inter nos liceat, ne tu quidem, mi

Sim-

Simplici, Cassendo juratus intelligis. Non deest vobis copia rationum, quibus doceatis ferrum, & Magnetem vim illam ad polos mundi directricem à terrâ desumere: Magnetis fibras juxta telluris venas duci, atque à Septentrione in Austrum porrigi: hæc enim concedimus, & libenter quidem. Adde Magnetis declinationem in diversis locis variam existere, propter terræ fibras non uno modo dispositas: quemadmodum si virgæ ferreæ acum versoriam superinduxeris, juxta subdit ferri declinationem illa quoque à polis deviabit. Conveniat etiam inter nos necesse est, ferrum à terrâ, vel Magnete hanc virtutem non mutuari, citra aliquam minutissimarum partium immutationem: hinc ferrum quam vim uno ductu contrahit, eandem ductu contrario amittit; quod ne concipi quidem potest, nisi ferri particulæ situm mutant. Sed illud fateor, me nulla mentis contentione assequi posse, è Magnete, aut ferro effluvium quoddam jugiter dimanare, citra ullum, vel minimum ponderis, aut molis dispendium. Profectò cum Magnes vim suam ferro communicat, ferrum nihilo sit gravius, nihil ipsi extrinsecum accedit: nam licet acus versoria cuspidem alteram inclinet, eam tamen in exquisitissimâ libellâ, cujus lancem quater millesima pars unius grani deprimebat, nihilo graviorem factam esse, Cassendus ipse expertus est. Unde ergo affixû Magnetis vim illam acus contraxit, si nihil novi accessit? Mutata, inquam, sunt ferri corpuscula striatæ materiæ affixu; obstantes fibrillæ depressæ viam subtili illi substantiæ aperuerunt; non aliter ac ventus Boreas segetes in Austrum, Auster in Boream inflectit: sic illa substantia minutissimas ferri fibras in contrariam partem intorquet. Hæc illustranda forent exemplis, nisi aliò festinaret intentio. Nec tamen mihi possum temperare, quin majoris lucis gratiâ in hac chartâ scobem ferream in longum, atque in eandem ferè rectam lineam disponam, cui Magnetis polum Borealem obverto. Viden' ut ductu Magnetis illæ acidulæ tanquam vento perflatæ In Austrum inflectantur. Jam converso altero Magnetis polo, corpuscula erecta in Boream incurvantur. An putas ferri particulas affixû Magnetis aliter componi, cum ab illâ substantiâ, quæ è telluris globo jugiter ebullit, attolluntur, vel deprimuntur? sed hæc alio jam loco plenius tractata sunt.

*Simp.* Agis tu quidem Philosophorum, non Mathematicorum more: nam, ut rectè M. Tullius, Philosophi quamcunque rem habent in manibus, in eam quæ conveniunt congerunt omnia: & si alio loco disputata sunt: Geometræ verò, quæ antè docuerunt, id sumunt pro concessio, & probato: illud modò explicant, de quo nihil antè dictum

dictum est. Sed Philosophiæ Cartesianæ studio longius te prosectum scio; priusque te quis de omni vitæ statu, quàm de istâ sententiâ deiecerit. Neque id nunc aggredior, ut tam leves, ne dicam ineptas opiniones (bona venia me audies) refellam: id enim jam alias sæpè præstitimus. Quis enim ferat striatam materiem ab Australi polo egressam circa totum orbem circumduci, ut ingressum per oppositum polum offendat? Cur tantos cursus circumflectit, cum omnis cochlea eandem possit remeteri viam, quam decurrit: nec video, cur non possit remeare, per eundem polum unde est egressa. Mirum si totus aer his effluviis scateat, quæ si fortè in Magnetem incurrunt, jam contemptum iter non pergunt, sed circa amicam corpus gyros, & quasi choreas agunt. Verùm aliò pergamus, ac si placet infinitas illas concretionumque plenas disputationes relinquamus; & lapidum historiam, quanto poteris compendio prosequere.

*Men.* Ne vobis tædio sim futurus, summa duntaxat rerum capita decurram. Ac primum de variis Magnetis speciebus, quæ coloribus magis, quàm naturâ inter se disident, mitto dicere. Vidimus non ita pridem pseudomagnetem apud doctissimum virum, cuius venæ erant interruptæ, & nonnihil inflexæ, nec totum lapidem permeabant. Hinc scobs chalybea circa illum temere effusa, venarum ductus imitata, dimidios duntaxat orbes, seu vortices delineabat. Tæcco quod de Theamede veterum, qui ferrum fugaret, Albertus se vidisse, Magnetem, qui unâ sui parte ferrum alliceret, alterâ repelleret, ut magnum quiddam commemorat; cum id tamen omnibus commune sit: necdum enim veteribus comperti erant oppositi Magnetis poli. Multa quoque commenti sunt omninò fictitia, vix digna lucubratione anicularum: Magnetem alio perunctum virtutem suam deperdere; eandem ab Adamante ligari, & ut ita dicam, fascinari; Magnetem aliquem inveniri, qui aurum, alium qui argentum, alium denique, qui carnem attrahat. Sed ista opinionum commenta delevit dies; nec ferè quisquam invenitur, qui istis fabulis fidem adhibeat. Novimus quendam lapidem album nigris lincis distinctum reperiri, qui cum sit mollis, & rarus facilè labiis suspenditur, & linguæ tenaciter adhærescit: nam humor, quo lingua perfunditur, lapidem diluit; ut vicissim partes lapidis molliores subeunt linguæ poros. Hinc Itali, istum lapidem Magnetis albi nomine insigniunt, cui certè ex vires prorsus mirabiles, quas se expertum esse testatur Cardanus, non conveniunt. Narrat ille, se hunc lapidem à quodam Empirico allatum vidisse, cui acus illita carnem citra ullum dolorem non penetrabat, modò, sed etiam extracta nullum vulneris vestigium relinquebat, quod

præstigiis, & magicis artibus ipse Cardanus refert. Infinita quidem jocularia & ludicra, quæ Magnetis ope exhiberi possunt, libens prætereo. Vidi, qui se aquam instar maris perpetuò agitatam exhibiturum promitteret. Scobem chalybeam aquâ forti exsolutam phialæ vitreæ imponebat, atque optimo Magnete phialam occludebat, illius collo vesicæ porcinae, ne aer subiret, involuto; futurum aiebat, ut aqua fortis ferro prægnans à Magnete invitata ascenderet, mox proprio relapsa pondere, iterum assurgeret, & ita in perpetuo versaretur motu. Nihil de usu Magnetis medico subjiciam. Contritum pulverem aquæ calidæ infusum crassos humores evacuare, & hydropes curare; sanguinem sistere, atque eadem ferè, quæ Hamatitem præstare ajunt; exsiccat enim, adstringit, consolidat.

*Hamatites,*

Hamatites quidem id nomen accepit, vel quòd succum sanguineum reddat ad cotem; vel quòd erumpentem sanguinem inhibeat. Hinc Trallianus magnis hunc lapidem effert laudibus, atque illius pulveris ad cotem contriti unum, vel alterum scrupulum vino infusum, præscribit iis, qui sanguinem exspuunt, & ulceratos habent pulmones: exsiccat enim, & agglutinat. In ferri fodinis, vel terris subrubris passim occurrit, isque aliquando vi ferri attractrice, licet obscurâ donatur. Multas illius species recenset Plinius, nunc ferè incognitas. Lapis, cui minium nativum succrescit, secundam speciem videtur obtinere; Androdamas à Plinio vocitatur: niger est, & prædurus, ferrum, & alia metalla ad se rapere perhibetur, quòd multo abundet mercurio: magnam enim inter hydrargyrum, & metalla esse cognationem ignorat nemo. Quinta sanguinei lapidis species Schistos, vel

*Schistos,*

lapis scissilis, quòd faciliè scindatur, ab eodem auctore nominatur: instar salis ammoniaci concrevit, croceus invenitur, atque ut lapis specularis pellucet: superficiem habet aliquando tersam, & ceu ferrum politum micat; interim scaber est exterius, intus micat, ut Cinabaris. Hamatites, & Schistos combusti colorem minii referunt, utriusque eadem sunt vires; luxuriantem carnem reprimunt, & vulneribus medentur. Quo nigrior, & splendidior est lapis scissilis, eo quoque durior censetur. Nodus Misenus nihil est quàm Schistos adeo prædurus, ut incudi impositus, vix malleo cedat. Illo utuntur aurifices, ubi argentum inaurant, vel folia, quæ gemmis solent subternere, expoliant. Ejusdem ferè generis est Smyris, quo nihil ferè durius: hinc gemis poliendis, & armis detergendis permagni est usus. In minutissimum contusus pulvererem, oleo vel aquâ aspergitur, quò duriores gemmas paulatim deterat, vel æruginem abstergat: hinc etiam dentibus detergendis adhibetur. Omnes isti lapides nigro, vel croceo colore

*Smyris,*



Clementem VII. perhibent. Fieri tamen potest, ut tenuis halitus ad so-  
lis, vel Lunæ motum instar humoris, qui conchyliis, vel ostreis incit,  
erescat pariterque decrescat. Garcias ab Horto nobilis quondam apud  
Indos Medicus, memoriæ prodidit Margaritas post plenilunium  
captas, cum tempore minui, & decrescere; quæ verò ante plenilu-  
nium capiuntur, huic vitio haudquaquam esse obnoxias: hinc colligit  
Cæsalpinus Selenitem veterum à Margaritis non differre. Sed sal-  
latur: nunquam enim veteres Philosophi uniones hoc nomine signa-  
runt: ac de his satis dictum sit: deinceps, ut erat propositum, de la-  
pidibus, quibus certa est & constans figura, dicemus: atque ab Osteo-  
collâ placet initium sumere.

*De lapi-* Hic lapis diversis insignitur nominibus, & variz illius sunt dif-  
*ditis, qui-* ferentiz. Prima, & præcipua illius species, os fractum, & combustum,  
*bua certa* figurâ, & colore refert; atque ubi comburitur, gravem urinæ odorem  
*figura ad-* spirat; adeò ut nihil esse videatur præter os in lapidem conversum.  
*dicuntur.* Propè Hildebergam, atque in aliis Germaniz locis quidam lapis are-  
*Osteocolla.* nosus, & fragilis invenitur, nodosus, & trunco arboris non absimilis:  
ita ut propemodum his fidem habeam, qui eum esse quoddam plantæ  
genus existimant: nam in terrâ mollior est, è terra erutus indure-  
scit. In Marchionatu Brandeburgensi hanc plantam verno tempore  
foliis angustis, & subnigris paululum assurgere, ex viro nobili refert  
Anshelmus. Nonnihil medullæ medium illius lapidis occupat, quâ  
luxatis ossibus conglutinandis nihil est utilius. Ad eundem usum ad-  
hibetur alius lapis figurâ non dissimilis, sed substantiâ solidiore: ex  
utrovis lapide detriti pulveris mero infusi unam, aut alteram drach-  
mam præscribunt. Interim tamen os fractum restituitur, ligatur, & cæ-  
tera quæ parari adsolent, non prætermittuntur. Easdem ferè vires  
tribuunt lapidi diffillato, qui & Stalactites, vel Osteocolla vocatur:  
nam & ossa consolidat. In terræ canalibus, vel thermarum fistulis  
concrevit in pyramides duras, graves, candidas, intus micantes.  
*Cornu* Cornu Fossile, vel Ceratites non admodum abhorret ab Osteocolla:  
*fossile.* ex Margâ, quam nihil esse, præter terræ medullam suprâ diximus,  
succo lapidifico indurata plerumque oritur. Nonnunquam arborum  
rami hoc lacteo, & pingui humore incrustantur: ita ut infinita propè  
sit istorum lapidum varietas, diversæ adeò vires, & facultates. Qui  
pingues sunt, viscosi, & molles, cæteris præponuntur; exsiccant, &  
adstringunt; alvi profluvii, & sanguinis eruptioni medentur. Ve-  
rùm quibus gratus odor inest, ii tanquam optima alexipharmaca com-  
mendantur; pestilentes febres, & venenatos morbos profligant;  
unius drachmæ pondere, vino, vel idoneo infusi vehiculo, copiosum



excitant, sudorem, quo si quid veneni intus latet, foras protruditur. Nihil addam de Cornu Ammonis, quod Arietis cornu exhibet, & suc- <sup>Cornu</sup> <sup>Ammonis,</sup> co imbutum aluminoso aureum præ se fert colorem: nihil de illo lapide, qui propè Compostellam invenitur, & cornu bovinum refert, in rotulas dissectus nigram exhibet crucem: hæmorrhagiæ utilem ferunt: nihil de Glossopetrâ, quæ serpentis linguam non pessimè exprimit. Huic lapis Ceraunius similis est, in cujus medio multa foraminula deprehenduntur: nec probabile est, cum è nubibus in terram præcipitem dejici: crediderim magis nihil esse præter euneos, <sup>Glossopetra,</sup> <sup>Lapis Ceraunius,</sup> secures, inaleos, vel alia ejusdem generis instrumenta in lapides conversâ: nam persæpe cunei, vel securis formam lapis Ceraunius exprimit. In eodem censu reponendos puto Ombriam, & Brontiam: isti quidem non oblongam, sed hæmisphæricam nacti sunt figuram; neque aliud esse putem, quàm testudines recens exclusas, & spiritu Gorgonco in lapides commutatas. Multa concurrunt, quæ huic opinioni faveant. Sunt enim testudinibus concolores; quibusdam testellis pulchrè distinguuntur; figura planè convenit. Ceraunii lapidis figuram serè assequitur Belemnites, ita dictus, quod sagittæ cuspidem <sup>Belemnites,</sup> referat. Cum digitum magnitudine æquat, tum Daedylus Idæus dici-  
tur, quod in Idæ monte frequens occurrat. Nonnunquam terram, lapillum, vel arenulam in media sui parte gerit mobilem. Ferè adducor, ut credam, hos lapides nihil esse, quàm sagittarum cuspides, quæ spiritu, vel succo lapidifico transmutatæ fuerunt. Cum aliquantulum instar succini falerni pellucet, ac paleam subinde attrahit, tum Lyncurium vocitatur. Est quædam in iis omnibus scissura satis conspicua, quæ efficit, ut percussus faciliè in longum findatur. Quod si eos igni admoveris, cornu vel ossis adusti ingratum odorem exhalabunt. Plerique Medici eos calculo comminuendo adhibent: quæ quidem facultas illis cum multis lapidibus, & maximè cum Judaïco communis est, qui olivæ nucleum formâ suâ exprimit. Variæ linæ æquis inter se spatiis dispositæ huic lapidi insculptæ videntur. Plerumque, fragilis est, & mollis; intus politior, instar marmoris nitet. Huic finitimus Trochites, sic dictus quod rotæ, vel tympani figuram imitetur: fractus splendescit; variis quoque distinguitur lineis, non in longum, ut in lapide Judaïco porrectis, sed à medio ad circumferentiam ductis. Cum multi unâ conjunguntur, tum lapidem efficiunt nomine Entrochum, in cujus structurâ illud est mirabile, quod inferioris Trochi radii prominentes, superioris sulcos ita concinnè subeant, <sup>Entrochus,</sup> ut industria humanâ aptati, & dispositi videantur.

Innumerabiles sunt lapidum species, quibus vel propria figura, vel color, vel denique usus nomen dedit. Quòd si omnes velimus persequi, immodici erimus, & frustra laborabimus. Neque enim magni refert nosse minutos lapides, nisi sint, vel formâ illustres, vel usu spectabiles. Quamobrem libens præteribo Ostacitem, ostreis similem; Strombitem instar limacis aquatilis turbinatum; Conchytem, instar conchæ intortum, & sulcis excavatum: Chrysitem quoque vocant, quòd aureo colore fulgeat: uti Ammochryson, ex quo pulvis aureus scriptoribus utilis colligitur, lapis est arenaceus, qui facile comminuitur: Ammonites ex arenæ granis, tanquam ex piscium ovis, compingitur: Hephestites rubro colore rutilat, atque instar speculi concavi reddit imagines. Neque expectatis, ut de silicibus, & cotibus, quibus ferrum exacuitur, fusiùs disseram: ista quippè vobis sunt multo notissima.

*Silicæ.*

Plerique silices igne funduntur lique nonnihil solent pellucere, ex quibus vitra conficiuntur. Alii nec liquecunt, nec calcinantur, ex quibus typos æri fundendo fabricant; sed non nisi magno labore parari possunt: arenâ, vel Smyridis pulvere paulatim eos excavari necesse est. Qui liquecunt silices fortè multum vitri, aut metalli continent: quemadmodum pyrites, vel marcasitæ, de quibus nunc non est dicendi locus. Curvi sunt ut plurimum silices, squamis obduti, & venulis distincti: nec cædi possunt, nec sunt construendis ædibus idonei. Succus lapidescens paulatim accedens, & priori molli circumfusus silicem curvum, squamosum, & venis distinctum efficit: cumque angustissimos habeat meatus, nec calcis admittit corpuscula, nec ferram patitur, sed percussus crustatim dissilit.

*Cotæ.*

Cotæ verò particulis mordacibus, & angularibus constant, quibus ferrum arrodunt, & gladiatorum aciem exacunt: aquâ, vel oleo perfunduntur, quo superficies earum complanata ferrum minus exeat. Multæ arbores in Germaniâ inveniuntur in cotæ mutæ, quibus acuuntur novacula: sed de his jam nimis. Transeo ad marmora, & saxa, quorum infinitæ sunt species.

*Marmor.*

Marmora, si est simpliciter breviterque dicendum, coloribus magis quàm naturâ differunt. Marmor candidum & fulgens Parium vocitant: Ophites instar pellis colubrinæ variis maculis inspergitur; huic affinia sunt marmor Augustanum, quod undulatum, & Tiberium, cujus venæ seu albi capilli dispersi jacent. An necesse est, ut de cinereo marmore, flavo, viridi, quod aliquando nigra gerit cruces, rubro quod Porphyrites, ferrugineo denique, & præduro, quod Basaltes vocitatur, idque oblongum, & instar columnarum erectum ef-

fodi

fodi solet, fufius differam, & loca, ex quibus eruuntur, designem? Malim ego de origine, duritie, & gravitate marmoris diligentius perquirere, quàm longas historias Philosopho quidem indignas contexere. Marmor ex succo benè subactò, & percolato, variis tamen exhalationibus infecto originem suam, colorum varietatem, & splendorem ducere mihi videtur. Ubi succus paulò est impuriùs, eiq̃ue molliores, vel duriores lapilli immiscuntur, tum vile, & fabricis inutile marmor eruitur, quod malleo percussum in frustula dissilit. Extractum marmor, ut cæteri ferè lapides, sensim indurefcit: ex particulis terrestribus, & multùm implicatis constat: nec meatus habet nisi angustissimos; hinc illius durities & gravitas. Parum humoris, terræ permultum obtinet; unde calcinatur quidem, non funditur: nam humor priùs avolat, quàm terrestres particulæ adeò implicatæ, & consertæ separari queant. Aquam non exsugit, quòd angustiores sint pori, quàm ut illos aquæ corpuscula subeant. Porphyrites minus habet gravitatis, quòd laxiores meatus obtineat: magna tamen est illius durities: nam partes illius sunt compactissimæ: hoc marmoris genus succi illabentes variis tingunt coloribus, ut in chartâ variegatâ omnibus notâ evenit: nam succus affusus, & per similes tractus discurrens, venarum quoque consimiles ductus efficit. Marmor candidum, ut Theophilus perscitè nos admonuit, minoribus constat sphaerulis: nigrum majoribus: hinc nigrum faciliùs perpolitur, atque ut lapis Lydius metalla probat. Heraclius enim, vel Lydius lapis inter marmor, & cotem ambigit; superficiem habet aliquantulum scabram; sed illa asperitas est penitus insensibilis: nam instar ferræ metalla quidem exedit, & suis rimulis eorum tenuissima corpuscula retinet. At si illi denticuli majores forent, nunquam possent auri vel argenti particulas arrodere, & divellere. Hinc poliendo, vel secando marmori magnâ duritiæ prædito quale est Basaltes, minutissimâ arenulâ, vel pulvere Smyridis utuntur opifices, ac ferram adhibent æream denticulis minimè incisam: aquâ identidem perfundunt arenulam, ne ferra incallescatur.

Alabastrum ejusdem ferè cum marmore generis censetur, nisi quòd mollius sit, & fragilius, atque instar gypsi combustibile; marmorì pondere non cedit, sed duritiæ: nihil forsitan est, quàm marmor nondum benè excoctum. Alabastrites propius accedit ad marmoris duritiem, neque instar Alabastris humorem exsugit. Alabastrum in pulverem contritum, atque unius scrupuli pondere unâ cum lacte haustum, magnum habetur dysenterii remedium: sed cautio est, ne combustum, vel majori copiâ intus assumatur, alioquin instar gypsi oscula

vena-

De causis  
marmoris.Porphyri-  
ta.Alaba-  
strum.

Alabastris.

venarum occludet, & suffocabit. Alabastrum enim præsertim mollius, quodque gladio facile persecatur, non multum a gypso alienum est. Alabastrites in varias species diducitur: ubi unguem humanum coloribus exprimit, Onychem vocant; solâ mollitie, & magnitudine à gemmâ ejusdem nominis discrepat: verum hæc incombusibilis est, Alabastrites non item. Hinc marmor Alabandicum, cui Alabanda Cariæ civitas nomen dedit, & ex quo vitra constantur, magis Alabastrites, quàm marmor censerî debet. Ex Alabastrite Thebaico, vel Ægyptio aureis maculis insperso Reges olim obeliscos Soli consecrabant: in Thermis Carolinis candore nitens plerumque concrevit. Quod si Alabastrites cum sale fossili torreatur, & comminatur, gravem oris, vel dentium fætorem magnâ ex parte auferet, ut testatur Plinius. Multa de industriâ transcurramus, neque enim omnia colligi in tantâ rerum varietate possunt.

*Saxa.*

Nunc de saxis, quæ & majori mole, & frequentiora passim occurrunt, perpauca dicemus. Saxum serè omne marmore mollius est, neque poliri potest, neque instar silicis liquari; cum ferro secatur, in frusta, vel in arenam comminuitur; vel in crustas, aut folia diducitur. Saxum ex arenis compactioribus, & asperis compactum ædificiis magis est idoneum, quàm illud, quod ex subtili arenulâ, & malè coherente concrevit: hoc quidem facilius politur, sed in tenuem fatiscit pulverem.

*Arena.*

Arena porro (ne id mihi excidat) vel ex terrâ effoditur, vel è fluviis, vel denique è maris littoribus colligitur. Fossilis est optima, nisi quodam pinguioti succo inficiatur, vel multâ terrâ inquinetur: utrumque impedit, ne arena calci adhærescat: bituminosus succus gustu facile percipitur. Arena verò digitis perfricta, si nullum stridorem edat, multâ abundat terrâ; maritimæ verò glareæ plurima, seu lapillorum fragmenta immiscetur; salsedo quoque admixta illam facit deteriorem. Fluvialis præferenda, dummodò exsiccata, & subtilis existat; fossilis ut plurimum pinguior est.

*Calx.*

Jam saxa, ex quibus calx efficitur, passim inveniuntur: saxum molle, & candidum habetur optimum, præsertim si pingue sit, & multo nitro prægnans. Calx è duris constata lapidibus utilior censetur incrustandis, vel dealbandis parietibus. Tres arenæ fossilis partes, vel duæ tantum fluvialis arenæ cum unâ parte calcis permiscendas esse statuit Vitruvius: quod si confusæ testæ tertiam partem admiscueris, optimum cæmentum consequeris; & quo diutius arena cum calce commixta manet, antequam ad usum adhibeatur, eo quoque tenacior futura est, & muri in longius ævum duraturi. Veteres ex calce

& adipe suillo Maltham incrustandis aquæductibus, & castellis, ne *Maltha.*  
 aquæ diffuerent, confecere; calcem prius in vino extinctam adipe  
 suillo, & ficum succo temperabant. Metallurgi aliud Malthæ genus  
 ex calce, sanguine bovino, & farinâ præparant farciendis vasis, qui- *Lithocol-*  
 bus funduntur metalla, perutile. Lithocollam alii aliter parant; gem- *la.*  
 marii ex laterum pulvere, & pice; alii ex marmoris minutissimo pul-  
 vere, ovi albumine, & pice conflant, atque hoc glutine committunt  
 marmoris fragmenta. Cæterum varii sunt, & multiplices calcis in-  
 Medicinâ usus, quos nunc persequi non vacat: sæpius extincta vim  
 illam mordacem, & urentem deponit, exsiccatricem retinet; oleo &  
 ceræ admixta obducit cicatrices; aceto extincto, atque identidem e-  
 luta optimum est adultis membris remedium, maximè si oleo rosaceo  
 temperetur. Calcis tres uncie in sesquilibra aquæ pluvialis extinctæ  
 triduo unâ diluantur; vas subindè agita, & sine aquam per diem in-  
 tegrum in vase occluso quiescere; aquam linteo percolatam alio va-  
 se excipe; decem salis ammoniaci drachmas in eâ exsolve, filtra;  
 summum obtinebis, si Anselmo Boëtio credimus, profundis, angustis,  
 & cancris ulceribus, atque oculorum inflammationibus remedium,  
 si tres guttulæ oculis instillantur. Eâdem aquâ cum adhuc calet, ve-  
 stium maculæ abstergi possunt.

Mitto de Topho, Ardesiâ, & aliis notissimis, vel saxis, vel lapi- *Tophus.*  
 dibus dicere. Tophus multis poris hiat, hinc illius levitas pumici si-  
 milis: fors est, ut ex succo lapidescente non concreverit: sed ex gra-  
 nulis, quæ aqua præterfluens secum vehit: nam topi mineræ vix  
 aquæ fluentis sunt expertes. Ardesiam nonnulli speciem cotis con- *Ardesia.*  
 stituunt; adeò ut constet partibus angulosis, quæ lumen ferè extin-  
 guunt: hinc illius nigredo; hinc faciliè cretâ inficitur: nam alperam  
 habet superficiem, quæ suis rimulis cretæ pulverem recondit. Cru-  
 statim educitur, quod succus per varias superfusiones accesserit.  
 Ardesiarum fodinæ multâ aquâ diluuntur, quæ quidem est nigerrima,  
 & quasi atramento infecta, sed ubi aliquantulum resedit, limpidior fit,  
 & salubrior: ramenta quippe Ardesiæ illam aquam atro colore tin-  
 gunt: sed tandem subsidunt, & unâ secum halitus, ac filamenta no-  
 xia præcipitant. Crustosi lapides, & cærulei, & virides, & cinerei silvæ  
 veniuntur; in nonnullis arborum rami, & folia, imò & integræ silvæ  
 miro naturæ artificio depinguntur. In Comitatu Mansfeldensi qui-  
 dam lapides nigri, & crustati occurrunt, quibus pisces flavi, &  
 quasi cuprei ita concinnè insculpuntur, ut verisimile sit in eo loco  
 stagnum olim extitisse, quo terris dilabentibus repleto, pisces ali-  
 quot exhalatione quâdam minerali obriguerint: hinc cuprum opti-  
 mum

num ex his lapidibus constari testis est Agricola. Totus orbis his scatet miraculis. In Alsatiæ confiniis sunt campi fabis, pis, atque aliis leguminibus in lapides versis operti; ita ut non succo lapidifico, sed spiritu quodam minerali ista induruisse crediderim. Quia ignorat, plerisque in regionibus aquam puram in lapides concrecere, ex quibus domos aliquando fabricant. Sed neque omnia exequi volumus, nec de mundi mirabilibus disputationem instituimus.

*Licet Bo-*  
*netus.*

Quamobrem nihil de lapide Bononiensi, qui in tenebris lucet, dicendum arbitror, præsertim cum doctissimus Fortunius Licetus de hoc lapide librum integrum conscripserit. Neque mihi cuncta cogitanti aliud occurrit, quam istius lapidis poros ita coarctari, ut primo elemento, seu ignitæ materiæ pateant, & cœlestes globulos exciudant; cumque subtilissima illa materia satis habeat virium, ut secundi elementi substantiam circumfusam impellat (in quâ quidem actione lumen consistere mihi persuasum est) non autem satis est valida, quæ terrestres particulas moveat, & separet; hinc ille ignis in Bononiensi lapide incensus lucet quidem, sed non urit; uti accidit in lignis putridis, vel piscibus sate conditis, cum exsiccare incipiunt. Placet, aliis sulfureum, & tenuissimum istius lapidis balitum luce diurnâ accendi, & non nisi post aliquot horas extinguit. Qui lumen substantiam fingunt, eam è lapide captivam servari putant. Ista quidem lusus differerem, nisi apud quos hæc haberetur oratio cernerem; ac subinde vereor, ne vobis tædio fuerim; neque enim in his admiscere potui aliquid nitoris: nec ingenium jactare volui, (nam in id eligi materia uberior poterat) sed propè nudam lapidum historiam tradere institui.





CAPUT OCTAVUM.

De gemmis.

I. De naturâ, origine, ac divisione gemmarum, & quomodo ab adulterinis genuina discernantur. II. De Crystallo, Adamante, & aliis pellucidis gemmis. III. De opacioribus & aliis minoris notæ differitur, ubi de viribus gemmarum, aut veris, aut fictis.

Simplicius.



Ut potuit nobis tædium obrepere in tantâ rerum varietate? non ii sumus, qui inanium verborum flumine oblectemur, aut limatam quandam sermonis tenuitatem affectemus: satis politè eloquitur, qui rectè sentit, & id, quod sentit, dilucidè explicat, maxime si cogitationes suas disponere, & illustrare possit; adeò ut neque orationis siccitas animos audientium avertat, nec magis verborum, quàm rerum splendorem consecrari videatur. Ego autem etsi vereor laudare præsentem, existimo tamen te non confusè, sed acutè, & subtiliter omnium serè lapidum naturas descripsisse; ita ut nec materia latissimè fusa brevius adstringi potuerit, neque accuratiùs pertractari. Cùm igitur de lapidibus tam multa, tam præclare dixeris, vicissim si placet, Theophilum de gemmis differrentem audiamus: sunt enim illi tam notæ, ut nulli notiores.

Th. Ineptiam si jubes; tametsi eos, qui hoc studio tenentur, solleo ad aurifices, & gemmarios mittere, ut ista ab ipsis hauriant fontibus. Enimverò ut ad rem ipsam aggrediar, gemmam vocamus corpus mole parvum, substantiâ durum, quod vel traluceat, vel illustri aliquo colore niteat. Gradus autem gemmarum plures sunt, & species penè innumerabiles: sed ut ab illâ discedatur infinitate, gemmas omnes in tria genera partiri licet; quædam nullo colore infectæ omnino pelucent, ut Adamas, & Crystallos; has excipiunt aliæ itidem traluentes, atque uno duntaxat colore insignes, ut Carbunculus. Tertio tandem loco lapides variis distincti coloribus collocantur, sive hi pelucent, sive nihil aliud quàm reluceant. Neque hîc necesse est, ut de vera gemmarum materiâ, origine, & effectrice causâ longiorem disputationem attexam: hunc enim locum superius jam satis expressimus.

Quid sit  
gemma.

Varia  
gemmarum  
genera.

Ubique

De origi-  
ne gem-  
marum.

Ubique gentium inveniuntur, ex Oriente tamen, & sequentiores, & longe pulciores adferuntur. Nonnunquam in excelsorum montium jugis occurrunt; aliquando ex arenis, & fluviis; sæpissimè ex metallorum fodinis eruuntur; adeò ut Philosophi non ignobiles unam esse gemmarum, & metallorum originem non absurdè existiment. Quòd si aquis metallicis tantum licet, ut plantas & animantes cogant in lapides; quis negare audeat magnam gemmarum partem ex iisdem aquis proficisci? Quare terra humida, & mollis aquis mineralibus scatens pretiosos lapides procreat, non sterile, & arenosum solum, quod nullo cohæret glutine. Unde, quæso te, gemmarum color, nisi ex metallicâ exhalatione, vel iisdem aquis spiritu lapidifico fortis? Qui gemmas adulterant, ii metallis ut plurimum abutuntur; hinc spuriz, & adulteratæ gemmæ, sinceris, ac genuinis aliquantum sunt graviores, nec limam sustinent, neque illum gemmis insitum splendorem vibrant. Sæpe impostores duos lapides malliche committunt, ut mole ampliores, & majoris adeò pretii habeantur. Interjecto quoque vitro aptis imbuto coloribus splendorem augent; vel demum gemmas perforant, & colore illustri vacuum complent spatium, aut certis aquis suis coloribus infectis gemmas emolliunt, quò mutuaticius color altius penetret, tum ignis beneficio pristinam duritiem restituunt. Joannes Bapt. de Porta, Alexius Pedemontanus, atque alii arcanorum scriptores, hanc pessimam gemmarum adulterandarum artem tradidere, quam certè in vulgus dispalescere non oportuit. Sunt qui duo vitra ex silicibus, & plumbo confata, atque idoneis coloribus infecta conglutinent: hæc porro seligunt vitra; nam quæ ex cineribus conficiuntur, faciliè pelliculam contrahunt, quæ elui non potest, atque eam ex salis acrimoniâ proficisci non abhorret. à verosimili: si quid pinguedinis lapidibus pretiosis adhærescat, non agrè abstergitur; non item in vitris gemmas mentientibus, in quibus etiam bullæ ignis violentiâ formantur, quæ fraudem ipsam produnt: nec tamen in omnibus hæ bullæ conspiciuntur. Quare longè tutissimum erit, gemmam ex annulo eximere, vel pondus expendere, vel denique eam limæ subicere. Addit Agricola vitra tactu linguæ tepidiora lapidibus percipi, & colorem spargere languidiorem. Verùm impostores norunt colores accendere; folia metallica gemmis facitiis, ut natis subternunt; sed adulterinis vitrum inserunt splendido colore fulgens. Imò hæc arte speciem mirificè augent, vitro nimirum pelliculo inter bracteolam metalli, & ipsum lapidem interposito. Inferior quoque lapidis portio, quæ annulo conditur, in varias superficies incisa, & complanata imaginem lapidis præbet longè ampliorem.

Multa

De gem-  
ma adul-  
terata, &  
quomodo  
discernan-  
tur.

Multa prætereo, ne fraudes docere videar. Omitto folia, quæ gemmis subijciunt, ex metallis tenuissima parari oportere, quæ filo appensa foramini idonei turculi, colore hyacinthino tinguntur; ubi cæruleum, vel alium colorem placere inducere, plumas addunt concolores, quarum fumo foliola metallica apto colore imbuuntur: sic buxi folia viridem colorem; lanæ coccineæ flocci consimilem reddunt colorem: Gemmis omnibus hæc folia subijciunt, quò lumen regerant fortius, & colore splendidiore fulgeant. Verùm iis omisiss, quæ ad artificum industriam pertinent, præcipuas gemmarum species, si minus oculis, animo saltem perlustremus, ac primùm de iis, quæ pellucidæ, & omnis coloris sunt expertes, dicendum arbitror; tum de iis, quæ aliquo colore sunt illustriores, agendum.

Exordium ab ipsâ Crystallo capiemus, vel quòd sit notissima, vel *Crystallina* quòd à plerisque omnium ferè gemmarum communis materies, & quasi primum rudimentum habeatur. Siquidem unâ cum aliis pretiosis lapidibus occurrit, & solâ fortè mollitie ab iis, qui tralucunt, distinet. Neque Plinii opinioni accesserim, quâ statuit, crystallum nihil esse præter aquam gelu concretam; quòd alibi non reperiatur, quàm ubi hibernæ nives maximè rigent; adèd ut hinc nomen deduxerit suum. Verùm hæc sententia multiplici titulo falsi arguitur: nam aqua in crystallum abit nunquam, neque ut glacies, & alia, quæ frigore coalescunt, calore solvitur; sed ut cæteri lapides calcinatur. Purissimæ lucerunt, calore solvitur; sed ut cæteri lapides calcinatur. Purissimæ quidem in rupium & montium jugis reperiuntur; è fodinis quoque subterraneis frequens erui solet: hexagonam, ut sæpè diximus, figuram assequitur: interim lapidibus adèd tenaciter adhærescit, ut ægrè divelli queat. Frigida est & sicca, ut quæ maximè; in pulverem cominutam atque unâ cum viro haustam dysenterias curare ferunt. Per magni est usus: nam vitra, & pocula purissimâ ex crystallo parantur. Veneti crystallum vitro, arenâ puriori, & sale alkali temperant, ex quibus vitra exquisita constantur. Taceo gemmas adulteratas & crystallo calcinatâ, cum tribus plumbi partibus permistâ, additis quibusdam mineralibus, quæ colores idoneos concilient, effingi. Quo purior & limpidæ aquæ similior est crystallus; hoc pluri ducitur: suis nâvis, ut cæteri lapides pretiosi, non caret. Nam sæpè rubigo quædam lapides inficit, vel ferreus color livorem inducit; aut candidior *Vitia* *gemmarum* nebula, aut umbra opacior, aut denique fumus obscurior, gemmarum splendorem, & nativum extinguit colorem: crystallum umbræ, & nebula non rarò obscurant; aliquando inspersæ maculae illius perspicuitatem quasi interpellant; maculam minutiore muscæ persimilem, salem dicunt; capillus est veluti quædam scissura, quæ radios regerit, ac

perspicuitati obest. Omnis in gemma alienus color in vitio est; tametsi aureæ, & splendidæ quædam guttulæ in multis lapidibus laudantur. Præcipua crystalli dos erit perspicuitas, & nullo tingi colore. Iris est quædam crystalli species, sed paululum obscurior; hæc Solis radios sic inflectit, ut Iridis colores in pariete depingat: cum ad citrinum colorem accedit, tum pluri æstimatur, quamvis sit opacior.

*Adamas.*

Crystallo Adamas, colore & figurâ affinis quidem est, sed duritie longè dissimilis; adeò ut nullo igne, vel ferro cum domari posse veteres crediderint, atque hinc nomen suum invenerint, nam Adamantem, quòd non sit domabilis Græci dixerunt. Quamquam id falsum est; siquidem & malleo conteritur, & ignis ardoribus tandem liquatur. Nec veriora sunt, quæ de viribus Adamantis fabulantur, quòd venena prodat, ita ut præsentem veneno humescere, & quasi exsudare videatur; quòd insaniam cures, vanos depellat metus, Magnetis virtutem suspendat: ista enim neque cum experientiâ conveniunt, neque ullâ satis idoneâ ratione fulciuntur. Sive Platonis Ideas, aut seminarias rationes; sive cum Hermete, atque impurâ magorum factione, stellarum influxus obtendamus: seu denique formas specificas, atque, ut loquuntur totius substantiæ occultas vires causemur, nihil quàm ignorantia nostræ patrociniæ præteximus: at pudere debet Physicos à rebus valdè dubiis, aut omninò commentitiis petere testimonium veritatis. Mirari subit, Alberto Magno Hermetis, & magorum sententiam non displicuisse: quis enim tam cæcus est in contemplandis rebus, qui stellis potiùs quàm succo percolato, vel minerali fumo gemmarum vires, & originem referat? Sed nescio quo contagio hæc vanitas à Chaldæis ad Philosophos permanavit, qui miras & incredibiles vires gemmis ac lapidibus tribuunt, magorum, vel Alchimiistarum portentosis opinionibus delusi. Quid stultius, quàm sibi persuadere lapides amorem, vel odium conciliare; fortunatos efficere; calamitates prænuntiare, atque alia opinionum monstra, quæ otiosi homines fingunt, ac nimium creduli Philosophi amplectuntur. Jam ne citra aliquam rationem desipere videantur, spiritum universi latissimè fufum inducunt cum Platonis: vel certas stellas quibusdam gemmis addicunt, ut metallis planetas destinant. Quàm variè & multipliciter dispensant stellarum aspectus, cum alii sint benefici, alii infestii; alii opes, alii infortunia præfagiant; adeò, ut mirum sit, homines tantum habuisse abs rebus seriis otii, ut tam immania portentaparturierint, & inventos esse Philosophos, qui istis fabulis crediderint. Ne ipsum quidem Albertum excipio, virum alloquin doctissimum

*De viribus gemmarum.*

num, & multæ lectionis; at nimia credulitas tanti hominis famæ nonnullam labem aspersit. Enimverò Albertum cum bonâ gratiâ dimittamus, atque ad certiora veniamus. Quæ sit Adamantis, & cæterorum lapidum natura, quod temperamentum, non satis liquet. Agricola ex succo congelato Adamantem coahuisset putat; ita ut Crytallo & duridum definit; siquidem in locis fervidioribus, ut in Indiâ Orientali, & frequentior, & præstantior invenitur: quemadmodum crytalli in Germaniâ, Alpibus, atque aliis frigidioribus locis passim occurrunt; in Indiâ vel rarò, vel nunquam. Adamantes quidem in Bohemiæ fodinis, & aliis Germaniæ regionibus reperiuntur, sed nothi, & vix à crytallo discrepantes: nam qui hexaedricam figuram nasci sunt, & molles, & crytallo simillimi existunt: globosi quidem sunt duriores, sed tincturam, uti Orientales, non patiuntur. Hæc quidem notâ legitimi à spuris discerni solent. Tinctura porro illa ex mastiche, & eboris combusti pulvere temperatur, quâ quidem adhuc calefcente, Adamantis infima superficies itidem calefacta illinitur, & bracteolæ metallicæ imponitur; efficitque hoc pigmenti nigrioris genus, ut Adamas radios fortius vibret, ac splendorem, velut loquuntur, ignes vividiores jaculetur. Reliquæ autem gemmæ, atque ipsi Adamantes nothi istam respuunt tincturam, neque ut Adamas perfringunt oculorum aciem, sed ipsius pigmenti nigredo radios sistit, vel extinguit, vel denique obscuros, & languidiores regerit. Jam cur Adamas tincturâ fiat vegetior, & acrius scintillet, cæteræ gemmæ non item, aliis excutiendum relinquimus. An fortè Adamas cum sit compactior, radios magis refringit, & longius reflectit, cum instar speculi opacitate quâdam obducitur? Hinc impostores pannî serici, & nigrioris, vel speculi frustulum inter metalli solum, & spurium Adamantem artificiosè inferunt, quo radii fortius resiliant, & splendor vegetior verum Adamantem mentiantur. Alii ex aliquot tritici granis oleum proliciunt, quo fuliginem, vel picem, vel eboris adusti pulverem diluunt, idque fastitiis gemmis eâ supponunt industriâ, ut inter eas, & mastichem nonnihil aëris intercipiatur: sic enim radii luminis antequam ipsius pigmenti opacitate extinguantur, resiliunt, atque illustri fulgore vel peritis artificibus faciliè imponunt. Sed cur mastiche potius Adamanti, quàm cæteris gemmis adhærescit? Nunquid propter naturæ cognitionem? An potius quod eâ sit in Adamante linearum structura, ut mastiches filamenta rimulas, & vacua spatiosa Adamantis occupent, & ita inter se optimè conveniant? Sunt qui alias minoris notæ gemmas, ut Amethystum, Sapphyrum, Chrysolitum laminulæ ferreæ

ferreæ impositas calce vivâ, vel ehalybeâ scobe condant, & vivis carbonibus operiant, ut igne sensim aucto nativis coloribus exuantur, atque Adamantis speciem præ se ferant: nam si durities lapidi adsit, & perspicuitas, vix quicquam ab Adamante differt. Nihil addam de hujus gemmæ viribus: nam pleræque mihi suspectæ sunt, vel superstitionis, & vanitatis plenissimæ. Quis enim mihi persuadeat Adamantem furore, & insaniâ liberare, victoriam largiri, adulteria prodere, maximè si quidam characteres, vel figuræ insculpantur? Et ista quidem docent, qui sibi Philosophorum nomen inscribunt; nescio, quomodo illi superstitionis Philosophi quidvis malle videntur, quàm se non ineptos. At, inquiunt, magna est vis siderum, multa sunt nobis incognita, quæ non continuò sunt falsa, quanquam fugiant intelligentiæ nostræ aciem: quotus quisque stupendas magnetis vires mente assequitur? His sanè non repugno, ac totam ferè naturam tenebris esse involutam libenter concessero: sed quid stellis cum figuris lapidibus impressis? an fortè excitantur, & quasi admonentur Martis, vel Herculis figurâ, ut influentias victrices effundant? at multa eventus ipse comprobavit, multa docuit longinqui temporis observatio. An tu putas, ullam anum tam deliram fuisse, ut iis crederet, nisi casu nonnunquam, & temerè ista concurrerent, & forte quâdam contingerent? Verùm abeamus à nugis: placet alias gemmas crystallo affines cursim perstringere.

*Opalus.*

Nulla æquè oculis blanditur, atque Opalus, nam omnes Iridis colores tantâ varietate exprimit, ut nulla ars imitari hanc naturæ solertiam possit. Crystallus diversis quidem imbui potest coloribus, sed constantes erunt, & dispersi, nec ex eodem puncto varii colores emergent, quemadmodum in Opalo contingit: nam ut Soli diversimodè obvertitur, dissimiles quidem, sed mirum in modum temperati colores exsurgunt. Cùm translucet, atque omnes Iridis colores exhibet, vel si sit nigrior, atque instar carbunculi rutilet, magno venditur: non tanti æstimatur, cùm opacior est & languidior; vel lacteo nitet candore. Nonnunquam pellucet, & Solis quasi vagam, atque errantem reddit imaginem: hinc Astroites à Plinio vocitatur; Itali Girasole nominant, atque in varias diducitur species: modò cæruleum colorem, modò niveum candorem præfert: varias stellulas multâ luce radiantes aliquando complectitur: interim diversis coloribus variegatur, tumquæ Astroitem, vel Solis oculum appellant: Opalum duritie superat, sed vincitur colorum gratiâ, & admirabili quâdam varietate. Nec me fugit, aliud esse lapidis genus, quod Asterites vulgò dicitur; lapis est opacus, coloris cinerei, in quo plures stellæ nigri-

*Astroites.*

*Asterites.*



ores depinguntur: interim rosas, vel fluctus glomeratos ostendit. Mirari solent hunc lapidem aceto immersum sponte suâ huc atque illuc impelli; sive illius spiritus aceti acrimoniâ incitentur; sive humor linearum ductus excavatos subeat, atque aer, dum exitum quaerit, lapidem exagitet. Adversus pestem, & venenatos morbos plurimum valere exultimant: quatuor grana contrita idoneæ aquæ infusa præcipiunt: vermes quoque enecare, sanguinem expurgare perhibetur: adeo ut inter pretiosos lapides, si minùs specie, certè utilitate maxima locum sibi vindicet. Anselmus meminit alterius ejusdam lapidis, qui in Comitatu Tirolensi invenitur, cuique stellaris lapidis, vel Astroitis nomen longè potiori jure quàm cæteris convenit: nam ex variis lapillis aptissimè inter se connexis, quasi lamellatim compingitur: atque in singulis stellulæ adeo conninè insculpuntur, ut sigillo impressas fuisse dejerares. Forma cujusque lapilli est variis angulis incisa, quibus totidem respondent stellarum radii, qui ad angulorum apices producantur. Sed redeo ad gemmas.

Nulla oculis æquè arridet coloris suavitate, ac Smaragdus, cuius gratisimus viror visum mirificè recreat. Orientales Smaragdi, cuius Smarag-  
du. majori in pretio habentur, quòd sint duriores, magis traluceant, circumfusum aëra suâ viriditate tingant: hinc majores videntur; nam fulgor, quem circa se spargunt, auget eorum imaginem. Occidentales, mole quidem sunt majores, sed dilutiori colore visum non implent, nec radios vibrant; sale persæpè inficiuntur, aut nubeculis obscurantur; substantiæ quoque sunt mollioris. Magnæ vires adversus venena, pestem, & alvi profluvia, huic gemmæ tribuuntur. Vulgaris dosis est sex granorum pulveris optimè confusi. Nec desunt, qui Smaragdum infantium collo suspendant, quòd morbum comitalem vel arceat, vel expugnet: quòd si major sit morbi vis, quàm ut profligari possit, Smaragdum disrumpi ajunt, quasi victus superstes esse nolit. Multa addunt Philosophi isti penè phanatici, quibus auctoritatem quidem nullam debemus, nec fidem adjungere. Quid enim est, quòd minùs probari possit, quàm Smaragdum illegitimos veneris ætus non pati, sed statim confringi? ingenium sanè lapidis mirabile, & castitas omninò incredibilis. Quinetiam dæmones fugat, terrores panicos discurtit, memoriam firmat. A Magis quidem ista licentia, quæ potius à scutire, memoriâ firmat. A Philoſophis refelli debet, Illud quidem minùs absurdum, Smaragdum hæmorrhagiam curare, si ori; dysenterias, si ventri admoveatur; parturientis femori alligatum, promovere; si ventri applicetur, partum retinere. Ego verò, ut illis non accedo, qui ægant, gemmas detractâ venustate quicquam habere utilitatis: ita

ita neque earum vires tantas esse putem, quantas plerique Philosophi jactant: vix in animum induco meum, solo lapidum contactu, non modò sanguinem fisti, sed etiam gravissimos curari morbos. Plerumque altius morborum causæ infixæ latent, quàm ut tam futilibus remediis cedant: neque ejusmodi medicamina plurimùm valent adversus morbos contumaces; multa gemmarii ipsi mentiuntur, quò gemmas magno vendant.

*Prasium.* Sic Prasium, cujus viror dilutior est, quàm Smaragdi, atque hujus matrix sæpè existit, coram veneno decolorari tradunt; adeò ut pristinus color non nisi abluto restituatur. Sic Beryllum, quem Itali aquam marinam vocant, quòd viriditatem maris æmuletur (nam illius viror cæruleo temperatur) nos ab insidiis inimicorum tutos reddere falsò prædicant. Illius pulverem ulceribus oculorum mederi non inficior, sed quâ virtute insidias avertat, non assequor.

*Malachites.* Malachites itidem viridis, & venulis candidioribus ut plurimùm distinctus, in pulverem contusus erumpentem è vulneribus sanguinem inhibeat, vino calido admistus venenata curet ulcera, spasmo liberet, ventriculum malè affectum solo contactu juvet, nihil pugno: at nego eum lapidem à fulmine nos tueri. Nescio an contra fascino aliquid possit; ista enim Theologi ipsi viderint; nos ultra naturæ limites non excurrimus. Sed neque ita sum rerum imperitus, qui negem, quicquam gemmas nisi per manifestas qualitates operari.

*Lapis Nephriticus.* Nephriticus lapis colore itidem viridi, ac vitriolum referens, brachio gestatus arenulas, & minutiores calculos non manifestâ, sed occultâ qualitate protrudit, & mirâ quâdam proprietate renes æstuantem temperat. Id verò non indoctum vulgus, at magni, & nobiles Philosophi se expertos fuisse testantur.

*Turchoidea.* Quod autem de Turchoide vulgò creditur, quis serat? nempe infortunia avertere, atque in se transferre; ac vehementer demiror Anselmum Boëtium, virum pereruditum, & minimè credulum, his tam nugis fidem quodammodo adhibere. Multùm in eam propendet sententiam, dæmones certis lapidibus quasi illigari, ut homines variis præstigiis deludant. Narrat sibi à patre hanc gemmam dono datam (nam id quoque necessarium putant, ut Turchoidea tanta patret miracula; adeò superstitio hominum imbecillitatem occupavit.) Hispani cujusdam olin fuerat, ac tum cùm viveret, hæc pulchrè nitēbat: eo mortuo, quasi lapis domini sui lugeret exitum, omnem ferè decorem amisit, vili emptum pretio Boëtius annulo inseruit, ac paulatim pristinum nitorem recepit: & quò magis mirere, fractus lapis diss-

diffiliit, cum is, qui illum gestabat, semel atque iterum summum adiit vitæ discrimen: cumque aliquando ex regio morbo convalesceret, gemma facta ante decolor, sensim splendidior evasit; ita ut ex illius lapidis coloribus futuræ sanitatis indicia colligeret. Franciscus Ruus his ferè similia de Turchoide se expertum testatur. Nec fortè absurdè ista explicari, atque ad naturæ leges revocari possunt, si cum ipso Anselmo substantiam hujus lapidis acriori animo consideremus: est enim mollior, nec colorem habet constantem: nihil igitur mirum, si halitu, qui è corpore jugiter per transpirationem erumpit, inficiatur; adeo ut obscuretur malè affecti corporis vaporibus: contra splendior futurus est, cum qui cum gestat, pulchrè se habebit: & sanè hæc gemma aceti, & salis ammoniaci adminiculo primum nitorem recuperat. Quem verò fugit, tenues illos halitus, qui ex corpore continenter exspirant, aceto, & sali ammoniaco affines existere: cum acres sint, falsi & penetrabiles? Sed cur Turchoides in magnis periculis confringitur? cur Rubinus (ut à gemmis virentibus ad rutilantes, & sanguineas veniam) calamitates futuras suo pallore prænuntiat, ut præter cæteros se expertum tradit Gabelchoverus Andrea Baccii Scholiasies, nullâ ratione id explicari posse arbitror: neque hi auctores quanti quanti sunt, nos ita faciles ad concedendum habebunt, ut ea sumamus pro certis, quæ concedi nullo modo possunt. Ne illud quidem dabo Carbunculum, vel Rubinum morbos arcere, & atræ bilis fumos discutere: nec tam præclaræ dotes in lapidem catrant. Fors est ut illius pulvis venenatos morbos depellat: sed non est verisimile tantum posse occultas qualitates, vel effluvia corporca. Nunc varias Carbunculorum species placet oratione percurrere.

Rubini coccineus, & accensus est color; matrix, & quasi illius vena cum pellucet, & roseo colore diluitur, Balatium, vel Palatium, tanquam rubini domicilium dicitur. Nam Rubinus quasi alitur succo sanguineo; principio quidem candidus est, tum paulatim rubescit: interim parte alterâ candidum, alterâ cæruleum, vel rubrum præfert colorem, penes suecorum, ex quibus cogitur, varietatem. Nec rarò in iis natura ludere videtur, atque ex diversis gemmis solet unam componere. Spinelli minùs, quàm Carbunculi accenduntur. Granatæ minii colorem referunt, & instar Anthracis rutilant: tametsi variè illius sunt differentiæ: quædam enim sunt nigriores, & pulchrè fulgent, præsertim si argenti folium iis subjiçiat; tum enim longè majorem splendorem jaculantur; aliæ hyacinthino colore tinguntur. Quid etiam obstat, quominus Hyacinthum inter Carbunculi species recen-

Carbunculus.

Balatium.

Hyacinthum.

*Amethy-  
stus.**Sapphi-  
rus.*

seamus? non eum, qui instar succini flavescit, vel qui vitrum antimoni colore suo refert; sed qui minii colore tingitur. Mitto de Alabandicis dicere, Rubinis paulo sunt nigriores. Amethystus Hyacinthio vicinior purpurei est coloris, qui ferè ex rubro, & cæruleo exsurgit: pluris æstimantur quo sunt duriores: nam faciliè Adamantis speciem induunt. Contra ebrietatem commendari solent, fortè quia vini colorem imitantur. Quòd si tum Hyacinthus, tum Amethystus industrios, vigilantes, & fortunatos efficiant, ut Philosophi nobiles prædicant; papæ, quàm magno erunt vendibiles? quanti erit pretii Sapphirus, quem cæruleus, vel cælestis color non adeò commendat, ac vires prorsus incredibiles. Nam pudicitiam confert, in pulverem comminutus oculos nimio humore diffuentes exsiccat, inflammationes temperat, hæmorrhagiam inhibet; unà cum lacte potus febres malignas, & venenatas, nec non interiora curat ulcera; lapis ipse vel fronti admotus sanguinem è naribus erumpentem sistit. Nulla adeò gemma est, quæ omnes ferè morbos non eliminat; ita ut mirum, sit in tantâ remedium ubertate homines mori posse.

*Topasus.  
Chrysolithus.*

Quid memorem gemmas aureo colore fulgentes, in quibus Topasus excellit? veterum quidem Topasus pellucet, & viridi colore, sed dilutiore oculos pascit: cum aureo colore fulget Chrysolithus, vel Chrysoprasus dicitur. Hic bilem, & nocturnos horrores, nec non ipsam phrenesim curat; ille verò aureus, & pulchrè nitens eadem ferè operatur miracula; morbum etiam comitalem, atque alios ex atrâ bile ortos depellit; ipsis dæmonibus terrori est; audaciam, constantiam impertitur, ingenium exacuit. Verùm hæc pariter cum cæteris explendantur, neque in istis næniis refellendis tempus frustra conteramus, ne laboriosè ineptire videamur.

*Sarda.  
Sardonyx.**Onyx.**Chalcedo-  
nim.*

Nunc ad gemmas opaciores descendam, quarum quædam ex parte pellucet, ut Sarda, quam carneolam, vel corruptâ voce cornalinam nominant, quòd subrubram carnem referat. Sardonyx, ex Sardâ, & Onyche quasi componitur; circulis ut plurimum nigris, albis, & sanguineis distinguitur. Onyx verò id nominis obtinuit, quòd unguem humanum colore, & splendore exprimat: aliquando ceu cornu politum refulget, & albis venulis inspergitur, quæ vario plexu oculi figuram imitantur. Chalcedonijs lapis quædam fuit olim Carbunculi nigrioris species, nunc ad Onychem referri solet; durus est ut qui maximè; levi, & nebuloso colore per totum corpus fuso imbuitur: aliquando nonnihil purpurascit, vel cæruleo diluitur colore, tumquæ pluris æstimatur: sed nunquam rubeus color à nigro seccernitur; alioqui Sardonyx futurus est.

Jam aliæ sunt gemmæ, quæ minimè tralucēt, sed nihil aliud quàm relucēt, in quo censu Achates, & Jaspidis varia genera reponuntur. Achates non quidem ut Onyx variis circulis cingitur, sed quasdam gerit lineas discolores, quæ suis ductibus arbores, fluviōs, & animalia pulchrè exprimunt. Hinc varia sortitur nomina: nam Dendrachates vocatur, si arboris, Corallachates, si corallii formam gerat: cùm hæc gemma formam oculi nobis exprimit, tum Oculi belii dicitur: siquidem nigrior pupilla suâ Iride, cincta medium lapidis cætera candidi occupat, & varii colores miro distinguuntur ordine, adeò ut non temerè, sed doctâ naturæ manu appositi videantur. Jaspis porrò, ut Achates in diversas species diducitur, si varietas colorum differentiam inducat: ut plurimum viridis est, & cum aliis gemmis sæpè confunditur: aliquando enim cum Achate, interim cum Onyche, vel cum Sardâ permiscetur. Illustrior Jaspidis viridis species, es punctis, aut venulis sanguineis distinguitur, nunc Orientalis Jaspis, olim Heliotropium, auctore Plinio, dicebatur, quòd hæc gemma aquæ immersa radios solares, quos regerit, in sanguineum colorem mutare videatur. Non committam, ut istorum lapidum vires silentio præteream. Ac primùm de Onyche auctores non consentiunt: quidam enim sensus vegetiores eum reddere, ac perturbationes animi sedare perhibent: alii tristitiam, & terrores inducere asserunt: sed ita, ut præsentem Sardâ, vel Sardonyche, non noceat: siquidem hæc gemma animum exhilarant, & quò magis mirere, libidinum æstus temperant, fascinos amoliantur: quòd si Cardanum audimus, litigantibus victoriam, & omnibus opes largiuntur. Sardæ pulvis austero vino infusus adversus dysenteriam, & humorum corruptionem præcipitur. Non dissimilia de Chalcedonio lapide promittunt, maximè quòd tristitiæ nubila discutiat. Albertus de Onyche refert, quòd admotus oculis, si quid pulveris, aut sordium inciderit, abstergit: idem de Sapphiro se expertum esse tradit, postquam aquæ immersus fuerat. Ego quidem arbitror omnes ferè gemmas, dum tersæ sint, & politæ, idipsum præstare: sed illud magis miror, quòd de Sapphiro se comperisse testatur, qui carbunculos, vel anthraces fugaret: vel quòd ait de Smaragdo, qui, ut jam insinuatum à nobis fuit, impuditiæ adeò est impatiens, ut in ipso veneris actu frangatur: illud tamen experimento Regis, qui tum Pannoniæ imperitabat, comprobare conatur. Eadem ferè alii de Sapphiro referunt: fors est ut spiritus acerrimi, & penetrabiles, è toto corpore prodeuntes, gemmas, vel inficiant, vel dirumpant. Verùm longius evagor, Achatem tradunt venenis resistere; adeò ut illum lapidem nido suo subternat aquila, quò pullos à venenatis animantibus

tutetur: febricitantium ore, vel manibus contrectatus immodicam, ut ferunt, sitim restinguit. Jaspidis præsertim rubri, & nullo alio colore infecti vires, & majores sunt, & certiores: nam collo appensus omnem sistit hæmorrhagiam, ut sæpe à se compertum testatur Boëtius, ac multas refert historias, quas nunc non est narrandi locus. Ex nova Hispania obscurior quidam Jaspis sanguineis maculis inspersus advehitur, quo sanguini sistendo nullum esse remedium efficacius ferunt. Ex eadem quoque regione lapidem tersum & nigrum adferunt, qui umbilico admotus hystericum morbum sanat. Jaspis viridis è collo suspensus, ita ut tangat os ventriculi, mirum in modum stomachum corroborat, sanguinem inhibet, hydropem, & febres, quæ ex debili concoctione oriuntur, arcet; aliquando epilepsiâ liberat, & variis (ut putant) medetur morbis. Iisdem planè viribus præditum, esse Heliotropium autumant. Mitto fœiles, & penè aniles fabulas, quæ de hoc lapide Plinii temporibus jactabantur; scilicet quòd invisibilem eum, à quo gestabatur, redderet: alii fingunt Heliotropium tantum fervorem aquæ, cui immergitur, conciliare, ut in vapores innox instar pluvie relapsuros exhaletur. Nec major debetur fides Alberto, qui aquam ferventem Topaso injecto statim deservescere, idque à quodam suo sodali experimento compertum fuisse asseverat. Heliotropium non rarè Smaragdi, Prasii, & alliarum gemmarum viridantium matrix est, & quasi vena: inter Jaspidis species principatum obtinet, nisi Jaspidi formas quasdam nemorum, vel animalium natura impresserit; tum enim pluris ducitur. Mensam ex Jaspide, atque aliis gemmis compositam eâ solertiâ construi jussit Rodolphus secundus, ut nemorum, arborum, & florum imagines pulchrè à naturâ insculptas redderet; hocque opus inter mundi miracula recensere non dubitat Anselmus illius Imperatoris Archiater: nam singulis gemmis tanquam tessellis inerat colorum gratia, & varietate suâ iniridicè oculos pascobat; neque ullum commissuræ vestigiū apparebat. Jam mihi videor satis de iis dixisse gemmis, quæ minùs sunt ad usum aptæ, quàm ad ornatum decoræ.

Nec clam me est, alios esse lapides non specie quidem suâ, sed usu spectabiles, quorum omnium naturam & formas non vacat describere. Illustis est lapis Lazuli opacus quidem, sed instar Sapphiri cæruleus, atque aureis maculis inspersus; adeò ut cælum sideribus ornatum exprimat. Colorem in igne non ponit, cum lapis Armenus huic persimilis constantem in igne colorem non servet. Ex illo tintura cælestis, quæ vulgò ultramarina dicitur, auro pretiosior educitur. Armeno quoque lapide pictores utuntur, & cæruleum præbet

colo-

*Lazuli.*

*Lapis Armenus.*



colorem, qui sensim in viridem degenerat. Contritum lapidem identidem abluunt, atque in aquâ limpidâ, in quâ gummi Arabicum exsolutum fuerit, agitant; pulvis subsidit; aqua alio excipitur vase, & dilutiorem subinde colorem exhibet. Quâ verò industriâ ex lapide Lazuli pretiosum illum extrahant colorem, nunc dicerem, nisi id Anselmus à Boot, quem sæpè nomino, fusissimè exposuisset. Quod ad utriusque lapidis in Medicinâ vires attinet, quartanam, epilepsiam, & apoplexiam curare creduntur: sed præcipue lapis Armenus morbos omnes ex atrâ bile ortos domat; ni sæpius eluatur vomitum ciet, sed ablutus humores melancholicos per alvum dejicit: trium scurpolorum pondere assumitur.

Restat, ut, quantum potero, brevissimè decurram lapides, qui ex rebus animatis educuntur. Ex veteri gallo gallinaceo extrahitur lapis *Alectorius*, coloris ut plurimum cærulei; hunc ore gestatum ajunt sitim restringere, & victoriam impartiri nugantur. Sunt quædam in Italiâ aviculæ, Romani palumbellas vocant, ex quibus lapilli eruantur, qui calculum comminuunt: in pulverem minutissimum contunduntur: semidrachma hujus pulveris unâ cum scrupulo cinnamomi, & tantundem florum sambuci juscule infusa per octiduum assumitur. Lapilli ex percâ, cyprino, & aliis piscibus extracti ad eundem adhibentur usum. Sic cancri, qui exuvias ponere gestiunt, lapillos præbent, qui contriti in pulverem frangunt calculum. In vesiculâ felleâ animantium concresecunt calculi, quos adversus venena multum valere putant; maximè, qui ex boum felle eruantur. Judæi, & Turcæ hos lapides diligenter exquirunt, quòd eos naribus admotos epilepsiæ paroxysmos inhibere arbitrentur. Tunicatim verò, & quasi per membranas solent concresecere: non secus ac lapis Bezoar præter cæte- *Bezoar.* ros insignis, & si vulgo credimus, viribus planè admirabilis: ex capris Indicis, vel Persicis colligitur, eumque in ventriculis gerunt. Non abhorret à vero, istum lapidem ex humore viscoso cujusdam herbæ croco similis compingi: novo enim accedente succo, ex parvis initiis tandem concrescit. Omnis adeò hujus lapidis virtus ex herbis aromaticis dimanat: hinc quæ pascuntur in montibus capræ, longè præstantiores præbent lapides, quàm quæ in planitie degunt; sæpè in ipso quasi lapidis centro herbæ suavem odorem afflantes reperiuntur: hinc tantæ vires adversus venena, pestem, & morbos pernè omnes, qui cor ipsum invadunt, vel ex putredine oriuntur. Vermes enecat, quartanæ, & comitiali morbo medetur: infantibus duoduntaxat grana; sex vel octo adultis, aquæ acetosæ, vel alteri idoneæ infusa solent præscribi. Ex capite bufonis lapillum hæmisphæricum

**Borax.**

cum obscuris inaculis distinctum, coloris cinerei, vel subnigri aliquid quando extrahi plerique auctores referunt: Boracem vocat Albertus; alii Batrachitem, nostri (*Craspaudine*): crediderim istos lapillos in campis potius, quàm in bufonum capitibus occurrere; atque haud scio, an tantum valeant adversus venena, quantum vulgò prædicant. Coram veneno sudare ajunt: idem planè asserunt de lapide, qui serpentis ovum vocitatur, & nihil est, ut arbitror, quàm ovum testudinis in lapidem commutatum. Nec mirum, si gemmæ quædam venenis admotæ exsudare videantur; cum id commune sit omni lapidi terfo, & frigido, ut aëri calidiori expositus humefcat: nam spiritus, vel halitus calidi densantur occurso frigidi corporis, atque in aquam

**Lapis Chelidonium.**

resolvuntur. Boraci similis est Chelidonium lapis, nisi quòd mole minor existit; aliquando subnigri, nonnunquam subrubri coloris invenitur: illum ex hirundinibus extrahi falsò putant: sed id propius vero existimo, quòd hirundines hujus lapilli beneficio ex oculatis pullis visum restituant. Nam si pullorum oculos acu confixeris, futuram quidam ajunt, ut matres istorum lapidum operâ oculorum usuram pullis reddant. Cassendus vir alioqui non multùm credulus, ejusmodi historiam refert, quâ persuadet, non herbâ Chelidoniâ, ut vulgò credunt, sed lapillis subrubris visum pullis hirundinum restitui: hunc adèò lapidem quâdam naturæ cognatione omnes oculorum dolores amoliri putant, si globulo aureo inclusus, vel è collo pensilis gestetur. Quinetiam illius vires contra insaniam, & epilepsiam mirificè efferunt. Cæterum ut hirundines Chelidonium lapidem, sic aquilæ

**Ætites.**

Ætitem ad usum quidem diversos usurpant; sive ut serpentes, & venenatos animantes fugent; sive ut faciliùs parturiant, in nidis reponunt suis. Lapis est rotundus, coloris subnigri, minutiorẽ alium lapillum, qui nonnunquam pellucet, vel terram pinguem, & margæ similem complectitur; cortice siliceo obducitur: brachiis alligatum, fœtum retinere; femori verò appositum partum accelerare sibi persuasum habent. Marga verò, vel terra pinguior, quâ Ætites quasi prægnans invenitur, terrâ sigillatâ vix habetur inferior: nam febres malignas, dysenterias, venenatos denique morbos, ne peste quidem exceptâ debellat: sed sæpius est eluenda, & aquæ acetosæ, vel spiritui vitrioli infundenda.

**Geodes.**

Geodes inter pretiosos lapides numerari non debet, quamvis Ætitem referat, atque induratum arenulam intus contineat. Sic Enhydros, qui aquam in sui medio recondit, nullius ferè usus habetur. Hæc multa de Margaritis, & Coralliis subjicerem, nisi ista alterius essent loci. Quare nos ad metallorum contemplationem accingamus: digna res est, cui aliquot horarum opellam demus: verum

rum-

runtamen de his à prandio. Non equidem vos prolixè accipiam:  
nec quicquam paravi, præter quotidiana: sic enim inter nos conve-  
nerat. Jam lavemus ac discumbamus. Ipsa adèò Philosophia, ut pau-  
lisper sileat, est exoranda.

## CAPUT NONUM.

## De metallis in universum.

I. De metallorum materiâ diversa opiniones conciliantur. II. De  
metallorum generatione. III. Utrum in diversas species di-  
ducantur.

*Menander.*



Edemus jamdudum otiosi; surgamus paulisper deam-  
bulaturi, ac disputationi nostræ sinem aliquando im-  
ponamus: in hâc viridi, opacâque ripâ exspatiantes,  
tum interdum residentes, de metallorum naturâ, ori-  
gine, & usu uberius, quàm soleant plerique Philosophi,  
disseramus; hi quidem contrâ quàm polliciti, profes-  
sique sint, quidvis potius docere, quàm veram Philosophiam viden-  
tur. Neque abditas rerum naturas evolvere, sed barbaras voces bar-  
barius explicare moluntur: eandem ferè omnes cantilenam occi-  
nunt: paucis commutatis verbis eadem à pluribus scripta sunt sæ-  
pius. Ex illorum certè lectione surgò non doctior, sed irritior ad  
contentionem. Vanis quæstionibus indormiunt; puerilia quædam  
consecantur: uni Aristoteli litare volunt, quem discerpunt miserè,  
& in suas quique partes distrahunt. Cùm tamen non tam auctoritatis  
in disputando, quàm rationis momenta quærenda sint.

*Simp.* Rectè tu judicas: sed vereor, ne plura in diversum pecces:  
illi enim Aristotelem sequuntur, qui sanè ab optimo non plurimum  
abest, & summæ fuit apud veteres auctoritatis: tu verò unum Cartesi-  
um admiraris, omnibus anteponis, maxime diligis. Fuit certè vir ma-  
gnus, & acutus: sed neque mihi Sibyllæ folium erit, quidquid ille di-  
xerit; neque necesse est, ut Philosophi, quâ veteres, quâ recentiores  
huic fascies submitant. Mallem te solutum esse, & liberum, nullivè  
sectæ addictum. Profectò me illorum pudet, qui Philosophiam solâ ter-  
minorum explicatione metiuntur; intima naturæ arcana vel transili-  
unt,

Non

unt, vel supinè & oscitanter pertractant; ita ut nec quicquam ex eruditâ Aristotelis scholâ; neque ullum ex veteribus legisset; sed tantum ex indicibus, & distatis codicibus sapere videantur. Optarem sanè, ut aliquem controversiarum facerent modum, atque ætatem in libris nollent contere; studiosius antiquos legerent: ex iis enim liceret optima quæque decerpere, in ordinem disponere, proprium adhibere iudicium, non aliena tantum exscribere. Aristotelem, ut præcipuum Philosophiæ lumen sequi tutissimum est, veruntamen ab eo licet nonnunquam dissentire: supervacuum enim foret in studiis longior labor, si nihilliceret melius invenire præteritis. Nec pigeat aliquando multorum in unum conferre inventa, & plurima experiri: nam Philosophiæ naturalis pars vel maxima constat experimentis, non vanis disputationibus continetur. Siquidem, ut ad propositum nostrum revertar, cum agitur de metallorum naturâ, & origine, credam potius Alchimis, Docimastis, atque iis, qui metalla effodiunt, liquant, & examinant, quàm umbraticis, & otiosis Doctoribus, qui tremulo cantu frangunt subsellia, nec quicquam experti, ratiunculis quibusdam ex Logicâ depromptis communem metallorum materiem fingunt, vel halitum nescio quem cum Aristotele; vel terram aquâ permistam cum Agricola, & Scaligero; vel cineres aquâ perfusos cum Arabe quodam nomine Gilgile. Irrident verò Chymicos, qui metalla componunt ex hydrargyro, & sulfure. Quod si salem cum Paracelso, vel arsenicum cum Gebero, vel denique terram chalcanthosam, cum aliis adjungas; statim convicia audies: nam maledictis sapius quàm rationibus velitantur. Nec verò timendum est, ne iis, qui metalla tractant, expurgant, & resolvunt, temerè fidem adhibeamus.

Aristoteles quidem ea dicit, quæ probari minimè possunt, metallorum naturâ scilicet, & lapides ex vapore, instar pruinæ concrevissent. An veterum naturæ metallorum, quæ, ut refert Agricola, 60. pedum altitudinem plerumque superant, ex halitu condensato prodire? mirum si tenuis vapor lapides penetrat, & tam patentes diducit venas. Quæro an fumus ille antequam frigore concrevcat, naturam, & speciem obtineat metalli, an nondum etiam, sed expectandum erit, dum instar pruinæ, vel roris cogatur? Enimverò frigus nihil generat, partes quidem divulsas colligit, at nulli rei formam præbet. Ergo halitus nondum concretus jam metallum fuit. Quod si ita sit, latet adhuc metallorum generatio; nec dum enim satis constat, quid illi fumo metallicam speciem dederit. Is quidem vapor è succo metallico exhalatur, quemadmodum hydrargyrum sublimatus in fumum diffatur, atque instar pruinæ vasi adhærescit: sic vapor ex aquâ sublatus in aquam relabitur: neque

neque fumi, si qui sint in mineris, aliundè quàm ex ipsis metallis erumpunt. Adi eos, qui venas perreptant, & metalla effodiunt; roga an instar pruinae ex fumo, quem Sol evexit, densetur: vix risum eorum effugies. An Solis calor tam altè penetrat, ut tantam vaporum copiam sursum efferat? huc & illuc se versent Peripatetici licet, nihil in fodinis offendent, quod metalla ex vaporibus condensari sibi faciat. Nec tenuissimus vapor in corpus densissimum ita repente accipiat, quin priùs succi mollioris speciem induat: natura enim ab uno extremo ad aliud non statim evolat, sed per gradus progreditur. Factum equidem in mineris metalla instar rosis aspersa nonnunquam occurrere: sed id perraro evenit, cum scilicet mercurialis humor calore subterraneo effertur. Quòd si ea foret metallorum origo, ejusmodi aspergines in omnibus fodinis invenirentur; vel certè longè essent crebriores: neque ex iis, quæ vix, aut nunquam eveniunt, firmissimum argumentum desumitur. Mixta quidem imperfecta formantur ex sublatis vaporibus, qui conjugio instabili uniuntur: sed nego plantas, animalia, lapides, metalla denique cogi ex fumis levissimis.

Hoc igitur, ut opinor, dabitur, metalla non ex vaporibus, sed ex succis, ut mixta ferè omnia, quæ perfecta vocitantur, concrelescere. Et quoniam omnia persequimur, (volumus sanè) intuendum est, utrum ex aqua & terrâ subtilissimè permixtis, an potius ex hydrargyro, & sulfure metalla exsurgant; res sanè est plena dissensionis, atque haud scio, an dijudicari unquam possit; ita sunt contrariarum rationum paria momenta. Terram quidem, & aquam ad metallorum generationem conspirare, nemo ibit inficias, nisi quis ita absurdus sit, ut illa ex elementorum albo expungat: sed aquam esse terrâ uberiorem quidem Scaliger reclamet, cum universa Philosophorum manu arbitror. Hoc enim inter lapides, & metalla interest, quòd in illis terra, in his aqua sit copiosior: hinc metalla liquantur, & dissilia sunt, non item lapides, in quibus regnat siccitas: nec malleo produci possunt, quòd præ siccitate resistent, & percussi dissiliant. Metalla verò humidiora cum sint, non faciliè comminuuntur, sed percussa cedunt, & malleo obsequuntur. Taceo metalla frigore coagulari, quòd in iis humor dominetur. Jam ut ad ea, quæ magis sunt controversa, veniam: humidum illud, quo abundant metalla, aquosum esse nequit: non enim madefacit, nec faciliè exhalatur: quare illud tenax est, & viscosum, cujus partes inter se confertæ sunt, & colligatæ. Sic humidum primum animantibus viscosum à naturâ concessum est, ne calore citius evolveret. Terram verò, & salem cum illo humore pingui, & viscoso

*Metalla  
ex terrâ  
& aquâ  
compingi,  
sed non  
solâ.*

exquisitissime commixta esse, hinc licet conicere, quod metalla fusa nec madefaciunt, neque instar olei diffiunt: terra enim admixta humorem terminat, neque cum effundi, vel aliis corporibus sinit adhærescere. Terra igitur ad metallorum generationem concurrat, sed non sola. Propius verò sentit Agricola, qui aquam jam ab aliis elementis affectam, & alteratam in metallis prævalere arbitratur, quam Scaliger, qui in iis plus terræ, quàm aquæ inesse putat: nam quæ terrea sunt, ignis ardoribus indurantur, non liquefunt. Neque Gilgilis ferenda sententia est, quâ metalla ex aquâ, & cineribus instar vitri constari existimat. Præterquam enim vitrum fragile est, nec tanta sunt in fodinis ipsis incendia, quæ terram in cineres redigant, illud quoque accedit, quod vitrum non extraneo, sed insito, atque adversus ignem contumaci humore constat; neque aqua cum cineribus ita permisceri potest, ut ex iis vitrum, vel metallum concreseat. Sed explicatâ Chymicorum sententiâ, ista corrunt, universa. Quapropter metalla neque ex vaporoso halitu, neque ex aquâ, & terrâ; sed ex mercurio, sulfure, & chalcantoso sale prognata arbitror.

*Sententia  
Chymico-  
rum  
astruitur.*

Primum verò vos credere sulfur commune, & fœtidum, ut vulgarem hydrargyrum statui à nobis metallorum principia: hæc enim sunt sulfuris, & mercurii metallici crementa; vel certè materies cruda, indigesta, & depravata, quam virtus mineralis, & plastica in metalla excoquere, ac maturare non valuit; magna sanè est metallis omnibus vel cum sterili hydrargyro societas: nam in hoc solvuntur; atque in substantiam fluxilem mercurio similem, quæque frigore non figitur, artificum industriâ reducuntur: idque ipse fatetur Erastus (ut Alchimistarum inimicum potissimum nomen) qui se huius rei testem oculatum sistit. Metallorum quoque proprietates hydrargyro conveniunt: nam in aquâ stygiâ exsolvitur, calcinatur, metallorum colores induit: hoc solum ab aliis diffidet, quod sit fluxilis, & fugax; tametsi plumbi fumo, atque ipso sulfure induretur. Addamne in venis auri, & argenti auctore Plinio inveniri, atque è cadmiâ argentiferâ, & bismuto copiosum elici? Omnes ferè morbi, qui fossiores invadunt, ex argento vivo scaturiunt. Aquæ etiam, quæ metallorum venas alluunt, argento vivo plerumque inficiuntur: hinc circa sauces multam colligunt pituitam. Quare meâ quidem sententiâ mercurios materiam, & pondus; sulfur tincturam, & formam metallis confert: nam sulfur ad eorum compositionem pertinere Alchimistæ ferè omnes consentiunt. Metalla quippe præter aurum omnia comburi possunt, & dum excoquuntur, sulfureum odorem naribus afflant. Nulla vena, dum torretur, non fœtet, & fumum exhalat sulfureum. Ex omni

*Metalla  
ex hydrar-  
gyro &  
sulphure  
constare.*



pyrite (lapis est metallis prægnans) sulfur exstillatur. Vidi, inquit Albertus, quòd in monte æris ligna viridia ad lapidem æris appodiata, Lib. 1. de statim cremabantur, propter abundantiam sulfuris, & pinguedinis egressientis de lapide æris.

Neque obscurum est, quid soleant objicere; sulfur omne esse combustibile, metalla verò dum eliquantur, non incendi; absurdum esse pinguedinem in iis fingere, quæ flammam non concipiat, quæque nullo sensu, nullâ ratione percipi possit. Diu est, quòd Albertus hanc diluit objectionem, duplici sulfuris adhibitâ distinctione; aliud enim, est extrarium, impurum, & sæculentum, quod ignem non sustinet; aliud rebus ipsis intimum, exquisitè permistum, optimè digestum, & ignis patiens. Vino ipsi quædam excrementitia, & sulfurea pinguedo innat; sed alius est pinguis humor per totum vini corpus fusus, qui nonnisi distillatione elicitur. Norunt artifices methodum, quâ sulfur commune ex fugaci fixum reddant, & incombustibile. Norunt è metallis oleum pingue, & sulfureum extrahere. Exquisita mercurii cum sulfure permistio mercurium figit, ne calore statim avolet, atque hydrargyrus sulfur ab ignis violentiâ tutatur. Argentum vivum à sulfure indurari, præter cætera cinnabaris demonstrat, quæ ex sulfure & mercurio concrevit; hic omnibus metallis tanquam materia subternitur; illud formam, & tincturam præbet.

*Men.* Ego planè vellem me arbitrum inter Philosophos, & Chymicos datum: nam rebus, ut mihi videtur, conveniunt, verbis discrepant. Aristoteles ex vapore, & halitu; alii ex terrâ & aquâ; Chymici ex sulfure, & mercurio metalla compingunt: nonnulli salem, vel arsenicum, vel chalcanthum adjiciunt: in omnibus ratio consentit, oratio pugnat. Siquidem Philosophi remotam, Chymici proximam, adferunt materiam: illi inquirunt primam metallorum originem; cumque ex vapore halituoso mixta omnia prodeant, atque in eum resolvantur, non absurdè hic fumus primum fossilium rudimentum, & materia constituitur. Quòd si in sublimi aëre aliquando generentur metallorum ramenta, ut historiarum monumenta prodidere: neque eò quicquam pervenire potest, præter vapores aut fumos; palàm est, metalla ex halitu in terræ visceribus concreto efformari. Adde metalla, atque eorum venas filatim, & quasi pectinatim concrelescere, quòd omnibus mixtis, quæ ex densato halitu gignuntur, commune est. Neque assequor, quomodo succi crassiores permisceri queant, nisi iidem in vapores dissidentur. An terra cum aquâ ita commisceri potest, ut in minimas partes utrumque elementum concidatur, quemadmodum mixtionis lege exigunt, nisi priùs in tenuissimos halitus diducantur?

*Diverse  
opinioner  
conciliantur.*

Albertus ipse, qui Alchymistis plus satis indulget, ac metalla ex pingui, & viscoso humore compingit, in sententiam Aristotelis vel invictus delabitur. Is enim cum de loco generationis metallorum edisserit, aurum in lapidibus duobus modis inveniri docet: aliquando per totum lapidem quasi diffunditur, cumque flavo tingit colore; interim venas duntaxat auro prægnantes conspiciamus: cujus discriminis causam reddit: nimirum quod fumus, ex quo aurum, & reliqua metalla prodire, per lapidis meatus discurrens sensim congeletur. Cum igitur lapis est porosus, tum fumus ille mineralis illius substantiam penetrat, & cum eo confunditur: sed ubi solidior est, & compactior, tum halitus venarum ductus sibi aperit, nec totum lapidis corpus permeat. Sæpe auri ramenta fluvii devehunt, quæ in filamenta tenuissima diducuntur, quod exhalatio de sub terrâ erumpens, aquæ frigore reperiçsa congeletur. Qui metalla ex aquæ & terræ exquisitâ mixture compingunt, ii communem fossilium, non metallis propriam materiam adducunt. Quis enim ignorat fossilia ex terrâ, & aquâ proficisci: sed eandem gemmis pellucidis tribuunt originem. Addit Cæsalpinus, nullum humorem aqueum præ frigore effici ductilem, & presilem. Neque tamen ibo inficias, aquam in metallis abundare: sed ea jam est alterata, atque ab aliis elementis sic affecta, ut aquæ nomen jam non possit usurpare; nisi fortè malis corpus nostrum ex aquâ, quam ex humoribus compingi. Nihil igitur impedio, quominus aqua cum terrâ subtilissimè commista argentum vivum, vel mercurius appelletur, & communis metallorum materies censeatur: tametsi non facillè concessero ejusdem esse naturæ cum hydrargyro: nam plerique hydrargyrum inter metalla numeratum volunt: omnes illi metallorum affectiones præter consistentiam, & soliditatem conveniunt: quod si metalla resolvantur in mercurium argento vivo similem, is facillè in metallum reducitur, ac pristinæ restituitur firmitati; adeò ut naturam metallicam minimè exuerit. Ferrum in æs, ut plumbum in stannum non ægrè commeat, nec continuò unum alterius est materia, vel principium. Sic inter plumbum, & hydrargyrum magna est affinitas, & unum alterius naturam facillè induit: sed nego hinc rectè colligi argentum vivum plumbi, atque aliorum metallorum communem esse materiem. Fortassè hydrargyrus nimio humore diffuit, qui sulfuris, aut aquæ fortis beneficio temperatur, & metallicam duritiem assequitur. Nec mihi aliorum Chymicorum sententia displicet, qui metalla ex terrâ chalcanthosâ, & sulfure componunt: nam omnia ferè metalla in vitriolum resolvuntur; atque in omnibus ferè minerais, venis, & marcasitis fœcundis atramentum

una cum sulfure offendunt. Vitriolum è metallis extractum si in sua dissolvas principia ; terram quæ in vitrum cum suo sale conflatur, & funditur ; aquam mineralem, & pinguedinem sulphuream prolucis. Magna sanè est inter sulfur, & atramentum cognatio ; ex utroque spiritus acidus, & penetrans elicitur ; utrumque figi potest, & soliditatem, vel firmitatem sufficientem acquirere ; ex his magna tincturatum, vel colorum oritur varietas ; nec convenienti carent pondere ; adeo ut vitriolum, & sulfur materiem saltem remotam metallis præbere mihi persuadeam. Neque alia excludo mineralia ; nam arsenicum in plumbo animadvertimus ; nitrum, quod in rebus cæteris invenitur, à metallis forsitan non abest : mira certè & stupenda in iis fundendis, excoquendis, & dissolvendis nitrum operatur.

Quod si, ut Cartesio videtur, interior telluris pars, & quasi nucleus sit solidior, & compactior, profectò metalla omnium corporum solidissima, in intimâ terræ regione reconduntur : quædam duntaxat illorum particulæ, & quasi venulæ in superiorem, & molliorem telluris portionem excurrunt, ac diffunduntur, quas fortè succi acres, & corrosivi exsolverunt, atque eas partibus oleaginosi involutas calor subterraneus in extimas partes evexit. Omnes quidem Chymici metallorum naturam ex sulfure, mercurio, & sale componunt ; sed tam men de illis principiis inconstantisimè loquuntur. Nonnulli communè sulfur, vulgarem hydrargyrum, & salis in aquâ exsolubilis quoddam genus intelligunt. Negant alii ex sulfure, & argento vivo metallalla coalescere, vel in illa resolvi posse : sed mercurii nomine humidum quoddam unctuosum, crebris sublimationibus, & variis coctionibus expurgatum, quod metallici spumam fermentantem dicunt : sulfur verò calidum innatum, vel quandam lucis portionem ratione seminali, & vi plasticâ donatam volunt intelligi. Negant quippe elementa quicquam gignere, nisi seminibus è cælo defluentibus fætentur ; ac miram sanè nobis mineralium generationem describunt. Placet illis Solem radios, & influxus suos in terram, tanquam in commune centrum effundere ; lux quidem opaci corporis occursum resiliit ; calor verò, qui lumen comitatur, ulterius progreditur, quousque in communi centro collectus ignem gehennæ ibi accendat ; atque hinc per totam terram fusus, ubi materiam humidam, & gignendis metallis idoneam nanciscitur, eam digerit, coquit, indurat. Rationes undique colligunt, quibus tam delicias opiniones stabiliant. Metallorum substantiam calore paulatim cogi, & durescere multis probant argumentis : id quidem concedimus. Sal quippe & alii succi calore, non frigore concresecunt : ne frigus quicquam generat ; quamvis ultimam

*De metal-  
lorum ge-  
neratione  
ex Cartesio  
Disiden-  
tes chymi-  
corum de  
metallorum  
generatione  
opiniones.*

per-

perfectiorem & consistentiam metallis conferat, speciem tamen iis non largitur; nec eliquata metalla naturam mutant; in ipsis fodinis non frigus, sed magnos æstus sentiunt metallarii. Hinc latentis venæ argumentum desumunt, ex coruscationibus, & cæruleis flammis, quæ identidem terram allambunt; ac quidam sulfureus, & calidus vapor ex iis locis solet erumpere, qui faciliè percipitur. Hinc etiam nives, in iis regionibus statim liquefcunt, nec ros concrefcit, neque arbores proceræ, vel læta gramina assurgunt; sed pallidis, & tenuioribus foliis sterile, & exustum solum indicant. His sanè ulro assentior, verùm huc animum parare non possum, ut credam, calorem è sideribus manantem totam terram pervagari, atque in illius medio tanta incendia procreare. Quòd si cryptæ subterraneæ à calore solis tutæ sunt; si gelidæ aquæ in ipsis terræ penetralibus discurrunt, atque in antris Hungariæ aqua sæpe in gelu concrefcit; profectò Solis calorem usque ad telluris centrum pervenire nemo sanæ mentis crediderit. At inquirunt, calor nunquam retrò, sed prorsum semper diffunditur; idque multis experimentis comprobant: nam si prunam ardentem erectæ laminæ imposueris, prunâ sublata inferiorem laminæ partem multum incaluisse comperies, cum superior omnem calorem exuerit. Quando ad ignem propius assides, si fortè argentum in crumenâ reconditum habeas, id certè multum caloris concipiet; quamvis vestimenta non adeò incaluerint. Verùm hoc quidem ut volent; sed quis illis daturus est colorem gradatim usque ad terræ centrum pervenire, atque illinc in omnes diffundi partes. Frustra nunc quærimus loca arboribus opaca, quo recreemur ab æstu Solis, si fraudes arborum lumen quidem, non ipsum calorem arceant: nec video, cur æstate loca subterranea habeantur frigidiuscula, si calor semper rectè promovetur, neque unquam remeat. Longè satius foret, eos fateri potius nescire, quod nesciunt, quàm ista effutientes nauseare. Sed esto calor centralis, ut loquuntur, metallorum substantiam digerat, & perficiat: an licebit hunc calorem sulfuris nomine designare? effectricis, non materialis causæ titulo, ut opinor, metalla procreabit. Fac id, quod ne intelligi quidem potest, mihi esse persuasum, fossilia ex suis seminiis prodire; hæc semina ex astris in terræ penetralia, medio calore tanquam vehiculo deduci; calor substantiam crassam, & humidam, quam mercurium nominant, resolvat, ac reddat puriorem, dum crebris sublimationibus excrementa sua deponit. An continuò calor ille cælestis substantiam fossilium materiæ, vel sulfuris nomine ingreditur? Hæc utique serrem, si calorem inter corpora, non inter qualitates numerarent: at qui fieri potest, ut accidens fungatur munere

nere materiæ, atque in corpus facessat? Verùm nos tarditatis accu-  
 sant, quòd mente non assequamur, quo modo spiritus in corpora, &  
 qualitates in substantias commeari possint. Invisibilia semina quo-  
 tidie induunt corpora: lux ipsa Solis abit in substantiam palpabilem.  
 Nobilissimus Digbaus se ab amico intimæ admisionis, & fide dignissi-  
 mo factum fuisse certiore testatur, lucem per vasa vitrea, & concava  
 certo quodam modo disposita in purpureum, & minutissimum pulve-  
 rem præcipitari. Ignis calor incrementum, substantiam, ac pondus  
 rebus addit: hinc liquores viscosi è mineralibus prodeuntes, Soli ex-  
 positi, vel igne moderato digesti, mole, & pondere augentur. Mul-  
 ta in hanc sententiam adferunt, quæ nunc non est discutiendi lo-  
 cus. Illud quod antè jeceram, iterum inculco, Chymicos inter, &  
 Peripateticos de naturâ, & generatione metallorum posse conveni-  
 re. Utrique ex duplici potissimum materiâ, quarum altera humida,  
 est, altera siccior, metalla quæque componunt: illam Chymici mer-  
 curium, vel aquam viscosam; hanc sulfur, animam, vel tincturam  
 vocitent, mihi perinde est. Dum res intelligatur, in verborum usu  
 faciles esse debemus. Sed neque halitum Aristotelis cum vapore  
 conjunctum rejiciunt: nam vapor humidus mercurii; halitus siccus  
 sulfuris vices obit: frigus quidem coagulat; at calori metallorum  
 generatio debetur: nam calor superfluum humorem expellit, ele-  
 menta permiscet, superflua excernit: frigus verò miscibilia potius  
 confundit, quàm misceat. Generationis metallorum modum Philoso-  
 phus non absurdè explicat pruina, vel roris exemplo: hæc enim, ut  
 cætera meteora, ex vapore, & halitu prodeunt; sed exhalatio sicca  
 humidum vaporem citò deserit; hinc vapor in aquam concrevit: in  
 metallis secus contingit; halitus quippe apprehendit vaporem, eumque  
 figit. Metalla frequentius in montibus generantur, quòd ibi terra  
 sit rara, & multis meatibus pervia; calor ibi acrior conservetur; nec  
 restagnet aquæ, ut in camporum planitie. Primum verò metalli ru-  
 dimentum est substantia quædam salsa, in aquâ exsolubilis, quæ pau-  
 latim excoquitur, neque aeris ampliùs, vel aquæ injurias reformidat.  
 Nec tamen pertinaciter negaverim, metalla quandoque in extimâ ter-  
 ræ superficie procreari. Aurî granula, quæ ex multis fluminibus  
 colliguntur, non ex montibus torrentium impetu devolvi putem; nec  
 tam facile aurum à suâ minerâ abraditur, neque ab aquâ præterflu-  
 ente tam longè potest devehì. Illud sanè aurum quod apud Indos in  
 montium jugis arenæ, vel terræ admistum offendunt, in terræ pen-  
 tralibus non gignitur. Belgæ cespitibus sulfurcis, & bituminosis  
 vice ligni utuntur, ex quibus sulfur, & arsenicum, imò cuprum,

*Ubi me-  
talla gene-  
rantur.*

& ferrum ex paulò profundioribus eruunt, quòd indicio est non solis terræ visceribus metalla condi.

Quid mihi de effeſtrice causâ, quid de metallorum materia videretur, exposui; Philosophos cum Chymicis in gratiam redigi posse ostendi: nec difficile erit ex his veluti principiis omnes metallorum affectiones deducere. Quo enim partes terrestres cum aquosis, vel humidis exquisitiùs permiscuntur, eo metallum gravius exsurgit: nam pauciores & angustiores meatus admittit: hinc ductilitas oritur, quia partes densissimæ, exiguæ & maximè complicatæ in amplissimam superficiem duci possunt. Quapropter aurum præter cætera metalla, & pondere, & ductilitate excellit: neque ex cremabile, quòd partes ejus sint densiores, & magis consertæ, quàm ut exhalari queant: aqua terram, ne comburatur, terra aquam tuetur, ne avolet; neutra alteram deserit; sed arctissimo vinculo stringuntur: humor ductilitatem, terra præbet soliditatem. Ubi mixtura minùs accurata occurrit; seu terra dominetur, seu aqua; nec tantum invenitur pondus, quòd ampliores pateant meatus; neque metalla igni adèò resistunt: nam si terra copiosior est, ut in ferro, vel abundat aqua, ut in plumbo, calor unam ab altera divellit; humor evolat, terra in scorias secernitur; nec metallum citra magnum sui dispendium funditur.

*An metalla una specie contingantur.*

Verùm de metallis mox seorsim agemus: neque hîc discutendum arbitror, utrum metalla unâ specie contineantur, ac solis accidentibus dissident, ut placet Alchimis, an potiùs, ut Peripatetici contendunt, in diversas scindantur species: utrisque argumenta non desunt. Hi quidem diversa metalla ex fodinis itidem diversis erui, atque ex variis principiis coalescere demonstrant: addunt affectiones, vel proprietates omninò diversas formarum distinctionem arguere. Alchimi, ut possibilem metallorum transmutationem esse persuadeant, illa non specie, sed gradibus discernunt: adèò ut omnium una, & communis sit origo, eadem sint primordia, solius loci, vel matricis diversitate distinguantur. Natura ipsa aurum gignere meditatur, sed desunt sæpè locorum congruæ opportunitates, nec expectatur tempus, dum imperfectum metallum prædestinatam perfectionem assequatur. Aurum itaque ferro præstat, quòd nactum sit sulfur, & mercurium optimè digesta, atque ab omnibus extraneis defæcata: non item ferrum, cujus sulfur impurum, & combustibile cum mercurio malè cohaeret. Hinc metalla imperfecta artificis manu elaborata auri perfectionem consequuntur: ex omnibus aurum extrahitur: vix illud purum ab omni argento, & cupro liberatum occurrit; ex iisdem eruantur mineris diversa metalla. Innumerabilia proferunt, ex quibus



bus effici colligique possit unam esse omnium metallorum speciem, nec formis, sed accidentibus differre. Neque hinc pacem Chymicos inter & Philosophos componi posse existimo: nam de summâ rerum agitur: & nisi me conjectura fallit, Alchimistarum permultum interest omnia metalla in unam speciem concludere, ut Elyxir suum, quod artis caput est, facilius tueantur, atque ab omni absurditate vindicent. Hæc crederem, nisi hoc hominum genus magnificè mentiri soleret: nam isti Cinisfones multa pollicentur,

*Que cuncta aerii discerpunt irrita venti.*

*Simp.* Non est ita, optime Menander, nec metalla unâ specie contineri Alchimistarum principes credidere, neq; id magni ad transmutationem comprobendam refert. Quòd si præter calorem & frigus nulla foret metallorum effectrix causa, in hanc fortè sententiam non bis liceret concedere: (quanquam varia mixtio diversas quoque inducat species) at metalla, ut lapides ex suis seminibus oriri, vi quâdam plasticâ non errante, & vagâ, sed stabili, ubique gentium eodem planè modo operante, jam identidem demonstratum à nobis esse puto. Non quòd animâ vegetatrice donentur; quamvis specie plantarum crescere, in truncos, & ramos diffundi, ac sursum eniti videantur: sed in seipsis sua gerunt semina; neque ut plantæ seruntur; at vis formatrix, quæ sulfuri inest, materiam paulatim immutat, maturat, atque ad suam perfectionem deducit. Hoc quidem sulfur non à cælo, non à sideribus depluit, non ex igne centrali profisciscitur, ut nugantur Paracelsistæ, sed ejusdem forsitan est naturæ cum vulgari sulfure, nisi quòd longâ alteratione in fixum, purum, & incombustibile evasit. Non absurdè metallorum anima vocitatur; nam iis speciem largitur, & formam, ac custos est virtutis seminalis ab auctore naturæ insitæ: neque enim calor, & frigus rebus formas impertiunt. Cedo quid aliud conferre possit calor, quàm heterogenea separare, vel resolvere? Quòd si substantiam procreat, carnem generat, metalla perficit, non causæ principis, sed instrumentariæ titulo operatur. Gladium quidem calore, vel frigore indurari, aut emolliiri scio; at forma gladii ab arte solâ repetitur: sic ratio ferri, vel auri ab intimo naturæ principio ducitur, non à nudâ, & sterili qualitate. Cum igitur specierum diversitas ex naturæ abditis seminibus hauriatur; neque una sit omnium metallorum ratio seminaria; nec solius auri generationem natura molitur; cum cætera metalla suos habeant usus, palam est non unam esse metallorum formam. Neque audiendi sunt Paracelsistæ, cum ferrum nihil aliud præter aurum imaturum esse definiunt: neq; hinc argumenta adversus metallorum transmutationem depromi possunt, cum nihil sit in natura

naturâ tam vulgatum, quàm specierum commutatio. Nec mirum, si metalla, quæ cum auro composita sunt imperfecta, ubi suo sulfure exuuntur, atque in communem resolvuntur materiam, & auri sulfure foetantur, in aurum facessant. Humor ad radices arboris illabens, in ipsius plantæ naturam, & soliditatem convertitur; alinea in sanguinem, hic in carnem abit; ac tota natura his mutationibus plena est: sed hæc posterius. Nunc verò illic non dabunt Philosophi metalla suo sulfure exui posse, atque in communem materiam, quam mercurium vocitant, reduci: nec Chymicis fidem habent, cum variis demonstrationibus, & experimentis idipsum confirmare moliantur.

*Quâ arte  
metalla in  
hydrargy-  
rum redu-  
cantur.*

Unum item & alterum ex Heliophilo adducam experimentum, quo exploratum sit, metalla ex argento vivo coaluisse, atque in illud redigi posse. Neque per longas ambages procedere necesse est. Plumbum in pulverem minutissimum redigunt: id sanè usu tritum, & pervulgatum est; funditur, in vase cretâ obducto agitatur, quousque comminatur in granula; vel fufum inter patellas ligneas cretâ oblitâ conteritur. Argenti vivi uncia in duabus aquæ fortis exfoluta, phialæ vitreæ occlusæ imponitur; leni calore dissolutio promovetur: ubi hydrargyrus in aquam limpidam abiit, tum plumbei pulveris uncia sensim immittitur, ne aqua nimium effervescat. Statim argentum vivum instar calcis albæ præcipitatur: plumbum verò continenter agitatum resolvitur in hydrargyrum; adeò ut tres illius partes solent in mercurium converti, unâ duntaxat superstite. Argentum vivum, quod in fundo subsidit, alio vitro excipitur, & cum libebit pristinæ naturæ, ac ponderi reddetur; hydrargyrus autem ex plumbo extractus vulgari paululum lividior, & segnior per corium trajicitur. Sic ferri mercurium educunt vegetum, & planè igneum beneficio hydrargyri, & salis ammoniaci. Hæc si vera sunt, quæ sanè experiri in proclivi est, manifestè colligitur metalla ex hydrargyro, & sulfure, ut Alchimisti, & metallurgis videtur, coaluisse, atque in ea, ex quibus prodierunt, resolvi posse primordia. Sed de metallis nunc sigillatim, & distinctè agendum.



## CAPUT DECIMUM.

De metallis seorsim sumptis, ubi fusè de transmutatione metallorum.

- I. Transmutatio metallorum diversis rationibus impugnatur. II. De singulis tractatur metallis. III. Transmutationis possibilitas asseritur. IV. Objectiones diluuntur.

Theophilus.



Non mihi facile fidem faciunt Alchimistæ, qui verba dare, & credulis solent imponere: Attali divitias promittunt, cum ipsi inopes, & pannosi huc & illuc circumcurstantes, & erronei ferantur. Egestas ipsa, quæ gravantur, vanitatem artis satis demonstrat: magnificè tamen, & gloriosè loquuntur,

*Atque immensa cavi spirant mendacia folles.*

Adeo ut mihi perniturum videatur tot inveriti viros nobiles, qui ab hoc nequissimorum hominum genere decipi se tam facile patiantur. Utinam hæc vanus essem? sed serò ringor, cum video horum veteratorum fraude tot ingenuos homines deludi, qui rem simul, & famam miserè decoquunt, & serò sentiunt suæ credulitatis labem. Quod me magis angit animi, non desunt illustres Philosophi, qui frigidam suffundere, atque animos pecuniæ avidos incendere non dubitent, dum Chymicos summâ ope propugnare, & artem transmutatricem esse, possibilem, enixè persuadere moliantur. Mirum si Alchimistarum arti *Rationes varia,* plus liceat, quàm ipsi naturæ, quæ rerum species non commutat; neque *quibus metallorū* que aurum alibi quàm in propriâ matrice, & venâ procreat; nec de *transmutatio im-* nique tantum opus in momento, sed post multa annorum volumina *pugnatur,* absolvit. Ignorant Chymici, quæ sint auri primordia, quod temperamentum, quæ natura; & temerè pollicentur se quodcunque metallum in aurum esse commutatu-  
ros. Norant scilicet vertere rerum species; aurum in fumos resolvunt, & plerumque pro thesauro inveniunt carbonem. Omnes auri partes adeo inter se coherant, ut nullâ arte separari queant, neque alteri corpori adhærescere. Hinc aurum *De auri* neque corpora suo colore tingit, neque est cremabile; nulla quippe *naturâ,* ignis vi exhalari ex eo quicquam potest. Si quid alienum, aut si quæ *fordes*

sordes ipsi adhæreant, salibus acutissimis, vel plumbo liquato eluantur: rubiginem non contrahit, quia nihil exspirat; nihil olet, nihil sapit; ne igne quidem absumitur; haustum eodem pondere egeritur: quare nullum in Medicina usum obtinet: nec demum in liquorem potabilem abire unquam potest. Quâ igitur arte, quibus machinis in hydrargyrum possunt resolvere, tincturam, sulfur, vel formam extrahere? sed quod monstri simile est, forma ab auro separata plumbum, vel hydrargyrum perficit, & industriâ artificis exaltata, formæ, seminis, & effectricis causæ obit munera: nam rudem informat materiam, foetum aureum parurit, atque instar grani tritici sese felici prole multiplicat. Auditis delirantium somnia, non Philosophorum iudicia. Aurum formâ suâ exiit. Nescio, an ullâ arte corrupti queat; tametsi facilius est rem destruere, quàm gignere. Forma avulsa conservatur. Et quidem arbitrabar nullam formam, si animam rationalem exceperis, consistere posse separatam. Quinetiam illa auri anima (sic enim loqui solent) tantam puritatem, tantas vires in vasis vitreis adipiscitur, ut in momento temporis colorem, pondus, substantiæ firmitatem plumbo liquato impertiat. Nos verò tardi sumus, qui rem tot rationibus, tot experimentis comprobam non assequamur, ac nobilissimæ arti calumniamur. Artem sanè mirabilem prædicant, quæ naturam longè superat; nam materiam præparat, formam inducit, rerum species commutat, & perficit; huic demum natura ipsa famulatur.

*Plures historias pro  
transmutatione  
elevantur,*

Quò verò tanta nobis persuadeant paradoxa, nullis ferè utuntur rationibus; sed pugnant commentitiorum exemplorum mirificâ copîâ: Raimundum Lullium, Arnoldum de Villâ Novâ, & totum Chymicorum senatum citant, quibus sanè non assentior, sed magis, si opus est, eos refellam. At Joannis Andreæ Jurisconsulti inconcussam auctoritatem usque ad nauseam nobis obtrudunt, qui in additionibus ad speculationem de falsi crimine, hæc habet: Nostris, inquit, diebus habuimus Arnoldum de Villâ Novâ in curiâ Romanâ summum Medicum, & Theologum, de quo scripsimus consilium de observatione jejunii, qui & magnus Alchimista, virgulas auri, quas faciebat, consensiebat omni probationi summitti. Mirum si Arnoldus tanti arcani conscius non Medicinam modò Sacerdos exerceret; sed etiam de stipendio, ut ferunt, cum ægrotos inviseret, satis sordide pacisceretur. Nec Albertus se vidisse aurum ex Alchimistarum officinis productum, quod omnia ignis examina sustineret. An non potuit Arnoldus Joanni Andreæ, atque aliis illudere? Colligunt innumera exempla, quæ nullo satis idoneo auctore nituntur, atque ab iis pro-



angusta domi. Plures vidi ad incitas redactos, qui grandes auri summas exsculpere magnificis pollicitationibus nitebantur; modo non montes auri promittebant, cum gravi rerum omnium inopia premerentur: qui verò ex hac arte ditesceret, vidi neminem. Sed soli sumus, & quod quisque sentit, licet impunè dicere: artem quàm metalla

*Transmutationis  
possibilitatis  
ascribitur.*

*I. Exempla  
comprobantur.*

transmutentur, arduam quidem, periculi plenam, & à paucis comperitam, at impossibilem esse minime arbitror. Atque ut præpostero ordine tecum agam; historiæ ipsæ, quas protulisti, quantumvis Chymicorum auctoritatem eleves, ferè mihi persuadent artis veritatem. Nam si in re capitali trium hominum testimonia recipimus; quo jure, quàm ratione tot illustrium auctorum fidem contemnemus? Verùm ea fallit fortasse nonnunquam, fateor: sed tamen ad veritatem sapissimè dirigit: nec facile, & temerè rejici debet. At Chymici in propria causa non sunt audiendi. Quibus igitur auscultabimus? an fortè Mischymicis, qui istam artem ne intelligunt quidem. Quid enim, ut Tertulliani verbum usurpem, iniquius, quàm ut oderint homines quod ignorant, etiamsi res meretur odium? tunc enim meretur, cum cognoscitur an mereatur. Taceo de Chymicis. Sanctus Thomas, Albertus Magnus, Fernelius, atque alii Philosophi principes artem esse possibilem apertissimè concludunt. Idem tradunt Marsilius Ficinus, & Joannes Franciscus Picus Mirandulæ Comes, vir omni exceptione major, qui se multoties expertum fuisse metallorum transmutationem, atque aurum ex plumbo factum omni examini subjecisse testatur. Multa quidem exempla præter cæteros refert Euvaldus de Hoghelande, nullum sine locuplete auctore, & teste. Quem non movet historia nobilis Germani Stauberger, qui acceptis à Medico aliquot drachmis pulveris argentifici, coram Philippo Secundo Hispaniarum Rege, & multis proceribus, ferventem hydrargyrum in argentum commutavit: quo experimento invitati quidam Aulici societatem iniere, atque impensam huic arti navarunt operam, sed irritò conatu. Interrogatus, inquit Euvaldus, de his à me Serenissimi Bavariæ Principis Ernesti Archiepiscopi Colonienfis Aulicus Ameiden, cujus pater cum aliis societatem inierat, rem ita se habere, & vasa, atque alia instrumenta, quibus usi essent Pseudochymici in castro quodam adhuc asseruari, affirmavit. Sed quid ego vetera? paucis abhinc annis Aurifaber Parisiensis, quem si necesse foret, nomine designarem, aliquot granula pulveris aurifici à Polono in patriam remeante accepit, cujus ope plumbum fustum in aurum purissimum commutavit. Est homo nasutissimus, ac tibi fortè, mi Theophile; à nomine, & à facie notus, sed Philosophum non decet testibus uti, qui aut casu





mutatio perficitur: at minuta cupri atoma in vitriolo dispersa colliguntur, & in idem corpus confluunt.

De ferro  
& chalybe.

Sed ferrum in chalybem, plumbum in stannum, antimonium in plumbum abire fugit neminem. Pugnas quidem, sed cum adversario facili: hæc enim omnia, si postulas, concedo: at nego chalybem a ferro, stannum à plumbo specie diffidere. Novimus chalybem esse, veluti ferri nucleum: repetitâ coctione hanc duritiem adipisci scripsit Aristoteles, cum scilicet à scoriis expurgatur. Sæpe ferri vena statim in chalybem conflat: hoc ipsum quandoque præstant aquæ adtrinitæ. Comi in Italiâ, aquæ præstantissimum efficiunt ferrum: norunt denique artifices aquas parare, in quibus extinctum ferrum adeo indurefcit, ut magno sit usui ensibus, loricis, atque aliis id genus instrumentis conficiendis: Alchimistæ virgulas ferreas cæmentant, cum cum sale, & fuligine, quæ urinâ perfunditur: alii prunas ex quercu, fago, & aliis solidioribus, vel nitosis lignis adhibent. Postremo ferrum urinâ, aceto, succo raphani adjunctis terræ lumbricis, auctore Alberto temperatur, & in durissimam aciem evadit, quod succi acres ferro addant adstringentia corpuscula, quibus illius partes stipantur, & arctiori vinculo inter se cohærent. Contrâ molle sit, & tenerum, cum aquæ ferventi, butyro, vel oleo immergitur: hæc enim lubrica, & uliginosa ferro communicant corpuscula, quæ ipsi molliorem, & flexilitatem conciliant. Cum durius efficitur, tum angustiores poros habet, nec flexile, sed fragile redditur. Sic ubi stanno, vel æri admiscetur, partes adipiscitur fragiliores; quod ab extraneis divisæ, & separatæ, jam minùs inter se cohæreant. Stannum verò faciliè admittit, ubi candens humore pingui, & oleoso perfunditur; ut cum pice, vel sebo illinitur: nam sulfure unctuosum, & combustibili (jam cum Chymicis loquor) abundat. Hinc candens ferrum admoto sulfure statim liquefcit, & guttatim decidit. Non ægrè inflammatur, atque ingratum odorem sætet; rubiginem citò contrahit, tanquam adusti sulfuris fuliginem: quæque tangit corpora, eadem inficit. Multum denique terrenæ siccitatis obtinet: recens è venâ faciliè liquatur, & instar aquæ decurrit: sed ubi semel conflatum est, vix funditur: nam in primâ fusione permultum humiditatis decessit: restant verò partes crassæ, terrestres, & implicatissimæ, quæ igne quidem emolliuntur, non liquantur: calor quippe humorem educit, superflua, & quasi excrementitia secernit, sed non satis humoris superest, ut fluere possit. Hoc quidem omnibus ferè metallis commune est, ut ignis ea puriora reddat, quod ab extraneis, & superfluis liberentur: sed non continuò speciem mutant.

Æs regulare quod ignis ardoribus à scorii expurgatur, non De ære,  
specie differt à caldario, quod ut obscurius, sic vilius existit; illud vel cupre.  
auri colorem magis refert, & duci, & fundi facilius potest; hoc fu-  
sile quidem est, sed minus ductile: nam plurimum habet terrenæ im-  
puritatis. Quod si Alberto credimus, ex argento vivo, ab omni hu-  
more extrario jam purgato, & adusto sulfure æs componitur; hinc  
initio oritur minus exquisita, quod miscibilia non satis extenuata fu-  
erint. Quare ubi excoquitur, multas feces deponit; & flammam ube-  
riorem non sustinet, sed instar ferri incenditur: magnâ quippe æs &  
ferrum societate junguntur: utrumque durum est & sonorum; vel  
quod ambo multâ terrâ abundant; vel quod partes habeant tensio-  
res, quæ idcirco acutius resonant, & crebriores edunt vibrationes:  
ambo denique adusti sulfuris fuliginem exspirant. Æs politum aquâ,  
vel sanguine madefactum citius æruginat: imò sale, vel aceto, vel  
urinâ pueri aspersum statim mutatur in viridem æruginem: hæc enim  
omnia poros efficiunt laxiores; atque adeo halitus excrementitius  
facilius erumpit, & in æruginem concrevit. Quid igitur est causæ,  
cur Imperatorum numismata à terrâ eruantur illæsa, cum cuprum tam  
facile in æruginem resolvatur? Fors est, ut pice liquidâ peruncta fue-  
rint: olcosa enim, & bituminosa quæque cuprum conservant, quod  
obstruant meatus, ne halitus erumpat. Illud quidem negare non pos-  
sum, æs multo vitriolo abundare, quod ærugo ipsa demonstrat; ex  
iisdem quoque eruuntur venis, & cuprum ex atramentosis aquis ex-  
coquitur. Ferrum verò huic affine vitriolo non caret, quod multâ  
terrâ permiscetur. Quocirca ex ferro cuprum, & vicissim ex ære  
ferrum exsurgit: nam ubi cuprum ad regulam excoquitur, quæ in  
fundo catillorum instar facis subsidunt excrementa, contusa, & cocta  
in ferrum evadunt. Non quod metalla in sese mutuo commutentur;  
sed fors est, ut cuprum vitriolo magnâ ex parte exhaustum, nihil sit  
quàm ferrum; vel quod mihi magis probatur, natura ut ars metalla  
confundit: hinc nullum ferè æs invenitur, ex quo argentum educi  
non possit. Verùm hoc ipsum mox videro. Quot quæso te æs signa-  
tur nominibus, quot vultus ex metallorum permissione induit? Cum  
arubro & pleniore induitur colore, tum æs Cyprium, vel cuprum ap-  
pellant: ubi lapidi calaminari, vel cadmiæ fossili admiscetur, & dilu-  
torem præfert auri colorem, orichalcum vocant; tametsi id quoque  
fossile inveniri auctor sit Plinius. Omitto æs Corinthium, quod in  
urbis conflagratione cum diversis metallis permixtum fuit, idque po-  
stea ars est imitata. Taceo de ære coronario, quod in tenuissimas di-  
ductum bractæolas felle tauri tingitur, atque aurum ipsum colore ex-  
primit;

primit; ex illo quondam histriones texebant coronas. Sic æs ad calupanas stanno temperatur, ut gravior sit sonus: cum vigesima stanni pars admiscetur, atque alia adjiciuntur mineralia, tum bronzum vocant, atque ex eo tormenta bellica constantur.

*De plumbo.*

Jam quid de plumbo, & stanno dicturi sumus? an unâ, & eâdem specie continentur? at ex eâdem venâ non eruantur, non iisdem proprietatibus afficiuntur. Plumbum molle est, colore livido, & obtusior sonum reddit, quod in illo humor prævaleat, & partes habeat non multum implicatas. Cum in cerussam redigitur, fit gravius, idque habet cum coctis lateribus commune. Rationem affert Cæsalpinus, quod fuligo ignis in ipsis conclusa poris, tum plumbi, tum laterculorum pondus augeat: nam flamma reflexa in illis meatibus fuliginem reponit. Indicio est, quod ubi cerussa in plumbum reducitur, non parum de illius mole decedit. Et sanè plumbum in fornace tumefactam exhalationem; sub dio verò expositum, vel etiam in terrâ lepultum vaporosam attrahit substantiam, mole crescit, & pondere. Imparum quippe existit, & partes habet malè confectas, quæ tamen aliis corporibus faciliè adhareseunt: hinc faciliè liquatur, manus decolorat, sordium, & cujuscunque halitus accessu crescit. Nullam contrahit rubiginem: nam qui erumpit halitus in crassiores sordes densatur: magnam cum reliquis metallis habet affinitatem, illorum abstergit sordes, cum auro, & argento funditur, & faciliè commiscetur: sed quia ignis violentiam sustinere non potest, recedere compellitur, & unâ secum quidquid alienum, & excrementitium auro, vel argento inest, aufert: adeo ut neque aurum, neque argentum citra plumbum expurgari queant. Gemmæ sordidiores in plumbo fusæ excoctæ, longè puriores, ac splendidiore redduntur.

*Astella  
plumbo  
purgari.*

*Stannum.*

Stannum verò candidum est, fragile, sonorum, leve, nec ductile nisi plumbo temperetur: cum cæteris metallis nullo modo convenit: nam si argentum in catillo, ubi prius liquatum fuit stannum, conflaveris, fragile evadet. Quæ quidem stanni longè diversam à plumbo naturam demonstrant: nam in hoc vapor humidus, vel si malis, argentum vivum; in stanno halitus siccus, vel sulfur dominatur. Ex illâ siccitate levitas oritur, & stridulus sonus: tinnitus enim, ut ait Cæsalpinus, non in molli, & flexibili fit corpore, sed in duro, & rigido, ut uno ictu sæpius ær verberetur. Tenuibus quoque constat partibus: nam teste Aristotele, exiguâ admodum parte æri admixtum, album ipsi conciliat colorem, quod non contingeret, nisi tenuissimas haberet particulas, quæ magnam æris molem pervagari possunt. Quod si stanno non deesset humiditas, & gravius, & ductilius foret:

hinc

hinc cum vasa ærea stanno obducuntur, vix eorum augetur pondus. Impedit verò stannum, ne ex vasis æneis ærugo venenata efflorescat, & ne tam citò liqueatur: nam meatus occludit igneis particulis; neque halitus æruginem facturus clausis meatibus erumpit. His igitur concessis, videtur stannum non ejusdem esse cum plumbo specie. Qui ergo fieri potest, ut plumbum granulatum, aquâ falsâ ablutum, cum sale communi, vel ammoniaco-cæmentatum, seu alternis ordinibus dispositum, & igni moderato coctum, ac tandem reductum, in stannum convertatur. Nemo dixerit antimonium, & plumbum eadem specie concludi: at quis dubitat stibium in plumbum converti: antimonii duas partes cum unâ crudi tartari, & tantundem scobis ferreæ liqua; in aquam frigidam effunde; cum id sæpius iteratum fuerit, stibium in plumbum facesset. Alii regulum antimonii cum sale plumbi trium horarum spatio cæmentant, atque in ardentissimâ fornace fundunt. Jam vide, optime Simplici, quàm tecum agam liberaliter: regulum antimonii in plumbum, hoc in stannum commutare fateor: verum ista specie inter se convenire pertendo. Plumbum humidum est, im-  

Antimonium in plumbum, hoc in stannum: abire putant Alchimistæ.

porum, & molle; ablutis per sales sordibus, idque exsiccatum albedinem, siccitatem, & stridorem stanni consequitur. Stibium verò à plumbo differt, quod in illo sulfur, in hoc humor sit uberior; detracta ab antimonio sulfur exuberans, plumbum obtinebis. Non igitur concludit ea ratio, quæ à vobis adducitur ad metallorum transmutationem comprobendam. Siquidem ut æris, sic plumbi varii sunt gradus, non species diversæ: aliud est nigrum, seu lividum, aliud candidum, tertium denique cinereum, fragile, & sonorum existit, stannum quippe stridet magis quàm sonat, plumbum verò mutum est, cinereum reguli antimonii sumillimum resonat: illud Germani bismuthum vocant. Cum stanno, & plumbo temperatur, atque ex eodivèrsa constantur vasa, quæ splendorem suum diu conservant. Mifectur quoque cum stibio, & alii metallis, ut typi, seu characteres efformentur. Stannum ni plumbo admisceatur, nullius erit usus: plumbum enim humore suo stanni siccitatem temperat, & vicissim stannum tenuitatem, ac firmitatem plumbo impartit. Solent utique plumbi nigri tertiam partem candido adjicere. Ultrunque suam habet rubiginem; cerussa appellatur, quæ ex plumbo, vel aceti vapore, vel sponte sua efflorescit: quæ autem ex stanno educitur, album Hispaniæ vulgò nominatur. Jam ut ego, quemadmodum sentio, loquar, plumbum in stannum abire mihi verisimile videtur: sed vellem, ut Alchimistæ eadem metalla in argentum, vel aurum commutarent:

is enim est limes præcipuus, in quem eorum labores diriguntur. Quod si tanti arcani forent conscii, non se inculcarent auribus nostris, neque operam suam magnatibus vel invitis offerrent. Illa conturbentalis Alchimistarum paupertas artem ipsam falsi revincit. Sed tamen libros edunt infinitis formulis repletos, quibus saltem artis possibilitatem confirmare moliuntur. Ex omnibus certè metallis aurum vel argentum educi non inficior: sed meminisse oportet metalla alia aliis esse permista, vix solitaria inveniri: argentum omni ferè cupro inest, vix ullum aurum argenti expers eruitur. Hoc ipsum artis est vel maximum, quæ confusa sunt metalla secernere, non eorum speciesvertere.

Ex argento quidem auri granum, sed portiunculam colligunt, sed citra ullum emolumentum. Quod si maximam argenti partem in aurum possint commutare, tum artem callebunt sine controversiâ magnam; neque immeritò Philosophorum nomen usurpabunt. Sed quâ arte argento pondus, colore, & ductilitatem suam dabant? placet illis hydrargyrum purum, & defæcatum in argento abundare; hinc illius nitor: liquefactum, instar hydrargyri tangenti non adhæret, neque instar olei, vel aquæ diffunditur. Argentum liquatum addito sulfure calcinatur, quod sulfur cum metallis magnâ societate jungatur: hinc illa adurit & penetrat, non item ligna, & lapides: sulfuris tenacitas humorem secum abripit, atque unâ evolat, hinc calcinatio. Nec tamen in argenti commixtione vincit sulfur, nisi fortè qualitate, & agendi efficaciâ. Sæpè, inquit Albertus, sub terrâ argentum instar spissæ pulvis molle occurrit, quod probat in hydrargyrum abundare. Nonnihil in igne deperdit, & rerum acutarum vapore suam aliquando rubiginem cæruleam expuit: lineas nigriores imprimit, & manus collybo inficit, quod substantia illius nonnihil habeat impuritatis. Contrà aurum tinduram suam non à mercurio, sed à sulfure defumit, neque usu atteritur, nec deciduâ materiâ manus inquinat; in bracteolas adeo tenues, argento præsertim substrato diducitur, ut color tantum superesse videatur. Nullam, ut dictum est, contrahit rubiginem, vel squalorem; ab hydrargyro statim solvitur, cujus tenuissimæ partes auri meatus subeunt, atque in minutissimum pulverem comminuunt: in liquorem aut vitrum, quidquid mentiantur Alchimistæ, abit nunquam. Purissimo, ut illis placet, constat sulfure, coque fixo non combustibili, non pingui, vel unctuosio. Neque arsenico, neque sulfure adurit: nam partes habet arctiori vinculo devinctas, & subtiliore mixtione conjunctas, quàm ut divelli possint; hinc tanta illi ductilitas, & tantum exoritur pondus: nec sonorum est,



est, nec tinnulum, quod poros habeat angustiores: nec quicquam ex-  
halat, nec contactu suo tingit corpora. Purum persæpè invenitur,  
quia non facillè societatem init cum imperfectis metallis; cum argen-  
to liberius conjungitur: hinc mixti auri color citrinus, & pallidus:  
sed ubi expurgatur, majorem acquirit rubedinem. Aurum denique  
ut puritate, sic pondere cuncta metalla superat: adeò ut hæc gravi-  
tatis proportio inter metalla inveniatur, quemadmodum vir clarissi-  
mus, atque eruditissimus expertus est. Sic aurum 100. mercurius  
erit  $71\frac{1}{2}$ , plumbum  $60\frac{1}{2}$ , argentum  $54\frac{1}{2}$ , cuprum  $47\frac{1}{2}$ , ferrum  $42$ .  
stannum commune  $39$ . magnes  $26$ . marmor  $21$ . lapis communis  $14$ .  
cristallus  $12\frac{1}{2}$ , aqua  $5\frac{1}{3}$ , vinum  $5\frac{1}{4}$ , cera  $5$ . oleum  $4\frac{3}{4}$ . D. Petit.

Varis quidem pigmentis argentum auri colorem potest induere:  
neque hæc coloritia, & sophistarum fuci Alchimistas fugiunt: sed ne-  
go auri pondus, & ductilitatem argento conferri posse, quantumvis  
illud fusione, vel cæmentatione fatigent; nedum imperfecta metalla  
in aurum pulveris cujusdam additione in momento facessent. Unde  
tanta grano pulveris aurifici virtus, ut magnam plumbi molem in icu  
oculi propriâ formâ exuat; speciem, colorem, firmitatem, & pondus  
auri largiatur? Profectò non ex calore elementari vis illa dimanat. Contra transmu-  
tationem  
alia obje-  
ctiones.  
At fortè ad cælestes influxus, & occultas qualitates confugient: ve-  
rùm hæc ignorantia patrociniâ tibi non placeat, mi Simplicius. An for-  
tè pulvis ille projectionis semen est ex auro secundo educum, quod  
in materiâ sibi attemperatâ exceptum vim habet prolificam, & surge-  
neris propagatricem. Utrumque absurdum, metallis semina tribuere,  
eaque in momento adolefcere, ac sese felici incremento multiplicare.  
Nimis absurdè quidam Chymici metallis non animam, & vitam, sed  
quasi animam, aut vitam largiuntur: hoc dicere turpius est, quàm il-  
lud, quod volunt, non posse defendere. Nam dum effugere reprehen-  
sionem volunt, afferunt aliquid, quod ne concipi quidem possit. Me-  
tallis semina, vitam, & vim plasticam affingunt, cum nemo ejusmodi  
semina conspexerit, neque ulla vitæ obeant munera, nec capiant in-  
crementa. Jam non animam, sed quasi animam; non semen, sed quasi  
semen, ne tu quidem (quod inter nos liceat) intelligis. Quantum sa-  
tius est Alchimistarum flagitia proscribere, quàm tam impudenter re-  
sistere, atque ea dicere, quæ omnium mentes respuunt. Nec multum  
movent historiae, quas vel ipsi texuere, vel ab aliis delusi accepe-  
runt: nam si semel suscipimus genus hoc argumenti, vide quò serpat:  
circulatores omnes, Empirici, Astrologi, atque aliis impostores, omissi-  
sionibus ad experimenta provocant, ut credulis faciliùs illudant:  
Philosophi verò quare quidque ita sit, argumentis, & rationibus do-  
cent,

cent, non eventis, quibus liceat non credere. Cæterum quanta est pugna Alchymistarum inter se, cum alii universale menstruum, seu Philosophorum mercurium, vel substantiam, quæ aurum exsolvat, & formâ exuat in hydrargyro, alii in nitro, alii in spiritu vitrioli quærant: & quod mihi permirum videtur, plerique se tanti arcani compotes jactant, alios verò, qui ab ipsis dissentiunt, ut impostores, & sacrilegos totis voluminibus concidunt. Cedo quem sequar? Vcieres in mercurio, & sulfure laborabant; juniores nitrum & vitriolum misericè commendant: utris credam? cur cogar eos sequi, qui neque inter se, neque cum aliis consentiunt?

*Alia rationibus transmutatione adstruitur.*  
*Simp.* Equidem video Alchymistas in magno discrimine constitutos: quid tamen possint reponere paulò attentius consideremus; neque enim inaudita causâ sunt proscribendi. Primum quod metallorum transmutationem attinet, non video, cur omninò impossibilis habeatur: nam ferrum in æs mutari tum naturæ, tum artis industriâ, æ inimici quidem Alchymistarum negare audent. In monte Carpatho fons est, in quem ferrum injectum corroditur, & conflatum abit in cuprum. At fortè æris ramenta in ferro inerant, quæ per aquas atramentosas defluunt. In hac olim opinione fuit Ercherus, sed postquam experientiâ cognovit in vitrioli fodinis clavos, & alia ferramenta in purum æs conversa, tum veram fieri transmutationem fateri tandem coactus est. Neque id novum, vel mirum videri debet, cum ligna, & ossa in lapides, metalla in lithargyrum, & vitrum convertantur, ac rursum vitrum in metallum reducat. Quid vitro cum metallo commune, & tamen reciprocis mutationibus unum in alterum commeat. Neque hîc subtilius requiro, an plumbum à stanno, vel antimonii regulo, specie differat: nam rerum species, ut collibitum est, modò confundis, modò distinguis. Mihi certè argentum tam simile auri videtur, quàm stanni plumbum. Negas argentum ita figi posse, ut aurum æquet pondere. Dic ergo, cur stannum in plumbum, & vicissim plumbum in stannum commigret. In Magni Hetruriæ Ducis thesauris duo clavi partim aurei, partim argentei ostenduntur, Alchymistarum arte conlati. Ex iisdem sanè principiis aurum, & argentum ducuntur, nec rarò eidem mineræ adhærescunt. Vidit Albertus auri fibrâ, quæ per silicem discurrebat, degenerasse in argentum, cum ad aliud lapidis mollioris, & rarioris genus pervenisset. His addit Cæsalpinus *Electrum*, auro omni argentum inesse vario pondere, alibi denâ, alibi nonâ, alibi octavâ parte; cui pars quinta inesse, electrum dicitur, cumque est nativum, id ferunt venena prodere, atque in calicibus discurrere arcus cœlestibus similes, cum igneo stridore. Fieri potest, ut veneni vis accr-

acerrima quasdam electri particulas separet, & virus suum stridore prodar. Quòd si tanta sit argenti cum auro cognatio, ut ex iisdem principiis, atque in iisdem venis procreentur, cur unum in alterum commigrare posse inficiemur? præsertim cum innumeris constet experimentis, metalla in sese reciproè mutatione commeari. Omitto formulas, quibus Chymicorum libri scatent: nam partim sunt falsæ, partim inutiles, & citra ullum compendium perficiuntur; solam artis demonstrant possibilitatem. Nam Alchimistis religio est arcana sua divulgare: hinc omnibus æqualiter abrogatur fides, atque omnes sine ullo discrimine imposturæ nomine infames habentur: quanquam verisimile non sit, omnes Alchimistas hoc vitio laborare, ac prorsus si incredibile, tot illustres viros impudentissimè mentiri, ac toti orbi illudere.

Cæterùm ut ingenuè dicam, quod sentio, vix ullâ mentis contentione assequi, complectique possum, quâ arte hydrargyrus pulveris aurifici, vel ut ajunt fecundi sulfuris grano, non solum figi, & aureo colore tingi, sed etiam augeri pondere possit, cum nullius materiæ fiat accessio. Eadem est ratio argenti in aurum commutati: nam unde argento tantum accedit ponderis: quòd si cæmentorum, vel refectionum beneficio quippiam alienum subierit, quod argento, & colore, & pondus auri conciliet, hæc non erit vera transmutatio, sed sophistica potius adulteratio, quæ faciliè à Docimastis deprehenditur: neque enim ignem, neque alia sustinet examina, & citò evolat, cum appositum duntaxat fuerit, non exquisitè permistum. Argentum coctione figi, & maturari non repugno, sed pondus crescere citra novæ substantiæ accessionem, non puto. Nec clam me est, ex ferro chalybem, & duriorem, & graviorem prodire; at id non fit citra ferri imminutionem. Chalybem quoque in crocum levissimum abire non inficior; at mole augetur, vel certè multum de illius substantiâ decedit. Laterculi coctione fiunt graviores; & meritò quærit Modelinus, quifiat, ut in examine metallico res ignem passæ non sine detrimento favillarum, ponderosiores inveniuntur, quàm nondum in flammam illatæ: nam si testam, vel cupellam, plumbum, & metallum ponderes ante examen, omnia sunt leviora, quàm post, iterum ad libellam revocatis scoris, testâ, massulâ, metalli, quæ probanda erat, & cupellâ cinerèâ; cum tamen de plumbo multum perierit. Rationem ex Cæsalpino jam suprà reddidisti, quæ tamen Libavio displicet: quòd si enim fuliginis additione pondus cresceret, calcem vivam lapide ipso fieri graviolem necesse foret. Existimat verò levi aëre extruso, eupellæ, vel cineritii meatus spiritibus metallorum fixis & ponderosis compleri

*De lapide  
philosophico,  
an sit  
possibilis.*

pleri. Utut sit, difficile est homini non hebeti, neque inexercitato persuadere totum argentum in aurum facessere, aucto quidem pondere, mole nihil imminutâ. Quemadmodum ex ferro chalybem, sic ex argento aurum procreari nihil contradico; adeo ut pars argenti purior, & defæciator in aurum cominoret, & quantum ponderis accedit, tantum de ipsâ mole decedat. Reclamant quidem Alchimistæ, ac plerique se expertos testantur totum argentum, vel mercurium in aurum conversa fuisse. Mitto cæteros, non parum me movet Glauberi, qui adhuc in vivis est, auctoritas: is quendam ex nitro liquorem præparat instar aquæ pellucidum, cujus vires omnino incredibiles miris effert laudibus, cumque auri potabilis nomine insignit: huius liquoris unciam cum scrupulo, vel dimidiâ drachmâ hydrargyri vitro infundit, arenâ calidâ ipsum vas vitreum imponit, quousque humore exhalato sal candidum in fundo subsidat; aquæ pluvialis affusione humorem restituit, atque in fundo vasis totum mercurium in aurum commutatum remanere asseverat. Eâdem arte docet cætera metalla in tenues laminulas diducta in aurum converti, nullo tamen compendio, & citra ullum emolumentum. Ipsum denique liquorem humore efflato in salem redigit, cujus dimidiâ unciam cum 20. vel 30. granis alicujus metalli in tenuissimas laminulas comminuti permiscet, crucibulo imponit, sal metallum penetrat, & intra horæ quadrantem in optimum aurum commutat. Multa mihi in hanc sententiam occurrunt, quibus transmutatio metallorum non suadetur modo, sed etiam persuadetur: Verum ea non invito silentio prætereo, ne quod ipse expertus non sum, vos docere videar. Neque eo consilio hæc disputo, ut vos ad studium Alchimie incendam, deterrerem potius, cum nulla scientia difficilior habeat aditus, nulla periculosior, nulla magis impostoribus pateat. Neque ego utilitatem aliquam aucupans Chymicorum libros, sed delectationis causa, cum est otium, legere soleo, vel eorum labores intueri. Sed ad institutum revertar meum, atque experiar, an rationes, quas adversus metallorum transmutationem collegisti, solvi ullo modo possint. Totam disputationem in pauca conferam. Negas Chymicos, ex quibus principiis metalla consistunt, vel quo loco, quo tempore, quibus instrumentis utatur natura, exploratum habere; atque adeo imposturæ nomine suspecti sunt, qui chrysopæiam profitentur. Ego verò Alchimistarum non suscepi patrociniū, neque artificum vitia, sed artis excellentiam defendendo. Nec necesse est omnia naturæ momenta in procreatione metallorum Chymicis esse perspecta: satis erit, si viam insistant per experientiam sibi cognitam. Qui tepore simi in Ægypto ex ovīs pullos

*Satisfit  
objectioni-  
bus.*

exclm.

excludunt, quo modo pullus efformetur forsitan ignorant. Serit triticum agricola, terram vel stipularum incendio, vel fimo reddit fecundiorum: an necesse est, ut ipse norit modum, quo tritici granum terræ gremio exceptum, primum in cineribus, vel fimo inesse solum, cum sim adolescat? An occultum in cineribus, vel fimo inesse solum, cum sit nitrosum, & secundum, habet exploratum? Sed incredibile est tantum valere artem Alchimisticam, ut plumbum subito in aurum convertat, cum ipsa natura non nisi labentibus annis hoc metallum in terræ visceribus procreet, quod ex purissimâ materiâ, non mole magnum, sed sæpe in granula comminutum, vel in lapidum fibris diffusum reperitur: non enim substantia adeo desecata, vel ubique, vel magnâ copiâ potest occurrere. Cum igitur naturæ solertiam nulla ars, nulla manus, nemo opifex consequi possit imitando; verisimile non est obscuros homines, & abjectos posse ad libitum ex plumbo, hydrargyro, atque aliis inferioris notæ metallis aurum purum putum conficere. Hæc sanè me non mediocriter movent, ac difficile dictu est, quæ hujus repentinæ transmutationis ratio, quæ causa esse possit. Sed ratio ipsa nos lateat, nunc continuo tot illustres Philosophos, aut stultitiæ, aut vanitatis, aut impudentiæ insimulabis? Magna quæstio est, utrum ars naturæ opera moliri possit. Verum ad propositum nostrum nihil pertinet: non ars, sed natura ipsa species metallorum, mutatur: natura verò ars famulatur; ignem regit, vasa præparat: sed natura sola opus absolvit. Exemplum Medici adhibet Albertus, qui noxios humores expurgat, tum naturam ipsam corroborat, atque insitum adjuvat calorem; adeo ut sanitas naturæ, ut causæ principii; artem modo Alchimistiæ hydrargyri, & sulfuris impuram substantiam purgant, tum paulatim digerunt, atque insitam vim calore convenienti promovent, & ad perfectionem deducunt. Neque necesse est, ut tantum temporis natura arte sibi aneillante adjuta impendat, quantum in visceribus terræ insumere perhibetur. Quis enim ignorat naturam ab arte perfici? plumbum, vel stibium, silices ipsi in vitra splendida commutantur: ex ferro æ purissimum intra paucas horas conficiunt: ex plumbo cerussam, & minium; ex argento cæruleum; ex cupro æruginem, & orichalcum, atque alia infinita præstant artifices, quæ natura vel nunquam, vel nonnisi post longam annorum seriem, absolvit. Natura quippe arte adjuta paucis momentis pleraque gignit, effingit, mutat, quæ sola nequit perficere. Illud non ignorant Medici, qui naturæ adjutores, & ministri cum sint, morbos præfigant, quos solus naturæ vis expugnare non poterat. Sic hortulani fructus præ-

coces procurant, & varias transplantationes (ut Chymicorum vocem usurpem) varias insertiones adhibent. Quid multa? ars & natura sibi mutuas tradunt operas, quæ hæc inchoavit, illa perficit: natura sine arte multum valebit, ars nulla esse sine naturâ poterit. Terræ, inquit Fabius, nullam fertilitatem habenti nihil optimus agricola profuerit: è terrâ uberi utile aliquid, etiam nullo coleante, nascetur: at in solo fecundo plus cultor, quàm ipsa per se bonitas soli efficiet. Istuc quidem ad propositum facilè accommodari potest. In primâ metallorum generatione majus naturæ, quàm artis esse inomentum crediderim: sed ubi de summâ eorum perfectione, & multiplicatione agitur, plus arti deberi, quàm naturæ puto. Illa materiam suggerit, hæc veluti formam largitur, ac vim prolificam in metallo quasi sepultam, atque in materiæ recessu abditam excitat. Ac ne illud quidem verè dici potest, Alchimistas formam ab auro sejungere: tenuissimam quidem ac subtilissimam cujusque metalli portionem formæ, tincturæ, vel fecundi sulfuris nomine insigniunt: illamque, ut loquuntur, exaltant, ac purissimam reddunt. Nec mirum, si hujus pulveris granulum in materiam sibi attemperatam conjectum, temporis momento eam figat, atque in aurum convertat: nam illa tinctura est potestate maxima, licet sit mole minima; materia quoque est omnino disposita: quare nihil superest, quod transmutationi moram objiciat. Subitaneas in metallis operationes & mutationes quotidie miramur. Aqua fortis stibio affusa statim effervesceat: quot præcipitationes in momento perficiuntur? cuprum, vel plumbum, vel stannum in laminulas diductum, cum unâ parte scobis tiliæ, duabus sulfuris, & novem nitri partibus permixtum, si prunâ injectâ accendatur, hoc incendio metallum adeo perficitur, ut per cupellam fulminatum nonnihil auri, vel argenti expromat, cum antè ne micam quidem contineret. Ultima cerè perfectio materiæ optimæ dispositæ, atque ad suscipiendam formam proclivi in momento accedit. Quantula veneni pars totum corpus pervadit, & in puncto temporis corrumpit? hæc sanè vis efficacissima non à solo calore, vel elementari qualitate, sed ab occultiore causâ proficiscitur. Verum, inquis, aurum nec corrumpi, nec destrui potest, nec propriam formam deponere, nedum aliud gignere: non enim virtute seminali, & fecundâ donatur, vel instar viventium propagatur. Hoc ipsum in quæstionem vocatur: nam Alchimistis contrarium videtur: nec desunt historiæ, ex quibus metallorum propagatio quodammodo persuadeatur. Citat Martyrem Libavius, qui decade 3. l. 8. hæc habet: In Hispaniolâ, inquit, provinciâ Cotoy dictâ, ex montium fissuris nascitur arbor aurea, cum stemmate,



& ramis. Ad urbem Firmicum in Pannoniâ arbuta aurea assurgere narrat Fulgosus. Sic in montibus Hungariæ, ex quibus multum auri extractum est, nasci vites foliis & uvis deauratis, ex oculatis testibus refert Glauberus. Ferrum in propriâ sodinâ renasci jam alibi diximus; imò ex recrementis in cumulos divisis, & congestis ferrum constat. Curbachii in Vespaliâ exhaustorum metallorum cumulos quaternis annis excoqui; temporis tractu sodinam in meliorem commutari; quædam metalla subterraneis halitibus absorbi, cum seriùs effodiuntur; ex bismutho, & cadmiâ fossili omni argento vacuis, atque in cumulos congestis, post aliquot annorum volumina multum argenti extractum fuisse docet Mathesius, cætera Alchimistis non satis æquus. Hæc sanè, ne concipi quidem possunt, nisi vires seminarias, & fecundas in metallis esse fateamur, ex quibus generatio omnis, & propagatio ducatur. Norunt Chymici artem, quâ metalla instar fruticum, vel arborum crescant, atque in ramos diffundantur. Alii aliter id opus aggrediuntur. Glauberus crystallum, vel silices, vel arenam mundam, & exquisitè lotam comminuit in pulverem; salem niveum è tartaro calcinato per multiplicem solutionem, & coagulationem eductum cum pulvere silicium permiscet: uni parti salis tartari, quarta duntaxat crystalli, vel silicis pars adjungitur; mixtura in illam fornacem, cujus supra meminimus, paulatim injecta spiritum. Cap. 3. præbet album, & crassum, quem utilem adversus plures morbos, ut calculum, & podagram, esse testatur. Quod verò in fundo vasis remanet, vitro fusili, & pellucido non dissimile tabescat: mira in rebus extractum ab aëre custodiendum, ne humore tabescat: mira in rebus metallicis præstat: nam metalla solvit, digerit, perficit, atque aurum exsolutum præcipitat. Cum aurum in aquâ regiâ, vel argentum in aquâ forti exsolveris, & aquam leni calore extraxeris, tum calcem colliges, atque in globulos compones; liquorem è tartaro & silicibus eductum cum tartari lixivio æquâ portione commiscebis: cucurbitæ vitreæ affundes, cui globuli metallici imponentur, ac statim crescere, & instar arborum assurgere, non sine voluptate cernes; quasi amicam, & uberem terram nasci fuerint, sic in momento adolescunt. Sed cavendum est, ne aër subeat. Idem auctor nitrum fixum alibi præfert tartaro. Silicis, vel arenæ partem unam, carbonum tilix partes 3. nitri optimi part. 6. permiscet, spiritum prolicit eo, quo dictum est. modo: feces in fundo instrumenti remanentes colligit, quæ omnino eadem exhibent, ac liquor tartari: nam metalla præparata huic oleo immersa brevi crescunt instar arborum. Riserit fortasse aliquis hæc Chymicorum miracula, comentitias fabulas, atque aniles superstitio-

nes putet; ego non audeam reprehendere, quousque mihi contrarium experientiâ constiterit.

\*\*\*\*\*

## CAPUT UNDECIMUM.

### De præparatione metallorum.

- I. De venis metallicis agitur, & quo modo discernantur. II. De earum fusione, & examine. III. De metallorum variis separationibus, ubi de cupellâ, quartatione, & camentis; ac multa Alchymistarum arcana illustrantur. IV. Horum omnium rationes inquiruntur.

*Menander.*



Non mihi est animus experiri, aut furnos adornare. Ista quidem studia non improbo, moderato modo sint: sed nemini suadere velim, ut se in hoc vitæ genus conjiciat periculis, & molestissimis plenum laboribus. Licet ex aliis exemplum sumere: Nemo ex iis furnulis largiùs inauratur: nec magna mesfis solet ex eo agro provenire. Ars spagyrica suas quidem habet dotes, & latissimè patet: non parum lucis Philosophiæ insert; omnium serè artium principia complectitur: permagni quoque ad Medicinam usus est, ac potentissima remedia suppeditat, modò à peritis Medicis, non ab indoctis tractetur Empiricis. Ex illius fontibus rerum tum maximarum, tum etiam occultissimarum rationes hauriuntur, quarum cognitio humanissimâ complet animum voluptate. Quamobrem non intercedo, quominus hanc artem ediscant Philosophi, dum sibi caveant ab impostoribus, qui omnes hujus scientiæ aditus, tanquam latrunculi obfident. Quod si me audierint, non incumbant in metallorum transmutationem: nam certa his hominibus impendent naufragia, & vix unus ex millibus voti sui compos evadit. Stultum est incertam spem tanti emere: multum auri profunditur, tanquam venturi auri illecebra; sed rarò tali escâ capitur. Enimverò cum ipsâ arte pugnare nolo, sit sanè tanta, quantam Chymici illam esse volunt: nos ex te recondita Alchimiæ mysteria non exigimus: at redde cætera, quæ ad artem metallicam pertinent, & de venarum excectione, usu, & variis (ut cum Chymicis loquar) magisteriis perge dicere, atque expleveris expectationem nostram.

*Simp.*

*Simp.* Longum est me nunc exponere, quâ arte metalla ex suis eruantur fodinis, quo examine probari, & fundi solcant venæ metallicæ; quibus artificiiis aurum, & argentum ab extraneis purgentur, & separentur; quomodo in calcem, flores, spiritus, & olea resolvantur; quibus demum usibus inserviant: hæc sanè ex metallariis, docimastis, aurificibus, & Chymicis sunt requirenda: sunt etiam innumerabiles de iis rebus libri, neque abditi, neque obscuri. Sed quoniam libellum est vobis me ad hæc impellere, faciam ut vultis, & locum istum totum, ut à doctissimis tractatus est, explicabo. Non repeto, quibus indiciis latentes metallorum venæ deprehendantur; in montibus eas esse frequentiores fugit neminem: gramina solito tenuiora; pallentia arborum folia; cæruleæ flammæ calidiore potissimum cælo huc, & illuc discurrentes; metallorum ramenta, ac veluti fibræ in vicinis fluminibus conspicuæ, tot sunt venæ delitescents argumenta. *Quâ arte auris mineræ degeant.* Ar. tur. genti, atque auri fodinæ raro in frigidioribus locis, sæpè in calidioribus ad Orientem, vel Meridiem obversis reperiuntur: contra plumbi, & stanni mineræ frigidiora loca amant. Sunt, qui coryleâ virgâ ejusdem anni, & bifidâ utantur, ut latentes venas explorent. Heliophilus id sæpè se expertum tradit, quòd cum furculo coryli sursum erecto, & virgulas utroque pollice compressas, obversis manibus gestaret, illuc virgæ erectæ apex ultrò inclinabat, ubi inerat argentum; sive jaceret in terrâ, seu foret in ipso thorace reconditum. Alii id valdè incertum esse experimentum, & superstitionis plenum contendunt. Glauberus globulum ex electro confectum, atque in medio perforatum furculo coryli inserit, isque erectus circumfertur: cum mineræ furculus imminet, tum velut suâ sponte deprimitur, ac delitescentem venam prodit.

Metalla plerumque lapidibus adhærescunt, quos Græci pyrites, *De venâ metallicâ.* marcasitas Arabes dixerunt. Quamquam pyrites in æris fodinis oritur, chalcum colore refrens, sit frequentior; aliis tamen coloribus imbutus passim occurrit. Ex illo lapide nonnunquam æs argento permixtum; interim alia metalla extrahuntur. Galena quoque argenti, & plumbi communis vena colores suos variat: nam sæpè lividum, aliquando fulvum, aut cæruleum exprimit colorem: plumbaginem Latini, molybditim Græci vocitant: ex 100. plumbaginis libris vix una argenti: sæpè 40. plumbi libræ eliciuntur. Aurum ex pyrite quondam cinereo, vel subnigro galenæ non dissimili excoquitur; silicibus, vel durissimis saxis aliquando foliatim adhærescit: purum quoque, reperitur in fibris saxorum. Argenti verò majores moles è fodinis erui constat: vidit Agricola massas argenteas malleis, vel securibus similis

similes: interim lucentibus scintillis argentum se prodit, vel in tubulos, & virgulas assurgit: sæpè illius vena subrubra, vel cærulea occurrat: nonnunquam ex bismutho galenæ simillimo; vel ex cadmiâ fossilii, quam coboltum vocitant, extrahitur: aliquando argenti mineræ galenam colore refert; sed faciliùs dilatetur: 190. hujus mineræ libra 90. argenti suppeditant. Postremò argenti vena nonnunquam mollis, & subrubra instar carbunculi tralucet; cùm verò obscurior est, & magis ductilis, tum majorem argenti copiam præbet. Non igitur audiendus est Plinius, cùm ait, venam, unde argentum excoquitur, non nisi in puteis reperiri, nullâ sui spe, ac nullis scintillis lucere; sed è terrâ, vel rubrâ, vel cinereâ extrahi. Siquidem & vena illius sæpè lucentibus micat scintillis, atque ingentes argenti moles in Germaniæ, & Bohemiæ fodinis, teste Agricola, cruuntur. Æs quoque purum invenitur: illius vena non rarò est coloris purpurei lincis viridibus inspersa: hunc lapidem chalcitum vocant: interim saxis foliatim accrescit, atque ex argenti minerâ crebrò extrahitur. Ferrum rarò purum, & sincerum, nisi in minutissima granula concisum occurrat. Terra, inquit Cæsalpinus, quæ eruitur in Ilvæ insulâ, dum vena effoditur, tota procedente tempore in venam convertitur: laudant candidiorem, & quæ rubricam habeat admixtam; damnant luteam, & nigram. Stannum denique ex lapillis nigrioribus saxo arenoso adnatis, summo labore excoquitur. Metalla persæpè cum aliis permixta, & confusa inveniuntur, quod magno est argumento illa ex communi materiâ proficisci. Non ex puteis modò altioribus effodiuntur, sed etiam in summâ tellure efflorescunt. Aurum, & cuprum è terrâ purpurâ, aut flavâ; interim ex chrysocolâ, vel cæruleo, imò ex ipsis constantur silicibus.

Glauberus (quem sæpè nomino, quòd in rebus metallicis tantos progressus habeat, ut cum excellentibus in eo genere Chymicis comparetur) quâ arte aurum è silicibus, non sine aliquo emolumento extrahi possit, peculiari libro aperuit. Silices eligit in locis arenosis, vel in fluviorum ripis; eos crematos aquâ frigidâ restinguit: quòd si fracti rubeum, aut flavum colorem expriment, tum auro prægnantes judicantur: sin albedinem custodiant suam, indicium est, eos omni auro esse destitutos. Cùm silices antea rubri extinctione obscuram exhibent rubedinem, indicium est, eos non aurum, sed ferrum continere: nam qui auri sunt seraces, cremati flavo, & splendido nitent colore. Albos quoque lapides maculis, vel lincis cæruleis, flavis, rubris, aut virentibus inspersos non aspernatur. Pleraque præparat

parat infundibula ex terrâ tenaci, & optimâ, quæ in scamno multis toraminibus pervio ex ordine disponit, ac singulis vasa, vel receptacula supponit: comminutos silices cuique infundibulo sic imponit, ut majora frustula infimam, & angustissimam infundibuli partem compleant; minutiores verò particulae supremum locum occupent. Spiritum salis rectificatum, atque eâ methodo, cujus supra meminimus, præparatum primo infundibulo affundit: ita ut trium digitorum silicibus emineat: hic nonnihil auri in lapidibus delitescentis exsolvit; atque ubi in vas suppositum effluerit, secundo infundibulo, deinde tertio, & ita porro est affundendus, quousque rubro auri colore, sat imbutus appareat: tum novum salis spiritum cuique infundibulo, simili prorsus ratione apponit; idque toties repetit, quousque omni auro exhausto, nullo amplius colore tingatur. Spiritum novo operi profuturum per distillationem prolicit: aurum ferro, & aliis metallis admixtum in fundo retortæ, aut vasis distillatorii remanet: nec facile per cupellam ab aliis metallis secernitur, sed beneficio antimonii, eo quo infra dicturi sumus modo. Aliam subinde rationem, & methodum proponit, quâ aurum è silicibus eliciatur, sed brevitati consurgens eam prætermitto. Neque ut puto, id mihi negotii datis, ut omnes machinas, & fornaces, quibus mineras expurgare, & examinare solent, vobis describam: nam præter cæteros Agricola, Erkerus, & Mathesius hoc argumentum satis illustrarunt.

Torrentur venæ metallicæ, eluuntur, lixivii incoquantur, ut *De venâ arsenico*, sulfure, & cadmiâ, quæ metalla deprædari solent, liberentur: *rum præ-* nisi enim vena auro, vel argento prægnans torreatur, aut certis figa- *paratione,* tur lixivii, sulfurei, & arsenicales fumi per multum metalli abripi- *& fusione.* ant necesse est. Hinc dorimastæ, & metallurgi in urinâ, vel calcis, & cinerum clavellatorum lixivio venam diu macerant, aut contusam aquâ forti perfundunt, ut metalli involucria detergantur, atque ipsum metallum antè reconditum, & quasi oppressum appareat. Sal fusionem promovet, ac metallum quasi injectis compedibus retinet, ne unâ cum volatili sulfure fugam capessat. Ferri quoque squamas adhibent, figit enim ferrum volatilia, auget fervorem, arcet fugacia. Cùm vena more consueto torretur, tum mineralia quidem volatilia dissipantur; sed unâ secum non mediocrem auri, vel argenti portionem efferunt: quod si non torreatur, ignis vehementior majorem metalli partem consumit. Postremò si vasis ocllusi liquentur venæ, quidquid metalli inest, in scorias abit, nec plumbum ingreditur. Si nitrum tam magno non constaret, cum tritâ, & contusâ minerâ subduplum nitri permiscendo foret, quod prunâ incensum, noxium, & combustibile sulfur abfu-

meret. Hac quidem arte non antimonium modo, sed omnia propè mineralia expurgantur: nitrum quippe quidquid sulfuris inest, consumit. Sic vena combustibili sulfure spoliata plumbo fuso sensim imponitur; extrahuntur scorix: cum plumbum auro, vel argento satis distendit, tum semel, atque iterum aliquantulum nitri immittitur, ut sulfur inutile diffusetur: sic plumbum cupellæ ex cineribus collectæ imponitur, cujus meatus sensim ingreditur; aurum, & argentum sola remanent.

Jam caput artis est idoneas fornaces struere, atque ignem oportune moderari. Per mihi placet Glauberi furnus, quem in explicatione miraculi mundi satis aperte describit. Oblongus est, ex optimis compactus lapidibus, in tres velut cameras distribuitur, quæ luis veluti parietibus, ac tabulatis distinguuntur: sic tamen, ut calor ex primâ in secundam, ex secundâ in tertiam per apertum, & patens foramen commutare possit: singulis cameris suum conceditur ostium, per quod mineralia apponuntur. In primâ hujus fornacis regione, ubi calor est intensior, focus, seu vas ex optimâ terrâ compactum collocatur; in secundâ cupella ex cineribus, vel testa ex argilla; in tertîâ denum focus aptatur. Hic minera torrentur, tum in primæ partis focum transferuntur, ut unâ cum plumbo eliquentur. Jam alius oblongior furnulus huic contiguus adernatur, in quem ligna accensa conjiciunt, ut flamma per apertum foramen in ima parte appositum, primam fusoriæ fornacis regionem subeat. Injedis lignis furni hujus lateralis pars suprema terreo operculo regitur, sic fornacis fusoriæ ostiola clauduntur, cum opus erit aperienda. Regula denique inter utrumque furnum mobilis, quæ commune ostium, seu foramen ad libitum claudit, vel referat, aptabitur. Foramina quoque non decurrunt in infimâ lateralis furni parte, ventilatores vocant: nam aperta ignis calorem ventilant, & clausa temperant. Quare vena auri, vel argenti in supremâ parte leviter adurit, tum plumbo, quod in primâ camerâ fluere diximus, sensim immittitur; hanc flamma ex laterali furno perstringit; fusa cum plumbo minera, nitri accessione purgatur; in secundam transfertur regionem, ubi ignis crebrâ ventilatione intenditur; plumbum ab it in lithargyrum; aurum verò, vel argentum instar placentulæ à plumbo secretum manet. Non dissimilis est fornacis constructio, quam lib. 4. turnerum idem auctor, qui mihi hujus artis antistes videtur, exhibet: in plures itidem partes distinguitur; sed in infimâ tubus aptatur, qui quo longior existit, hoc vehementiorem ignem accendit. Hoc furni genus aptari potest propè cuculi superioris caminum, & perforato pariete aer ex inferiori do-



mus cubiculo, per ambo, tum muri, tum fornacis sibi contigua foramina irrumperet. Quinetiam si tubum ferreum medio foramini, quod in testro fornacis patet, accommodes, ignis calorem mirum in modum augebis: adeo ut non solibus, non ventilatoribus opus sit, sed satis fuerit regulam mobilem, seu registrum infimo foramini adhibere, ut varios ignis gradus moderetur. Hujus fornacis beneficio diversis simul operationibus incumbes: nam in parte intimâ fundentur metalla, calcinationes, cæmenta, atque alia id genus opera, quæ vehementiorem ignem requirunt, perficiuntur; in aliis verò vegetabilis poterunt calcinari, distillari, crueibula exsiccare, venæ torreri, atque alii ejusdem generis labores peragi.

Quoniam attigi rem difficillimam, atque à paucis comprehensam de metallorum fusione, & examine, illud silentio prætermittere *De venarum examine.* non possum, omnes metallicas venas fundi, & liquari posse plumbi, vel niri, vel sulfuris, vel antimonii denique adminiculo. Nonnunquam mercurius, & aquæ stygiæ in hunc usum adhibentur. Plumbum verò in cineres redigi solet, quò mineras altius pervadat, & subigat: illud cum auro, argento, & cupro facillè confunditur, sed ferri & stanni, quòd diversæ sint naturæ, societatem aspernatur: in iis quippè sulfur, in plumbo abundat mercurius. Nitrum verò sulfur omne superfluum invadit, quidquid à metallo alienum est convertit in scorias: tum effusa minera in vas cerâ oblitum, auri, vel argenti regulum in vasis fundo deponit; postremò cupellæ, seu cineritii beneficio plumbum ab auro, vel argento secernitur. Ubi vena agrestior est, nec facillè domabilis, aliquantulum scobis ferreæ nitro adjungunt, quæ fusionem accelerat, & reguli descensum promovet. Non dissimili modo chalcitis, quidquid recondebat argenti, depromit: hæc enim liquatur; tum salpetræ paulatim in catillum injicitur, donec chalcitis in scorias, aut vitrum viride faceat: liquata massa effunditur, argenti regulus in imò subsidit: scorix iterum catillo, seu crucibulo commissæ prunâ conjectâ funduntur, & chalcitis pristinam recuperat formam. Non me latet aliis quoque modis metallorum venas probari. Sunt qui aliquantulum venæ confusæ cum multo vitro Veneto, vel alio fusili liquant; vitrum enim colore metalli delitescens imbutur: quòd si effusum viridem exprimat colorem, vena cupro scaturit; si rubro, vel caruleo colore tingatur, argentum, vel aurum vena continet. Nonnulli miscent sulfuris partem 1. puri tartari 2. niri itidem expurgati 4. cum drachmâ contritæ minere; hæc crucibulo imposita ferro candente accenduntur, quæ quidem incendio minera redigitur in scorias: quidquid in eas abire renuit, cum novâ iterum mixturâ, atque eodem

prorsus modo inflamatur : scoriæ igne fusionis convertuntur in trum, quo effuso granum, seu portiuncula auri, vel argenti in imo remanet.

*De metallorum separatione.*

Non dissimili arte metallorum separatio instituitur; sive plumbo, sive antimonio, & sulfure, seu nitro, seu demum aquis singulis utantur artifices: horum enim omnium una ferè est ratio: unumquodque metallum alterius sibi consimilis societatem affectat; dissimile, & alienum fugit. Sic mercurius facilè cum auro, ægrè cum ferro vel cupro conjungitur: & plerique sperant se, ex terrâ aut venâ beneficio hydrargyri aurum, vel argentum extrahere posse; adeo ut mercurius cum terrâ auro sœtâ contusus aurum sibi amicum rapiat, idque dimittat, cum per corium, ut moris est, trahitur. Sic aurum unâ cum cupro dissolutum, & simul cum eo digestum, quidquid auri in cupro inerat, attrahit, & nihil incrementi sumit. Quis ignorat aurum in cupellâ cum plumbo fustum, atque ut loqui solent, fulminatum, gravius inde, & pallidius educi, quod in illo examine sibi ut simile, ut amicum rapiat argentum, quo nullum ferè plumbum caret.

*De cupellæ examine.*

Non vos fugit cupellam ex cineribus ossium compingi; huic prius exsiccatæ plumbum imponitur, cui liquato quartam vel circiter auri partem adiungunt; id quoque brevi plumbi calore funditur; augetur ignis, cujus vim plumbum sustinere non valet; nec tamen in sumum, ut plerique putant, evanescit, sed Lithargyrum extenuatur, & poros cupellæ subit; quidquid in auro vel argento alienum erat, secum trahit; aurum verò invictum superest: non enim in scorias abire potest, quod nullo sulfure combustibili inquinetur, nec sale superfluo abundet: sed partes habet arctiori vinculo constrictas, quàm ut solvi queant, vel in scorias mutari. Plerique artifices vetant cupellam ex ossibus suillis, & calcinatis parari; fortè quod laxiores relinquant meatus, quos aurum ipsum unâ cum plumbo subit: neque hinc aurum nisi summo labore, per crebras ablutiones colligi potest. Vidi qui mihi affirmaret aurum in cupellâ ex ossibus galli gallinacci constatâ fulminatum, seu examinatum statim dissilire. Porrò non aurum modò, sed etiam argentum in cineritio, vel cupellâ expurgari solet; maxime si cum cupro commixtum fuerit: nam ubi cum ferro, vel stanno confunditur, cupellæ examini subijci non potest: ferrum quippè cum plumbo non liquatur: stannum verò statim convertitur in scorias, quæ crassiores sunt, quàm ut cineritium ingrediantur, ac persæpè multum auri, vel argenti deprædantur. Quamobrem necesse est, ut hæc metallorum secretio, vel antimonii, vel nitri adminiculo, vel aliâ industriâ perficiatur. Verùm hæc linquamus, quæ satis dilucidè

ab aliis tractata fuere, quæque magis ad artifices, quam ad Philosophos videntur pertinere. Neque ista eo attingi, ut vos ad rei metallicæ studium impellerem; sed ut rerum, quæ ante oculos positæ sunt, intimas, si fieri posset, rationes scrutaremur. Nec clam me est, hæc magis usu, & exercitatione, quam præceptis edoceri. Non est quidem tanta in his rebus obscuritas, ut ea non penitus acri vir ingenio intelligat, si modò adspexerit: sed nemo res tantas nisi monstratas poterit percipere. Jam illis omisissis ad reliqua progrediar, & de usu metallorum dicere incipiam.

*Men.* Hæ quidem partes fuerunt tuæ, de examine, separatione, & variâ metallorum præparatione ut diceres, & eras jamiple ingressus artem doctrinasticam: quare nisi jam defessus es, & si tibi graves non sumus, refer te ad illam, quæ ut puto intellectu est facilis, & usu necessaria.

*Simp.* Me igitur quando ita jubes, ad meum munus, pensum que revocabo. Aurum, & argentum ab aliis, quæ imperfecta dicuntur metallis, non uno quidem modo secernuntur: sed nullus mihi videtur, vel utilitate major, vel usu facilius, quam qui nitri, & stibii beneficio perficitur. Antimonium enim ex impuro quodam, & *De separatione* combustibili sulfure, neque non ex mercurio à metallis non abhorrente *ratione* componitur. Cum itaque regulas antimonii cum cupro, stanno, vel *metallorum* plumbo, æquali pondere liquatur, tum sulfur antimonii cum metalli *per antimonium*, sulfure, illius item mercurius cum hujus mercurio conjungitur. Quod *monium*, si tantum nitri, quantum utrumque tum metallum, tum antimonium & *nitrum* ponderat, sensim adjeceris, sulfur omne vi, atque impetu nitri agitatum in scorias convertetur, quibus aucto igne liquatis, atque in aliud vas effusis, tum regulus, seu pars metalli gravior, & purior, omni sulfure inutili liberata in vasis fundo subsidet. Licebit quoque nitrum cum metallis, & stibio contusis prunâ accendere, detonatione peractâ, scoriarum accenso carbone, vel candente ferro iterum funduntur; effusæ regulum præbent, qui per cupellam fulminatus, aurum, vel argentum in metallis reconditum prodit. Eadem prorsus arte cuprum, aut stannum auro, vel argento admixta separantur. Tres uncias tum cupri, tum stanni cum unâ auri librâ confusas supponamus, quæ per cupellam non sine magno dispendio extrahi possunt. Itaque tres itidem uncias reguli antimonii unâ cum impuriore massâ liquare operæpretium fuerit: stibium quidem stannum, & cuprum in scorias mutabit: quò verò stibii regulus ab auro secernatur, tres quoque salis petreæ uncias non subito, sed sensim, cum pulcre metalla fluent, in catillum conjiciam; tum nitrum & regulum antimonii, & cuprum,

& stannum in scorias mutat, quæ tamen nonnihil auri deprædantur. Quare illas iterum catillo imponam, ferro candente incensæ regulum auri, vel argenti non expertem dimittent; idque toties iteratum operet, quousque scoriæ fusionem respuant. Quoniam verò hæc tum Chymicorum, cum Docimastarum, & aurificum mysteria præterire, satius fuisset, quàm incepta deferere; dicam itidem quibus artificiiis aurum ab argento, atque ab aliis minoris notæ metallis separatur.

*De quar-  
tatione.*

Pervulgata est, & omnibus nota quartatio. Tres argenti partes cum unâ impuriore auri parte aquæ forti infunduntur: argentum ab aquâ exsolvitur; aurum verò non solutum instar calcis ad fundum delabitur, atque in metallum calx illa fusionem reducit: aqua fortis, vel distillatione abstrahitur, vel in vas aquâ communi plenum effunditur; cupræ subjiciuntur laminæ, quibus argenti calx adhærescit. Hæc quidem est trita aurificum via; sed magnos sumptus, longum etiam tempus postulat. Nam prius argentum funditur, in frigidam effusum comminuitur in granula: nunquam integrum ex aquâ forti educitur; nec facile in metallum reduci potest: siquidem calx argenti aquis stygiis vexata sit fragilis, & ægrè funditur, nisi eam cum lixivio tartari excoquas, vel crucibulo aliquantulum salis tartari præmiseris, quod ubi fluere incœperit, tum paulatim argenti calcem, ut pristinam metalli formam recipiat, injicies. Quod si major sit auri, quàm argenti portio, in aquâ regiâ dissolvitur: sic enim vocant aquam fortem, cui sal ammoniacum adjungitur, quæque aurum, non item argentum exsolvit: sal tartari, vel aqua falsa aurum præcipitat. Difficile dictu est, quæ causa sit, cur aqua fortis argentum, non item aurum, contra aqua regiâ aurum non argentum exsolvat: cur oleum, seu liquor tartari, si paulatim instilletur, tantum excitet fervorem, atque ipsum aurum præcipitet. An fortè spiritus salium, ex quibus aquæ stygiæ conficiuntur, ex atomis tanquam ex spiculis constant, quæ metallorum subeunt meatus, ac vincula, quibus partes erant colligatæ, resolvunt. Jam verò salis ammoniaci corpuscula ita sunt conformatæ, ut auri, non argenti poros ingrediantur. Sed de iis jam alio loco copiosè disputatum est, cum de principiis rerum naturalium ageremus: nec repeto, quæ tum fusiori stylo sumus prosecuti de calce auri per liquorem tartari præcipitatâ, quæ aquâ calente identidem abluta, tum exsiccata fragorem edit tonitruui simillimum. Illud quoque observatione dignum est, aurum in eadem laminæ ferreæ parte sæpius fulminatum, illam tincturâ aureâ imbueri; adeo ut acus ex illâ chalybis portiunculâ conficta, auri omnia subeat examina. Sed cautio  
est

*Aurum  
fulmi-  
nans.*

est, ne liquor tartari uberior, vel parcius in auri fulminantis præparatione affundatur: hinc non omnibus hoc experimentum succedit; ac longè certius futurum est, si aurum non liquore tartari, sed urinæ, vel salis ammoniaci spiritu præcipitur. Quæ sit causa hujus fragoris vel salis excutiendum relinquitur. An fortè partes auri sulfureæ calore rarefactæ magno impetu carceres suos diffingunt? Scobs chalybeæ igni admota, fulgurat quidem, non fulminat, quòd fuliure abundet, sed partes ferri non adeò sunt compactæ, atque auri partes: hinc nullus serè sonus: tamen si peritissimus in arte Chymicæ Barletus pulverem ex ferro, & ære fulminantem parat. Cùm in æs solum lapillus conijcitur, adeò æs ipsum effervesceat, ut cum magno strepitu extrâ profiliat: nam calor multas lapidis particulas resolvit, quæ magno impetu æris corpuscula dividunt, & attollunt; hinc ebullitio, hinc sonus oritur. Quemadmodum oleo ferventi admixtus humor, vel elychinium madefactum stridet: in his enim omnibus strepitus ex paruum divisione, & collisione proficiscitur.

Non vagabitur oratio mea longius: dixi de vulgatâ auri ab argento separatione aquæ fortis, vel regie adminiculo. At meâ quidem sententiâ mixtum aurum longè majori compendio solvitur spiritu salis, cui perparum nitri admiscetur; factâ præparatione purum extrahitur. Plerique malunt viam siccam insilire: sed longæ sunt ambages, operatio sæpius repetenda, molestus denique, & diuturnus est labor. Glauberus aurum ex argento, cupro, ferro; atque aliis metallis permixtum granulât; contriti sulfuris quartam partem adjicit; *Metallorum separationem per* uerit in tigillo accuratè ocluso, & optimè lutato accendit, quod ali-  
gradus igne fluit metallum; paululum nitri sensim immittit, quod ali-  
quamdiu fluere permittitur; tum effusa massa regulum aureum depo-  
nit. Quòd si nullus exeat regulus, reddendum est metallum tigillo,  
tantum scobis ferreæ addendum est, quantum ferri cum auro permix-  
tum esse conijcitur; unco terreo, & candente massa est agitando; at-  
que ubi per horæ quadrantem fluxerit, effunditur, ut regulum suum  
dimittat: idque toties repetitur; quousque regulus plus argenti quàm  
auri expromat. Argenti verò regulum eadè arte evolvit. Omnes  
denum regulos tigillo, seu catillo impositos nitri beneficio expurgat:  
nitrum quippe sulfurea quæque aggreditur: antimonium verò fer-  
rum, stannum, & cuprum multo abundant sulfure: hinc faciliè cum  
salpetræ societatem ineunt: aurum verò, & argentum cum parum,  
vel nihil habeant sulfuris illius superflui, & combustibilis in regulos col-  
liguntur, & ab aliis impuriorebus metallis secreta vim salis petræ con-  
temnunt, atque ut graviora corpora in imo subsidunt.

Expo-

Exposui ferè ut potui, quæ ad venarum fusionem, metallorum examen, & separationem pertinere arbitrabar. Ista quidem omnia ignis, vel caloris adminiculo perfici ostensum est: dum enim calor, vel ignita corpuscula ( nihil hic litibus opus est) venas aut ipsa metalla liquant, atque in minutissimas atomos comminuunt, & vincula, quibus metalli partes adstringebantur, resolvunt; tum quæ sunt graviora ad ima delabuntur; quæ autem leviora, vel efflantur in fumos, vel instar spumæ enantant. Cùm vena metallo prægnans, vel siccior, vel contumacior existit, adeò ut fundi non possit; plumbum, aut venam plumbi adjiciunt, tum ut humiditate suâ agrestem æris, vel argenti venam temperet; tum ut summo calore, quem liquefactum acquirit, fusionem præmoveat; tum demum, ut si quid in venâ auri, vel argenti delitescat, naturæ quâdam familiaritate alliciat. Cùm vena

*Cur*

*plumbum*

*venis fun-*

*dens ad-*

*hibeatur.*

*Scoria me-*

*tallarum,*

*viscosum,*

*De vitri,*

*vel*

*Amausis.*

*habent,*

*atque ex*

*iis vitra*

*aspectu*

*pulcherrima,*

*quæ ipsas*

*gemmas*

*nitore, ac*

*splendore*

*vincunt, parant*

*Chymici.*

*Comminutæ*

*crystallo*

*tripulum*

*sandycis, seu*

*minii ad-*

*miscent, con-*

*stant in*

*vitrum*

*sinaragdo*

*simillimum.*

*Hinc olim*

*obsidiana*

*vitra ex*

liquata fuit, partes quæ sunt sicciores, quæque humiditatis metalligenæ sunt expertes, supernatant, & crustatim coeunt; hæ quidem auferuntur suis usibus profuturæ. Quamdiu instar olei fusæ extant, ne metallum in fumos diffletur, impediunt: nam humiditate suâ tenaci, & viscosâ ipsi metallis sunt quasi præsidio, ne in vapores extenuentur. Scoriæ quidem multum de natura vitri referunt; nam fusæ, viscosum, & tenacem humorem produnt; cum verò frigore induruerent, tum fragiles existunt. Contrarium planè in metallis experimur, quæ liquata nulli corpori adhærescunt, sed instar aquæ in guttulas dividuntur; coagulata ductilem, & flexibilem sortiuntur naturam. An scoriæ multâ terrâ, & sale abundant? nam vitro consimilem naturam habent, atque ex iis vitra aspectu pulcherrima, quæ ipsas gemmas nitore, ac splendore vincunt, parant Chymici. Comminutæ crystallo tripulum sandycis, seu minii admiscent, constant in vitrum sinaragdo simillimum. Hinc olim obsidiana vitra ex metallorum scoriis, instar lapidis obsidiani nigerrima conficiebant; vitrum sanè ex arenâ, vel silicibus, cum nitro permixtis, & fufis constat; neque ullum sine sale perficitur. Quid ergo causæ est, ut scoriæ tam leves, tam fragiles existant? an quòd iis humor metallicus deest, qui pondus, & consistentiam præbet? an corpuscula, ex quibus tum scoriæ, tum vitra compinguntur, malè sibi cohærent? Sunt enim velut arenulæ, quæ inter se misceri exquisitè non possunt, sed in punctis duntaxat se contingunt; hinc fragilitas, hinc adeò levitas exsurgit: nam multis poris hiant, unde in vitro perspicuitas, & splendor in amausis, seu vitris, quæ ex metallorum scoriis parantur: nisi fortè hic nitor ex pingui, & oleoso humore, quo nec vitrum, nec scoriæ carent, oriatur. Sed cur scoria contrita venæ metallicæ, & rebellis, fusionem accelerat?

an



an quia duræ, & acutæ, quibus scoria constat, particulæ calore agitata venas metallicas dividunt, secant, aperiunt? Eadem præstant omnes sales, qui suis spiculis viam sibi parant, & discutunt corporum vincula. Hinc varia salium genera, Metallurgi, Docimastæ, & Cur salii Alchimiſtæ adhibent, quò venas doment, & fundant; metalla purgent, & separent, neque ullus ferè labor eitra salem ritè suscipitur, *Cur salii domentur,* hoc & liquen-  
 Quòd si tibi aliquod minerale fugax, & volatile figere incumbit, hoc & liquen-  
 nitrum, hoc alii sales fixi præstabunt. Quid ipso hydrargyro fugaci-  
 us? si in aqua forti eum exsolvas, atque aquam distilles; idque sæpi-  
 us repetere non tædeat, tantam adipiscitur firmitatem, ut ignem im-  
 punè ferat. Sic aqua stygia stanno affusa, atque ab eo abstracta tan-  
 tam huic metallo duritiæ tribuit, ut fundi recuset, sed in vitrum po-  
 tiùs candidum abeat; idem ferè in plumbo contingit. Quid porrò  
 hæc mollia metalla adeò fixa efficit, nisi nitrum, ex quo aqua fortis  
 paratur? an quia superfluum humorem temperat? an quod suis atomis  
 partes malè consertas vinciat, & adstringat? mirum quòd idem salpe-  
 træ metalla dissolvat, & figat; separet, & jungat. An ignem in se oc-  
 cultum gerit, qui heterogenea segregat, & unit congenera? imperfe-  
 cta quæ sunt metalla maturat, ac digerit; superflua verò excernit.  
 Experimenta proferrem innumera, nisi me Sol, qui jam multum incli-  
 natur, ut sim brevior, admoneret. Antimonium, arsenicum, atque alia  
 mineralia, quæ suâ subtilitate nobis sunt insensissîma, unâ cum nitro  
 incensa, omne virus unâ cum superfluo sulfure deponunt, & fixa  
 evadunt.

Cùm etiam hæc mineralia multum auri volatilis contineant,  
 quod promere non possunt, ni priùs ignem pati discant; nitrum id  
 præter cætera præstabit; nam in aquâ forti semel, atque iterum ex-  
 soluta, quæ per distillationem abstrahitur, in calcem fixam abibunt,  
 atque unâ cum plumbo per cineritium fulminata, si quid auri recon-  
 dant, exhibebunt. Tutius fortassè erit per viam siccam, sed cæmen-  
 tationem procedere; modò tractandi ignis non sis imperitus. Cuprum  
 in tenues laminulas diductum unâ cum arsenici, auripigmenti, & ali-  
 orum mineralium pulvere cæmentant, hoc est alternis ordinibus in  
 pyxide, vel crucibulo disponunt, quod benè opertum, & lutatum igne  
 circulari circumdatur, donec candescat, (sic solent confusa metalla  
 separare, cæmento ex sale, vitriolo, & pulvere tegularum, quæ quod  
 impurum auro inest, rapiunt) cuprum è catillo extractum mineralium  
 ingressu sit friabile, in pulverem comminuitur, per salem petræ purga-  
 tur; atque unâ cum plumbo in cineritio excoctum, quidquid ipsi, &  
 venenatis mineralibus auri inerat, deponit. Sic hydrargyrus quo  
 nihil

nihil fugacius, argento incrementum affert. Argento enim in aquâ forti dissoluto quadruplum mercurii adjiciunt; in loco frigido unâ manent, donec mercurius soluto argento adhærescens præcipitetur: quòd si unius saltem anni spatio simul relinquantur, argentum non mediocriter auctum iri promittit Glauberus, cujus libri cum ejusmodi arcanis sint referti, ac jam omnium manibus terantur, nihil est, quòd istis formulis vos distineam. At enim vereor, ne aut vobis difficiliora, aut non satis certa, & explorata videantur.

Ego ista quidem arcana non aspernor, quæ maximam utilitatem in se continent, ac secretiorem Philosophiam non mediocriter illustrant: nec fortè tanti sunt laboris, quanti videntur, sed exercitatione, & usu faciliè percipiuntur. Nolim tamen (quod mihi sæpius dicendum est) quenquam in metallorum tractatione versari, nisi à peritissimo, & longo usu subactò artifice dirigatur. Nulla est ars periculosa, nulla quæ fraudi, & imposturæ magis pateat. Optarem equidem ut nemo, nisi vel auctoritate publicâ munitus, vel artis suæ professione coactus, his laboribus incumberet: nam Alchimia videtur perditorum hominum extremum esse perfugium: falsariis, & impostoribus undique obsidetur: ac plerique, quibus res sunt accisæ, è surculis suis præsidium quærunt, & variis sæpè criminibus sese illigant. Non continèd tamen ipsa Alchimia in invidiam vocanda, neque artificum vitia artem pulcherrimam infamant. Quis autem ignorat, maximam partem artium, quibus communis hominum societas carere non potest, ex ipsius Alchimie quasi fontibus derivari; his omnibus una dominatur, principia, leges, modum, & finem cuique arti, tanquam Architectonica præscribit. Quocunque mentem, & cogitationem converteris, artifices circa res metallicas occupari comperies. Metallurgi effodiunt, abluunt, fundunt venas metallicas. Jam quis illos edocuit, venas agrestiores unâ cum plumbo, vel plumbi venâ eliquare, scorias addere, quòd fusio sit celerior; nisi ipsa Alchimia, quæ novit plumbum ut auro, & argento amicum, ea ad se rapere; adeò ut æs ipsum levius extet, & crustatim coeat: quod ut ab omnibus extraneis omninò liberetur, secundæ fornaci iterum immittitur: si quid putent nonnihil auri, vel argenti adhuc continere, plumbum adjungitur, quod nobiliora metalla secum ad ima deducit; tum scorias extantes colligunt, æs ipsum à plumbo, moderato calore secernitur: plumbum enim facilius liquefit, & descendit; æs verò instar pumicis spongiosum in propria fornace ad purum (ut loqui solent) excoquitur; cujus scoriam multis rebus utilem, diphrygem vocant,

Quid in metallis continendum, cum ipsa excrementa, vel scorias non recentiores modo, sed etiam Medici ad suos usus adhibuerint? sed de his posteriùs. Omnia quidem metalla sua habent recrementa, si aurum exceperis; quo enim sunt imperfectiora, eo scorias, cum funduntur, uberiores præbent. Ferrum cum sit maximè terrestre, & impurum; non solum ubi funditur, sed cum igne emollitur, vel in chalybem expurgatur, scoriâ multam egerit: è chalybe cærulea efflorescit, vulgari longè præstantior. Plumbi scoria, mollem, lentam, nec fragilem nacta est naturam, in aqua exsolvitur, quam luteo colore inficit. Cum plumbum liquatur in fornace; vel unâ cum argento, vel solum: instar spumæ quiddam oleosum enatat, quod lithargyrus appellatur; est enim veluti argenti spuma: cum argentum in secundis fornacibus expurgatur, instar olei ignis ardoribus extenuatur: hinc levitatem acquirit, tametsi in plumbum reduci possit: hoc utuntur figuli, cum stanni cineribus permisto, ut vasis fistilibus crustam vitream inducant. Distat, inquit Plinius, à scoriâ, quo potest spuma distare à fæce. Alterum purgantis se materiæ, alterum purgatæ vitium est. Multa olim lithargyri genera statuebant; nunc vel aurco colore fulget, cum aliquid æris argenti venæ inest, tumque squamis lucentibus distinguitur, vel argenteo colore nitet. Lithargyro finitima est molybdæna, quæ vel fossilis est, vel fractitia; illa est plumbi & argenti vena communis, galenam vocant; aureum præfert colorem, friabilis, & modicè gravis: cocta cum oleo jecïnoris colorem trahit, ut Plinius refert, hæc primis fornacibus adhærescit; illa granis distinguitur; hæc squamis instar auripigmenti constat; à lithargyro differt, quòd hic in secundis, molybdæna in primis fornacibus concreseat. Argentum denique cum à venâ purgatur, scoriam tenacem, aliquando cæruleam, aliquando nigriorem expellit, ac meritò dubitant, utrum ex argento, vel ex plumbo oriatur. Ista quidem sunt metallorum veluti recrementa, quæ illis, cum excoquantur, innatant, nec tamen metallorum naturam exuerunt; sed in ea plerumque reducuntur; at quæ in fornacum parietibus instar fuliginis adhærescunt. præsertim, cum æris, vel argenti venæ eliquantur, diversam planè à metallis sortita sunt naturam. Cadmiâ vocant, crassiorē fuliginem, quæ variis insignitur nominibus, prout vel crustatim, vel racematim concrevit, ac varietate colorum, aut partium tenuitate distinguitur. Eam judicat optimam Plinius, quæ è cameris fornacum dependens botrytis cognominatur, hæc fortè nunc tutiæ Alexandrinæ donatur nomine; intus lenis est, & terfa, exterius verò gravis, aspera, atque arboris cortici non dissimilis, gravis est, & sonora: alia quidem est cadmiâ

cadmia fossilis, quæ terræ similior, quàm lapidi, gravior est, & pallida, fundi nequit, sed in exitiales fumos evanescit; cum ære camentata, illius pondus auget, & in orichalcum convertit; in Germania frequens occurrit, lapidem calaminarem vocant. Est aliud cadmiæ fossilis genus, cujus Galenus meminit, testaceum, durum, ita ut attritu chalybis scintillet, subniger est hic lapis, sulfureum nidorem cum aduritur exhalat, in fodinis chalcanti reperitur, atque inter pyritis species, vel marcaffitas referri potest. Postremò cum æs perficitur, vel cadmia crematur, tum fuligo levisima fornacis tecta obsidet, candida atque instar velleris glomerata, quæ pompholyx vocitatur; fuligo crassior, quæ vel parietibus inhæret, vel in pavementum decedit, coloris cinerei, & substantiæ densioris, spodium appellatur; illa candida, & tenuis, & favillæ est similis, cum spodium cinerem colore, & naturâ referat, ac sale fixo abundet.

Pompho-  
lyx.

Hæc quidem veteribus non fuerunt incognita; sed quâ arte metalla confusa separari, atque ex imperfectis perfectiora secerni possent, omnino ignorarunt, nam artifices longâ observationum serie, & magno rerum usum peritiores facti, veterum inventa expolierunt, multa retrò incognita edidere: ipsa metallorum tractatio, & usus quotidie ex se gignit aliquid novi, quod longa dies perficit. Jam quoque Philosophi his studiis ardentes, nec solum docti, sed etiam experti, & longo usu imbuti magnam his rebus abstrusis, & reconditis lucem intulerunt. Nam mirus inter Philosophiam, & ingenuas artes consensus reperitur; ratio ipsa artes illuminat, usus doctrinam confirmat; Philosophia arte destituta, jejuna est, exilis, & tota in serie disputationum, & verborum concertatione versatur; usus ipse, cui ratio non præluceat, in magnos errores nos præcipitat; quare unum ab altero non separemus; nec Philosophus artificem contemnat, neque artifex ipsos despiciat sapientes; sibi mutuas tradunt operas, ac mutuis auxiliis subsistunt. Multa commentatio fontes rerum aperit, principia, & causas pervestigat, ex quibus ad experimenta descendimus. Longa rerum meditatio cum multo usu conjuncta nos docuit perfectâ metalla ex partibus ætissimè confertis, exquiritè permixtis, & digestis compingi; imperfecta verò partes malè colligatas, nec satis detæctas habere, sed multo vitriolo, vel sulfure combustibili abundare compertum est: hinc artem quâ ignobiliora metalla ab imperfectis seccernantur, excogitarunt: sive id cupellatio efficiat: (cùm aurum, vel argentum impurius, cum multo plumbo permixtum, & liquatum, tamdiu ignis ardoribus exercetur, quousque cuprum, vel plumbum admixtum, in cineres, & scorias redigatur, ac cineritium subeat; illæso

auro

auro vel argento, cujus partes divelli nequeunt: ) five cæmentatio, quam superius exposui, five aqua stygia, seu denique antimonium auro expurget.

Omnis separatio, ut diximus, calore perficitur; resolutis vinculis, quæ sunt congenera unâ coeunt, quæ diversam naturam sunt naturam, secernuntur. Hinc sulfurea quæque metalla, nitro, sulfure, & antimonio expurgantur: nam unumquodque, quod sibi simile est, quærit: dissimile & alienum fugit, hinc solutio in aquis stygiis, hinc oritur præcipitatio. Sic cuprum dissolutum in aquâ forti, per ferrum; argentum per cupri laminas præcipitatur: nam ut argento cuprum, sic cupro ferrum amicum est, & auro hydrargyrus. Hæc sanè ratio latissimè patet: non enim modò metalla aquis stygiis exsoluta res quædam vel aquis, vel metallis affines, præcipitant; ut sal tartari, sal commune, urina, & alia id genus: sed massa ex diversis metallis confecta, ubi cum antimonio liquata fuerit, scobis ferreæ additione, tota ferè in scorias convertitur, præter aurum, quod instar reguli in fundo remanet; iterum fusâ, si adjeceris ferri scobem, argentum dimittit, & ita singula metalla scorsim ferrum præcipitat, dum quæ sibi sunt cognata invadit, & in scorias convertit, quæ diversam ab ferro sortita sunt naturam intacta remanent. Sic sulfur metalla in cineres redigit, quæ liquantur, & ferri beneficio scorsim separantur. Hac arte venâ metallicâ unâ cum triplo, aut quadruplo antimonio fusâ, metalla quibus prægnat extrahuntur; ac nitro expurgantur. Inò si partem unam ferri cum duabus antimonii liquaveris, & aliquantulum salis petreæ identidem adjeceris, qui pro more suo scorias procreabit; regulum ex ferro, & antimonio consequeris auri non expertem: nam cum plumbo fusus, & nitri additione iterum purgatus, per cupellam fulminatus aurum non contemnendum præbbit. Plumbum sit reguli triplum, aut quadruplum, quo plus nitri appesueris, eò plures scorias obtinebis; sed danda est opera, ut una saltem plumbi pars in regulo remaneat, per cupellam probanda. Illud sanè est mirabile, nullam ferè venam metallicam, nullum metallum, nullum adeò minerale, auro vel argento non disciscere, quod nitri beneficio, vel spiritu salis (nec a quiddâ scio an cum aliquo emolumento) potest extrahi, seu per cæmentationem, aut aquam fortem minerale fugax, & auro volatili prægnans, si substat, seu nitri adjectione impura, atq; imperfecta metalla in scorias redigantur, regulo in imo remanente, qui plumbo, vel sale petreæ iterum expurgatur; seu denique sulfuris, vel antimonii beneficio idem regulus subsidat. Verùm ista, quod sæpe dicendum est, non inexercitatum artificem desiderant: nam cautissimè metalla tractanda sunt; magnâ

*Præcipitationum, & separationum diversi modi, & varia ratio.*

*Omnia ferè metalla auri recondere asservunt Alchimista,*

opus est industrâ in furnulis, tellis, cupellis, focis adornandis; magna in ignis moderamine cura est adhibenda: cavendum imprimis est ab halitibus venenatis, quæ mineralia serè omnia efflare solent. Danda quoque est opera, ne carbonēs, in catillos aut focos incidant, maximè cùm metalla per nitrum separantur; aut figuntur mineralia. Cùm enim salpetræ quidquid in metallis inclit impuri sulfuris aggregiatur, ac tota mineralia, quæ hoc abundant sulfure in scorias, & cineres convertat; si quæ in catillos, vel crucibula prunæ delabantur; statim nitrum, quæ corripuerat metalla, dimittit, vel sulfur carbonum sibi familiarius completatur. Hinc scorix faciliè in metalla reducuntur, injectâ ardente prunâ; neque, ut mihi videtur, alia est præcipitationis ratio. Imò, si bene auguror, tota serè Alchimiâ huic principio innititur: unumquodque sui similis societatem affectat. Plura salium genera in aquâ exsolve, aquâ in vapores distillatâ, unumquodque sal cum suo congenero, alumen cum alumine, vitriolum cum vitriolo coniungitur.

Ferrum, cuprum, stibium, arsenicum nitro liquata, & fixata aliquantulum auri præbent: at si unâ cum iis fossilibus aurum, vel argentum liquetur, longè uberius aurum educitur; partem unam auri, duas cupri, tres reguli antimonii funde; salempetræ, quantum utrumque, tum cuprum, tum regulus ponderant, sensim immitte; atque in fluxu, quantum poteris, conserva; aurum non medicriter auctum consequeris. Illud quippe quâdam naturæ similitudine aliud aurum volatile, & malè digestum attrahit, dum nitrum sulfurea metalla invadit, figit, & scorias mutat, quæ tamen citò prunâ injectâ pristinam formam recuperant; adeò ut nihil serè pereat. Quomodo fornax huic operi idonea, & focus sit parandus, peculiari tractatu fusè exponit Glauberus, quem, si libeat, consulitis: neque enim mihi est animus hîc omnium Chymicorum formulas, & arcana intexere. Rationes, & ipsos velut fontes aperio, rivulos omnes, qui ex iis ducuntur, consecrari non possum: id enim infinitum foret, non necessarium. Quare nisi quid vobis aliud placet, ad illa pergamus, quæ ad metallorum usum pertinent. Sed ista secundùm hunc dicam. Satis enim multa hodie dicta sunt.





## CAPUT ULTIMUM.

De usu metallorum: ubi de antimonio, & hy-  
drargyro, & aliis rebus metallicis.

- I. Omnium ferè circa metalla operationum, ut dissolutionis, præcipitationis, &c. causæ, & rationes inquiruntur. II. De floribus, resigulo, & vitro antimonii, atque eorum usu differitur. III. Varia mineralium præparationes, atque usus describuntur, ubi quæ arte metallorum essentia, olea, vitriola educi queant, paucis exponimus. IV. Remedia ex hydrargyro, antimonio, ac metallis de prompta multis oppugnantur rationibus. V. Quid de usu metallorum nobis videatur, paucis aperimus.

*Menander.*



Nonnihil etiam deesse videtur iis rebus, quas exposuisti, quod sit antè explicandum, quàm illuc pergamus, quò te diciis intendere. Fontes quidem, unde hauriemus, atque ipsam viam commonstrasti, sed volumus te ipsum itineris ducem, atque ut nobis aditum, & januam ad secretiora in ipsius Alchimie arcana patefacias, postulamus. Noli nos mittere ad Alchimistas, qui solo usu contenti, intimas rerum causas non aperiunt, optima quæque arcana silentio premunt, nihil quàm pervulgata præcepta decantant. Quàm breviter de fusione, examine, & separatione metallorum à te percussa sunt, quæ ab omnibus Alchimistis vix sperare liceat: exiles, concisas, & minutas formulas nullo ordine, nullâ ratione digestas exscribunt, multis eas parabolis involvunt, nihil sine pigmentis, fucoque puerili; quæ uno verbo expediri possunt, longo circuitu, & per ambages circumferunt. Sed hæc nihil ad me. Illud unum à te postulo, ut operi inchoato, & propè absoluto tanquam fastigium imponas, ac mineralium scientia universa, quæ magnis voluminibus continetur, unius dici disputatione pertractetur. Cum autem non tam furnulos adornare, quàm recondita metallorum, & fossilium principia, & causas peruestigare oporteat, antequam de mineralium usu dicere ingrediamur, quid mihi de horum corporum concretionem, & principii videatur, brevi exponam: sic enim ad ea, quæ quærimus nos perventuros arbitror, Metalla ex terrâ, & aquâ potissimum compingi satis, ut opinor,

*Unde me-  
tallorum  
compactio.*

nor, manifestum est; ex terrâ pondus, & partium firmitatem, ex aquâ ductilem, & fusilem naturam depromunt. Terrâ atomi sunt densæ, hinc durities, & soliditas terrenis corporibus inest; sed simul coacti nequeunt, nisi humidis, & flexilibus aquæ corpusculis vinciantur; nam quæ duram, & densam sortita sunt naturam, ut arenæ granula, vix coherant, nisi mollioribus particulis, tanquam glutine adstringantur. Quo verò illa vincula minutoribus constant atomis, eo difficilius separantur, maximè si corpus durum, & densum conjungant. Non enim divelli possunt, nisi vis subtilior admoveatur, quæ corporis densitatem vincat, atque illius dissolvat vincula. Hinc omnis ferè dissolutio igne, & calore perficitur; quòd nihil sit in rerum naturâ, vel subtilius, vel ad agendum efficacius; ignis enim summam adeptus raritatem, maximum affectat locum, atque ex minutissimis atomis componitur; hinc mobilis est, rarus, & facilè divisibilis; cuncta extenuat, & obstantia quæque dirumpit; quod soliditate partium non valet, id impetu, & celeritate motus consequitur. Contrâ terrena quæ sunt, ex atomis densis, & conglobatis, quæ vix divelli, vel loco moveri possunt, coaluere, minùs ad agendum sunt idonea; sed fortiter resistunt: nam raritas ad agendum, densitas ad resistendum videtur comparata. Ignis ut raritatem, sic mobilitate cuncta vincit corpora; terra verò, & densa, & immota consistit, atque ubi cum aliis elementis exquisitè permiscetur, ignis violentiam impunè sustinet, nec divulsæ, & malè coherentes ignis atomi stipatas, & densas terræ particulas secum efferre valent. Hinc aurum ignis liquefacit, non dissolvit, quòd humidarum, & siccarum partium unio intima nullam admittat separationem; quantumvis ignitæ atomi subtilitate suâ, ac motus celeritate urgeant, nexum illum nequeunt dissolvere; nec graves auri partes

*Quâ notâ  
perfectiora  
metalla ab  
imperfectis,  
vel li-  
quatis di-  
scernantur.*

tes in altum evahere. Aurum quidem fufum intumescit. Quòd partes perfectiora ignis intus conclusæ illud sublevent; sed in fumum efflari non possunt. Hac quidem notâ metalla liquata dignoscuntur; quo enim sunt perfectiora, eo magis tument, atque in orbem curvantur; imperfecta verò, seu aquâ, ut plumbum, seu terrâ abundant, ut stannum; cum liquantur, magis subsidunt: nam igni non resistunt, aqueæ partes avolant, terrestres in calcem, aut scorias abeunt. Aurum verò, vel argentum nullum in igne patiuntur dispendium, sed liquata in orbem gyrrant, quòd conclusus calor partes eorum extenuare, ac sursum movere non valeat, sed in orbem duntaxat circumducit, cessare enim non potest. Aquæ stygiæ hæc quidem metalla in minutissimum pulverem corrodunt, non dissolvunt tamen: nam hoc genus aquarum ex salis spiculis constat, quæ multo igne prægnant, auri atomos divellunt,

ac sursum propellunt, præsertim cum externo calore adjuvantur: neque enim auri atomi irruenti ignitarum partium agmini possunt resistere. Nec dubium est, quin ignis in aqua forti, ut in calce, & sale actu contineatur; nam aëri exposita vim omnem deperdit. Idem in calce vivā evenit, quæ nisi terrā condatur, brevi emarcescit, nec humore perfusa adeo incallescet, nisi ignis, qui suos ante carceres effringere non poterat, dissolutā calce erumperet, & unā secum aquam in fumos dilatam abriperet, nihil enim moliri potest, nisi substantiam offendat, quæ extenuari, ac debilitari possit; sed ubi sale, aut duro, & sicco corpori coercetur, tum nullas edit strages, ac placidus, & quietus manet; nec calefacit, nisi fortè humore diluatur. Corpora igitur quæ sunt mollia, & rara igni cedunt, densa verò, & sicca resistunt. Sic asbestus nullo igne consumitur, quia calor nullum ferè humorem, qui extenuetur, invenit; hinc poros illius corporis subit, at nullā onustus prædā solas duntaxat sordes absorbit.

Unde cal-  
cis & aque  
stygæ ca-  
lor.

Ex his sanè fontibus non naturæ modò, sed etiam artis spagyricæ (quæ nihil aliud quàm cogit, & separat) secretiora ducuntur mysteria. Nec necesse est ut ad qualitates occultas, aut manifestas, quæ nihil sunt, quàm Philosophorum commenta; vel ad universalis naturæ ingenium, quo res unaquæque cum simili faciliè congredditur; vel denique ad antipathia, & sympathia magicas voces provocare. Omnis corporum mixtorum dissolutio, ut concretio, calore, vel humore, hoc est igne, & aqua perficitur: partes quippè sicca nisi humido glutine nectantur, non cohererent, calor verò moderatus, humorem attenuat, ac toti corpori æquabiliter distribuit; quod durius subindè evadit. Quo enim partes humidæ minutiùs conciduntur, & cum siccis accuratiùs permiscentur, hoc mixtum fit compactius. Contrà faciliè dissolvitur, ubi partes humidæ, magnæ, & raræ existunt, ut in plumbo contingit. Sic calor indurat, cum superfluum humorem educit, & eum, qui remanet, sensim extenuat: quæque unire, & simul agglutinare volumus, ante sunt calore, vel humore emollienda; sic ferrum candens, cum alio itidem candefacto coniungitur: sic fractæ gemmæ lithocolli priùs madefactâ committuntur. Calor quippe corporum meatus aperit, ut alterius partes prominulas excipiant, gluten quoque viscidum ubi aliquantulum incaluit, vel humore perfusum est, & vi quâdam compressum, corporis sicci, & duri rimulas subit. Accedit etiam, quòd corpus calore emolli- tum vapores circum se fundit, qui alterius corporis meatus ingrediuntur, lique frigore correpti, contrahuntur, ac tanquam vincula utrumque corpus coniungunt; circumfusi quoque vapores apertos meatus subeunt, ac priores halitus, jam ingressos, tamquam cunei adacti (ut loquitur

loquitur clarissimus Digbæus : cujus nunc principiis insisto ) arctius infigunt.

Illud sanè mihi est miraculo effectus planè diversos, & contrarios ex iisdem oriri causis : nam idem calor cuncta compingit corpora, & resolvit ; unit, & separat ; gignit, & destruit. Idem planè in humore contingit, qui cum sit rerum omnium quasi commune vinculum, corpora tamen quæque dissolvit ; nam quæ sicca sunt, humore perfunduntur, ut partes eorum separari queant ; nihil ferè putrescit, nisi in humido : hinc quæ putrescunt, solent intumescere : humor enim calore moderato adjutus, partes calidas à reliquis separat, humore verò dissoluto, reliquæ partes crassiores, & aridæ remanent, sed divulsæ, & quasi in frustra concisæ. Hinc Chymici putrefactiones suas in fimo equino, ubi levis, & moderatus inest calor, perficiunt. Corpus verò resolvendum, vel humidum est, vel humore perfunditur : nam quæ sicca sunt putredini resistunt ; calor quippe moderatus partes terrestres, & crassas nequit attollere, nedum insolubiles nexus, quibus vincuntur, poterit dissolvere ; humore igitur opus est, qui cum tenuis sit, flexilis, & mollis, à corpore sicco ultro admittitur, cujus ariditatem temperat ; is cum singulis atomis unitur, quæ jam ipsi liquori innatant, & dissolvunt, sed laxioribus vinculis solutæ faciliè separantur : nam calor humorem evocat, quo exhalato partes sicciores remanent nullo amplius nexu colligatæ. Partes subtiliores unâ cum humore evolant, crassiores subsident. Est igitur putrefactio naturalis quædam corporis in sua principia resolutio. Cum in vasis occlusis perficitur, subtilissima, & ignita substantia, innatat ; quam quintæ, & cælestis essentia nomine Chymici insignant. Hanc non modò ex plantis, & animantibus, sed etiam ex ipsis fossilibus colligunt. Solvunt metallum spiritu salis : balnei calore phlegma separant : quod superest unâ cum spiritu vini optime rectificato ad digerendum collocant ; digestionem levi calore perficiunt, tinctura, vel quinta metalli essentia post aliquot dies enatat, quam ut morborum debellatricem mirificè commendant. Spiritus quidem salis metalli poros subit, cum illius atomis conjungitur, calore externo adjutus paulatim resolvit, & fermentat ; adeo ut sulfur tenuissimum, & purissimum exhaletur, cumque erumpere non possit, instar olei subrubri extat : atque ut mihi videtur latissime patet hæc ratio. Hinc enim dissolutionis, fermentationis, & putrefactionis causæ ducuntur.

Aqua è cineribus salem exsolvit, dum humorem in terrâ superfitem, quem ignis non valuit separare, suo ingressu auget, corpuscula cinerum dividit, & levioribus atomis imbuatur, quibus gravida, ne

metall-

Putrefac-  
tio.

Quinta es-  
sentia.

metallis quidem parcit : nam gravior , & acrior facta illa in atomos comminuit. Hinc cuprum, vel ferrum aquæ salis immersa rubiginem contrahunt. Ex ære, aceti vapore æruginem rasilem colligunt ; vel laminulas cupri aceto immergunt, aut alternis ordinibus una cum vitameis acerrimo vino aspersis in occluso vase disponunt. Eodem serè modo è ferro cròcum, seu subtilem florem ; è plumbo cerussam aceti ope decerpunt. De fermentatione, ac putredine nihil addo, hæc enim sunt alterius loci, nec quisquam dubitat eas calore, & spiritibus perfici : hinc ebullitio, & subtiliorum partium separatio ; quòd si exitum non habeant, vasa ipsa diffingunt, ac densiores vini partes subinde attollunt, quibus valis latera commovent, quod si liberiores offendant exitum, igniti duntaxat spiritus avolant, crassiores partes spiritibus exhaustis, instar spumæ remanent, quibus dolii latera sensim incrustantur, atque in tartarum abeunt. Cùm autem illi spiritus minus afferantur, in flore, seu spumâ liquori innatante plerique inclusi manent ; hinc flos ille spiritibus turgens colligitur, atque ad panis fermentationem adhibetur ; sic pistorum cerevitiæ flore utuntur, cujus spiritus tenaces & viscosi non facile avolant, nec demum partes illas, quibus tanquam carceribus includuntur, adeò excoquant & indurant. Mirum sanè quàm citò exiguum fermentum totam massam pervadat, inflet, & acido sapore inficiat ; spiritus illi igniti humore excitati, per totum corpus diffusi illud in minutas atomos concidunt, calidiores, & ignitas particulas ad defectionem sollicitant, quæ una erumpere moliantur, sed crassis, & viscosis partibus coercitæ, incumbentera molem attollunt, extenuant, & digerunt. Spiritus illi acidi multo sale volatili abundant, hinc suum acorem fermentato corpori communicant : calidi sunt, & igniti, hinc rarefactio, & inchoata putrefactio ; hinc adeò panis fermentatus longè faciliùs digeritur, ac levior existit. Videtis quasi aditum patefactum ad occultiora naturæ arcana. Quæ enim alia subesse causa potest, cur vinum, atque alii fermentati liquores corrumpantur, ubi tota non implent dolia, nisi quòd igniti spiritus ægrè ferunt se à densis, & frigidis vini partibus conclusi, ac quantum possunt ex iis solvi vinculis connituntur ; densiores partes secum attollunt, cùmque locum satis amplum offendant, ut liberè possint expandi, reliquum liquorem spiritu suo privatum, & corruptioni proximam relinquunt, recluso vase spiritus erumpunt, & si candela accensa orificio admoveatur, statim incenduntur. Idem accidere in aquâ testatur Digbæus. Nemo ignorat aquam fluviatilem, quam solventes naturæ secum vehunt, intra paucos dies corrupti, tum puriorem effici,

Fermentatio.

quod crassiores partes subsidant, leviores sursum efferantur; & quo sapius putrescit, eo salubrior habetur, quod purior subinde evadat: ubi vas aquâ fluviatili plenum post aliquot annorum volumina refectur, spiritus ex aquâ, uti ex vino turmatim erumpit, qui admotâ lucernâ flammam concipit. Quod enim flammæ commodius pabulum esse potest, quam spiritus crebrâ, & repetitâ putrefactione extenuatus? cur oleum tam citò inflammatur, nisi quia ex tenuissimis constat partibus? Hinc oleum chartæ affusum admoto calore diffunditur, donec eam assequatur partium raritatem, quam flamma postulat. Ignis enim tenuitas summa est: neque aliud æquè affectat, ac raritatem, atque ex pabuli fonte, in amplissimum effundi spatium; nihilque rarefcit, nisi ignis vel caloris impetu. Hoc sanè mirabile videri debet, quod ignis una, & eâdem operâ, dum partes subtiliores resolvit, crassiores fortius compingit, atque effectus omninò dissimiles simul in eodem corpore procreat. Ignitam enim & puriorem substantiam primum educit, tum humidiores & aquosâs partes expellit; oleosâ quod cum terrenis arctiori vinculo sint devinctæ, fortiorem exigunt calorem: his tamen quoque cedentibus, terrenæ & siccæ partes quasi invictæ remanent, quod calore factæ fuerint crassiores, nec tenuissimis ignis atomis, vel dividi, vel in fumos explicari queant; perparum enim humoris restat qui nullo igne potest extenuari. His duntaxat cavendum est ab humore subdolo, quem exusta corpora, non sine magno suo malo avidè excipiunt: humor enim eorum meatus subit, & vincula resolvit. Sic tenuissimæ partes à crassioribus divulsæ, aquæ innatant, crassiores subsident, quæ terra damnata, & inutilis appellatur; aqua salis atomis prægnans percolatur, aut filtro trajicitur; tum in vapores diffusa sallem tenuissimum, & mordacem in fundo relinquit. Sic igne & aquâ cuncta resolvuntur corpora. Quæ humida sunt ignis micantem gladium fugiunt, vel in illius pabulum cedunt; sicca verò, & terrestria, si omni oleo destituantur, ignis ferocientis minas spernunt; vafer humor sales dissolvit; sola terra superest, quæ nec dolo opprimi, neque ullo potest igne expugnari. Quamobrem mirari desinamus, cur quædam fossilia ignis calorem non ferant, ut sulfurea quæque; alia vero nullo igne domentur, ut aurum & argentum; horum enim exquisita est, & perfecta; illorum rudis, & inchoata mixtio. Ex his sanè omnium fossilium ortus & causæ omnium propè Chymicorum laborum rationes depromi possunt. Quid enim causæ est, cur calor quædam induret? an fortè in his humorem aquosum, & superfluum expellit, oleosus tantum, & tenacior superest, ut in succis bituminosis contingit, qui calore moderato digeruntur. Quare antimonium, arsenicum, & alia



& alia ejus generis mineralia facili in flores extenuantur? An quod partibus sulfureis, siccis & malè colligatis abundant? Antimonium contritum super carbones in eâ fornace, cujus jam meministi, mi Simplicii, effunde, statim in fumum evolabit; quem ut excipias, ollas sublimatorias (quæ sunt lagenis inversis similes) sic dispone, ut primi vasis collum foramini in fornacis fastigio existenti, inscratur: sic hujus fundum, secundi vasis collum excipiet, & ita porro; sunt enim vasa tanquam lagenæ fundis resectis, aut perforatis, quæ fuliginem, vel potius florem antimonii excipient; qui ad sublimiores ollas conscendere flores, ut summè volatiles, ac sulfurei vomitum cient, ac satis periculose assumuntur; infimi sudores tantum excitant, atque adversus venenatas, & contagiosas febres censentur salutare; mediæ purgant, ac vomitum quoque lenem excitant. Eâdem ferè ratione ex imperfectis metallis colligi possunt flores, qui ad Chirurgicos usus adhibentur. Nam qui ex cupro, ferro, stanno, plumbæ; & quodam minerali, quod zincum vocant, ulceribus perutiles feruntur. Ex floribus antimonii vitrum per solam fusionem conflatur, longè majori compendio, quam per calcinationem.

Flores metalli.

Antimonium enim contusum solet cum subduplo nitro commisceri; in crucibulo prunâ injectâ accendi, quo quidem incendio impurum, & venenatum stibii sulfur dissipatur, quod remanet ablutum aquâ fervente, ut omne salpetræ exsolvatur; hepar antimonii vocitant, ex quo vinum parant emeticum: cum sæpius nitrum adjicitur, adeo ut nullum amplius edat strepitum, & omne stibii sulfur exhaleatur, fit antimonium diaphoreticum, quod per sudores purgare perhibetur. Sed redeo ad vitrum, quod ex antimonio semel nitri beneficio, ut dictum est calcinatum; ac fortissimo tigillo commissum; summo calore in regulum, tum in vitrum abit; utrumque vino infusum mirum in modum purgat; ex regulo pilulas conficiunt, quas perpe- tuas vocitant, nam citra ullum sui dispendium egeruntur: quod si potius cula ex regulo conficerentur, iis vinum affusum, aliquot horarum spatium. Verum non difficile erit vitro antimonii pocula obducere; si vitro fuso immergatur vasculum fictile, jam in furnulo candefactum, quod forcipe in suo furnulo repones, ut sensim refrigerat. Illud certè mirari subit, vitrum, vel regulum antimonii, citra sensibilem sui immutationem noxios humores susque deque protrudere. An occultâ & abditâ qualitate? an potius effluvio quodam substantiali vinum inficit? an subtilem, volatilem, & sulfureum salem liquor affusus exsolvit? id sanè mihi longè probabilius videtur. Nam quidquid reclamet Libavius vitrum tandem vini infusione non-

Varia antimonii preparationes.

Vtrum &amp; stibii regulus.

nihil deteritur, nec pristinum nitorem servat, certam quoque quantitatē sibi solvit humor, quā tandem satiatur: æstate citius hac vi purgatrice vinum, vel aqua imbutur, quā hieme: quo generosius est vinum, eo celerius istam virtutem trahit. Quemadmodum aqua sale, aut vitriolo saturata, si incalcescat, non parum adhuc salis dissolvit: nam quo subtiliores sunt aquæ, vel alterius liquoris atomi, eo facilius salium commissuras subeunt, ac leviores particulas involvunt.

Non enim in eā sum sententiā, sales in aquā exsolvī, quod illorum poros inanes, ac sibi accommodatos offendant, adeo ut alii meatus salis corpusculis, alii vitrioli, vel aluminis destinentur. Hæc sanè ingeniosè à Gassendo finguntur, sed vereor, ut satis sint firma: præterquam enim nihil esse mihi videtur causæ, cur aquæ atomi, quas esse ejusdem figuræ docet Gassendus principiis Epicuri succinens, meatus tot diversis circumscriptos figuris impleant, quot & quanta erunt vacua spatiosa, si numero, & varietate corpusculorum, quibus compleri possunt, æstimentur: tota profectò aqua foraminulis erit pervia, nihil ferè solidi remanebit, atque inanes pori ipsas aquæ atomos infinitis partibus superabunt. Quantum enim salis, vitrioli, aluminis, nitri, sacchari, in aquā potest exsolvi? Quod si horum omnium corpuscula meatus inanes, & sibi accommodatos in aquā reperiant, quā sponsiosa, quā aperta, & foraminulis hians futura est? an tot corporum accessu nihil augetur, nihil intumescit aqua? facessant quæso illa Epicureæ Philosophiæ figmenta, nihil in rerum naturā inane, nihil omni corpore destitutum occurrit. Quid est igitur, cur aqua sale communi saturata, non parum aluminis, atque aliorum salium dissolvat? non displicet nobilissimi Digbæi responso, tenues aquæ particulas salis corpuscula ingressu suo divellere, eaque dispersa in ipso liquore fluctuare; cum verò satis est imbuta sale, ac densior facta, non potest amplius salis subire corpuscula, sed tamen his velut armata spiculis, vitrioli, aluminis, aut succi alicujus crassioris partes separat. Sic aqua uno tenuiori sale prægnans, disposita quodammodo est, & parata ad alterius crassioris dissolutionem, nec necesse est infinita spatiosa, tanquam diverforia, variis salium generibus præparata comminisci.

Quocirca ut salem aqua, sic spiritus acidi tenuitate, & subtilitate partium exsolvunt corpora, atque in atomos comminuunt. Præcipitantur verò, & instar pulveris decidunt, accessu alicujus liquoris, qui majoris cum solvente, vel cum re ipsa exsolutâ societatem habeat; tum enim spiritus acidus prædum suam dimittit, ut cum acri tartari liquore, vel aquā salâ conjungatur; idque non sine quodam fervore, ac veluti fermentatione contingit, quam spiritus igniti eodem ferè modo,

*Cur aqua  
uno sale sa-  
tata, aliud  
exsolvat.*

*Præcipita-  
tio.*

modo, atque in calce aquâ perfusâ, vel in musti ebullitione excitant; ex illa pugnâ aqua fortis aciditatem, tartarum vim acrem deponit. Sic ex oleo tartari, & spiritu vitrioli quiddam subdulce componitur: nam unum alterius vires retundit, & ut cum Chymicis loquar, mortificat; non eas extinguit tamen, si quidem oleum tartari à spiritu vitrioli separatim vim acrem & corrolivam, ut vitrioli spiritus aciditatem suam recuperat; illud fixum est, hic volatilis: ex utriusque conjugio quiddam temperatum exsurgit; quemadmodum superius nitrum ex fixi, & acidi societate emergere ostensum est. Hæc, nisi me ratio fugit, vera est tum dissolutionis, tum præcipitationis causa: nam si unumquodque corpus in aquâ dissolvitur, quod illius atomi certâ mole, & figurâ circumscriptæ meatus offendant sibi conformatos; non video cur alterius corporis accessu præcipitentur: recens illud corpus alia velut hospitia reperiât, nec necesse est, ut tot corpuscula locis suis dimoveat. Non-etiam mihi liquet, cur aquâ ir- vapores extenuatâ, sal cum sale, alumen cum alumine congregia- tur: non enim omnes meatus, quos salis replent corpuscula, juxta se dispositi jacent. Pateor equidem, rationem illius congressus satis esse reconditam; nec mihi facile succurrit, cur omnes salis atomi in vinum, velut ex condito confluant, nec cum aluminis corpusculis confundantur? an quod simile sui similis societatem affectat? Illud verum, atque hinc communem præcipitationum causam duxisti: quamquam sicca corpora humidorum societatem ambient, & volatilia cum fixis ultro consociantur; nam unum alterius excessum castigat, humida siccis terminantur, sicca humidis vinciuntur. Spongia aquam non naturæ similitudine, sed quâdam indigentia, aut potius certâ materiæ, & partium conformatione attrahit. Atque ea mihi videtur potior, tum dissolutionis, tum etiam præcipitationis ratio. Non quod inficiet similitudinem naturæ plurimum ad utrumque momenti obtinere, sed unius effectus non una est causa. Sæpe quod aurum præcipitat, majorem cum ipso auro cognationem habet, ut eum mercurius in hunc usum adhibetur; interim solventis societatem quærit, ut liquor tartari aquæ regię affusus, cum illâ inito fœdere auri pulverem deorsum propellit. Interim per præcipitationem pars ignobilior & deterior descendit. Sic tartarum crebris solutionibus expurgatur; terrestris enim, & limosâ substantia aquâ non solvitur. Contrâ vitriolum multâ aquâ affusum cuprum, aut ferrum dimittit; sal quippe, quod vitriolo inest, aquâ copiosâ debilitatum non valet metallorum ramenta retinere. Cum vitriolum in aquâ solutum, & unâ cum zincho in granula conciso

exco-

excoquitur, tum illud minerale, quod totum sulfureum est, sulfur omne, & quidquid in chalcantho metalli inest, secum præcipitat, quod superest vitrioli spiritum præbet optimum: zincum ipsum spiritu salis solutum, præ siccitate sua salis spiritum tam arctè retinet, ut distillatione nihil præter phlegma proliciat, uberiore tamen igne spiritus plane igneus, qui vix ullo vasi contineri possit, & omnia dissolvat metalla, educitur. Idem in lapide calaminari contingere supra diximus, sed optimo salis spiritu opus est, qui lapidem calaminarem saltem sextupla proportionem excedat: continuo agitatur, ne in lapidem non amplius exsolubilem concreascit, phlegmate exhalato, restat oleum rubrum, & pingue, cujus acrimonia à lapide obtunditur: illius usum ad podagram, hydropem, atque alios morbos commendat Glauberus, ac vulneribus optimum esse balsamum asserit. Verum de usu medico nihil decerno: hæc eò duntaxat attigi, ut ostenderem quædam corpora cum aliis congre-  
di, non ob naturæ similitudinem, sed quia meatus ita habent excavatos, & partes sic inter se aptas, ut quosdam præ cæteris admittant liquores, alios respuant. Sic aqua regia aurum, non argentum solvit. sulfur argentum ab auro separat; illud velut in cineres redigit, hoc ne minimum quidem lædit. Hydrargyrum aurum domat; stannum verò ipsum figit hydrargyrum: nam liquato stanno affusus, statim huius metalli sulfure quasi illigatur: imò metalla ferè omnia cum stanno fusa rediguntur in scorias, adeò ut vix pristinae formæ reddi possint, sed in vitra potius consentur. Non magna est mercurii cum stanno affinitas; sed humidas & mobiles hydrargyri atomos, siccis, & sulfureis corpusculis stannum sistit, ac temperat; unius defectum excessus alterius compensat, nam adest uni, quod deest alteri.

*Brevi-  
re-  
capitula-  
tio.*

Quò igitur totam disputationem in pauca conferam, metallorum dissolutionem aquæ fortes, tum naturæ quâdam similitudine, tum etiam partium subtilitate perficiunt. Præcipitatio verò non ex uno fonte ducitur; nam aquæ stygiæ vel aquâ dulci debilitantur; vel alterius liquoris, non similis quidem substantiæ accessu, sed diversæ, sibi tamen amicæ, metalli pulverem dimittunt. Cum autem plures sales in aquâ soluti præcípites descendunt, unusquisque cum suo simili & congeneri conjungitur; partes enim ejusdem gravitatis, & densitatis

*Præcipita-  
tio qua per  
viam sic-  
cam perfi-  
ciuntur.*

ad eundem se locum recipiunt. Illa porro, de quâ jamdiu loquimur, metallorum præcipitatio, non modò per aquas stygias, aut spiritus acidos; sed etiam per viam, ut loquuntur, siccam, seu per fusionem instituitur. Nam metalla cum arenis, silicibus, tartaro & salibus fixis fusa expurgantur, dum sales fixi impurum sulfur aggrediuntur, illæis metallis melioris notæ. Cinèrem plumbi (ut rem exemplis illustrem) cum

cum arenā, vel silicibus, aut rebus aliis sulfureis liquant; vitrum conficitur, aurum verò, vel argentum in plumbo reconditum ad imum descendit. Sal commune ferrum, & cuprum, quæ copioso vitriolo abundant, solvit. Hinc massa, aut vena cupri, cui multum ferri admiscetur, unā cum sale communi liquatur, quod ferrum præ cupro exsolvit; utrumque contusum aquæ incoquitur, laminæ ferreæ supponuntur, quæ cuprum præcipitant, ferrum verò unā cum sale remanet: ferrum ipsum metallis in fusione additum, quidquid est sulfureum attrahit. Nam copioso sulfure præditum est: hinc scobs chalybea admota candelæ incenditur, ac fulgurat; & ferrum candens contactu sulfuris liquefit. Hinc partes antimonii ferro addito separantur; frustula ferrea forti crucibulo imponuntur: ubi cudent, duplum sibi pondus contriti adjicitur; sulfur antimonii ad ferrum se recipit, & in scorias abit, relicto regulo graviore confert. Nitrum quoque, sal tartari, & antimonium æquis partibus commixta, trita, & fusa regulum præbent; sales enim fixi sulfur antimonii invadunt, in scorias convertunt, atque à puriori, & graviore parte sejungunt.

*Reguli antimonii preparatio*

Ac ne plura, quæ sunt penè innumerabilia conscriberem. Omnes ferè Chymicorum labores sale continentur: nam metallorum fusio, separatio, dissolutio, præcipitatio denique salis, nitri, tartari, aut vitrioli adminiculis perficiuntur. Metalla in olea, spiritus, vitriolum, flores resolvunt, nihil ferè citra sale. Scobem ferri spiritu salis dissolvunt, filtrant, omnem humiditatem superfluum leni igne abstrahunt, massam sanguineam, & rubram, quæ in fundo remanet, quæque admodum sicca est, & Chyurgis perucilis (nam consolidat & mundificat, & carnem superfluum exedit) oleum vocant, quod in humido loco, instar salis tartari per deliquium tabescit. Hanc massam rubram oleo silicis, cujus supra meminimus, impositam, unius, vel alterius horæ spatio, instar arboris crescere, atque in ramos diffundi, auctor est Glauberus. Idem è ferro, cupro, & aliis metallis non dissimili arte vitriolum colligit. Oleo vitrioli suo phlegmate diluti in arenā calidā ferrum, vel cuprum solvit, solutionem filtrat; phlegmate exhalato coquit, donec appareat cuticula; extractam collocat in cellā, ut crystalli virides è ferro, carulæ ex cupro concrecant, reliquum aquæ iterum usque ad pelliculam coquit, atque in frigido loco crystallas, ut antè colligit. Spiritum verò, flores, & oleum unā atque eadem operā beneficio illius vasis distillatorii, cujus jam supra meministi, mi Simplici, consequi licet. Stannum, exempli gratiā, cum subduplo nitro sensum in vas injicitur;

*Oleum ferri.*

*Vitriolum ex metallis*

*Cap. 4.*

pars quædam in spiritum, alia in flores attollitur; quod remanet, oleum dici potest. Sic regulum antimonii per ferrum præparatum, cum salispetræ triplâ portione mixtum sensim in idem vas immittunt, spiritus, & flores ascendunt; calx verò acerrima, & salis tartari non dissimilis in fundo vasis remanet, aquâ dulci abluitur, & præcipitatur in subtilem pulverem, quem in peste, & aliis febribus contagiosis mirum in modum commendat Glauberus: est enim diaphoreticus, ac sudores movet.

*De floribus sublimibus*

Quanta remediorum sylva, vel ex solo antimonio paratur: nam in flores sublimatione, ut dictum est, extenuatur, quorum alii vomitum, alii sudores tantum excitant; calcinatum cum nitro fit primo emeticum, tum repetitâ calcinatione vires serè omnes una cum sulfure amittit: vis enim illa, quæ vomitum ciet, sulfuri volatili insidet, nitri incendio diffuso sulfure, figitur: nitrum quippe hanc habet prærogativam, ut mineralium virus, quod volatili inest sulfuri, in auras atollat; eaque figens reddat innoxia. Sal autem commune cuncta mineralia, & fugacia, & magis efficit venenata: hinc mercurius sublimatus tantam edit stragem: venena omnia nitrum retundit, sal exacuit; illud enim figit, maturat, digerit; sal è contrâ res fugitivas, & fusiles reddit. Argento aquâ forti dissoluto, si æquam aquâ falsâ portionem affuderis, atque ex uno in aliud vas identidem transfuderis; ubi aliquamdiu aqua resederit, calx argenti sale præcipitata descendet, adeò mollis, & fusilis, ut candelæ admota statim liquescat; hanc calcem Chymici Lunæ cornu vocitant. Eâdem arte plumbum fugax & volatile efficitur; urinâ verò præcipitatum adeò durum, & fixum evadit, ut vix liquari possit. Nihil adeò cibus in ventriculo comminuendis, ac per totum corpus distribuendis inservit, ac sal commune, quod alimenti vehiculum est: quòd si ab omnibus recrementis, & terrenis sordibus, per repetitas solutiones, & coagulationes defæcaretur, longè salubrius foret: sunt qui illud fusile, & liquabile tentant efficere: torrent, ut omni pinguedine liberetur; solvunt, exhalatâ aquâ coagulant, idque sæpius repetitum volunt; deinde tamdiu calcinant, quousque granula candelæ admota: statim liquantur hujus salis magnas ad metallorum transmutationem vires prædicant; quibus nec planè assentior, neque omnino repugno: illis sanè gratulor, qui tantorum arcanorum sunt conscii. Mihi autem nondum ditiozem quemquam ex iis videre contigit, qui in arcanorum peruestigatione studium omne suum posuerunt. Non quòd illa contemniam, quæ summi artifices, non solum ingenio, sed etiam otio, studioque abundantes nobis de metallorum naturâ, origine, & perfectione reli-

*De salis & nitri viribus.*

*Calx argenti fusilis.*

querunt;



querunt; ac concedam quoque Philosophis, ut consumendi otii causâ de  
his differant: sed dabunt veniam Alchimiſtæ, si animum meum huc pa-  
rare non possim, ut credam salis fusilis, vel alterius mineralis beneficio  
per cæmenta, & alios labores argentum figi; ita ut auri pondus & na-  
turam consequi valeat. Proculdubio in omni re vincit imitationem ve-  
ritas; nulla potest ars naturam assequi, nedum superare.

Th. Profecto nisi conjecturâ fallor, nihil arte Chymicâ varius  
esse potest; sive metallorum transmutationi incumbat, de quâ jam satis  
dictum est, sive ex rebus metallicis remedia, ad morbos profligandos  
depromat: nec quemquam hoc errore duci oportet, ut sibi persuadeat  
antimonium, hydrargyrum, & alia mineralia tutò, & citra ullum peri-  
culum assumi posse. Quid enim hæc nisi venena esse possunt? nulla est  
illis cum corpore nostro familiaritas, nec calore nativo domari, aut subi-  
gi possunt; cum sint naturæ insensibilissima, eamque continenter laceſcant,  
ex illâ veluti pugnâ virium deſectio, humorum effervescencia, deliquia,  
convulsiones, & gravissima oriuntur symptomata, quibus perſæpe na-  
tura viribus impar, opprimitur: magnæ quidem evacuationes suble-  
vantur, sed citra ullum humorum delectum: natura quippe irritata &  
stimulata vires colligit, ut hostem sibi intestissimum expellat, atque  
unâ cum eo (si viribus prævaleat) magnam humorum, quibus gravatur,  
copiam protrudit. Sed quanta totius corporis succussio, quantæ mole-  
stia: consequuntur? adco ut langè sit consultius hostem intra mœnia non  
admittere, quàm eum receptum, non sine magno discrimine foras ejice-  
re. Naturæ laboranti subſidia mittenda sunt, non hostilibus copiis pro-  
sternenda. Cedo quid furiosius, quàm illa haurire mineralia, quæ arti-  
fices ipsi non audent contrectare: nam qui argentum vivum in pilulas co-  
gunt, solent oleo illinire manus. Adeo perniciosum est, ut illud meritò  
rerum omnium venenum appellet Plinius: nam exedit, & perumpit  
vasa, permanens tabe dirâ. Ipsi foetores, quantumvis ori vesicas ap-  
plicent, ut se adversus lethalem hujus veneni sumum muniant, brevi ta-  
men, aut phthiſi, aut paralyſi consumuntur. Ne auro quidem parcit,  
sed illud in minutissimum pulverem comminuit, nec nobis solidiora sunt  
metallis viscera, ita ut ab hoc minerali tuta esse possint. Frigiditate suâ  
vel solo contractu nervos affligit, atque in paralyſim inducit: quid  
non faciet, si intus admittatur? an non salutem suam pondere ven-  
triculum gravabit, naturam opprimet, vi caustica ipsa intestina  
exedet, maximè si aquis Stygiis præparetur, vel salibus sublimè-  
tor? Hinc nervorum tremor, ingens pituitæ profluvium, oris fœ-  
tor, ventris tormina, atque alia ejusdem generis gravissima  
symptomata, quantumvis abluatur, distilletur, præcipitetur,  
redit

Remedia  
Chymica  
variis ar-  
gumentis  
opponan-  
tur.

De hydrar-  
gyro.

redit semper ad ingenium, neque umquam potest esse salutare. Non enim solâ quantitate, sed toto genere, ac naturâ deleterium est, animalibus & plantis exitiale; seu quia terrâ impurissimâ, & superduo humore abundat, ut visum est Alchimistarum principi Gebro (nam color ille plumbeus, atque ex albo in lividum degenerans; nigredo quâ corpora quæque inficit, impuram illius substantiam producit:) seu impensè frigidum nervos solo contactu lædat, & calorem nativum extinguat; seu tenuitate partium in cerebrum involet, nervorum originem invadat, venas solvat, intestina corrodat; seu denique ex marcaffitis venenatis, ut ex cadmiâ argentosâ, minio nativo, vel cinabrio quod lapis est fragilis, gravis, & coloris subrubri calore exprimitur: inter venena, si quid aliud, debet recenseri, ac nemo nisi sui prodigus, aut vitæ pertæsus tam perniciosum remedium adhibebit.

De anti-  
monii usu,  
& naturâ.

Nec meo quidem iudicio (quidquid aliter vobis videatur) minùs innoxium est antimonium, quo Chymici omnes præcipiti audaciâ in exitum nostrum abutuntur. Quæ insania, quis furor, tantam remedium ubertatem, quæ stirpes, & animantes nobis suggerunt, contemnere, ut deleteria nostræ naturæ insensibilissima non modò ad exteriores, vel ad desperatos, (quod utique ferendum esset) sed etiam ad leviores morbos, febres intermittentes, atque extra omnem periculi aleam positas, ut tuta medicamina assumere? At quàm multos jam conclamatos, atque extremum spiritum agentes antimonium restituit? Quid, quod multò plures sustulit, qui jam adesse non possunt, ut de hoc veneno conquerantur. Istius mineralis naturam paulò diligentius expende, nihil quàm purum putum venenum esse comperies. Quid enim est, ut ipsi Alchimistæ fatentur, nisi crudum metallum impuro sulfure infectum, nec arsenici, vitrioli, & hydrargyri expers? hinc illius fœtor ex arsenico, fusio facilis ex hydrargyro, albus & penetrans fumus, ac sublimato persimilis, summa rapacitas, adeò ut nulli metallo præter aurum parcat: fuligo venenata, ac vis vomitiva. Nec mirum si adeò sit versatile, ac tot vultus induere videatur: nam ex omnium fossilium ramentis coaluit. Similis planè est naturæ cum marcaffitis, quæ metallis prægnant; quæque sunt omnes venenatæ. Sic vena bismuthi antimonium masculum vocitatur; ex illâ regulus stanneus conflatur, & vi emeticâ donatur, solâ infusione liquores facultate purgatrice induit, venenatos effiat halitus. Eadem quoque est natura cadmiæ argentosæ, cuius flos virulentus cobaltum dicitur. In eodem censu reponimus alias marcaffitas, vel steriles, vel metalliferas, quocumque signentur nomine;

mine; five pyrites cum ære; seu galena, cum plumbo; seu gelsum, zincum, quorum illud in Vngariâ frequens, hoc in Comitatu Tyrolensi, illud argento, hoc variis metallis foetatur: ista, inquam, nihil sunt, quàm metallorum capsulæ, vel abortus, atque arsenico impuro sulfure, nec non & crudo hydrargyro inficiuntur nobis omnino perniciofa. At fortè ignis flammâ, vel salepetræ expurgantur, atque omnem ferociam dediscunt: nam vis illa venenata in sulfure volatili insidet, quod nitro accensum in auras diffatur. Sit ita sanè, quid igitur est, cur flores antimonii impensè volatiles præscribant? cur crocum metallorum, ex quo vinum emeticum jam toto orbe notum (quod Martinus Rulandus primus, sub aquæ benedictæ nomine ad usus medicos adhibuit) adeo perfunctoriè, & negligenter præparant? Non enim semel, sed sæpius nitro purgatum oportuit, ut omne virus deponeret. At vitrum ipsum antimonii tot ignibus vexatum arsenicales spiritus adeò exuit, ut vino vel aquæ, solâ infusione vix non catharticam, sed venenatam & pestiferam impertiat. Nam vomitus concitat, ac totum corpus vehementer concutit. Ne ipsi quidem antimonii patroni, vitrum illius excusant. Nam ut omitam Queretanum, qui in hoc, ut in cæteris, satis anceps, ac lubricus videtur, ut taceam de Basilio Valentino, & Renodello, qui antimonio trophæa erexere, ac triumphalem curram illi decrevere; Severinus Daphnæ Paracelsitarum antistes hoc vitrum non probat; quòd puri, inquit, ab impuro separationem non receperit: quòd resolutionem debitam, & digestionem non sustinuerit: quòd fusionem vitrificatariam admiserit, in omni remediorum præparatione fugiendam.

Ignosco Chymicis, qui metalla ad usum Chirurgiæ accommodant: nam & veteres his usos fuisse novimus, neque aquas minerales aut thermas abjicimus, quas adversus plerosque contumaces morbos esse salutare non inficiamur. Sed ferendi non sunt, qui metallis ip-  
De auro potabili.  
 sis ventrem onerant, vel aurum poculentum pollicentur. Quasi ip-  
 sum aurum in liquorem possint redigere, atque illius crasim conservare. Si natura auri manet, quomodo vires prostratas eriget, extinctum calorem excitabit? an poterit in nostri corporis substantiam commeari? an natus calor tantum valet, ut indomitum metallum subigat, atque in carnem mutet? Quòd si auri liquor reduci amplius nequeat, & auri naturam exuerit, unde illi tantæ vires? nihil est præter sulfur & hydrargyrum, quibus malè cum corpore nostro convenit? Sed quid vanius, quid magis circulatorium, quàm auri candentis sæpius repetitâ extinctione, auratas, & mineralibus præstantiores aquas promittere? Quid amabo ignitum aurum aquis frigidis, nisi

empyreuma, seu ignis vestigium confert? Neque enim aurum vel mole, vel pondere minuitur, neque ex eo quicquam exhalat. Iam quid necesse est metalla in liquores, oleo, crocos, & calces resolvere? si quid possint, haud dubiè integra longè utiliora erunt, quàm tot modis vexata. Malim ego chalybis scobem, quàm illius calcem, aut ignis reverberio, aut sulfure præparatam. Siquidem igne, sulfure, aquis stygiis metalla indurantur, non solvuntur, nec recluduntur. Non mihi est animus, omnia Chymicorum flagitia persequi: profectò è re communi foret, ut auctoritate publicâ caveretur, ne quis hydrargyrum, antimonium, atque alia fossilia ad usus medicos adhiberet, atque ut eam medendi rationem omnes sequerentur, quam Hippocrates & Galenus munierunt, quæque omnium gentium consensu fuit comprobata.

SIMP. Optare equidem, ut nemo nisi idem in arte Medicâ peritissimus hæc tractare remedia, quibus circulatores, & empirici in perniciem hominum sæpe abutuntur. At non continuo infamanda sunt præsidia, quæ multis salutis fuere, sed imperitorum temeritas accusanda, qui nullâ temperamenti, morbi, ætatis, temporum habitiâ ratione, eadem omnibus præscribunt. Quòd si ex animantibus, & plantis tanta pharmacorum ubertas succurrat, non video, cur ex mineralium familiâ nonnulla quoque adversus morbos contumaciores depromi non possint. Quàm magni sint usus aquæ minerales? quædam, ut refert Baccius, ferrum, & metalla corrodunt, quæ tamen potæ juvant. Unde tanta virtus thermarum, nisi ex spiritibus fossilium? Quòd si quid veneni recondant, id profectò in spiritibus insidet. Erastus ipse qui odio plusquam Vatiniano Chymicos prosequabatur, aquam, aut vinum chalybeatum, in quo scilicet ferrum candens extinguitur, multum commendat, neque immeritò. Nam aqua chalybeata lienosis, & hydropicis mirum quantum confert, obstructions recludit, abstergit, exsiccat. Hinc primum alvum turbat, niri quippe, & chalcanti spiritibus, quibus ferrum abundat, tum adstringit & corroborat. Sed nisi ferrum impensè candeat, aquas potius virulentas, quàm salubres efficit. Aquæ, in quibus æs extinguitur, balneis sunt utiliores, vetera ulcera, tumores, & scabiem sanant: nam superfluos humores consumunt; Sic aquæ, in quas liquatim plumbum sæpius injicitur, exterius usurpatæ refrigerant, ulcerum cavitates complent; tumores scirrulos emolliunt. Nec deum aquæ auratæ omnino sunt inutiles. Neque hic longâ disquisitione opus est, an aurum aliquod effluvium in aquas transmittat, ac poculentum fieri possit, atque in liquorem redigi? Ego enim ut

difficil-

Quibus se  
tueantur  
rationibus  
Chymiatrici.

difficillimam auri in sua principia resolutionem judico, ita omnino impossibilem non arbitror; & meâ quidem sententiâ fides aliqua doctissimis viris, atque in arte spagyricâ peritissimis potius habenda est, quam iis, qui hanc disciplinam nequidem à limine salutarunt. Neque tamen in eâ sum hæresi, ut putem, tantas esse vires auri potabilis, quantas vulgò prædicant. Fors est, ut ex plumbo, ære, ferro vtiliora, quam ex auro, & argento medicamina repetantur. Vix in animi possum inducere, hæc metalla in alimenta converti. Admota pectori auri lamina cordis palpitationes arceat; renibus applicata, lumborum dolores leniat, at non necesse est, ut haustum prostratas vires erigat, calorem nativum familiaritate quâdam naturæ mirum in modum corroboret. Nequeâ ventriculi calore id consumi putem: nescio an aliquantulum alterari queat. Ignitum quoque aurum spiritibus suis aquam nonnihil imbuere non ægrè concessero; nam ubi sæpius extinctum fuit, fit pallidius; quòd si in aquis, quibus plumbum liquatum identidem affusum fuerit, illud extinxeris, nonnihil mollius, & ductilius evadet: contra durius futurum est, si ignitum aquis chalybeatis aliquoties immergatur. Enim verò metalla ad Chirurgiam permultum conferre, ne inimici quidem Chymicorum inficari audent: nam veteres æruginem ad putrida ulcera, cerussam, & minium, vel sandycem plumbi, ad cicatrices inducendas, & fluxiones ex ulceribus, & contusis partibus arceant; æris, ferri & chalybis squamas ad contumacia ulcera adhibuerunt. Hisdem ferè usibus ferri scoriam, quæ vehementer exsiccat, lithargyrus, qui ut cerussa leniter adstringit, & vim habet emplasticam, accommodantur. Illud non timide dixerò, non posse Chirurgiam metallis aut fossilibus careere. Non mihi est animus hinc longas remediorum formulas pertextere; sed non possum tamen mihi temperare, quin vos arcani cujusdam non contemnendi participes efficiam. Lapis est ex diversis mineralibus, nimirum ex librâ vitrioli, tantundem aluminis; semilibrâ sandycis, seu minii ex plumbo confecti, 4. uncis boli Armeni, ac aquâ portione, nempe 4. uncis salis communis compositus. Hæc contrita 4. aut 5. libris urinæ sunt incoquenda, continenter agitata, donec pultis consistentiam assequantur. Hæc massa nonnihil factens frigore in lapidem concrevit; cujus uncia in semilibrâ aquæ communis exsolvenda immittitur; quâ quidem aquâ omnis exterior inflammatio, erysipelas, purulenta viscera, scabies foetida & canceri identidem abluuntur, vel linteo madido obducuntur, atque intra paucos dies curantur; dummodo emissio sanguinis, & apta purgatio non interim negligantur: idque me sæpius expertum fuisse licet affirmare. Non ægrè conceditis magnam remediorum sylvam ex mineralibus ad

exte-

exteriores morbos succrescere ; at usum interiorem , non injuriâ fortè accusatis : atque ut quantum potero , contentiones minuum , de hydrargyri usu serè inter nos convenit ; non quòd toto genere deleterium existimem : sed substantiæ tenuitate , & penetrante nervos , ac cerebrum invadit ; & quamvis Mathiolus ægrè parturientibus scrupulum hydrargyri præscribat ; ac soleant plerique aliquot grana pueris , ad ventriculi , & intestinorum vermes enecandos præcipere ; longè tamen consultius erit omninò ab hoc minerali abstinere. Nunc de antimonii usu quid mihi videatur aperiam ; sed ita audies , ut Philosophum partium studio minimè abreptura , ut timidè ingredientem ad hoc genus disputationis : nam plerique Medici solent , id quod virorum bonorum est , admodum irasci , si quis eorum decretis non acquiescat : at soli fumus , nec vereor , nequis eorum exaudiat : neque ii fumus , qui in disputando non nostrum judicium sequamur , sed auctoritati aliorum pareamus. Antimonium quidem (ut rem ipsam loquamur) non omni veneno caret , quod in sulfure volatili potissimum insidet : quare hoc remedium non promiscuè , & sine ullo discrimine omnibus est adhibendum ; neque ab imperitis tractandum : & certè in minimâ dosi alvum turbat , vomitus excitat , totum corpus vehementer commovet , quæ quidem in simplex medicamentum non cadunt. Verùm hoc ad Medici industriam pertinet , ut venenis ipsis virus detrahat , eaque in optima convertat medicamina. Veteres arsenico , & sandaraca utebantur ; nec officinæ , & pharmacopolia carere venenis possunt. Sæpe morborum radices altius hærent , nec communibus remediis , eorum semina , ut loquuntur Chymici , possunt transplantari. Interim venenati morbi aliis venenis quasi jugulantur. Hinc usum antimonii in peste , arque aliis morbis epidemicis non ausim accusare. Nonnumquam natura humorum copiâ velut oppressa hæc validiora præsidia exigit ; irritate eam oportet , & quasi sopitam excitare , quod præter cætera antimonium præstat. Sic morbi chronici , quique diuturnitate temporis invaluerunt , aliquando usu antimonii profligantur. Neque (ut mihi videtur) stibium inter venena toto genere deleteria numeratur ; neque in iis , qui vinum emeticum hausere , ullum veneni indicium apparet. Solâ quantitate , ut pleraque pharmaca nocet , nec fortè elleborum , elasterium , atque alia id genus medicamenta , quibus usi sunt veteres , sunt benigniora. Vix ullum emeticum est stibio aptè præparato lenius ; nec tamen medendi ars vomitivis carere potest. At quàm multi hausto emetico perire ? quòd si hoc genus argumenti recipimus , nullum remedium à calumnia tutum erit. Verùm hæc Medici ipsi viderint , qui fortè verbis , non re dissident : cùm alii antimonium ut venenum accusant ,



atque ut innoxium defendunt. Est sanè venenum, si intempestivè propinetur, si nitro, aut vehementiore flammâ arsenicali suo sulfure non spoliatur; si ægroti vires, morbi genus, & symptomata acri iudicio non perpendantur; si ab agyrtis, & circulatoribus temerè, & magna dosi præbeatur. At vitrum antimonii exitiale est, nec potest excusari, cum Severinus Danus, atque alii Chymicorum principes id de albo medicaminum expungant. Fortè ita est, si illius substantia majori dosi, non sola infusio, quam vino emetico benigniorem puto, propinetur. Quid enim fidei causâ afferunt, ut crocum, seu emeticum probent, vitrum infament? Non facta est, inquit, puritas impuro secretio: mirum si sulfur illud volatile tantos ardores sustinerit. Sed omnis vitrificatio in vitio est. Illud porro probatum, non temerè assertum oportuit. At vis pharmaci spiritibus, non crassis corporibus inhaeret, nec aliquid magni ex tam rudi præparatione expectandum. Tantò, inquam, benignius erit vitrum, quòd maxima pars spirituum, quibus omnis virtus purgatrix tribuenda est, sit exhausta; solum sal in liquore exsolubile superest, quod tantas strages non potest edere. Restat ut iis respondeam, qui nullum ex mineralibus præsidium sperandum esse arbitrantur, quòd nulla sit fossilibus cum corpore nostro societas. Quasi hæc ut alimenta, non ut medicamenta sumantur: nec vinci debent, sed vincere. Perparum refert, utrum sint amica corpori, dum morbum expugnent, ac vires suas in pravos humores exerant. Cæterum nemo me auctorem hæc remedia accerset, nisi Medici doctissimi consilium adhibeat, nusquam enim periculosius erratur; atque ubi de vitæ summa agitur, nihil temerè & inconsultò audendum. Hinc Crollius non absurdè monet, ne antimonium iis, qui angusto pectore, aut debili sunt ventriculo; aut colicis doloribus ex aliquâ obstructione vexantur; aut denique malè affecta habent viscera, præbeatur: ne vena, antè, vel post incidatur; omninò hîc cauto opus est; nec tam remedium violenter, quam imperitorum audacia vel usu firmata, est inculanda: neque omnibus cedit inconsulta temeritas. Sed sanusne sum, qui has Medicorum controversias ingressus, me nec Chymicum, nec Medicum esse sum oblitus: magis id adeò facilitate, quàm ullâ aliâ culpâ meâ contigit, qui dum vobis obsequor, extra Philosophiæ cancellos identidem excurro. Sed vos enixè rogo, ne has nugas in apertum proferatis. Neque enim (quod mihi sæpe dicendum est) Chymicus haberi velim, aut in Medicorum, quorum apud me magna est auctoritas, odia incurrere.

TH. Magnam (ut pro utroque respondeam) tibi habemus gratiam, mi Simplicî, ac recipimus tibi silentium optimâ fide.

# INDEX PRIMUS CAPITUM.

## LIBER PRIMUS

### De Meteoris.

CAP. I. **D**E mixtis imper-  
fectis, vel Mete-  
oris in universum; & de  
communi eorum mate-  
ria. 269

I. Qua sit materia, ex qua omnia  
fiuntur Meteora: ubi de tri-  
plici halitu; vapore, fumo, &  
exhalatione.

II. Varia de terra fremitu sen-  
tentia proponuntur.

III. Ex igne subterraneo, non so-  
lum terra motus, sed etiam ple-  
rasque aëris impressiones oriri  
concluditur.

CAP. II. De fontium & ther-  
marum origine, Oceani  
æstu, & maris falsedi-  
ne. 279

I. Fontium originem ex calore  
subterraneo potissimum duci.

II. De qualitatibus, effectibus, &  
examine thermarum, nec non  
de variis aquarum tum simpli-

cium, tum medicatarum diffe-  
rentiis agitur.

III. De æstu maris reciproco di-  
versa expenduntur sententia,  
& probabiles conjectura adse-  
runtur.

IV. De maris falsedine quid nobis  
videatur, brevissime proponitur.

CAP. III. De aliis impressi-  
onibus tum aqueis, tum  
aëreis. 302

I. De sale multa ex Cartesio.

II. De glacie, nubibus, nebulâ, plu-  
viâ, rore, & pruinâ.

III. De melle, & manna fusi  
agitur.

IV. De nive & grandine.

V. De ventorum naturâ, causis,  
& effectibus, ac de reliquis im-  
pressionibus aëreis disputatur.

CAP. IV. De ignitis Meteo-  
ris. 323

I. De fulguris, fulminis, & toni-  
trui naturâ, causis, & effecti-  
bus.

II. De reliquis impressionibus  
ignitis differitur.

CAP.

CAP. V. De Iride, Coronâ, & aliis impresionibus ap- parentibus. 329

I. De loco, in quo Iris efforma- tur.

II. De illius figurâ, magnitudine, & coloribus permulta.

III. De coronâ & aliis emphaticis impresionibus.

IV. De coloribus, qui per trigo- num crystallinum apparent, varia mittuntur conjectura, ac pleraque explicantur ejusmodi phenomena.

\*\*\*\*\*

LIBER SECUNDUS.

De naturâ, causis & usu fossilium.

CAP. I. DE principiis & causis fossilium in univcrsum. 351

I. De spiritu universi, quæ sit Pla- tonicorum & Chymicorum sen- tentia.

II. Variæ objectiones adversus spi- ritum illum cuncta permean- tem, rationes seminarias, & vulgata Chymicorum principia proponuntur.

III. Quid nobis videatur de ra- tionibus seminariis, generatione fossilium, & tribus principiis, sale, sulfure, & mercurio; Peri- pateticis cum Chymicis quoad fieri potest, conciliamus.

CAP. II. De mixtis terreis, & variis terrarum gene- ribus. 369

I. Principia Chymicorum ex Car- testil decretis exponuntur.

II. De resolutione, & variis illius differentiis, nempe sublimatio-

ne, distillatione, calcinatione &c. agitur.

III. De diversis terrarum gene- ribus, & usu pertractamus.

CAP. III. De sale, & ni- tro. 379

I. De salis naturâ & origine jux- ta Aristotelis principia, de salis & nitri vulgatâ in sua princi- pia resolutione.

II. Peripateticorum opinio de salis naturâ refellitur, & versimili- or adducitur.

II. De nitri ca- sis, usu & præpa- ratione: nec non de duplici sa- lis petra liquore, fixo & volatili, permulta explicantur.

CAP. IV. De aliis salium ge- neribus. 395

I. De nitri, & salis spiritu non- nulla præmittuntur.

II. De alumine.

III. De vitriolo, & variis illius generibus.

Xxx 2

IV. De

*IV. De vitrioli analysi, atque usu, ubi de medicamentis Chymicis perpauca.*

**CAP. V. De sulfure, & bituminibus.** 407

*I. De sale, & aquis stygiis perpauca ex Cartesii principiis praeferuntur.*

*II. De sulfuris naturâ, origine, & variis effectibus, necnon de auripigmento, & arsenico differtur.*

*III. De variis bituminum generibus, & potissimum de succini naturâ, analysi, & usu agitur.*

**CAP. VI. De lapidibus in universum.** 422

*I. De communi lapidum materia, effectrice, & formali causâ ex communi Peripateticorum sententiâ differtur.*

*II. Quid nobis videatur de lapidum causis proponimus.*

*III. De principio coagulationis.*

*IV. De calculo disputatur.*

**CAP. VII. De variis lapidum differentiis.** 437

*I. De magnete juxta Cartesii sententiam.*

*II. De lapidibus seorsim sumptis, ubi de eorum formis, coloribus, & viribus differtur.*

*III. De variis saxorum, & marmorum generibus tractatur.*

**CAP. VIII. De gemmis.** 451

*I. De naturâ, origine, ac divisione gemmarum, & quomodo ab adulterinis genuina discernantur.*

*II. De Crystallo, Adamante, & aliis pellucidis gemmis.*

*III. De opacioribus & aliis minoris nota differtur, ubi de viribus gemmarum, aut veris, aut fictis.*

**CAP. IX. De metallis in universum.** 465

*I. De metallorum materia diversa opiniones conciliantur.*

*II. De metallorum generatione.*

*III. Utrum in diversas species deducantur.*

**CAP. X. De metallis seorsim sumptis, ubi fusè de transmutatione metallorum.** 477

*I. Transmutatio metallorum diversis rationibus impugnatur.*

*II. De singulis tractatur metallis.*

*III. Transmutationis possibilitas asseritur.*

*IV. Objectiones diluuntur.*

**CAP. XI. De præparatione metallorum.** 494

*I. De venis metallicis agitur, & quo modo discernantur.*

*II. De earum fusione, & examinatione.*

*III. De metallorum variis separationibus, ubi de cupella, quattatione, & camentis, ac multa*  
Aichi-

*Alchimistarum arcana illustrantur.*

IV. Horum omnium rationes inquiruntur.

CAP. ULT. De usu metallorum: ubi de antimonio, & hydrargyro, & aliis rebus metallicis. 511

I. Omnium ferè circa metalla operationum, ut dissolutionis, precipitationis, &c. causæ, & rationes inquiruntur.

II. De floribus, regulo, & vitro antimonii, atque eorum usu describitur.

III. Varia mineralium præparationes, atque usus describuntur, ubi quâ arte metallorum essentia, olea, vitriola educi queant, paucis exponimus.

IV. Remedia ex hydrargyro, antimonio, ac metallis deprompta multis oppugnantur rationibus.

V. Quid de usu metallorum nobis videatur, paucis aperimus.

# INDEX SECUNDUS RERUM PRÆCIPUARUM.

A.

**A** Cetum, pag. 387  
 Adamas, 394. & seqq. vires, 455  
 Aër, 304. unde frigus mediæ regionis, 305. illius altitudo. 318  
 Aëris natura, 483  
 Aëtus maris reciproci diversæ opinioniones referuntur, & refelluntur, 288. 289. & seqq. varia ejus phænomena. 294.  
 Aëtites. 464.  
 Alabastrum. 447. 448.  
 Alabastrites. *ibid.*  
 Alchimix defensio. 356. 506.  
 Aluminis natura, & præparatio, & usus, 399. 400.  
 Amiantus. 443.  
 Amethystus. 460.

Animalium, quæ ex putredine nascuntur generatio. 365.

Antimonii flores, 521. usus, & natura, 517. & seqq. varix præparationes. 517. usus. 529. & seqq.

Aquæ corpuscula, 271. 303.

Aquæ medicatæ. 284. bituminosæ, sulfureæ, acetosæ. 284. 285. earum effectus. *ibid.*

Aquarum differentia, & examen. 286. 287.

Aqua fortis. 303. 389. 390. 512. 513.

Aquæ chalybeatæ. 524. aërosæ, auratæ. 528.

Aqua uno sale satiata aliud exsolvit. 518.

Aquilo. 320. 321.

X x x 3

Arcæ

Arena. 373. 374 377. 448.  
 Ardesia. 449.  
 Argilla. 375.  
 Aristotelis opinio de terræ motu,  
 273. de origine fontium. 231.  
 de falsedine maris. 300. re-  
 sistitur. *ibid.* de ventorum origi-  
 ne. 319. 320.  
 Argentum vivum. 505. 506. u-  
 sus. 527. 528.  
 Argentum, 486. utrum in aurum  
 abire possit. 487. *et seq.*  
 Asterites. 456. 457.  
 Astroites. 456.  
 Auripigmentum. 413. 414. arseni-  
 cum. *ibid.*  
 Auri natura. 477. 478. aurum è  
 filicibus. 496.  
 Aurum fulminans. 502.  
 Aurum ex mineralibus. 509. 510.  
 Aurum potabile. 525. 526.  
 Auster. 320. 321.

## B.

**B**Alatium. 459.  
 Belemnites. 445.  
 Beryllus. 458.  
 Bezoar. 463.  
 Bismuthum. 485.  
 Bituminum varia genera. 415.  
 416.  
 Borax lapis. 464.

## C.

**C**Admia. 507.  
 Cæmentum. 503. 505. 506.  
 Cæsaris Arconfilii de æstu maris  
 sententia. 295. *et seq.*  
 Calcinatio. 372.  
 Calculi generatio. 429. 435. 436.  
 ejusdem curatio. 436.

Calor subterraneus. 277. *et seq.*  
 Calor ex Cartesio. 409.  
 Calx. 448. 513.  
 Camphora. 420.  
 Cartesii tria elementa, vel princ-  
 pia. 270. 369. 408. ejusdem de  
 æstu Oceani sententia. 292. re-  
 fellitur. 292 293 de maris fal-  
 sedine. 301. *et seq.* de Iridis  
 coloribus. 343. 346. 347. ejus-  
 dem de sale opinio. 409. ejus-  
 dem de magnete. 437. 438.  
 Carbo fossilis. 415.  
 Carbunculus. 459.  
 Cera primigenia. 310. 311.  
 Ceraunius lapis. 445.  
 Cerussa. 485.  
 Chalcedonius. 460.  
 Chrysolitus. 460.  
 Chabriæ de Iridis coloribus.  
 338. *et seq.*  
 Coagulum. 415.  
 Cochio. 373.  
 Colorum causa. 337. 375.  
 Cornu fossilis. 444.  
 Cornu Ammonis. 445.  
 Cotes. 446.  
 Creta. 375. 376.  
 Crystallus. 453. *et seq.*  
 Cupellæ examen. 500.

## D.

**D**igbaeus de coloribus, qui per  
 triangulum vitreum spectan-  
 tur, sententia. 348. *et seq.*  
 Distillatio. 371. 372.

## E.

**E**lectrum. 488.  
 Elementa. 353. *et seq.* 408.  
*et seq.*

Entro-



Entrochites 445.  
 Epicuri Philosophia. 408.  
 Eticæ. 316. 322.  
 Exhalatio quid. 271. 370.

## F.

**F**ermentatio. 287. 403. 411. 515.  
 Ferri natura, & in cuprum mu-  
 tatio 481. Ferri in chalybem.  
 482. 493.  
 Fontium origo. 280. *Et seq.* later-  
 tium aquarum indicia. 282. fon-  
 tes medicati. *ibid.*  
 Formarum origo. 358. 359. 363.  
*Et seq.* formarum renaſcentes. 372.  
 Flores metallici. 517.  
 Fronti de æſtu maris opinio.  
 289. 290. refellitur. *ibid.* de  
 ventorum origine. 319. 320. de  
 Iridis coloribus. 337. 338.  
 Fulgur. 323. *Et seq.*  
 Fulmen. 323. *Et seq.* effectus. 324.  
 325.  
 Fuligo. 370. 371. illius oleum. 371.  
 Fumus quid ſit. 271.  
 Furnorum materia. 378. præpara-  
 tio. 389. 390. 398. 498.

## G.

**G**agates. 414.  
 Galena. 507.  
 Galilæi de æſtu maris ſententia  
 291. refellitur. 292. 293. ejus-  
 dem de glaciæ. 318.  
 Galactites. 443.  
 Gaſſendi obſervationes. 345. 347.  
 348.  
 Gemmarum natura, & origo. 451.  
 452. gemmæ adulterinæ. 452.  
 vitia. 453. vires 454.  
 Geodes. 464.

Gellum. 525.  
 Glaciæ. 303. 317. 318.  
 Gloſſoptera. 445.  
 Grando. 312.

## G.

**H**ematites. 442.  
 Halitus triplex. 271. cur æſta-  
 te copioſior eſſe ſit, non vide-  
 atur. 272 ex omni corpore ex-  
 halari. 271. 272. halitus venci-  
 nati. 272. ſudorifici. 272.  
 Halo. 344.  
 Hyacinthus. 459. 460.

## I.

**I**aſpis. 461.  
 Ignis 410.  
 Ignis fatuus. 328.  
 Ignis lambens. *ibid.*  
 Ignita meteoræ. 323. *Et seq.*  
 Iris. 329. *Et seq.*  
 Iridis locus. 330. 331.  
 Iris eſt in duplici differentia 331.  
 Iridis figura 332. *Et seq.* magnitu-  
 do. 335.  
 Iridis colores. 338. *Et seq.*

## L.

**L**acus conjeſtu lapidum tumultu-  
 antes. 394. 395.  
 Lapidum materia. 423. *Et seq.* 430.  
 432.  
 Lapidum cauſa effectrix 424. 430.  
 figura. 425. 432. Perſpicuitas  
 & colores Lapidum. 426. 427.  
 Lapidum coagulatio. 427. 434. di-  
 viſio. 437. 438.  
 Lapis ſpecularis. 443.  
 Lapis Iudaicus. 445.  
 Lapis Bononiienſis. 450.

Lapis

Lapis nephriticus. 458.  
Lapis Alectorius. 463.  
Lapis Armenus. 462. 463.  
Lapis Chelidonium. 464.  
Lapis Philosophicus. 478. & seq.  
489. & seq.  
Lateres. 377.  
Lazuli. 462. 463.  
Lithocolla. 449.  
Lithargyrus. 507.  
Liquefactio. 373.

M.

**M**alachites. 458.  
Maltha. 449.  
Magnes. 437. ejus vires. 438.  
& seq.  
Manna. 308. & seq.  
Marmor. 446. 447.  
Marga. 375.  
Materia, ex qua procedunt meteo-  
ra. 271.  
Medicamenta Chymica. 405. 406.  
523. & seq.  
Melitites. 443.  
Mel. 308. & seq.  
Meteora. 271.  
Metalla non vivere. 355. 356.  
367.  
Metallorum materia 466. & seq.  
generatio. 471. & seq. ductilitas.  
471. an unica specie contine-  
antur. 474. effectrix causa 475.  
an reduci possint in hydrargy-  
rum 476. metallorum pondera.  
487.  
Metallorum separatio. 500. 501.  
503.  
Metallorum aompatio. 512. dis-  
olutio. *ibid.*

Mineralium vita, & generatio, ex  
Chymicis. 357. 358. 366.  
Mineralium divisio 380.  
Mixtum imperfectum quid sit.  
270. 271.  
Mixture principia. 353. 354.  
370. 371.  
Morochus. 443.

N.

**N**atura quid sit. 353. 364. 365.  
Nebula. 305.  
Nili exundatio. 287. 288.  
Nitri natura & preparatio 381.  
382. 383. 387. & seq. 390. 391.  
394. 397.  
Nitrum esse fertilitatis causam.  
388. cuncta mineralia expur-  
gat. 390. 391. 511. 512.  
Nitri calor. 410.  
Nix 312. 313.  
Nubes quid sit. 304. illius opaci-  
tas. 304. 305.  
Nubes cur in aere pensilesque  
304. 318.

O.

**O**chra. 377.  
Olei corpuscula 271. 303.  
Oleum ferri. 521.  
Onyx. 460.  
Opalus. 456.  
Opium. 360.  
Osteocolla. 444.

P.

**P**arhelia. 345. 346.  
Plumbi natura. 484. tria plum-  
bi genera. 485. cur venis fun-  
dendis adhibeatur. 504.  
Pluvia. 305. 306.

Pluviae

Pluviæ indicia 306. 307.

Pluviæ portentosa. 374.

Pompholyx. 508.

Porphyrites. 447.

Præsius. 458.

Præcipitatio. 518. 519.

Principia Chymicorum. 352. 353.

*Et seq.* 358. 359. 360. 367. *Et seq.* 385.

Pruina. 308.

Pulveris pyrii vires. 276. 277.

Putrefactio. 371. 372.

Pyrites. 525.

**Q**uartatio. 502.

R.

**R**ationes seminarum 354. 355.  
oppugnantur. 356. defen-  
duntur. 363. 364. *Et seq.*

Regulus antimonii. 517. 521.

Ros. 307. 308.

S.

**S**accharum. 311.

Salis corpuscula. 302. illius ef-  
fectus. 302. 303. illius natu-  
ra, atque in sua principia re-  
solutio. 379. 380. *Et seq.* 385.  
*Et seq.* differentia. 385.

Salsedo maris. 300.

Sal prunellæ. 382. 383.

Sal ammoniacum. 410.

Sapphirus. 460.

Sarda. 460.

Sardonyx. 460.

Saxa. 448.

Schistos. 442.

Scintillatio maris. 311.

Scoriæ metallorum. 506. 507.

Senecæ opinio de terræ motu. 274.

*Et seq.* de fontium origine. 281.

282. de ventorum naturâ. 319.

de Iride. 332. 333.

Silices. 446.

Smaragdus. 457.

Smyris. 442.

Spiritus quid sit. 271.

Spiritus universi. 353. oppugna-  
tur. 355. *Et seq.* defenditur  
362.

Spiritus mechanici. 357

Spiritus salis. 380. 381. 398 *Et seq.* usus. 399. 420. 421.

Spiritus nitri præparatio, & usus.  
389. *Et seq.* 392. *Et seq.*

Spiritus acidi ex vegetabilibus  
eductio & usus. 396. 397.

Spiritus vitrioli. 406.

Spiritus lapidificus. 432.

Stannum. 484

Stellæ cadentes. 326. discurren-  
tes. *ibid.* alia ejusdem generis  
meteora. 327.

Sublimatio. 370.

Succinum. 415. 416. 417. cur tra-  
hat paleas *ibid.* usus. 418. 419.  
resolutio. *ibid.* *Et seq.* 420. 425.

Sulfuris natura, & origo. 412. 413.  
flores. 420. spiritus. 421.

T.

**T**alcus. 443.

Tartarum 385. 386.

Terræ motus. 273. ubi varia sen-  
tentia excutuntur illius cau-  
sæ, 273. 274. effectus. 275. va-  
ria differentia. *ibid.*

Terræ tripartita divisio ex Mori-  
no. 278. refellitur. *ibid.*

Y y

Terra-

Terrarum varia genera 374. *§*

*seq.* pretiosa. 375. 376.

Terra Samia, Lemnia, Armena.  
376.

Terrarum usus. 377. 378.

Thermarum origo. 283. 284. *§*

*seq.* 393. 394.

Tonitru. 323. *§ seq.* 326.

Topasus. 460.

Tophus. 449.

Trabes. 327.

Transmutatio metallorum impu-  
gnatur. 477. *§ seq.* defenditur.

480. iterum impugnatur. 487.  
defenditur. 488.

Trigoni vitrei colores. 340. 347.  
348.

Trochites. 445.

Turbo. 315. 316.

Turchoides. 458. 459.

Tutia. 507.

V.

Vapor quid sit. 271. quid eos  
attollat. 272.

Vena metallica quomodo detega-  
tur. 495. 496. præparatio & lu-  
sio: 497. examen. 499. cur ve-  
nis liquandis sales adhibean-  
tur. 505.

Ventus. 315. *§ seq.* 319. 320. *§*  
*seq.* venti æquabiles. 322.

Vini principia. 360.

Vitrioli natura, species, & præpa-  
ratio. 400. 401. resolutio in sua  
principia 401. 402. usus. 403.

Vitriolum ex metallis. 521.

Vitra metallica. 504.

Vitrum antimonii. 529.

Usus mineralium. 526. *§ seq.* ad  
Chirurgiam 527. 528.

Z.

Zinchum 525.



III.  
DE CONSENSU  
VETERIS ET NOVÆ  
PHILOSOPHIÆ  
LIBRI QVATUOR.

SEU  
PROMOTÆ PER EXPERIMENTA  
PHILOSOPHIÆ  
PARS PRIMA.

*Authore*  
J. B. DU HAMEL, P. S. L. & Regiæ  
*Scientiarum Academia à Secretis.*



## RATIO HUIUS OPERIS.

**J**Am fidem libero meam: recepi enim me, nisi quis gravior obstaret casus, Physicam omnibus suis partibus absolutam viâ, & ratione sic traditurum, ut nullam ferè scientiam ex iis, quæ in naturæ cognitione versantur, præmitterem. Cumque naturalis Philosophia brevissimè dividatur in eam, quæ generalis dici potest, quæque rerum principia, causas & elementa, ex quibus cuncta componuntur, communes denique corporum affectiones inquirat; & alteram magis specialem, quæ universi partes seorsum explicat, eaque rursus est duplex; vel enim res vitæ expertes, vel animæ compotes inspicit. Jam pars illa, quæ circa res inanimatas occupatur, pertractata à me fuit: nam siderum motus, aëris impressiones, quæque terra suo sinu recondit fossilia, quatuor libris complexus sum. Nunc de Physicâ generali, quæ multum lucis ad specialis Philosophiæ intelligentiam est allatura, ingredior his libris scribere, qui *De Consensu veteris, & novæ Philosophiæ* inscribuntur. Nam id mihi propositum est, omnium penè Philosophorum disciplinas  
lustra-



lustrare, atque ex iis, quod verissimum erit, quasi nostrum arripere; extremas opiniones ad justum temperamentum adducere; eas demum, quæ non tam inter se, dissident, quam primo aspectu videntur, ut fieri maxime poterit, conciliare. Præterquam enim magis absoluta erit Philosophiæ naturalis tractatio, si uniuscujusque Sectæ forma, non leviter adumbrata, aut potius, ut fieri solet, contradicendi libidine deformata, sed omnibus suis expressa lineamentis exhibeatur: id sanè cuius non hebeti constabit, Platonem, Aristotelem, atque alios Philosophiæ Principes neque omnia, neque nihil vidisse. Eodem omnes tendunt, quamvis diversas muniant vias; ac demum alii in aliis rebus tractandis excellunt.

Isthuc autem Operis in duos libros cum primum editum est, fuit distributum. Nunc in quatuor divisum libros prodit in publicum. Primus Philosophiæ Platonice enucleandæ tribuitur. Cum enim Platonici hos rerum gradus constituent, Deum, mentem, seu intellectualem mundum, tum animalem, post, seminarium, tandem sensibilem mundum. Postquam principia, & causas rerum in universum juxta Platonicos expendimus, de cognitione, & existentia DEI fusè differimus. Sequitur de mundo intellectuali, videlicet de Ideis, Numeris, & Pulchritudine tractatio; tum de mundi animâ, & naturâ, necnon de providentiâ disputatur uberrimè. Tandem mundi sensibilis originem, & interiora principia explicare aggredimur. Hujus Philosophiæ explicationi diutius immorati sumus, quod

quod res maximas, & cognitione dignissimas complectatur. Habet id quoque præ cæteris, quod ad æternas, & primitivas rationes mentem erigat, eamque à fluxis & perituris rebus avocatum, ad eas, quæ solâ intelligentiâ percipiuntur, convertat. Quâ quidem in re infinitum, propè momentum est: nam obruimur turbâ Philosophorum, qui nimis fidunt sensibus, & nihil præter corpora intelligi posse contendunt. Atque ut mihi videtur, nulla perniciosior pestis in vitam humanam potest invadere, nihil quod magis Religioni adversetur. Hoc itaque libro magnam Theologiæ naturalis & Metaphysicæ partem sumus executi, dum externa rerum principia, aut causas indagare volumus. Quæ ad DEI existentiam, providentiam, concursum mundi originem pertinent, ut alia omittam plurima, non perfunctoriè, ut mihi videtur, tractata invenies. Quod reliquum est Metaphysices, liber proximus persequitur, simul & interna rerum principia inquirat diligentius. Nam explicatâ Platoniorum Philosophiâ ad Peripateticos descendimus, ac multa de principiis rerum ex Aristotele, multa de formarum naturâ, & origine disputamus. Necdum tamen decernimus, an formæ viventium, aut qualitates corporum sint res quædam à materiâ discretæ: id enim alio loco fuit excussum. Huic subtili, & argutæ philosophandi rationi Epicuream subnectimus minùs difficilem, & magis obviam. Postremò Philosophiæ Cartesianæ principia, quantâ possumus, & brevitate, & perspicuitate pertractamus: quæque nobis in hoc genere Philosophiæ obscuriora videantur, ingenuè proponimus.

Unam

Unam item & alteram dissertationem hoc in loco adiecimus. Priorem de naturâ & ratione corporis; utrum in trinâ dimensione posita sit: posteriorem de motu; ubi de collisione corporum, de vi elasticâ, & certis naturæ legibus fusè differtur. Postremi duo libri ea continent, quæ multi faciliora judicabunt. Nam elementa, & Chymicorum principia, tum universim, tum separatim explicata complectitur: nec rationes modò intellectu faciles, sed etiam quàm plurima experimenta non injucunda & Chymiam, penè universam continet. Multa in hâc editione adiecimus, quæ aut nuper inventa sunt, aut certè mihi in mentem non venerant, cùm primùm hoc opus exiit in publicum. Quædam etiam detraximus, quæ aut difficiliora, aut minùs vera nobis visa sunt.

Quæ futura sit huius Operis fors, quòdve eruditorum iudicium emereatur, nescio. Neque enim quisquam ferè magis offendit, aut in plures incurrit similitudines, quàm qui aliorum lites nititur componere, aut tumentes animos compescere. Ac plerique non tam quid veri sit exquirere, quàm ab aliis volunt dissentire. Nemo ferè non probat qualecunque ingressus est iter: adeò ut nefas ducat à susceptâ semel persuasionem discedere. Optandum id tamen esset, ut Philosophi facerent aliquem controversiarum modum: nihil enim magis ab hâc scientiâ benè, & liberaliter institutos deterret, quàm tumultuantium certamina, Philosophorum. Hinc Philosophiæ studium, non vulgus modò, sed etiam ii, qui politoribus literis imbuti sunt, ut  
iners,

iners, & inutile criminantur. Nam Philolophi, inquit, maxima polliciti, in minimis versantur, atque omnis eorum cura in vanis contentionibus, & captandis verborum argutiis impenditur. Negant eam, quæ tradi solet, Philosophiam, aut acuendis ingeniis, aut excolendis moribus, aut rerum, quæ ad vitæ usus sunt necessariæ, cognitioni vel minimùm conferre? cùm sectas ad tenuitatem suam ingenii vires, ut Fabius loquitur, nimîa subtilitate consumat; neque ulla vitæ secta longiùs à civilibus officiis recesserit; nec quisquam ferè minùs ex virtute agat, quàm qui acutiùs de virtute differit. Postremò rerum, quæ antè nos sunt positæ, & quarum cognitio non mentem modò liberali quâdam oblectatione perfundit, sed etiam ad vitæ humanæ commoda, & salutem corporis est perutilis, causas & rationes perpauci inquirunt: sed omnes ferè in rebus obscuris, & inutilibus omne studium suum ponunt. Multa sane in hanc sententiam dicunt ii, quibus Philosophiæ nomen invisum est: quos quidem non tam refellere, quàm placare velim. Primum enim nemini auctor fuerim, ut nimis multam operam conferat in res obscuras, & difficiles, easque non necessarias: hoc quippè studium obstat melioribus. Noli ego erectum, & magnarum rerum capax ingenium in eâ parte Philosophiæ consumi, quæ tota versatur in verbis, quæque Dialectica, aut disputatrix appellatur. Hanc tamen omninò negligere non debet: cùm ea doceat rem universam tribuere in partes, latentem explicare definiendo, obscuram explanare interpretando, ambiguum primum videre, deinde distinguere, postremò habere regulam,


lam, quâ vera, & falsa judicentur. Atque hanc Philosophiâ partem satis accuratè, ut mihi videtur, in iis, quos de mente humanâ inscripsi libris exposui. Jam quid magis humanam attingit mentem, quàm cognitio contemplatioque naturæ? Nisi fortè indignum homine putes statas, & constantes siderum conversiones, fossilium, plantarum & animalium incredibilem varietatem, & usus; corporis nostri fabricam, vires, & functiones animi; Opificis denique admirabilem sapientiam, & providentiam oculis, & animo lustrare. Hæc quidem præfati sumus, non tam ut Philosophia, quæ una est adipiscendæ sapientiæ magistra defenderetur, quàm ut iis satisfaceret, qui ad Theologiæ studia nos vocant, & mirantur nos tantum operæ, & temporis in Philosophiæ naturalis tractatione ponere. Nolumus equidem in his artibus consenescere, aut à rebus agendis, quæ nostræ sunt personæ, & muneris præ Philosophiæ studio abduci. Sed neque ullâ lege nobis interdictum fuit, mandare literis res cognitione dignissimas, quibus neglectis vix ad sublimiores scientias locus sit. Nec quæ jam effecta sunt perdere volumus, aut quæ promissus omittere: cùm penè ad exitum perductus sit labor.

Ex quo quidem hæc scripsi duodecim effluxêre anni, atque in eo labore, quem ex longo intervallo repetere coactus sum, jam penè consenui. Quanquam ne me admodum impensæ operæ poeniteat, facit tum huius operis, tum aliorum, quæ secuta sunt, non infelix exitus. Jamque opus ipsum, quod ante aliquot annos inceperam, ut Philosophi-


am per experimenta promotam in unum conferrem corpus, penè exactum & absolutum video. Nam si primum ex his, qui nunc iterum exeunt in publicum, libris, quique naturali Theologiæ datur, exceperis, reliqui in observationibus, & novis experimentis magnâ ex parte versantur. Quocirca nobis licet experimentalem Philosophiam in tres velut partes tribuere, quarum prima hoc volumine. Secunda tractatu de corporum affectionibus, ut tertia libris de corpore animato continetur. Multa quidem primæ huic parti sunt adjecta, quædam mutata, & utrique Philosophiæ tum contentiosæ, tum experimentalis hanc aptare volumus, ut pluribus usui foret.







# DE CONSENSU VETERIS ET NOVÆ PHILOSOPHIÆ.



## LIBER PRIMUS.

De Principiis rerum naturalium juxta  
Platonicos.

### CAPUT PRIMUM.

*De Principiis in universum juxta Platonicos.*



Mnes omnium ferè Philosophorum, cùm veterum, tùm recentiorum de Principiis rerum naturalium sententias, ad tria velut Capita referri posse existimo. Cùm enim tres in nobis sint vires ad cognitionem rerum destinatæ; mens, quæ aut divina, aut ea, quæ sunt à sensibus longè remota percipit; tum phantasia, quæ corporum simulachra non excipit modò, sed etiam illa mirum in modum vel auget, vel minuit, vel ad libidinem fingit; sensus denique exteriores, in quos imagines corporum incurrunt. Plerique ex veteribus Philosophis ratione duce, ea constituerunt rerum primordia, quæ nec sensu possunt, nec imaginatione comprehendi. Sic Pythagoras, & Plato in divina penitus intenti, principia quædam æterna, & incommutabilia, quales sunt ideæ, aut numeri, induxerunt. Itaque hi videntur rerum principia externa & metaphysica indagasse. Aristoteles verò, quique eum secuti sunt, medio quodam philosophandi genere ducti, materiam, & formam, quas nec sensus percipit, nec vis imaginatrix consequitur, sed ex iis, quæ sub sensu cadunt, ratione colliguntur, prima rerum exordia, aut fundamenta posuere; eaque non

foris accersenda, sed in rebus ipsis quærenda esse decreverunt. Hos excepere Philosophi, qui illa corporum principia finierunt, quæ cum sint simplicissima, non sensu quidem, sed imaginatione percipiuntur, vel atomos, & inane, ut Democrito & Epicuro placuit; vel ut Cartesio, & aliis visum est, subtilem quandam materiem, aut corpuscula certis figuris, ac motibus illigata, quæ rerum omnium ortus, atque interitus promoveant. Alii denique Philosophi, iique meo judicio minimè contemnendi, res sensibiles sensibus metientes, nulla statuere principia, nisi eadem essent sensibus obvia; eaque vel quatuor elementa cum Hippocrate; vel aquam cum Thalete Milesio; vel aërem cum Diogene; vel demum præter pervulgata elementa, sulphur, salem, & mercurium cum Chymicorum familiâ, admiserunt. Non absurdè forsitan ea corporum principia definiere, in quæ ultimò ignis analysi, ipsa corpora resolvuntur. Verùm de Elementis, ac Chymicorum Principiis postea dicetur à nobis; nunc aliorum Philosophorum opiniones, quæ fortassis non tam inter se dissident, quam primâ specie videntur, diligenter excutiamus, atque à Platoniciis ducamus exordium: ii quippè primos rerum fontes videntur aperuisse

I. Hoc quidem Platonici differunt, non à Peripateticis modò, sed etiam à reliquâ plebe Philosophorum, quòd illi ad primas rerum, & externas causas mentis aciem intendant: hi verò circa interiora, & cum rebus ipsis conjuncta principia, materiam scilicet, & formam; motum, ac figuram hæere videantur. Illi cum excellius, tum magnificentius & dicunt, & sentiunt; hi verò è contrâ tenues sunt, acuti, callidi, omnia docentes, & dilucidiora, non ampliò facientes. Plato sublimior, & verborum gravitate, & majestate rerum, quas tractat: Aristoteles subtilior quidem est, atque in rerum naturalium indagatione diligentior, nec verbis dilatat sententias, sed subtili quâdam, & pressâ oratione limatus, verborum quidem curam, ac rerum habere sollicitudinem videtur. Diversa quoque utriusque in docendo est ratio; ille à divinis, & cælestibus se refert ad humana; hic verò quasi gradatim sursum versus redit, atque ad primi motoris cognitionem, ex qualicumque hujus universi notitiâ, tandem eluctatur; proximas, & quasi continentes corporum causas Aristoteles prosequitur; primas, & immobiles rerum omnium rationes Plato investigat; eaque non alibi quam in mente divinâ incommutabiliter vivere arbitratur: omnem adeò Philosophiam putat in Dei contemplatione versari. Idque nonnulli hoc ferè argumento colligunt.

II. Cum Philosophia in tres partes sit distributa; in naturæ obscuritatem; in differendi subtilitatem; in vitam, atque mores, primam, quæ  
*Triparsita philosophia ratio.*

quæ est de naturâ, & rebus occultis, Physicam dixere; Altera quæ differendo, quid verum, & quid falsum; quid consentiens, & quid repugnans sit, judicat, Dialectica vocitatur; tertia quæ est de vitâ, & moribus, Ethices, aut Moralis nomen accepit. Atqui Deus est principium naturæ, ut Augustinus passim innuit, & veritas doctrinæ, & feclicitas vitæ. Est rerum creaturarum effector, & lumen cognoscendarum, & bonum agendarum; quorum trium, unum ad naturalem, alterum ad rationalem, tertium ad moralem partem intelligitur pertinere. Ergo cognito Deo, reperiemus quæ sint rerum naturalium causæ, & quinam sit modus discendi, atque vivendi.

Hæc sanè accepta à Platone Philosophiæ ratio triplex, omnibus penè Veteribus placuit. Quam enim vulgò huic tripartitæ divisioni addunt Metaphysicam, ea nihil aliud est quàm secreta quædam, & longè à sensibus remota Philosophiæ naturalis portio, quam adeo in hujus Operis quod ingredimur decursu, ut se se dabit occasio, non separatim tractabimus. Quod autem Platonici omnem philosophandi rationem Dei contemplatione putant contineri, id utique sic accipiendum puto, ut primas rerum omnium rationes nusquam alibi, quàm in summo omnium Principe quæri oporteat. At vero nihil prohibet, quominus proximam quoque, & conjunctam cuique effectui causam indagemus; nec ubique ad Deum, vel Ideas, cum rerum causæ contingentes, & proximæ inquirentur, ut tragicæ Poætæ, inquit Tullius, cum explicare argumenti exitum non possunt, confugiemus. Jam ad principiorum explicationem veniendum.

Principium Platoni id est, ejus participatione reliqua sunt, cum ipsum per se sit, atque, ut ita loquar, omnino imparticipatum. Nam sic alterius sit compos, jam principii titulo excidit, atque illud alterum, ex quo defluxit, hoc nomine donandum est. Quotuplex vero sit principium, non adeo apud Platonem liquet. Tria, inquit, in presenti genera sumenda sunt, unum, quod gignitur, aliud in quo gignitur, aliud à quo similitudinem trahit quod nascitur. Igitur comparare hæc ita decet, quod recipit, matri; unde recipit, patri; naturam istorum mediam, proli. Hic sane videtur duorum duntaxat principiorum meminisse, materiæ, quæ formas gremio suo fovet, & excipit; atque ideæ, ex quâ materia velut fœtatur: nam forma, quæ instar prolis gignitur, effectus est, non principium. Eandem sententiam secuti sunt Stoici. Dicunt, ut seïs, Stoici nostri, inquit Seneca, epist. 54. duo esse in rerum naturâ, ex quibus omnia fiant, causam, & materiam. Materia jacet iners, res ad omnia parata, cessatura, si nemo moveat: Causa autem, id est ratio, materiam format, & quo-

*Et quocunque vult, versat, & ex illâ varia opera producit.* Neque tamen inferior tria ex Platonis mente principia admitti oportere, ut præter ceteros Apuleius ostendit, Deum scilicet, Ideam, & Materiam. Deus enim, quem opificem, Patremque mundi nominat, ut effectrix causâ unicuique existentiam tribuit; Idea essentiam, & speciem largitur, quam materia contrahit, & omnino singularem efficit. Est quippè Deus id, à quo omnis participatio, (repetam enim id nomen, sæpè,) proficiscitur; Idea est id, cujus forma sensibilis, est quædam adumbrata similitudo, ut materia id, in quo participata forma excipitur: neque aliud quoddam principium fingi potest, quod ad hæc tria non referatur. Quanquam idea non est quiddam re à Deo diversum, sed cogitatione tantum differt; ut apud Aristotelem participatio à materiâ, solâ ratione discernitur. Verum hæc postea.

## IV.

*Quotum  
per Causa*

Quinque causarum genera Platonici agnoscunt, quæ Proclus breviter, & acutè his notis discriminat. Effectrix, inquit, causa est id à quo; Exemplaris id ad quod; Finalis id propter quod; Forma id quo; Materia id ex quo, vel in quo res fiunt. Exemplarem verò ab effectrice, & finali causâ diversam esse hæc argumentatione præter ceteros concludit amicus noster cum viveret, Furnencius. Ubi causarum influxus (causalitates vocant) sunt diversi, causas etiam inter se distingui necesse est: sed Effectrix causa, Exemplaris, & Finalis diversis planè modis influunt in effectum: siquidem ad Efficientem executio; ad exemplarem directio; ad Finalem pertinet intentio. Efficiens per motum, Exemplar per cognitionem, Finis per amorem operatur. Triæ hæc, motus, cognitio, amor inter se differunt: ergo & causæ, ex quibus procedunt, discrimine aliquo secernuntur.

## V.

*Opinio  
quorundam  
qui nulla  
præter effi-  
cientem  
agnoscunt  
causam.*

Quanquam fortè non absurdè quidam, sique non è vulgo Philosophi, ad solam efficientem, si propriè loqui volumus, causæ nomen, & rationem pertinere existimant. Quid enim Causa, nisi, ut S. Thomas definit, id ex cuius esse sequitur aliud; vel id quod per se intuit in aliud à se diversum? Hinc Pater æternus est quidem principium, sed non est causa Filii: nam filius est alius à Patre, non aliud: est videlicet alia persona, non alius natura. Jam vero materialis, & formalis causa, nihil à se diversum procreant: idque maxime si forma non sit res quædam, vel entitas à materia diversa, quod inferius erit discutiendum. Uno verbo materia, & forma magis partes compositi, quam causæ haberi debent: cum id absurdum meritò videatur, causam esse effectui suo deteriore. Finis verò est id, cujus gratia fit aliquid. Res autem quæ ab agente fit, & gignitur: neque adeo alius est finis, & agentis influxus, actio nimirum, quæ ut ad finem,

finem, qui agens invitat & amore illicit, refertur, ejus habetur influxus: quemadmodum eadem actio ab ideâ artificis directâ, ad exemplarem revocatur.

Quod si hæc lis mihi; ut arbitro cuidam honoratio foret dirimenda, materiam quidem & formam ex albo causarum expungerem, *Diversa* iis rationibus quæ allatæ sunt, omnino persuasus: Sed finali, & exemplari suum jus, suam dignitatem servarem. Cedo enim, cur *conclusionis* nis, qui à rebus ipsis secretus est, quique efficientem, causam non aliter *Opinio-* licit modò, aut ad agendum impellit, sed etiam movet quodammodo immotus, ac causas omnes vi suâ continet & implet, non erit causarum omnium princeps? Unde effectrix causa, quam solam inquiri volunt, omnem suum vigorem depromit, nisi ex innato illo pondere, & propensione quâdam cuique rei insita, quæ ad finem revocatur. Itaque finis efficientem causam non modò ad se convertit, aut motione quâdam metaphoricâ excitat, sed illi vim agendi impertit, in eam quodammodo se se diffundit: adeò ut sublato fine cessent omnia: Nihil est quod magis intimum cuique rei sit, quodque liberalius se diffundat, nihil tamen magis à rebus ipsis secretum est, aut minus cum iis permiscetur. Suâ quidem bonitate cuncta perfundit & in se convertit; atque ut finis causas reliquas vi prolificâ, & agendi virtute foctat; sic in ipsis rebus, aut effectibus dominatur, sed ab eorum contagio omnino liber est. Quare ii mihi non videntur rectam philosophandi rationem insistere, qui neglecto fine, nihil aliud quàm agentium seriem, & materiæ apparatus inquirunt. Quasi agentia sic colligari, aut materia ita disponi posset, ut tot effectus, tamque mirabiles emergerent, nisi vis aliqua suprema præfset, quæ & materiæ motus, & agentibus efficaciam ad certos fines dirigeret; sed de his sermo identidem recurret. Neque ex alio fonte tot sectas oriri putem, quàm quòd in certas causas, aliis omnino neglectis, singularintendant animum. Ac de finali quidem satis, de exemplari suo loco dicendum erit. Nunc quæ sit rerum omnium series, quis ordo, paucis ostendam.

Platonici quibusdam velut gradibus ad Deum; ut rerum omnium apicem confendunt. Infra Deum solent mundum intellectualem reponere; huic subjiçiant rationalem, quem excipit mundus seminarius, seu natura: At verò in gradu infimo consistit, imò continenter fluit, & labitur mundus sensibilis.

In Deo sunt omnia, ut in centro circuli lineæ, vel in luce colores latent. Mundus intelligibilis plenus est ideis, ut rationalis mundus plenus est notionibus, vel idearum formulis: natura seminibus,

VII.

*Qua sit rerum  
omni-  
um series.*

ac.

ac materia simulachris, & rerum imaginibus: hoc enim nomine formas sensibiles, & perituras designant. Itaque si Platonicos audimus, tres sunt rerum omnium causæ principes; Deus, à quo unitas; mens, ex quâ ordo, & pulchritudo; anima quæ motu, & vitâ cuncta implet. Mandus intellectualis, seu mens quam infra Deum perpetuam constituunt, fluit à summo bono, seu ab ipsâ unitate, fermè ut lux à sole sibi conjuncto; hoc est immutabili quodam, & jugi fluxu. Rationalis mundus ex intelligibili, ut lumen à luce, non sine aliquo motu procedit. Lumen quippè est imago lucis, neque est omnis mutationis expers: lumen est in aère, lux in sole. Natura facta seminibus ex rationali, ut calor è splendore dimanat: splendor quippè nihil est quàm reflexum lumen, ex quo non colorum modò varietas, sed calor etiam omnis, & vigor corporum prodit. Postremò sensibilis ex naturali, & seminario mundo non aliter atque è calore vitali generatio proficiscitur. Sic mens, anima, natura, materia denique sunt veluti quatuor circuli, qui circa Deum, ut rerum omnium cardinem volvuntur, & causarum omnium seriem absolvunt. Hos circulos ut totidem vitra radius divinus penetrans in mente ideas pingit, in animâ rationes, in naturâ semina, in materiâ formas sensibiles exprimit. Itaque omnes mundi hujus partes, quasi ejusdem catenæ annuli, ita sunt inter se confertæ, & colligatæ, ut unâ vi, atque unâ consensione naturæ constrictæ videantur: atque omnia sint quodammodò in omnibus, & unum sint quodammodò omnia.

Multùm quidem Platonici hoc in loco sibi indulgent: verùm hæc grandiloquentia non omnibus æquè arridet. Nam Philosophorum est docere magis quàm delectare; dilucidum, & subtile, non fuscum, pictum, & expositum dicendi genus sequi. Neque tamen cum sententiarum hæc velut lumina, tum de rebus excellis verba magnifica mihi omnino displicent, si modò & circumcisè, & parèe his utatur Philosophus. Ego verò ut quid sentiam, loquar apertè: grandes ac penè divinas in Platoniciis sententias non odi, sed quæ uno verbo dici possunt, pluribus onerant, aut magnâ sepè obscuritate involvunt: adeò ut in plerisque cum brevitatis, tum ordo, & perspicuitas desiderentur; in longas abeunt digressiones, & sæpius quàm par est, divertunt. Sed ne fortè in idem vitium, quod in aliis reprehendo, ipse incurram, me ad id, quod propositum erat, refero, ac primùm de Deo, vel ipso bono, tum de mundo intellectuali, vel ideis; postea de rationali, postremò de naturâ & mundo sensibili dicam, quæque pluribus dissecantur Platonici, complectar brevi, atque eorum Philosophiam naturalem in pauca contraham.



Multa quidem de primo uno, aut Bono sublimiter, & magnifice Platonici disputant, quæ in hunc locum omnia conferre non vacat: ea tantum, quæ ad divinæ naturæ qualemcumque notionem pertinent, summam attingam. Id enim verè jurèque contenderim esse operis nostri, ut primam rerum omnium causam, quæ huic universo præest, & cuncta vi suâ continet, quantâ maximâ poterimus animi cogitatione contemplemur. Cum autem nobis, quamdiu in hoc obscuro carcere & corporis compage inclusi sumus, lumen illud incircumscriptum, nisi reflexâ ad creaturas acie, vix intueri liceat: duæ sunt tantum viæ, quæ nos ad Dei cognitionem dirigunt, negationis una, cum quicquid imperfecti est in creaturis, à Deo sejungimus; altera huic opposita ex perfectionibus, quæ rebus ipsis insunt, nos ad supremi Opificis notitiam ducit. Remotione quidem omnium, quæ à Dei puritate sunt aliena, obscuram, & involutam, sed magis nostræ inimitati attemperatam, divinæ simplicitatis imaginem cogitatione depingimus, quæ non potest nisi nominibus negativis signari, ut cum dicitur Deus infinitus, immensus, invisibilis. Sed cum ex analogiâ, & similitudine quâdam omnes creaturarum dotes Deo tribuimus, tum magis distinctam, & explanatam quandam substantiam vivam, per nobis videmur: ut si cogitemus quandam substantiam vivam, perpetuam, omnipotentem, ubique præsentem, ubique totam. Hinc Plato Deum unius, aut boni nomine eleganter exprimit: unus est, aut potius ipsa unitas, cum sit unicè omnia, cumque sit omnis compositionis, ac divisionis expertus. Ipsum est bonum quatenus prima est, & maximè universalis causa, quæ liberaliter se diffundit, atque ab omnibus expetitur: tanta enim est vis boni, ut nulli rei non sit quædam propensio, & velut nixus in bonum. Iam nihil unitate prius est, quam multitudo quæque participat, quæque est ex se se, & omnis multitudinis causa; nihil item bono aut prius, aut melius concipi potest: quare idem est, & primum unum, & primum bonum, quod Deum dicimus: cum à nullo dependeat, & sit omnium causa prima. Quid enim ex unitate essentiali non fluit? Quid in rebus est boni, quod à summo bono non prodeat? Quæ causa potior esse potest, quam bonitas ipsa, cujus radii cuncta perfunduntur? Quid demum est, quod boni ipsius desiderium non teneat? Nec verò id expetimus, cuius jam sumus compotes: est igitur summum bonum à rebus ipsis secreta, & absolutum. Quidquid est in iis boni, id valdè angustum, & participatum existit. Hinc res quæque suam sibi jure naturali debitam perfectionem, ut sensus sensibile bonum, exoptant. Ac præterea universale bonum ab omnibus expetitur; in illud redeunt universa, idque

idque nullis angustiis, nullis terminis coercetur. Ergo Deum remotionis viâ, ut unum; per analogiam verò & similitudinem cum creaturis, ut bonum ipsum rectè concipimus. Nihil, inquit Trismegistus, vel quisquis alius, est omnium, & tamen est omnia. Ut unus est, a cunctis secernitur; ut bonus, rei cuiusque dotes eminenti quâdam ratione continet: est enim quâdam similitudo causam inter & effectum. Hinc bonum rebus adest omnibus, quas efficit, & tuetur, neque cum iis ullo modo miscetur, sed & puritate naturæ suæ extra omnia est.

Jam cur Platonici Deum unius, aut boni potius, quàm primi entis nomine exprimunt? Non alium sanè ob rationem, quàm quòd illis persuasum est, unum, vel bonum ente prius, & superius existere. Nam Plato contendit essentiam ex unitate profluere, nec in supremo rerum gradu eam consistere, cum omnino simplex, & unius modi non sit, sed jam aliquo modo composita videatur. Aliud enim est esse, aliud essentia, ut aliud vita, aliud vivere. Sed cum huic rationi facilè occurri possit: (quando quidem illa compositio opus est mentis nostræ, quæ simplicissima quæque in partes dividit, & eas, cum libitum est conglutinat: ) aliud adhibent argumentum ex abdito magis erutum. Placet illis unitatem esse velut proprium divinitatis gradum, qui Deum formaliter (neque enim communem usum loquendi reformido) in seipso constituat: adeò ut unitate, vel simplicitate summâ ab omnibus sejungatur. Entis nomine cum creaturis convenit, easque essentiae participes efficit: sed unitas omninò est imparticipabilis. Omnis enim res creata, & divisa est, & multiplex; neque unitas alibi, quàm in Deo regnat, atque ab omnibus rebus procul abest. Reclamant tamen Peripatetici, & negant omninò quicquam esse ente superius, aut latius patere, aut prius concipi; nec Deo bonitas, aut unitas magis propria est, quàm essentia aut veritas: cum hæc omnia attributa solâ cogitatione discernantur. Fors est ut tota controversia in verbis posita sit, idque si res posceret, demonstrare non esset arduum. Illud multis longè verisimillimum videtur, essentiam rei ante omnia sub intellectum cadere, cui succedit veritas, quâ res quæque est id quod esse debet: ex veritate bonitas dimanat, quæ in quâdam integritate, aut perfectione consistit, cum scilicet res aliqua non modò est id, quod esse debet, quod ad veritatem pertinet: sed integra est, & absoluta, ita ut nihil ei desit eorum, quæ ad essentialem illius perfectionem exiguntur. Ex essentia, veritate, & bonitate ipsa unitas exurgit. Unum quippe est indivisum in se, & multitudini opponitur: at prius est rem esse in seipsâ, & qualis esse debet, & integra, quàm ut concipiatur indivisa in se; prius est omnes perfectiones adesse, quàm illæ simul unitæ intelligantur.

## IX.

*Virum  
unum sit  
ente superius.*

gantur. Itaque essentia, veritas, bonitas, unitas diversa quidem sunt attributa, non re, sed cogitatione distincta, atque unum supponit alterum, ut prius naturâ. Nam unitas ex aliis consequitur; ut bonitas ex veritate, hæc demum ex essentiâ colligitur. Quod essentia implicite, id veritas explicitè, & distinctè significat; res autem & veritatem, & bonitatem repetit ex originali, & quasi primævâ suæ naturæ regulâ: est quippè vera, aut qualis esse debet, cum ideæ seu exemplari suo convenit; nec potest non convenire, secus non esset tale ens, sed aliud quiddam; Est item integra, aut bona, quatenus eidem exemplari perfectio similis est. Hæc fusiùs explicat vir singulari doctrinâ Magnanus, illud tamen addendum puto, rei cujusque bonitatem, ut à nobis concipitur, aut veritatem in quadam habitudine, aut relatione positam, videri. Bonitas ad nos utique refertur; cum scilicet res nobis convenit, tum bonam judicamus. Eam porro nobis convenire, tum ratione, tum sensu quodam intimo, & quodam velut gustu percipimus. Veritatem in quadam æqualitatis relatione collocamus. Sive illa æqualitas, aut similitudo rebus ipsis inesse concipitur, ut inter mensuram, & rem mensuratam; inter pannum & ulnam: sive illa æqualitatis relatio sit inter ipsas rerum ideas; qualis in mathematicis plerumque veritas invenitur; ut cum numerorum rationes inter se conferimus; seu denique inter ideas & res ipsas sit similitudo; quæ quidem communior est veritatis acceptio; ut si concipiam terram esse luna majorem, vera erit illa cognitio: cum autem, ut sapienter observat vir doctissimus, mens nostra sit finita admodum, & diuturna intentione fatigetur, rerum differentias, & varios respectus non ita subtiliter persequitur, ac longè facilius sub eadem æqualitatis, aut similitudinis ratione multa confundit. Hinc sæpe fallitur, & res dissimiles unius & ejusdem esse naturæ perperam judicat. Quod illi est proclivius, quam tot ideas rerum distinctas efformare, aut rerum discrimina minutius exequi.

Met. cap.  
3.

## CAPUT SECUNDUM

### De Existentiâ DEI.

**V**ERUM hæc spinosa, & ipsa subtilitate molesta relinquamus, remque omnium amplissimam, Dei videlicet existentiam, ex Platonicorum disciplinâ comprobare planiùs, atque uberius, quam plerique solent Philosophi, aggrediamur.

Quoniam verò Deum contempleri licet, vel extra nos,

in vestigiis creaturarum; vel in nobis per illius notionem mentibus nostris insculptam; ac denique in seipso quodammodo, & citra ullum ad creaturas ordinem spectari potest, eo quo infra dicturi sumus modo, hinc varii argumentorum loci ad existentiam Dei demonstrandam, & quasi fontes aperiuntur.

### Prima Classis: Argumentorum.

I.  
Deum ex-  
istere ex  
triplici  
causarum  
genere de-  
monstra-  
tur.

CUM Deus sit finis, exemplar, & effectrix omnium causa, ut finis bonitatem rebus, ordinem, & pondus imprimit; ut exemplar, speciem, numerum, & veritatem largitur; effectricis demum nomine cunctis modum, mensuram, & unitatem tribuit: ex triplici illo fonte magna argumentorum seges erui potest. Quis enim tam cæcus animi est, ut ex rerum structurâ mirabili artificem non agnoscat? An non illius immensitas ex universi magnitudine, sapientia ex ordine, fecunditas inexhausta ex tam multiplici varietate; pulchritudo ex ornatu, & splendore corporum cœlestium; unitas denique ex mutuâ rerum consensione, & harmoniâ elucefcit? Sed ut viâ & ratione procedat disputatio, Deum esse primum omnium principium in genere causæ efficientis, exemplaris & finalis ostendamus. Ac primum mitto Aristotelis argumentum ex motu desumptum: ne illam quidem, licet eximiam ex necessitate, & contingentia rerum petitam rationem, aut alias pervulgatas, & notissimas attingam, unâ quam S. Damascenus adhibet, contentus, quæ sic contrahi potest. Quidquid in rerum naturâ existit, id effectum est, vel causa: cumque nihil sit sui ipsius causa, esset quippè seipso & prius, & posterius: ne detur progressus in infinitum, sistendum erit in primâ causâ omnino non productâ, quæ Dei notionem comprehenditur. Cum enim sit ens à se, & independens, perfectò causa est eorum omnium, quæ sunt ab alio, quæque cum sint imperfecta, & quasi precario subsistant, ab eo, quod est absolutum, & ex se se, profluunt. Sed juvat hanc rationem paulò explicatius confirmare.

Cedò unde habeas quod sis, quod existas, an à teipso? Quod si tui causa sis, jam eras antequàm esses: ergo non à te, sed ab alio existis. Jam id requiro, unde ille à quo factus es, suam habeat existentiam? Non licet tibi in causarum serie in infinitum progredi, quod omnino decurri non posset: & si nulla est causa prima, non utique erit aut secunda, aut tertia, aut ultima. Quare tibi sistendum est in primâ causâ neutiquam productâ, quam Dei nomine signamus. Idem planè attentius cogitanti ex conservatione rerum efficitur. Cum enim conservatio sit continuata rei productio, nec quicquam se se iterum,

atque

atque iterum valeat producere, nihil seipsum potest conservare: Nam ut scite animadvertit Cartesius, cum temporis momenta sint diversa, & partes distinctæ; eo quod nunc existam, minimè sequitur, me post horam, vel diem adhuc existurum: neque eas in nobis experimur vivere, quibus vel in futuro temporis momentum nosmetipsos tueri, & conservare valeamus: magno sine argumento nos à superiori quâdam causâ sic pendere, ut ea nobis usuram vitæ, & existentiam continenter impertiat: quemadmodum (ut exemplo vulgari utar) imago solis, quæ in aquâ refulget, pendet à sole, non modò ut fiat, sed etiam ut jugiter permaneat.

Deum existere, Platonici ex causæ exemplaris conditione, cujus præter cæteros Philosophos maximam habent rationem, ita fere colligunt. Omnis, inquit, forma, quæ est in aliis, hoc est, quæ subiecto alicui insidet, est idem ab alio, atque à nobiliori ducitur formâ. Quod enim est in aliquo, id omninò participatum, finitum, imperfectum est, ac pendet à formâ completâ, illimitatâ & non participatâ. Quocirca formæ omnes creatæ & finitæ, profluunt à formâ quâdam principali, & archetypâ, quæ cum non sit formata, & recepta, perficit, & format omnia. Hanc Dei nomine intelligimus, qui omnibus rebus præsidet, iisque vitam, & existentiam continenter largitur. Addunt hi Philosophi Deum ut exemplarem causam esse omnis veritatis & cognitionis fontem, adeò ut vel ex illo causæ exemplaris munere existentiam Dei probare conentur. Quemadmodum enim sensum communem externis superiorem, quique de iis judicet, & rationem sensu communi excellentiorem admittimus: sic supra rationem, aut mentem, regulas quasdam incommutabiles, & veritatem primam, secundum quam possit mens intueri, quid in quâque re sit veri, agnosci oportere magnopere contendunt; eamque veritatem, quæ & mentem irradiat, & in quâ rectè judicamus Deum esse, & lumen, quod illuminat, omnem hominem venientem in hunc mundum, non Platonici modò, sed etiam nonnulli ex Patribus affirmant. Cum veritas illa neque loco tumida sit, nec temporibus varietur, sed omnibus æquè præsens adsit: ita ut immensa, æterna, spiritalis, ubique sit tota, infinita, qualem omninò Deum mente concipimus. Quanta sit vis hujus argumenti, commodius expositum fuit à nobis, toto ferè de mente humana libro secundo, ubi sententiam Aug. ut maximè probabilem attulimus, quâ statuit res saltem incorporeas, quasque per sensus non hausimus, non alibi, quàm in Deo ipso, nos contueri. Non quòd essentiam Dei clarè videamus: quod enim cernimus, est admodum imperfectum: sed in ideis divinis res ipsas intuemur. Nam Deus rerum omnium ideas & exemplaria complectitur; est sum-

II.

mè.

mè intelligibilis, & mentibus nostris intus. Itaque tantum de rerum veritate, aut naturâ cernimus, quantum ipsè nobis aperire dignatur. Quare, si credimus Aug. *Deus est intelligibilis lux, in quo & per quem, & à quo intelligibiliter lucent, quæ intelligibiliter lucent omnia* Sol. c. 1. Ac nescio an aliter possit explicari humana cognitio ut diligenter prosequitur Auctor inquisitionis veritatis, Neq; enim res, quas mente percipimus, per seipsas cum animis nostris conjunguntur; nec species spiritalis immittunt, sed ut plurimum, corporeas & rudes imagines. Unde ergo vis illa animæ, ut tam expressam rei formam aut ideam depingat, nisi exemplar aliquod intueatur? Sed neque id probabile videtur, ideas rerum menti esse ingenas. Cum enim infinitas ex. gr. triangulorum uti & aliarum figurarum species possit per totam æternitatem contemplari, ac novas subindè efficere demonstrationes; an fortè species, ut ita dicam infinitas infinitas, habet congenitas? Quantò est verisimilius, mentem nostram in Deo ipso, qui ei intimus est, rerum ideas & rationes intueri. Sic enim facillè intelligimus, quod totius inculcat Aug. *quod munus Dei est intelligentia; quod existimare non debeamus quemquam hominem aliquid discere ab homine. Admonere possumus per strepitum vocis nostræ, si non sit intus qui doceat, inanis est strepitus noster.* Quo quidem modo facilius intelligitur quantum mentes nostræ à Deo dependeant, & quàm verum sit illud Apostoli, *quod non sumus sufficientes cogitare aliquid à nobis, tanquam ex nobis, sed sufficientia nostræ ex Deo est; Qui scientiarum dominus est; Qui docet hominem scientiam; à quo, ut à patre luminum, omnis sapientia descendit.* Explicatu sanè arduum est, quomodo illæ regulæ veritatis menti nostræ affulgeant, an instar luminis, quod non videtur, cum in eo cuncta cernantur? An aliis fortè modis, quos Henricus Gandavensis fusè explicat, id suo loco excussum fuit. Nunc ad planiora veniendum.

## III.

Postremò Deum existere, ut extremum, & ultimum finem rerum omnium ostenditur. Cùm enim omnia etiam, quæ cognitione carent, in eundem conspirent finem, necesse est, ut in eum scopum ab aliquo uno agente dirigantur, quod cùm sit primum principium, unde omnia fluxere, est item ultimus finis, in quem refluunt universa. Ut primum principium omnia ex se emittit, ut finis extremus omnia ad se reflectit. Cùm enim ordo effectuum ordini causarum respondeat, primus, & maxime universalis effectus, scilicet existentia, non potest aliunde proficisci, quàm à primâ, & maxime universali causâ, quæ non modò cuncta produxit, sed ea cœtur, & in suum quæque finem ducit. Et sanè, quæ aspectabilis hic mundus complectitur, composita sunt, ac dissolubilia: ergo necesse est ea ab aliqua simplici, & indissolubili naturâ conservari, & in suum



suum quæque ordinem digerit. Qui quidem ordo in hoc maxime positus est, ut inferiora superioribus subdantur, atque unum in aliud ordinetur. Ne ergo detur progressus in infinitum, nève omnis intentio naturæ sit vana & irrita, sistendum est in ultimo, & extremo fine, ad quem omnia referuntur. Quare ex rerum multitudine primi principii unitas; ex compositione simplicitas; ex ordine sapientia; ex subiectione & dependentiâ autoritas summa rectè colligitur.

### Secunda Classis Argumentorum.

**P**ROXIMUM est, ut ex imagine Dei nostris animis impressâ, vel anticipatâ quâdam notione, illius existentiam demonstramus. Hoc sanè *Ex conceptu* magis obscurum & involutum videbitur, quòd pauci sint, qui ad ea, *notia Dei* quæ in seipsis aguntur, intendant animum, & quanta sit vis mentis, seriâ *notione* æstimatione perpendant. Id promptum est, & apertum ex opere opificem, ex effectis Deum colligere, atque in his vestigiis summam Dei *sentia col-* potentiam, quæ cuncta ex nihilo produxit; sapientiam, quæ tam apte *legitur.* suis quæque locis disposuit, & bonitatem omnia tuentem agnoscere. At illud difficillimum homini in exteriora prolabenti, & circa res sensibiles occupato, imaginem Dei in seipso contueri. Est enim id vel maximum animo ipso animum videre: quanto igitur magis arduum erit Deum in nostrâ mente cernere? Quo minùs miror, si Platoniorum rationes ex iis fontibus ductas reliqui Philosophi aspernentur; minùs enim sunt ad captum vulgi accommodatæ, Ego sanè cum in cæteris rebus, tum maxime in Philosophorum disciplinis, extrema quæque esse fugienda arbitror. Non ita fidendum est sensibus, ut in illis omne iudicium veri & falsi reponatur; adeò ut ex iis omnis cognitio nostra pendeat, & nulla sit informatio Dei, à naturâ mentibus nostris insculpta, nulla illius idea vel cognitio, quæ per sensus non subierit; id enim esse falsum aliàs *l. r. de* ostendi. Sed neque ita abjiciendi sunt sensus, quasi ad scientias comparandas nullius sint usus, aut animus nihil novi addiscat, sed cognita tantum afferat. Id quidem mihi longè optimum videtur, ut sensibilia sensibus, intelligibilia verò mente potissimum æstimemus; neque ii in rebus *mente* Physicis iudicium sensuum est repudiandum; neque ii in Metaphysicis, *hum. c. 2.* tanquam foli arbitri sunt adhibendi. Jam ut ad institutum revertar. *3.*

Imago Dei quædam in animis nostris, & splendidior, & expressior, quàm in rebus corporeis fulget, ut fusè profèquitur S. Bonaventura in eleganti, & propè divino Opusculo, quod *Itinerarium mentis in Deum* intcriptis, ubi æterni Numinis præsentiam in memoriâ, intellectu, & voluntate fusè explicat. Atque ut nihil dicam de memoriâ, quæ est propè infinita, & innumerabilium rerum, quæque æterna scientiarum principi-

pia reconditi; ipsius dundaxat mentis tripartitam functionem placet summam attingere, simplicem videlicet perceptionem, iudicium, & ratiocinium.

## V.

*Ex prima  
mentis fun-  
ctione ra-  
tiones plu-  
rima depro-  
muntur.*

Triplex illa intellectus operatio, terminorum, propositionum, & illationum scientiâ continetur. Terminum porro intelligimus, cum quid sit res, per definitionem nobis innotescit: definitur verò unumquodque per superiora, ut homo per animal, animal per vivens, & ita de cæteris: ergo fieri non potest, ut quid sit homo novcrim, nisi unâ sciam, quid sit animal, vivens, corpus, substantia, ens: nam superioribus ignoratis, inferiora definiri nequeunt. Jam verò quomodo ens in universum cognoscam, nisi aliqua Dei, menti insideat notio? Cum enim ens sit vel perfectum, vel diminutum; per se, vel per aliud; per essentiam, aut per participationem: cumque privationes, & defectus cognosci non possint, nisi per formas, & perfectiones oppositas, ut tenebras novimus per lucem. Qui sciam ens aliquod esse imperfectum, incompletum, participatum, nisi menti meæ insit aliqua cognitio entis, undequaque perfecti, completi & omnino per essentiam? Ex his profecto sequitur, nullam rei creatæ notitiam haberi posse, quæ in cognitionem primi entis non resolvatur: ita ut Deus sit primum cognitum intellectus, ut optimè colligit Seraphicus Doctor, quod etiam uberius ex Henrico Gandavensi confirmari potest.

## VI.

*In omni  
cognitione  
nostrâ qua-  
dam confu-  
sa Dei no-  
tio invol-  
vitur.*

Duplicem Dei cognitionem distinguit, unam naturalem, alteram rationalem; illa est implicita, hæc distincta; illa simplex, hæc reflexa, & per ratiocinium evoluta. Illa sanè generali cujusque entis notione includitur. Cum enim cognitio nostra ab iis, quæ magis sunt indeterminata, & universalia ducatur, necesse est, ut omnem cognitionem præcedat, quædam imperfecta & confusa Dei notitia. Nam qui fieri potest, ut aliquod verum, pulchrum, bonum esse affirmemus, nisi ipsum verum, pulchrum, bonum, universale utcumque perfectum habuerimus. Sed quid aliud est Deus, nisi ipsum bonum, verum, pulchrum, indeterminatum, universale, imparticipatum? Neque ulla res, vel quicquam bonum determinari, aut cognosci potest, nisi per formam indeterminatam, & penitus absolutam. Ergo in omnibus veris Deum intelligimus, ut in omnibus bonis primum expetimus bonum: adeo ut Deus sit principium, & finis omnis cognitionis; principium quoad ejus notionem generalissimam; finis quoad ejus perfectam notitiam.

Excipiet aliquis, quod bonum, pulchrum, verum, universim percipiamus, hoc opus est mentis nostræ, præcisio quædam intellectus, figmentum rationis; neque necesse est bonum aliquod universale, per se subsistens, non participatum, tanquam omnis bonitatis fontem, comminisci.

Quo

Quo hunc cavillum discutias, licet tibi duplicem mentis nostræ *Resp.* abstractionem distinguere, una est confusa, & universalis; altera distinctior, ac formalis dici potest. Prior fit, cum mens formas separat quidem à materiâ, sed tamen cum relatione, & ordine quodam ad inferiora; eaque nihil est forsitan quàm mentis figmentum, & extensio quædam ideæ, quam de re ipsâ percipimus. Cum autem mens formam intuetur absolutam, & participabilem, qualis est ipsa bonitas, veritas, vita, & pulchritudo; tum illa forma concipitur indeterminata, non privativè quidem, ut accidit in præcisione universali, ac logicâ; sed omninò negativè, adeò ut ipsa bonitas, jam non sit apta esse in hoc, vel illo bono: eaque in seipsâ omninò subsistat, atque illius participatione omnia bonitatem consequantur. Sic DEUM summâ mentis agitatione concipimus, ut bonum omnis boni, non per prædicationem, Instar illius universalis, quod Peripatetici effingunt, sed per participationem, omninò ut universale Platonicum definitur: tumque ideam bonitatis ad plura ex quibus velut excerpta sit, non extendimus, sed quæ in suo complexu involvit, mente attingimus. Sanè quidem cum bonum illud in universum appetimus, non utique bonum participatum, & per mentis operationem præcise, ab hoc, vel illo bono; sed bonum absolutum, & nullatenus ex alio decisum expetitur. Idem accidit cum verum intuemur: nam prima veritas in omni cognitione nostrâ, intellectum quasi vocat ad se, & allicit suapte naturâ; ut primum bonum in omni appetitu vocat, & invitat voluntatem, quò nitatur in sui fruitionem. Concludit sublimis Doctor omnem cognitionem nostram confusâ quâdam DEI notione perfundi: adeò ut DEUS sit principium & finis rerum omnium in esse cognoscibili, sicut est principium & finis earum in esse naturali. *Henric. Gadavens. in Summâ art. 2.* Sed ut ut sit de duplici illa mentis abstractione universali & formali, illud omninò liquet, vix posse ab animo ideas universales & abstractas effici, nisi res multas in quodam ente non limitato, non participato, sed infinito conspiciat. Est enim illa entis universi tam altè in nobis impressa ratio, tam intimè unita animo, tam præsens; ut eam non possit exuere, ubique sese offert, etiam cum animus feriari, & nihil cogitare sibi videtur: tum vagas & generales entis illius notiones secum volvit, ut optimè explicat vir doctiss. Confusæ sunt quidem, propter animi angustias; neque ad eas plerumque attendit animus, quod & sint nimium familiares; neque cum ita percellant, ut quæ per sensus animo imprimuntur, nec demum ex confusa rerum singularium cognitione: sed magis è contra generalem entis ideam ad res singulares applicamus, in ea res cunctas percipimus: cum ea sit illimitata

mitata ut immenſa, ac rerum omnium ideas complectatur. Quas rerum creaturarum habemus ideas, aut notiones, eæ nihil ſunt, quam quædam determinationes illius ideæ univerſalis, quam creator animis noſtris imprimit, aut quæ potiùs DEUM ipſum ſub general. & conſuſa entis notionc nobis exhibet, dum menti adeſt, eiſque eſt intimus.

VII. Quòd ſi in primo mentis obtutu imago DEI tam clarè elucetſcit, *Ex ſecunda* multò ſplendidior eſt in ſecundâ, & tertiâ operatione. Negant enim *da menti* Platonici, nos ita conſtanter, & certò quarundam propoſitionum *abſolute,* veritati acquieſcere, aut ſtabiles quasdam regulas ſequi, niſi luce ipſius veritatis deſuper radiantis, mens perfundatur; aut quicquam eſſe, aut concipi poſſe omninò incommutabile, æternum, ubique præſens, niſi aut DEUS ſit, aut in DEO: quod enim eſt omnis mutationis expers, creatum non eſt. Atque in hoc ſita eſt mentis cum DEO ſimilitudo, aut imaginis ratio, quòd per cognitionem veritatis illi quodammodo aſſimiletur, ſerè ut oculus luci, quam percipit. Neque enim illam præ ſe fert DEI imaginem, quatenus ad res creatas deprimitur; ſed cùm ad DEUM, aut primam veritatem, quæ lux eſt animi erigitur Sed de his alio loco fuſè diximus.

VIII. Jam neceſſitas illationis, aut conſequentiæ unde oritur? Non *Idem ex* ab ipſâ re exiſtente in materiâ, cùm ea ſit ſæpiſſimè contingens, ac *tertiâ operatione.* corruptibilis: neque ab exiſtentiâ ejuſdem rei in mente. Præterquam enim mens eſt mutabilis, quod in re ipſâ non invenitur, & nuquam eſt alibi, quàm in mente, nihil eſt, quàm ſigmentum intellectûs. Unde ergò illa neceſſitas conſecutionis, aut recti ratiocinii, niſi ab ipſâ luce veritatis? Aut ſi Platoniciſ credimus, ab ideis profluat, quas aut mentis apice attingimus; aut certè notiones iis conſimiles habemus innatas. Nam placet illis formas habere triplicem exiſtendi modum; in materiâ, in mente noſtrâ, in arte divinâ. Nullo modo ſunt neceſſariæ in materiâ immerſæ, nec acceptæ à materiâ: ergò non alibi ſunt incommutabiles, quàm in arte divinâ, quæ eſt ratio omnium rerum.

IX. Pars illa reſtat animæ affectuum ſedes, quæ amat, & eligit: quiſquis autem deliberat ut eligat, iſ quod melius eſt inquiri; melius porrò dicitur quod optimo viciniuſ, eiſque ſimiliuſ videtur: quocirca neceſſe eſt, ut qui deliberat, quandam ſummi boni notitiâ menti habeat impreſſam. Neque enim ullatenus fieri poteſt, ut aliquiſ mihi Regiſ facie ſimiliſ eſſe videatur, niſi Regem ipſum utcunq; noverim. Nam ut præclare Auguſtinuſ, non diceremus aliud alio meliuſ, cùm verè iudicamus, niſi eſſet impreſſa notio ipſiuſ boni, ſecundùm quam, &

& probaremus aliquid, & aliud alii præponeremus: Sic ubi voluntas eligit, consentit, & statuit unum alteri esse anteponendum, secundum aliquam legem dijudicat; quæ lex mente superior est, cum de illa judicare fas non sit. *Nihil porro mente nostra superius, præter eam, à quo facta est, qui lux est animæ nostra, lex omnium artium, & ars omnipotentis artificis.* Denique nihil voluntas amat, nihil expetit, nisi summum bonum, vel quod illius effigiem, aut vestigium præ se ferat.

Id genus argumenti Platonici usitatisimum est: hi quippè passim ostendunt DEUM existerē, ex anticipatâ illius notione, quæ omnem rationis usum prævertit, quamque divinitatis contactum, ac divinum præfagium vocitant. Inò constanter asserunt, nos omnia quodammodò in DEO, ut colores in lumine conspicerē. Tameñ, ut colores multò melius quàm lumen ipsum distinguimus, sic cognitione explicitâ, & reflexâ nos, & creaturas longè distinctiùs percipimus, quàm æternæ veritatis lucem. Hinc formæ visibiles nos ut plurimum ab æternâ luce avocant, quas idcirco Plato eleganter vocat atheas, quia nos à DEO disjungunt, atque illius imaginem menti nostræ insitam, quodammodò obducunt: non secus ac colores lumen quo videntur infuscant. Multa solent in hanc sententiam disputare, id imprimis DEUM nos perfectiùs intueri, cum mentis acies ab omnibus exterioribus sejungitur: quemadmodum si clausis oculos, priùs in objectum variis distinctum coloribus intentos, nullum amplius remanet in oculis colorum vestigium; sed quædam duntaxat confusa lucis impressio, quæ clausos oculos circumfundit. Sic, inquit, ubi mentis oculum à rebus creatis penitus sevocaveris, tum lucem, in quâ vides omnia, statim instar corruscationis præcipis. DEUM ergò, si quæris, noli foras ire, in teipsum redi, in interiore homine habitat veritas; illuc ergo tende, unde ipsum lumen rationis accenditur. Ista quidem Platonici suâ grandiloquentiâ multum dilatant, atque ut forsitan non sint ex omni parte vera, quod similitudinibus magis, & sententiarum luce, quàm rationum pondere fulciantur. Id sanè persuadent, mentem nostram, quiddam æternum, incommutabile, ubique præsens, licet raptim, & imperfectè, & modo quodam finito, & quasi per nebulam cernere. Quamvis in ænigmate, aut potius ut in speculo, & non per speciem; in caligine, non acie directâ, atque ut loquuntur, intuitivè, DEUM ipsum, vel ideas videamus. Neque enim iis assentiri possum mysticis, qui contrarium videntur innuere; idque plenius ostensum est, cum de animæ rationalis naturâ, & cognitione tractavimus.

August. de  
verâ Rel.

X.  
Huc etiã  
pertinet  
Cartesii  
demon-  
stratio, ex  
ideã entis  
summè  
perfecti.

Ac multis quidem videtur illultris Cartesii ratio, ex notione DEI mentibus nostris insitã, iis quas Platonicis adducunt, & tutior, & ad communem sensum accommodatior, illa autem est ejusmodi. Habemus, inquit, menti nostræ insculptam, & congenitam ideam entis summè perfecti, infiniti, immensi, æterni, omnipotentis; atqui illa non potest idea aliundè proficisci, quàm ab ente summè perfecto, & æterno: ergò illud ipsum infinitè perfectum, quod DEUM omnes vocant, existere fatendum est. Singulas propositiones diligentius expendere nobis incumbit.

Ac primò certum est, me clarè, ac distinctè rem illam præstantissimam percipere. Quomodò enim aliquid mihi deesse, aut me non esse undequaque perfectum intelligo, nisi alicujus rei perfectioris ideam mente complectar, ad quam, quæ mihi desunt comparem. Hæc notio perfectio clara est, ac distincta: nam quidquid perfectioris distinctè, & perspicuè in aliis rebus intueor, hoc omne in illa idea continetur; ac demùm illa mentem suo fulgore ut lux visum percillit; omnibus communis est, evolvi tantum, & explicari debet.

*Object. 1.* Verùm obstitunt multi, & negant infinitum à nobis concipi posse, aut clarè & distinctè illud ens infinitum percipi. Non possum, inquam, illud infinitum comprehendere, at percipere nihil vetat. Nam scio id esse infinitum, quod nullis limitibus coercetur; novi itidem, id esse quid in rerum naturâ positum, cum plus insit rei, seu entitatis in re infinita, quàm in iis, quæ finitæ sunt. Quod formale est in infinito, seu ipsa infinitio, ut loquitur Tullius, modo quodam negativo comprehenditur, quia videlicet nullis rem terminis finimus: sed ipsum infinitum etiam positivè, ut ajunt, licet non adæquatè, aut perfectè intelligimus. Aliud verò est habere ideam rei perfectam, aliud eam clarè percipere; splendida clara, distincta in nobis est, aut DEI, aut infiniti notio, non perfecta, non integra.

*Object. 2.* Rursùm inquires, quòd si infinitum non comprehendimus, sed tantum cogitatione attingimus, non est in nobis infiniti, sed finiti duntaxat notio: uti non habeo ideam hominis, si nihil quàm extremum illius capillum videam. Et certè longè minor est proportio finiti ad infinitum, quàm unius capilli ad totum hominis corpus.

*Resp. 1.* Hoc ipsum nego, nos infiniti nullam habere notionem, nisi illud omninò comprehendatur; quasi non mihi insit idea trianguli, nisi omnia, quæ de ipso demonstrantur, perfectè noverim. Ergo satis est ad hoc ut infinitum intelligam, si nullis illud claudi limitibus clarè & dilucidè perspexerim.

Quem-



Quemadmodum ut idea trianguli animo inest, id tantum requiritur, ut figuram tribus lincis contentam mente complectar, tametsi forte ignoro tres illius angulos duobus esse rectis æquales. Nec deum partem infiniti, sed totum ipsum intelligo, licet non totaliter, ut ajunt, & velut ex omni parte: quod si enim id comprehenderem, non foret amplius infinitum: nam de ratione infiniti est, quod à nullo finito comprehendi possit. Quare illud negare non possumus, esse in nobis quandam infiniti ideam. Hoc utique in figuris ipsis clare perspicimus. Nam infinitas esse triangulorum species novimus, quæ eandem habere basim possunt, & quorum diversæ sunt proprietates. Idem de cæteris figuris dicendum est. Infinitum ergo percipimus, idque si non comprehenditur, hoc utique non ex defectu ideæ, sed ex angustia mentis nostræ proficiscitur. Quin etiam prius infinitum, quam finitum, mente attingimus. Cumque rem finitam esse, animo complectimur, ex illa entis generali notione quiddam deerpimus. Communis igitur infiniti, & illimitati entis notio, rerum finitarum cognitionem antevertat necesse est.

De hoc itaque omne certamen est, utrum idea, quam de re un-  
dequaque & infinite perfectâ habemus informatam, non aliunde  
quam ab ente infinito dimanet. Quod ut demonstrari possit, notatum  
oportet, in ideâ duo esse considerata, quorum unum ab intellectu,  
alterum habet ab objecto. Primò enim est accidens quoddam menti  
inhærens, seu modus, seu forma sit cogitationis, mihi perinde est,  
Tum verò unam rem potius quam aliam repræsentat, idque non à  
mente, sed ab ipso objecto mutuatur. Illa repræsentatio vocetur per-  
fectio, vel realitas, vel artificium objectivum: nihil est enim quam  
perfectio, seu entitas rei cognitæ, quatenus fulget in ideâ, tanquam  
in imagine. Jam sic nobis philosophari licet.

Perfectio seu realitas objectiva, quæ in ideâ continetur, nempe  
quod unum potius quam aliud objectum exhibeat, aliquam habet  
causam, in quâ non modò objectivè, sed etiam actu, & realiter, seu  
entitativè eadem perfectio invenitur; idque vel formaliter, vel emi-  
nenter. Ergò necesse est, ut agnoscamus quoddam ens infinite perfe-  
ctum, quod suam ideam menti nostræ impresserit, & cui tanquam cau-  
sæ principi, ideæ perfectio referatur accepta.

Antecedens luculentius probandum. Omnis perfectio, quæ est  
in effectu, continetur in suâ causâ: nam ex nihilo nihil fit. Si quid  
sit in effectu, quod in suâ causâ totali non inveniat, meritò quæri  
potest, undè illud prodeat? Si nullam habeat causam, necesse est, ut  
oriatur ex nihilo. Quod enim quidam de insectis, quæ à sole pro-  
crean-

*Object.**Resp.**Object.**Resp.*

creantur, nobis obtrudunt: id omnino negamus, solem esse viventium causam adæquatam, & integram: cum lumine naturali notum sit, nihil esse in effectu, quod in suâ causâ non contineatur. At fortè perfectio illa objectiva, quæ est in idæâ nullam habet causam realem. Quis fieri id possit? Est quiddam reale, & plusquam nihil. Ergo habeat aliquam causam realem necesse est.

Sed excipis, causam habet, quæ non reipsâ, at objectivè tantum, atque instar imaginis eandem, quæ in idæâ reperitur perfectionem includat. Sit ita sanè, verum eadem recurret quæstio, unde illa causa suam perfectionem objectivam mutuetur: namque ejusmodi causa, quæ tantum objectivè illas perfectiones complectitur, nihil erit quàm idea, vel imago, cujus causam iterum licebit exquirere. Neque hîc in infinitum fas est progredi, secus nemo unquam cogitare inciperet. Negari igitur nullatenus potest, ideam, quæcunque sit illa, ab aliquâ causâ reali proficisci: sed ne ullus remaneat dubitandi locus, juvat eandem rationem amplius illustrare.

Quod si quis habeat ideam alicujus machinæ, quæ omne artificium excogitabile contineat: causam illius idææ jure possum inquirere: eaque vel erit machina prius visa, vel perfecta mechanarum scientia, vel summa ingenii subtilitas: omneque artificium quod inest illi notioni modo duntaxat objectivo, id reperitur in aliquâ causâ (quæcunque sit illa) vel formaliter, ut ajunt, vel eminenter. Sic idea entis summè perfecti, quam mente conceptam gerimus, quæque omnem perfectionem excogitabilem nobis exhibet, non potest aliundè proficisci, quàm ab ente infinito, quodque omnes illas perfectiones reipsâ complectitur. Quid enim aliud ejusmodi notionem menti nostræ inseruit?

Postremò omnis cognitio nostra huic stabili principio innititur. Nam unde, quæso te, nosci solem existere, nisi quia illum vides? Quomodo, inquam, cernis? scilicet per illius imaginem: ipsum quippè solem non attingis. Ergò ex eo, quòd habeas ideam solis, rectè colligis, illum existere. Nimirum quia omnis idea causam habeat suæ realitatis objectivæ, eamque verè existentem, necesse est. Non quòd pertendam ea existere, quorum ideas, aut imagines effingimus. Id enim falsum est, sed quod clarè & distinctè percipio, id utique de re ipsa possum assernare. Cumque habeam claram infiniti notionem, quæ à nullâ re finitâ potest proficisci, infinitum quiddam existere, non dubitabo. Per ideam verò non intelligo tantum imagines inphantasiâ depictas, sed omnem intellectûs perceptionem, sive apprehendat, sive judicet, sive ratiocinetur. Exempli gratiâ, nosci solem esse

esse longè majorem terrâ, idque non modò à sensibus hausisti, sed per demonstrationes mathematicas percepisti : hæc idea solis non est in imaginatione delineata, sed solâ ratione percipitur. Maneat igitur illud tanquam verissimum, ideam entis summè perfecti menti nostræ esse infixam ab Authore naturæ, quam vel ipse Epicurus cogitur, *Lib. I. de Nat.* agnoscere. Solus Epicurus, ait Vellejus apud Tullium, vidit primum esse Deos, quòd in omnium animis eorum notionem impressisset, *Deor.* ipsa natura. Quæ est enim gens, aut quod genus hominum, quod non habeat sine doctrinâ, anticipationem quandam Deorum, quam appellat *ὑπόληψιν* Epicurus, id est anteceptam animo rei quandam informationem, sine quâ nec intelligi quidquam, nec quæri, nec disputari possit. Atque ut ipse concludit, de quo omnium natura consentit, id verum esse necesse est : esse igitur DEUM consistendum est, quoniam insitam ejus, vel potius innatam cognitionem habemus.

Cui sententiæ non modò acquiescendum puto, quòd multùm dare solemus præsumptioni omnium hominum, atque ut Seneca, licet non constantissimè ait, apud nos veritatis argumentum est aliquid omnibus videri. Sed etiam multò maximè, quòd omnibus de DEO non sola opinio, sed cognitio, & idea sit insita : nec ulla, inquit idem Stoicus, gens usquam est adeò extra leges, moresque projecta, ut non aliquos Deos credat. Quòd si nulla foret mentibus nostris innata DEI notio, nunquam, in hunc furorem, ut ipse loquitur, consensissent. Quòd verò alibi docet non tam benè cum rebus humanis agi, ut meliora pluribus placeant, & argumentum pessimi turbam esse : nullatenus intelligi debet de notionibus, quæ nobis sunt congenitæ, quæque sunt claræ & distinctæ, quales sunt eæ omnes, quibus naturale continetur.

Multa sunt, quæ vim hujus rationis videntur infringere. Cùm *Object.* enim tria sint idearum, seu imaginum genera ; quædam sunt innatæ, aliæ adventitiæ, plures commentitiæ. Quid obstat quominus hæc idea, de quâ loquimur, inter fictitias, & ab intellectu fabricatas numeretur : ut, si infinitum mundum mihi exhibeam, nōne hæc idea fictitia erit ? Ad summum notio entis undequaque perfecti erit adventitia, scilicet quia ex aliis audiivi DEUM existere : vel denique ex variis perfectionibus, quæ in variis universi partibus, quasi dispersæ jacent, hanc confeci imaginem, quæ rem infinitam exhibeat : sic ex notione mentis meæ, & Angeli, formo ideam intellectûs divini. Imò quis adeò in philosophiâ alienus est, ut contendat ideam Angeli, ab ipso Angelo mentibus nostris insigi.

Resp.

Hæc quidem magnam præ se ferunt probabilitatem: nec tantum sunt tamen, quæ demonstrationem nostram labefaciunt. Primum enim illa idea non potest inter fictitias recenseretur, cum omnibus sit fere hominibus communis, maneatque ad unum, omnium firma consensus, per DEUM intelligi ens summè perfectum. Quare in explicatione ideæ, quam de DEO habemus informatam, si diligenter attendere velint Philosophi, omnino consentiunt. Nam si qui DEUM ut corpus sibi fingunt; hi pugnantia loquuntur, cum corpus sit divisibile; neque adeo perfectè unum, aut simplex, aut ens summè perfectum esse possit. Cum effingo ideam equi alis instructi, possum alas ab equo, mentis agitatione separare, & unum sine altero distinctè percipere, quod ejusmodi idea fictitia sit: at verò de ideâ entis summè perfecti nihil possum detrahare, non igitur commentitia est, sed omnino vera, & realis. Accedit illud quoque, quod postea uberius explicabitur; in ideâ entis omnino perfecti existentiam includi, quod de nulla quam effingimus ideâ dici potest.

Non etiam inter adventitias haberi potest: nam quomodo ex diversis dotibus, quæ variis rebus insunt, unum quoddam summè perfectum potui componere? An fortè ampliando, & extendendo illas imagines, quas ex diversis rebus præsumpsi? Sed undè mihi illa facultas ampliandi omnes perfectiones creatas, & quiddam majus quam reverà sint, concipiendi? An non fatendum est id eò fieri, quòd idea rei longè perfectissimæ menti meæ sit innata? Huc adde quòd summa Dei perfectio in eo sita est, quòd omnes illius dotes non sint separatæ, ut in creaturis, sed cum summâ simplicitate, atque unitate conjunctæ. Nec quicquam ejusmodi in creaturis deprehendimus.

Objeç.

Resp.

An fortè illam unitatem eodem planè modo nos fingimus, quò unitatem specificam, aut genericam comminiscimur? Magnum sanè discrimen inter utramque intercedit. Illa unitas universalis, ac commentitia, nullam rebus perfectionem addit, cum unitas Dei sit summa illius perfectio: Ac de illâ duplici abstractione jam superius dictum est. Quamobrem id certum videtur, infiniti, aut Dei ipsius ideam nobis esse intimam, neque aliundè eam manare posse, quàm ex Dei ipsius præsentia, & conjunctione cum anima nostra. Nulla quippe res creata rei infinitæ ideam potest efficere; neque ulla idea aut imago finita Deum, aut ens infinitum, quòd tamen mente attingimus, exprimere. Neque id verum est, hanc ideam ex rerum creatarum ideis in unum confusis emergere; cum potius, uti dictum fuit, rerum notiones nihil sint, quàm participationes quædam hujus ideæ generalis, quam de infinito habemus impressam, uti res omnes

ex DEO fluxerunt. Quare, ut Autor inquisitionis veritatis, quem sæpè laudavimus, sciè explicat, DEUM ipsum non in quâdam imagine creata, sed cum quatenus menti nostræ adest, & ipsam illuminat, utcumque cernimus, quamquam imperfecta admodum sit DEI cognitio; est tamen clara & distincta. Rerum corporearum naturas ideales, quas DEUS animis nostris exhibet, omninò contuemur; neque enim per se sunt intelligibiles, neque eas alibi quam in summo omnium principe, qui eas modo intelligibili complectitur, intueri licet. Quod deest earum absolutæ perfectioni, id ex nostræ mentis defectu, non ex ideis ipsis oritur. Animus verò seipsum, & quæ in eo aguntur, per quamdam conscientiam, & sensum intimum, non per ideas percipit: hinc illius cognitio admodum angusta, sed certa; nec quæ in seipso experitur, definire potest, aut aliis explicare. Color viridis solo sensu, non definitione percipitur. Reliqua verò, ut naturam animi, aut Angeli, conjecturis tantum, ex similitudine cum mentibus nostris, utcumque cognosci possunt: neque enim earum rerum ideas accepimus.

Verum, inquis, ideam habes rei summè perfectæ, vel quòd ex aliis esse ejusmodi rem audieris, vel quòd eam à Philosophorum libris acceperis. Quæro, inquam, unde illi, ex quibus accepi, illam notionem hauserint? Nam eodem semper revolvemur, & eadem prorsus recurret difficultas. Quod addunt de ideâ Angeli, facilè dissolvitur: Nam utique possum eam ex ideâ mei ipsius, & notione DEI compingere. Concludimus itaque ex notione DEI menti nostræ insculptâ, optimè colligi DEI existentiam, adeò ut sit illa velut nota artificis operi suo impressa.

### *Tertia Classis Argumentorum.*

**R**Em aliquam existere, ex triplici velut capite nobis constare potest. Primò ex illius cum altero connexionem, ut ignem ex fumo colligimus. Secundò ex illius præsentia. Jamque, ut puto, satis firmis rationibus DEUM existere ex duplici illo loco ostendimus. Superest, quòd erat tertium, ut existentiam DEI ex ejus essentiâ, & divinâ naturâ demonstremus: quo quidem modo nullam creaturam existere ostendi potest: nullius enim rei præter DEUM, existentia necessaria est. Hoc argumentum altiùs investigare, ac persequi par est. Id porò in hanc formam contrahit Cartesius. Quod clarè, & distinctè intelligimus pertinere ad alicujus rei veram, & immutabilem naturam, seu essentiâ, id potest de eâ re & verè, & certò affirmari: sed postquam satis accuratè investigavimus quid sit DEUS, clarè & distinctè

intelligimus ad ejus veram, & immutabilem naturam pertinere ut existat: Ergo tunc & constanter, & verè possumus de DEO affirmare quòd existat.

Propositio per se ita clara, & aperta est, ut majori explicatione non indigeat: id verò quod assumitur, probari hoc modo potest. Cum DEUM ut rem summè perfectam mente concipimus, tum certè eum existere omninò intelligimus: quandoquidem existentia est maxima perfectio. Imò nihil potest distinctè à nobis percipi, nisi id existentiam habere saltem possibilem intelligatur. Hinc montem omni valle destitutum clarè, & distinctè non concipimus. Ergo ubi ens summè perfectum acri & attento animo contemplamur, illi existentiam saltem possibilem tribuimus: ubi verò illud summè potens à nobis cogitatur, statim agnoscimus, id suà vi posse existere. Atque adeo reverà esse, & semper extitisse: nam lumine naturali notum est, id, quod proprià vi potest esse, semper existere. Negabis fortè essentiam DEI alibi, quàm in mente nostrà subsistere, adeò ut nihil sit, quàm intellectus figmentum. Verùm hæc responsio jam superius depulsa est, cum in nullius rei ficitæ intellectum existentia necessario includatur. Deinde illa essentia vel possibilis est, vel impossibilis. Si primum datur, necesse est, ut existat: quæ enim alia res illi rei, quæ possibilis est, existentiam potest impertiri? Quod si impossibilem esse dixeris, repugnantiam, si quæ sit, ostendere tibi incumbit. Certè omnis contradictio non tam in rebus ipsis, quàm in notionibus nostris hæret: cum videlicet ideas, quæ secum pugnant, conjungimus. Id verò accidit in iis, quæ confusè tantum, & obscure percipiuntur, non in rebus, quas distinctè, & clarè intelligimus. Non obscuram verò, aut involutam rei summè, & undequaque perfectæ esse notionem, jam ostensum à nobis fuit. Quò enim ea res simplicior est iis omnibus, quæ sensus feriunt, hoc menti nostræ dilucidior videtur, eique cognatio.

*Object.  
Resp.*

Dixerit aliquis, si foret ens quoddam infinitum in omni genere perfectionis, omne aliud finitum excluderet. Unde inquam, hoc habes? Nihil enim scire potes de naturâ ejus, quòd nihil esse putas. Sed quàm levis sit hæc adversus existentiam DEI ratio, pulchrè Cartesius hoc exemplo demonstrat. Ut fortè habes ingenium longè præstantius quàm quisquis alius, num idcirco ille nihil ingenii habiturus est? Crescat in infinitum vis, & solertia ingenii tui, an propterea illius quantulacunque perspicacitas, minuetur? Sic profectò licet DEUS sit infinitus, non propterea excludit cetera: secus cessabit virtus illius infinita, si nihil possit efficere. Verùm eò falleris, quòd fin-

gis



gis DEum instar corporis infinitum, quod haud dubiè cætera excluderet corpora. At si DEUS foret corpus, jam non esset infinitè perfectus, cum partes haberet divisibiles, hinc ab unitate, & simplicitate summâ excideret. Falsum igitur est, rem infinitam cætera destruere. Imò ex perfectionibus, quæ in creaturis diminutæ, & sparsæ reperiuntur, colligimus DEum existere, in quo omnis perfectio, pulchritudo, sapientia, veritas, sint summæ: nam si unum est altero melius, aut pulchrius, hoc non est nisi per accessum ad aliquod unum optimum, æ pulcherrimum. Et ita eminentiæ, vel excellentiæ viâ, redè existentiam DEI demonstramus: neque enim (ut optimè Tullius) dici potest in ullâ rerum institutione non esse aliquid extremum, atque perfectum.

Mitto innumerabiles alias rationes, quas in hujus operis decursu prosequemur: non enim aliò tendunt ea, quæ in hoc opere de ideis, de providentiâ, de naturâ dicturi sumus, quæque in aliis libris de æquabilitate motuum cælestium, conversione cæli, solis, lunæ, syderumque omnium, distinctione, varietate, pulchritudine, ordine, suis executi sumus, quarum sanè rerum aspectus ipse satis indicat, eas non esse fortuitas. Et quidem cum omnes illas demonstrationes, quas in unum locum congesti, judicio certo, ac ratione pondero, facilius dubitarem me vivere, quam DEum existere.

## CAPUT TERTIUM.

*De ideis, Numeris, & Pulchritudine.*

Unc formæ rerum exemplares, quas ille non intelligendi solum (ut Ciceronis testimonio utar,) sed etiam dicendi gravissimus author, & magister Plato, appellat ideas, mihi accuratius, & distinctius sunt explicandæ. Non illa quidem inter nubes errabunda, atque extra DEUM posita simulachra, ut plerique Philosophi nugantur: sed rationes rerum primæ, quas Plato gigni negat, ait semper esse, easque ratione, & intelligentiâ contineri: cætera nasci, occidere, fluere, labi, nec diutius esse in uno, & eodem statu. Illæ inquam rationes vivunt in mundo intellectuali, qui & archetypus, & boni splendor vocitatur, quique nihil est, quam DEUS ipse, quatenus primi entis nomine participabilis est; æterna videlicet sapientia, aut verbum divinis rationibus, & ideis fulgens, principio suo

I.  
Quid sit  
mundus  
intellectu-  
alis.

simillimum, & ejusdem prorsus essentia, (si Platoniorum decreta, ad rectæ fidei regulam exigere volumus) intellectuâlis mundi nomine designatur.

II.

*Quid sit  
idea.*

Quid verò idea, nisi exemplar DEO semper præsens, ad quod aspiciens, ea quæ sunt, molitur. Exemplar porro illud est natura ipsa divina, ut hæc, aut illa ratione participabilis: hinc sanctus Dionysius ideas vocat prædefinitiones: cum enim essentia DEI sit infinita, ea-que simplex, participari à creaturis non posset, nisi divina sapientia definiret, modum, ordinem, & numerum, quo res quæque DEI essentiam, ut imago quædam, adumbraret.

*Object.*

*Resp.*

Verùm dixerit aliquis, Quæ similitudo DEUM inter, & creaturas esse potest? Hæc sanè quàm minima erit, si rerum gradus æstimetur; sed magna futura est, si res creatæ spectentur, ut formæ quædam eotypæ, & imitamina idearum, quæ sunt formæ archetypæ & principales. Sic literarum ductus, & characteres, quos nunc manus exarat, nullam ferè similitudinem habent cum iis rationibus, quas mente concipio; quando nihil aliud in iis inspicitur, quàm quædam atramenti guttulæ certo quodam modo effusæ. At si velut signa quædam, & notas consideres, nulla esse potest major similitudo. Idem quoque de imagine cum Cæsare comparatâ existimare par est. Equus profectò longè propius ad Cæsarem accedit, si gradus rerum, & conditionem utriusque naturæ spectes; sed ubi ratio imitationis habetur, imago in tabulâ depictâ multò meliùs Cæsarem exprimit.

*Object. 2.*

*Resp.*

*L. 82. 99.*

Insuper acriùs: quæ ratio nos cogit plures ejusmodi formas in DEO fingere, cum in eo nihil sit divisum, nihil multiplex? Responsio perfacilis est. Idea objecti rationem subit: quocirca nihil absurdi, nihil à divinâ simplicitate alieni statuimus, cum plures Ideas DEO tribuimus: quando quidem multa, imò infinita cognoscit, *Sunt igitur ideas, ut Augustinus fuse explicat, principales formæ quædam vel rationes rerum stabiles, atque incommutabiles, quæ ipsa formata non sunt, ac per hoc æterna, atque eodem modo se habentes; quæ in divinâ intelligentiâ continentur: & cum hæc neque oriuntur, neque intereant, secundum eas tamen formari dicitur omne, quod oriri, & interire potest, & omne quod oritur, & interit. Anima verò negatur eas intueri posse, nisi rationalis, & eâ sui parte, quâ excellit, id est ipsa mente, atque ratione.*

*Quod plures  
sint  
idea.*

Plures verò ejusmodi rationes in DEO concipere nihil prohibet: cum idea non sit quiddam à DEO diversum; nec res propriè, sed ratio dicenda sit; Ac demùm ut uno verbo, quæ pluribus differi possunt, complectar, idea non aliud est, quàm divina essentia, quæ  
ut

ut participabilis cognoscitur. Sunt enim ideæ velut sigilla quædam, quæ suas rebus imprimunt similitudines. *Namque omnia*, ut ait Augustinus, *sunt ratione condita, nec eadem ratione homo, quàm equus; hoc enim absurdum esset existimare: sed singula singulis sunt creata rationibus.* Omnis quippè artifex nisi temerè, & fortuito agat, necesse est, ut formam habeat mente conceptam ejus operis, quod molitur. Atqui DEum esse præstantissimum artificem, nec quicquam fortuito operari, omnibus in confesso est: ergò ideas rerum complectitur, ex quibus omnis formarum ornatus, distinctio, species, ordo denique proficiscitur. Nam multitudo quæque ad aliquam unitatem revocatur. Quare omnes homines, & idem de cæteris rebus esto judicium, in unâ conveniunt formâ aut ideâ, cujus participatione suam sortiti sunt naturam. Quid enim Socratem ab equo distingueret? Unde similis homini alteri foret, nisi à primavâ suâ ratione, aut ideâ, per quam ejus essentia constituitur, in quâ cum aliis convenit hominibus; ac deinùm secundum illam ab aliis diversæ speciei, aut generis discernitur?

I. Ratio

2.

3.

Plura adderem à Platoniorum mouementis deprompta, quibus idearum scientia mirificè illustrari posset, nisi essent vulgo notissima. Illas verò mentis acie utcunque percipi existimavit Plato, eâ potissimum ratione ductus, quod nec sinceram, nec stabilem de rebus scientiam habeamus, nisi formæ, aut species perfectæ, quæ semper sunt, & nunquam occidunt, animo cernantur. Cum enim corporales formæ indefinenter fluant, de iis nulla cognitio haberi potest, nisi obscura, & variis erroribus obnoxia. Quod ut persuaderent nonnulli hæc utuntur exemplo, cum naturam hominis ut secretam ab omnibus individuis mente concipimus, quàm incertam, & confusam illius notionem effingimus? Sed ubi eandem naturam, & ejusque attributa per se se, & citra ullum ad individua ordinem, eamque non ut participatam, sed ut participabilem contemplamur: tum deinùm sinceram, & claram illius speciem cernimus. Priorem quidem notionem à rebus, posteriorem mutuamur ab ideis; illa fit cum intellectus ad phantasmata deprimitur; hæc verò menti ad ideas erectæ inseritur: tum quidquid idea rei in suo complexu continet, quæque in eâ includuntur velut in luce quâdam animi cernimus. Cum autem alicujus universalis notionem effingimus, illam utique ad multa, ut inferiora quædam extendimus, aut alias quibus arctatur ideas detrahimus: ut cum triangulum nulli materiæ, aut loco additum, atque ut quiddam multis commune concipitur: tum quæ non sunt divisa secernuntur; atque ut quoddam universale, quod-

III.  
Omnis scientia ex Platone, in cognitione idearum posita est.

que latissimè pateat, observatur animo : confusum tamen, & indeterminate, minatum id cogitatione depingitur. At si illius attributa spectentur, exempli gratiâ, quod tres ejus anguli duobus rectis æquantur, tum sanè id dilucidè, & distinctè percipio. Id mente consequi non possumus, quâ possit illa tot abstractiones efficere, aut ideas universales sibi exhibere, nisi res ipsas in quodam ente comprehensas & velut conclusas intueatur. Quare, ut spatium est locus corporum, sic mundus intelligibilis, & idearum plenus, est velut animorum locus. Atque ut generalis illa in bonum universum impulsio, in omni affectione nostra dominatur; sic naturalis DEI, aut entis ipsius cognitio à naturæ autore nobis insita, in omni perceptione nostra sic occurrit, ut rerum ideæ, quas habemus, non aliud sint, quàm quædam illius naturalis cognitionis determinationes : uti omnes voluntatis in res creatas motus primum illum, & generalem in bonum, seu in creatorem, motum, certa ratione insecuntur aut determinant. Neque hinc sequitur, ut vir doctiss. pulchrè observat, nos aut DEI essentiam, aut ideas intueri; sed res ipsas in DEO, aut in ideis conspiciamus. Quod enim cernimus, est finitum, aut divisibile. Non igitur ideam circuli, sed circulum in idea contuemur : nec ideam, quæ menti est intima, sed circulum, ut extra nos positum, videre nobis videmur. Ad hanc velut absolutam circuli rationem, tanquam ad certam regulam, quos oculis cernimus, omninò exigimus.

Ista quidem de ideis paulò uberius disseruimus, quod in earum explicatione pars magna philosophiæ Platoniciæ versetur. Atque, ut mihi videtur, Socrates hanc sublimem, & penè divinam scientiam, hauserat ex Pythagoreis, qui unitatem, & numeros, ut prima rerum exordia statuere : neque enim numerorum voce aliud quiddam ab ideis diversum intellexere : ex iis quippè, ordo, species, modus, distinctio denique omnis repetitur.

## IV.

Quid numeri apud  
Platonem  
cos.

Quocirca numeri apud Platonicos vel sunt ideæ, vel earum quasi radii, qui in rebus creatis resurgunt. Hinc per varios numerorum gradus ab ipsâ unitate, quâ omnia continentur, usque ad formas rerum sensibiles descendunt. Est enim numerus quidam semper manens, quem locorum spatia non distendunt, nec temporum vicissitudines mutant, de quo Scriptura loquitur, cum ait : *Circuivi ego, ut scirem, & considerarem, & quærerem sapientiam, & numerum. Quod nullomodo arbitrandum est*, ut pulchrè animadvertit Augustinus, de his numeris dictum, quibus etiam flagitiosa theatra personant : sed de illis credo, quos non à corpore accipit anima, sed acceptos etiam à summo DEO, ipsa potius imprimit corpori. Alii sunt numeri prætercuntes

euntes quidem, non tamen per loca extensi, qui nihil sunt, quàm seminariæ rationes, quibus prægnans natura concipitur: Sunt denique numeri & loco tumidi, & tempore mutabiles, qui velut extrema idearum vestigia foris corporeis imprimuntur.

Illud porro non indignum est, quod admoneam, res spirituales apud Platonem numeris, ut corporales figuris designari: Neque enim per numeros divinos, animales, & naturales, aliud quàm ideas, aut notiones, aut vires seminarias, aut certè rerum sententias intelligit, quæ optimè numeris mathematicis, qui menti nostræ sunt cognationes, & propiores, exprimuntur.

Cùm autem omnis pulchritudo certâ numerorum ratione contineatur, de illa deinceps mihi dicendum videtur: quid enim aliud est quàm æqualitas numerosa, vel quædam numerorum explicatio? Quod si mens nostra, inquit Augustinus, cælum terramque collustræt, sentiet nihil aliud sibi placere, quàm pulchritudinem, & in pulchritudine figuras, & in figuris dimensiones, & in dimensionibus numeros. Hæc finitur à Platone splendor, & fulgor boni: nam ut splendor lucem, sic pulchritudinis species latentem intus bonitatem nobis exhibet. Ea quippè mentem vi suâ illicit, atque ad boni possessionem nos ducit. Itaque pulchritudo exterior, est bonitas interior: hæc in medullâ, & radicibus arboris delitescit; illa in floribus micat. Bonum quidem latius patet: est enim omne quod appetitum allicit, aut alteri convenit, aut se se diffundere affectat: pulchrum, verò, ut optimè definit sanctus Thomas, est id, cuius cognitio placeat: nec quicquam aliud est, quàm blanda quædam facies boni. Cùm enim bonum vires rerum cognitioni destinatas vi suâ implet, tum pulchri rationem induit. Nec pulchra admodum judicamus, nisi quæ distinctâ, & dilucidâ cognitione perspicimus. Hinc ea tantum sensibilia, quæ visu, vel auditu attingimus, pulchra decernuntur: reliqua, ut suavia, aut jucunda sint, pulchra nemo nisi ineptè dixerit, quod visus, & auditus ad rationem propius accedere, & perfectiorem de suis objectis notitiam habere videantur. Quò verò cognitio est accuratior, hoc pulchritudo meliùs percipitur, & magis arridet. Quare intellectus, qui intima velut rerum viscera penetrat, pulchritudinis iudex est incorruptus. Cùm enim objectum cognitionis sit verum, quo veritas melius exprimitur, eò perfectior existit scientia. Unde species rerum bruta non movent: quæque acri, & attentâ cogitatione non excipimus, minùs formosa nobis videntur; & in unaquaque arte soli artifices de operum formis perfectè dijudicant.

V.

VI.

De Pulchritudine.

Hinc

## VII.

Hinc Platonici triplicem distinguunt pulchritudinem, animi, corporis, & vocis. Species animi longè maxima est, cum sit quasi imago divinæ pulchritudinis: cum enim pulchritudo creaturarum sit velut radius quidam divini vultus: quò magis ad illud profundum pulchritudinis pelagus (ut loquitur Plato) accedunt, eo sunt formosiores. Nam ut idem docet in Phædone, pulchra sunt omnia, quia ipsi in pulchrum participant; quantò igitur res suo fonti sunt viciniore, tantò sunt pulchriores, quia suam ideam melius exprimunt, imò & puriores, & veriores existunt: est quippè pulchritudo quædam species boni. Atque ut res melior, sic pulchrior existit: est autem melior, & perfectior, quò plus essentia, ac veritatis obtinet: cum videlicet majorem habet unitatem cum magnâ virtute conjunctam. Sic DEUS, qui simplicissimus est, & potentissimus, pulchritudinis, & bonitatis apicem tenet, à quo ut à centro in omnes creaturas proficiscitur, eò impurior, quò remotior. Siquidem DEUS efficit omnia, convertit, ac perficit: creat per suam bonitatem, quam omnibus impertitur, convertit ad se per suam pulchritudinem, implet, & perficit per voluptatem, quâ omnes creaturas sensûs, & rationis compotes, cum redeunt in suum principium, perfundit. Hinc bonitas rationem habet principii, à quo fluunt omnia; pulchritudo est tantquam medium, per quod resiliunt; delectatio est finis, in quo quiescant universa. Bonitas est velut semen, cujus flos est pulchritudo; atque ut ex flore semen, & ex semine flos vicissim nascitur; sic pulchritudo nos allicit ad bonitatem interiorem, quæ rursus ex se pulchritudinem fundit; adeò ut pulchritudo sit quasi circulus quidam divinæ lucis (ut optimè Ficinus) à bono manans, in bonum residens, ad bonum per bonum sempiternè reflexus.

## VIII.

De pulchritudine corporum.

Tria sunt, quæ ad pulchritudinem exiguntur ut docet sanctus Thomas. 1. Est perfectio, seu integritas, quæ illius relationis, in quâ bonitatis, & pulchritudinis rationem ponunt, est fundamentum. 2. Est claritas quædam, seu nitor: unde à Cicerone definitur debita membrorum congruentia cum quâdam coloris suavitate. 3. Est apta proportio, Hinc plerique Peripatetici existimant rationem pulchritudinis in illâ proportionem esse constitutam: nimirum in modo, specie, & ordine; seu in quantitate debitâ, in nitore, vel claritate, & in aptâ partium dispositione, sive in iusto partium intervallo. Reclamant nihilominus Platonici, & negant rationem pulchritudinis in illâ proportionem esse repositam: nam simplicia, quæ sunt, eadem sunt & pulchra, ut lumen. Res item spirituales longè sunt pulcherrimæ; tamen omnis partium pro-



proportio, ac concentus ab illis procul abest. Nihilo fecius conciliari facile possunt, si dixerimus pulchritudinem duntaxat rerum corporearum & compositarum in illa proportionem esse constitutam.

Partium consonantia, ac proportio duplex est; altera subiecti, in quo residet, altera accipitur penes organum, & facultatem, quâ pulchritudo percipitur. Cum enim pulchritudo sit splendor bonitatis, seu perfectionis intus latentis, nihil erit quàm congeries omnium dispositionum, quas res unaquæque exigit, ut functiones suas commodè exerat. Quocirca (ut optime observavit eximius Chamberæus) tamen color viridis sit longè pulcherrimus, ac visui nostro maxime attemperatus, nihilominus non ubique convenit; nec deereet barba viridis; quia depravati temperamentum foret argumentum; sic vox gravis, quæ viros decet, in mulieribus indecora est. Ergo ut sanitas in aptâ humorum temperie, sic pulchritudo in concentu omnium dispositionum posita est. Tamen lux est in se pulcherrima, nihilominus magis aridet nobis viridis color. Quid ita? nisi quia organo visus melius attemperatur: sensus enim non ad destructionem, sed ad tutelam, & conservationem corporis à naturâ concessi sunt: undè sensibilia quæ propriæ constitutioni, ac temperamento adversantur, minus pulchra judicantur: sic nimiam lucem ferre non possumus, & colores, qui temperato tinguntur lumine, suaviore, ac pulchriore nobis videntur. Sed unde illud pulchritudinis iudicium? Quas illius leges sequimur?

An fortè insidet in mente nostrâ species quædam pulchritudinis, ad quam ea, quæ cernimus, comparata referuntur: cumque illi formæ, vel ideæ, quam tenemus animo comprehensam, magnâ ex parte conveniunt, tum pulchra aut formosa judicantur. Est quippè humana mens imago divinæ mentis, atque illius summæ, & omniformis pulchritudinis quosdam velut radios, aut characteres impressos habet, quos tum consulit, cum de rerum specie, ac pulchritudine decernit. Itaque Augustinus cum multis in locis, tum maxime in libris de Libero Arbitrio, scitè, ut cætera, explicat. Quoquò, inquit, te verteris, vestigiis quibusdam, quæ operibus suis impressit, loquitur tibi Deus, & te in exteriora reludentem ipsis exteriorum formis intrò revocat, ut quidquid te delectat in corpore, & per corporeos illicet sensus, videas esse numerosum, & quæras unde sit, & in te ipsum redeas, atque intelligas, te id, quod attingis sensibus corporeis, probare, aut improbare non posse, nisi in te habeas quasdam pulchritudinis leges, ad quas referas, quæ pulchra sentis exterius. Hoc ipsum Tullius diffusissime tradit, atque ut certum statuit, nihil esse in ullo genere tam pulchrum

IX.

Vnde illud pulchritudinis criticum.

Lib. 2.

Lib. qui Orator inscribitur.

pulchrum, quo non pulchrius id sit, unde illud, ut ex ore aliquo, quasi imago exprimitur, quod neque oculis, neque ullo sensu percipi potest, cogitatione tantum, & mente complectimur. Itaque Phidiæ simulachris, quibus in illo genere nihil perfectius videmus, cogitare tamen possumus pulchriora. Nec verò ille artifex cum faceret Jovis formam, aut Minervæ, contemplabatur aliquem, è quo similitudinem doceret: sed ipsius in mente insidebat species pulchritudinis eximia quædam, quam intuens; in eaque defixus, ad illius similitudinem, artem & manum dirigebat. Est igitur in formis, & figuris aliquid perfectum, & excellens, cujus ad excogitatam speciem referuntur ea, quæ sub oculos cadunt.

Nonne animus quandam in se continet vocum omnium & sonorum mensuram. Notat quidem ars, qui verborum, qui sonorum modi efficiant voluptatem: sed eos tamen numeros, ut idem Tullius docet, aures ipsæ tacito cum sensu sine arte definiunt: perfecto completoque verborum ambitu gaudent, & curta sentiunt, nec amant redundantia.

Neque id nos conturbet, quòd diversa sunt adeò & dissidentia non variarum modò gentium, sed etiam ejusdem nationis hominum de pulchritudine judicia. Quòd si enim, inquires, à naturâ cruditos oculos habemus, eaque pulchritudinis judicium in animo collocavit, & speciem pulchritudinis menti impressit; quid est cur homines in iis non conveniant? Id, inquam, movere nos non debet, cum unusquisque insitam pulchritudinis imaginem ad ea transferat, quæ vel consuetudine, vel opinionis errore, vel temperamenti pondere sibi aptiora, & magis consentanea dijudicat. Atque in hoc, ut in cæteris, non proprium cujusque, sed communis rationis adhibendum est judicium: ac universim pulchra sunt censenda, quæ aptam & suo generi debitam nacta sunt perfectionem. Neque idea pulchritudinis, quæ in mentibus nostris hæret, omnino est evoluta, neque ex eadem velut parte ab omnibus conspicitur, & phantasmatum turbâ, vel perturbationum æstu non medioeriter obscuratur.



## CAPUT QUARTUM.

## De Mundo animali, &amp; seminario.



Quoniam omnium rerum gradus persequimur, ab intelligibili mundo, ad rationalem, vel animale[m] descendere oportet: quanquam nihil habeo ferè dicendum de illâ animâ, quam Plato fusam per omnes mundi partes *juxta Platonicos* fingit. Hoc enim commentum à multis refutatum jam inter ineptias evanuit. Neque ita otio, & literis abuti velim, ut exoletas Veterum opiniones, aut defendam, aut oppugnem. Nec verò dubium est, quin Plato hoc universum instar hominis, vitâ, sensu, & intellectu esse præditum crediderit: cum absurdum illi, & Stoicis videretur partem vivere, non totum; cum mundus generet animantes, nec quod animi est experts generare possit animalia, cum nullius rei sensu carentis pars aliqua possit esse sentiens, ac mundi partes sentientes sint: cum intelligens non sit intelligente præstantius, ac mundus sit quiddam optimum, & pulcherrimum: cum denique mundus unum quoddam sit corpus, cujus partes, ut in animalibus inter se aptæ, & colligatæ sunt, quod fieri minimè posset, nisi unius spiritûs, atque unius animæ vis eas inter se devinceret.

Quòd si non aliud visum est Platoni, quàm partes universi spiritu quodam æthereo rationibus seminariis factò contineri: aut per mundi animam non aliud quiddam intelligi voluit, quàm Deum ipsum, qui partes universi dispersas continet, & administrat: adeò ut primi, & intimi motoris titulo huic universitati præsit, ferè ut anima corpus movet, & tuetur: nisi quòd formæ ratio procul à Deo abest: nihil à ratione, nihil à fide alienum sentit. Nam idem est gubernator naturæ, & ejus Creator, ac frustra quicquam conderet, quòd idem non posset conservare, vel regere.

Sed id nec dubium est, & si quid habet quæstionis, hoc tamen ipsum ad id, quod propositum est, non pertinet. Ne illud quidem quæri debet, quid de mundi animâ senserit Plato: nam ipse in Timæo opinionem suam apertissimè exposuit. Postquàm enim docuit, unum esse mundum, quia ad unum factus est exemplum: addit, eum esse pulcherrimum, quòq[ue] Deus filii formam concesserit sibi maximè cognatam, & decoram. A quo enim, inquit, animante omnes reliquos

vellet contineri animantes, hunc eâ formâ figuravit, quâ unâ omnes reliquæ formæ concluduntur. Ergo globosus est, cujus omnis extremitas paribus à medio radiis attingitur, cumque ita tornavit, ut nihil effici possit rotundius; ut nihil asperitatis haberet, nihil offensionis, nihil inclusum angulis, nihil anfractibus, nihil eminens, nihil lacunosum, omnesque partes essent sui simillimæ, quoad ejus præstabat iudicio dissimilitudini similitudo. Nec oculis egebat, quia nihil extrâ, quod cerni posset, relictum erat; nec verò desiderabat aut alimenta corporis, aut detractiōnem confecti, aut consumpti cibi: neque enim ulla decessio fieri poterat, neque accessio; neque verò erat unde: ita seipsè consumptione, & senio alebat sui, cum ipse per se, & à se pateretur, & faceret omnia. Hæc quidem politè, & copiosè, sed minus probabiliter dicuntur.

## III.

*Refellitur  
illa senten-  
tia.*

Quid enim absurdius, quàm fingere animal ex aliis infinitis compositum, seipsum depascens, nec visū, neque alio sensu præditum: cum omnibus organis, & sensuum officiis destituatur? Quid enim! si terra sensu viget, crudeles sumus, qui illam aratris scindimus, effodimus, & omni genere laboris vexamus. Nōne hæc sunt portenta, & miracula non differentium Philosophorum, sed somniantium? At verò intelligens non intelligente præstantius; nihil melius mundo: generantur ex mundo animantes, non adeò expers crit animi. Hæc si placent, efficiens mundum, & disertum, & mathematicum, & tibicinem: nam earum quoque artium homines ex mundo procreantur. An necesse est, ut totum universum intellectu, vel sensu sit prædium? Nōne satis erit, si partes illius quædam, mentis, & rationis, & vitæ sint compotes? Sed nobis non licet his fabulis credere; nec subtiliore ratione opus est, ut refellantur, quæ minimè defenduntur. Nunc igitur quæ ad veritatem propensiora sunt, videamus; ac de mundo seminario, vel naturâ, id enim proximum est, disseramus.

## IV.

*Quid natura.*

*Lib. de  
sensibus.*

*c. I.*

Naturam Platonicæ in archetypam, & ectypam secant: de illâ primum, & accuratius dicendum puto. Quomodo ab iis finiatur, jam alio in libro exposui, sed plenior ejus rei tractatio ad hunc locum videtur pertinere. Est igitur natura archetypa ars Dei in materiâ. Natura quippe principium est innumerabilium propè rerum, quæ sine summâ, & incomprehensibili ratione perfici non possunt; neque id principium aliud quiddam esse potest, quàm ars omnipotentis Artificis. Quid enim ars, nisi virtus quædam, ad cuius leges mente conceptas opifex ea dirigit, quæ operatur extrinsecus. Jam quis dubitat eadem arte, res omnes administrari, & quodammodo reparari, cum periëre, quâ primum creatæ sunt? Quid igitur natura, nisi ars divina,

divina, juxta quam omnia sunt ordinatissima? An fortè vis illa, quæ  
tam artificiosè progreditur, cujus solertiam nulla ars, nulla manus,  
nemo opifex consequi potest imitando, expers erit rationis, atque or-  
dinis? An cum machinatione quâdam, ut loquitur apud Marcum  
Tullium Balbus, moveri aliquid videmus, ut sphaeram, ut horas, ut  
alia permulta, non dubitamus, quin opera illa sint rationis: cum au-  
tem impetum cœli admirabili cum celeritate moveri, vertique videamus,  
constantissimè conficientem vicissitudines anniversarias, cum  
summâ salute, & conservatione rerum omnium: dubitamus quin ea  
non solum ratione fiant, sed etiam excellenti quâdam, divinâque  
ratione? Aut verò alia quædam natura mentis, & rationis expers hæc  
efficere potuit, quæ non modo ut fierent, ratione eguerunt, sed in-  
telligi qualia sint, sine summâ ratione non possunt. Et sanè meliora  
sunt ea, quæ naturâ, quàm illa, quæ arte perfectæ sunt: nec ars efficit  
quidquam sine ratione: non igitur natura rationis expers est habenda.  
Nisi fortè Archimedem putes plus valuisse in imitandis sphaeræ  
conversionibus, quàm naturam in efficiendis; aut tabulam pictam  
cum aspexeris, aut procul navigii cursum cum videris, non dubites,  
quin in tabulâ sit ars adhibita, ut navigium ratione, atque arte mo-  
veatur: mundum verò sine consilio, & arte summâ, aut effici potuisse,  
aut gubernari existimes? Quod si concursus atomorum, vel ca-  
rens mente natura, ea quæ videmus effecit, quæro (inquit Firmia-  
nus) cur facere cœlum potuerit, domum non potuerit? Non igitur  
tanta rerum magnitudo, tanta dispositio, tanta in servandis ordini-  
bus, temporibusque constantia, aut olim potuit sine provido artifice  
oriri, aut constare tot seculis sine incolâ potenti, aut in perpetuum  
gubernari sine perito rectore.

Ac nos quidem nimis multa de re apertissimâ: neque id suscepimus,  
ut de providentiâ divinâ, quæ sanè ab archetypâ naturâ non  
sejungitur, longam disputationem texeremus; id enim non hujus est  
operis. Sed tamen cum de rerum naturâ omnium artifice, & mun-  
di regimine verba facimus, necesse est, ut quæ ad providentiâ perti-  
nent, quæque illius fidem faciunt, argumenta delibemus. Neque  
enim summum naturæ artificium, quod maximè elucescit in genera-  
tione, & propagatione animalium, quodque omnium rerum creatarum  
vires, & intelligentiam longè superat, omnino explicari potest,  
quin unâ sapientissimum artificem, ac potentissimum, qui omnia  
naturæ opera dirigit; velut in transitu, & propter viam contemplerur.  
Quis enim, ut Trifnegisti vel incerti potius Autoris verba usurpem,  
pulchram, ac divinam hanc operatus est hominis imaginem? Quis oculi

Lib. 2. de  
Nat. Deor.

Lib. de  
ira Dei.

V.

De provi-  
dentiâ, &  
mundi re-  
gimine.

In Po-  
mande.

Et uvea perforata, non ut radios transmitteret? Nec crystallinus tam commodam figuram nactus est, ut plures radios ex eodem objecti puncto prodeuntes, in unum quoque locum colligeret refractos? Nec demum oculi tenuissimis, & pellucidis membranis vestiti sunt, ut per eas cerni posset? Nullus à naturâ provisos fuit usus palpebrarum, sed fortè ita evenit ut sint tegumenta oculorum? Nonne hæc sunt flagitia, & portenta Philosophorum? Quid est quod aures minus pati possint, quàm eas non consilio, non artificio divino, sed casu quodam extra eminere, & multis flexibus esse tortuosas, non ut sonos melius excipiant, atque ut ex flexuosis locis voces ampliores reddantur.

Sed mihi non est animus omnium patium usus persequi, id enim in alium reservandum est locum; nec quisquam ferè est adeò mente captus, qui dubitet humani corporis, ut & reliquorum animalium fabricationem, divinâ curâ esse perfectam: cum nihil præclarius, nihil sapientius effici possit. Ac nemo tam expertus consilii & rationis est, qui sibi persuadeat cum Empedocle spinam non divinâ providentiâ, sed casu, & fortuito ex contortione esse contractam, aut stomachum, vel intestina humoris fluxu esse excavata. An potuit spina ex contortione illâ temerariâ tam aptè in vertebrae effingi, quæ ob flexibilitatem, non callo ut ossium fragmenta, sed cartilaginis interventu cohærent, & medullam sinu suo continent, ex qua nervi multiplici sobole fruticantur? An illa contortio & nervis exitum per apta foramina præbuit, & costas, quæ cor, & pulmones tegerent, prodixit; alias quæ liberam ventriculo, & intestinis dilatationem permitterent, velut rescuit? An fortuitus aquæ lapsus os aperuit, stomachum suis membranis, & fibris instruxit, intestinorum gyros circumduxit, & tam exquisitè tornavit? Jam incredibilis illa varietas, quæ in partibus animalium cernitur; mirabilis solertia, & machinatio, quæ his data est ad sui custodiam, defensionem, & pastum, non erit munus providæ, solertisque naturæ? Quid dicam de ortu animalium, an fortè habitu quodam edocta est natura, ad ea, quæ casu effecit, iterum faciendâ: ut aqua per alvenum: quem excavavit, dilabatur. Sed quis illam edocuit, nisi naturæ ipsius gubernator? Neque, ut optimè ait Gassendus, natura eundem tramitem servans comparanda est cum torrente, qui sibi viam temerè per campos prorumpens aperiat: sed cum aquâ, quæ per canales ab Aquilege constitutos fluat.

## VIII.

*Responde-* Quæ autem contra opponunt Epicurei de animantibus, quæ spontè nascuntur ex quadam materia necessitate; de monstris, *jur Epicu-* quæ à sapiende opifice non videntur effici posse; de partibus, *reis,* quæ



quæ multis animantibus concessæ sunt, tametsi nullius sint usus, quales sunt mammæ in hominibus; lingua in piscibus, & partes generationi destinatæ in mulis: ut è diverso si quod membrum defecerit; aliæ partes illius munus suppleant, ut quibus gingivæ ita induruerunt, ut cibum terant; aut qui manibus deficiuntur, pedibus eadem sæpè munia, quæ manibus solemus, obeunt. Ista, inquam, partim ex iis, quæ diximus, soluta sunt, partim ex iis, quæ suis quæque locis dicemus, faciliè diluentur. Nam quæ sponte quâdam naturæ oriuntur, non temerè, sed ex certis seminibus in ipsius mundi exordio sparsis ab authore naturæ gignuntur. Monstra ad generale Dei providentiam pertinent, quæ naturales causas à consueto agendi tenore non arcet, præsertim cum monstra mirabilem artificis in perfectorum animantium conformatione magis commendent. Nullæ autem animantibus partes concessæ à naturâ sunt, quæ ad certum usum, aut saltem ad venustatem non sint provisæ. Imò pleræque omnes varias habent utilitates, ut lingua, quæ & vocis explanationi, & saporibus dijudicandis servit. Quocirca in piscibus non omnino inutilis habenda est. Ac demùm in hoc quoque mirari subit divinæ providentiæ consilium, quòd ubi pars aliqua animalis, aut materiæ vitio, aut aliâ ex causâ deest, alia membra suppleant ejus quæ deficit partis officium, ut quæ ad salutem, & sui conservationem necessaria sunt, parare possit. Rectè igitur Seneca: *Cogita-  
vit nos ante natura, quam fecit: nec tam leve opus sumus, ut illi potuerimus excidere? Scias non esse hominem tumultuarium, & incogitatum opus. Inter maxima rerum suarum natura nihil habet quo magis gloriatur, aut certè cui gloriatur. Quantus iste furor est controuersiam Diis muneris sui facere?*

Lib. 6 de  
beneficiis,  
23.

IX.

Obj. Et. 2.  
Quod providentia  
videtur  
liberum  
arbitrium  
perimere.

Sed queri solent Epicurei tolli omne libertatis arbitrium, si providentia Dei cuncta moveat, regat, gubernet; quando nec Dei prævisio falli possit, nec voluntas frustrari, aut impediri: nihil fortunæ, nihil non fatali necessitati relinqui; cum quidquid accidit, id ex æternâ veritate, causarumque continuatione fluxerit. Hinc Velleius apud Tullium id cum Stoicis expostulat, quòd imposuerint cervicibus nostris sempiternum Dominum, quem Dies, & noctes timeamus, Quis enim, inquit, non timeat omnia providentem, & cogitantem, & animadvertentem; omnia ad se putantem pertinere, curiosum, & plenum negotii Deum? His verò terroribus se ab Epicuro solutos, & in libertatem vindictos jactant, quòd nec metuant Deos, quos intelligunt, nec sibi fingere ullam molestiam, nec alteri quæ-  
rere; & piè sanctæque colant naturam excellentem atque præstantem.

X.  
Resp.

Hæc sanè cum levissima sunt per se, & falsâ, tum in Epicurum  
Eeee  
revolvi

*Eib. de  
fato.*

revoivi facillimè possunt. Quid enim magis puerile, quàm sibi, atque suæ libertati vim inferri à prænotione Dei, quæ omnino externa est rei cognitæ, arbitrari? At falli non potest. Quid tum? Ergo, inquiunt, ex æternitate verum fuit fore, ut ex hoc morbo convalescas, aut falsum. Itaque adhibere medicum nihil attinet; quid enim vel ex fati necessitate, aut ex æternâ veritate mutari potest? Hinc rectè, ut ait Cicero, genus hoc interrogationis ignavum, atque iners nominatum est, quod eadem ratione omnis è vita tollatur actio. De fato postea dicam, nunc prænotionem Dei, aut æternam veritatem nihil necessitatis afferre ostendam: non modò ex pervulgatâ Theologorum distinctione, quâ omne prævisum à Deo necessario futurum esse tantum ex suppositione, non absolutâ necessitate decernunt; sed etiam ex eo maximè, quod contingens ex naturâ suâ indefinitum sit. Exemplo utitur Ammonius globi in plano horizontis quiescentis, cujus indifferentia ad motum, aut quietem libertatis nostræ æquilibrium non malè exhibet: at si plani inclinatio fiat, jam non potest ut non moveatur; sic postquam futura fuit voluntatis in alienam partem determinatio, fit quædam necessitas, sed ex suppositione tantum, quod se ipsam huc flexerit, aut futuram illam inclinationem Deus ab æterno præviderit. Cùm autem illius motus principium in nobis sit, quid est cur vereamur ne prænotio aliena necessitatis vinculo libertatem nostram constringat? Metuit videlicet Epicurus à prænotione Dei, nec turbulentam atomorum incursionem, aut imaginum per inane volitantium, & animos nostros pulsantium reformidat. Et sanè si atomi feruntur in locum inferiorem suopte pondere; si nihil animus nisi imaginum appulsu percipiat, quid erit in nostrâ potestate, cùm sit earum motus certus, & necessarius? Quod si aliæ alias impediunt, an non quæ potentiores sunt, debiliores eadem necessitate aliò inflectent? Nec quicquam erit in nobis situm, sed aliæ ex aliis consertæ causæ & imagines mentem abripiunt. Quod quidem Democritus auctor hujus philosophiæ non dubitavit, ut suis principiis consentaneum defendere: at Epicurus invenit quo modo illam necessitatem effugeret, declinatione videlicet atomorum, quæ alioqui suo pondere, & gravitate directè deorsum animum, vel invitum percellerent. Ita naturalem motum eripit atomis, easque sine causâ declinare statuit, & tamen si constanter loqui vellet, libertatem omnem perimeret, & fatali necessitati, ut Democritus cuncta alligaret.

At, inquiunt, si in ipso mundo Deus ineat aliquis, qui regat, XI. qui gubernet, qui cursus astrorum, mutationes temporum, rerum vi-  
Object. 3. cissitudines ordinèsq; conservet, terras, & maria contemplant, homi-

hominum commoda vitamque tueatur, nihil erit fortuitum, nihil eventus anceps, nihil non fatale, atque ex illius nutu, ad quem rerum summa pertinet, stabunt universa.

Ergone præstans illa, atque excellens natura omnino cessabit, ne libertas nostra violetur; cumque nihil cessione sit melius, si quid egerit, beatus esse non poterit? Quæ porro pietas ei debetur, à quo nihil acceperis? Quid est, inquit Cotta apud Tullium, melius aut præstantius bonitate, & beneficiâ? Quid absurdius, quam Deum fingere nihil cuiquam tribuentem, nihil gratificantem, omnino nihil curantem, nihil agentem? At si Deus cuncta moderetur, nihil contingens: id salum, cum is rerum naturas non tollat, sed vi sua conservet, & tueatur. Nihil erit fortuitum, ita est, sic ad Dei scientiam quæque referantur. Quid enim fortuna, nisi ut Lactantius finit, accidentium rerum subitus, atque inopinatus eventus? Tolle ignorationem illius eventus, quæ à Deo procul abest, nihil est quam naturalium causarum concursio quædam, quæ præter opinionem, aut intentionem nostram fit: sed causas illas concurrere facit ordo ille, qui de providentiæ fonte descendens, cuncta suis locis, & temporibus disponit. Qui verò omnium connexionem seriemque causarum, quâ fit omne, quod fit, fatum appellare voluerit, sententiam, inquit Augustinus teneat, linguam corrigat. Non utique illam Democriti inchoctabilem ex necessitate materiæ, aut atomorum motibus constitutam seriem causarum, quæ nihil relinquit in libertatis arbitrio; non mundi animam cum Platonis, non vim motricem materiæ cum Chrysippo, aut Parcarum fila, aut siderum aspectus fati nomine signamus: sed aut naturæ legem cum Platone, aut causarum naturalium, quæ tamen impediri possunt, contextum cum Aristotele intelligimus. *Necessitas verò illa omnium rerum actionumque, quam nulla vis rumpat, cui etiam Dii omnes, & ipse Jupiter pareat, quæque à Chrysippo apud Aulum Gellium finitur, sempiterna quædam, & indeclinabilis series rerum, & catena volvens ipsa se se, & implicans per æternos consequentia ordines, ex quibus apta, connexaque est, & Philosophia omnino pellatur, ut libertati nostræ infera, & omni vitæ rationi inimica.* Nam ut duplex sit causarum genus, atque aliæ sint principes, aliæ adjuvantes; illæ antecedentes, hæ proximæ, quæ in nostrâ sint potestate, ut adhibere medicos, & similia: quemadmodum solent Stoici distinguere. Atque ut cylindri, & turbinis exemplis quantum volent utantur, quò nobis explicent animum extrinsecus, ut Cylindrum pulsari, quò inoveri incipiat; id autem cum acciderit, jam suapte naturâ vel Cylindrum, vel turbinem volvi; & animum

Resp.

*Nec Dei providentia rebus contingentiâ adiuvant.*

*Quid fortuna.*

*L. 5. de Civit. Dei. c. 8.*

*Quid fatum.*

num assentiri, postquam speciem ab objecto viso impressam, aut signatam acceperit. Hæc sanè ad summum efficiunt, nos ex dimidio tantum esse liberos, nec principium motionis in nobis esse, sed ex antecedentibus causis; atque ex iis omnia naturali colligatione conferre fieri, adeo ut omnia necessitas efficiat.

Quocirca illud omnino fatendum est, providentiæ Dei causas omnes cum necessarias, tum liberas ita subesse, ut suo quæque modo agant, & moveantur. Illæ ex necessitate; hæc quidem ex libertate. Ac nihil absurdius est, quam libertatem nostram, quam in nobis experimur, cuius ita sumus conscii, ut nihil sit lumine naturali illustrius, negare velle, quod eam vix cum divinâ omnipotentia, aut providentiâ, quam propter intellectus nostri angustias non comprehendimus, possimus conciliare. Nec mirum, si vis animi finita satis quidem habeat lucis, quâ Dei providentiam percipiat; neque omnia, quæ ad illam pertinent, investigare possit: ac semper meminisse debemus, nos quidem finitos esse, Deum verò infinitum; neque adeo quod in nobis est liberum arbitrium tollere oportet, quod cum divinâ voluntate, quæ extra nos est, quamque animi nostri capere non possunt, vix componere valeamus: id enim ex nostrâ duntaxat ingenii infirmitate oritur.

Quare facessat illa gloriosa Stoicorum philosophia, quâ negant fati commoveri prece, aut misericordiâ flecti, aut gratiâ; sed cursum servare irrevocabilem, & destinato fluere. *Quemadmodum*, inquit Seneca, *rapidorum aqua torrentium in se non recurrit, nec moratur quidem, quia priorem superveniens præcipitat. Sic, inquit, ordinem rerum fati æterna series rotat, cujus hæc prima lex est, stare decreto.* Profecto vix intelligo, quâ possint ista cum libertate convenire, cum votis, & precibus, quæ Deo funduntur; cum virtutibus, & vitiis, cum iis denique, quæ infra subjicit. *Quædam à Diis immortalibus suspensa ita relicta esse, ut in bonum vertant, si admota Diis preces fuerint, sic vota suscepta. Fatum est, inquit, ut hic disertus sit, sed si literas didicerit. Addit illud tamen, ne à rigidâ Stoicorum secta videatur recedere, ab eodem fato contineri, ut literas discat; ideo discet.* Quod si fati nomine, nihil aliud, quam divinam dispositionem intelligat, ut in libro de Providentiâ passim innuit: nec ita nos regi imperio divino statuatur, quin nos etiam ad nutum voluntatis nostræ moveamur, atque in nobis motionis nostræ principium sit; non multum mihi videtur abhorre ab iis Theologis, qui res omnes ex decretis divinis suspendunt, & physicam prædeterminationem admittunt. *Lib. de Prov. c. 5. Olim, inquit Seneca, constitutum est, quid gaudeas, quid ffeas. Ille ipse*

*ipse omnium conditor, ac rector scripsit quidem fata, sed sequitur.* Cum tamen non soli providentiæ, quæ attingit à fine usque ad finem fortiter, & disponit omnia suaviter, sed longo causarum fatalium ordini, omnes eventus etiam ancipites tribuat, in eo sanè exulari non potest, atque ab omnibus Theologis, ut ab ipsâ veritate longè deflectit. Melius Plato apud Plutarchum negat fati omnia fieri, quanquam nihil non fati, seu potius divinâ ratione contineatur. Scitè enim, ut notat Gassendus, fatum cum jure civili comparat. Quidquid lex complectitur, id non est legitimum, sed illud solum, quod lege præscriptum est, legitimum appellatur: simili prorsus ratione ea tantum fatalia dici debent, quibus causæ necessariæ, & fatales aptatæ sunt; reliquâ fati duntaxat, vel potius divinâ providentiâ continentur.

XII.

Fatum verò Platonice triplex est, divinum, cœleste, & naturale. *Fatum triplex.* Divinum nihil aliud est quàm Dei ordinatio, seu, ut placet Stoicis, legis perpetuæ, & æternæ vis, quæ quasi dux vitæ, & magistra officiorum sit. Cœlestium causarum connexio, quatenus vim habent universalem in hæc inferiora, fatum est cœleste. Series denique causarum naturalium fatum naturale appellatur. Jam cuncta ex divinæ mentis stabilitate motus suos, generationes, & progressum ordinem repetunt: qui quidem ordo in conspectu divinæ mentis existens, providentia dicitur; quatenus verò in ipsis rebus inest, fatum nominatur. Providentia igitur, ut Boëtius disertè explicat, est divina ratio in summo omnium Principe constituta, quæ cuncta disponit, ac dirigit. Fatum est inhærens rebus mobilibus dispositio, per quam providentia quæque suis necit ordinibus. Illa quidem ordinis temporalis explicatio in divinæ mentis adunata prospectu, providentia est; eadem verò adunatio digesta, atque explicata temporibus fatum erit. Jam quæ Deus providentiâ stabiliter disponit, eadem fato multipliciter, ac temporaliter administrat: quòque longius aliquid à primâ mente discedit, eò majoribus fati nexibus explicatur, ac tantò aliquid fato liberius est, quantò illum rerum omnium cardinem vicinîus petit: Uno verbo, ut concludit Boëtius, quod est ad intellectum ratiocinatio; ad id quod est, id quod gignitur; ad æternitatem tempus; ad punctum medium circulus, hoc est fati series mobilis ad providentiæ simplicem stabilitatem.

Nunc dissolvendum est aliud Epicureorum argumentum adversus providentiam. Deus, inquiunt, aut vult tollere mala, & non potest; aut potest, & non vult. Si vult, & non potest, imbecillis est, quod in Deum non cadit; si potest, & non vult, invidus, quod æque alienum à Deo: undè ergò sunt mala? Quæ quidem interrogatio

XIII.

Objec. 4.

tio hoc magis urget, quòd Deum ita regere naturas arbitremur, ut citra illius motionem, aut concursum nihil agere, nihil moliri possint, adeò ut difficillimum videatur, Deum à peccati consortio eximere, si suâ providentia cuncta administret.

*Respons.*

*Cur Deus permittat mala.*

*In Enchyr. & alibi passim.*

Multa sunt, quibus formidolosum hoc argumentum diluamus: ac primò nihil absurdi est, si Deus res finitas & defectibiles condiderit, & multa in libero hominis, vel Angelorum arbitrio reliquerit. Quid enim cum Deo expostulare possumus, si nos ita creavit, ut errare nobis liceret, & summam perfectionem, quâ deficere non possemus, non dedit? An potius grati esse debemus, quòd tanta munera acceperimus, non queri, quòd plura non dederit. Neque tamen Deus auctor mali futurus est, quòd eam perfectionem non concesserit, quam dare non tenebatur. Id verò concedimus, Deum permittere malum: nam ut ait Augustinus, *ut naturarum bonarum optimus est creator, ita malorum voluntatum est justissimus ordinator.* Quin etiam malum suo loco positum, & ordinatum, ad pulchritudinem universi conspirat. Neque enim Deus omnipotens (quod etiam Infideles fatentur) rerum cui summa potestas, cum summè bonus sit, ullo modo sineret mali aliquid esse in operibus suis, nisi usque adeò esset omnipotens, & bonus, ut bene faceret etiam de malo. Sic totum istum agonem decenter edit incommutabilis divina providentia, aliud victis, aliud certantibus; aliud victoribus, aliud quietis, & solum Deum contemplantibus tribuens. Est enim justitia pulchritudo cum benignitatis gratia concordans, ut quoniam bonorum inferiorum dulcedine decepti sumus, amaritudine pœnarum erudiamur; & est pulchritudo universæ creaturæ per hæc tria inculpabilis, damnatione peccatorum, exercitatione justorum, perfectione Beatorum. Quòd verò Deus suum concursum etiam malè agentibus accomodat, id cum peccati communionem non obligat; cum malum nihil sit quàm defectus, qui à creaturâ, non à creatore descendit: hic enim causæ universalis nomine, quidquid rei, aut boni est in effectu producit, sed res creata sola deficit, aut peccat.

#### XIV.

*De consensu divi no.*

Quamquam non desunt, qui cum Durando negent concursum divinum quicquam esse à conservatione distinctum. Nam vel una, & eadem erit actio Dei concurrentis cum causâ secundâ; vel diversa: illud defendi non potest, cum actio nihil sit ab agente, & effectu discretum, neque adeò possit esse eadem operatio, ubi & vis operatrix, & agens duplex invenitur. Quòd si igitur duæ sint actiones Dei, & hominis: cedo an altera sit prior? Jam si ita est, eadem actio totum effectum procreabit, & posteri-



poserior actum aget. At fortè simul erunt : ergò altera erit super-  
vacanea, cum unaquæque planè sufficiat. Quis enim neget ignem  
solum posse calefacere.

Ego sanè nolim à communi sententiâ recedere ; sed cum in eo  
concurſu explicando magna sit Philosophorum dissensio, & unicui-  
que liberum sit iudicium ; iis potissimum assentior, qui rem totam,  
& facilius, & simplicius evolvunt : ac providentiâ Dei non modò  
cum libertate nostra conciliant, sed etiâ ab omni omninò mali  
communione secretam apertius ostendunt. Quid ergo ? Si dixerimus  
cum Magnano, & aliis, ut actionem, sic motum, non esse rem ali-  
quam ab agente, & effectu ; à motore, & mobili distinctam : adeò  
ut per motum etiam localem nihil novi fiat, nihil producat. Lo-  
cus enim, qui ex translatione corporis acquiritur, jam antè erat, nec  
de novo procreatur : nihil sanè à ratione alienum ; nihil, quod sensus  
communis respuat, dicturi sumus. Cum ergo res aliqua aliam mô-  
vet, nihil fortè in eam diffundit ; quid enim illud esset ? Sed cum vi  
ingenitâ, seipsam è loco in locum transfert, rem aliam, quæ sibi  
conjuncta est, loco pellit ; cum utraque sit impenetrabilis, & in eo-  
dem loco ambæ non possint consistere. Cum verò Deus rem ali-  
quam movet, quid aliud quàm illam in variis locis continuatâ, &  
minimè interruptâ successione conservat, aut indefinenter creat ? Est  
enim, ut sæpè diximus, conservatio rei continuata productio. Jam  
Deus rem aliquam non nisi in aliquo creat loco ; tam enim absurdum  
esset rem effici nullibi, seu nullo in loco, quàm nullo in tempore ;  
neque hæc duo sunt re, sed tantùm ratione distinguenda, rem pro-  
duci simpliciter & creari alicubi : ergò cum res ipsa in duobus, aut  
pluribus locis successivè producit, rationes illæ locorum nihil erunt  
ab ipsa creatione diversi ; & solâ cogitatione discernentur. Ita ut  
si quid in variis locis successivè creatur, aut quod eodem recidit,  
conservatur, id omni alia re detractâ, hocque solo moveatur à Deo.  
Nec necesse est aut novam qualitatem, aut novum ubi committi :  
sed ut rem Deus loco moveat, id omninò satis est, quòd eam in plu-  
ribus locis conservet. Quod si enim, ut diximus, idem est creare,  
& in loco producere ; cum res effici non possit nullibi ; nec loco-  
rum numerus quicquam novi addat : quòd aliquid in pluribus locis  
successione quâdam creetur, in nullam rem, vel entitatem ipsâ crea-  
tioni, aut conservationi, sed rationem duntaxat, aut diversum  
conciipiendi modum, formalitatem alii vocant, adiecit : atque ut  
uno verbo, quod differi pluribus potest, absolvam : cum Deus movet

creatu-

creaturam, nihil aliud quam eam in variis locis tuetur, & creat. Actio tamen Dei diversa omnino est ab actione creaturæ; cum sint duo agentia: tametsi ob ejusdem effectus unitatem, eadem actio juxta communem concipiendi, & loquendi modum habeatur. Cum autem Deus agat liberrime, potest non modo operari, cum vult, sed etiam cum aliæ causæ exigent. Quid verò tum efficiet? Eas utique conservabit in tali loco, aut tempore, juxta earum exigentiam; idque erit concurrere cum creaturâ. Actio illa Dei, quâ creat, tuetur, & conservat causam secundam, universalis est, motio prævia, indeterminata. Quid illam determinat? exigentia creaturæ, quæ sola nec subsistere potest, nec agere. Nec fortè illa exigentia est quiddam re, sed solâ cogitatione ab actione Dei sejunctum. Quod enim Deus, aut ex beneplacito suo, aut ex nutu & exigentiâ creaturæ, hîc vel alibi; in uno aut pluribus locis eandem conservet creaturam: hoc, inquam, nihil videtur esse quam denominatio extraria, quæ nihil quam relationem quamdam addit ipsi conservationi. Est idem Deus qui agit, eadem res creata; eadem sunt loca, eadem motio. Quid ergo novæ rei esse potest, nisi denominatio, quæ ex indigentia creaturæ reperitur, eaque est velut occasio agendi; cum autem Deus ex beneplacito voluntatis movet creaturam, illa actio ab actu propriæ voluntatis nomen accipit. Sed utcumque ea res sit de consensu Dei generali; cum rebus rationis expertibus, ea mihi videtur hujus divinæ motionis aut concursus explicandi ratio, quam præter cæteros vir doctiss. explicat, & tutior, & intellectu facilior. Quod in materia est motus, id fere quædam in natura existit in bonum universum impressio, vel inclinatio; utrumque enim ab autore naturæ profluit. Ex illius certa & constante lege omnis motus in rectam nititur lineam, nisi quæ causa extraria obstiterit, & mutum aliò inflexerit. Sic inclinationes, aut naturales animi propensiones in Deum ipsum, seu in fontem omnis boni tendunt, nisi voluntas nostra in alios fines has naturæ impressiones deflecteret; & quidem materia ex se iners, & omni est actione destituta, nec impressum à Deo motum aut sistere, aut aliò potest divertere. Sed rectam semper affectat lineam, aut si quid impediatur, quam potest maximum circum, & rectæ lineæ proximum describit, nam certas & constantes naturæ leges non prætergreditur. Non ita est de voluntate nostra, hanc enim vim à suo conditore accepit, quâ naturalem in bonum impressionem non possit extringuere, sed aliò tamen & in diversos fines detorqueat. Vis illa, quâ naturalem impulsione, quæ à Deo profecta, in Deum tendit, quò libitum est flectit & determinat, libertas appellatur.

Eaque

Eaque cum indifferentia semper conjungitur. Itaque citra amorem boni universalis, quod DEUS est, nihil in rebus creatis amare possumus: nam insitum nobis DEI amorem ad res ipsas convertimus, sicut omnes rerum ideæ, aut notiones generalem creatoris cognitionem, aut ideam mentibus nostris affulgentem determinant. Atque in hoc omnis perversitas voluntatis posita est, quod illam, quæ à DEO manat, impressionem, quæque in DEum tendit aliò inflectimus, & instinctus tantum, aut naturæ, non rationali, & electivo amore, DEO inhæreamus.

Sed, inquiunt, DEUS homines, & Angelos condidit, quos in malo permanfuros prævixit. Respondet Augustinus, quod DEUS nullum Angelorum, vel hominum crearet, quem malum futurum esse præscisset, nisi pariter nosset, quibus eos bonorum usibus commodaret; atque ita ordinem sæculorum, tanquam pulcherrimum carmen etiam quasi ex quibusdam antithetis honestaret. Sicut ergo ista contraria contrariis opposita sermonis pulchritudinem reddunt, ita ex quâdam non verborum, sed rerum eloquentiâ, contrariorum oppositione sæculi pulchritudo componitur.

Præterea non debuit DEUS abstinere à condendâ creaturâ, quam proprio vitio, non Creatoris, deformem futuram prævidebat, quod luculenter docet S. Doctor. Sicut melior est vel oberrans equus, quam lapis propterea non oberrans, quia proprio motu, & sensu caret: ita est excellentior creatura, quæ libera voluntate peccat, quam quæ propterea non peccat, quia non habet liberam voluntatem. Et sicut laudarem vinum suo genere bonum, in quo vino inebriatum hominem vituperarem; & tamen eundem hominem jam vituperatum, & adhuc ebrium laudato illi vino, de quo ebrius factus est, anteponerem: ita corporalis creatura in suo gradu jure laudanda est, cum illi vituperandi sint, qui ejus immoderato usu à veritatis perceptione avertuntur. Quamvis iidem rursus jam perversi, & quodammodo temulenti eidem creaturæ in ordine suo laudabili, cujus aviditate evanuerunt, non merito vitiorum, sed adhuc naturæ dignitate præferantur. Verùm eò salimur, quòd de rebus ex usu nostro, non ex rectâ ratione judicamus. Aliter enim æstimat ratio luce veritatis, ut recto judicio subdat minora majoribus; aliter usus, qui ex consuetudine commoditatis plerumque inclinatur, ut ea pluris æstimet, quæ veritas minora esse convincit. Cum enim corpora cælestia corporibus terrestribus magnâ differentiâ ratio præponat: quis tamen carnalium hominum non mallet, quam nam arbusculam in agro suo, aut vaccam in armento? Quòd si igitur ordine corporearum creaturarum, ab ipsis siderum choris, usque ad nu-

nærum capillorum nostrorum, ita gradatim bonarum rerum pulchritudo contextitur, ut imperitiisimè dicatur, quid est hoc? aut quid hoc? Omnia enim ordine suo creata sunt: quanto imperitiis de quacunque animâ dicitur, quare creata est, cum futura esset mala? Nam ad quantumlibet diminutionem, defectumque pervenerit, omnium corporum dignitatem sine ullâ dubitatione superat. Sic pulchrè Augustinus impiorum calumnias adversus providentiam retundit. Quibus adde, quòd in eodem opere accuratissimè docuit, *DEUM videlicet non esse mali auctorem, cum naturæ ipsæ, quas condidit, sint bonæ; & in tantum fiant vitiosæ, in quantum ab ejus, à quo factæ sunt, arte discedunt; & in tantum rectè vituperantur, in quantum earum vituperator artem, quâ factæ sunt, videt, & hoc in eis vituperat, quod ibi non videt.* An illud omninò absurdum non est, malum, quòd à solâ voluntate proficiscitur, in naturæ auctorem conferre, quòd liberam voluntatem condiderit? Quòd si suarum actionum domina est, cur deficere non poterit? Sin autem non est sui juris, & agitur tantum, non magis laudem meretur, quàm horologium suis rotis optimè institutum, quòd horas pulchrè indicat. Illud quoque nos fallit, quòd æternitatem DEI instar temporis mente effingimus: cum ea sit indivisa, ac rebus præteritis juxta & futuris, propter infinitatem suam, coëxistat. Itaque in DEO non est præscientia, sed scientia; nec videt, quæ non sunt futura, sed quæ in tempore posita, æternitati sunt præsentia. Neque adeò ex imperfecta nostra cogitandi ratione ullum satis idoneum duci argumentum potest. Ac perperam colligitur, DEUM, à condendo homine, quem præsciebat peccaturum, cessare oportuisse. Quomodo enim videbat DEUS hominem peccaturum, si homo non peccasset, quî sciebat futurum, quòd minimè erat futurum, uti passim argumentari solet Augustinus.

Rursus instant, si DEUS cuncta providentiâ suâ moderatur, cur justî affliguntur, & improbis cuncta sæpè prosperè succedunt? Vetus hæc querela est. Uno verbo respondet Augustinus; quòd ista temporalia bona, & mala utrisque voluit esse communia, ut nec bona cupidius appetantur, quæ mali quoque habere cernuntur; nec mala turpiter evitentur, quibus & boni plerumque afficiuntur. Nam his bonis temporalibus, nec bonus extollitur, nec malis frangitur. Atque ut sub uno igne aurum rutilat, palea fumat; & sub eadem tribulâ stipula comminuuntur, frumenta purgantur: nec ideo cum oleo amurca confunditur, quia eodem præli pondere exprimitur: ita una eademque tribulatio irruens, bonos probat, purificat, eliquat; malos damnat, vastat, exterminat. Et certè, si in hac vita bonis cuncta ex voto cederent, Bonorum

rum & malorum aperta nimis & manifesta esset distinctio. Quod & fidei nostræ, & hujus vitæ conditioni minùs conveniret. Neque enim hic præmio aut mercedi locus destinatur.

Ac de naturâ quidem archetypâ hæc nunc de illius velut organo, naturâ eotypâ dicamus. Hæc quidem est primum motus, & quietis principium: id enim omnes naturam dicunt, quod cùm sit rebus ipsi intimum, eas quodammodò ad agendum impellit, generationes promovet, atque ad incrementa debitæ magnitudinis perducit. Quodnam igitur illud est? An spiritus cuncta penetrans, divinæ artis idealibus numeris, quos rationes seminarias vocant, insignitus? Hæc natura eotypa ex archetypâ, ait Furnencius, velut phantasma imaginatricis ex verbo mentis nostræ proficiscitur; adeò ut illius spiritus vitalis interjectu divina providentia res omnes corporeas moderetur: non secùs ac peritissimi musici mens medio phantasmate vocis harmoniam fingit; atque ut ars, quæ in præceptore viget, in ipsâ voce, quâ discipulos erudit, fit sensibilis: sic ferè divina sapientia spiritu universi quodammodò vestita se prodit in ipsius mundi regimine.

Enimverò spiritus mundi nomen jam invidiosum est, atque à Peripateticis spretum, à recentioribus quoque repulsum est, quod explicari non possit, nec sensibus subijciatur. Quasiverò aut materiæ notio, aut formæ, quibus naturæ nomen tam liberaliter concedunt, sit nobis apertior. Quid est, cur illi spiritui seminariis rationibus scæto animalium conformationem omnino admirabilem, maximè eorum, quæ ex putredine gignuntur, potius quàm formæ non tribuant? Quid aliud elementa conciliat, aut miscibilia tam justis ponderibus temperat? Undè tot vires ocellæ, quæ in quatuor elementa, aut Chymicorum principia referri non possunt? Nec video, cur à reliquis Philosophis tam fastidiosè repellatur, cùm omnes quiddam illi simillimum inducant, vocibus paululùm immutatis. Peripatetici ad celestes influxus plerumque confugiunt, ut formarum origines, & secretas corporum vires explicent: hic spiritus Platonicis est planè celestis: terra enim est tanquam uterus, qui vim prolificam excipit à cælo; sol verò ut luminis, sic vitalis spiritus fons in medio mundi constitutus, calorem vivificum, vel spiritum æthereum in terram continuo afflatu instillat. Jam inter Peripateticos, qui calorem cælestem ab elementari specie distinguunt, iidem sanè admittunt spiritum universi cuncta permeantem, vitali animalium spiritui congenere. Hunc quippè unà cum aëre spirantes ducimus; hoc vivimus, hoc alimur. Nam si rerum sublunarium vita in arctissimâ societate materiæ

cum formâ consistit, utriusque nexus est mutuus caloris, seu spiritûs, & humidî vitalis amplexus: spiritus est tanquam flamma purissima; ipsius pabulum est humidum primigenium. Mitto Chymicos, qui plura fortassis quàm necesse est, huic spiritui tribuunt. At Cartesiani non plurimum à Platoniciis videntur dissidere, cùm subtilem fingunt materiam per omnes mundi partes diffusam, quæque ex sole potissimum, & aliis sideribus, quæ propriâ luce fulgent, profluit, atque omnium ferè motuum est opifex. Nec video quid certæ, ac definitæ motuum leges, ex quibus naturæ ordo, generum propagatio, ac rerum ortus, & occasus pendent, à rationibus seminariis, quæ spiritui prolifico sunt impressæ dissideant. Verùm de iis rationibus jam alibi *Lib. de fos. silibus, c. 1.* plura diximus, & variis in locis nonnulla quoque spargemus; id unum restat, ut de mundo sensibili, ac primùm de materiâ, & formâ differamus.

## CAPUT QUINTUM.

*De Mundo sensibili, ubi fusè de Mundi origine.*

I.  
*Quod in  
tempore  
Mundus  
conditus  
sit.*



EUM esse hujus Mundi opificem agnoverunt saltem melioris notæ Philosophi, Plato imprimis, qui in *Timæo* tanti operis fabricam, & molitionem pulchrè explicat. *Primum*, inquit, *consideremus, quod in omni quaestione ante omnia investigare debet, utrum hoc universum semper fuerit, sine ullo generationis principio, an genitum sit, ab aliquo principio sumens exordium.* Id profectò cernitur, tangitur, & corpus habet: omnia verò hujusmodi sensus movent; quæ sensus movent opinione per sensum percipiuntur: hæc verò talia esse constat ut gignantur, & genita sint: quidquid autem gignitur, ab aliquâ causâ gigni asserimus. Opificem quidem, & Patrem mundi invenire difficile, & cùm jam inveneris, predicare in vulgus nefas. Et sanè nihil absurdius fingi potest, quàm existimare hunc mundum ex turbulentâ atomorum concursu prodidisse. Si mundum, inquit *Tullius*, efficere potest concursus atomorum; cur porticum, cur templum, cur domum, cur urbem non potest, quæ sunt minus operosa, & multò quidem faciliora? Item cur non idem *Epicurus* putet, si innumerabiles unius & viginti formæ literarum, vel au-

*Lib. 1. de  
Nat.  
Deor.*

rea,



reæ, vel qualeslibet aliquò conciantur, posse ex iis in terram excuf-  
fis annales Ennii, ut deinceps legi possint, effici, quod nescio, an ne  
in uno quidem versu possit tantum valere fortuna.

Verùm hîc nobis turba Philosophorum obstrepat, qui nullâ men-  
tis contentione concipere possunt, quomodo DEUS citra ullam sui  
mutationem mundum in tempore condiderit. Quasi verò DEUS neces-  
sitate agat, non libero voluntatis arbitrio. An tantus stupor illos op-  
prescit, ut nihil de novo DEum creare posse existiment? Certè si nunc  
temporis potest vel hominem, vel Angelum procreare, quis negabit  
potuisse mundum in tempore producere.

At inquirunt, quid placuit DEO facere cælum, & terram: cur an-  
teà non fecit? Quibus respondeo cum Augustino, *causas voluntatis*  
*DEI scire querunt, cum voluntas DEI omnium, quæ sunt,*  
*ipsa sit causa: & si voluntatem DEI nosse quispiam desiderat, fiat ami-*  
*cus DEO; quia si quis voluntatem hominis nosse vellet, cuius amicus*  
*non esset, omnes ejus impudentiam & stultitiam deriderent.*

Quocircà suavisimè nugatur Vellejus apud Tullium, cum requi-  
rit, cur mundi adificatores repente extiterint, innumerabilia ante sæ-  
cula dormierint? Qua molitio? Qua ferramenta? Qui vestes? Qua  
machina? Qui ministri tanti muneris fuerunt? Quid enim stultius,  
quàm omnia casu, & fortunâ, non ratione facta fuisse arbitrari? Utri  
potiùs audiendi, Epicurei, an Platonici? Illi cælum, terram, homines  
concurfu atomorum repente prodiisse, DEum omninò cessare, nihil  
moliri contendunt: Hi contrà ex operibus magnificis, atque præela-  
ris cùm ipsum mundum, & ejus membra, ut loquitur Tullius, cælum,  
terras, maria, tum horum insignia solem, lunam, stellasque vidissent;  
cumque temporum mutationes, maturitates, vicissitudinesque co-  
gnovissent, suspicati sunt aliquam excellentem esse, præstantemque  
naturam, quæ hæc fecisset, moveret, regeret, gubernaret. Quòd sit, ut Lib. de  
ait Seneca, non sine aliquo custode tantum opus stat, neque hic siderum Providen-  
tius discursus fortuiti impetus est; nam quæ casus incitat, sæpe tur-  
bantur, & citò arietant: hæc verò inoffensa velocitas procedit æterna  
legis imperio: an dubitabimus, quin hoc universum idem condiderit,  
qui gubernat?

Neque nos conturbent Aristotelis cavilli, dum negat motum, vel  
tempus incæpisse, quòd vel ab æterno mobile fuerit, vel unâ cum  
motu cæperit. Hoc utique posterius accipimus. At non potest mobi-  
le fieri, quod antè non erat, nisi per motum; id verò negamus. Quod  
enim sit ex nihilo per creationem, id sine motu efficitur; neque  
creatio est quiddam rei, quæ efficitur; adjunctum, vel à creante

In Astro-  
nomia  
Physic.  
Lib. 2, c. 1.

discretum. At si tempus aliquando incœpit : ergo aliquando , aut prius non erat tempus , cùm tamen prius , vel aliquando sine tempore concipi non possit. Hoc scilicet ludere est in æquivoco ; cùm in tempore fictitio , aut potius in ipsâ æternitate , nihil sit prius , aut posterius : nec antè verum , sed fictitium tempus fuit. At cœlum est generationis expers : uti & materia : & motus cœli circularis principium & finem non habet : id demus , quòd tamen alibi falsum esse ostensum est , nullum esse in cœlo , aut generationi , aut corruptioni locum. An fortè hinc sumes id creari ex nihilo non posse ? Sed negant Philosophi , quod ortum sit , æternum esse posse , aut cujus aliquod initium sit , ejus nihil esse extremum. Hæc ad summum suadent mundi coagmentationem suâ naturâ esse dissolubilem : quanquam , ut ait Plato , DEO volente non dissolvatur : nec necesse est ejusmodi effata Philosophorum , quæ nullâ ratione demonstrantur , pro confectis admittere.

Sed acrius sibi videntur urgere , cùm motorem æternum sine motu , aut tam immenso spatio DEum cessasse , & nihil agere non potuisse pertendunt ; si enim , inquit Proclus , potuit DEUS , & noluit , fuit invidus. Laborémne fugiebat , ait Vellejus , at iste nec attingit , DEum , nec erat ullus ; cùm omnes naturæ Numini divino , cœlum , ignes , terræ , maria parerent. Multa ejusmodi congerunt , quæ non ex alio errore manant , quàm quòd DEum intar hominis mutabilem ; aut potius ut agens quoddam fingant , quod impetu , & naturâ , non ex libertate operetur : cùm tamen tam facilè sit animo concipere , cur DEUS undequaque perfectus , & liberrimus , & nulli necessitati addictus mundum condiderit , quàm quòd nunc res singulas efficiat : nisi fortè velint DEum omnino feriari , & etiamnum nihil agere , quod sanè omnium mentes refugiunt. Nec invidus fuit DEUS , si universum ab æterno non effecerit , quid enim erat cui invideret ? Sed antiqua DEI voluntas , inquit Averroës , non magis potuit mundum de novo producere , quàm nova potest voluntas id , quod vetus est , efficere. Ridiculum , quasi in DEO quiddam sit antiquum , aut novum , aut hominum more sit mutabilis. Sed idem quamdiù idem permanet , diversa non efficit. Illud fortè de agente necessario , & naturali , non item de causâ liberrimâ statui potest. At ne in cogitationem quidem cadere potest , ut fuerit tempus aliquod , nullum cùm tempus esset. Nemo id dixerit : sed una fuit æternitas , quam nulla temporum circumscrip-  
tio metiebatur.

Et sanè mihi hæc attentius perpendenti , quæ fides nostra de mundi origine docet , multò videntur ad credendum procliviora , quàm  
quæ

quæ Aristoteles, & cæteri Philosophi commenti sunt, Quis enim in animum potest inducere jam infinitas temporum, & motuum periodos esse decursas? An Deus primum aliquem vel hominem, vel leonem ab infinito tempore condidit? Si nullum, qui primus esset, creavit, profectò non is rerum auctor, vel opifex futurus est: atque omninò in eorum opinionem, qui omnia casu, & necessitate materiæ formata putant, revolvemur. Quòd si primus aliquis homo à Deo creatus est, cedo quì possit esse infinitus hominum numerus duobus extremis ex utrâque parte conclusus? Aut quomodo ab infinito tempore finita duntaxat hominum series pertransiit? Mirum si ah æterno mundus sit conditus, tot artes ad vitæ usum necessarias, tot præclara inventa tam nupera esse, quæ si aliquando fuissent excogitata, nunquam periissent, ut acus nauticæ usus, typographia, pistrinorum usus, & alia penè innumera. Hæc sanè magno sunt argumento, mundum non esse Deo coævum? Sed jam mittamus obsoletas veterum opiniones de mundi origine, & divinum Mosem auctorem, *qui creationem mundi sex diebus absolutam sic narrat, ut altitudine superbos irrideat, profunditate attentos terreat, veritate magnos pascat, affabilitate parvulos nutriet.* Angust.

Atque, ut ego arbitror, nemo omnium est, quì cum rem ipsam æquo judicio perpenderit, Moyse potius fidem non adhibeat, cum hoc universum ab omnipotenti artifice conditum narras, quàm Pphilosophis, qui aut æternum id esse pertendunt, aut ex turbulentâ atomorum concursione prodiisse: primum enim ea dicunt, quæ sensus communis omninò respuit, rerum distinctionem, ordinem universi, plantarum varietatem, structuram animalium, citra ullum artificium, aut certis motuum legibus, aut materiæ necessitati, aut casûs temeritati, non divinæ sapientiæ referri oportere. Cum illius mentis, quæ cuncta condidit, & disposuit vestigia quædam rebus omnibus impressa, quasi descripti characteres appareant.

Qui verò æternitatem mundi tuentur, tot se induunt difficultatibus, ut ex iis sese expedire non possint, nec quicquam afferunt, nisi subtiles quasdam & minutas rationes ex intimâ metaphysicâ depromptas, & ab hominibus excogitatas, quæque adedò non dubiæ, non suspectæ esse non possunt.

Quanto facilius iis, quæ à Moyse tradita sunt, acquiescit animus. Primum enim ea narrat de mundi origine, de hominis creatione, & lapsu, & ipso diluvio, ut alia omittam, quæ nulli unquam homini in mentem venire potuissent; narrat, inquam, res tantas stylo simplici, non fucato, non humano, sed qui omnes veritatis notas

notas præ se ferat; Cuius mundi creationem uno capite complectitur, legentium animos non præparat, ut intentos efficiat, non motus excitat humanos, non exaggerat, non accersitis descriptionibus indulget, sed rem ipsam nudè & simpliciter exponit; atque ea dicit, quorum traditio per paucas hominum generationes transmissa, in multorum animis integra vigeat. A tot miraculis, tot prodigiis, quæ ipse, ut publica, ut testatissima, ut confessa monumentis tradidit, adeo auctoritatem sibi conciliat, ut qui omnes rerum gestarum circumstantias intento animo perpenderit, de iis nullo modo dubitare possit. Nam ut sapienter à viro clariss. fuit observatum, rationes ex sensu ipso communi, ex factorum evidentiâ, ex intimo hominum sensu, aut moribus, rerum historiâ, & experienciâ ipsâ desumptæ, non minus firmitate sunt, & inconcussæ, quàm quæ ex abditiore metaphysicâ sumuntur demonstrationes. Hæ quippè magnâ ex parte subtiliores sunt, quàm, ut à vulgo hominum facile capiantur. In iis, quæ moralem habent certitudinem, penè tota vita consistit; nec minoris esset, dementiæ de his dubitare, quæ falsa esse non possunt, quàm si quis geometricas demonstrationes in dubium revocaret. Quod si eo volumine Judæorum Resp. religio, leges omnes contineantur, ac sapientissimi Reges ut David, & Salomon, nec non Prophetæ omnes hoc velut fundamento subnixi, tam præclara divinæ cujusdam sapientiæ documenta traderint: Quod si & Judæi & Christiani hunc librum æquè venerantur: hinc religionis quique suæ velut jura primæva depromunt: hoc quidem opus non esse humani ingenii fœtum, quisquis rem ipsam certo iudicio, non cæco animi impetu expenderit, facile iudicabit. Ac longè major illius, cum de mundi origine agitur, quàm omnium Philosophorum apud nos valere debet auctoritas. Ac plura quidem de iis, quàm statueram, ut quorundam levitatem reprimerem, qui perturbationum æstu abrepti, & voluptatum illecebris excecati religionis nostræ fundamenta convellere moliantur; Philosophos, qui æternitatem mundi, aut tumultuarium atomorum concursum committenti sunt, Mosis & Prophetarum auctoritati antepone non verentur. Ii scilicet ex mundi angulo, in quem eos natura detruxit, temerè pronuntiant, quæ Moses de mundi primordiis tradidit, fictitia esse & fabulis proxima; nullum esse mundi conditorem; ex nihilo nihil fieri potuisse; quæ Moses per 40. annos edidit, prodigia, nihil fuisse, quàm præstigias; mare rubrum siccò vestigio Israëliticum populum pertransisse, quod, æstus reciproci tempus captaverit. Atque alias huius generis magno conatu nugas agunt, quas aut referre non vacat, aut refellere.

Quod

Quod si pravis affectibus, aut malis moribus iudicium animi corruptum non haberent, ac serio in rem tanti momenti animum intenderent, profecto ex ipsâ scribendi ratione, quæ non ab imposturâ solum, sed ab humanâ prudentiâ, aut affectu, & omni ostentatione, mirum quantum abest; ex rerum maiestate, quæ ab hominis ingenio, rudipotissimum eo sæculo, excogitari non potuere; ex ipsius DEI notione, & ideâ tam sublimi tum DEO digna, quam tradidit, qualem nemo ex Philosophis est consecutus; & DEI cultu, & summa religione, quam in DEI amore potissimum constituit, quod unum vel maxime verum DEI cultum à falsis discriminat. Quod si, inquam, hæc omnia acriori animo, ut par est, intuerentur, faciliè intelligerent, Mosem nec fallere, nec falli potuisse, cum mundi creationem tam aptè, tam sapienter exposuit. Neque id pertenderent per 40. annos tam numerosam plebem falsis miraculis, aut prodigiis delusam unius hominis, qui tam apertè meniretur, regimini sese tradidisse; tam duræ, tam severæ legi, quæ prævaricatores morti addicebat, homines ad idololatriam pronos, ad seditionem promptos, solâ seductoris autoritate permotos sese subsidisse, atque in eâ legis observatione per tot ætates ita constantes fuisse; adeo ut lex & ceremoniæ non minus in Judaici populi usu, observatione, & regimine, quàm in libris ipsius descriptæ videantur. Verùm his omisitis ad institutum redeundum.

Narrat, inquam, Moyses primò, creationem universi. 2. illius in partes distinctionem. 3. ornatum. In principio, inquit, DEUS creavit cælum & terram. Terræ, & cæli nomine, tanquam centri, & circumferentiæ totum complectitur universum: triplicem verò insinuat informitatem, cæli, aquæ, & terræ. Primam exprimit per tenebras; secundam per abyssum; tertiam per inanitatem: cum ait, terra autem erat inanis, & vacua: inanis, sive ut habet alia versio, invisibilis, propter obscuritatem; vacua, seu incomposita, propter informitatem.

Sed ut oð, unde digressa est, revertatur oratio; hæc verba divini Moysis accuratiùs ponderemus. In principio DEUS creavit cælum, & terram: fortè in principio, id est in verbo æterno: nam verbo Domini cæli formati sunt, & spiritu oris ejus omnis virtus eorum; aut potius in principio temporum: nam fide credimus aptata esse sæcula verbo, ut ex invisibilibus visibilia fierent, id est, ut ex mundo archetypo mundus ectypus prodiret.

Creavit cælum & terram, hoc est naturam spirituatem, & corpoream: vel materiam omnibus communem, cæli & terræ nomine intelligit, quæ sex diebus distincta fuit, & ornata. Hinc Plato terram,

*In Timao.* & ignem primò fuisse creata docet. Quoniam (inquit) quod sit, corporeum, spectabile, & tractabile esse oportet: ac sine igne videri nihil potest, nihilq. sine solido tangi, & solidum absque terrâ nihil: idèò in operis hujus exordio, DEUS ignem primò terrâque creavit. Addit ignem, & terram duplici vinculo scilicet aëre & aquâ eâ proportionem fuisse inter se devincta, ut quantò ignis aërem, tantò aër aquam, & aqua terram puritate superet: ex quo, inquit, universum seipsum amicitia concordie complectitur, atque ita aptè cohæret, ut nequeat dissolvi ullo modo, nisi ab eodem, à quo est colligatum. Sequitur.

VI.

Terra autem erat inanis, & vacua, &c. Illa abyssus tenebrosa, cujus meminit Moses, fortè est materia prima, quæ per terram vacuum, & inanem, ut privatio per tenebras; dispositiones materiam præparantes, per aquas adumbrantur: triplex materia dimensio per abyssum exprimitur; nam abyssus est profunditas aquarum: terra aquis operta, est materia suis dispositionibus quasi irrigata, ut beneficio agentis, quod per spiritum aquis incubantem insinuat, formam, quæ lucis scintilla est, parit: & ita ex materiæ & formæ conjugio fit compositum, tanquam dies unus; ita ferè conjicit Joannes Picus Comes Mirandulæ. *Et vidit DEUS lucem, quod esset bona. Numquid ergo quia placet ei quod fecit, idèò non noverat bonum? prorsus noverat intus in mente suâ, ubi ars ipsa pulchrior est, quàm illa, quæ arte fabricantur: sed quod videt artifex, intus in arte, hoc foris probat in opere.*

*In Heptaplo.**August.*

2. De aquarum  
divisione.

Lib. 3. de  
Gen. ad  
he.

Nunc igitur ad secundum diem veniendum, in quo aquæ superiores ab inferioribus per firmamentum divisæ sunt. Longa mora est commemorare omnes sententias de firmamento, quod tanquam septum, superiores aquas ab inferioribus discriminat. Illud duntaxat adnoto cum Augustino, quod aquarum natura bipartium locum sortita est, inferiorem scilicet in undâ labili, superiorem in aurâ stabili; illum deputatum natantibus, istum volantibus: sicut huic elemento congruos duos etiam sensus animalibus datos videmus; olfactum explorandis vaporibus, gustum explorandis liquoribus. Non igitur abhorret à vero per aquas cælestes aërem intelligendum.

Tertio die congregatæ sunt aquæ subcælestes in locum unum: nam, ut ait Trismegistus, terra quidem & aqua manserant in seipsis commixta: ita ut terra non videretur præ aquâ? sed discreta sunt ab invicem terra, & aqua, quatenus mens voluit. Frustrâ igitur querunt quomodo aqua in unum collecta sit locum, an ex aëre condensato



fato prodiit aqua? an per meatus subterraneos in lacus ingentes sese recepit, an fortè aliter? Eodem die iussit DEUS ut terra germinaret 3. Produ- herbam virentem, & lignum pomiferum juxta genus suum. Hinc *Ætio plan-* origo formarum, quæ jussu DEI indefinenter multiplicantur: hæc *ra-* tiones seminales, de quibus suo loco egimus: reliqua breviter per- stringamus.

Quarto die sol formatus est, cum lunâ, & stellis innumeris, ut essent in tempora, dies, & annos: per tempora intellige planetarum revolutiones; per dies motum primi mobilis; per annos statas solis periodos. Hæc sidera vocat Plato Deos cœlestes, quos DEUS sic al- loquitur in Timæo. *V. De ornatu cœli, & terre.* *Dii orti ex diis, quorum opifex ego, & pater sum, hæc attendite. Quæ à me facta sunt, me ita volente indissolubilia sunt: omne siquidem, quod vinctum est, solvi potest: sed mali est, quod pulchrè compositum est, seq. habet benè, velle dissipare. Quapropter quia generati estis, immortales quidem, & indissolubiles non estis; nec tamen unquam dissolvemini: nec mortis fatum subibitis: nam voluntas mea majus præstantiusque vobis est vinculum ad vitæ custodiam, quam nexus illi, quibus estis tum, cum gignebamini, colligati.*

Quinto die aqua pisces, & volatilia edidit, ut sexto die terra omnis generis animalia protulit. *Aër*, inquit Hermes, *volatilia protulit, aqua natantia, & produxit terra, quæ habebat animalia, quadrupedia, reptilia, fera, & cicura.*

Sexto denique die homo ad imaginem sui opificis creatus est, ut cum Rex aliquis statuam suam jubet in medio civitatis, quam extruxit, collocari. Ad imaginem DEI formatus homo dicitur, non solum propter animam rationalem, quæ est quasi radius immortalis divini luminis (sic enim Angeli multo majorem DEI similitudinem gerunt:) sed quia ut DEUS rerum omnium perfectiones in se complectitur, sic homo totius naturæ est quasi compendium: divina cum humanis conciliat: tempus cum æternitate connectit: unde à Christo Domino omnis creatura appellatur. *Predicate*, inquit, *Evangelium, omni creatura: & Apostolus; omnis creatura ingemiscit, & parturit usque adhuc: quem locum explicans Augustinus. Omnis, inquit, creatura in homine est, qui intelligit spiritu, & sentit animâ, & localiter corpore movetur: insunt illi ex omnibus hujus corporei mundi elementis quedam partiula ad temperiem valetudinis: nam & calore membra vegetantur, qui est ab igne, cujus etiam lux per oculos emicat; & aëre venarum discursus, quas arterias vocant, atque spiramenta pulmonum replentur: & humor nisi esset, nulla sputamenta conflu-*

erent, vitam absumeret siccitas : nam & ipse sanguis humido lapsu alias venas replens, quasi rivis, & fluminibus per cuncta diffunditur. Itaque sicut DEUS mundum propter hominem machinatus est, ita ipsum propter se tanquam divini templi antistitem, spectatorem operum, rerumque cœlestium.

Mitto quærere, an omnia simul & in eodem momento creata fuerint, ut placet Augustino : aded ut Scriptura infirmitati hominum blandiens, potius rerum creaturarum ordinem, prout omnes erant in verbo disposita, quæ creationis opus sex dierum voluminibus absolutum descripserit : unde cum dicitur factum est vespere, & mane dies unus : vel intelligamus vespeream propter translationem consummati operis, & mane propter inchoationem futuri operis : vel quia res omnes create sunt ab æterno in verbo ; per diem intelligamus cognitionem, quam habent Angeli in verbo, per vespeream, cognitionem, quam habent Angeli in seipsis ; sit autem mane cum non hærent in cognitione creaturarum, sed eam referunt in DEUM, à quo irradiantur. An potius sex integri Dies verterint, & sexto omnia fuerint absoluta, ut sexto die opus reparationis perfectum est ; & septimo DEUS cessavit ab omnibus operibus creandis, non propagandis : sicut die septimo Christus requievit in sepulchro, ut nos æternum sabbathum celebremus. Tot igitur de mundi creatione dicta fuerint, quæ omnia eò tendunt, ut ex opere Opificem agnoscamus, & per ea, quæ facta sunt, invisibilia DEI conspiciamus. Sed dicit aliquis, ista quidem DEI opera video, illum non video. Ad ista, inquam, videnda corporis oculos dedit ; ad se videndum mentem : neque enim ad animam hominis vides : sicut ex motibus, & administratione corporis animam, quam non vides, intelligis : sic ex administratione totius mundi, & ex regimine ipsarum animarum intellige Creatorem.

August.

VI. Nunc perpauca de mundi principiis dicamus. Mundi hujus generatio (inquit Plato) ex necessitatis mentisque coitu mixta est, id est ex materia, & forma prodiit. Materiam vocat generationis receptaculum, seu formæ sensibilis subjectum, & quasi nutricem : formam quippe generationis nomine insignit, quia in continuo fluxu est posita : cum sola permaneat materia, tanquam formarum omnium & formæ locus. Si quis, inquit, cunctas figuras ex una eademque materia fictas continuè in alias, & alias reformet, deque una quadam illarum præsens in Timæo, aliquis, quid sit quærat ; verè admodum, & tutissimè respondere possumus aurum illud esse, triangulum verò esse, aut aliam figuram earum, quæ impressa sunt, & continuò permutantur, quasi reverà sint, non

*non licet dicere.* Sic formæ sensibiles continenter dissipantur, solâ materiâ supersititæ.


Materia prima cùm sit informis, adulterinâ duntaxat cognitio-  
nè percipi potest. Siquidem ut visus nihil nisi lumen perspicit, sub  
quo aliquid tenebrosum latere potius divinat, quàm videt; sic mens,  
quæ forma est, nihil nisi formatum intuetur, quantumvis conjiciat,  
aliquam materiam sub formâ delitescere.

Quòd verò materia informis sit, ac propriâ specie destituta, hac  
similitudine docet Plato. Qui unguenta suaviter redolentia confe-  
cturi sunt, humidam materiam, quam certo condire odore volunt, ita  
preparant, ut odorem nullum proprium habeat; & qui materis mol-  
libus, impressionique cedentibus, figuras imprimere aliquas volunt,  
nullam omninò priorem in eis figuram apparere patiuntur: sed ex-  
actissimâ quâdam lavigatione eas poliunt. Ita illud, quod omnibus  
passim æternorum simulachris rectè figurandum est, iis omnibus for-  
mis naturâ suâ carere necesse est. Quid igitur est ignis, si Platonem  
audias, nisi pars materiæ humefacta? Siquidem ignis sensibilis est tan-  
tùm per participationem ignis idealis, ac melius aliquid ignitum,  
quàm ignem dixeris.

Porro unum quodque elementum ab alio discrepat penes mate-  
riem, virtutem, & actionem: nam elementa subtilia sunt vel crassa;  
acuta, vel obtusa; mobilia, vel immobilia. Ignis subtilis est, acutus,

& mobilis: terra è contrario crassa, & obtusa, & immobilis: ær  
subtilis, obtusus, & mobilis; aqua crassa,  
obtusa, mobilis.





## LIBER SECUNDUS.

De Principiis rerum juxta Peripateticos, Epicureos, &amp; Cartesianos.

## CAPUT PRIMUM.

*De Principiis rerum juxta Peripateticos.*

I.  
*Quis sit  
Philoso-  
phia Peri-  
patetica  
character.*



C mihi quidem videor summa Philosophiæ Platonici principia breviter complexus : nunc ex Academiâ in lycæum, & velut ex ludo in aciem, dimicationemque veniendum. Platonici enim verbis grandes, sententiis crebri, magis ad pompam, quàm ad victoriam certant : contra Peripatetici subtiliter definiunt, acutè concludunt ; quæ sunt in mediâ Philosophiâ retrusa, atque abdita, investigant diligentius : ii quæ perpugnaces in disputando, non tam palæstrâ, & oleo, quàm armis instructi, ac concisis disputationibus illicari in arenam descendunt. Hinc se suis aculeis pungunt, & dum quisque Aristotelem in suas partes vel invitum trahit, in varias sæpè scinduntur hæreses. Nam hujus philosophiæ dictator rerum comprehensione brevis est, & interdum subobscurus, atque ut intelligatur, magno opus est ingenio : quanquam & interpretum numero laborat. Nos sanè, qui omnes omnium Philosophorum sectas lustramus, & quantum fieri potest, eos in gratiam redigere, & conciliare nitimur, quique in singulis, si quid veri quàm simillimum videatur, quasi nostrum arripimus, nec obscuritas Aristotelis deterret, nec summa Peripateticorum inter se dissensio repellit. Quocirca primum quid de rerum primordiis Aristoteles statuerit explicabo brevi ; tum varias Peripateticorum sententias excutiam, & quid mihi probabilius videatur, (nam verum in occulto latet) tandem aperiam.

II.  
*Veterum  
de præter-  
itis præsta-  
ta explican-  
tur.*

Multus est Aristoteles in consutandis Veterum opinionibus de primis rerum principiis : sed vereor, ne parùm sincerè, quæ suminis viris visa fuerint, Philosophus minimè sui contemptor, aliis paulùm iniquior, retulerit. Parmenides enim, quem admodum exagitat, magnis à Plato-

Plato-

Platone laudibus effertur : nec adeò fuit absurdus , ut unum esse omnium principium , & immobile decerneret : cum idem , teste Aristotele , principia inter se contraria , calidum videlicet & frigidum definierit. Ergò vel unius principii nomine DEUM seu mentem cum Anaximandro , Anaxagorà , Xenophane , & aliis intelligi voluit , vel totum hoc innuit universum , quod unum est ordine , multiplex sensu. Sic Thales Milesius aquam , Diogenes aëra , Heraclitus ignem , Hesiodus terram , prima rerum omnium principia statuere. Non quòd Thales ex solà aquà cuncta coalescere arbitretur ; sed eam esse aliis substantiis referam , & quasi vehiculum : DEUM verò esse eam , mentem , quæ ex aquà cuncta fingeret , cum Anaxagora , & Anaximandro opinatus est. Hi quippè secretionē , & compositionē partium , non materiæ transmutatione effici omnia crediderunt. Non dissimilatione de igne , aëre , & terra , vel seorsum , vel simul spectatis , alii vesteres senserunt : ignem videlicet esse causam rerum effectricem , non materiem. Æthera vim prolificam cunctis impertiri , non in corpora facessere ; terram denique suo sinu , fovere omnia , quæ gignuntur ; quatuor elementa esse velut matrices omnium seminum , quæ per amicitiam , & litem , consensum , vel dissensum , aut coire solent , aut secerni.

At si omnium sententias expendere , atque ad rationis trutinam III. castigare volumus , ubi finis ? Sed quæ fuit summa omnium Veterum Principia consensio , principia rerum contraria statuere. Empedocles litem , & esse amicitiā ; Parinenides calidum , & frigidum : Democritus plenum , & traria , vacuum. Et hoc quidem rectè , ut videtur Aristoteli. Principia enim sunt , quæ non fiunt ex se invicem , neque ex aliis ; sed ex iis omnia. Quare necesse est eadem esse contraria , imò & prima contraria : nam ex his oritur omnis contrarietas. Siquidem quodlibet non fit ex quolibet : album non fit ex musco , sed ex non albo , ex nigro videlicet , vel ex alio quodam colore , id etiam quod corrumpitur , aut mutatur , in contrarium degenerat. Necesse igitur est , ut omnia , quæ naturā fiunt , sint contraria , aut ex contrariis generentur : ac proinde quidquid gignitur , ex oppositâ privatione quodammodò fit , ac proficiscitur. Hinc tria esse generationis principia colligit Philosophus.

Cum enim ea sint contraria , non unum , sed plura esse necesse IV. est : neque erunt infinita ; tum quia cognosci non possent , tum etiam *Tris esse* vel maximè , quòd unius generis una est contrarietas , ad quam cœ- *ex Aristotele* omnes revocantur : substantia verò unum , quoddam genus est : *tele gene-* ergò in principiis substantiæ , non sunt plures , nedum infinitæ , sed *rationis* una duntaxat contrarietas. Atque adeò jam nobis duo ad sunt prin- *principia.*  
cipia

cipia, quæ inter se sunt quodammodo opposita, scilicet forma, & privatio; illa acquiritur, & abjicitur. Verum non potest unum contrarium in aliud commigrare. Calor non congregat frigus; nec amor conciliat odium. Tertium igitur quoddam principium, quod tanquam subiectum excipiat contraria, admitti debet, nempe materia prima, quæ omnem mutationis, & generationis ordinem sustineat. Nam in generatione, ut in motu omnia tria reperiuntur: terminus à quo fit recessus, qui nomen privationis obtinuit, terminus à quo festinat generatio, qui nihil est quàm forma: ac demùm id quod utriusque termino subternitur fundamentum, quodque materia prima vocatur; hæcque forma & privatio per vices occupant.

## V.

Lib. I.

Physic.

Argumenta in contrarium

&amp; quomodo solvantur.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

V.

Hæc ferè Aristoteles de principiis in univèrsalium disputat, quæ sanè omnibus non probantur. Neque enim, inquit, privatio, quæ aut nihil prorsus, aut ad summum forma est quædam à ratione confecta, augustum principii nomen debet usurpare. Quin etiã ipsa privatio est contra naturæ intentionem, cuius finis est forma; quomodo igitur in principiorum numerum adscribitur? Sed forma ipsa gignitur, è materia eruitur; neque adeò potest inter principia, quæ neque ex aliis, neque ex se invicem fiunt, numerari. Quæ ergo sunt illa principia, quorum unum ne entis quidem rationem habet, alterum effectus est generationis; tertium, ne cogitatione quidem comprehenditur; neque enim materia, quæ sit omnis formæ experts, intelligi potest.

Nihil meo quidem iudicio afferri potest, quod Aristotelem ab omni calumniâ magis vindicet, quàm quod nuperrimè in hanc rem fusè differuit doctus juxta & elegans scriptor, qui peripateticæ & Cartesianæ philosophiæ principia sic libravit, ut, quantum fieri poterat, hos philosophos inter se conciliaret. Illud itaque statuit, non aliud Aristotelis fuisse propositum, quàm ut brevem & dilucidam naturæ dignoscendæ rationem aut methodum traderet, prima rerum principia, non naturæ, sed cognitionis nostræ, non simplicissima, sed notissima, unde cognitio nostra duceretur, non in quæ ultimò desinere, exposuisse. *Omnibus*, inquit l. 1. *Met. principium commune est, esse primum unde aut est*; Ecce principia compositionis; *aut fit*; principia sunt activa; *aut cognoscitur*: de his agit potissimum in physicis. Hoc enim loco discipulos erudiendos suscipit, doctrinæ adeò, non ipsius naturæ methodum sequitur; ab iis, quæ sunt maximè sensibilia initium capit; *non enim*, inquit, eodem *Met. loco*, à primo ac rei principio aliquando inchoandum est, sed unde quis facilius discat: cum autem duo sint compositionis principia, materia scilicet & forma: hæc cognosci antè non potest, quàm materiæ quædam cognitio præ-



præcesserit, Quò autem materia sit nobis perspecta, & forma, & accidentia omnia, primò sunt detrahenda, ut in statuâ; forma & modi omnes, aut accidentia, quæ materiam determinant, ut habeat statuæ rationem, sunt abjicienda, quò primam seu proximam & notiore ut in statuâ materiem, nempe æs ipsum, omnium accidentium subjectum perspectum habeamus, sic primam cognitionem privationis aut remotionis viâ consequimur; ac materiem seu æs ipsum neque esse quid, neque quantum, neque quale, neque aliquid aliud, quibus statua determinatur, jam novimus. Sed non continuò nobis nota est materiæ potentia: qui scilicet potuerit in statuam efformari; nisi æris proprietates quod fundi possit, & figuræ moduli aptari noverimus, ex iis enim in formæ cognitionem ducimur. Sic ex privatione materiam, & ex materiâ formam novimus. Hæc igitur physices principia dici possunt, non aliter ac grammatices regulæ, elementa latinæ aut alterius linguæ vocitantur. Tametsi grammaticæ neque est lingua, neque ipsius cognitio sed discendæ linguæ peritia & ratio.

Verùm, inquiunt, cur inter naturæ principia habenda sit privatio, cùm non entis nullæ sint affectiones; nec magnum ad secretiora naturæ arcana diligentius exploranda asferre possit momentum privationis cognitio. Quid enim magni dicimus, cùm ignem ex non igne gigni asserimus? An istuc quivis de vulgo ignorat? Nisi fortè is qui artem pingendi, aut ædificandi vult ediscere, ante omnia docendus sit effigiem Cæsaris in tabellâ ejusmodi imagine privatâ; aut domum ex lapidibus nondum in formam domus aptatis, esse construendam. His quidem Respond. privationem inter cognitionis principia numerari oportere. Vix enim materiam cujusque rei & formam, totum adeò compositum perspectum habueris, nisi materiam suâ formâ exutam, & privatam, sis ante contemplatus. Quò melius horologii structuram cognoscas, partes omnes seorsum spectabis, & si fieri possit, non mente solum, sed reverâ omnem rotarum compagem dissolves, ut materiam suâ formâ privatam consideres. Cum itaque hoc loco Aristoteles principia cognitionis inquireret, non mirum, si privationem inter principia, non compositionis quidem, sed cognitionis recensuerit. Sic vir eruditissimus Peripateticos cum aliis Philosophis satis aptè conciliat; Id enim statuit, Aristotelem ut Magistrum & doctorem rerum principia exposuisse: neque eum quæ sint prima naturæ principia, sed qua nobis notissima, & sensu perspecta, non synthetica, sed analytica methodo definiisse. Neque enim hanc esse rectam docendi rationem existimavit, ut ab iis, quæ sunt simplicissima,

H h h h

exordium

VI.

*Quid nobis de numero principiorum videatur.*

exordium caperetur: uti à Cartesio, & aliis recentioribus factum videmus. Itaque principia cuique rei propria & immediata, quæque nos in rei ipsius cognitionem ducerent, Aristoteles videtur consecretus. Non utique omnium formarum, sed hujus formæ absentia, aut privatio; non communis rerum materies, & omnis formæ expers, sed talis materia hac formâ, his accidentibus privata; non denique communis forma, sed propria cujusque, nos in alicujus rei cognitionem perducit. Atque ut uno verbo, quæ differi pluribus possunt, absolvam; principia apud Aristotelem eatenus sunt prima, quatenus sunt cuique rei propria & immediata. Sic enim sunt inter se contraria. Privatio materiam non omni forma, aut ente, sed tali forma exuit, sunt prima principia in doctrinæ ordine. Sic Aristoteles hanc vocem primum subjectum, duplici modo accipi posse decernit; vel ut proximam rei materiem; *ut æs*, inquit, *materia statuae*; vel ut remotiorem, *ut forsitan*, inquit, *aqua est materia statuae*. Priori quidem modo in Physicis principia persequitur. Nam ex formâ cuique rei propria, non ex universali, compositi ratio innotescit; ut forma quæque ex certâ & proximâ illius materiâ cognoscitur. Quâ quidem ratione & Aristoteles ipse secum, & Peripatetici inter se facile conciliantur.

## VII.

De materia prima  
existentiâ.

Nunc de materiâ primâ, quam omnes appellant, explicat nemo, planius dicendum. Hæc à nonnullis describitur, ut terra inanis, & vacua, abyssus tenebrosa, entis larva, & simulachrum, nihil actu, omnia potestate; formarum omnium avida; nullius tenax, generationis & corruptionis subjectum, cum ipsa sit ingenerabilis & incorruptibilis. Quidquid enim gignitur, ex aliquo fit subjecto: nec viribus naturæ concessum est, ut ex nihilo aliquid fiat, cumque res perit, & corrumpitur, sola forma extinguitur, materia autem incorruptibilis manet, atque omnino indissolubilis: neque enim in aliud subjectum resolvi, neque omnino potest in nihilum redire. Quod si enim materia unâ cum formis oblitteret, jamdiu tota universi moles fuisset consumpta. Manet ergo materia in omni generatione, & corruptione, tanquam fundamentum omnibus substratum, in omni quippe mutatione, subjectum aliquod utrique extremo commune reperitur, Cum itaque generatio sit mutatio quædam substantialis totius in totum, nullo sensibili remanente, ut subjecto eodem, ita enim definit Aristoteles, subjectum quoddam, genito & corrupto commune remanet, idque materia prima unâ omnium voce appellatur. Hæc cum sit ortus, atque interitus expers, radix est tamen ut generationis, sic corruptionis. Non enim formâ suâ ad votum satiatur, atque, ut verbis viri doctissimi utar, novæ formæ desiderio languet, quâ tandem

Lib. 1. de  
primâ & in-  
teritu tex-  
tu, 23.

dem potitâ, ei tanquam marito in dotem amplam corruptionis, & vitiorum supellectilem confert. Hæc de notione, & existentia materiæ ut solet explicari; nunc quid ea sit, paulò diligentius intuendum.

Et quidem Aristoteles variis in locis diversas affert materiæ definitiones. Aliquando eam primum potentia corpus sensibile definit: interdum illam non omni modo formâ destitutam; sed etiam nullo entis genere conclusam videtur exhibere, adeò ut neque sit quid, hoc est, substantia, neque quantum, neque quale, neque quicquam eorum, quibus ens determinatur. Sed planius in physicis materia definitur subiectum uniuscujusque ex quo fit aliquid, cum insit, non secundum accidens. Materiam inesse composito insinuat, quò illam à privatione discriminet, quæ accedente formâ discedit. Sed quid sibi volunt hæc verba, cum insit? An fortè illa subiectum, ut primam rerum materiem à transeunte materia, quale est vinum respectu aceti, discerneret? In calce definitionis adjecit, non secundum accidens, ut ostenderet ex materia, & formâ unum per se, hoc est unius essentia: corpus, non aggregatum quoddam per accidens consilari.

Verùm hic pugnant acriter inter se Peripatetici, & nescio an possit unquam inter eos de materiæ primæ naturâ, & notione conveniri. Thomistæ quidem contendunt materiam ita esse puram potentiam, ut omnis omnino actus, & existentia sit expers. Alii, quorum sententia communior est, negant materiam omni actu saltem metaphysico, atque omni prorsus existentia esse destitutam. Est quippè materia quoddam ens, eaque realem, & positivam habet essentiam, ut fatentur omnes: quidni ergò existentia propriâ fruatur? Quod non existit, nihil est: neque essentia rei ab illius existentia plusquam cogitatione distinguitur: non enim res, quæcumque sit illa, per aliquid à se distinctum extra suas causas siltitur. Nisi fortè velis existentiam cum essentia, ut quid alienum conjungi, atque ex duobus inter se junctis unum quoddam effici. Sed essentia nihil omnino est, antequam actu existat: neque adeò existentia cum eo, quod non entis rationem habet, re ipsâ conjungitur. Nonne existentia suam habet, ut aiunt, quidditatem, vel essentiam: cum sit res quædam? An forte ab illâ fecernitur? Plura adderem, nisi hæc disputatio ad primam philosophiam pertineret.

Redeo igitur ad materiam primam, quæ non ita nuda est potentia, ut omni prorsus perfectione, vel actu careat. Est enim compositum perfectius quiddam, & nobilius, quam sola forma. Quocirca si me arbitro hæc lis dijudicaretur, materiam primam non modò suâ existentia, & actu, ut vocant, entitativo donarem, sed ne omni quidem actu physico privarem.

VIII.

Quid sit

materia

prima.

Lib. I. de

Gener.

L. 7.

Met.

Lib. I.

Physic.

textu 82.

IX.

Utrum

Materia

sit pura po-

tentia om-

nis actus

expers.

Hhhh 2

Pura

X.  
Materiam non esse experientiam omnium actuum physici.

Puta enim illa potentia omnīs perfectionis naturalis expertum est, & figmentum rationis, quæ res omnino simplices separatur; atque ea, quæ diversis, & inadæquatis notionibus percipit, variis etiam signat nominibus: & quam ipsa facit distinctionem, rebus affigit. Hinc voces abstractas adhibet, quibus diversas perfectiones ex variis fortè operationibus perfectas exprimit: quæque non potest uno vel prospectu intueri, quasi per partes dividit, & lustrat: sic in homine plures entis gradus discernit, qui dividi neutiquam possunt. Aliam substantiæ, aliam corporis, aliam viventis, aliam animalis, aliam denique hominis notionem effingit: & tamen una, & eadem res omnino indivisa, his vocibus subest. Atque hinc abstractæ cognitionis nomen, & ratio descendit: cum mens non integram, & adæquatam efformat rei notionem; sed quasdam illius dotes, & perfectiones, aliis non intellectis, quasi separatas perspicit. Sed nisi caveat ipsa sibi, in varios errores subinde labitur, dum ea distinguit, quæ naturâ juncta sunt, & indiscrcta. Quod cum in aliis fere omnibus rebus, tum maxime in materiæ, & formæ explicatâ notione, usu venit: cum enim in corporibus vel simplicissimis mens duo quædam discernat, unum quoddam commune, quod perficitur; alterum, quod perficit, & cuique rei proprium est; illud potentiæ, hoc actus; illud materiæ, hoc formæ nomine designat. Quanquam una, & eadem sit res, cujus natura in plures partes, nisi fortè homogeneas, & sui similes non magis distrahitur, quam sentiendi in homine, atque intelligendi principium. Una enim, & eadem forma utrumque munus sustinet: tametsi gradus animalis sit potentiæ, intellectivus actui persimilis: ille inchoatæ naturæ, hic perficientis rationem habere videatur. Verum ex iis, quæ supra diximus, liquet, Aristotelem in Physicis materiæ primæ nomine, non vagam illam, & informem potentiam, sed proximam & formæ subjectam intelligere. Quod utique multis probatum est argumentis. Illud enim constat, Aristotelem in physicis prima rerum principia appellare, quæ nobis sunt notiora, quæque in rerum cognitionem nos ducunt; occulta quæ sunt, & prima naturæ principia in Metaphysicis diligentius inquirunt. Sed in Physica auscultatione rerum sensibilium, ortus & principia sic exequitur, ut ab iis, quæ sunt notissima, ad occultiora progrediatur. Sic materiam statuat non aquam, aut elementa, sed ær ipsum, quod primum cognoscitur, passim appella. Neque interim negat materiem omnium remotissimam esse corpus ut extensum, & nulli rerum formæ addictum, aut elementa, aut quid aliud simplicissimum. Verum hujus contemplatio non ad Physicam, sed magis ad primam Philosophiam videtur

detur pertinere. Neque id erat Aristoteli propositum, ut Physicam docturus, à primis naturæ principiis, quæ maximè sunt involuta ordiretur. Alia fuit ei docendi ratio: & melior, & discendum animis aptior, ut ex iis, quæ sensibus subjiciuntur, ad occultiora & simpliciora paulatim deduceret. Itaque materia hominis prima & notissima, erit corpus organicum; remotissima & inquam ultimo Physica contemplatio: definat, erunt elementa. Quod si ulterius pergas, à Physicis ad Metaphysica excurras. Non enim visum est Aristoteli in Physicis ultra res sensibiles progredi. Ex iis & prima principia, ex quibus res cognoscitur, privationem, materiam & formam; ex quibus res componitur, materiam & formam; ex quibus res efficitur, elementorum qualitates primas & sensui magis obvias, deprompsit. Hoc utique ad essentiam materiæ pertinet, ut subiecti habeat rationem; sic aqua in vase, corpus est completum; in planta materia est, & principium. Sic elementa in seipsis spectata, imò & substantiâ extensa, non sunt principia, sed res completæ. Cum rerum compositionem subeunt, tum communis aut remota materia dici possunt. Quod utique iis accidit, ut docet Aristoteles. *Non enim materia, est per se turpis, sed ex accidenti.* Est essentialiter materia, ut sit informis, sed rebus ipsis hoc accidit.

XI.

Nihil forte nos cogit aliam in rebus corporis materiâ primam *Materia* aut remotissimam fingere, quàm elementa, & si quæ sint alia *corpora simplicia*, in quæ ultimo mixta resolvuntur. Est quippè materia id, ex quo inexistente sit aliquid: ex elementis cuncta componuntur; hæc sunt omnium motionum prima principia; ex eorum *com-plexu mixta constantur*; nec fortè generari possunt, nec corrumpi. Ergo non alia ab iis materia prima quærenda est, ne rebus ipsis quasi tenebris offundere videamur. Nam si forma mixti corporis non est res quædam, vel entitas à materiâ sejuncta, sed diversorum specie elementorum quædam attemperata proportio, ut verissimum iudicamus: quid in simplici elemento materiæ, quid formæ locum obtinebit, cum illius partēs omnes sint homogeneæ, & unius modi? Quorsum id corpus in materiam & formam, ut in res diversas secabimus? Profecto formam cum sustuleris, quæ supererit materia, cum propriam habeat existentiam, quoddam ens definitum futurum est: nullum enim ens potest existere vagum, & indeterminatum. Jam quo genere rerum, quo gradu ignis, aut aquæ materies concludetur? Si existit suapte naturâ communis illa omnium materies, erit instar Protei in omnes naturas versatilis; si nihil est determinati, profecto hoc monstrum perpetuis tenebris damnatum, & omnino incognitum

nitum, non valdè idoneum est occultis rebus explicandis principium eum neque esse, neque concipi possit. Non igitur elementorum materia à formâ secernitur, sed ipsa est omnium prima, & communis mixtorum materia. Accidit verò elementis, quod materiæ titulo rerum subeant compositionem. Substantia quidem extensa, ut à Cartesio, & aliis concipitur, est materia omnium prima, uti in prima Philosophia, seu Metaphysica spectatur. Sed Physicus, qui res tantum sensibiles persequitur, non aliam inquit remotiorem materiem, quam elementa. Triplicem hanc materiæ acceptionem usurpat Aristoteles l. 8. Met. c. 4. *Ex eodem fieri omnia primo*; ecce communissimam materiem, substantiam nempe extensam. *Aut ex eisdem tantum primis*: quæ nempe sunt elementa. *Est i. ten*, inquit, *quædam materia cujusque propria*. Hanc in Physicis maxime inquit. *Cum itaque*, ut pergit, *quisquam quænam sit causa querat*... oportet causas proximas dicere. Quæ materia, non ignis vel terram, sed propriam. Hoc unum potissimum Aristoteles ad materiæ rationem postulat, quòd sit rei subiectum. Sic enim est potentia quædam, quæ forma indiget, ut subsistat.

XII. Occurrent nobis Thomistæ, & hoc ipsum argumentum in suæ opinionis patrocinium trahent: cum enim materia prima sit penitus indeterminata, vaga, informis, nullâ specie comprehensa, negabunt eam posse solitariam, & à formâ secretam existere. Ad quod enim entis genus pertinebit, cum forma cuique rei speciem largiatur?

Hoc autem quod oppinitur, firmum adversus eos fortasse sit, qui materiam primam omnis actus physici expertem, non omni perfectione metaphysicâ privatam volunt, eamque ut puram potentiam physicam definiunt. Nobis verò, qui nullam materiem ab elementis aut substantiâ extensâ diversam statuimus, adeò non obest, ut nihil magis nostram sententiam confirmet. Demonstratum quippè est nullam posse concipi materiam à formâ sejunctam, quæ ut essentia, sic existentia sibi propriâ non potiatur. Quod si ita sit, certum ac definitum entis gradum, certam adeò speciem occupabit. Atqui materia elementorum, si quæ sit à formâ sejuncta, nullum entis gradum obtineret: nulla igitur ejusmodi materia in elementis inest, sed ipsa potius obeunt materiæ vices, cum ex iis omnia corpora initium duxerint.

Verùm non Thomistarum modò, sed etiam universa ferè Peripateticorum manus adversus nos impetum faciet; quòd ab Aristotele deficere videamur, qui passim negat materiam esse hoc aliquid, eamque omni actu privat, qui ens universum in actum, & potentiam secat.

Object. 2.  
Lib. 7.  
Met.



fecat. Quocirca etiamsi prima rerum materies pura sit potentia, erit nihilominus quid reale: quod etiam magis illustrari potest. Deus, inquit, & materia, hoc est, actus, & potentia; virtus, & infirmitas totius entis quasi extremos limites claudunt. Ergo ut Deus est actus purus ab omni potentiâ liber: sic materia erit pura potentia omni actu destituta. Quod ut nobis persuadeant, subtiliori ratione utuntur. Nam si materia quodam actu, qualiscumque sit ille, donetur; vel nihil erit quàm actus, quod plus satis est absurdum; vel ex potentiâ, & actu coalescet. Quod si ita est, jam à conditione primi principii degenerat. Est enim quid compositum ex actu, & potentiâ: detrahe illum actum, quod reliquum est, materiam dicimus. Jam quid, inquit, absurdius est, quàm essentiam materiæ cum illius existentia confundere: cum nullius rei creatæ eadem sit essentia, quæ existentia: idque unius Dei sit proprium, ut sit suum esse, & per existentiam suam existat; res vero omnes esse quoddam participatum, atque ab essentia discretum acceperint. Quod si materia jam exiit, neque omnem suam perfectionem precario à formâ mutuatur: forma quæ illi accedit, non unum quid per se, sed aggregatum per accidens efficiet: quemadmodum albedo, quæ parieti inhæret, unum per accidens cum eo constituit. Ac ne forte cavilleris materiam non esse actu quid completum, neque adeo ex illâ, & formâ succrescente fieri ens per accidens: id effugium tibi occlusum est, cum nullam ab elementis diversam materiam agnoscas, elementa verò esse in suo quæque genere completa nemo negaverit. Quid igitur restat, nisi ut mixtum quodque ex elementis conflatum non unum per se corpus, sed aggregatum per accidens habeatur? Quid hoc est, nisi principia philosophiæ convellere? Omitto formam non quidem esse, ut ajunt, simpliciter, sed tantum secundum quid materiæ largituram: jam enim hæc existebat, neque suum esse à formâ repetit: quod si ita res se habet, nihil generatio ab alteratione, nihil formæ substantialis ab accidentariâ dissidet: quo nihil absurdius dici potest.

Hæc tela Peripatetici sæpius revolvunt, quæ tamen cum extrinsecus, atque ex metaphysicis, quæ longè disjuncta sunt, non ex intimis naturæ principiis assumantur, minùs terroris nobis afferunt. Demus igitur Aristoteli materiam non esse hoc aliquid; neque enim vel elementa, vel ipsa corporis organa, vel materiam, ut subiectum est, & pars compositi, sed totum ex corpore, & animâ conflatum, seu individuum ipsum, hoc aliquid dici debet. Nec sola materia vel quantitate signata, aut alicui formæ destinata ipsum constituit individuum; sed unitas illius, quæ

XIII

Quid con-  
stituat in-  
dividuum

Resp.

quæ ex bonitate, seu integritate, & veritate profluit, ipsum hoc aliquid, vel individuum efficit: quique aliud individuationis, aut singularitatis principium; sive materiam quantitate aut virtuali, aut formali sigillatam; sive hæcceitatem quandam, sive aliud fingant, magnam molestiam suscipiunt, & minime necessariam. Itaque unus est Socrates, quod illius anima cum corpore intimè uniatur; corpus item unum est ex compage organorum: hæc denique ex certâ elementorum temperie unitatem suam ducunt: ultrâ elementa non licet progredi, cum in alia corpora simpliciora non resolvantur. Quod si ipsa elementa in diversas partes, quarum una potentiæ, altera actus rationem habeat, distrahis, divisio illa tantum metaphysica futura est, quæ nullam ipsis rebus distinctionem, nisi formalem infert. Quemadmodum in Socrate varios entis gradus discernimus, qui tamen solâ cogitatione dirimuntur. Licuit ergo Aristoteli ens universum in actum, & potentiam distribuere. Sed non continuò hæc duo distincta sunt: res enim eadem cum rebus diversis comparata actus, & potentiæ rationem subit. Ipsa, de quibus loquitur, elementa, cum se se mutuò perficiunt, & agunt in se se, ut actus compotes intelliguntur; sed potentiæ rationem sustinent, in quantum instar materiæ præstantiori formæ subternuntur, & cum eâ unum per se, hoc est, unam, & indivisam essentiam constituunt. Naturâ enim quæque, vel essentia una est, eaque prorsus indivisibilis, quatenus ad unius ideæ præscriptum formata est. Quod si ab ideâ vel minimum defecerit, jam non erit ea, quæ supponitur natura: nihil enim essentiae addi potest, vel detrahi. Itaque forma hominis, quæ ipsis elementis advenit, cum iisdem unius essentiae totum, vel unum aliquid per se constituit.

At, inquiunt, si materia ex actu, & potentiâ componitur; jam à primi principii conditione depellitur. Id utique falsum est: nihil enim principii rationem debet usurpare, nisi idem actu ad totius compositionem pertineat. Quod non est actu, nihil omnino, nedum principium erit. At si elementa ex actu, & potentiâ constant, detrahe inquiunt, illum actum, quod supererit, materiam dicimus. Non potest, inquam, actus à potentiâ, nisi solâ cogitatione disjungi. Res eadem ut perficit, actus; ut perficitur, potentiæ rationem obtinet. Id verò, quod sæpius dicendum est, nos fallit, cum de principiis disputationem instituiamus, quod voces metaphysicas, quæ potissimum ex nostrâ concipiendi ratione rebus imponuntur, ad rerum naturalium explicationem traducamus. Cum tamen longè alia sit ratio totius physici, alia metaphysici; illius partes essentielles sunt reipsâ discretæ, elementa  
nimi-

nimirum diversæ quidem speciei, & certâ quâdam ratione temperata: quæ sunt prima principia motûs & quietis; hæc adeò naturæ nomen sibi vindicant, & ad causam materiale præcipuè pertinent: cum ea insint composito, nec quicquam fortè (si hominem exceperis) præterea in mixtis occurrat. Contrà totius metaphysici partes, sive actûs, & potentiæ, sive essentiæ, & existentia, seu denique generis & differentia nomen acceperint, sola ratio discernit. Nam quæ prædicata essentialia vulgò nominantur, sive latissimè pateant, atque in omnibus sint rebus diffusa, ut essentia, veritas, bonitas, unitas, quæ idcirco transcendentia dici solent: sive ea quasi per gradus usque ad ultimam differentiam descendant, undè & graduum nomen invenêre. His adde, si lubuerit, generales quasdam totius entis divisiones in actum & potentiam; essentiam & existentiam. Hæc inquam, & si quæ sint alia, non reipsâ, ut jam dixi, sed cogitatione tantum, & mente distinguuntur; eaque ad formalem, quæ quid res sit, explicat; non ad materiale causam revocantur. Est enim forma quædam ratio essentiæ, quam involutam evolvit definitio. Cum verò essentia completa est, ac sui juris quodammodò existit, neque alteri perfectiori se tradit, tum in se quodammodò sistit, vel subsistit, ac suppositi nomen usurpat. Quidquid rei jam constitutæ adjicitur, ut color, figura, & alia, quæ ad essentiam non pertinent, ea non unum per se, sed unum duntaxat per accidens efficiunt. Contrà evenit, cum res alioqui in seipsis existentes, rei præstantioris compositioni inserviunt, ac nobilioris formæ subsunt regimini, tum enim unum per se, non ens per accidens constituunt. Quantumvis igitur existant, & completa sint elementa, cum unius essentiæ corpus efficiant, sunt nihilominus ejusdem corporis materia, atque ad unius essentiæ integritatem pertinent.

Cum igitur insint, qui contrà sentiunt, id quod rei completæ, & existenti adjicitur, non unum per se, sed aggregatum per accidens efficere, nec rei, cui accedit, esse simpliciter, & substantiale, sed accidentarium duntaxat, & secundum quid impertiri. Id verò concedimus, cum novæ rei accessu, prior in novum suppositum non transit. Ut paries idem manet, qui erat antea, nec alterius sit juris, cum colore inbuitur. Sed elementa cum seipsa mixti alicujus compositioni tradunt, non amplius sunt sui juris, non in se subsistunt, at nobilioris essentiæ mancipio addita, in novum migrant suppositum. Quod si aquæ gutta cum oceano confusa non amplius in se, sed in oceano subsistit; quantò id magis sentiendum de materiâ, seu elementis, quæ mixtorum compositioni ut partes incompletæ, & essentielles à

naturâ destinantur. Neque necesse est, ut materiæ essentiam ab existentia sejungamus, quasi forma existentiam, vel, ut ajunt, esse simpliciter, materiæ largiatur. Nam si hæc duo in materiâ, aut re, qualicunque discrimines, positâ materiæ essentiâ, illius existentia non continuo apponetur, nec vice versâ; unius enim productio erit ab alterius generatione diversa: cum sint res duæ, non una; cumque existentia ipsi essentiæ advenire supponatur. Quare existentia productio non erit essentiæ formalis positio, sed materiæ essentiam jam constitutam supponit. Jam quæro quomodo materia, aut alterius rei essentia jam posita, extra nihil concipiatur, necdum tamen existat? Quid novi affert existentia?

At enim, inquirunt, nulli rei creatæ concessum est, ut sit suum esse, ut per essentiam existat. Id verò confitemur: nulla enim res creata, est sibi adæquata existendi causa: nulla non pendet à primo rerum effectore, cujus essentia cum sit infinitè perfecta, omnem omnino perfectionem complectitur; cumque existentia sit maxima perfectio, essentia DEI concipi nequit citra existentiam, quod in nullam creaturam cadit. Sed non concedimus rem aliquam per existentiam à se distinctam existere, id enim ne suspicione quidem attingimus.

Enimverò nimis nos diu morantur difficiles illæ, & anfractuosa, ex Metaphysicâ repetitæ concertationes. Nunc igitur è densissimis materiæ tenebris expediti jucundiorē de formis tractationem aggrediamur. Forma sic dicta est, quod perficiat, ornet, ac formet materiam, cujus est actus primus, vel primaria perfectio. Mens appellatur à Platone; est enim quasi radius, aut participatio divinæ mentis, ac sigillum idealis pulchritudinis. Unitas quoque à Pythagoreis dicta est, quod materiam, quæ ut vaga, & indeterminata concipitur, ad unam speciem determinet. Hinc etiam character vocatur, quia composito eam speciem imprimit, quæ illud ab omnibus aliis disjungit. Species, ratio, vel definitio, quidditas ab Aristotele nominatur, quod cuique rei suam tribuat speciem, atque in definitione primas obtineat. Hæc de notionē formæ substantialis: nunc quibus argumentis ejusmodi formas existere contendant Peripatetici, paucis expediā.

Quod si, inquirunt, nulla est forma substantialis, nulla quoque erit generatio, nulla corruptio. Quid enim novi res acquirit, cum gignitur? An maiorem molem, an novam accidentium congeriem? Illa erit accretio, hæc alteratio quædam; nec gignitur quicquam, nisi nova, eaque substantialis forma accesserit. Aurum est quædam substantia, sed habet à formâ suâ quod sit aurum: non enim quæ cor-  
pus

XIV.  
De for-  
marum,  
notione,  
& exi-  
stentiâ.

¶

¶

pus est, aut trinâ dimensione constat, naturam, & speciem auri obtinet; nam id æquè omnibus corporibus conveniret: ergò forma auri est substantia. Nisi fortè velis cum Cartesio certam accidentium, ut magnitudinis, figuræ, sitûs, motûs, & quietis congeriem, auro speciem tribuere. At quàm id absurdum sit, velim ipsi iudices: hæc enim accidentia detrahe, tolle figuram, magnitudinem, situm; nihilominus aurum remanebit. Non igitur ille accidentium complexus rei naturam & essentiam constituit. Profectò si materia substantia quædam est, ut nemo non fatetur; multò magis forma, quæ & perfectior, & diviniore est, substantiæ nomen, & rationem sibi vindicat. Quantum ponderis habeat hoc argumentum postea videbimus.

Nullum accidens essentialem inducit differentiam: neque homo albus est alterius naturæ ab homine nigro: sed differentia essentialis à formâ repetitur, non à materiâ, quæ communior est: ergò forma non est accidens quoddam, neque accidentium complexus, sed pars substantiæ, eaque nobilissima. 3.

Addunt alii, quòd supremus naturæ opifex cuncta arte summâ, & ratione produxerit; atque eo ferè modo, quo artifex formam suo operi imprimit, quæ ideam mente conceptam refert: sic DEUS formas rerum omnium æternis rationibus, vel ideis conformes distinxit. 4. Furnerius lib. I. ph. f.

Jam si artifex formam suo posset operi impertiri, quæ illud regeret, contineret, tueretur: id utique ipsum effecturum non dubitamus. Quid igitur est, cur id divinæ sapientiæ, & arti omnipotentis artificis denegemus? Cur inficiemur DEUM innumerabiles rerum formas, tanquam radios multiformis sapientiæ suæ effudisse, quæ sint quasi seminaria omnium functionum, ac facultatum, quibus res quæque in suam perfectionem nitantur. Maximè cum fateantur ii, qui contra sentiunt, animam rationalem esse corporis formam, idque fuerit olim in Concilio Viennensi definitum. Nonnè eadem prorsus est ratio de animantium formis, quæ majorem cum suis corporibus videntur habere cognationem? Unde, quæso te, tanta rerum varietas, tam apta corporum viventium structura, & conformatio? Unde tot vires, vel proprietates adeò fixæ & stabiles, nisi ex formis, quæ licet sensibus non sint obviæ, sunt tamen menti, ac rationi manifestæ. Nam ut figura exterior, & alia accidentia movent sensum, sic forma interior, quæ speciem tribuit, proprietates ex se fundit, & vim sui similis procreatricem composito largitur, ab intellectu percipitur: cum sit rei ipsius, ut ita loquar, intelligibilitas; ac species menti impressa, sit ipsius formæ substantialis, velut effigies quædam; ut forma substantialis, autore S. Thomæ, nihil est, quàm similitudo, seu participatio

Tractatu  
de formis,  
quæst. 1.

primi actus rebus impressa. Cum enim, inquit idem Doctor, DEUS sit agens per intellectum, oportet ut omnium quæcunque produxit, in se præhabeat similitudines ideales, & per consequens ut effectum ejus in tantum perfici dicantur, in quantum formarum idealium aliquam similitudinem representant: ut sic in rebus materialibus non, inventiatur solum materia, verum etiam formarum idealium aliqua similitudo, quam alio nomine dicimus formam. Quare manifestum est, quod ad perfectionem rerum naturalium requiritur, ut ignis non solum sit materia, verum etiam forma. Hæc quidem ut persuadent quædam in rebus formas existere, sic non omnino demonstrant eas formas à materia esse distinctas, de quo quidem hæc statui possunt,

1. Illud certum videtur ut materiem, sic formam ad essentiam compositi pertinere. Quam Aristoteles vocem adhibet, scilicet, tam essentiam rei, quam substantiam significat. Unde non satis liquet, an Aristoteles formas substantiales, an essentiales tantum admiserit. Ac multi in ea sunt opinione, hoc esse Arabum commentum, quod veteribus in mentem non venerat, ut formas substantiales præter animam rationalem agnoscerent.
2. Ratio substantiæ, materiæ remotiori, ut elementis, quæ seorsum possunt existere, & formæ cuique rei propriæ, ex æquo non convenit.
3. Ut formæ rerum substantiæ dici nequeunt: cum per se non existant; ita substantiales dici possunt. Nam ut materia cujusque rei propria; sic & forma, sunt partes compositi incompletæ & substantiales; ac neutra sine altera concipi potest. Unum compositum est completa substantia.
4. Ut crassiora corpora, quæque sensibus subjiciuntur, sunt substantiæ, quæ materiæ habent rationem; sic æthera, & quodammodo incorporea substantia, quæ in omni viget corpore, & est omnium actionum principium, forma cujusque rei potest nominari, ut infra suis ostendemus: nunc videamus, quæ sit formarum origo, quomodo aut generentur, aut destruantur. De his itaque accuratius differendum puto.





## CAPUT SECUNDUM.

*De formarum origine, ubi de rerum ortu  
& interitu.*

On alia est in totâ Philosophiâ quæstio, aut explicatu difficilior, aut magis involuta, quàm ea, quæ nunc nobis est in manibus de naturâ, & origine formarum, quæ si rectè dijudicatur, magnum nobis aditum ad secretiora naturæ arcana patetacit. Nam quæ sint generationum primordia, quæ seminariæ virtutes, quæ causæ ortûs, & interitûs rerum (quod physicæ contemplationis caput est,) promoveant, undè corporum differentiæ, & species ducantur, tum demùm intelligemus, si formarum origines perspectas habuerimus. De quo quidem cùm mihi videam esse dicendum, summâ opinionum varietate nonnihil perturbor. Nam ut alios omittam Philosophos, non mediocriter inter ipsos Peripateticos dissensio est, quos quidem tres in partes potissimùm divisos arbitror. Fernelius, medicorum à Galeno princeps, existimat formas omnes à cælo proficisci: quòd animantes, quæ ex putredine oriuntur, cælestes habeant formas, neque enim aliunde formari possunt: sed perfectorum animalium non est origo deterior: ergò perfecta quæ sunt animalia à cælo formas suas mutuuntur. Cælum quippè medio lumine, quod instar vehiculi cælestes vires, & influxus desert, in subjectis aptè præparatis formas indefinenter procreat; elementa verò materiam suggerunt: causæ proximæ subjectum adornant, & instruunt, ut forma in id incurrat. Quid enim est generatio, nisi societas materiæ cum formâ? Homo gignit hominem; tametsi nec materiam procreat, nec formam; sed utramque ad summum connectit, & conciliat: id verò præstant causæ continentes, & proximæ. Neque est verisimile elementa rebus gignendis universam conferre substantiam, & cælum otiosum, ac velut feriatum manere. An illa tam admirabilis motuum cælestium constantia nihil efficit? Docet quidem Philosophus totum hunc, qui terram ambit, mundum, hoc est elementarem regionem cum superis conversionibus, id est cælo sic continuari, ut omnis ejus virtus indè gubernetur. Nam illa est prima causa, undè omnibus est principium motûs, quæ est quasi sempiterna, nec locum habens definitum, nec fi-

1.

*Sententia  
Fernelii  
de forma-  
rum origi-  
ne.*

nem: quandoquidem in circulari motu nullum principium, nullus item finis assignari potest: & sicut localis motus omnium primus est, & causa cæterorum: sic illud corpus, quod jugi, perennique motu circumagitur, omnium corporum causam esse convenit. Hinc sol suo ad nos accessu, & recessu rerum sublunarium ortus, & occasus efficit. Quod si calor naturalis tantâ vi præditus est, ut alimentum in substantiam viventis convertat, superflua quæ sunt, excernat, & quod cuique parti conveniens est, distribuat, quis calorem cœlestem vivificum esse, ac prolificum inficietur? Ita ferè sententiam suam Fernellius majore fortassis verborum pompâ, quàm veritate conatur stabilire, atque illustrare.

Lib. 1. de  
abditis re-  
rum cau-  
sis.

II.

Refellitur.

Videatur mihi Fernellii sententia ab opinione Cartesii non multum abhorre: hic enim putat cœlestem quandam substantiam è sole, atque aliis sideribus continenter profluere, quæ in mixtis corporibus ita regnat, ut omnis motus principium sit, atque in hanc subtiliorem materiam cadunt omnia, quæ formæ tribuuntur. Sed hoc Cartesii placitum suo loco expendemus. Interim quidem concedam Fernellio hunc mundum inferiorem à cœlesti foveri, regi, contineri: ac cœlum ortus rerum, & occasus moderari: at causæ duntaxat universalis nomine. Hinc nego formarum distinctiones à communi & generali causâ proficisci posse. Nónne ante solis creationem terra herbas germinavit, quæ in suo quæque genere produxerunt semina, ex quibus aliæ orientur. Non igitur formæ omnes è cœlo profluxêre. Sed neque illud Fernellio assentiar, animantium, quæ ex putri materiâ nascuntur, formas è cœlo deduci, cum cœlum sit inanius, neque id causa princeps alicujus animalis esse possit. At, inquiunt nonnulli, cœlum, aut sidera, ad imperfectiorum animalium generationem conspirant, ut instrumenta, quæ motrices intelligentiæ adhibent. Verùm id meritò rejicimus, cum generationis principium sit rei genitæ initium, neque adeò mens separata, naturalis quædam horum animalium causa haberi possit. An fortè agentis artificialis nomine operatur? At solus DEUS ut naturæ opifex secundum divinæ dictamen sapientiæ; & juxta æternarum rationum regulas cuncta artificiosè procreat. Res quippè artefacta sit participatione formæ idealis, quæ menti artificis insidet: atqui res naturales non sunt juxta præscriptum idearum, quæ insunt menti Angelicæ. Non igitur intelligentia quædam opifex erit, & causa primaria viventium, quæ ex putri materiâ formantur: horum enim productio, & admirabilis conformatio naturæ creatæ vires omninò excedit. Intelligentiæ verò, si quæ sunt, quæ cœlo, & sideribus præsent, non aliud quiddam moliantur, quàm

quàm id, quod cœli viribus est attemperatum; illud enim duntaxat loco movent, atque influxus cœlestes rebus inferioribus applicant.

Undè ergò, inquires, istorum animalium formæ oriuntur? Magnâ sanè, & ardua quæstio: horum tamen alterum fateri oportet; vel nullam esse aliam à DEO istarum animantium causam principem; vel ex aliorum seminibus perinde ut perfectiora animalia generari. Cùm autem verisimile non sit DEUM immediatè generationes promovere: si ad DEUM, ut ad causam principem confugimus, necesse est, ut seminarias quasdam admittamus in naturæ occulto reconditas vires, quæ sint idearum instrumenta. Neque id nos movere debet, quòd perfectiorum animalium origo futura sit ignobilior, quàm eorum, quæ ex putredine oriuntur: cùm hæc nulli causæ principali, nisi supremo artifici referantur accepta. Nam si rem totam ad severiora judicia revocemus, nulla est omninò causa, quæ DEI instrumentum censerì non debeat. Tametsi ea dici solet causa principalis, quæ effectui suò formam sibi similem, vel deteriorem imprimit: sed eadem causa instrumenti obit vices, quatenùs formam ideæ divinæ similem efficit. Ac si Doctòri Angelico credimus, res creata ipsum esse non largitur, nisi instrumenti nomine. Nam primus, & maximè universalis effectus, nempe esse, ad primam, & communissimam causam pertinet, ut ordo effectuum causarum ordini respondeat. Jam quid dicam de organorum structurâ mirabili, quam superiùs ad DEUM referri debere ostendimus.

Ista verò occulta viventium semina non ex animalibus ejusdem generis prodiisse, sed in spiritu universi, vel elementis, sparsa existere multi cum Platonici opinantur. Ecce, inquit Augustinus, *brevissimus furculus semen est: nam convenienter mandatus terra arborem facit: hujus autem furculi subtilius semen aliquod ejusdem generis granum est, & huc usque nobis visibile. Jam verò hujus etiam grani semen, quamvis videre nequeamus, ratione tamen conjicere possumus, quia nisi talis aliqua vis esset in istis elementis, non plerumque nascerentur ex terrâ, quæ ibi seminata non essent, nec animalia tam multa nullâ marium, feminarumque commixtione præcedente, sive in terra, sive in aqua, quæ tamen crescunt, & coeundo alia pariunt, cùm illa nullis coeuntibus, aut parientibus orta sint. Hæc sanè mirificè placent Chymicis, qui occulta rerum semina in elementorum abyssis putant delitescere, atque ex his renascentes rerum formas, vel ut loquuntur, plantarum resurrectiones quasdam; seu potiùs figuras umbratiles deducunt. Unum item & alterum hujus spectaculi exemplum*

III.  
*Quæ sit  
causa ani-  
malium,  
quæ ex pu-  
ris ma-  
teriâ gi-  
gnuntur.*

profert Doct. Coxes in nuperis tractat. Anglicanis. Cum lixivium ex filicium sale per aliquot hebdomadas in vase vitreo reliquisset, & pirs salis tractu temporis in imo vasis resedisset, ad ditorum pendè digitorum altitudinem, ex ea salis massa repentè filicum 40. aut circiter rami visi sunt assurgere, polypodio simillimi, sal vero non igne aperto, sed in vase clauso extractus fuerat,isque adeò tartareus & essentiali proximus erat, nam & filices non omninò erant exsiccata. Hoc utique spectaculùm multis exhibuit. Ultri & aliud ex his cineribus acerrimis, quos ex Lituania, & Norvegia advehunt, & sale ammoniaco æquis partibus una commistis, ac leni calore in ampla cucurbita capitello instructa sublimatis; cum enim hanc distillationem aut sublimationem subito deseruisset, ut aliis vacaret negotiis, ut rediit, statim velut silyam in capitello. Alembici & pinuum, & abietum, & cujusdam arboris ipsi ignotæ conspexit, quæ arbores mirum in modum erant delineatæ, & quidem notum est hos cineres ex abietibus potissimum, & pinis parari. Plura in hanc rem jam alibi diximus, quæ si fortè fidem non habent, aut minùs intelliguntur, id unum restat, ut insecta, atque imperfecta animalia, non ex seminibus, quæ ab ipsâ mundi origine creata in elementis conservantur; neque ex fortuito externarum causarum congressu, sed ex aliis ejusdem generis animantibus, prognata esse fateamur.

Hoc enim discriminis inter simplicem rei productionem, & generationem intercedit, quòd illa prodeat ab exterioribus causis, hæc verò nonnisi ex semine, quod vim formatricem complectitur. Neque ullo modo fieri potest, ut quæ ex semine nasci debent, solo externarum causarum concursu emergant. Quomodò enim ita opportundè, & velut ex condito ad unius plantæ, vel animalis procreationem causæ omnes conspirabunt? Vis autem seminaria, cujus crassum illud corpus, quod semen vocamus, est velut capsula, omninò est invisibilis, neque ullo sensu percipitur. Ea quidem potest vel in exili corpusculo, tanquam in matrice integra servari, atque eò faciliùs, quò ignobilius plantæ vel animalis virtutem formatricem continet: tum enim minorem partium apparatus exigit. Sic videmus crucarum ova per totam hiemem servari. Exteriores igitur causæ vires illas velut in seminibus sopitas exsuscitant. Sol enim veris tempore terram plantis, & animalibus complet, dum calore suo seminum vires explicat. Itaque si Velthusio, & aliis credimus, nullum animal, nulla planta ex putri materiâ oritur, nullaque est generatio, nisi eadem univoca; tametsi putrefactione corpora dissolvuntur; ac vis genitalis, quæ priùs obruta jacebat, jam se prodit atque in actum erumpit.

Undè

Cbenilles.

Tract. de  
gener.

Undè ergò terra tantam herbarum copiam sine ullo semine procreat, & quò magis fimo aut stercore pinguescit, hoc in plures plantas, quas antè non extulerat, effunditur? An fortè seminum illa occulta semina, quæ in primâ rerum conditione terra accepit, causis exterioribus adjuta emicant: aut seminariæ vires in fimo reconditæ evolvuntur? Adde illud quoque in seminibus interdum, aut plantis nobilioribus aliarum ignobiliorum vires seminarias contineri. Sic triticum in lolium, avena in avenam fatuam degenerat. Cùm enim vis seminaria tritici præ sterilitate soli debilior est, quàm ut triticum procreet, inferioris notæ fruges, aut zizania, aut lolium, aut aliud quiddam fundit; quemadmodum eadem vis in arboribus, & folia & flores, & fructus, dùm vegetior est, gignit: sed ubi languidior est, frondes duntaxat, aut ad summum flores profert, fructibus, ac seminibus procreandis impar.

Atque hæc fortè non ægrè quis concesserit: at difficile est huc animum inducere, ut animalia, quæ spontè nascuntur, ex seminibus, quæ in terrâ, plantis & aliis corporibus latent, originem suam repetere credamus: nec illa semina, si quæ sint, aliundè quàm ex aliis animalibus procreantur. Undè ergò tot in vestibis tineæ, in libris blattæ, in lignis cosci? Undè illa animalcula, quæ in casei jam putrescentis superficie tam numerosa deprehenduntur? An fortè horum semina in herbarum succo delituerunt, atque ab aliis ejusdem speciei fluxère, quæ commoda materia excepta tandiu servata sunt, donec opportunitatem nata, & causis exterioribus adjuta vires suas exercent. Hæc fortè defendi possent, si usquàm alibi ejusmodi insecta deprehendere liceret. Fateor enim insectorum ova in terrâ, vel aliis corporibus diutissimè conservari posse, quòd viscosa sint, & exilia, nec magnum apparatus ad sui custodiam exigant. Dabo illud quod nulla ferè animalia, quantumvis exigua, ex maris & semine congressu non nasci; atque ubi opportuna loca offendunt, quàm numerosissimè sobolescere. Notum est muscas semel imprægnatas vermiculos in carne deponere, qui subito in muscas formantur. Sed quis hoc dabit, tot vermes, qui ex lignis putridis; aut tineas, quæ ex vestibis succrescunt, ex seminibus, aut ovis aliorum vermium, in longum ævum servatis, procreari? Neque enim facilè intelligitur, quæ possint illa semina in herbis, aut terrâ dispersa, per radicum fibras unâ cum succo nutritio percolari, vel unâ cum alimentis primùm in chylum, tùm in sanguinem, post in excrementa, & fuligines, tandem in pilos, aut lanam deduci: adeò ut post multa annorum volumina, cùm putredo accesserit, aut blattæ, aut tineæ ex suis semi-

nibus, quasi in scenam prodeant. An potius ut ex terrâ plantæ, sic ex animalium, aut plantarum corporibus animalia quædam sine semine quidem manifesto, sed non citrà vim seminalem aliquam oriuntur? Quòd si vegetatrix anima nihil est, quàm purissimus & spirituosus illius succus, ut sensitiva non differt à vitali spiritu, aut puriori essentiâ, quæ sali, oleo, & spiritui potissimum insidet, ut nonnullis videtur, & suo loco expendemus, neutra quidem anima erit quid homogeneum, & unius modi, sed utraque ex diversis constabit elementis certâ quâdam lege coagmentatis: adeò ut imperfectiores animæ nonnunquam perfectioribus serviant, iisque contineantur. Hinc enim, ut jam diximus, triticum in lolium, & flores exquisiti in vulgares degenerant, cum vel cæli intemperie, vel cultûs negligentia, vel soli ariditate, quædam partes formæ tritici detrahuntur, quæque supersunt, lolium, aut viliores fruges constituunt. Sic plantæ, & animalia spontè nascuntur, cum idoneam materiam, aut subtilis Cartesii substantiam, quæ nunquam cessat, aut spiritus quidam, ut cum Chymicis loquar, mechanici, & artifices comprehendunt, quam primum fermentant, seu levioris caloris motu sensum attenuant, postea digerunt, atque intensiore calore exagitant, donec in certum ordinem, ac figuras, organa quæque disponantur. Nam hic motus non temerè, & citrà rationem perficitur; sed juxta naturæ leges, aut seminarias rationes ex aptâ materiâ, ac spiritu determinato procedit. Utrum hæc vera sint, vel falsa, decerni non potest, antequam de naturâ tum vegetatricis, tum sentientis animæ nobis constiterit. Quocirca in his, quæ aut valdè dubia, aut falsa, certè sunt maximè abstrusa, non est diutius immorandum.

## IV.

2. *Opinio  
Themistii,  
& Scaligeri.*

Fernelii sententiam excipiat altera, quæ Themistio tribuitur, eaque à Scaligero, & Sennerto, ut alios omittam, acerrimè defenditur. Ille scilicet existimant formas multiplicari, non aliter, atque ignis ab alio accenditur; adeò ut cum glande forma quercûs traducatur, quæ tractu temporis in magnam arborem assurgit: sic omnia viventium semina esse animata, magnoperè contendunt. Dicant enim nobis, qui secùs sentiunt, quo tempore forma quercûs glandi, aut pulli anima ovo accedat? An expectandum erit, donec arbor sit in ramos effusa, aut pullus omnibus sit suis organis instructus? Ergonè nondum est vita, cum germen erumpit, aut cor jam appulsu sanguinis agitur? An fortè cum tumet glandis gemmula, & corticem dirumpit; aut etiam ubi illa macula, vel cicatricula ovi, quæ vim genitalem pulli complectitur, calore foventis, & incubantis gallinæ explicatur, tum demùm vita adest? Sed undè anima emergit? Quanto proclivius est for-



formam cum ovo traductam supponere; adeo ut plantæ, & animantes (nam hominem, ut par est, excipiunt) non materiam modò gignendis corporibus, sed formas etiam seminibus conferant. Hinc enim perennis generationum series facillè explicatur, neque illas patiemur angustias, in quas plerique omnes coarctantur Philosophi, dum formas educi è materiâ volunt, in quâ non actu, sed potestate continentur.

Res sanè digna est acriori examine. Ac primùm quæri meritò potest, quid pulli anima in ovo delitescens molitur? An quasi manibus insinuatissimè feriat? An potius proprium corpus fabricat? *Ve-Refellitur*  
 rum si forma proprii corporis est architecta: ergò res seipsam ge-*à nonnul-*  
 lud vel maximum, quòd ut forma per se non existit, ita solitaria non  
 operatur. Mitto animam nusquam nisi in corpore organico posse re-  
 periri. Quòd si anima è corpore excedit, cum illius organa malè sunt  
 affecta, cumque instrumenta defunt, quibus suas functiones commo-  
 dè exerat, quis eam in semine sopitam, & quasi veterno oppressam  
 jacere arbitretur? Sed cujus crit anima, patris, an matris, an ex u-  
 troque parente suam duxit originem? Animam quidem rationalem,  
 quando ita volunt, exipiamus: nec sanè illa, cum sit infertilis, ex  
 traduce propagari potest: pulli quidem anima ovo contineri nequit,  
 nisi eadem materia duabus formis, iisque specificis ovi & pulli sub-  
 sternatur.

Quid respondeant, obscurum non est. Negant rem tum genera-*Resp.*  
 ri, cum corpus suis organis instructum jam manifestas viventis fun-  
 ctiones exercet: sed ubi aut semen, aut ovum sæcundatur. Nam ut  
 vivens aliquid de propriâ materiâ, sic particulam, & quasi radium  
 suæ formæ proli communicat; quæ quidem, ut ita dixerim, scintilla  
 paulatim in majorem crescit formam.

Sit ita sanè: jam cedo, quomodo forma illa traducatur? An sit *Oppugnatur.*  
 ex nihilo? Sed hoc vires naturæ superat. An educitur è potentiâ  
 materiæ? At hoc ipsum respuunt hujus opinionis assertores. Quòd  
 si formâ effectûs geniti jam actu erat in generante, nulla omninò sit  
 generatio. Quod enim jam erat actu, non gignitur, vel ad summum  
 generatio nihil erit, quàm ejusdem individui multiplicatio. Hoc sci-  
 licet est ina summis permiscere, & totius philosophiæ fundamenta  
 concutere.

Hæc tamen non tanti sunt, quæ Scaligerum à præsumptâ opini-*Resp.*  
 one depellant. Respondet enim formam viventis aliam formam tra-  
 ducere, eodem ferè modo, atque ignis alium accendit; vel sicut arbor  
 per

per furculum avulsam aliam gignit arborem : vel denique non aliter, atque ipsa viventis anima in materiam alimenti se se insinuat. Quid enim absurdi, si viventium formæ multiplicentur, cum flamma hanc habeat prærogativam, ut citrà sui dispendium seipsam diffundat? Negant formas per sui divisionem traduci; cum tamen videamus ex furculo salicis exciso, & vivente, aliam prodire salicem. Nolunt formas seipsas propagare posse, nec advertunt, quòd in accretione anima se, ipsam in materiam alimenti promoveat.

## V.

*Quomodo  
hac opinio  
defendi  
possit.*

*Lib. 4. de  
mente  
hum.  
Lib. de  
fossilibus  
6. 1.*

His igitur argumentis in utramque partem libratis, ita sententiam puto. Primum animam rationalem ab hac quæstione esse removendam, cum enim, ut suo loco plenius ostensum est, incorporalis sit, & partium experta, non potest ex aliâ animâ, divisione quâdam propagari. Sed neque mixta, quæ sunt inanima, formas suas in alia trajiunt corpora; neque enim lapis lapidem gignit, tametsi fortè lapidem, ut aliorum fossilium sua sint semina, ex quibus oriuntur. Verùm hæc semina ab aliis ejusdem generis non formantur; ac de his jam copiosè aliàs diximus. De plantis itaque, & animantibus aliqua discussio est. Et quidem multum in eam sententiam propendeo, plantarum formas ex aliis per divisionem quandam deduci: non enim ab animo meo impetrare possum plantas vivere, semina non item: cumque rami, aut radices excisæ in novas arbores adulescant, quid est, cur in totâ arbore vim prolificam inesse dubitemus? Quorsum hanc à formâ disjungimus? Nec quercus jam fortè combusta alterius erit causa primaria, nisi quatenus glandem emittit, in quâ novæ quercûs forma quasi complicata jacet. Cum enim nobis obtrudunt, glandem nihil esse, quàm instrumentum quercûs, ex quâ defluxit: Id necdum cogitatione complector, quâ fieri possit, ut causa primaria habeatur, quæ amplius non est; cum agere quicquam non possit, nisi idem existat.

De animantibus nihil certi statui potest. Nam si horum formæ insectiles sunt; aut cum omninò non essent, repentè emergunt; atque è materiæ sinu eruuntur: quemadmodum formas nobis describere solent Peripatetici, fatendum est eas ab aliis non propagari, atque argumenta, quæ contra Scaligerum adduximus, id omninò evincere videntur. Nihil enim seipsum generat; nec forma, ut vulgò dicitur, sola operatur; nec demum verisimile est in grano tritici omnes segetes, in glande omnes silvas, quæ ex illâ oriuntur, actu contineri. At si brutorum animæ non modò corporales sunt, sed etiam per se divisibiles, eæque ex diversis partibus coagmentatæ; vel illæ à spiritu vitali, aut sanguinis flore non discernuntur; seu quinta sint & pu-

rior corporum essentia, quod alio loco examinari debet: nihil sanè nos cogit, eas à virtute formatrice, & prolificâ, quæ viget in semine, disjungere. Cumque hæc vis plastica non sit vitæ expers, atque ex viventis formâ deducatur; quid est, cur ab eâ formam prolis separemus? Hæc enim format, & perficit corpus, idque in membra diducit. Interea tamen vivit, atque animâ suâ donatur corpus; nam spiritu, & sanguine vegetatur: ac si vita plantis tribuitur, non est ovo, postquam gallina aliquot horas id fovit, deneganda. Nec video, cur cordis, & arteriarum pulsus; nutritio, & generatio animæ ejusdam sint functiones, non item facultatis conformatricis machinatio. Nisi fortè alia vis corculum, aut subrubram sanguinis guttam, quæ in ovo post tertium incubationis diem micat, alternis moveat; atque alia ipsum cor, dum pullus omnibus suis partibus est absolutus, impellat. Profectò aut negandum est vitales, & naturales functiones ab animâ proficisci, aut fateri oportet vim plasticam ejusdem animæ esse facultatem, quæ tùm cessat, cum suo munere defuncta est.

Verùm, inquiunt, anima nulli corpori, nisi organico inesse potest. Id de animâ rationali, id etiam de sentiente, quatenus præcipuas animæ sentientis functiones exerit, faciliè conceditur: non item de animâ, quæ sibi suum domicilium parat. At nihil seipsum generat: id utique verissimum, sed anima jam producta supponitur, cum ovum fecundum avis excludit. Tot igitur, inquiunt, futuræ sunt animæ, quot ova in gallinæ utero? Non utique; quemadmodum enim una est, & communis anima, quæ glandes omnes, quamdiù arbori hærent, vegetat: sic unâ, non multiplici animâ continentur ova, quæ gallinæ utero adhærescunt: separata verò jam propriâ quæque fruuntur formâ. Urgent pressius, & quærunt, undè illa prodit anima, ex gallo, an ex gallinâ? Ex utràque, inquam: eùm enim ea sit divisibilis, nihil obstat, quominus ex utriusque tùm maris, tùm sceminæ commixtione deducatur. Quemadmodum videre est in mulo, & in aliis velut naturæ monstris, quorum ut corpora, sic animæ ex diversi generis animantibus compinguntur. Ergò, inquiunt, eadem ovi materia duabus formis, tùm ovi, tùm pulli subjicitur. Imò, inquam, longè aliæ plures formæ insunt: nam elementa cum formis suis ovo contineri suo loco ostendemus; est tamen una ovi specifica, & denominans forma, nec pullus dici potest, donec præcipua illius organa sint absoluta; neque adeò spiritus ille, qui albæ cicatricis velut punctulo continetur, & calore adjunctus paulatim crescit, forma dici, aut pulli anima debet, quousque mirabilem illam organorum compagem juxta

*Varia ob-  
ject. &  
solutiones.*

naturæ leges, aut seminarias rationes, struxerit. Neque id mirum videri debet, animam suam sibi domicilium parare, cum omnes hoc operis spiritui vitali, & prolifico tribuant; nec major, ut mihi videtur, scientia uni quàm alteri adest, & utrumque ut divinæ sapientiæ instrumentum agit, neque ulla nos cogit ratio in brutis animam à spiritu vitali seungere, cum spiritus vitalis animatus esse, illustri Chamberæ, & aliis melioris notæ Philosophis videatur. Atque ea Scaligeri opinio ex nuperis observationibus doctiss. Malpighii non mediocriter illustratur. Ex iis quippè constat, in ovo læcundo etiam antè gallinæ incubationem, prima pulli rudimenta microscopii exquisiti ope conspici, quæ in ovo sterili, aut subventaneo non apparent. Ac de plantis quidem illud vulgò notissimum, prima arboris stamina in ipso germine distincta plerumque cerni, quod in fabis citra microscopii opem intueri licet. Sed fortè hæc aliena sunt ab eo, quod propositum est; neque hoc in loco quicquam velut certum audemus definire: nec demùm res tanta, ut par est, tractari potest, antequam viventium procreatione egerimus; ista igitur velut delibasse sufficiat, quod reliquum est prosequamur.

## VI.

3. *Opinio  
& communis,*

Tertia, eaque apud Peripateticos magis vulgata sententia est, formas omnes, rationali animâ exceptâ, è potentiâ materiæ educi. Non, me hercule, quòd in materiâ latitantes, tanquam è tenebris formæ in lucem prodeant: neque etiam quòd materia vi propriâ, atque impetu illas emittat, sed quia virtute agentium è materiâ ritè dispositâ, atque instructâ formæ eruuntur. Non enim, si propriè loqui volumus, forma generatur, vel creatur; illud quippè gignitur, quod existit; cum fieri sit quasi via, & motus ad existentiam. Compositum verò ex materiâ, & formâ existit, & operatur. Ergò forma, quæ nec generari, nec creari potest, è sinu materiæ eruitur, quatenus quæ prius erat potentiâ sit actu. Quocirca eadem actio diversis signatur nominibus: ratione compositi, quod gignitur, generatio dici solet; mutatio verò ad materiâ, quæ unam exiit formam, ut aliam induat, comparata nominatur: denique educationis nomen accipit propter fornam, quæ sit actu, cum antea esset potestate. Neque porro forma educitur, nisi eadem à materiâ dependeat, tum ut sit, tum ut operetur. Quare anima rationalis, quæ per se existit, & operatur separata, è potentiâ materiæ non eruitur. Reliquæ autem, quæ eadem actione fiunt, quâ ipsum compositum, neque à materiâ separatæ possunt existere; quarum tota essentia in hoc posita est, ut informet; nec per se fiunt, aut quicquam solæ moliuntur: illæ, inquam, omnes formæ in materiâ demersæ, ex eadem materiâ educuntur: quatenus agens

vim suam, quæcunque sit illa, in subiectum quoddam emittit, quæ quidem virtus materiæ impressa eam intrinsecus movet, & quasi agentis, ex quo manat, sigillo ac specie imprimit. Sic unius speciei individuum in alterius speciei individuum commutat, illud informat, ac perficit. Anima verò intellectus particeps, non è corpore elicitur, neque eadem actione, quâ ipsum compositum, procreatur: nec demum virtute agentis naturalis, ex subiecti immutatione prodit: sed preparato, & instructo corpori infunditur, & creatur.

Hæc, ni fallor, est Aristotelis de formarum origine sententia, eaque omnium ferè Philosophorum calculo comprobata. Est enim quodammodo media inter extremas opiniones, quarum altera formas nullo modo procreari, sed in elementis, vel materiâ latitare, & jam actu inesse putat; quæ quidem sententia tribuitur Anaxagoræ, & acriter à Sennerto defenditur. Altera huic opposita, formas omnino de foris advehi statuit; sive è coelo depluant, ut putat Fernelius, sive ab ideis ducantur, ut visum est Platonici; seu denique ab intelligentiâ quâdam proficiantur, ut sibi persuasit Avicennas. Probabilior itaque videtur sententia, quæ formas non quidem actu, sed potestate in materiâ contineri; neque omnino extrinsecus advenire statuit, sed virtute agentium naturalium, & benedictionis, seu imperii divini, cuius vis etiamnum manet, & regnat in formarum propagatione, educi.

His sanè acquiescerem, nisi multæ, & non contemnendæ rationes me in diversum retraherent: educi enim formas è materiâ potentia nihil apud Peripateticos magis tritum, nihil vulgatius: sed quid sit illa educio, quidve illam à creatione sejungat, quotusquisque nobis evolvit? Quædam generatur forma, quæ antea nullo modo erat: fit etiam ex nihilo, & secundum omnem rationem entis; quomodo igitur non creatur? At, inquiunt, jam erat in potestate materiæ: quid hoc est, nisi fortè capacitatem fuisse in materiâ, ut formam exciperet? Non enim alia est materiæ potentia, quàm ut subiecti vices obeat, & formas ut fundamentum sustentet. An id vocas educi è materiâ? Dic potius formas fieri in materiâ: aut cedo, cur anima rationalis non itidem educatur, cum materiæ sit quædam capacitas, & propensio, maximè cum est disposita, ut intellectivam animam excipiat. Materiam definiunt id, ex quo inexistente sit aliquid; atque ea definitio in composito quidem, cui materia inest, ut pars illius locum obtinet: quæ ergò persuadet ratio eandem materiem formæ non esse partem, si ex illâ hæc gignitur? Aut causæ materialis

VII.

Eductio

formarum

impugna-

tur.

lis

lis definitionem muta, aut concede illius rationem omninò esse æquivocam, cum ad compositum & formam traducitur: aut fateri, materiam non esse à formâ sejunctam. Quis enim concipiat formâ, & materiæ entitates, sic enim libet loqui, omninò distinctas, & formam fieri ex materiâ, si hæc illius non est causa intrinseca, hoc est, ut planius loquar, si forma ex materiâ non constituitur? Quid est, quod solent dicere, formam fieri ex nihilo sui, non ex nihilo subjecti, si ipsum subjectum nihil est formæ, ut vice versâ forma nihil est subjecti: sunt enim duæ res penitus secretæ? At formam sustentat materia: quid hoc est aliud, quàm formam recipi in materiâ? Verùm non potest forma sine materiâ subsistere. Esto: Sed neque materia, ut volunt, citra formam potest consistere; aut si possit, forma nihil ab accidente discrepabit. Et certè definitio accidentis ab Aristotele in Prædicamentis allata omninò in ejusmodi formas, quales describuntur à Peripateticis, cadit: est enim in aliquo, nempe in materiâ, & non ut pars illius subjecti; nec seorsum ab eo, in quo inest, fieri potest; nec demùm secundùm rationem, sed tantùm secundùm nomen de eo dicitur; non enim corpus est anima, quamvis denominetur animatum. Dicant igitur nobis quid ejusmodi formam ab accidente distinguat, quid ejus productionem à creatione, fecernat? Nihil enim est forma antequàm gignatur, atque ex nullo propriè fit subjecto, quamvis in subjecto aliquo recipiatur; ac denique secundùm omnem rationem entis in ipsâ conclusam procreatur. Mirum sanè tot formas è materiâ depromi, citra ullius materiæ dispendium; easque è sinu tam fecundo sobolescere, tametsi nullam particulam vel à materiâ, vel ab effectrice causâ decerpunt: easque substantias, cum extinguuntur, non abire in nihilum, tametsi nihil omninò earum remanet. At, inquiunt, forma propriè neque est, neque producitur, sed compositum. Cumque forma educitur, non ens aliquod, sed tale ens gignitur: nam illius essentia in hoc consistit, ut alteri insit, ut subjectum informet. Quare non fit ex non ente simpliciter, quod ad creationem requiritur, sed ex tali non ente: ut si canis ex equo gigneretur, non fieret per se ut animal, jam enim erat: sed ut tale prodiret animal. Sic forma ignis non fit ex non ente simpliciter, sed ex non igne, atque, ut ajunt, ex non ente secundùm quid: nam cum balbis balbutiendum est, & usitato loquendi mori serviendum. Hæc quidem magnâ subtilitate dicuntur, sed vereor ut distinctiones metaphysicæ rem satis apertam magis involvant. Nam si forma non generatur, non utique est entitas quædam à materiâ sejuncta: quod enim non fit, id nec entis nomen



nomen, nec rationem debet assumere. At illius esse est alteri inesse. Quid tum? An illud ipsum, quantumcunque est, produci non debet, si modò sit aliquid? Verùm ex Aristotele non fit rotunditas, neque res ipsum, sed rotundum: id quidem ultrò concedimus: sed neque rotunditatem ab ære rotundo, neque formam à materiâ formatâ discernimus. Forma autem, si est quiddam, producitur; si nullum est ens à materiâ disjunctum, per se non generari fatemur. At volunt esse entitatem quandam absolutam à materiâ secretam: itaque non modò ut tale ens, sed etiam ut ens produciatur, atque à DEO creatur, ut ipse fatetur Philoponus. Id enim inter creationem & generationem est discriminis, quòd illa nihil ejus, quod producendum est, supponat. Nam quod creatur, fit ex non ente per se, ex nihilo sui; secundùm universalem, & adæquatam totius entis rationem: adeò ut ens, in quantum ens producatur. Non quòd ens in universum emanet à creante: nihil enim nisi idem singulare procreatur: sed quia nihil in re creatâ concipimus, quod ante fuerit. At generatio fit ex non ente per accidens: id enim, ex quo quid gignitur, est quidem simpliciter, sed non est tale ens, non id quod generatur. Itaque non prorsus ex nihilo, sed potius ex aliquo sui efficitur; neque secundùm universalem, atque adæquatam entis rationem prodit in lucem; jam enim erat omninò id, ex quo canis gignitur, sed nondum erat canis. Quare si forma est quædam natura, vel entitas à materiâ sejuncta, cum ab agente naturali produciatur, omninò creatur: tota enim ab eo dimanat; nihil ejus extitisse supponimus ergò non modò ut tale quiddam est, sed etiam in quantum est, ab agente procreatur.

*Discrimen  
inter crea-  
tionem, &  
generatio-  
nem.*

Verùm, illud semper occinunt, formam esse ens incompletum, quòd neque esse, neque effici per se potest: est enim id, quo res composita existit, vel operatur; atque adeò non ut quod, sed ut quo produciatur. Id effugium jam magnâ ex parte præclusum est: nulla enim res ab aliâ discreta, quæque propriâ entitate donatur, actione sibi propriâ non efficitur. Quandoquidem ut actio non est quiddam ab agente, & effectû distinctum, quod in creatione evidentissimè liquet: tot sunt actiones, quot res sunt, ac nulla res non ut quod produciatur. Et sanè si forma suam habet entitatem, suâ quoque existentia fruitur: ergò per se existit; quid enim est entitas, nisi id quod natum est existere: est igitur entitas formæ adæquatum propriæ existentie subiectum; neque alio indiget, ut suam existentiam accipiat, nisi fortè causæ efficiæis auxilium expectat: sed id omni substantiæ creatæ

commune est. Non igitur satis assequor, quæ fieri possit, ut forma, si est quædam entitas à materiâ diversa, non per se existere, generari, aut potius creari, censenda sit. Quod vero ajunt nonnulli materiam ad formæ productionem causæ effectricis titulo conspirare; præterquam non satis probatur, id nihil impedit formæ creationem, quandoquidem materia formæ aliena est: neque enim forma ex materiâ constituitur. Mirum sanè quod ajunt formam non fieri, nisi quia totius compositi productionem subsequitur: cum pars sit ordine generationis prior, quàm totum: cum etiam forma sit causa totius. Quapropter si forma per se fiat, vel nihil ejus in materiâ præest, tumque creari dicenda est; vel aliquid ejus præexistit; idque erit assignandum. Mitto alia argumenta, quæ congerunt Sebastianus Basso, Berigardus, Thomas Anglus, P. Magnanus, ut nihil de Cartesio, & Gassendo loquar, de quibus suo loco.

## VIII.

*Variarum opinionum consiliatio.* Quanquam enim omnes non uno modo explicant rerum generationem; cum alii formas eliminant, alii eas in proportionem quâdam miscibilium reponant, alii aliter opinentur; in id tamen juxta incumbunt, ut formas à materiâ non re, sed cogitatione tantum, aut ad summum, ut modum à re modificatâ discriminant. Neque in re adeò obscurâ quicquam certi, aut explorati mihi occurrit. Nec formas tamen, quas superius multis argumentis probare conatus sum, omnino sustulerim: neque eas creari mihi omninò persuadeo: fateor me educationem illam à Peripateticis decantatam non assequi. Tametsi fortè aliquis educationem à creatione diversam aliquo modo possit defendere, quod creatio nulli materiæ innitatur; educatio autem formæ circa aliquod versetur subiectum. Sed præterquam animæ rationalis creatio in corpore perficitur, nihil aliud quàm recipit materia, nec formam ex se fundit, neque illius materialis causâ dici potest, cum ex eâ forma minimè constituatur. Atque omnia redeunt argumenta, quæ satis copiosè prosecuti sumus. Non igitur forma corporis mixti (nondum enim quicquam de viventibus decerno) est quædam entitas à materiâ diversa; sed nisi me mens fallit, non est aliud, quàm miscibilium, quæ partes essentielles jure nominantur (cum sine his compositum nec esse possit, nec concipi) compositio, ratio, vel proportio. Non enim materia est homogeneous quid & uniusmodi; sed ex diversis constat elementis: hæc juxta se posita agunt in se se, mutuo complexu se stringunt, atque ad certam proportionem se se redigunt: hinc juxta diversas compositionis, aut mixture rationes, varia item composita exurgunt, & formæ, seu actionum quarundam principia distinguuntur. Quemadmodum sola accidentium collectio,

& materiæ diversitas, arte facta ipsa discernit. Nec minor est inter horologium, & domum, quàm inter lapidem & metallum differentia; in utrisque essentia, vel naturæ diversæ sunt: essentia quippè rei in certâ materiæ compositione posita est.

Non ignoro quantam mihi concitem pugnam: cùm præsertim diversam huic, quam nunc tueor sententiam superiùs visus sum innuere, quando formas substantiales existere demonstrabam. Enimverò nec formas negaverim, nec à meipso dissentio, sed omnes sententias hæc ratione conciliari posse existimo. Sic enim compositum gigni, atque ab agente produci planum est: quatenus partes materiæ prius dispersæ colliguntur, & certâ proportionem temperantur. Jam illæ partes in unitatem totius conspirantes, communem actionem, & compositum propriam exerunt: hinc naturæ nomen, & primum motus principium iis jure convenit: suas quæque dotes aliæ aliis communicant: certâ quâdam ratione se se determinant, atque uni & præcipuæ actioni destinantur. Rem verò ita se habere hinc faciliè colligimus, quòd vitrioli, nitri atque aliorum mixtorum partes separatæ, rursus in idem mixtum arte chymicâ, ut postea dicemus, redigantur. Quòd si elementis ea vis inest, ut se se naturali vinculo complectantur, & mutuas actiones conferant in se se, ac velut in commune consulant, quid necesse est novam formam ab elementorum mixturâ diversam fingere? Quandoquidem ex elementis simul junctis mixtum quoddam exurgere necesse est? illa quidem miscibilium ratio, quam formam dicimus, est id quo res est; seu quidditas, vel essentia, & species rei. Neque illa forma à Peripateticis jam *Quid sit forma.* dicta, cùm sit pars compositi, tota rei natura, aut species, aut causa formalis dici debet: non enim est adæquata rei quidditas; ut homo non est sola anima. Illa verò miscibilium ratio totam rei compositionem essentiam complectitur; per se non fit, sed è materiâ prodit: quatenus hæc ab agente formatur: neque circa materiam esse potest; quæque omnia de formâ dicuntur, huic omninò conveniunt. Id unum nobis illudit, quod, ut supra dictum est, de rebus physicis agentes, metaphysicas, & abstractas voces usurpemus. Hinc formam ab agente produci fingimus, cùm materia ab eodem formatur; nec ipsa compositio, vel partium convenientia, sed compositum generatur. Itaque natura cujusque mixti corporis physicè spectata nihil est, quàm elementa, aut partes essentielles certo quodam modo temperatæ: ipsa verò proportio, vel partium convenientia erit species, natura, aut formalis causa, ut à metaphysico considerari solet; hanc enim explicat definitio. Neque adeò quiequam est in formali

causa, quod idem non sit in materiali, præter illam convenientiam, quæ non est entitas quædam materiæ succrescens, sed ordo, vel relatio, aut relationis potius fundamentum. Non enim illa proportio est metaphysicum, & abstractum nescio quid, sed nihil est quàm partes ipsæ inter se connexæ, & sibi invicem certâ quâdam ratione contentientes. Neque entitatem aliquam agens procreat, sed partes duntaxat antè disjunctas admovet; adeo ut nihil conferat præter motum. Compositum tamen verè gignitur: nam partes seorsum sumptæ aliud quiddam erant; in unitatem compositi adductæ; jam novæ formæ subjiçuntur, & aliam essentiam, vel naturam constituunt, quia diversas induunt proprietates, & novas subindè actiones fundunt. Istæ sanè formæ, intellectu, imò & sensu quodammodo percipiuntur. Quidquid enim serè de rebus physicis exploratum habemus, id sensu quodammodo nobis innotescit; adeo ut operationes penè omnes corporum, à qualitate aliquâ sensibili proficiscantur. Atque idcirco formæ, quæ sunt harum operationum principia, sensibus ipsis, aut rationi, quatenus internuntiis sensibus utitur, quodammodo subjiçuntur. Non ergò aliud quiddam erit forma, quàm certa materiæ determinatio: hæc verò vel in complexu quorundam accidentium, aut partium insensibilium certâ configuratione vel in attemperatâ quâdam elementorum proportionem, vel in utroque consistit: neque necesse est, novæ entitatis eductionem, aut potius creationem comminisci: quomodo enim res ex aliâ, in quâ non erat, actu, eruitur? Nisi fortè putes aurum ex fodinâ, aut crumenâ, in quâ tantum est potestate, elici posse. Informis quidem, & rudis materia paulatim perficitur, ac formatur, idque non in momento, sed temporis successione peragi constat: est enim generatio motus ad substantiam; nihil autem movetur, nisi in tempore. Itaque forma è materiæ sinu quodammodo eruitur, aut potius materia ipsa seorsum formatur; quemadmodum sculptor dum marmor incidit, & expolit, formam Cæsaris exprimit, à rudi marmore solâ partium dispositione diversam: aut cum ex argillâ figulus vas certis usibus destinatum fingit, tum enim figuram vasis ab illius materiâ minimè secretam elicit. Et sanè ut ferrum diversis figuris instructum varias quoque actiones edit, sic materia variè conformata distinctas actiones exerit: nec magis necesse est formam à materiâ, quàm figuram à ferro secernere. Atque, ut ait Aristoteles, 2. Physic. text. 12. & 19. Forma non est separabilis, nisi secundum rationem, ut simitas, inquit, quæ à naso auferri non potest.

Hæc fusiùs disserui, quòd ad totius naturæ explicationem necessaria esse putaverim. Nam si in principiis ipsis peccatum fuerit, longè, latèque

lateque error pervadet. Ista sane disputatio semper mihi visa est per-  
obscura, & nescio an id Peripateticorum culpa contigerit, qui negle-  
ctis sensibus, rationis quædam figmenta, & subtiles argutias consectan-  
tur: quæ sunt ante oculos posita, contemnunt: abdita quædam, &  
nullo intellectu comprehensa optant magis, quàm inveniunt. Mate-  
riam, quæ sit pura potentia, & formam fingunt à materiâ distinctam, si-  
ne quâ tamen esse non possit;eductam ex eadem materiâ, in quâ actu  
non erat; ex nihilo sui, ut ajunt, procedentem, nec creatam tamen;  
quæ substantia sit, nec possit subsistere; materiæ inhæreat, neque ac-  
cidentis tamen rationem habeat; entitas quædam sit, non creata, non  
genita, sed educta è subjecto tenebroso, informi, & omnis perfectionis  
experte: hocce est philosophari, an divinare? Quantò apertior, &  
intellectu facilior est eorum sententia, qui elementa ipsa, non tantum  
illa pervulgata quatuor, sed etiam Chymicorum principia, & alia, si quæ  
sint, aut corpus ipsum, quatenus trinâ dimensione constet, vel minima  
quædam physica, aut atomos, ut materiam omnium primam concipi-  
unt: formam verò definiunt vel accidentium complexum; (acciden-  
tia voco, non entitates quasdam à substantiâ discretas, sed determina-  
tiones substantiæ, quales sunt raritas, densitas, figura, motus, & alia,  
de quibus suo loco dicendum) vel elementorum certam rationem; sic  
enim persæpè ab Aristotele signatur, ut species, ut ratio, ut quidditas  
rei. Exemplum affert illius toni, qui in musicâ diapason vocatur, illi-  
usque causam formalem esse proportionem duplam tradit. Duæ quip-  
pè voces materiæ locum tenent; sed cùm superior sit dupla inferio-  
ris, & inferior dimidia superioris, hæc ratio vocum, vel proportio du-  
pla, formam, seu definitionem diapason efficit. Sic partes essentielles,  
ex quibus totum componitur, ad causam materialem pertinent; sed  
ratio partium, quæ speciem tribuit composito, & certæ actioni illud  
accommodat, causa formalis censetur: est enim essentia rei integra,  
non ultimum duntaxat illius complementum. Neque veteres Peripa-  
tetici aliud quiddam de formis sensere; neque generationem à misti-  
one diversam statuerunt. Hinc Alexander Aphrodiseus formam cor-  
poris mixti ex simplicibus elementorum formis composuit: adeò ut  
nihil esset, quàm harmonia quædam, vel concentus multarum forma-  
rum, quæ in unum conspirant.

Multa quidem adversus hæc à Peripateticis recentioribus oppo-  
ni solere scio, quibus non difficile erit occurrere. Prima his argumen-  
tatio ex rerum differentiâ desumitur. Res enim omnes specie diver-  
sas ajunt, non accidentariò tantum, sed etiam essentialiter inter se dis-  
ferre. Quod utique verum est. Sed accidentium congeries, vel forma-

IX.  
Objecta  
distantur.  
I.

rum simplicium, seu miscibilium quædam proportio, nihil est quàm accidens. Id verò esse falsum ex dictis liquet: cùm illa proportio, harmonia, ratio partium ab ipsis partibus quædam ratione inter se connexis, nequaquam differat.

Altera calumnia est, generationem à mitione nihil fore diversam: erit enim elementorum, vel miscibilium alteratorum unio. Id quidem libenter confitebor: nam elementa variis modis attemperata, ut mixta, sic composita diversa efficiunt: sunt enim cùm mixti, tùm compositi partes essentielles; & varia temperatio diversas agendi virtutes procreat. Sunt quippè elementa activa, eaque simul unita & se se, & alia sibi consociata, & ipsum compositum movent. Hinc naturam quandam, seu certum motûs principium efficiunt: essentiam definitam, & propriam agendi vim mixto conferunt.

At, inquiunt, compositi partes sunt homogeneæ, & unius modi: partes vel minimæ carnis, caro sunt. Id verò falsum esse in sequentibus probabo: nullum enim est corpus, quod in sua principia archymicâ non resolvatur: tametsi ea non prima sunt, sed secundaria, & ex aliis orta.

Verùm instant, non unum per se compositum fore, sed per accidens tantum. Jam aliàs responsum est, unam esse compositi essentiam, neque id in plura ejusdem secum essentia dividî posse. Alii distinctionem commodam adhibent. Fatentur compositum non esse unum unitate simplicitatis, sed unitatem compositionis habere volunt, ratione cujus in prædicamento reponitur, ac principium habet in se motûs & quietis, naturæ adeò speciem quandam constituit, idque omnino sufficere contendunt.

Plurima autem ex eo contra opinionem nostram cavillatio est, quòd essentias, & formas rerum in quâdam partium harmoniâ, contextu, aut proportionem reponamus. Indè hæc, harmonia non regit, vel moderatur cytharam: sed anima, vel forma quævis regit, & continet corpus. Ubi proportio mutatur aliquantulum, omnis statim perit harmonia: at offenso corpore non statim bruti anima extinguitur. Neque omnis alteratio cum corruptione, aut generatione conjuncta est: quòd tamen necessarium foret, si formæ quorundam accidentium, congerie, aut partium certâ proportionem constarent. Mutatis quippè accidentibus, aut proportionem variatâ, formæ quoque mutarentur: idque hoc magis, quòd essentia rerum sunt nobis latentibus omnino indivisibiles. Est igitur forma aliud quiddam præter illam proportionem, quæ ex elementis simul unitis resultat: aliud est à complexu quorundam accidentium, quæ quidem ex formâ oriuntur, non eam efficiunt,



ciunt, accidentia enim ad essentiam rei minimè pertinent. Hinc Aristoteles, cum disputat adversus Empedoclem, docet mixtorum formas non esse compositas, sed simplices & unius modi. Quomodo enim contrariæ qualitates, & formæ adeò inter se dissidentes tam aptè convenirent, nisi illa una, & simplex forma vinceret, coerceret, & arctò quodam vinculo contineret, ne divulsæ, ac dissipatæ omnino distraherentur? Huc adde, quòd corpus mixtum, vel animatum non alias exerceret functiones, quàm quæ sunt elementorum propriæ. Et ita forma equi nihil aliud, quàm calefaceret, vel exsiccaret, vel aliquid aliud præstaret, quod non superat elementorum vires. Sed viventia innumerabiles exercent functiones, quas mortua corpora, vel elementa obire nequeunt. Ergò viventis forma, imò & mixti cujusque corporis, longè diversa est ab elementorum formis, nedùm cum illâ fictitiâ accidentium congerie confunditur. Sanè quidem Galenus, qui nimium fortasse tribuit elementis, negat tamen spiritum vitalem ab elementis prodire, cum sit planè cœlestis, ac divinus: quod multò potiori jure de animâ cujusque plantæ, vel bruti licet affirmare. Atque ut concedam partes similes à calore, vel frigore, aut aliâ qualitate elementorum formari: nunquam id dabo, partium dissimilium, ut capitis, oculi, manûs structuram ab iisdem qualitatibus proficisci. Nam ut caloris, vel frigoris vis, aut motus fortè causa est primaria æris, vel argenti; non item phialæ, vel alterius vasis, quod ab arte fingitur; sic partes homogeneæ ex variâ elementorum mixturâ prodeunt, non item dissimilares, & organicæ, quæ nobiliorem longè, & diviniorem causam exigunt.

Nisi quæ me fortè fugiunt, hæ sunt ferè rationes, quas adversus Alexandrum Aphrodisæum, & eos, qui nobiscum sentiunt, afferre solent. Quibus ut paucis respondeam, meminisse oportet me quid harmoniæ, quid accidentium nomine intelligerem, jam exposuisse. Non enim illa miscibilium apta consensio quiddam est ab iisdem sejunctum. Accidentia item, quæ ad rei alicujus formam pertinent, non sunt tenues quædam entitates à subiectis, quibus insunt, diversæ; sed determinationes & modificationes quædam substantiæ, quæ illam certæ actioni reddunt idoneam; quorum accidentium nonnulla ad præcipuam actionem, cui natura quæque destinatur, omnino sunt necessaria, alia non item: sed adjuvant duntaxat, atque ut ea commodius exerceatur, in subsidium veniunt. Hæc igitur si fortè destruantur, non idcirco compositum ipsum corrumpi necesse est; sed alterationem duntaxat id patitur. Cum verò ea tolluntur accidentia, sine quibus actio corpori propria stare nequit,

Lib. 2. de  
Anima,

5.

6.

7.

8.

Respo.

tum

tum omninò corpus destruitur. Itaque viventium quantitas augeri potest, vel minui, dum illa maneat præcipuis actionibus exorcendis necessaria magnitudo. Idem de calore, frigore, figurâ, motu, & reliquis accidentibus dictum puta, quorum eisi nullum fortassis omninò sit necessarium, horum tamen congeries certum postulat modum, numerum & ordinem : quæ si abfuerint, non remanet amplius idem sensibile. Nam ea, quæ dicimus accidentia, sensus movent, atque iis destructis, nihil ejus quod erat antea, sensu comprehenditur : tumque mixtum ipsum non alteratum modo, sed etiam corruptum intelligimus. Est tamen in re quâque unum quoddam præcipuum, in quo natura illius potissimum eminet, quodque unum in re maxime dominatur, ac merito forma dici potest. Exemplo utar jam ab aliis occupato. In cultro duæ sunt partes, altera, quæ manubrio inseritur, altera, quæ secat ; illa suam habet figuram, tum ut firmior sit, tum ut facilius apprehendatur : hæc verò & crassiori parte, & tenuiori, & suâ latitudine, & mucrone instruitur : sed potissima illius pars, cui cæteræ inserviunt, est ipsa acies, quæ secat ; hæc quidem est tenuissima, sed si eam sustuleris, ratio instrumenti omninò perit. Sic in mixtis corporibus quoddam præ cæteris elementum regnat, in viventibus purior essentia, & quasi flos corporis viventis formæ locum obtinet ; huic reliquæ partes famulantur ; hæc corpus regit ; hæc adeò si evanuerit, rei natura penitus destruitur ; neque tamen eam partem simplicem esse, aut educi è corpore necesse est : sed ex purissimis elementorum, aut aliorum corporum essentiis compingitur.

Ac de his quidem fusiùs alibi, cum de viventium formis agemus. Itaque jam potentissimis adversariorum argumentis breviter occurram, ne in infinitum evadat quæstio. Forma, inquit, regit, & continet corpus : non igitur est harmonia quædam. Antecedens fateor esse verum de præcipuâ parte, & quasi flore mixti corporis : non de ipsâ elementorum compositione : hæc enim ratio, vel proportio dici potest, non illa ; hæc si mutatur, adeò ut præcipua actio corporis exerceri non possit, mixtum ipsum dissolvitur : quare illius essentia in quodam indivisibili posita est : quemadmodum sublata cultri acie non est amplius instrumentum sectioni accommodatum. Sed in quo rei cujusque essentia posita sit, definire omnium difficultimum est. Quamdiù cætera accidentia mutantur, atque id, sine quo res esse non potest, manet : alteratio quædam est, non corruptio : ut si crassior cultri pars vitietur, aut mucro obtundatur : quandiu acies manet integra, culter esse non desinit. At docet Aristoteles mixti


mixti corporis formâ elementorum formas contineri : id de parte illâ præcipuâ, quæque in mixto potissimum dominatur, & maxime in viventibus emicât, omnino confitemur. At viventia multas actiones exerunt, quæ elementis tribui non possunt. Quis hoc negaverit, cum ex temperatione elementorum novæ vires, novi motus exsurgant? Nec ab elementis ad viventium formas, nisi per varios gradus pervenitur. Neque ii sumus, qui quatuor tantum corporum primordiis contenti, omnes vires, & motus ex vulgatis elementis ducamus : nec demum ita simplices sumus, ut partes viventium organicas ab elementis formari, & fingi arbitremur : id enim divinæ cujusdam est facultatis, hic verò non effectrices rerum causas, sed materiam duntaxat, & formam inquirimus, quæque ad animalium generationem pertinent, in alium locum differimus.

Quocirca ut summam eorum, quæ dicta sunt, faciamus, & diffidens Philosophorum sententias, quantum fieri potest, conciliemus : X.  
Conci-  
liatio. damus Ferneliæ cœlum causæ universalis titulo, formas penè omnes effundere. Scaligero concedimus viventium formas, ut corpora, magnâ ex parte sui divisione propagari. De mixtis verò corporibus id nobis videtur, compositionem ipsam, aut certam miscibillum rationem causæ formalis locum obtinere ; eamque quodammodo educi è subjecto : partem verò, aut elementum, quodcumque sit illud, quod reliqua in sui obsequium trahit, cuique actio primaria tribuitur, formam quoque dici posse, si cum aliis conferatur elementis. Cum autem ex illâ parte dominatrice, ut ex aliis constet ipsum compositum, ea procul dubio ad materialem causam pertinet : nam id omne, ex quo inexistente sit aliquid, ad eam causam revocatur. Postremo ne illa quidem Alberti sententia omnino est repudianda, quâ statuit, formas rerum, quæ oriuntur, in materiâ, vel elementis, tanquam in thesauris esse reconditas, ibique præexistere, non ut absolutos, sed ut initiales, & incompletos actus : nihil enim forma ab ipsâ materiâ secundum entitatem differt. Itaque forma quercûs in glande jam est inchoata : actum, ut vocant, virtualem, melius seminariam dixeris rationem, possidet. Nam in germine alia est ratio trunci, alia ramî, alia frondis, alia floris : hæc porro rationes, vel seminariæ vires, aut quocumque alio nomine appellentur, sunt in ipso germine quasi involutæ, non aliter ac radii in centro circuli uniuntur. Unde si Alberto credimus, jam essentiam, vel rationem suam habent ; nondum tamen propriâ existentia fruuntur : quousque enim evolutæ fuerint, nondum formæ nomen obtineant. Hæc si benè intelligo, rationibus seminariis, quæ materiam formant, planè conveniunt : sunt enim

enim velut characteres idearum, & sigilla materiæ impressa; ex his formarum distinctio pendet, neque à materiâ diversam habent existentiam, sed ratione, vel essentiâ differunt, sicut ut figura ceræ impressa. Neque hinc tamen essentiæ ab existentia distinctionem captes: multa enim sunt indiscreta, quæ definitione, vel essentiâ separamus; ut figura marmoris insculpta eadem est cum marmore, ut diversa tamen & concipitur, & definitur. Sed in his fortasse nimii sumus, & aliò pergendum. Nunc ergo tentemus rerum naturalium vera principia è puteo Democriti eruere.

### CAPUT TERTIUM.

#### *De Principiis juxta Democritum & Epicurum.*

- I.  Emocritus quidem rerum omnium principia pleno, & vacuo, seu atomis, & inani contineri statuit: huic Epicurus planè succinit, qui diligentius formas & motus atomorum secutus, atque ex variâ atomorum complexione, copulatione, & adhesionem credidit effici ea, quæ sunt, & cernuntur omnia. Hujus philosophiam ferè sepultam, & planè exoletam his temporibus excitavit P. Gassendus vir omni doctrinâ eruditus. Nos sanè, qui verum, aut verisimile saltem invenire volumus, quid à singulis philosophiæ disciplinis traditum fuerit, quidve nobis maximè probetur, persequi instituto operi maximè necessarium arbitramur. Habet id commodi philosophia Epicuri, quòd intellectu non sit difficilis, nec multitudine terminorum involuta: ac si minùs vera, tamen apta sunt inter se, & cohærentia hujus disciplinæ elementa; neque à sensibus abhorrent, nec ab ipsâ fortè naturâ, quæ à parvis initiis ad summa progreditur. Cum autem illa, ut dixi, ex quibus res omnes constant, principia duo sint, atomi, & inane; prius est dicere de atomis, quæ ex Epicuro sunt corpora individua, quæ ita feruntur in infinito inani, ut concursionibus inter se cohærescant, & efficiant quæ gignuntur omnia.

*Quid atomi & quibus ratio-  
nibus demon-  
strantur.*

Jam ut rem ipsam loquar, atomi non ita sunt insectiles, ut omnis omnino extensionis sint expertes: non sunt puncta mathematica, sed physica, ac quæque suâ extensione, ut figurâ continentur. Naturæ quidem viribus secari non possunt: nam res eatenus divisioni est obnoxia (si Principes hujus philosophiæ audimus) quatenus inania  
spa-

spatiola habet intercepta. Cum igitur atomi solidæ sint & continuæ neque ullos admittant poros, divisioni nullum præbent locum. Solidas verò esse atomos hinc colligi potest, quòd nullum foret corpus durum, & solidum, si molles, & tractabiles forent atomi. Res enim quæque eò mollior est, ac tactui magis cedit, quò plures poros, aut plus inanis admittit: neque ullum est corpus adeo tenue, ac liquidum, quod non ex solidis atomis compingatur. Nam ut sunt spatiola adeo inania, ut nullo repleantur corpore: sic quædam fatendum est esse corpuscula adeo plena, & solida, ut nullum penitus inane intercipient. Quod autem dentur ejusmodi corpora individua, ne Peripatetici quidem negaverint; tametsi ea nomine atomorum non designant, sed aut puncta physica, aut minima naturalia solent appellare. Eodem tamen revolvuntur, dum concedunt esse aliquid minimum, ultra quod naturæ progredi non liceat. Quique contra nituntur, non advertunt, nihil misceri, nihil generari posse, nisi quæ ad mixtionem conspirant, in minima resolvantur: non aliter ac videmus salem in aqua, aut metalla in aquis stygiis dissolvi, cum in minimas ferè partes sunt comminuta. Quâ porro ratione materiam existere probat Aristoteles, eadem planè dari atomos demonstrat Epicurus. Nam ut ille in generatione, & corruptione rerum subjectum aliquid esse ortus, & interitus expers rectè conclusit: sic Epicurus cum cerneret omnia dissolvi, & dividi posse, neque in infinitum quicquam moliri naturam, omnino existimavit sistendum esse in atomis, quæ cum sint partes minimæ, in alias utique minores secari nequeunt. Cum etiam partes illæ sint duræ, ac solidæ, non magis naturæ viribus dividi possunt, quàm se se mutuo penetrare. Ac fortè ratio corporis in illa potius soliditate, & unitate, aut continuitate consistit, quàm in partium extensione. Idcirco enim partes materiæ diffusæ, & extensæ concipiuntur, quia se se non penetrant, atque impenetrabilitas ex soliditate manat. His rationibus aliam non minoris momenti adjiciunt quidam inter recentiores Philosophos non postremi: quòd nisi ejusmodi corpora individua sint in continuo, nihil omnino erit, quod per se creationi respondeat: hæc enim quæque ex nihilo educit, ut generatio ex subjecto aliquo rem procreat. Partes igitur continui majores cum ex aliis constent, non tam creari, quàm gigni, & componi manifestum est: quid ergò ad creationem pertinet, nisi illa corpora penitus insectilia, quæ ex aliis partibus non fiunt, ac solâ creatione producantur?

Verum hîc morosam, & planè difficilem quæstionem movent: utrum illæ atomi partium expertes, quæ tamen suis dimensionibus non carent, mathematis,

II.

atomi ex  
punctis

Mmm 2

carent, math. ma-  
tices,

carent, ex punctis mathematicis, atque omnino individuis consent, an potius sint in infinitum divisibiles. Quodcumque enim statuerimus, vix reprehensionem possumus effugere. An continuum ex finitis, vel infinitis, & mathematicis punctis conflabimus? Infinitum natura nescit; quidquid creatum est, id pondere, numero, & mensurâ est definitum; ne possibile quidem esse infinitum multi arbitrantur. Verum hæc quæstio ab eo, quod propositum est, videtur penitus aliena, seu finita, seu infinita statueris puncta, mihi perinde est. Neque unquam vim demonstrationum, quas Aristoteles, atque alii adversus indivisibilia attulere, infringes. Indivisibile additum indivisibili rem non facere aut majorem, aut magis extensam, manifestum puto. Non enim punctum aliud secundum partes, cum nullas habeat, sed secundum se totum tangit; & idcirco in eodem puncto loci simul existunt, nec majus ambo spatium occupant, quam si unum dumtaxat adesset indivisibile. An putas tria puncta longiorem efficere lineam, quam si duo tantum forent? Illa sanè duo puncta, quæ velut extrema medio indivisibili nectuntur, non plus inter se distant, quam si immediatè & proximè se se contingerent: interjacens quippè punctum cum nullo distendatur spatio, non auget inter extrema distantiam. Mitto demonstrationes mathematicas, quæ nimis quàm vulgares sunt: tot fore in minori circulo, quot in majori puncta, nec quadrati diagonalem, quæ scilicet oppositos angulos connectit, majorem ejusdem quadrati latere futuram: non posse rectam bipartito secari, si imparibus punctis constet: idque pugnare cum iis, quæ ab Euclidè sunt demonstrata. Id quidem concedimus licere Mathematicis puncta fingere, non item Physicis; illi enim quantitatem speculantur ut à materiâ secretam, quæ tamen nusquam est, ut ab iis concipitur: nullæ adeo sunt lineæ, nulla puncta, nisi in mente mathematici: imò nullæ sunt in rerum naturâ figuræ, quales cogitatione depinguntur. Neque ullum in rerum naturâ reperire est circulum, qui suam ideam impleat. Res enim participata ideæ suæ perfectionem non assequitur. Damus illud quoque punctum additum puncto augere extensionem, ut unitas adjecta unitati numerum facit. Sed illud concedat, puncta non magis in rerum naturâ existere, quàm unitatem à re ipsâ secretam, & utrumque esse cogitationis opus. Quod si, ut fatentur, puncta mathematica nec situm, nec ordinem habent in continuo, non video cui usui futura sint; Mathematici ea sibi servant, non in physicam inducant.

Quid ergo? An continuum erit in infinitum divisibile? Illud enim ex duobus propositis alterum restat. Cumque ex punctis om-

nino

### III.

An conti-  
num sit  
infinitè  
divisibile,



nino insectilibus non compingatur, necesse est, ut semper in partes secari, neque ullâ divisione exhauriri unquam posse fateamur. Enimvero nunquam potui huc parare, aut inducere animum, ut credam corpora esse in infinitum sectilia. Nusquam enim ejusmodi progressus in infinitum in rerum naturâ occurrit. Quis credat pedem acari, vel minutissimæ arenulæ granum posse in infinitum dividi? adeo ut, quæ summa est absurditas, per totam æternitatem secari possit, neque unquam partes omnes exhauriantur: sed longè plures excontinua divisione prodeant, quam sint arenæ grana in toto oceano; imò quam totum universum capere queat. Hæc profectò portentosa mihi videntur. Multa in hujus sententiæ probationem à geometris probata asserunt, quibus efficitur lineam esse in infinitum sectilem, atque ex eâ partes semper demi posse, neque ad extremum perveniri. Sed meo quidem judicio nihil necesse est ingenia discendum ejusmodi demonstrationibus vexare. Concedimus Geometris quantitatem, ut ab iis inspicitur, nempe à materiâ abstractam, esse infinite divisibilem; sed ea nusquam est, nisi in mente Geometræ; Physicus eam, ut materiæ immerSAM, ut actioni, vel passioni subjectam contemplatur; quo quidem modo in ultimas, & minimas partes tandem comminui posse certum est. Quid enim si corpus est in infinitum divisibile, aquæ guttulæ eò usque dividi poterit, & in tot partes secari, ut cum toto oceano misceri possint. Quod scio quidem ab iis concedi, sed nihil incredibilius fingi potest, nisi hoc fortasse, quod in pede acari infinitæ sunt partes, & extensæ, cum tamen illud corpus non sit infinitum, sed adeo minutum, ut oculorum aciem eludat. Neque ullâ mentis contentione possum concipere partes in continuo potestate dumtaxat, non actu contineri: neque ulla ratio me coget credere venas in homine non actu, sed potentiâ à nervis distingui: cumque sæpè eveniat, ut pars una doleat, alterâ non dolente; ut manus frigeat, dum calet altera, quæ subtilitas ex ipsis metaphysicæ adytis deprompta huc animum impellet, ut eas partes non esse actu distinctas sibi persuadeat. Profectò dividitur corpus in partes, quæ erant antea, non in ea, quæ recens producuntur. Plures aquæ guttulæ simul coeunt: an desinunt esse quod erant prius? Rursum eadem major aquæ moles in plures guttulas resolvitur: an novas entitates illæ guttulæ sibi acquirunt? An de novo gignuntur? Nonne eadem unitas, idem esse, eadem veritas convenit guttæ, sive hæc sola sit, sive cum aliâ conjuncta? Profectò prædicata quæ sunt essentialia, nunquam mutantur: ergo eandem servat entitatem gutta, sive unita sit, sive omnino separata. Nunquam una gutta erit,

Objecta.

et solut.

I.

aut fuit altera, tametsi sunt conjunctæ, non idcirco unum quiddam sunt. Sed, inquis, compositio partes omnes ad unitatem redigit, neque illa unitas cum multitudine partium salva esse potest. Fatoor compositum suam habere unitatem, quæ sibi propria est, quæque compositionis appellatur, sed hæc partium multitudinem non excludit. Corpus itaque omne est unum, insectile, solidum, & continuum; nihil enim est quàm atomus. Sed materiâ ipsâ, seu atomorum, aut corporum acervus est divisibilis, ex partibus constat certo numero comprehensis, & sibi mutuo contiguïs.

Instas, & urges pressius: si partes illæ jam sunt ab invicem secretæ: ergo quæque suam habebit essentiam completam. Hoc argumenti jam supra dissolvimus; atque eadem ratione evinci posset, elementa non actu, sed potestate tantum contineri in mixto. Nihil itaque absurdi est, si quæ separata per se existunt, simul conjuncta novum, & præstantius suppositum efficiant. Sic rerum gradus natura temperavit, ut inferiores præstantioribus inservirent, atque earum omnino partes forent.

V.

Nulla esse  
in conti-  
nuo pun-  
cta,

Quamobrem ut longæ, & molestæ disputationi finem imponamus; sic nobis de continui divisione, & naturâ videtur, ut id partes habeat ætæ diversas; nisi enim actu sint in continuo, partes erunt nunquam; siquidem separatæ jam non sunt partes. Sed ne illud quidem potest intelligi, continuum esse in infinitum divisibile: cum cujusque rei moli sint certi à naturâ præscripti fines. Augeri quidem indefinitè potest continuum, id enim omnipotentis Creatoris opus est: sed nullius rei natura patitur, ut in infinitum minui possit. Restat igitur, ut continuum ex minimis particulis, quas vocant atomos compingatur. Neque tamen ex punctis mathematicis id constat, ut probatum est: imò ne ulla quidem sunt in continuo ejusmodi puncta, nullæ omnino lineæ, nullæ superficies. Hæc quidem finguntur à Geometris, non asseruntur. Quid enim sit in rerum naturâ, non est eorum definire. Quemadmodum iis liberum est supponere à singulis circumferentiæ majoris circuli punctis lineas per minoris circuli peripheriam ad commune centrum deductas: adeo ut tot sint futura, non modò in minore circulo, sed etiam in centro puncta, quot in majore numerantur. An non illud omnino absurdum videtur, tot esse puncta in minore, quot in majore circulo? Uterque circulus in rectas lineas porrectus concipiatur; ac minorem majori subduplum ponamus; nonne id sequi necesse est, ut tot sint puncta, tot adeo partes in dimidiâ parte lineæ rectæ, quot linea integra complectitur? Jam enim ostendimus non plura esse in majore circulo, quàm in minore puncta:

puncta: nunc verò illi circuli in rectas lineas explicantur: ergo in utraq;ue lineâ indivisibilium numerus æqualis futurum est. Quomodo id incommodi effugient, qui demonstrationibus mathematicis ad rerum physicarum explicationem abutuntur: cumq;ue ex punctis mathematicis continuum conflare non audeant, illius partes punctis vincunt, & terminant? Graviorem scilicet plagam accipiunt, ut leviolem repellant. Præterquam enim iisdem premuntur incommodis, quæ afferri solent adversis eos, qui continuum ex punctis componunt: nam minor terræ circulus tot puncta habiturus est, quot maximus in firmamento circulus. Quorsum ista in continuo puncta, cui tandem usui deservient? Scilicet ut extrema linearum terminent. An verò his sublatis linea non erit terminata? Profecto finita est, neque proprios excedit limites; intrinsecus adeò jam est terminata, neque hos exigit fines extrarios. Sed fortè puncta lineæ partes copulant? An non suâ sponte uniuntur? An non se se tangunt, & se se mutuo complexu stringunt? Cum etiam linea in duas partes dividitur: numquid duo puncta ex uno dimanant? nisi fortè velis idem punctum in duas partes secari. Unde hæc puncta oriuntur, quæ prius non erant? neque enim duo immediate consequuntur. Sed neque arbitror defendi posse quicquam in lineâ præter puncta, vel in superficie præter lineas existere, cum ejusmodi indivisibilia, ut nexus, & copulas partium admiseris, ubique enim fecari potest linea, cumq;ue divisa est, in utrisq;ue extremis puncta insunt: nec satis liquet, quomodo generentur, si antè non erant. Demonstrationibus mathematicis confici volunt circulum à rectâ lineâ in puncto tangi, ut ab Euclide demonstratum; quemadmodum globus planum in puncto contingit, ut Theodosius probat. Adde quoque cylindrum plano secundum rectam lineam insistere; quid ergo aliud erit in plano, præter indivisibilia? Quid præter lineas ex punctis compositas? Volva-  
Lib. 3.  
pr. 16.  
Lib. 1.  
spher.  
tur enim globus, vel cylindrus in plano; ille describet lineam ex punctis, hic superficiem ex lineis constatam; nihil enim est in plano, quod cylindrus motu continuo non attingat: nec tangit planum, nisi in lineâ: nihil adeò in plano præter lineas futurum est. Facere quidam respondent, globum, vel cylindrum, dum movetur, subsultare; alii, ut magnum suæ subtilitatis argumentum excogitarunt planum à globo non in puncto, sed in parte indeterminatâ tangi. At quomodo globus subsultat, illi viderint: neque enim ulla in plano asperitas, vel in globo inæqualitas supponitur; sed aliquid iis fuit dicendum, ne nihil dicerent. Nec satis cogitatione complector quid sit illa pars indeterminata, cum ipse contractus sit certus, & definitus. An non satius est omnia omnino puncta mathematica tollere, quam tam impudenter resistere?

Enim

Enimverò demonstrationes mathematicas nobis obtrudunt, quibus jam à nobis satisfactum puto ; quare Geometras bonâ cum veniâ dimittamus, eosque exoremus, ut figuras, & dimensiones corporum ut à materiâ secretas persequantur, nihil de naturâ, nihil de existentia rerum, nihil de materiâ corporum definiant. At verò circulus rectam in puncto tangit. Ita est de circulo, ut à Geometrà concipitur, sed is nusquam est, uti nec linea. Sed corpora se mutuò tangunt ; hoc verum. Nec secundùm profunditatem se se penetrant. Fateor id quoque. Realis, & determinatus est ille contractus : ne illud quoque negaverim. Ergò secundùm longitudinem, & latitudinem dumtaxat : neque id negari potest. Ergò, inquis, est aliquid in corpore, quod longitudinem tantum, & latitudinem habet, idque vocamus superficiem. Detrahe illam vocem exclusivam, *tantum* : est enim in corpore longitudo, & latitudo ; sed utraque à subjektâ profunditate non sejungitur : cumque unum corpus aliud tangit, id quidem, in quo perficitur contactus, profunditatem habet suam : tamen si quâ profundum est, non tangitur. Quemadmodum ipsi fatentur superficiem extimam corporis subjectas partes tangerè, sed non secundùm profunditatem ; id enim citra penetrationem fieri non potest.

VI.  
*Quomodo  
inter se  
vincian-  
tur atomi.*

Democriti atomos esse omninò admittendas ostendimus, simul expedita est de continui compositione operosa, & difficilis quæstio. Nunc quomodo atomi aliæ aliis inferantur, videndum est. Hæc solent in atomorum structurâ distinguere hujus philosophiæ Principes, figuram, situm, ordinem, magnitudinem, motum, vel pondus. Innumerabiles sunt atomorum figuræ : quasdam enim esse rotundas, alias quadratas, alias ellipticas, aut alterius figuræ, non abhorret à verisimili. Cujus rei indicio est, quòd ubi aqua salsa ignis calore exhalatur, in fundo vasis corpuscula salis subsidunt, eâdem figurâ, nempe cubicâ comprehensa, quòd ex atomis itidem cubicis coierint. Quin etiam si aquæ falsæ guttula, quæ vitro fortè adhæserit, in vaporem extenuetur : tum innumeras salis particulas figurâ cubicâ instructas microscopio discernes ; sic aqua aluminosa ubi calore fuerit dissilata, omnes aluminis atomi, vel moleculæ figuræ octaedricæ, quæ scilicet octo facies habet, easque triangulares, in fundo vasis apparebunt. Imò si aqua alumine, vitriolo, sale, & saccharo prægnans evaporetur ; minutissimæ salis particule in unum confluent, & cum aliis diversi generis non confundentur : adeò ut quæque cum similibus societur : ea quippè est constantissima naturæ lex, ut res unaquæque sui similem quærat.

At

At quomodo, & quibus vinculis connectuntur atomi? Multa sanè comminiscuntur Epicurei, quæ nullâ demonstratione, sed conjecturis tantum assequuntur. Læves, inquiunt, atomi aliarum angulis implicantur, vel hamulis coercentur. Itaque necesse est alia corpora quædam esse lævia; alia aspera; rotunda alia; partim angulata; curvata quædam, & quasi adunca. Neque hæc sunt flagitia Democriti, vel Leucippi, ut Ciceroni videtur, sed rerum compositioni explicandæ omnino accommodata. Nisi enim hæc sit figurarum in atomis diversitas, nisi hamis pleræque se stringant, vix tanta rerum varietas, aut partium in corpore continuatio explicari poterit. Minores quidem particule solâ convolutione, ut in contortis funiculis videre est, sibi mutuò adherere possunt. Hinc quæ corpuscula intra aliorum hamos minus cohibentur, facilius se se expediunt, ut vim caloris effugiant: sic aqua facilius in vapores abit, quam oleum: & quò metallum perfectius est, ut aurum, hoc difficilius exhalatur: neque enim atomi, vel aduncæ, vel hamatæ, quæ se se mutuò arctissimo nexu complectuntur, facile evolvi possunt. Ex his quoque explicare licet, tum mollitiem, tum duritiem corporum: sed de his plenius erit dicendum, cum de qualitatibus corporum agemus.

Jam illa corpora, licet individua; ut magnitudine, & figurâ, sic motu suo ac pondere donantur. Nam res quæque ex atomis concreta, quò tenuior, hoc mobilior est: si quidem atomi sunt liberiore, atque ab aliarum vinculis magis expeditæ. Sic bruti animam concipiunt, ut tenuissimam atomorum texturam, quæ idcirco principium sit omnis motus. Falsus tamen est Epicurus, quòd motum atomorum fortuitum esse crediderit, cum sit ab autore naturæ impressus; secus enim nihil aliud, quam monstra videremus, nec simile ex simili nasceretur. Quis credat ex atomis effectum esse cœlum, atque terram, nullâ cogente naturâ, sed concursu quodam fortuito? Quis fuit iste casus, undè tam felix concursus atomorum, ut repente homines, & animalia nascerentur? An fortè tam præclara opera, ex individuis corpusculis, nullâ moderante naturâ, prodire?

Jam quæ fieri possit, ut tot rerum species ex atomorum vario contextu emergant, dictu difficile videtur. Non deest tamen Epicuro, & Lucretio rationum, atque similitudinum copia, quibus res concursu atomorum generari posse satis aptè explicant. Infinitas, inquiunt, dictiones, innummerabiles adeò libros ex paucis litteris variè dispositis, formari, atque impleri nemo ignorat. Aliter pro-

VII.

Vnde tanta rerum varietas ex atomis: Vbi de generatione,

Nnn

fecto

fecto sonat vox illa *Roma*; aliter *Maro*; aliter *amor*: & tamen eadem sunt ubique litteræ; sed quæ diverso ordine collocatæ, voces itidem diversas efficiunt. Non dissimili modo ex vario ordine, situ, figurâ, magnitudine atomorum, species rerum propè infinitæ prodeunt. Nam ut ex litteris syllabæ, ex syllabis dictiones, ex his denique constant orationes: ita ex atomis quædam corpuscula, ex iis alia majora constantur: adeo ut atomi materiæ, compositio formæ, locum obtineat: nisi fortè iis quæ crassiores sunt, partibus, materiæ nomen tribuas, ut tenuiores, quæ spiritus vocari solent, formæ nomen & notionem sibi vindicant.

Quibus autem modis generatio perficiatur, præter ea, quæ superiori capite diximus, quæque non multum abhorrent ab Epicuri philosophiâ, paucis aperiâ. Generationem fieri transpositione partium, additione, & detractioe docent. Cum è calæo formantur vermes, id fieri per transpositionem minutissimarum partium existimant, idque de omnibus, quæ ex putredine oriuntur, sentiendum putant: sed de his quid nobis videretur, aut potius quid non videretur, jam supra diximus. Quæ autem prodeunt ex semine, ut plantæ, hæc quædam partium additione formari arbitrantur: tum enim parva seminis moles quidquid invenit sibi simile, id sibi conciliat, & fermentationis beneficio in suam commutat naturam. Nec dissimili modo nutritio, vel accretio perficitur: siquidem forma animalis, vel plantæ, ceu flamma tenuissima, partes alimenti sibi similes evolvit, & instar ignis pabulo suo continenter alitur. Atque ut ignis facilius nutritur, quam accenditur, sic vegetatrix, aut sentiens anima ægrè quidem generatur, sed ubi semel accensa est, tum alimenta facile pervadit, eaque in minutissimas redigit partes, ac sibi tandem asciscit.

Multa denique solâ detractioe generari putant Epicurei: sic ignis emicat ex secretionem aliarum partium, quæ simul in ligno cum igneis atomis erant confusæ. De mixtione nihil dicam, eam quippè fieri solâ partium appositione, ut cum vinum aquâ diluitur, ex iis, quæ superius dicta sunt, facile colligitur. Nam minutissima aquæ corpuscula, cum vini atomis, citra ullam penetrationem, vel corruptionem permiscuntur: aquam enim vino mixtam extrahi posse neminem fugit. Nihil etiam de qualitatibus, quæ nihil sunt Epicuro, præter atomorum effluvia, subjiciam: ista enim suo quæque loco fusiis, atque uberius sunt exponenda. Hic rerum principia, non qualitatat persequimur.

Restat



Restat alterum ex Democriti sententiâ naturæ principium, quod inane, aut vacuum appellatur: idque aut coacervatum est, & patens, aut dispersum, & quodammodo in rebus disseminatum: de hoc præsentia dicitur à nobis, illud enim opportuniùs alibi tractabimus. Vacuum in naturâ saltem dispersum admitti oportere, multis rationibus probare nituntur Epicurei. Primum negant quicquam moveri posse, si plena sunt omnia: quò enim corpus movebitur, si loca quæque aliis corporibus obsidentur: nisi fortè plura simul corpora eundem subeant locum. Verùm hæc ratio non satis firma mihi videtur: nam simul atque corpus loco movetur, aliud sibi proximum expellit; idque rursùm aliud protrudit, donec motu quodam circulari locus à primo corpore relictus, ab alio juxta posito occupetur. Rem totam satis commodè explicat Cartesius, exemplo globorum, qui in orbem disponuntur: cùm enim unum ex his dextrorsùm impellis, hic globum vicinam sibi trudet in easdem partes; hic rursùm alium, donec continuato pulsu locus, quem primus deserit, à proximo globo simul impleatur; non enim corpus loco cedit, quin eodem momento eidem loco succedat alterum.

Nec illa ex salibus in aquâ exsolutis deprompta ratio, quæ tantoperè placet Gassendo, nobis omninò probatur. Salem in aquam injicit, donec aqua velut satiata nihil ejus possit ampliùs exsolvere. Tum immittit saccharum, quo itidem usque ad certam quantitatem imprægnatur: deinde alumen, post vitriolum adjicit; hæc quoque dissolvuntur. Undè hoc? Nisi sint in aquâ quædam spatiola penitus inania, variis figuris comprehensa? Quæ igitur quadrata sunt, aut cubica, minutissimas salis partes ejusdem figuræ excipiunt; his impletis sal ampliùs dissolvi nequit: sunt item alia foraminula ejusdem cum sacchari, aluminis, aut vitrioli partibus figuræ, quæ tandem opplentur, nec aqua plus exolvit hujusmodi salium, quam illa possunt capere spatiola.

Sed neque hoc argumenti omninò concludit: nam aqua sale, saccharo, & alumine prægnans intumescit; & licet fortassis in cyatho aquâ pleno, ut cinerum, ita salis certa quantitas, citra aquæ effusionem, possit accedere: nihilominùs tum aquæ superficies multum attollitur, & fit globosior: undè si thermometro, seu tubo vi-treo, quem alibi descripsi, sale, aut cineres imposueris, tantum crescet aqua, quantum salis injeceris. Non igitur aquæ spatiola penitus inania, ex salium solutione demonstrari possunt. Quid verò causæ sit, cur aqua uno sale satiata alios excipiat, jam alio loco exposui.

L. de fossil.  
c. ultimo.

Sequitur aliud argumentum ex rarefactione, & condensatione depromptum : idque meo quidem iudicio minimè est contemnendum. Vix enim explicari potest, quomodo res possit rarefcere, nisi illius meatus, vel pori ampliuntur, ut in condensatâ coarctantur. Aer fortassis illa foramina subire potest, & implere : sed cum aer ipse dilatatur, an corpus aliquod fingere necesse est, quod illius meatus distendat : hoc quidem argumentum omittam hoc tempore, nam raritatem, & densitatem suo loco, ut cæteras qualitates persequar.

Nunc verò vacuum disseminatum ex ipso atomorum contextu demonstrabo ; non enim possunt atomi inter se coherere, nisi eas quodammodo hamatas, & aduncas mente concipiamus : id verò fieri nequit, nisi quædam vacua spatiosa intercipient. Sic majores particule ex atomis contextæ, seu convoluzione quâdam fibrarum, ut in contorto fune, seu mutuis velut anulis sint inter se consertæ, quosdam poros, quibus & dividi, & separari possint, admittent : hi fortè meatus subtiliori corpore pleni sint ; sed illud subtilissimum corpus ex atomis utique componitur, quæ profectò non possunt ita ad amussim sibi convenire, ut foraminula omninò vacua non intercipient, & cò plura aut inajora erunt, quò corpus ipsum rarius est. Quacumque enim figurâ donentur atomi, non possunt se se mutuò contingere, quin inane aliquod spatium relinquant ; nisi fortè omnes atomos quadratas, aut cubicas velis. Sed præterquàm solum contactu vix possunt connecti : cum moventur, & separantur atomi, vix aliæ cubicæ loca relicta statim occupabunt, quin spatia omninò vacua in ipso saltem motu efficiant : neque illæ atomi cubicæ ad motum erunt accommodatæ, nec verisimile est omnes atomos eadem figurâ comprehendi. Hæc quidem cum relegerem, incidi in librum eleganter conscriptum, cui titulus, varia Philosophica, & medica, cujus prima dissertatio est de Atomis. Ubi præter cætera scitu dignissima, illud observatum video, atomos admitti oportere, non omninò insectiles, sed indivisas. Tametsi enim ex particulis constant minoribus, nunquam tamen in eas à natura dividuntur. Sic in aqua sal exsolutus, in exiguas concisus particulas, vix ab eadem aquâ in minutiores dissolvi potest. Sunt enim cuicque dissolutioni à natura fines constituti, & manent in omni naturæ actione, aut mixture partes quædam indivisæ : nec ferè alio explicari modo potest, quid fiat mixtio per minima, cur quædam corpora majorem habeant partium tenuitatem.

Quamobrem Atomus sunt velut in duplici ordine constitutæ. Aliæ sunt ita minutæ, aut solidæ, ut nunquam à natura dividantur.

Aliæ

Aliae in certis solutionibus ita manent integræ, ut in aliis secari possint. Prioris generis atomi partes habent continuas, cujus modi ferè sunt partes ejusdem annuli. In hoc genere sunt forsitan auri atomi, quæ aut nunquam, aut ægrè admodum à natura confringuntur. Ac nisi plures atomi ipsa continuitate partium essent indissolubiles, nihil in rebus firmum, nihil solidum foret. Itaque primi saltem generis atomi solidæ sunt, & inflexibiles. Quod enim est molle, id debiliorem & minus firmam habet partium cohesionem: tum igitur illæ atomi, ne vix quidem dividantur, partes habent arctissimo nexu copulatas, non mutuis velut ansulis concatenatas, quod ex Aristotele flexibilitatem efficit. Ac secundi quidem generis atomi ita ferè sunt constitutæ, unde & dividi quandoque possunt.

Non me fugit, quæ & quanta adversus Epicurum opponi soleant: sed neque ea sunt, quæ omninò dissolvi non possint. Naturam aiunt, horrere vacuum, Quibus tandem argumentis id colligunt? experimentis scilicet, quorum rationes cum ignorent, eas ad fugam vacui referunt; sed ea profectò non est naturalis, & efficiens causa, aut ascensus gravium, ut aquæ in thermometro; aut ejusdem aquæ è lagenâ inversâ suspensæ, aut illius tam firmæ adhesionis, quam inter duas tabulas planas, & læves contuemur: his enim & aliis effectibus veras, ut puto, & positivas causas suo loco reddidimus, non fictitium vacui metum, quod non magis natura refugit, quam cæcitatem, tenebras, & alias privationes. Sed esto: Vacuum coacervatum ut vulnus in corpore animalis horreat natura, cur spatiola corpora vacua, ut poros in cute, tantquam spiracula, quibus effluvia continenter erumpant, & alia de foris incurrant, adeo pertimescet? An fortè nutritio, vel accretio fieri posset, nisi infinitis propè hujusmodi foraminulis corpus esset pertusum? Quomodo aër tum lucem siderum, tum alios forsitan influxus exciperet, si nullos haberet meatus, si omninò plenus esset? An duo corpora simul esse possunt? aut id, quod plenum est, comprimi poterit, & densari, citra partium penetrationem? Quomodo, intra bombardile pneumaticum, aër comprimitur: si nulli erant meatus, nulla velut hospitia in ipso aëre quieto, & libero, quibus novus subinde aër intrusus exciperetur? Nihil, inquis, in aëre nisi plenum est: ubi ergo locus novo aëri? Sint mille partes aëris non compressi, hæc sanè mille itidem partes loci occupabunt; & ipsa loci capacitas aëris quoque moli respondebit. Ecce quindecuplus aër non sine magnâ vi immititur in sclopetum: nonne ergo quindecim partes aëris in eadem parte loci simul inerunt? Idque cum penitus absurdum sit, quid est


cur aërem suis poris, ut reliqua corpora pervium esse inficiemur? An fortè æther, aut subtilis materia Cartesii, è poris aëris densitati fugit? sed æther quò rarior, hoc plura admittet foraminula, quid illa tandem implebit?

Sed nullus, inquis, locus vacat corpore, cùm trinâ dimensione constet: hîc rursus mathematica quæ sunt, & omnino à rebus sejuncta, ad res ipsas transferre non dubitas. Fateor vacua spatiosa suam habere longitudinem, & latitudinem, & profunditatem, mathematicas quidem, non physicas. Itaque vacuum illud corpus erit, ut à Geometra spectatur, trinâ dimensione constans, non aliqua substantia, vel natura. An non potest Deus omnem aërem, qui hanc implet aulam, destruere, atque impedire, ne ullum aliud succedat corpus? Nonne eadem manebit parietum inter se distantia, idem scilicet, idem omnino locus? Nisi fortè credas cum Guillelmo Parisiensi, fore ut parietes se se mutuò contingant: nam ea se tangere dicuntur, quæ nullo corpore intermedio disjunguntur? Hinc Cartesius existimat omnino vacuum esse impossibile, quòd locus corpore destitutus trinâ suâ dimensione constaret: quæ quidem ut ipsi videtur, est notio, & natura corporis; & ita locus esset vacuum ex hypothesi, & plenus: quandoquidem corpus esset. At vir eximius, atque in mathematicis propè singularis, hoc ipso fallitur, quòd res physicas Mathematicorum more contempletur. Hinc essentiam corporis in trinâ dimensione collocat; & ubicunq; dimensiones concipit, ibi corpus existere colligit. Sed natura, quæ est agendi principium, in solâ quantitate, quæ nihil efficit, posita non est: neq; ubicunq; trina dimensio mente concipitur, ibi necesse est, aut corpus, aut realem quantitatem existere. Cùm se tangunt corpora, nullum quidem aliud corpus interjacet; sed non retrò commeat, neque necesse est ea se contingere, quæ nullo corpore disjunguntur. Quòd si Deus novum conderet cælum, longè ab empyreo distitum, an cogeretur aliud interjacens corpus fabricare? Nec aliud quiddam est locus, quàm spatium illud inane à corpore occupatum. Est enim quid penitus immobile, quod omnes loci notioni, aut naturæ tribuunt. Est etiam æquale, atque ut aiunt, corpori locato commensuratum; trina quidem dimensione constat, sed penetrabili, non Physicâ, non positivâ, ut loquuntur. Quæ quidem ambientis corporis superficiei non conveniunt. Neque enim est immobilis, cum aëris superficies continenter varietur; neque contento corpori æqualis: cum id extrinsecus tantum ambiat, nec denique ea superficies communi notione concipitur, cum rem loco motam, aut in certo loco esse constitutam concipimus. Quiddam sanè ab aëre, aut

aut aquâ diverſum tum intelligimus, nempe vacuum illud ſpatium, quod cum ſit immobile, diverſa corpora non ſimul, ſed alia aliis ſuccedentia excipit. Contra in tempore perennem fluxum concipimus. Hinc pulchrè vir Doctiſſ. & candidus Bernerius, qui Gaſſendi Philoſophiam non contraxit modò, ſed maximè illustravit, tempus cum loco comparat. Ut locum, ſic tempus in omni ſua latitudine, ut quid infinitum concipimus; locus ſeu ſpatium illud inane ultra hoc univerſum ita porrigitur, ut nullis finibus coerceatur; idque ſolus Deus ſua immenſitate implet quodammodo, dum ubique eſt non ſpatiis diviſus ſed unus ſimplex, & ubique integer: ſimili quidem ratione tempus, ut infinitum quiddam citra initium & finem, quod unus Deus ſua æternitate complectitur, ſummâ mentis agitatione intelligimus. Res creatæ ut alicubi, ratione loci, hoc eſt in certo ſpatii illius infiniti puncto, ſic aliquando, id eſt, in certâ temporis parte conſiſtunt. Unumquodque temporis momentum idem ubique eſt, ſic idem loci punctum in omni temporis ſucceſſione permanet: ſuas habet locus dimenſiones, ſed fixas, & permanentes; ſuas itidem habet dimenſiones tempus, quas non ulnâ, aut pede, ſed horologii fluxu, aut certo ſolis motu dimetimur. Quamvis idem eſſet tempus, etiamſi ſol aut celerius, aut tardius moveretur. Idem eſt locus ſeu vacuus ſit, ſeu repleatur corpore. Idem quoque eſt tempus, ſive res aliqua in tempore exiſtat, ſive nihil omnino eſſe ſingamus; ſeu res aliqua moveatur, ſeu quieſcat. Ut loci continuitatem, aut immobilitatem nulla vis poteſt perrumpere, ſic nec jugis temporis fluxus ullâ vi ſiſti poteſt. Certam ſpatii, aut loci infiniti partem elegit Deus, in quâ mundum conderet, ſed merito quæri poteſt an locus, aut tempus ſit quiddam reale, & poſitivum, an nihil omnino. Quod certè tempus attingit, id mihi à rei alicujus duratione diſtinctum non videtur, ac fluxus ille, in quo ejus ratio conſiſtit, imaginatione quidem concipitur, ſed nuſquam eſt in rerum natura. Eſt igitur tempus, aut locus, ut numerus, non quid poſitivum, aut reale à rebus iſſis ſecretum. Locus enim dicitur ſpatium incorporeum, non quod ſit quiddam ſpiritale, ut mens: ſed quia non eſt corpus. Eſt reverà ſpatium illud, ſed non eſt res quædam, nec ſubſtantia, nec acciſdens, uti de numero diximus.

Non equidem ignoro Cartefium corporum meatu ſubtili quâdam materiâ replere, quæ cum ſit diviſa in partes, non quidem infinitas, ſed quodammodo indefinitas, ſe ſe cujuſque foraminuli figuræ accommodat? Sed præterquàm illæ partes finitæ ſunt, aut infinitæ, neque illa vox indefinita intelligi poteſt, vel à Philoſopho admitti:

subtilis illius corporis quasi atomi, cum diversas habeant figuras, necesse est, ut infinita prope vacua spatiola intercipient; nili forte ius subsidium veniat alia subtilior substantia, & ita res in infinitum evadat. Quid est, cur non potius atomos Epicuri, quam corpus in minutissimum pulverem, aut partes indefinitas comminutum agnoscat? Nempe illi, ut reliquis Mathematicis persuasum est, quantitatem esse infinite divisibilem: sed nobis naturam omne infinitum refugit. At verentur ne atomi Democriti, cum sint figuris suis circumscriptæ, dimensiones habeant suas, atque adeo sint divisibiles; maxime cum una atomus sit alia major: ego sanè ut dimensiones atomis concessero: ita partes omnes facile sultulero: figuras naæ sunt diversas, sed forsitan omnes æqualem sortitæ sunt molem, quâ minor dari non potuit. Illud tamen in philosophiâ Democriti & Epicuri displicet, quod atomos non specie, sed figurâ duntaxat, positione, motu, & pondere inter se differre velint, quod rerum varietati, & generationi explicandæ non sufficit. Sed ab Epicuri ad Cartesii principia fallente transitu labor, quæ capite proximo plenius tractabimus.



## CAPUT QUARTUM.

*De Principiis rerum juxta Cartesii, & aliorum juniorum placita.*

I.  
*Quæ sit  
forma phi-  
losophiæ  
Cartesiane*



Entum est ad eam philosophiæ disciplinam, quæ novissime à Cartesio inventa, his temporibus maxime viget: hæc sanè tenuis à fonte, ex paucis nec intellectu arduis ducta principiis, initium quidem à parvis capit, sed protracta longius, pleno jam alveo fluit, & planè omnium maximarum artium scientiam complexetur. Quid enim in mechanicis, astronomicis; quid in dioptricâ, ut nihil dicam de iis, quæ ad medendi scientiam pertinent, intactum relinquit? Occultos naturæ motus, & leges; summum quoque illius artificium, in rerum magnâ varietate, distinctione, ortu & interitu adeo diligenter persequitur, ut principia hujus philosophiæ, non tam excogitata, quàm inventa videantur. Vera sint, an falsa nescio: certè cum rebus ipsis ita coherent, & corporum omnium vires, tum occultas, tum magis obvias tam pulchrè explicant, ut alia non esse naturæ primordia, vel doctissimus quisque facile dejeraret. Vix enim fieri posse

putem,



putem, ut falsa principia, tam apta sint inter se, & cum rebus ipsis ita consentiant, ut nullus ferè effectus ratio, ex iis velut fontibus non manet. Hoc sanè philosophandi genus à geometricà demonstrandi ratione non abhorret: siquidem à paucis initiis gradatim ad summa pervenit; atque ex prioribus probat insequentia. Quòdque mihi in Cartesio multum placet, is molestà disputandi subtilitate aliorum opinioniones non refellit, sed quid ipse sentiat, citra omnem invidiam proponit, idque ex constitutis principiis deducit, quæ prima quidem specie videntur commenticia: sed qui totius operis contextum acriori animo intuebitur, ea saltem verisimilia iudicabit. Hæc idcirco de Cartesii philosophiæ præfatus sum, quòd eam à me damnari, & invisam quoque haberi nonnulli existiment. Idque ex dialogis, quos non ita pridem in lucem emisi, conjiciunt. At nusquam, quòd meminerim, Simplicius, qui primas inter collocutores tenet, sed Theophilus duntaxat vulgari philosophiæ addictus, Cartesium, ut reliquos recentiores infectatur. Quid verò de principiis hujus philosophiæ mihi videatur, hoc in loco dicam apertius: nam mihi propositum est veri reperiendi causa, & pro omnibus, & contra omnes Philosophos dicere; sed antè philosophiæ Cartesianæ summa est velut in conspectu ponenda.

Cùm autem hæc, quam tractamus, scientia in naturæ contemplatione versetur, quid sit natura ignorare non decet. Hæc porro non aliud quiddam est, quàm internum, & corporum agendi, patiendi, & cessandi principium. Neque res à naturâ profectæ ab arte factis differunt, nisi quòd in illis etià abjectissimis longè maximum elucet artificium: cùm tamen utræque id habeant commune, quod ab intimo principio moveantur. Horologium quippè suis rotis ac ponderibus instructum, non minùs ex seipso movetur, quàm gravia corpora. Neque adeò quicquam, nisi proprio motu fertur. Sic globus, qui antè immobilis ab alio pellitur, non alieno, sed jam proprio cietur motu. Omnis quoque res naturalis motu ab alio mutuato fertur: cùm ea sit constantissima naturæ lex, ut res quæque in suo statu permaneat, donec ab aliâ validiore deturbetur. Quandoquidem nihil sibi ipsi est adversum, nec quicquam à seipso destruitur. Quod igitur antè quiescebat, moveri non potest, nisi ab alio impulsus.

Naturam item, ut Peripatetici, duplicem distinguunt hujus philosophiæ Antistites, materiam scilicet, & formam: de utrâque dicendum. Materia nihil est quàm corpus, quatenus corporis notionem obtinet, nempe ut trinâ dimensione constat. Nam si dimensiones à corpore sustuleris, profectò jam spiritus, non corpus futurum est. Non igitur aliud corporis nomine concipimus, quàm substantiam trinâ di-

II.

Quid natura  
& intra &  
quomodo  
nature ope  
ra ab arte  
factis dif-  
ferant.

III.

Quid materia:  
quid  
corpus.

mentionem extensam. Neque illa extensio accidens quoddam est, sed à corpore non aliter discernitur, quàm ab ente differt essentia: adeo ut non reipsâ, sed ratione & mente tantum diversâ sint.

Quocirca ibi est corpus, ubicumque trinam dimensionem reperire est. Neque alia corporis notio perfecta, & liquida aut distincta enarrari potest. Reliquis enim detractis, ut colore, duritie, sapore, &c. dummodò in longum, latum & profundum pateat, corpus erit; has dimensiones cum sustuleris, ratio, vel idea corporis nulla remanebit. Hinc omne vacuum meritò rejiciunt, idque omninò impossibile judicant, quòd, ut suprà diximus, omne spatium trinâ dimensione constet; unde corpus id erit, aut plenum corpore. Quæque extra mundum spatia imaginatione depingimus, hoc ipso sunt corpora, quòd extensâ concipiuntur. Nullum adeò spatium licet effingere, quod omni vacet corpore. Ex quibus efficitur, materiam cujusque rei totam esse substantiam: tametsi non est tota rei essentia, vel natura. Siquidem non materia modò, sed etiam forma ad rei alicujus essentiam quodammodò pertinet.

IV.  
*Formæ  
notiæ.*

Quid porrò illa forma? An pars substantiæ incompleta, eâque præstantior; actus primus corporis, vel quiddam aliud consimile? Nihil minus. Absurdum quippe est formam esse substantiam, nec posse tamen subsistere. Una igitur rationalis anima forma erit substantialis, à materiâ secreta. Cum sola sit suarum actionum sibi conscia; cumque per se operetur, eam quoque per se existere necesse est. Alia enim est notio corporis, alia perceptionis, vel animi cogitantis: igitur animus longè est à concretionem materiæ removendus. Neque ulla est illustrior nota, quàm unum ab altero discernatur, quàm quòd idea unius distincta & clara, & integra, non sit alterius notio; quæ enim clarè, & distinctè percipimus, eadem possunt à Deo sic fieri, ut concipiuntur: cumque unum ab alio distinctum clarè, & dilucidè intelligitur, idem potest saltem divinitus ab eo separari: neque unum est alterum, sed essentia utriusque est omninò diversa. At quis negaverit corporis, sed perceptionis ideas completas, & integras esse penitus discretas? Quòd igitur percipit, corpus non est. Cæteræ autem formæ nihil sunt præter quorundam accidentium congeriem, aut extensionis modos. Accidentia voco non qualitates, quæ substantiæ insideant: sed quosdam substantiæ modos ab eâ non re, verum cogitatione tantum, atque, ut aiunt, formaliter distinctos. Accidentia dicuntur, quatenus adeste, vel abesse possunt: modi ut rem variè disponunt; qualitates ut rem talem denominant.

Hi verò modi, ex quibus formæ omnes prodeunt, quinque numerantur.

merantur, figura, situs, motus, quies, & magnitudo. Forma itaque materialis nihil est quàm istorum accidentium complexus, qui rei naturali constituendæ est accommodatus. Ex ferro fiunt gladii, horologia, & alia penè innumera, quæ quidem non substantiâ, sed formâ tantum distinguuntur: sic etiam ex eadem materiâ, sed variè tamen determinatâ, & modificatâ, res prodeunt infinitæ. Quamobrem materia per se est iners, & nullius actionis compos: sed omnem vim suam ab accidentibus mutuatur. Neque hæc accidentia virtute substantiæ, sed potius vice versâ substantia vi suorum accidentium operatur: quæ quidem ut pertineat ad rei, quam constituunt, essentiam, ipsi tamen materiæ penitus accidunt, ut figura gladii est ferro extranea, & gladio essentialis. Quæ autem ut substantiæ appendices concipiuntur, tametsi persæpè substantia his destituta clarè & integrè concipi possit, non tam modicè, quàm attributa nominantur; sic duratio, seu continuata rei existentia non modus, sed attributum dici debet.

Inter accidentia, quæ formam rei cuiusque efficiunt, primas tenet motus: verùm hic de motu locali disputare non vacat. Succedit quies, quæ definiti potest corporis in eodem loco permanensio; estq; vinculum, quod continui corporis partes nectit. Nam aliud quiddam est, quàm motus privatio: quandoquidem ubi major est quies, ibi corporis partes motui, ac separationi fortius resistunt. Est igitur quiddam in rerum naturâ positum, cum effectus habeat itidem reales, atq; ut vocant philosophos. Sic figura, quæ nihil est, quàm quædam extensionis terminatio; situs qui est corporis inter alia corpora positio; magnitudo quæ corpora variè in omnes dimensiones possunt distendi, vel plures intensiois gradus acquirere: hæc, inquam, omnia non omni virtute, atq; efficacia destituuntur. Siquidem in machinis, ut in staterâ vulgò *Romaine*, aut vecte diversa pondera propter situs varietatem attolluntur: nec secaret ferrum, nisi aptâ figurâ, aut magnitudine donaretur. Ista quidem esse rerum omnium principia, hinc pulchrè colligitur, quòd aperta sint, & plana, ac rerum omnium naturis explicandis omninò sufficiant. Cum enim prima rerum exordia sint etiam cognitionis nostræ principia: (rem quippè cognoscimus, cum ejus causas mente complectimur:) hæc principia adeo sunt obvia, & cum rebus ipsis ita coherant, ut nemo, qui anticipatæ opinionis præjudicio non laborat, ea vera esse, ac sola rerum primordia, non ultro fatetur. Vulgata autem Peripareticorum principia ita sunt obscura, ut ullâ mentis agitatione possint comprehendi. Quis enim materiam, quæ non sit actus, sed potestate corpus, principium esse corporum in animum inducet? Quis mihi explicet, quomodo formæ e materiâ eruantur? Quid porro absurdius quàm formas substantiales

V.  
Tria esse  
elementa.

effingere, quæ subsistere nequeunt? Nolim ergo verbis meis exaggerare, quantum a ratione videatur alienum, privationem inter rerum principia recensere: quasi lumen è tenebris, vel è cæcitate visus prodiret. Ac de his jam supra diximus; nunc ad prima rerum elementa veniendum. Elementa, quantum ad præsens institutum attinet, ea voco, quæ sunt partes rei simplices, quæque ad ejus constitutionem materiæ titulo conspirant. Cum autem quæque corpora minutissimis partibus constent, quæ sensus omnino fugiunt, & solâ ratione percipiuntur: illa quidem corpuscula non absurde elementa nominamus. Quanquam eæ particulæ non sunt Democriti atomi; non enim ut solidas, & compactas, nedum insectiles effingimus, sed infinitè sunt divisibiles. Ex his aliæ majores, & sensibiles componuntur; nam quæque corpora tenuibus initiis natura pertexuit. Illa verò corpuscula, ex quibus majora constantur, continuitatem habent, atque ex iis partes majusculæ, & jam sensibiles texuntur, sermè ut corbis ex multis viminibus. Sunt autem partes illæ, quæ sensus aciem fallunt, in triplici differentiâ constitutæ: hinc adeò tria prodeunt elementa, quæ fusiùs infra persequemur: idque non temerè, & velut arbitrato nostro effingimus, sed ex continuatâ rerum serie, & totius naturæ explicatione liquidò constabit. Liceat igitur nobis more Astronomorum hanc velut hypothesim præmittere, ex quâ omnes serè naturæ effectus ducuntur. Primum nobis elementum statuitur, materia quædam subtilissima, perniciosissimè agitata, fluida, nullius figuræ tenax, sed quæ facilè corporum adjacentium figuras induat. Hoc adeò elementum in sole, stellis, igne, & lucidis corporibus potissimum regnat. Succedit aliud elementum ex globulis minutissimis compositum; id non modò, ut primum elementum, implet meatus corporum, sed purissimam ætheris, vel cœli substantiam efficit. Tertium denique ex materiâ densiori, & particulis ramosis, aut aliter figuratis compingitur: atque ex his partibus crassioribus terra, aqua, aër, imò & corpora quæque mixta formantur.

Jam duplicem rerum creationem placet distinguere; in primâ Deus materiam, seu universam corporum molem ex nihilo produxit; in secundâ communem illam, & informem materiam divisit in plures velut provincias; variis eam formis, & figuris ornavit, diversas adeò vires, aut facultates rei cuique concessit: idque non sine aliquo materiæ motu effectum est. Nam in tempore creatum esse mundum Scriptura insinuat: nec possumus concipere materiam in varias aut formas, aut figuras digestam, quin illius partes variis quoque in locis collocatæ fuerint, atque illa partium diversa positio citra motum esse non

non potuit. Placet igitur prima mundi exordia sic mente concipere, aut si mavis effingere. Communis omnium materia in ipsâ mundi origine vehementi motu fuit agitata; adeo ut motus ille, uti & materia etiamnum perseveret; nihil enim eorum periit, quæ à Deo fluxere. Ergo partes illæ minutissimæ, & magis concitatæ primum effecerunt elementum, quod instar pulveris, aut scobis tenuissimæ ex aliarum partium abrasione profectum est: cum exilia ista corpora motus impressioni non obstant, neque alia aliis sint implicita, sed omnino divisa: quàm citissimè ea moveri necesse est. Secundum elementum prodiit ex infinitis ferè, & minutissimis globulis, qui minus perniciose cientur. Prima quidem agitatione quasi tornati fuere, ac mutuo contactu spatiola quædam reliquere non omnino vacua, sed primi elementi velut pulvere completa. Terra denique elementa, planetæ ex tertio elemento, seu ex partibus communis materiæ crassioribus & ramosis, ut aliæ aliis implicarentur, prodiere.

Nunc quibus tandem rationibus corpus aëre subtilius, & omnium motuum artifex persuaderi possit, paucis expediám: sic enim fortassis Cartesianæ philosophiæ principiis major fides habebitur. Negari non potest, quin partes cujusque corporis aliæ aliis consertæ, infinitos propè meatus atque interstitia relinquant, quæ crassiore aëre non opplentur; neque enim aër vitri poros, nedum metalli, aut maris subit cæca foramina: sed quoddam erit corpus aëre subtilius. An fortè cum prælongæ trabis extremo aurem admoves, & quàm minimum in altero extremo, aut motum, aut murmurantis vocem audis, aër ille crassior, quem spiritu ducimus, totam trabem pervadit? An potiùs id subtilis corporis munus est? Id sanè ex nuperis experimentis circa inane luculentius patet. Quid enim implet summam tubi partem, cum hydrargyrus ad consuetam altitudinem tubi descendit? Quid globum vitreum subit, postquàm magna pars aëris, antliæ vel syphonis ope extracta est, nisi corpus aëre subtilius?

1. Nullum corpus, quod quietum est, movetur, nisi ab alio vel impellatur, vel saltem excitetur. Quid ergo in corporibus tot motus efficit, nisi id subtile corpus, quod cuncta permeat? Quid metalli fusi partes minimas excitat, cum antè quiescerent, nisi illud tenue, & vegetum corpus, quod partes minimas concutit? Neque enim fluidum corpus à duro, alio discrimine se jungitur, quàm quod hujus partes immotæ consistent; cumque una pellitur, reliquæ omnes quæ circa sunt, impulsioni resiliunt. Sed liquidi corporis partes omnes huc illuc agitantur; hinc tactui cedunt, nec moveri tamen possunt ex seipsis: quare is motus non aliunde, quàm à subtili materiâ proficiscitur: quod uberius alibi erit demonstrandum.

VI.  
Quibus  
rationibus  
materia  
subtilis  
persuadeatur.

2. Quid vitrum tot poris perforav<sup>it</sup>, ut luminis transitum permitteret, nisi eadem materia, quæ sibi meatus aptos accommodat. Cum vitrum è fornace eductum loco frigidiori reponitur, itatim dilatit, & frangitur, quòd meatus partium exteriorum citius frigore ocludantur, quàm qui sunt interiores: subtilis adeò materiæ intus conclusæ exitum inhihent, hæc itaque impingens in solidiores partes vitrum confringit. Quòd si vitrum fufum, & aquæ immerfum fervari poffet illæfum, ejus quidem partes extimæ repentinò frigore occupatæ poros valde arctatos haberent, dum interiores apertioribus poris hiarent: ergò extimi meatus non omnem, fed fubtiliorem dumtaxat fubftantiam admitterent, quæ per oppositam partem eadem facilitate erumperet. Sed fenfim pertufo vitro, & craffiusculis partibus æthereæ fubftantiæ admiſſis per patentiores meatus, iisquæ exitum non invenientibus, vitrum comminueretur. Sic nuperrimè vir ingenio, & doctrinâ excellens in Phyiſicis & Mathematicis verſatiffimus pulchrè explicabat, cur lachrymæ vitreæ, quas è Pruffiâ non ita pridem huc advehunt, aut pertuſæ, aut limatæ, aut parte oblongâ reſectâ, ſtatim cum ſtrepitu exiliant, & in minutiffimum pulverem abeant. 1. Ex duro & craſſiori vitro componuntur, quòd aquæ frigidæ immerfum fervari potuit. 2. Extimæ partes ſunt valde compactæ, vix enim malleo contuſæ franguntur. 3. Extremo & tenui apice diſrupto lacryma rarò confringitur; nondum quipè pori ſunt ſatis aperti, quò ſubtilis materiæ partes majufculæ ſubire poſſint: ſed ubi pars oblongi colli jam craſſior reſecatur, tum ſubtile quidem corpus, ſed majoribus atomis donatum confertim irruit, cui cùm exitus non pateat, vitrum comminuit. Cumquæ majorem impreſſionem faciat in partem lacrymæ oblongam, in quam rectâ incurrit, hanc in tenuiffimum pollinem comminuit: contrâ evenit ſi fundum lacrymæ, ſmyridis V. *Pierre d'Emeril* pulvere deteras, tùm enim pars craſſiſſima vitri maximo cum fragore in minutiffimas partes diſſilit: quæ quidem vix in aëris circumfuſi vim elasticam, aut in ſulphur quoddam vitro interceptum, ſed in ſubtilem materiem referri poſſunt. Cedo enim unde oriatur vis illa elatiica, quæ in aëre, & aliis corporibus cernitur? Cur lignum, chalybs, & alia infinita, dum curvantur, ſpontè reſiliunt? niſi quod in iis convexa ſuperficies meatus habet apertiores, per quos ſubeunt materiæ ſubtilis partes majufculæ, quæ cùm in oppoſita ſuperficie arctatos meatus offendat, dum tranſit, eos aperit, & ſimul corpori ſuam figuram reſtituit. Id efficit in corporibus duris, quorum meatus facti ſunt arctiores, non item in mollioribus, vel in iis, quæ apertos, & hiantes habent poros. Sed iſta ſuo quæque loco.

Omitto



Omitto magnam esse varietatem hujus substantiæ cuncta permeantis : hinc diversi illius motus , variæ determinationes , & movendi leges : nam unaquæque in eo corpore liberius moratur , in quo suum motum facilius conservare & tueri potest. Hinc quæque fluida diu illæssa conservat , quæ statim corrumpi necesse est , si subtilis illius substantiæ motus perturbetur. Sic tonitruï fragore vinum doliis contentum omnino turbari cernimus : sanguis nihil externâ specie mutatus venenosum virus fovet ; aut subito in febrim exardescit. Nónne hæc , atque alia penè infinita oriuntur ex motu corporis ætherei perturbato ? Non enim fortuito , & temerè moventur corpora fluida , neque aliud quicquam certos , & naturæ eorum attemperatos motus tueri potest , præter illud corpus subtile , quod sæpè nominamus , cujus præcipuum munus est corporum partes minimas ad sui motus leges inflectere : tumque res aliqua in naturali suâ dispositione perseverat , cum ita corpus illud coeleste eam movet , & disponit , ut prima illius creatio exigit ; atq; eæ qualitates , seu materiæ illius tenuissimæ impressiones manent , quæ propriis functionibus obeundis sunt necessariæ.

Plura non addam , ubique enim cum qualitates , & vires corporum exponemus , hujus substantiæ , quæ motum omnem efficit , mentio recurret : adeo ut tot ferè argumentis persuaderi possit , quot sunt in naturâ effectus , qui ad alias causas referri nequeunt. Sed præcipuum hujus substantiæ cælestis opus , mixtorum videlicet generationem prætermittere non possum : id enim ad nostrum institutum maxime pertinet. Neque hîc novæ formæ accessum cum veteris extinctione comminisci necesse est : sed omnis generatio fit materiæ subtilis motu , juxta naturæ leges ordinato. Cum enim res quæque corporea rationem & essentiam corporis non aliunde , quam ex partibus suis depromat , hæc mutationem nullam subit , nisi partes illius itidem mutantur : quamdiu enim eundem servant inter se ordinem partes illæ minutæ , ex quibus res quæque componitur , tum res ipsa ne altera quidem videtur. An si particularum variatur contextus , sive novarum accessu aliæ ab aliis divellantur ; seu è contra magis arcentur ; aut quocumque alio modo à pristina seriè , & positione recesserint , tum sanè aut alterationem , aut corruptionem nobis subire videntur. Quamdiu res eadem sensibus nostris subest , nondum eam omnino corruptam dicimus ; sed ubi sensus nihil eorum , quæ antè conspexerat , animadvertit , tum sanè rem penitus mutatam , aut corruptam dijudicat : tametsi fortè non aliud quoddam corpus , sed ex iisdem partibus , diverso quidem modo conformatis , & dispositis prodierit. Utcumq; sit , non alicujus formæ accessio , sed motus partium ,

VII.

De generatione

ex quibus res quæque constat, hanc diversitatem induxit. Omnis autem motus à corpore subtili proficiscitur, idque à sole, aut aliis sideribus jugiter fluit. Hinc veris tempore dum succi, quos hieme terra fovet, calore solis, vel subtili corpore exagitari in seminibus, aut plantis, meatus sibi aptatos offendant, hos quidem subeunt poros; sic enim motum acceptum facilius tucitur; atque hæc est naturæ lex, ut res quæque agitata eò versus motum suum inflectat, quò liberius ferri potest, & motum suum in rectam lineam facilius propagare: nihil enim non postulat in suo statu permanere. Cum autem meatus illi, in quos succorum particulae impetu feruntur, vel angustiores, vel nimium inflexi, & contorti occurrunt, tum iis progredi ulterius non licet, nec regredi quidem possunt: hinc feminis, aut plantæ molem sensim augent; sed ubi nimius calor patentiores meatus, aut vehementens frigus angustiores effecit, tum aut succi rectè pertranseunt, nec morantur; vel omnino subire nequeunt, ac necesse est vel semina, vel plantas emori: sed in hac plantarum seu generatione, seu accretione, nihil præter motum à corpore subtili profectum, & certis legibus progredientem occurrit. Cum istorum motuum velut extremos limites continuatâ mediorum serie neglectâ perpendimus, tum veterem formam periisse, novam subiisse fingimus: neque idem corpus manere solâ partium dispositione permutatâ, sensus ipsi, quibus nimium hæc in parte fidimus, sinunt nos credere. At cum horum motuum omnes progressus, ac velut gradus intuemur, nusquam novæ formæ locus patet, nec quicquam præter motum localem, & partium insensibilium agitationem occurrit. Exemplo utar, quod non ita pridem acerrimo vir ingenio, ut eloquentiæ, sic philosophiæ laude excellens, coram illustri doctissimorum virorum cœtu adhibuit. Cum tritici grana in farinam molarum compressione rediguntur, tum tritici speciem non aliud quàm motus immutat. Jam ubi subtiliores hujus farinæ partes cum aquâ permiscuntur, tum aliæ aliis confertæ massam efficiunt, quæ manibus subacta, in clibano coquitur, ubi pars aquæ in vaporem abit; interiores cum farinæ, tum aquæ particulae, vi caloris agitate, longius à se invicem dissidere incipiunt, ac tota subinde massa intumescit; extrinsecus partes ab aëre radente quodammodo poliuntur, & magis exsiccantur; quæ intus oclusæ sunt, humidiores manent, quòd illam, quæ calore farni, & aëris pressione induruit crustam, non facile possint perfringere. Tandem panis extrahitur, in quo nihil præter farinæ massam variis motibus agitatum conspiciamus; dentibus conteritur, tum in ventriculum demittimus, ubi aut calore viscerum, aut acido, & penetranti succo magis comminuitur,

atque

atque eam ferè induit formam, quam illæ discolorés lacinie aqua influenti perfusæ, & vehementi malleorum agitatione in pristinis conflusæ præ se ferunt; nam massa viscosa, & candida efficitur, quæ in chartam solâ partium agitatione extenuatur. Hujus itaque liquoris quem nominant chylum, partes crassiores in ipsa intestina protruduntur, dum tenuiores per quosdam meatus sibi aptatos in venulas lacteas, tum in communem ductum Pecqueti, tandem in venas atque in cordis dextrum thalamum, ut suo loco exponemus, illabuntur. Nihil dum præter motum localem animadvertimus, quantumvis species ipsa mutari videatur, ac nihil ferè ejus quod antè fuit tritici appareat, postquam in sanguinem commecavit: sed cum ejus liquoris insensibiles particule non eandem figuram natæ sint, mirum videri non debet, si ex eo carnes, ossa, nervi, ac tot dissimillimæ partes nutrantur. Dum arteriarum pulsu quædam sanguinis particule per arteriarum extrema, aut aperta spiracula erumpunt, atque inter fibrillas, ex quibus caro contextitur, impingunt, ibique ob figuræ similitudinem adhærent: quid aliud, quàm motus & figura, tritici grana in carnem commutavit. Cum ipsa mutatio, ac partes, quæ situm, aut figuram variarunt, sensibiles sunt, ut quando triticum in farinam comminuitur; tum sanè motui, & figuræ, non alicui formæ, quam nec sensus attingit, nec ratio consequitur, quidquid mutatum est, faciliè tribuimus. Sed ubi & motus, & partes, quæ moventur, sensus omninò fallunt, tum ad formas substantiales, tanquam ad aram confugimus: sicque totam philosophiam in magnas redigimus angustias, nec patimur veras, aut certè intellectu faciliores causas inquiri: cum enim occultæ corporum vires expenduntur, statim formas obtendimus. Quid hoc, nisi tenebras rebus ipsis offundere? Quòd si motus, qui sensu percipitur, tantam in rebus efficit varietatem, an non rationi consentaneum videtur, eodem motu partes, quæ sensus fugiunt, cieri, & variis tum figuris partium, tum motuum differentiis corporum ortus, & interitus contineri? Quòd si partes, quæ sensibus subjectæ sunt, juxta naturæ leges moventur, atque ex figurâ, & motu, omnium quæ contingunt, rationes ducimus: quid est cur partes insensibiles, quæ sunt corpora suis figuris comprehensa, & ad motum maxime idonea, iisdem velut mechanicis legibus non subdantur? Cur ex eorum motu, & figurâ, quidquid mutationis intervenit, non pendeat? An non aquæ in vapores extenuatæ eadem, quæ prius particule, iisdem figuris, ac motibus obnoxie manent: cum frigore rursus densatæ pristinam aquæ speciem repetant?

Hæc sanè magnâ probabilitate dicuntur; nec facile retelli possunt: illud quoque adjici potest, quòd insensibiles corporum partes in rerum omnium, & maxime viventium generatione etiam intrinsecis mutantur. Nam ut fortè in auro, talco, hydrargiro, atque aliis corporibus minimæ, aut insensibiles particule arctissimo nexu inter se cohæreant, ac nulla vis eas separare possit, aut ita subigere, quin ad pristinam formam revocentur: non id tamen æquè omni corpori commune est: non enim verisimile puto carnis, ossium, pilorum minimas particulas in ipsis nutrimentis delitescere. Corpus nostrum ex terrâ, & pulvere compositum Scriptura docet. Non igitur caro ex minutissimis particulis, jam in ipsâ mundi origine creatis, ac suam naturam pertinaciter tuentibus constabit; sic enim tot essent elementa, quot rerum species, ac differentiarum numerantur. Neque tot in naturâ cernimus elementa omninò incorrupta: cumque eadem planta ex diversis corporibus putredine consumptis nutriatur, non utique corporis putrefacti minima corpuscula pristinam naturam tuentur, adeo ut nihil in iis præter ordinem, aut situm varietur. Multa in hanc sententiam dicit Velthufius, ex quibus colligit, ne minimas quidem & omninò insensibiles corporum particulas esse mutationis intrinsecæ, & substantialis expertes: vix ullæ sunt adeo minutæ & concisæ, quarum motus, quies, figura, situs, magnitudo, in quibus forma cuicque corpori propria consistit, ab aliis mutari non possint.

*Lib. de gener. 6. 1.*

# VIII.

*Quadam adversus hæc principia proponuntur argumenta.*

Nunc Cartesii principia ad rationis trutinam expendamus: nec profectò velim ea refellere, sed tantùm quæ minùs intelligo requirere. Primum illud non dabo essentiam corporis in triâ dimensione esse positam. Fateor equidem corporis mathematici essentiam in triplici dimensione esse constitutam: sed hîc de corpore naturali agimus, ut motûs, & quietis principium existit, cujus adeò essentia non in longitudine, latitudine, & profunditate sita est: secùs corpora omnia unâ specie continerentur: nam major, aut minor latitudo, aut sola figuræ diversitas rerum species non distinguit. Atque hoc idem mihi Cartesius, quòd vulgares Philosophi, videtur peccare: ille enim geometriæ asuetus, mathematica, hi verò metaphysicam ad naturæ explicationem transferunt; ille ad mechanicas, & geometricas leges rerum omnium naturas, & motus revocat: ut Peripatetici ad suas notionem, & conceptus quosdam generales, quos ut libitum est, aut dividere solent, aut confundere, omnium corporum referunt essentias. Hinc secant res omninò indivisas; entia citra ullam necessitatem multiplicant; & quæ solâ differunt cogitatione, omninò diversa putant.

Ulli-

Utrique sanè no tam res in seipsis cernunt, quam ut mente concipiuntur, ac quodammodò sunt abstractæ: sic continuum infinitè dividuum æquè definiunt, quòd quantitas à materiâ secreta aliter concipi nequeat. Enimverò non ita res se habent, ut eas cogitatione depingimus: idem sæpè varios sensus impellit, ac diversas in phantasiâ excitat imagines. Ut vini spiritus aliter oculos, aliter tactum, aliter olfactum, aliter gustum movet, quod istorum sensuum organa non uno modo sint constituta: hinc vis imaginatrix tum caloris, tum odoris, tum etiam saporis, & aliarum qualitatum diversas effingit imagines: quanquam fortè illa omninò sunt una, & eadem res, non tam naturâ quàm effectibus diversa: nam ut nervorum fibras exagitat, calida; ut linguam pungit, sapida; ut retinam oculi impellit, colorata dicitur.

2. Non satis assequor, quò fieri possit, ut ex motu materiæ quàm raptissimè agitata tria prodierint elementa: adeò ut ille motus jugiter perseveret. Antequam enim communis illa totius universi materies tantâ pernecitate moveretur, partes unitas inter se, & omninò continuas habebat: quomodò igitur distractæ sunt à se invicem? An velut flumina in glaciem concreta, subito contracta est illa non infinita quidem, sed immensa propè & omninò indefinita universi moles? Quæ ergò rimas & hiatus opplevit substantia? Quomodò partes inter se priùs cohærentes, & si benè auguror, omnes quadratæ, ne vacuum interciperent, circumactæ sunt, neque ullum inane spatium admisère? Hæc sanè nequeo mente complecti, & fateor me tardior rem esse, quàm ut partes illas cubicas agitari, & circumagi potuisse, (càm uniusmodi esset illa materia, & omninò plena) animo comprehendam. Sed esto: fac mihi id, quod ne intelligi quidem potest, esse persuasum. Primum elementum sit pulvis ille, qui prodiit ex angulorum asperitate, instar scobis minutissimæ, & motus ab ipso rerum exordio impressus etiamnum permaneat. Quid illas primi elementi atomos connectit? divisæ sunt, & separatæ, variis figuris comprehensæ: non ergò ita se tangunt, quin spatiosa omninò vacua relinquunt: aut si omninò nullum adnittunt inane, quadratam natæ sunt figuram. Quare non ita sunt densæ, & compactæ, ac ramenta illa crassiora, ex quibus terra, & vulgata elementa profecta sunt, quæque velut tartarus, aut sæx huius fluidæ substantiæ in imo subsidunt? Jam si motus ille semel unà cum materiâ procreatus adhuc perseverat, ac globuli cælestes indefinenter exeduntur; certè aliquando tandem lux, seu primum elementum totum universum occupabit, ac corpora diaphana, quæ ex secundo orta sunt, tandem ita comminuentur, ut nulla

3. Vix  
materia  
partes se  
contingent  
extra inane  
inter-  
ceptum,

futura sint. An fortè globuli ætherci rursus ex primo elemento coïbunt? Nam elementa in se invicem commeari necesse est: cum stellæ in cometas, aut planetas subindè commutentur: quo id modo fieri possit nondum intelligo. Cumque rationes omnes ex motibus à DEO impressis ducuntur, rationi nostræ velut compedes injici videntur, ne quidquam ulterius inquirat; quemadmodum qui formas aut, qualitates occultas nobis obtrudunt.

- Lib. 3. de mente hu-  
mana, c. 6.* Mitto quæ contrà præscriptas motuum leges dici possunt, quæque suo loco plenius exposuimus, neque ea, quæ præter cæteros Thomas Anglus adversus singula persequitur elementa, necesse est ut regeram. Nec me fallit hanc velut mundi hypothesim à Cartesio non ut certam, sed ut possibilem effictam fuisse, quò naturæ phænomena commodius explicaret. Varias quoque corporum qualitates, ex multiplici partium insensibilium figurâ, situ, & motu explicari posse non contumaciter negaverim. Corpus etiam aliquod subtilius aëre, quod alia perineat corpora, & varios in iis motus efficit, sive id ex sideribus demittatur, sive rebus ipsis insulum fuerit, non eâ modò rationes, quas suprà attigimus, sed occultæ vires magneticæ, & venenatæ qualitates, quæ in vulgata elementa referri non possunt, ortus, & interitus rerum, elementorum in unum discors concordia, omninò videntur persuadere. Itaque nulla ferè mihi æquè probatur philosophandi ratio, ac Cartesiana, si modò quædam ex Mathematicorum fontibus derivata, quæque sunt intellectu difficilia, & fortè minùs rerum naturis explicandis idonea, sustuleris: nam tanta motuum varietate mens confunditur. Neque illud facilè concedam, nullum corpus à seipso, sed ab æthereâ moveri substantiâ, quæ ut dominetur in corpore, tamen non sola est, quæ moveatur. Nam absurdum videtur corpus naturale non habere in se sui motus principium, & naturam, cujusque rei in hoc esse positam, ut moveri possit: sed motum suum, & agendi vim omnem ex subtili materiâ depromere: verùm hæc posterius. Mirum id quoque rerum omnium species, varietatem, pulchritudinem, ordinem, animalium vires, & motus ex illis elementis duci, atque eodem prorsus modo animal seipsum agere, quo cernimus horologium suis rotis ac ponderibus instructum agitari. Illud omninò incredibile, eque à lapide non differre, nisi penes motum subtilis corporis, aut quietem partium; aut figuram, aut situm, aut magnitudinem. Sed quis ferat nullum de novo motum procreari, & quantum uni accedit corpori, tantum de altero decedere, adeò ut motus è subjecto in subjectum commet: cum tamen nihil sit quàm modus quidam corporis, de cujus essentiâ est subjectum, cui insidet.

Mitto



Mitto cœtera accidentia persequi. Neque tam facilem me præbebo, ut quietem non solam esse motus privationem, sed quiddam in rebus positum, & pertinacem partium contactum nullâ demonstratione persuasus concedam. Cum enim res cessat moveri, jam quiescit; neque ille contactus motui per se opponitur; atque ut contactus pertinacia motum inhibeat, non est tamen quietis ratio; aut essentia, (est enim quies cessatio motus;) motus extrinsecus corpori advenit, quod per se otiosum est, & quiescit. Quod figuram, situm, & magnitudinem attinet, ut ad motum conspirent, non ideo activa sunt, & naturam rei cuiusque efficiunt. Cuneus quidem lignum non potest findere, nisi certâ donetur figurâ; ob sitûs varietatem in staterâ, aut veste majus à minore pondus attollitur: sed malè hinc concluditur, aut figuram, aut situm quicquam moliri; sunt quædam conditiones, & velut subjeti apparatus ad agendum requisiti, non principia, aut causæ, quæ actiones possint exercere, & quidem motus, quies, situs, figura, magnitudo, sunt communes totius corporis proprietates, quodammodo magis extrariæ, neque adeo qualitates dici possunt. Rem enim talem non efficiunt; ut motus partium insensibilem, qui fluiditatem efficit, ut quies duritiem; configuratio earundem partium, aut densitatem, aut raritatem, imò naturam cuiusque rei potissimum constituit. Quare communes illæ proprietates, rei qualitates dici non possunt: cum enim qualis res sit querimus, eam moveri, aut quiescere non respondemus. Qualitates sunt rebus intimæ non extrariæ.

Hæc quidem in universum de principiis Cartesianæ philosophiæ diximus: nam singula persequi, ut forsitan molestum, sic ab instituto alienum videri posset. Interim illud breviter admonebo, mihi non videri essentiam corporis positam esse in triplici dimensione: quam vis fortè extensio, vel quantitas ipsa à corpore non re, sed cogitatione tantum distinguatur. Corpus physicum habet in se vim motricem, & sui sæpè similis effectricem, atque alias affectiones, quæ in solas dimensiones referri potest. Quod verò Cartesius nos non habere aliam corporis ideam claram, & distinctam subinde contendit, hoc nihil est. Ideam quippè corporis mathematici, non physici effingit; neque necesse est, ut omnium rerum distinctas, & claras notiones habeamus; cum, ut ipsemet docet, vis mentis nostræ finita sit, nec rerum omnium ideas gerat. Et sanè cum meipsum consulo, & ideas mentis revolvo, vix claram, & distinctam corporis infinitè divisibilis notionem invenio; id enim ut esse, ita nec concipi quidem potest. Quid igitur erit corpus? An substantia extensionis capax, ut mens est substantia, quemadmodum Cartesio

videtur, cogitans: at mentem nihil esse quàm cogitationem, aut corpus nihil esse quàm extensionem, vix ut credam adducor. Quàm enim multiplex est cogitatio, quàm varia ejusdem rei esse potest extensio. Neque iis assentiri possum, qui negant eandem esse animam, si propriè & physicè loqui volumus, cum diversa percipit; cum mentis essentia sit in perceptione constituta: tametsi eadem est moraliter, & minùs subtiliter rem totam expendenti. Id quidem ex principiis Cartesii videtur sequi; sed nihil æquè sensus communis respuit, & omnem vitæ rationem tollit. Esto, generica corporis ratio in hoc posita sit, ut dimensiones habeat vel exigat: an tota cujusque individui corporis essentia in trinâ dimensione erit constituta? Profectò omnia corpora eâdem omninò specie continerentur. Nam ut in uno corpore major sit dimensio, non idcirco ad aliam speciem revocatur. At verò, inquit, eadem manet corporis extensio; eundem semper occupat locum, etsi multùm id rareseat, dum instar spongiæ meatus ampliantur, & subtiliori corpore implentur: nec quidquam extensionis addi potest, quin simul nova accrescat substantia. Sit ita sanè. Sed reddit eadem, quam suprà attigimus, difficultas, an subtilis materia, quæ corporum meatus subit, ita sit densa, ut nullos intercipiat poros? At quò fieri id possit, cum divisa sit, & figuræ multiplicis? Et sanè secundum elementi globuli spatia relinquunt, quæ primo elemento complentur. At quomodò hujus tenuissimi pulveris granula ita se contingunt, ut nihil inane intercipient? An naturæ sunt ita flexibiles, ut quamlibet figuram statim possint induere? At solidissima sunt, ut ipsi globuli, ex quibus sunt excisa, nullos enim meatus intercludunt; & vix aliquid flecti potest, quin poros habeat. Sed neque faciliè concipimus nihilò plus esse substantiæ in auro; quàm in eâdem mole aquæ, vel aëris, aut ignis; eum eadem sint ubique dimensiones. Mirum si hujus aëris, quem spiramus, partes omnes quiescerent, tam duræ, tam solidæ forent, ac metallum quodvis durissimum. Sed ea, quæ suis quæque locis excutientur, in præsentia mittamus. Nunc quæ sit corporis natura, quæ ratio, ex Cartesio paulò diligentius retexamus.

X. Primum itaque nec Cartesii, nec aliorum mihi placet opinio, qui corporis naturam in triplici dimensione reponunt; quantumvis eam magni nominis Philosophi, & major recentiorum pars, ut inconcussum philosophiæ principium, defendant. Eâ potissimum ratione subnixi videntur, quod detractis omnibus, quæ in corporibus inesse solent, ut motu, calore, duritie, fluiditate, & aliis affectionibus corporum, dummodò relinquatur extensio, seu triplex in longum, latum, & profundum dimensio, semper integra Corporis idea, aut ratio, aut natura

remanebit : sublata verò extensione, quamvis cætera adsint, jam non corpus futurum est.

Hoc argumentum specie quidem firmum videtur, excussum nescio, an vim ullam sit habiturum. Primum enim, quæ sit corporis natura, non ex ipsius materiæ affectionibus inter se collatis; sed ex ideâ colligunt, quæ ex sensuum præjudiciis fuit efformata. Corpora quæ videntur omnia, triplici constant dimensione; hæc sublata, cæteræ corruere videntur affectiones: Ergo, inquit, hæc est intima corporis natura: sed cur tanta tribuitur sensibus autoritas, ut ex iis non modò rei existentiam, sed etiam intimam ejus essentiam habeamus exploratam. Et quidem vir doctus, idemque Philosophiæ Cartesiana vindex acerrimus, multis nuper contendebat argumentis, nos ex sensuum testimoniis, vel de rerum existentia certòs fieri non posse. Quid ergò, an quæ sit rei substantia, vel natura, ex solâ sensuum cognitione perspectum erit nobis & indubitatum? Undè scimus naturam corporis in extensione positam esse, nisi quòd nullum corpus, nisi idem extensum viderimus. At nullum quoque est, quod tribui in partes non possit, quod non sit impenetrabile, aut quod certâ figurâ non sit comprehensum. Quid est igitur, cur essentiam corporis non in eo reponamus, quòd sit divisibile, aut impenetrabile, aut quòd certâ figurâ terminari possit? Nam prius concipimus corpus habere partes, quàm eas extendi. Quid si mentis ideas non ingenitas, sed hausas à sensibus, vel arbitrato nostro efficias consulimus, tam impenetrabile mihi corpus videbitur, quàm extensum.

Nec dum satis liquet, an in rarefactione & condensatione non varietur extensio, non mutata corporis natura. Quamvis enim longè probabilius videatur, & intellectu facilius, aquam rarefcere, cum ejus partes aëre, vel æthere subeunte, longius inter se distant: tamen non ita explicatu facile est, quâ fieri possit, ut aqua, quæ nullâ pene vi densari potest, tot poris sit pervia, tot meatibus pertusa, ut hydrargyro ferè quindecies sit levior.

Hæc quidem non eò dico, quòd rarefactionem fieri in solidum, & aquam in vapores exsolutam, in omnes crescere dimensiones putem. Nam satis verisimile mihi videtur corpora rarefcere instar spongiæ aquâ plenæ, aut retis explicati, vel auri in tenuissimas bracteolas, aut folia diducti; sed tamen non ut auri, sic aquæ partes ita pertinaciter sibi mutuo cohærent. Nec faciliè mens ipsa sibi persuadet eandem esse extensionem in fumo, aut vapore, quæ in oleo, vel aquâ fuit; neque id ita certum est, ut principii loco assumi queat.

Verum

XI.

D. Re-  
bans.

XII.

Verum aliis quoque rationibus, quas superiori capite attigimus, eadem refelli potest sententia, quæ corporis naturam in triplici dimensione constituit. Quod si enim ita sit, adeo plena erunt omnia, ut nihil inanis aut vacui, ne divinâ quidem virtute admitti possit. Quod quidem libenter, ut principiis suis consentaneum, fatentur Cartesius, & qui cum sequuntur Philosophi. Enimvero, non satis, ut mihi videtur, attendunt, quæ & quanta hinc sequantur absurda, quæ jam superius attigimus.

Ex iis sanè efficitur opinionem illam, quæ primâ specie rationi blanditur, ab ipsâ ratione penitus esse alienam. Nam qui hanc defendunt nullos corporibus possunt fines præscribere; eaque in infinitum augent, ne spatium extra hoc universum hoc corpore vacuum. Idem & corpus in infinitum sectile statuunt. Cùm enim, ut illis placeat, de essentiâ corporis sit extensio, partes cujusque corporis, quantumvis parvæ, dividi semper in infinitum possunt. Quod quidem à Mathematicis acceptum in scholis obtinuit, ac nescio, an quicquam cogitari possit absurdius, ut jam fusè exposuimus; nam ut extensio, ut à nobis concipitur, sit infinitè divisibilis, hoc nulli rei extensæ convenit.

Ex quibus colligitur extensionem esse corporis Mathematici essentiam, non item Physici, quod extensionem quidem, ut quandam affectionem, vel accidens sic exigit, ut tamen sine illâ possit divinâ virtute consistere, cùm ad corporis naturam non pertineat: præsertim cùm triplex dimensio, sine ullo corpore esse, & concipi possit, ut in spatio inani contingit.

Quod quidem cùm rectæ rationi, ut fusè probatum à nobis fuit, omnino est consentaneum, tum etiam ad tuenda fidei nostræ circa Eucharistiam Dogmata, multò magis est expeditum, quàm si naturam corporis in triplici dimensione colloccemus. Non quod eos, qui contra sentiunt, erroris condemnem: sed cum Philosophorum communis opinio cum ratione & hujus sacrosancti mysterii fide magis consentiat, nec tantis sit obstructa difficultatibus; (quæ tamen cum de fide agitur terrere nos debent;) non video, quid nos à receptâ magis opinione cogat discedere. Scio quidem fidei nostræ dogmata omnium retrò sæculorum traditione, & scripturæ autoritate munita non periclitari, etiam si Philosophorum placitis non consentiant; satis esse, quod DEUS ita esse voluerit, idque nobis à verbo scripto, & tradito per omnes fuerit ætates revelatum. Quod autem potuerit DEUS, ne ipsi, qui contradicunt, negaverint: cum DEUM omnia posse faciantur. Id omnes Catholicos fide credere, post consecrationis verba sub-

substantiam panis definire, corpus Christi adesse, species tantum panis remanere. Quo autem modo fiat illa panis in corpus Christi conversio; quid sint illæ species; an panis quantitas, aliorum accidentium comitatu instructa, inter Theologos illæ sâ fide agitari possent. Quò pluribus modis hoc fidei dogma defendi poterit adversus heterodoxos, hoc utique è re Catholicâ melius futurum, nec uni Philosophorum sectæ nostram fidem addici oportere, quam utique non à Philosophis, sed ab Apostolis accepimus. Cumque varia fidei dogmata SS. Patres adversus hæreticos defenderint, non multum solliciti fuere, quid Philosophis videretur, sed quid sacræ Scripturæ, & universæ Ecclesiæ sanciret autoritas; omninò persuasi DEUM efficere multa posse, quæ ipsi capere non possumus, in quibus tota ratio facti est potentia facientis.

Hæc quidem & alia hujus generis, quæ afferri possunt plurima non negaverim; id tamen jure, meritoque contendam, non ita indulgendum esse præjudicatis Philosophorum opinionibus, ut eas non delectamus, si fortè iis, quæ fide sunt certa, non omninò consentiant. Nam Ecclesia *destruit omnem altitudinem, quæ se extollit adversus scientiam DEI*. Cavendum id tamen esse non inticior, ne superstitione potius, quàm veræ religionis studio, ita fidem nostram certæ Philosophorum sectæ addicamus, ut ab eâ discedere nefas esse arbitremur, etiam si ratio, sensus, experimenta, contrarium persuadeant. Neque hinc Religio ipsa, aut fides quicquam detrimenti patiatur, Neque id etiam velim, argumenta ex fide desumpta ad stabiliendas Philosophorum conclusiones transferri oportere: sed illud à Christiano Philosopho requiro, ut nihil astruat, quod fidei aliquâ ex parte repugnet. Quod utique futurum multis videtur, si quis Corporis naturam in triplici dimensione reponeret. Manet quippè omninò, quæ fuit trina panis dimensio; nec tamen superest ejus substantia: quin & corpus Christi Domini integrum sub minimâ parte continetur, quod tamen verisimile non est, ibi trinam habere dimensionem: magno quidem argumento corporis cujusque essentiam in triplici dimensione non esse constitutam.

Quid respondeant non ignoro. Negant videlicet Corporum species, aut quæ vulgò dicimus accidentia, ut saporem, odorem, colores ipsos usquàm alibi existere, quàm in sensoriiis nostris, vel organis; quatenus scilicet ex impressionibus factis in sensuum organis, tales in nobis exurgunt perceptiones, quæ saporis, aut coloris, aut soni nomine donantur, quæque non magis in ipsis sunt corporibus, quàm dolor ex pungente aciculâ, ipsi inest aciculæ. Est quidem in rebus

XIII.

XIV.

ipsis vis quædam, aut effectrix causa earum perceptionum, ut caloris, aut saporis; sed species, aut qualitates ad nos ipsos, non ad objecta, unde manant, reſert affectiones. Cumque mens adesse res ipsas ex iis qualitatibus colligat, ut ex sapore, & colore panis, ibi & panem adesse putat, qui has efficiat in organis impressiones: & ita quidem se res habet juxta consuetum naturæ ordinem. At nihil prohibet, quominus DEUS omnipotens easdem in nobis impressiones efficiat; etsi panis substantia non adest, ex quâ tales solent affectiones, aut species dimanare. Quamobrem nihil habere videtur hæc opinio, quod fidei repugnet. Nam eæ sensuum impressiones, quæ species sensibiles dicuntur, tametsi eum panis substantiâ, ut effectus cum causâ jungi solent, tamen in sacrosancto altaris Sacramento, ab eadem substantiâ separantur. Quod quidem est, accidentia sine subjecto, ad quod referri solent, & unde profluunt, separata conservari. Quamquam & alia sunt accidentia, quæ nostris non insunt sensibus, sed sunt in re ipsâ, aut in pane: ut ipsum *ubi*; ut figura, & si quæ sunt, alia ejusmodi, quæ sanè remaneant omni subjecto destituta. Cum enim corpus Christi, quem ante panis substantia tenebat locum, & eandem figuram occupet, ubicumque erat panis substantia, ibi adesse corpus Christi necesse est; Manet adeo eadem figura, idem ubi, manent eadem superficies corpuseulorum, quæ antè in pane fuerant. Nam ubicumque erat panis, jam est corpus Christi; atque eodem prorsus modo terminatur, quo ante panis fuit circumscriptus: quod quidem vocamus eandem remanere ubique superficiem, eandem figuram. Nec mirum, si eodem prorsus modo, impressiones in sensuum organa dimanent: cum corpora ipsa simili ratione sensus nostros afficiant, ac superficies consimili modo habent dispositas. Corpus enim in aliud per contactum agit: contactus verò omnis per superficies perficitur. Nec objectorum impressiones, aut species sensibiles aliud quiddam sunt, quàm contactus quidam modales. Cùm igitur corpus Christi in Eucharistiâ eadem velut superficies contineatur, hoc est, eodem modo terminetur, & ibi sit, ubi erat panis, nihil mirum, si sensus nostros eodem planè modo afficiat.

Addunt id quoque, ad fidem nostram non pertinere, an species sacramentales sint accidentia, quæ antè panem, ut subjecto inhærebant; an nihil sint quàm impressiones in sensibus factæ: dummodò illud certum & fide definitum teneamus, corpus & sanguinem Christi actu & re ipsâ sub speciebus panis adesse; nec panis & vini substantiam remanere; reliqua ferè Theologorum disputationibus permittuntur. Nec quisquam potest certam velut legem, aut necessitatem  
aliis



aliis imponere, ut mysterium eo quo sentit modo, ipsi concipiant, aut opiniones Philosophorum, quas Tridentinum concilium illæfas reliquit, ut à fide alienas proscribant. Sæpe enim usu venit, ut opiniones quædam fidei repugnare videantur, quæ minimè repugnant, ut multas persæpè falsas judicemus, quæ veræ sunt. Atque in his non temerè & inconsultò, sed rebus diu multumque perpensis agendum. Nec video SS. Patres hujuscemodi argumenta ex sensuum, aut Philosophiæ testimoniis deprompta, cum de mysteriis agebatur, magni unquam fecisse, aut eorum aliquam habuisse rationem. Philosophi naturam consuetò itinere progredientem, & res ipsas, ut fieri solent, contemplantur: Quid autem fieri possit à DEO, aut quæ præter usitatum naturæ ordinem interdum moliantur, non attingunt. Quo id fiat modò, ut corpus Christi sub speciebus perpenis contineatur, non est Philosophi decernere; satis illi fuerit, si rem ita esse crediderit.

Hæc utique cùm concessero, tamen id meritò pertendam, cavendum esse, ne illa velut certa & explorata Philosophiæ principia statuamus, quæ cum fide nostra minùs videntur convenire: maximè si ex sensuum tantùm præjudiciis illa velut principia statuamus. Cujus generis videtur esse illud Cartesianæ Philosophiæ decretum, naturam corporis in trinâ dimensione esse constitutam. Cùm enim natura cujusque rei mutari non possit, non video, quò fieri possit, ut corpus Christi sub minimâ hostiæ particulâ contineatur, atque ore sumatur integrum, nisi penetrabilitatem in corporibus admiseris, quam ipse Cartesius, ut principiis suis alienam non admittet: quanquam, ut video, à plerisque, qui cum sequuntur, non penitus abjicitur. Neque id assequor, quò fieri possit, ut superficies cujusque particulæ remaneat, non trina dimensio, non profunditas: id sanè non dicam explicari (non enim hoc exigimus) sed nullo modo concipi potest. Quod si hoc velut principium, cui nonnulli paulo pertinaciùs adhærescunt, sustuleris, ac naturam corporis in triplici dimensione non posueris, faciliùs ex his laqueis te evolves. Cùm enim trina panis dimensio, aut quantitas remaneat, hæc species, seu emphases, aut reliqua accidentia, vel sustinebit, vel in sensus nostros immittet; nec quicquam alieni à receptâ Theologorum sententiâ, quod fidelium aures offendat, asferetur. Nec clam me est, quàm multa multi in hanc rem scripserint, quæ sanè non sunt contemnenda: sed vereor ut satia sint tuta.

Existinat quidem Pater Magnanus, per species posse intelligi impressiones, aut motus, qui sensus aut eorum organa percellunt.

Qqqq 2

qui-

XV.

XVI.

quique non à panis substantiâ, quæ jam nulla est, sed ab actione, & virtute Christi proficiuntur. Nam DEUS uno & eodem miraculo, omnia efficit, quæ ad hujus mysterii occultationem sunt necessaria.

Quod si enim Angelus ita movere sensus potest, ut corpore vestitus appareat; neque necesse est, ut id corporis ex aëre fabricet; sed eodem prorsus modo sensoria potest afficere, ac solent à corporibus impelli: An forte id negabimus omnipotentiae Christi, ut eodem in sensibus nostris procreet motus, qui à panis substantiâ prodirent: quamvis nihil eorum, quæ pani, aut vino inerant, post consecrationem remaneat. Neque hinc metuendum est, ne sensibus illudatur; non enim ad sensus pertinet judicare, unde, aut ex quo fonte, illa dimanet impressio, percipiunt tantum, nihil affirmant, aut negant, neque ullum de rebus ferunt judicium. Hoc munus rationis est, quam si fides non irradiat, proculdubio eam aberrare necesse est; cum illa, non accidentia modò, sed etiam panem adesse, ex sensuum perceptione colligat. Cum igitur Theologi accidentia panis & vini adesse uno penè ore affirmant, id utique, non ut fidei dogma, sed ut rem sensuum judicio firmatam supponunt. Cum tamen sacro-sancta Concilia, ut Lateranense, & Tridentinum, non accidentium, sed specierum vocem usurpent: neque ullâ potest autoritate canonicâ ostendi, per species, accidentia intelligi oportere. Cum eadem Concilia doceant, corpus Christi Domini non sub propriâ specie adesse: cumque unanimi ferè consensu Theologorum constet, corpus Christi in Eucharistiâ suâ quantitate, & aliis accidentibus non carere. Per speciem igitur, id quod apparet sensibus, non accidentia nisi fortè metaphysica, vel logica, quæ scilicet non sunt de essentiâ rei, Patres & Concilia intelligunt. Quod si ex Thomistarum sententiâ in cadavere nullum eorum, quæ prius fuerunt, accidentium, ne ossis quidem durities, aut albedo, aut figura partium superest, quid absurdi erit, si nihil omninò reale, nullam entitatem, quæ prius in pane fuerit, reliquam esse dixerimus? Fide quidem certum est, & inconcussum tenemus, substantiam panis omninò nullam, consecratione peractâ relinqui, & verum Christi corpus illius loco substitui: sed modus, quo id fiat, de fide non est: nisi omninò constet, aut revelatione divinâ, aut certissimis demonstrationibus aliter fieri non posse. Neque id temerè assertum oportet, cum innumerabiles sint viæ, quibus hoc inenarrabile mysterium DEUS potest efficere.

Quamdiu peripateticæ doctrinæ principia viguere, non occurrit Theologis alius possibilis modus: nunc verò si firmis demonstrationibus

bus demonstrent Philosophi, torinas illas accidentarias aut impossibiles esse, aut omninò inutiles, nec quantitatem à materiâ distingui: quid est, cur religionem nostram argutis Philosophicis illigatam, & velut captivam teneamus? Cur ea, quæ ab Ecclesiâ non sunt constituta, temerè, & inconsideratè, ut articulos fidei decernimus? Docet *Dist. 4. de gener. sect.* Arriaga in pane & vino consecrato gravitatem duntaxat apparentem esse superstitem; quidni quoque idem de cæteris accidentibus sentiamus? An rursus veremur, ne lucus fiat sensibus? Quasi vero in rerum naturâ ita prorsus se habeant omnia ut nobis videtur. An fortè cum Christus Dominus Magdalenæ sub specie hortulani, aut duobus discipulis sub formâ peregrini apparuit, tum habitu & instrumentis hortulani, vel peregrini instructus fuit; an potius certâ quâdam ratione movebat oculos intuentium, & spiritus ita afficiebat, ut quam vellet speciem, citra ullam deceptionem imprimeret. Cur non idem prorsus in Sacramento altaris potest efficere? Cum verisimillimum sit Angelos, aut animas etiam separatas non aliter sensus nostros afficere. Plura in hanc sententiam Magnanus affert, quæ forsitan non omni carent probabilitate. Quamvis in re tanti momenti nihil temerè, aut pertinaciter tueri velit, atque ut par est Ecclesiæ judicio hanc subjecit opinionem. Neque ego præsertim ista fieri non posse pertendam. Quamquam in Magnani opinione, quam olim Cardinalis de Alliaco, ut probabilem proposuit, id durum videtur, nihil reale quod antè esset, in pane remanere. Quòd si ita est, quid rationem Sacramenti est habiturum? Quare, ut mihi quidem videtur, Nominales, qui accidentia quæque suâ quantitate non privant, facilius ex his se laqueis expediunt. Neque ab his multùm abhorret P. Steph. Natalis S. J. Vir candidus & doctus.

Supponit is quidem, ut substantiæ, sic accidentis, varias esse acceptiones; ac poteris quidem omissis substantiæ nomen vel pro essentiali rei, vel pro subiecto, seu mole quâdam sensibili (nam de corpore tantùm loquimur) usurpari. Quemadmodum accidens id intelligimus, quod est extra rei essentialiam, vel quod ita est in subiecto, ut non sit illius pars quâdam. Itaque in pane, ut in aliis rebus, partes integrantes, quæ & mole sunt sensibiles, & per se quodammodo existunt, ad substantiam pertinent, distantioræ verò, aut partium interstitia, ut poni in vitro, per quos tralucet, in accidentium censu haberi possunt. Sic folium rosæ, cum tractu temporis exaruit, quoad substantiam manet integrum; odor verò & tenues illæ entitates, quæ meatibus inclusæ vim agendi, aut sensus nostros impellendi, rosæ tribuebant, penitus evanescere. Hæ quidem cum ad integritatem substantiæ non spectent,

cumque abesse, & adesse possint, nec sint mole sensibiles, nec sint partes subjecti, cui insident, nec demum naturæ viribus separatae, cum eodem ordine, virtute, situ, coherensione, possint consistere, non viueo cur inter accidentia non habeantur: cumque substantia per eas realiter sit sensibilis, & operetur, species, seu emphases illius merito appellantur. Hæ demum species in pane & vino consecratis sunt divino miraculo superstitæ; cum nulla sit amplius panis & vini substantia. Contra atque accidit in rosâ exsiccata, ubi percunt accidentia manente substantiâ; harum fortè specierum moles divinâ virtute juxta panis & vini congenitas dimensiones augetur: Christus ut causa effectrix illas continet, movet, conservat, in eodem ordine, situ, virtute, & ratione, quam tum habuere, cum aderat panis substantia.

## XVIII.

Quocirca hic articulus Jo. Wiclef merito à Concilio Constantiensi inter alios proscribitur, *accidentia panis non manent in hoc Sacramento sine subjecto*. Cum enim Wiclef negaret accidentia panis reperiri extra panis substantiam, idemque sensum testimonio persuasus fateretur accidentia panis in Eucharistiâ remanere; malè colligebat in Sacramento adesse cum suis accidentibus panis & vini substantiam. Nec fortè decretum est à Concilio, accidentia panis, seu entitates quasdam sensibiles post consecrationem superesse: cum id forsitan ad fidem non pertineat, sed ad summum ex judicio & perceptione sensuum colligatur. Accidentium igitur nomine, non aliud quiddam quàm species sensibiles, quæcunque sint illæ, ut longè antè à Concilio Lateranensi, & à Concilio Tridentino postea, dictæ sunt, designatum esse à Concilio Constantiensi, satis est verisimile. Quamquam qui tum temporis, quique aliquot antè sæculis extiterunt Theologi, specierum nomine signarint formas quasdam accidentarias, ut à Peripateticis explicantur. Hinc potuit meritò Wiclef propositio, ut scandalosa & seditiosa damari. Quare Concilium usitatissimam in scholis accidentium vocem adhibet: adeo ut iis, qui contendunt nullam in pane consecrato entitatem remanere, ex hac parte non desit aliqua responsio. Sed ex P. Natalis sententiâ tutius & longè expeditius esset accidentia panis, seu entitates quasdam à substantiâ secretas fateri esse superstitæ. Neque corpora dici possunt, cum non habeant molem sensibilem, & per se existentem, nec viribus naturæ seorsum esse possint, neque ex formâ & materiâ consent: sed sint quædam vires, seu potentia, aut species corporum, ab iis solâ virtute divinâ separabiles: quamvis suâ quantitate & mole donentur. Accidentia Physica dici possunt, cum ab agente naturali dimanent; quo quidem modo hoc mysterium esse evidenter possibile arbitratur.

Verum

Verum ut apertè, id, quod res est, dicam, satis commodè hi omnes expl. cant, quò fieri possit, ut panis accidentia, aut species remaneant, panis ipsius substantiâ non supersite. Sed præcipuam difficultatem non attingunt, quomodo corpus Christi, si suam habet extensionem, ut carere eâ non potest ex eorum sententiâ, sub minimâ hostiæ parte contineri, & ore sumi possit integrum. Nam vel penetratio dimensionum est adhibenda, quæ non videtur cum principiis Cartesianæ philosophiæ cohærere; vel fatendum, quod nobis magis probatur, extensionem, aut tres dimensiones, ad rationem vel essentiam corporis non pertinere. Neque hunc modum expedit utriusque *P. le Bossu* philosophiæ conciliator doctissimus, qui extensionem à quantitate sicut *Paralle* discriminat, ut hæc à materiâ possit separari, illa non item. Quantitas enim est rei quasi mensurabilitas, quæque adeò nihil est, quam accidens, aut modus substantiæ corporeæ. Sic panni quantitatem, ulnâ dimetitur, unde res infinita certam non habet quantitatem, tam etsi extensionem habet infinitam. Ista quidem ut vera sint, integra tamen non soluta manet difficultas, quam attingi.

Cum de his nuper verba facerem cum clariss. & magni ingenii viro, qui à philosophiâ Cartesianâ non abhorrer, is rem ipsam satis aptè, ut mihi videtur, expediebat. Duo quidem sibi concedi postulabat, primùm eandem extensionem, quæ in uno fuit corpore, in alio remanere posse, ut quæ fuit in aquâ extensio, manet in plantâ. Alterum quod postulati loco erat, tam faciliè poterat concedi, idem videlicet fuisse corpus Christi in beatissimæ virginis utero, quod in arâ crucis; neque enim major, aut minor moles corporum distinctionem potuit efficere. Jam his positis faciliè intelligimus id fieri posse, ut quæ antè fuit panis extensio, aut quantitas, sic ad corpus Christi pertineat, ut sub minimâ, quæ saltem sensibilis sit, parte, sacro-sanctum corpus Christi contineatur. Quod si in grani triticeï germine jam partes distinctæ sunt, & formatae; si in ovi cicatriculâ, etiam antè gallinæ incubationem, pulli partes sunt delineatæ, ut nuperæ observationes ostendunt, an dubitabimus, quin Christus possit suum corpus, vel sub minimâ parte hostiæ integrum constituere? Fateor equidem vix quicquam afferri posse probabilius, sed tamen in veteri meâ sententiâ adhuc permaneo, naturam corporis in extensione non esse positam, atque adeò corpus omnibus suis dimensionibus exui posse.

Hæc utique paulò fusiùs, quàm institueram, exposui; ut omnibus liqueret, fidem nostram decretis Philosophorum non ita illigari, ut salva & illæsa esse non possit, si fortè certis Philosophiæ principiis non

non consentiat. Fides enim divinâ authoritate, non humanâ ratione, quæ admodum infirma est, & incerta, innititur. Frustra igitur nobis quidam objiciunt heterodoxi, plerosque ex SS. Patribus id philosophandi genus secutos fuisse, quod cum fide nostrâ non cohæret. Præterquam enim id negari potest, ex iis, quæ mox attulimus, planum sit, nullam penè Philosophorum sectam, cum iis, quæ catholica de sacro-sancto altaris Sacramento tradit Ecclesia, non posse conciliari. Id scitè jam à doctiss. responsum est Theologis, SS. Patres religionis mysteria ad notiones philosophicas non solitos exigere; quæ fides, quæ scriptura, quæ perpetua, quæ universalis Ecclesiæ traditio credenda proposuit, complexi sunt; parum solliciti de humanis rationibus, quæ huc illuc flecti possunt. Rem ita esse, ut fides decernit, ut certum & inconcussum statuerunt. Quo autem modo DEUS rem adeò mirabilem efficeret, non ita anxie quæsire: DEO ipsi vias & rationes, quibus mysteria, & promissa sua perficeret, omnino reliquerunt. Neque eos fugiebant, quæ afferri solent difficultates; quin & eas identidem attingunt, ac subinde monent, *non esse in hac parte fidendum sensibus, ac pro certo tenendum quod videmus, non amplius panem, quamvis gustus ita judicet, sed corpus Christi existere. Mirantur qui fieri possit, ut corpus Christi tot fidelium millibus distributum, integrum permaneat, fidem, aut Christianam sapientiam in eo maxime esse positam, ut vim & potentiam divinam natura finibus non coerceret; falsam esse, quam de DEO habemus cognitionem, nisi eadem ab ipso fluxerit. Id factu esse optimum, ut rationi fides præluceat, ne à DEO ipso, ut ab hominibus, rationem exigere videamur. Quæ sacra tradit Scriptura, parato & submisso animo esse excipienda, quæ ipsa reticet, aut occultat, non esse curiosius inquirenda, frustra nos ea scrutari, aut mente consequi velle, quæ nec penetrari, nec comprehendere possunt; fides enim à nobis obsequium exigit, non curiosam & instabilem rationis inquisitionem: quibus enim deest fides, triste naufragium hos experiri necesse est. Iis sanè non dissimiles, qui mare citra navim trajicere moliantur. Multa in hanc sententiam docent sancti Patres, & quod rem maxime continet, ad mysterium Eucharistiæ cœlestes has regulas adhibent, ut fusè à viro doctissimo ostensum fuit.*

Cyriillus Hieros.  
Catech. 4.  
Gregor.  
Nyss. orat.  
Catech. 6.  
37.  
Hilar. l. 3.  
de Trinit.  
Ambros. de  
Abraham  
Patriarchâ.  
Chrysost.  
Homil. 28.  
in Joan.  
Fide l. 7  
tom. 3. de  
perp. fidei.  
c. 9. 10. 6.  
35.

## XXII.

Quare nihil necesse est molestius inquirere, cur tot difficultates, quas magno conatu nunc heterodoxi adversus Eucharistiam congerunt, Patres silentio prætermiserint. Neque enim id erat illis propositum, mysterium, in quo summa religionis consistit, oppugnare. Omnes, quæ contra afferri possunt rationes, sancti Spiritus igne consumi  
opor-



oportere docuerunt; idque demum futurum, si quæ nobis impossibilia videntur, à Spiritu sancto fieri posse persuasum habeamus, ut de hoc sacrificio loquitur Helychius, *hæc unâ ratione difficultates omnes, quæ Lib. 2. in Levitic.* tanquam nebule mentem conturbant, dissolvi. Itaque & fide inconculsâ, & humanæ rationis contemptu, non eorum, quæ comprehendere nequeunt, molestâ indagatione, hæreticorum argumentationes elidi crediderunt. Hæc enim ratio, & humanæ mentis infirmitati, & Christianæ pietati est aptissima. Neque id æquum est hominum ingeniis licentiam excurrendi in omnes subtilitatum recessus, permittere, ne incitata non possint intra fidei septa retineri. Illi ingeniorum ætus in ipso exortu, & priusquam adoleverint, divinæ autoritatis pondere sunt coercendi. Ac facilius est mentem humanam continere, ne in vanas excurrat cogitationes, quàm semel effusam, & sibi ipsi permissam revocare.

Frustra quoque inquirunt, an id philosophandi genus, quod ple- XXIII.  
rique ex Patribus amplexi sunt, ab iis, quæ de sacro-sancto Sacramento tenet Ecclesia, sit alienum. Nam perrarò de iis, quæ nunc in ore heterodæxorum versantur, objectionibus verba faciebant; uti apud Orientales de his nulla est contentio, nec mysteria nostra ad rationis humanæ, sed ad unius fidei, & traditionis normam exigebant. Cum de naturâ corporum disputaret, tum unius rationis lumen, & usitatum naturæ ordinem secuti sunt. Quæ ex ipsâ corporum naturâ profluunt affectiones, non quæ iis ex Conditoris omnipotentia, quæque magis in divinam naturam, quàm in ipsa corporum principia refunduntur, sunt persecuti; nec anxie quæsierunt, an Physicæ, quas afferebant rationes, cum nostris mysteriis, convenirent. Quasi exceptionibus semper iis utendum, aut cautio adhibenda fuerit, cum de naturâ corporum verba facerent, Physicæ principia ad consuetum naturæ ordinem, revocarunt: ut cum Augustinus corporum impenetrabilitatem astruit; vel non dubitabant, quin sua mysteriis constaret veritas, tametsi nondum perspicerent, quâ ratione cum naturæ legibus cohærent, omnino persuasi DEO ipsi viam & rationem esse perspectam, quâ perficiat, quæ nobis revelavit.

Sed heterodoxi pergunt ad sensuum testimonium provocare, in XXIV.  
iis certitudinis criterium positum à DEO contendunt, unde & Scriptura & SS. Patres resurrectionis veritatem, ex sensuum evidentia comprobaverunt. Multa in hanc sententiam congerunt, quibus jam sæpius responsum fuit, nec verum, aut falsum, neque ullum adeò de rebus iudicium ad sensus pertinere. Ab objectis quidem in sensuum organa impressiones manant, cum quibus simplex quædam animi perceptio

ceptio, quæ nec vera, nec falsa dici potest, ab autore naturæ conjuncta fuit, hanc plerumque judicium animi consequitur, quo illam impressionem à certis objectis proficisci dijudicat, atque objectum esse hujusmodi, ut idea, quam animus effinxit, id repræsentat. Dabo illud quoque hujus generis judicia non vera solum, sed & certa esse posse; secus & religio, & omnis vitæ ratio tolleretur: cumque iudicium de rebus, quæ sensu percipimus, ferre teneamur, nec DEL providentia, aut veritas nos in errorem necessitate quadam induci patiatur, hoc utique manifestum est ad DEL providentiam spectasse, ut nobis certas rationes, aut vias, quibus verum à falso distingueretur, tradiderit. Quamvis enim de rebus, quæ sentiuntur, certum iudicium, efformare vix liceat; nisi id nobis constet, perceptiones nostras non ab imaginatione, ut inter dormiendum solet, sed à sensibus ipsis fluere; ab objectis, non ab Angelis, aut DEO ipso imprimi; non à morbo effici, ut iis accidit, quibus manus, aut pes fuit abscissus, quique per sæpe in iis partibus dolorem acerrimum sentiunt. Illud tamen divinæ providentiæ, ut certas notas, aut judicia traderet, quibus phantasmatum ludibria ab objectorum impressionibus secernantur, præsertim ubi acri, & intento animo rem ipsam inspeximus. Neque id æquum erat, ut in dubio semper esset animus, an sensibus illuderetur. Si quando visiones animo DEUS imprimit, simul & certa, quibus cæ discernuntur à sensuum perceptionibus, argumenta præbet, aut certè is prohibet, ne temerè de iis judicetur: ut contigit in raptu D. Pauli, qui utrum in corpore, an extra corpus esset, omninò dubitabat. Sed ubi DEUS ipse nos tam apertè monuit, sub speciebus panis corpus Christi contineri, non panis substantiam; jam divina veritas, cui uni certitudo sensuum innititur, in discrimen non vocatur, si quod speciem habet panis, panem esse inficiemur. Nulla enim fit illusio sensibus: nam ab objecto, certo in loco, & distantia posito, ut affici debent, ita afficiuntur, quod ipsi acceperè, animo renuntiant. Ad eos quippè non pertinet iudicium, an panis substantia adhuc remaneat. Si rem ita esse contra DEL ipsius testimonium animus judicet, se ipsum sciens & volens seducit, temerè dijudicat, aut concludit, id omne scilicet panis naturam habere, quod illius speciem præ se fert.

XXV.

Sed, inquires, quod videtur sensibus, ita prorsus est, ut videtur. R. primum excipiendi sunt omnes organi defectus, tum imaginationis phantasmata, dæmonum quoque illusiones, DEL tandem miracula. Deinde cavendum tibi, ne ideæ, aut imagini, quam à sensibus hausisti, quædam adjicias, quæ ei non sunt conjuncta. In Eucharistiâ quidem nullus est aut visioni, aut illusioni locus, nec fucus sit sensibus, qui ab

ab objecto, ut par est, impelluntur, sed malè ratiocinamur, si contra Christi & Ecclesiæ testimonium panem adhuc superesse, temerè concludimus. Atque in hoc omnis est error, quod prius admoniti, & divinâ autoritate muniti ideæ simplici à sensibus haustæ adicimus panis substantiam, quæ quidem ex usitato naturæ ordine, cum speciebus panis, conjungitur. Sed eam sensus non percipit, & ab ipsius naturæ autore separatur. Neque in hoc nobis, uti nec Prophetis, quibus certas visiones imprimebat, nec Patriarchis, quos per Angelos docebat, illud à DEO esse credendum est. Quanquam longè facilius est Christianis corpus Christi ab usitato pane distinguere, quàm illis in promptu fuit, quæ videbantur ab objectis ipsis, quæ in sensus incurunt, divellere. Quod autem asserunt de resurrectione Christi, aut veritate corporis, quæ sensuum testimonio comprobatur, hoc nihil est: cum nullis argumentis, nullis indiciis hæc in parte credendum non esse sensibus, DEUS nos admonuerit, nec suâ autoritate adversus hoc animi iudicium nos munierit. Sed fortè nimium extra Philosophiæ septa excurri: tametsi Christianum philosophum me esse meminerim; neque id alienum ab instituto putem, & non solum philosophos inter se, sed eos etiam cum religione nostrâ, quantum fieri poterit, conciliem.

\*\*\*\*\*

## CAPUT QUINTUM.

*De tribus Elementis, ubi fusè de motu, & illius legibus.*



**L**ota hujus universi materia, (si Cartesium audimus) unius modi est: cum illius essentia in trinâ dimensione sit constituta: quæ igitur summa formarum varietas cernitur, hæc omnis ex divisione, & motu materiæ profecta est. Is autem motus fuit ab Authore naturæ impressus, cum materia suâ vi, suoque impetu moveri nequeat; cumque ex se nihil sit quàm triplex dimensio. Atque ut eadem materiæ moles, sic eadem prorsus motus quantitas, quæ in principio rerum fuit, etiamnum permanet: nihil enim novi præter rationalem animam creatur; nihil omninò destruitur: & motus, qui corpori accedit, ex alio profluit, ut ostensum est in globo, qui alium immobilem pellit: quantum enim motus huic globo acquiritur, tantum perit alteri.

I.  
*Trium elementorum origo ex Cartesio.*

Quamvis autem nobis sit persuasum, quæcunque cælum, & terra continent, perfecta & absoluta fuisse condita: nihilominus licet ea mundi primordia supponere, quæ ut non sint vera, sunt tamen possibilia, & rerum explicationi accommodata. Scimus enim terram in primâ rerum origine plantis, & animalibus instructam fuisse: sed ut magis erit explorata, & plantarum, & animantium cognitio, si ortus earum, & incrementa contemplemur; sic nobis licet prima hujus mundi visibilis velut semina diligentius intueri: & quibus modis ex eadem materiâ tot sidera potuerint emergere, subtiliori quâdam ratione indagare.

Quamobrem licet nobis ut quiddam non absurdum supponere, creatam esse à DEO materiam, ex quâ universum constat; illam in partes æquales divisam, easque particulas mediocris quidem molis fuisse, & æquis motibus agitas: ita ut singulæ tum circa se, tum plures simul circa commune aliquod centrum verterentur: necdum esset ulla vel in partium mole, vel in motu inæqualitas, nisi ea, quam ex stellarum inæquali distantia colligimus. Cum enim, ut mox dicturi sumus, stellæ sint quasi tot vorticum centra, circa quæ materia jam divisa volvitur, necesse est, ut centra vorticum æquis spatiis non sint inter se disjuncta: sed hæc postea sient illustriora, atque ex his, quæ in Astronomiâ physicâ jam diximus, utcumq; intelligi possunt. Et quamvis in principio confusa omnino materia fuisset, nihilominus tamen partes mundi hujus visibilis cum, quem cernimus ordinem, aliquando habituræ essent, ac juxta motuum, vel naturæ leges eo, quo moventur modo, possent agitari. Sed longè facilius erit partium, & motuum æquabilitatem supponere, quàm ordinatam rerum seriem ex summâ confusione repetere. Quid igitur ex his, quæ supponimus, futurum fuit? Partes illæ, in quas materia secta fuit, rotundæ ab initio non fuerunt; secus multa spatia omni prorsus corpore vacua mutuo contactu reliquissent. Sed tamen circa se torqueri diu non potuere, quin mutuo collisu omnis asperitas lævigaretur, & prominentibus angulis resecis tandem globosæ fierent: nam ingens ille motus, quo divisa fuit materia, & partes illius agitatæ diutius perseverant, satis validus fuit, ut angulorum apices elideret. Quare scobs illa minutissima, quæ ex attritu majuscularum partium prodiit, quæ fuissent vacua implevit spatiola: sed hujus tenuis pulveris velut granula hoc celerius, & facilius moventur, quò sunt minora, & per angustiores meatus, vel globulorum anfractus impelluntur. Motus quippè, quo attritæ sunt partes, validus supponitur; decisum pulverem citissime agitât, & conterit: adeo ut scobs illius velut atomi ob sui parvitatem, & vim motûs facillimè comminui, & secti possint; nullique sunt additæ figuræ primi

primi elementi particulæ, sed eam induunt, quæ ipsatiolis implendis est inagis idonea: idque juxta motus, & naturæ leges omnino fieri debet. Cum enim corpus ab alio impellitur, hoc citius movetur, quò minus est; ut magis resistit, quò majorem habet molem: quò enim minus est, hoc majorem habet superficiem pro mole suâ, & sic alia corpora ob magnitudinem superficiem fortius in id vim suam exerunt: idque quàm minimùm resistit, quòd perparùm habeat materiæ: Quare scobs illa minutissima tanto impetu concisa, quàm raptissimè movetur per globulorum anfractus, ut foliis vel lento motu oclusis, aer per tubi angustias quàm citissimè prorumpit.

Ecce tibi jam duo elementa: primum ex ramentis, vel scobe tenuissimâ partium majuscularum prodiit: secundum efficiunt globuli multo attritu, & rotatione lævigati: tertium ex particulis crassioribus primi elementi minùs agitatis, atque ob inæqualitatem figurarum implexis, & ad motum minùs idoneis exurget. Primum regnat in sole, stellis, & igne; secundum cœlestem substantiam & liquidam efficit; ex tertio planetæ omnes, ex quibus est terra, prodierunt. Primum lucida corpora efficit, secundum diaphana, tertium opaca, & luci impervia. Nunc juvat nostri hujus vorticis, in quo degimus partes & motus acriori animo expendere. Sed fortè operæ pretium fuerit præcipuas motuum leges antè summam decurrere, quòd facilius sit aditus ad ea, quæ dicturi sumus.

II. Illa est prima naturæ lex, quâ res quæque postulat in eo statu, in quo nunc est, permanere, nisi aliarum rerum occurso de hoc statu di- *Præcipua*  
moveatur, sic quod antè quiescebat, moveri non potest, nisi motu ab *motum*  
alio corpore translato; & vicissim quod movetur, non antè potest qui- *& naturæ*  
escere, quàm motus in alia corpora diffundatur; idque in projectis *leges.*  
cernere est, nam emissa suum utique motum diutius retinent.

2. Quodcunque movetur, rectum iter ut brevissimum, & simplicissimum insistit: adeò ut à recto tramite nunquam, nisi occurso aliorum corporum defleat. Cum autem res in orbem fertur, ut lapis in fundâ circumactâ, semper à centro quantum potest, removeri nititur: hinc fundæ funiculi in ipsâ rotatione tenduntur, & eò magis, quòd celerior est motus, Quamvis lapis fundâ conclusus in orbem feratur, motus tamen illius semper in rectam lineam determinatur; nam ubi liber exitus patet, secundum rectam, quæ circulum tangit, emittitur. Sic figuli rota perniciter incitata lapillos circumferentiæ impositos secundum rectam contingentem propellit.

3. Corpus motum in aliud impactum variè motum suum inflectit, ut corpus in quod incurrit, variè resistit: hoc enim si fortius obstitit,

quàm alterum movetur, semel incitatum moveri quidem perseverat, sed motûs determinationem mutat, & plerumque resilit: verùm ista leviter attigisse sufficiat, nam uberior tractatio alterius est loci. In prima quidem hujus operis editione de systemate Cartesiano egimus, verùm cum ea tractatio alterius sit operis, commodius in eum locum est reservanda, ubi de corporum cœlestium natura & motu agemus.

## III.

Verùm operæ pretium fuerit has motum leges, quæque summam de Motûs naturâ attigimus, paulò accuratiùs expendere: cum in motûs explicatione pars magna physicæ contemplationis versetur. Ac primùm quidem, hoc Cartesio, ut jam dixi, non possum concedere, corpus ad motum & quietem æquè esse indifferens. Tametsi fateor corpus funi appensum suo loco facillimè dimoveri. Cum enim nihil sit motui contrarium, is perire non potest; sed quantumvis in corpore impellente sit debilis, aut corpori impulsio is distribuitur, si id molle sit, & vi elasticâ destitutum; aut sanè reflectitur, ut in elasticis corporibus usu venit. Hinc corpus longo funi appensum, quantumvis grave, vel minimo aëris flatu impellitur.

## IV.

Non id tamen doctiss., & cum viveret, mihi amicissimo P. Pardies assentior, corpus in vacuo pendulum ita esse ad omnem motum succinctum & paratum, ut quàm minimi corporis impulsu eadem velocitate propellatur: quòd ad motum juxta & quietem sit indifferens, & velut in æquilibrio constitutum, adèd ut vel arenulæ grano globus telluris loco suo dimoveri queat. Quâ quidem de re multa inter nos sumus collocti, paucis ante diebus quàm in morbum lethalem incideret. Plures ille, nec spernendas rationes afferebat, quas nunc persequi non vacat. Quòd motum, ut loquuntur, abstractum, sublata omni corporum gravitate, aut aëris resistentiâ, consideraret; quòd corpus in æquilibrio positum vel minimo impetu moveatur; quòd nos ipsi terræ insistere non possumus, nisi crura tibiarum & pes arcuerentur: secùs vel minima vis nos dejiciet. Hæc & alia in hanc rem plurima, ut acerrimo erat ingenio, afferebat. Nec mihi tamen persuadere poterat, quæ nec rationi, nec experientiæ videbantur convenire. Nam quæcunque sit motûs natura, cum vi quâdam determinatâ is conjungitur; eaque hoc magis imminuitur, quo in plures corporis partes distribuitur. Unde & navis oneraria in cymbam offendens, hanc vel confringit, vel citissimè impellit, non vice versâ. Magnum quoque pondus funi appensum, vel minimo motu agitatum plus resistit, & manum fortius ferit, quàm si corpus levius foret. Idquæ non ex ambiente aëre, sed ex pondere, seu ex quantitate materiæ oritur:

nam



nam globus plumbeus plus resistit manui percutienti, quàm ligneus, quamvis minorem aëris molem ante se propellat.

Hinc fit, ut fluida quæ sunt, non tanta vi in dura impingant corpora, ac si ea essent firma, aut solida: cum enim ex particulis disjunctis, tanquam ex arenulis constent, non simul omnia, sed pauca admodum corpuscula in ipsâ collisione vim suam exerunt: quæ tamen repetitis ictibus brevi adeò invalescit, ut flante vento navis celeritè agatur, donec auctæ celerati æqua moles omninò resistat, nec tam cito loco moveri, aut scindi se patiatur; & quidem quò validior est ventus, hòc navis in principio celeritè fertur; cum enim corpus moveri incipit, jam determinatam habet celeritatem, neque per infinitos gradus progreditur. Sic corpus grave per lineam perpendicularem decidit citius, vel in ipso sui motû exordio, quàm si per inclinatum planum provolvatur. Cum enim, ut optimè demonstrat, *De Mariotte*, inter motum, & quietem nullum sit medium; ubi lapis descendere incipit, jam movetur, & determinatam habet celeritatem, nec necesse eam esse infinitè tardam. Quidquid in contrarium Galilæus, & alii obtendant, quibus persuasum est, & celeritates, & spatia decursa in infinitum dividi posse. Et quidem si corpus grave à subtili quâdam materiâ deorsum propellitur, palam est, vim, & actionem illius substantiæ ætheræ & invisibilis esse determinatam, effectum adeò, nempe velocitatem determinari. Sic Magnes cymbulæ impositus, & aquæ innatans ad ferrum accedit hòc celeritè, quò ferro est propior: adeò ut motû illius initium certum & definitum habeat celeritatis gradum.

His de motû naturâ, & communicatione explicatis, faciliùs erit ad illius leges descendere, quas cum Cartesius ad geometricam subtilitatem exegerit, non mirum est, si cum ipsâ experientiâ minùs conveniant. Quamobrem recentiores Philosophi ad experimenta confugere coacti sunt. Hinc clariss. Hugenius ad funependula hîc quoque recurrendum arbitratus, plures globulos ex ebore, vel chalybe ritè paratos curavit, quos ita filo appendit, ut beneficio arcûs circuli, quâ lege, quâve ratione unus alterum percuteret, & quantum sui motû in ipsâ collisione ei impertiret, facilitè esset demetiri.

Præcipuæ autem collisionum leges hæc sunt observatæ. 1. Æquales globuli ex eadem altitudine utrimque simul demissi, post collisionem, ad eadem ex quibus profecti sunt, loca redeunt. 2. Si alter sit immotus, in hunc æqualis globulus decidens motum suum transferet. 3. Si fuerint inæquales, & minor hòc velociùs descendat, quantum minoris est ponderis; post collisionem ad eandem quisque redibit altitu-

V.

VI.

VII.

titudinem, ex quâ descendit. 4. Quod si & pondere, & velocitate motus sint inæquales, tum à collisione pro reciproca ponderum ratione velocitatem motûs partientur, eo quidem modo, quem ingeniosè admodum apud eruditorum Ephemerides explicat Hugenius. 5. Tandem si globulus in plures, qui se se mutuò contingant, incurrerit, tum is globulus, & reliqui omnes præter ultimum, erunt immobiles; adeò ut motus omnis in remotissimum transferatur.

## VIII.

Hæc quidem ita se habent in collisione corporum, quæ sunt dura, non mollia; quorum adeò partes aliquantulum pressæ resiliunt, ac vi elasticâ v. *qui font ressort*, donantur: qualis in ebore, jaspide, chalybe. benè temperato est maxima. Horum enim minutæ partes pressione flectuntur quidem, sed suum situm, aut positionem statim recuperant, & sanè convexa, quæ sunt ejusmodi corpora, ut globuli ex jaspide, aut chalybe efformati, ex fibrillis constant, aut partibus, quæ sese restitunt celerrimè, & eâ quidem vi, quâ fuerunt compressæ. Sic globuli ex jaspide in invicem decedentes ad perpendicularum, ad eandem penè altitudinem reflectuntur. Nam partes corporum tensæ eodem prorsus modo resiliunt, quo cernimus fides citharæ adductas se se restituere, non minore scilicet vi, quàm adductæ fuerunt; aut ferre, ut funependula ad eandem penè altitudinem, ex quâ deciderunt, enituntur, eò quidem celerius, quò sunt breviora. Cum itaque celeritas, qua partes inflexæ resiliunt in duris corporibus, sit incredibilis, palam est, illas particulas esse velut fibrillas brevissimas, quæ citò se se restitunt. Non idem usu venit in reticulo, quo pila excipitur, aut vesicâ, vel folliculo, v. *balon*, aëre pleno, horum enim restitutio est tardior, quamvis in his compressio est manifestior.

## IX.

D. Mari-  
otte.

Sed quidquid sit de causâ restitutionis, non difficile esset, ea quæ in percussione duriorum corporum apparent phænomena, ex ijs, quæ dicta sunt, explicare. Sed cum vir Clariss. hæc de re tractatum conscripserit, in quo hoc argumenti copiosè pertractavit, nihil necesse est, ea quæ ibi dicta sunt, omnia regerere. Perpauca duntaxat attingam. Ex his itaque liquet. 1. Quod si duo globi æquales sibi mutuò occurrant, æquâ celeritate incitati, eâdem quoque celeritate resiliunt. Quâ enim vi globus in ipsâ collisione comprimitur, eâdem resiliendo globum alterum ferit, & eò, unde profectus est, repellit.

2. Quod si alter sit immobilis & æquabilis, hic post percussionem eâdem vi impelletur, quâ globus percussus movebatur; sed globus, qui percussit, immotus manet. Sic enim contrariis & æquis determinationibus jam distrahitur, immobilis adeò remanet; quâ enim vi antè movebatur, eâdem à collisione repellitur.

3. Si globus sit subduplus alterius, sed duplo celerius quam major moveatur, uterque cum eadem velocitate, quâ progressus est, revertetur. Nam reflexio illa, aut globorum separatio, quæ vi elastica perficitur, eadem est cum eâ vi, quæ compressionem, aut elaterium, procreavit. Reliqua minutiùs persequi nostri non est instituti. Illud magis ad propositum pertineret in causas hujus elaterii diligentius inquirere, si nobis quid certi, aut explorati liqueret. Id unum ex iis, quæ diximus; apertum videtur, partes corporis elastici ita esse flexibiles, ut pressæ mancant: quemadmodum in molli cerâ, aut argillâ contingit: nec ita sunt tamen rigidæ, ut flecti non possint. Quare hæc vis elastica in duris corporibus magis est conspicua; in plumbo magna est partium flexibilitas, sed mollities major; non enim partes compressæ pristinam formam, aut situm recuperant. In sonoris corporibus, ut in ære, vitro, testâ, & corporibus, quæ faciliè confringuntur, magna est vis elastica, neque enim sonus citra partium fremitum; nec fractio fieri posset, nisi partium figura mutaretur. In multis corporibus vis elastica magis est conspicua, tametsi lentior videtur, ut in pilâ palmariâ, in reticulo, in folliculo inflato: in quibus sanè ratio ipsa elaterii, aut motûs reflexionis sit manifestior. Pila reticulo excepta, intestinula, seu funiculos, quibus constat reticulum, secum propellit, dum ii funiculi nimium tensi resiliant, & pilam sibi conjunctam in partem oppositam repellant; nam, ut jam innuimus, in hoc motu elastico idem ferè evenit quod in funependulo, ubi corpus ex alto demissum, non modò ad locum quietis, & infimum descendit; sed eo, quem inter descendendum acquisivit impetu, ad æquam ferè altitudinem conscendit: sicque varios itus, & reditus, seu vibrationes edit multiplices, quæ vix desinerent, nisi aëris moles conceptum impetum infringeret. Nam motus semel inceptus vix cessat, nisi quæ obstat causa, quæ determinationem mutet; adeò ut plumbum funi quinque pedum appensus, si à loco quietis tres pedes removeatur; & iu orbem agatur, plus 200. circuitus, hoc est plus octavâ parte leucæ gallicæ conficiat, priusquam omninò quiescat; tametsi aër multum huic motui obsistit. Nec dissimili ratione, ut vir

*D. Mari-  
otte.*

paulatim se restituit, & eodem impetu, sursum rediret, quo descendit, nisi magna aëris moles obstaret. Nam restitutionis motus augetur, donec ad quietis locum ventum sit, ubi maximus impetus, & idem plane qui fuerat in ipsa collisione; uti ex funependulis & tensis fidibus citharæ palam est. Itaque par vesicæ, quæ in lapidem impingit, excavatur; sed illa cavitas paulatim imminuitur, donec omnino evanescat. In duris corporibus, ut in globulis eburneis, illa complanatio ex collisione minùs percipitur: nam vis elastica aut restitutionis est celerissima, sed eam adesse negare non possumus, cum & poris donentur, & partium flexibilitate, quæ in ipsâ percussione velut compactiores factæ, pristinum situm faciliè recuperent. Quòd si tam dura essent corpora, ut partes eorum nullâ ratione flecti possent, nescio an ullus in iis esset motus elasticus, aut reflexionis: nam facilius est globum agitaturn sistere, quàm in partem oppositam repellere: nec faciliè occurrit, quæ tum esset causa motus illius reflexionis: si partes corporis pressæ non resiliunt.

X. Illud quoque ex Clar. Alphonso Borello addiderim, illud esse Lib. de vi discriminis inter mollia corpora, & dura, ut inter plumbum, & chalybem, quod illis inflexis fiat quædam minutarum partium transpositio, non item in duris corporibus: nam ubi laminam plumbeam arcuaveris, pars illi concava arctabitur, convexâ, seu exteriore distentâ: sed in vitri aut chalybis laminâ, partes suis locis non expelluntur, figuras tamen suas, & situm nonnihil immutant; cum pori in superficie convexâ amplientur, in concavâ contrahantur: quod vix, inquit, concipi potest, nisi quædam partibus etiam solidis mutatio accesserit. Cum autem dura quæ sunt corpora, quæque vi elasticâ maximè dominantur, & sonora sint, & percussa tremant, ea videntur partes habere flexibiles, & fibras hæc breviores, quò celerius pressæ, aut inflexæ se se restituunt: non enim sonus aliundè videtur oriri, quàm ex tremulo aëris motu, quem efficit duri alicujus corporis tremor.

XI. Verum id mirari licet, quâ fieri possit, ut rupes, saxa, & ingentia quæque corpora, ad tubæ, aut tympani sonum tremere videantur. An fortè ad vim percussionis, quæ si cum solâ gravitate comparetur, infinita quodammodo est, confugiemus? Id sanè constat clavum altius figi, quò à graviore corpore comprimitur; sed ubi corpus, cui clavus infigitur, tantum resilit, quanta est vis in corpore incumbente, tum clavus subire amplius non potest, & fit quoddam velut æquilibrium: ac nisi clavi obstaret asperitas, partes ligni circumjectæ, quæ clavum tanquam forcipes stringunt, eum sursum repellerent: ut quando lignum intra aquam, vel hydrargyrum immittitur, ubi vis exte-

exterior delierit, partes aquæ sic illud premunt, ut fursùm repellant, non aliter atque nuclei prunorum digitis presfi vibrantur. Sed quod ab ingentis corporis pondere non efficitur, ut clavus altius subeat, id malleoli ictus repetiti præstant: quod longè major, & penè infinita sit vis percussione, cum solâ gravitate collata. Primum enim vis illa non statim definit, sed priusquam extincta est, alia subindè percussio eam excipit. Atque idem ferè accidit, quod in funependulis, quæ si vel levi ictu dum regredi incipiunt, percusseris, mirum quantum hæc suum motum accelerant. Quod si libræ ingens pondus & durum, puta ferreum, sic appenderis, ut in subiecto plano quiescat; vel malleoli in lance alterâ percussione, magni ponderis corpus aut tremet, aut subsultabit. Res melius succedet, si clavo ferreo pondus ipsum cum lance innitatur. Quod velocitas motûs in percussione, corporis percipientis levitatem compenset. Quid igitur futurum est, cum infinitæ velut percussione, aut plagæ se se invicem excipient, ut accidit in pulvere pyrio accenso: tum enim fiunt infinitæ, ut ita dicam, percussiones, quæ se se mutuò excipiunt, neque id ignis inflammationi, quæ hos effectus non procreat, sed nitri particulis vehementer agitatibus tribuendum est.

His adde aptam corporum structuram: nam fortè constant ea corpora ex innumeris velut machinulis, aut armillis, aut fibrillis ita complicatis, ut dilatari & comprimi possint. Cùm igitur se se mutuò premant, & sint velut in æquilibrio positæ, si quâdam partis percussione arctentur, illæ alias sibi subiectas prement, quæ, ubi delierit percussione ictus, se se illicò restituent: atque ut in fidibus tensis evenit, crebras vibrationes, seu varios itus ac reditus efficient. Addam illud quoque ex viro clariss. D. du Clos, mediam quandam & mediocrem partium rigiditatem in corporibus vi elasticâ præditis observari. Hinc chalybs temperatus, nec postea recoctus, adeò fit rigidus, ut flecti non possit. Quod si usque ad rubedinem recoquatur, tum inflexus non resilit, nec satis vi exteriori resilit, quod partes sint molliores. Sed vis elastica tum est vegetior in chalybe, cum temperatus, ut par est, recoquitur, & aliquâ pinguedine oblnitur. Sic filum vitreum, tenue, & recoctum vi elasticâ donatur quâ crassiora fila destituntur, quod ea sint rigidiora.

Quid porro iis fibrillis, aut armillis, aut flexilibus particulis motum illum restitutionis, seu elasticum imprimit, explicatu quidem arduum videtur, nisi ad subtilem Cartesii materiam, confugiamus, aut certè ad ignitas atomos, & corporum effluvia, quæ tanquam totidem cunei, inflexi corporis arctatos meatos dilatent. Idem enim ferè ac-

XII.

XIII.

cidit, quodj in phialâ vitreâ oblongioris & angustî collî; quam si aquâ usque ad medium ferè collum impleveris, eamque intra aquam fervidam demerferis: tum aqua intus conclusa nonnihil descendet: quodj vitri meatus præ calore ampliores facti sint, & vitrea phiala capacior. Sed ubi diutùs phiala intra aquam ferventem manserit, tum quæ intus erat sensim calefacta altius efferetur. Contra evenit dum phiala intra gelidam immergitur: tum enim arctatis vitri poris aqua altius evehetur. Quod quidem experimentum, primum à Sereniss. Principe Etruriæ Leopoldo factum fuisse testatur Borellus. Sic laminæ vitreæ convexa superficies, si panno calido tergatur, magis curvabitur; contra accidet, si concavam superficiem aquâ fervidâ ablueris, aut panno calidiorè terferis: tum enim ejus curvitas imminuitur, quod igneæ particulæ vitri poros augeant. Sic igitur corporum effluvia, cujus generis sunt magnetica, & alia hujus generis plurima, corporis inflexi superficiem convexam faciliè subeunt, quod meatus ampliores offendant; sed ubi in arctatos partis concavæ meatus incurunt, eos tanquam cuneoli dilatant, sicque corpus inflexum restituitur. Accedit etiam quod substantia quæcunque sit illa, quæ poris corporum continetur, ab incumbente aëre, aut fluido æthere ambiente continenter premitur, cum levior existat: simul & partes solidæ arctantur, dum aliæ interim dilatantur.

## XIV.

Cum hæc scriberem, vir clariss. & omni genere eruditionis excellens; D. Perrault, elegantem mecum hæc de re benignè communicavit dissertationem, in quâ ex principiis intellectu non arduis, & certis experimentis, firmitatem & duritiem, & vim elasticam corporum tam aptè deducit, ut vix quicquam probabilius afferri possit. Supponit is quidem, quod negari non potest, circumfusum aëra esse in duplici differentiâ constitutum. Alius est crassior, ex terræ, aquæ, & aliorum corporum particulis magnâ ex parte decifus, quem spirando ducimus, & reddimus, quique, nec vitrum, nec solida quæque corpora pervadit; alius est longè subtilior, & penetrans, quique cum crassiore ferè, ut calx cum arenâ miscetur, & ambo in æthereâ materiâ simul innatant, moventur, & cum eâ ferè, ut calx cum aquâ permiscetur. Crassiori aëri, qui ad aliquot usque milliaria extenditur, suum esse pondus ex nuperis experimentis jam est notissimum. Sed longè majorem esse subtilioris aëris vim, aut pondus ex aliis quoque experimentis, quæ libro tertio afferemus, satis liquet. Huic sanè subtiliori aëri corpora quæque ambienti, & firmitatem & vim elasticam, & alias, de quibus hoc loco nihil necesse est dicere, affectiones non immeritò vir Doctiss. refert acceptas. Ex eadem quippe causâ & firmitas,



mitas, & cohesio, & vis elastica corporum ducuntur; cum scilicet corpuscula, ex quibus res quæque compingitur, & planas & latiores & multiplices habent superficies, tumque vix ea divelli possunt, quin circumjectæ aëris partes loco suo dimoveantur, & moles aëris incumbentis nonnihil attollatur. Nam à circumfuso undequaque aëre premuntur, non aliter ac corpus aquæ immersum ab aquâ ubique comprimitur. Quare ubi corpus aliquod firmum, ut ramus arboris inflectitur, partes illius convexæ à se invicem, non sine vi aliquâ, divelluntur. Sed ubi vis cessat exterior, tum partes figuram, ac situm quæque suum recuperant, id ab aëris subtilioris pondere maximè perfititur. Sic crassum aërem in sclopeto pneumatico compressum, subtilior dato exitu, non sine magno impetu propellit. Nam crassi aëris particula à solidis corporibus instar scobis lignæ decisæ, quantumvis minutæ sint, & insensiles, tamen vim suam elasticam tuerentur. Sed ubi nimium compressæ in angustum arctantur, tum eadem subtilis aëris vi explicantur, & in pristinum statum restituntur. Non quòd inflexa corpora subtilis aër penetret: (nam id efficit tantum substantia æthereæ, quæ poros arcus inflexi ampliores subit;) utriusque verò aëris, ac subtilis potissimum pondere restituitur. Cum major sit inflexio, aut pressio corporum, ac subtili aëri patet aditus, tum corpus frangitur, & partes corporis à se mutuò divelluntur. Quòd autem plumbum, & alia metalla molliora, vi elasticâ non donentur, id non modò partium figura efficit, sed etiam hinc oritur, quòd molles & humidæ habeant particulas. Unde plumbum & stannum contusa sunt molliora, non item ferrum, & cuprum, & duriora quæque corpora. Plura non addam: nam, ut spero, vir clarissimus hanc dissertationem brevi emittet in publicum.

Ac de collisione corporum, quæ vi elasticâ donantur, jam satis, ut opinor, dicta sunt. Quòd si corpora, quæ colliduntur, mollia sint, non dura, cujuscumque sunt globuli ex argillâ paululum exsiccata efficti, tum sanè ab iis, quas exposuimus, collisionum legibus, discedent, ut fusè demonstrat D. Mariotte. Nam si duos hujus generis globulos, & æquales eo, quo dictum fuit, modo filis appenderis. *Tract. de collisione corporum* 1. Si collisione seu velocitas motûs utrique ex æquo distribuetur; & ambo globuli unâ, & in easdem partes progredientur, ad dimidiam scilicet altitudinem, ex quâ globus alter decedit. Ex utroque enim unum corpus efficitur, & idem motus in duo corpora diffusus partem suæ velocitatis dimidiam amittit.

2. Quod si duo globuli æquales, eâdem velocitate, seu ex eâdem altitudine descendentes, sibi mutuò occurrant, tum ambo ab ipsâ collisione immobiles manebunt. Quantum enim unus progreditur, tantum ab altero repellitur.

3. Idem accidet, si globuli sint inæquales, sed quantum unus alterum mole superat, tantum ab eo velocitate vincatur; seu, ut loquuntur, sit reciproca ponderum, & velocitatum proportio. Ut si alter sit alterius duplus, sed duplo tardiùs moveatur. Idem enim atque in vecte, staterâ, & aliis machinis futurum est, in quibus sit æquilibrium, cum minoris ponderis velocitas, aut distantia à centro immobili tantò major est, quantò minùs à minore pondere vincitur. Quòd utique totius Mechanices principium est, idque latè fufum: hujus ea videtur physica ratio, quòd corporis cujusque aut vis motrix, aut resistentia ex duplici capite sit æstimanda; ex pondere nimirum & motûs velocitate. Quòd si enim satis habeam virium, ut pondus 100. librarum intra arteriæ pulsum ad unius pedis altitudinem possim attollere, duplicanda est potentia, seu altero tantò virium opus est, quò idem pondus intra ejusdem temporis spatium duplo altius, seu ad duos pedes usque attollam. Quâ igitur proportionem crescit velocitas, eâdem vis motrix, aut momentum, ut vocant, augetur; unde si in bilance, aut staterâ pondus aliquod duplo magis distet à centro, seu puncto immobili, quàm pondus alterum: quò illud attolli possit, pondus oppositum sit duplum & ampliùs necesse est. Tum enim sit æquilibrium, cum defectum ponderis velocitas, seu spatium eodem tempore decurrendum compenfat. Utriusque idem est in staterâ aut librâ momentum, aut pondus, non absolutum quidem (nam quòd majus est, idem fortius manum subjectam premit) sed relativum. Tum enim unum ab altero attolli non potest, & quantum hoc vincit pondere, tantum ab altero motûs velocitate separatur.

XVI.

Ex his colligitur, quàm aptè explicari possit, quæ ab Aristotele assertur, motûs definitio. *Actus entis in potentia, quatenus est in potentia.* Nam ut ea omittam, quæ ab aliis sunt allata, ea mihi facillima videtur illius definitionis explicandæ ratio, quam vir Doctiss. nuper exposuit. Motum eatenus considerat philosophus, quatenus ad rerum productionem, aut immutationem quandam rerum confert. Id verò tum fit, cum quædam inest corporibus aut agendi, aut patiendi potentia. Si quid potest globus bombardilis ad evertendum murum, hoc plus poterit, quò plus habebit materiæ. Sed vim suam non exerit nisi per motum; nam si globus quiescat, nihil efficiet. Quare motus est actus, seu principium agendi; est, inquam, actus entis in poten-

potentiâ, seu ad agendum, seu ad patiendum sit illa potentia; quatenus ea res ad aliquid producendum conferre potest. Hoc enim potissimum in Physicis spectat Aristoteles, non solam corporis de loco in locum translationem; quæ sæpè nihil efficit. Hoc igitur vocat actum entis in potentiâ, quod scilicet potest agere, aut pati. *Quatenus est in potentia*: nam sub eâ ratione is motum considerat, quatenus per motum, corporum potentia in actum redigitur, atque ad novam aliquam productionem excitatur. Hinc mechanici vim motricem potentiæ nomine solent designare.

## LIBER TERTIUS

### De Elementis.

#### CAPUT PRIMUM.

#### *De Elementis in universum.*



Adenus conjecturæ locus fuit, & prima rerum exordia non tam à nobis inventa sunt, quàm quæsitæ: hæc enim altius in naturæ occultis, quasi defossa latent, quàm ut vel ullâ curâ, vel cogitatione erui possint. Nunc ad ea veniendum est, quæ ipsis sensibus inesse quodammodo videntur, quæque, nisi me ratio fugit, vera sunt & physica rerum principia. Nam reliqua fortassis, de quibus superiori libro egimus, vel ab elementis ipsis non dissident, vel ominò sunt commentitia, & rationis ludibria. Quid enim illa omnibus subjecta materies, nisi elementa, ex quibus corpora quæque constant; quæ ut diversâ ratione miscentur, varia itidem efficiuntur composita: adeò ut mixtio sola & compositio, forma & species rei cuique propria videatur. Jam utrùm elementa ex atomis, seu individuis corporibus, vel ex ramosis & inter se se implexis particulis compingantur: utrùm illa corpuscula juxta mechanicas leges, an alio quodam modo moveantur; quibus tandem figuris sint comprehensa, id magis divinare, & conjecturis persequi, quàm sensu iudice aut decernere liceat, aut demonstrare.

His ergò missis, quæ alii aliter, ut libitum est, excogitant, de ipsis elementis primum in universum, deinde seorsum tentemus dicere; ac si fieri potest, sensus & experimenta rationi præluceant, ne quod

quod fieri solet, mens, aut vis imaginatrix res fingat potius, quam eas, ut à naturâ sunt fabricatæ, contempletur.

I. *Elementi notio.* Antè omnia quid sit elementum, & quotuplex intueudum est; tum utrum in se invicem commutare, & transmutari possint, nobis erit excutiendum. Est igitur elementum ut ab ipsâ definitione ordiatur, pars simplicissima, ex quâ res quæque componitur, sunt enim elementa, ut resolutione ultima, sic compositione prima. Quapropter homogenea sunt, & uniusmodi, neque in partes specie diversas, quas superius essentielles diximus, sed tantum in partes ejusdem rationis, & integrantes dividuntur. Nam si aqua partes habeat sui dissimiles, & specie differentes, non utique elementum, sed corpus mixtum futurum est. Hactenus inter omnes ferè convenit, nisi si fortè qui sunt, qui elementa in materiam & formam secant: sed per me licet materiam & formam, si modò sint res discretæ, & separatæ, elementa nominare, cum iis elementi natura unâ cum definitione conveniat. Quod si negas, aut aliam cedo definitionem, aut da id nobis, ut elementa, materiæ & formæ nominibus signentur. Sed de his jam supra; neque hîc concertationibus metaphysicis locus destinatur. Elementorum, igitur nomine terram, aquam, aërem, ignem, & alia, si quæ sint, in quæ ultima resolvitur corpus, omninò intelligimus.

II. *De numero elementorum vulgaris opinio.* Jam de numero elementorum majori contentione certatur. Per-  
vulgata sanè, & communi omnium ferè hominum consensu probata  
sententia est, quatuor esse elementa. Cum enim hæc rebus omnibus  
gignendis, ut communis materia substernantur, necesse est, ut mun-  
dum sublunarem tanquam partes illius præcipuæ constituent. Terra  
igitur, aër, aqua, ignis, quæ partitas inter se, & divisas habent sedes,  
quatuor erunt genera corporum omnia gignentium. Ex his sursùm  
deorsùm ultrò, citroque commeantibus partium universi conjunctio  
continetur. Qui ergò vel plura, vel pauciora induxerit elementa,  
is sanè vel novas sedes, & regiones novis itidem elementis assignet;  
vel aliquam ex iis, quas nominavimus, naturis, loco depellat necesse  
est; neutrum quidem, nisi omninò insaniat, tentabit. Terra nam-  
que, & aqua medium locum mundi occupant suâ gravitate, & pon-  
dere; ignis verò & aër superiora appetunt; nullus adeò vacans istis  
corporibus locus relinquitur. Qui verò unam ex quâ constarent  
omnia, naturam vel elementum statuere, iidem profectò, & mixtio-  
nem, & generationem sustulerunt: quandoquidem nihil patitur, nihil  
alteratur, nihil efficitur à seipso. Hinc illi Philosophi, ut scitè Gale-  
nus notat, communem rerum omnium materiam elementis subjectam  
videntur somniasse. Sed pergam longiùs. Nihil potest ex mutuo ele-

elementorum congressu prodire, citra præviam miscibilium alterationem: neque ab eo, quod sui simile est, & ejusdem secum naturæ, alterari quicquam potest: necesse itaque est elementa contrariis esse qualitatibus prædita, atque ex earum conflictu mixtionem omnem proficisci.

Quæ sint autem elementis congenitæ qualitates paucis aperiam: nam ex earum numero, elementorum iidem numerus aptissimè colligitur. Primis corporibus, qualia sunt elementa, qualitates etiam primas inesse rationi videtur consentaneum. Principes verò illæ dicendæ sunt qualitates, quæ sensus maximè feriunt; eas esse tactiles sateri cogimur, cum tactus in corpore latissimè pateat: est enim per omnes partes fusus, ac reliquorum sensuum functiones quodam tactu continentur. Non itaque sapor, non odor, non sonus, non color, denique inter primas qualitates censerī debent; sed quæ fuit summa omnium Philosophorum consensus, quatuor sunt primæ qualitates, veluti quatuor rotæ, quibus omnis mixtio, omnis adeò generatio perficitur: calor nempe, frigus, humiditas, & siccitas. Calor, & frigus activæ sunt qualitates: nam iis tanquam instrumentis utitur natura, ut siccum cum humido permisceat. Humidum verò, & siccum rebus gignendis materiam suggerunt: siquidem omnia corpora ex limo, hoc est, ex terrâ, & aquâ, uti vasa fictilia, formantur. Nunc ad propositum.

Hæc fere de elementis in universum Peripatetici disputant, quæ sanè omnibus Chymicis non probantur: ac primum de numero elementorum, tum de qualitatibus, postremo de transmutatione elementorum omnino dissentiunt. Itaque negant elementa ut partes universi sphaeris suis, & quasi regionibus distincta consistere. Nam terra, aqua, aer, non sunt vera elementa, sed eorum dumtaxat matrices, & velut officinæ. Quis nescit terram, & aquam ex omnibus elementis constare, atque in ea resolvi? Argumento sunt omnia, quæ in terrâ, & mari gignuntur. Neque aer, quem spirando ducimus, omnino purus est, aut simplex: fortè nihil est præter halitus, qui e terrâ, & aquâ continenter erumpunt. Id etiam nolunt concedere hunc aëra ad corporum mixtionem elementi nomine pertinere, cum subtilius quiddam sit, & fugacius, quàm ut mixti formâ cohiberi possit. Implet quidem corporum meatus, atque omnia penetrat, sed non continuo pars erit corporis mixti: non enim terminari potest, aut ullis claustris coerceri. Non igitur mixtorum compositionem subit, atque ob nimiam, quâ præditus est, tenuitatem, eum aliis partibus necti, aut continuari nequit. Quod si aer elementi titulo

Lib. de f. s.  
sibus. s. 1.

Nullum  
esse ignem  
sub luna  
concrevo.

Lib. 1. me.  
teor. sextu.  
18.

In præfati-  
one ad  
Encl. opt.

excidit, quid de igne comburente futurum est? Hic enim, ut alius diximus, naturæ potius exitio, quam illius conservationi destinatus videtur. Hinc magno in errore versantur, qui sphaeram ignis aere superiore levissimis adducti conjecturis fingunt. Primum enim oculorum aciem non fugeret, tum prædo ille cuncta depascens proximum aërem ignis, ut volunt, pabulum jam pridem depopulari debuit. Ac frustra summam illius raritatem obtendunt, quæ non patitur cum à nobis videri, aut vicinum aërem ab illo consumi. Quomodo enim ignem cælo proximum, tanquam in propriâ regione constitutum fingunt, si nullo is sensu, nullâ ratione percipiatur. Lunam profecto laborem, & exiguo perfusam lumine cernemus: qui ergo ignis adeo lucidus nostros tallit oculos? Aristoteles in eam usque plagam exhalationes ficas, & calidas è terra attolli, & interdum accendi docet: sed perperam fumum illum ignis nomine Peripatetici insigunt. Ex illo quidem halitu incenso trabes, capras, & discurrentia sidera formari existimat. *Non igitur fumus ille, seu calidum, esse ignem, quod, inquit, dicimus ignem, innominatum enim est, & jugi flagrat incendio, ignis est: secus ut trabes, & alia ejusmodi meteoia sub oculis caderet.* An fortè ignis ille, qui tantum loci occupat, rarior est solaribus radiis? Jam concipe, quantum æstate calorem procreant. Sed quid ob stare potest, quominus aër in pabulum ignis cedat: cum ipsis autoribus res eò facilius flammam concipiat, quò magis naturam aëris participat, ut adeps, & oleosa quæque? Mitto alias rationes, quibus tanquam fluminibus ignis ille extinguui possit. Utrum siderum radios infringeret, & eorum loca perturbaret, ut præter cæteros Joannes Pena contendit, ipsi viderint Astronomi: mihi sanè omnino commentitius, & inutilis videtur. Quòd enim putant hujus ignis quasi scintillas in terram decidere mixtionem corporum efficiendæ; quodque ignis ideò ascendat, quò in cælestem locum subvolet; utrumque sanè perdidicimus. Non enim ignis è suâ provinciâ potest in hanc regionem sponte suâ descendere, nisi fortè terrestri aliquo corpore veltiatur: ut sæpè de nocte videmus halitus sulphureos in aëre inflammati, seu stellas in terram devolvi. Mirum, si hæc scientiâ, eoque ingenio docetur ignis elementaris, ut scintillam mittat, quotiescumque mixtum aliquod gignitur. Mirum, si terram ipsam penetret ad metallorum procreationem. Sed, inquit, ignis sursum petit. Scilicet, quia levior eam sit, ab aëre premitur; hoc tanquam carcere conclusus, quâ minùs comprimitur, sibi quærit exitum. Numquid oleum, quod aquæ innatat, idcirco sphaeram sibi propriam, & separatam vindicabit? Non ergo necesse est elementa



elementa suis sphaëris distincta, & regionibus separata consistere, cum nullum in rerum naturâ purum elementum inveniatur: atque ipsa elementa, vel principia, nonnisi in mixtorum corporum gratiam existant, neque adeo solitaria esse possint.

Quocirca igne, & aëre ex albo elementorum dispunctis, necesse est, ut alia in eorum locum principia, nempe salem, sulphur, & mercurium substituamus. Atque in hoc omninò audiendi videntur Chymici, qui in corporum resolutione maximè versantur. Rem igitur totam non ad vanas conjecturas, sed ad sensûs iudicium, & experimenta revocemus. Cum vinum in alembico distillatur, primum spiritus inflammabilis egreditur, tum phlegma, seu aqua iners, & insipida; huic succedit liquor acidus, & penetrans, qualis in aceto plurimus est; fæces, quæ in imo cucurbitæ subsidunt, calcinatæ terram, & salem, imo & prius crassum oleum præbent: sal à terrâ secernitur per affusionem aquæ calidæ, eo quo infra dicturi sumus modo. Sic ubi lignum comburitur, humor aqueus primus erumpit, hunc excipit sulphureus, vel oleosus humor, ignis pabulum; spiritus, sive mercurius partim cum oleo, partim cum aquâ exhalatur & suâ acrimoniâ oculos pungit. Omnibus tandem humoribus exhaustis restant cineres, in quibus, ut dictum est, terra & sal continentur. Eadem ex omnibus plantis, & animantibus eruuntur principia. Quin etiam ex pyrite lapide, qui omnium ferè mineralium communis est matrix, & sulphur, & hydrargyrus, & vitriolum, & alumen, & metalla sæpe eruuntur. E vitriolo leni igne phlegma distillatur, aucto paululum igne spiritus acidus, & penetrans, qui mercurii nomen accepit, tum fortiori igne oleum rubrum, tandem è facibus sal eruitur. Terra, & aqua cum nullas ferè habeant vires, non sunt principia, sed magis eorum capsulæ, aut potius crementa dici debent: nisi fortè hæc materiæ, ut illa formæ locum obtineant. Non enim sapor, non odor, non aliæ vires ex terrâ & aquâ omninò insipidis, & nihil olentibus manant: nemo quippè ut illud usû tritum axioma usurpem, dat id, quod non habet. Terra, aqua, adde & cætera elementa, his qualitatibus, quæ secundæ vocantur, omninò carent: qui possunt ergo illis ornare corpora? Ad formas fortassis substantiales confugies, sed præterquàm illæ formæ, ut solent explicari, nullo intellectu comprehendi possunt: cum mixtum destruitur, eadem vires in ipsis principiis vigent: undè ergò prodeunt? An fortè ex iis, quæ vulgò elementa nominantur? Verum hæc nullum in se colorem, nullum odorem, nullum denique recondunt saporem. Sed esto, quædam qualitates formam mixti, quæcumque sit illa, consequantur, eæ nimirum,

V.

De mer-  
curio, sul-  
phure &  
sale in uni-  
versum.

quæ corrupto corpore evanescent : jam unde manant eæ vires , quæ destructo corpore non pereunt , imò quasi in libertatem vindicatæ longè sunt vegetiores ? Hæ profectò non à forma , sed ab ipsis , quibus tam pertinaciter insident principiis oriuntur. Sic spiritus vitrioli , cùm à phlegmate , & ab aliis , quibus obrutus jacebat , clementis liberatur , quàm penetrans , quàm acidus est ?

## VI.

*De qualitatibus elementorum* Ac de numero quidem elementorum quid plerisque videatur Chymicis , quàm brevissimè diximus : sequitur , ut eorum qualitates summam decurramus : nam de his alio loco uberius à nobis dictum fuit. Primum id cum Peripateticis exposcunt Chymici , quòd hic non magis , quàm alibi inter eos conveniat. Nam multj , iique illustres Philosophi ignem , ut calidissimum , ita & siccissimum putant : *ex Chymicorum placitis.*

terram quoque impense frigidam , & siccam definiunt. Quòd si enim calorem levitas , ut gravitas frigus , consequitur : cùm igni summa tribuatur levitas , qui impensissimè est calidus : cur non terræ summum frigus cum summâ gravitate conjungatur ? Alii negant aërem esse humidiorē aquâ , cùm illa magis humectet , & madefaciat : profectò aër exsiccatur , & ne fortè propter calorem conjunctum per accidens id præstare causeris , flante boreâ , exsiccatur. Quomodo igitur humidissimus erit ? Tenuitatem ab humiditate discerne ; illa aëri , hæc non item convenit. Nec calidus est , sed aquâ frigidior : indicio est aquæ congelatio , hæc enim ab aëre ambiente efficitur : nam mediâ hyeme aër liberior est à vaporibus , & facilius aquam permeat. Hinc pars aquæ summa , & aëri proxima congelatur. Quid ? An non pluvix , nives , grandines , quæque in mediâ aëris regione concreverunt in gelu , frigidum esse aëra demonstrant ? Mitto summum calorem , aut frigus intensissimum cum humiditate non posse consistere ; quomodo igitur aqua frigidissima erit ; cùm eadem sit humida ?

Ac ne illud quidem fortè verum erit , elementa alia aliis esse insensa , & mutuis odiis usque ad internecionem se se prosequi , cùm potius se invicem perficiant , & magnâ affinitate jungantur : siquidem mutuis vinculis nectuntur , & quod uni deest , aliud præstat , ut mixtum cujus compositioni à naturâ sunt destinata , efficiant ; & suas quæque dotes , tum in mixtum , tum in se se conferant. Quòd si inimica sint sibi & insensa , non poterunt diu in eodem composito permanere. Scio formas quasdam substantiales eò confectas fuisse , quò discordes elementorum qualitates cohiberent : sed quid opus est formâ ab elementis diversâ : cùm terra aquam suâ sponte retineat , aqua salem , hic sulphur complectatur ? Elementa quidem dissimiles habent agendi modos ; alia pertinacius inhærent ; alia citius profugiunt ;

giunt; sed non idcirco inter se odia, & inimicitias exercent. At, inquit, ignis aquam calefacit, hæc ignem extinguit. Non ita est: nam calor est aquæ omnino extrarius; aquæ meatus ignita spicula implent, quæ cum sint fugacia, ultrò avolant; neque ignis corrumpi potest, ut suo loco dicemus, sed motus dumtaxat illius inhibetur, aut in minimas partes, ut aqua in vaporem dissipatur.

Nullum itaque ex illâ qualitatum pugnâ argumentum duci potest, quo mutua elementorum transmutatio demonstretur. Cum enim VII, *Elementa* elementa in se se mutuò agere contendunt, id fatemur: cum autem *in se invicem non* subnectunt, omne agens id eniti, ut id in quod agit, sibi simile efficiat, id omnino falsum videtur. Non enim, si quis alium verberat, *transmutari*, eum sibi similem reddere nititur. Quare elementa non in se invicem vires suas exerunt, ut alia ab aliis destruantur, sed mixti potius corporis generationi, aut compositioni serviunt. Quo enim modo terra in aquam mutabitur? Rarefcere profectò eam oportet: est quippe, ut iis videtur, terra compactior; atque ipsis authoribus rarefactio calore perficitur: ergò ut terra in aquam convertatur, terræ frigus deprimi, & frangi necesse est: sed aquam esse frigidissimam volunt. Ista sanè non coherent. Jam neque aqua in terram potest facessere: cum enim densatur frigore, non terra fit, sed glacies. Quantumvis terram aquâ diluas, neutra in alterius naturam degenerabit. At forte aqua in aërem, & vicissim aër in aquam commeat? Hospes est in philosophiâ, qui vaporem cum aëre confundit. Vapor aquæ naturam non exiit, & in eam rursus revertitur: quâ possit ergò aqua in aërem, aut aër in aquam converti? profectò necesse est, ut præ calore rarefcens aqua in aëra commutetur: nec potest aër cogi in aquam nisi densetur frigore, sed aërem esse aquâ frigidiorē jam conclusum à nobis est, & terè demonstratum. Vix potest aër magis densari, quàm in bombardili pneumatico, ubi tantâ vi comprimitur, ut globum maximo impetu explodat: neque tamen aër summâ vi adactus in aquam concrefcit. Multa quidem de igne nobis obtrudunt, quæ proximo capite uberius excutientur. Interim negamus omnia elementa in ignem converti: nam quæ fixa sunt, ut sal, & terra, nihil ab igne patiuntur, nedum in illius naturam facessunt. Quæ vero sunt volatilia, ut aqua, & mercurius, in vapores quidem dissolantur, sed in ignem non abeunt. Non enim ex aquâ nutritur ignis: parum, vel multum aquæ, aut terræ in ignem conjicias, perinde est. Neque id concedimus aërem in ignis pabulum cedere, aut ab eo inflammari, nisi forte vaporibus è vini spiritu prodeuntibus cum aliis è sulphure, vel terebinthinâ permixtis aër impleatur: tum enim aër quasi incensus apparebit

quod intuentibus, & causam ignorantibus magno erit miraculo. Cur extinguatur ignis, nisi identidem perfletur, suo loco reddemus. At oleum, vel sulphur in ignem convertitur. Id utique verum est: sed video quosdam è Chymicorum gente, qui flammam ab oleoso spiritu, non tam essentiali, quam accidentaria differentia sejungant. Est oleum per se inflammabile, ut aqua est ex natura sua, ut ita dicam, congelabilis: utrique accidit, quod illud inflammetur, & hæc congeletur. Quid enim flamma, si Aristoteli sit fides, nisi fumus accensus, ut carbo est lignum incensum: ergo ut in carbone lignum cum igne conjungitur, sic in flammâ remanet oleosus, & pinguis fumus: tametsi magis dilatatur, & concitatus movetur. Cum enim ignis extinguatur, neque abit in nihilum, neque commeat in aërem, quem frigidum esse ostendimus: ergo flamma redit in tenuissimum, & sulphureum vaporem. Quod si spiritus, vel oleum purissimum aliud quiddam est ab igne, nec simplex elementum, sed corpus mixtum haberi debet, ut Peripatetici opinantur, qui fieri potest, ut idem corpus mixtum in ignem transmutetur totum? Non enim illud oleum ex uno constatur elemento, neque adeo in unum, sed in plura dissolvi necesse est. Nam res quæque in ea tantum resolvitur, ex quibus est composita,

Addamne vix posse unum elementum in aliud commeare, quin ex mutuâ collisione & pugnâ qualitates eorum valdè refringantur; neque adeo retusæ qualitates materiam disponent ad elementi alicujus procreationem: eum summæ & vegetæ esse debeant, non fractæ & depressæ. Mitto experimenta bene multa, quibus ostendi facile posset nec aquam in aëra, nec vicissim aërem in aquam facessere. Unciam aquæ in phialâ, ejus collum sit saltem duos longum pedes, colloca, cineribus calidis impone, vapor quidem ad medium collum interim consurget: sed eum calor sit debilis, & pars dumtaxat aquæ infusa caleat modicè, vix aqua minuitur: cum tamen nihil hic desit ad aëris generationem, calor, humor, tenuitas, locus: ut disertè demonstrat Berigardus, qui illud quoque non prætermittendum adjiecit, carbonem phialâ vitreâ undique clausâ contentum, quandiu in igne est, ardere, nec ullo tamen tempore consumi. Habet phialam aquâ limpidâ semiplenam, & ante 60. annos sigillatam à Clavio vir toto orbe notissimus, & omni genere doctrinæ illustis Kircherus: necdum tamen quiequam aquæ in aërem mutatum est, nec vicissim.

Hæc ferè non Chymici modò, sed alii quoque magni nominis Philosophi de elementis in universum disputant. Nunc nostræ sunt partes

In circulo  
Pisano. 22.  
VIII.  
De numero  
elementorum  
variarum  
sententiarum  
conci-  
liantur.

partes libratis utrinque rationibus nostrum adhibere iudicium. Quod ut in re non adeò obsecrâ minùs timidè præstabimus. Primùm igitur nihil est, cur à receptissimâ opinione recedamus, aut quatuor rejiciamus elementa, ex quibus hic mundus aspectabilis potissimum coagmentatur, quæque sunt omnium corporum prima. Non quidem ignis regionem sub cœli lunaris concavo, sed in sole, tanquàm in fonte omnis caloris, & luminis collocamus. At non video, cur is in elementorum numero non habeatur: cùm nullum ferè corpus sit expers caloris, qui aut ignis est, aut ab igne non sejungitur: ignem tolle, omnem actionis, aut vitæ vigorem, omnem adeò motum, & generationem sustuleris. Vasis Chymicorum contineri non potest, sed non ideo omninò non est: eùm tot actionibus se prodât. Idem profectò de aère, qui corporum meatus subit, & sine quo fortassis ignis esse nequit, sentiendum puto. Quòd si in omni corpore spiritus insunt volatiles, quid est cur aërem esse fugaciorem, quàm ut ad mixti compositionem pertineat, arbitremur? Sed de his seorsum agendum erit diligentius. Nunc id mihi concedi velim, vulgata, & omnibus notissima elementa non esse tantùm velut capsulas, & excrementa mercurii, sulphuris, & salis, sed ea vel sola esse elementa, vel in principiis Chymicorum potissimum dominari: quò quidem modo Chymicos cum Peripateticis in gratiam redigimus. Nego ea quæcumque sint principia, elementorum nomine esse donanda, cùm non habeant proprias, & separatas regiones, nec sint velut promptuaria, ex quibus mixta quæque gignantur; neque alibi, quàm in ipsis corporibus mixtis insint. Erunt igitur principia, aut miscibilia, non elementa: decet enim nos communi loquendi consuetudini servire. His fortè principiis elementi definitio ab Aristotele allata convenit: sed non satis vulgo nota sunt, neque inter Chymicos satis convenit, quid mercurii, vel spiritus nomine intelligant: nec quicquam est, quod aures imperitorum magis respiciat, quàm aut elementa pervulgata negare, aut alia nova, & nondum bene explorata his adjicere. Nam obruimur opinionibus vulgi, & quantum veritas patitur, iis indulgendum puto: neque voces tot sæculis usurpatæ sunt temerè immutandæ, aut aliæ arbitrato nostro, qui mos Chymicorum est, fingendæ. Quis enim vetat terram, aquam, aërem & ignem, non elementa, sed excrementa, scorias inutiles, quisquillas elementorum, suis nimirum, sulphuris, & mercurii appellare? Cur translatis, & inauditis vocibus potius utuntur, quàm notis, & communibus? Cur oleum sulphuris, spiritum acidum, & volatilem mercurii nomine exornant? An philosophorum est barbaris, & ab utâ remotis vocibus obscurare quæ dicunt?

sed

Sed nulla sit de nominibus nobis contentio : neque enim mutatur vocabulis vis rerum. Ego ut Chymicorum principia libens admiserim, ita sola esse, ex quibus vires omnium corporum ducantur, omnino negaverim. Neque enim, si qualitates primæ ex elementis, & saporum, aut odorum differentiæ satis apertè ex Chymicorum principiis colligantur, omnes aliæ vires tum occultæ, tum manifestæ ex iisdem derivantur principiis. Mirum, si vis illa in magnete conspicua quâ se ad mundi cardines convertit, ac ferrum ad se rapit, aut sali, aut sulphuri, aut mercurio referatur accepta. An vita in plantis, sensus in animalibus, vis plastica in utrisque mirabilis, ex his solis fontibus manat ? Spiritus vitales, aut ii principes, qui omni ferè corporum generi insunt, quique miscent elementa, & certos rebus singulis velut characteres imprimunt, quibus organis, quibus vasis coerceri possunt ; ad quæ demùm principia revocantur ? Quocirca ut rerum primordia non infinita, sed certo esse numero comprehensâ fateor, sic ea longè plura esse, quàm quæ numerantur, faciliè mihi persuadeo. Neque enim sensus adeo acres, & vegetos habemus, ut prima nobis rerum stamina cernere liceat, aut ipsa principia in numerato habeamus. Quòd si quis, antequam ars distillandi inventa est, non alia esse præter quatuor elementa pertinaciter defendisset, quòd corpora in alia non resolverentur principia, is sanè vix potuisset experienciâ refelli, rationibus fortassis refutari potuisset : cum saporum, & odorum differentiæ atque alia prope infinita, quæ ex Chymicorum principiis satis apertè demonstrantur, ad quatuor elementa vix revocari queant. Quot amabo, in plantis, & fossilibus medicatæ, & venenatæ vires, quot abstrusæ, & nobis incognitæ sunt qualitates, quæ non magis ex principiis Chymicorum, quàm ex quatuor elementis ducuntur ? Quid est igitur, cur vereamur nova his principia adjicere, quæ se fallunt visus aciem, effectibus tamen se produnt. Ipsæ animantes, in quibus sensus acriores vigent, multa odoratu, multa visu percipiunt, quæ nos omnino fugiunt. Canis ex vestigiis leporem sagacissimè persequitur, quæ tamen vestigia non modò non odoratur, sed quo pacto latè suam spargant, & tamdiu conservent odorem, ne intelligimus quidem. Sic è corporibus effluvia continenter erumpunt, quæ à nobis nequaquam percipi fatendum est : tametsi animantes pleræque non latent. Non ergo si quid nostros fallit sensus, id continuo abesse putandum est, aut principia non esse plura, quàm quæ oculis nostris cernimus, pertinaciter tuendum : longè est natura locupletior, quàm vel sensu, vel mente consequi possumus : nec suas opes propalam collocat ; cumque eas

contem-



contemplari cupimus, vix aspiciendi, nisi fortè per quædam involu-  
era, atque integumenta potestas datur.

Non me fallit quid adversus Chymicorum principia opponi so-  
leat: nempe artificiali quâdam, & minimè naturali resolutione non  
tam ea separari, quàm produci. Verùm huic objectioni quid respon-  
deant Chymici alio in loco dictum est. Nec satis intelligo, quid vio-  
lentam, quid artificiosam corruptionem vocent: cùm omnis mixti  
corporis resolutio, ab agente naturali, igne potissimum perficiatur. *IX. Objecta  
dissoluntur.*  
At Chymici varios ignis gradus moderantur. Quid tum? An non  
medicamenta naturali quodam modo purgant corpora, tametsi arte  
solent preparari? Aut concede operationes Chymicorum omninò  
esse naturales, aut nega ipsam putredinem ex præscripto naturæ fi-  
eri: cùm mixtum corpus vasè conclusum in fimo equino putrescit,  
atque in sua redit, unde ortum est, principia. An fortè cùm lage-  
na vino plena, & inversa sepelitur in aquâ gelu concretâ, ac purissi-  
mum oleum, quod ad interiora se se recipit, factò foramine elicitur,  
contendes illum vini spiritum violentâ, & artificiali corruptione  
fuisse generatum? Dic quoque oleum ex amygdalis, olivis, vel lini  
semine expressum non educi, sed novum omnino procreari.

At, inquit, principia, quæ sunt. & elementa mixtis omnibus  
sunt communia; arqui oleum, sal, & mercurium omninò diversa  
esse in mineralibus, plantis, & animantibus constat. Neque iisdem  
viribus donantur: nisi fortè velis eundem esse spiritum vitrioli, &  
vini; idem oleum ferri, & nucis. Quid ergò? An tot erunt prin-  
cipia, quot rerum species? *2.*

Miror equidem id nobis à Peripateticis opponi, qui formam in-  
ter principia numerant: cùm tamen ipsa forma gignatur, neque una  
sit omnium rerum, sed omnis distinctio à formis repetatur. Sed  
esto, quæ materiæ loco subjiciuntur elementa, sint eadem in rebus  
omnibus: nec tantùm sint ob similitudinem quandam analogâ: qui-  
bus tandem rationibus evincant non eundem esse in animalibus sa-  
lem, vel spiritum, qui in plantis reperitur, cùm ex his illa nutrian-  
tur? Cùm plantæ mineralium succos alliciant; cumque è mediis sa-  
xis, iisque confractis, in maris littore constitutis, conchyliâ quædam,  
quæ glandes, aut dactylos vocant, eruantur: & in ipsis arboribus,  
aut fructibus mille insectorum genera formentur: cùm denique  
nitrum ex terris, lapidibus, plantarum cineribus, excrementis;  
& partibus animalium æquè fieri videamus, nihil est probabilius,  
quàm ex iisdem quæque corpora gigni principiis, quæ communes  
quasdam affectiones, non speciem, aut naturam mutant suam.

*In anatomiâ hepatis,*

Alia aliis variè commixta in certis corporibus crassiora sunt, in nonnullis tenuiora; nonnunquam fixa, interim sunt fugaciora: diversas itaque in variis corporibus impressiones accipiunt: sed non id circò communem naturam exiunt. Quo quidem modo, ut Glissonius existimat, spiritus naturalis fit vitalis, & hic demùm animalis, dùm scilicet variis impressionibus signatur. Sic fieri potest, ut diversarum plantarum spiritus nonnihil salis, aut sulphuris subtilioris admisti habeant, eoque nomine variè ab invicem distinguantur. Cave enim putes mixta corpora in prima principia arte chymicâ resolvi; sal, quem extrahunt ex plantâ, non est purum putum principium, secus vim omnem, & qualitatem plantæ congenitam deperderet, neque etiam Peripatetici vulgata elementa ab omnibus aliis secreta, & omninò pura demonstrare possunt. Satis nobis fuerit, si corpus quoddam exhibeatur, quod sal, vel spiritus maximâ ex parte sit. Illum verò salem ab omni elemento expurgare non est Chymicis propositum: cum nulli amplius usui foret.

X.

Sed Chymicorum principia libro quarto paulò accuratius tractabimus: nunc de elementis potissimùm agimus, quæ omninò retineri oportere arbitramur. Ac de his cum nuper verba facerem cum clariss. viro D. du Clos, & in rebus chymicis, si quis sit alius, versatissimo, is quidem contendebat quatuor elementa esse in corporum analysi ultimâ, atque ex iis mixta quæque constare. Terra & aqua hunc, quem colimus, globum potissimùm constituunt, quem aër non solum ambit, sed etiam penetrat, ignis movet, perficit, vivificat. Sic mixtis corporibus terra velut materiem præbet: hanc aqua suo humore diluit, & partes conciliat, aër meatus implet, vim omnem & calorem & motum, ignis à sole aut ab aliis sideribus dimanans impertit. Est quippe Lucida, subtilis, actiosa substantia, quæ in aëre diffunditur. Hanc aqua excipit, terra fovet & conservat. Præcipuæ elementorum terræ, aquæ, & aëris affectiones sunt densitas & raritas, quæ quantitatem consequantur, uti & mobilitas. Terra densa est, aër rarus, aqua mediam nacta est inter utrumque naturam. Aër vi elasticâ donatur, quò subeat corporum incatus, atque in iis ut occasio tulerit, dilatari, aut comprimi possit; id aquæ ex parte convenit, terræ nullo modo. Terræ & aëri siccitas, aquæ inest humiditas. Aër videtur terrâ frigidior, quòd præ subtilitate altius peneret: nam terra præ partium crassitie tactum minus afficit.

XI.

Paulò secus Peripatetici has qualitates cuique tribuunt elementis: nam humidum aërem, & calidum esse pertendunt nulla. Verum

rum de his multa nobis sit cum Philosophis contentio. Licuit Aristoteli, ut observatum est à viro doctiss. eas qualitates, ut elementares, & quatenus ad rerum productionem conspirant, definire: nam ut usitatum à Philosopho exemplum adhibeam: quò statua ex ære fiat, primùm calore opus est, quo metallum fundi possit; & heterogenea quæque secerni. Unde & calorem definit Aristoteles non in universum, sed quatenus rerum generationi inservit. Deinde fusum metallum propriis terminis non continetur, sed typi, aut moduli figuræ se se accommodat. Quare humor in metallo, ut siccitas in typo, tanquam in matrice requiritur. Tandem frigus metallo duritiem & firmitatem tribuit. Eadem qualitates in rerum omnium generatione occurrunt; unde & primæ ab Aristotele, & aliis Philosophis meritò nominantur: quòd sint velut activa rerum principia, & præcipua generationis instrumenta. Quo quidem modo aer humidus erit, non siccus. Sed humorem & siccitatem, ut calorem, & frigus, non tam ut sunt internæ rerum qualitates, quàm in ordine ad res exteriores definire voluit Aristoteles: cum durities & fluiditas magis sint cuique corpori intrinsecæ, & propriæ. Quòd enim aqua alienis terminis coercetur, non propriis, hoc illi extrarium est: sed quòd partes illius insensibiles huc illuc moveantur, hoc illi est intimum, ea est illius qualitas, quæ liquiditas, aut fluiditas dicitur.

## CAPUT SECUNDUM.

*De Igne.*

**I**gnem esse præcipuum naturæ & artis organum, cuius vis insit omni corpori, vitæ, & motus opifex, non Stoici modo, sed omnes penè Philosophi fateantur. Eum quoque esse in triplici constitutum differentia, veteres juxta & recentiores docent. Alius enim est, qui lucet quidem, sed non urit; alius qui urit simul, & lucet; alius denique ardet, sed non radiat. Primum esse vitalem; ac planè cælestem volunt; secundus sulphureus est; tertius in terrâ, salibus, fumo, & aquis stygiis quasi obrutus jacet. In fumo, qui ex rebus combustis erumpit, ignis quidam est, qui fluit, sed non radiat; in ferro accenso, aut carbonibus radiat, sed crassioribus elementis implicitus, non fluit; in calce, nec fluit, nec lucet:

I.  
Triplex  
ignis differentia.

sed in flammâ fluit, ardet, & lucet. Dùm enim ignita corpuscula sulphureum, aut spirituosum humorem, quo magna vis ignis continetur, summâ celeritate volvunt, unâ simul erumpunt in flammæ speciem; ac spiritus ignei undequaque vibrantur, fermè ut aqua è vase globoso crebris foraminibus pertuso, in omnes partes radiatim spargitur, dum aquæ corpuscula turmatim exiliunt, & priora ab insequentibus premuntur.

## II.

De motu  
ignis.

Ignem quippè per seipsum, & suâ sponte moveri nemo negaverit, cum cætera agitet elementa, quæ omninò torpent, nisi eadem impulsu ignis, qui omnis est quietis impatiens, excitentur. Hinc calor, vel ignis, (non enim facilè est unum ab altero sejungere, ut suo loco fuitus dicitur) corporibus non insitus, sed adventitius, suo, ut ita dicam, ingenio, & mobilitate quâdam sibi congenitâ, non impetu alieno evolat. Nec verò ab alio corpore tenuiori propellitur: cum nullum ferè sit igne, qui tranat omnia, subtilius: nec omninò perit: sed teneri non patitur, & dato exitu ultrò fugit. Neque eum motum levitas quædam, & ad cælestem locum propensio efficit: cum in omnes partes, & in orbem æquè moveatur, nec minùs calor deorsum, quàm sursum diffundatur; ut experiri licet in laminâ cupri, vel argenti igni suppositâ: sed in eam partem motum dirigit, quâ minùs resistitur. Cumquæ non sensim, & quasi per gradus velocitatem suam, ut gravia quæque, & levia corpora sibi comparet: sed totam simul, & quantam habere potest maximam celeritatem, in sui motûs principio consequatur, non mirum est, si incredibili pernicitate moveatur, & tanto impetu, quantum cernere est in pulveris pyrii accensione, erumpat. Ac nisi terrenis corporibus esset illigatus, quæ non mediocriter illius pernicitatem infringunt, in puncto ferè temporis moveretur. Hinc sanè lux, quæ ignis est purus, atque ab omni crassiori corpore solutus, in momento diffunditur: sed de luce, & calore suo loco: nunc ignis generationem, naturam, & varios effectus persequi volumus.

## III.

Ignis generatio ex  
Epicureis.

Ignis quidem genesim, & naturam non uno modo explicant Philosophi. Placet nonnullis Peripateticis ignem non actu, sed potestate in mixtis includi, eumquæ generari vel motu, vel alterius ignis contagio: adeò ut nullum iis sit paratius exemplum, quo formarum eductionem, & elementorum generationem demonstrent. Nam igne ad omnem omnium rerum explicationem abutuntur. Reliqui omnes Philosophi, quasi conjuratione factâ adversus hos Peripateticos, struunt aciem, atque ignem minimè gigni, sed latentem priùs, & aliis elementis impeditum evolvi, atque in apertum prodire contendunt.

Epicurei

Epicurei igneas atomos in corporibus dispersas, vel aliarum ingressas, vel externâ agitatione, vel intestino motu excitari, atque in unum tum coïre putant, cum res pinguis accenditur. Ignis enim, & corpus omne actu calidum calorificas atomos continenter emittit. Hinc nulla res ardet, aut actu calefacit citra aliquod suæ substantiæ dispersum. Hæc ignea corpuscula cum oleosam, aut sulphuream materiam subiêre, cognatas sibi, & congeneres atomos ad defectionem sollicitant, quæ cum sint ad motum luccinctæ, uno velut agmine ruunt, atque humores, quibus obriuntur, unâ secum efferunt. 2. Ignem ex intimâ partium agitatione excitari volunt, ut in scæno humidiori, quod aliquando flammam concipit; vel in calce cernimus, quæ assu- sione aquæ incalescit: tum enim atomi calorificæ jam liberæ, & quasi sui juris fiunt: cum terrestris molecula, quâ prius coercitæ, & vinctæ tenebantur, aquâ solvitur, atque ignis atomi ab aquâ obsessæ, & densiores factæ, se se excitant, & unâ cum vaporibus prorumpunt. Nam accessu aquæ, ignei spiritus jamjam erupturi, intus revocantur, & ruptis, quibus à se invicem separati erant, repagulis, simul conflunt, & cum aqueis atomis in amplius spatium explicantur. Sic aquæ fortes, frigidæ assu- sione, accendi solent, quod igneæ atomi, parvis intervallis antè discretæ, ubi illa interstitia aquæ interjectu soluta sunt, unâ coeant. Nec aliâ fortè ratione ex puteis jugibus aquam calidam trahi videmus, & id maximè hibernis fieri temporibus, quod magna vis caloris terræ cavernis contineatur, eaque hieme sit densior: ob eamque causam calorem insitum in terris contineat arctius, ut Balbus apud Tullium, ex Stoicorum sententiâ decernit. 3. Corpus ex motu externo non calorem modò, quod nostris contingit corporibus, cum motu atque exercitatione recalescunt: sed etiam cum sulphureum est, per sepe flammam concipit. Sic rotæ, & axes currum aliquando incenduntur, & lapidum conflictu, atque tritu elici ignem videmus. Tum enim ignitæ atomi motû agitatione suis vir- culis expeditæ, simul vibrantur, atque in scintillas abeunt. Has vero atomos esse rotundas Epicurei opinantur, cum sint tenuissimæ, maximè mobiles, & quaquâ versum penetrent.

Neque id concedimus Peripateticis, novum ignem, qui antè non erat, actu generari: cum ignis atomi omninò simplices, non genera- tione, sed creatione solâ producantur: neq; id temporis momentum, in quo ignis forma elicitur, designari queat. Sed nolim his quibus Peripatetici se invicem punguat aculeis uti: dabo illis, tamen non intelligo, toto præcedente tempore ligni materiam fuisse præparatam atque in eo, quod tempus terminat, instanti, formam ignis omnium

IV.

*Ignem esse  
actum in  
mixto cor-  
pore.*

accidentium ornatu, instructuque comitatam accedere. Jam cedo quæ causa effectrix illam educat speciem, cum ex lapidum collisione ignis accenditur; aut scænum madidum deflagrat; aut in pilstrinis molæ attritæ ignem emittunt? Nulla sanè univoca & principalis causa occurrit: æquivoca si quæ sit, hæc erit igne nobilior: at quænam illa est? sed neque instrumentum huic effectui accommodatum asserre in proclivi est. Quî potest igitur ignis citra effectricem generari causam? Audio Alexandrum, qui non ex lapide, sed ex aere ignem elici putat, & sagittas plumbeas motu liquefcere decernit Aristoteles. Verum neutrum ratione, aut ullo constat experimento. Non enim globi plumbei è sclopetis explosi, ne dum sagittæ plumbeæ possunt ignescere. Neque in lanam, aut sulphur, aut pulverem pyrium globi bombardiles immissi flammam accendunt. Ne sulphureus quidem globus, è sclopeto erumpens incenditur. Quod si attritu chalybis, & silicis inflammatur aer, cur nihil quàm scintillæ decidunt, non flamma emicat, aut sursum petit? Cur ignis ex aliis lapidibus, ut ex porphyrite, & omnium marmorum genere non elicitur; Non igitur, quantum conjecturâ assequor, alia huic effectui causa reddi potest, quàm ignearum atomorum vehementior agitatio. Neque enim iis ob duri corporis resistentiam intrò subire licet, nec tanta vi excussæ sensim diffusi possunt: sed consertim unâ cum iis partibus, quæ magis sunt volatiles, & ignis feraces, quas Chymici aut spiritus, aut sulphuris, aut oleosi, & pinguis calidi signant vocibus, prorumpunt. Hinc scintillæ emicant, dum ignitæ particule à crassioribus expeditæ magno impetu prosiliunt. Idque fit tum maximè, cum ferri acie pars silicis tenuior atteritur: tum enim sulphur, quod ignis est vehiculum, ipsâ collisione faciliùs excutitur. Non ergo vel motu, vel attritu corporum ignis, aut calor excitari solet, nisi igneæ atomi insint agitatæ corporibus. Hinc aer celerrimè motus frigidior est, etsi per tubum calidiorem transmittitur: ne fortè aliquis eum ab ambiente circum aere refrigerari obtendat.

*D. de la  
Chambre,  
tractatu  
de lumine.*

Jam in solidis corporibus sæpè non motus celerior, sed vehemens compressio ignem accendit. Axis enim currus magnâ celeritate moti (ut exemplis utar ab illustri Argiatro usurpatis) non rarò ignem prius concipit, quàm rotæ: cum hæc tamen longè velociùs gyrent. Trocleæ licet tardissimo motu volvantur, plurimùm tamen incalescunt, & hoc magis, quò majora attollunt pondera: tametsi leviore appenso pondere, longè celerius rotentur. Scrra fit calidior ex motu, non item lignum quod serrâ comminuit: contra verò lima parùm caloris, & ferrum quod limatur, plurimùm concipit. An quòd lima durior sit,



fit, nec sinat igneas, aut sulphureus atomos separari? An potius eadem ferri pars vim totam, & impetum limæ excipit: cum hæc longior minus à ferro patiat: nam ferri, ut aiunt, reactio, seu vis reciproca in plures limæ partes spargitur. Lignum verò minus incalcescit: siquidem abundat sulphure volatili, quod sensum minus ferit. Cumque partes ligni meatus habeant apertiores, spiritus à ferrâ commoti faciliè exiliunt, ac totus in scobis abrasæ pulvere impetus extinctus manet, neque in alias ligni partes propagatur. At verò in ferrâ spiritus sulphurei reciproco motu vehementius agitati, ob meatuum angustias non faciliè possunt dissipari: quare intus coerciti se se mutuo exagitant, & tandem velut irritati excandescunt.

Ex his liquet, cur clavus malleo percussus, sæpe adeò incalcescat, ut sulphur accendat, cum vix ullus in malleo sensibilis percipiatur calor: nam multò maiorem clavus à malleo, quàm vicissim malleus à clavo impetum recipit. Sed quid in causâ est, cur inter metalla, ferrum vehementius quàm stannum, vel cuprum incalcescat? An quòd uberius in ferro, quàm in stanno sulphur inest? An potius id major ferri durities, & celerior partium insensibilium motus efficit. At vereor ne ista, quæ ad caloris explicationem pertinent, hoc in loco præposterè tractentur: sed calor cum igne ita conjunctus est, ut difficile sit unum sine altero intellectu consequi. Quid enim calor, ut id obiter dicam, nisi ignitæ atomi, quæ dispersæ magis, & distractæ visus aciem fallunt: sed ex tamen tactu percipiuntur? Eadem verò atomi simul unitæ, & viribus conjunctis fortiores ignem efficiunt. In fumo quippè calor est simul & ignis, tametsi non radiat: ignea enim spicula sunt inter se nimium disjuncta, & numero pauciora: hinc motum non satis perniciosum habent, ut luceant simul, & ardeant. Aucto calore in flammam abit fumus, ut videre est in illo fonte, qui propè Gratianopolim visitur: nam exhalatio, quæ visum fugit, ex fonte egreditur, adhibitâ face ardente statim inflammatur, quòd sit igne facta.

Nec magni refert, utrùm illæ atomi sint à sulphureis distinctæ; an potius, ut Chymicis videtur, ignis nihil sit præter sulphurea corpuscula, quæ concitatiùs mota simul erumpunt: satis enim constat in sulphure ignem delitescere. Nam quæ oleosa, aut pinguis, aut sulphurea sunt, eadem faciliè inflammantur: sed quæ aut terrâ, aut sale, aut aquâ abundant, vix incendi possunt. Huc adde sulphureas partes cum igne simul avolare: his consumptis, restant cineres, quæ ut sulphure magnâ ex parte destituuntur, sic incendi amplius nequeunt.

Quo-

V.  
Epicureo-  
rum &  
Chymico-  
rum de ig-  
nis natura  
consensio.  
Et utriusque  
cum Ari-  
stotele con-  
sistantur.

Quocirca ignis vix usquam nisi in sulphure invenitur, ac diffi-  
cile est unum ab altero sejungere: quamvis diversus est utriusque  
status, & diversa fortè natura: de hoc enim nihil certi habeo, nihil  
explorati. Quamquam in eam magis inclino sententiam, cum sul-  
phure ignem confundi non oportere. Atque ut mihi quidem vide-  
tur, magna est inter Chymicos, & Epicureos consensio: quod enim  
Epicurei ignis atomos, hoc illi sulphurea vocant corpuscula. Quan-  
quam fortè sulphur sit domicilium, aut certè, ut aliis placet, ignis  
pabulum. Eodem prorsus modo ignis generis utrique explicant:  
videlicet igneas, aut sulphureas atomos, vel motu glomeratas, vel  
sui juris factas, vel ab aliis jam agitatis, & accensis in ejusdem mo-  
tus societatem adductas, subjecti cui insunt compagem solvere, &  
quidquid attingunt destruere, dum subeunt obvii cujusque corporis  
meatus, & suis quasi pugiunculis corporum claustra referant.

Illæ porro incendi vix possunt, quorum pinguis humor à siccis,  
& terrenis particulis nequid separari, ut metalla. Non enim corpus  
incenditur, nisi cum ignea spicula unà cum humidis in aere simul  
crumpunt. Atque, ut ego judico, utrique tum Chymicis, tum Epi-  
cureis cum Aristotele potest convenire. Quandiu enim ignea cor-  
puscula in mixto quæta manent, & aliorum elementorum atomis op-  
pressa sensu non percipiuntur, tum sanè non actu, sed tantum po-  
testate ignem corpori inesse dicimus: sed ubi motu excitata rup-  
tis repagulis, & solutâ mixtione simul coeunt, jam ignis actu  
emicat.

Cum igitur è corpore spiritus sulphurei sensim dissipantur, tum  
citra ullum ferè calorem corpus marcescit: quod si paulò concitatus  
exhalentur, tum calor quidem se prodit: sed nondum erit ignis, quo-  
usque spiritus illi sulphurei turmatim, & magno impetu prorumpant.  
Partes itaq; volatiles, & sulphureæ omnino dissolutæ, & ignitis spiculis  
convolutæ speciem præbent flammæ. Præsertim si sit subeunti aëri, lo-  
cus, est enim aëre, ut aliàs diximus, quoddam menstrui genus, quod  
sulphurea quæq; corpora, ferè ut nitrum solum exsolvit. Uti l. 1. de cor-  
por. affect. c. 3. copiosè exposuimus. Ignea quidem corpuscula dato exi-  
tu in rectas lineas diffundi affectant, ut in luce videre est: sed quam-  
diu cum aliis miscentur corporibus, atque iis anfractuosis subire me-  
tus necesse est, motus ille præceps non mediocriter perturbatur.  
Hinc quas sibi obvias habent particulas contorquent, easque instar  
torrentis unà secum volvunt. Atque ut aqua recto itinere objectu  
saxi deflecta in vorticem agitur, & si quæ offendant corpora, hæc in  
orbem torquet: sic ignis effluvia aliorum elementorum atomis im-  
pedita,

pedita, & in se se conuoluta eadem corpuscula secum abripiunt. Cum autem continuato motu partes sulphureæ indefinenter atterantur, ignita spicula una cum iis avolant, & solutis vinculis quaquà versum fusa jam sui copiam faciunt, ac se se dant in conspectum. Exhaustis demum spiritibus sulphur quoddam in carbonibus fixum, & crassiorum elementorum vinculis irretitum manet, quod vehementi quidem motu se se agitat, sed extra sui corporis pomceria non facile prorumpit.

Placet aliis tum ignem ardere, cum illius effluvia motu celeri, & velut reciproco dilatationis, & compressionis partes aeris, aut cujusque interjecti corporis medii exagitant. Cum vero igneos, & solares spiritus, qui poros aeris implent, vehementius impellunt, tum radios lucidos vibrant: sic lampyrides lucent, nec urunt tamen, quia particulas aeris non commovent: sed de his postea.

Quid ergo flamma, nisi oleosus humor igneis corpusculis factus? Porro eadem perseverat, non aliter atque aqua pleno alveo fluens: nam pinguis humor eodem tenore dissolvitur. Hinc flamma extinguitur affusione aquæ: hæc enim ignis humidum pingue depascentis actionem inhibet, nec possunt aquea corpuscula subito attenuari, eaque suo lentore quasi compedes humori sulphureo injiciunt, ne jugiter fluat: obstruunt quoque corporis incensi meatus, & obstant, ne pabulum igni continenter accedat. Oleum non extinguit flammam, quia multum ignis in se continet.

Non equidem crediderim aerem esse flammæ pabulum: sed is tamen ignis accensionem non mediocriter promovet: seu ignita spicula flammæ speciem non præbeant, nisi tenuem dividant aëra, & una cum eo misceantur, seu tenues aeris particulae pinguem illum & viscosum humorem, qui in flammam abit, penetrent, & quodammodo solvant, ut ignitis atomis liberum permittat exitum, quod nisi sit, vix flamma, sed ater dumtaxat fumus erumpit. Hinc carbonēs ferè extincti aeris motu accenduntur, quod ignei spiritus una cum aere intro repulsi se se agitent, & alios sibi congenere velut sopitos & vetero oppressos excitent. Sed tamen vehementiori flatu flamma extinguitur: tum enim illa velut fila, quibus constat oleosus humor ab ipsis radicibus evulsa, aut nimium dissipata continuum ignis fluorem interpellant. Nam halitus ille non fluit, nisi cum accensæ partes alias adhuc involutas secum efferunt, & eas in similem conflagrationis motum trahunt: siquidem aliæ alias quasi contagio, aut concatenatione quâdam ad eruptionem sollicitant. Cum autem hi rivuli jugiter fluentes aliquâ ex causâ vel dissipantur,

Xxxx

vel

VI.

Quid  
flamma.

vel motu prohibentur, tum novi halitus non succedunt, atque ignis in ipso fomite extinguitur. Exemplum ad id aptissimum Magnanus adhibet ex rotis, quæ se se mutuis dentibus implicant, & movent, quales in horologiis conspiciamus: nam prima quidem secundam, hæc tertiam corripit, & ita porro: quòd si ultimæ rotæ motus inhibeatur, reliquas cessare necesse est. Ita ferè cum alii alios halitus serie quâdam motionum secum trahant, ubi nimia aëris commotione flamma diffiatur, tum effluxus spirituum impeditur, ut vicissim halitus in ipso fomite vel aquæ affusione, vel aliâ de causâ impedito, flammam extingui necesse est.

Non ignoro quædam esse sulphurea, & bituminosa corpora, quæ partes habent adeo viscosas & confertas, ut nullius ferè venti flatu extingui possint. Sic facies, ut nonnulli perhibent, ex mundo sulphure, & cerâ pari portione commistis, & liquefactis; vel ex camphoræ sesquiunciâ, picis semiunciâ simul in pulverem contritis; & ceræ liquefactæ libræ immerfis, conficiuntur nullo vento extinguibiles. Nam status aëris idem in his flammis, quod in magnis præstat incendiis: auct virescens ignis, & viscosi alimenti plicatiles fibras non abrumpit, sed potius extenuat. Sunt enim, ut jam dicere occiperam, non ignis quidem, sed pinguis quo alitur humoris particula oblongæ, & flexiles, ut cernimus in flammâ, quæ vento perflata inflectitur: nec longiora quibus constat fila disrumpuntur, ne tum quidem, cum lucernæ flamma per tubum vibrata fundit vitrum.

Sed cur difficile est faciem ad majorem flammam accendere? An quòd hæc totum aëra proximum ad se rapiat? Hinc ubi major ignis ardet, vicinus aër non parùm agitur: & si clausum fuerit cubiculum, externus aër intrò subire tentat, ac vela fenestris appensa intus propellit, ut ejus quem flamma secum rapuit locum, occupet. Ergo necesse est, ut aër immixtus, suâ tenuitate halitum pinguem pervadat, eumque atterat, ut ignei spiritus effractus carceribus erumpant: siquidem halitus inflammari non possunt, nisi commoti: hæc agitatio non fit sine quâdam collisione, quam non similis exhalatio, sed aër tantum potest efficere.

Nec flammam modò accendit aër, sed eam quæ accensam fovet: nam in cellâ vinariâ quam ferventis musti crassiores halitus implent, & in cryptis subterraneis, in quibus humitus aër torpet, vix accensa candela se tuetur: eaque tubo ex superiori parte occluso altius immersa statim extinguitur, cum subeunt aëri non pateat aditus.

Ac de flammæ quidem origine, & naturâ diximus: simul veteres cum recentioribus Philosophis conciliare tentavimus. Sed neque

Cartesii sententiam nos decet, velut inhonoratam præterire, quæ fortasse non plurimum ab aliis dissentit. Quam enim vocat primi elementi substantiam, hanc alii ignem, vel sulphur tenuissimum nominant: ut secundum elementum fortè cum purissimo aëre, vel æthere confunditur. Sit igitur, ut Cartesio placet, ignis, materia primi elementi, quæ cum terrestrium corporum meatus implet, vix sensu percipitur. Ast ubi copiosior est, atque in majoribus regnat spatiis, tum vires suas magis explicat; terrestres particulas, quæ duræ sunt, & crassæ in orbem agit; obvia quæque divellit, nervos tactiles vehementius afficit, & lacerat; radios lucidos, pulsus quoque versus secundi elementi globulis, vibrat; durissima quæque dissolvit corpora, emollit, separat, fundit. Hæc itaque est ignis origo, hæc natura: cum tertii elementi particulæ duriores primo elemento circumfusæ illis motu abripiuntur: majores quippè corporum meatus complent secundii elementi globuli, quorum alii aliis incumbunt. Quæque globulorum interstitia, vel arctiores meatus corporum implet primi elementi substantia, non satis valida est, ut secum trahat terrena corpuscula, nisi vis quædam extrinsecus accesserit, quæ circumfusus disjiciat globulos, quò primum regnet elementum, cui cum partes terrenæ innatant, tum formam ignis induunt, ut aeris speciem præbent tertii elementi particulæ in secundo elemento fluctuantes. Nec diu tamen poterit ignis se tueri, nisi terrenæ partes jam à primo elemento rotatæ, satis firmæ, & solidæ sint, quæ globulos irrumpere molientes procul arceant, & novæ subinde partes è corpore accenso aliis decedentibus, atque in aërem dispersis succedant: multum enim de impetu suo remittunt, cum jam longius progressæ fumi duntaxat speciem præbent. Cum naturam & generationem ignis acriori animo perpendo, propè est ut concedam in eorum sententiam, qui ad ignis procreationem tria videantur exigere, subtilem quandam & ætheream substantiam, in jugi motu positam; partes aeris maximè actuosas & nitro aëreas; ac demum sulphur quoddam, aut quid oleosum, quod ignem apud nos fovet; cum enim in motu ignis res contra se habeat, atque in aliis motibus, & incendium ex scintilla interdum procreetur, cum tamen corpus agitaturn, de motu suo tantum soleat decedere, quantum alteri corpori communicat. Id sanè vix intelligi potest, nisi subtilis quædam materia, quæ in perpetuo motu versatur, ignis quoque motionem promoveat. Quocumque id modo accidat, id sanè compertum est, maximas quasque motiones, ab exiguis particulis proficisci: ut in motu animalium cernere est.

Partes aeris actuosæ, ac nitrosæ, falsæ, solidæ ad procreandam  
 XXXX 2 ignem

ignem omnino necessariam videntur, cum in machina pneumática statim ignis exhausto aere extinguatur, nec quicquam sulphureum accendi possit, nisi id cum nitro sit conjunctum, hinc pulvis pyrius, intra tubum parte alterâ oclulum vi adactus, vel in ipsâ aquâ accenditur, quod nitrum solum aere non indiget quò flammam accendat. Tot enim abundat partibus, quæ flammæ alendæ sunt idoneæ; in nitro quidem nullæ sunt partes sulphureæ; neque enim in crucibulo, neque speculi ustorii vi inflammantur, sed ubi carbones, aut quid aliud sulphureum, injeceris, statim flammam concipit.

3. Partes sulphureæ ignem fovēt, cumque eæ solæ sub oculos cadant, non item nitrosæ, hinc fit, ut sulphureis duntaxat ignis partibus generationem tribuamus, cum tamen eæ sint mollioris, & nimium flexiles, quàm ut possint tantâ vi obvia quæque perrumpere & destruere, nisi aliæ partes solidiores, actuosæ, salsæ, penetrantes accedant, quæ cum sulphureis congressæ, & cum impetu divulsæ, unâ cum subtili & æthereâ substantiâ tam pernecem motum efficiunt: hæ quidem partes actuosæ in spiritu nitri sunt plurimæ: hinc ignis ille cæcus & potentialis, qui in hoc liquore plurimus est, sed partibus humidis involutæ, quodammodo obruuntur; tum verò se se exerunt, cum liquor acidus sali fixo, aut nitri, aut tartari, aut cui-cunque alcali affusum, in novum nitrum coalescit: tum enim nihil obstat, quominus partes illius aereæ magno impetu evolutæ hunc motum, in quo flamma consiluit, procreent.

Sed cur in calce, sanguine, fimo equino, humidioris sæno, aquis stygiis ignis urit, non lucet. An quòd ea corpora, in quibus cæcus ignis regnat, partes habeant molliores, sive aquosas, sive aereas, quæ materiæ primi elementi innatant: hinc calorem, non lucem, seu validum globulorum coelestium impulsus procreant. Quid enim illam in spiritu vitrioli, & oleo tartari ebullitionem efficit, nisi corpus subtile, cujus consueti motus ex illâ novâ mixtione turbantur? Nam aliter in oleo tartari seorsum, aliter in spiritu vitrioli fluere solitum erat: impeditus ille materiæ subtilis commensus luctam, & velut rixam inter liquores creat: hinc calor paulò vehementior. An potius liquor alteri affusus calorem efficit, quòd ita aptati sint illius liquoris pori, ut alterius calorem efficit, primo tantum elemento circumfusas, admittat: sic globulis expulsis primum elementum dominatur. Non dissimili modo in calce meatus ita aperti sunt, ut partes aquæ primo duntaxat elemento septas excipiant. In sæno autem humido ita res se habet: subtilis materia, quæ graminis crescentis meatus subit, eosque sibi aptat, ut liberè commicare possit, post-



postquam exsiccati graminis pori arctati sunt, & quodammodo obstructi, velut indignata cum impetu solitum iter pergere nititur; humidiores partes exagitat, easque secum rapit: præsertim si fœnum malè exsiccatum fuerit: idque fit non sine magno calore, & fumo, restantque ex eo velut incendio soli cineres omni humore, & pinguedine destituti. Clarius rem explicat Cartesius: succi aut spiritus, qui à radice cujusque plantæ per caudicem ascendere soliti erant, nondum penitus egressi, ex aliis in alia gramina excurrunt: neque enim facile exhalari possunt, cum locus sit clausus: sed cum fœnum exsiccati incipit, & meatus habet solito angustiores, tum illi spiritus non secundo, sed primo dumtaxat elemento vallati intrant: hinc motu rapidiori feruntur, & partes plurimas cum impetu disjiciunt, quæ si in alias quoque impactæ, eandem stragem edunt, tum ignis, aut flamma erumpit: secus si pauciores partes loco moveantur: tum enim fœnum incalefcit quidem, & cœco igne consumptum marcescit.

Hæc sanè ingeniosè sunt ficta, vel inventa: neque iis omnino contradico: ignem enim cum summâ agitatione subtilis alicujus corporis conjunctum esse non abnuerim: seu in orbem, seu in omnes partes perturbato motu feratur. Sed cur secundum elementum, vel purus aer ab ignis generatione removeatur, necdum satis intelligo id enim jam penè ostendimus, flammam citra aeris ventilationem non accendi. Atque ut aer cum igneis corpusculis, nonne ex illo congressu ignis prodibit? Nam in carbonibus ignitæ atomi cum crassioribus elementis luctantur, neque in flammam abeunt, ni tenuis aer cum impetu irrumpens, ignis pabulum exagitet. Hinc nitro liquefacto ferrum candens immersum extinguitur potius, quàm incendatur; carbonem verò si injeceris, cum detonatione quâdam, ut loquuntur Chymici, & carbo, & nitrum concipiunt flammam, quod spiritus nitro-sulphurei pervadant carbonum meatus, & partes evocent subtiliores, quæ igne fixæ in flammam aere subeunte extenuantur, & quod concepere incendium nitro communicant. Ferrum verò compactius quiddam est, quàm ut sinat sulphureas partes elici; neque aeri subeunti præbet locum; quare inflammari non potest: vix enim quicquam inflammatur, nisi id tenues emittat halitus, quos non à solo calore, sed ab igne jam lucente, eo modo, qui ad flammam exigitur, agitari necesse est. Scio equidem candelam ferè extinctam, & muro, vel ori alicujus statux liquido bitumine, quod petroleum vocant, & sulphure illito, admotam statim accendi: sed hic materia adest impensè inflammabilis, & ignis jam lucens.

VIII.  
Qua in  
hac opini-  
one diffici-  
lia nobis  
videantur.

Hinc sulphur ipsum, oleum, adeps in catino, aut sartagine liquantur quidem, sed inflammari non solent, nisi ignem aut flammam ad-moveris, ex quâ sui motus capiant velut rudimenta.

Id quoque reprehensione non caret, quod globuli ætherei adeo sint igni insensî, ut eum penitus, si possint irrepere, extinguant: cum iidem tamen à sole vel leviter impulsî, ignem procreant. Quid enim sunt radii solares, præter illud secundum elementum, primi agitatione in rectas lineas undequaque impulsus? Quis credat radios vi suæ agitationis ignem in corporibus excitare? Quàm probabilius est, hos radios nihil esse quàm ignem purissimum, qui alium sibi congenerem in subiecto idoneo procreat. Refert Magnanus se Roma vidisse cineres frigidos è scobe buxæ post oleum pridie extractum superstit-tes, quos in ipsâ hieme solares radii per fenestræ vitra subeuntes in-cenderunt: adeo ut subiecta charta cum asserc populeo exureretur. Non vehemens utique radiorum motus, sed ignis ipse, quem secum veh-bant, sulphur in cineribus non accensum (nam manibus tractati ci-neres nullum calorem prætulere) sed jam velut ad exaltationis apicem evectum, & inflammationi proximum incendit. Nullus igitur est ignis lucens expers caloris: quod si non urat, id evenit, quod nini-um spargatur, neque idoneum subiectum offendat, in quod vires su-as explicet. Sic radii solares aut vitro convexo, aut concavo specu-lo collecti sulphurea urunt corpora: dispersi calorem dumtaxat indu-cunt. Vix tamen corpora quantumvis sulphurea radiis solaribus exu-sta, flammam concipiunt, quod radii cum sint tenuissimi, non satis habeant virium, ut adigant aëra in corporum meatus: quod si vel levi flatu aër ignem jam procreatum ventilet, statim flammam dabit.

Quod vero Cartesius terrestres particulas à corpore subtilissimo rotari arbitrat, id sanè, ut puto, de oleosis particulis, quas ramo-fas existere non inficior, est intelligendum: non enim rigidæ sunt, sed omnino flexiles. Terrestria vero corpuscula magnâ ex parte abe-unt in fumum: igneos quidem spiritus secum vehunt, qui crassio-ribus involucris tecti, non lucent.

Hinc candela, quæ longius trahit allychnium, fumat: crassio-res enim partes junctæ cum sulphureis intactæ repunt, & integræ avolant. Cum verò candela emungitur, terrestris fumus diu in flam-mâ agitatus: ab eâ tandem in minutissimas, ac prorsus insensibiles resolvitur partes: unde frequens earum partium humidiorum crepi-tatio. Quod si allychnium xylinum, inquit Camparius, in aceto albo dimidiâ nitri puri parte imprægnato per 24. horas reliqueris, idque exsicandum soli exposueris, nullum id fumum emittet: quod nitri,

& aceti

IX.  
Quædam  
flamme  
Phanom.

1.

2.

& aceti partes salinæ, & volatiles omnem humorem ita minutim concidant, & agitent, ut nihil humoris vim flammæ eludat. Quò autem purior est flamma, & minus fumi egreditur, hoc diutius fax accensa perseverat. Unam è multis quas affert Caneparius formulam dabo. Nucleos olivarum in cineres redigit, salem extrahit, eum ceræ immiscet, quò & diu, & splendide fax ardeat.

Ex his liquet, cur lamella extremitati flammæ imposita, parùm aut nihil fuliginis contrahat: partes quippè illæ terrestres adeò sunt à flammâ comminutæ, ut egressæ non amplius appareant, neque ulli adhæreant corpori. Cum verò lamella flammæ immergitur, tum atrâ fuliginis tincta retrahitur, quòd crassiores illæ particule nondum à flammâ subactæ ipsi lamellæ adhærescant. Ergò fuliginem efficiunt partes pabuli minùs puræ, quæ cum igneis atomis sursum effertur: sed longiùs protractæ, & ignis motu minùs agitata gloinerantur, & si quam habent pinguedinem, inflammantur. Tales esse sub sole maculas, & in ipso sole faculas, aut remotos cometas suspicatur Stephanus Natalis.

Sed cur sursum versùs, atque in longum, non in orbem flamma porrigitur? An quòd subtilissima materia huc tendat: nam recedere à centro quàm maximè nititur. An potiùs ob levitatem attenuati pabuli supera petit flamma, & sursum continenter fluit? Jam in ardente face media flamma vehementiùs agitur, exteriora quæ sunt, minùs commoventur: sive id propter ambientem aëræ, & undique obsidentes globulos æthereos contingat, ut convenienter Cartesianis principiis dici potest; sive potiùs, quòd totus sursum nitatur impetus, quâ parte ignis fluit: hinc spiritus ignei ex lateribus se se faciliùs expediunt, quàm ex medio axe. Et rursus hinc sequitur accensam flammam esse acuminatam, nempè ex infimâ parte latiore, quâ igneæ atomi nondum erupère: sed cum sensim ex lateribus se subducant, atque in medio velut axe non ita facile se se possint evolvere, quò altiùs flamma ascendit, hoc acutior est: nam in mediis duntaxat partibus se tuetur. Fors item est ut flamma sursum petat, & in mucronem abeat, quòd ab aère crassiore comprimatur. Un le si ferri laminam faci accensæ incumbentem paulatim attollas, longè altiùs flamma conscendet.

Cur autem flamma non continuo, & æquabili motu, sed quasi subsultans sæpè moveatur, ratio est in promptu, quòd variè sit ab aere agitata, vel quòd pabulum non æqualiter flammæ nutriendæ suggeratur.

Extingui verò solet ignis, cum illius partes distrahantur; ut cōtione

3.  
Lib. de  
astron.

4.

5.

6.

7.

8.

tione partium accenditur : nam vel aeris flatus vehementior , vel aquæ affusio ignitas particulas divellit : cumque negatur exitus vaporis , is in se se reflexus partes ignis dividit. Quo sanè modo fieri potest , ut in cellâ vinariâ è recenti multo magna halituum copia erumpens , accensam extinguat facem.

X.  
De calce  
igne, qui  
in calce &  
aliis melli  
corporibus

Redeo ad cæcum ignem , lucis expertem , quem potentialem vocant. Is quidem est in fœno , aut lino malè exsiccatis , aut fumo manifestus : non quòd subtile corpus per graminis poros commeari solitum , sibi occludi itineris sui vias moleitè ferat : id enim fortè est augurari : neque in iis plantis , quæ sulphuris perparum habent , sed in calidioribus & oleosis , ut in lino & oleosis se prodit , quòd ut suprà attigimus , pinguis humor aquâ intrinsecus diluatur , & quodam modo resolvatur. Non enim aqua potuit sensim exhalari , cum ventilatio desset : unde sulphureæ partes , ut verbo à Chymicis usurpato utar , exaltantur , & eruptionem parant. Quòd si aqua sit uberior , hæc unâ cum sulphureis atomis in se se mutuò reflexis , & incitatis specie fumi egreditur. At si pars aquæ maxima jam sensim dissoluta est , ignea corpuscula faciliùs se se expediunt , nec densis stipata vaporibus occultantur , sed extenuata ingenitam promunt lucem , atque incendium minantur.

De calce jam aliàs diximus : hanc igne reverberii è faxis aut lapidibus effici ignorat nemo : ignea fortè corpuscula cum salinis particulis velut implicata , & captiva remanent , postquam humor aqueus inter coquendum in vapores evanuit. Hinc nexu soluto lapis faciliè comminuitur , & abit in pulverem. Eadem ignis corpuscula , quæ terrenis particulis antè divisa , & variis inclusa poris , aut salinis atomis conferta quiescebant , affusione aquæ tumultuantur. Soluta quippe ingenitis cientur motibus , calorem excitant , & magnâ ex parte vaporibus involuta profugiunt : pars tamen uberior aquâ detinetur , neque his atomis ignitis avolare concessum est. Quare nisi calx recens aquâ extinguatur , cœmentationi sit inutilis , quòd aer humidior paulatim se se in meatus ignis vi apertos insinuans solvat ignea corpuscula , quæ sensim , & sine tumultu in auras abeunt ; hisque calx destituta brevi fatiscit in pulverem. Idem quoque usû venit , cum aer magno tonitruî fragore quatitur : hic enim calcem recentem subit , ignis empyreumata commovet , & secum evehit. Quod autem vivæ calcis , dum aquâ extinguatur fervor , non ab ingenito lapidi calcario sulphure , sed ab igne ascititio proficiscitur , ex ipsius calcis analysi probat vir in medicinâ , & philosophiâ clarissimus Thomas Willis. Calcis sesquilibrium cucurbitæ amplæ , seu vasi vitreo impositam , & aquâ

Lib. de  
ferment.  
c. 10.

& aquâ perfusâ, statim aptato alembico cum vase recipiente capacissimo distillavit: aquæ uncias sex minimè acris, sed subdulcis, & astringentis excepit: reliquum pulverem aquæ communi infusum igne decoquendum curavit: pellicula alba, & crustacea subinde extabat, quâ sublata nova itidem emergebat, subdulcis quoque saporis; adeò ut toto humore exhalato, nihil falsi, nihil acris in fundo remaneret. Ex quo quidem colligit fervorem illum, qui affusione aquæ in calce conspicitur, nullo modo à salinis, & sulphureis calcarii lapidis particulis vehementius agitatibus proficisci, cum sal eliciatur subdulcis, expers omnis acrimoniæ: nec sulphur dominetur in eo lapide, qui ignis vi non destruitur, & mole perparum minuitur. Itaque ignis empyreumata in corporibus calcinatis hærent, ut in salibus fixis, qui igne fiunt acriores, & aquis stygiis impensè calidis videre est. Hæc nisi moveantur, nullo se produnt calore: nam interjectu terræ secreta manent: & tanquam somno oppressa: sed ubi accessu aquæ turbantur, & suis velut hospitibus depelluntur, tum eadem confertim erumpunt, & magnum excitant calorem. Quæ corpora activis principiis, sale, sulphure, & spiritu abundant, & laxiora sunt, aut minùs firma, eadem ignis aculei citò penetrant, & destruunt: non enim ibi diu hærent: sed unà cum prædâ citò discedunt. Quæ verò corpora ita sunt densa, & compacta, ut coctione magis indurentur, ac partes habent, quæ à se mutuo disjungi non possunt, ut lateres, metalla, lapides arenacei, hæc ignis corpuscula non diu retinent. Sed quæ dura quidem sunt, igne tamen calcinata quedammodò fatiscunt, & laxantur; quæque humidioribus exhalatis partibus lapideam, & duram non amittunt formam, ut magna lapidum pars, hæc, inquam, intra poros volatilium elementorum fugâ excavatos ignis spicula, seu empyreumata libenter admittunt, quæ cum salis atomis faciliè cohærent. Cumque salis & ignis corpuscula diutiùs mixta laxantur, & volatilia fiunt, pars in fumum abit, pars altera aquæ affusione retrahitur à fugâ: sal verò ab aliis elementis penè divisus, & quasi solitarius existit: hinc conjugium appetit, astringens, & subdulcis evadit, estque rei cœmentariæ perutilis.

Ita ferè vir eximius de calcis effervescentiâ philosophatur. Ego tamen crediderim, non externum modò, & adventitium ignem, sed insitum quoque in calce, ut in aquis stygiis, & salibus fixis dominari. Sulphureos etiam, & salis seraces existere calcarios lapides hinc conjicio, quòd cum in furno calcinantur, fumum omninò sulphureum, & fœtidum exhalent: neque id genus sulphuris in calcinatione gypsi simililiter se prodit: neque hoc aquâ perfusum adeò incalescit:

Yyy

tam-

tamenti aqua dum laxatos subit meatus, quodammodo fervere videatur.

Ex utroque lapide nitrum, vel temporis decursu, ut in rudibus, & cellis efflorescit; vel etiam arte, ut nonnullis placet, extrahi potest: quod argumento est sulphure, & sale utrumque lapidis genus abundare: quanquam tordè major est in gypso salis copia, ut in calcario lapide sulphur fixum est uberius. Hinc calx, quæ viscosa est, & pinguis, cum arenæ vitreis & angulosis corpusculis optimè cohæret. Atque ut mihi videtur, non ea modò, quæ ad naturam, generis, & varias ignis differentias pertinent, fusè, & diligenter exposuimus, sed etiam ignis phænomena, ac varios illius effectus magnâ ex parte sumus exsecuti. Reliqua enim, quæ desiderari possent de usu ignis, tum in rebus calcinandis, fundendis, & comburendis, tum in digestionibus, elixatione, tostione, & distillatione corporum, partim in libro de fossilibus tractata sunt, partim in hujus operis contextu, quando res exiget, tradentur à nobis. Omnes ferè Chymicorum labores in ignis regimine versari fugit neminem: hinc ars eorum pyrotechnica nominatur. Modò igne aperto utuntur, quò res comburant, atque in cineres aut calces redigant; vel ut fundant metallum. Veldenique ut quæ fixiora sunt, resolvantur. Sic carbo accensus, & vase conclusus dissolvi non potest, donec subeunti aëri locus pateat. Sulphur sublimatur in flores, quamdiu in vase ocluditur; sub campana accensum, acidum spiritum præbet. A bituminosâ pinguedine lignum solutum, in retortâ conclusum nullam dabit fuliginem. Sed quod magis mirere, dum ignis partes mixti mobiliores protrudit, simul fixiores arctiori nexu copulat, ut in vitri confectioe cernere est: nam arena cum sale Alkali tam arctè connectitur, ut ignis vi divelli non possint. Multa olim in hanc sententiam afferebat in Academiâ Regiâ vir Clariss. D. du Clos. Addebat id quoque, non unius rarefactionis, sed multò magis impulsiois vi, partes corporis mobiliores, præ calore sursum efferri; nam fumus per tubum camini celerius fertur, quàm in aperto aëre, ubi majorem nactus est raritatem. Ac plerumque ejusmodi operationes in furnis instar fornicum arcuatius perficiunt, quò flamma in seipsam reflexa sit acrior: ignemque illum reverberii vocant, qualem in coctione panis adhibemus. Sæpè ignem rebus aut distillandis, aut digerendis non proximum admovent, sed illis duntaxat calore moderato, & alterius corporis interjectu depresso utuntur: ac sæpiùs carbonem adhibent, quàm ligna, quò illorum calor sit magis æquabilis, & sui ubique similis.

Cap. 2. &  
ultime.



Taceo id quidem res distillandas non igni vehementiori statim committi, sed initio leniorem, tum acriorem, quasi per gradus admodum, ne omnia simul elementa prorumpant, & vasa periclitentur. Nec statim vasa ab igne removeri debent, & frigido reponi loco, tum enim ea frangi necesse est: sive subtilis corporis majusculæ partes, quæ per vitrei, aut fictilis vasis apertos meatus ire, & redire solitæ erant, cum eisdem offendunt poros subito frigore obstruâtos, in partes solidas impingant, & velut effractis claustris cum impetu profliliant; sive id totum igneis, & sulphureis corpusculis, quæ intra vitri meatus agitantur referamus acceptum. Cum enim commoda hospitalia ut in calce, sic in vitro, aut terra fictili non reperiant, neque cum salinis partibus vitri implicari possint, fugam moliantur: cumque oclusos repentino frigore meatus offendant, malè cohærentes atomos dissociant, & ruptis obicibus avolant. Hinc vitrarii formata vitra è fornace educta alteri furno tepidiori committunt, ut sensim con-  
crescant.

## CAPUT TERTIUM.

## De Aëre.



Utm aër sub oculos non cadat, neque ut cætera ele- I.  
menta, seorsum possit separari, aut vasis distillatoriis *Quis sit*  
coërceri, illius natura, & vires nos maximâ ex par- *aëris usum,*  
te fugiunt. Fluidum esse, & spirabilem, ac velut na- *que for-*  
turæ cribrum, quo cœlestes influxus ad terram us- *ma.*  
que demittuntur; illiusque interjectu terram cum

cælo velut nundinationes suas, & commercium exercere; animalium denique vitæ inservire, luminis esse vehiculum, & corporum meatus subire, omnibus in confesso est. Sed quæ sit aëris natura, quæ figura atomorum, ex quibus contextitur: calidus sit, an frigidus: poros habeat penitus inanes, an plenos subtiliore corpore; levis sit, an gravis; quibus motibus agitetur; & alia benè multa in contrariam veniunt. Quod sibi libitum est unusquisque fingit, & principiis jam præsumptis accommodat. Cartesius minutas aëris particulas statuit, ex tertio quidem elemento compactas, sed aquæ corpusculis tenuiores, primi & secundi elementi continuo motu extensas, & volitantes: hinc corporibus non uti aquæ corpuscula, adhærescunt, facillè comprimuntur: adeo ut aër intra tubum ferreum instrumentis

mechanicis vel quindecuplus adigi possit; ut in sclopeto pneumatico cernere est. Sed multo maiorem fieri aëris compressionem, cum ex aliis experimentis, tum ex aquæ in tubo vitreo artificiali congelatione constat. Nam aqua tubo, aut ovo vitreo conclusa, sensim attrahitur, ut in glaciem conerescit, & ærem, qui summam tubi oclusi partem obtinet, in summas quandoque angustias redigit, uti alio loco fusè diximus: disjunctæ enim, & tenues tertii elementi particulae globulorum cælestium motibus obsequuntur; atque iisdem globulis vi quâdam expulsi densantur. Sed tamen illa æris velut capillamenta se se mutuo impediunt, & expellunt, atque à subtili corpore la-cessita intestinis cientur motibus: hinc adeo vires suas intendunt, quò majus occupent spatium: sic ær pressus aquas sursum jaculatur, & globus in tormentis pneumaticis magnâ vi emittit.

## II.

De natu-  
rà aëris.

Crassus ille, & caliginosus ær circa terram fusus, quasi quidam vapor aquæ multâ exhalatione permixtus, habendus est; magnâ enim ex parte oritur ex respiratione aquarum. Nec terræ modò, aut aquæ, sed omnium ferè corporum exhalationes, aut spiritus excipit. Hinc non ubique sui similis: sed alibi purus est, alibi crassus, & viscosus, qui motum gravium, aut projectorum nonnihil infringit; interdum est gravior, aut levior; aliquando salubris existit, interim pestilentior. Existimat etiam Magnanus in hoc aëre quorundam mineralium, & plantarum, vel spiritus vel semina halituum specie inclusa delitescere, quòd terra è profundiore specu eruta, & soli exposita qualdam herbas suâ sponte effundat, easque imprimis, quæ in his locis magis fruticantur. Jam aliàs diximus nitrum, & mineralia pleraque ex cumulis ferè exhaustis, tractu temporis reparari. Sic putat vitriolum, seu colcotar, ex quo jam spiritus unâ cum phlegmate & oleo educus est, sub dio expositum, novum spiritus & olei proventum interjecto tempore ex aëre circumfuso trahere; ac nitrum eodem modo in ruderibus, aut maceris succrescere. Refert N. Faber se aliquando salem, & alia elementa extraxisse è sceniculo, & terram è cineribus superstitem projecisse, ut inutilem: ex quâ tamen anno sequenti magna sceniculi copia exorta est.

Illud tamen multis incredibile videtur, ubique in aëre & vitrioli, & nitri, & aluminis, aut aliorum fossilium spiritus occurrere, qui in matrice commodâ excepti, tanquam in opportuno diversorio hospitentur. Quòd si in locis arenosis, aut vitrioli calx, aut nitrosæ feces reponantur, & novum spiritum, & salem nitrosum extrahes, qui non ex fodinis, quæ nullæ sunt in iis locis, sed ex magnâ salium volatilium copiâ forsitan prodeunt, qui ab aëre ut à menstruo quodam uni-

universali exsoluti, cujusque mixti naturam induunt, ut infra dicturi sumus; nitrum verò non ex seminis per aërem sparſis, sed ex ipſorum fortè lapidum ſale effloreſcit. Nam ubique terrarum nonnulli lapides copioſum nitrum fundunt.

Hunc verò caliginosum aëra eſſe velut terræ, & aquæ lanuginem, & omnis generis effluvia excipere non inficior. Sed cum ſolum in mixtis corporibus, atque in hac inferiori plagâ dominari non ſit mihi veriſimile. Nam puriorem æthera, quem ſubtile corpus, aut ſpiritum univerſi, aut alio quovis nomine per me licet appellare, craſſi hujus aëris inania ſpatiola, & aliorum corporum meatus ſubire, atque illud immane ſpatium, quod cælum dicimus, complere, ac deinùm motus ferè omnes in fluidis corporibus efficere, rationi maxime contentaneum puto. Quis enim credat totum illud, in quo ſidera moventur expaſum omni vacare corpore? An nullum aliud cælum præter craſſum illum, quem ſpiramus aëra, vel atmophæram, ubi nubes, & pluvie coguntur? Ut planetæ ſinguli circum ſe fuſum aërem habeant, qui ad aliquot milliaria pateat; quantulum id eſt, ſi cum reliquo cœli complexu comparetur? Quis ferat ſolem, & ſtellas in vacuo penſiles; atque id quod cælum dicimus, nihil eſſe præter ſpatium omni corpore deſtitutum? Quin etiam hujus, quem ſpiramus, aëris naturam, longè diverſam eſſe à fumis, & vaporibus ex vi elastiçâ, quæ in aëre plurima eſt, quæque in terræ, & aquæ haſitibus ferè nulla eſt, facile colligitur. Neceſſe enim videtur, ut aëris partes ſint velut ſpiræ convolutæ, quæ ab incumbenti aëris mole comprimuntur: ſed ubi gravi hoc pondere, aut aliâ preſſione ſolutæ ſunt, tum ſe ſe in majus ſpatium dilatant. Elaterium vocamus id, quod vehementius compreſſum ſe ſe explicare, & evolvere nititur; hæc viſ in arcu intentio; in tormentorum rotis; in ſpiris chalybis, quæ intra horologii portatilis tympanum convolutæ omnes rotas agitant, atque in aliis propè infinitis conſpicua eſt.

Hinc multa explicari poſſunt phænomena, quæ ex illâ aëris vi elastiçâ ducuntur. 1. Liquet, cur in vulgari, & jam omnibus notifiſimo circa inane experimento, hydrargyrus tubo conſuſus, ad altitudinem 28. pedum, aut circiter ſuſpenſus maneat: aqua verò ad 32. ferè pedes attollatur. Tubus enim alterâ parte occluſus, & 3. circiter pedes longus, impletur hydrargyro, tum in vas ſubjectum mercurio itidem plenum invertitur. Manet in tubo erecto mercurius penſilis ferè ad 28. digitorum altitudinem: pars ſuprema tubi eſt ſaltem aëre deſtituta; ſed utrum illa ſit omni omnino corpore vacua, ſuo loco expendimus. Hic quærimus, quid hydrargyrum ſuſpendat. An non ex

III:  
De natu-  
rà ætheris

IV.  
De vi elastiçâ aëris,  
ubi varia  
experimenta  
proponuntur.

eo quod descendere non possit, quin circumfusum aëra premat. Hic verò ab incumbente aëre densatus vix cedit: partes enim aëris complicatæ faciliè evolvuntur, non eâdem facilitate comprimuntur. Quò igitur aër est crassior, hoc magis resistit. Sive id ponderi aëris incumbentis, sive elasticæ illius vi referatur acceptum. Id sanè liquet eò usque attolli in tubo hydrargyrum, quousque sit velut in æquilibrio cum vicino, & circumfuso aëre: neque enim potest descendere, quin hydrargyrus in subiecto vase restagnans attollatur: id fieri non potest, quin aër vasi insitens prematur. Atque huic pressioni magis resistit, quo magis ab incumbente aëre comprimitur. Non enim aër per tubi vitrei meatus, aut ipsum hydrargyrum subire potest. Cum autem aër variis mutationibus sit obnoxius; interim majori exhalationum copiâ densetur, interim sit rarior: non mirum est, si altitudo hydrargyri adeò varietur citra manifestam causam; & unò sæpè, eodemque die, modo sit altior, modò depressior. Unde hoc experimentum jam ad varios usus adhibuere: jamque ex ascensu & descensu hydrargyri, quæ sit aëris gravitas, aut levitas, dignoscimus. Unde & barometri nomen accepit. Hinc serenam aut nimbosam aëris temperiem prægimus. Nam flante borea, aër gravior est, pluvio cœlo vel Austro flante multò est levior, & hydrargyrus depressior.

2. Hinc patet, cur digitus tubi ostium claudens incumbentis hydrargyri pondus non sentiat. Quia non magis ab hydrargyro, quam ab aëre circumfuso premitur. At si aëri per summam tubi partem pateat aditus, tum digitus mercurii pondus vix sustinebit: is enim ab incumbente aëre premetur.

3. Sæpè accidit ut eùm tubus impletur hydrargyro, partes quædam aëris inter vitri latera, & mercurium subeant, & tanquam aquæ bullæ in summam tubi partem efferantur; tumque inclinato tubo hydrargyrus molliter, & sine strepitu supremam tubi partem ferit. Nam in mollem aëris substantiam impingit. Secus evenit, cum omnis aër abest: siquidem hydrargyrus inclinati tubi partem hermeticè sigillatam præcipiti motu, & cum strepitu ferit. Id magis ad rem nostram pertinet, quòd tantillùm aëris multùm hydrargyrum deprimat, atque eò magis, quòd tubus minùs habet altitudinis. Nam aër, qui in ea tubi parte ferè vacuâ liber & minime arctatus est, se se evolvit, & vi suâ elasticâ subiectum premit hydrargyrum, hoc magis, quòd tubus est angustior: siquidem ubi tubus major existit, explicata aëris particula non satis valida est, quæ hydrargyrum deorsum pellat.

Hæc atque alia penè infinita sunt illustriora ex nuperis experimentis, quæ in machinâ pneumaticâ vir nobilissimus facta à se commemorat. Neque necesse est hîc machinam fusiùs describere, aut omnia referre experimenta, quæ integrum volumen exigent: per pauca duntaxat, quæque ad notitiam aëris magis sunt necessaria, breviter attingam. Machina illa pneumatica vas est vitreum, quod majus, hoc melius. Parte sui summâ foramen habet amplum, per quod ea, quæ libuerit, immittentur. Idque cum opus erit, suo operculo claudemus: parte itidem infimâ pertusum est & foramini aptatur clavicula ænea, qualem doliis extrahendo vino solent adhibere. Ea verò clavicula cum æneo quodam cylindro sic ferruminatur, ut verticilli ope aër è globo, aut vase vitreo in cylindrum æneum, qui cavus est, liberè commeat. Hic porro cylinder est syringi vel syphoni injectorio persimilis. Itaque obstructo superiori globi aut vasis foramine, & inferiori verticillo aperto, evacuatur aër globo conclusus per cylindrum æneum, attollendo & deprimendo embolum, seu rotundum & solidum baculum, ut sit in syringe. Jam ubi embolus sursum impellitur, aër claviculâ clauditur, ne aër è cylindro in vas vitreum irruat, hæc aperitur, ubi iterato labore embolus exsugendo aëri deprimitur. Nunc præcipua experimenta, quæ vim aëris elasticam persuadent, cursim perstringamus.

Cum aër magnâ ex parte exhaustus est, tum embolus non vi, sed suâ sponte sursum impellitur: imò evacuato penè aëre, qui machinâ vitreâ includebatur, cylindri embolus cum appenso pondere 100. librarum sursum propellitur, non metu vacui: sed circumfusi aëris pondere, qui enim intus est, cum sit maximè debilitatus, externi aëris impetui non resistit. Quare si operculum, quo foramen superius occlusum est, amoliri tentaveris, ingentis velut ponderis vim senties: qui enim incumbit aër deorsum id pellit: nec satis vehemens est ejus, qui intus est aëris elater, ut repellat. Ubi ærem per claviculam admiseris, tum faciliè operculum attolles: jam enim æquabiliter utrimque premitur. Sed quid causæ est, cur globus non frangatur, ubi adeò validè ab externo aëre comprimitur, & is quem continet summâ rarefactione vim elasticam penè amisit? An fortè arcuata & instar forniciis concamerata globi figura: cum ab interitu vindicat. Nam ab aëre ambiente æquabiliter premitur. Quod si vitrum aliâ figurâ instructum, & planius cum syringe aptaveris, & ærem evacues, vitrum brevi confringetur: tametsi id valdè compactum sit: sola igitur figura globum aut vas vitreum tuetur. Cur verò aër externus per fissuram, si quæ sit in globo, non faciliè subeat? An quod incumbens undique

disque aer suo impetu labra fissuræ non diducit, sed magis adducit. Nam partes vitri intus pellit, & ita sibi ipsi aditum intercludit. Jam unde tanta vis aëri intus concluso, ut non minor sit, quam externi aeris impetus: & tamen cum externo is non communicat, nec illius pondere juvatur? An fortè aeris partes plicatiles vim elasticam non amittunt, quamdiu vase aliquo undique premuntur: neque enim se se possunt evolvere. Sed ubi pars magna illius aeris est exhausta, quod reliquum est, magis se se explicat & dilatat.


2. Hinc vesicæ collum si ligaveris, & penè aëre destitutam intra globum vitreum immiseris, exhausto aëre, qui in globo fuit, vesicæ intumescet, & sæpè magno cum fragore disrumpetur. Idem sæpè vidimus in vulgari Torricelli experimento: nam immissa in tubum cyprini vesica penè aeris vacua statim inflatur, quòd partes aeris residuæ, à vicino aëre solutæ se se evolvant. Undè admissio aëre vel in globum, vel in tubum, statim vesica detumescit. Idem quoque accidit, cum partes aeris calore agitantur: videmus enim vesicam semiplenam ignis calori admotam vehementer inflari, & indurescere.

3. Facile potest oblongus tubus argento vivo plenus cum alio vase subjecto, in quo restagnet hydrargyrus in globum, vel machinam immitti: nam licet tubus sit altior, eminere potest extra globum, & sic cum pertuso operculo camentari, ut aëri externo non pateat aditus. Quid verò tum fiet? Hydrargyrus ad consuetam altitudinem 28. digitorum aut circiter suspensus manebit. Sed exhausto aëre sensim subsidet: adeò ut tandem in vas subjectum dilabatur. Admissio rursus per claviculam intra globum aëre, hydrargyrus attolletur: ita ut palam sit non aliud hydrargyrum in tubo suspensum tenere, quàm ambientis aeris pondus, aut vim elasticam, quæ pressioni resistit. Nam qui globo includitur, hoc debilior est, quò crebra exsuctione fuit magis dilatatus: is adeò ponderi hydrargyri non resistit: sed ubi aer externus intrò subit, tum hydrargyrum sursum repellit, donec æquatæ vires velut in æquilibrio sint constitutæ: nec pondus hydrargyri vincat aeris resistentiam, nec vicissim.

Jam ut ad globum, vel machinam nostram redeamus. Si loco hydrargyri, aqua tubo 4. saltem pedes longo infundatur; hæc sanè tota manebit suspensa. Sed educto aëre per antliam, vel syringem, paulatim descendet. Tubus aquâ plenus, vel hydrargyro, & machinæ, ut dictum est, aptatus indicat, quantum aeris è machinâ sit exhaustum. Nam si aqua tubo conclusa in vas subjectum omninò descenderit,



derit, indicio erit omnem penè aërem eductum fuisse. Quanquam id fallit aliquando: nam quæ ex aquâ erumpunt æreæ bullæ, hanc etiam deprimunt. Quare huic incommodo occurrit D. Hugen, dum aquam per 10. & amplius horas in machina reliquit, quò omni ære expurgaretur. Aqua ab interno ære sic expurgata jam indicio esse potest, quantum è machinâ æris eductum fuerit,



Nam inter exhauriendum aëra plures ascendunt ex aquâ bullæ; tenaciores & diu permanentes è spiritu vini; cæque crescunt hoc magis, quò plus aëris per syphonem, vel syringem exfugitur: adeò ut hunc aërem in omni liquore inspersum esse optimè concludatur. Hic ab ambientis pressione liber se se evolvit, liquorem attollit. Quantum verò se se dilatare possit, ex magnitudine bullarum, quæ ex minimis fiunt maximæ, colligi potest, & fortè in centuplum & ampliùs spatium explicari potest. Admisso per claviculam aëre bullæ contrahuntur. Nec tamen hydrargyrus vel aqua eam repetit altitudinem, quam priùs in tubo obtinebat: nam qui sursum specie bullarum ascendit aër, & vi elasticâ se se evolvit, liquorem premit, & deorsum aliquantum propellit: ita ut in vulgari circa inane experimento hydrargyrus, qui ante 28. digitorum altitudine suspensus erat, &

Z z z z

cx-

exhausto aëre subsidit, cum externi aeris ingressu sursum repellitur, non tam quam antè obtineat altitudinem. Mitto etiam aquam, quæ priùs ignis ardore ebullit, & nondum penitus refrigerata machinæ imponitur, mirum in modum intumescere, adeo ut iterum effervere videatur. Idem in aquis stygiis vel aceto contingit, ubi metallorum vel corallii ramenuis imprægnantur. Cum enim aer ex fugitur, tum quasi ebullient, intumescunt, quòd aeris vel spirituum inclusa particula, ab ambientis aeris pressione soluta, in amplius spatium se se explicent. Mitto denique omnia, quæ ad Raticam, hydraulica, pondus aeris, atmosphæræ altitudinem pertinent: sunt enim alterius loci, atque in eo opere, quod motus, & qualitatum explicationi destinamus, commodius excutientur. Hæc atque ex figurâ pag. præcedenti appositâ fiunt clariora. Tubus C. C. intra recipiens B. aquâ, vel hydrargyro plenus in vas subiectum D. immergitur.

VI.

Ex quo primùm ista in lucem edidimus, innunera penè facta sunt experimenta cum in Galliâ, tum in Angliâ, quæ magnam rebus Physicis lucem asferre possunt. Multa ex his in libris de corporum affectionibus protulimus: pleraque à Clariss. Hugenio facta nuper edita sunt, quæ ad aeris vel ætheris cognitionem maximè videntur pertinere, quæque hoc loco omninò reticere non possum: nam Physicam experimentalem non mediocriter illustrant. Ac primùm machinam à D. Boyle excogitatam, is invertit quodammodo, quòd facilius ær exhauriatur. Jamque & ad usum paratior, & experimentis faciendis est aptior. Novam non ita pridem vir eruditus & industrius Papinus, pneumaticæ hujus machinæ faciendæ rationem invenit. Hæc Boylianæ, quam descripsimus, similior videtur, eaque paratu est facili, & ad usum satis expedita. Illius ad figuram simul & nova experimenta non injucunda edidit, quæ in pauca conferam, quòd plerumque ex his in Academiâ Regiâ D. Hugens fecerit; quo major iis fides erit adhibenda.

1. Corpora penè omnia etiam putredini magis exposita, ut fructus, flores, panis in vacuo, (sic enim jam libet loqui,) diu conservantur: nec dubito quin longè diutius permanerent integri, si ær exterior non subiret, aut, quod sæpius accidit, ex ipsis corporibus non erumperet. Nam quædam ex iis, ut cerasa, mala persica, caro cruda multum aeris statim emittunt ex se se, uti ex aquâ tubo conclusâ, quæ probationis, aut signi loco est, facillè colligitur. Sic pomum acu pertusum in vacuo positum, spumam emittit, quasi igni ad-moveretur. Rursus post 15 dies educta, nec odorem, nec vividum colorem penitus amisit: sed pressu aeris brevi emaruit: quod ali-

flori-

floribus, imo & tenerioribus foliis accidit. Non eorum pori in vacuo dilatantur, ex quibus humor præ æris pondere statim exprimitur. Nec dubium est, quin ær ut dissolvens, aut menstruum quoddam universale, corporum corruptionem non mediocriter promoveat. Unde pomum jam putredine affectum diu in vacuo servatum est, citra ullam immutationem. Quæque in recipiente, seu vase vitreo apponuntur, dummodo subeunti æri non pateat locus, aut ipsa corpora ex se ærem non emittant, ab omni putredine vindicantur.

2. Ut corruptionem, sic vegetationem rerum ær promovet. Nam plantæ inter phialam aquæ plenam in vacuo collocatæ non vegetantur. Imò cum immerguntur aquæ expurgatæ, (quæ scilicet diu in vacuo relicta est, dum ær omnis speciei bullarum eruperit,) tardissime vegetantur: etiam si aperto æri postea exponantur. Radices plantarum extra vas, seu recipiens positæ sunt, & intra aquam immersæ, tum aquæ guttulæ per fibras plantæ subeuntes in folia intus conclusa delabi visæ sunt. Citra vegetationem folia & viridantia & integra permanserunt, donec æri exposita, brevi, ut diximus, emarcuerunt. Sic aqua per ramum salicis partim in vacuo, partim in ære constitutum subire visa, & multas subinde bullulas æris intra vas efformare. Idem evenit in ulmi ramusculo; sed cum is esset durior, tardius aquæ guttulæ apparuerunt. Utrum aqua per fibras ligni percolata in ærem transmutetur; an potius ærem in se contineat, non ausim discernere.

3. Ac videtur quidem ær ex liquoribus in vacuo collocatis, aut sæpè erumpere, aut generari. Cum D. Hugenius vas terra plenum, cui herbas, flores, & grana mandaverat, in machinâ aptasset, & exhausto aëre ibi reliquisset, post 24. horas plantæ illæ quidem, sed non autæ permanserunt: sed ubi radiis solaribus sunt expositæ, quædam ex iis emarcuerunt, quas scilicet radii solares adusserant. Interim de terrâ subjectâ vapores continenter eruperunt, idque per 8. dies: adeo ut aquæ guttulæ recipientis parietibus adhærescerent, & plus aquæ, quam videretur, in terrâ delituisse, continenter dilaberetur. Mirum sanè, quod in vacuo vapores sint sublati; cum levissima quæque corpora tam præcipiti motu decidunt. At non dubium est, quin vapores non ex levitate tantum ingenitæ, sed multò maxime ex vi aliquâ impellente, quæcunque ea sit, aut calor, aut vis æris elastica, ascenderint. Unde & multum aëris tum generatum, fuisse in machinâ, ex aquâ, quæ in tubum probationis loco aptatum ad 2. digitorum altitudinem conscendit, licet colligere.

Nec videtur aer extrinsecus irrupisse : cum nullæ bullulæ in aquâ, quæ in fundum recipientis satis copiosa defluerat, apparuerint.

4. Idem planè ex fermentationibus liquorum, quæ in vacuo sunt, colligitur. Cum enim aut spiritus vini solus, aut idem cum aquâ forti admixtus adhibetur, tum magna fit ebullitio : simul & aqua per tubum probationis loco aptatum conscendit : quo exhausto aëre, aqua paulatim decedit. Cum oleum tartari unâ cum oleo vitrioli confunditur, tum ebullitione factâ aer educitur, qui aquam è subiecto vase in tubum attollit. Sed quod mihi videtur mirabile, hic aer suâ sponte destruitur intra 24. horarum spatium, & aqua in tubum sublata ultrò in vas subiectum delabitur. Non idem accidit, cum eum in aquâ forti exsolvitur : nam qui in ebullitione efformatur aer, vim suam elasticam non exuit, & aqua in tubo semper suspensa manet, nisi aer ille exhauriatur. Cum industrius D. Papinus 18. grana nitri, seu salispetræ radiis solaribus per speculum ustorium collectis, intra machinam, seu recipiens amplum accendisset, tum hydrargyrus è tubo in vas subiectum delapsus ad 18. linearum altitudinem conscendit. Tantum scilicet aëris in pulvere pyrio inclusum fuit : adco ut inito calculo tria saltem aëris grana in 18. pyrii pulveris delituerint. Quod vix fieri potest, nisi aer in eo pulvere ad trecentesimam partem loci incredibili condensatione adductus fuerit. Atque ex hac compressione aeris tanta in nitro vis exurgit. Illud quoque non tacendum, pulverem pyrium in vacuo non simul accendi, nec contagio quodam ignem ab uno in aliud granum diffundi : sed quæque granula seorsum incendi, nisi diutissime vitrum ustorium soli expositum adhibeatur. Sæpè itidem pulvis ebullire, & fumos subflavos emittere videtur, isque è machinâ exemptus, & carbonibus impositus, ut salpetræ inflammatur, quod sulphur tantum præ calore eruperit : sic pulvere inflammato, & fumis discussis salispetræ aciculæ recipientis parietibus videntur adhærescere.

5. Ex his liquet quantàm aer rerum inflammationem, ac dissolutionem promoveat. Quod multis experimentis alio loco confirmatum à nobis fuit. Panni serici frustulum admoto speculo ustorio intra machinam combustis, author quem identidem nominavi : fumo discusso vix pannus specie immutatus apparuit, donec admisso aëre, dum contrectare id voluit, in cineres redactum comperit. Mirum tamen quàm citò & diu aqua ebullierit, subiectâ candelæ flammâ : & si recipiens vitreum, quod usque ad quartam sui partem aquâ impletum fuerat, ne incaluerit quidem. Cum autem mercurius in tubum probationis loco adhibuitur non conscenderit, quantumvis aqua efferveret,

fecerit; ne illud quidem liquet, an effervescencia illa aquæ, quæ tandem, & tam vehemens apparet, ex incluso aëre, an ex subtiliori materia oriatur. Et quidem cum spiritus vini eodem modo incaluisse, mercurius ad unius digiti altitudinem ascendit: subductâ flammâ, & vale intra aquam frigidam immerso, vehementior orta est ebullitio, quod vaporibus frigore densatis recipiens fieret inanius. Hinc spiritus vini ab omni pressione liberior magis solet effervescere. Duabus post horis mercurius in vas subjectum omnino recidit. Ac fortè vapores illi vi quâdam elasticâ donantur: sed quiddam sunt tamen ab aëre diversum. Mirum etiam, quod cum omnis serè liquorum fermentatio in vacuo augeatur, tamen ubi calx exhausto liquore aquæ immergitur, vix ulla sit effervescencia; an fortè spiritus volatiles inter exhauriendum aëra exhalant; contra res se habet in gypso, nam majores bullæ in vacuo erumpunt, & major fit ebullitio, quàm si in aperto aëre aqua diluatur.

Ex his, quæ diximus, demonstratum puto, omnes effectus, qui in vacui fugam referri solent, ex aëris pondere, aut vi elasticâ proficisci. Unde si vas cupreum, cui operculum vitreum aptatur, ab incumbente aëre, ut aliàs diximus, post aëris intus conclusi educationem, confringitur, idem prorsus evenit, cum vas illud intra recipiens reponitur: exhausto enim recipiente, qui intra vas cupreum aër includitur, vi suâ elasticâ vitrum frangit, quod antè ab aëre cum externo, tum interno, æquabiliter pressum, manebat integrum. Quod si vas cupreum in cœnum, seu ex lato in angustum desinat, tum incumbentis aëris columna erit angustior, quàm ut vitrum frangat. Et tamen vacui horror debuit æquè hos effectus procreare; cum enim utrobique par sit vacui metus, non video, cur idem omnino non sequatur effectus, quæcunque sit vasis forma. Quod si inter cæmentandum vitreum operculum cum vase cupreo, exilem tubulum sic aptaveris, ut aër ex majore vase, seu recipiente in vas cupreum commeare possit, tum operculum vitreum manebit illæsum: nisi fortè celerius aër exsugatur. Tum enim idem accidit, quod lagenis oblongo, & exili collo instructis, quæ cum citius ab igne remouentur, quàm ut aër subire possit, tum conclusi aëris elaterium fit debilius, nec externi aëris pressione valent obistere. Multa in hanc rem ex novis experimentis D. Boyle, alio loco attulimus, cum de aëris pondere disseruimus.

Unum est, quod receptæ apud recentiores opiniononi videtur adversari, idque luculenter exposuit D. Hugenius in epistolâ ad clarissimum Abbatem D. Galois, quàm Ephemeridi Eruditorum anni 1672. die 25. Julii inseruit. De quo quidem perpauca subtexam: res enim

VII;

*Vide Fig. pag. 729.* est, si quæ aliâ in Physicis, speculatione digna. Ac primum jam à nobis dictum fuit tubum aquâ plenum & inversum, ut C. C. aptari in machinâ solitum, quò dijudicari possit, an omnis è vase B. quod recipiens vocant, aër eductus fuerit: tum enim aqua è tubo in vas subiectum omninò delabitur. Jam si aqua per diem, aut 12. horas, vel hydrargyrus per aliquot dies in machinâ exhausta relinquatur, omnium aëre aqua vel hydrargyrus exurgatur. Si tubum aquâ expurgatâ, vel hydrargyro, iterum impleveris, eumque in vas subiectum, inverteris, tum exhausto è recipiente B. aëre, aqua vel hydrargyrus non decidet, sed in tubo manebit pensilis: tumque non aër exterior, qui nullus penè est, liquorem suspensum tenebit. Quid, quòd in Angliâ hydrargyrum usque ad 75. digitorum altitudinem in tubo suspensum tenuit D. Boyle: ac ne tum quidem decedit, cum tubus extra vas subiectum, & hydrargyro plenum sublatus fuisset. Cum autem ex aquâ, vel mercurio, tractu temporis quasi aëris bullulæ gignuntur, & in summam tubi partem tolluntur, tum liquor decedit. Idem evenit machinâ aliquantulum succussâ, statim enim aqua, vel hydrargyrus, in vas subiectum delabitur.

## VIII.

Hujus phænomeni tam mirabilis causam D. Hugenius affert rationem; quòd præter externi aëris pondus, quòd hydrargyrum ad 27. aut 28. digitorum altitudinem attollit, alia sit longè subtilior materia, quæ vitri poros pervadit. Sed propter solidiores vitri particulas non satis confertim irrumpit, ut liquoris partes divellat. Quæque vitrum tangunt, hydrargyri, vel aquæ particulae, minùs ab eâ substantiâ premantur, quàm quæ in vase subiecto hujus ætheris impressi-  
oni patent. Idem enim penè accidit, ac si duas lamellas ex marmore terfas, & politas, sed crebris pertulas foraminulis, cuidam liquori innatantes, & sic mutuò sibi aptatas animo finxeris, ut plures unius partes solidæ alterius foraminulis respondeant. Tum sanè liquoris particulae huc, illuc agitatae, utriusque laminæ extimas superficies premere, & unâ compingere molientur: quare una alteri lamellæ adhærescet, ferè ut duò marmora exquisitè polita sibi mutuò conglutinantur, quòd ab aëre ambiente premantur undique: neque aër, qui inter hæc subit corpora, valet ea divellere. Non aliter sanè, ut vir eruditus D. Huet explicat, aquæ vel hydrargyri expurgati partes sibi & vitro contiguæ, ut totidem lamellæ se se mutuò sustinent.

## IX.

Succussâ verò machinâ statim aqua tubo conclusa decedit, vel quòd eò motu, quæ fuit antè partium contiguitas tollitur; vel quòd æther nimium antè disiectus hæc succussione alicubi colligatur, & subiectas aquæ partes deprimat. Fieri etiâ potest, ut partes liquoris agitatæ



tatæ novum aëra procreat. Huc adde suspensum liquorem in tubo tamdiu remanere, quamdiu ab ambiente corpore non premitur, aut certè pressio ipsa debilior est. Sed ubi motus accesserit, jam partes liquoris gravitant, undè fortè quis colligeret, gravitatam à pressione, & motu illius aëtheris, aut subtilioris aëris proficisci.

Quare aqua in tubo, etiam exhausto aëre, suspensa manet, quòd minùs in tubo ab aëre prematur, quàm quæ in subjecto vase continetur. Eam verò ætheris pressionem cum multa alia, tum illa duo Clariss. Hugenii experimenta maximè confirmant. Primum est, aquam in machinâ exhausto aëre per syphonis, seu tubi inflexi crus longius, continenter fluere. Alterum duo marmora lævigata etiam educlo omni aëre, sibi mutuò pertinaciter adhærescere. Contrarium quidem videram Londini in machinâ D. Boyle. Nam educlo aëre statim marmor inferius à superiore divulsum est: verùm id eò accidit, quòd spiritus vini, aut olei interjectu duo illa marmora quodammodo essent conglutinata. Nec mirum, si ex oleo, vel spiritu vini bullæ aereæ statim emerferint, quæ vi elasticâ, aut ab æthereâ substantiâ dilatata corpora antè coherencia disjuxerunt.

Totum igitur, quod circa nos est, fluidum ex triplici potissimum materiâ constat, ut supra ex viro Clariss. D. Perrault exposui: nempe ex crassiore aëre, qui ultra atmosphæram non attollitur: hujus & gravitas, ut vis elastica satis nota sunt; illius partes pro ratione incumbentis ponderis comprimuntur. Nam si folliculus aëre impletus à pondere aliquo, puta centum librarum, comprimatur, à duplo pondere pressio ipsa dupla futura est. Sic in Toricelli experimento, quòd residuum est aëris, si subjectum hydrargyrum ad 2. digitorum altitudinem deprimat, ubi pars tubi vacua duplò minùs fuerit, hydrargyrus duplò plus descendet.

2. Aër subtilior corpora quæque subjecta premit undique, ut supra diximus, hinc fortè tam firma corporum adhæsiò, & vis elastica: cum in crassiore aëre, tum in firmis corporibus. Ingens illius esse pondus, atque in immensum ferè spatium extendi, ex iis, quæ dicta sunt, licet colligere.

3. Est æthereæ substantia, in quâ motus omnis perficitur; hæc pondere omni, & vi elasticâ destituitur, sed omnem fortè motum procreat.

Quæ sint hujus aëris qualitates, alii viderint: res enim est tota in conjecturis posita; maximè frigidum esse, hinc fortè colligi posset, quòd hyeme frigidior est aër, quò purior, atque à terræ halitibus liberior; in mediâ aëris regione nubes frigore, & nive, & pluviae con-

X.

XI.

concreſcunt: quò ær etiam fervidus atrium longius percurrit, hoc frigefcit magis. Nónne ær, quem ore tenui filo reddimus, manus refrigerat: contra evenit, cum patulo ore, & multo anhelitu gravis egreditur. Multa ejuſmodi afferri poſſunt, quæ ingenitum eſſe ætheri, vel æri puriori frigus, ut quiddam probabilius ſuadere videantur.

*Conjectura circa occultas quasdam aëris qualitates.*

Præter eas qualitates, quæ in ære nobis ſunt utcunque perceptæ, cujuſmodi ſunt illius gravitas, vis elãstica, fluiditas, aliæ ſunt plurimæ, & magis abditæ, ut fuſè demonſtrat illuſtris D Boyle in nuperrimo opuſculo, quod de hoc argumento Anglicã linguã conſcripſit, quodque pro ſua humanitate paucis ab hinc menſibus ad me miſit. Multis rationibus in eo tractatu oſtendit ærem commune quoddam eſſe velut emporium, ubi cælum & terra ſuas, ut ita dicam, exerunt nundinationes: effluvia quippe è ſubterraneis indefinenter erumpunt; uti planetæ, & fortè ſtellæ fixæ alios effluxus continenter in terram demittunt, quibus ær imprægnatus, multa efficit, quæ vix aſſequi poſſumus. Sunt enim plurima in terræ viſceribus ſoſſilia, quæ nobis incognita, peculiareſ habent effluxus. An lunæ & aliorum planetarum partes, quas teleſcopio utcunque detegimus, nulla penitus emittent effluvia? Sæpè evenit ut atmophæra ſubito, & citra manifeſtam cauſam gravior appareat, nec fortè id aliunde quàm ex turmâ effluviolorum repentè erumpentium proficiſcitur. Quid, quòd viſ illa aëriſ adeò diſſolvens, quâ ferrum & cuprum exedit, cum ille ſit omniſ penè ſaporis & odoris expers, nòn aliunde quàm ex illis ductur effluviis: quòd enim ær qualitatum vi non præſtat, id mole ſua, & continuo affluxu poteſt efficere. Nec mercurius ipſe, qui metalla exſolvit, manifeſto ſapore, aut odore ſe prodit. Nec dubium eſt, quin ær ſalinis & ſulphureis particulis abundet, quibus & duriffima quæque exedit corpora. Sic è marcaſitis ſolidioribus, vel in ære ſicco aſſervatis, partes quædam vitriolicæ, & ſplendidiores efflorefcunt. Hinc etiam teſte Agricola, terra aluminofa aëri expoſita, uti & nitroſa aëri expoſita, alumine, aut nitro quo jam ſuſcit orbata, denuò imprægnatur; ſive ſal ille ex ſuo velut ſemine per maturationem quandam prodeat, ſive ab ære attrahatur; adeò ut quiddam ſit in ære, quod in varias rerum naturas faceſſat. Utcunque ea res ſit, id experienciã conſtat, eam eſſe vim in ære, quæ flammam, quæ vitam animalium tucatur: quæ ex calce, & gypſo nitrum; è marcaſitis vitriolum eliciat; quæ duriora quæque corpora interdum emolliat, aut fragiliora efficiat, quæ fixis corporibus volatilitatem quandoque impertiatur: ſic antimonium diaphoreticum,

reticum, quod, scilicet sudores ad summum excitat, aeri exposi-  
tum plerumque emeticum evadit. Hinc D. Boyle ex industria ar-  
tificie se accepisse testatur novaculas è chalybe damascena factas, ple-  
rumque aliis esse deteriores, nisi per aliquot annos aeri exponantur.  
Nihil addam de vitriolo calcinato, ex quo oleum & sal penè omnis ex  
magna ignis vi sunt extracta, quod tamen aeri expositum & novo  
salis proventu & pondere ipso augetur de his enim alius erit dicendi  
locus.

Neque id abhorret à vero in aere, ut in nitro spiritum quem-  
dam subtilem, & actuosum, quique inter ignem & aerem ambigat,  
vigere, quocumque is appelletur nomine, aut nitro aereus, aut ni-  
trum volatile, aut spiritus universi, mihi perinde est. Aer hoc spi-  
ritu destitutus nec flammæ alendæ, nec vitæ animalium est idoneus:  
hinc tam citò flamma in vase ocluso extinguitur, nec in machina  
pneumatica sulphur, aut alia res combustibilis speculo ustorio accen-  
ditur, nisi pulvis pyrius, qui nitrosus hoc spiritu non destituitur. Nec  
forte id aeri, qui nitro includitur, tribuendum est, licet ingenioso viro  
aliter videatur. Cum enim spiritus nitri acidus sali fixo, qualis est  
sal tartari, affunditur, ac nitrum ex utriusque conjugio etiam in  
machina pneumatica prodit, vix probabile est, tantum aeris nitrum  
subire. Quare illud facillè assentiar eruditiss. viro Joan. Mayou,  
magnam partem effectuum naturalium huic spiritui, quem Nitro-  
aereum appellat, esse referendam. Hinc enim, ut diximus, vita ani-  
malium, flammæ accensio, imò calor omnis, fermentatio, planta-  
rum vegetatio dependent; sed hæc suo quæque loco. Interim id mo-  
nuisse satis fuerit, illius spiritus partes rigidas, & mobiles, & solidas  
vim elasticam aeris aut efficere, aut certè non mediocriter promo-  
vere. Unde si candelam accensam intra aquam sic immerferis, ut  
ellyphnium, supra aquam ipsam uno aut altero digito emineat, ac  
cucurbitam vitream & amplam ita invertas, ut aquam subjectam  
paululum subeat, aqua intra cucurbitam ascendet, quod aeris inclu-  
si partes illæ nitrosæ à flammâ evolutæ, aut consumptæ reliquum  
aeris multum debilitatum relinquunt. Hinc aer flammæ proximus  
his partibus solidis, & rigidis destitutus fit debilior, nec valet  
proximi aeris pressioni resistere; sic novus continuò ad flammam  
aer accedit.

Quocirca id non ægrè concederem, non aliud quiddam esse ae-  
rem nobis circumfusum, quam effluvia terræ, aquæ & corporum, quæ  
terrestri globo continentur, cum illo spiritu nitro-aereo conjuncta;  
unde & forte novus aer indefinenter procreatur. Argumento erit

Aaaaa

illud

illud experimentum, quod à viro doctiss. mox laudato affertur. Vas aqua & spiritu nitri implet, cui lagenam inversam penitus immergit, sic tamen ut illius collum aliquot globuli chalybei occludant, qui paulatim ab aquâ subjecta, & corrosiva ita exeduntur, ut vaporibus lagena impleatur. Sed ubi ea desierit agitatio, & lagena usque ad subjectæ aquæ superficiem sublata fuerit, tum quartam ferè illius partem novus aer implebit; cum machinæ pneumaticæ lagenam unâ cum suo aere recens producto imposueris, tum hunc aerem eadem vi elastica præditum comperies; sed animalia in eo tandiu non vivunt, quandiu in communi aere, novus quippe ex rigidis ferri particulis, & nitrosis aquæ corrosivæ procreatus, non satis vitalibus, & nitro-æreis particulis ditescit, ut vitam animalium fovere possit.

## CAPUT QUARTUM.

### De Aqua..

I.  
Aqua natura.



Sunt duo mixtionis principia omnibus notissima, terra nimirum, & aqua: de hac primum dicendum arbitror: nam & resolutione est prior, & majorem cum aliis elementis videtur habere cognationem: adeo ut non desint, qui nullum præter aquam esse elementum pertendant: cum ea gignendis, & alendis corporibus una sufficiat, ac nullum ferè corpus in aquam ultimò non resolvatur. Quod utique l. i. de corp. affect. variis experimentis ut probabile, & non contemnendum attulimus. Quamquam vix concipi possit, quomodo ex uno principio tanta rerum varietas oriatur; aut quâ arte terra & ignis, ut alia mittam elementa, in aquam facessant. Ut fortè omnia elementa, (terram excipio) in liquorem quemdam abeant, non idcirco aquæ naturam, aut speciem induunt. Ac nescio an aqua in rerum naturâ omninò pura, atque ab omni alio secreta elemento inveniri possit: cum aqua pluvialis, quæ naturæ artificio distillatur non modò putrescat, quod in corpus simplex non cadit; sed etiam ex sevaria gignat animalia. Jam quanta est in aquis saporum diversitas: an hi omnes ex uno principio ducuntur? Quid quòd aliæ sunt limpide, & graves: aliæ lutosæ, & leviores, atque ex omnibus ferè triplex salis genus, fixi, nitrosi, & volatilis elicitur. Nulla non aliquid terræ continet: quin etiam stillatitiæ nonnihil habent sulphuris, & salis & spiritus admixti: nam omnis omninò aut saporis, aut virtutis

virtutis expertes non sunt, ac difficile est laxato mixtionis vinculo, id quod in aliis elementis jam resolutum fugam parat, non unâ egredi. Est quippè (ut ad id, quod propositum est, tandem accedam;) aqua omnium ferè elementorum commune vehiculum: cum nullo ita pertinaciter cohæret, quin ignis vi statim excedat. Ubi copiosior est, activa quæ sunt principia longiùs à se invicem dissita, minùs vigent. Hinc mixtum frigidius, & languidius habetur; facile putrescit, quòd resoluta salis, sulphuris, & spiritus corpuscula citissimè discedant: nullo enim arctiori vinculo tenentur. Contrà ubi aqua deest, activa quæ sunt elementa propiùs admota se se mutuo complexu stringunt arctiùs, & nisi fortè mutuâ actione se consumant, in longius sunt ævum duratura. Nec tamen tum mutuo attritu putrescunt: sed magis solent paulatim marcescere; verùm de putredine postea. Id unum addam vix elementa, vel principia etiam activa quicquam moliri, aut vires suas promere, nisi aqua diluantur: hæc enim illa quodammodo separat, cum mutuis amplexibus irretita moveri non possint.

Jam difficile dictu est quibus constet aqua corpusculis. An fortè, ut videtur Cartesio, partes illæ, quibus aqua compingitur, tenues sunt, læves, flexiles, lubricæ, atque aliæ aliis more anguillarum incumbunt, & repunt. Sic enim faciliùs fluunt, cum à subtili materiâ continenter agitantur: & quò sunt tenuiores, hoc citiùs ab illâ cœlesti substantiâ quaquà versum moventur: hinc spiritus vini nunquam concrevit in glaciem. Mitto ex his principijs facile explicari quomodo aqua in vapores explicetur; dum scilicet illa, ex quibus componitur, filamenta, fortiori calore evolvuntur: Quomodo subtilis corporis cuncta permeantis excessu congeletur aqua: cur ferrum candens aqua temperatum durius efficiatur? Quòd ut in glacie, sic in ferro particulæ jam calore dilatæ repentino aquæ frigore fiant rigidiores: ista enim partim jam in alio loco explicata sunt, ubi rerum qualitates persequemur.

Placet aliis aquam esse corpus in atomos resolutum: sive ex sint omninò indivisibiles, ut visum est Galilæo; sive sint puncta physica, aut rotunda, aut cubica: hic enim magnus patet conjecturæ locus. Quòd autem partes aquæ nullo inter se vinculo nectantur, hinc intelligimus, quòd facillimè separentur; quòd omnes velut ad libellam constitutæ, æquabilem, & nullo loco superiorem habeant superficiem. Nam acervus quidè tritici, cum ex granis majusculis constet, in cumulū facile congeritur, quæq; superiora sunt, decliviorè locū non continuò petunt: jam minutissima arena longè minus assurgeret. Cum igitur aqua nullū tu morè, nullū hiatus pati possit, videtur esse in suas atomos pene resoluta,

II.

Quibus  
constet cor  
pusculis.

eaque esse cubicas nonnulli verisimile putant, quod nullos, vel paucissimos admittat poros: unde nec comprimi ullâ vi potest: imple enim tubum ferreum aquâ, & embolum, vel cochleam impone, hanc intra tubum adiges nunquam. Illud tamen longè credibilius aquæ particulas aut sphaericas, aut teretes & oblongas existere: cum instar pulveris facillimè separentur. Quod si aut cubicæ, aut alterius essent figuræ, vix à se mutuò divelli possent, ut ex iis, quæ supra diximus, planum sit; nam illud satis est verisimile, duritiem corporum hinc magnâ ex parte oriri, quod eorum particulæ secundum planas superficies se se contingant: unde fortius à subtilioris aeris mole comprimuntur, ut superius ex viro cl. ostendimus.

## II.

*Cur aqua  
gutta glo-  
bosa sunt.*

Quâ figurâ donentur aquæ corpuscula divinare non possumus: ea tamen non esse à se invicem disjuncta omnino crediderim, idque de aquâ communi tam certum est, quam quod maximè. Unde enim, quælo te, prodeunt tot bullæ, quæ in aquâ agitata formantur? An non hæc pelliculæ, quibus aer continetur, viscosæ sunt, firmæ, & tenaces? Non quæro unde illam uliginem pinguem aqua mutuetur, an ab ignis filamentis, an à sulphure; an pura aqua his omnino careret, nec compressa circa margines assurgeret, neque in guttas globosas tornaretur? Nusquam enim aqua pura occurrit, & nullus est humor, cui hæc omnia non adsint. Esto, aqua pura nec congelari possit, quod spiritus adventitii hanc illi tribuant partium rigiditatem; nullo item calore, nullo sapore imbuatur: sed cur in globulos non assurgit? An quod illi decurunt filamenta pinguis, & uliginosa, quibus tanquam claviculis foliorum, aut graminum poris agitur? Cur igitur id omni humori, hydrargyro, vitro, & metallis suis commune est, ut in globulos agitata tormentur. An potius, ut existimat Galilæus, roris, aut pluvie guttula globosæ sunt, quod ab aere ambiente æqualiter undique premantur; quodque aquam inter, & aera sit naturalis quædam dissensio, quam ex eo probat, quod rotunda illa guttula si aliam aquam, aut vinum attigerit, statim effundetur: id enim videtur fieri propter quamdam naturæ similitudinem. Sic aqua è phialâ oblongi, & angustioris colli inversâ non effluit: quod si os phialæ vinum subjectum attigerit, statim aqua descendet, & vinum sponte suâ quasi filatim ascendet. Ista sanè non omnino recipimus, cum certum sit roris, & pluvie guttas multâ exhalatione esse permixtas, neque eas, ut Galilæus putat, in atomos esse resolutas. Quare mallet ad interius quoddam vinculum, qualecumque sit, quam ad nescio quam antipathiam recurrere. Cum tamen, ut Mag-nanus fusè explicat, non hydrargyrus modò, sed etiam vitrum, &

metal-



metalla ad vibratam per tubum lucernæ flammam fusa, (tameſi ab igne, non ab aere premuntur,) rotundam figuram affectent, id non aliâ ex cauſâ oriri putat, quàm ex eâ, quæ vulgò aſſerri ſolet, quod cujuſque guttulæ partes eam figuram ſibi quærant, quæ toti aquæ communis eſt, quæque ad ſui conſervationem eſt maximè accommodata. Sic enim partes omnes circa idem centrum conglobatæ externis non patent injuriis, & facilius ſe ſe tuentur: cumque ſint mole perparvæ, communis illa ad centrum mundi propenſio non vincit privatam, ut ita dixerim, ſui ipſius tutelam: vix enim ſenſibiliter aliæ aliis præponderant: ſed cum aſſulam aquam, aut vinum attingunt, cum iis ſua ſponte uniuntur, & jam mole majores ſunt, quàm ut inæqualem à centro mundi diſtantiâ ſervare poſſint, tuncque communis inclinatio, quæ gravitas dicitur, potior eſt. Hæc fortè defendi poſſunt, ſed alias cauſas huic effectui propiores, & magis continentes reddere in proclivi eſt; vel ſubtilem Carteſii materiem, vel partes aeris volitantes, & jugi motu agitataſ. Nam quæ intra aquam eſt ſubtilis ſubſtantia, partes ejus movet, quæque centro ſunt propiores, repellit, eaſque æquabiliter à centro cogit recedere: ut eadem ſubtilis primi & ſecundi elementi materia, quæ aquæ eſt circumfuſa, partes guttæ nimium à centro diſſitas ſic comprimit, ut quàm minimùm obſtent motui, quo recedere à centro vorticis molitur. Sic partes aquæ inſenſibiles à ſubtili quod intus eſt corpore, à medio ad circumferentiam; ab exteriori contra ad centrum pelluntur æquabiliter, & globolaſ adeo nanciscuntur figuram. Sic enim ſubtilis corporis motum minùs perturbant, quàm ſi partes quædam magis quàm aliæ prominerent. Idem dici poteſt de partibus aeris, quæ fluitantes in æthera aquam premunt æquabiliter, angulos omnes elidunt, ut quàm minimè obſtent ingenitis motibus. Cùm liquoris partes ſunt craſſiores, & arcti meatus, ut in hydrargyro, guttæ ſunt majores, nec ab exteriori aere intus ſubeunte multum diſſipantur: contra evenit, cùm liquoris partes ſunt tenuiſſimæ: nam ab externo aere in mille guttulas penè inſenſibiles dividuntur, ut in ſpiritu vini cernimus, qui in aere penitùs evaneſcit. Verùm iſta alio loco expoſuimus: hîc de aquâ, tantum, ut inter mixtionis principia numeratur, agere inſtituimus: quæ ad illius gravitatem & motum pertinent eodem loco, diligenter, ſumus executi. Illud tamen addendum mihi claſſ. viri D. Perrault, quam ſupra expoſui, valdè probari conjecturam, aquam in guttulas efformari, etiam cum craſſior aer omninò abeſt, ut in exhaulâ machinâ pneumaticâ, quod à ſubtiliore aere prematur undique: nam magnum illius eſſe pondus multis argumentis oſtenſum fuit.

III. *Que corpora exsolvat aqua.* Jam ut aqua facile cum reliquis elementis, sulphure tamen excepto, permiscetur: ita corpora, quorum minus firma est concretio, permeat, & solvit; atque ex iis quædam velut ramenta, & minutias delibat, hoc facilius, quò aqua calidior fuerit, & mixta erunt laxiora. Nam aqua igne acuitur; sales imprimis exsolvit: vegetabilium omnium vires induit, & tenuiores partes longà maceratione, vel incotione decerpit: æ metallis quidem parcit, maximè cum salium aculeis instruitur. Hinc ros, quem mense majore colligunt, pluvia ipsa, aquæ acidulæ rebus dissolvendis maximè intervium, quòd in iis sal quidam, aut nitrosus insit, aut volatilis. Quanquam enim vapores e terrâ, & mari sublatis magnam salis partem exuant, non tamen omni sale carent, ut ex ipsâ destillatione cernimus. Imò testantur nonnulli circa Narbonensis Galliæ littora, & aliis fortè in locis salem quemdam candore, & sapore eximium arborum foliis, & graminibus insidere, quod argumento est salera sublimari, atque unâ cum vaporibus efferri. Quòd verò aqua res sulphureas & bituminosas non exsolvat, ea mihi videtur ratio, quòd sulphuris, vel olei corpuscula viscosa sint; & tenacia: nec possint ea molles, & teneræ aquæ particula perrumpere. Dispersas quidem, & male colligatas terræ, aut salis atomos amplectuntur, & tenues spiritus perfacile dividunt: sed cum oleo non itidem miscentur, quòd forsitan hæ ramosis partibus sint valdè irretitæ. Cum aqua sale semel imbuatur, vix eum dimittit: nam salis atomos minutissimè concidit, seu aquæ plicatiles fibræ salis spicula involvant, ut videtur Cartesio; seu illa sustineant, ferè ut aciculam chalybeam liquori innatare cernimus. Minus fortè est probabile salis corpuscula intra aquæ spatiola omninò vacua conditi: quandoquidem, ut antea diximus, salis accessione aqua intumescit. Sed tamen non abhorret à vero metalla, salas, quæque in humore dissolvuntur, poros sibi aptare, atque eorum velut foraminum parietibus sustineri; adeò ut arctatis frigore meatibus, vel illis ab alio corpore tenuiori obseffis, solutum ipsa loco moveatur. Sic aluminis solutio urinam perturbat, & fæces ad inum præcipitat: hinc etiam acetosi coaguli accessione caseus conerescit: nam in urinâ maximè ægrotantium varia tum salina, tum sulphurea, tum etiam terrena corpuscula continentur, quæ quidem à sanguinis massâ unâ cum ferro foras expelluntur. Hæc non nisi longiore morâ subsidunt, maximè cum urina crassa est, & multo sale imbuta; aut cum altius sero incoquantur: tumque nec sale tartari, neque acido spiritu, sed aluminis dumtaxat solutione, quæ meatus astringit, aut loco moveri, & perturbari, ut se se dent in conspectum, aut præcipitari possunt.

Quan-

Quamdiu enim calor, aut spiritus viget, tum meatus apertiores efficit, & lumini transitum præbet, ac demum sæces sic agit, ut urina nobis appareat limpidior: sed cum frigus poros coarctavit, quæ urinæ innatabant corpusculâ, ad imum protrudi necesse est; aut saltem, si leviora sunt, alia aliis implicata instar nebulæ suspensa manent. Sal verò toto liquore diffunditur, sed distillatione partim cum spiritibus, qui perpauci sunt, exhalatur; partim in fluorem reductus tertio ignis gradu instar aceti extrahitur; partim in fundo remanet, quem si urgeas, in sublime ages. Quocirca difficillimum est saltem in urinâ, vel aquâ marinâ per solam præcipitationem secernere. Terræ quidem corpuscula cum sint crassiora, tractu temporis ad imum descendunt. Quare in lacte acetosi liquoris, aut coaguli penetrantis infusione partes crassiores extruduntur, atque agitatur se se mutuo implicant, & præ gravitate suâ subsidunt. Idque accidit: vel quod penetrans liquor per lactis meatus diffusus crassiora hinc corpora deturbet; vel quod eisdem poros contrahat; vel demum saltem, qui in lacte est, jam calore commotum ad fluorem sollicitat, quod fieri non potest, quin meatus antè caseosis partibus obfessi contrahantur. Butyrum verò ex sulphureis partibus vehementi agitatione sibi mutuo implicatis efficitur. Jam enim sal, spiritus, & sulphur discessum parabant: sal ad fluorem evehctus in liquorem, qui ex butyro reliquus est, se se recipit, flores lactis sulphurei cum sint crassiores, exhalari non possunt. Itaque in lacte sunt caseus, butyrum, & serum, in quibus elementa omnia continentur. Sal fixus cum terrâ plurimâ in caseo remanet; sulphur in butyro cum sale volatili, & spiritu; aqua in sero copiosior est: easdem esse, aut consimiles partes in sanguine hîc fusiùs dicerem, nisi analysim sanguinis in alium locum reservarem. Quocirca ut semel finiam, quæ aqua exsolvit, aut sunt volatilia, eaque faciliè profugiunt, cum laxior sit, & minus firma aquæ compages; aut si fixiora sunt, vel sponte subsidunt, vel spiritu acidulo, ut succo limonis deturbantur, aut albumini ovi, vel alteri viscoso humori adhærescunt.



## CAPUT QUINTUM

## De Terra.

I.  
TERRAM  
esse elemen-  
tum.

**P**ostquam cineres omni sale per aquæ affusionem spoliati sunt, restat terræ elementum, quod nec fluere potest, nec sublimari, neque ad altiorum gradum exaltari: hinc terra damnata, vel caput mortuum à Chymicis vocitatur; vel quod omnis sit virtutis expertus, atque ad nullos usus adhiberi queat, vel quod in loco infimo subsidat. Nihilominus ad mixtionem corporum elementi nomine pertinet: nam suâ siccitate diffuentes humores, aquam imprimis sistit, activa principia, quæ si sola essent, minimè se se attererent, & temperat, & ab invicem disjungit: quæ plus satis sunt volatilia, figit, fluxa cohibet, ac rebus unâ cum sale firmitatem, & consistentiam tribuit. Utrum cæteris elementis gravitate præstet, in controversiam cadit. Negant enim plerique, & rem esse leviolem quò plus terræ continet, pertendunt: plus terræ esse in sesquiblibrâ suberis, quàm in quatuor hebeni libris experienciâ teste affirmant. Atque idem est de cæteris iudicium: nam ex lignis ponderosis multum salis, & aquæ, perparum terræ colligitur. Verum hi non advertunt, magnam esse in signis ponderosis olei copiam, quod multum terræ continet. Addunt terram vulgarem hydrargyro, qui maximè aquosus est, innatare. Negant terram, quàm incolimus, cum terrâ elementari, quæ subit corporum mixtionem, confundi oportere: illa enim est corpus ex omnibus elementis compactum: idque fateri necesse est, cum tot succos gignendis plantis contineat; cum tanta sit terrarum varietas; cum denique ex unâ terræ librâ, si Stephano Claveo credimus; 4. aquæ, mercurii duæ, (salem fluidum cum mercurio confundit) tres salis, una sulphuris, & sex terræ elementaris uncia extrahantur. Quid, quod sal longè præponderat. Nec omnino concedunt terram elementarem esse aquâ graviorem, tametsi fundum petit: nam si æquâ portione terra, & aqua misceantur, terra instar salis per totam se aquam diffundet, ut siccitate suâ aquæ humorem terminet. Cum major est aquæ moles, tum aliquantum terræ aquâ imprægnatæ ad ima descendit; neque tamen hinc necesse est aquam esse leviolem, cum vini spiritus non aquæ innatet, sed cum eâ confundatur.

Nec

Nec multum laborandum puto, quò dissidentes illæ lententiæ conciliantur. Non enim inficiari possumus terram, & firmitatem, & consistentiam corporibus tribuere: cumque in terrâ, quam calcamus & in lapidibus sit uberior, patet eam esse aquâ graviolem; tametsi in hoc fortè à sale vincitur. Nam in metallis, ubi sal copiosior est, majus pondus, major firmitas invenitur. Nec abhorret à verisimili hydrargyrum multo sale, eoque fluido abundare. Vis enim illa penetrans, quæ metalla exsolvit; ejus in crystallos concretio, quando cum salibus in sublime agitur; illius denique confectio ex salibus fluidis, ut quidam perhibent, manifestum faciunt salem fluidum in hydrargyro esse potentissimum. Eadem est fortè & hydrargyri, & vitrioli origo, nempe lapis pyrites: isque, ut Geber testatur, est in marchasitâ unâ cum sulphure, sed ibi velut occisus, atque, ut ajunt, & mortificatus jacet. An verò insit huic commune fossilium materiæ, his notis investigat. Sublimata marchasita primum sulphur exhalat: tum aucto igne cœlestem argenti vivi colorem cum metallico splendore ostendit. Addit sulphur conflagratione citra sublimationem se se prodere. Postremo argentum vivum inesse colligitur, cum cuprum colore albo imbuat. Quare non aqua, sed sal & terra tantum ponderis, & hydrargyro, & metallis imperiunt.

Et si illud verum est, terræ corpuscula esse fixa, & crassa, id tamen non præfractè negaverim, eam mixta efficere quandoque leviora: sive terræ atomi interdum rotundiores sint; ac plures adeò admittant poros, quam si cubicæ forent, aut oblongæ, ut aquæ corpuscula; sive ut arenæ granula inæqualibus angulis, & lateribus constent, quæ ut permultos inducunt poros, ita corpus minus solidum, & compactum efficiunt. Nam mixta corpora, imprimis vitæ compotia, multis poris esse pervia necesse est, ut quæ superflua sunt excernant; quæ sibi apta sunt, & accommodata excipiant; exhaustum reparent humorem; ac denique mutua inter se exercent commercia.

Quocirca utrumque fateamur oportet, terram esse gravissimam, & nihilo secius levitatem sæpè inducere. Imò & firma, & in longum ævum duratura efficit corpora; eaque sæpè laxiora, & ad putredinem procliviora reddit. Cum salis, & sulphuris vacua spatiola implerent, & activa separat principia, ne plus satis efferata seipsa conservarent, & citius avolent, constantiam, & firmitatem rebus tribuit, easque à corruptione vindicat: maxime ubi cū sale, vel longo, vel vehementiore calore conjungitur, tum enim nullâ serè vi divelli potest.

I.  
Terracum  
sale conjun-  
ctum firmi-  
tatem re-  
bus tribuit

Sic lapides & metalla diutissimè perseverant ; in illis terra , in his sal , ut multis placet Chymicis , primas tenet : atque ubi hæc duo elementa minutim concisa simul uniuntur , & ab aliis fugacioribus principiis soluta sunt , ut in laterum coctione , & vitrificatione cernimus , tum efficiunt mixta , quæ ab omni interitu , & dissolutione penè sunt tuta. In lateribus , & vasis fictilibus major est terræ quàm salis copia ; neque tamen omnis sal abest : nam aliquando fusione patiuntur , ut in furnis calcariis cernimus ; neque ulla fusio citra salem perficitur. Contrà in vitro major est salis copia , quidquid reclamet vir in arte chymicâ clarus Davissonius. Existimat ille quidem citra salem , qui fusionem promovet , vitrum effici non posse. Eum tamen fusione peractâ totum extrahi putat : nam instar spumæ acris , & falsæ ollis innatat , & cochleari ferreo subinde educitur , eo ferè pondere , quo fuit in cineribus. Itaque videtur nihil aliud esse vitrum quàm terra purissima , quæ vi caloris penè cælestis evasit : ut spiritus nitrosus cuncta procreans , dum mixta corpora ingreditur , è cælesti in terrenam formè degenerat naturam. Enim verò id mihi persuadere non possum , nihil salis in vitro remanere : nam quæ possent terræ corpuscula inter se conjungi , ni viscoso sale necerentur ? Nec video quâ ratione vitrum iterum fundi queat , si omni sale exuatur. Elegantiora quidem vitra ex arenis , aut lapidibus fluminum intus vitro micantibus , sodâ , & magnesiâ parari solent. Itaque 100 libras sodæ , 200 arenæ albæ , quæ microscopio pellucida , & vitro prægnans conspicitur , magnesiæ sex uncias in furno reverberii excoquunt , reliqua ut aruifices nôrunt prosequuntur. Jam quæro an quod erat salis in sodâ , aut nitro , aut alio sale fictitio in spumam abeat : id sanè nemo dixerit. Est quidem illa spuma , quam sel vitri appellant , acerrima , & salsa , imò & amara , quem saporem à sale , & sulphure oriri puto ; nec totum salem , sed impurum , & sulphuri admixtum , & inutilem complectitur. Magnesiâ expurgando vitro , & perspicuitati conciliandæ adhibetur : secùs enim vitrum , aut viride , aut opacum , & impurum fieret. Quòd si major hujus lapidis quantitas apponeretur , vitrum foret purpureum , quod ubi acciderit , perparum salis tartari adjiciunt , hic enim abstergit , & alienos colores eluit. Neque illud inficior , magnam vitri partem in arenâ , aut lapidibus vitro micantibus actu contineri : sed neque omni sale caret , nec citra salem potest fluere. Ac necesse est ut minima salis corpuscula cum minutis terræ atomis accuratâ mixtione temperentur , quò illa perspicuitas , qualis est in crystallo , & vitro emergat.

Humor



Humor in vitro adest, sed viscosus, & contumax, quique non madescit, & ignis vires omninò despiciit. Hinc vitrum vulgò indissolubile habetur, nihil enim in se habet volatile, nihil quod concretionis vinculum possit referare. Resolvitamen in suâ principia nihil prohibet, cùm simplex non sit, & uniusmodi.

## III.

Jam ut terra cum sale arctissimo nexu conjuncta rebus firmita-<sup>Terram</sup> tem, & stabilitatem penè indissolubilem confert, ita cum aquâ & <sup>cum aquâ</sup> aliis principiis non potest accuratè misceri, neque instar salis per & <sup>aliis</sup> minima, ut ajunt, copulari. Hinc aditum ad corruptionem pate-<sup>principiis</sup> facit: porosa enim & malè compacta efficit corpora: adeò ut malè <sup>manus per-</sup> colligata principia facilitè discedant. Quocirca Chymici terram, & <sup>isnaester</sup> aquam esse corruptionis principia contendunt: nam ut ortus, vel <sup>coharere.</sup> generatio ex commixtione salis, sulphuris, & spiritûs, quæ activa sunt elementa, ducitur: ita mors, vel interitus ex eorum separatione proficiscitur. Hæc autem duo elementa, terra nimirum & aqua, laxiorem mixti compagem efficiunt: ita ut sal, quod vinculum est mixtionis, nec sulphur, nec spiritum à fugâ possit retrahere. Aqua imprimis, cùm activa principia à se invicem divellat, adeò ut non possint mutuo implexu inter se devinciri; cumque sit admodum volatilis, vinculum mixtionis suâ fugâ referat, & volatilia elementa januis patefactis statim excedunt. Hinc quæ aquosiora sunt, quæque sunt compositiora, ut herbarum decocta, & pharmaca vulgari modo præparata, perfacilè corrumpuntur: essentiæ, & extracta, & sales, & olea cùm sint simpliciora, diutiùs à putredine vindicantur. Ubi activa principia primas tenent, dummodò oclusis vasis servantur, diutiùs perseverant, ut cernere est in vino generoso. Sed de corporum resolutione, & interitu infra fusiori stylo differemus.




## LIBER QUARTUS.

## De principiis Chymicorum.

## CAPUT PRIMUM.

*De principiis Chymicorum in universum.*

- I.  Unç ea principia, quæ in corporum mixtione videntur primas tenere, quæq; micante ignis gladio solent separari, & oculis subjici, paulò accuratiùs pertractemus. Quamquam de his jam multa cùm libro superiore, tum in aliis operibus diximus: tamen hic locus magis idoneus videtur iis explicandis, quæ timide & hæsitanter alibi proposuimus. Ac meritò cùm illustri D. Boyle olim dubitavimus, an ea, quæ Chymici jactant, rerum principia, mercurius, sulphur, & sal sint in ipsis corporibus, uti se se dant in conspectum; eaque sint in mixtis formâ, numero, statu, quæ separata exhibent? An potiùs ignis magna ex parte ea procreet? An pluram partium texturâ, figurâ, & motu inter se differant? An prima sint, an ex elementis composita?

- II. Illud enim nondum liquet, an quæ ab igne sit resolutio, partes ut erant in ipsis corporibus, nobis exhibeat, an earum dumtaxat mutet contextum, & figuram, ac novas rerum species ponat ob oculos. Itaque, ut alio loco diximus, partes, in quas ignis vi corpora resolvuntur, aliæ sunt volatiles, aliæ fixæ; quædam liquidæ, nonnullæ sicciores. Quæ sunt volatiles, & siccæ, &apidæ, solent sales volatiles nominari; ut inspidæ, siccæ, flores appellantur. Quæ liquidæ & inflammabiles, olea; quæ penetrantes, & inflammari non possunt, spiritus; quæ sunt inspidæ, phlegmatis nomen sortiuntur; quæ fixæ &apidæ, & sicciores, sales alcali: quæ inspidæ, terræ, aut capitis mortui nomen obtinent; meritò, inquam, dubitatur, an hæc antè fuerint in corporibus; atque ut in iis delituerint, an prima sint rerum elementa, an eadem ubique. De his quidem cùm nihil certi haberem, nihil constituti; placuit doctiss. & expertissimum virum D. du Clos consulere, qui mihi pro suâ humanitate, quid de his Chymicorum principiis sibi videretur

videretur, breviter aperuit. Quin, me hortante, & impulsore, elegantem hæc de re scripsit dissertationem, ex quâ quæ operi nostro erunt necessaria, decerpam.

Primùm illud sapienter animadvertit, hæc principia ab Hermeticis ad vulgus Chymicorum manasse. Cùm enim Hermetici in elyxi-  
 re suo minerali, seu in lapidis Philosophici magisterio tres velut  
 dotes, aut proprietates requirerent, ut facilis esset fusionis, ut per-  
 facilem in corpora haberet aditum, ut vi tingendi donaretur, quò  
 imperfecta metalla in perfectiora commutaret. Huic conficiendo  
 corpora in fossilium genere quæsierunt, in quibus hæc dotes excelle-  
 rent. In sale vitriolico fusionem facilem, promptum in mercurio  
 minerali aditum, seu ingressum in corpora, & tincturam in sulphure,  
 quod è perfectis educitur metallis, invenêre. Unde & ea magisterii  
 Philosophici principia esse dixerunt, sale nempe, mercurium, &  
 sulphur. Quæ recentiores Chymici vocum homonymiâ decepti ad  
 omnia naturæ mixta corpora traduxêre. Hermetici verò tria rerum  
 naturalium principia posuêre, Mentem, Spiritum, & Corpus. Quid  
 mentis nomine intellexerint, an cum Platoniciis mundi animam; vel  
 illius portionem; an quid aliud, non est hujus loci diligentius exqui-  
 rere. Id scilicet sunt opinati quiddam intelligentiâ & sapientiâ præ-  
 ditum in rerum procreatione, in plantarum vegetatione, & anima-  
 lium conformatione dominari, quòd rerum ortus, & incrementa pro-  
 moveat, cuncta aptè distinguat, & in certum quæque finem dirigat;  
 de quo quidem jam libro primo, quid mihi videretur, exposui. Spi-  
 ritûs nomine ignem celestem insinuarunt, unde vis omnis, calor,  
 vita, motus in elementa, & mixta quæque corpora dimanat. Corpo-  
 ris denique nomine terram, aquam & aërem designarunt. Hæc cùm  
 subjecti inertis, sterilis, & frigidi locum teneant, ab igneo spiritu ve-  
 getantur, & variè, ut ita dicam, modificantur. Hic enim corpo-  
 reis infusus elementis diversas induit formas, mercurii in aëre, salis  
 in aquâ, sulphuris in terrâ. Quæ tria cùm sint mixtorum natura-  
 lium velut primitivæ, possunt utcumque aliorum corporum, quæ ma-  
 gis sunt composita, haberi principia.

Verùm hoc loco ea potissimùm principia quærimus, quæ sub sen-  
 sus veniunt, quæq; ex analysi corporum, aut certè ex affectibus se pro-  
 dunt, Analysis porrò aut prima, & magis obvia, aut secunda, vel ex-  
 trema dici potest. In primâ analysi mixta corpora, ac plantæ potis-  
 simùm in partes liquidas, vel solidas resolvuntur. Quæ liquidæ ex-  
 eunt, cum inflammari non possunt, vel sunt insipidæ, quæ phlegmatis  
 donantur nomine, vel sapidæ existunt, sive acres, quæ sulphurei spi-  
 ritûs, sive sint acidæ, quæ spiritus mercuriales appellantur.

III.

IV.

Partes inflammabiles vel sunt aquosæ, tùmque ardentes spiritus; vel oleosæ, sive aquæ innatent, sive præ gravitate deprimantur. Hæ quidem balsama vocitantur. Quæ innatant vel sunt subtiliores, & spiritus oleosi dicuntur, vel crassiores, qui commune olei nomen retinent.

Quæ ex analysi occurrunt partes solidiores, vel in aquâ exsolvuntur, cæque sales appellantur, sive ii sint fixi, sive volatiles; vel in aquâ dissolvi non possunt, cæque terræ, aut capitis mortui nomen accipiunt.

V. Hactenus de primâ corporum analysi; sed quæ extrema propè est, & juxta artis præscriptum perficitur, multò est operosior. Itaque in hac analysi, aut liquores, aut sales iterum in partes simpliciores resolvi possunt. Qui flammam non concipiunt liquores, & saporis non sunt expertes, si sint ex eorum genere, quos mercuriales diximus, in phlegma insipidum, & salem tandem abeunt; si sint sulphurei, & acres, in phlegma, terram, & salem ultimò resolvuntur. Non dissimili ratione, qui inflammantur liquores, si sint aquosi, cujusmodi est vini spiritus, in salem & phlegma; si oleosi, & simplices, in phlegma, salem, & terram; si sint admodum crassi, & balsamici, in spiritum acidum, in quo phlegma, & sal occurrunt; in oleum quod, ut diximus, ex phlegmate, sale, & terrâ componitur; in salem denique cum terrâ permixtum resolvi possunt.

VI. Sales denique volatiles in phlegma, oleum, quod ut dictum est, ex phlegmate, terrâ, & sale constatur, in terram denique faciesunt. Qui sunt fixiores, ex phlegmate & terrâ coaluere. Quæ quidem non dubiis conjecturis, sed certis experimentis magnâ ex parte sunt comprobata. Quare in extremâ, & Chymicâ corporum analysi, aqua seu phlegma, terra & sal ultimò remanent, qua nunquam ad simplicitatem elementorum perducuntur. Nunquam enim aqua citra insensibilis terræ particulas, nec terra sine sale occurrit: nec sal terrâ & aquâ omninò destituitur. Ac fortè ab igne invisibili suum saporem mutuatur, ut liquores, aut aquosi, aut oleosi vim omnem suam à sale depromunt. Hic primùm ab igneo spiritu producit, & ultimò destruitur. Sed de sale, uti de aliis Chymicorum principiis ex mente clariss. viri dicturi sumus, cum Chymicorum principia sigillatim exequemur.



## CAPUT SECUNDUM.

## De Mercurio.



Equitur ut Chymicorum principia sigillatim persequamur. Et primum de mercurio, vel spiritu dicemus, de quo quidem non constantissime loquuntur Chymici. Interdum quidquid volatile est, spiritus nomine insigniunt; aliquando mercurium vocant spiritum acidi-  
um, & penetrantem, qualis in aceto plurimus est: non desunt, qui aquam stillatitiam levi corporis mixti tincturam imbutam mercurium appellent. Nobis olim tutissimum videbatur plures authores sequi, & mercurii nomine eos designare spiritus, qui potissimum vigent in plantis, & animalibus, atque in fermentatis liquoribus, ut in vino, cerevisia, omnium primi distillatione separantur: sunt enim ætherei totti, omnino volatiles, & nisi eos crassiora retine-  
rent elementa, brevi in auras evanescerent: ex iis motus ferè omnis, vita, & vires cuique rei insitæ magnâ ex parte oriuntur; in mineralibus si qui sint, qui pauci sunt, crassioribus elementis sepulti, vix sui copiam faciunt. Plantæ ut plurimum frugifera, quæque flores suaveolentes fundunt, spiritibus abundant; sed nusquam uberiores sunt, quàm in sanguine animalium. Nam è succis plantarum, & animalium, quæ nobis sunt alimento, copiosi spiritus, primum unâ cum chylo, deinde cum sanguine sæpius ad cor remeant, ita fermentescunt, ut in vitales, & animales spiritus vitæ, motus, & sensus opifices (si claris in philosophiâ viris fidem habeamus) exaltentur: illi magis sulphurei, & pinguiore sunt; hi sale ditantur volatili.

Alii mercurium confundunt cum sulphure, quòd utrique, & calor, & motus, & volatilitas conveniant: adeò ut spiritus nihil esse videatur, quàm pars sulphuris purior, quæ idcirco statim inflammatur: neque ignis pabulo quicquam nisi oleosum, & sulphureum esse potest. An fortè sal volatiliss, qui in spiritu copiosus invenitur, est aliud à sale fixo principium? Quorsum ergò ætheream illam, & velut quintam sulphuris essentiam longâ fermentatione extenuatam à pinguiori, & aliis elementis, magis implicato sulphure dirimes? Nisi fortè velis spiritus salis, aus terræ vinculis irretitos, neque amplius ad fugam succinctos propriam naturam exuisse. Quis nescit varios esse principiorum status? Aliquando ita sunt fixa, & aliis impedita, ut

I.

Quid mer-  
curii no-  
mine Chy-  
mici desig-  
nent.

II.

ut nullâ vi ignis evolvi queant ; interim magis explicata jam vires suas exerunt ; nonnunquam ita exaltantur , ut fugam capeffant : primum statum fixationis , secundum fusionis , tertium volatilitatis appellant.

Cùm igitur sulphur in crudis fructibus sit fixum , & quodammodo alijs elementis oppreſſum ; in iis verò , qui ad maturitatem intendunt , jam quasi ſuſus odorem ſuum ſpargat , grato colore ſaturetur , & ſapere dulceſcat ; ac tandem ita luxurietur ut in putredine diſcedat , vel poſt fermentationem tumultuetur , & fugam , ac mixti corporis diſſolutionem minetur , ut in muſti efferveſcentiâ contingit. An non idem eſt ſulphur , quod ubi fixum eſt , cruditatis ; cùm ſuſum maturitatis ; cùm demùm eſt volatile , putredinis , aut diſſolutionis effectus promit ? Detrahe ab oleo pingui , & ſulphureo viſcoſam illam fuliginem , quam ignis aduſtione ex terræ volatililis , & ſalis contagio trahit , quæque efficit ut aquæ innatet , jam erit purum , & æthereum totum , idque adeò ſpiritus nomen meritò ſibi vindicabit.

Gliffonius , & alii plerique duo ſpirituum genera diſtinguunt : alii ſunt pinguioreſ , & ſulphurei , quales ex rebus oleoſis , ut ex cinamomo eliciuntur ; alii ſunt ſalini , & aquæ ſpeciem præbentes , quos ex vino , pomis , atque ex alijs plantarum ſuccis poſt longam fermentationem extrahimus ; in illis , inquit , ſulphur , in his ſal volatililis prævalet. Multùm proſecto inter ſalem , & ſpirituum vinoſum , ut inter pinguem ſpirituum , & ſulphur convenit , ſed non continuò , ut putant , ambo ſpiritus à ſale , & ſulphure ſuam ducunt originem. Nam inter diſtillandum uterque ſpiritus primum aſcendit : phlegma ſubſequitur , tum oleum , quod tertio ignis gradu propelli neceſſe eſt : tandem ſal vix igne apertè poteſt in ſpiritus acres atolli. Magno igitur intervallo oleum à ſpiritu , & longè majori ſal ab eodem ſpiritu ſejungitur. Tametſi fatentur nonnihil olei , vel ſalis volatililis unâ cum ſpiritu erumpere. Accedit illud quoque vel maximum , in foſſilibus , atque alijs fixis corporibus , ut in pyrite , communi ſulphure , antimonio multùm ſulphuris , perparùm ſpiritus inelle : nec ſulphur in illis tumultuari , aut exitum ſibi quærere , aut facilè exhalari : eaque corpora levi calore diſtillata , nihil quàm phlegma aut ſpirituum acidum præbent. At ubi ſpiritus copioſi ſunt , otioſi non manent ; fugam meditantur ; lento balnei calore proſiliunt ; adeò ut toto genere ab oleo , & ſale diſſerre videantur. Oleum enim cum ſale , & terrâ ultrò cohæret , non item ſpiritus , qui libentiùs cum aquâ , & ſulphure , quàm cum ſale fixo cœdus init : longâ tamen conſuetudine , & ſal ſpirituum figit , ſi prævalet , ut in foſſilibus evenire

verſimile

III.

In anatome  
hepatis  
c. 39.



verisimile putant, aut spiritus vegetior soles efficit volatiles, ut in animalibus, & potissimum in sanguine, & urinâ cernimus. Jam ut id concedatur, spiritus pingues, & oleosos nihil à sulphure dissidere: illud sanè dari non posse arbitrantur, spiritus acidulos, & mercuriales, qui in fructibus acidis, ut in aurantiis, pomis, & vino sunt uberiores, nihil quàm sulphuris, aut salis velut purissimos flores existere. Pingues spiritus magis nutriunt, & calefaciunt: unde oleo similiores videntur; mercuriales verò summè volatiles cum sint; minimè adhærescunt nutriendis partibus: sed prostratas vires erigunt, & animales spiritus, cum quibus magnâ societate junguntur, mirum in modum corroborant. Hinc caput tentare, ut pingues & oleosi non solent: sunt enim frigidiusculi, tametsi impensè volatiles, & ad motum celeres existunt: cerebrum quippè, & nervi, quibus hi spiritus sunt amiciores, intensiorem non ferunt calorem. Quocirca facilè iis assentires, qui spiritus animales eisdem esse mercuriales volunt; neque caloris vi, sed substantiæ tenuitate sursum ferri arbitrantur. Nihil enim æquè hos animales spiritus juvat, ac succi aciduli ex citris, limonlis, atque aliis ejusmodi fructibus, qui multo mercurio perfunduntur, extracti. Vina acidula minùs inebriant, & calidiora quæ sunt, cum succis acidis temperantur, mentem minùs turbant. Contra evenit cum saccharum, & dulcia quæque vino permiscuntur: nam ut sæpè diximus, spiritus dulces & sulphurei, non item aciduli, & vivido sapore præditi spiritus animales confundunt. At quorsum spiritus supera capessunt, si minùs quàm oleosi servant? Id fortè evenit, quòd spiritus illi mercuriales, & famelici longè sint subtiliores. Fors item est, ut consent duriusculis, & compactis velut spiculis, quæ obvia quæque penetrant, & ad motum sunt promptissima. Hæc igitur subeunt cerebri meatus, atque in nervorum tunicas manant, dum oleosæ, aut pingues, & ramosæ particule, quibus constant sulphurei spiritus, molli cerebri substantiâ retinentur. Quemadmodum oleum solet ab aquâ, aut spirituoso liquore per lanæ trajectorynem separari: aqua enim percolatur, illud viscosum, & pingue lanam non permeat. Ita quidem non absurdè conjectatur Velthufius. Neque aliter spiritus in cerebro animalis, atque in alembico vinosi spiritus efformantur, ut præter cæteros perpulchrè D. VVillis demonstrat. Nam quòd in alembico capitellum, hoc idem calvariæ os menyngibus succinctum in homine videtur efficere. Atque ut spiritus in ipsum usque capitelli centrum propulsi, & ibi coerciti radiatim profluunt: (non enim, ut aqueus vapor instar roris undique suffusi, statim concresecunt, sed subtiliores cum sint, usque ad fasti-

gium alembici enituntur, ibique collecti repelluntur, & tanquam rivi ab eodem fonte ducti hòc faciliùs descendunt, quò frigidius of-  
fendunt capitellum: sic animales spiritus unà cum sanguine per ar-  
terias sublati, in supremâ corporis parte, sistuntur. Atque ut spon-  
giam, vel quiddam aliud simile intra alembicum solent apponere, quò  
partes crassiores transitu arceantur, subtiliores solâ pervadant: ita  
cerebrum huic muneri natura præfecit, quòd molliori substantiâ so-  
los transmittit spiritus, eosque per nervorum tubulos, quasi per to-  
tidem rostra demittit. Nam cæcos nervorum meatus faciliè perme-  
ant, ut spiritus vini fidium, aut corii fibras pervadit: cum alii hu-  
mores non nisi per apertiores tubos distillantur. Longi autem, & si-  
nuosi arteriarum à corde usque ad cerebri conclave ductus, cum ce-  
rebri innato frigore conjuncti, permultùm conferunt ad spirituum  
animalium procreationem: nam si rectâ pergerent, vix ab aliis hu-  
moribus secerni possent. Nunquam enim spiritus solitarii erumpunt,  
sed aquæ aut sulphuris laxiores partes secum efferunt.

IV.  
*Satisfit  
Objeit.*

Quæ contra sunt allata, faciliè dissolvi posse arbitrantur. Quod  
nempe eadem sint & sulphuris, & spiritûs affectiones, iisque calor  
motûs eeleritas, & præceps volatilitas juxta convenient: ambo æquè  
igni sint pabulo, adeò ut spiritus nihil sit quàm olei pars subtilior.  
Id enim concedunt, magnam inter spiritum oleosum, ac sulphur  
esse cognationem. Ultrisque id commune est, quòd sui corporis rui-  
nam moliantur: cumque sibi vi, & impetu exitum paravère, alia  
quoque corpora dissolvunt, & laxatâ mixtorum compage congene-  
res sibi spiritus, aut sulphureas atomos ad defectionem impellunt:  
nisi fortè crassiora prævaleant elementa: tum enim hæc fugitivos re-  
trahunt spiritus, qui rursùs calore solis, vel aliorum copiis aucti ex  
his velut carceribus nituntur erumpere, sed terræ & salis auctoribus  
laqueis detinentur.

Fatentur etiam sulphurea, & resinosa quæque ex vegetabilibus  
parata, ob naturæ similitudinem, & partium tenuitatem, faciliè à  
spiritibus oleosis exsolvi: tametsi mineralia vix spiritus vini delibat;  
nec sales fixos, aut quæ his abundant corpora, ut margaritas, &  
coralia, nisi aceto priùs soluta, & longâ digestionem cum eo circula-  
ta attingit, quæque ab aquâ solvuntur ferè illæsa dimittit. Qui ve-  
rò uberiore sale volatili acuuntur spiritus, quales ex sanguine, su-  
ligine, & cornu cervi educuntur, ii mineralia quædam, & alia,  
quibus sal copiosior inest, fortius adoriuntur. Ista sanè omninò  
persuadent, vix spiritus ob omni vel sulphure, vel sale, vel aquâ so-  
lutos extillari, iisque cum sulphure magnam esse necessitudinem,  
cùm

cum oleosi sunt, & inflammabiles : ut faciliè cum sale conlocantur, dum sale prægnant volatili. Subtilitate verò, & similitudine substantiæ vegetabilia, in quibus principia sunt laxiora, & minùs fixa subeunt, & unà cum iis in pelicano (quod genus est vasis alembico non dissimilis, nisi quod rostra habet in ventrem reflexa;) aut in aliis vasis omninò ocllusis contenti, vel cinerum, vel fimi equini calore adjuti, mobilitate suâ, eliciunt tenuiores, & puriores partes corporum, quas tincturas vocant, & sibi cognatis elementis onerantur. Ex iis sanè magna paratur remediorum copia : cumque spiritus prædâ suâ onustus, & cucurbitæ infusus leni calore exhalatur, vel ne pereat, distillatur, quod in fundo remanet, crassioris substantiæ, extractum appellant, in quo totius mixti vires colliguntur, idque in parvâ mole plurimùm potest.

Quòd verò oleosi spiritus sint ignis alimento, id nequaquam, ut ipsis videtur, efficit quòd intendunt, nempe spiritus ab oleo, vel sulphure non differre : cum ignis spicula, aut subtilis Cartesii substantia, & spiritus, & sulphuris, inò aliquando salis & aliorum elementorum atomos eodem motu volvere, & agitare possint : nec necesse est, quidquid in alimentum ignis cedit, eodem genere contineri : cum ne ignis quidem unâ specie contineatur : uti nec forte cætera elementa : sed illa mittamus.

Qui spiritum nihil esse præter sulphur volatile putant, triplicem V.  
sulphuris statum, fixationis, fusionis, & volatilitatis pulchrè distin-  
guunt, neque huic tam commodæ divisioni alii repugnant : sed eas Triplex  
dem differentias in spiritu, ut in sulphure, & sale constituunt. Tùm spirituum  
fixi dicuntur, cum aliis elementis ita implicantur, ut ab iis nullâ arte  
separari queant : in fossilibus quasi incarcerationati, & reclusi manent : in  
fructibus itidem immaturis sub aliorum elementorum jugo velut de-  
pressi, diuturno tantùm calore se se explicant. Cum fructus mitescere,  
& maturari incipiunt, jam crassa elementa, quorum pondere antè erant  
oppressi, spiritus subigunt, & agitatione indefessâ digerunt, extenuant,  
ac subtiliora tandem efficiunt : tumque itidem spiritus æquabiliter fusi,  
& ferè ab aliorum elementorum tyrannide soluti, medium fusionis,  
aut fluoris statum adepti sunt. Sed nequeunt in eo statu diu permanere :  
nam exaltati, & ingenitæ mobilitatis memores, ni retineantur, statim evolvant :  
ut videre est in vino fermentatione peractâ, & in fructibus dum putrescere incipiunt : idem contingit in sanguine,  
qui nimium fermentescens, aut corrumpitur, aut instar vini vappescit.  
Quid enim aliud in vino, pomaceo, cerevisiâ, pane, & edulis ferè omnibus,  
illam efficit fermentationem, ex quâ jucundus sapor, & facilis coctio oritur,  
nisi spiritus evedi, qui cum

fugam parent, aliis elementis coercentur, tumque indignati excandescunt: pars avolat, pars oclusis vasis retenta cum sale, & aliis principiis luctatur. Cumque ii spiritus latius se se explicant, tum majus affectant spatium: mox depressi, quasi sub crassiorum elementorum jugum mittuntur, atque humor statim detumescit, donec spiritus una cum sulphure & sale iterum evehi, novam effervescentiam creent, quæ cum nimia est, vinum, aut pomaceum, aut sanguis, aut alius liquor corrumpitur. Sed de fermentatione jam alias diximus, & suo loco plura dicentur: nunc de sulphure agendum. Non enim possumus propositæ quæstioni de spiritu & sulphuris discrimine satisfacere, nisi quæ ad naturam sulphuris pertinent, fuerint ante explicata.

### CAPUT TERTIUM.

#### De sulphure.



I.  
Notio &  
natura  
sulphuris.

Quid sulphuris nomine intelligant Chymici, jam identidem monuimus: id scilicet omne, quod cum pigre sit, & viscosum inflammari potest, aut ignem alere, sulphuris, vel olei nomine designatur. Partibus constat crassioribus quàm spiritus; tenacius quoque sali, & terræ adhærescit, & longè majorem quàm spiritus cum sale habet affinitatem. Est enim utriusque tum salis, tum spiritus commune vinculum: minùs illi cum aquâ convenit: nec potest cum eâ permisceri, nisi salis interventu: neque enim oleum in aquâ faciliè dissolvi potest, nisi aut sale, aut saccharo imbuatur. Ramosas esse olei, vel sulphuris particulas non ægrè Cartesio assentimur; pertinaciter aliis elementis implicatur; neque sursum in alembico, ut spiritus, & aqua, sed vehementiori igne per retortam, inclinatâ quidem, non rectâ distillatione extrahitur. Pars quidem sulphuris subtilior una cum spiritu persæpè exhalat, & suavi odore se prodit; altera cum sale remanet, quæ nisi majori flammâ urgeatur, ab arctioris salis complexu divelli non potest. Utrumque olei genus è succino distillari alias diximus: illud pellucet, hoc adustum, & nigricans foetet: utrumque ex omnibus penè plantis duplex illud oleum elici, ex analysi plantarum, quæ facta est in Academiâ faciliè colligitur. E communi sulphure, camphorâ, & aliis ejusmodi vix oleum purum distillatione educes: sed in flores quidem aliquantò puriores, non

non resolutos tamen in sua principia efferuntur. E sulphure etiam communi sub campanâ accenso spiritus quidam acidus, qui forte à vitrioli spiritu non differt, attollitur, & vasis lateribus adhæret: quod reliquum est deflagrat. Cum enim partes sulphureæ ita sint copiosæ, ut terræ & salis intervntu nec constringi possint, nec à se mutuò divelli queant, accensæ statim evolvant, atque in flammam abeunt cœruleam: compages enim facillè solvitur: neque alia elementa, quæ nec mole, nec viribus valent, ullas obijciunt moras. Itaque sulphuris oleum purum vix distillatione eruitur, quia ferè solum est: dissolvitur tamen à terebynthinæ spiritu, qui partium subtilitate, & naturæ quâdam familiaritate sulphuris tincturam excipit, dum interim sal in crystallos concrevit. Jam enim diximus sulphurea quæque à spiritibus, vel distillatis oleis facillè dissolvi: sic vini spiritus scobem guajaci, aut alterius ligni ponderosi ita solvit, ut scobs ferè omni oleo exuatur, & frustra aliud oleum distillatione per retortam tentes prolicere. Quod sanè magno est argumento, id sulphuris, vel olei, non ignis vi è scobe, vel aliis corporibus educi, sed in iis actu existere. Quæ corpora sulphure, tanquam vinculo mixtionis colligantur, eadem à spiritibus vel oleis distillatis exsolvantur: adeò ut spiritus, vel oleum terebynthinæ ne mineralibus quidem sulphureis, ut antimonio, lapidi pyriti, & sulphuri parcat: eorum enim tincturis oleosis imbuatur, relictis salinis partibus, quæ ab aquis stygiis dissolvi solent. Cum tamen illa menstrua oleosa, vel spirituosæ partes dumtaxat tenuiores eliciant, quæ omnes occupant meatus; cumque laxiora sint, tum solventia, tum soluta, prædam suam dimittunt, & loco cedunt, ubi aqua quævis, vel stillatitia, vel communis affunditur: hæc enim tincturam poris menstrui solventis contentam deturbat, & præcipitem agit.

Cæterum id, quod omni ferè corpori inest sulphur, primum aliis elementis oppressum jacet: seu multâ diluatur aquâ, ut in ligno viridi; seu terrâ, & sale obruatur, ut in fructibus immaturis, atque in iis ferè feminibus, quæ primum sunt insipida, & postea dulcescunt: tumque fixum, & iners omninò delitescit: sed cum paulatim evolvitur, & superfluum aquæ humorem consumit, maturitatem unâ cum spiritu promovet; calorem auget; cruditates digerit, ut in ovis, carnibus, pane cocto, & aliis eduliis cernimus: tum ad medium fusionis statum pervenit: talis in juventute; atque in bonâ corporum constitutione, in maturis fructibus status sulphuris emicat. Verùm ubi partes sulphureæ ita vigent, ut à reliquis solutæ, & quasi in libertatem assertæ fugam meditentur, tum volatiles factæ turgescent,

& magnas in corporibus, ut in vino, & sanguine effervescentias excitant, quæ non sedantur; donec effrænes sulphuris particulae discesserint. Quod si unà cum spiritu, vel aquâ sensim exhalantur, tum res citra putredinem marcescit: sed ubi magna spirituum parte diffusâ, sulphur sale aculeatum erumpit, tum ingens fœtor, & putredo consequitur: at si cum impetu sulphur erumpit, sæpè procreat incendium.

- III. Ista quidem cum scriberem de spiritûs, & sulphuris naturâ, & discrimine; ea esse, & prima, & distincta miscibilium principia verisimilius judicabam. Sed quæ superius de extremâ corporum analysi ex clarissimo viro attuli, me in diversum trahunt, & quidem memini, mihi olim ab eo ostensum fuisse spiritum vini purissimum, in aquam penè insipidam magnâ ex parte resolutum: adeo ut mihi vix dubitare liceat, spiritus ardentes ex phlegmate, & sale consilari. Quin etiam cum in Academiâ Regiâ viderimus 10. uncias crassi & fœtidi olei, ex variis plantis extracti, per crebras distillationes sic rectificati, ut communis aquæ portio æqua semper adderetur: post 24. rectificationes aqua multo sale volatili imprægnata fuit exstillata. Nam & mercurii sublimati solutionem semper præcipitavit: magna quoque terræ nigræ, & insipidæ portioeducta est: adeo ut duæ tantum uncie, aut circiter olei magis diluti superfuerint, quod rectificatum potuit in phlegma, salem, & terram adhuc resolveri.

- IV. Quæ cum ita sint, vix dubitare possumus, quin oleum, aut sulphur principium sit dumtaxat secundarium, ex aliis utique compositum: & quidem Helmontii sententia satis est verisimilis, rei cuiusq; speciem, vel crasim in eâ potissimum parte, quæ oleosa est, & inflammabilis, dominari. Quod pluribus demonstrare conatur D. Coxé, in Actis Philos. clariss. viri D. Oldembourg. Primum enim sales volatiles, in quibus præcipuè mixtorum vires sæpè insunt, oleo suo, aut sulphure exuti, penè sunt uniusmodi in variis corporibus, & ad elementi simplicitatem ferè revocantur. Sal volatilis oleum suum exiit, cum in vase oblongo sæpius, & leni calore sublimatur: tum enim oleum, vel in imo vasis subsidit, vel lateribus adhærescit: quo quidem sales destituti, vix ullo inter se discrimine seungi, idem autor perpendit. Qui & aliam quoque viam, quâ sales volatiles à proprio sulphure eximantur, & ad communem redigantur naturam, proponit. Spiritum salis aptè rectificatum sali volatili tamdiu affundit, donec nulla fiat amplius ebullitio, aut calor omnis desinat; tumq; abstracto phlegmate, cum quo non nihil salis minùs arde conjuncti etiam avolat: quod remanet, in optimum salem Armoniacum sublimatur: qui  
in



in pulverem comminuitur, & forti lixivio, ex optimo Alkali parato, affunditur: tum sal Alkali cum acido arctam inicit societatem, & leni calore sal volatilis, ab omni oleo solutus in subline agitur. Sed aer, ut diximus, omne salium volatilium genus, omni sulphure expeditum, continet, qui faciliè cujusque mixti naturam induit.

Quare, ut huic Doctori videtur, plantæ cujusque vis, & quasi Epitome in ipso oleo, aut sulphure posita est, nec ferè sulphur à spiritu dissidet, nisi quòd longâ fermentatione partes olei sunt comminutæ, ac fortè minutioribus ramulis instructæ minùs adhærent corporibus, & faciliùs evolant. Rem ita esse, hinc licet colligere, quòd ex plantis ante fermentationem multùm olei, nihil, aut perparum spiritus; post fermentationem parùm olei, multùm spiritus eliciatur; quod post longas digestiones, & iteratas distillationes, oleosus liquor sæpè abeat in vinosum spiritum, qui ferè in omnibus est homogeneus, & uniusmodi.

Ex his confectum videtur sulphur, & spiritum ardentem solâ partium texturâ, non essentiâ, aut specie inter se dissidere. Ac faciliè viro clariss. D. du Clos assentiar, utriusque vim, ac totius mixti virtutem in sale volatili, & sulphureo potissimùm collocari. Hunc si ab oleo detraxeris, nihil præter terram & aquam supererit. Hæc enim interpositu salis sulphurei arctissimè inter se devinciuntur. Sal volatilis est ignei spiritus domicilium, omnis adeò virtutis & actionis principium: hujus vim terra; & aqua temperant. Nam in aquis liquoribus atque in oleosis, aqua simul & terra vim igneam salis sulphurei, & ignei plurimùm infringunt. Sed in sale volatili ritè expurgato, nec aqua exundat, nec terra dominatur; in hoc sale cujusque mixti naturalis essentia, & vis omnis potissimùm viget. Quin & alexiteria hinc potissimùm depromuntur; in plantarum seminibus, in sanguine animalium abundat maxime, ac principium vitæ in sale volatili sanguinis videtur constitutum. Igneus spiritus hos sales procreat, ex iis olea formantur, quæ in ignem tandem resolvuntur. Ignis quidem in omni salium genere dominatur, nec tamen sales inflammantur, quòd in iis ignis, ut loquuntur Chymici, concentretur. Quò igitur res inflammari possit, necesse est ut partes fiant subtiliores, ut in spiritu vini; aut certè ut ignis antè crassiorum elementorum, velut compedibus illigatus, & quasi captivus liberetur, atque, ut loqui solent, extrovertatur, ut in oleo, & sulphure: salem in spiritu vini ardente dominari, ex illius acrimoniâ faciliè colligimus. Olea quoq; sale volatili abundare ex eorù analysi jam ostendimus, spiritum igneum quasi extroverti cū terrestri materia fit subtilior, ex multis planè sit experimentis.

Anti-

Antimonium in tenuissimum pulverem comminutum ignem faciliè concipit, ubi speculum ustorum adhibueris. Cum funditur plumbum, si pelliculas, quæ subinde solent concreescere cochleari detrahas, hæc folia citò inflammantur, cum plumbi massa flammam non concipiat. Sic ferri limatura ad candelæ flammam faciliè accenditur. Quare ignis cum aliquo elemento conjunctus si dominetur, ut plurimum spiritus nominatur, ubi cum aëre consociatur & prævalet, mercurialis dicitur; cum terrâ oleosus aut sulphureus; cum aquâ conjunctus salis nomen obtinet: in sale quidem regnat, sed cum minùs liber sit, aut solutus, non continuò salem efficit inflammabilem. At vereor ne ista ad salis tractationem pertineant.

## CAPUT QUARTUM.

## De Sale.

I.  
Salem esse  
actu in cor-  
poribus.

In lib. de  
met. & fos-  
silibus.

Lib. de  
fossil. c. 8.

**S**uperest ut de sale quàm brevissimè dicam; neque enim hoc in loco mihi diu laborandum est, ut ostendam salem in mixtis corporibus non potestate modò, sed etiam actu contineri, atque ex eo omnem ferè generationem, compactionem, & pondus corporum, imò & sapores magnâ ex parte duci: cum hæc aliis in libris manifesta fecerim. Primum igitur illud tanquam certissimum, & multis argumentis firmatum statuunt Chymici, salem non esse terram adustam cum aquâ arctissimè colligatam, ut plerique Philosophi definiunt: sed eum ut terram, & aquam actu in mixto contineri, atque in principiorum censu esse reponendum. Falsum enim putant, quod identidem oggerunt Philosophi, non corruptione naturali, sed violentâ calcinatione nimirum, & incineratione corporum salem prodire: cum è fimo columbino, terris nitrosis, stabulorum pavimenti, antiquis ruderibus sal nitrosus solius aquæ affusione eliciatur. Plerique artifices tertiam ferè partem cinerum è lignis exsiccatis, & ponderosis addunt, & eo quidem modò procedunt, quo alibi diximus: nitro jam præparato, & in crystallos concreto, sal condiendis cibis optimus in fundo remanet; qui sane actu erat in corporibus? Quâ ratione id principium non erit, quod in fossilibus, lignis, animalium denique excrementis occurrit? Unde illa falsedo, quæ in urinis, & sudoribus se ostendit, nisi ex sale, qui alimentis inerat, & calore vitali solutus, ut quiddam inutile expellitur? Quòd si abundet,

det, aut commodè excerni nequeat, is scabiem, tumores, ulcera, morbum articulare, fortè & calculum procreabit. Nec dissimile quiddam cernimus in vino fermentato: ille enim tartarus qui latera dolii incrustat, copiosum continet salem, qui spirituum vi, & motu, non adustione feceruntur. Plantarum cineres suo semel exutos per lixivium sale quantum voles calcina, adure, ut novum salem extrahas, nequicquam sudabis. Quid demùm absurdius, quàm terram cum sale confundere? Hic aquâ exsolvitur, cum eâ percolatur, & filtro trajicitur; nihil horum terræ convenit, sed in fundo vasis hæc omnis virtutis expers, nulli ferè usui destinata subsidit. Quòd si, ut aiunt, sal adustione solâ producit, cur in plantâ viridi & crescente copiosior est, quàm in siccâ, vel effrictâ? Cur uberior in plantis, quàm in animalibus, cum in his plus insit caloris.

Quâ verò arte sal è cineribus, vel calcinatis corporibus elicatus, nihil necesse est dicere, cum res sit multò notissima. Plantam calidiorem, ut absinthium redigunt in cineres, qui per aliquot horas in aquâ fervidâ qigeruntur; hæc sale foeta, panni lacinia, seu filtro è vase pendulo in aliud vas subjectum guttatim decidit: vel cineres aquâ perfusi per linteum triplex, aut chartam bibulam percolantur, idque bis, aut ter iteratur. Aquâ leni calore exhalatâ, sal in imo remanet, qui in aquâ rursùm exsolutus purior evadit. Sic tartarum alternis ordinibus, quod stratum super stratum vocant, unâ cum carbonibus dispositum, & accensum tum demùm extrahunt, cum albus evaserit. Vel Chartâ includitur, quæ postea madefit; sic in ignem conjicitur, ut undique vivis carbonibus tegatur. Sicque per horam & amplius relinquitur. Hunc vasi vitreo, aut fideli inclinato impositum in cellâ collocant, quò aëre subeunte paulatim exsolvatur, atque in vas subjectum stillet: hic liquor salsus, quem oleum tartari per deliquium soluti appellant, ad magnos usus adhibetur. Notum est quomodò sodam ex herbâ alcali in cineres redactâ conficiant. Mitto de aliis vegetabilium salibus dicere, quorum omnium eadem est ratio. Quòd si ad mineralia descendamus, quanta ibi salium varietas occurrit? Ac de iis ferè omnibus jam in libro de fossilibus fusiùs à nobis tractatum est, nec libet ea regerere. Id plane constat nec salem communem, nec salem petræ, neque alumen, neque vitriolum adustione, aut calcinatione procreari. Atque ut calore, & siccitate concreverint, non solo frigore, sed etiam igne intensiore liquefcunt.

II.

Quâ arte  
sal, è cineribus  
eliciatur.

III.

De sale  
metallorum, ubi  
de vitriolo,

Ex his salibus metalla coaluere, in eos demùm resolvuntur: nam id satis est probabile in vitriolo metalla, ut in metallis vitriolum

D d d d

Traditum  
de ratione  
arist.

delitescere. Hinc Raimundus Lullius docet atramentum croceum vim ferri continere; idem quoque in livescente vitriolo metallum regnat; ut æs in viridi; argentum in cæruleo; aurum in luteo, vel cæruleo aureis punctis, aut lineis micante. Ac metalla in aquis stygiis exsoluta iisdem ferè se produnt coloribus. Neque id mirum nobis videri debet, cum una sit, persæpe & communis atramentorum, metallorum, sulphuris, & hydrargyri matrix, nempe lapis ille, quem Græci pyritem, Arabes marchasitam vocant. Lapides acervatim ita disponunt, ut subeunti aëri permittatur aditus, quemadmodum in calcario lapide excoquendo observare solent: subiecto igne suâ sponte incenduntur: nam in iis sulphur copiosum est, quod ingrato odore, & flammâ se profert. Sæpè per aliquot menses durat incendium: quidquid erat in iis lapidibus metalli crudi, & immaturi unâ cum sulphure evolat: qui graviores sunt, & scintillas metallorum ostendunt, ii funduntur in fornacibus, aut furnis, quò metalla, quæ in his lapidibus, ut vitrum in arenâ, aut silicibus, dispersa erant, fusione separantur. Reliqui lapides qui carent metallis, quique minùs ponderant, & nullas ferè scintillas ostendunt, in aquâ piscinam conjecti, & sæpiùs agitati suo atramento aquam imbuunt. Cum facies subsistunt, & aqua limpidior facta est, tum eam in vasa plumbea reclusis ductibus derivant. Plumbea vasa præ aliis eligunt, quòd ea vitriolum non exadat: in his aqua excoquitur. Quòd si vitrioli vires augere velint, nonnihil æris inter coquendum adiciunt: id enim illustrius, & acrius atramentum efficit. Contrà evenit, cum ferriamenta immittuntur: hæc quippè infringunt vitrioli vires: id adeò certis usibus, ut sericeis pannis inficiendis aptius efficitur. Aquam decoctam in vasa lignea trajiciunt, in quibus brevi concrescit vitriolum. Jam aliàs innumus ferri laminas ab aquâ, atramentosâ, & servidâ exedi, atque in æs purum converti; dummodò ære factum sit atramentum. Mitto referre quâ arte, ex aquâ vitrioli excoctâ, & percolatâ, aceti, vel calcis vivæ, vel olei tartari infusione, sulphur præcipitetur: id mihi in præsentia demonstrâsse satis fuit, vitriolum esse metallicum salem, atque è lapidibus, & metallis, cum actu inesset, educi; in aquâ exsolvi; nec solo calore, sed etiam frigore, quemadmodum nitrum, alumen, & alios ferè sales, in crystalli modum concrescere. Cum enim aqua exhalatione imminuta est, salium atomi priùs à se invicem divisæ paulatim sibi admoventur, atque aliæ alias complectuntur.

## IV.

Qua causa  
utrisque

Sed illud acriori contemplatione dignum puto, quæ vis, quæ causa efficiat, ut sal communis in cubos; vitriolum in stixias; alumen in

in octohedricas figuras ; nitrum in pyramidales ; sal ammoniacus in hexagonas efformentur. An fortè ad spiritum universi , vel rationes seminarias confugiemus ? Constantes enim illas figuras designatione quâdam divinâ impressas esse omninò fatendum videtur. An cujusque salis atomi has nactæ sunt formas ? An verò in his salibus vigent spiritus , quos in rerum efformatione potissimùm dominari ex plantarum , & animalium generatione faciliè colligitur. Quocircà clariss. VVillis spiritus illos architectos eleganter comparat cum pede mobili circini , aut stylo , quo manus artificis varias lineas protrahit : horum quidem excursus sal tanquam regula , juxta fines à naturâ præstitutos , dirigit , & moderatur. Major in viventibus varietas figurarum occurrit : quòd in his regnent spiritus , qui aut vasis , aut aliis elementis coërciti evolare nequeunt : sed tamen variè excurrunt , & omnis generis lineas ducunt. Hinc etiam sales volatiles , qui ex urinis , sanguine , cornibus animalium eliciuntur , mille induunt formas : quemadmodum ferè vapores congelati , qui hybernò tempore fenestrarum vitris adhærent , formas plantarum , & silvarum quandoque reddunt imagines. Sic mercurius cum calce argenti amalgame , ut vocant Arabes , confusus , argenteam arborem exprimit. At verò cum sal copiosior est , & spiritui dominatur , ut in fossilibus contingit , tum figuræ simpliciores , & mathematicis similiore delincantur : hinc sal marinus ægrè in cubos concrefcit ; alumen uberiori turget spiritu ; unde magis elaboratam sortitur figuram ; nitrum omnium maximè spirituosum in figurâ pyramidalem 4. triangulis pulchrè distinctâ assurgit.

Ex iis sanè id quod aliàs fusè diximus , utcumque videtur confirmatum , saltem esse potissimùm in corporibus compactionis , & soliditatis principium. Is enim sulphur , aquam & spiritum retinet , ne avolent : ubi copiosior est , ut in fossilibus , ibi & firmitatem , & pondus affert. Salis corpuscula interdum cum terræ atomis , vel diuturno , & lento calore , vel summis ignis ardoribus ita coherant , ut divelli amplius vix possint ; ut in vitri fusione , laterum coctione , neque non in lapidum & metallorum procreatione usu venit. Quanquam in his sulphur , & mercurius dutilitatem efficiunt. Interim minutæ salis particulæ inter se arctius uniuntur , & perparum terræ intercipiunt ; ut in ossibus , cornibus animalium , seminibus , & ovorum putaminibus , conchylis , atque aliis propè infinitis , quæ suam firmitatem à sale repetunt. Hinc sales cum aliis rebus vel fluxilibus sublimati , eas efficiunt compactiores , ut sal communis , nitrum , vitriolum cum hydrargyro in vase , cujus pars superior occluditur ,

*sal certam figuram addicit.*

V.

*Salem esse compactionis causam.*

sublimata, instar nivis concresecunt. Iidem sales cum antimonio sublimati in glaciæ modum efferuntur: ubique sanè firmitatum & soliditatem moluntur. Cum enim aquæ fortes, quæ nihil sunt, quàm sales fluidi, metalla dissolvunt, non tam ipsa metalla destruere, quàm cum iis arctiori quodam vinculo conjungi affectant.

VI. *Triplex salis status.* Verùm hæc sient illustriora, cum varios salis status, fixi nimirum, fusi, & volatilis perspectos habuerimus: fixus est in tartaro; fusus in aceto, vel spiritu vitrioli; volatilis in sanguine, atque in iis ferè omnibus, quæ spiritu, aut puro sulphure abundant. Duos tamen fixationis, ut fusionis gradus licet distinguere. Interdum enim sal ita cum terrâ, vel sulphure constringitur, ut nullo penè modò separari queat, ut in vitro, in lapidibus quoque & metallis videre est. Aliquando sapore acerrimo se prodit: sed omni aquâ, & spiritu destitutus, nullâ ferè ignis vi atolli potest, ut sales vegetabilium, si quis sint fixi: in utroque statu sal ab omni motu cessat. Quòd si ejus particule spiritu, aquâ, & oleo dilutæ jam diffundi, & moveri incipiunt, ut in primis viventium exordiis contingit, tum primum fusionis gradum nascæ videntur, qui sensim crescit, donec aliquando ista corpuscula spiritu, & sulphure magnâ ex parte exhaustis, summâ rerum potitâ simul uniantur, atque aciditatem quandam toti mixto concilient. Cum autem spirituum agitatione exaltata cum iis efferuntur, tum supremum volatilitatis statum adepta, & ad motum accineta, vires corporum mirificè acuunt.

*De tartaro.* Inter sales fixos, qui ex facibus vini, aut tartaro elicitur, per magni est usus: nam in omni ferè metallorum præcipitatione adhibetur: ejus autem præcipitationis talis est ratio. Metallum in aquâ forti dissolvitur: id verò cum ejusmodi sale fluido, seu aquâ solvente quandam affinitatem habet. Sal itidem tartari, atque omnes omnino sales fixi cum fluidis salibus ultrò consociantur, & simul uniti in crystallos, ut plurimum concresecunt. Itaque sal tartari, guttatim instillatus in aquas fortes, ebullitionem creat, quòd diversorum salium corpuscula mutuo attritu arctiora inter se incant conjugia. Granula verò metalli, quæ ab aquæ fortes atomis comprehensa fluitabant, & ipso motu partium insensibilium suspensa, novi hospitis adventu expulsa, ad ima devolvuntur: vel quia meatus, quos implebant illa metalli corpuscula, salis fixi accessione arctantur; vel quod verisimilius est, ipsa soluti metalli grana cum novo sale conjuncta aucto pondere descendunt. Nam hæc longè graviora in fundo vasis deprehenduntur, quàm antè fuerunt: adeò ut sal fixus tartari, & fluidus solventis aquæ, unâ cum metalli calce pertinaciter coherant,



ant, & vix tandem eluantur. Quæ sulphure abundant, à sale tartari, & aliis fixis solvi possunt. Sic liquor tartari tincturam sulphuris extrahit, quam spiritus vitrioli, aut alii acetosi, & fluidi præcipitant. His quoque salibus fixis aqua communis vel stillatitia multum acuitur, quò vegetabilium tincturas eliciat, aut metalla superficie tenus corrodat: sed quæ copioso alcali, seu fixo sale adstringuntur, ut corallia, ab his aquis, vel tartari sale aculeatis manent illæsa; quòd in utrisque homogenei sales regnent, qui in se mutuas vires non exerunt, nec meatus offendunt sibi accommodatos, quò partes ipsas divellant, in quo ratio dissolutionis posita est.

Quocirca sal fixus cum terrâ, sulphure, & aquâ ultrò cohæret, quæque sunt volatilia figit, ac retinet: hinc rebus stabilitatem, firmitatem, & durationem impertit: incendia cohibet: nam sulphureas partes stringit arctioribus laqueis ne avolent; spiritus ipsos figit: hinc sanguis salisior factus, pauciores spiritus gignit: hinc etiam sal carnes à putredine tuetur, dum implexu suo partes sulphureas à fugâ retrahit, & humorem aqueum sistit; partes dissipatas connectit, & velut rimas explet.

Cùm sal aut spiritu, aut sulphure copioso dilutus, jam diffunditur per singulas corporis particulas, tum fixum illum, & otiosum statum deserit, ac spiritus mobilitati quodammodo obsequitur: ipsum adeo spiritum, qui se se in majus spatium explicare nititur, quantum potest inhibet, atque ex illâ velut pugnâ, non modò fermentatio quædam fit in sanguine, & aliis liquoribus; sed etiam rerum generationes, & incrementa promoventur. Hinc sal fusus fecunditatem rebus omnibus tribuit, isque potissimum viget in nitro, quod instar lanuginis, vel lapidibus, vel terræ insidet: nullum quippè salis genus est nitro feracius, adeò ut in eo vim feminalem cujusque corporis delitescere, non spagyrici modò, sed gravissimi quoque Philosophi arbitrentur. Hoc pingui sulphure abundat, quod cum sale non fixo, sed jam fuso, atque ad motum accinso ita cohæret, ut non solo ignis calore, sed rei alicujus sulphureæ conflagratione, ut carbonum, antimonii, tartari ipsius, quod sulphure non caret, injectu, sal qui nitro inest solvatur, & sulphur inclusum referatis claustris cum impetu, & detonatione quâdam erumpat. Probabilius tamen mihi videtur, nitrum ex aëre intra salem sulphureum inclusum emergere. Quod cum ex variis observationibus, tum ex illo, quod supra attulimus in machinâ pneumaticâ, facto experimento confirmari potest. Quamdiu nitrum solum est, catillo impositum liquefcit quidem, sed non concipit flammam: nam caloris corpuscula non ita

*De fusione  
salis: ubi  
de nitro.*

hunc solvunt salem, ut sulphur possit erumpere : sed alicujus rei sulphureæ incendio laxantur salis repagula, & sulphureæ partes tam arctis carceribus conclusæ, in amplius spatium dilatantur. Nitrum itaque & sale constat jam exaltato, & sulphure captivo quidem, sed ad eruptionem parato : nam potissimum id ex animalium sulphureis excrementis nascitur; & ipsa deflagratio, quæ in pulvere pyrio, vel in calcinatione antimonii tantâ vi efficitur; ut flammeus color, quo spiritus, aut fumus nitri inter distillandum rutilat, hoc salis genus sulphureum esse planissimè demonstrant. Hinc illa, ut jam dicere coeperam, nitri fecunditas. Quis enim ignorat in fœmis, urinis, sanguine, cornibus, pluvius, coriis animalium nitrosum salem esse uberissimum, qui terras fertilitate impertit. Hinc agrorum sterco ratio, stipularum, imò & in pluribus locis genistarum combustio, ut ex sale nitroso & pingui terræ fecunditas accedat. Quòd si terram hoc nitro per lixivium, seu affusionem aquæ calidæ spoliaveris, nihil procreabit, donec pluvîa & rore perfusa, post longa temporis intervalla, hoc sale vitali imbuatur. Unde, quæso te, terra velut effœta, & sterilis evadit? An quòd prolifico sale, quem nutriendis frugibus suppeditat, tandem exurit; ac nisi valdè nitrofa, & pinguis est, cessare debet, quò novum faciat nitri proventum. Taceo id quod aliàs inuimus, terras mari propiores, easdem ut plurimum esse feraciores: hinc maris incredibilis fecunditas, quòd sal velut custos sit spiritus vitalis, & prolifici: hinc rustici nostrates pinguem, & salsam è mari advehunt arenam; quâ agri in multos annos fecundantur.

Nitrum porro (quod aliis quoque salibus convenit) eò distillatur, tum fluidum, acidum, & corrosivum admodum efficitur; adeò ut omnia ferè metalla exsolvat. Quæ sit hujus dissolutionis causa jam sapius diximus. Sal in fluorem, seu liquorem valdè penetrantem intenso calore convertitur: hujus specula velut gladioli secantia, acuta, ac jugi motu agitata, id potissimum corporum genus adoriuntur, in quo sal viget, ut ignis sulphurea quæque aggreditur. Itaque sal fluidus è nitro, sale, alumine, vittio, aut aliis fossilibus distillatione extractus, metalla, quorum sal vinculum est, laxat, eorum subit meatus: non quòd metalla resolvat in prima mixtionis elementa, sed in minutum dumtaxat pulverem frangit, & calcinat. Hic pulvis in menstruo diffusus, & unâ cum ejus particulis involutus, aut poris conclusus, ut sal in aquâ oculos fugit, donec sal ille fluidus, aut uberiore aquâ debilitatus, aut fixi alicujus salis accessione prædam suam dimittere cogatur. Ratio potissima dissolutionis ex fluiditate salium deponitur: nam partes corporis fluidi insensibiles in perpetuo versantur motu :

VII.  
Cur sal  
fluidus  
metalla  
exsolvit.

motu : hinc subeunt corporum , quæ exsolvenda sunt , meatus , hoc fortius , quò partes fluidi magis agitantur , & sunt solidiores . Nihil quippè ab alio destruitur immoto .

Jam acidi , & corrosivi spiritus non modò ex mineralium fami- *De acet.*  
liâ , sed etiam ex vegetabilibus & animalibus extrahuntur : quidenim est acetum , nisi sal ad fluorem calore , aut spirituum attritu evectus ? Vinum tenue , aut cerevisiam æstivo tempore soli exponunt , aut ipsâ hyeme in loco calidiori collocant , magna spirituum pars diffatur ; sal interim exaltatus excusso spiritûs , & aliorum elementorum jugo fluit , quod reliquum est spirituum deprimit ; & aciditate suâ totum liquorem perfundit : spiritus enim volatiles cum profugerent , salem evexere . Hinc acetum tertio caloris gradu distillatur , cum sal fixus , & nondum exaltatus vix quarto gradu attolli queat . Sal tamen sulcus , aut fluidus suos non exuit aculeos : hinc cuncta permeat ; ignem , & sitim ardentem extinguit , dum prædura salis corpuscula incensæ materię altius insiguntur : neque hæc spicula potest ignis , vel calor ad sui motûs leges flectere . Cum liquor aut sulphure , aut pingui spiritu abundat , vix potest acescere : ubi sal fixior deest , ut in succis limonium : cum id quod erat volatile , evanuit , quod reliquum est , acescere non potest , sed vappescit : salem quoque longâ agitatione factum volatilem spiritus secum abripiunt . Sulphur enim tenaciùs adhæret sali , quàm ut illum faciliè dimittat . Quæ sulphure abundant , exhalatis spiritibus amarescunt . Idem usu venit , cum pauciores sunt spiritus , quàm ut salem exagitent , & ad fusionis statum perducant . Itaque illud manifestum fecimus , acetum nihil esse quàm salem exaltatum , & usque ad fluorem evectum : nam solo calore , & spirituum fugâ ad hunc statum pervenit . Unde ligna , quæ magnam salis copiam continent , ut quercus , buxus , fraxinus , guajacum , quæque magis ponderant , & diutius se timentur , aut semper virent , aut saltem si folia hieme defluerint , nutritium humorem sub cortice conservant ; eadem , inquam , distillata spiritum acetosum præbent uberrimum , qui corallia , margaritas , & testacea , quæque sale fixo , aut volatili , ut cornua , vel ossa abundant , exsolvit : quòd sal ille fluidus cum alio tum fixo , tum volatili ultrò consocietur . Sulphurea quæque , dummodò in his sal vigeat , & præviâ sint calcinatione laxata , acetosi liquores adoriuntur . Sic antimonium & plumbi calx , quam vulgò minium vocant , ab aceto distillato solvuntur : hoc quidem exhalato , sal , ut ajunt , plumbi , vel saccharum dulce , & candidum remanet optimum inflammationibus remedium : ex quo distillatione per retortam elicitur spiritus ardens , qui profectò non ex plumbo ,  
cum

cum id saccharum in plumbum tusione redire possit, sed ex aceto superflite extrahitur. Neque enim existimare par est, omnes spiritus ex aceto avolasse: secus non acetum, sed vappa fieret. Pars quidem fugit: sed pars altera à sale commoto, & regnante velut captiva detinetur. Nam ut suprà innuimus, cum sal uberior est, tum spiritus figit. Sic vini fæces, & tartarus spiritum ardentem, quem ad ima depresserunt, quasi victoriæ jure illaqueatum servant; ut vicissim spiritus in fermentatione luxuriantes tartareas fæces, tanquam exuvias ad summum vasis evchunt. Itaque sal in acetosis liquoribus primas obtinet: nam quò plus acidi humoris elicitur, hoc in cineribus minor salis copia remanet: his perit, quidquid acetoso liquori accesserit: hoc aceto tanquam muriâ plantæ frigidiores condiuntur, atque à putredine vindicantur. Quin etiam ex melle, & saccharo, in quibus sal unâ cum spiritu primas tenet, quæque ideirco condiendis fructibus, & succis acidulis inserviunt, acetum quoddam efficitur. Nam una pars mellis, vel sacchari cum decem aquæ partibus permista, & calori æstivo per aliquod tempus exposita, transit in acetum: præsertim si aliquot grana seminis erucæ, aut alterius plantæ, in quo sal volatilis regnet, leviter confusa, & linteo involuta immittantur. Non eâ solum ratione, quam alio loco ex Chymicorum sententiâ reddidimus, quòd aër spiritu acido, & nitroso abundet, quem rebus ipsis gignendis confert, sed multò id magis sali, qui diuturno calore fluit, referendum arbitror.

*Lib. de  
fossilibus.  
c. 3.*

**VIII.**  
*De sale  
volatili.*

Postremò sal volatilis, in animalium succis, ut in sanguine & urinâ, necnon in rebus sulphureis, succino, fuligine, cornibus animalium, & ossibus potissimum viget. Cum sit substantia tenuis, & ad motum agilis, spiritum, aut aquam, aut sulphur suis spiculis exacuit, & corporibus dissolvendis non parùm idoneus videtur: cuncta enim permeat, tincturas elicit, & cujusque corporis compagem laxat, ut sali fluido facilius pateat aditus. Jam ut in tartaro sal fixus, in nitro, ut volunt, fusus; sic in ammoniaco volatilis excellit. Hunc vero salem nonnulli ex quinque partibus urinæ, unâ salis communis, & dimidiâ parte fuliginis conficiunt: his scilicet concoctis, usque ad totius humoris consumptionem. Qui vulgò spiritus urinæ dicitur, nihil fortè est præter aquam sale ammoniaco, & volatili prægnantem. Hinc faciliè citra ignem elicitur: nam urina leniter usque ad tertiâ, vel dimidiâ partis consumptionem exhalata, si cucurbitæ vitreæ calce vivâ usque ad duorum digitorum altitudinem repletâ infundatur, & statim capitellum aptaveris, spiritum urinæ, quem mirificè commendant, faciliè obtinebis. Hoc salis genus magnam vide-

tur

tur cum auro cognationem habere; nam aqua fortis, quæ argentum solvit, aurum illæsum dimittit, nisi sale ammoniaco aut sale communi imbuatur, tumque regalis nomen sibi sumit, quæ tum aurum exsolvit, non item argentum. Huic effectui causam jam suo loco reddidimus. Nec displicet alia ratio, quam nonnulli ducunt ex salis ammoniaci similitudine cum eo sale, qui auri compagem efficit. Nam aurum, & argentum, metalla sunt ab omni sæce terrestri, & impuro sulphure pene expurgata, quorum scilicet vinculum sal quidam est, non terra: neque adeo solvi possunt, nisi ab alio sale consimili: in argento sal vitrioli, in auro sal ammoniacus, aut ab eo certè non abhorrens dominatur. Quocircà illius concretionem aqua fortis recludit, hujus aqua regalis, quæ sale ammoniaco imprægnatur: utrumque nisi clave sibi accommodatâ aperiri non potest. Cùm pleraque alia metalla sine ullo discrimine ab utrâque aquâ exedantur: vel quòd in iis non sal purus, atque ab omni sæce terrenâ liber sit ipsius mixtionis vinculum: unde non penitus dissolvuntur in aquis stygiis, ut aurum, & argentum, sed eorum scorix, & recrementa intacta ad fundum descendunt; vel quòd eorum partes non ita sunt firmæ, & compactæ, ut in auro, & argento. Antimonium verò id habet mirabile, ut ne secum quidem consentiat; partes enim habet adeo laxas, ut in quolibet ferè lixivio diluantur; alias ita pertinaces, ut ab aquâ forti tutæ sint, neque exsolvi queant, nisi ab aquâ regali, idque non fit sine impetu, & magnâ fumi eruptione. In illis scilicet partibus sulphur quoddam volatile, & immaturum continetur; hæ verò jam metallis & auro congenere sulphur maturum, & cum sale arctissimo nexu colligatum obtinent. Illud tamen mihi longè verissimum videtur, unumquodque corpus durum à fluido dissolvi, quòd partes fluidi agitatæ subcant poros corporis, & partes minùs tenaces secum devehant: crassiores verò intactas reliquant, ut videre est in infusione sennæ, & omnium medicamentorum. Cùm autem aqua salis spiculis armatur, tum & duriora corpora potest defluere: nam illius partes majori impetu agitantur: nec tamen fluidi particulæ dura corpora sine discrimine exsolvant, sed ea tantùm, quorum meatus subire possunt. Atque hinc ratio ducenda est, cur aqua regalis aurum, & antimonium, non item argentum, ut vicissim aqua fortis argentum, non aurum dissolvat.

Ista quidem de triplici salium statu magnam per se ferunt probabilitatem: sed quorundam recentiorum non minùs probabilis opinio mihi scrupulum injicit: placet enim illis sales fixos in plantis potissimum, & animalibus, ac ne fortè quidem in terris, & fossilibus ante

Eccc

incine,

IX.

De corp  
affcct. lib.  
1. c. 2.  
& 3.

incinerationem, vel calcinationem delituisse. Nam ut omittam, quæ alibi in hanc rem attuli, multa ex plantarum, quæ in Academiâ Regiâ summo studio, & curâ facta est, analysi, possem colligere: ex quibus fortè confici posset salem, qui à plantis cruitur, saltem maximâ ex parte ante analysim fixum non esse, sed volatilem, aut acidum. Plures quoque rationes in eandem sententiam vir doctiss. Daniel Coxé in clariss. viri D. Oldembourg adis Philosophicis nuper exposuit, quæ minimè videntur contemnendæ.

X.

Primò sal ille fixus nec gustu, nec ullo effectu, in ullo penè corpore se prodit: cum sales volatiles aut oculis, aut olfactui plerùmque sint manifesti, iique vel in fuligine, vel ex ipsâ distillatione statim appareant: uti sales acidi in tartaro, aceto, omphacio, æruginè conspiciuntur: ut nihil dicam de his, qui vulgò essentielles appellantur. Partes animalium, aut excrementa multum salis volatilis, aut acidi præbent: vix quicquam in iis salis fixi invenitur: & tamen animalia pleraque ex plantis aluntur. Neque id probari ullâ ratione potest, eam esse vim fermenti, quod in ventriculo, & aliis partibus dominatur, ut salem fixum in volatilem commutet. Vix enim sal fixus in volatilem abit; nec Chylus quicquam salis alcali præ se fert. Imò & herbæ ex omaso ruminantium extractæ citra præviâ digestionem multum salis volatilis suppeditant; quasi in aperto aëre citra additionem ullius materiæ essent fermentatæ. Atque ex hac analysi & naturali, & minùs suspectâ, quæ præviâ fermentatione fit, aut putrefactione, multum olei, acidi spiritûs, & salis volatilis elicitur: sed nihil ferè salis alcali à putrefactione extrahitur: magno quidem iudicio salem volatilem, aut acidum actu in plantis, non salem fixum existere.

Hinc quæ comburuntur plantæ, dum adhuc virent, multum salis acidi, aut tartarei præbent; quæ autem exsiccatæ comburuntur, etiam si multo abundent spiritu volatili, ut satureia, aut rosmarinus, multum salis alcali exhibent.

XI.

Neque hæc diligentius inquirendum puto, ex quibus maximè principiis sal alcali prodeat; An fortè ex acido sale cum oleosis partibus involuto? Nam sal tartari, qui inter fixos maximè dominatur, & nitrum ipsum magnam præ se ferunt aciditatem. Quin & salpetræ, seu nitrum, quod tum efficitur, cum spiritus acidus suo sali fixo affunditur, totus penè in spiritum acidum solet exstillari. An potius, ut videtur Authori, quem mox laudavimus, sal alcali ex salis volatilis cum oleo arêtâ permissione prodit? Cum eadem penè vires utrisque conveniant, & magnâ inter se cognatione jungantur; ac solâ penè gravitate



tate diffideant. Nam ambo sales, & diuretici sunt, seu urinas movent, & obstructions expediunt, & corpora sulphurea æquè dissolvunt. Iidem quoque citra luctam, aut ebullitionem inter se consociantur: & acidis salibus æquè sunt infensi, nec sales plantarum, ut vocant, essentielles fieri possunt alcali, donec omnem aciditatem exuerint.

Id quidem mihi videtur satis verisimile, sales omnes, imò fortè & principia corporum solâ ferè partium figurâ, aut texturâ, inter se differre, uti alio loco exposui. Sal tartari magnam partem aciditatis exuit, & in salem volatilem cum reduci posse multi opinantur. Sic nitrum sale abundat volatili, ut ex illius generis palam fit.

Quanquam inter sales fixos magna est varietas, illud tamen satis est verisimile, eos esse penè uniusmodi, cum ad summam paritatem pervenire, uti alio loco ostendimus. Cum plantæ comburuntur aut virides, aut humidæ, aut igne fumoso; tum sal essentialis, aut tartareus elicitor, qui plerumque vires plantæ integras conservat: quod essentialis olei partem, aut crassim ipsius plantæ conservet integram. Sæpè enim vix olea à salibus divelli possunt, sed ubi sales alcali sunt ab aliis principiis expediti, tum eandem habent vires, nec ferè inter se discrepant.

Utrum sal omnis, qui ex fossilibus cruitur, sit naturâ suâ volatilis, & longâ velut coctione figatur, non audeo decernere, idque operosiorum postulat inquisitionem. Interim id certum videtur ex variis terrarum generibus, ut margâ & argillis sales volatiles distillatione elici. Id quoque notum ex Æthnæ incendiis plerumque salem ammoniacum, inter alia salium genera, erumpere. Quid dicam de nitrosis terris, an eo sale non imprægnantur? sed & sale volatili, qui ex locis subterraneis, ex plantarum & animalium resolutione erumpit, ær ipse abundat, qui specificam velut naturam exuit, quique in pluvîâ dissolutus vegetabilium fibras subit, & ab iis speciem suam excipit.

An potiùs cum clariss. viro D. du Clos censendum est, salem in metallis idcirco fixum existere, quòd cum multâ terrâ arctissimè permisceatur. In terris sæcundis, quæ sale aliquo imprægnantur, ut in margâ & quibusdam argillis, postquam omni ferè sale sunt exhaustæ, novum subinde recuperant. Sic aqua, quæ diu soli fuit exposita, novum salis sibi acquirit proventum, quod utique luculento probat experimento. Aqua intra vas vitreum & amplum sic fuit inclusa, ut vas ipsum gypso undique esset obductum, parte unâ exceptâ, per quam diebus æstivis radii solares à vitro convexo collecti, & intus admissi, salem quendam velut ammoniacum, & mirabilem, post longum

XII.

XIII.

Lib. 1. de corp. aff. sect. 6. 2.

XIV.

XV.

tempus procrearunt : de quo fortè alio loco erit dicendum. Id quoque ad veritatem propensius videtur , quod supra monuimus , saltem volatilem , acrem , & sulphureum , primum ab igne , vel sole effici. Hinc illius acrimonia ab igne , non ab aliis proficiscitur elementis. Huic acrimoniæ dulcedo & amaror subduntur. Aciditas verò tum exurgit , cum ignis deprimitur , sive aer , sive aqua crudior , aut copiosior dominetur. Huic acerbitas , & austeritas subjacent. Salus sapor ex acri & acido temperatur. Fructus immaturi aut ignis coctione , aut maturitate , uti & fructus acidiores dulcescunt. Succus citri igni admotus aciditatem non exuit , sed ubi concentratur , (sic enim libet loqui ,) ut cum corallio affunditur , tum fit acrior. Multum de aquâ crudâ sales acidi , ut de terrâ fixi contraxere.

## CAPUT QUINTUM

### *De mixtione corporum.*

**D**istum est de elementis & principiis Chymicorum in universum ; dictum de iis seorsum : extremum , & reliquum est de mixtione & resolutione corporum dicere. Quanquam , & huic etiam quæstioni , cum in libro de fossilibus , tum in hujus operis contextu , satisfactum puto. Quid enim ipsi sequamur obscurum esse non potest , postquàm elementa non potestate modò , sed etiam actu in mixtis contineri ostendimus. Nunc tamen collatis in hunc locum omnibus omnium serè Philosophorum sententiis , & quantum fieri potest ad concordiam revocatis , quid explorati videatur , non modò rationibus , sed etiam firmissimis experimentis aperimus.

I.  
*Varia de  
mixtione  
sententia.*

Atque ut ab ipsâ rei notione ducamus exordium , quam mixtionis affert definitionem Aristoteles , omnes unanimi consensu amplectuntur. Sic igitur mixtio miscibilium alteratorum unio. Verùm quæ , & quanta sit illa elementorum alteratio ; utrùm mutuo se se conflictu atterant , ut locum præbeant nobiliori formæ ; an integra , an fractis , & debilitatis viribus supersint , summâ opinionem disensione certatur. Quid ipse Aristoteles senserit , Peripatetici viderint : quisque , ita ut sit , Philosophiæ principem in suam sententiam trahere conatur ; neque in hoc multum nobis laborandum est , cum Interpretum munus non susceperimus : valdè cum dubium , & ancipitem

tem fuisse, cum ex multis locis, tum ex libro secundo de partibus animalium, colligi potest.

Ea mihi videtur communior inter Peripateticos sententia, elementa se se invicem retundere, & alterare per quatuor illas qualitates primarias, calorem, frigus, humorem, & siccitatem. Non enim res in se invicem agunt, ut salæ, vel acidæ, sed ut calidæ sunt, aut humidæ: neque illa mixtio fit citra præviā alterationem. Ergo necesse est ut quatuor elementa suis se primis qualitatibus atterant, ut tot mutationes possint & conversiones subire. Idque hoc facilius perficitur, quò molliora, & subtiliora fuerint miscibilia: nam dura quæ sunt, & solida, & crassa omnem mixturam respuunt. Hoc sanè argumento, quod alio loco attigimus, principia Chymicorum in exilium relegata, atque à mixtione depulsa existimat Erasius. Verùm fac ita esse, nondum planè ad exitum perducta est quæstio. Nam meritò dubitamus, utrùm elementa ex illo certamine salva, & illæsa remaneant, eaque, ut visum est Avicennæ, integra, & sui similia in mixto corpore vigeant? An potius ut placet Averroi, formæ quidem elementorum manent, sed repressæ, & fractæ quodammodo? An denique elementa potestate dumtaxat, & virtute quâdam, per vicarias qualitates insunt composito, ut pars magna Peripateticorum opinatur? Sed ne hi quidem inter se consentiunt. Nam Albertus Magnus ex quatuor primis novam, eamque simplicem qualitatem exsurgere arbitratur; nec multum ab eo dissidet Scotus, qui putat mixti corporis formam elementorum formas eminenti quâdam ratione continere. Thomistis denique videtur elementorum qualitates, non eorum formas in composito esse superfluitas; sic tamen ut non ipsissimæ qualitates, quæ in elementis fuere, sed novæ, & recentes, quæ ex illis fluxere, mixto corpori insint.

Adversus Arabes reliqui magnis animis, atque, ut ajunt, omnibus unguis decertant. An, inquit, contraria, & sibi insensæ manent in eadem sede elementa? Ergo eadem pars ossis, vel lapidis, simul erit aqua, & ignis. An fortè pars una aqua, ignis altera futura est? Quod si datur, partes corporis mixti non erunt mixtæ, & sui similes, ut pulchrè Philosophus contra Empedoclem prosequitur. Quid aliud erit corpus mixtum, quàm individuorum congeries, & aggregatum quoddam instar acervi tritici, ens denique per accidens, non unius, sed multiplicis, variæque naturæ. Jam cedo quibus vinculis elementa speciei diversa inter se colliguntur? Ut plurimum partes illæ admodò dissidentes contiguæ erunt, non continuæ, neque enim una res, vel essentia ex rebus non diversis modò, sed

etiam contrariis effici potest. Et quidem si iis credimus, plura peccat Avicenna, quàm Averroës; hic enim elementorum formas, & qualitates saltem refractas, & quasi remissiores in mixto remanere statuit, ille autem integra elementa cum intensis qualitatibus inesse composito existimat, addeò ut summus calor, (quo nihil absurdius) cum summo frigore conjungatur: neque Alberti sententia defendi potest, cum mixto una simplèxque qualitas non insit, secus foret incorruptum.

II.  
*In mixto  
manent  
elementa.*

Ego verò, ut quemadmodum sentio, paucis complectar: elementa in mixto integra, ut Avicenna decernit; alterata quoque, & retusa, ut sentit Averroës, manere arbitror, atque ex iis novam formam, aut qualitatem prodire cum Alberto judico. Primum enim si pereunt elementa, quomodo uniuntur, quomodo alterantur: nec video, quo illa modo iterum gigni possent, quando compositum in ea resolvitur. Jam quis ferat miscibilium formas omninò deleri, & qualitates, seu affectiones, quæ formas consequuntur, remanere? Quo jure mixtum appellabis, quod tantum ex materiâ constat, & simplici formâ: sed pressius urgeamus. Tu qui elementa in mixtione omninò corrumpi, & in resolutione generari contendis, dic quæso cur simul, & eodem tempore ex ligno vi caloris, aqua & ignis prodeant? Partes ligni omnes sunt homogeneæ, & sui similes: ignis & aqua sibi invicem, ut tua fert opinio, contraria sunt, & dispositiones penitus oppositas exigunt; quid est igitur, cur ex eodem ligno, ab eadem effedrice causâ tot diversa prodeant elementa? Partes, inquam, ligni sunt, ut Peripateticis videtur, unius speciei; si una ignem concipit, cur non item altera? Quomodo etiam idem alimentum, quod unâ materiâ, & simplici formâ constat, tam varios, & tam dissidentes humores gignit?

III.  
*Varus ex-  
perimentis  
idem ostenditur.*

Nunc à subtilitate disputandi ad experimenta traducatur oratio. Mitto quæ dispersè multis in locis à me dicta sunt, aut de sale nitroperimentis, qui è terrâ, lapidibus, excrementis animalium, sola aquæ affusione elicitur; aut de oleo, quod ex amygdalis, nucibus, olivis, lino, & aliis exprimitur; nihil dicam de spiritu vini, vel oleo fuliginis, quæ non ignis calore, sed summo frigore extrahuntur: hæc, inquam, ut alia multa prætereo. Sed illud, quo nihil illustrius afferri potest ad nostræ sententiæ confirmationem, silentio prætermittere non possum: ipsissimum corpus, quod in sua principia fuit resolutum, ex iisdem planè elementis in integrum restitui. Id sanè in omni ferè corpore, in quo minor est sulphuris, & spiritus copiam experimur. E nitro, vel tartaro, & aliis id genus, aquam, & spiritum acidum extrahere, capiti mortuo redde; eadem omninò, & ejusdem ferè molis corpora

pora reviviscunt. De nitro fusè diximus alibi, atque ostendimus spiritum nitri acidum cum fixo ita redire in gratiam, ut ex utriusq; conjugio salpetræ optimus prodeat. Plura in hanc rem l. 1. de corp. affect. c. 2. attulimus.

Hæc fortassè majoris sunt operæ, faciliora videamus. Cùm vinum aquâ diluitur, dubitare non possumus eam manere integram, cùm tot modis extrahi possit. Atque revocemus in memoriam, quod superiori capite ex Galilæo adduximus, aquam phialâ vitreâ longioris & angustioris colli contentam, ubi alius liquor aliquantum levior subjicitur, ut vinum, id sponte suâ ascendere: quanquam & vini perparum ascendit, & ferè quantum satis est aquæ rubro colore inficiendæ. Phialam aquâ vini ardentis plenam supposuit vir Doctiss. Magnanus, tum aqua vino tincta descendit, quò vini spiritui locum concederet: vinum ipsum se se in coronam collegit aquæ innatans: id tamen jam diu cum aquâ erat permixtum. Quis ergò non intelligit tantulum vini in aquam non posse converti, nec vicissim aquam in vinum commeari, sed utrumque illibatum, & incorruptum servari.

Neque mihi opponas summi Pontificis Innocentii III. auctoritatem, qui ut probabilius judicat, in sacro sancto altaris Sacramenti aquam cum vino in Christi Sanguinem converti. Id enim non inficiamur, & omninò verum arbitramur: nam sit ex utroque vinum commune, quale veresimillimum est Christum Dominum consecrasse. Sed non continèd necesse est aquam in vinum priùs abiisse: atque huic loco satisfactum puto à P. Magnano. In eadem opinione est, ut alios omittam, Eminentissimus Cardinalis de Lugo. Neque ullatenus probabile judico vel aquæ guttulam in vinum converti posse: nam si vel una in vinum facessit, cur non item altera, cur non mille, & ita in infinitum? An quod vinum sensim debilitatur? At quo in modo fieri potest, cùm mole semper augeatur, atque hoc facilius aquam superadditam vincat? Jam enim plus viribus pollet, quòd aqua in partes vini transierit, & eandem cum illo naturam induerit: cùmque ea sit rellquo vino homogenea, cur vini vires infringet; maximè cùm vis agendi, vel potentia operatrix ab ipsâ substantiâ non sit ullo modo sejuncta, ut suo loco ostendimus. An ignis debillor est, quòd plures ligni partes in suam, ut volunt, substantiam convertit? Sed quæ causa est, cur vinum fiat debilius, quòd plures aquæ guttulas paulatim adjeceris? An quòd aqua vires, & actiones vini inhibet? Sed ipsa in vinum abit: jam cum eo junctis copiiis pugnat. An potius id quod verum est, fateri cogimur, totam aquam remanere.

IV.

*Satisfactio  
jess. Cap.  
Cum  
Martha.*

*De Eub.  
dist 4. S. 3.*

remanere, quæ & distillatione elicitur; cumque uberior est, partes vini nimium disjunctæ, & separatæ fiunt languidiore, adeò ut tandem ab aquâ velut obrutæ omni ferè virtute spoliuntur: extrahi tamen possunt, atque ab inerti & languido elemento separari.

At fortè cum vinum aquâ diluitur, tum vera mixtio non intercedit, sed rudis quædam, & imperfecta confusio: unde arte multiplici aqua potest extrahi, sive hederacæ vasis beneficio, quod tamen non omnibus æquè succedit: sive ut aliis placet, spongiâ oleo inunctâ; sive summi frigoris vi, & quasi expressione quâdam; vino enim congelato aqua in globulos concrevit. Cedo igitur quid hinc tandem ad veram mixtionem desideratur? An cum sal in aquâ solvitur, ibi non est vera & accurata mixtio, cum soluti corporis partes minimæ cum minimis aquæ solventis atomis permisceantur? An exigimus cum Plotino ad veram mixtionem, ut minimæ partes elementorum se se mutuò penetrent? Profectò nihil ampliùs ad mixtionem à Philosophis requiri potest, quàm ut qualitates, si quæ sint à corporibus distinctæ, secundum se totas uniantur, atque aliæ ab aliis retundantur; & quamvis eadem secundum essentiam remaneant, vim tamen earum quodammodò temperari necesse est. Quemadmodum juxta Galenum major inest calor infantibus, quàm juvenibus; in illis cum humore; in his cum majori siccitate conjungitur, hinc longè acrior est in juvenibus. Sic elementorum qualitates in mixto corpore languidiore videntur, quamvis sint integræ, quòd aliæ alias obtundant. Oleum vel spiritum vitrioli cum acerrimo tartari sale permisce; primò ebullitiò quædam ex utriusque congressu orietur, tum inito fœdere uterque liquor omnem ferociam, & acrimoniam deponet; adeò ut illud compositum ex duplici sale admodum corrosivo penitus insipidum evadat. Jam spiritum vitrioli distillatione à tartaro separa, tum demùm perspicies ambo vires suas, & aculeos non exuisse: nam sua cuique manet acrimonia, & vis corrosiva. Idem ferè usu venit, quando spiritus acidus cum salibus fixis conjungimus. Atque ex hoc uno intelligi potest elementa in mixto quasi sopita delitescere, adeò ut ab aliorum vinculis expedita vires suas manifestè prodant. Sed esto, fac vinum dilutum inter mixta corpora non esse numerandum. Quid ergò? An mustum, pomaceum, & succi è vegetabilibus expressi non erunt mixta corpora? An fortè ex iis aqua distillatione non elicitur? Quis ignorat uberiorem è vino aquam prolici, quò vindemiarum tempore, aut ætate ipsâ totâ uvæ largiore pluviam perfusæ intumuerint,

Expecto



Expecto ut aliquis neget in cerevisiâ ullam esse aquam superstitem : nec tamen fermentatione peractâ facillè separatur aqua. *De fermentatione.* Elementa enim longâ fermentatione minutius conciduntur, & accurratius permiscuntur. Spiritus verò commoti illum, ut supra diximus, motum intestinum efficiunt. Priùs fortè erant aliis elementis sepulti, calore excitati sugam capeßere moluntur. Ex illâ velut pugnâ liquor perturbatur, elementa sus dequè impulsa se se mutuò exagitant; tandem spiritus victores, & ubique diffusi gratum saporem liquori conciliant; & nisi vas ocludatur, profugiunt. Antè fermentationem aut distillationem, aut aliâ arte prolici vix potuère: nam fortassis quasi victi, & aliis elementis oppressi jacebant. His dissipatis cerevisiâ, vinum, & alii fermentati liquores, ut diximus, vel acescunt, cum sal ad fluorem eversus primas tenet; aut vappescunt, cum sal non fluit; atque aqua & terra, languida scilicet elementa dominantur. Cum subtiles partes crassioribus inter fugiendum implicantur, tum lanugo quædam, aut mucor in summo concrevit: sic triticum diu in horreis servatum crusta quædam obducit, sub quâ per multos annos incorruptum manet.

Ista quidem de fermentatione, ut vero proxima attulimus: tametsi rem ipsam attentius intuenti facillè apparebit, fermentationem nitro, ac spiritui nitroso, de quo jam multa diximus, acceptam referri oportere. Illud enim liquet nitrum, aut salem petreæ ex sale ferri oportere. Illud enim liquet nitrum, aut salem petreæ ex sale fixo, seu alcali, & igneo vel acido esse compositum. Sal fixus è terrâ, igneus ex aëre potissimum ducitur. In terrâ sales sunt fixi, aut certè eorum velut semina cum sulphure commiscuntur, quæ fermento igneo ab aëre oriundo paulatim ad maturitatem perducuntur. Neque enim sal fixus ex aëre dimanat, sed quod magis est in nitro volatile, hinc oritur. Unde & terræ, ex quibus fit nitrum, aëri exponantur necesse est, cum sal fixus unâ cum sulphure leni calore excoquitur, tum quiddam prodit terræ nigriori non dissimile: adeo ut terra, pura, ut vir pereruditus aptè suspicatus, non aliud fortasse existat, quàm sal cum sulphure tam arte commistis, ut evolvi citra longam fermentationem non possit. Ac nescio an in solo nitro quicquam sit sulphureum, cum nullâ vi caloris inflammari queat, nisi sulphurea materia accesserit. Quanquam terræ pingues, & sulphureæ nitri generationem multum adjuvant. Dum enim spiritus ille igneus & actuosus, qui in aëre est cum materiâ sulphureâ & salinâ, qualis in stabulis est plurima, congregitur, & effervescebat, fit spiritus ille acidus, qui cum sale fixo, quo terra imprægnatur, societatem init, & nitrum procreat. Itaque spiritus ille igneus, & volatilis est instar

mercurii; sulphur itidem est actuosum, utriusque lucida, & effervescentia lenem in terrâ fermentationem omnis vegetationis fontem efficit. A sale nunquam motus incipit, tamen si activa principia cum eo consociantur. Ac sales fixi, acidi, volatiles, solâ fortè partium configuratione inter se discrepant. Aqua utriusque cum sulphuris, tum spiritus nitro æreus est commune vehiculum. Cum itaque spiritus ille actuosus sulphur terrenum à sale solutum & liberum efficit, ipse cum sale ipso partim falso, partim acido coalescit, & fraxior evadit, tumque nitrum emergit. E terris ferè omnibus sal nitrosus elicitur: cum in multas effunduntur fruges, tum minorem nitri copiam præbent, quod jam penè sit exhaustum. Itaque sales fixi aut volatiles materiam nitri suppeditant; sulphureæ quoque partes ad generationem nitri conspirant, dum effervescunt cum actiosis aëris partibus: hinc enim spiritus nitri acidus emergit. Hinc terræ ut diximus saline sulphureæ magis sunt nitrosæ, ut quæ animalium excrementis scatent.

Nec ferè aliter nitrum ex terrâ fertili, quàm vitriolum è terrâ metallicâ gignitur. Spiritus enim ille igneus, de quo jam multa diximus, cum sulphure congregitur, salem metallicum fundit, exaculat, & aciditatem illi conciliat. Sic colcothar, ex quo ignis vi oleum omne acidum educit fuit, cum aëri exponitur, novo tam spiritu scaturit: cum spiritus ille nitrosus, & actuosus, qui in aëre est, paulatim sulphur metallicum subigit, & exsolvit, simul & salem metallicum excitat & fluiditatem ei conciliat: neque alia ratione vitriolum è marcasitis emergit, cum aëri exponuntur. Nam ferè ex omnibus flores sulphuris vi ignis extrahuntur. Spiritus nitro-æreus, ut vocant, cum sulphure fermentescens salem fixiorem colliquat, qui cum metallicis partibus lapidis coalescit, & vitriolum procreat: Nec dissimili modo ærugo in cupro, aut rubigo in ferro emergit, dum partes aëris actiosæ sulphur metallicum aggressæ, simul sales metallicos exacuant, ac fluidos efficiunt, qui ferrum exedunt, & quoddam vitrioli genus præbent.

Neque tamen existimandum est, tantam esse in vitriolo aciditatem, quantam in ejus oleo experimur: nec verisimile est spiritum adeo fixum & gravem, tamque acidum in hoc corpore contineri: sed cum partes ignis nitrosæ cum sulphure vitrioli colliduntur, simul & salinas exacuant, dum fluidæ fiant, & acutæ. Idem omninò de sulphure sentiendum, quod enim oleum, ut vocant, seu acidum liquorem sulphure sub campanâ accenso eliciunt, non erat is liquor in sulphure; cum id nihil habeat aciditatis, cumque non effervescat, ubi

cum

cum salibus lixivialibus commiscetur. Quare hoc sulphuris oleum non aliunde ortum videtur, quàm è sale metallico, qui manifestè se prodit: dum sulphur à spiritu therebyntinæ exsolvitur; nam salis instar, in crysalli formam solet concresecere. Itaque cum salis nitrosæ aëris, vel ignis particulæ cum sulphureis colluctantur, salinæ & metallicæ ita atteruntur, & acuuntur, ut quasi totidem gladioli omnia penetrent; hinc summa earum vis & aciditas: hinc flamma sulphuris languidior, ac cærulea, quod partes salinæ, & metallicæ cum sulphureis arctissimè colligatæ, vim nitrosarum infringant. Nam ubi flamma est vegetior, tum ea est splendidior, & latius se diffundit; sed ubi languidior est, ut in lampade, quæ extinguitur, cæruleum induit colorem: sic in sulphure accenso flamma est debilior: vix adurit, non latè se effundit, sed subsultim attollitur, & liquori ebullienti similior est quàm flammæ, quòd interposito salis illius materiæ, quæ in liquorem acidum abit, multum debilitetur.

Ac nescio an spiritus acidi, qui è saccharo, melle, lignis ponderosis, & omnibus penè vegetabilibus elici solent, ex eadem causâ non oriuntur. Quod videlicet in iis omnibus salis partes tam arctè cum sulphure sint devinctæ, ut in ipsâ collisione nitrosæ & sulphuræ substantiæ, sales fixi acuuntur, ut gladioli, & vim secantem, vel acidam acquirant. Nam guajaci scobs, aut decoctio cum sale lixiviali non effervesceat, ut eveniret, si aciditas in eo corpore dominaretur. Imò cum spiritu vitrioli nonnihil & tumultuatur, magno utique argumento, sale potius fixum, aut sulphureum, quàm acidum, aut mercurialem in iis corporibus vigere. Eadem est vini, & aliorum liquorum, qui acescunt, ratio, cum sal fixus vi spiritus nitrosi acuitur. Quod enim fermentationem auget, ut æstus, aut tonitru, id omne hanc procreat aciditatem, dum in conflictu utriusque substantiæ sulphuræ, & nitrosæ sales exacuuntur. Hæc utique quæ magnam præ se ferunt probabilitatem, quæque nonnihil lucis principiis Chymicorū afferunt, cum nuper à viro pererudito, & ingenioso D. Mayou fusè explicata legerem, nolui prætermittere. Maximè cum videantur mihi non multum abhorreere ab iis, quæ circa analysim plantarum in Regia Academia sunt observata. Cum enim è plantis liquor acidus, & copiosus eliciatur, quæ nullam præ se ferunt aciditatem, quæq; potius vires & affectiones habent oppositas, cujus modi est, *consolida major*, & aliæ innumeræ, multum in eam sententiam propendo liquores acidos magnâ ex parte vi ignis procreari. In plantis quibusdam, tanta est, & tã arcta olei & salis nitrosi societas, ut calcinatione separari non possint.

Nam sulphuræ incensæ nitrosas secum abripiunt. Hinc resinosa parum salis præbent. Quæ magis sunt nitrosæ, facilius inflammantur, ut fraxinus.

Jam ut ad fermentationem redeamus, ea certè magnâ ex parte nitroso spiritui, qui in aëre dominatur, accepta est referenda. Hinc enim oritur lenis illa fermentatio, quæ vegetationis omnis est causa præcipua. Cum spiritus ille penè igneus terram subit, sulphur aggreditur, quod cum sale est colligatum; id evolvit, & à salis vinculis expeditum reddit volatile. Interim tamen spiritus ille cum sale partim fixo, partim acido consociatus, figitur, & nitrum efficit. Quare omnis fermentatio naturalis, quæ maximè in vegetatione plantarum est conspicua, motu intestino spiritus nitrosi, & sulphuris, & salium terrestrium continetur. Hinc major nitri copia verno tempore, quàm aliis temporibus eruitur; nam solis accessu spiritus nitrosus, velut antè obrutus, excitatur; sales sulphurei, calx viva, animalium excrementa terram sæcundant, quòd facilè cum spiritu nitroso effervescent, ac nitri materiem præbeant. In fermentatione, quæ ad corruptionem tendit, sulphur plerumque nimium exaltatur, & unâ secum spiritum nitrosum rapit, ferme ut in inflammatione contingit. In corruptione plerumque liquores accescunt, quod magnâ saltem ex parte spiritui nitroso intus subeunti tribuendum. Hinc quæ huic spiritui aditum præcludunt, corruptionem arcent, ut cum caro butyro immergitur; aut ferrum oleo illinitur, sulphur volatile cum nitroso spiritu non effervesceat: hinc spiritus vini aëri calidiori expositus, non fermentescit. Quæ sale fixo, aut volatili, & sulphure abundant, ut vitelli ovorum, sapo, & alia hujusmodi, eandem fermentationem agunt.

V.  
De triplici  
statu rerum sta-  
tu, & pri-  
mo de cru-  
ditate.

Atque ut hæc omnia, quæ ad mixtionem, & resolutionem corporum pertinent, fiant illustriora, placet nonnullis triplicem rerum statum distinguere, cruditatis videlicet, maturitatis, & declinationis. In primo cruditatis statu, activa quæ sunt elementa aliis oppressa, nec fermentationem ullam efficiunt, nec accuratam mixtionem. Quare succi ex immaturis fructibus expressi, ut pomaceum de crudis, & austeris pomis confectum; cerevisia ex hordeo crudo, & nondum germinante parata, vix aut nunquam fermentescit: non enim possunt spiritus ex aliis elementis evolvi. Sic hordeum in cerevisiæ præparatione triduo aquâ maceratur, in arcam siccam, donec germinare incipiat, collocatur, ut spiritus exaltari queant, & fermentationem promovere: secus torpidi manerent, & segnes: tum hordeum in furno adhuc calido aliquantulum tostum conteritur molâ; aquâ

aquâ calente farina per aliquot horas imbitur; neque diutius quam par sit: hæc maceratio fieri debet: nam aqua terrestris farinæ partibus nimis satiata ægrè fermentesceret. Aqua clara extrahitur; ad justam consistentiam excoquitur, doliis unâ includitur cum aliquo fermento, nempe floribus cerevisiæ, quæ post fermentationem spiritibus turgent; flores addunt lupulorum, qui meatus à farinâ vacuos occupant, & salis fluorem inhibent. In vino, & pomaceo nullum fermentum adjicitur: non enim in his deest spirituum copia: hi brevi totum liquorem exagitant. In vino plus salis, quàm in pomaceo inest; unde fermentatione peractâ non modò fæces, ut in cerevisiâ, & pomaceo subsidunt: sed etiam dolii latera incrustant; nec tot bullæ, quot in cerevisiâ ad summa feruntur: fors est ut cerevisiæ spiritus magis oleosi, & viscosi sint, quàm in vino, cui plus inest salis volatilis: sed longius excurro.

Redeo igitur ad secundum rerum statum, quem maturitatis, VI. aut perfectionis nominare licet: tum spiritus æqualiter fusi gratum De matu-  
rebus saporem conciliant: crassiora enim elementa, & subacta, & vitate,  
exquisite mixta spirituum imperio mancipantur. Sic vinum postquam  
in lacu, & doliis longâ fermentatione deservit, & pulchro colore  
nitet, & acidulo sapore palatum delectat, & suavi odore nares  
permulcet. Quæ sit saporis, quæ odoris causa, dixi idoneo loco.  
Illud clarum, & perspicuum sit; quòd longa fermentatione terræ & salis  
particulas ante confusas tandem aut subigit, & minutissimè con-  
cidit; aut crassiores, & magis rebelles in fundum, vel ad latera pro-  
trudit. Unde cum tardius defæcantur vina, solent ænopolæ aut res  
viscidas, ut ovorum albumina, injicere, quæ fæcibus adhæreant, eas-  
que unâ secum præcipitent; aut res graviiores immittunt, ut silices  
calcinatos, qui dum impingunt in fæces, eas loco movent, & ad  
imas partes deturbant: fæces tamen, & tartarus non ita discedunt,  
aut quasi subacta deprimuntur, quin plures spirituum, & sulphuris  
particulas velut bello captas secum abducant: hæc quidem paulatim  
extricatæ novas subinde fermentationes procreant. Hinc vinum te-  
nue exhaustis spiritibus vappescens extrahi solet, quòd recenti, &  
opulentiori fæci affusum novâ fermentatione roboretur: ut contra  
vinum plus satis effervescens ob sulphur nimis evectum ex uberiori  
tartaro, in vas aliud traducitur. Reliqua, quæ aut nimiam ebullitio-  
nem coërent, ut lactis affusio; aut mucorem emendant, ut calx viva,  
sal, alumen combustum, quæ fermentatione excitatâ, crassiores il-  
las, & terrenas partes sulphuri admistas dejiciunt; aut salis fluorem  
inhibent, ut cineres, scobs, vel rasura salicis, semen porri, triticum

cortice nudatum, caro suilla eaque salia, & linteo involuta, atque alia, quæ vel sulphureo odore salis fluorem arcent; vel quæ eidem sali amica omnem illius vim, & impetum in se convertunt: ista inquam, quæ cum à multis, & maximè ab eo, quem sæpè laudavi, clar. Th. Villis uberrimè tractata sint, prætermitti possunt. Atque ad deflectionis statum, qui rebus omnibus est à naturâ constitutus aliquando veniendum est: namque

- - - - - mors est finis omnibus:

*Reddenda est terra terra; tum vita omnibus*

*Metenda, ut fruges: Sic jubet necessitas.*

VII.  
*De corruptionis statu*

Cùm spiritus diu cum aliis elementis luctati, & longâ fermentatione exagitati, tandem emitti è custodiâ & levari vinculis gestiunt, suo discessu laxant mixti corporis compagem, atque unâ secum sulphuris partem puriorem, permultum aquæ, & nonnihil salis volatilis abripiunt; sal verò quem antea spiritus arcebant, post eorum fugam principatum tenere affectat. Itaque si paulò uberior est, fermentatione attritus in unum confluit, & suo fluore liquorem in acetum commutat. Idque non modò in vino, pomaceo, & cerevisiâ, sed etiam in sanguine contingit: cùm spiritus vel ex mœrore, vel ex pravâ victus ratione, vel aliâ ex causa deficiunt. Idem in lacte, quod apud nos hiemis tempore mulieres adjesto sale in quadragesimam servant, id enim fermentatione peractâ omnino acescit; in melle denique aquâ diluto, & omnibus ferè edulibus idem experimur. Ubi spiritus turmatim erumpunt citra præviam fermentationem, tum sal non potest tam subito ad fluorem evchi: quare ut jam diximus, liquor quicumque sit ille, aut vappescit, aut cum putredine dissolvitur. Hinc vinum, postquam primæ fermentationis impetus in lacu, vel doliis confederunt, nî vasa diligenter occludantur, in vappam degenerat. Hinc etiam succi è fructibus horarili brevi putrescunt, spiritus enim jam nimium volatiles facti, repenti, & sine ullâ fermentatione profugiunt. Unde sanguis emissus è venâ non fermentescit, sed ad putredinem citò properat: idem quoque in urinâ contingit. Cùm autem spiritus, terra, sal, & sulphur quieta, & tranquilla remanent, tum res exarescit quidem, & citra putredinem fatiscit. Verùm ubi sal, & sulphur commota, & fluere, & prorumpere incipiunt, tum gravi odore nares offendunt, & sensorium suis aculeis lancinant. Hinc fœtor cum putredine conjunctus: humor enim extrarius spatium à sale & sulphure antè occupatum subit; & sulphur excandescens calorem sæpè procreat. Cùm minor est salis, & sulphuris copia, tum res sine fœtore, & putredine mar-



marcescit; & quò magis res sunt compositz, hòc citius putrescunt, nisi sale, aut balsamo, aut aromatibus, aut saccharo, aut aceto condiantur. Sal enim, ut diximus, & aromata carnes à putredine vindicant; illius particulæ tanquam claviculi tum aquam, tum sulphur figunt, & retinent. Aromata quoque salis inhibent fluorem. Utrum ea quòd activis principis abundant, novam inducant fermentationem, quâ fugitivas partes retineant, ut Th. Villis placet: an potius sale, & sulphure, non illo spiritu acidulo, quem mercurium vocant, referta sulphureas, & mox erupturas corporum particulas figant, hoc in loco definire non possum. Illud multis probabilius videtur, aromata fermentationi minùs esse idonea: hæc enim potissimum per spiritus illos macros, acidulos, & mercuriales perfcitur, qui cum sint ad motum promptissimi, vel tenui calore expediti majorem subinde locum postulant: hinc tumor, & levis quædam ebullitio. Sed quæ oleosa sunt, aut viscida, fermentationem adeò non promovent, ut eam potius inhibeant. Quocirca quibus sanguinis fermentatio impedita est, iis non aromata, sed succi mercuriales ex aurantiis, aut citris, aut limonibus utiliter præcipiuntur: hæc enim non tam calore, quam volatilitate suâ spiritus recreant, & fermentationem accelerant. Cum autem calor sulphureus, & vehemens fermentationem, aut ebullitionem efficit, ut in vino & sanguine interdum evenit, tum liquor fermentatione ipsâ corrumpitur. Quin etiam nimius calor cerevisiæ fermentationem impedit, quòd spiritus volatiles, & activa principia plus satis distracta se se mutuò complecti non possint: contra vehementi frigore adeò coarctantur, ut omni careant motu. De saccharo, & aceto jam diximus; in utroque sal copiosus est, qui volatiles spiritus figit, & succis vegetabilium concludendis inservit. Illud salis fluorem prohibet, dum liquoris implet meatus, & gratum saporem, aut floribus, aut succis plantarum confert; acetum verò pingues, & oleosos fructus, ut capparas, & olivas, imò & plantas frigidiores tum suis partibus solidiusculis penetrat, & tuctur; tum etiam jucunda aciditate temperat.



## CAPUT ULTIMUM

## De corporum resolutione.

I.  
An resolu-  
tio fiat us-  
que ad ma-  
teriam pri-  
mam &  
solvuntur  
objectiones



**N**ihil hoc loco necesse est explicare, quo elementa mōdo inter se permisceantur; utrū in corruptione sola materia remaneat; an plures formæ aliæ aliis accedant, quæ sub unius regimine contineantur, aded ut unâ destructâ reliquæ sint integræ: ista quippè ex his, quæ secundo libro diximus, satis intelliguntur. Quod si enim nulla sit alia rerum materies præter elementa, quis non videt sæpè mixtum in primam usque materiam resolvi. Sed illud omnem fidem superat, in cadavere nihil ex iis, quæ prius incrant, esse reliqui; non omnes modò qualitatis, sed etiam figuram, & quantitatem penitus evanescere; ac novas repentè succrescere. Quid amabo causæ est, cur in hominis cadavere non sit ampliùs eadem quantitas, quæ fuit? An hæc fortè animæ rationali insidebat? At omninò est inscissilis, & divisionis expers. Quæ causa effectrix novam quantitatem, novas cicatrices, atque omnem accidentium supellectilem in momento procreat?

Obiect.

At, inquiunt, subducto fundamento, quidquid extractum erat, corruiere necesse est: forma substantialis omnia accidentia, ut basis sustinet; est enim materiæ prima perfectio; huic dat esse simpliciter: accidentia verò sunt formæ appendices, illam consequuntur, illius sunt instrumenta, & velut ornamenta quædam. Cùm ergò destruitur forma, ea quoque extingui necesse est. Revocare oportet mentem à sensibus, cùm de rerum naturis decernimus: eadem in cadavere est figura; idem quandoque calor sensu iudice percipitur: sed recta ratio aliter decernit: neque ignorat formam unâ cum suo famulitio recessisse & novam ab agente universali aliis quoque accidentibus comitam procreari.

Resp.

Utrū ista sensibus arbitris, an ratiunculis ex Metaphysicâ repetitis dijudicari debeant, ipsi viderint. Ego ingenuè fateor, me tardiorē esse, quàm ut sensu, aut mente consequar, in mixti corruptione materiam ita nudari, ut nihil eorum, quæ prius erant accidentium relinquantur. At verò ea omnia uni formæ, quæ destructa est, aut separata, inhærebant. Quid ergò, si non una, sed complures  
in

in eodem corpore insunt formæ, quarum aliæ aliis instar materiæ substernuntur? An necesse est, si ultima, quæ cæteras continet, velut ædificii tectum corruerit, reliquas etiam formas dejici? Sed negant plures eidem materiæ formas inesse, cum unus sit duntaxat actus primus, qui existentiam & speciem largitur. Unica, inquam, forma est, quæ principatum obtinet, quæ speciem, & nomen tribuit; sed quid impedit quominus ad prænobilem illam formam per alias inferiores tanquam per gradus perveniat. Quorsum sua ossi temperies, sua forma non constabit, quæ animâ separatâ remanebit integra. Quò enim mixtum præstantius est, hoc plures formæ, seu compositiones præcedant necesse est. Quot quæso te, triticum mutationes subit, antequam in sanguinem, vel in carnem facessat? Rerum certè, ut dictionum, ex paucis elementis, vel literis incredibilis est varietas. Non enim solum ipsa elementa, quæ fortè neque unius sunt generis, neque tam pauca numero, quàm existimamus, infinitis propè modis temperari possunt; sed etiam ex primis secunda, ex his tertia, & in infinitum mixta exurgere nihil vetat. Sed tandem quid necesse est formas ab elementis distinctas comminisci? Nam verisimile puto nexum, compositionem, rationem, temperamentum esse formam compositi, quâ destructâ, alia non elementa modò manent integra, sed mixta etiam, quæ vices elementorum gerebant, ut ossa, carnes, nervi conservantur. Quemadmodum vitrum ex arenâ, & soda conflatum, unum quoddam est compositum, cujus forma est certa arenæ & salis complexio: cum resolvitur, atque in sua principia revertitur; jam vitrum esse desinit: sed soda, & arena salvæ, atque integre remanent. Quo plures intercedunt mixtiones, hoc perfectius mixtum futurum est: ita ut fortè in animalium compositione innumerabiles præcedant, non elementorum modò, sed etiam mixtorum temperationes.

Enimverò si formas mixtorum tollimus; nec quicquam in iis præter elementa agnoscimus; non erit major in mixto perfectio, quàm in ipsis elementis. Quid enim est in composito, quod idem in elementis non inveniatur? Id sanè argumenti concluderet, si ex complexione miscibilium novæ vires, aut facultates longè quidem excellentiores, quàm quæ insunt elementis, non prodirent. Sed cum elementa mutuas dotes in se se conferant, atque ex iis unum quoddam agendi, seu movendi principium exurgat; ipsa ex mutuo congressu maxime perficiuntur. Rotæ in horologio, vel machinis dentatis sibi invicem sunt adjumento, ac multò majora attollunt pondera, quàm si divisæ essent, & seorsum vires suas exererent. Non dissimili quidem modo

*Alia ob-  
ject. dilu-  
untur.*

modo communia rerum principia, ut rotæ quædam se se mutuò movent, & perficiunt, & quò præstantiori muneri destinantur, hoc magis excellunt: & tamen possunt, ut automata separari, atque iterùm restitui, adeò ut sola compositio & modus, functionum & munerum efficiant varietatem. Modus autem ille, & mensura, vel temperatio principiorum talis est, qualis supremo artifice cuique speciei, aut generi est definita. Sed de his jam sæpè: nunc quæ jam ab initio proposuimus argumenta, adversùs hanc, quam tuemur, sententiam, diluamus.

II.  
*Varia con-*  
*ciliantur*  
*opiniones,*  
*& multa*  
*solvuntur*  
*argumen-*  
*ta.*

Negant elementa simul permisceri posse, nisi alia ab aliis retundantur; hoc utique concedatur. At retundi, & alterari non possunt, nisi ut contraria sibi sunt, & insensa; id sanè non dabo. Alterantur enim maximè, cùm dispersa & dissipata aliorum interjectu vires suas minùs exerunt. Imò quodammodo pereunt, cùm nullum ex iis vestigium, nulla forma sensibilis apparet; ut si perparum vini, aut modicum salis in aquam, vel aliquantulum scobis ferreæ in arenam conjeceris: sed tamen illa, quæ oculis nostris evanescere, aut distillatione, aut præcipitatione, aut si ferri limatura cum aliis metallis confusa sit, magnetis beneficio educi possunt. Quo quidem modo omnes ferè de mixtione sententias defendi posse jam diximus. Elementa enim alterantur; neque ignis disjunctæ atomi, terræ, & aquæ corpusculis obrutæ adurunt; neque aqua terrâ & sale terminata diffiuit. Sic alia ab aliis infringuntur, ut sentit Averroës; integra tamen sunt, ut Avicennas existimat: ex iis nova forma, seu compositio exsurgit, quam certæ & specificæ vires consequuntur; nec jam elementa proprias, & congenitas actiones exercent: sed totius compositi actioni præcipuæ serviunt: adeò ut non tam elementa, quàm earum virtutes, eæque temperatæ adesse videantur. Verùm molestius insistant, & instant acriùs, non alterari elementa, quatenus salsa, aut acida, sed ut calida sunt, aut frigida, & contrariis inter se qualitatibus pugnant. Quasi verò mixtionem non amor potius, quàm odium, aut contrarietas elementorum perficeret. Cùm sales acidi fixis affunduntur, ebullitio quædam, ut diximus, exoritur, tum acutiùs quàm antea inter se devinciuntur: an fortè putas hos sales sibi esse insensos, qui ex eadem velut stirpe prodire; An cùm spiritus nitri butyro antimonii affusus ignem procreat, ex occulto diffidio, aut potius is oritur ex utriusque mobilitate maximâ, & sulphureâ naturâ, quæ in antimonio, & nitro est uberrima, quæque à nitri spiritu penetrantissimo commovetur. Quæ contrarietas inter spiritum vini & oleum tebynthinæ intercedit? Simul tamen & certâ ratione confusa exardescunt.

defcunt. Neque omninò verum est fermentationem, quæ in diver-  
fis liquoribus inter se commixtis cernitur, ex antipathiâ potiùs,  
quàm amicitia quâdam, & mobilitate partium, quibus salini, aut  
spirituosi humores constant, proficisci. Elementa enim cùm in mix-  
torum gratiam condita sint, nihil tam ambiunt, (si quid amant)  
quàm aliorum societatem: simul juncta se se mutuo, & strictissimo  
nexu complectuntur; spiritus quidem in liberio rem auram evolare  
gestiunt, sed alia elementa velut injectis compedibus eos retinent.  
Hinc ebullitio quâdam, hinc tumor, hinc calor persæpè, nonnun-  
quam & flamma oritur, maximè cùm sulphur uberius est. Salem ele-  
mentarem, & fixum, fluido sale, aut spiritu acido perfunde, tum se se  
invicem cum fermentatione quâdam atterent; accessione aquæ hæc  
ebullitio nonnihil sedabitur: adde terram, quæ uberiorem aquam si-  
stet, & corpus aliquantò erit compactius, sed adhuc fragile; donec  
oleum infuderis, id enim corpus efficit magis ductile, & flexile; at-  
que ita corpus obtinebis ex elementis compositum, quæ non tam  
odio, quàm propensione quâdam, & velut fœdere à naturâ sancito  
conjunguntur.

Neque necesse est, ut hîc fusiùs inquiram, quid efficiat ut quæ-  
dam elementa, vel corpora facilè cohæreant. An similitudo quâdam  
naturæ, an atomorum accommodata figura, an se se suis irretiunt ha-  
mulis, an solo contactu, nec alio glutine vinciantur. Hæc fortè non  
absurdè dici possunt. Res specie dispares arctiùs inter se connecti,  
quàm si ejusdem forent naturæ: nam humida cum siccis, ut aqua  
cum calce & arenâ, meliùs quàm humida inter se cohærent. Inter  
metalla stannum partes habet molles, & facilè exhalabiles: quòd si  
cum ære conjungatur, quàm firmum, quàm durum, quàm fixum ef-  
ficitur. Nec fortè alio glutine opus est, quàm ipso contactu, & aptâ  
figurarum convenientiâ. Cùm argentum inauratur, quid hæc metalla  
connectit, præter immediatum utriusque contactum? Multa inter se  
misceri non possunt, quia horum figuræ inter se aptari non possunt,  
& fortè motus habent omninò dissimiles. Exemplum affert Berigar-  
dus plumbi liquati & lotii, vel olei ebullientis cum caprarum succo:  
nam asserit manibus lotio perunctis plumbum fufum, (alii portulacæ  
& mercurialis succum malunt,) ut imbutis caprarum succo frigos in  
fartagine pisces, & oleum fervens impunè contrahari. Idem existi-  
mat omnium miscibilium atomos, vel partes similes esse humidas &  
fluctuantes, ut faciliùs cum aliis permisceantur; illam verò fluxilita-  
tem sisti, & partes fieri solidas, ubi cum aliis confociantur; sic aqua  
pulveri, vel hydrargyrus sebo mixtus concrefcit. Imò narrat drach-  
mam

nam pulveris, qui salem adustum odore referebat, sibi ab amico datam in decem hydrargyri drachmas injecisse, ex quibus brevi decem ferè auri drachmæ coaluerunt, quòd pulvis per hydrargyrum diffusus, & tincturam & firmitatem auri effecerit: quanquam fortè citra ullum emolumentum, & magnis potiùs impensis hæc tinctura præparetur. Eodem penè modo ligna in quibusdam fontibus lapidescunt, quod tenues substantiæ, tanquam lapidum semina ligni, aut alterius corporis subeant meatus, & decursu temporis lapideam firmitatem impertiant. Contrà sæpè evenit, ut corpora solidissima cum aliis mixta omninò volatilia fiant. Sic idem author refert, se vidisse argentum priùs calcinatum, unà cum sale communi per deliquium soluto, & oleo tartari abluto phialæ oblongi colli impositum, & per 18. menses igni admotum ita volatile & fugax factum, ut in auras evanesceret, & obvia quæque argenteo colore inficeret.

Non placet Erasmo res commisceri, vel alterari, ut acidæ sunt, aut salæ: sed ut calidæ & frigidæ, humidæ sunt & siccæ. Quid igitur dicturus esset de fermento, cujus pars vel modica totam farinæ massam pervadit? Vis ejus tota non solo calore continetur, cum acidæ potiùs frigida sint ex Galeni sententia. Nec sanè in aceto, aut salibus fluidis, aut acidulis spiritibus magna vis inest caloris: sed verissimile est horum solidiusculas partes vehementiùs agitari, cum ruptis carcerebus sui sunt juris: hinc alias itidem congeneres particulas, quæ in farinæ massâ inertes erant, & velut sopitæ excitant, atque in ejusdem motûs societatem trahunt. Hæ quidem incitatæ dilatari, & extendi affectant: unde massa intumescit, & variis foraminibus pertunditur. Interim ne effluant hi fugitivi spiritus, eadem farinæ massa manibus subigitur; tum in clibano excoquitur, & fit panis levior, gustu jucundior, quique faciliùs digeritur. Nam ubi deest fermentum, elementa quæ sunt activa, sal, sulphur, & spiritus non se exerunt; sed aquæ affusione fit massa gravis, viscosa, indigesta. Fermenti accessione eadem principia exaltantur, & fugam adornant. Quare ventriculi calore se se explicant; cumque sint minùs fixa, aut rebellia, ad statum fusionis, aut volatilitatis citiùs efferuntur. Hinc sanguinis in corde fermentatio & celerior, & æquabilior est: spiritus adeò gignuntur uberiores, ac totum corpus suavi calore perfunditur. Secus accidit, cum sal & reliqua elementa in chylo sunt fixiora: nam cum sanguine confusa fermentationem inhibent; spiritus figunt; tabem, atque alios inducunt morbos: sed longiùs excurro.

Redeo igitur ad id, unde excefferam, non unius caloris, aut frigoris vi, sed etiam salis fluidi, aut volatilis, aut spirituum mobilitate  
farinæ



farinæ massam intumescere, & fermentari. Nam quæ his abundant, ut flores cerevisiæ, ova quassata, & alia id genus fermentationem admodum promovent. Quibus autem multum inest viscosi sulphuris, ea quidem leviores efficiunt panem, dum calet: sed ubi refedit calor, & gravis, & coctu difficilis evadit. In hoc censu butyrum, adeps, atque alia ejusmodi plurima sunt, quæ viscidis & ramosis constant partibus: hæc quidem ignis calore incitantur: sed ubi calor excessit, tum subsidunt, atque aliæ alias suo glutine implicant. Itaque non tam calidæ, quàm solidiusculæ, & firmæ, aut salis, aut spiritus atomi, ut fermentationem, sic mixtionem omnem perficiunt. Nam generatio, & corruptio; vita & interitus fermentatione continentur, quam sæpè promovet calor, frigus temperat: sed ingenuis certis elementis motus, & quidam velut libertatis amor; aut certè subtilis alicujus corporis agitatio illam efficit. Nam cœlestis illa Cartesii materies erit in subsidium vocanda, si sit omnis motus artifex. Hæc fortè spiritum vini liberè permeat, ejusque partes ita disponit, ut motus suos non interpellent: sed olei terebynthinæ accessu consueti illi turbantur motus: hinc pugna, & velut quædam inter liquores rixæ oritur, quam excitat subtile illud corpus, cujus æquabilis motus inhibetur.

Quare qui liquores sunt simplices, & uniusmodi, diu citra corruptionem, aut fermentationem asservantur: sed ubi cum aliis non tam infensis, quàm diversis confunduntur, statim fit ebullitio: quædam, fermentatio, & interdum corruptio. Jam reliqua, quæ nobis opponunt, videamus.

Quærunt, utrùm in eadem parte ossis elementa insint omnia. Quid ni? cùm in ea pars quæque mixti corporis resolvatur. At contraria sunt inter se ignis & aqua, neque in eadem sede morari possunt. Primùm id negari potest. Non est quidem in elementis eadem agendi ratio; alia concitatus, alia tardius feruntur; quædam fortè in orbem, alia in rectum moventur: sed non idcirco contraria sunt. Verùm id demus ea sibi invicem esse infesta: nōne aliorum miscibilium interjectu temperantur? Ergò, inquis, non omnes ossis, aut ligni partes sunt homogeneæ, & sui similes. Nulla, inquam, est pars sensu perceptilis, quæ non sit homogenea: sed ubi corpus ignis, aut caloris gladio minutius conciditur, tum demùm intelligimus partes singulas sensu, vel minimas ex variis elementis, aut atomis esse compositas. Neque instar acervi tritici corpus illud aggregatum quoddam per accidens futurum est: quandoquidem elementa omnia accuratè mixta in unius naturæ compositionem veniunt, atque ex iis

una res, una essentia, quæ in se habet principium motûs, & quietis, exsurgit, & unumquodque elementum alteri se tradit, ut mutuâ perfectionum, & motuum cōmunionē, distinctam ab omnibus aliis naturam, uni præcipuæ actioni destinatam efficiant. Ac demum inter elementa unum quoddam excellit, quo reliqua devinciuntur, quod ea ab interitu vindicat, cui denique omnia ferè, quæ formæ tribuuntur, omninò conveniunt. Id enim principatum tenet; nomen sæpè & speciem, & vim agendi præcipuam cōposito impertit. Cùm excesserit, tum mixtionis solvitur vinculum, & singula elementa quasi gregarii milites amisso Imperatore in varias distrahuntur partes. Sic spiritus in animantibus, seu is naturæ unius & simplicis, seu multiplicis sit & variæ, potissimum regnat, huic ortus, incrementa rerum, ac vires primariæ tribuuntur. Spirituum quoque nomine intelligimus, subtilissimas elementorum particulas, quæ sunt maximè mobiles; quæque mixtionis, & operationum fontes existunt. Nam si elementa in se habent sui motûs principium, cùm ex atomis consent, hæc sanè minuta corpuscula non erunt omnis motûs expertia. Imò quò sunt ab aliorum vinculis solutiora, hòc celerius moventur. Cumque omnis actio motionē quādam contineatur, quis non videt elementa horum spirituum beneficio simul permisceri, & moveri, & operari. Nisi fortè malis omnis motûs fontes è cœlesti quādam, & tenuissimā materiā ducere. Verum id suo loco excussum est: interim illud meritò contendimus elementa, quæ sunt in mixto, nec solitaria operantur, sed junctis viribus in eandem, & communem conspirant actionem, longissimè abesse ab aggregato per accidens, cujus saltem pars aliqua in se sistit, & sui omninò est juris: ac plerumque singulæ partes suas, & sibi proprias exerunt actiones.

Quòd autem quærent, quibus ansulis nectantur elementa, jam suprà fecimus satis. Nec veremur, ne nos irrideant, cùm miscibilium corpuscula mutuis vel ramis, vel contactu solo, vel tanquam serica fila convolutione quādam, vel aliis modis inter se devinciri dixerimus. At, inquit, partes diversi generis & naturæ non continuæ, sed contiguæ futuræ sunt. Quasi verò partes viventium organicæ, tam diversæ, tam dissidentes non continuæ sint. Quasi electrum ex auro & argento compositum partes non habeat inter se continuatas.

F I N I S.

INDEX.



# INDEX PRIMUS

## CAPITUM.

### LIBER PRIMUS

*De Principiis rerum naturalium juxta  
Platonicos.*

CAP. I. **D**E Principiis in  
universum jux-  
ta Platonicos, 547

I. *Quid inter Platonicos & Pe-  
ripateticos intercedat discrimi-  
nis.* 548

II. *Tripartita Philosophia ratio.*  
ibid.

III. *Quid & quotuplex principi-  
um.* 549.

IV. *Quotuplex causa.* 550.

V. *Opinio quorundam, qui nul-  
lam prater effectricem agnoscunt  
causam.* ibid.

VI. *Diversa conciliantur opinio-  
nes.* 551.

VII. *Qua sit rerum omnium se-  
ries.* ibid.

VIII. *De primo rerum gradu, seu  
de primo uno.* 553

IX. *Utrum unum sit ente supe-  
rius.* 554.

CAP. II. De existentia DEI.  
555

I. *DEUM existere ex triplici  
causarum genere demonstratur.*  
556.

II. *Idem in genere causa exem-  
plarum colligitur, ubi multa de  
humanâ cognitione, & intuitu  
veritatis addidimus.* 557

III. *Ut finem extremum DEUM  
existere ostenditur.* 558

IV. *Ex congenita DEI notione  
illius existentia colligitur.* 559.

V. *Ex prima mentis functione  
rationes plurima depromuntur.*  
560

VI. *In omni cognitione nostra  
quedam confusa DEI notio in-  
volvitur.* 561

VIII. *Ex*

- VII. Ex secundâ mentis actione idem colligimus.* 562.  
*VIII. Idem ex tertiâ mentis operatione.* ibid.  
*IX. Ex voluntate & appetitu idem conficitur.* 562.  
*X. Huc etiam pertinet Cartesii demonstratio ex ideâ entis summe perfecti.* 564.  
*XI. Hanc DEI notionem mentibus nostris esse insculptam.* 565.  
*XII. Quod existentia DEI in essentia divina conceptu includatur.* 569
- CAP. III. De Ideis, Numeris, & Pulchritudine.** 571.
- I. Quid sit mundus intellectualis.* 571.  
*II. Quid sit idea.* 572.  
*III. Omnis scientia ex Platone in cognitione idearum posita est.* 573.  
*IV. Quid numeri apud Platonicos.* 574.  
*V. Quid sibi velint Platonici per unitates, vel numeros divinos.* 575.  
*VI. De pulchritudine.* ibid.  
*VII. Triplex pulchritudo.* 576.  
*VIII. De pulchritudine corporum.* ibid.  
*IX. Unde illud pulchritudinis criterium.* 577
- CAP. IV. De mundo animali, & seminario.** 579
- I. De mundi anima juxta Platonicos.* 579
- II. Quid de mundi anima senserit Plato.* 579.  
*III. Resellitur illa sententia.* 580.  
*IV. Quid natura.* ibid.  
*V. De Providentia, & mundi regimine.* 581.  
*VI. & VII. Qua ab Epicureis in contrarium opponuntur.* 582.  
*VIII. Respondetur Epicureis.* 584.  
*IX. X. XI. Objecta diluuntur.* 585.  
*XII. Fatum triplex.* 587. 589.  
*XIII. Alia solvitur objectio de mali permissione.* 589.  
*XIV. De concursu divino.* 590.  
*XV. Alia ducuntur objectiones de providentia quadam.* 593.  
*XVI. De natura eotypa Platonici cum aliis conciliantur.* 595.
- CAP. V. De mundo sensibili, ubi fusè de mundi origine.** 596.
- I. Quod in tempore mundus conditus sit.* ibid.  
*II. Multa in contrarium opponuntur, & solvuntur objecta.* 597.  
*III. De creatione mundi in universum.* 597.  
*IV. Distinctio partium universi.* 601.  
*V. De ornatu cæli & terræ.* 603.  
*VI. De principiis mundi sensibilis, materia, videlicet & forma.* 604.

## LIBER SECUNDUS.

*De Principiis rerum juxta Peripateticos, Epicureos, & Cartesianos.*

CAP. I. **D**E Principiis rerum juxta

Peripateticos. 606.

I. Quis sit Philosophia Peripatetica character. ibid.

II. Veterum de principiis placita explicantur. ibid.

III. Principia esse ex Aristotele contraria. 607.

IV. Tria esse ex Aristotele generationis principia. 607.

V. Argumenta in contrarium, & quomodo solvuntur. 608.

VI. Quid nobis de numero principiorum videatur. 609.

VII. De materia prima existentia. 610.

VIII. Quid sit materia prima. 611.

IX. Utrum materia sit pura potentia omnis actus experta. 611.

X. Materiam non esse expertem omnis actus Physici. 612.

XI. Materiam nihil fortè esse quàm elementa. 613.

XII. Varia proponuntur, & diluuntur objectiones. 614.

XIII. Quid constituat individuum. 615. per se & per accidens. 617.

XIV. De formarum notione, & existentia. 618.

CAP. II. De formarum origine, ubi de rerum ortu & interitu. 621.

I. & II. Sententia Fernelii, de formarum origine. ibid. Refellitur. 622.

III. Quae sit causa animalium, quae ex putri materia gignuntur. 623.

IV. Opinio Themistii & Scaligeri 626. Refellitur. 627.

V. Quomodo hac opinio defendi possit 628. Variæ objectiones, & solutiones. 629.

VI. Opinio communis proponitur. 630.

VII. Eductio formarum impugnatur. 631.

VIII. Variarum opinionum conciliatio. 634. Quid sit forma. 635.

IX. Objecta diluuntur. 637. Diversae de formarum naturâ & origine sententiae componuntur. 638.

X. Conciliatio opinionum. 641.

Hhhhh

CAP.

**CAP. III. De Principiis juxta Democritum, & Epicurum.** 642.

- I. Quid atomi, & quibus rationibus demonstrantur. 642. 643.
- II. Utrum atomi consent ex punctis mathematicis. 643.
- III. An continuum sit infinite divisibile. 644.
- IV. An partes sint actu in continuo. Unde continuitas & unitas. 645.
- V. Nulla esse in continuo puncta. 646.
- VI. Quomodo inter se vinciantur atomi. 648.
- VII. Unde tanta rerum varietas ex atomis; ubi de generatione. 649.
- VIII. De vacuo. 651. De figuris atomorum. 652. & 653.
- IX. Satisfit objectionibus. ibid.

**CAP. IV. De Principiis rerum juxta Cartesii, & aliorum juniorum placita.** 656.

- I. Qua sit forma Philosophiae Cartesianae. ibid.
- II. Quid natura, & quomodo natura opera ab artefactis differant. 657.
- III. Quid materia, quid corpus. 657.
- IV. Forma notio, & natura. 658.
- V. Tria esse ex Cartesio elementa. 660.

VI. Quibus rationibus materia subtilis persuadeatur. 661.

VII. De generatione. 663.

VIII. Quadam adversus hac principia proponuntur argumenta. 666.

IX. Principia Cartesiana diligentius excutiuntur, & primum de notione corporis. 669.

X. & XI. De triplici dimensione corporis juxta Cartesium. 670.

XII. Refellitur sententia. 671.

XIII. De integritate corporis Christi. 673.

XIV. De accidentibus corporum. 674.

XV. Cartesiana Philosophia decretum. 675.

XVI. Opinio Magnani de speciebus sacramentalibus. 675. 676.

XVII. Varias esse acceptiones substantiae & accidentis. 677.

XVIII. Wiclefi sententia. 678.

XIX. De speciebus. 679.

XX. Alia opinio. ibid.

XXI. Fides non illigatur decretis philosophorum. ibid.

XXII. Rationes omnes diluuntur. 680.

XXIII. Heterodoxorum opiniones. 681.

XXIV. Dissolvuntur. ibid.


XXV. Alia adducuntur rationes. 682.

CAP.



CAP. V. De tribus elementis, ubi fusè de motu & illius legibus. 683.

I. Trium elementorum origo ex Cartesio. ibid.  
II. Præcipua motuum, & naturæ leges. 685.



## LIBER TERTIUS.

## De Elementis.

CAP. I. **D**E Elementis in universum. 695.

I. Elementi notio. 696.

II. De numero elementorum vulgaris opinio. ibid.

III. Qualitates elementorum ex communi sententia. 697.

IV. Quid videatur Chymicis de numero elementorum. 697.

V. De mercurio, sulphure, & sale in universum. 699.

VI. De qualitatibus Elementorum, & Chymicorum placitis. 700.

VII. Utrum elementa in se invicem transmutentur. 701.

VIII. De numero elementorum varia sententia conciliantur. 702.

IX. Objecta diluuntur. 705.

X. Qualitates elementorum explicantur. 706.

XI. Peripateticorum opiniones. ib.

CAP. II. De igne. 707.

I. Triplex ignis differentia. ibid.

II. De motu ignis. 708.

III. Ignis generatio ex Epicureis. ibid.

IV. Ignem esse actum in mixto corpore. 709.

V. Epicureorum & Chymicorum de ignis natura consensio, & utrique cum Aristotele conciliantur. 712.

VI. Quid flamma. 713.

VII. Cartesii de igne sententia, & cum aliis conciliantur. 714.

VIII. Quæ in hac opinione nobis difficilia videantur. 717.

IX. Quædam flammæ phænomena. 718.

X. De cæco igne, qui in calce, & aliis inest corporibus. 720.

CAP. III. De aëre. 723.

I. Quis sit aëris usus, quæ forma. ibid.

II. De naturâ aëris. 724.

III. De naturâ ætheris. 725.

IV. De vi elasticâ aëris, ubi varia experimenta proponuntur. 725.

V. De novis experimentis circa vim elasticam aëris. 727.

Hhhhh 2 VI. Lal

VI. Multa hoc loco experimenta,  
qua in pneumatica machina re-  
cens facta explicantur. 730.

VII. ad IX. Cetera fusiùs in li-  
bro. 733. seqq.

CAP. IV. De Aqua. 738.

I. Aqua natura. ibid.

II. Quibus constet corpusculis. 739.

III. Cur aqua gutta globosa sunt.  
740.

IV. Qua corpora exolvat aqua.  
742.

CAP. V. De Terrâ. 744.

I. Terram esse elementum. ibid.

II. Terra cum sale conjuncta fir-  
mitatem rebus tribuit. 745.

III. Terram cum aquâ & aliis  
principiis minus pertinaciter  
coherere. 747.



## LIBER QUARTUS.

### De Principiis Chymicorum.

CAP. I. **D**E principiis  
Chymicorum  
in universum. 748.

I. & II. &c. Fusiùs explicantur in  
libro. 750.

CAP. II. De Mercurio. 751.

I. Quid mercurii nomine Chymici  
designent. ibid.

II. Multi à sulphure eum non di-  
stinguunt. 751.

III. Exploditur hac opinio. 752.

IV. Satisfit objectionibus. 754.

V. Triplex spirituum status. 755.

CAP. III. De sulphure. 756.

I. Notio & natura sulphuris. ibid.

II. Triplex sulphuris status. 757.

III. Ad VI. Fusiùs in libro. 758. seqq.

CAP. IV. De sale. 760.

I. Salem esse actu in corporibus.  
ibid.

II. Qua arte sal, è cineribus elici-  
atur. 761.

III. De sale metallorum, ubi de vi-  
triolo. ibid.

IV. Qua causa unicuique sali cer-  
tam figuram addicit. 763.

V. Solem esse compactionis causam.  
ibid.

VI. Triplex salis status. 764.

VII. Cur sal fluidus metalla exsol-  
vit. 766.

VIII. De sale volatili. 768.

IX. Quorundam recentiorum opi-  
niones. 769.

X. De sale fixo & volatili. 770.

XI. De sale alcali. ibid.

XII. De sale tartari. 771.

XIII. Qui-

XIII. *Quinam sales è plantis eliciuntur.* 771.

XIV. *Sal ex fossilibus quis?* ibid.

XV. *An sal fixus in metallis.* ibid.

CAP. V. De mixtione corporum. 772.

I. *Varia de mixtione sententia.* ibid.

II. *In mixto manent elementa.* 774.

III. *Variis experimentis idem ostenditur.* ibid.

IV. *Satisfit objectionibus.* 775.

V. *De triplici rerum statu, & primò de cruditate.* 780.


VI. *De maturitate.* 781.

VII. *De corruptionis statu.* 782.

CAP. ULT. De corporum resolutione. 784.

I. *An resolutio fiat usque ad materiam primam, & solvuntur objectiones.* 784. 785.

II. *Varia conciliantur opiniones, & multa solvuntur argumenta.* 785.



## INDEX SECUNDUS RERUM PRÆCIPUARUM.

A.

**A** Cetum. 767.

Aër, quis sit ejus usus, quæ forma. 723. natura. 724. vis ejus elastica. 725.

Æther, ejus natura. 725.

Anima Mundi juxta Platonicos. 579. seqq.

Animalia, quæ sit causa eorum, quæ ex putri materiâ gignuntur. 623.

Aqua. Ejus natura. 738. quibus constet corpusculis. 739. cur ejus guttæ globosæ sint. 740. quæ corpora exsolvat. 742.

Atomi, quid sint, & quibus rationibus demonstrentur. 642. utrum ex punctis consent Mathematicis. 643. quomodo inter se vinciantur. 648. unde ex iis tanta rerum varietas. 649. eorum figuræ. 652. 653.

C.

**C**ausa, quotuplex. 550. opinio quorundam, qui nullam, præter effectricem agnoscunt causam 550.

Christus, ejus corporis integritas. 673.

Cælum, ejus ornatus. 603.

H h h h h 3

Con.

Concursus divinus. 590.

Continuum an sit infinite divisibile. 645. in eo nulla sunt puncta. 646.

Corpus. An resolutio Corporum fiat usque ad materiam primam. 784. quid sit. 657. Christi corporis integritas. 673. accidentia corporum. *ibid.*

Corruptio, ejus status. 782.

Creatio mundi in universum. 601.

Creatio discernitur à generatione. 633.

Cruditatis. 780.

D.

**D**ECIS, existit ex triplici causarum differentia. 556. seqq. cur permittat mala. 590.

E.

**E**LEMENTA sunt numero tria. 660. eorum origo ex Cartesio. 683. elementa in universum. 695. elementi notio. 696. de numero eorum vulgaris opinio. 696. eorum qualitates ex communi sententia. 697. quid Chymicis videatur de eorum numero. *ibid.* eorum qualitates. 700. explicantur. 706. in se invicem non transmutantur. 701. de eorum numero variae sententiae conciliantur. 702.

Ens per se & per accidentia quid sit. 617.

Existentia DEI 555. includitur in essentiae divinae conceptu 569.

F.

**F**ATUM quid. 587. triplex. 589. Fermentatio. 777.

Fides non illigatur decretis philosophorum. 679.

Flamma quid sit. 715. quaedam flammæ phaenomena. 718.

Forma. Earum notio & existentia. 618. Origo. 621. quid sit. 635. ejus notio & natura. 658.

Fortuna quid 587.

G.

**G**ENERATIO. 663. tria ejus principia. 607. discernitur à creatione 633.

I.

**I**DEA. 571. 572. earum sunt plures. *ibid.* in earum cognitione omnis scientia, ex Platone, est posita. 573.

Ignis non est sub Lunæ concavo 698. ejus triplex differentia. 770. motus. 708. generatio. *ib.* est actu in mixto corpore. 709. Epicureorum & Chymicorum de ejus natura consensus. 712. Cartesii de igne sententia, & cum aliis conciliatio. 714. coecus ignis, qui in calce & aliis inest corporibus. 720.

Individuum quid constituat. 615.

M.

**M**ATERIA prima. Ejus existentia. 610. quid sit. 611. utrum materia sit pura potentia omnis actus expers. *ibid.* non est expers omnis actus physici 612. nihil fortè est quam elementa. 613. quid materia. 657. materia subtilis, quibus rationibus persuadeatur. 661.

Maturnitas. 781.

Mer-

Mercurius, 699. quid ejus nomine Chymici designent. 751.  
Multi eum à sulphure non distinguunt. 751.

Mixtio corporum. 772.

Mixtum, in eo manent elementa. 774.

Motus, præcipuè Motuum Leges. 685.

Mundus intellectualis quid sit. 771.

Mundi anima juxta Platonicos. 579. regimen. 581. in tempore conditus. 596. de ejus creatione in universum 601. Mundi sensibilis principia. 604.

N.

**N**atura quid sit. 580. & quomodo ejus opera ab arte differant. 657. ejus Leges præcipuè. 685.

Nitrum. 765.

Numeri quid sint apud Platonicos. 574.

P.

**P**eripatetici, quid inter eos & Platonicos intercedat discriminis. 548.

Philosophia: ejus ratio tripartita. 548. peripateticæ character. 606. Philosophiæ Cartesianæ forma. 656.

Platonici, quid inter eos & Peripateticos intercedat discriminis. 548.

Principium, quid & quotuplex. 549. veterum de Principiis placita explicantur. 606. Sunt contraria. 607. generationis principia *ibid.* quid auctori de numero principiorum videatur. 609.

Principia juxta Democritum & Epicurum. 642. juxta Cartesium. 656. principia Chymicorum. 748. Providentia 581. seqq. rebus contingentiam non adimit. 587. Pulchritudo 575. corporum. 576. seqq.

R.

**R**egimen mundi 581.  
Resolutio, An fiat usque ad materiam primam. 784. seqq. 8.

**S**al in universum. 699. est actum in corporibus 760. quâ arte è cineribus eliciatur. 761. Sal metallorum *ibid.* quæ causa unicuique salî certam figuram addicat. 763. est compactionis causa. *ib.* ejus triplex status. 764. fusio. 765. cur sal fluidus metalla exsolvat. 766. Sal volatilis. 768. 770. fixus. *ib.* alcali. 770. tartari. 771. qui nam è plantis eliciantur. *ibid.* seqq.

Scientia omnis ex Platone, in cognitione idearum posita est. 573. Spiritus eorum triplex status. 755. Sulphur. 699. ejus notio & natura. 756. Status. 757. Suppositum quid sit. 617.

**T**artarus. 764.  
Terra, ejus ornatus. 603. est Elementum. 744. cum sale conjuncta firmitatem rebus tribuit. 745. cum aqua & aliis principiis minus pertinaciter coheret. 747.

**V**acuum. 651.  
Vitriolum. 761.  
Unum, utrum sit ente superius. 554.